



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

B 1,122,441



THE GIFT OF
Franklin H. Walker



879

V9

H6

186

V. 2



2 VIGILIUS

1880



P. VIRGILIUS

M A R O



P. VIRGILIUS
MARO Y1333
VARIETATE LECTIONIS

ET

PERPETUA ANNOTATIONE

ILLUSTRATUS

A

CHR. GOTTL. HEYNE

obit 1812

ACCEDIT INDEX UBERRIMUS

EDITIO NOVA ACCURATA

VOLUMEN SECUNDUM
ÆNEIDIS LIBRI I-VI

Londini

TYPIS EXCUDIT J. F. DOVE

VE NEUNT APUD RICARDUM PRIESTLEY

MDCCCXXI

878

V9

H6

1821

V.2

DISQUISITIO I

DE CARMINE EPICO VIRGILIANO

DE *carmine epico* universe multa disputare, cum tot habeamus libros, in quibus copiose et accurate de eo præceptum est, et cum pauci sint, quibus expediat, ut in præceptis diu detineantur, inutile esse arbitror. Neque etiam talis disputatio ullam ad adolescentum animos habere potest vim aut afferre utilitatem, nisi uno jam vel altero carmine epico perlecto diligenter, et docte enarrato; ne nunc illud moneam, præceptis istis et disputationibus omnino plus promitti quam præstari. Pleraque enim, quæ utilitatem habent, talia sunt, ut ab ingenio liberaliore, ubi unus vel alter poeta perlectus fuerit, vel, nemine monente, facile animadvertantur; vanis autem et inanibus subtilitatibus et argutiis ætas illa melius caret. Tum utilitas, quam præstant, intra iudicium de aliorum ingeniorum monumentis qualecunque ferendum subsistit; ut ii vero, qui ingenii sui vires ipsi experturi sunt, ex illis præceptionibus paullo plus quam ex uno vel altero bono exemplo proficiant, expectari non potest. Eos tamen, qui adolescentibus poetas interpretantur, librorum illorum doctrina imbutos esse velim quam maxime; nam ita demum, ubi ipsi virorum doctorum disputationes accurate cognoverint et animo teneant, in promptu habebunt, in singulis rebus et causis monere commode et cum fructu enarrare ea, quæ adolescentum ingenia alere, iudicia acuere, elegantiae et virtutis sensum aut instillare aut excitare animis possint. Omnino enim præcipiendi hisce de rebus utiliter et cum fructu ad adolescentum animos genus est unum et fortasse solum, ut non universo de genere multa subtiliter disputentur, verum ut in ipsa interpretatione poetæ in singulis locis, rebus, personis ac sententiis ea moneantur salubriter ac brevissimis, quæ ex re præsentī et oculis subjecta claritatem suam habent et veritatem. Adolescens qui-

jus opera in hunc, quem dixi, modum instituta enarratum audierit, disputationes illas *æstheticas* (quidni enim hoc nomine utamur, cum rei designandæ vocabulum aliud idoneum non suppetat?) forte non sine fructu aliquo posthæc cognoscet; sed initio a tali lectione facto si quis ad poetas cognoscendos pergere voluerit, an is ex subtili illa disputatione ad intelligendos et judicandos poetas multum profecisse se intellecturus sit, admodum dubito, nec, cui illud contigisset, quemquam vidi. Sed, ut perversis hominum nostrorum studiis occurratur, si modo occurri potest, satis hæc dicta esse arbitror.

I. Quæ hic a me exponenda sunt, pauca quidem et summatim, ad Virgilianum carmen sunt referenda. Ad hujus rationem intelligendam satis est tenere, *carmen epicum* universe nihil aliud esse, quam *narrationem omnibus numeris absolutam ac perfectam*, seu *narrationis genus præstantissimum et iis virtutibus, quæ huic generi inesse possunt, cumulatam*; *carminis itaque epici naturam positam esse in rei magnæ et arduæ, magno cum animo et consilio susceptæ et gestæ, narratione ad admirationem efficiendam instituta*. Ejusmodi enim narratio præstantissima est ex toto hoc rerum genere. *Admiratione* animis injecta quæritur hic ea, quæ omni carmini proposita est, sed in alio genere ab aliis causis proficiscitur, *delectatio*; quæ utique, si ingenuo et liberali animo digna esse debet, a rerum honestate et utilitate sejuncta esse nequit, et tanto exquisitior, generosior, et plenior est, quo majora virtutis adhortamenta et incitamenta cum hac ipsa voluptate animis se insinuant; ut adeo, si quis carmini epico magnum aliquod ac præclarum virtutis et vitæ, imprimis publicæ, præceptum subjectum esse debere dixerit, ad rerum utique veritatem dixisse ille videatur; sed poetæ epico talis utilitas ad philosophicas rationes exacta non ita proposita esse potest, ut poeticas rationes inde petat aut metiatur; *ut rerum narratarum admiratione animi afficiantur*, hoc summum est quod ille sequitur.* Ipsa autem rerum animorumque nostrorum natura ita fert, ut, quod a virtute et utilitate publica vacat, ad animos nostros admiratione impellendos vim satis magnam habere nequeat. Non igitur ulla ratione evenire potest, ut bonum carmen epicum contineat nihil, quod ad publicam et civilem utilitatem valere possit. Contra vero magna et ardua consilia,

* Hactenus bene veteres, etiam Grammatici. Auctor Vite Homeri (seu potius de virtutibus Homeri cum dictionis, tum sententiarum ac rerum): καὶ τὸ μὲν εἶδος παρ' αὐτῷ διήγησις τῶν πραγμάτων παράδοξις καὶ μυθώδης κατασκευάσται, ὑπὲρ τοῦ πληροῦν ἀγνίας καὶ θαύματος τοῖς ἐντυγχάνουσιν, καὶ ἐκπληκτικὴν τὴν ἀκρίβειαν καθιστάται. Gale Mythogr. p. 280, vel in Homer. Ernest. p. 153.

excelsi et magnifici animorum sensus, virtus ultra vulgarem mortalitatis modulum et morem animosa et fortis, nullis adversis casibus et periculorum terroribus infracta mens, salus civium et imperii majestas vel parta vel servata ac defensa, hæc eadem illa sunt, quibus maxime hominum animis admiratio injici potest, quæ ideo inprimis epico carmini idoneam materiam suppeditant. Conjuncta itaque cum eadem illa admiratione est utilitatis ratio, de qua non minus multa sunt disputata, quatenus poetæ epico proposita esse debeat. Narret ille magna, grandia, præclara; utilitas proficiscitur ex hoc ipso, quod magnos sensus et affectus, magnum animi robor, factis actisque expressum videmus.

II. Admiratio itaque, necesse non est, ut a rerum et naturæ miraculis petatur; sed, quod facile unusquisque intelligit, *admiratione* animos nostros afficiunt omnino *res a magna animi virtute* profectæ; non quidem, qualem præcepta philosophiæ informaverint; sed vim dicimus animi insignem in excogitandis consiliis, vel in iis exsequendis prudentiam, in laboribus perferendis constantiam, in adeundis periculis audaciam; etiamsi illa a gloriæ et laudis studio, aut ab ira, odio, vindictæ cupiditate profecta fuerit aut ad immania et sæva facta eruperit.* Convenit itaque omnino, ut a magno viro, magna ingenii vi, magnis corporis viribus, magnis animi motibus et affectibus, inter magnas difficultates, casus et pericula, magnis præsidiis et auxiliis, magnis de causis susceptæ et gestæ res sint; atqui eadem fere res etiam eventu claræ et insignes magnique exempli esse solent, ut aut magni alicujus viri aut populi vel civitatis aut generis adeo humani fortunas in utramque partem contineant. Magnitudinis adeo vim, notionem ac sensum, tamquam animam, omnia permeare, animare et movere vides. Non difficilis est ad cognoscendum in rhetoricis et poeticis locus de magnitudine; nec tamen omnis magnitudo epici carminis indoli est accommodata, sed ea maxime, quæ a sensibus et a phantasmatibus proficiscitur, quippe quæ eadem ad animos movendos et admiratione imbuedos inprimis valet; sed hæc quidem passim a viris doctis satis diserte sunt exposita.

III. Jam natura ita fert, ut, qui *magnæ et mirandæ rei narrationem* instituit, ejus magnitudine contactum et graviter affectum animum ipse habeat, motusque adeo animi sui vultu, gestu, inprimisque *oratione* pro-

* Etiam prave mores ferre carminis epici naturam, ab eodem vetere Grammatico, quem paullo ante excitavi, pronuntiatum, et alio forte sensu: poetam necesse est (sensus requirit τούτῳ γὰρ δεῖ, nam παρὸντα δὲ corruptum est) μιμῆσθαι οὐ μόνον τὰ χεῖροτὰ ἔχειν, ἀλλὰ καὶ τὰ φαύλα· ἀνευ γὰρ τούτων παραδεδόται πράξεις οὐ συνίστανται.

dat; laborabit mens, rerum specie percussa, ut, quæ sentit, aliis impertiat, incidet in nova rerum phantasmata, adhibebit troporum, figurarum, gravium aut ornatorum verborum tamquam machinas ad efficiendum quod vult. Altera ex parte non minus in aperto est, ut admiratione tanto magis teneatur audientis animus, non modo rem gestam, quæ narratur, et actionem eo attemperatam esse debere, ut mirationem faciat; verum etiam *narrationis genus et rationem* ad admirationem efficiendam vel tuendam idoneam requiri. Qua de re plura monere nihil attinet. Quis enim non videt, orationis genus esse debere nec humile nec molle, sed forte, acre, magnificum, ornatum, etsi pro argumenti diversa natura diverse attemperatum, et quæ sunt alia. Ab eadem hac caussa proficiscitur illa necessitas, ut *carminē* instituenda sit narratio; quandoquidem id genus orationis est præstantissimum (*perfectum* nostri homines, hoc est suis numeris absolutum, dicunt), idemque potentissimum ad tenendos et delectandos animos audientium, ad sensus magnos affectusque movendos, rerumque mirabilium phantasmata cum elicienda et conflanda tum exprimenda vivide et animanda. Nullum autem metrorum genus ad narrationem epicam virtutes habere tam multas et tam magnas, quam hexametrum, et sensus quemque suus docet, et multis virorum doctorum disputationibus est declaratum.

IV. A binis hisce tamquam principiis, ut et res narratæ admirationem faciant et ipsa narratio animum admirationis voluptate delinitum teneat, repetenda sunt omnia, quibus carminis epici argumentum, personæ epicæ, facta, virtutes ac characteres, sententiæ, oratio ac dictionis genus constituuntur; verbo *admiratione quæsita delectatio moderatur in hoc genere omnia.*

Potest autem accidere mentibus nostris admiratio rerum vel hominum modo cum molliore modo cum graviore animorum impulsu; miramur enim alia attonitis similes, alia terrore perculsi, alia cum ira, odio, alia miseratione commoti; interdum magno cum animi æstu miratio est conjuncta, interdum cum leniore ac remissione impetu, et cum molliore et suaviore animi affectu. Quo ipso sequitur, ut magna in hoc genere esse possit varietas pro argumenti natura diversa, utque inanis sit virorum doctorum opera, qui Homeri ac Virgilii exemplis omnem carminis epici naturam circumscribere voluerunt.

Eam admirationem rerum, quæ cum terrore aut cum miseratione et graviore omnino animi affectu mentem impellit, inprimis ad tenendos animos valere, magnamque delectationem habere, quis non videat et naturæ humanæ esse consentaneum intelligat? Res ex parte animad-

versa in opinionem induxerat Marmontelium,* ut intra tragicos affectus non minus epicum genus contineri, et idem argumentum in utrumque usum accommodari posse existimaret. Sed dramate latius patere carmen epicum, hoc est, narrationem per causas et consilia expositam; et magnos affectus non nisi unam esse ex pluribus admirationis movendæ causis, ex superioribus facile intelligitur. Ne illud moneam, epici carminis virtutes multas ex narrationis bonæ indole et natura esse petendas, ad quam utique cum ceteris et hoc spectat, ut tanto dulcior sit omnis narratio, quanto magis illa animum terrore vel miseratione exagitat; ut vero, quod vir elegantissimus arbitrabatur, sutilis aliqua tragicarum actionum compages bonum epos efficiat, valde vereor. Alia res est, si quis profiteatur, ex epici carminis partibus bonas tragædias fieri posse, de quo jam Aristoteles egit Poet. c. 23 et 26.

Illud interea negari nequit, cum id, quod admirationis majoris vim et causam habet, ad animos nostros movendos tanto sit potentius, *heroica argumenta* genus epici carminis nobilissimum constituere; inprimis si ex *heroicis temporibus* petitum fuerit, quibus *deorum interventu* res aut gestæ sunt aut geri creditæ; etsi minus bene a Batteusio et aliis tota epici carminis vis ab his deorum ministeriis deduci cœpit. Nec quicquam infelicius cedere potest, quam ubi deorum aut geniorum opera uti voluere poetæ iis in rebus exponendis, quas non nisi hominum consilio et manu gestas esse satis constabat.

V. Reliqua, quæ de carmine epico præcipi solent, partim ex *narrationis bonæ ratione ac præceptis*, partim ex *poeticæ orationis genio*, quatenus in utroque summa perfectaue ratio quæritur, repetita sunt et facile repeti possunt; v. c. quæ de episodiis argute magis quam vere disputantur; et quæ de unitatis lege præcipiuntur. Una debet esse actionis summa, si quidem summus in hoc admirationis injiciendæ genere effectus propositus est poetæ; ne distrahatur audientis animus infringaturque adeo sensus affectusque vis et intentio, si ad plura avocetur. Neque in his animos generosiores diu detineri velim. Pleraque enim sunt talia, ut, nisi quis tardissimi sit ingenii, primo statim rerum objectu ea percipiat. Quorsum enim operose multa conscribere aut commemorare, ut factum, quod argumentum epicum contineat, doceas esse debere unum, et absolutum, et intra justum temporis spatium comprehensum? quorsum de nectendo et dissolvendo nōdo, h. e. de difficultatibus aut motis, aut objectis? de episodiorum affi-

* *Poétique Française* T. II, p. 254 sqq.

nitatem et nexum cum epica narratione? Hæc intelligere et assequi haud adeo difficile est;* difficultates paullo majores tunc nascuntur, si in rem præsentem deducendæ sunt istæ disputationes, ut appareat, quæ ratione et arte in magno factorum numero argumentum carminis ita digeri et adornari possit, ut ad unitatem deducatur res. Hoc ingenio poetæ relinquitur; qui, si ad hoc satis ingenio valet, multo magis præceptorum istorum copiosa expositione carebit.

Ut vero admiratio rei magnæ animum tenere et delectatione perfundere possit, quis porro non videt, ea omnia a poeta curari et sagaciter provideri debere, quæ ad illud consilium prodesse, caveri debere ea, quæ obesse possint? adeoque ante omnia lectoris animum *argumenti notione aliqua* esse imbuendum, ut nec tamen exsatiatur; *in mediam rem* esse rapiendum, ut nec tamen rerum novitas obscuritate laboret; cumque omnia ad sensus et phantasmata in carmine redeant, *rerum objectarum præstigiis ita deliniendum et fallendum*, ut jam in alia rerum natura et ordine, alia cogitandi, sentiendi, et agendi via et ratione, aliis temporibus, inter alios homines, et extra se solitumque vitæ tenorem constitutus, *in nihil incidat*, quo expergefactus quasi ex aureo somnio *sibi lusum fieri animadvertat*; id quod sine indignatione et pœnitentia aliqua ejus, qui ad se rediit, fieri non potest. Hinc a viris doctis multa disputata sunt de *probabilitate poetica ac mythica et de verisimilitudine*, quam poeta sectari debet, qui non ipse vult sua acta rescindere. Omnino ad hanc *γῶνταις illusionem*, quam recentiores commode vocant, pleraque, quæ de carmine epico cum utilitate aliqua præcipi possuunt, revocare in promptu est; et ad hanc normam vel maxime revocare soleo ea, quæ de multis Virgilit locis a viris doctis disputata sunt.

VI. *Virgiliani igitur carminis*, nam ad hoc ea, quæ dicenda habeo, revocanda mihi sunt, dotes ut recte discernant ac perspiciant, ad id intendant animos adolescentes, auctor sum, *ut, quantum cum in toto argumento tum in singulis partibus insit ad mentes admiratione non sine voluptate tenendas, considerent*. Exponitur a poeta *Æneæ ex Troja capta profugi, post longos errores, in Latium adventus, et condita ab eo in his locis Trojanorum colonia novaque parata sedes*. Debebant hæc certo consilio esse suscepta; cum autem Trojano homini vix in animum venire posset, ut in terris longinquis et ignotis certum animo designatum locum quæreretur, opportune adhibita sunt *fata a diis monstrata*.

* Exposita ea sunt a multis: præferam tamen dicta a Sulzero in *Allgemeiner Theorie der schönen Künste* in voc. *Heldengedicht*; etsi nonnulla sunt, in quorum causis reddendis aliter sentiam. Multo minus ei adstipulabor in altero loco: *Æneis*.

Quis autem non facile intelligat jam ab initio, rem esse magnam, arduam, et admirationis aliquantum habentem, quod profugus aliquis ex urbe incensa et exul fatis ducentibus in tam longinqua terra, in Latio, novas sedes ponit? Quis non in summis periculis ac discriminibus, in navigatione et mox in Italia objectis, inque malis aut fortiter toleratis aut animose depulsis, novam admirationis efficiendæ videat esse materiam? nec minus in singulis carminis partibus, in motibus et affectibus animi, in moribus, sententiis? et eidem consilio accommodatum esse orationis genus et colorem et ornamenta? In his ac similibus disertus esse potest facile unusquisque carminis interpres.* Voluptas autem aliter ex nostro, aliter ex Romanorum sensu, quibus ille scribebat, est dijudicanda. Ipse rerum narratarum nexus cum rebus Romanis, animis quidem revocatis ad earum origines et ad gentis stirpes: altera ex parte subjecta tamquam fundus narratio Homerica, cui partem carminis sui superstrueret, altera ex antiquitate Italiæ petita: qua et is delectabatur, qui Græcas litteras didicerat, et is qui Italicis tenebatur: hæc omnia, quantam voluptatem afferre Maronis popularibus certe sæculi Augustei debuerunt!

VII. *Rerum quidem inveniendarum* laudem Virgilius habet admodum diversam ab Homero, nec tamen nullam aut contemnendam. Hic materiam nactus erat tantum non rudem; ille jam a multis tractatam. Homerus famam acceperat, quæ res tamquam vere gestas cum fide narraret; easdem multorum poetarum ingeniis ornatas et variatas, tamquam materiem, in qua illi se exercuerant, Virgilius accipit, novo more ac consilio tractandam, alia ætate, inter alios homines, hominumque sensus et judicia diversa. Alterum cum eo comparem, qui veræ historiæ exornationem suscipit, alterum cum Milesiæ narrationis auctore. Scilicet Homerus id agebat, ut narrationem institueret rei ex sua opinione ac persuasione vere ita gestæ, cujus magnitudine contactam et inflammatam habebat mentem; propius attingebat tempora heroica, ipsam rerum famam sequebatur, qualis ea in popularium ore

* Egregius est ad animi mei sententiam declarandam locus Baconis de augm. Scientiæ lib. II, c. 13, p. 80. Opp. T. I non reprehendendus ille, si ad epicam poesin revocet: "Cum mundus sensibilis sit anima rationali dignitate inferior, videtur poesis hæc humanæ naturæ largiri, quæ historia denegat, atque animo umbris rerum utcumque satis facere, cum solida haberi non possint. Si quis enim rem acutius introspeciat, firmum ex poesi sumitur argumentum, magnitudinem rerum magis illustrem, ordinem magis perfectum, et varietatem magis pulchram, animæ humanæ complacere, quam in naturâ ipsa post lapsum reperire possit. Quapropter etc." Dignus enim totus locus est qui perlegatur.

ferebatur, cum ipse temporum decursus omnia in majus auxisset, et, ut in majorum factis et prisci ævi rebus fieri solet, humana facta ad divinam aliquam speciem ac dignitatem evexisset; deorum itaque ministeriis omnia exsequebatur, quoniam priscis hominibus hoc erat persuasum, humanis rebus gerendis interesse deos præsentés multoque magis præsentés adfuisse rebus gestis patrum ætate, injicere eos hominum animis bona vel prava consilia, objicere pericula ac discrimina, irasci, dolere, metuere, sperare; versabatur sub eodem cælo et adiebat ea loca, in quibus res illæ, a fama tam magnifice ornatae, fuerant gestæ; utebatur sermone, natura sua poetico, hoc est, per philosophorum subtilitatem, et rhetorum ac grammaticorum argutias, nondum fracto et attenuato, sed qui multum adhuc retinebat ex antiqui sermonis indole. Est autem omnium rudium linguarum ea indoles, ut res ad sensum revocet, adeoque sensa animi et cogitata, etiam physicas et ethicas sententias, per rerum naturas, proprietates, vices, utilitates, propter similitudinem aliquam translatas vel adumbratas, declaret; quibus omnibus poetica vis vel maxime inest. Hæc si ad sermonem priscum Græcorum transferimus, non mirabimur evenisse, ut philosophorum quoque antiquiorum opiniones vel præceptiones, rudium ingeniorum impetu pronuntiatæ, speciem narrationis factorum et eventorum induerent. Ortus v. c. mundi ex chao per pugnam elementorum in personas et deos commutatorum ab iis erat enarratus. Successit ecce Homerus, qui ea maxime ingenii sollertia est usus, ut videret, narrationes has poetarum superiorum, quibus illi philosophicas doctrinas interpretabantur, omnino narrationum poeticarum loco inservire posse, ita ut, quæ a poetis ante se, ex prisci sermonis natura, exposita essent symbolica rerum cogitatarum adumbratione, ea a se pro factis et fatis deorum narrarentur. Hac potissimum ratione doctrinam de diis poeticam et systema aliquod mythologicum condidisse; saltem posteris reliquisse videtur Homerus; cumque ad epicam et dramaticam rerum expositionem egregie esset accommodatum, in poetarum inde patrimonium illud cessit.* Ut rem absolvam verbo, Homérico ingenio obstetricabantur et, ut sine doctrina doctrinam, sine arte artem habere

* Diligentius ab eo inde tempore (a. LXX) de his, quæ summam veteris poetices et mythices continent, a me actam est in *Commentatione de origine et causis fabularum Homericarum* 1777 (in *Novis Commentariis Soc. Reg. Gotting. T. VIII*). Add. *Prolusio de causis mythorum veterum physicis* 1764 (nunc recusa in *Opuscul. To. I, p. 184*) et de *Apollodoro et litt. myth. Commentat. in Not. ad Apollod. To. III, p. 911 sq.* et quatuor *Commentationes* in *Commentationibus Soc. Reg. Gotting. To. XIV. an. XCVII.*

videretur, efficiebant plurima, quæ, si ab isto ævo discesseris, omnibus poetis deesse necesse est. Virgilius itaque a libero isto ingenii et mentis impetu et præcipite motu interclusus, et tot entusiasmi fovendi, excitandi, et inflammandi adminiculis destitutus, priorum poetarum exemplis tanquam cancellis circumscriptus, ingenio frenis jam tum ab Aristotele aliisque injectis, ab arte necesse habuit petere omnia. Alio ille ævo, ab heroica ætate nimis remoto, inter diversissimas hominum, rerum, temporum, locorum ac cæli rationes, opus suum erat aggressus. Sine doctrinæ et multæ ac variæ lectionis copiis, nulla jam tum ingenii laus erat. Fracto in hunc modum mentis impetu, tamen vel sic magnum ejus etiam in inveniendis rebus ingenium ex his agnoscas: Primum vidit carmen epicum Homericum posse perfici et ornari; tum ejus vix esse posse argumentum idoneum, nisi ex ultima antiquitate et ætate heroum petitum. Est enim a natura res ita comparata, ut priscorum hominum, multo magis heroum, ipsa nomina, res gestæ et fata etiam per se non adeo memorabilia, animum humanum teneant et admiratione afficiant. Est porro illa ætate morum ac vitæ simplicitas ea, quæ poeticum ornatum sublimesque rerum formas et sententiarum gravitatem multo magis suppeditet, quam vita hominum elegantior; quando corporum magis viribus et animorum impetu ac virtute res gerebantur, quam consiliorum sagacitate, et artis vel ingenii subtilitate. Tandem gerendis tum rebus ipsi dii interfuisse credebantur. Ita deorum ministeriis res explicare et ex toto cyclo mythico, quæ vellet, depromere poterat. Italicis autem mythis in carmen admissis novam et et Græcis incognitam suavitatem adjecit.* Tum vero præclaro judicio argumentum ex vetere cyclo epico delegit, necdum tractatum a claro aliquo poeta, nec tamen plane intactum, et Homérico aliisque carminibus quasi contiguum ac finitimum.† Ita enim consequutus est hoc, ut materiam haberet copiosam, nec rudem, sed poetica tractatione ab aliis jam subactam et ad epicam dignitatem ac vim accommodatam. Personas et characteres; mores ac facta jam aliunde nota, commendata, constituta ac definita, optaverit sibi poeta unusquisque.‡ Illud vero ad intelligendum proclive est, quam expedita ac facilis esse debeat copia ornamentorum et episodiorum in tali argumento tam late fuso et patente; quod ipsum Homerus aut vidit aut sensit, cum ex toto belli Trojani decursu unum heroem, unum factum, selegit, ideoque infinitis

* De hoc vid. Excurs. IV. V. VII. VIII ad lib. VII, tum plures alios ad libros seqq.

† Vid. mox Disquis. II, et Excurs. I ad lib. II, Excurs. XVII ad e. l. et al. loc.

‡ Respectant versus Horatiani in Ep. ad Pison. 131 sqq. *Rectius Iliacum c.*

aliis rebus ex istius belli historia ad exornandum et amplificandum argumentum recte uti potuit. Hoc uno suo iudicio plurima præclara carminis sui præsidia et uberrimos fructus tulit Maro. Non novus est lectoribus rerum priscarum notitia aliqua imbutis heros, ejus fata ille exponit, nec Trojanorum nomen ac fortuna tam obscura, quin ab initio statim miseratione afficiamur et virtutis admiratione. Deorum autem interventus, Junonis et Veneris iræ et studia, ac partes iis tribuendæ, egregie erant jam ab Homero definitæ. Quando itaque primo statim Æneidis ingressu Junonis *memor ira, irarumque causæ, sævique dolores* memorantur: odia Junonia ex Homero statim succurrunt legenti et jam ab initio gravem de Æneæ fortuna sollicitudinem injiciunt.*

VIII. Poetæ sollertiam et acumen etiam in hoc spectari volo, quod non modo ex nobilissima antiquitatis parte, qualis rerum Troicarum est, verum etiam ex eò temporum articulo Æneidis argumentum duxit, qui intra paucorum annorum decursum ingentem vim illustrium facinorum ac memorabilium casuum conversionesque rerum mirabiles cum Græciæ et Asiæ tum Italiæ comprehendit. Nam exciso Ilio dici vix potest, quantopere ubique turbatum sit. Victi victoresque ad novas sedes quærendas per totum terrarum orbem dispersi vagabantur,† et versus occidentem maxime, qui tam parum adhuc Græcis notus erat, ut Circes insulam (Circeios Latii) pro extremis occidentis finibus habere, et ad hæc loca, tanquam incognita et rerum miraculis gignendis idonea, tot fabulose narrata referre posset Homerus. Primum tum à Græcis navigatio ultra Siciliam frequentari cæpit, cum ad illud tempus Phænices illa maria tenerent, nisi quod e Creta aliisque forte insulis paucæ naves Siciliam adibant.

Errores isti heroum ab Ilio redeuntium variis Græcorum carminibus *épícis*, *Nóστοι* ea inscripta erant, materiam et argumentum præbuerant; quæ si ad tempora nostra pervenissent, plura forte vestigia in iis deprehenderemus, quibus Virgilius institerat; quandoquidem in simili argumento cum iis versabatur. Sed eadem historiæ seu fabulæ de Achivorum reditu magnæ *tragædiarum Græcarum* parti materiam subjecerant, ut imprimis ex Euripide apparet, et multo magis ex tot deperditarum titulis intelligitur. Ex Græcorum autem tragædiis, imprimis Euripidis, omnino poetam plurimum profecisse ex iisque orationis suæ dignitatem

* Conf. Excurs. I* ad lib. I.

† Egregius est eam in rem Strabonis locus lib. I, p. 48 B, et lib. III, p. 150 A.

passim et majestatem, sententiarum quoque acumen, granditatem, pondus, interdum tragico propius,* affectuumque gravitatem tragicam, ut in Amata, in Didone, in Pallante, in Niso et Euryalo, comparasse equidem suspicor. Magna earum pars a superioribus poetis latine jam erat reddita;† quæ res poetæ non parum adjumenti ad orationis cultum et copiam afferre debuit. Ceterum his aliisque inventis emendavit vitia, quæ argumento inerant eumque haud parum premebant. Loca Italiæ, Siciliæ, Africæ, non erant ignota, ut Homeri ætate; itaque nec fabulis, quæ delectare possent, idonea; nisi in lectorum animis succurreret antiquitatis doctrina et amor; ut omnino poetica vis et delegatio, quam illa affert, plurimum mutuatur ex antiquitatis eruditæ, imprimis mythicæ, recordatione.

IX. Veniamus ad *dilectum in heroe*, quem sibi sumsit poeta, *factum*. Primum persona ejus, genus, fortuna, nomen ac virtus, et olim unumquemque liberaliter institutum, adeoque Homerica lectione imbutum, tenere debuit, et nunc tenet; qui casus eum in Italiam adduxerit, discere avemus; Trojanorum autem e patria incensa profugorum fata lubenter cognoscimus. Longa navigatio per mare ista ætate parum navibus frequentatum ad terras nondum humano cultu, quem aliquando accepturæ erant, celebratas quidni locum faciat plurimis periculis ac difficultatibus, quibus Æneæ virtus in admirationem sui rapere poterat? Infestæ deæ ira asperrima et ex altera parte tot deorum monitus expectationem faciunt magnam.‡ Quæ omnia cum ad rerum magnitudinem, quæ animum admiratione detineat, valeant, ad narrationis probabilitatem egregie quoque sunt comparata. Sed cum plura hujus generis narrari possint, et in Notis et Excursibus passim notata

* Imprimis hoc in novissimis Æneidis libris animadvertere licet, maxime in orationibus, ut Junonis lib. VII, 292 sq. Turni IX, 128 sq. Veneris et Junonis X, 16 sq. 62 sq. Dracis et Turni XI, 336 sq. 376 sq. Junonis ad Juturnam XII, 139 sq.

† Conf. ad lib. II Excurs. I.

‡ Singularis est Marmontelli censura in Virgilium (*Poétique Franç. T. II, p. 237*), soli superstitioni superstructum esse Æneæ in Italiam adventum, adeoque nisi ad animos superstitione simili tactos vim nullam habere posse. Ut verbo rem absolvam: Ponamus Æneam posthabitis deorum monitis in alia terra consedis, apud Didonem sedem fixisse, quod vir acutissimus malebat; et cogitemus, quo animo illud laturi simus inter legendum vel audiendum. Aliud est Batteusii acumen, qui narrationi de adventu Æneæ et Trojanorum in Italiam nihil inesse videt, quod humanitatis sensum attingat. Quid vero? alienum a te, si homo es, putabis, an magnus et virtute clarus vir ex incensa patria profugus, e clade suorum superstes, post tot ærumnas, et casus fortiter toleratos, tandem ad tutam sedem delatus sit?

sint, in dilectu tamen Æneæ magni poetæ ingenium ac iudicium doctum et exquisitum nihil magis arguit, quam quod eum potissimum Carminis sui heroem circumspect, qui in Italiam Trojanorum coloniam deduxerat, novum regnum in Latio constituerat, unde Albæ Longæ adeoque etiam Romæ origines repetebantur, quique adeo, etsi nec nobis ingratum esse potest, tanti imperii primas origines cognoscere, tamen Romanis, antiquitatis suæ tantopere studiosis, unus omnium maxime acceptus et commendatus esse debuit. Argute itaque et ingeniose in primis statim versibus poeta audientibus pollicetur narrationem rerum, a quibus origo Romæ deducta esset: *genus unde Latinum Albanique patres atque altæ mania Romæ*. Quam magnifica hæc promissio in fronte novi operis et ad animos expectatione erigendos idonea! De Ænea ejusque erroribus ac fatis omnes veteres annales Romanorum loquebantur, quod ex fragmentis passim a Sext. Aurelio Victore servatis et ex Dionysio ac Festo satis colligi potest; attigerat quoque Trojanas res Ennius in Annalibus, ut colligo v. c. ex fragm. pag. 6, eundemque Æneam in nonnullis, quæ interciderunt, Græcorum carminibus partes sustinuisse non obscuras, ex Lycophrone, qui antiquiora collegit, et ex imitatoribus seu exscriptoribus veterum intelligas, Quinto Calabro lib. XI et ex Dictye. Cum autem omnino in Græcorum Romanorumque libris de Ænea tam multa narrata essent, paratas ornandi et amplificandi argumenti copias Maroni ad manum fuisse apparet. Quæ ejus felicitas cum vulgo parum nota et intellecta sit, paullo accuratius mox ea de re,* variis etiam deinceps Excursibus de singulis partibus,† agemus. Cum tandem poeta rerum ordine in Italiam deductus esset, nova rerum, hominum, et locorum genera ac nomina subnascebantur, contingebatque adeo, quod in votis ille habere debuit, ut præter ea, quæ a Græcis tractata satis erant, nova et intacta ipse afferre posset.‡

Judicium poetæ in dilectu herois, quem ornaret, quam elegans et exquisitum sit, etiam ita judicari posse puto, si quis aliorum carminum epicorum argumenta comparet, ut Herculis vel Thesei facta, Argonautica, bellum Thebanum, Gigantum vel Titanum pugnam; quæ omnia etsi summa cum arte tractata et expolita, non tamen ad eum splen-

* Disquisit. II.

† Excurs. I ad lib. III. Excurs. II et sqq. Tum ad lib. V Excurs. I. II. VI; add. Excurs. IX et XVII ad lib. II et plures Excursus ad lib. VII et sqq.

‡ Vid. ad lib. VII Excurs. II. IV. V. VII. VIII; ad lib. VIII Excurs. I. II. III; ad X Excurs. I; ad XI Excurs. I; ad XII Excurs. III.

dorem excoli potuissent, neque satis momenti ad animos impellendos advertendosque habuissent; cum contra ad popularium imprimis mentes tenendas Æneæ fata tantam vim habere deberent, quantam paullo ante diximus; accedente quoque Penatium et Vestæ æternique ignis religione, in conspectu posita;* ut taceam sacra antiquitus accepta, quæ a Trojanis tradita vulgo ferebantur. Adeo omnia ea, quæ Dionys. Halic. I, 49 ad adstruendam Æneæ in Italiam adventus veritatem memorat, simul ad poetæ sapientiam declarandam valent: Τῆς δὲ ἐπὶ Ἰταλίαν Ἀλκείων καὶ Τρώων ἀφίξεως Ῥωμαῖοι τε πάντες βεβαιῶνται, καὶ τὰ ὀρώμενα ὑπ' αὐτῶν ἐν τε θυσίαις καὶ ἑορταῖς, μηνύματα, Σιβύλλης τε λόγια, καὶ χρησμοὶ Πυθικοὶ, καὶ ἄλλα πολλά· ὧν οὐκ ἂν τις, ὡς εὐπρεπείας ἕνεκα συγκεκλιμένων, ὑπερίδοι πολλά δὲ καὶ παρ' Ἑλλήσι γνωρίσματα, φανερὰ καὶ εἰς τὸδε χρόνον λείπεται etc.

X. Neque vero huic argumenti felicitati et tantis materiæ copiis poetæ ingenium defuit; immo vero ingeniose inventis ille non minus ingeniose usus est, et in rebus tractandis, ornandis, et carmine persequendis non minus felix fuit, quam in inveniendis et excogitandis. Vellem id uno in loco a me exponi posset! Sed factum hoc est in singulis carminis partibus singulisque locis opportunius, et, ne hoc loco in immensum rerum campum evagetur disputatio, ratio nobis nonnullorum tantum habebitur, quæ quidem præcipua et gravissima videbuntur. Spectant ea partim ad *Homericam imitationem* cum in descriptione carminis tum in singulis partibus ac locis; partim ad *elegantiorum phantasmatum et narrationis omnino habitum*; partim denique ad *orationis dignitatem et ornatum*.

XI. Ipsam *Æneidis ideam, descriptionem, et dispositionem partium ad Homericum* partim *Odysseæ* partim *Iliadis exemplum factam* esse negari nequit; Efficti enim errores Æneæ ad exemplum Ulyssis, et eorum, quæ in Italia ab Ænea geruntur, magna pars adumbrata ad exemplum Iliadis; pauca quoque carminis lumina locaque insigniora, et rerum orationisque ornamenta esse arbitror, quæ a Virgilio sine exemplo inventa, et tum primum ex ipsa rerum natura adumbrata et descripta esse, affirmari posse putem. Certe paucissima ex iis occurrere memini, quorum non aut exempla aut semina aut materias modo rudes modo inchoatas ac præformatas ex Græco aliquo poeta excitare aliquis possit. Atqui ex Græcis poetis tam pauci ad nos pervenerunt; quid? si plures essent superstites, maxime Alexandrini? eos enim

* Vid. mox Disquis. II et Exc. IX ad lib. II ne passim.

imprimis, quod suspicor, Virgilius assidue tractavit et orationis colorem inde duxit. Neque dici potest, non studio, sed casu aut necessitate, Græcum et Romanum poetam, dum eundem rerum et sententiarum orbem libero mentis meatu pervagantur, in idem phantasma aut sensum et dictum incidere potuisse ac debuisse. Factum hoc utique et sæpe. Nec alterum, quod forte moneas, negari potest, multa passim ab Ursino, Guellio, Cerda, Clarkio, forte et ab aliis pro imitatis et adumbratis afferri temere, quæ partim similitudinem tantum, interdum et hanc satis obscuram, habeant, partim talia sint, ut sanus quisque et rerum intelligens homo, si easdem res exponat, iisdem modis ac verbis, iisdem sensibus ac sententiis usus sit; cujusmodi multa a me ommissa sunt, nonnulla eo consilio apposita, ut comparatione facta saltem delectent. Maroni tamen innumeris in locis Græca, Homeri imprimis, ante oculos fuisse, probant plura, et primum quidem *totius carminis descriptio* ab Homero petita, *tot versus* ad verbum latine conversi, *tot loca*, quæ exquisitiorem cultum et ornatum vel acumen vel doctrinam aut aliud quid reconditæ naturæ produnt, quæ ea simplicitate, ut reliqua, enuntiaturus erat, nisi fuisset, qui jam occupaverat; fieri enim solet, ut, si qua ab alio jam proprie dicta sunt, ne in eadem verba incidas, *ornate* ea et *acute eloquaris*; porro *græca ratio flectendi verba* vel *orationem*, quæ ad indolem poeticæ dictionis Virgilianæ et genium pertinet; tum *poetæ ipsius professio* Ge. III, 10 *Primus ego in patriam mecum—Aonio rediens deducam vertice Musas*; tandem *veterum auctoritas*, ut Senecæ Suasor. III, qui Virgilium *non surripiendi causa, sed palam imitandi, hoc animo, ut vellet agnosci*, in multis versibus alios expressisse affirmat. Manifesta hæc imitationis Homericæ vestigia in quam diversas partes laudis vel reprehensionis a viris doctis deflexa sint, longum est dicere.* Aliis nihil divinius fuit imitatore Virgilio, aliis nihil jejunijs et sterilius. Equidem hoc in loco multa esse video, quæ

* Comparationes Virgilii et Homeri instituerunt multi inde a Macrobio Sat. V. Librum singularem concinnavit Fulv. Ursinus. Sed piget videre viros doctos plerumque accedere ad eam rem studio in alterutrum poetam incensos, adeoque id agere, ut alterum deprimant, alteram immodicis laudibus extollant, facereque adeo eos utrumque sine subtili judicio. Hærent porro in verbis et versibus singulis, nec summam carminis et partium concentum respiciunt, eoque animum ab eo avocant, quod in considerationem adduci debebat. Discrimen primum statim ipsa temporum, quibus uterque vixit, et hominum, quibuscum vixerunt, et sermonis, quo uti sunt, diversitas inferre debuit. Virgilius arte et studio fluxit ingenium, et ad sublimitatem ac dignitatem, ad elegantie sensum aliquem in rebus et verbis, expolivit. Quam diversa in Homero fuerint omnia, hoc loco exponere nihil attinet.

nec laudi magnopere nec veniæ locum faciant, sed quæ rei naturæ et rationi ita sunt consentanea, ut, quomodo aut quare aliter se habere debeant, caussa idonea non appareat. Summam carminis ad Homerici exemplum constitutam esse vidimus. Cum itaque semel ad Odysseæ et Iliadis tanquam magisterium Æneidem composuisset poeta; quidni Homerum in partibus quoque aut singulis locis sequendum putaret? et, cum omnino vestigiis ejus insisteret, quandoquidem argumentum affine ac simile tractabat, difficile erat cavere, ne in easdem passim rerum ideas, eadem phantasmata, easdem sententias, eadem *πάθη* incurreret. Sunt autem multa, quæ uno tantum modo recte dici et efferri possunt; multa, quæ, si naturæ consentanea esse debent, variare velle ineptum sit. Præterea non facile assequare, quomodo poeta doctus et Græcorum poetarum lectione subactum habens et ornatum ingenium, cum se ad opus suum converteret, ita omnia, quæ legerat, animo expellere et exturbare potuisset, ut nihil ex pristina lectione obversaretur animo: maxima autem eorum, quæ imitatione expressa dici possunt, pars ejusmodi est, ut non tam data opera et studio Homerica verba aut sententias reddere voluisse videri possit, quam ut potius in ea incidisse videri debeat, ipsa re ea, quæ olim lecta et cognita in simili argumento memoria tenebat, iterum ad animum revocante. Atqui hoc imitandi genus, tantum abest, ut reprehendi possit (etsi nonnulli id faciunt in nostris quoque poetis, etiam in ingeniosissimo, Wielando,) ut poetam doctum nihil magis arguat et deceat. Sed in Virgilio reprehendendo vel laudando id, quod primo loco reputandum erat, non meminerant viri docti, poetam, etiam si ingenium eum ad nova et intacta tulisset, hoc suæ ætati suisque popularibus tribuere debuisse, aut saltem in opinione ejus temporis communi excusationem habere, cum ad artem poetæ et ad majorem carminis suavitatem pertinere crederetur, *si multa ex Græcis essent expressa vel adumbrata.*

XII. Hoc ætatis suæ judicio, a nostro forte sensu prorsus alieno, continetur defensio poetæ, et caussa perorata est, si illud demonstratum dederō. Scilicet Romani litterarum lumen a Græcis acceperant; sermonem suum ad Græca expolierant et locupletarant; ex Græcis primi poetæ fabulas, mox et epica carmina, converterant;* ad Græca exempla se composuerant ii, qui primi elegantiae et venustati orationis

* Ita Cn. Matius Iliadem (unde fragm. apud Scalig. ad Varron. de LL. VI, pag. 149 Stephan.), Varro Atacius Argonautica.

studuerant.* Perlustret mihi aliquis veterum poetarum ante Virgilium fragmenta, imprimis Ennii, pleraque ex Græco aliquo poeta aut latine expressa aut imitatione adumbrata videbit. Etiam Plautus ac Terentius toti fere ex Græcis vel ad Græcos comparati et constituti sunt. Ad Græca prorsus ingenia se composuere Romani; in Græcis pueritiam et adolescentiam consumeabant. Ex multis scriptorum, imprimis Ciceronis, locis notior res est, quam ut plura de ea monenda sint. Itaque, etsi exculto jam sermone Romano, et pluribus Romanorum ingeniorum fetibus in publicam lucem eductis, tamen ne sub Augusto quidem destiterunt summi viri Græca exprimere latine, cum Græcis ornatu certare, eorum inventa sua facere, multo magis si novum carminis genus in Romanas litteras inferrent. Horatii quidem Carmina pleraque ex Græcis Lyricis adumbrata esse nullus dubito; quandoquidem inter tam pauca fragmenta ex istis lyricis servata vix unum et alterum est, cujus non imitationem ab Horatio factam excitare possis; quid itaque futurum putabimus, si Lyricos Græcos integros cum Horatio comparare liceret! Neque aliter se rem in Catullo, Propertio, Ovidio aliisque habituram esse credere fas est, si Græci Elegorum scriptores, imprimis Alexandrini poetæ, adhuc extarent. Quis itaque Virgilium reprehendat, quod popularium suorum sensum, iudicium ac morem, sequutus totum se ad Græcos poetas in suis carminibus exprimendos applicuit? Nova accedere videbatur voluptas, quæ delectationem in majus auctam afferret, si præclara et suavis sententia simul græci loci recordationem faceret, unde esset expressa. In Æneide itaque pauci sunt mores (seu characteres), vix ullum factum notabilius, vix locus aliquis præstantior, in quo non poetæ alicujus Græci, imprimis Homeri, vestigia agnoscas. Sed in eadem Æneide multo doctiorem et ingeniosiore imitatore agnoscas facile, quam in Bucolicis, in quibus multa passim aliena a rerum veritate et ratione posita notavimus, et alia facile notari possunt, in quæ poeta imitandi studio parum subtili incidit, ut cum pastor indoctus Ararim et Oaxem memorat, aut in illis: *nuper me in litore vidi*, aut: *novimus et qui te*, et id genus alia. Neque vero hæc Græcorum imitatio aut ingenio carere aut iudicio putanda est; est enim illa nequaquam servilis aut affectata, cujusmodi ab ingenio exili et ignavo proficisci solet, neque in alterius poetæ verbis, modis, et figuris variandis turpiter ingenii vires attrivit poeta;

* Græca expressit in epicis Catullus. Hoc idem fecerat C. Helvius Cinna in Smyrna sua, Augustei autem ævi memorantur multi, qui epe ex Græcis fabulis composuerant. conf. Ovid. Epp. ex Ponto IV, 16.

sed, ubi occurrerat aliquid ab alio ingeniose cogitatum vel inventum, illo tanquam phantasmate tactus Maronis animus, vel, uti fieri solet, si scintilla idoneo fomite excepta est, flamma correptus incaluit, et magno incendio exarsit. Hinc novæ rerum formæ, nova genera, novæ interdum naturæ. Nemo facile, si singula recognoscat et excutiat, non intelligit Virgilium, etiam ubi presse sequitur, modo castigatior, pulcriore, vel augustiore rei specie, Latini sermonis elegantia, aut novo rerum ornatu, modo deducta feliciter ac deflexa ad aliud rerum genus sententia vel oratione, certasse cum Græco poeta. Imprimis autem se Romanis in Homeri imitatione magnopere probare debuit cultus Augustei sæculi, quo simplicitas inculta, et horrida interdum Homeri vetustas, aut iners languor, modo ad honestiorem et mitiorem cultum a Marone, modo ad elegantiorum ornatum aut ad incitatiorem vim temperata est. Hoc nomine ipse Æneas commendabilior videri potuit: omnibus ejus factis, moribus ac dictis major aliquis humanitatis cultus inest; apparatus rerum sunt ornatiores; ornamenta dignitas, splendor et elegantia, μεγαλοπρέπεια, sed heroum personis digna, illustrat. Quæ quidem res in longam disputationem adduci posset, si animi magis lubitum quam scriptionis consilium prosequi mallems;* monemus saltem, unicuique Virgiliani carminis virtutes rite æstimaturo alte hoc menti insidere debere, ut reputet, qua ætate, quo in populo, qua in urbe, quos inter homines poeta vixerit, quem inde colorem carmen ejus duxerit, ut, etsi salvo et integro heroicorum temporum more, purior tamen, mundior et castigatior esset carminis habitus, affectus et πάθος alia mitiorem alia graviorem naturam omninoque cultioris ævi dignitatem haberent, heroumque mores, sententiæ ac dicta, etsi heroicæ ætati consentanea, spirarent tamen nescio quid ex elegantia sæculi, urbis et domus Augustæ, in qua poeta vixit.

XIII. Ad cultum Virgiliani carminis gratum et amabilem non minus

* Scripta hæc erant, cum in manus sumimus Hurdii, elegantissimi Britanni (nunc Episcopi Worcestriensis gravissimi), disputationem de imitatione poetica, qui præclare rem expedit, quatenus et rerum a poetis tractandarum et ingeniorum tantam inter se esse affinitatem docet, ut plures eadem aut eodem modo eloqui necesse sit; bene etiam notas veræ imitationis apponit. (Adjiciamus nunc illud, quod non minus in considerationem venit, carmen epicum jam antea ab Ennio tentatum fuisse Annalium lib. XL, quod sane historicum potius fuit quam epicum, multis tamen luminibus et virtutibus probatum et laudatum; nisi quod sermo horridus, ingenium nulla arte expositum, et versuum inertia venustioribus displicebat; Virgilio itaque allaborandum fuit, ut carmen ad majorem orationis cultum, quem ex sæculi genio paratum habuit, eveheret, si exempla Græca exprimeret.)

spectat *orationis indoles*, quippe quæ in simplicitate mirabili dignitatem servat et gravitatem. Ornatu enim vario et exquisito, et sermonis poetici nitore, orationis dignitate et gravitate, sententiarum pondere, Homerum longissime antecellit, cujus laus hac in parte præcipua in proprietate et simplicitate, tum in suavitate numerorumque facilitate, posita est (nam sermonis Ionici epicæ narrationi tam præclare accommodati felicitatem ætati suæ debuit), etsi nec vis et robur nec pulchritudo et interdum nec ornatus ei desit. Sed nec Virgilius in ornatissima oratione simplicitatem et proprietatem deseruisse videri debet; etsi sequiores scriptores, nec modo poetæ, multa orationis suæ pigmenta et lenocinia ex eo adoptarint; male in pedestrem illatis iis, quæ carmini erant propria. Certe poetici ornatus elegantis nec affectati præstantissimum et unicum exemplar esse arbitror carmen Virgilianum; in hoc sermonis poetici genium primo constitutum et ad certarum principia ac leges exactum deprehendere, et troporum ac figurarum naturas inversionumque rationes descriptas, et, tanquam a magistro norma proposita, constitutas discere licet.* Quæ ipsa res animadversa me adduxit, ut in sermone Virgilii poetico enarrando et explicando operam collocarem accuratiorem, quam in ullo alio scriptore recte consumi a me posse putem. Nolim enim, id quod sæpe professus sum, aliis auctor esse, ut omnes poetas eodem modo interpretatione perpetua operose nimis instruendos esse sibi persuadeant; etsi facile intelligo, iis, qui Silium, Statium aut Valerium Flaccum aut similes cum fructu edituri sunt, ad orationem illustrandam non minus, quam ad lectionem constituendam, convertendum esse studium; a me id saltem spectabatur, ut iis, qui bona institutione egerent, exemplo aliquo proposito, et quidem in poetarum principe, de vera enarrandi ratione constaret, ad quam se, etiam nullo alio magistro adhibito, comparare possent. Attamen in hac ipsa poetici sermonis constitutione poetæ laus et virtus non tam in inveniendò quam in invento aliorum cum ingeniosa sagacitate in suos usus transferendo cernitur. Alexandrinis enim poetis, Callimacho, Apollonio, Nicandro, Arato, poetici sermonis exquisitoris indoles et natura unice est accepta refe-

* Discere adeo licebit et illud, in quo magno poetas falli videmus, non omnem orationem, omnesque formulas ac modos loquendi, per inversiones esse mutandos et detorquendos; ne naturalis cultus omnis deflaet, et ne succedat oratio contorta, salebrosa, obscura. Hic est ille scopulus, ad quem jam olim offenderunt Virgilii imitatores Statius, Valerius Flaccus, Claudianus; quos propter hoc ipsum inversionum intempestivum studium a paucis cum voluptate legi videmus.

renda; hoc eorum docent scripta in summa simplicitate cultum, nitorem, et ornatum admirabilem, quem nulla alia ætas assequuta est, referentia. Videntur scilicet poetæ doctissimi et Ptolemæorum contubernio expoliti animadvertisse, non infeliciter Tragicorum tumorem Homérica simplicitate temperari et natam inde orationis gravitatem ætatis suæ elegantia quodam modo imbui, adeoque dignitatem cum venustate consociari posse. Hos Maro auctores habuit, cum tanto majore judicii laude, quod Ennius et ceteri, qui præcesserant, de orationis elegantia et ornatu castigatiore parum laboraverant.

XIV. Placet nunc in fine subjicere nonnulla et per saturam monere, quibus virorum doctorum *opinionibus, quas totam carminis indolem vel characterem tollere videas*, tacite aut expresse a nobis occurratur; nam in contentionem cum quoquam descendere nec ingenii nostri nec moris est.

XV. Primum *de consilio*, quod poeta in *Æneide* conscribenda sequutus sit, et *de fine*, quem propositum habuerit, multi varia comminiscuntur. Jam primum *Julæ gentis origo* ab *Ænea* ducta, et studium gratiæ Augusti demerendæ potuit forte Virgilio animum ad hoc *Æneidis* argumentum advertere; hactenus non male dici potest, nisi Octavianus in gentem Juliam adoptatus fuisset, nullam nos habituros esse *Æneidem*; sunt quoque multa in *Julæ gentis Augustique honorem* in carmine ingeniose intexta; nec tamen dici potest, Augustum *Æneidis* caput fontemque esse. Nihil magis alienum esse potest ab epico carmine quam *allegoria*; jugulat enim totam ejus vim, rerum et hominum dignitatem attenuat, gratum animi errorem excutit et æstum inter legendum refrigerat, voluptatemque omnem intercipit. Certatim tamen viri docti argutiis suis *Æneæ personam* nobis eripere et Augustum submittere allaborarunt. Etiam ex parata nova in Latio sede miseros Trojanos exturbarunt; adumbratum esse a poeta novum tum *Romæ constitutum unius principatum*. Simili acumine alii arcana, nescio quæ, dominationis Augustæ consilia, in *Æneide* condenda deprehendere sibi visi sunt. Ita *Spencius*, elegantis ingenii vir,* *πολιτικὸν* epos esse *Æneidem* sibi persuasum habebat, neque aliud quicquam poetam spectasse, quam ut animis libertatis ereptæ desiderio ægris fomenta admooveret, et novum principem approbaret. Nihil tamen *Æneæ personam, fortunam, facta et fata habere videas*, quod ei

* *Polymetis Dialogue III*, p. 17 sqq., quem passim sequuntur *Warton*, *Holdsworth*, et alii.

consilio respondeat; nullus in *Æneide* populus est liber, qui dominum accipiat; nulla regni seu imperii, monarchiam vocamus, bona videas exposita aut commendata; verbo nihil occurrit, quo libertatis amore contacti animi adduci aut allici possint, ut a bono principe malint tuto regnari quam cum libertatis vano nomine paucorum potentium dominatione vexari. In *Juliae* gentis honorem, quæ ab Iulo *Æneæ* filio originem ducere videri volebat, nonnulla passim suaviter memorari, ad *Augusti* laudes ingeniose alia inseri, ipsa carminis lectione manifestum fit, et a veteribus quoque Grammaticis jam monitum est locis pluribus; sed, quantam vime ea res ad dominationem *Augusti* commendandam habere potuerit, mihi non satis constare lubenter fateor. Neque, si nova *Æneæ* sedes in *Latio* divinis humanisque juribus vallata fuerit, quale inde propugnaculum novo *Augusti* regno partum sit, intelligo; ut adeo, si demonstrari hoc possit, poetæ consilium illud in *Æneide* condenda propositum fuisse, parum feliciter eum in eo perficiendo et exsequendo versatum videri dicerem.

In eandem tamen opinionem jam ante *Spencium* inciderat vir doctus inter *Francogallos*,* qui imprimis similitudinem inter *Æneæ* et *Augusti* personam et fortunam diserte persequitur. Ingeniose eum ludere non neges; et convenit ei cum multis aliis doctis viris, qui opinantur, *Augustum* sub *Æneæ* persona esse adumbratum; eo spectare virtutes *Æneæ* a poeta tributas; eo referunt multa alia. Videas nonnullos tam egregie sibi placere in hoc invento, ut undique conquirant et videntur ea, quæ ad *Augustum* accommodari possint. Sic oris dignitas (lib. I, 589 *Os humerosque deo s.*) cum assentatione in *Augustum* memorata est.† Ignoscenda hæc putem alicui ex media assentatorum turba, qui *Æneide* lecta unam vel alteram *Æneæ* laudem ad *Augustum* traheret ut Principi palparet. Sed, ut *Maro* tam dissimiles personas, fortunas, virtutes et facta ac res gestas inter se comparare voluerit, mihi quidem, si ejus judicium et elegantiam recte teneo, parum probabile videtur. Sapientior erat poeta et rei poeticæ intelligentior, quam ut talem cogitationem in animum admitteret. Nam, præterquam quod *Æneæ* characterem non invenit, sed ab aliis jam traditum accepit, circumspiciendæ erant a poeta virtutes *Æneæ* ejusmodi, quæ in epico argumento vim et splendorem haberent, et factorum, quæ enarranda

* L'Abbé Vatry, *Discours sur la Fable de l'Æneide. Mém. de Littérat. To. XIX, p. 345.*

† Plura hujus generis v. c. apud *Jertinum*, elegantia haud minore quam doctriam imbutum virum, Diss. VI, p. 248, et apud alios reperias.

erant, causas idoneas suppeditarent. Quod si ille studium suum ponere voluisset maxime in hoc, ut Æneas Augusto assimilaretur, quam multa et quam parum consentanea epicæ narrationi, argumento, operis characteri, temporum rationi, illaturus in carmen suum fuisset!

Eadem fere via carmen πολιτικόν conditum a poeta visum jam olim erat R. Patri *le Bossu*,* ut Romanos partim ad amplectendum et probandum præsentem rerum statum adducere, partim Augustum ad moderationem ac clementiam adhortari et a dominationis libidine et impotentia revocare voluerit. Sed nec huic consilio ulla ex parte respondet Æneïdis sive argumentum sive tractatio; profugus ex urbe incensa Æneas novam sedem quærit, armis vim illatam propulsat, et sic porro; quid tandem his inest, quod ad imperandi artes ac virtutes spectet? Fabulæ tamen Virgilianæ universe inesse et in singulis carminis partibus aut locis ac versibus occurrere talia, quæ principibus pro salubribus præceptis commendari possint, nemo neget; quin etiam inter utilitates, quæ poetarum carminibus debentur, præcipue hoc commemorandum est. Verum non propterea dici potest ac debet: in condendo carmine et in fabula deligenda et ordinanda tale præceptum propositum poetæ fuisse, cujus explicandi causa narrationem institueret. Narrare ille voluit ac debuit rem magnam et arduam et mirabilem. Quod narratio illa et delectatio, quæ inde accipitur, cum utilitate ad omnes hominum ordines, imprimisque ad principum animos conjuncta est, hoc epicæ narrationi per se consentaneum est; ipsa enim rei natura ita fert, ut magnorum virorum facta magna et præclara sine summo ad hominum animos, mores ac virtutem, fructu exponi et narrari nequeant, multo magis si cum sententiarum splendore et orationis ornatu instituta sit narratio. Vana est hactenus et intra verborum ambages ac tricas vagans disputatio, sitne mera voluptas ac delectatio, an utilitas aliqua proposita cum poetis, tum aliis ingeniosarum artium auctoribus. Fieri scilicet nullo modo potest, quo minus voluptas per ingenii facultatem parata utilitatem ad aliorum ingenia habeat; enimvero voluptas satis magna (perfectam dicunt nostri homines) esse non potest, nisi cum honesti, pulcri, ac veri sensu illa conjuncta sit. Delectandi quidem modi ac mensuræ sunt infinitæ: delectationem summam nihil affert, nisi quod suis numeris absolutum est. Decedit adeo voluptati ex Æneïdis seu Iliadis lectione capiendæ omne id, quod in alterutra sensui, quem diximus, non satis facit. Contra signa Apolli-

* *Tr. du Poëme épique* Lib. I, cap. 11.

nis vel Veneris, quoniam illum sensum, etiam supra naturæ modulum, ea explent, voluptate summa afficiunt, quæ nec minus ad animi mores et affectus componendos vim habere debet. Adeo vera voluptas cum vera utilitate conjuncta est; uti contra speciosa aliqua præstantia, aut in aliquo tantum genere constituta, vel in adjuncto aliquo inclusa, speciosam tantum aut ex parte haustam voluptatem affert, adeoque etiam utilitatem iisdem finibus circumscriptam.

XVI. Dissimilem tamen omnino Homericorum heroum aiunt esse Æneam; inferiorem Achille et Ulysse; *sola pietate insignem*. Quid igitur? si Æneas alter esset Achilles? alter Ulysses? annon exscriptum potius et servili imitatione expressum eum dicturi sint? Non ego is sum, qui cæco aliquo poetæ mei amore nihil ab eo peccatum esse contendere velim. Iliadis argumentum feliciorum materiam et epicæ gravitatis haud paullo plus habere si quis dixerit, me habet assentientem; et delector ipse multo magis Homeri lectione quam Virgilio; regnat in Homericis heroibus naturalis habitus et affectus, animi impetus, injuriæ acceptæ sensus, qualem et ipse habeo, desiderium reditus ad Lares, quale ipse sentiam; in Æneide sunt consilia de novis sedibus in terra ignota parandis; nihil quod magnopere animum impellat et percutiat. Enimvero non omnia carmina epica ex uno et eodem genere procedere possunt; post Achillis autem iras et Ulyssis in se ex casibus et periculis objectis expediendo sapientiam seu vafritiem, quæ et prisca ætati et epico carmini accommodatior erat, quam sapientia, cum variandum et novandum esset aliquid poetæ, quidni Æneæ *virtutem*, quam cum ceteris heroibus communem habet, *fortitudine animi in perferendis calamitatibus et obsequio erga deos temperaret*? Ad hoc eum ipse Homerus Iliad. Ψ, 298. (ubi Neptunus Æneam servatum esse vult: *κεχαρισμένα δ' αἰεὶ δῶρα θεοῖσι δίδωσι, τοὶ οὐρανὸν ἐνὶ ἔχουσιν*) tum ipsa rerum ac temporum mutata ratio ducebat, et ea, quæ de Æneæ erroribus et adventu in Latium tradita a superioribus poetis erant, revocabant. *Monitis deorum et oraculis* omnia ab Ænea suscepta et confecta, Penates et sacra patria ab eo in novas sedes illata, narra- verat antiquitas (v. Disquis. II); quid itaque magis rei consentaneum, quam ut heros *insignis pietate et religione* exhiberetur? Neque vero non videre debuit tantus poeta, ad rerum magnitudinem et augustam aliquam dignitatem religiosas res, causas et consilia eximiam vim habere. Itaque hoc quidem tanquam rerum cardine præclare est usus, ut prædicationibus variis animos spe et expectatione teneret suspensos, religiosamque aliquam et augustam speciem rerum eventibus præten-

deret.* Achilleum quidem robur et iracundia aliena erant a toto argumento; sedata et placida et humanitatis sensu temperata est Æneæ virtus; et, licet concedendum sit, epicam vim majorem Achilli inesse, non tamen omnes epicas personas Achillem referre posse manifestum est. Meras pugnas Homericis similes et belluinam fortitudinem vix probasset Augustei sæculi elegantius et mollius iudicium. Cum itaque omnino Æneidis alius ac diversus prorsus sit character quam Iliadis, quis non videt importunum esse, in Æneide requirere ea, quæ Iliadi sint propria; easdem animorum inflammationes, æstus, tempestates? insunt Æneidi alia, quæ probes; quidni in his acquiescas? Sed infinitum esset omnia persequi, quæ ab iis, qui subtiles poetarum iudices videri volunt, dum rerum argumenta, exempla, causas et rationes miscent, temere laudantur ac reprehenduntur, imprimis quoties Virgilium et Homerum inter se comparant. Sed nobis retundendus est omnis, quo abripi possemus, impetus. Itaque nec Warburtoni sententiam attingemus,† qui perfectum reip. condendæ et legum ferendarum auctoris exemplar in Ænea exhibitum esse a poeta voluit; imprimis cum alio loco (ad Lib. VI, Exc. X) eam opinionem attigerimus.

Æneidis argumentum in septimum annum produci, alii cum reprehensione monuere. Perperam utique. Æneæ errores septem annos explere verissimum est (v. Excurs. II ad lib. III). Sed ipsa carminis narratio non nisi cum septimi anni æstate exordium habet (v. ibid.) eodemque anno absolvitur. Pari errore Odysseæ argumentum octo, novem vel decem, annis comprehendere creditum est, cum tamen illud intra triginta sex vel septem dies ad exitum perducere manifestum sit ei, qui animum adverterit.

XVII. Multo minorem esse characterum, hoc est, virorum factis ac virtutibus insignium, numerum ac varietatem in Æneide quam in Iliade conqueruntur passim multi; nec sine poetæ reprehensione versus memorant ex Æn. I, 220 sqq. *fortemque Gyam fortemque Cloanthum*; ini- que admodum et ut sibi ipsi, quid velint, parum constare videantur. Nam locus quidem laudatus nullos heroes recitat, quorum personæ vim aliquam habere debeant epicam; non magis quam *Asius Imbrasides Hicetaoniusque Thymates Assaracique duo* etc. X, 123 et sic alii; sed veniunt illi viri in censum et turbam eorum, qui tantum nomine

* Multus est Servius passim in hoc, ut Æneam ex Flaminis alicujus vel Pontificis persona plurima egisse doceat v. c. IV, 29, pravo utique acumine, ejus tamen fundus aliquis esse debuit. cf. Macrob. III, 1 sq.

† *Divine Legation of Moses* T. I, B, II, Sect. IV,

laudandi et epitheto suavitatis caussa ornandi sunt: quales apud Homerum innumeri illi pugnantes vel cæsi ἑσθλοὶ, ἀμύμονες, κρατεροί, αἰχμηταί, et sic porro. Excusant Voltarius et Addisonus poetam, sed tam argute, ut summorum virorum subtilitatem mireris: alter, cum Homerus, inquit, cessantem a pugna Achillem exhiberet, alios interea fortia facta edentes exhibere debuit, quod in Æneide secus sit; alter ad Virgilio elegantiam hoc refert, quod, cum Augustum vellet adumbratum, neminem ei virtute parem adjunxerit. Enimvero cum argumenti indoles et natura totius tractationis mensura et regula sit, plures utique factorum et rerum gestarum socii et participes esse nequeunt, quam quos res ipsa postulat. Quod si adeo paucos alios, qui virtute emineant, in carmen suum induxit poeta, argumenti necessitati id condonemus, concedamusque, hactenus Homericam copiam et varietatem morumque diversitatem plus delectationis afferre; at sapientiam viri miremur saltem in hoc, quod tanto magis inter omnes unus Æneas insignis virtute eminet, nec ejus splendori quisquam alius, nisi Turnus forte, officit.* Quæ res tanto difficilior erat, cum is nec Achillea aliqua corporis animique virtute omnes mortales antecellat, nec, quorsum immanis efferati animi iracundia aut acceptus Patrocli funere dolor erupturus sit, sollicitos nos teneat.

XVIII. De versu Virgilio epico ejusque ad aurem suavitate ac gravitate nonnulla disputare juvaret, nisi majorem subtilitatem ea res haberet, quam ut legentium animos et oculos tenere possit. Illud unum monebimus, in errorem inducere juvenilem animum videri eos, qui nimii in eo sunt, ut ad rerum sonos et naturas accommodatos et formatos velint esse versus. Equidem non diffiteor sensum me animi refragantem habere, quotiescunque persuadere mihi volo, magnum aliquem poetam æstu tantarum rerum abreptum et magnorum phantasmatum vi inflammatum in sono cursus equestris vel tubæ vel aliarum rerum reddendo laborare; Attenuat ea res et deprimit ingenium poetæ et artis poeticæ dignitatem. Sunt tamen, ais, tales versus in optimo quoque poeta. Recte; sunt utique multi; etsi plures alios ad hoc lusus genus accommodare solet eorum ingenium, qui talibus rebus indulgent: Quis enim, nisi jam animum ad leves hos lusus deflexerit, studium aliquod poetæ agnoscat in illis ac similibus, cujusmodi sunt: *Patris magni parere parabat Imperio*. Aut: *Avia tum resonant avibus virgulta sonoris*. Mihi utique ad poetices indolem propius esse vide-

* Vid. ad lib. VII præm.

tur statuere, ipsam orationis naturam ita esse comparatam, ut multarum rerum sonos exprimat; inflammatum autem phantasmatum specie objecta animum, cum, rerum species sibi obversantes ut oratione vivide exprimat, laborat, necessario in ista vocabula incidere, vel orationis proprietate ducente. Ita graves et celeres, lenes ac duros, sonos vel non id agens et curans ad rerum naturam accommodabit et orator quisque bonus et multo magis poeta. Aliud est, in quo viri docti arguantur, quod versus imperfectos non ei causæ, quam ipsi Maronis familiares prodiderant, quod opus ab eo non absolutum fuit, verum iudicii alicujus subtilitati tribuere voluere. Casu fieri potest, ut versus imperfectus et abruptus in sermone abrupto occurrat, adeoque laudem nescio quam poetæ facere possit, v. c. *Æn.* IV, 361 *Italiam non sponte sequor*, abrupto *Æneæ* sermone; ubi Servius: “et oratorie ibi finivit, ubi vis argumenti consistit.” Atqui hoc acumen est declamatore dignum, non poeta; multo magis ab epica gravitate abhorret, nec potest placere in oratione metro illigata versus metro imperfecto relictus, μέτρον ἀμετρῶν. Aliter res se habet in oratione pedestri, quæ, cum in ea propositionum ad aurium iudicium mensura sit liberior, variari potest. At in *Æneide* ubique manifestum fit studium poetæ properantis ad novam sententiam et locum novum; cum ingenium consumere nollet in explenda et expolienda sententia antecedente, cujus summa capita apposuerat. Sed nolo in his tædium facere; attigi quoque rem Tom. I ad Donati Vitam Virgilii §. 59.

DISQUISITIO II

DE RERUM IN ÆNEIDE TRACTARUM INVENTIONE

QUALE in inveniendis rebus omnino Virgillii ingenium fuerit, non tam fecundum illud in excogitandis novis rerum generibus, nec audax ad suscipienda vel tentanda intentata ab aliis et intacta, aut ea, quorum successus esset dubius et incertus; sed, quæ nec minor laus est, natum et factum ad inventa priorum rudia et inchoata perficienda et polienda ornandaque; quam admirabilis porro ac felix fabulæ, quam sibi carminis argumentum fecit, natura sit et quantum in hoc dilectu iudicium emineat: superiore Disquisitione expositum est. Restat, quod illo loco polliciti sumus, ut paucis declaremus, unde poeta fabulam suam ejusque tam copiose instruendæ et ornandæ materiæ acceperit; ut inde clarius appareat, quæ et quanta inventi laus poetæ ingenio ea in re debeatur, et quam limatum et subtile ejus fuerit iudicium in deligendo sibi argumento ejusmodi, quod ingentes rerum et ornamentorum haberet copias ab aliis jam paratas et subministratas, ut doctrina tantum et iudicii sagacitate opus esset ad dilectum faciendum.

I. Solent fere Interpretes, quantum intelligo, quique alii hac de re agunt, ita statuere, ut poetam famam aliquam obscuram de Æneæ in Italiam adventu sequutum esse dicant. Enimvero ex iis, quæ a Dionysio Halic. lib. I, 49 sq. 53 sq. 72,* a Strabone lib. XII, a Plutarcho

* Omnino is es, quæ de Æneæ in Italiam adventu narrata erant, studiosè est persequutus inde a c. 45; quod ipse profitetur ab initio: βούλομαι δὲ καὶ περὶ τῆς Αἰνείου παρουσίας εἰς Ἰταλίαν—μὴ παρέρχων διελθεῖν, τὰς τε τῶν Ἑλλήνων καὶ τὰς Ῥωμαίων τῶν μάλιστα πεπιστευμένων ἱστορίας παραβαλόν. Ita legendum. Fatendum tamen, Dionysium suo et aliorum Græcorum more veteres fabulas in historias accurate ad pragmatici scriptoris exemplum expositas mutasse c. 46, in quo Hellanicus jam præiverat, ut c. 48 pr. ipse declarare videtur.

in Romulo, a Festo in Roma, Solino c. 1, Sext. Aurelio Victore de O. G. R. et a Servio passim ad Virgilium memorantur, omninoque ex accuratiorē historiæ cognitione, manifestum fit, fuisse hanc de Æneæ erroribus, deductaque Trojanorum in Latium colonia, narrationem inter illustriores et a multis Græcis Romanisque scriptoribus poetisque expositas ornatasque historias. Poterant hoc docere saltem ea, quæ, etsi diverso consilio, conguessit Ryckius in Diss. de primis Italiæ colonis et Æneæ adventu (ad calcem Holstenii Notar. ad Stephan. Byzant.). Præterea, id quod primo loco erat commemorandum, communis ac tantum non publica illa erat Romanorum persuasio, quam religiones patriæ, Lavinii ad seriora usque tempora celebrari solitæ, firmabant: v. Strab. V, pag. 355 A. erant sacra Penatibus et Vestæ a magistratibus Romanis facta: Macrobi. Sat. III, 4. cf. Dionysii locum sup. Disqu. I. s. IX. appositum, et Strab. lib. V, pag. 355 A. Obversabatur adeo Romanorum oculis auribusque Æneæ Trojanorumque memoria; nec Maro adeo aliud argumentum clarius et illustrius excogitare potuit.*

II. Omnino quidem de Æneæ in Italiam adventu fabulæ (si fabulam dicimus, non ficta ac commentitia res ponitur; sed fabula, *μῦθος*, omnem veterem famam, historiam et narrationem a majoribus acceptam designat, antequam litteris consignari et sermone pedestri exponi cœpisset), hujus igitur fabulæ fundus habetur Homeri ille locus notissimus Iliad. Υ, 307. 308,† ubi Neptunus diis auctor est, ut Æneam cum Achille congressum imparem pugna educant, ne ejus morte Dardani posteritas deficiat, quem tamen Jupiter præ ceteris liberis diligit omnibus; at

* Laceret forte certiora docere, si Νόστου superessent; ut Antenoris, sic Æneæ errores in illa expositi esse potuere. Fuit forte in iis, qui primus Æneæ errores ad Ulyssis exemplum offinxerat, cumque hic apud Circeam substitisset, Æneas ab eo ad ulteriora, et ad ipsum Latium fuit deductus. Fuisse in mythis antiquiorem aliquam horum locorum notitiam, colligas ex Hesiodi Theog. 1013 ubi Circe ex Ulysses peperisse dicitur "Ἀργεῖον ἡδὲ Λατῖνον ἀμύμονά τε κρατερὸν τε, Οἳ δὲ τοι μάλ' αὖτε μυχῷ νόστον ἰερὰν Πάσιν Τυρρηνίοισιν ἀγαλῆστοισιν ἄνασσαν. Habet adeo poeta, qui hæc scripsit, notionem Etruscorum, at valde obscuram, longe, in insularum recessu, h. in insulis eos collocat: errore forte ab insula Circeas nato.

† [Vid. ad Apollodor. pag. 911.]

‡ Translatus ille ac repetitus in H. in Vener. 197. 198, ut pro prædictione Veneris ad Anchisen facta esset: copiose ornatus a Quinto Smyrnæo XIII, 300 sq. impr. 336 sq., et a Virgilio præclare in oraculum Delphis Æneæ datum conversus: Antiquam exquirite matrem. Hic domus Æneæ cunctis dominabitur oris Et nati natorum et qui nascentur ab illis III, 96—98. Et hinc versus illi pulcherrimi lib. IX, 446—449 expressi.

Priamum cum progenie Jovi nunc esse invisum; itaque Æneam ejusque posteros Trojanis esse imperaturos:

Νῦν δὲ δὴ Αἰνείας βίη Τρώεσσιν ἀνάξει,
Καὶ παῖδες παίδων, τοὶ κεν μετόπισθε γένωνται.

Regnum his versibus Æneæ posterorumque ejus declarari manifestum est; sed quo in loco illud futurum sit non eloquitur, nec ea de re certa apud veteres fama fuit; quandoquidem de Æneæ erroribus ac sedibus omnino tam diverse traditum erat,* cum alii eum in Thraciæ littore, in Arcadia alii, alii in Sicilia, alii in Italia, quæ fama tandem præ ceteris credita ac celebrata est, consedisset et vitam finissem narrassent; fuerant quoque qui in ipsa Troade regnum illud constitutum esse vellent. Non nobis jam id quæritur, quæ harum narrationum ceteris aut verior aut verisimilior sit; verum nostra eo spectat disputatio, ut ex hac ipsa narrationis varietate manifestum fiat id, quod volumus, non obscurum aliquem in vetere historia aut inter poetas virum fuisse Æneam, nec ejus fata et res a Virgilio inventas esse et excogitatas. Illa enim ipsa narrationis diversitas arguit diversitatem auctorum, qui de Ænea traderant, et poetarum, qui idem argumentum tractaverant. Ut enim poeta quisque in materiam ab aliis ante se tractatam incidit, ita, ut suo consilio vel totam fabulam vel inde partem accommodet, refingere nonnulla et mutare, addere vel detrahere, solet. Diversis itaque modis eandem rem exponi necesse est. Historici autem Græci dum suæ civitatis seu populi origines repetebant, popularem famam sequebantur. Solenne enim hoc Græciæ civitatibus, ut stirpis vel urbis conditorem aut haberent aut haberi vellent clarum aliquem ex ultima antiquitate heroem. Ejusmodi famam popularem per multas ætates propagatam quis adeo constare sibi expectabit, ut nulla diversitas narrationis inter plures tribus aut civitates incidat? quemadmodum altera ex parte eandem veterem famam ad se revocant et sibi vindicant plures ab communi stirpe profectæ familiæ? Eodem modo cum multæ passim per varia loca sparsæ essent Trojanorum coloniæ, quid mirum, eas omnes originem suam ad Æneam referre maluisse? Unde diversitas illa, partim consensio, famæ et narrationis necessario oriri debuit. Non itaque, ut hoc obiter moneamus, antiquis fabulis omnino fidem detrahit narrationis diversitas; manet enim semper fundus aliquis non magis veritate sua destitutus quam quæ ab auctoribus gravissimis

* Vid. ad Æn. III Excurs. I.

tradantur; et nescio an sint fabulæ veterum, quibus plus veræ rerum fidei insit, quam multis historicorum fide copiose, diserte et ornatè, expositis, sive in antiqua sive in recente historia; his enim fundus quidem aliquis, ut iisdem priscis mythis, subest, accessere tamen reliqua, quæ illi superstruuntur, ex ingenio vel audacia, interdum impudentia, narrantis. Si *fabulas* itaque *Trojanas* loquimur, narrationes majorum auctoritate acceptas et a poetis scriptoribusque ornatas intelligimus: et præclare hactenus Thessalus Hippocratis f.* *Ὁ μῦθος τὰ Τρωϊκὰ ἀλλ' ἔργα* itaque vanam disputationem instituisse videri possunt Cluverius et Bochartus, qui ex ista opinionum diversitate probare voluerunt, *Æneam* nunquam ad Italiam accessisse. Acriter satis eorum impetum retudit Ryckius in diss. laudata,† sed argumentis promiscue effusis et iudicio parum subtili. Nec enim aliter, quam ut eam famam certam ac constantem obtinuisse doceas, quæstio illa de Italia ab *Ænea* adita expediri et firmari potest; est tamen talis fama in omni remotiore antiquitate usque ad ea tempora, quibus res scripto consignare cœptum est, pro fide ac probabili ratione, in qua acquiescere et quam sequi necesse est; nec fuit aut est antiquiorum temporum ulla alia historia, quam mythica, seu fama ac narratione majorum accepta, mox litteris consignata, cujus adeo fidem ne is quidem, qui primus litteris mandavit, præstare potest nisi hactenus, quod candide ac diligenter famam veterem exposuit aut in diversitate narrationis sano cum iudicio dilectum fecit.

Jam poetæ ne ista quidem rerum fides ac probabilitas nimis religiose est sectanda. Si tamen ille satis tenere animos vult, nec committere, ut paullo doctiores auditores commentorum licentia offendantur, ea narratio ipsi sequenda est, quæ celebritate et claritate ad popularium animos maximam vim habere potest. Etsi itaque inter Græcos scriptores magnus erat ea de re dissensus, cum tamen Romani scriptores de Trojanorum in Italiam adventu Albæque Longæ originibus ab *Ænea* ejusque progenie repetitis uno ore traderent,‡ jure suo Maro fabulam hanc inter Romanos celebratam præferre ceteris potuit ac debuit.

* In *Προβουλευσιν* ad Athenienses, ne Cos unquam ab iis everteretur: fetu rhetoris alicujus, inter Epistolas Hippocrat. versus fin. pag. 949. Lind.

† Iterum Wood pag. 227 sq.

‡ Ut p. XLIX declaratum est; v. impr. Sext. Aurel. Vict. de O. G. R. Post Virgilium narrationem de sedibus Trojanorum in Italia volgo, etiam inter Græcos, obtinuisse, nemo mirabitur; ita apud Quinlum Smyrnæum; apud Tryphiodorum: ubi v. 650 *Venus Æneam cum Anchise abduxit τῶν δὲ πατέρων Ἀύσονίης ἱωνάσσει.* (leg. ἀπώσσει.)

III. Antequam ad alia progrediamur, de loco Homericò supra memorato pauca adhuc monebimus. Prodant Homeri verba satis aperte regnum aliquod, quod Æneas ejusque posteri obtinuerant. Homerus itaque, qui propior ætate ad Trojana tempora vixit, (sumimus enim hoc, tanquam pro concessio, locum hunc non a seriore aliquo rhapsodo insertum esse) famam, ut solet, aliquam illo tempore superstitem ea de re sequutus est; nisi forte ipse in itineribus suis in posteros Æneæ incidit. Fuisse regnum illud in ea ipsa Troade, in qua Priamus regnaverat, ea est verborum sententia, quæ legentibus locum prima occurrit; atque ita veteres locum sunt intepretati (v. Strab. XIII, p. 608 C, 906 A, Almel.). Ornata etiam est narratio apud Schol. ad e. l. ex Acusilao: ubi memoratur Venus propter hoc ipsum cum Anchise esse congressa, quod audierat, fatale esse, ut, Priamidis excisis, regnum Trojæ ad Anchisæ stirpem aliquando rediret. Nato itaque Ænea, cum ei vellet regnum maturius parare, Paridi illa Helenæ amorem instillavit bellumque concitavit, ut Priami stirps tanto celerius excideretur. Fuerunt, qui, cum Æneam in aliis potius terris, quam in Ilii solo æquati ruinis, regnum condidisse mallent, interpolatione facta *πάρτεσσιν* pro *Τρωέσσιν*, in suas partes poetam traherent.* Alii diversum ab Anchisæ Venerisque filio Æneam fuisse statuebant; erant quoque, qui de patre male memoratum dicerent, quod ad Ascanium esset revocandum; alii denique Æneam rebus in Italia constitutis Trojam esse reversum ex eodem illo loco sibi persuaserant. v. Dionys. Halic. I, 53. Quam celebrata inter veteres et nobilis debuit esse narratio, quæ cum tanta opinionum varietate in diversas partes tractaretur!

Strabo quidem vulgari narrationi de Æneæ erroribus et Italiæ aditu omnino repugnare locum Homericum existimabat; in hoc enim innui, Æneam ad Trojam (*ἐν τῇ Τροίᾳ*) mansisse, in regnum successisse idque posteris suis reliquisse. Potuit tamen Trojanis imperari ab Ænea etiam aliis in locis, etiam in Italia; et vel hoc posito, sententia sua Homericò loco constat; quod jam Dionys. Halic., acutus scriptor, vidit, lib. I, c. 53. Quod tam obscure oraculum illud Neptuni extulit Homerus, ad naturam et morem vaticiniorum accommodate factum est. Ratio ejus rei reddi potest etiam hæc ipsa, quod in terris longinquis regnum illud Æneæ constitutum erat; unde non nisi obscura et incerta fama inter Græcos de eo esse poterat. Quam parum enim frequentatum Græcis et notum mare Tyrrhenum et Adriaticum Homeri ætate

* ap. Strabon. l. l. p. 906 B. quod sequens est Virgilius Æa. III, 97. *Et domus Æneæ cunctis dominabitur oris.* Add. Schol. ad Iliad. γ, 306.

fuerit, vel ex Odysseæ fabulis intelligas, quæ intra illa maria continentur, neque satis probabiliter a poeta narrari potuissent, nisi ejus popularibus parum adhuc nota adeoque fabulis idonea plaga illa fuisset.

IV. Ut tamen Troja eversa discessuque Achivorum facto dispersos fuga Trojanos iterum in ea loca convenisse et in patrio solo regni aliquam speciem restituisse credamus, plura fidem faciunt, et eo plures poetarum narrationes alludunt; illud tantum in incerto est, quo duce, auctore aut rege, exules convenerint. Alii Antenorem, alii Hectoridas, alii Æneam, Ascanium alii, res Trojanas restituisse narraverant (v. de his ad lib. II Excurs. XVII.). Suspiciari licet in regno hoc seu condendo seu condito turbas factas inter viros principes ex regia stirpe oriundos, et hinc nova discidia, novos discessus et in alia loca profectiones et inde iterum reditus sequutos, ut adeo diversi restituti Ilii auctores prodi potuerint. Hoc quidem modo diversissimæ istæ scriptorum rationes componi et conciliari inter se facile possunt.

V. Sed, ut diximus, nobis non tam id agendum est, ut diversitatem narrationis in consensum redigamus, quam ut *copiam rerum narratarum*, quæ poetæ *pro materia carminis* esset, ex hac ipsa *varietate* declaremus. Sunt autem multa, quæ, etsi ab aliis alia ratione tradantur et ormentur, fundum tamen communem prisæ alicujus et a majoribus acceptæ narrationis aperte prodant; sunt alia, in quibus omnes fere conveniunt, uti Callistratus, Satyrus et Arctinus, hic quidem antiquissimus, in hoc, quod Æneas Penates cum Palladio abstulerit (vide ib. c. 68. 69, adde Lycophr. 1261 sqq. Xenoph. de Venat. non longe a pr.); quod patrem et filium secum duxerit (v. partim ibid. partim Auct. de Orig. G. Rom. c. 9 et 11, et imprimis egregius ex Sophoclis Laocoonte locus ap. Dionys. I, 48 Νῦν δ' ἐν πύλαισιν Αἰνείας, ὁ τῆς Θεοῦ, Πάρεστ', ἐπ' ὤμων πατέρ' ἔχων κεραυνίου Νώτου καταστάζοντα βύσσινον φάρος. Κυκλεῖ δὲ πᾶσαν οἰκτιῶν παμπληθίαν, Συνοπάζεται δὲ πληθος, οὐχ ὅσον δοκεῖς, Οἱ τῆσδ' ἑρῶσι τῆς Φρυγῶν ἀποικίας; ita enim lego pro οὐχ ὅσον δοκεῖ Σοι, τοῖς δ' ἔ. confluit multitudo major quam tu putas (eorum), qui huic Phrygum discessui interesse cupiunt.* conf. inf. Excurs. XVII ad II.). A Strabone XIII, pag. 607 inter πολυθρόλλατα memoratur et hoc, et alia, de quibus sigillatim suis locis videbimus, imprimisque quod in Latium discesserit Æneas, et secundum oraculum eo loco consederit, ubi mensam comederant. Vulgarem hanc inter Italos fuisse fabulam,

* Et sic nunc editam video e Tyrwhitti emendatione in nova edit. Sophocli.

ut et alteram illam de sue grvida,* copiose docet Dionys. Halic. I, 55. 56, Conon Narrat. 46 et ex Lutatio, Catone et Cæsare, Auctor de Orig. G. R. c. 11. 12; e quo omnino patet, ex scriptoribus Romanis antiquis non facile ullum fuisse, qui Æneæ fata et adventum in Italiam non exposuisset. Item Varro de RR. II, 4. Adde Lycophr. 1250 sqq. (ubi male *πύργους τριάκοντα* jungunt, jam inde a Scholiaste; sed per *πύργους* exponi puta *χώραν*, et *τριάκοντ' ἐξαριθμήσας γονάς* ad suum spectare). Inter cetera tamen omnium maxime notabile videtur illud, quod Græci scriptores dudum ante Augusti tempora originem Romanorum a Trojanis Æneaque duxerunt, et imperium orbis terrarum ex Homericis de Ænea versibus ad eos transtulerunt; v. Conon Narrat. 46 et imprimis Lycophron v. 1226 sqq. Apponerem loca, nisi brevitati studerem; erit etiam nonnulla ex his persequendi commodior locus, quando de singulis agetur. Est enim nobis hoc imprimis propositum, ut vestigia, etiam obscura, veteris historiæ persequamur, quibus institisse ubique poeta videri potest. Nec enim ille facile sine auctore loquitur. Simul adolescentes exemplum mature habere cupimus, nam præceptis hæc res non facile expediri potest, quo consilio, qua ratione, ac quo studio in narrationibus mythicis cognoscendis versandum sit. Nihil enim aliud agere velle, quam cognoscere ac quærere et in unum locum congerere, quid hic vel ille et sexcenti alii eadem in re tradiderint, censuerint, somniaverint, hoc est, opera et otio abuti. Contra utilitatis illi studio et honestatis inest plurimum, si modo veteres historias populorumque origines, modo priscorum hominum mores ac vitam vel sermonem vel religiones, modo poetarum inventa, notiones, sententias, inde illustres, addiscasque quæ illi, quos nobis fortuna servavit, ex antiquioribus poetis hauserint, ante oculos habuerint, quomodo illa variaverint, ornaverint, quid in quaque re, in quoque consilio, quod sequerentur, spectaverint; utque ab ingenuis poetarum fabulis inepta illa grammaticorum, monachorum et interpretum, commenta diligenter discernas. Simili studio versandum sibi esse teneant adolescentes in oratione, ejusque structura, singulisque loquendi formis observandis. Ut in aliis liberalibus studiis, sic in hoc antiquorum litterarum, proposita esse debet saltem utilitas aliqua, otio nostro, hoc vitæ viriumque modulo digna, honesta et liberalis. Nihil autem jejunijs esse potest ista doctrinæ ostentatione, qua modi loquendi rariores ac difficiliore, exemplorum turba undique conquisita et ad di-

* Vid. Excurs. II ad lib. VII.

gitos disposita, illustrantur: nisi simul aut ipsis locis lux aliqua inde affunditur, aut orationis proprietas, elegantia et ornatus, declaratur, ita ut ad rei notionem seu speciem menti insidentem accedat inde aliquid, quo illa vividior, plenior, apertior, jucundior, fiat. Hoc saltem modo is, qui eos modos animo et memoria tenuerit, ubi lectione ad illa aut similia loca perrexerit, lucratus est ex illa doctrinae copia hoc, quod sensum eorum, quæ legit, habet et veriore et acriorem. At enim nihil aliud tenere quam formulas loquendi exquisitas et raras, miserum et inane studium est, non minus, quam illud, si in auctoribus classicis legendis id unice agas, ut, emendandi et corrigendi, saltem conjectandi, sagacitatem quo loco adhibere possis, circumspicias, de ipsis autem rebus et sententiis, propter quas de verbis laborandum erat, parum sis sollicitus. Sed nunc universe nonnulla quæ ad fabulam Æneidis spectant, summatim exponere consilium erat.

VI. Quod *per prædictionum ambages* totus Æneidis decursus præcipitur, inter felicissima ingeniosissimi poetæ inventa a me numeratum est.* Miram enim ad hominum animos vim habent futurarum rerum denuntiationes, et ex iis eventus. Quippe ea est generis humani tanquam imbecillitas, ut si futura, etiamsi *obscure et ambigue*, et *nullo cum fructu*, prævisa et prædicta audiamus, majore miratione contacti simus omnes, quam si præsentia bene constitui, prudenter geri, videamus. Est porro accommodatissima poeticæ arti et oratori illa expectatio, quam vaticinia faciunt, et poetæ spiritum nihil majore cum vi impellit et inflammant, quam vatium furor, et oraculorum ambages. Tandem Virgilius ea ætate vivebat, qua totus terrarum orbis miro vaticiniorum et oraculorum amore insaniebat: conf. Argum. Ecl. IV: ita ut ista expediendæ narrationis epicæ ratio pro felicissimo invento vulgo haberi deberet. Est tamen etiam hoc commentum ita comparatum, ut rem non excogitasse sed commode oblatam sapienter in usus suos convertisse dicendus sit. Miro enim omnium scriptorum consensu tota de Ænea narratio per vaticinia, oracula, somnia, auguria et omina exigitur, sive hoc poetarum, a quibus ab initio ea fuit tractata, sive antiquorum hominum, a quibus posterius eam acceperunt, ingenius tribuendum est. Trojanos sane e Phrygia, auguriorum omninoque vaticinandi ac divinandi artium quasi matre ac sede, digressos multas hujus generis fabulas in Græciam et Italiam apportasse probabile fit. Fuisse adeo, qui disciplinam auguralem e Phrygia in Italiam allatam traderent,

* Sup. Disqu. I. s. IX. XVI.

e Servio ad lib. III, 359 discas; etsi Tyrrhenos jam antea communi barbarorum superstitione eas artes tenuisse credendum est. Omnino enim prisco tempore, antequam naturæ studium subtilius et philosophiæ acumen increbuit, gens fuit nulla, quæ non significari futura, et a quibusdam intelligi prædicique posse censeret (Cic. de Divin. I pr.).* Imprimis vero in deducendis coloniis summa oraculorum vaticiniorumque auctoritas erat; quod satis vel ex uno Herodoto constat (conf. Cic. I. c. c. I f.).† Ad sedes itaque Trojanis in Italia constituendas oraculis et vaticiniis nihil videri debuit accommodatius. Poeta certe egregie hanc veterum superstitionem seu religionem est amplexus, majorumque fama et historiarum fide in Trojanis suis eo usus est, ut per fatorum decreta ac deorum interventum omnia ab eo narrata procederent. Inde Æn. X, 33 *sic tot responsa sequuti Quæ superi Manesque dabant*. Fuit in his idem illud de Anchisæ stirpe, quod Venerem sequutam esse sup. s. III. ex Acusilao vidimus traditum. Etiam Apollinis Grynei et Lycii sortes, quibus Italiam quærere jussus erat, memorat Æneas apud Didonem lib. IV, 345. 346. add. VI, 59—61. (At quod in Cyprii ab Heleno in Paridis profectione editum vaticinium a Proclo memoratur, ad belli Trojani mala spectavit.) Callide autem ab obscuris et incertis ad certiora magisque definita progressus discendi cupiditatem subinde novis stimulis incendit. Etsi enim Cassandra dudum *profectionem in Italiam* prædixerat: factum tamen erat obscure (in *Hesperiam*, terram aliquam occidentem versus sitam) et ab ea vate, cui nemo fidem haberet: Æn. III, 183 sqq., ubi Anchises: *Sola mihi tales casus Cassandra canebat: Nunc repeto, hæc generi portendere debita nostro Et sæpe Hesperiam, sæpe Itala regna vocare. Sed quis ad Hesperiae venturos litora Teucros Crederet, aut quem tum vates Cassandra moveret?* et ignorabatur situs Italiæ: sunt Heleni verba III, 381 *Principio Italiam, quam tu jam rere propinquam, Vicinosque, ignare, paras invadere portus, Longa procul longis via dividit invia terris.* conf. 478. 479. Recte adeo Æneas dicere poterat lib. III, 7 se Troja profectos *Incertos, quo fata ferant, ubi sistere detur.* conf. Excurs. XV ad lib. II. Verum in ipso rerum narratarum ordine apud poetam primum lib. II, 281 sq. Hectoris umbra Æneæ per somnum suadet fugam, *novamque in alia terra, ultra mare, quod Troadem alluit, coloniam promittit.* Mox

* [Nunc de eo accuratius actum in Prolas. I. II. *Historiæ naturalis fragmenta ex ententis, prodigiis et monstris* 1784.]

† [Conf. Opusc. T. I, pag. 315. 316.]

auspiciū, primum flammæ in Iuli capite, II, 681, tum exorti subito meteori v. 692 receptum ad Idæ munita loca et *spem posteritatis ex Iulo ostendunt*; nec non Creusa *Hesperiam* sedem futuram, et quidem Tiberi fluvio nunc primum nominato, interpretatur v. 781 sqq. (ubi Excurs. XV videndus). In Delo Phœbi oraculum eam terram declarat esse adeundam, e qua *Trojani originem ducant; ibi magnum imperium constituturos esse Æneæ posteros* III, 94 sqq., quæ, cum illi auctore Anchise, qui Teucrum e Creta oriundum meminerat, male de Creta acciperent, inque hac considerare vellent, Penates per somnum Æneæ oblatis de Italia manifestius exponunt, v. 163 sqq. esse terram, Hesperiam Græcis dictam, antiqua fama; soli fertilitate, incolarum virtute nobilem, Cœnotriam olim dictam, nunc Italiam ab Itali ducis nomine: hinc Dardanum aliquando profectum Trojæ loca adiisse; esse in ea terra Corythum, seu urbem seu heroem, et regionem Ausoniam Trojanis exquirendam. Imprimis ingeniosum est, quod Trojanorum origines ex Italia repetuntur per Dardanum, lib. III, 167 sqq. VII, 205 sqq., fabulis diversi generis confusis, sed exemplo aliorum: v. Excurs. VI ad lib. III. Quibus narratis ab Ænea Anchises vaticiniorum Casandræ de adeunda Hesperia et Italia reminiscitur v. 183 sqq. Post hæc recte jam illa ab Ænea dici potuerunt lib. I, 380 sqq. *Italiam quæro patriam Matre dea monstrante viam, data fata sequutus*. Unum aliquid adjiciunt Harpyiæ de comesis post epulas mensis, tanquam futuræ sedis ac coloniæ signo, III, 254 sqq. Tandem Helenus in Epiro omnes casus errorumque ordinem manifeste ac clare exponit III, 374 sqq., etiam de sue XXX porcellos enixa, et de mensis comesis, alia a Sibylla expectanda esse monet v. 441 sqq. Sæpe in somnis Anchises Æneam admonuerat: IV, 351 sqq., eadem Anchisæ anima in Sicilia per somnum descensum ad inferos, V, 730 sqq., apud Cumas autem Sibylla accessum ad Lavinium, bellum et Evandri societatem, prædicit VI, 83 sqq. Adde his posteritatis recensum ad inferos, et VI, 891. 892 *Exin* (Anchises) *bella viro memorat quæ deinde gerenda, Laurentesque docet populos urbemque Latini, Et quo quemque modo fugiatque feratque laborem*. Omnia hæc secundum aliquam auctoritatem apponi, partim in singulis locis videbimus, partim ex sequentibus patebit. Nec minus apud Latinos prædictus erat Fauni oraculo, tum variis ostentis monstratus exterorum adventus et Laviniae conjugium cum advena: v. lib. VII, 58. 64 sq. 71 sq. 96 sq. 254 sq. 267. Carmentæ autem ferebatur vaticinium, *cecinit quæ prima futuros Æneadas magnos et nobile Pallanteum: Æn. VIII, 340. 341.*

VII. Scilicet omnino jam ante Trojæ excidium, et a primis inde

dissent, jam pridem Anchisæ a Venere factam, e Cæsare lib. I et Lutatius lib. II monet Victor O. G. R. 11 *Tum Anchisa conjiciente, illam esse miseriarum errorisque finem, quippe meminerat, Venerem sibi aliquando prædixisse etc.* et cap. 9 ex Alexandro Ephesio lib. I de bello Mar-sico:—*Idam petit, ibique navibus fabricatis—*oraculi admonitu *Italiam petit*; et Dionys. I, 55—ne in ultiores Europæ partes classis Trojana navigaret, οἱ τε χρησμοὶ ἐγένοντο αἴτιοι, τέλος λαβόντες ἐν τούτοις τοῖς χωρίοις καὶ τὸ δαιμόνιον πολλαχῶς τὴν ἑαυτοῦ βούλησιν ἐνδεκνόμενον. Narrat inde portenta in appulsu ad Laurentum facta, latice fontis repente e terra prosilientes, mensas absultas, et vocem ex luco repente auditam. At Sibyllæ monitus, quos alii ibid. apud Dionys. I, 55 Erythris acceptos narrarunt, quosque Tibullus II, 5 novo exemplo, æstro vaticinantis in elegiam illato, arripuit, præterit Maro, cum Sibyllæ alius locus in carmine, aliæ partes essent, in lib. VI. Interea Apollini omnino honos ille mansit perpetuus, ut ad eum fatorum Æneæ et posterorum, Italiæque ab iis occupatæ, fatalis ordo referretur. Nobile illud Horatii in Carmine sæculari: *Conditio mitis* et sqq. *Roma si vestrum est opus, Iliæque Littus Etruscum tenere turmæ, Jussa (oraculo) pars mutare Lares etc.* add. C. IV, 6, 3. 21. Refertur quoque ibid. 21. ad communem Apollinis et Veneris operam, ut Trojæ excidium post Achillis fata differretur, ne omnis Trojanorum stirps a sæviante illo excinderetur.

VIII. Fuisse etiam *somnium* aliquod Æneæ celebratum a multis, ex Cic. de Div. 1, 21 apparet: *Sint hæc, ut dixi, somnia fabularum, hisque adjungatur etiam Æneæ somnium: quod in Numerii Fabii Pictoris Græcis annalibus ejusmodi est, ut omnia, quæ ab Ænea gesta sunt, quæque illi acciderunt, ea fuerint, quæ ei secundum quietem visa sunt.* Narratum igitur erat apud Num. Fabium, qui, dum græce scripsit, Græcos auctores æqui potuit, somnium, quo fata Æneæ exponerentur per quietem ex ordine, quæ deinde eventus comprobavit.

Etiam *Penatium monitus*, quos per somnum acceperat Æneas, passim fuisse memoratos, ex Servii loco discere licet ad III, 148 Penates—*quos quidam dicunt, ideo inductos a poeta monere per somnum: monitu nam eorum per quietem jussum cum Latino fædus fecisse; eorum etiam monitu Latinum Æneæ se conjunxisse* (hæc eadem apud Dionys. I, 57 occurrunt); *eisdem tradit (Varro) visos aliquoties in somnis, quid fieri vellent, imperasse, eaque nostros publice curasse majores.* Etiam dubitationem post appulsum ad Laurentem agrum de loco novæ urbis capiendo secundum nonnullos oblatus per quietem Æneæ dii patrii direme-

rant ap. Dionys. I, 56. Descripta et hæc e Catone in origine gentis Romanæ, quem eo toto loco Dionysius sequitur; nam totidem verbis ex illo libro leguntur ista ap. Auct. de O. G. R. c. 12 extr.

IX. Latinus Fauni oraculo monitus fuerat, ut generum sibi sumeret extraneum aliquem et cum eo regnum communicaret. Sic Virg. Æn. VII, 58 sq. 81 sq. 254 sqq. Paria ex Catone (non ex Q. Lutatius) prodit Victor de O. G. R. 13.—*utpote qui (Latinus) in hoc consilium auctoritate numinum cogeatur; namque extis ac somniis sæpe admonitus erat tutiorem se adversus hostes fore, si copias suas cum advenis conjunxisset.*

X. Similiter etiam in ceteris, quæ ab Ænea in Italia gesta sunt, poetam id egisse, ut antiquas historias narrationesque de oraculis et ostentis suis consiliis accommodaret, ex iisdem auctoribus clarum est, et infra quoque suo loco sigillatim monebitur. Quam auctoritatem in excidio Trojano sequutus sit, pluribus Excursibus ad lib. II declarabitur.

XI. Ex iis, quæ adhuc dicta sunt, satis, puto, intelligitur, non male hoc a me pronuntiatum esse: materiam carminis poetæ mira fortuna oblatam fuisse, non ab eo excogitatam et inventam; tractationem autem et orationem etsi non magis poeta a se petiit, cum Homeri vestigiis insisteret, ita tamen eum illa in re versatum esse, ut elegantiore judicio, majore cultu et exquisitiore ornatu, omnia persequeretur.

Etiam hanc argumenti, quod poeta tractandum sibi sumserat, felicitatem aliquam habendam esse supra (Disqu. I. s. VIII) diximus, quod, cum *per deorum ministeria* res esset exsequenda, offerrent se Junonis et Veneris numina, quæ poetæ causæ tam præclare serviunt, potentissima illa, et ipsa fabula jam dudum consecrata; nam, quod insigni Veneris cura habitus est Æneas, id ex Homero familiare sibi habet lector, et Junonis odium in Trojanos non minus ex Homero notum est. Jam eximio aliquo fortunæ beneficio res ita ferebat, ut alterius deæ numen Carthaginiensibus et mox Turno accommodari posset, altera autem dea non modo tanquam Romanorum tutela constanti religione coleretur (conf. Lucret. I pr.), verum etiam Juliæ gentis prima stirps et origo haberetur. v. ad lib. I Excurs. I*. In Junonis autem odio tractando et ad poeticam vim temperando poetæ prodesse potuere etiam Ἡρακλείαι, carmina, quæ olim extabant de Hercule, quale v. c. Stesichori fuit. Junonis enim odiis plurima in his videntur fuisse expedita; qua in re jam tot in locis Homerus præiverat, v. c. Iliad. Σ, 119. Ε, 256 sqq. Ο, 25 seqq.

P. VIRGILII MARONIS

Æ N E I S

P. VIRGILII MARONIS
Æ N E I D O S
LIBER PRIMUS

ARGUMENTUM

TROJA capta Æneas, Anchisæ et Veneris filius, vir singulari pietate parique fortitudine præditus, cum erroris sui anno septimo per mare Tyrrhenum a Sicilia in Italiam navigat, immissa ab Æolo rege ventorum, rogatu Junonis, gravissima tempestate ad Libycum littus adpellitur 1—169: egressusque in terram, septem ingenti magnitudine cervos sagittis prosternit, singulosque in singulas naves (tot enim ex dispersa classe collegerat) æqualiter distribuit: socios deinde, longis jam erroribus fatigatos, spe futuræ quietis ad tolerandum quod reliquum erat laboris hortatur—222. Interea Venus Æneæ sui Trojanorumque causam apud Jovem agit, omniumque calamitatum illarum causam Junoni imputat. Jupiter contra, reserata fatorum serie, spe felicitis posteritatis potentiæque Romanorum, filiae dolorem consolatur—304. Cujus oratione confirmata Venus, Æneæ suo, locorum ignaro et explorandæ regionis causa huc illuc oberranti, sese obviam præbet: navesque dispersas salvas esse nuntiat: ostenditque non procul illinc abesse Carthaginem, quam tunc in iis locis condebat Dido—409. Æneas itaque, matris beneficio cava nube cinctus, una cum Achate Carthaginem ingreditur: ubi et socios salvos reperit, et a Didone benigne excipitur—656. Venus tamen, quod neque Junonio hospitio neque muliebri inconstantia satis fideret, sopito in Idaliæ lucis Ascanio, pro eo Cupidinem substituit, qui inter amplexus et oscula latenter reginæ amorem inspirat Æneæ.

*Ille ego, qui quondam, gracili modulatus avena
Carmen, et, egressus silvis, vicina coegi,
Ut quamvis avido parerent arva colono:
Gratum opus agricolis: at nunc horrentia Martis*

Ille ego. Vulgaris sententia est, quatuor hos versus auctorem habuisse Virgilium, sed a Vario esse sublatis. Quod si ita res se habuit, acutior sane Varius Virgilio fuit. Sed totum illud commentum Pseudodonatī fide nititur, v. T. I Vita Virg. §. 60, et nobis quidem verisimilius est, a Grammatico aliquo versus hos esse assutos; factum enim est hoc idem in aliis poetis; etiam olim in Hesiodi opere rustico hoc sibi permiserunt Rhapsodi. Ceterum rejecti ii versus sunt doctissimorum virorum suffragiis, v. Burm. ad h. l. Burm. Sec. in Misc. Obs. Vol. VI Tom. III p. 523 et in prae. Virgil., partim quod ab optimis codd. imprimis Medic. et, quantum aestimare licet, a Romano absunt (cf. Heins. it. Miscell. Obs. Vol. VI p. 523. e nostris non habet Goth. tert.); partim quod ab Ovidio et aliis *Aeneis* a verbis: *Arma virumque*, tanquam principio carminis designatur; quod tamen argumentum paullo levius est; poterant enim verba laudari, quae commodissime in eam, quam volebant, sententiam transferri possent, ut in illo: *Transtulit in Tyrios arma virumque toros*: cum *Ille ego* incommodum esset. Poterat etiam omīssa praefatione ipsius tractationis initium laudari. Sunt, quibus versus Virgillii ingenio indigni esse videntur. Omnibus tamen argumentis gravius est hoc, quod rationi epici carminis adversantur, cujus majestas non modo, sed et ingenii, quod poeta rerum narrandarum magnitudine occupatum, earumque mole laborans, habere debet, impetus, atque etiam lectoris studium, avvocato ad poetæ lusus animo, infringitur: multo autem pejus id fieret in ipso carminis exordio. Quod quidem tanto poetæ observatum non fuisse, credere vix licet. Nam Orphicorum auctoritates ad carmen cultissimum nullam vim habere possunt; si forte in ejus exordio poetam de se mentionem facere memineris, idque exemplum ad Virgilium trahere volueris.

A carmine bucolico et georgico ad heroicum se procedere significat, quisquis hos versus scripsit. Sententia integra: *Ille ego—nunc h. M. arma virumque cano.* Bene autem, tam longa oratione interjecta, poterat illud *at* in apodosi praefigi, quod toties factum videmus; quod adeo reprehendi aut *at* in *et* mutari nolim. Reliqua sic jungenda: qui, *modulatus—et egressus silvis*, (re pecuaria relicta, Ecl. IV, 3) *quondam coegi arva vicina, ut parerent colono quamvis avido*, ut, licet ille frugum terrae sit avidissimus, tamen agri, proventus ubertate, cupiditati ejus satisfacerent. cf. Burm. *Parent arva et arva coguntur parere*, agricolae studio et opera, quae declaratur a poetis per *imperium, vim*, et similia: dicuntur agri *domari, servire, parere*. At h. l. de poeta, su-

per re rustica praecepta dante, idem bene e poetica ratione qua ad praecipientem, tanquam auctorem, refertur id, quod facere praecipit, dicitur; at forte non nisi in pedestri oratione dictum est: *cogere arva, ut pareant.* Arva vicina possint non incommode dicta videri, iisdem silvis, h. e. pascuis, subjecta. Arma horrentia si sunt horribilia, novatum hoc esse putabimus; forte ab ipso poeta; nam exemplum hujus usus antiquius adhuc desidero. Possunt tamen, ut tela horrentia, hastae horrentes, dum erectae, protensae, sunt, dicuntur, ita et arma horrentia dicta accipi. Nec aliter horrentes umbræ, inf. 165. 311. si de ipsis arboribus accipias. cf. ad lib. X, 237. Notio tamen horroris et sic inest; nec repugnabo, si quis horrens more poetis haud infrequenti dictum

ARMA, virumque cano, Trojæ qui primus ab oris
Italiam, fato profugus, Lavinia venit

2 *Lavinia* Medic. a m. pr. aliique codd. sed pauciores. Commendabat illud Heins. recepit Burm. Sic tamen jam editum ed. Junt. 1520 per Nic. Angelium, unde in alias edd. venit, alia retinere *Lavinæque*. Eadem varietas apud Gell. X, 16, et al. Enimvero *Lavinia arva* inf. IV, 226, et sic alii poetæ. Etiam Græcis *Λαοῖνος* et *Λαοῖνία*. Nihil autem nisi forte *Λαῖνα* ap. Dionys. Halic. I, 59 (ubi tamen Vat. *Λαοῖνία* habet) occurrit, quod *Lavinum* scribat. Apud Propert. II, 25, 64 igitur *Lavinis litoribus* erit pro *Laviniiis*. Est tamen Javenalis versus Sat. XII, 71 *novercali sedes prælata Lavino*: ubi nulla contractio locum habet; quod jam monui ad Tibull. Obs. II, 5, 49.

esse contendat de eo, quod horrere facit: ut ipsum hoc horridum esse dicitur; possum quoque auctoritatem lyrici memorare; nam apud Pindarum P. IV, 144 sunt *φρίσσοντες ὄμβροι*.

1—3. De Æneidis argumento hoc et poetæ professione monitum ac disputatum est in præmissis Disquis. I. II. *Arma*, h. e. bella (sub Æneæ adventum in Italia orta), *virumque cano*, qui venit: hoc est, ut verbis vulgaribus diceret, et adventum viri a Troja profugi in Latium, eo quidem loco, quo Lavinium posthæc ab Æneæ fuit conditum. Est autem hæc Æneidis summa, quæ absolvitur sede in Italia accepta, Turni cæde et ex fœdere cum Latino: XII, 187 sqq. *Arma virumque* melius ita nos et epici carminis dignitati convenienter interpretari putamus, quam pro *armato viro*, ut aliis locis recte dicitur, v. c. inf. XI, 747, aut, ut *vir* ad sex priores, *arma* ad sex posteriores libros pertineat, aut cum Burmanno ita accipere, quemadmodum in solenni formula: *arma virosque ad bella polliceri*, et in similibus. Videtur enim hæc alia loquendi forma eaque aliena ab h. l. et gravitate epica haud satis digna esse; et existeret sensus: apparatus bellicum canere incipio. Immo vero bellum narrare pollicetur Æneæ, qui

Troja profugus in Latium venerat, post multos ærumnatos errores. Fato præclare ponitur, ut ad decorum interventum poeta viam muniat; *profugus venit*: ornate illud adjectum, et melius jungitur: *Trojæ ab oris profugus venit*.—*primus*: videri potest dictum, respectu suæ stirpis ac gentis novæ in Italia, cujus ille fuit auctor ac princeps; *primus* etiam fuit, qui veniret in hæc loca: *primus qui venit Italiam, Lavinia litora*. Interpretes multa moliuntur in h. l. quoniam Antenor jam ante ad Italiam accesserat. Æneæ tamen recte primus e Trojanis in hæc certe Italia partes ad Lavinium (quod jam auctor libri de Orig. G. Rom. c. 1 monuit) pervenit; nam Antenor ad Venetos in intimo sinu Adriatico, adeoque in alia Italiæ parte, quæ Galliæ Cisalpinæ erat, appulerat. cf. inf. 247. Quanquam et, aliorum Italiæ proprietæ colonorum respectu, primus Æneæ, utique e Trojanis, Italiam adiit; nam qui ante eum Italiam frequentarant, Ænotrii, Evander et Hercules, ex Græciâ advenerant. Sed arguta hæc potius quam vera puto; et poetæ animo hoc unicum insidere debuit, quod ab antiquissima memoria repetitares est. Est autem *primus*, primo, simpliciter dictum pro olim, antiquitus, ut mox 24 belli prima quod

Litora; multum ille et terris jactatus et alto,
 Vi superum, sævæ memorem Junonis ob iram;
 Multa quoque et bello passus, dum conderet urbem, 5
 Inferretque deos Latio: genus unde Latinum,
 Albanique patres, atque altæ mœnia Romæ.

3 et ante *terris* abest in nonnullis ap. Burm. Ceterum non bene major interpunctio poni videtur ante *multum*, ut nova sententia exsurgat. Sed jungendum: *virum, qui venit* - - *Italiam, Lavinia litora*; *multum ille jactatus et t. et a.* Neque video, cur infra v. 6 ante *Genus* major sit distinctio illata. 4 et ante *sævæ* auctoribus libris et edd. ant. abiecit Heins. post Pierium. 6 inde Zulich. a m. pr.

ad Trojam gesserat: h. e. antea, olim. *Æn. VIII, 319 Primus ab ætherio Saturnus venit Olympo.* Horat. II. Serm. 2, 93 *hos utinam inter Heroas natum tellus me prima tulisset. venit Italiam*, Homericæ ratione; ἤκε πόλιν et innumera, omisso εἰς. Omnino hoc infigendum animo, ut semel monitus sis, poetam Græcomore præposita ista, in, per, ad, negligere. *Italiam* et *Lavinia litora* declarative cumulata sunt: *Lavinia* autem *litora*, in quibus aliquando urbs Lavinium erat condenda, ut solent poetæ petere epitheta etiam a postmodo factis.

3. 4. *Venit jactatus et passus*, interponitur ex more ille. postquam magnos labores maritimis erroribus, et tentata frustra variis in locis nova sede, toleraverat. Πολλὰ δ' ὅγ' ἐν πόντῳ πάθεν ἄλγεα ὃν κατὰ θυμόν *Odyss. A, 4. Vi superum*, numine ac voluntate deorum: ἐκ θεοῦ. ἐκ θεῶν. *memorem Junonis ob iram*, proprie *Junonis memoris*, ejus ira, h. e. vindictæ cupiditas, cum acceptæ injuriæ pertinaci memoria erat conjuncta, adeoque et ipsa ira *memor*. Sic et Græci. Exempla cumulavit Gellius ad h. l. Sufficit unum, μνᾶμων μῆνec *Æschyl. Agam. 161.* Ad rem cf. *Æn. V, 781 sqq.* Revocatur autem hoc versu rerum narratarum ordo ad interventum Junonis et ceterorum deorum: *de quorum ministe-*

riis, quæ hic statim ab initio pollicetur poeta, v. Excurs. I* ad h. v.

5—7. *Multa quoque passus*, etiam *bello*. Quamquam quoque et pro simplici quoque etiam alibi occurrit, dum conderet urbem, donec Lavinium condidit sedemque ibi imperii fixit; ejus rei signum certissimum, si patria religio instituta est, unde: *Inferretque deos Latio*. cf. XII, 194. quo etiam splendidior facta est oratio: quam si in *Latio* cum consedis audias. Ceterum in hoc et seq. versu poeta operis characterem ex fine proposito satis declaravit: sedem novam in Italia, post toleratos in erroribus et in ipso accessu labores et discrimina. Importunum itaque est, Achillis irati vehementem affectum in *Æneide* considerare, quem poeta exhibere noluit nec debuit. At illud præclaro cum judicio in prima statim fronte egit, quod rerum narrandarum summam ad *Romanorum originem* retraxit ac deduxit, adeoque popularium suorum studium audiendi excitavit. cf. Disquis. I, de Carm. epico s. IX. *Inferretque deos Latio*, inferret in Latium Penates Troja advectos. A re, quæ religionem et venerationem habet, accessum *Æneæ* præclare designat. Unde, alii ad *Latium* et ad *urbem* retulere, alii ad *Æneam*. Melius: *qua ex re, quo factum est*, ut Aborigines cum Trojanis æquati

Musa, mihi caussas memora, quo numine læso,
 Quidve dolens, regina deūm tot volvere casus
 Insignem pietate virum, tot adire labores 10
 Impulerit; tantæne animis cœlestibus iræ!
 Urbs antiqua fuit; Tyrii tenuere coloni;
 Carthago, Italiam contra Tiberinaque longe

8 *quo numine læso* v. Excurs. I† ad h. v. 9 *Quidve Deum R. dolens.* Hamb. pr. 11 *Impulerat* Rom. cum aliis ap. Heins. ad v. 4. 12 *Cur Tyrii t. coloni* parenthesi includantur, non video. Est enim ea poetica forma, ut absoluta enuntiatione dicatur, quod in prosa esset, *urbs fuit, quam T. c. tenuere, habitarunt.* 13 *Karthago* Medic. cum multis aliis: item Goth. sec. *Alii Cartago*, ut et apud alios. *Tiberina* omnes h. l., cum alias tantopere variant libri in scriptura. *Hostia* Mediceus. it. Goth. pr. et tert. pro corrupta sequiorum sæculorum scriptura.

communi Latinorum nomine sint comprehensi (cf. Æn. XII, 823 sq.), ut ab Ascanio Alba sit condita, et ex ejus posteris *urbis Romæ conditores* ortum habuerint. *Albam* autem bene ab *Albanis patribus* designat, h. e. senatu, tanquam a nobiliore populi parte. cf. IV, 682. VII, 727. *Romam* autem per *altæ mœnia Romæ*, pleniore ore.

8. *Musa, mihi caussas memora*: Nam quæ deorum interventu aut consiliis et machinationibus alicujus dei eventum suum habuerant, nisi a dea edoctus, poeta scire non poterat. Itaque ille munit viam sibi, ut iis commode uti possit. Summa sententiæ est aperta; debet sequi: *caussas memora, quibus permota* Juno Æneam tot laboribus et ærumnis objecerit; causæ esse possunt, quod ejus numen læsum fuerit aliqua re, majestasque diminuta; et quod illa seu injuria seu ingrata aliqua re doherit. Hæremus tamen in verbis: *quo numine læso*. Quod primum se offert: *quo deo læso*, non convenit cum altero: *quidve dolens* Juno. Omnibus tentatis et expensis, quæ in Excursum I† rejecimus, quamquam duriorem, præferas rationem jam a Servio propositam: *quo, qua*

re, qua caussa, (exponuntur causssæ vss. 25—28.) *numine læso*, majestate divina, h. e. ipsa Junone. Subjicitur pro explicatione: *quidve dolens—impulerit* dea virum (exquisite, h. e. coegerit) *tot casus volvere*, h. e. ut subiret, adiret. Quæ enim gravia, difficilia et molesta sunt, et quæ magna cum difficultate movemus, machinamur, molimur, perficimus, ea *volvi* poetis dicuntur; nunc et ea, quæ tolerantur.

12. A Junonis odiis orditur, quippe per quæ objectæ sunt difficultates, quibus ab Italiæ aditu averteretur Æneas. Exponuntur odii causssæ: quæ lectorem rerum Trojanarum haud prorsus rudem studio legendi nescio quo imbuunt. Cur a Carthagine initium narrandi faciat poeta, v. mox ad v. 34. *Urbs fuit*, quoniam illa tum erat eversa, a Tyriis condita et habitata. *antiqua*, non tam quoniam nova Carthago deducta nuper a Cæsare colonia erat, ut fere interpretes; sed quoniam antiqua origo imprimis in urbium laude memoratur. inf. II, 363 de Troja: *Urbs antiqua ruit*, et de Italia: *Terra antiqua, potens*.

13. 14. *Longe*, procul sita, magno interjecto mari, ex adverso Italiæ et

Ostia, dives opum, studiisque asperrima belli :
 Quam Juno fertur terris magis omnibus unam 15
 Posthabita coluisse Samo ; hic illius arma,

15 Hanc Bigot. fertur terram Sprotianus pro var. lect. una Parrhas. 16 Ad hiatum in hoc versu impugnandum neminem video quicquam attulisse, ut mirum sit, cur ad alios offenderint.

quidem Romæ, quam per *Tiberim* designari puto. *studiisque asperrima belli*, graviter dictum pro : *dedita, vacans studiis belli* : quod *asperum* dici solet ; tum poetis studium dicitur asperum, tandemque *urbs aspera studiis belli*. Virtus bellica a poetis per *iram* exprimitur ejusque attributa. *Exasperatur* autem is, qui offenditur et ad iram provocatur. Itaque *asper* *τραχὺς*, modo iratus, vehemens, ferox, ferox, sævus, modo fortis, bellicosus, modo acer, ardens, concitatus, flagrans, ut h. l. Similiter *acres* iracundi, calidi, *δριμύεις*, mox strenui, *πρακτικοί*, tum vehementes, *δεινοί*, et sic fortes. Semel monuisse expedit ad poeticam orationem, quam imprimis perspectam esse volumus, declarandam.

15. Quam Juno fertur unam omnium maxime amasse, etiam Samo prætulisse, in qua antiquissima et celeberrima Junonis religio erat. De templo Junonis Samiæ v. Herodot. III, 60. Carthagine sub *Uranie* nomine h. e. ea appellatione, quæ græce ita reddi posset, Juno fuit culta, aut coli credita. Nam comparatio illa deorum apud exteras gentes coli solitorum parum docte a Græcis et Romanis facta est : ita ab aliis hæc ipsa Pœnorum dea cum Venere comparata est. vid. Selden. de Diis Syris Synt. II, c. 2.

16. *Hic illius arma, hic currus fuit*, ducta, puto, rei imago ab antiquis heroibus, qui curribus vecti ad pugnam egrediebantur, reducees autem

eos in loco tecto collocabant ac reponcebant. v. *Iliad.* O, 441. E, 194. traducta illa, ut alia, ad deos, quibus currus sui essent, qui in iis locis, quæ potissimum frequentarent dii et cohererent, quarumve tutelam illi haberent, reponerentur. Pro talibus locis habentur poetis eæ urbes eaque templa, quæ celebriore aliqua religione eminent. Egregius hanc in rem locus *Il. N.* 21 sqq. de *Ægis* Neptuno sacris. Junonis autem currus e nobili Homeri loco *Il. E.* 720 sqq. (adde *Odyss. E.* 381) notus est. Burmanus laudat Val. Flacc. V, 184. ubi Argonautis Phasin ingressis *simul athere plena corusco Pallas et alipedum Juno juga sistit equorum*, tanquam dii iis studentes ac præsentis. Poetica tamen potius quam vera descriptione uti videri debet poeta. Nam Carthaginienses non currui sed leoni insidentem expressisse memorantur cœlestem suam deam. cf. Apuleius Met. VI, 6. Porro *arma* Junoni tribuuntur, non, quatenus inter reliquos deos deasque armata præliis ante Trojam interfuit, ut *Il. Y.* 70 et *Æn. II.* 614 *Juno ferro accincta*, debent enim *arma* h. l. esse aliquod proprium ac perpetuum ; sed quatenus dea, deorum more, qui curru incedunt ; nisi insigniore aliquo modo de *Junone armata* cogitandum est, qualis *Ἡρα ὀπλοσμία* fuit Elide culta, Lycophr. Cass. 610. 858, et *ἱππία* h. e. curru vecta Olympiæ ap. Pausan. V, 15 p. 414. Hasta ei quodam modo propria fuit, etiam ex Latino-

Hic currus fuit; hoc regnum dea gentibus esse,
 Si qua fata sinant, jam tum tenditque fovetque.
 Progeniem sed enim Trojano a sanguine duci
 Audierat, Tyrias olim quæ verteret arces; 20
 Hinc populum, late regem, belloque superbum,
 Venturum excidio Libyæ; sic volvere Parcas.

17 regni Goth. pr. 18 Sinunt Medio. a m. pr. et pr. Moret. sinent editi quidam et Goth. tert. si quæ Zalich. intendit Puget. et Parrhas. a pr. m. quæ varietas et alibi occurrit. cf. Burm. favetque tres ap. Burm. vovet conj. Heumanni. v. Not. 19 Trojano sanguine, sine a Moret. pr. et Leid. sed v. Heins. Judicium de hoc versu obscurum Quinctiliani Inst. IX, 3, 14. ubi v. Interpp. 20 quæ everteret duo ap. Burm. alii ap. Pier. ut et alibi variatur. averterat tert. Rottend. quum verteret Puget. 21 Hic Schol. Craqua. ad Horatium Epod. 5. Si hunc populum legere liceret, reprehensioni inanis repetitionis nullus locus foret. 22 Libyes ed. Ven.

rum religione. Nota Sabinorum *Juno Curitis*. cf. Cerda. Sed optime Servius: *Sic autem esse etiam in sacris Tiburtibus constat, ubi sic precantur: Juno curulis, tuo curru clipeoque tuere meos curiæ vernulas sane.* Ad tutelæ quoque notionem *currum* et *arma* h. l. spectare, suspicatur Mitscherlich. ad Horat. I, Carm. 30. pr. Locum nostri poetæ expressit Ovidius Fast. VI, 45 *Pœniteat, quod non fovi Carthaginis arces, Cum mea sint illo currus et arma loco.*

17. 18. Carthagine, Romæ æmula, præclare utitur poeta h. l. ut ea urbs regnum gentium, caput imperii terrarum, sit, Juno jam tum, prisca illa Æneæ ætate, ante Romam conditam, tendit, contendit, allaborat, operam dat, fovetque, pro vulgari, studet; fovet hoc, hanc rem, hoc consilium, animo et cogitatione. Si qua ratione.

19—22. Enimvero e Trojana stirpe ortum habituram esse acceperat gentem, (*progeniem* dixit) quæ Carthaginem aliquando esset eversura. Populum enim, ab ea gente oriturum, ad excindendam Carthaginem in Africam copias suas esse trajectorum. Si ita exposueris, poetam forte

aliqua ex parte a reprehensione inanitis tautologiæ liberes, nec Cerdæ (ad lib. X, 213. 214) nec P. Angellii Bargæi subtilitate indigeas, in Epp. Clar. Viror. lib. I. pag. 85 (Lugd. 1561), qui ut ne eadem res bis dicta esset, explicabat: *venturum*, futurum et evasurum late regem ab excidio Libyæ. Jam expende rationem poeticam. *Hinc*, ex hac progenie, posteritate Trojanorum. Minus bene revoces ad *sanguinem Trojanum*.—*populum late regem* pro late regnantem, v. Burm. ad Petron. c. 82 extr. Comparant *εὐρυκρείων* Homericum et *εὐρυμέδων*. cf. inf. I, 235 *Hinc fore ductores, revocato a sanguine Teucris, Qui mare, qui terras omni ditione tenerent.*—*bello superbum*, exquisitius quam potentem, ferocem, utpote victorem, *κυδίωντα*, semel de hoc usu vocis apud poetas monemus. *Libya* nunc plenius pro Carthagine in ea Africæ parte sita. *venturum* duplici modo potest accipi: vel proventurum, oriturum, futurum; vel, quod præfero, *venturum exitio*, ad exitium, ut *auxilio, subsidio*. v. Burm. Audierat *Parcas sic volvere* sive fila sua nere et cum iis fata, *ἐπικλώσαι*,

Id metuens, veterisque memor Saturnia belli,
 Prima quod ad Trojam pro caris gesserat Argis :
 Nec dum etiam caussæ irarum sævique dolores 25
 Exciderant animo ; manet alta mente repostum
 Judicium Paridis, spretæque injuria formæ,
 Et genus invisum, et rapti Ganymedis honores :
 His accensa super, jactatos æquore toto

23 Expressit Valer. Fl. J, 509 *hoc metuens, et ne qua foret manus invida nato*. Ceterum non dubito, Maronem fuisse sublaturum versus 23. 24. 24 *Agris Medic. gesserit* Moret. qu. *prima Jortin (Tracts T. II p. 177) reddit : princeps, dux.* 25 *necdum jam fragm. Moret. sævique labores Pierii Longob. cum aliquot aliis ex vulgari permutatione. sed dolores proprie irarum imprimis muliebrium. cf. Barm.* 26 *Exciderent unus Leid. in inter alta et mente jam Pierius sustulerat.* 28 *raptis Rom. genus invisum ad solam Priami progeniem referre malebat aliquis : nescio quo cum fructu.*

sive hæc *moliri, machinari*: hoc alterum verius.

23. 24. *Veteris belli*, paullo ante gesti, ut *vetus* et *antiquus* interdum. v. Barm. *prima*, primum, prius. *Argi* pro *Argivis*. Versus 25—28. in parenthesis esse positos puta. *Id metuens, et belli memor, arcebat Troas*. Cum autem alias causas interposuisset, *iniquum Paridis judicium, quo Junonis forma inferior pronuntiata fuerat, et Ganymedis raptum*, addit v. 29 *His accensa super*, super cetera, insuper, etiam his sibi factis injuriis inflammata, *arcebat Troas*. Aliorum interpretum ratio, ut *id metuens* cum antec. *audierat* jungas, orationem efficit elumbem et languidam. Anacoluthum agnoscere satius esset, sed necesse non est, alioqui possit poeta videri mutasse structuram paullo durius ; cum pergendum esset : *id metuens Juno—et memor belli—et causarum* etc. 24. *prima*, prius, olim. v. ad v. 1. a Jortino (*Tracts To. II p. 177*) redditur : princeps, dux. 26. *Manet repostum* pro vulgari, est repositum in animo *alte*, profunde. Comparanda autem cum his Home-

rica II. Ω , 25—30. Formam adumbravit Statius Theb. I, 246, ubi Jupiter : *neque enim arcano de pectore fallax Tantalus et sævæ periit injuria mensæ*. Hinc Ovid. Fastor. VI, 43 *Causa duplex iræ : rapto Ganymede dolebam : Forma quoque Idæo judice victa mea est*. Ceterum versus est ex ornatissimis. 27. *spretæ injuria formæ* adjectum ad declarandam judicii indolem. *spretæ forma*, est Junonis pulcritudo pulcritudini Veneris posthabita ; et, quandoquidem id cum Junonis injuria factum, hoc plenius : *spretæ formæ injuria*. 28. *Genus invisum*, propter Dardanum, Jovis et Electræ, pellicis, filiæ Atlantis, filium, a quo Trojani ducunt originem. *Serv.* v. Exc. VI ad lib. III. *rapti* (v. *Æn.* V, 255) *Ganymedis honores*, ministerium poculorum, ad quod Ganymedes raptus a Jove receptus est, remota Hebe, *Serv.*

29—33. *His accensa super*, insuper. ut sit junctura : *Id metuens—memorque—et insuper his accensa, arcebat*. v. ad v. 25. *reliquias Danaum*, a Danaïs et ab Achille relictos Trojanos ; qui Achivorum manus effugerant.

Troas, reliquias Danaûm atque immitis Achilli, 30
Arcebat longe Latio; multosque per annos
Errabant acti fatis maria omnia circum.
Tantæ molis erat Romanam condere gentem.

Vix e conspectu Siculæ telluris in altum
Vela dabant, læti et spumas salis ære ruebant; 35
Quum Juno, æternum servans sub pectore vulnus,

30 atque aliquot in codd. abest. v. Pierium. Achilli Medic. aliique ap. Pier. et Heins. quem vide hic et ad 120 et ad Ecl. VIII, 70. sive quod veteres, grammatica nondum satis constituta, ita flexerunt, sive ex Achilleus, pro Achillei, quod verisimilius; nisi sic scribendum erat. Erat vir doctus, qui hunc versum pro spurio habebat. Mox v. 41 Oilei in Med. est Oili. Inf. 220 est Oronti. nam ab Achilles frustra ducere id Grammaticos puto. Vulgo h. l. Achillis. 35 salis in Medic. supra adscriptum, aberat, ut esset hiatus. Sed et X, 214 campos salis ære secabant. Minus bene interpungebatur: Vela dabant læti, ita alteram membrum jejunum erat. 36 in pectore Zulich. ex glossa. aut in ex alio ordine, qualis in Dorvill. servans æternum.

Mox multos annos h. e. septem. v. Exc. II ad lib. III. 32. acti fatis. non tam, quoniam hoc Junonis odium fatale erat, ut Serv.; Sed potius, quoniam hi ipsi Trojanorum errores fatales erant. 33. molis, molitionis, difficultatis. In prosa: Tam difficile erat, ut Trojani in Latium pervenirent, ibique stirpis, e qua Romani orituri essent, auctores fierent. His verbis declaratur a poeta, carminis argumentum haud alienum esse a Romanis, sed ad eorum origines spectare.

35. Hic, ut in Odyssea, in medias res abripitur lector. Quomodo enim e Sicilia solverit Æneas, qui tum classe in Italiam tendebat, infra videbimus sub finem libri III. Sed tempestate mox orta a cursu avertitur et ad litus Africae, tantum non naufragio facto, ejicitur. Rerum autem ordinem ipsamque adeo dictionem ad Homeri exemplum instituit Odyss. E, ubi Ulysses ex Calypsus insula Ithacampetens, cum jam Phæaciam in conspectu haberet, tempestate a Neptuno excitata naufra-

gus enatat. Quod ibi Neptunus facit, tributum h. l. Æolo, quodque Leucothea, hic Neptuno. cf. Macrobr. Sat. V, 2. In Homero tamen major rerum varietas narrationisque suavitas.

35. Vela dabant, cum per epexegsin hoc vellet explicare, saltem verbis erat ornandum, cum sententia eadem maneret; itaque spumas salis, ἄλμης, maris; occurrit et alibi. ære, ærata navi, (nec modo rostra ærata sed et puppes ærata et ærea, ut Æn. V, 198) ruebant, secabant, ut terra ruitur sulco facto, ernitur, læti, alacres, Italiae, laborum metæ, nunc tandem propiores, πρόσθυμοι, cf. II, 394. 395. Serv. Habuit forte poeta ante oculos versum 269 Odyss. E, γηθόσυνος δ' οὐρὰ πέτασ' ἰστία διὸς Ὀδυσσεύς.

36—38. Æternum vulnus, qui v. 25 savi dolores: i. e. ira. ita gr. ἔλκος. Adumbrata autem Junonis indignatio ex Odyss. E, 281 sqq., ubi similis oratio Neptuni. Hinc nullus fere est poeta, qui non eundem ad modum iram alicujus dei finxerit.

Hæc secum : Mene incepto desistere victam,
 Nec posse Italia Teucrorum avertere regem ?
 Quippe vetor fatis. Pallasne exurere classem
 Argivum, atque ipsos potuit submergere ponto, 40
 Unius ob noxam et furias Ajacis Oilei ?

38 *Nec possum* Rottend. sec. *non posse* Puget. et sic Donatus legit. *evertere* Goth. pr. *avertere gentem* tres ap. Barm. et Goth. tert. *classem* Zulich. pro var. lect. ex versu sequ. 40 ipso Græv. male. *potuit atque ipsos* tert. Moret. *subvertere* unus Leid. sed superscripto altero. 41 *furiis* Pierii obl. quod defendi posset. cf. Barm. *Oili* Medic. v. ad v. 30.

Similem prorsus locum videbis inf. lib. VII, 286—320; quem comparasse non poenitebit. Ex utroque Bacchi Jovi supplicis verba finxit Statius lib. VII Theb. 151 sq. 182 seq. Ceterum legenda hæc sunt oratione per iræ et indignationis impetum intercepta: ut solemus in magno animi motu eloqui. *victam* poetica copia adjicitur. *Teucrorum regem*, ducem.

39 sq. Potuit tamen Pallas, (quanto magis ego: 46.) vel contra fata (h. e. quamvis faustus reditus fato erat destinatus), Achivorum classem cœlesti igni comburere et fluctibus opprimere, unius Ajacis ulciscendi causa. Ab Euripide hæc sumpta esse, Macrob. V Sat. c. extr. monet. Ursinus ad *Ajacem Oileum* fabulam Euripideam provocat, quæ nulla fuit, sed *Οἰλέως* credita fuit, quæ *Συλεύς* legi debet, ut Heathius docuit. (Ex eo nunc fragmenta vid. ap. Valk. in Diatr. et ap. Musgrav. De Sylco v. ad Apollod. p. 443) Euripidis locus, quem Virgilius respicere debuit, est in Troad. v. 77—86. unde etiam versus 23 sqq. Virgilio ante oculos fuere. Fabulæ fundus est in Homero Odys. Γ, 135 sq. et multo magis Δ, 499 sqq., sed ibi Neptuno tribuitur, quod h. l. Minerva facit: *Illum expirantem—Turbine corripuit*. Homerum autem

sequuti poetæ cyclici, varie et copiose, imprimis in *Νόστοις* suis, tractasse videntur hanc narrationem, ut ex Quinto Cal. colligo, qui copiose Ajacis fata exponit lib. XIV, 420 sqq. Etiam Lycophron in Cassandra v. 392. 3. cum vulgari narratione consentit. Virgilianam tamen rationem, præter Schol. ad Iliad. N, 66 ex Callimacho, ἐν Αἰγίοις, Hyginus habet fab. CXVI. unde colligo, Tragicum aliquem Minervæ partes has olim dedisse, quas Homerus Neptuno dederat; quanquam et hic ipse huic variationi locum fecisse videri potest, dum interdum totam reditus Achivorum calamitatem ad solam Minervam refert, ut Odys. A, 326. 7. Γ, 135. 145.

40. 41. *Unius ob noxam*. Ergo dea Achivis antea studiosissima unius Ajacis scelere adeo exarsit, ut nunc in *omne nomen Achivum* sæviret. cf. Tryphiod. 647 sq. *Ipsos* Argivos; nisi doctiorem rationem vis sequi, ut post classem *navtās* intelligas; uti nonnunquam fit. cf. Barm. ob *Ajacis*, *Oilei* f., insanam libidinem. stupro Cassandræ illato in Minervæ templo, in conspectu ipsius deæ. De Cassandra eique illata injuria vide inf. ad lib. II, 403. Facinus hoc honeste, graviter tamen, declaratur per *noxam* et per *furias*.

Ipsa, Jovis rapidum jaculata e nubibus ignem,
 Disjecitque rates, evertitque æquora ventis ;
 Illum, exspirantem transfixo pectore flammæ,
 Turbine corripuit, scopuloque infixit acuto. 45
 Ast ego, quæ divûm incedo regina, Jovisque
 Et soror et conjux, una cum gente tot annos
 Bella gero. Et quisquam numen Junonis adoret
 Præterea, aut supplex aris imponat honorem ?

42 e navibus tert. Rottend. et Menag. a m. pr. unum pro ignem Goth. tert. 43 De-
 jecitque tres ap. Burm. quem vide. everrit Giphau. Ind. Lucr. et van Hoven Campens.
 Fasc. III, p. 252. invertit Hamb. sec. ap. Cort. ; sed evertere pro subvertere efficax ver-
 bum. Cur tamen hic non rotis scriptum occurrit ? 44 spirantem Mentel. pr. transfixo
 corpore Sprot. et Menag. sec. tempore Probus legit in Servianis, et memoratur pictura
 Ardeæ in templo Castoris et Pollucis, Capaneus fulmen (fulmine) per utraque tempora
 trajectus.—Sed qui legunt pectore, de Accio translatus affirmant, qui ait in Clytemnestra
 de Ajace : In pectore fulmen inchoatum (f. indo actum) flammam ostentabat Jovis. 45 In-
 flisit legerunt nonnulli ap. Pierium. et sic Junt. et jam olim Cornutus ap. Serv. Sed acuto
 scopulo infigi melius. 46 Divom Burm. ex Gud. 47 annis Hamb. pr. et Zulich. per-
 petua variatione. 48 aut quisquam Pierii Longob. eam aliquot aliis ; item quinque ap.
 Heins. Voss. haud qu. ap. Pierium alii : aut quis jam, vel ecquisquam Goth. sec. et quis
 jam edit. Mediol. et Goth. pr. en quisquam. Sed præstat et. Porro nomen nonnulli, ut
 solent, adorat et imponet Rom. et alii ap. Pier. Medic. et multi alii ap. Heins. et Burm.
 it. Goth. tert. inter quos nonnulli imponit, Vulgatam defendit Burm. Heinsius vero
 alteram, et meo quidem judicio rectius. Major enim vis absolutæ orationi inest. impendit
 Moret. sec. imponit odorem Mentel. alt. a m. sec. honores Goth. tert. Hamb. sec. in Exc.
 Cort. ed. Ven. 1472.

42—45. En exemplum deæ ful-
 men moderantis. Aliud Junonis est
 inf. IV, 120 v. Exc. I. ** ad h. v.
 Argutatur Servius advocans discipli-
 nam Etruscorum, ut solet. Facta per
 tempestatem navium dispersione ad
 Caphareum, Eubœæ (cf. inf. XI,
 260) promontorium, Ajax Oilei f.
 ad Gyra petras, prope Myconum in-
 sulam, actus naufragium fecit. Ip-
 sum vero Pallas fulmine percussum
 procellæ vi scopulo etiam illisit.—
 Illud vero castum poetam ausum
 esse miror, eum, qui fulmine percus-
 sus erat in pectore, ignem ore exhalare.
 Haud dubie hoc ex Tragico aliquo
 advicerat.

46. 47. Cf. Æn. VII, 304. 307—310.
 incedo, h. e. quæ sum ; sed illud ma-

jore cum dignitate, Incessus dearum,
 imprimis Junonis, gravitate sua notus.
 Propert. II, 2, 6 incedit vel Jove digna
 soror, h. e. tanquam altera Juno. Jo-
 vis soror et conjux ex Homero :
 κασιγνήτην ἄλοχόν τε II. Π, 432.
 cf. Cerda.—48. Præclare ad invidiam
 bella gero, pro, eam perdere cupio.
 numen Junonis, me. at quanto gra-
 vius ! Adumbrata autem hæc ex
 Odyss. N, 128 sqq.—49. Præterea,
 post talia, in posterum ; est Homeri-
 cum ἔπειτα, honos, solenne poetarum
 de sacrificiis, libationibus etc., quæ in
 deorum honorem fiunt, aliquantum
 ornatus habet. Expressit versum
 Ovid. Am. III, 3, 33 Et quisquam pia
 thura focis imponere curet ? Jam vides
 honorem plus dignitatis epicæ habere.

Talia flammato secum dea corde volutans, 50
 Nimborum in patriam, loca feta furentibus austris,
 Æoliam venit. Hic vasto rex Æolus antro
 Luctantes ventos tempestatesque sonoras
 Imperio premit, ac vinclis et carcere frenat.
 Illi indignantes magno cum murmure montis 55
 Circum claustra fremunt. Celsa sedet Æolus arce
 Sceptra tenens, mollitque animos, et temperat iras.
 Ni faciat, maria ac terras cælumque profundum

51 *loca plena* Leid. unus ex interpr. Locum ante oculos habet et versus ex eo repetit Seneca Qu. Nat. VI, 18. 53 *luctatos* Gud. 54 *et v.* Nonius et duo Burm. 55 *vasto cum m.* Oudart. et Leid. sollenni variat. 56 *circum* Heins. ex scriptis omnibus. vulgo: *circa. circum castra* Hamb. sec. *ferunt* Menag. pr. 57 *tenet* Dorvill. *mollisque* unus Heins. 58 *Ni faciant* Priscian. et Medic. Etiam Pomponius Sabinus.

Majus etiam decus adjecto *supplex*, vocabulo religioso, quod omnino, ut *supplicare*, ad cultum deorum refertur, sacris vel precibus factis.

50. Nota narrandi artificium: non ante verbis consilium Juno exponit, sed statim, quid ea peregerit, subjicitur. Habuit autem poeta ante oculos Il. Æ, 230 sqq. ubi Juno Somnum adit.

51. 52. *Nimborum* h. l. ventorum, qui *perturbati aeris, repentinorumque ac præcipitum pluviarum* causæ sunt. *feta* poeticum, ut *gravida*, plena *austris*, omnino ventis, sed *austris* sunt sævissimi in mari Mediterraneo; igitur melius hoc genus ponitur. ad *insulam Æoliam* venit h. e. unam ex Æoliis seu Vulcaniis et Liparæis. Sed unam tantum norat Homerus Odys. K, 1 sq. v. Excurs. ad h. l.

52—56. Ornati versus: Æolus inclusos tenet ventos. *vasto antro*, naturale enim est, vaporem et spiritum per loca concava (subterranea) motum concitari, sicque fieri *ventum*. vid. Seneca Qu. nat. VI, 18.—54. *imperio premit*, gravius quam regit,

et *frenat* plus quam tenet, cohibet. *vincula* per *carcerem* declarantur. non enim compedes esse possunt. Sunt igitur pro custodia.

55. Optime junges: *fremunt cum murmure montis*. Certe *murmur montis* recte jungitur. nam quæ oculorum auriumve sensu accipiuntur aliquo in loco, ea ipsi loco tribuuntur. cf. inf. 124. Prævit autem nostro Lucret. VI, 196 *Speluncas—venti cum, tempestate coorta, Implerunt; magno indignantur murmure clausi*. Virgilius vero Statio Theb. I, 347: *Jam claustra rigentis Æolia percussa sonant* etc. item Valerio Fl. I, 574 sqq. qui totum locum illustrat, imprimis 591 sqq.—*fremunt* autem venti circum *claustra*, spiracula, erumpere volentes.

56. 57. *Celsa in arce*, extra antrum alto in montis cacumine, infra 140 *aula* dicta s. regia. Sic apud Homerum Odys. K pr. habet regiam Æolus, ut et apud Quintum l. c. 475. *mollit animos*, mitigat, h. e. domat, *καμῶ*, reprimit ac coercet eorum impetus, et *iras*, furores.

58. *Ni faciat—quippe ferant ex-*

Quippe ferant rapidi secum, verrantque per auras.
 Sed pater omnipotens speluncis abdidit atris, 60
 Hoc metuens; molemque et montes insuper altos
 Imposuit; regemque dedit, qui fœdere certo
 Et premere, et laxas sciret dare jussus habenas.
 Ad quem tum Juno supplex his vocibus usa est:
 Æole, namque tibi divûm pater atque hominum
 rex
 Et mulcere dedit fluctus et tollere vento, 66
 Gens inimica mihi Tyrrhenum navigat æquor,

59 *rabidi* Moret. sec. *vertantque* Menag. pr. et ed. Ven. 1472. *versantque* Uratisl. *traherentque* Oudart. *traherentque* Leid. unus. *ruerentque* Hugon. sed *verrant* egregie pro *diripiant*, spargant; et est omnino voc. ventorum. *per aures* Jant. ed. 60 *addidit* tres Burm. inter quos Hamburg. pr. *addidit* imis pro var. lect. 61 *Id* metuenstres ap. Burm. ex v. 23. 63 *lapis* et *jussus dare sciret* iidem. 66 *emulcere* Mead. *ventos* Donat. Acro et edd. nonnullæ; etiam Hamburg. sec. minus docte. cf. Burm.

quisitius quam vulgare, *quod ni faciat Æolus, ferant utique*, *ὅη, δὴ πα*. Etiam pedestris oratio postularet: Quippe, ni faciat, ferant. alio ordine. *profundum cælum*, altum, v. ad Georg. II, 288. Habuit poeta ante oculos Lucret. I, 279. 280 *Venti—corpora cæca, Quæ mare, quæ terras, quæ denique nubila calæ Verrunt ac subito vexantia turbine raptant*.

60—64. Primum ventos speluncis inclusit, *insuper*, præterea, *molem et* (quæ molis est explicatio) *montes altos* iis imposuit. Nisi præstat *insuper* ad *imposuit* referre, superimposuit montem altum. *fœdere certo*, certa lege, ratione; non temere et pro eorum impetu: *premere*, habenas inhibere, retrahere: opp. *laxas dare*, laxare. modo coercere (v. 54 *frænare*), modo liberio rem impetum concedere, omninoque moderari. *jussus* a Jove. cf. 77.

65—69. *Æole, namque* — poetica ratio, qua (Homeri exemplo γὰρ v. ε, Iliad. Ω, 334, ubi cf. Ern.) formam

pedestris orationis in caussa reddenda relinquit et simul orationi vehementiam affectus conciliat: *Æole*, quandoquidem tibi *Jupiter*, πατήρ ἀνδρῶν τε θεῶν τε, dedit hoc, ut possis tempestates excitare et sedare, concita ventos, ut aut obruatur fluctibus classis mihi invisa, aut disjiciatur. *Mulcere fluctus*, reprimere, et tollere eos vento, h. e. concitare, ut alte insurgant. Illustrant verba Cerda et Burm. Sumtum ab Ennio Annal. XVII Auster et Aquilo *Eudo mari magno fluctus extollere certant*. Odyss. K, 21. 22 *Κεῖνον γὰρ ταμῖν ἀνέμων ποίησε Κρονίων*, Ἡ μὲν πανέμεναι, ἡδ' ὀρνύμεν', ὅν κ' ἐξέλησι. Illustrat et Dionysii Perieg. versus 464 *Αἰόλον, ὃς Σηητὰ μετ' ἀγῶράσιν ἔλλαβε δῶρα, Κοιρανίην ἀνέμων κλοπεόντων Σ' ἰσταμένων τε*. *navigat per æquor*. 68. Pulcerimus versus verborum dilectu! ut in Italia novam sedem quærat, cf. VIII, 12. quo ipso Ilium restitutum videri poterat in Italia. Ovid. Fast. IV, 251 *Cum*

Ilium in Italiam portans victosque Penates :
 Incute vim ventis, submersasque obrue puppes :
 Aut age diversos ; et disjice corpora ponto. 70
 Sunt mihi bis septem præstanti corpore Nymphæ,
 Quarum, quæ forma pulcherrima, Deiopeam
 Connubio jungam stabili propriamque dicabo :
 Omnes ut tecum meritis pro talibus annos
 Exigat, et pulcra faciat te prole parentem. 75
 Æolus hæc contra : Tuus, o regina, quid optes
 Explorare labor ; mihi jussa capessere fas est.

68 *Ilium Italiam* sex ap. Burm. cum ed. Ven. 1472, in omittit etiam Goth. pr. in *Italia* Leid. at Ovid. Ep. VII, 51 *Ilium in Tyrios transfer felicius urbem*. cf. Burm. 69 *que abest* a Ven. *summersasque* Rom. et alii. *subversas* conj. nonnulli ap. Pierium, quia *obruere* prius quam *submergi* ; male in poeta. 70 *diversos* Heins. restituit e Codd. consensu etiam ap. Pierium. vulgo *diversas*, quæ vulgaris ratio foret. Habent hoc pauci codd. (ut Goth. tert. a m. pr.) sed legitur. ap. Diomedem in arte Grammat. et Donatum in Andr. Terent. et Schol. Lucani IV, 457. *dissice* scribunt fere post Medic. et Rom. libri ; solent enim veteres et librarii et marmorarii e duabus literis i alteram tantam exhibere. v. Heins. *corpora dissice* Oudart. *divide* Reg. pro glossa. *discute* alter Hamb. *vento pro ponto* Morel. pr. et Leid. a m. pr. eadem diversitas VII Æa. 528, Lucan. V, 570. Burm. 72 *Quæ formam pulcherrima* Medic. Heinsio notante, cui græca ratio impense placet ; non tamen ita expressum a Foggino, sed *forma. quæ est forma* Hamburg. pr. *quæ forma est* Bigot. *Deiopea* non modo Medic, sed et Rom. cum aliis Pierianis, Heinsianis tribus exceptis, Zulich. tres Goth. Librorum itaque auctoritate erat recipiendum, nisi lubrica in fine τῶν m sedes esset. Porro alii *Diopæa*, *Diopæam*. Gr. est Διοῖον et Διοῖον. cf. ad Georg. IV, 343. 73 In *connubio* noli cum Grammaticis putare mediam corripì, aut systole aliqua id fieri posse ; sed pronuntiandum *connubio*, ut sint tres syllabæ. 75 *faciat te prole beatum* Bigot. 76 *Æolus e contra* sex ap. Burm. a librario barbaro, ut fere semper. quod nonnulli ex Heinsianis ; item ex Pierianis. quod *optas* duo Hamb. et ed. Ven. 1472. ut et alibi. 77 *labos* Zulich.

Trojam Æneas Italos portaret in agros. 69. *Incute*, ut injicere, immittere, vim, impetum, iram, *ventis*, tertio casu. Sic melius. h. e. ventos concita auctis viribus. Servius ex Ennio : *dictis Romanis incutit iram. submersas obrue* gravius quam submerge. *age diversos*, dissipa, disperge per diversa, ut Serv., et *disjice corpora*, h. e. eos, sed præclare, *corpora*, quippe naufragio facto mari mersos. Atque sic factum vides inf. 118. 128. 129. Vi tamen oppositi aliam sententiam requiras : ut per varia maria erroribus exerceantur. Sed obstat voc. *corpora*.

71. Locus expressus ex Iliad. Ε.

267 sqq. Alias Junoni Charites vel Horæ adsunt ; h. l. Nymphæ : quod observandum. Vid. Excurs. II ad h. l.—73. Verba *stabili propriamque dicabo*, h. e. dabo simpliciter, ad ornatum et declarationem refer τῶν *connubio jungam*. æmulatus poeta est illud Δώσω ὀπνιέμεναι καὶ σὴν κεκλησθαι ἄκοιτιν. Dicas forte, vs. 74. 75. sententiam nimis esse protractam ac verbosam. At oratoria arte moratur Juno in exponendis iis quæ vim ad Æoli animum habere possint.—74. *Omnes ut tecum*. ἥς αἰὲν ἐέλδεται ἡμᾶτα πάντα.

77. *Explorare*, recte secusne id fiat, quod velis fieri. h. e. Rectene

Tu mihi, quodcumque hoc regni, tu sceptrā Jovemque
Conciliās; tu das epulis accumbere divūm,
Nimborumque facis tempestatumque potentem. 80

Hæc ubi dicta, cavum conversa cuspide montem
Impulit in latus; ac venti, velut agmine facto,
Qua data porta, ruunt, et terras turbine perfliant.
Incubuerē mari, totumque a sedibus imis

78 quodcumque hic r. Goth. pr. 79 Concilia Rom. 80 parentem Hamb. sec.
82 et v. tres Barm. non male. 84 tortumque legebat et hic Marklandus Epist. crit. p.
32. ubi illud tortum in plura poetarum loca reducere allaborat.

hæc an secus a me postules, tu ipsa
videris. Præmunit transitum ad Nep-
tuni indignationem de Æoli audacia
v. 130 sqq. Simplicius Homerus Ili-
ad. E, 195 *Ἀῦδᾶ, ὃ τι φρονέεις, τε-
λέσται δὲ με θυμὸς ἄνωγε*, Venus
ad Junonem; quem versum et alibi
repetit, ut Odyss. E, 89.—78. Verba
hanc sententiam fundunt: tuis in me
officiis debeo totum hoc ventorum
regnum, quod mihi a Jove impetras-
ti, quin et ipsum inter deorum or-
dines locum; is enim designatur an-
tiqua poesi per istud: *epulis accum-
bere Divum*. ut de somno Homer. I.
l. v. 241 *εἰλαπινύζων*. Obscuriorem
aliquam fabulam, quam antiquior po-
eta hand indocte invenerat, subesse
necesse est: scilicet antiquiores poe-
tæ, qui aerem, atmospheram nos di-
cimus, per Junonem declararunt,
ejus beneficio Æolum deum factum
narrasse videntur: quandoquidem aer
concitatus ventos creat. Certavit
autem Maro cum Homero Iliad. E,
238, ubi Juno Somno *ἑρόνον* ab Vul-
cano affahre fabricandum promittit.
Certa ita illustrat, ut veteres dicat
credidiſſe, in Junonis potestate reg-
na et imperia esse; parum com-
mode.—Verba *conciliās, das*, pro præ-
teritis. *Conciliare* ad plura refertur.

Jovem, propitium reddendo, benevo-
lentiam ejus *regnumque* ab eo impe-
trando.

81—83. Hæc eadem ap. Quintum
l. l. XIV, v. 479 sqq. Æolus *χερσὶν
ὑπ' ἀκαμάτοισιν ὄρος μέγα τύψε
τριάλινη — βίᾳ δ' ἑρρόηξε κολώνην*.
(non male epitheton adjecit noster
cavum montem, propter antrum.) cf.
loc. Val. Fl. I, 608 sq. *Tum valido
contortam turbine portam Impulit
Hippotades* etc. Egregie autem dei
et potentia et impetuusum obsequi-
um declaratur, uno sub ictu monte
(non, ut olim accipiebam, in latus
dimoto, verum) latere montis per-
cusso hasta dei, perrupto et sic pate-
facto. *In latus* est pro in latere, ut
inf. v. 114 *Unam—in puppim ferit*.
Alius poeta (quanquam et nostrum
idem facere volunt interpretes v.
Burm.) repagula ostiorum solvi jus-
sisset. Simplicior Homerus Od. E,
291 sq. nec tamen minus sublimis.
Statius Virgilii vestigiis institit: *du-
biamque jugo fragor impulit Æten In
latus*. Theb. I, 119. *conversa cuspide*,
hasta; quam pro sceptro gestare diis
solenne est, hanc intorquet, immittit,
ruptaque rupe viam ventis facit, qua
erumpant.

84—86. *Incubuerē*, incumbunt,

Una Eurusque Notusque ruunt creberque procellis 85
 Africus, et vastos volvunt ad litora fluctus.
 Insequitur clamorque virum stridorque rudentum.
 Eripiunt subito nubes cælumque diemque
 Teucrorum ex oculis; ponto nox incubat atra.
 Intonuere poli, et crebris micat ignibus æther; 90
 Præsentemque viris intentant omnia mortem.
 Extemplo Æneæ solvuntur frigore membra.
 Ingemit, et, duplices tendens ad sidera palmas,

85 *crebrisque* Mead. Goth. tert. a m. pr. Ceterum nullus habet: *Una Eurus Boreasque ruunt*, vel *Una Eurusque Aquiloque r.* hunc tamen in hac tempestate imprimis expectes, quæ ad Libyam deferatur classis. 86 *Affricus* multi scribunt. *Affricos* Rottend. et Goth. pr. ad sidera Bigot. et idem Goth. pr. tollunt ad sidera Hugen. pro div. lect. scilicet ex v. 103. 87 *It cælo clamorque v.* ap. Priscian. libro VII, sed aliter scripti et Eutyches Grammaticus ap. Heins. 88 *Arripiunt* Hamb. pr. fors. *Abripiunt* Barm. 90 et abest a Sprot. Hamb. pr. et ed. Ven. et malim deesse; habet Schol. Horat. I od. 34 c. cett. Sed infinita loca in poeta sunt, ubi aurium iudicium aut sententiæ vis postulant, ut ejiciatur copula, quæ tamen tuta latet sub codicum præsidio ac tutela. Nihil adeo novare licet. aer Mss. Græv. 91 *montem* Medic. a m. pr. 92 *Extemplo* scribitur in nonnullis. 93 *tendens geminas* Bigot.

ἐνέπεσον, ἐπέχραον, ἐνέσκηψαν. a sedibus inis ruunt, h. e. eruunt a fundo: inf. II, 419 imo nereus ciet æquora fundo. Sequitur tempestatis descriptio omnium fere post Virgilium poetarum imitatione nobilitata, in qua observandum, quomodo omnia sint ad terrorem et admirationem narrata. Quod undique venti erumpere narrantur, non eo spectat, ut uno eodemque temporis momento omnes venti spirent; verum uti, quod natura tempestatis fert, crebræ aeris mutationes ab omnibus inde coeli plagis sibi succedant, cf. Exc. III ad h. v.

87. Laudat Servius ex Pacuvio in Teucro: armamentum stridor et rudentum sibilus; funium nauticorum. —88. 89. Odyss. E, 293 σὺν δὲ νεφέεσσι κάλυψε Γαῖαν ὁμοῦ καὶ πόντον· ὁρώρει δ' οὐρανόθεν νύξ. cf. Odyss. I, 66—69 et inf. III, 198, ubi

nimbi, qui h. l. nubes. Mox poli pro cælo simpl. Nec est ὑστέρον πρότερον, quasi tonitru præcedat fulgur; sed cadunt crebra fulmina cum tonitru.

92. Naturæ veritatem sequutus poeta, exemplo Homeri Od. E, unde locus expressus, v. 297 καὶ τὸτ' Ὀδυσσεύς λυτο γούνατα καὶ φίλον ἦτορ, Æneam suum metu vacare non jubet. Aliud est Achillis exemplum, qui mortem a Xanthi eluvie instantem similiter exhorrescit Iliad. Φ, 272. Antiquam sepulturæ religionem huc advocare, quæ, cum inhumati jacerent, qui mari adsorpti essent, tanto gravior naufragii horror esse debebat, nimis argutum arbitror. Præcis heroibus et metuere et flere haud indecorum est.—93. Ὅχθῆσας δ' ἄρα εἶπε πρὸς ὃν μεγάλῃτορα θυμὸν v. 298 Od. E. et sequitur similis oratio Ulyssis, ut hic Æneæ.

Talia voce refert : O terque quaterque beati !
 Quis ante ora patrum Trojæ sub mœnibus altis 95
 Contigit oppetere ! o Danaûm fortissime gentis
 Tydide, mene Iliacis occumbere campis
 Non potuisse, tuaque animam hanc effundere dextra !
 Sævus ubi Æacidæ telo jacet Hector, ubi ingens
 Sarpedon ; ubi tot Simois correpta sub undis 100
 Scuta virûm galeasque et fortia corpora volvit.

95 ora deum pr. Hamb. Saper quis Servius ita est intelligendus : Duplex fuit forma : qui, quorum, quis. (non autem quis) et quæ, quum, quibus, sive ab initio, quæis, quæum, quæibus. 96 o deest ed. Ven. 1472. 97 Tytide multi male scribunt. Est Τὸ δὲ ἰδὸς. mox : decumbere flammis Hamb. pr. sed cum Diomede in campo ante Trojam congressus est, v. not. 98 hanc animam Parrh. tua hanc animam Bigot. animamque tua hac (saltem deb. hanc) Moret. pr. 99 et ingens unus Pierii, unde Gifan. facit ut. 100 Sarpedo Medic. a pr. m. sub undas alii ap. Serv. Versum hunc repetit inf. VIII, 539. 101 pectora Oudart. Hamb. sec. et Leid. nec non Goth. tert.

94—96. ibid. 306 Τῶς μάκαρες Δαναοὶ etc. Compara locum. cf. Iliad. Φ, 279 sqq. nostrum imitatur Seneca Agam. 515 sqq. oppetere mortem, vulgare ; poeta absolute posuit : ut obire mortem, mox, obire simpliciter.

96—98. Diomedem, Tydei f., potissimum inter Achivos memorat, quoniam cum eo congressus Æneas a Venere morti ereptus fuerat. v. Iliad. E, 239 sqq. 311 sqq. Fortissimum eum appellat ex Iliad. Z, 98, ubi Helenus de eodem : Ὅν δὲ ἐγὼ κάριστον Ἀχαιῶν φημὶ γενέσθαι. (Aliena affert Schottus II. Obs. 15.)

99. Odyss. Γ, 108 Nestor facta Achivorum ante Trojam recensens ἐνθάδ' ἔπειτα κατέκταθεν ὅσσοι ἄριστοι· Ἐνθα μὲν Αἴας κῆται Ἀρήϊος, ἔνθα δ' Ἀχιλλεύς, ἔνθα δὲ Πάτροκλος—ἐνθα δ' ἐμὸς φίλος υἱός. suavissimus locus ! sævus Hector simpl. pro fortis, ut acer, asper, v. 14 : Scilicet, ut semel moneamus, cum sævus proprie ad iram, furorem, ac vehementiam spectet : pro communi

epitheto, sæpe tantum in ornatum, adhibetur in omnibus rebus, quæ ad bella, pugnas, virtutem ; ad imperia, regna, jussa ; ad mare, ventos, tempestates, pertinent. Quo fit, ut nonnunquam per fortis, magnus, potens, declarari possit, ut Homericæ δεινός, αἰνός, ἀπηνής. telo, hasta, v. Iliad. X, 319. jacet, periit, κείται. quantum et corpus Hectoris sepulchrum sub mœnibus urbis habuit, v. Iliad. Ω, 786 ; non vero Sarpedonis, qui in Lyciam fuit abductus. Sarpedon ingens, πέλωριος.

100. 101. Contendit cum Homero Iliad. M, 22 sq. καὶ Σιμόειε ὄθι (in cujus litore) πολλὰ βοάγρια καὶ τρυφάλειαι Κάππειον ἐν κονίῃσι, καὶ ἡμιθέων γένος ἀνδρῶν. Inf. XI, 257 Quos Simois premit ille viros : quod minus audacter dictum videri potest, quam volvi flumine h. l. scuta et galeas. De quo v. ad 119. Egregie autem reddita est Simoentis natura, qualem eam adhuc esse memorarunt ii qui hæc loca adierunt. Prælia autem inter Simoentem et Scamandrum

Talia jactanti stridens aquilone procella
 Velum adversa ferit, fluctusque ad sidera tollit.
 Franguntur remi; tum prora avertit, et undis 104
 Dat latus; insequitur cumulo præruptus aquæ mons.
 Hi summo in fluctu pendent; his unda dehiscens
 Terram inter fluctus aperit; furit æstus arenis.

103 *aversa* una Juntina ed. *fluctumque* Medic. a m. pr. cum aliis v. Burm. 104 *proram avertit* (s. procella s. navis) Medic. et Gud. item Rom. cum nonnullis aliis. *proram avertit* Sprot. sed cedit codd. auctoritas poeticæ rationi, qua *avertere*, pro se a., absolute dici solet. cf. Heins. et Burm. *proram avertit* quatuor ap. Burm. *prora avertit* Leid. a m. pr. 105 *præruptus* alter Hamb. conf. inf. 247.

facta. (cf. Comment. de acie Homericæ p. 154. To. VI Comm. Soc. R. G.) Potest sane oratio nimis ornata videri ex Æneæ persona; sed innumeris locis poetæ cum epici tum tragici ac lyrii sibi indulgent in ornatu, etiam ubi alios loquentes inducunt. Vide v. c. inf. Junonis verba 229 sqq. et Jovis 257 sqq. neque hoc, nisi in immodica pigmenta excurrat poeta, vitio dabis, ubi semel memineris, Jovem et Junonem non propriis, sed poetæ verbis uti.

102—105. *jactanti* simpl. dicenti. Homerus Od. E, 313 ὦς ἄρα μιν εἰπόντ' ἔλασε μέγα κύμα κατ' ἄκρης Δεινὸν ἐπεσσύμενον — μέσον δέ οἱ ἰσπτόν ἔαξε Δεινὴ μισγομένων ἀνέμων ἔλθοῦσα θύελλα. (Locum Iliad. O, 624 sqq. non bene comparant viri docti.) *stridens aquilone procella*, h. e. ab aquilone incitata, immissa; plus autem est in *stridens*. Magna igitur venti vis a septemtrione veniens *ferit velum* et lacerat, *adversa*, a prora irruens, excitatque fluctum ingentem, quo utrinque citra navis latera se provolvende remi franguntur, seu, quod proprie dicitur, *detergentur*; Græcorum παρασύρειν τοὺς ταρσοὺς. cf. Diodor. XI, 18. unde sequitur τὸ παραφέρεισθαι, φέρεσθαι

πλავίας τὰς ναῦς vel ἐπικαρσίας; detergis sc. remis jam obliquo cursu fertur navis, adeoque *prora avertit* se, incerta in hanc vel illam partem fertur, et navis *undis*, fluctibus, *dat latus*; quod nolim cum Cupeo Obs. II, 2 a palaestra arcessere. Illustrantur hæc ex Valerii Fl. imitatione I, 618. 9. *Excussi manibus remi, conversa que frontem Puppis in obliquum resonos latere accipit ictus*. cf. Quint. Cal. XIV, 592. Fundus est in Odys. I, 70 sqq. de Ulysse a Ciconibus progresso: ingravescit aquilo et naves αἱ μὲν ἔπειτ' ἐφέροντ' ἐπικάρσαι, ἰστία δέ σφιν Τριχδά τε καὶ τετραχδά διέσχισεν ἰς ἀνέμοιο (*stridens a. p. velum adversa ferit.*) Locust est e præstantissimis. *fluctusque ad sidera tollit*: e tragicis sumsit Maro: κύμα' οὐρανῷ στήριζον—ap. Eurip. Hippol. 1206. conf. ib. Valken. 105. *insequitur mons aquæ præruptus cumulo*, h. e. præruptus, propter altitudinem cumulatae aquæ. Intelligit autem *decumanum fluctum* (Græci τρικυμῖαν dicunt, forte pro maris diversa natura,) ut jam Scaliger vidit, qui aliis minoribus ipse major succedit. Eo autem insequente alterum navis latus, aut altera pars, alte deprimitur, altera exstat.

Tres Notus abreptas in saxa latentia torquet:

Saxa vocant Itali, mediis quæ in fluctibus, Aras :

Dorsum immane mari summo. Tres Eurus ab alto 110

In brevia et syrtes urguet, miserabile visu,

Illuditque vadis, atque aggere cingit arenæ.

Unam, quæ Lycios fidumque vehebat Oronten,

Ipsius ante oculos ingens a vertice pontus

In puppim ferit: excutitur, pronusque magister 115

108 *adrepas* sex Burm. *arreptas* Goth. tert. ad s. Sprot. ducit Hamb. pr. 109 *mediisque* in fl. Medio. et duo alii etiam pr. et sec. Goth. et quinque Heins. *mediis quæ fluctibus*, quo ducit Mentel. tert. *mediisque fl.* Hoc placet, et, nisi aliam normam semel præscriptam sequendam mihi esse putarem, cum Bruncio *mediis quæ fluctibus*, reponerem. Moutalb. cum ms. Helmstad. *mediis in fl.* etiam hoc rotundius. Sed totam versum ab impura Grammatici manu accessisse censeo. Saltem valde alienum est a poetæ iudicio in medio tempestatis aestu interponere observationem grammaticam. Supplet forte ratio aliqua, qua labes poetæ, si non elui, at dilui saltem potest, si *Aras*, ut fecimus, scribas. non *aras*: ita ut sit certus in mari locus; tum si interpungas: *Tres Notus a. in saxa latentia torquet, Saxa*, (inquam), *vocant Itali mediis quæ fluctibus Aras, Dorsum immane m. s. h. e. in scopulos Aras dictos.* Dicendus ita poeta expressisse, intempestiva quidem, docta tamen æmulatione, Homeri aut Pindari etymologias nominum propriorum ut hujus in Iamo, illius in Batia ac similibus. Jejuna tamen vel sic exit oratio, et indignus tanto poeta versus: quem delendum esse etiam Bryant V. C. statuebat. 111 *Syrtis* v. Pier. *mirabile* sex Burm. 112 *Impellitque* Hamb. *illuditque* Comm. Cruqu. ad Horat. I, Od. S. 113 *ipsumque vehebat* Paget. v. Burmann. *Oronten* ut *Ænean, Achaten, Aces-* ten, firmat Heins. alii *Orontem, Oruntem.* 114 *ingenti vertice* h. e. procella conj. Lennep. Animadv. ad Coluth. pag. 97. sed v. not.

Itaque *Hi*, alii ex iis, qui in navi sunt, v. c. in prora, aut in transtris dextris, *pendent s. in fl.*, alii, qui sinistris, aut in puppi sunt, merguntur mari. Nisi placet v. 106 sejungere e superioribus, et de aliis navibus accipere.

108—112. *Aras* proprie dictas seu *Ægimuri insulas* designat, ex adverso Carthaginis in mari sitas, in nostris quoque tabulis geographicis obvias. Vid. Excurs. ad h. v. *saxa latentia*, *ἔρμαρα ὑφαλα*, ut sæpe *dorsum* alias *tanias* appellant. *mari summo*, sub maris superficie latentes scopuli: οἰόθι ὁ ἄλμη Ἀπλόος εἰλεῖται γαίης ὑπὲρ ὅσσον ἔχονσα Apollon. IV, 1270. 71. e quo loco, ubi in Syrtes inciderunt Argonautæ, plura transtulit Virgilius. 111. *Syrtes*

interpretatur poeta per τὰ *brevia*, τὰ *βραχέα*, vadosa loca, qualia alias litorum sunt: opp. *profunda*, *alta* vel *aperta*. Inf. v. 221 de scopulis *brevia vada*; plerumque tamen arenosa loca dicuntur *brevia*; eadem mox *vada*. Non autem de Syrtibus proprie ita dictis, majore ac minore, in Libyæ litore, cogitandum; nec *Notus* et *Eurus* proprie dicti sunt. v. Exc. laud.

113—115. *Unam ingens pontus*, (δεινῶς pro fluctus, quod imitatur Valer. Fl. IV, 666 *effluit imber spumeus* et magno puppim procul equoro vestit) *ferit in puppim*, icta in puppim delato, κατὰ πρύμναν, (non ἐπὶ πρύμναν, quæ diversa plane res est, ἐπὶ πρύμναν ἐλαύνειν) *a vertice*, h. e. desuper, v. sup. ad Georg. II,

Volvitur in caput; ast illam ter fluctus ibidem
 Torquet agens circum, et rapidus vorat æquore vortex.
 Apparent rari nantes in gurgite vasto;
 Arma virûm, tabulæque, et Troïa gaza per undas.
 Jam validam Ilionei navem, jam fortis Achataë, 120
 Et qua vectus Abas, et qua grandævus Aletes,

116 istam Hugen. 117 et deest in binis. *Vertex* scribit Medic. semper. v. Heins. et Pier. 118 *gurgite summo* Hugen. pro var. lect. 119 *Troica* alii. Sed græca ratio poetis frequentata. 120 *Jam invalidam* Sprot. *navim* Morel. pr. et qu. v. Heins. qua f. Hamb. pr. et Sprot. *Achuti* agnoscit Charis. Inst. Grammat. lib. 1. quod illustrat Heins. cf. sup. ad. v. 30. 121 *Aletes* cum melioribus Heins. ex Ἀλέτης, male vulgo *Alethes*, *Alates*.

310, (non vero a prora, etsi a fronte fluctus ingruere debuit) alte insurgens fluctus desuper in caput irruit. Odyss. E, 313 ἔλασε μέγα κύμα κατ' ἄκρης Δεινὸν ἐπεσσύμενον. Puppi itaque depressa inclinatur gubernator et in mare prolabitur: quanquam et ipse fluctus adjuvare satis casum hominis potuit.

115—119. Vides Homerum l. l. Od. E, 314 περὶ δὲ σχεδὴν ἐλέλιξεν, Τηλεὶ δ' ἀπὸ σχεδὴς αὐτὸς (Ulysses) πέσσε· πηδάλιον δὲ ἑκ χειρῶν προέηκε· μέσον δὲ οἱ ἰσθὸν ἔαξε Δεινὴ μισγομένων ἀνέμων ἐλθοῦσα θύελλα. Τηλοῦ δὲ σπείρον καὶ ἐπίκριον (velum et antenna) ἔμπεσε πόντῳ. Τὸν δ' ἄρ' ὑπόβρυχα θῆκε etc. Observanda autem in Virgilio variatio in diversis navium casibus, *Magistrum* nominat Æn. VI. 334sq. *Leucaspim* et *Lycia* ductorem classis *Oronten*: ubi in eundem *Oronten* in locis inferis incidit Æneas. et, quod *pronus volvitur in caput*, translatum est ex verbis: ὁ δ' ἄρ' (κυβερνήτης) ἀρνευτήρι ἑοικώς Κάππεσ' ἀπ' ἰκρίοφιν—Odyss. M, 413. Mox *vorat* v. 117 est absorbet, καταπίνει. Videtur fluctus ingens irruendo in mare profundum voraginem effecisse: in quam dum revolutum mare fertur, navis

lateri illud impingitur eamque circumagat.

118. *rari* epith. ornans, ut et *vastum*, nihil amplius, *gurgis*, μέγα λαῖτμα θαλάσσης. Conspiciuntur passim nantes (cf. Odyss. M, 417. 418.) et *arma* h. e. clipei, quos, cratibus textos corio indutis, quis dubitet aqua ferri potuisse? Laudant, Liv. I, 37 *multique mortales—in flumine ipso periere, quorum fluitantia arma ad urbem cognita in Tiberi*. etiam ante 100 ubi tot *Simois correpta sub undis Scuta virûm galeasque et fortia corpora volvit*. Adde Æn. VIII, 539 *quam multa sub undas Scuta virûm galeasque et fortia corpora volves, Tibri pater!* cf. Dorvill. ad Chariton. p. 627, qui et Manil. V, 51 laudat. De *galeis* forte fluitantibus dubitari potest. At cogitandum de *galeis* corio factis, etsi forte lamina ærea ornatis. Erant autem militum arma in puppibus religata. inf. v. 183, ubi Serv. X, 80. Navium tamen armamenta alii malunt intelligere. Sed *arma virûm* dicit.

120. 121. Nomina sunt ex Homero, non autem ipsi homines. *Achaten*, Æneæ amicum video in Schol. Ven. A. accepisse nonnullos de eo qui Il. B. 701. est Δάρειανος ἀνὴρ, a quo

Vicit hiems; laxis laterum compagibus omnes
Accipiant inimicum imbrem, rimisque fatiscunt.

Interea magno misceri murmure pontum,
Emissamque hiemem sensit Neptunus, et imis 125
Stagna refusa vadis, graviter commotus; et alto

122 *Vincit* unus Heins. cum Cod. Argent. Bœcleri ap. Cuningham. *laterum laxis* Hamb. pr. 123 *remis* Goth. tert. 124 Heins. malebat *pontus*, ut *misceri* esset infinitivus historicus, quod sane non insuave esset. 125 *Immissamque* Bigot. et Reg. male. emissam erat ab Æolo. *immensamque* Zolich. et unus Leid. superscripto i. vulgari variatione. *sensit* duo alii ap. Burm. *hiemem ut sensit* emendat Markland. ad Stat. V, Silv. 2, 113. Sed et alterum poetæ usitatum est: quorsum igitur conijcimus alterum! 126 *Interpungebatur* valgo: *Interea—sensit Neptunus, et imis Stagna refusa vadis; graviter commotus, et alto Prospiciens, summa placidum caput extulit unda.* Ita gravis et difficilis crisis exorta, quomodo idem Deus *graviter commotus, iratus, placidum tamen caput extollere possit.* Commenta virorum doctorum v. in Excursu ad h. v. *Dispulsam nubeculam* vides virgula sublata et alio traducta. nunc pontum misceri *sensit* graviter commotus; quod non est, iratus, sed rei novitate percussus, cum se ignaro tempestas immissa esset; et alto *Prospiciens.* vide not. ab alto Leid.

Protesilaus cæsus est. 122. *Vicit hiems*, tempestas, χειμών, labefactavit, solvit navium latera, ut aqua subiret. *imbrem*, aquam maris post Ennium et Lucretium dixit; et post Virgilium sæpe alii poetæ, ut Stat. III Theb. 250. 251. *inimicum* gravius accipiendum pro *exitioso*. Materiem ornatissimi loci habuit hæc verba: ἀπὸ τοίχους Ἀῖσε κλυδὼν πρόπιος* τὴν δὲ ψιλὴν φέρε κύμα.—*rimisque fatiscunt*, solvuntur, ut rimas agant. v. ad Ge. I, 180.

124—126. Tempestas tandem deferbuit. Locus poetice Neptuni interventu exornatus: quem extra rerum Iliacarum nexum intulit: nam in Homero Trojanis ille iratus Achivorum partes tuetur. Cf. V, 799. Apud Homerum l. l. Odyss. E, 334 Ulyssem prospicit Leucothea et offert suum κρήδεμνον, at servat eum Minerva v. 382 sqq. nam a Neptuno tempestas fuerat immissa. *Sensit Neptunus pontum misceri* magno cum murmure et *sensit hiemem* emissam,—et *stagna* refusa. Duplex structura, ut sæpe. *stagna* pro mari, quod re-

fusum, erutum et exturbatum erat ex *imis vadis*, fundo; quod v. 84 ex *imis sedibus*, βυσσόθεν, nisi cum Servio, quem Cerda sequitur, per *stagna* profunda maris velis indicari. Sed *stagna* pro mari novasse videtur poeta ex λίμνη apud Homerum.

126—129. *Graviter commotus*, turbatus, συγχυθεὶς rei novitate, sensit Neptunus tempestatem in mari commotam; tum ille e mari capite sublato prospicit. Valer. Fl. I, 641 undique *servent Æquora*, cum subitus trifida Neptunus in hasta *Ceruleum fundo caput extulit*. *placidum caput*: Aliis in locis, alio respectu ad maris furores habito, eidem Neptuno truculentus vultus tribuitur. At h. l. *placidum* adjectum est certo cum iudicio: quod tempestatem non ab ipso deo, ex ira in Trojanos, commotam esse significare voluit poeta. *Extulit caput* placide, pro quo dictum poetico more *placidum caput*; et ipse mox placaturus est tempestatem. Difficultates ab aliis in h. v. motas v. in Excursu ad h. v. Expressit locum Silius VII, 254 sqq. *Ut cum turbatis placi-*

Prospiciens, summa placidum caput extulit unda.
 Disiectam Æneæ toto videt æquore classem;
 Fluctibus oppressos Troas cœlique ruina.
 Nec latuere doli fratrem Junonis et iræ. 130
 Eurum ad se Zephyrumque vocat; dehinc talia fatur:
 Tantane vos generis tenuit fiducia vestri?
 Jam cœlum terramque meo sine numine, Venti,
 Miscere, et tantas audetis tollere moles?
 Quos ego. Sed motos præstat componere fluctus. 135

128 *Deiectam* Bigot. cf. v. 43. *disiectam* Græv. *disiectamque* Leid. *toto Æneæ* Bigot. *vidit* Mentel. tert. *navem* Zolich. a m. pr. 129 *ruinam* Rom. et ed. Junt. nec male hoc: præstat tamen alterum, quod propius ad consilium poetæ spectat. 132 *nostri* Sprot. et Hamb. pro var. lect. et Lutat. ad Stat. II, Theb. 4. 133 *terram cœlumque* Parrhas. 134 *audetis et tantas* Menag. pr. 135 *Quis* Bigot. a m. pr. *Vir doctus* conj. *Vos ego*, quod vel in pedestri oratione deterius esset; ut præclare jam monuit elegantiss. Ruhnkenius in docto Comment. ad Aquil. Rom. p. 147. Jo. Schraderus, qui istam emendationem proposuerat in Obs. I, 5. eandem defendit in præf. Emendat. p. LII. argumentum, quo emendationem firmabat vir poetices callentissimus, petiitum erat ex imitatione Statii IV, 514, ubi Tiresias evocatis Umbris venire cessantibus: Ne spernito senectam, inquit, nam graviora quoque carmina novi: *Jamque ego vos*. Que quam diversa sint, ex ordine hoc rerum manifestum fieri arbitror. Alia præterea adversus Schraderum monet Ouwens in Noctib. Hagan. pag. 613 sqq.

dum caput extulit undis Neptunus, totumque videt totoque videtur Regnator ponto, sævi fera murmura venti Dimittunt, nullasque movent in frontibus alas: Tum sensim infusa tranquilla per æquora pace Languentes tacito lucent in litore fluctus. alto prospiciens int. ex fundo maris, in quo regia dei est. disiectam—oppressos. v. sup. v. 69. 70. cœli ruinam gravissime dixit pro vento ac procella.

130. Statim Neptuno in animum veniebat, Junonis machinatione, ut exsatiaret odia sua erga Teucros, hanc tempestatem esse conflata. Ita *dolos* et *iras* accipe. Habuisse fertur poeta ante oculos Homer. Iliad. A, 536, 7. Sed verba ex Apollon. IV. 753 *Ὅνδ' ἀλοχὸν Κρονίδαο Διὸς λάθρον*. Simile argumentum vide tractatum ab Ovid. I. Met. 601. sqq.

131—141. Duo ventos *Eurum* et *Zephyrum* pro toto ventorum agmine manifeste ponit tanquam poeta; nam neutrius in hac tempestate partes debuerit esse præcipuæ. *generis vestri*. non tam originis, quam omnino gentis; tantumne vos confidentiæ in vobis, in vestris viribus, habetis? Arguantur h. l. Interpp. post Nonium, cum videant in natalibus Ventorum, ap. Hesiod. Theogon. 378. 379. nihil esse reprehendendum. *meo sine numine, voluntate, jussu. tantas moles*, rerum perturbationes, tempestatem. Nam *moles* omnis magna molitio, magna res quam quis molitur.—*Quos ego* gravissime ulciscar, puniam; vel, punire possem, vel deberem. Notus locus. Scilicet intelligendum: (Vos—audetis,) *quos ego* ulciscar gravissime; quod exquisitius

Post mihi non simili pœna commissa luetis.
 Maturate fugam, regique hæc dicite vestro :
 Non illi imperium pelagi sævumque tridentem,
 Sed mihi sorte datum. Tenet ille immania saxa,
 Vestras, Eure, domos ; illa se jactet in aula 140
 Æolus, et clauso ventorum carcere regnet.
 Sic ait, et dicto citius tumida æquora placat ;
 Collectasque fugat nubes, solemque reducit.
 Cymothoe, simul et Triton adnexus, acuto
 Detrudunt naves scopulo ; levat ipse tridenti ; 145

138 pelagi imperium Parrhas. magnumque tridentem Leidens. pro var. lect. ex glossa. 140 domus Mentel. pr. Rottend. tert. et Goth. pr. jactat Hamb. alter. Oudart. Goth. tert. regnat alter Menag. et Hugen. 142 citius dicto Hamb. pr. timida alter Menag. 144 Cymothe, Cymothoe, Cymothæ, male scribitur : est Κυμοθήη. 145 Detendunt Goth. pr. levat atque Hamb. pr. ille Dorvill. tridentem Goth. tert. non male ; nisi alterum doctius esset.

est, quam *Vos ego*. 136. *Non simili*, sed graviore, *pœna*. Porro *post* et *commissa* sensu junge, si in posterum tale quid ausi eritis, non impune fere-
 tis. 137. *Maturate fugam*, accelerate receptum in antra vestra ; *mature* h. e. ocyus discedite. Inepta est apud Servium Macrob. VI Sat. 8. et Gel-
 lium X, 11 in b. l. interpretando subtilitas. 138. *imperium—tridentem*. præclare, ut v. 78. quodcunque hoc *regni—sceptra*. Et sic sæpe poetæ. Hinc et *sævus tridens*, quia poetis, *sævum imperium*, v. ad v. 99. 139. *sorte*, sortitione inter fratres. cf. Iliad. O, 187 sqq. *immania saxa*, vastum an-
 trum v. 52. 140. *Vestras, Eure, do-
 mos*. Nota figura, adscitis in regimen verbi sociis Euri. Ita IX, 525. XI, 686. 7. Totus autem locus adumbratus ex Homer. Iliad. A, 179 Οἰκάδ' ἰὼν σὺν ἡνυσί τε σῆς καὶ σοῖς ἐτά-
 ρουσι, Μυρμιδόνεσσιν ἄνασσει. At ornatus noster extulit : *se jactet—
 aula*, regia. cf. ad 56.

142—156. Placata tempestas. Ali-
 ter simile argumentum tractatum vides ab Ovidio I Met. 330 sqq. *di-
 cto citius* non, antequam diceret ; aut,
 citius quam dici potest, ut Serv., sed,
 antequam orationem finisset. Nondum
 omnia erat eloquutus, cum jam mare
 esset placatum. Quale illud vulga-
 tum : Dictum factum. ἄμ' ἔπος ἄμ'
 ἔργον, et Iliad. T, 242 Αὐτίκ' ἔπειθ'
 ἅμα μῦθος ἦν, τετέλεστο δὲ ἔρ-
 γον.

144. Splendidi hi quatuor versus
 v. 144—147 quantarum scilicet re-
 rum adumbratio ! Habuit forte ante
 oculos Apollon. IV, 930 sqq. ubi
 Thetis cum Nereidibus navem Argo
 inter erraticas rupes salvam deducit,
 et 1609 sqq. Cymothoe una ex Nerei-
 dibus : Apollod. I, 2, 7. inter Oceani
 filias ap. Hesiod. Θ. 145. *Detrudunt
 naves scopulo* refer ad eas v. 108 quas
 Notus in saxa latentia torquet. Porro
 ipse Neptunus levat n. naves : itaque
 post scopulo nolim plene interpungi,

Et vastas aperit syrtes, et temperat æquor;
 Atque rotis summas levibus perlabitur undas.
 Ac, veluti magno in populo quum sæpe coorta est
 Seditio, sævitque animis ignobile vulgus; 149
 Jamque faces et saxa volant; furor arma ministrat:
 Tum, pietate gravem ac meritis si forte virum quem
 Conspexere, silent, arrectisque auribus adstant;

146 *Et magnas* Græv. v. ad 55 et 138. 147 *pellabitur al.* v. Pierium. 148 *Et veluti* quatuor ap. Burm. in *magno populo*. in *populo magno*. *magno populo*. *varietates v.* ap. eund. *magna* Moreti sec. et Montalb. et sic Ge. Fabricius legi viderat, ut esset, *magna seditio*. temere. cf. Burm. *cum forte* Hamb. pr. in excerpt. Cort. Interpretamentum hoc esse τῷ sæpe, atque hoc eo sensu esse accipiendum, ut sit ἰσως, τάχα, existimabat Abresch. Diluc. Thueyd. P. I, p. 174. Opinionis auctoritatem aliam desidero; tam h. l. langueret oratio, sequitur enim statim 151 si forte. Enimvero poetis sæpe est in comparatione solenne; ut sit idem, quod interdum, nonnunquam, sine definita aliqua notatione numeri: ut in Gr. ἄρα πολλά. Sic v. c. *Æn.* X, 723 *Impastus stabula alta leo ceu sæpe peragrans* etc. V, 273 *Qualis sæpe viæ deprensus in aggerē serpens* etc. Retrahenda autem est dictio sæpe ad majus membrum: ac veluti sæpe, cum coorta est s. cohorta scribunt tres Burm. Goth. tert. *coacta* Oudart. 149 *fervetque* Schol. Horatii Craqu. lib. I, Od. 1. 150 *jam saxa* ed. Cuning. ex MS. Bersman. *volunt jam* Servii ætate legebatur, quem vide. *Jam fascēs* Bigot. a m. pr. et *tecta* Hamb. sec. et *tela* Zulich. a m. pr. *sudes et saxa* Freinshem. ad Flor. III, 21 emendarat; Heins., ut refellat, docet quidem, *faces et saxa* etiam alibi jungi: sed de hoc nemo dubitet, docendum erat, unde in seditione, quæ interdum fit, *faces* ad manum sint. Scilicet cogitandum est de domo ejus, in quem populus exarsit, diruenda et incendenda. 151 *gravem populi* Hamb. alter. 152 *arrectisque* quatuor Burm. *erectis* Zulich. et Leid. pro var. lect. *abstant* Montalb. v. Heins. *astant al.*

ita ut Neptunus *syrtes levasse* dicatur: quod non bene fieret. 146. *Aperit syrtes*, via ex arenosis vadis facta, ut naves expedire se possent: ut sæpe poetæ de aditu facto; sic *mare aperitur*. refer autem ad tres naves v. 110. 111. et *temperat mare*, fluctus placat. Non autem sunt syrtes illæ, major et minor, ad litus Africæ, ex geographicis notæ. v. Exc. IV. ad h. lib. 147. Talis Neptunus quadrigis vectus etiam in gemmis occurrit: *Mill.* I, l. n. 121. *Dactyl. Lipp.* Alias laudatus v. a Saxio V. C. ad *Virgil Justic.* T. V, p. 37. Est enim et ibi similis gemma expressa. Conf. *Æn.* V, 817 sqq. Pulcre autem singula celeritatem expriment, etiam τὸ *labi per undas*. VIII, 91 *Labitur uncta vadis abies*.

148—156. Neptuni prospectu mare placatur, ut populi seditio ad aspectu viri auctoritate conspicui—*Ac veluti silent tum, cum.* In prosa: *ut sæpe in magno populo cum coorta est seditio silent.* Comparatio seditionis cum mari satis frequens est, et ab Homero *Iliad.* B, 144—146 ducta; at h. l. inverse maris tumultus cum seditione fit comparatio: cujus novam ac præclare ornatam tractationem facile intelligas, imprimis in voc. *magno—coorta est sævitque animis (ira) ignobile vulgus* (ut vile, epith. ornans) seu, quæ nuda oratio esset: *ardet ira vulgus, furit.* 151. *Gravem*, venerabilem, pietate ac meritis, religione erga deos et sanctitate, beneficiisque in patriam ac cives collatis. Utrumque hominibus auctoritatem conciliat.

Iste regit dictis animos, et pectora mulcet :
 Sic cunctus pelagi cecidit fragor, æquora postquam
 Prospiciens genitor, cœloque invectus aperto, 155
 Flectit equos, curruque volans dat lora secundo.
 Defessi Æneadæ, quæ proxima, litora cursu
 Contendunt petere, et Libyæ vertuntur ad oras.
 Est in secessu longo locus : insula portum

154. Sic omnis Moret. sec. pelagi cunctus Bigot, cecidit furor Paget. æquore conj. Heumannus, sed v. Burn. 155. Aspiciens Sprot. que abest a pr. Moret. Miror neminem maluisse : pontoque insectus aperto. 156. flectat Leid. a pr. m. flectit tert. Mentel. a m. sec. fluctuque volans Romanus et alii aliquot ap. Pier. minus poetice. 157. Æneidæ Leid. unus. Æneidæ Goth. alt. Sed Æneas jam ex Lucretio novimus : Æneadum genitrix, hominum divumque voluptas, Alma Venus ; præter nostrum, apud Ovidium et alios ; etiam in serioribus : v. disputata ad Avien. descr. orb. 117. Nam cum proprio sit Ænea progenies, inde Trojani omnino, tandem Romani sunt Æneadæ. Itaque Regilla in Marcelli carmine (v. c. Brunck. Anal. T. II. p. 302) fuisse dicitur ἐξ Αἰνείδων, Ἀγχι-στὴν κλυτὸν αἶψα καὶ Ἰδαίης Ἀφροδίτης, h. e. simpliciter, matrona Romana, Herodi Atheniensi nupta ; Τήματα δ' εἰς Μαρὰθον. Oppian. Cynege. v. 2. φέγγος ἐνὶ Ἀλφειῷ πολυήγετον Αἰνείδων. Pronuntiatum autem Αἰνείδων et Αἰνείδων. Ut in Pindaro Olymp. VI, 149 Ὀρτυγὸν γυνὴ Ἰταίρεος, Αἰνεία. Et de nostro Ænea in Rhese Αἰνεία et Αἰνείαν duabus syllabis 90 et 585. Est quoque in Argonaut. Orphic. 139 Βούτης Αἰνείδης, quod corruptum esse patet. Fuit ille Atheniensis et potuit dici a tribu Αἰνείδης, quæ littora proxima alter Hamburg.

155. 156. Cælo aperto, sereno, quod adhuc nubibus erat obductum, invectus per mare. Equos Neptuni v. Homer. Iliad. N, 23. 24. Seniores poetæ tribuunt Neptuno hippocampos. v. Stat. Theb. II, 45—47. ut Proteo Georg. IV, 389. curru secundo, celeri ; proprie cursus est secundus ; ductum a navi, quæ secundo amne devehitur. Ceterum hunc locum ornatissimum ante oculos habuere Silius VII, 254—259 et Statius Theb. V, 704—709. genitor, pater : Sic proprie omnes seniores dii, mox et quicumque alii, ut Mars, Bacchus, Apollo, h. e. venerabiles, verendi, sancti. At Burmannus vult ita dici deos rerum, quibus præsumt ; in quo nihil paternæ notio- nis videas.

157. Nunc Trojani ad Libyæ litus, haud longe a Carthagine, deferrunt. Defessi, fessi, jactati tempe

state, ut sæpe poetæ ; et mox 168. fessa naves.

159—169. De toto loco vide Excursum. Primæ ejus lineæ petite sunt partim ex Odys. E, 404 et 411 sqq. ubi Ulysses enatat naufragio in Phæaciam, partim Odys. N, 95 sqq. ubi in Ithacam descendit. in secessu longo sc. litoris. Sinum secretum interpretatur Servius. Saltem tractum litoris remotum et infrequen- tem designat poeta, ejus aditum et conspectum intercipit navigantibus insula ex adverso objecta et conti- nenti prætexta. Hæc insula efficit portum objectu laterum suorum ; tam late illa prætenditur ; portum appel- lat tutam navium stationem, quoniam insula objecta ventorum et fluctuum vim excipit : lateribus enim, ad in- sulæ latera, omnis unda, fluctus, ab alto frangitur : hoc ornavit : in sinus

Efficit objectu laterum, quibus omnis ab alto 160
 Frangitur inque sinus scindit sese unda reductos.
 Hinc atque hinc vastæ rupes geminique minantur
 In cælum scopuli, quorum sub vertice late
 Æquora tuta silent; tum silvis scena coruscis
 Desuper, horrentique atrum nemus imminet umbra. 165
 Fronte sub adversa scopulis pendentibus antrum;

160 *objectum* Menag. alter. *amnis* Hamb. pr. a m. sec. 161 *scinditur, inque s.* Hamb. sec. *sese scidit unda* Sprot. cf. Ge. IV, 420 ubi idem versus. 162 *rupes vasta* Puget. Male post *rupes* interpungebatur, ut suppleretur sunt. Immo vero minantur rupes et scopuli. 163 *lato* Rottend. alt. 164 *scena* Medic. alique præstantiores, vel sic tamen male. *stat silvis umbra* c. Hamb. pr. non male; nisi sequeretur *umbra*. 165 *eminet* Puget. minus bene. 166 *Fronde* Græv. *aversa* Goth. pr.

scindit sese v. r. sinuoso flexu fluctus recedunt: cf. ad Ge. IV, 420. solent enim fluctus allisi longo tractu retrorsum acti dissolvi.

159. Insula non est ap. Homer. in loco, quem hic expressit Odys. N, 97, sed est alius locus, quem et hic ante oculos habuit, in descriptione terræ Cyclopium Odys. I, 116 Νῆσος ἔπειτα λάχεια παρὲς λιμένος τετάνυσται Γαίης Κυκλώπων, οὔτε σχεδὸν, οὔτ' ἀποτηλοῦ. Ὑλήεσσ'. Ex eodem loco cervi inf. 184 poetæ in mentem venire.

160. 162. In portu Phœreynis I. I. Odys. N, 97 sqq. Δὲ δὲ προβλήτες ἐν αὐτῷ Ἀκταὶ ἀπορῥῶγες, λιμένος ποτιπεπτηνῆαι (mutuo ad se vergendo, in cornua coeundo, κατὰ τοῦ λιμένος. Etymolog. εἰς λιμένα νενευκῆναι). Αἱ τ' ἀνέμων σκεπῶσι δυσ-αίων μέγα κύμα Ἐκτοθεν (ab alto).

162 sqq. Nunc ad *secessum*, s. interius litus, continentis nimirum, procedit. Est hoc rupibus consitum, prominentibus ad dextram et sinistram duobus scopulis; omnia silvis obsita. Ingressa recessum hunc ex adverso 166. occurrit antrum subter

litore scopuloso. 164. Superior litoris ruposi ora silvis obsita est. Pro interpretatione sunt vss. 310. 311. *Classem in convexo nemorum sub rupe cavata, Arboribus clausam circum atque horrentibus umbris Oculit.* Litora hujus generis sæpe memorantur; v. c. Apollon. II, 734. 5. 6.—*Scenam* nove dixit poeta de prospectu longo inter silvas, h. e. arbores. Hanc *scenam*, h. e. prospectum, *silearum* *coruscarum*, tremula inter intervalla luce micantium, dum vento moventur (inf. XII, 701. 2, *aut ispe coruscis* *Cum fremit ilicibus quantus*—Apenninus), et hoc *nemus* Virgilius ex una olea ap. Homer. 102 propagavit, tanquam ex surculo. *horrenti umbra* cf. sup. ad Proëm. 4. Post *silvas* memoratur *nemus*: tanquam post latius, id quod partem vel genus constituit: fere ut in Horat. I, 21, 5. *nemorum coma quæcumque prominet nigris silvis*.

166—168. Hoc antrum itidem ex Homero v. 103—112. Sed apud hunc tam angusta loci facies, tam veneranda antiquitatis sanctitas, ut Virgilius ab antro ornando plane abstineret. Atqui et hoc iudicium magni

Intus aquæ dulces, vivoque sedilia saxo;
 Nympharum domus. Hic fessas non vincula naves
 Ulla tenent; unco non alligat ancora morsu.
 Huc septem Æneas collectis navibus omni 170
 Ex numero subit; ac, magno telluris amore
 Egressi, optata potiuntur Troës arena,
 Et sale tabentes artus in litore ponunt.
 Ac primum silici scintillam excudit Achates,

168 *Hinc* f. Menag. pr. *navis* Heins. e Prisciano et scriptis. 169 *æquora* alter Rottend. ullo non emendabat Scaliger. 171 *subit* Parrh. et m. at m. nonnulli. 172 *Troës potiuntur* tres ap. Burm. cum uno Goth. at tert. *spatiantur* T. 173 *Et fame tabentes* Schol. Horat. Epod. V. 40. 174 *At primum* aliquot Burm. et ed. Junt. *Hinc* unus Heins. *silici præclare* Heins. e melioribus libris et e Grammaticis. vulgares libri *silici*. Etiam in codd. parte et ed. Ven. male excussit.

poetæ est. *Fronte sub adversa*: de interiore continentis litore (non de insula) hoc est accipiendum: quod est adversum intrantibus sinum. *Nympharum domus* etiam Odys. M. 318 de antro in insula Solis: ἔνθα δ' ἔσαν Νυμφέων καλοὶ χοροὶ ἧδὲ δῶκοι (h. planities, quam ad choreas aptam diceret, et *sedilia*).

168. 169. *Hic* non, in antro; sed, in loco inter litus et insulam, qui pro portu, seu tuta navium statione erat, in sinu ponē insulam, in *secessu* 159 memorato. Ἐντοσθεν δὲ ἀνευ ἔσμοιο μένουσι Νῆες εὐσσελμοί, ἔταν ὄρμου μέτρον ἴκωνται. ibid. v. 100. 101. Vides ubique Virgilium, si sententia certare non poterat, verborum ornatu cum Homero contendisse. At indicabimus et hujus ornatus lineas: Od. I, 136. Ἐν δὲ λιμὴν εὐόρμος, ἔν' οὐ χρεὼ πέτσματός ἐστιν, οὐτ' εὐνὰς βαλέειν, οὐτε πρυμνῆσι ἀνάψαι etc. vides *vincula* et *ancoram*, sed ornate: *unco non alligat a. morsu*; translato epitheto *ancoræ* ad *morsum*. Inf. XII, 274 *mordet fibula*. Simile *Nympharum* ad

Heracleæ Ponticæ agros transtulerant veteres poetæ, quod repetiit ex iis Quintus Cal. VI, 470 sqq. versibus non malis.

170—173. *Septem navibus*; Una, qua Æneas vehebatur, tres e scopulis a Tritone, tresque aliæ e syrtibus, seu vadis arenosis, a Neptuno expeditæ. Ceteras præter unam servatas mox videbimus; fuit enim (vid. v. 381) tota classis XX navium. cf. Exc. I. ad lib. III. 172. *Præclarus versus!* Od. E, 463 ὁ δ' ἐκ ποταμοῖο λιασθεὶς Σχοίνῳ ὑπεκλίνθη, κύσε δὲ ζεῖδωρον ἀρουραν. *arena*, litus: et telluris amor, πόθος, desiderium, soli attingendi cupiditas. *tabentes artus sale*; unda marina respersos, madidos, simpliciter. Poetæ enim *tabem* propriè de humore corrupto, mox de quocumque, imprimis sordido; θάλασσα δὲ κήκε πολλὴ Ἄν στόμα τε ῥινὰς τε Odys. E, 455.

174. Reprehendit hic et in sqq. imprimis 210 sqq. poetam Homius (*Elements of Criticism*. T. III, p. 232. 229), quod eadem orationis gra-

Suscepitque ignem foliis, atque arida circum 175
 Nutrimenta dedit, rapuitque in fomite flammam.
 Tum Cererem corruptam undis Cerealiaque arma
 Expediunt fessi rerum; frugesque receptas
 Et torrere parant flammis et frangere saxo.
 Æneas scopulum interea conscendit, et omnem 180

175 *suscepit* olim Servius in libris habebat, quem v. 144 et sic alter Mentel. it. Goth. pr. et ed. Mediol. cf. Scalig. IV poet. 16. 176 *ex fomite* Oudart. Leid. et Hamb. pr. pro var. lect. nec hoc male; sed *in f.* doctius. *a fomite* pr. Moret. *flammas* aliquot Burm. et Goth. tert. 177 *corruptam* Exc. Burm. 179 *Extorrere* Zúlich. et Hamb. pr.

vitae res humiles narrat, quæ grandes et sublimes. Voluit sane Virgilius hoc ipso verborum ornatu nobilitatem tenuibus rebus addere. Aliter Homerus, qui orationem rebus accommodat; et præceptum sane primum in tali re est, leves res leviter esse attingendas, ut obiter tantum lectoris animum præstringant. Sed habet poeta unusquisque sæculi sui Genium, cui in nonnullis est litandum; et verborum ornamenta alia splendoris et sublimitatis sunt, alia elegantiae et suavitatis, quæ, ut in hoc et similibus locis factum, recte rebus etiam humilibus accommodari possunt. 176. *Rapuitque in fomite flammam*, raptim excepit lignis aridis pro fomite subiectis. alias *fomes rapit flammam*, quam raptim concipit. cf. Serv. Virgilium hic Theocr. Idyll. XXII, 33 et Hymn. in Merc. v. 110 imitatum esse, locis inspectis vix probabile habeas.

177—179. Hic vides priscorum hominum rationem et artem panis conficiendi, non ingratam illam et iuicundam cognitum hominibus, qui, a quibus initiis vita humana ad hunc cultum progressa sit, quæri sciant a philosophis, qui humanæ vitæ annales aut condere aut cognoscere cupiunt. *fruges*, h. e. grana, *receptas*, e mari

servatas, *torrent*, ut exuant glumam et facilius comminui possint, tum *frangunt saxo*, ut multi populi etiamnum grana saxis contundunt. (cf. Goguet *Origine des Loix* etc. P. I. Liv. II art. 2. *Opuscula nostra* Tom. I, p. 330 sqq. de *Originibus panificii*, et supra Georg. I, 267). *Cerealia arma*, h. utensilia, instrumenta, ad pinsendum, et ad coquendum panem. puta esse hæc ipsa saxa, porro maculam, seu alveum, quo farina subigeretur. De fermento enim nondum cogitabant; sed farinam illam subactam, seu pulverem, continuo in quadrarum forma sub cinere coquebant. Recte Servius honestatem sermonis hic commendat. Aliter *ἐν τῇ δαυρὸς* Odys. H, 232. *fessi rerum*, ex calamitatibus et casibus, quos subierant, (ita *res* poetis) *exhausti viribus*, quæ propterea cibo erant reficiendæ.

180—184. *Omnem prospectum late petit pelago*, in prosa: prospectum capit, prospectat, quantum licet, per omne pelagus. cf. Odys. K, 146 sq. et 95 sq. *si videat*, pro: *ut videat*, solenni more, Homeri exemplo: *εἰ δὲ εἶδεν. εἰπὼς*. pro *ἴδεν, ὥστε* v. e. *εἰπὼς ἄντ' ἧς σχολίᾳ* Iliad. B, 97. *In biremibus* non est hærendum: poeta simpl. pro navibus posuit. In v. 183 aut *Caicum*, debebat dicere vel

Prospectum late pelago petit; Anthea si quem
 Jactatum vento videat, Phrygiasque biremes,
 Aut Capyn, aut celsis in puppibus arma Caïci.
 Navem in conspectu nullam; tres litore cervos
 Prospicit errantes; hos tota armenta sequuntur 185
 A tergo, et longum per valles pascitur agmen.
 Constitit hic, arcumque manu celeresque sagittas
 Corripuit; fidus quæ tela gerebat Achates;
 Ductoresque ipsos primum, capita alta ferentes
 Cornibus arboreis, sternit; tum vulgus; et omnem

181 *pelago late* tres Burm. *Anthea* libri potiores; Ἀνθεῖς ex ἄνθος. Ductum inde nomen femininum Ἀνθία, quod, uti ex Xenoph. Ephes. novimus, etiam Ἀνθία fuit f. ex Ἀνθός. alii *Antea*, si qua a multis olim lectum fuit, quod et Carisius testatur. cf. Pier. et Fabric. retinuit Coning. in sua edit. Sed voc. aliquis cum nomine proprio eleganter jungi satis docuere viri docti. 183 *Capin*, et *Capim* alii, ut Goth. *Caici*, a nomine fluvii Mysie. al. *Caici*. 184 *Navim* aliquot ap. Heius. et Goth. sec. cf. ad v. 120. 185 *Aspiciit* Puget. Hemistichium idem Æn. XII, 719. quos tota et tot armenta velt. nonnulli ap. Pierium. 186 et abest Bigot. et valles, per longum Menag. pr. 188 *quæ* et tela Menag. pr.

Caici navem; nunc ponit arma Caici in puppibus celsis. arma in puppibus religata cum Servio intelligere vix possis, quippe haud facile e longinquo conspicua; nec commodum exemplum ex Æn. X, 80. Insignia navis h. e. parasemum male interpretantur alii; erant ea in prora, non in puppi. Saltem aut de *aplustribus* simpliciter aut de tutela navis erat accipiendum; illud quidem melius. Verum poetico ornata omnino dicta: *puto arma in puppibus*, pro armis puppis s. navis Caici; ita ut arma navis, seu armamenta, dicta sint pro ipsa navi, quam prospicere volebat Æneas. Hoc verius.

184. *Cervos* ex Homeri capreis fecit, v. sup. ad 159. Nullos tamen cervos in Africa inveniri Herodotus, Aristoteles, et Plinius post illos VIII, 33 s. 51. affirmaverunt. Firmat tamen se ipsum Virgilius Æn. IV,

164 et Lucan. IX, 921. Oppianum et Philostratum memorant præterea Cerda et alii. Verum primo talis quæstio ad historiam naturalem spectans aliena est a poeta; est quoque δλογον ἐξω μυθεύματος (ut appellat Aristoteles de poetica s. 44) tum forte eos cum adversariis ita in gratiam revoces, ut aut cervos post Aristotelem in Africam illatos aut cervi nomen latius ab iis usurpatum dicas. Sunt certe, quod historiæ naturalis auctores docent, varia cervorum et capreolorum genera per Africam sparsa. Verum cervos etiam proprie dictos nunc per oras Africae versus septentrionem sitas errare, affirmat, ut Leonem Africanum, de la Croix, et alios taceam, Shaw's Travels p. 234. cf. inf. ad V, 37.

189—193. *Cornibus arboreis*. Ecl. VII, 30 *ramosa cornua*. *Capita alta cornibus*, vulgari ratione, *capita altis*

Miscet agens telis nemora inter frondea turbam. 191
 Nec prius absistit, quam septem ingentia victor
 Corpora fundat humi, et numerum cum navibus æquet.
 Hinc portum petit, et socios partitur in omnes.
 Vina bonus quæ deinde cadis onerarat Acestes 195
 Litore Trinacrio dederatque abeuntibus heros,
 Dividit, et dictis mærentia pectora mulcet:

O socii, (neque enim ignari sumus ante malorum)
 O passi graviora; dabit deus his quoque finem.

193 *fundit et æquat* Hamb. pr. cum Goth. tert. quod tueri licet usu poetarum, substitutiendi modum indicativum, quoties vulgaris usus subjonctivum amat. alii *fundit et æquet*, aut *fundat et æquat*. Hoc placet Burmanno. Sic jungenda *absistit et æquat*. *Fundat* Goth. alt. humo Medic. cum aliis præstantioribus it. Goth. tert. at Romanus humi. pro numerum Moret. pr. meritum. 195 *deinde bonus quæ vina* Hugen. et sic jam codd. ap. Pierium. 196 *Tenario* Zulich. sed c. superser. *abeuntibus illis* Bigot. *abeuntibus hospes* Medic. Pierii. non malo lapsu. 198 *enim abest a* Moret. sec. sumus ignari Voss. *neque enim immemores sumus* Medic. Pierii. 199 *Et passi* Rottend. pr.

cornibus, vel *alta e. habentia*. Etiam *ferentes* pro exili voce, *habentes*. *Miscet agens turbam*, ornatè, pro agit, agitat, perturbat, κλονεῖ, ut promiscua fuga se ipsi invicem tradant, cum antea longo agmine incederent; 192 *septem ingentia corpora* grandius, quam *cervos*, *victor*, ornamenta poeticus. Mox 194 *portum* non proprie dixit, sed pro statione navium: v. sup. ad 159.

195—197. *Deinde vina, quæ* etc. In Drepani portum, qui Siciliae est, classis Trojana delata fuerat *Æn.* III, 707, non longe aberat *Ægesta* vel *Segesta*, quam Græci et *Egestam* scribunt, condita ab *Ægesto* Troe, quem Virgilius *Acestem* appellat: cf. V, 31. 61 et Exc. I ad e. l. Benigne fuerant ab ipso excepti, ut etiam inf. I, 558. 570. hinc *bonus*. Idem iterum hospitio *Æneam* excipit *Æn.* V, 36 sqq. Quod *vina* commendat, ut *Acestæ munus ξενίον*, id ut poeta, et Homeri imitatione, facit:

Odyss. I, 197 sqq. *Vina onerare cadis* quasi pro onere inferre, infundere cadis, pro vulgari *cados onerare vinis*.

198. 199. In prosa: O socii! satis meministis, vos graviora his, quæ modo experti sumus, passos esse: spem itaque retinete, habitura esse finem etiam hæc mala præteritis leviora. *ante mala*, τὰ πρὶν κακά. *Horat.* I Carm. 7, 30 *O fortes pejoraque passi Mecum saepe viri*. Locus autem expressus ex *Odyss.* M, 208 ὦ φίλοι, οὐ γὰρ πῶ τι κακῶν ἀδαήμενες εἰμέν. Οὐ μὲν δὲ τότε μείζον ἐπὶ κακόν, ἢ ὅτε Κόκλῳ Εἰλεῖ ἐνὶ σπῆϊ γλαφυρῷ κρατερῆφι βίηφιν. Ἀλλὰ καὶ ἐνθεν ἐμῇ ἀρετῇ, βουλῇ τε νόφτε, Ἐκφύγομεν καὶ πον τῶνδε μνήσεσθαι δῖω, *Macrobi.* V Sat. 11 Maronem in his locupletiores Homero existimat. At inter Serviana legitur: *Totus hic locus de Navio belli Punicæ lib. translatus est*. Scilicet is ipse Homerum latine loqui fecerat.

Vos et Scyllæam rabiem penitusque sonantes 200
 Accestis scopulos; vos et Cyclopia saxa
 Experti. Revocate animos, mæstumque timorem
 Mittite. Forsan et hæc olim meminisse juvabit.
 Per varios casus, per tot discrimina rerum,
 Tendimus in Latium: sedes ubi fata quietas 205
 Ostendunt. Illic fas regna resurgere Trojæ.
 Durate, et vosmet rebus servate secundis.

200 vos ad S. Rottend. pr. *Scyllæus* recto: est *Σκυλλαιός*, uti ap. Athenæum VII, p. 311 F. *Σκυλλαιός πορθμύς*. 201 scopulis Moret. pr. *adcestit* Heins. puto rescripsit, ut sibi constaret. *accestis* ipse Medic. et Rom: *Cyclopea* multi; sed in hoc et similibus penultimam produci docuit Heinsius. Est enim et *ι. Κυκλώπιος*, at *Cyclopius*, ex *Κυκλώπιος*, cf. inf. ad 665. nonnulli etiam *Cyclopeia* male. 202 animum sec. Moret. 205 sedes ibi codd. ap. Pier. *quietis* sc. nobis, vetus MS. ap. eundem. 207 durare et servare unus Heins.

200. *Scyllæam rabiem*, seu quoniam Scylla canibus cincta, v. sup. ad Ecl. VI, 75, quorum *rabies* proprie dicitur; seu simpliciter, quatenus furor, sævitia, rabies, mari, tempestati, procellis, tribuitur. *sonantes scopuli*, fluctibus allisis, et quidem *penitus*, in interioribus adeo rupis recessibus et antris, sunt ii ipsi, quibus Scylla insidebat. *Ter scopuli clamorem inter cava saxa dedere*, III, 566. *accestistis* ad eos, hactenus, quod jam fretum Siculum ingressi non longe ab iis aberant, cum dati ab Heleno oraculi memores statim ad lævum convertuntur cursum. v. inf. III, 555. 8. 566. 7. *Cyclopia saxa*, litus Cyclopum saxosum in Sicilia, cuius illi rupes et antra incolebant in Ætnæ vicinia, in orientali litore. v. inf. III, 569. 644. 675. Accesserant (doctius dixit, *expert* erant,) scilicet et ad hoc litus et in portu escenderant, sed ab Achæmenide moniti fugiunt. Est quidem in Servianis docta nota: *Quidam tamen hæc saxa inter Catanam et Tauromenium in modum metarum situ naturali dicunt esse, quæ Cyclopea*

appellantur, quorum medium et eminentissimum Galatæ dicitur. Sed sunt hæc a poeta aliena, qui simpliciter litus Siciliae memorat.

203—207. *Forsan et hæc olim meminisse juvabit*: nobilem sententiam illustrant Cerda et alii. Sed pertinet huc Euripideum, quod Macrob. VII Sat. 2 laudat, *Ὡς ἡδὺ τοι, σὺ δέντα μεμνήσθαι πόνων*, latine conversum a Cic. de Fin. II, 32; et ante Euripidem Homeri locus Odyss. O, 397—400. Ingeniosa imitatione hæc sequutus est Statius I Theb. 472 *Forsan et has venturus amor præmiserit iras, Ut meminisse juvet*. nec tamen omnia malorum genera ex vita præterita meminisse jucundum est. Bene hoc monet Macrob. Sat. VII, 2. Etenim sunt, *quæ animus meminisse horret* ut lib. II, 12. Sic quæ quis se indigna et injusta aut ignominiosa pertulit, aut atrociter vidit et immania. 204. Per hos ipsos casus, per hæc *discrimina rerum*: pleonasmus poetis frequentatus. Possunt tamen res pro rebus adversis, periculis, accipi, ut v. 178. 205. *sedes ubi fata q.*

Talia voce refert; curisque ingentibus æger
 Spem vultu simulat, premit altum corde dolorem.
 Illi se prædæ accingunt dapibusque futuris: 210
 Tergora deripiunt costis, et viscera nudant;
 Pars in frusta secant, veribusque trementia figunt;
 Litore æna locant alii, flammisque ministrant;
 Tum victu revocant vires; fusique per herbam
 Implentur veteris Bacchi pinguisque ferinæ. 215

209 *alto corde* Rottend. pr. alter Hamb. Paget. Leid. an. etiam aliquot codd. Pierii, nec hoc indocte. *Exulat*. h. l. et ante *premit*; quod sæpe fit—Similem versum vidimus IV, 477 *Consilium vultu tegit ac spem fronte serenat*. 210 *Illic* Goth. sec. *Accingunt sese prædæ* Paget. Distinctionem ita institui vult Burmannus: *prædæ accingunt, dapibusque futuris Tergora deripiunt* c. 211 *Deripiunt* Heins. ex ratione grammatica, quam tamen unus Rottend. tuetur. Sic jam emendarant Turnebus et Gifan. v. Cerd. 212 *veribus* al. v. Pier. et inf. ad V, 103. 213 *Littoreque æna* Montalb. *flammisque* Hugen. quod dictum esset, ut *velis ministrare* Æo. VI, 302 et alia. Barm. 214 *renovant* Voss. r. animos Sprot. ex 202 repetitum. *per herbas* unus Heins. 215 in sec. Moret. τῇ *ferinæ* subiungitur *munere* cum glossa: *hemistichium*; ut sit unus ex versibus, quos imperfectos Maro reliquit. Sed amat casus secundos Maro. Et laudatur hic ipse versus a Grammaticis eam in rem, v. Heins. *farinæ* Rottend. pr. et duo in Exc. Cort.

Ostendunt h. e. oracula et auguria prædicunt, promittunt. *Ostendere* egregie imprimis poetæ, hac in re. Idem *fas* esse dicunt ea, quæ fatis volentibus et oraculorum monitu fiunt. Quæras, unde jam tum Æneas nomen novæ sedis sibi promissæ, *Latium*, noverit? quum aliis in locis tam incerta omnia ei essent. Scilicet in locis inferis certiora edoctus fuerat lib. VI, 891. 2. De ipsa re cf. sup. Disqu. II s. VI. et Excurs. XV ad lib. II. *Durare* pro durare se, animum suum, poetæ primum, mox alii scriptores, ut Tacitus. Τλῆτε, φίλοι. II. B, 299. cf. Cerd.

208. 209. *Magnanimum* Ænean vides. *Premis*, occultat, ut sæpe. *altum* proprie, alto corde, h. e. intimo, sed docte poeta epitheton transfert ad *dolorem*, qui eo ipso fit intimus et altus dolor.

210 — 215. Sequentia censenda sunt ex ornato rerum exilium, cf.

Hiad. A, 459 sqq. ubi ἔδειπ' hic ornatus: *Tergora deripiunt* (alii: *mox pars*) *costis* (artubus) *et viscera nudant*. Recte Serv. *viscera*, quicquid sub corio est, h. e. carnes. 212. Totus ex: Μίστυλλον τ' ἄρα τ' ἄλλα, καὶ ἄμφ' ὀβελοῖσιν ἐπειραν ibid. 465. *trementia*, adhuc palpitantia, ut et Serv. Non equidem suavem in hoc epitheto imaginem sensui obijci dixerim. 213. *Æna locant*, quorsum? certe non ad elixandas carnes, quibus heroica tempora plane non utebantur, ut notum est. Et ne forte poetam ab antiquo more recessisse videri putes, quorsum laudare possis Valer. Fl. VIII, 254. aut Ovid. Met. I, 228. *torreri carnes* in antec. versu significatur. Igitur his ænīs aquam calefaciunt, cf. Æn. VI, 218. 219, ut se lavent ante epulas, ex more, ut quoque Serv. Quærere velle, unde tot lebetes habuerint, qui tanto hominum numero sufficerent, putidum

Postquam exempta fames epulis, mensæque remotæ :
 Amissos longo socios sermone requirunt ;
 Spemque metumque inter dubii, seu vivere credant,
 Sive extrema pati, nec jam exaudire vocatos.
 Præcipue pius Æneas, nunc acris Oronti, 220
 Nunc Amyci casum gemit, et crudelia secum
 Fata Lyci, fortemque Gyan, fortemque Cloanthum.
 Et jam finis erat : quum Jupiter æthere summo

216 *excepta f.* Zulich. a m. pr. *extincta* Hamb. pr. *epulis exempta f.* Oudarti. 218 *credunt* Mentel. Post inter distinguunt nonnulli Codd. et edd. ut sit : *dubii seu v. credant.* Burm. 219 *seu extrema* duo ap. Burm. *seu jam e.* Paget. 220 *Orontis* plures Codd. et edd. etiam ap. Pier. Scilicet est Orontes, Ὀρόντης, Oronteus, Orontei et Oronti. v. sup. ad v. 30. *Oronti* etiam fragm. Vatio. 221 *Amici alii, Tunc Anthei* Hamb. pr. *casus* Leid. et Sprot. Illud *secum* non debet offendere. nam *gemit secum A. c.* 222 *Lycus.* idem memoratur lib. IX, 556. *Giam* multi, etiam nostri, vel *Gian.* *Cloanthum* castigatior, notante Heinsio, ut Goth. pr. *Choantum* Leid. Nomina promiscue posuit, ut poeta. *Amycus*, Ἀμύκος ad exemplum regis Bebrycum, de quo Apollon. II. pr. et inf. V, 373. diversus est ab illis qui inf. X, 704. IX, 772. XII, 509. eodem nomine occurrunt. *Lycus* inter Trojanos iterum IX, 545 s. *Gyas* et *Cloanthus* in ludis in Sicilia editis lib. V, 118 sqq. Diversi sunt *Gyas* inter Etruscos X, 318, et forte alius XII, 460. 225 *Noli in vulgarius incidere, ut emendes : Et jam finierat.*—Sequitur *Juppiter* : in his ac similibus novare aliquid nolui : Si mei arbitrii res esset, scriberem *Jupiter*, ex antiquiore ac veriore ratione, quam in Virgilio redhibitam esse

esset in poeta.—*Flammas ministrant*, ornate, ut omnia in h. l., pro, *subjiciunt aënis ignem.* 215. Satiant se et carne ferina et vino. Jam excute ornamenta verborum.

216. Hoc est Homericum : Ἀντάρ, ἐπεὶ πόσιος καὶ ἐδητύος ἐξ ἔρον ἔντο. cf. inf. VIII, 184. *mensæ remotæ* noto vetere more, quo mensa cum epulis convivæ apponebatur et auferebatur. At h. l. fusi per herbam epulantur? Itaque improprie dictum. 217. *Longo sermone*, non tam qualis post cœnam esse solet, quam potius multis cum querelis. *Amissa sociorum parte dolentes Multaque conquesti*, Ovid. Met. XIV, 242.—*requirunt socios*; declarat voc. *requirere* desiderium amissorum sociorum. (v. Burm. ad h. l.) lamentantur eos sibi ereptos, Μητράμενοι δὴ πύρα, φίλους ἐκλαίον ἑταίρους. Odyss. M,

309. Vulgari oratione diceret: multa de sociis amissis inter se conqueruntur. 219. H. e. sive jam esse mortuos. *Extrema pati* proprie dicuntur, qui crudeli supplicio affecti animam efflant, h. l. simpliciter, qui moriuntur morte violenta, fluctibus submersi, nec jam exaudire vocatos, h. e. esse mortuos, quos invocari ab amicis et conclamari notus mos erat, inf. III, 67. VI, 505. cf. Odyss. I, 65. Ad prosaicam sane subtilitatem debuisset antecedere: num extrema eos *passos* esse credant, et jam conclamatos? Sed in poeta illa non requiritur.

223. *Et jam finis erat* sc. longi sermonis, h. e. querelarum, aut omnino, cœnæ factæ. Pompon. Sabinus *finem diei* interpretatur, nam mox dormitum concedunt, v. inf. 305. Quin omnino sic accipe: *Postquam hæc*

Despiciens mare velivolum, terrasque jacentes,
 Litoraue, et latos populos, sic vertice cœli 225
 Constitit, et Libyæ defixit lumina regnis.
 Atque illum tales jactantem pectore curas

volumus: ut statim 225 *litora*. Scilicet antiqui literas in his geminabant pronuntiatione, non scriptura; recentiores etiam scriptura: recte et hoc: sed tum tenendum est alterutrum constanter et in omnibus, quibus eadem ratio subest. 224 *Respiciens* Bigot. *dispicens* duo, et *prospiciens* duo alii ap. Burm. sed *despiciens* etiam Macrobi. VI Sat. 4. *terrasque latentes* Hamb. 226 *terris* Puget. 227 *Miror* neminem in *tales* hœsisse, et *tacitas curas* conjectasse. Sed cf. not.

finita erant, s. his factis, Jupiter prospexit etc. Fateor, nexum vel transitum mihi non videri esse felicissimi inventi. cf. inf. Exc. I. ad lib. IX. Cogitandum tamen de Jove stante et Trojanorum fortunam in Africa mente volvente, et rationem, qua succurri possit, circumspiciente. Hoc habitu Jovem si semel ante oculos tibi constitueris, bene se habent reliqua, et totus, qui sequitur, locus, e præstantioribus est habendus, cum poeta hoc ipso et miraculum addat hospitio Æneæ apud Didonem, et quod multo majus, Romanorum animos in carminis statim aditu ad Æneam et totam adeo carminis fabulam advertat. Lineas primas hujus artificii videas in Odyss. E, 5 sqq., ubi Minerva apud Jovem (ut jam Odyss. A, pr. fecerat) de intercepto Ulyssis reditu conqueritur, mittitur etiam tum Mercurius. Venerem Jovi supplicem nota gemma, sed a recentiore, suspicor, manu, expressam ad Virgiliū plane ductum videre licet (cum alibi tum in *Suite des Pierres gravées par Mme le Hay n. XV.*)

In verss. 223—227 plura Homeri loca ante oculos habuit: imprimis Iliad. N, pr. et Θ, 51. 52. *mare velivolum* exquisitè, in quo vela volant, cum proprie naves sint *velivolæ*. *terras jacentes* præclare, respectu quidem Jovis ex alto prospicientis, por-

rectæ sub ipso et late patententes; quanquam *terræ jacentes, gentes jacentes*, et alibi ap. poetas occurrunt simpliciter *positæ*: similiter *lati populi* sunt dicti. *sic, αὐτως*, non semper est temere vel frustra, sed, sic, uti res se habet, quo statu illa est: *sicut erat*; Romanorum poetarum, cf. Iliad. E, 255; et habet fere *μυητικόν* aliquid, ut Iliad. Γ, 220 *φαίης κεν ζάκωρόν τινα ἔμμεναι ἄφρονά δ' αὐτως*. cf. Iliad. Z, 400. H, 100. K, 50. Λ, 388. et al. Non temere Jovem oculos in Africæ litora et Æneæ naufragium intentos habuisse, arguunt illa: *defixit lumina—tales jactantem pectore curas*. Igitur accipiendum: *sic*, ut erat, *despiciens constitit*, pro simplici, *prospexit terras*. Ornate, *constitit*, quod homines facere solent, qui oculos animumque in aliquam rem intendunt, (stantem autem contra morem, non sedentem Jovem hic cogitare necesse est) et *defixit oculos regnis Libyæ*, in litore Africæ, ad quod Æneas naves subdlexerat. Notabili autem orationis brevitate Jovem cogitabundum stetit declaratur poeta, et *curas*, cogitationes et consilia, de parando Trojanis apud Pœnos hospitio, (inf. 297.) agitasse. Itaque respectu *τοῦ sic* subjicit, *tales curas jactantem*, h. e. cum hunc in modum oculis animoque in Æneæ fatis esset defixus.

Tristior, et lacrimis oculos suffusa nitentes,
 Alloquitur Venus: O qui res hominumque deûmque
 Æternis regis imperiis, et fulmine terres, 230
 Quid meus Æneas in te committere tantum,
 Quid Troës potuere? quibus, tot funera passis,
 Cunctus ob Italiam terrarum clauditur orbis?
 Certe hinc Romanos olim, volventibus annis,
 Hinc fore ductores, revocato a sanguine Teucri, 235

228 *atque oculos lacrymis* s. Priscianus et Alcuinus ap. Heins. *offusa* Servius citat inf. ad 482. 229 *Adloquitur* scripsit Heins. cum Medio. aliis et numismatis antiquis, in quibus *Adlocutio*, *deorumque* malit Heins. et Benth. ad Horat. I Od. 22, 14. 231 *Quod* Diomedes. 233 *Cluditur* post alios Gudianus. 234 *hinc* abest a sec. Moret. Certe hic Ven. Certe in *Romanis* Zalichem. a m. pr. 235 a omissum in Gud. Moret. pr. et multis aliis, etiam ap. Pieriam; et in fragm. Vatic. a pr. m. ut fere et alibi cf. Burm. Equidem abesse malim.

228. Observa artem poetæ. Ut miserationem faciat Venus, *tristis, fleus* et *pulera* inducitur.

229. Macrob. VI Sat. 2 *In principio Æneidos tempestas describitur, et Venus apud Jovem queritur de periculis filii, et Jupiter eam de futurorum prosperitate solatur. Hic locus totus a Nævio sumtus est ex primo libro belli Punici. illic enim aque Venus Trojanis tempestate laborantibus cum Jove queritur: et sequuntur verba Jovis filiam consolantis spe futurorum.* Comparari potest etiam Minervæ et Jovis super Ulysse altercatio Od. A, 44 sqq. et multo magis Thetidis alloquium Jovis Iliad. A, 497 sqq.

230. *Et fulmine terres*, possit otiosum videri post illa: *qui res—imperii*; sed *fulmen* insigne summi imperii; gravius autem *fulmine terres*, quam *fulmen geris, jacies*. 231. Manifesta adumbratio versuum ex Iliad. Δ, 31 *Δαίμωνι*, Jupiter ait ad Junonem, *τί νύ σε Πριάμος Πριάμοιο τε παῖδες Τόσσα κακὰ βέλουσιν, ὅτ' ἀσπερχές μενεαίνεις* etc. ipsa autem orationis forma ex Odys. A, 44 sqq. expressa,

ubi Minerva apud Jovem de Ulyssis ærumnis conqueritur, et ubi v. 62 *τί νύ οἱ τόσον ὠδύσσαο, Ζεῦ*. tum Jupiter simili modo atque hic respondet.

232. *Quibus tot f.* agnosce poeticam orationem, pro, quid potuere committere, ut iis—clauderetur? *tot funera* h. e. tot clades et calamitates. *ob Italiam*, propter Italiæ aditum, ne ad Italiam accedant, in toto terrarum orbe nullus considendi locus iis relinquitur. nam septem jam annos omnibus terris et maribus erraverant, ut Æn. I, extr.

234—236. *Hinc*, ab his Trojanis, *hinc, a sanguine Teucri revocato*, a stirpe Teucri instaurata per novam progeniem, cf. sup. I, 19 sqq.) *fore*, orituros esse, *Romanos—ductores*, populum regnatorem, *qui mare, qui terras tenerent*. Si quidem sup. v. 21 *populum late regem* simili modo dixit. Alioqui *ductores Romanos* intelliges Cæsarem et Octavianum. *Volventibus annis* sc. se, nota poetica ratio, quoniam annus in orbem redit: *περὶ πλομένων ἐνιαυτῶν. omni ditione*, Serv. omni potestate, pace, legibus

Qui mare, qui terras omni ditione tenerent,
 Pollicitus. Quæ te, Genitor, sententia vertit ?
 Hoc equidem occasum Trojæ tristesque ruinas
 Solabar, fatis contraria fata rependens.
 Nunc eadem fortuna viros tot casibus actos 240
 Insequitur. Quem das finem, Rex magne, laborum ?
 Antenor potuit, mediis elapsus Achivis,

236 *dicione* omnes vetastiores Heins. *terras omnis* fragm. Vatic. a Campiglia expressum, cujus lectionis etiam Servius meminit. Nec diffiteor hanc lectionem multo magis epicæ dignitati convenire videri, quam subtilem omnium generum potestatis comprehensionem. 237 vide an lenior suat oratio, si distinxeris: *Certe hinc—pollicitus, quæ te, genitor, sententia vertit?* h. cum sis pollicitus. Durum enim illud *pollicitus* sine *es* vel *eras*, in fine sententiæ absolutæ. 238 *casum* quatuor Burmanni, *casus* Bigot. 241 *rex summe* Hamb. sec. in Exc. Cortii. 242 *delapsus* alter Hamb. et Franc. Versus 242—9. recitat Auctor de progenie Aug. c. 10.

bello. Præstat dicere: *omni*, hoc est, summa potestate. Est enim poetis solennis ille usus; interdum et aliis scriptoribus: *omni ope annixus*, summa. *Æn. X, 53 magna ditione—Carthago premat Ausoniam*. Sed v. Var. Lect.

237. *Quæ te sententia vertit* exquisitè, quod novum consilium vertit te, mutavit animum tuum? Vulgari ratione *vertitur* sententia, animus, consilium. Mox 238 *occasum Trojæ solabar* etiam exquisite, ut fere semper poetæ. Ut semel dicam: proprio *solamur animum*, solamur nos, h. e. fractos nos erigimus, recreamus: tum solamur dolorem, curam, luctum; sic *cantu longum solata laborem* Ge. I, 293: tandem earum rerum caussas, mala et casus *solari* dicimur, h. e. solando aut tollimus aut minuimus seu mala, seu sensum malorum. Sic h. l. *excidium Trojæ* solatur Venus, dolorem inde animo conceptum levat. 239. *Fatis contraria fata rependens*. etiam hoc doctè; *rependens*: compensans, *fata contraria*, Trojanorum calamitates, *fatis* sc. melioribus, novo Italiæ regno, h. e. sperans, fortunam

Trojanorum futuram esse tanto lætiorè. Plane aliter *contraria fata* dicuntur *Æn. IX, 136. 241*. Quem *das finem*, pro, facis, constituis? Poeticæ orationi et hoc propius: *δοῦναι*, dare, pro facere.

242—249. Antenor, et ipse Troja profugus, novas sedes nactus est condito Patavio; cur Æneas simili fortuna non potitur? Locus est valde ornatus. v. Excurs. ad h. l. ubi de toto loco iudicium fertur. Livius I, 1—*casibus deinde variis Antenora—venisse in intimum maris Adriatici sinum*; hic sinus poetæ doctius *Illyrici sinus*, namque majori Adriatici sinus parti Illyricum prætenditur; idem *intima regna Liburnorum*, nam versus interiores recessus habitarunt Liburni, Illyrici populus, tum Istri, hinc Veneti et Euganci, in quorum sedes Veneti successerant. Spectat autem ad dignitatem orationis poeticæ, ut declarentur regiones non vulgari, sed exquisitiore nomine, v. e. a finibus ac finitimis populis petito: quod si teneas, poetam male a Servio accusatum dices, quod Antenorem Illyricum et Liburniam tenuisse

Illyricos penetrare sinus atque intima tutus
Regna Liburnorum, et fontem superare Timavi;

ille dixerit, nec minus male post Corradum a Burmanno defensum ex usu voc. *penetrasse*, quod h. l. sit, transiisse. Immo vero a poeta finibus latius constitutis Venetorum ora his ipsis vss. 243. 4 doctius declaratur, quam nudo nomine geographico. Quod vero *tutus*, seu incolumis, ad Venetos pervenit, hoc simpliciter ad errorum discrimina referam. Potuere tamen et alia esse Antenoris fata, quæ nunc ignorantur. Ita colligo ex Sex. Aurel. Victor. de orig. G. Rom. c. 1 *Quare autem addiderit tutus, suo loco planissime annotavimus in commentatione, quam conscribere cepimus, recognitam ex eo libro, qui inscriptus est de Origine Patavina.* (Sic enim locum illum forte constituas.) Tandem etiam, poetarum more, qui a finitimis locis clarioribus aut notabilioribus multa designant, (scilicet ut ornatam inde et novarum rerum notionibus suavitatem versibus suis quærant,) *Timavum*, quamquam paullo remotiorem fluvium, sed notio-riorem et veterum forte poetarum usu frequentatum, ad situm eandem declarandum commemorat. *Fontem Timavi superavit* Antenor, quatenus classe litora legens (neque enim aliter, nisi cursu propius ad Illyricum litus servato, mare Adriaticum tuto navigari potest: cf. Liv. X, 2) prætervectus erat sinum Tergestinum, in quem Timavus immittitur. Non longe a mari in Carnorum finibus ille inter rupium cavernas compluribus ingentibusque aquarum fontibus erumpit, qui paullo post in unum alveum delati flumen faciunt, quod, ubi vix M. passus emensum est, lato ostio in mare exit. Fontes olim habiti sunt

novem; ex iis prorumpit aqua magno cum fragore: *vasto cum murmure montis*; statimque in unum flumen collecta maris speciem refert late agros inundantis: *It mare proruptum et pelago premit arca sonanti.* Latius hæc illustrata v. in Excursu ad h. v. *Hic tamen*, noli hære ad fontem Timavi; sed latius, in oris his litoris Adriatici, et quidem, cum ad intimos sinus recessus penetrasset, inter Euganeos, qui tum hæc loca tenebant, Patavium ille condidit, et *genti nomen dedit*; at quale? dicunt *Antenoridarum*: apud poetas utique; non vero vulgare nomen, sed *Venetorum* nomen, quod vulgo veteres ab *Henetis* Paphlagoniæ, quos Antenori viæ socios fuisse aiebant, ductum esse volunt. *armaque fixit Troia*, pace sc. et tranquillo otio parto; quod suavi rerum imagine reddidit, petita illa ab iis, qui militia missi arma suspende- rent et figerent, cf. Pompon. Sab. ad h. l. *Nunc placida compostus pace quiescit*: quo sensu hæc dicta sint, dubitare licet; aut enim de morte aut de otio et tranquillitate, qua Antenor reliquam vitam exegit, accipi potest; in utroque tamen duri aliquid inest. Sane *componi* absolute mortui dicuntur, et iidem *quiescere*. inf. IX, 445 *placidaque ibi demum morte quievit.* VI, 321 *Sedibus ut saltem placidis in morte quiescam.* Veneris tamen consilio, dum Æneæ calamitatibus Antenoris fortunam secundam comparare vult, parum conveniret, Antenoris mortem *placidam* laudare; At si de quietis sedibus, rebus placatis, vita tranquilla agitur, tum fere *res compositæ* memorantur, non *ipsi homines*; aut si hoc sit, tum adjectum

Unde per ora novem vasto cum murmure montis 245
 It mare proruptum, et pelago premit arva sonanti;
 Hic tamen ille urbem Patavî sedesque locavit
 Teucrorum, et genti nomen dedit, armaque fixit
 Troïa; nunc placida compostus pace quiescit.
 Nos, tua progenies, cœli quibus annuis arcem, 250
 Navibus (infandum) amissis, unius ob iram
 Prodimur, atque Italis longe disjungimur oris.
 Hic pietatis honos? sic nos in sceptrâ reponis?
 Olli subridens hominum sator atque deorum

245 *magno* Parrhas. ex v. 55. *cum vasto* alter Hamb. 246 *proruptum* defendit Heinsius hic et alibi. cf. imprimis ad Siliam III, 51. Est sane exquisita vox hoc sensu, pro *prorumpens*. multi *præruptum*, cf. Cerda. etiam Fragm. Vatic. a pr. m. et ap. Seneca. Qu. nat. III, c. 1. quod sane defendi posset. cf. sup. 105. *præreptum* Ed. Ven. in *mare proruptum* Moret. pr. et Franc. 247 *urbes* Zolich. *sedemque* Exc. Burm. 249 *Troïa* tres ap. Burm. *cum placida* c. p. *quievit* Menag. alter. 251 *Infande* duo Burm. (et sic apud Servium legendum: *infandum* pro *infande* posnit.) *amissis* *infandum* Dorrill. 252 Dubitat Burmannus, an *aque* sit scribendum. Verum etsi non scribitur, subintelligendum tamen: *atque ab Italis oris disjungimur*, interjacente mari et aliis terris. *arvis* Leid. unus et Hamb. pr. pro var. lect. 253 *in regna* pro var. lect. Hamb. sec. et Oudart.

aliquid videas: *ad pacem, ad modestiam* etc. Atque ita etiam in iis ipsis locis fit, quæ h. l. a Burmanno laudantur. Dicendum itaque, aut poetam h. l. *compositum* novo exemplo adhibuisse, ut et voc. *quiescere*, pro, vitam quiete exigere; quiescit *rebus compositis*, adeoque et ipse *compositus*; aut manendum in priore significato: ut a Venere interpositum hoc sit, tranquillitatem Antenori ad extremam usque vitam contigisse. Ita *pace* pro morte.

250—253. Argumentatur Venus ab exemplo simili. Magno autem cum artificio se ipsam facit unam ex Trojanis, qui injuriam tulerint: *Nos, tua progenies, quibus annuis arcem cœli*, h. e. cœlum, promittis Æneam post mortem inter deos iri relatum. cf. mox v. 259. Callide et invidiose etiam illa: *unius* ob iram sc. Juno-

nis, et *navibus a.* pro navium parte, et *prodimur*, per fraudes perdimur, per insidias Junonis calamitatibus vexamur. 253. *Pietatis*, qua Æneas insignis. At ipsa suam personam interponens: hæc pietatis et amoris erga te præmia? *in sceptrâ*, in promissum Italiæ regnum, cum Trojano exciderat, *reponis*, pro vulgari, restituis.

254—256. Sequitur nobilissimus locus, in quo sub vaticinij specie, arte non improbabili, explicantur Romæ origines, incrementa splendorque imperij Augusti.

254—256. Aliter hæc Virgilius adstruxit, quam Homerus sua, cum Thetidi annueret Jupiter Iliad. A, 517 sqq. in quibus Jovis majestas augustior. At hic placidi, *μειλιχίου*, Jovis suavis imago. Osculum Veneris ori impressum ex Iliad. E, 372

Vultu, quo cœlum tempestatesque serenat, 255
 Oscula libavit natæ; dehinc talia fatur:
 Parce metu, Cytherea; manent immota tuorum
 Fata tibi; cernes urbem et promissa Lavinî
 Mœnia, sublimemque feres ad sidera cœli
 Magnanimum Ænean; neque me sententia vertit. 260

255 *tempestatemque* Bigot. 256 *dein* tert. Goth. 257 *Cythered*. Mirum ex τὰ Κῶδῆα, Κωδῆα, factam esse Κωδῆα, etiam Κωδῆα. Itaque aliam originem vocis petunt grammatici ἀπὸ τοῦ κῶδῆα τὸν ἱερὸν s. ἱερὰ apud Hesych. et Etymolog. In utroque Hesiodi versus est, qui laudatur Theog. 198., non Homeri. 258 et in al. deest, monente G. Fabricio, conterraneo nostro, quem sequutus est Cuninghamus. *Lavinî* scripsi v. ad vs. 2. 260 *vertet* Rottend. sec. Moret. sec.

poetæ in mentem venisse videtur, ubi Dione mater Venerem amplectitur. In singulis tamen observa decorem. Vs. 254 secundum Ennium: *Olli respondet rex Albai longai* et alia. *subridens*, μειδιῶν. In v. 255 Ennium ante oculos fuisse notat Servius: *Jupiter hic risit; tempestatesque serenæ Riserunt omnes risu Jovis omnipotentis*. Sed Ennius, utut oratio horrida sit, multo vividius rem expressit: *Ridet Jupiter; et tempestates arriident*. Apud Gudium Inscr. p. V, n. 3 *Jovi Opt. Max. Serenatori* legitur. *Oscula libare* potest sane cum Salmasio post Servium accipi, os alterius leviter labiis suis perstringere; sed si *libare*, delibare, summo ore carpere, pro *osculum*, basium, *sumere*, *eripere*, accipias, poeticæ dictionis genio et carminis dignitati consules. *libare*, (ut XII, 434 *Summa per galeam delibans oscula*) *oscula*, libando, leviter attingendo, sumere; ut in illis, *amnem*, *fluvium*, *libare*. *Natæ* cum energia adjectum, licet jam olli antecessisset; ut revocaretur in animum persona ejus, de quo agitur. Ita semper fere Homerus: τῷ δ'—Ἐκροῖ et al. Non videbat hoc Servius.

257—260. *Parce metui*, parce me-

tuere, noli—φείδω τοῦ δειδυκέναι. *Cernes urbem*; sentis quam ἐνεργῶς sit expressum. Mox *manent* pro *exili sunt*. 259. Propter v. 250. *cæli* quibus annuis arcem. Bene addidit *feres*, ut gratius esset, quod per ipsam fieret, monente Servio. Recipitur utique olim Æneas inter deos Æn. XII, 794 *Indigetem Ænean* *seis ipsa*, et *scire fateris*, *Deberi cælo* *fatisque ad sidera tolli*. Utrumque ex Ennio I Annal. *Unus erit, quem tu tolles ad cæcula cæli* *Templa*; qui versus non ex Veneris, ut Columna putat ad e. l. p. 34, sed ex Martis oratione servatus est. Docent hoc sequiorum poetarum loca, qui Ennium ante oculos habuerunt, imprimis Ovidii Fast. II, 487, ubi Mars ad Jovem: *Redde patri natum* (Romulum)—*Unus erit, quem tu tolles in cæcula cæli*, (quæ ipsa lectio ex Ennio tuenda) *Tu mihi dixisti. Sint rata dicta Jovis*. Adde Met. XIV, 813 sqq. 260. *Neque me sententia vertit*. ad v. 237 quæ te g. *sententia vertit*? Ceterum magnanimus, ut semel moneamus, male de generosa animi indole accipiunt; est *fortis*, animosus, ex μέγας, μέγας, μέγα φρονέων, quæ omnia ad bellicam virtutem referenda.

Hic (tibi fabor enim, quando hæc te cura remordet,
 Longius et volvens fatorum arcana movebo)
 Bellum ingens geret Italia, populosque feroces
 Contundet; moresque viris et mœnia ponet:
 Tertia dum Latio regnantem viderit æstas, 265
 Ternaque transierint Rutulis hiberna subactis.
 At puer Ascanius, cui nunc cognomen Iulo
 Additur, (Ilus erat, dum res stetit Ilia regno)
 Triginta magnos volvendis mensibus orbes

261 Antiquæ edd. jungunt fere: *Hic tibi*. Ex Græv. notat Barm. *Hinc* (Tibi *f.* enim) q. Duo hinc. quando te hæc Menag. alt. 262 *evolvens* Hamb. pr. Paris. a pr. m. Dorvill. Ed. Ven. uti Waddel. Animadv. Crit. p. 10. emendarat; et sane de temporum historiis commode rō evolvi. Sed non bene copula desideretur; et epicæ orationi accommodatissimum: *movebo volvens longius*, pro petam, repetam. Hoc fere Ge. II, 295 *Æsculus*—*immota manet multosque nepotes*, *Multa virum volvens durando secula vincit*, et sic alibi *volvens* simili sensu: *Tum genitor veterum volvens monumenta virorum*—ait Æn. IV, 102. *ac volvens Parrhas*. Sed et v. etiam fragm. Vatic. *monebo* ed. Dan. et quæ eam sequuntur. *docebo* Puget. et un. Guelf. in Exc. Cort. 264 *mortesque Zulich*. *mœnia condet* Oudart. et Hamb. pr. pro var. lect. a glossatoris manu. 266 *transierant* qu. Moret. cum alter Hamb. 267 *Iulus* Exc. Barm. sed *Iulo* defendit etiam Rafin. de Schem. Lex. pag. 33 ap. Barmann. quōi fragm. Vatic. 268 Versus suspectus. aut totus insertus, aut suppletus post *additur*. v. Excurs. VIII ad h. v. Erat tamen versus in codd. jam tempore Auctoris de progenie Augusti, qui vs. 267. 268 recitat. 269 annos Longob. Pierii, sollenni lapsa.

262—266. Quandoquidem hæc cura te mordet, cruciat, rem tibi exponam et *longius volvens fatorum arcana movebo*, h. e. fata altius repetam. Usus rōi *movebo* exemplis bene declaravit Bentlei. ad Horat. III, Carm. 7, 20. Ratio in eo inest, quod quæ ἐκπέποιμεν, proferimus, promimus, manifesta facimus, declaramus, proprie *movebo* dici possumus. *longius volvens*, evolvens, repetens. Præclare autem poeta *e Jovis persona* fata Æneæ et posterorum potiora recenset. Ad totum locum cf. Exc. III ad lib. XII, 189. 263. *Italia*, in Italia, more Græcorum adoptato a Virgilio et hinc ab aliis. *populos*, viros, *feroces contundet*. vides prælia cum Rutulis et Etruscis per victoriam declarari. 264. *Moresque viris et mœnia ponet*, urbem condet Lavi-

nium et novum imperium fundabit legibus, (leges ponet, νομοθετήσας,) per illud triennium, quo regnum tenebit. Hæc ornat: 265. *Tertia dum* h. e. *donec*. *terna hiberna*, pro hibernorum temporibus h. e. per tres hiemes, tres annos. 266. *Rutulis subactis*, Turno victo ac cæso.

267. Inter Trojanos, dum Trojanum regnum fuit incolume, *Ilus* dicebatur. *regno*, sub regibus; at nunc eversa Troja, *Iulus* dici cœpit. Sed v. Excurs. ad h. v.

269—271. Trigesimo regni anno Ascanius Albam Longam condidisse, sedemque regni a Lavinio in novam urbem transtulisse traditur. Quod si is verborum sensus esse debet, antiquæ locutus est poeta pro: Ascanius XXX annos imperio explebit, cum regnum transferet. Si tamen ad com-

Imperio explebit, regnumque ab sede Lavinī 270
 Transferet, et longam multa vi muniet Albam.
 Hic jam ter centum totos regnabitur annos.
 Gente sub Hectorea; donec regina sacerdos
 Marte gravis geminam partu dabit Ilia prolem.
 Inde lupæ fulvo nutricis tegmine lætus 275
 Romulus excipiet gentem, et Mavortia condet
 Mænia, Romanosque suo de nomine dicet.

270 *ab s. Heins. o. Medic. et al. adde Rom. antea: a s. Sprot. et Parrhas. a sede Lavinī. Ceterum si Lavinium unice verum est, cf. sup. ad v. 2, scribendum hic et v. 258 Lavinī.* 271 *magna vi Zulich. ut et alibi. v. Burm. vi multa Oudart. et sic alii ap. Pier. muniet urbem sec. Hamb.* 272 *tercentos Montalb. et Ven. trescentum fragm. Moret. Ilinc Serv. et MS. Bersmanni, quos sequitur Cusinghamus; et sic aliquot Heinsiani; hoc duo. Cum regnabitur absolute dictum sit, tum autem ex more dicendum esset, genti Hectorea; h. e. ab g. H. Burmannus, Vir latinissime doctus, emendat: Hac se. Alba regnabitur. Nescio tamen, annon vulgata ad eundem loquendi modum accedat: regnatur est regnum tenetur, habetur, sub gente H. ut Homeri ὑπὸ, cum notatione obsequii aut imperii, quod patitur quis. Iliad. ζ. 159 Ζαῖς γὰρ εἰ ὑπὸ σκίπτειν ἰδάμασσαν Argivos. Hac tamen expeditior est lectio.* 274 *Partu geminam sec. Hamb.* 275 *tectus Uratisl.* 276 *accipiet Hamb. pr. cum uno Guelpherb. in Excerpt. Cort. neo hoc male.* 277 *ducit alter Hamb.*

munem rationem grammaticam verba accipias, nihil definit poeta, sed Ascanium XXX annos esse regnaturum, et in hoc regni tempore urbem novam conditurum ait. Prius tamen illud cum poetæ rationibus convenit: cf. inf. VII, 42, 47, 48. *orbes*, annos, *magnos*, longos, ut alibi, epitheto ex natura anni depromto, quatenus plurium mensium spatia in se comprehendit. Argutatur Macrobius in Somn. Scip. II, 11 et Serv. cum aliis interpretibus in h. v. In Ecl. IV, 12 *magni menses* vim habere possunt ex reliqua oratione. *volcendis mensibus*, qui volvuntur, volunt se. *muniet* exquisitius quam *exstruet*. *multa vi*, magnis opibus, magno hominum rerumque apparatu: at Burm. contendit esse, magno impetu, animi ardore, studio.

272. 273. Per CCC annos reges e Trojana stirpe Albæ Longæ esse regnatos ait ad Romulum usque. De

rationibus historicis olim in Excursu III ad lib. XII, 189 disputabitur. *Gens Hectorea* est Trojana simpl. ut V, 190 *Hectorei socii*. sic et alii: v. Burm. Ex Trojana saltem stirpe, si forte non omnes ex Æneæ prosapia, oriundi fuerunt reges, qui Albæ Longæ imperarunt, quamvis illa non modo Trojanos sed etiam Latinos Aborigines haberet incolas. *regnabitur sub gente Hectorea*, regnum durabit sub Trojanæ stirpis regibus. cf. Var. Lect. Æn. XII, 826 *Sit Latium; sint Albani per sæcula reges* etc.

274. *Ilia*, tanquam Trojana stirpe oriunda, poetis dicta, ab Ilío Trojæ, Rhea Silvia, *sacerdos*, Virgo Vestalis, *regina*, h. e. regio sanguine orta, ut βασιλισσα, *Marte gravis*, e Marte grvida, gemellos uno partu edet.

275—277. Romulus Romam condet. Quam ornate et splendide hoc poeta extulit! Ut *lupam nutricem* attingeret, Romulum, antiquorum he-

His ego nec metas rerum nec tempora pono;
Imperium sine fine dedi. Quin aspera Juno,
Quæ mare nunc terrasque metu cælumque fatigat, 280
Consilia in melius referet, mecumque fovebit
Romanos, rerum dominos, gentemque togatam.

278 *metam* Bigot. minus poetice. 280 *quæ terrasque* quidam codd. ap. Burm. et Pier. sed sic melius *quæ abesset*. 281 *mecumque juvabit sec.* Moret. sollennis varias. cf. Burm. 282 *Progeniem rerum dominos* Bigot. Sed *Romanos* firmat Sueton. Aug. 40 et, qui et ipse versum repetit et ad Domitiani laudes transfert, lib. XIV, 124, Martialis.

rom more, pro casside lupi exuvias, seu lupinam pellem, gessisse narrat. *Et galea hirsuta comta lupina coma*, etiam Propert. IV, 10, 20 de Romulo. Hoc igitur habitu occurrere debuere vetera Romuli signa. *latus tegmine*, pro ornatus, aut, qui habet. *tegmen lupæ* pro exuviis lupæ. v. Burm. Nec vero accipiendum, quasi lupæ ipsius, a qua nutritus fuerat, pellem detractam sibi imposuerit: sed ornat epitheton *nutricis lupæ*: quia ex eo genere fuit illa, a qua ipse nutritus esset; ut bene observat Meierotto V. C. *Romulus excipiet gentem*, proprie, *regnum gentis*, imperium gentis Hectoreæ, s. Trojanæ; succedet in regno Albano Romulus. De voc. *excipere* de rebus, quas nanciscimur, aut nacti sumus, v. ad Ge. IV, 207. Sunt hæc omnia, vaticiniorum et oraculorum more, per ambages ac plenior ore exposita, quam in oratione Jovis ad filiam expectari poterat. *Menia Mavortia*, Roma a Martis filio condita; ut sæpe al.

278. 279. *Rerum metas*, h. e. limites imperii, sine fine, æterna urbs, ut in numis et monumentis. A poetis hæc innumeris in locis ornata et variata.

280. 1. 2. Ipsa Juno aliquando studio Romanorum tenebitur. Fuit enim cum Jove et Minerva Romanorum rerum præses. *Qua m. — metu*

e. fatigat. si metu, h. e. præ metu, Juno fatigat omnia sc. precibus, hortatu, minis; habes auctoritatem v. 23 *Id metuens veterisque memor Saturnia belli* etc. Sic tamen tenue nescio quid inferitur orationi. Sin *Juno fatigat metu* h. e. terroribus, mare, terras, cælum, vercæris forte, ne turgere videatur oratio. Sed dicta hæc sunt ad vulgarem loquendi modum: terroribus omnes agitare et vexare, itaque, Junonem omnia *versare, miscere*, ut Trojanos perdat. Inf. XI, 400 *Proinde omnia magno Ne cessa turbare metu*, et VII, 301 *Absumta in Teucros vires eælique marisque. Fatigare*, ut *exercere*, de rebus, quibus vel abutaris vel frequenter, multum, nimium utaris; unde est turbare, affligere, vexare. cf. ad VIII, 93. 281. Junonem animo mutato in meliorem partem, *εἰς τὸ βέλτιον*, jam consulentem (sic XI, 426 *Multa dies — Rettulit in melius*, tulit, mutavit) Romanisque placatam ex Horatio reminisceris Carm. III, 3 *Gratum eloquuta consulantibus Junone divis* etc. — 282. *Romanos rerum dominos gentemque togatam*, hanc a Laberio habuit poeta: notante Macrob. Sat. VI, 5, extr. Augusto frequentatum hunc versum, ex Sueton. Octav. 40 notum. Versus dignitatem in prima parte facile percipias; at post *Roma-*

Sic placitum. Veniet lustris labentibus ætas,
 Quum domus Assaraci Phthiam clarasque Mycenæ
 Servitio premet, ac victis dominabitur Argis. 285
 Nascetur pulchra Trojanus origine Cæsar,
 Imperium Oceano, famam qui terminet astris;
 Julius, a magno demissum nomen Iulo:

283 *placitum est* Leidens. male cum alijs ap. Pier. v. Burm. ad Lucan. II, 5, et inf. ad Æn. II, 428. 284 *Pythiam, Phythiam* male scribitur. 285 *Imperio* Parrhas. ex interpretatione, et v. duo. cunctis Hamb. pr. cum nonnullis Pierianis. 287 *Et famam* sec. Hamb. *fama* deleta lit. in Regius. terminat Oudart. et duo Lejd. a. m. pr. 288 *dimissum* plerique vitiose.

nos rerum dominos, annon languet gentemque togatam, h. e. a vestimenti genere designatam? Quis enim nunc simile quid ferret in Gallis, Anglis, designandis? Scilicet Romanos belli pacisque artibus claros memorat poeta: *Romanos, rerum dominos*, h. e. orbis terrarum regnatores, an hoc sine armis? sine bellica virtute? Jam gentemque togatam intelligas spectare ad togæ, h. e. pacis, artes ac virtutes. Et cogitandum, majorem dignitatem in toga olim fuisse quam nunc in ullo vestimenti genere. *The enrob'd people* diceret non minus graviter Britannus aliquis; ut belle monebat me Brandes. *socer meus pie colendus*. *Sic placitum*, ita ego constitui, decrevi. De formula agit Burm. ad Æn. II, 428.

283—285. Splendide Romanorum bella cum Græcis, et Achaiam in provinciam pop. Rom. redactam, designat. In simili acumine versatur Epigramma Adriani Imp. seu verius Germanici, in Ilium novum Anthol. Gr. lib. I, p. 98 Steph. Analect. Brunck. T. II p. 285. II. et latine, sed minus venuste, Anthol. Lat. lib. I, ep. 103. *Placitum est*, de iis, quæ in fatiis habentur. *lustris*, doctius quam, annis. *domus Assaraci*, Ro-

mani a Trojanis oriundi, inter quos Assaracus, Troia filius, ex Æneæ fuit majoribus. v. Apollod. III, 12, 2 et Not. Conon. c. 12. Græcia præclare per *Phthiam*, utpote Achillis patriam, et *Mycenæ*, Agamemnonis regiam, declarata; nec non per *Argos*, quos tum Diomedes tenebat; (Iliad. B, 559 sq.) erant tamen illi tantæ tum dignitatis, ut apud Homerum tota Græcia per *Argos*, et totus exercitus *Argivorum* nomine insigniretur. inf. VI, 839 *Eruet ille Argos, Agamemnoniasque Mycenæ*. Gravissima vocabula et ista: *Servitio premet—dominabitur*.

286 seqq. Ad Augustum referas haud dubie verius quam ad Julium Cæsarem cum Servio, Cerda et alijs ap. Burm. Nam nec terrarum imperium v. 287 facile Cæsari tribuitur, neque *is spoliis Orientis onustus*, neque ab eo pax restituta v. 290. Contra de Augusto illa ubique obvia. v. impr. Æn. VI, 793 sq. Et *is Cæsar*, *Julius* adoptionis jure, hinc *Trojanus*, ab Ascanio Trojano genus ducens; itaque *Julius*, *nomen demissum a magno Iulo*, h. e. nascetur Cæsar, *Julius* nomine, quod nomen ab Iulo in eum venit. *pulchra origine* simpl. clara. Nec ad Venerem respici posse puto,

Hunc tu olim cælo, spoliis Orientis onustum,
 Accipies securâ; vocabitur hic quoque votis. 290
 Aspera tum positâ mitescent sæcula bellis.
 Cana Fides, et Vesta, Remo cum fratre Quirinus,
 Jura dabunt; diræ ferro et compagibus artis
 Claudentur Belli portæ; Furor impius intus,
 Sæva sedens super arma, et centum vinctus aënis 295
 Post tergum nodis, fremet horridus ore cruento.
 Hæc ait: et Maia genitum demittit ab alto;

289 alii olim *honestum*, sec. Serv. natum scilicet ex *honustum*, ut scribebatur.
 290 *Adspicies* Fabricii MS. cum Goth. tert. et quatuor ap. Burm. qui *accipies* Schol.
 Cruqu. Horat. auctoritate et Ge. I, 28 et *te maximus orbis—Accipiat*. Sed est omnino
 gravior, et habet plus *inpylas* respectu Veneris. Sic v. 259 *sublimemque feres*.
 291 *mitescent* Hamb. alt. Ceterum Burm. conj. *Aspera quum p.—Cana Fides—jura*
dabunt. Sed hoc est, vaticinationis impetum et vim infringere. Sunt scilicet talia
 abruptis sentiis efferenda. 293 Et deest Bigot. *arctis* al. ut male scribi solet.
 295 *Sæva* Franc. et Parrhas. 297 *Maia* sec. Moret. et sic Rom. a m. pr. *demittit*
 ex melioribus reposuit Heins. Vulgo *dimittit*, *demisit* Ald. et Jant. et sequitur *arceret*.
 Verum in poeta epico non locum habet ea observatio e Cicerone petita. *dimisit* pr. Goth.
demittit Olympo Goth. sec.

per sermonis usum. 289. *Hunc—spoliis Orientis onustum*. hæc illa perpetua poetarum imprimisque Virgilio de Augusti in Parthos expeditione vaticinatio. v. Vit. Virg. ad ann. 724. 725. 734. cf. ad Georg. II, 170. neque in unum certum annum ea cogere necesse est; quin, adeo ante signa a Parthis reddita, poeticus ingenii fervor hæc ita recte efferre potuit. 290. *securâ*, nemine intercedente, Junone placata, *vocabitur hic quoque votis*, præclare honores divinos habendos Augusto ostendit, ut Georg. I, 42. 291. Ad Janum clausum U. C. 725 et pacem per terrarum orbem restitutam recte refertur. cf. Virg. Vit. ad h. a. Nec tamen hinc probare aliquis suscipiat, hoc ipso anno primum *Æneidos* librum esse scriptum. *sæcula aspera mitescent*, tempus illud erit pacatum, finitis bellis. Tribuitur tempori, quod hominum est. Quæ sequuntur, v. 292—296 magnifice ex-

pressa sunt: v. Excurs. ad h. v. Ait fidem, religiones patrias, et civium concordiam, extinctis bellis et discordiis, rempublicam esse temperaturas. *Fides cana*, prisca, antiqua, qualis majorum fuit. *Vesta*, patria eaque antiquissima religione Romanis culta. Cum his *Romulus* et *Remus jura dabunt*, imperio Romano præerunt, ita ut ad pristinam illam temporum sanctitatem et integritatem, quæ ante parricidium Remi a Romulo commissum fuit, rediisse res videri debeat. *Bellum*, ὁ Πόλεμος, h. l. dei personam sustinet; idem mox *Furor*. *Belli portæ* respiciunt Jani templum (cf. *Æn.* VII, 607), quod pace restituta clausum quasi pro carcere et custodia Belli haberi potest. Reliqua vss. 294, 5, 6 ad terrorem animorum composita sunt.

297—304. Observa, quam succincta in seqq. narratio sit. Bene autem in hospitio Teucris parando

Ut terræ, utque novæ pateant Carthaginis arces
 Hospitio Teucris : ne fati nescia Dido
 Finibus arceret. Volat ille per aëra magnum 300
 Remigio alarum ; ac Libyæ citus adstitit oris.
 Et jam jussa facit ; ponuntque ferocia Pœni
 Corda, volente deo. In primis regina quietum
 Accipit in Teucros animum mentemque benignam.
 At pius Æneas, per noctem plurima volvens, 305
 Ut primum lux alma data est, exire, locosque
 Explorare novos ; quas vento accesserit oras,
 Qui teneant, nam inculta videt, hominesne feræne,
 Quærere constituit, sociisque exacta referre.

298 *atque* al. et sic vulgo ante Heins. 300 *athera* Leid. et al. *aera* multum ed. Ven. 301 *ac* deest pr. Moret. 302 *Omnia jussa* Oudart. *At jam j. gerit* Hamb. pr. 306 *alta* sec Moret. *alba* tentat Wakef. Silv. crit. P. V. p. 80. temere, *locosque* *Quærere* constituit, quos vento a.—*Explorare*. Menag. pr. Ex quibus illa possis tenere : *locosque Explorare* novos, quos vento accesserit ; *oras* Qui teneant,—*hominesne feræne*. Apud Rufin. de Schem. Lex. pag. 253 corrupte : *Expl. locos, q.* 307 *accesserat* Leid. 308. *vident* Medic. a m. pr. *feræne* male multi. 309 *abest que* a Longob. et al. Pierio non probante.

ministerium deorum interponitur, ne res miraculo careat. 299. *Fati*, seu, quo Trojanis Italia erat petenda ; seu omnino numinis voluntate ac jussu, adeoque fato Trojanos ad Libyæ litus esse delatos : quod ignorans Dido, ne advenæ in his litoribus sedem figere vellent, vereri, eosque ab escensu in terram prohibere poterat ; cf. 527 sqq. Mox 301. *remigio alarum* ornatè. Alæ avium cum navium remis comparari solent. Lucret. VI, 743 et Græci, *πτεροῖς ἐρέσσει* Eurip. Iphig. in T. 289. et in Ione 162 *ἐρέσσει κύκνος* primoque loco Æschylus Agam. 52. 302. Ponunt feroces animos ; mites et placidos animos accipiunt, ne advenarum conspectu exterriti armis eos propulsent. *quietum animum*, *ἤκηλον* l. *εὐκηλον*, pro placidum, propitium,

εὐμενῇ. Ingeniose autem hoc ad Mercurii operam refertur, cum ille sit deus commerciorum, persuasionis et humanioris cultus. Ut Horat. *qui feros cultus hominum recentum Voce formasti*.

305—308. Paratur nunc Æneæ ad Carthaginem accessus ; cui et ipsi mater Æneæ intervenit. *Per noctem plurima volvens*, οὐκ Ἀτρείδην—Υπνος ἔχε γλυκερὸς, πολλὰ φρεσὶν ὀρμαίνοντα Iliad. K, 4. *lux alma*, grata, jucunda. Ut semel monemus, *almus* convenit fere cum nostro *wohlthätig*, quo poetæ utuntur. 307. Explorat loca nova, et explorat, ad quas oras accesserit, venti vi, seu tempestate, appulsus—*exacta*, quæ explorasset, comperisset, *referre*. 308. Color ductus ex Odys. Z. 119 sqq., ubi Ulysses in Phæacum insula

Classem in convexo nemorum, sub rupe cavata, 310
 Arboribus clausam circum atque horrentibus umbris
 Occulit; Ipse uno graditur comitatus Achate;
 Bina manu lato crispans hastilia ferro.
 Cui mater media sese tulit obvia silva,
 Virginis os habitumque gerens, et virginis arma 315

310 *converu* Zolich. Oudart. Leid. a m. sec. et Exc. Barmann. 311 *idem fore versus* inf. III, 229, 230. 312 *Achate* Medic. sed *Achate* firmat Heins. Prisciani auctoritate. atque uno Hamb. pr. et Puget. 313 *lati ferri* Hamb. pr. pro var. lect. quod ex Servio esse derivatum Burm. vidit. conf. IV, 131. 314 *sese obtulit novem ap.* Barm. quod recte rejicit. Sed ratio est, quod *sese tulit* exquisitius est; ut et illud: *obvia se tulit*, quam *tulit se obviam*. Sic inf. 439 *Infert se scriptus nebula*. III, 598 *mos sese ad litora praeceps—tulit*. Nec tamen semper hoc sequitur poeta. Nam inf. 503 *talem se letis ferebat*. non, talis. 315 *ferens* Sprot. et Hamb. pr. *Virginis—et virginis* Spartanæ miror nemini displicuisse sic juncta, quippe parum suaviter. Assimulaverat se facie ac vestitu puellæ, et erat armata puellæ Spartanæ more. Nec importunitatem mutata interpunctione sustuleris. Expectabas Nympham vel Dianam: *Naidos os habitumque gerens*, aut simile quid; ut Ovid. Met. I. 691. 5 *Naias una fuit—ritu quoque cincta Dianæ Falleret, et credi posset Latonia*.

expergiscitur; et multo magis ex Odyss. K, 144 sqq., ubi Ulysses ad Æeā insulam appellit.

310. Classem occultat sub convexa rupe nemoribus consita 162—165. *horrentibus umbris*; arboribus, v. ad X, 237 et sup. proem. 4. I, 165, 312. 313. *Crispans*, exquisitius quam vibrans, habens. Crispantur, quæ incurvantur, inflectuntur; Est *ῥὰ πύσσεισαι* de hastis Iiad. N, 134. Binas hastas gerere, mos fere heroum cum apud poetas, cf. XII, 165, tum apud artifices. Res vana esset, exempla congerere. *Achates* Æneæ comes datus, ut ap. Homer. *Ἐπάρχοι* heroum et *ἑταῖροι* Idomenci Meriones, Diomedis Sthenelus, Achillis Patroclus.

314. Antequam silvam litoris esset ogressus, *sese tulit*, se egit, incessit, facta *obvia* (cf. inf. 503) ei Venus, puellæ venatricis vultu et amictu. Habuit, quem imitaretur, Homerum Odyss. H, 19 sqq.: N, 221 sqq., ubi Minerva altero loco

puellæ, aequalem gestanti, in altero pastori assimilata Ulyssi obvia et viæ dux fit. Sed non infeliciter rem variavit Virgilius.

315—320. Arcum cum sagitta habebat, et veste succincta, coma sinuque soluto, erat, puellæ Spartanæ vel Thressæ more. Hoc structuræ forma variavit. De Spartanarum puellarum exercitatione, quam huc vocant interpretes, palæstrica nota res. Enimvero tum *nuda* erant, ut tot loca docere possunt; vel Plutarchi ille classicus in Lycurgo p. 47 F. et—*More tuæ gentis nitida dum nuda palæstra Ludis*, Paris ad Helenam apud Ovid. Epist. XVI, 149. cf. Propert. III, 14, 1, ubi v. Intpp. et Crag. de rep. Laced. lib. III. t. 9. inst. 4. In nostro autem poeta *vestita* illæ sunt et arcu *phætraque instructæ*. Itaque ad communem potius puellarum Lacænarum habitum erit referendum, cum militaria opera tractarent, atque ideo brevibus tunicis, iisque ad femur us-

Spartanæ; vel qualis equos Threissa fatigat
Harpalyce, volucremque fuga prævertitur Eurum.

316 *Virginis arma Sarranæ* h. e. Tyriæ (cf. Georg. II, 506) ingeniosa est emendatio Marklandi ad Statii Silv. V, 2, 118. Burmannus eam h. l. exagitat, quod de Tyriis colonis Æneas nondum aliquid cogitare poterat; Spartanæ autem vel Threissæ virginis species occurrere jam ante Æneæ debuerat. De Spartana tamen non minus dubitare licet, anspiciam Æneæ visa fuerit. Enimvero poeta non declarat, qualem sibi Æneas deæ speciem animo nunc finxerit; sed lectori delineat formam et habitum Veneris, qualem lector suo animo eam representare sibi debeat. Marklandi autem emendatio locum habet nullum propterea, quod ipsam comparisonem jugulat. *Spartanarum* virginum vel Thracicarum formæ habitusque notissimi sunt; his igitur uti debuit poeta ad declarandum id, quod per se sensibus legentis subjici satis clare non poterat. Infra autem Veneris, ne dea crederetur, recte se Tyriam aliquam puellam simulare poterat, cum jam expositura esset, qui essent, qui hæc loca incoherent. *Threissa*, Θηῖσσα, Θρήσσα, Θηήσσα, ut Θηῖξ, Θηήξ. 317 al. *Harpalyce*. *Harpalice*. Sed est Ἀρπυρία. Mox vulgo legabatur *Hebrum*; at *Eurum* Rutgersii, Huetii aliorumque (v. Cunningham. ad h. l. emendatio est, obvia sane et in quam quilibet facile incidat. Docte de ea egit Burn. ad h. l. cf. Bentl. ad Horat. I Carm. 25, 20; ubi recte *Euro* *Hebrus* cessit; etiam nuper in Epit. Iliad. 737 ap. Wernsdorf. In nostro loco *Hebrus* defendi potest usu poetarum comparandi motus cursusque celeritatem cum fluviorum impetu. Neque obstat, quod *Hebrum* nonnulli levi et placido flumine procedere tradunt; poetarum enim non semper in his summa subtilitas. v. Burn. ad Valer. Fl. V, 180. Assumam quoque in indicium animi potest: venari *Harpalyce* ad ripas *Hebri*; itaque eam secundum amnem decurrere velociorem ipso amne. *Eurum* tamen toti comparationis consilio accommodatiorem esse, negari nequit; nec satis in fluvium etiam rapidissimum, cadit *fuga*, *volucer*, *præverti*; at de ventis hæc verba sunt sollennia. Itaque, Bruckii quoque V. C. exemplo, *Eurum* reduxi. Inf. VIII, 223 *fugit illicet ocyor Euro*.

que dissutis, uterentur, ut nudum femur in incessu appareret (unde φαρυγιδες Spartanæ puellæ; qua de re loc. class. Plutarch. in Lycurgo p. 76 F. Eurip. *Andromache* 596 sqq., ubi v. Barnes. et hic Cerdam. Pollux VII, 55. adde Clem. Alex. II, Pædag. 10). Hic tamen, idque observatione dignum, ab eo potissimum Spartana virgo designatur, quod arcum cum sagittis gerit; et probabile sit, puellas Spartanæ venationibus quoque operam dedisse. Nam coma soluta ad eas non spectat; si vel Horatium memineris: *in comtum Lacanæ more comam religata nodum* II, Carm. 11, 23 (quem locum intactum esse relinquendum putamus). —vel (talis virginis) *qualis fatigat* (est, eum fatigat) *equos*, equo incedit: quod proprium Amazonibus. *Threissa Harpalyce*. Si omnino puella Threissa memoraretur, de Amazone

hæc acciperem: cf. inf. ad lib. XI, 659. Idem sequeretur, si de *Harpalyce* Amazone mihi constaret. Tradita tamen de Amazonibus fuere multa, quæ nunc accurate non tenemus. Ceteroqui *Harpalyces* in vetustis fabulis notum nomen. Alia est ab Iphicelo spreta, a qua cantilena *Harpalyce* dicta. Ex Aristoxeni ὑπομνήμασι narrat Athenæus XIV, 3 p. 619 F. Alia Clymeni filia, de qua ex Euphorione Parthenius *Erotic*. c. 13 narrat. Hic tertia, paullo notior illa ceteris, *Harpalyce*, *Amymnæorum* (ita legendum, sic *Amymnos* Epiri memorat Steph. Byz.) Thraciæ regis filia, quæ in silvis edueta venatibus et cursibus sese duraverat. De ea v. h. l. Serv. et Hygin. f. 193. Ea nunc v. 317. ventos cursu velocitate superat. *fuga*, φυγή, *fugere*, φυγεῖν, sollennia poetis de cursu celeris.

Namque humeris de more habilem suspenderat arcum
 Venatrix, dederatque comam diffundere ventis;
 Nuda genu, nodoque sinus collecta fluentes. 320
 Ac prior, Heus, inquit, juvenes, monstrate mearum
 Vidistis si quam hic errantem forte sororum,
 Succinctam pharetra et maculosæ tegmine lyncis,

319 *comam* Heins. ex scriptis, ut magis poeticum; et sic omnes meliores, etiam Pieriani. Al. *comas. defundere* Sprot. et Rottend. pr. *dispergere* Leid. un. ex gloss. 321 *Et prior. At prior.* Ac prius in al. inquit, nobis m. Goth. sec. 322 *Si quam hortantem* Zulich. 323 *pharetram* habebant codd. Prisciani tempore et sic Hamb. sec. et aliquot Pieriani. Ita scribendum etiam esset *tegmina*, ut Gudian. a. m. pr. *maculoso* Mentel. pr. aut m. Menag. pr.

318. *De more*, qui venantium mos esse solet. Vulgaris fuisset oratio: *more venatricis. habilem arcum*, qui facile haberi, tractari, potest; εὖ ἀπαόρα. cf. inf. ad IX, 365. h. l. *levis*, ut Valer. Fl. III, 523 *levis omnibus arcus*: I, 109 *Tela puer facilesque humeris gaudentibus arcus Gestat Hylas*. Sane alias *habile telum* potest et de magno gravique dici, si scilicet is, qui gerit, sit robustior, v. c. de *Aeneæ clipeo* *Æn.* XII, 432. cf. ad Tibull. I, 9, 7 et Burm. ad Ovid. II Met. 531. 319. *dederat ventis comam diffundere*, δῶκεν ἀνέμοις φέρεσθαι, h. e. ὥστε φέρεσθαι, diffundendam; scilicet comam solutam habebat. Amplificavit hæc, ut solet, Claudianus de R. P. 30 sqq. 320. *Nuda genu*, adeoque succincta, ut venatrix; v. ad Callim. in Dian. v. 11, ubi v. Spanhem., et ad Oppian. I Cyneg. 97, cothurno tamen suras revincta, ut v. 337 subjicitur. Talis Atalanta effingitur ap. Philostr. jun. 15. p. 887—*Sinum collegerat nodo*; possis intelligere fibulam, ut inf. IV, 139 *aurea purpuream subnectit fibula vestem*, ubi cf. not., et de Charonte VI, 301 *Sordidus ex humeris nodo dependet amictus*; et Claudian. de R. P. 40 *Collectæ teneri nodantur iaspide vestes*. Sed fibula sinum non

colligit in pectore, nec in tunica; nam, si bene meminimus, fibulæ in humeris, non in pectore, usus in tunica est. Nec in chlamyde et aliis vestibus tunicæ superinjectis, talem fibulæ usum memini; sed subjectum pectori est cingulum. Occurrunt quidem feminarum signa, in quibus palla medio corpori circumjecta nodo ex pallæ oris facto collecta est; at in tunica hoc fieri nequit. Igitur melius de cingulo accipiemus. Cerda Liti Andronici notos versus apud Terentian. Maur. pag. 2426 Grammat. Putsch. poetæ ante oculos fuisse suspicabatur: *Et jam purpureo suras include cothurno, Balteus et revocet volucres in pectore sinus*. Scilicet *Nodus* omnino pro quovis vinculo.

321. Quo sermone ac lingua hic in Africæ oris, Venus et mox Dido, et sic alii in Sicilia et Italia, cum *Ænea* uti potuerint, ut quæ dicerent, ab hoc, Trojano homine, intelligi possent, aliena a poesi epica est quæstio, ne dicam inepta. Omnem enim ejus vim, illecebras et gratam fraudem interciperet talis subtilitas. Conventum est inter poetam et lectorem tacite in hoc, ut communi sermone inter se uti putentur Trojani et Achivi et sic porro. Semel monuisse satis est. 323. *Succinctam*

Aut spumantis apri cursum clamore prementem.

Sic Venus; et Veneris contra sic filius orsus: 325

Nulla tuarum audita mihi neque visa sororum,

O, quam te memorem? virgo; namque haud tibi vultus

Mortalis, nec vox hominem sonat; o, dea certe;

An Phœbi soror? an Nympharum sanguinis una?

Sis felix, nostrumque leves, quæcumque, laborem: 330

Et, quo sub cælo tandem, quibus orbis in oris

Jactemur, doceas. Ignari hominumque locorumque

Erramus, vento huc et vastis fluctibus acti.

Multa tibi ante aras nostra cadet hostia dextra.

325 at Serr. et edd. Ald. Junt. Scilicet erat ea vulgaris lectio, quam Pierius e codd. consensu emendavit. sic f. inquit sec. Hamb. quod meliorem sonum facit, addit Burm. nisi forte infit præstat. 326 mihi est Franc. nec Goth. pr. 327 O quid te ed. Ven. vultus e Gadiano. cultus Hamb. sec. Interpunctionem horum versuum mutavi. 328 vox hominum Gud. a m. pr. cum al. neque vox un. Moret. 329 Aut-aut vet. exempla ap. Pier. it. Oudart. et Bigot. præstat an-an. Sed, si accuratius interpungas An P. soror? an N. s. una? non vero; an P. soror, an. Non enim est pro utrum an; sed sunt duæ diversæ interrogationes. 330 quemcumque Hamb. sec. et Parrhas. 331 et quo sub tandem cælo Parrhas. 332 jactamur Leid. locorum et locumque nonnulli. 333 et vastis Heins. e libris. suadente jam Pierio. antea vastis et, at multi boni codd. cum Romano, quos v. ap. Cuningham. item omnes Gothani.

pharetra, ut gladio, ferro, succinctum dicimus; scilicet modo vestis succingitur adducta, sed succingere est interdum instruere ita, ut cinctus ope adjungamus rem. Pharetra autem humeris pendet cingulo vincta. Apud Homerum est ἀμφὶ vel περὶ—ἐβύλετο ἔλφοι simili more. tegmen lyncis vid. ad v. 275. 324. Georg. III, 413 montesque per altos Ingen-tem clamore premes ad retia cervum. Hic etiam doctius pro apro, cursum apri premere, insequi.

327 sqq. Lineas horum versuum videas in Odys. Z, 141 sqq. 149 sqq., ubi Ulysses in ignota terra Nausicaam simili modo alloquitur; et Nausicaa respondet fere v. 192 sqq. ut Venus v. 338. Adde Odys. Δ, 376 sq., ubi Menelaus cum Idothea

sermonem habet. cf. Hymn. in Vener. 92 sqq. 107 sqq. et Apollon. IV, 1411 sqq. Imitatus est usque ad fastidium copiosus Statius IV, 746 sqq. cf. mox ad 334.

328. Nec tibi vox humana est. homo pro abstracto: humanum quid.

329. sanguinis, e genere Nympharum una. 330. Sis felix, χαῖρε θεῖα, ἰληθῆ, sis propitia. Ecl. V, 76 Sis bonus o felixquo tuis. petium ab aspiciis et ominibus. quæcumque, qualiscumque dea es, nostris malis succurre, docendo, sub qua parte cœli etc. 332. jactemur, versemur; nam et hoc exilius erat: et mox erramus pro sumus. Hæc et similia nisi observaveris, poetici sermonis vim et indolem non assequeris. Ceterum Odys. II, 183 sqq. Telemachus Ulys-

Tum Venus: Haud equidem tali me dignor honore;
 Virginibus Tyriis mos est gestare pharetram, 336
 Purpureoque alte suras vincere cothurno.
 Punica regna vides, Tyrios, et Agenoris urbem:
 Sed fines Libyci, genus intractabile bello.
 Imperium Dido Tyria regit urbe profecta, 340
 Germanum fugiens. Longa est injuria, longæ
 Ambages; Sed summa sequar fastigia rerum.
 Huic conjux Sychæus erat, ditissimus agri

335 tum Heins. e scriptis. v. tunc. 336 pharetras Bigot. et Exo. Burm. 337 que abest a Reg. altæ Gudian. aptare Servius citat ad Ecl. VII, 32. 338 urbes Medice. a m. pr. 339 sunt fines L. Bigot. Libyci fines Dorvill. fines Libye Goth. tert. et Guelfherb. unus a Cortio collatus. genus insuperabile Pieriani aliquot, Moret. quart. et Goth. sec. Leid. et Reg. pro gloss. forte ex IV, 40. intractabile ferro Oudart. 342 Vestigia Parrhas. Menag. pr. Hamb. pr. et Rottend. pro var. lect. Nec hoc male. sed fastigia sunt capita narrationis. 343 Mirum, in Sychæus priorem syllabam produci, mox autem v. 348 (ubi scribi poterat *Is Sychæum*) post tam paucos versus corripit; ut semper aliis in locis corripitur. Sychæus ad scripturam Medicei Cod. aliorumque vetustiorum scripsit Heinsius; cum antea esset *Sichæus*: quam scripturam retinuerat lib. IV, 502, 552. In Pier. nonnullis *Suchæus* erat. Heinsius tamen *Synchæum* a poeta exaratum fuisse autumabat. nam sic scribi ap. Græcos (apud Eustath. tantum, si recte

sem a Minerva augustiore forma ac corporis specie ornatum; tanquam deum aliquem, alloquitur simili fere oratione. Neque dissimile Alcinoi dictum Ulyssisque responsio Od. H, 199 sqq. 208 sqq.

335. *Tali honore*, ex v. antec. int. hostia, sacrificio. Vult enim mortalis virgo videri, non dea. 337. Ad venantium habitum spectat cothurnus. Res nota; ne a sentibus et filicibus læderentur crura. Versus ex Livio Andronico adumbratus: *Sed jam purpureo suras include cothurno*. cf. sup. Ecl. VII, 32.

338. *Agenoris urbem*; a progenie Agenoris conditam, quem Græcorum mythi (v. Apollod. II, 1, 4. III. 1, 1) Phœnicum conditorem, ex Ægypto oriundum, et ejus posteros Sidonis reges faciunt, non Tyri, quæ multo serius et floruit et Græcis innotuit. Sidonii—Tyron urbem ante annum

Trojanæ cladis condiderunt, Justin. XVIII, 3. Noli itaque mirari, Sidonem, non Tyrum, Homero memorari. 339. *Sed fines Libyci* sunt, h. e. solum est Libyæ pars; (fines sæpe pro ipsa regione, vide vel Burm.) simulque *fines* pro incolis, Libybus, dixit, qui erant populus indomitus, asper et ferox. Nam ad Libyes, non ad Phœnices, hoc spectat: *genus intractabile bello*, indomitum, ἀμαίμακτον, ἀπρον. Mox 340. *imperium regit* exquisitius quam, tenet, habet. 341. 342. In prosa esset: longa esset narratio; sed rem summam exponam. Etiam in talibus poeticam vim agnosce. *fastigia* sunt rerum capita, κορυφαὶ λόγων. Pind. O. 7, 125.

343. Narrationem quæ sequitur, Justinus persequitur XVIII. 4, 5. cf. Excurs. XI. Sychæus ditissimus inter Phœnices agris s. agrorum pos-

Phœnicum, et magno miseræ dilectus amore :
 Cui pater intactam dederat, primisque jugarat 345
 Ominibus. Sed regna Tyri germanus habebat
 Pygmalion, scelere ante alios immanior omnes.
 Quos inter medius venit Furor. Ille Sychæum
 Impius ante aras, atque auri cæcus amore,
 Clam ferro incautum superat, securus amorum 350
 Germanæ ; factumque diu celavit, et ægram,

memini, ad Perieget. v. 196). Brancius V. C. *Sycheus* edidit, Συχαῖος, præclare. Verum sic alia, eaque multo magis ingrata, varietas ejusdem vocis intra decem versus diversimode scriptæ inferitur. Alioqui simile exemplum variatæ pronuntiationis est in *Sicana* I, 557, et *Sicani* V, 293, et al. Collegit plura Drakenb. ad *Silium* IV, 778. Ex *Sicharba* nomen *Sichæi* fecisse poetam Servius ait. *Accervas* aut forte verius *Adherbas* Justino dictas. *Huic Sichæus erat conjux* Goth. tert. *ditissimus auri* jam Haetiana emendatione tritum est. Me non tam v. 349. 353. 9 et 363 moveret, quam hoc, quod in tali gente, qualis Phœnicum, mercata et navigatione inclita, ex *auri* potius copia quam ex latifundiis declarari debuisse videntur divitiæ. Et Justinus XVIII, 4, 6 *Huic* (Elissæ marito) *magnæ sed dissimulata opes erant, aurumque metu regis non tectis sed terra crediderat.* Enimvero potuit et inter illos esse, qui multas terras in ditione haberet adeoque servorum et clientum opibus valeret ; et habuit forte poeta historicos, quos sequeretur, ut ex scriptoribus apparet, sequioribus quidem, sed qui vetustiores exscribere, ut Jo. Malala p. 206 ed. Oxon., qui *Servium* compilavit, sed aliam, quam qualem nunc habemus, et Cedren. Hist. Comp. p. 140 B. διαφθονόμενος αὐτῷ ὡς πολυαντήρ καὶ δυνάστη. Verbo : speciosa est emendatio *auri*, quam et ipse amplectar ; nec tamen talis, ut alteri renuenti hoc idem persuadere possim, aut ut altera lectio pro inepta et absurda haberi queat. Etiam inf. X, 563 *ditissimus agri* Qui fuit *Ausonidum* et tacitis regnavit *Amyclis*, et *Silius* V, 260—266. 344 *misere* Zollich. sed hoc jam in *magno amore* latet. 345 *jugavit* Menag. pr. 346 *Pro Ominibus, Connubiis* Hamb. alter, *Menag. sec. annis* Bigot. utrumque ex interpretatione. 348 *quos inter medios* Med. et Moret. pr. Leid. unus a m. pr. etiam nonnulli in Servianis, duoque Gothani. Utrumque dicitur ; sed *medius*, puto, exquisitius. 349 *aram* sec. Moret. *incautum ante aras*—*Clam ferro immitis superat* Bigot. 350 *amorem* Med. *amore* videtur Rufinianus legisse, ut Rottend. sec. habet.

sessione. (vid. Burm.) *miseræ dilectus*, τῇ συχαίᾳ, pro *a misera*, græce ; et hoc pro, *ab ea*, ornat. *Misera* autem amore ; uti aliqua *misere* amare dicitur pro, valde amare. 345. *Intactam*, Homericum κοῦρτὴν ἄλοχον pulcre expressum, *primisque jugarat Ominibus*, h. e. nuptiis, pro quibus auspicia nuptialia dici solent ; unde traxit *omina*. Guellius laudat e Propertio (III, 19, 14) : *Contineant nobis omnia prima fidem* pro amore. *Pater* autem Belus, ex poetæ narra-

tionem v. 621. 346. *Germanus* int. Didonis. Rem Justinus exposuit paullo aliter lib. XVIII, 4 sq. *Quos inter*, int. Sychæum et Pygmalionem. *Furor* quanto potentius quam ira, inimicitia ! 350. *ferro superat* ut εἰς αὐτὴν simpliciter cædit, nulla cum vincendi notione. *Securus amorum* g. nil curans ; ne ea quidem cogitatione a scelere revocatus, quod sorori, quæ misere conjugem amabat, summos luctus crearet. VII, 303 *opato conduntur Tiberidis alveo Securi*

Multa malus simulans, vana spe lusit amantem.
 Ipsa sed in somnis inhumati venit imago
 Conjugis; ora modis attollens pallida miris,
 Crudelis aras trajectaque pectora ferro 355
 Nudavit; cæcumque domus scelus omne retexit.
 Tum celerare fugam patriaque excedere suadet,
 Auxiliumque viæ veteres tellure recludit
 Thesaurus, ignotum argenti pondus et auri.
 His commota fugam Dido sociosque parabat. 360
 Conveniunt, quibus aut odium crudele tyranni,
 Aut metus acer erat; naves, quæ forte paratæ,
 Corripiunt, onerantque auro. Portantur avari
 Pygmalionis opes pelago; dux femina facti.

352 una spe Pierius ex uno ant. et sic Goth. pr. spe vana Bigot. elusit Zulich. Multa malus, simulans, male in Burm. edit. interpangitur. 353 in somnos Voss. sec. 354 tollens pallentia ed. Ven. Distinctio post conjugis est a Burmanno; antea non nisi post miris. 355 Trajecta Menag. alt. Goth. pr. 356 domus et scelus Medic. cæcumque dolis Dorvill. non male. scelus esse un Heins. scelus ore retexit Goth. pr. 357 patriæque Medic. quod illustrat Heins. patriamque antiquissima aliquot exemplaria Pierii, alter Hamb. Frano. et Witt. quod haud dubie doctius. Sed fugam præcesserat; unde error illud debere potest; tum minus ingratum est auribus patria, quod præfert post Henr. Steph. Burmannus. 358 auxilioque viæ Mediceus Pierii. veteris nonnulli, sed ambigua fieret oratio. Burm. 359 thesauros veteres scribunt. v. Pier. ad h. l. ingens Zulich. sed altera lectione superscripta. 362 metus ager Goth. sec. non male, sed acer fortius spirat. naves sunt forte p. Zulich. an: naves tunc f. paratas Corripiunt. Burm. 363 arripiunt Græv. ornavunt auro qu. Moret. idem portentur. 364 facta est Puget. facta Goth. tert.

pelagi atque mei. Mox 352. malus ad fraudem ac dolum spectat.

353—356. Inhumati c. auget rei atrocitatem et somnii narrati probabilitatem epitheton hoc, si memineris, insepultos, nisi humentur, quieti reddi non posse. In verbis ante oculos habuit notum Lucretianum: simulacra modis pallentia miris, h. e. miro modo pallida. Crudeles aras, h. e. scelus crudele ad aras in se commissum, trajectaque pectora ferro, h. e. cædem suam, Nudavit, cum clam facta esset, manifestam fecit; nam nudare exquisitè pro retegere,

recludere, monstrare. hinc cæcum scelus, occultum, domus, a fratre in sororis marito commissum. cf. Ovid. Ep. VII, 113. De reliquis v. Excurs. ad h. l.

361. Odium crudele, μῖσος ἀπηνέχ* proprie quale est immanis animi. Sic sævus, crudelis, atrox, et similia, poetis pro, magnus, ingens. metus autem acer, ὀρίμνς, vehemens, proprie de animo exasperato. 364. In Pygmalionis opes vis et acumen inest; scilicet quas ille animo et spe jam præceperat; ut et in illis: dux femina facti, pro, suadente Didone.

Devenere locos, ubi nunc ingentia cernes 365
 Mœnia, surgentemque novæ Carthaginis arcem;
 Mercatique solum, facti de nomine Byrsam,
 Taurino quantum possent circumdare tergo.
 Sed vos qui tandem, quibus aut venistis ab oris,
 Quove tenetis iter? Quærenti talibus ille 370
 Suspirans, imoque trahens a pectore vocem:
 O dea, si prima repetens ab origine pergam,
 Et vacet annales nostrorum audire laborum:

365 *cernes* recte defendit Barm. superato demum colle inf. 419. Mediceus tamen cum multis *cernis*. 366 *surgentesque*—*arces* Oudart. 367 *Bursam* Zolich. Leid. Goth. sec. *mercatique* sc. sunt *solum*, etsi durius, maluit poeta, quam *mercatumque solum*, emptione paratum, sc. *cernes*, ut orationem variaret nova junctura. Sollicitat versum 367 Beck V. C. de sensu crit. II. p. 52. quippe similem ei, qui supra erat 109. *Saxa* vocant. Potest tamen h. l. ferri ex historiis petitam, et ijs declarandis inserviens; etsi iugrata est junctura. 368 *Taurinum* Goth. pr. *quantum taurino* Sprot. possint Medice. possunt pr. Voss. 369 *quibus aut venistis* Heins. e Medic. aliisque revocavit; et confirmant id Nonius Marcellus et Priscianus. Romanus tamen cum Oblongo et Mediceo Pierii aliam codicum sectam facit, *quibus advenistis*; hanc sequitur Caning. scriptura per 3 caussam varietati dedit. 370 *quave* Mentel. pr. *quodve* Menag. pr. *quoque* Hamb. pr. 371 *ab p. fragm.* Moret. de p. Franc. et Menag. pr. 372 *primum* Hamburg. alt. 373 *et placet* Franc. a m. pr. *tantorum a. l.* Macrob. III Sat. 2, sed alio loco vulgata exhibetur. *nostrorum a. parentum* vetus codex Pierii, quod frustra ille firmat.

366. Sane Didonem arx Byrsa tanquam propriam conditricem habuit; urbem enim jam illa adventante stetisse probabile sit. At hic nolim ita argutari. *Arx Carthaginis* est Carthago, Ἰλιον ἄκρα. 367. *Devenere*—et mercati sunt *solum*, *Byrsam* h. e. locum, in quo postea Byrsam arcem condiderunt, seu *Bysram* verius; ut post Scaligerum ad Euseb. Chron. multi, quos enumerare ambitiosum foret, docuerunt. Sed recte βόειον βύρσαν, fabulam, a Græcis haud dubie ortam, poeta sequitur. In *taurinum tergum* provide vulgare *corium* evitat.

369. *Qui tandem* operose eliquat Barm. Præstat simpliciter dicere, interrogationis vim augeri particula *tandem*, (τὶ ποτε. τίποτε ap. Homer.) et desiderium sciscitantis intentius

inde elucescere, *qui venistis*, h. e. qui estis, vos, qui venistis. ut Græci: τίς δ' οὐτω κατὰ νῆας ἀνὰ στρατὸν ἔρχεται ὁλος II. K, 82. et sæpe. 371. Βαρσπενάχων Homer., ut Iliad. A, 364 et sæpe alibi. ἐξ ὑπάρτοις στήθεος ἀμπνέσας Apollon. II, 207.

372—374. Si ego fata nostra ordine exponere, et tu ea audire velles, dies nos deficeret. Quam ornate singula! Homerus minus sobrie Od. Γ, 113 sqq. et Ε, 196 annos pro die ponit. *repetens pergam*, pro, si repetam. In *annalium* nomine argutatur Macrob. III Sat. 2 et post eum alii. Gravius est vocabulum quam narratio, historia, adeoque magis epicum. *Cælum clauditur* modo nubibus obductis, modo tenebris noctis prætentis, ut h. l. Nec huc trahenda *porta Cæli* Georg. III, 261. *Vesper com-*

Ante diem clauso componet vesper Olympo.
 Nos Troja antiqua, si vestras forte per aures 375
 Trojæ nomen iit, diversa per æquora vectos
 Forte sua Libycis tempestas appulit oris.
 Sum pius Æneas, raptos qui ex hoste Penates
 Classe veho mecum, fama super æthera notus.
 Italiam quæro patriam, genus ab Jove summo. 380

374 *vesper componet* Hamb. pr. *componat* Corradus ait alios legere. v. Burm. Sunt scil. codd. ap. Pierium. Post v. 374 in Græv. cod. spurius versus subjectus erat: *Quam tibi nostrorum statuatur summa laborum.* 375 *Vestras si forte* Heins. unus. 376 *init Zulich. jactos unus* ap. Pierium. 377 *forte* Bigot. a m. pr. et al. *forte mala Zulich.* pro var. lect. *applicat* Sprot. quod Burm. præferre malit. Equidem vim ac virtutem lectionis non capio. 378 *qui non agnoscit* Moret. pr. et sane concinnius subintelligitur. v. Heins. 379 *æquora* Menag. pr. et sec. Rottend. 380 *et ante genus sustulit* Burmann. auctoribus libris Montalb. Hamb. alt. Bigot. cf. not. ab J. magno Romanus.

ponet diem quasi mortuum et sepultum; inquit Cerda post Scaligerum et Turnebum; "qua imagine poetæ noctem repræsentare non refugiant." Vellem idoneis exemplis hoc firmassent viri docti. Dies *obire* et *occidere* alio modo dicitur: petatum a sole. Recte Burmannus monuit, *componere* simpl. esse *finire*. Sic et Serv. ad XII, 109; sed quæritur de causa vocis. Ducta scil. notio a cogitatione Solis s. Dici *quieti se reddentis* et componentis se ad somnum, dum occidit. Ducit eo quod adjectum est *clauso Olympo*; uti quis clauso thalamo se quieti tradit, somno componit: cf. sup. ad 249. Alioqui omnino dicuntur *componi*, quæ ordinata et absoluta de manu deponimus. Neque simile est illud: *condere diem*, ut Ecl. 9, 52 *condere soles*, et illud Horatii: *Condit quisque diem collibus in suis*, IV, 5, 29. Nam in his occultare, tegere, est, adeoque exigere diem, donec sol occiderit.

375—377. *Troja antiqua*, epitheton cum dilectu positum; tanto cla-

rior urbis fama esse debet, quo antiquior illa est. *si per aures iit*, variavit vulgare: si pervenit ad aures vestras. *diversa æquora*, simpl. alia via quam qua iter parabamus; ex illis, Οἰκαδὲ ἰέμενοι, ἄλλην ὁδόν, ἄλλα κέλευθα ἤλαθον. *tempestas appulit*, δέυρο πέλασε κύμα. *forte sua*, casu, qualem tempestas afferre solet. Habuit in his, quam sequeretur, poeta orationem Ulyssis ad Polyphemum Od. I, 259 sqq.

378. *Sum pius Æneas*, v. Exc. ad h. v. *pius* est religiosus, quoniam omnia ad deorum oracula exsequutus est. Itaque *castum* dixit Horat. C. S. 42. *Penates*, v. lib. II, 293 et ad e. l. Exc.

380. Fabulam poeta sequitur, qua Dardannus a Corytho Tyrreno genus ducere ferebantur, cum Corythus Samothracicus in eum esset translatus similitudine nominis. v. Æn. VII, 205 sqq. 240 sq. VIII, 134 sq. adde III, 167, 8, ubi v. Excurs. III. Hinc lib. VII, 122: *Hic domus, hæc patria est*, II, 620 *tutum patrio te limine sistam*. Hactenus Italia est Æneæ

Bis denis Phrygium conscendi navibus æquor,
Matre dea monstrante viam, data fata secutus.
Vix septem convulsæ undis Euroque supersunt.
Ipse ignotus, egens, Libyæ deserta peragro,
Europa atque Asia pulsus. Nec plura querentem 385
Passa Venus medio sic interfata dolore est :
Quisquis es, haud, credo, invisus cœlestibus auras
Vitales carpis, Tyriam qui adveneris urbem.

381 Inepte Grammatici super *Bis denis* commentantur: *viginti* fuisset pedestris orationis forma. 382 *ata fata* Græv. crasa prima litera, quasi *vulneris fata*. Sed vulgatam firmat Burm. *data f.* sequuntur Goth. pr. 383 *convulsæ* Romani et Medic. adeoque optimorum scriptura. 384 *pererro* Hamb. pr. eadem diversitas IV, 72. Burm. 386 *est abest* a nonnullis. v. Burm. 388 *carpis vitalis* Montalb.

patria; et hactenus *genus*, a Jove ductum, h. e. stirpem et originem generis a Jove ducti, quatenus Dardanum, Jovis filius ex Electra, et generis auctor, ex Italia oriundus est. cf. III, 94 sqq. hoc *quærit*, petit, h. e. terram, in qua progenitor ille ortum habuerat. At Burmannus eam rationem sequitur, ut *genus* nominandi casu positum accipiat: *ego Æneas, genus a Jove*, h. e. Jovis, ut V, 45, *quæro patriam*. Quæ ratio per se est bona, sed dura est oratio, et hæc stirpis memoratio paullo serius, quam reliqua oratio fert, subjici videtur.

381. *Phrygium æquor*, litori Troadis seu Phrygiæ minoris prætentum. *conscendi æquor navibus* doctius dictum, pro vulgari, *conscendere naves*. Qui enim in altum evchitur, is et *æquor conscendere* dici potest. 382. *Matre dea monstrante viam*. Æn. II, 589 sqq. nihil de via a Venere monstrata monetur, sed tantum de fuga v. 619, 620. Verum fuere aliæ in eam rem fabulæ: v. sup. Disquis. II, s. VII, p. 35. Quæ Servius et Pomponius ex Varrone de Veneris

stella hic incommode satis memorant, potuere insidere poetæ animo in libro II, 693 *de calo lapsa* etc. *data fata*, monstrata cum per auspiciatum per oracula III, 95 sq. 163 sq. 375 sq.

In 383—385 observa magnificam dictionem ex verborum dilectu. *ignotus* Serv. exponit *quasi* propter v. 379 *fama s. æ. notus*. Enimvero est in terra ignota, inter homines, quibus ipse ignotus est. Sic *solus* aliquis errare dicitur in solitudine. 385. Eum interpellavit, vel, non *passa querentem*, pro, non *passa eum queri plura*, græca ratione; vel, *interfata querentem*. non *passa* sc. *queri plura*: οὐδ' εἴα κλαίειν Iliad. H, 427. Semper autem apud Homer. εἴῃ cum infinitivo; non cum participio.

387. 388. Ornate. O carum te superis, cum Carthaginem delatus sis! Expressit autem illud, quod aliquoties apud Homerum: οὐ γὰρ δὴν Οὐ σε θεῶν ἀίκητι γένεσθαι τε τραπέμεν τε, ut Od. Γ, 27. *vitales auras* ex antiquo sermone habet, v. c. ap. Lucret. III, 406 et al.

Perge modo, atque hinc te reginæ ad limina perfer.
 Namque tibi reduces socios classemque relatam 390
 Nuntio, et in tutum versis aquilonibus actam :
 Ni frustra augurium vani docuere parentes.
 Adspice bis senos lætantes agmine cycnos,
 Ætheria quos lapsa plaga Jovis ales aperto
 Turbabat cœlo ; nunc terras ordine longo 395
 Aut capere, aut captas jam despectare videntur.

389 *ad r. l. Exc. Burm. ad omittit Rottend. sec. quod forte doctius. teque hinc r. Parrhas. et Venet. quod est lenius. ad lumina fragm. Moret. et edit. Genev. profer Leid. sed v. Burm.* 390 *socios reduces Dorvill. classemque receptam Sprot. Hamburg. pr. Leid. un. et Zulich. sed relatam recte defendit Burm. Ego addam : hoc exquisitis esse altero ; et, ut ferri in portum proprium in re nautica est, sic poetica oratione referri ex alto vel tempestate jactatum in portum bene dictum. relictam Goth. tert.* 393 *Heinsius varie tentat, ægre scilicet ferens procedentes eodem tenore casus bis senos lætantes. Malit lætanti bis senos, vel bis seno lætantis a. vel bis senos lætanti examine. Sed vulgatam et codd. et Priscianus defendunt ; unus Sprot. pro var. lect. luctantes. Ta vitio sic occurre, ut accuratius interpungas et legendo moram facias : Adspice bis senos, lætantes agmine, cycnos.* 394 *Ætheria quos forte plaga J. ales ab alto uo. Heins. et Parrhas.* 395 *turbavit Dorvill. turbarat ed. Ven. cum aliquot codd. Pierianis. turbabit Romanus.* 396 *captis Mentel. tert. pro var. lect. Reg. a m. pr. sed adversatur sententiæ. respectare Gudian. a m. pr. jam nunc spectare Dorvill. jam abest Franc. desperare est vitium operarum edit. Heins.*

390. *Classem relatam*, reductam, reducem. *versis aquilonibus*, h. e. ventis simpliciter.—Mox 392 *vani* ad ornatum egregie. *Vanus*, non modo qui pollicetur, quæ præstare nequit, sed et qui profitetur vel falsam vel inanem doctrinam. cf. Serv.

393—400. Duodecim naves cum Antheo, Sergesto, Cloanthoque servatas mox videbimus. Has totidem olores innuunt, quos, ab aquila modo agitato et dispersos, hoste abacto Iudibundos plaudentesque terram advolare ostendit Venus. *turbabat* eleganter pro agitabat *ἐκλόνει*, insequabatur. *aperto cœlo* alii sereno, ut sup. v. 155, ego malim pro libero, pervio volantibus. Quæ sequuntur, 395. 396. varie accipiuntur et accipi possunt. Difficultas est in voce *capere* et *captas*, cujus ea notio exquirenda est, quæ cum voc. *despectare* conveniat : siquidem terra jam

capta, occupata, *despectandi* locus esse non videtur. *Capere* autem est aut occupare, aut oculis designare, eligere, petere. Plerique Intpp. *terras aut capere* h. e. tenere, insidere, aut *captas jam despectare*, h. e. despicere in terram jamjam *capiendam*, cui jam appropinquant volatu, ut capiant, occupent ; qui quidem modus loquendi, etsi durus, non infrequens est, ut in illo : *εἰ δύναμαι τελέσαι γε καὶ εἰ τετελεσμένον ἐστίν.* Od. E, 90. Burmannus *captas* intelligit a prioribus, qui in terram jam descenderant, captas. Quod jejenum esset. Aliam vocis notionem esse diximus, *oculis animoque designare, eligere, appetere.* In hunc sensum Serv. *capere*, eligere. In Georg. II, 230, quem laudat, est *capere oculis*. Jam si *despectari* aliquid dicitur, quod jam *captum* est, debuit utique *τὸ capere* antecedere ; præferendumque adeo videri possit

Ut reduces illi ludunt stridentibus alis,
 Et cœtu cinxere polum, cantusque dedere :
 Haud aliter puppesque tuæ pubesque tuorum
 Aut portum tenet, aut pleno subit ostia velo. 400
 Perge modo, et, qua te ducit via, dirige gressum.
 Dixit, et avertens rosea cervice refulsit,

398 ut cœtu Moret. pr. a m. pr. v. inf. 486. cœtum Medic. sed m notatum. cinxere
 solum conj. Barm. sed v. not. 399 pubesque tuæ puppesque Bigot. v. Barm. 400
 portus Hamb. pr. 401 quon te Pierii Longob. et multi ap. Barm. quod equidem dice-
 rem vulgaris esse. ducet ed. Ven. duxit Zulich. via ducit Bigot. dirige Gud. et Rom.
 402 advertens Hamb. sec. male.

hoc, ut sit: cyenos terram aut pe-
 tere, volatu ex alto deorsum facto,
 aut ad eam, petitam et oculis vola-
 tuque designatam, jam propius ferri,
 ideoque eam despectare; et nunc
 ludere facto in orbem volatu, donec
 humi considant aut amne mergan-
 tur. Scilicet cogitandum est, cy-
 enos adhuc recto volatu per aerem fu-
 gisse, nunc deorsum ferri versus ter-
 ram, litus puta maris vel fluminis,
 quod antea insederant; (nam 397 ut
 reduces illi). Igitur hæc ratio per se
 optima esset, nisi id, ad quod mox
 comparatio transfertur, alio duceret:
 nam v. 400 classis aut portum tenet
 (atqui hoc erat terras capere) aut ple-
 no subit ostia velo (hoc, despectare).
 Hæc igitur satis declarant poetam
 aliter hæc non accepisse quam, cy-
 enos aut capere occupare, tenere, ter-
 ras, aut eas despectare, volatu deor-
 sum facto. Captas jam videri debet
 adjecisse ornatus poetici causa, cum
 in eo essent ut jam caperent, et,
 tantum non captam, terram e pro-
 pinquo prospicerent. Conveniunt
 hæc cum participiorum usu apud
 poetas. Jam et ii, qui devolabant,
 et ii, qui consederant, ex terra e-
 volando per aerem ludunt: quippe
 metu depulso. 397. stridentibus alis
 exquisitius quam clangentibus. 398.

cœtu cinxere polum, agmine facto
 cingunt (ad oculorum sensum; ut
 alias cœlum subducunt oculis in
 aere visa) polum, cœlum, aerem; in
 hunc alis sublatis ludunt volando in
 orbem, ut solent, vel gyrum. Ita
 puto omnia satis expedita, in quibus
 et Burmann. hærebat. Cur autem
 augurio e cyenis utatur poeta, sub-
 tiles rationes afferunt interpretes. v.
 Serv. et Cerda. Præstat hoc unum
 monere, quod Cygnus in auguriis
 nautis gratissimus ales: Hunc optant
 semper, quia nunquam mergitur un-
 dis; laudat versus Servius ex Opri-
 ſoyoviq, Macri scilicet Emili. (v.
 Brouckh. ad Tibull. p. 275, ex Isi-
 doro XII, 7.) Nec prorsus alienus
 a Venere ales est cyenus; nam et
 curru cyenis juncto fertur Venus;
 ut alias columbis aut passeribus.
 Dissident autem olores et aquila au-
 ctore Plinio X, 74 s. 95. cf. Cerda.
 Athen. IX, p. 393 D μάχεται δὲ (ὁ
 κύκνος) καὶ τῷ ἀετῷ, αὐτὸς μάχης
 μὴ προαρχόμενος. Et hinc ap. Ho-
 merum in cyenorum anserumve gen-
 tem irruens aquila inducitur, egre-
 gio v. e. loco Iliad. O, 690 sqq.
 399. Pubes tuorum dictum puto ut
 turba tuorum. Ostia docte, h. l. ut
 V, 281 aditus portus.

402. Numen suum Venus sub dis-

Ambrosiæque comæ divinum vertice odorem
 Spiravere; pedes vestis defluxit ad imos;
 Et vera incessu patuit dea. Ille, ubi matrem 405
 Agnovit, tali fugientem est voce secutus:
 Quid natum toties, crudelis tu quoque, falsis
 Ludis imaginibus? cur dextræ jungere dextram
 Non datur, ac veras audire et reddere voces?
 Talibus incusat, gressumque ad mœnia tendit. 410
 At Venus obscuro gradientes aëre sæpsit,
 Et multo nebulae circum dea fudit amictu:

403 *A vertice octo ap. Burm.* quod probat vir doctissimus propter τὸ ἀvertens. Sed semper lubricum in talibus iudicium; poetica enim eaque exquisitior ratio præpositionem respuit; et tamen plurimis locis poetæ vulgari ratione utuntur; ut, ubi ea a librario potius quam a poeta profecta sit, dictu sit difficile. 406 *est abest Menag. pr. et Hamb. sec. male. fugientem tali est v. s. Longobard. Pierii.* 408 *dextras Rottend. pr. dextram j. dextræ Hamb. pr.* 409 *aut veras alter Rottend. et v. tert. Goth. ac reddere sec. Hamb. et notas audire ac v. Parrhas. ex VI, 689.* 410 *vertit Bigot. ducit Poget. 411 gradientem Hamb. sec. sæpsit scriptura est Medicei et Romani.* 412 *fundit Bigot. fulsit Wallian.*

cessum prodit, more deorum, qui speciem humanam mentiti mortalem aliquem convenerunt. Declaratur autem divina Veneris forma per summam pulcritudinem cervicis, comas ambrosia delibutas et odorem late spargentes, tum per pallam et per incessum. Vid. Excurs. ad h. v. Si in *rosea cervice* non tam Horatii I Carm. 13, 1 auctoritatem, quam rationem desideras, aut puta *roseum* esse omnino suave vel pulcrum, aut colorem floridum exprimi in tenera cute etiam candidissima pellucet. *Ambrosias comas*, ambrosia, deorum hoc unguentum est, delibutas, ab Homero habet, Iliad. A, 528. *palla* Veneris vel ex illo nota, quod legitur Iliad. E, 315 *πέπλοι φαεινοῦ πνύγμα* et 338 *Ἀμβροσίου διὰ πέπλον, ὃν οἱ Χάριτες κάμον αὐταί.* habitum itaque deæ declarat; *incessum* autem cogita levem illum et volatui similem, columbarum instar.

407. *toties.* Sæpius igitur Venus jam ante nato visa fuerat. Sic Æu. II, 589 *Quum mihi se, non ante oculis tam clara, videndam Obtulit, et pura per noctem in luce refulsit Alma parens* etc. cf. Disquis. II, p. 36. 408. 409. *ac veras audire et reddere voces* non ex aliena persona adscita, sed ut mater manifesta. Cf. verba Ulyssis ad matrem inter umbras. Od. A, 209 sqq.

412. *Densa nube circumfudit eos.* Ab Homero eum hoc traxisse notum est, apud quem sæpe hoc occurrit; imprimis compara Odyss. H, 14. 39—43, quem locum jam monstravit Macrobius V, 4, de Ulysse, quando Alcinoi regiam intrat; ad cuius exemplum totus Æneæ ad Carthaginem et Didonem aditus est adumbratus. adde Apollon. III, 210—214, et alios. cf. h. l. Cerda. Totum locum expressit Valer. Fl. V, 400 sqq. Facile vero principes hujus phanta-

Cernere ne quis eos, neu quis contingere posset,
Molirive moram, aut veniendi poscere caussas.

Ipsa Paphum sublimis abit, sedesque revisit 415

Læta suas : ubi templum illi, centumque Sabæo

Ture calent aræ, sertisque recentibus halant.

Corripuere viam interea, qua semita monstrat ;
Jamque adscendebant collem, qui plurimus urbi

413 aberrant codd. in *ne quis* et *neu quis*. v. Burm. possit plurimi, male. *neu qui cognoscere possint* Voss. unus. 414 *Molirive viam* Hamb. pr. *que* Bigot. *moram veniendi* ac p. ed. Ven. *discere caussas* post Longobard. et alios, Pierio inspectos, Rottend. *utrumque* et Hamb. un. pr. var. lect. forte ex Æn. VI, 438 in edd. nonnullis esse videtur *exposcere*. aliquot codd. ap. Pier. *exquirere*. 415 *Paphon* Hamb. pr. cum al. aut. *adit* aliquot ap. Burm. et Pier.

smatis auctores ipse oculorum sensus, nebulis ac nubibus vicina loca obducentibus, illud docere debuit ; multo magis cum deos quoque nube amictos et oculis subductos vulgo narrent. 413. 414. *Contingere*, vim, injuriam inferre iis tanquam advenis : barbarorum populorum more. *moliri moram* ponderosius quam facere, excitare. Est enim struere vel movere poetis *moliri*.

415. Cf. ad v. 16. Versus ex Homero sed ornatus expressi Odyss. Θ, 362 sq. Compara Hymn. in Vener. 58, 59 sqq. et Odyss. H, 80, 81 sqq. de Minerva. At ex Virgilio Statius V Theb. 61 *Illa Paphon veterem centumque altaria linquens*. Quod autem turis et sertorum odores exhalantium tantum fit mentio, non victimarum caesarum, satis docte interpretes referunt ad morem sacrorum Veneris, quod aræ nullus sanguis offundebatur, maxime Paphiæ Veneri. v. Tacit. Hist. II, 3. cf. h. l. Cerda. Alius cum elegantiae sensu ad id, quod deam deliciarum et voluptatis arbitram decere possit, referat ; quomodo enim, inquit, aut victimarum nidore illa delectari, aut

inter odores turis et florum istum nidorem desiderare potest ? Comparat locum Callimachi de Apollinis Carnei ara H. in Apoll. 80 sqq. Guellius. *lata* v. 416 accipe, quoniam gaudet Papho. *Sabæo* v. Georg. II, 117.

418. *Corripere viam*, doctius quam, *iter*, h. e. celeriter, raptim, facere, exigere ; sic *corripere gressum* ; doctius etiam V, 144 *corripuere campum currus*. Similiter *rapere* dictum occurrit. v. ad Valer. Fl. I, 4.

419. *Qui plurimus urbi imminet* ad magnitudinem refero montis sub ipsis urbis mœnibus accubantis ; Servius *longum*, Cerda *altum* exponunt. Simpliciter in vulgari oratione dixisses : *Imminet urbi collis aliquantum editus, et Byrsam despicit. Hunc jam adscenderant*. Pro magno monte poeta diceret *multum montem*, ut Georg. III, 52 *plurima cervix*, longa et crassa. Minus commode diceret dictum pro *collis plurimum imminet*. Ceterum poeta hoc sumsit ex topographia Carthagini. Tales enim colles asperos et difficiles in ipso aditu Isthmi, in quo Carthago sita erat, descripsit Polyb. lib. I, c. 46 τῶν

Imminet, adversasque adspectat desuper arces. 420
 Miratur molem Æneas, magalia quondam;
 Miratur portas, strepitumque, et strata viarum.
 Instant ardentes Tyrii: pars ducere muros,
 Molirique arcem, et manibus subvolvere saxa;
 Pars optare locum tecto, et concludere sulco. 425
 Jura magistratusque legunt, sanctumque senatum.

420 *adspectat*, ut ad Æneam cum comite referatur, Gudianus a m. sec. cum Rottend. pr. Hamb. pr. et aliis ap. Burm. quem vide; item fragm. Vatic. Bottar. p. 170. Sed collis *adspectat* haud dubio melius; nec temporum consequentia aliter permittit. *exspectant* Leid. un. *expectat* Puget. 421 Unus Leid. aberrat in *magalia*. Hæc sup. Georg. III, 340 vidimus esse *edificia culamis cannisque plexa*, (v. Silius XVII, 89, 90) *oblonga, incurvis lateribus tecta, quasi navium carinae sunt* ex Sallust. Jug. 211, qualia adhuc sunt tuguria in conum exeuntia plurimorum populorum, et ea quidem plaustis tecta, adeoque *mobilia*. At *magalia*, priore etiam syllaba producta, sunt agrestia *edificia stativa*, eoque nomine imprimis veniebant suburbia Carthagini. v. Bochart. Chan. I, 24 et II, 9: Wasse ad Sallust. l. l. et Gesner. in Thes. h. v. Omnium fundus Servius ad h. l. 422 *astra* v. fragm. Vatic. sed *strata* in marg. virorum Hugen. 423 *ardentes* instant Moret. sec. 424 *molirive* a. ac m. Parrhas. *subducere* Rottend. alter. Vulgata est ap. Schol. Cruqu. Horat. III, Carm. 1. 425 *optare* plurimi Heinio et Burm. inspecti. etiam Rom. a pr. m. perpetua varietate. cf. inf. 552. *conducere* tert. Moret. cum glossa, id est, *deducere*. perperam. *tecta* et c. s. terf. Goth. a m. pr. *tectos* singulari numero magis poeticum h. l. 426 *Vernus* a loco alienus: de quo secundis curis statuendum fuisset a Marone. v. not. Nisi confictus ille fuit alia manu ex 507 ubi Dido *Jura dabat legesque viris*, et ex Æn. V, 758 *Indiciteque forum et patribus dat jura vocatis*.

γεωλόφων τῶν ἐπιξευγνύντων τὸν αὐχένα τὸν συνάπτοντα τὴν K. etc.

421. Sic Ulysses Phæacum urbem: *Θαύμαζεν δ' Ὀδυσσεὺς λιμένας καὶ νῆας εἰσας* etc. Od. H, 43 seqq. quem totum locum poeta ante oculos habuit. Magnum *edificii* opus bene cum casis et tuguriis componitur: ea sunt *magalia*, de quibus v. var. lect. Dixeritne autem poeta hoc, *magalia quondam*, ex Æneæ persona, an ex sua, dubitare possis cum viro docto (Meierotto in *Dubius* p. 34), et, si illud, an recte dictum sit. Poterat tamen etiam Æneas auditu hæc accepisse; nec necesse poetæ ut hoc moneret. *strata viarum* doctius quam viæ stratæ. Exempla similia collegit Cerdæ. Viarum autem cura in nova colonia satis est memorabilis: occurrit ea quoque in Cyrene recens condita apud Pindar. P. 5, 117—124.

423—425. *Instant operi Tyrii*; ut plene extulit Silius II, 407 sqq. in loco hinc expresso. *subvolvere* bene, ut declaret, in altum educi arcem. *optare*, ut III, 109, est eligere h. l. v. Cerdæ et al. *concludere sulco*, fossam ducere, definire *ædium* situm ac locum fossa facta, in quem fundamentum immittatur seu crepido. Male de aratro cogitant.

426. *Jura* sunt judicia, usu solleni, adeoque h. l. ipsi judices. *Habentur igitur comitia creandis iudicibus, magistratibus et senatoribus*. ita equidem interpretor. Nam si *jura* loca sint, ubi jus dicitur, durum sic, *legere jura*; et quid tum, *legere magistratus? senatum?* Debeunt scilicet et hi pro *curiis* positi intelligi, h. e. pro locis, ubi illi conveniant. Burmannus *jura magistratusque magistratus juridicos*, qui jus dicant, ex-

Hic portus alii effodiunt; hic alta theatris
 Fundamenta locant alii, immanesque columnas
 Rupibus excidunt, scenis decora alta futuris.
 Qualis apes æstate nova per florea rura 430
 Exercet sub sole labor; quum gentis adultos
 Educunt fetus, aut quum liquentia mella
 Stipant, et dulci distendunt nectare cellas;
 Aut onera accipiunt venientum, aut agmine facto
 Ignavum fucos pecus a præsepibus arcent; 435
 Fervet opus, redolentque thymo fragrantia mella.

427 *Hinc sec.* Hamb. *portas* Montalb. et Leid. cum al. etiam ap. Pier. Sed de his jam v. 422. *fodiunt qu.* Moret. *lata* fragm. Vatic. Desidero utique aliud epitheton pro *alta*, quod tertio versu iterum legitur: in quo offendebar quoque b. Sebraderus; etiam Jortin (*Tracts* Vol. II p. 463). *theatris* lectio est fragmenti Vaticani; porro codicis Romani cum tota familia, quæ eum sequitur; et hoc Heins. prætolit. Alterum ducit Mediceus, *theatri*, quod Burm. revocavit, quia non verisimile sit, ut in nova urbe theatra existant. Si tamen ad hanc subtilitatem descendere velimus, theatri mentio hic omnino nulla fieri debebat. v. not. Sed alterum est magis epicum. 428 *Fundamenta* petunt alii ap. Pier. etiam fragm. Vatic., quæ alterum in marg. habet. 429 *excidunt* Zulich. 430 *florida* pr. Moret. 431 *gentis adultæ* Hamb. sec. *Traducta* nonnulla e Ge. IV, 163 sqq. 432 *excidunt* Græv. a m. pr. *perducunt* Oudart. an *producunt*? addit Burmannus. Sed *educunt* ex alveariis; et Macrob. V Sat. 2 defendit. et *conluentia* Goth. tert. *stillantia mella* Hamb. pr. cf. Ge. IV, 164. 433 *distendent* malit Cuning. Contra Ecl. IX, 31 *distendunt* ex codd. prætolit Heinsius. Est quoque hoc Ge. IV, 164 ubi versus leguntur 167. 8. 9. qui h. l. sunt 434. 5. 6. et 162. 3. 4. qui h. l. sunt 431. 2. 3. aut d. Zulich. 434 *excipiunt* Bigot. 436 *Fragrantia tecta* malit vir doctus in Obs. misc. crit. T. II, pag. 29, quia *mella* jam v. 432: ratione parum idonea. cf. Burm. *flagrantia* etiam hic codd. ut alibi; sic Goth. tert.

plicat. Sed cogitandum erat, Æneam de monte prospicientem ea omnia, quæ hic ponuntur, oculis suis cognoscere. Unde igitur intelligere e longinquo poterat, magistratus juridicos nunc legi? Si mecum omnino ad *comitia*, quæ habentur, referas, tolerabilis saltem est ratio. Sed vel sic hic versus inter reliquos quasi alienigena aliquis habitat; quandoquidem neque grammatico aliquo vinculo ceteris annectitur, nec sententia ipsa colligatur: nam reliqua omnia ad ædificia nova, quæ excitantur, spectant.

427—429. An theatri structuram Phœnicibus recte, atque adeo in

ipso rerum initio, dederit, viderit poeta; Græcarum sane civitatum coloniis hoc accommodatus. Sed res præclare ob oculos posita. Portus *cothôn* dictus proprio nomine ap. Liv. et al. v. Bochart. Chan. I, 24.

430—436. Expressa ex Georg. IV, 163—169, ubi v. quæ ad interpretationem faciunt, imprimis de mellificio. cf. Æn. VI, 707. 8. 9. Comparationem, quam mireris cuiuspiam displicere potuisse, adversus H. Stephanum diss. de Criticis p. 111 defendit Burmann. Præiverat Homerus *Iliad.* B, 87—90. Deest quod τῇ comparanti *qualis* pro qualiter, quomodo, respondeat: *tales*,

O fortunati, quorum jam mœnia surgunt!
 Æneas ait, et fastigia suspicit urbis.
 Infert se sæptus nebula (mirabile dictu)
 Per medios, miscetque viris; neque cernitur ulli. 440
 Lucus in urbe fuit media, lætissimus umbræ,
 Quo primum, jactati undis et turbine, Pœni
 Effodere loco signum, quod regia Juno
 Monstrarat, caput acris equi; sic nam fore bello

438 *suscipit* tres ap. Burm. c. Goth. pr. *conspicit* Hamb. pr. *prospicit* Uratisl. merae utique aberrationes. *Ædificia alta et excelsa suspicimus* proprie. Commode itaque poeta hac voce usus est, ut altitudinem ædificiorum eo ipso subiceret animis. Hinc etiam *fastigia urbis* dixit pro tectis. 439 *se sæptum* alter Menag. at vide ad 314. 440 *viros* Bigot. et unus Heins. Et sic jam Pierius fuisse memorat, qui legerent: *Per medios miscetque viros* sc. se. 441 *umbræ* tanquam exquisitius recepit et docte illustravit Heins. Adde Markland. Ep. crit. p. 121. Vel Probi auctoritas in Servianis, et latius in Pomponio Sabino, satis erat gravis; accedebat Codex Montalb. et inter Burm. codd. Bigot. et tert. Mentel. a m. sec. Vulgo *umbra*. 443 *effudere* vitiose Exc. Burm. *locum signo* ed. Ven. ap. Maittair. quo r. J. Leid. et Voss. 444 *Monstrabat* Gud. Zolich. Græv. monstravit Montalb. et Hamb. alter. *monstraret* fragm. Moret. *signum* (ex sic nam) et ab alt. manu *signum* Gudian. *signum* tres al. ap. Burm. et jam ap. Pierium.

eodem modo. *sub sole* Burm. vult esse, sole oriente, summo mane. Georg. IV, 185 *mane ruunt portis*. Sane ita res fert; nec intercedo, quo minus sic accipias. Alioqui *sub sole* per se est, simpl. interdiu, per diem. Ita nec *sub die, sub nocte*, tam anguste accipitur a poetis. Ovid. Met. I, 602. 3 *Et noctis faciem nebulas fecisse volucres* *Sub nitido mirata die*. Supra quoque Ecl. II, 13 *sole sub ardenti* aliter dictum non est.

437. Egregie ad affectum hæc exclamatio! quid enim his rebus conspectis Æneæ per maria et terras erranti, ut novam sedem quæreretur, nova urbe condita optabilius videri debuit!

439. 440. Observa, quomodo in singulis vulgarem formam evitaverit; etiam ipso græcismo: *μύσσειται ἀνδρῶν*, immiscet se turbæ, nec cernitur ab ullo, *οὐδενὶ ὁπάραι*. Confer tamen Homericæ Od. H, 37—42.

441. Præclare poeta hoc adornavit, ut epica dignitas inesset omnibus, quod Didonem convenit Æneas in templo, ad quod eum via ipsa duxerat; regina autem in ejus vestibulo pro tribunali sedens, negotia publica curat. Templum in loco conditum, ex vetere more; et quidem eo in loco, quo portentum se obtulerat terram fodientibus, caput equinum, pro omine acceptum. 443. *Signum*, omen intelligam. *Ostendant caput effossa tellure repertum Bellatoris equi, atque omen clamore salutant*, Silius II, 411. servatum inde in numis Carthaginiensium *equi caput*. v. c. Raschi Lexic. numismat. voc. *Carthago*. Poetam agnosce in hoc, quod non simpliciter inventum, sed a Junone monstratum, objectum fodientibus, narrat. Sic nam (per hoc *signum*) portendebatur, fore Pœnos gentem bellicosam (cf. inf. III, 539 sq.) et *facilem victu*, hoc est, quæ ha-

Egregiam, et facilem victu per sæcula gentem. 445
 Hic templum Junoni ingens Sidonia Dido
 Condebat, donis opulentum et numine divæ :
 Ærea cui gradibus surgebant limina, nexæque

445 *facilem victus* conj. olim. Burm. ad Val. Fl. VI, 323, sed *victu* eodem sensu accipi posse ad h. l. fatetur. Esset tamen alterum elegantius. Turbas, de quibus in Exc. ad h. v. egi, fecit in hac forma, quod permutata fuit cum altera illa, quasi *facilis victu* esset dictum ac *facilis visu, auditu, cognitu*. ductum quoque illud modo a *vivere*, modo a *vincere*: unde fuit vir doctus, qui *haud facilem victu* corrigeret. Sed *victu facilis* ducendum erat ex *victus facilis*. Qui victum habet facilem, is *victu facili esse*, et exquisitius *facilis victu* vel *victus* dicitur. *Gens victui facilis* iterum diversum quid designaret, ut vel exemplo intelligas: *ager pecori facilis*, qui præclaris suis pascuis pecus facile alit. 448 *nixæ* multos legere jam Servius notavit. Eandem lectionem codices a Burmanno enumerati habere videntur, non, *nexæ*. *Trabes ære nixæ* Catroeo arriserunt, ut sint columnæ æneæ epistylis subjectæ, quod adeo columnæ ex ære innititur: uti constat *capitulis æreis columnas* ositatas aliquando fuisse. cf. Plin. XXXIV, 7. Enimvero de portarum postibus agi ea, quæ utrimque adjuunguntur: *surgebant limina—foribus cardo* st. a. satis declarant. Possent et ipsi postes æneis basibus innixi dici: verum sic de limine his poeta memoraret.

bitura esset victum facilem et expeditum, annonam affluentem ex agrorum ubertate et cultu. De hoc v. Excurs. XIV ad h. v.

446. *Templum donis opulentum et numine divæ*. dona de vasis, utensilibus totoque apparatu sacro intelligo: *numen* cum Servio accipio de simulacro deæ ex auro aliave pretiosa materia facto, quod *ro opulentum* postulare videtur; (nec tamen sic *numen* est simulacrum, sed *numen divæ* pro *diva*, et hæc ad simulacrum refertur). Alii *numen* eo referunt, ut numinis præsentia horrorem intrantibus incutiat, quod Burmannus malit. Ita vero *opulentum* paullo durius dictum. Ad magnificentiam templi, in quo condendo occupati erant Pœni, declarandam magis idonea esse videtur prior interpretatio; neque omnino in templo extruendo numinis præsentia operis faciendi pars est.

448. 449. Ad heroicorum temporum magnificentiam pertinet, quod omnia ex ære fecit. Unam laudabo Alcinoi regiam Odys. H, 86 sqq. Homerus eandem elegantiam ad deo-

rum sedem, Olympum transtulit. Quid? quod Romæ talis magnificentia erat frequens, cujus adhuc in Pantheo vestigia deprehenduntur, ut Spencius bene monuit. Ornatisime autem singula extulit *Ærea gradibus surgebant limina*, h. e. limen erat ex ære: seu ut *limen* pro foribus dictum accipias, seu ut *proprie* dictum sit, id quod malo; quia fores mox memorantur. *Surgere* non modo ædificium, sed et singulæ partes dicuntur, quæ in eo sunt, imprimis editæ et altæ: surgunt itaque limina gradibus, per gradus, fiunt subjectis gradibus per quos ad ea adscenditur. Sed quid est alterum: *nexæ ære trabes surgebant?* *trabes* haud dubie sunt postes; *ære nexæ* vulgo sic accipi videas, ut *postium*, h. e. trabium ex ligno, v. c. abiegnarum, vincula et clavi seu unci sint ex ære. At hoc pro reliqua templi magnificentia quam esset jejenum: quod recte sensit Catroeus. Alii indutos postes æreis laminis intelligunt; at nec hoc sive sensui sive iudicio nostro satisfacit. *Nexas ære trabes* putabam olim di-

Ære trabes ; foribus cardo stridebat ænīs.
 Hoc primum in luco nova res oblata timorem 450
 Leniit ; hic primum Æneas sperare salutem
 Ausus, et afflictis melius confidere rebus.
 Namque, sub ingenti lustrat dum singula templo,
 Reginam opperiens, dum, quæ fortuna sit urbi,
 Artificumque manus inter se, operumque laborem, 455
 Miratur, videt Iliacas ex ordine pugnās,
 Bellaque jam fama totum vulgata per orbem,
 Atridas, Priamumque, et sævum ambobus Achillem.

449 *cardo str. ahenus* vir doctus legit Miscell. Obs. Vol. II, T. I p. 85, inutili plane emendatione. 450 *Hic tres ap. Burm. in templo Puget. res oblata Hamb. pr.* 451 *Hoc primum* (sc. in luco) Longob. Pierii. *spectare* Zolich. Goth. tert. 455 *labores*, quod in vulgaribus nonnullis edd. *visitur*, duo Goth. Menag. pr. et sic alibi variatur. v. Burm. Vide porro annon accuratius distinguatur: *dum, quæ f. sit urbi, artificumque manus inter se*, (sc. quæ sint) et (*dum*) o. l. *miratur*. Sed *miratur manus inter se* est exquisitè, sc. *dum inter se comparat*. 457 *Volgante* Sprot. 458 *Atridem* Seneca Ep. CIV, forte illo causæ, inquis, quam ibi agit, serviens. *Atridam* Bigot. et *Atridem* ex Seneca Cerda recepit. *Atriden* etiam Cuningham. Jam si rationes criticas audias, levior ista est auctoritas, quam ut ei aliquid tribui possit. Possunt tamen altera ex

ctos postes æneis cardinibus junctos ;
 idque patere vel ex Claudiani imitatione XXXIII, 237 *ferrati postes ; immensaque nectit claustra chalybs*, h. e. ex chalybe erant cardines immensarum valvarum. Non videram verborum ordinem esse hunc: *nexæque* liminibus, adjunctæ et impositæ limini *trabes*, postes, *surgebant*, erant ex, *are*. Tandem *foribus cardo stridebat ænīs*, h. fores erant ænæ. Quod autem toties materiam repetit, facit Homeri exemplo. cf. Burm. ad Ovid. II Met. 107.

452. *Afflictis melius confidere rebus*, de *rebus afflictis* explet Serv. et ceteri. Sed et absolute sic ponitur etiam apud Ciceronem ; nunc *magis* fiduciam habere fortunæ suæ coegit, bene de ea sperare.

455. *Artificum manus* h. e. opera, et *operum labores*, opera affabre elaborata, *inter se*, dum varii generis et

artificii opera *comparat*. Picta autem in pariete fuisse ea putanda sunt, quorum argumentum mox exponitur, area dispartita in plures areolas, quæ singulæ singula argumenta capiebant. Commemorantur ex iis *septem*, observatu etiam pictorum ingeniis digna: 1) pugna Trojanorum et Achivorum, fortuna varia. 2) Rhesi noctu oppressi cædes. 3) Troilus fugiens. 4) matronarum Trojanarum pompa pepulum in Palladis templum deportantium. 5) corporis Hectorei redemptio. 6) pugna Memnonis. 7) pugna Amazonum ad Trojam. Occurrere autem in pluribus tabulis Achillis persona debuit, modo in acie pugnans, modo Hectoris corpus Priamo reddens, modo Troilum cædens, modo Memnonem, modo Penthesileam. De ceteris v. Excurs. ad h. v. 458. *Sævum ambobus Achillem ; sævus* fuit in Priamum, Hectore cæso ;

Constitit; et lacrimans, Quis jam locus, inquit, Achate,
Quæ regio in terris nostri non plena laboris? 460
En Priamus. Sunt hic etiam sua præmia laudi;
Sunt lacrimæ rerum; et mentem mortalia tangunt.

parte librarii videri reposuisse plaralem *Atridas* tanquam sibi notiozem; cum non vident, durum esse et insolens, ut *ambobus* ad tria capita referatur; tum uni tantum Atridae, Agamemmoni, sævum fuisse Achillem, non utrique. Studiosè tamen poeta *ambobus* posuisse videtur, cum *sævum* *cuspidè Achillem*, vel alio modo dicere potuisset (locum Homer. *Odyss.* Δ, 335—339, possit aliquis pro exemplo laudare, nam et ibi *νεβποι* cum matre cervam *ἀμφοτέρω* spectari videri possunt; sed hinnulos ibi poeta binos a matre relictos ponit). *sævum* Moret. qu. *Priamum sævumque* Voss. *ferumque* Goth. alt. *Achillen* Probus et Cledonius Grammaticus, ut Dorvill. et al. 459 *Quis non* Bigot. *quis nam* Leid. unus. qui Cuning. edidit e cod. Mark. 460 in omittunt tert. Mentel. et Regius, hic cum glossa: *scilicet in nostris* ed. Junt.—in *nostris terris* alter Menag. 461 *sunt hic* et Frano. hæc Parrhas. 462 *En lacrimæ* Parrhas. Heins. in ora cod. sui mutaverat distinctionem: *sunt lacrimæ: rerum et m. m. t.* Arridebat hoc Burmanno, ut *mortalia rerum* sint, res mortales; quod illustrat. Et hoc quidem ita dici posse, nemo dubitet. Sed primum illud durum, quod intersertum ita datur: *rerum et mentem mortalia*. Sensisse hoc videtur ipse Burmannus; itaque apponit alterum: *sunt lacrimæ, et rerum m. m. t.* Tamen vel sic manet alterum, quod monere volebamus, ut illud nude positum: *Sunt lacrimæ*, sibi quid velit, non videas. Tentabat idem vir sagacissimus: *et gentem mortalia tangunt*; ita vero poetica vis plane jugulatur. Scilicet accidere hoc nostrum cuique solet, ut semel offusa menti nube in sudum emergere nequeamus. Burmanno sensu carere videbatur illud: *lacrimæ rerum*. Sed res simpliciter pro rebus humanis, casibus mortalium, atque etiam de rebus adversis passim dici, virum doctissimum non latebat; ut in illo quantum *spes ultima rerum libertatis habes?* Lucan. VIII, 454. *tanta homines rerum inconstantia versat* Ovid. Met. XIII, 646. Rebus humanis si illacrimamur, ferunt illæ et accipiant lacrimas, quæ ipsis debentur; sunt illis lacrimæ; et doctius: *sunt lacrimæ rerum*. Imitatus hæc Valer. Fl. I, 723, 4. sed alium in sensum. Pelias vindictam de Jasone sumpturus: *Sunt hic etiam tua vulnera, prado; sunt lacrimæ carusque parens*. h. est hic, quo lacrimæ tibi exprimi possint, parente necato.

in Agamemnonem sæviit ira et per-
vicaci odio propter ereptam Brisei-
dem: itaque sævum omnino acci-
piam, exquisitè pro infestum, iratum.
(nam *sævus* poetis de iracundo). Si
Atridas recte legitur, (v. V. L.) *am-
bobus* ita positum est, ut *et illos et
hunc*, adeoque tres, designet; etsi
non sine exemplo, cum alterum no-
men collectivum sit duorum. Si ta-
men alteri ex Atridis infensus fuit,
quidni et fratrem odio habitum dicat
poeta? Ut *ambobus* de utroque exer-
citu accipiam, nihil præcessit, quod,
ut faciam, inducat me.

460. *Nostris laboris* pro laborum,
πόνων, h. e. famæ de nostris calami-
tatibus. Est autem hoc rhetoricum.
Ap. Severum in Ethopœia III in

Gale Rhet. select. p. 222 Hercules:
*τόπος οὐδέ τις τῶν ἐμῶν ἀμάρτυρος
πόνων καθέστηκε*. 461. *Laudi* pro
virtute et rebus gestis, quæ laudem
merentur, ut sæpe. v. Cerd. et Burm.
scil. ex Homérico κλέος. ut contra
ἀρετή pro laude sæpe apud Pinda-
rum. Virtuti etiam hic honos suus
habetur. 462. *Sunt etiam hic lacri-
mæ*, h. e. miseratio, *rerum*; deflen-
tur res, h. e. casus humani; sunt hic
pectora, quæ lacrimas impertiant ca-
sibus et calamitatibus aliorum. *et
mentem mortalia tangunt*, et res hu-
manæ casusque, quibus jactari solent
mortales, afficiunt hominum, qui has
terras inhabitant, animos miseratione.
Tali interpretatione satis lucis affu-
sum versibus videtur; nisi fallimur.

Solve metus ; feret hæc aliquam tibi fama salutem.
 Sic ait, atque animum pictura pascit inani,
 Multa gemens, largoque humectat flumine vultum. 465
 Namque videbat, uti bellantes Pergama circum
 Hac fugerent Graii, premeret Trojana juvenus ;
 Hac Phryges ; instaret curru cristatus Achilles.

463 *metum* multi scripti et editi. scilicet hoc vulgare et pedestri orationi magis consentaneum. Ita etiam doctius dixit: *solvere metum* quam *solvere metu* sc. *animum*. *feret hæc* Franc. v. Burmann. 464 *Hic ait* Franc. 467 *Grai* Mentel. 468 *Ac* nonnulli ap. Burm.

Illud vero præclarum, quod humanitatis cultum ex conspectis artis operibus, ex eorumque argumentis, colligit ; paullo aliter quam Aristippus, qui, naufragio ad Rhodum cum enatasset, conspectis in litore figuris geometricis, bono animo esse jussit comites, hominum enim se vestigia videre : Vitruv. VI, præf. Imitationem loci habes in Val. Flacco lib. I, 723. 724. Jam 463. *Hæc fama*, quod Trojanorum calamitates in his ipsis terris innotuerunt, hoc nobis horum hominum animos reddet propitios. Sed, cum majore benevolentiae significatione, ad Achatem amicum retulit: *tibi*.

464. De *pictura* v. Exc. ad 453. *pascit*, βουκολεῖ, ut spe vana pasci dicimur. *inane* appellat picturam epitheto ornans a natura artis, non ipsas res, sed rerum imagines, quocumque modo repræsentantis, petito. Ceterum in seqq. observa artificium poetæ in descriptione rerum et h. l. quidem tabularum, quando v. 474 tempestive transit ad eam orationis formam, qua res quasi ante oculos geri videntur, non pictæ adspici. Mox *largoque humectat flumine vultum* ad nostri sermonis morem non est exigendum: non magis, quam Homericum, δακρυχέων ὥστε κρήνη μελάνυδρος

et *humectat* est exquisite pro irrigat ; neque adeo *humectat* jejunum putandum post, *largo flumine*. Tum *multa gemens*, πολλὰ στενάζων. Habuisse autem inter Græcos videtur poeta, quos in hoc loco sequeretur. Apud Aristot. enim Poet. c. 13, al. 16, l. 15, 3, inter agnitionum genera in tragœdia etiam est ex Diceogenis Tragici Κυπριοις (fabula erat οἱ Κόπριοι, a choro inscripta) aliquis, qui ἰδὼν τὴν γραφὴν ἐκλαυσεν—ἔθεν ἀνεγνώρισθαι.

465—468. Respicit potissimum pugnam Patroclo occiso factam, cum versus castra fugerent Achivi insequentibus Trojanis et instante Hectore, Iliad. P, quo facto die sequenti Achilles novis a Thetide acceptis armis prodit et Trojanos fugat, Hectorem occidit Iliad. T—X. Cum a deo Rhesus mox sequatur, noluisse poeta temporum ordinem servare dicendus est. Cum v. 467 bene comparant Iliad. E, 14 Τοὺς μὲν ὄρνυμένους, τοὺς δὲ κλονέοντας ὕπισθεν et Iliad. O, 7. In *cristatus* v. 468 Servius vim quaerit ; nam secundum Homerum in Achillis cristis terribile quiddam fuisse Iliad. T. 380. Verum id quidem ; sed, ut ab ceteris armis, ita a galea et crista sæpe petunt epitheta poetæ. Sic κορυθαίολος Ἔκτωρ.

Nec procul hinc Rhesi niveis tentoria velis
 Agnoscit lacrimans; primo quæ prodita somno 470
 Tydides multa vastabat cæde cruentus;
 Ardentesque avertit equos in castra, prius quam
 Pabula gustassent Trojæ Xanthumque bibissent.
 Parte alia fugiens amissis Troilus armis,
 Infelix puer, atque impar congressus Achilli, 475

469 *haud* vel non p. Gud. *haud* etiam Montalb. et tert. Rottend. pro *niveis* Græv. *juteis*; librarii errore. 470 *agnoscit* scriptum Medic. et Gud. hic et al. ut inf. 438, commentiente adeo Vaticano fragm. agnovit Zulich. *dedita* somno Zulich. frustra. nam proprie poetis: *prodi* somno, et cf. Heins. 471 *Vastavit* alter Hamb. *cruentis* alter Gud. 472 *albentes*—*equos* sec. Moret habet; quem sane colorem constanter Rhesi equis tribuant Homer. l. I. 437 τοῦ δὲ καλλίστους ἵππους Ἴδον, ἠδὲ μεγίστους; ἀναιδέα χιόνος, οἷον δ' ἀνέμου ἡμῶν. Et sic Rhesi drama v. 304 Πάλλαν—χιόνος ἐξαιπέρηται. cf. 616—619. Sed sic *candentes* equi erant dicendi ut XII, 84. Homericum *transitibi*, qui candore *nives* antecirent, *cursibus auras*, et Epit. Iliad. 735 de Rhesi equis: *multo candore nitentes*. Nam *albus* color minus gratus Georg. III, 82 *color deterrimus albus*. An poeta evitare voluit concursum τῶν: *niveis velis* et *candentes equos*? Itaque *ardentes* dixit, forte illa Homeri sectatus v. 547, ubi equi hi αἰὲς ἀκτίσσειν ἰουέας ἴσταν? Quamquam et hoc ipsum *candore* potius fuisset exprimendum. Verum probabile fit, incedisse poetæ animo ἵππους αἰθῶνας Homero dictos B, 839 et M, 97. incerto tamen et ibi sensu: referunt enim illud et potest referri ad splendorem, ad colorem, ad ardorem animorum. Aut itaque manendum est in hoc, ut *ardentes*, acres, alacres, impetuosos accipiamus; ut *calentes*, *igneos*, aut, quod mihi plus quam probabile videtur, scribendum *candentia*: priore litera extrita restabat *ardentes*, nuda factum *ardentes*. Porro *arbentes* a. m. sec. Hamb. prior habere dicitur. Videtur et is *albentes* a prima manu agnovisse. Idem error habet, et alii ap. Barm. *advertit*. male. *Avertere* de præda abigenda satis loquens, ut h. l. Barm. Drakenb. ad Sil. III, 311, et al. v. inf. X, 48. 475 potest per parenthesis interpositus accipi. Olim ap. Servium interponere quoque *Infelix!* puer atque impar congressus Achilli.

469—473. De Rheso Iliad. K, 433 sqq. 470 sqq. *tentoria primo somno prodita*, h. e. Thraces in tentoriis cubantes. Pulcre autem somno tributum τὸ *prodere*, quod per somnum factum. *Diomedem* sine Ulyse nominare, liberum erat poetæ, *niveis tentoria velis*. De his vid. Excurs. ad h. l. Dixit ea poeta deserto priore ætatis more; erant enim Achivorum et Trojanorum κλισίαι potius luguria, stipitibus viminibusque intertextis, et terræ aggere munita. *ardentes equos* acres dixit; si loquendi usum audias. Si de colore accipias, quod darum esse puto: non *candentes* eam Servio, sed *fulvi*, αἰθῶνες, essent, at hoc repugnat Homero et

Euripidi. v. var. Lect. *avertit* est abigit exquisite; non, intercipit. 472. 473. Fatale hoc fuisse sive Rheso sive Trojanis, si equi gustassent herbam et aquam Scamandri, Homerus non habet; ut ex poetæ lectione promptum cuique esse potest; neque is, quem Euripidem non esse nuper post alios evicerunt Valkenarius, et Beckius, V. C. auctor Rhesi. Nam v. 600—604 vix eo referre possis. At memorat eam rem, tanquam oraculo proditam, Eustath. et Schol. ad K, 435, nec non Serv.

474—478. De Troilo v. Excurs. ad h. v. Congressus hic Priami filius in curru cum Achille, ante Iliadis tempora, vulnere accepto exciderat

Fertur equis, curruque hæret resupinus inani,
 Lora tenens tamen: huic cervixque comæque trahuntur
 Per terram, et versa pulvis inscribitur hasta.
 Interea ad templum non æquæ Palladis ibant
 Crinibus Iliades passis, peplumque ferebant 480
 Suppliciter tristes, et tonsæ pectora palmis;
 Diva solo fixos oculos aversa tenebat.
 Ter circum Iliacos raptaverat Hectora muros,

477 *tenens tantum* Montalb. Quintilianum VII, 9, 7 mireris dubium facere, sitne tamen ad tenens an ad seqq. trahendum. *tenet* aliquot ap. Pier. male. Hinc duo Burm. 478 *versa* est *καταμύων δέου* a verrendo duci nequit. Sic enim pulvis verritur, non hasta. 480 *Sparsis* multi a Pierio et ab Heins. inspecti, et ed. Ven. Sed, *sparsos* crines furentibus, supplicibus passos convenire arbitratur Burm. 481 nescio an melius *suppliciter* ferebant jungas. *tonsæ* al. *tonsis* Parrhas. 482 *aversa* multi. 483 *tractaverat* alii ap. Corrad.

curru, pedibus inter lora impeditis, ita ut supina cervice traheretur, *armis amissis*, clipeo ex manu dimisso; nam hastam tenebat, sed inversam, ut adeo per terram tracta illa sulcos faceret. Non enim accedam Servio, qui Troilum hastam Achilles, qua transfixus erat, vulneri inhaerentem traxisse ait. Aliter enim enuntiata essent illa: *et versa pulvis inscribitur hasta*. Observa autem poetam recedere a more Homérico, quo herodes, qui pugnant de curru, habent alium qui regat equos; nam Troilus solus et pugnare et regere equos debuit. Notandus quoque locus propter monumenta artis priscae, in quibus heros bigis fertur habenas et clipeum, vel habenas et hastam tenens.

479—482. Ex Iliad Z, 269—312, ubi Heleno monente Hector ad urbem regressus Hecubam ad Minervæ templum in acropoli Trojanarum matronarum (*Iliadum*) pompam ducere, donarii loco deæ peplum egregie elaboratum consecrare jubet, ut Diomedis impetum illa reprimeret. Interea non ad tempus posse referri

in aperto est; sed inter cetera tabularum argumenta, ecce, occurrit hoc, quod—*non æqua*, iniqua, Trojanis infensa, irata Pallas. *Diva solo fixos oculos aversa tenebat*, quippe in pictura expressa. at in narratione poetæ Hom. I. c. v. 311 *Ὡς ἔφατ' εὐχομένη, ἀνένευ δὲ Πάλλας Ἀθήνη*. Sed in Virgilio ut picturæ accommodatior, ita suavior rei imago esse videtur, *aversa* dea facie, *oculis in terram fixis*, quam in Homero *renuens caput*. Peplum autem illud interdum deæ signo injiciebatur pro amictu, v. c. ap. Statium Theb. X, 65. 66. interdum tantum ad genna apponebatur; ut apud Homerum I. c. et sic Athenis in Panathenæis Minervæ; cf. inf. ad Cirin v. 21 seq. Junoni Olympiæ et sic porro. cf. Excurs. de Palladio inf. ad II, 293.

483—487. Novum argumentum in pariete expressum: *reditio corporis Hectorei*, ex Iliad. Ω. Bene vel ad artis rationem; *raptaverat*; nam hoc antecesserat, et corpus lacerum et scædatum immanem eam contumeliā vel in tali opere arguere poterat.

Exanimumque auro corpus vendebat Achilles.
 Tum vero ingentem gemitum dat pectore ab imo : 485
 Ut spolia, ut currus, utque ipsum corpus amici,
 Tendentemque manus Priamum conspexit inermes.
 Sè quoque principibus permixtum agnovit Achivis,
 Eoasque acies, et nigri Memnonis arma.
 Ducit Amazonidum lunatis agmina peltis 490

486 *Currum* fragm. Moret. et Hamburg. pr. sed magis poeticum : *currus*, ut ap. Homer. *ἄμαρτα*. *curvus* Hamb. alter. *atque* alii. male. 487 *conspicit* Voss. Non bene cum Burmanno tollas distinctionem post *inermes*, ut continnes prosaica aliqua forma : ut *conspexit* et *se quoque agnovit*. Porro *inermem* Goth. alter. 488 *agnoscit* præsens tempus picturæ convenientius arbitrabatur Ge. Fabric. idque jam v. 470 vidimus. Et hoc habet Romanus, cum fragm. Vatic. teste Bottario p. 170, ut adeo, si auctoritatem sequaris, quod etiam Cuning. fecisse videmus, recipiendum sit, cum totus orationis tenor id flagitet. Nec minus tamen ferri quoque potest alterum, *agnovit*, et variasse videri potest poeta. Sic et censebat Brunck. 490 *duxit* Menag. pr. et Zolich. *ducit* etiam Schol. Stat. et Nonius habet. v. Burm. In v. 491, 492 distinctionem in fine versuum sustuli.

Expressum autem putetur Achilles tentorium, ipse Achilles sedens, *supplex ei factus Priamus* (vide Iliad. Ω, 478 sqq.) et divinum illud : *Μνηστὰς πατρὸς σείο*—jamjam fari incipiens ; in conspectu, adducta a Priamo redimendi corporis pretia ; *ἀπερὲς ἀποῖνα* (—*χρυσὸν δὲ στήσας ἔφερε δέκα πάντα τάλαντα*. unde v. 484 *auro corpus vendebat Achilles*.) adstant alia ex parte *spolia*, h. e. arma, quibus cæsum Hectorem spoliaverat victor, *currus*, cui illigatum eum raptaverat, et *ipsum corpus amici*, sc. Hectoris, ex curru supinum, pulveri incumbens, quod die quoque orto ter circa Patrocli tumulum ductare solebat Achilles. v. Iliad. Ω, 14 sqq. Si ita representata singula fingas, nihil jam est, quod cum Conrado, Burmanno aliisque vel desideres vel hæreas. Possis et illa 485—487, diversum aliquod opus facere, *raptationem casi Hectoris*, non illam circa muros factam, sed hanc, qua ad naves oneratum spoliis et cadavere alligato currum agitare victor ;

ex Iliad. X, 395 sqq. (cf. Dictys III, 15, 16) non tamen, ut arbitror, satis commode. De decursu Achillis circa urbem *ter* facto v. 483 vide Excursum. 487. *Mannus inermes* noli inertem putare ornatum. Nam eo spectat, quod intraverat hostilia castra supplex ad genua Achillis procubiturus. Totus hic locus est ex felicissimis.

488. Cum Achivis *permixtum* prælio, *προμάχοις μυχθέντα*, seu pugnantem, Æneam sæpe ap. Homer. invenias, imprimis Iliad. E et Υ ; at h. l. ad seriora tempora respicitur : v. Exc. 1* ad Æn. IX.

489. Agnovit Memnonem pugnantem, quod autem *nigrum* appellat et *Eoas acies* memorat, id eo pertinet, quod, quandoquidem auxilia ex terris ab oriente sitis, quæ tum sub Assyriorum ditione fuisse videntur, Auroræ ille filius adduxit, re in majus aucta, Indos et Æthiopes adduxisse fabulose dicitur. Vide Excurs. ad h. l.

490—493. De Amazonibus duce

Penthesilea furens, mediisque in millibus ardet
Aurea subnectens exertæ cingula mammæ
Bellatrix, audetque viris concurrere virgo.

Hæc dum Dardanio Æneæ miranda videntur,
Dum stupet, obtutuque hæret defixus in uno : 495
Regina ad templum, forma pulcherrima, Dido
Incessit, magna juvenum stipante caterva.
Qualis in Eurotæ ripis, aut per juga Cynthi,
Exercet Diana choros ; quam mille secutæ
Hinc atque hinc glomerantur Oreades ; illa phare-
tram 500

492 *Exsectæ* codd. ap. Pier. male. cf. *Æn.* XI, 649 et 803. 494 hæc cum Dorvill. et ita Rufin. ap. Burm. Idem *Æneæ* pro *ab Æneæ* positum esse docet. Recte, si quid video. Nam, si exponas : *ei videntur esse miranda*, pedestrem habeas orationem, non poeticam. 495 *obtutuque* duo. *diffixus* pr. Rottend. in imo duo Goth. frequente lapsa. 497 *juvenum magna* Sprot. comitante post Romanum Menag. pr. Hamburg. pr. *Juvenæ* Tyrios principes esse, nil dubites cum Burmanno. 499 *secuntur* Parrhas.

Penthesilea auxilium Ilio ferentibus
v. Quintum Smyrn. libro I. et de
Amazonibus artificum operibus ex-
pressis v. Excurs. ad h. l. *pelta luna-*
tæ proprie Amazonum fuere. *subne-*
ctens cingula mammæ, s. mammis, ex-
quisitius quam *subnectens*, subnexam
habens, *mammam cingulo*, s. balteo,
quem in monumentis videre in prom-
tu est. Dextra scilicet papilla erat
nudata. Nota omnia. Loca classica
ap. Strabonem sunt lib. XI et XII.
vid. Petitum omnino de *Amazonibus*.
cf. inf. ad XI, 649. *ardet*, furit, for-
titer pugnat, *mediis in millibus*, do-
ctius quam in turba vel acie. *audetque*
viris concurrere virgo ex Homérico—
Ἀμαζόνες ἀντιανείρας Iliad. Z,
186, Γ, 189, natum videri, notarunt
jam alii. Totus hic de Amazonibus
locus est pulcherrimus.

494 sqq. Interea, dum miranda
hæc opera contemplatur Æneas,
dum ab eo videntur, inspiciuntur, et

dum unico intentus in ea quæ intue-
tur: Dido advenit. Cum hac œco-
nomia rerum cf. laudatum locum
Odyss. H, 133 sqq. et de v. 498—
503. v. Exc. ad h. v. Comparatio est
splendida Didonis cum Diana, quam
tractavit poeta post Homerum Od.
Z, 101 sq. et Apollon. Rh. III, 875
sq. II, 938. *qualis*, pro qualiter, quo
habitu; pro qualis est, cum *exercet*
choros, ducit, instituit. Frequen-
tantur autem a poetis Nympharum
chori, ducente eos Diana. Coleba-
tur illa præcipuo cultu Lacedæmone
et in Delo insula. *Illæ pharetram*
fert humero: debebat junctum esse:
ferens gradiensque; adjecta autem
hæc sapienter, observatur quippe ocu-
lis nostris extans inter ceteras dea
humeris tenus. Decus autem ejus
potenter declaravit poeta per tacitam
lætitiæ matris Latonæ: *tacitum per-*
tendant gaudia pectus, h. e. gaudia
tacita. Sic IV, 364 *totumque perer-*

Fert humero, gradiensque deas supereminet omnes ;
 Latonæ tacitum pertentant gaudia pectus :
 Talis erat Dido, talem se læta ferebat
 Per medios, instans operi regnisque futuris.
 Tum foribus divæ, media testudine templi, 505
 Sæpta armis, solioque alte subnixa, resedit.
 Jura dabat legesque viris ; operumque laborem
 Partibus æquabat justis, aut sorte trahebat :
 Quum subito Æneas concursu accedere magno
 Anthea Sergestumque videt fortemque Cloanthum, 510
 Teucrorumque alios : ater quos æquore turbo
 Dispulerat, penitusque alias avexerat oras.

501 *ingrediensque* ap. Macrob. scripta nonnulla ; sed v. Heins. *gradiensque dea* ex scriptis Giphaz. Ind. Lucet. et Rom. cum al. ap. Pierium, it. Goth. alt. Sed major vis in *deas*, et absorptas sibilus sequente litera. 502 *Latonæ* et un. Heins. et Parrhas. male. *prætentant* pr. Hamb. *pertentat* duo Heins. 504 *opere* Rom. a pr. m. 505 male jungunt alii post Servium : *instans o. r. futuris*, *Tum foribus Divæ*, in *foribus* Nonius in *testudine*, in *media* Parrhas. *media* in t. Goth. sec. Offendebat aures b. Schraderi, *medius* et *media* in binis versibus. Medelam tamen nullam video. 506 *Septam* fragm. Vatic. alto Montel. pr. et Moret. sec. ut veteres nonnulli ap. Pierium. Sed *alte subnixa* exequiatis, ad ornandum *resedit*. Cogita sedes dearum et heroinarum. Sic Helena Odys. Δ, 156 ἔπερ δ' ἐν κλισίῃ, ὑπὲρ δὲ Σπῆρος ἑσθλὴν ἔην. *resedit* al. male. 508 *ac s.* Hamb. aliar. *lucet* s. fragm. Vatic. *sorte ferebat* Goth. tert. 509 *tum s.* Leid. *jam cursu* alter Moret. cum cursu Zolich. Voas. *ascendere* Victorin. ap. Heins. 510 *Servatum* Montalb. vitiose. 512 *avexerat*, non, *adverserat*, meliores ap. Pier. et Heins. cum binis Goth. In Medic. d. appictum ab alia manu. *averterat* Gad. et duo Rottend. cum fragm. Vatic. *adverterat* Sprot. et Montalb. *aduxerat* Dorvill. et *adduxerat* unus Pier. alias alter Goth.

rat luminibus tacitis. Etiam *pertentant* feliciter pro, subeunt ; cf. lib. V, 828. Ge. III, 250.

504. Urbem condendam præclare *opus regnumque futurum* appellat. 505. 506. *Media testudine templi*, h. e. medio templo, latino usu, quatenus intra fores consederat ; cum omnia dicantur *media*, quæ sunt post principia, adeoque non sibi repugnant : in *foribus* et in *media testudine templi*. *Septa armis*, armatis, satellitibus : quod vulgare est monitu : ut et hoc, *jura legesque dare* nihil esse aliud quam *jus dicere*. In templis

senatum cogi, ad fores tribunalia poni, notus Romanorum mos, ad quem poeta hoc refinxit. *solio alte subnixa resedit* orate. Erant autem throni excelsi, ideoque pedibus subjecta scabella.

507. 508. Opus ædificationis *partiebatur* inter cives suos vel de sententia vel sorte. *sorte trahebat opus* doctius, quam trahere sortem, ducere, ad assignandum opus ; sorte ducta opus assignare. Mox 509 *conkursus* aut *cum plurium concursatione*, aut est simpl. *cursus*, *accursus*. 510. sup. 220 sq. inter amissos memorati.

Obstupuit simul ipse, simul percussus Achates
 Lætitiæque metuque; avidi conjungere dextras
 Ardebant: sed res animos incognita turbat. 515
 Dissimulant; et nube cava speculantur amicti,
 Quæ fortuna viris; classem quo litore linquant;
 Quid veniant: cunctis nam lecti navibus ibant,
 Orantes veniam, et templum clamore petebant.

Postquam introgressi, et coram data copia fandi; 520
 Maximus Ilioneus placido sic pectore cæpit:
 O Regina, novam cui condere Jupiter urbem,

513 *Obstupuit* veterrimos ad unum omnes hîc ut et in aliis poetarum exemplaribus (et inf. 613) scribere, monet Heins. cf. Pier. Etiam ita Romanus; et *obsticuit* vetustiss. fragment. Vatican. a Bottario editum; idem cum Romano aliisque Pierianis (item binis Goth.) *percussus* habet, cum in Mediceo aliisque optimis Heinsianis miro consensu legatur *percussus*, quod bene rejectum ab Heinsio, cum, *percussus lætitiæque metuque*, conjungendum sit. Malim adeo majorem distinctionem post *metuque* ponere. 514 *Lætitiæque metuque* alter Hamb. *lætitiæque avidique metu* Montalb. *contingere* alter Hamb. et Zulich. ac Gad. a m. pr. 515 *animos sed res* quartus Moret. 516 *quia nube* Menag. sec. 517 *classes* Hamb. pr. *classim* Sprot. *quo in litore* unus Heins. *linquent* alter Goth. In *linquant* sentis continuatam actionem, adeoque pro, *liquerint*, popi potuit. Sic v. 546, 547 *quid est ex τῆς pro διὰ τῆς*. 518 *cuncti* quod mireris, lectio antiquissimorum fere et optimorum est codd. interque eos Romani, Vatic. fragm. a m. pr. Medicei, qui alias non facile in dubia lectione in idem consentiunt, nec non Servii et Donati. *cunctis*, quod haud dubie verius, in paucissimis occurrere videtur; ut in duobus Heins. et binis Gothanis; fuit tamen lectio vulgata jam ante Pierium. *cunctis nam lectis* Gad. a m. pr. *lectis et læti* aberratur etiam in aliis. *læti* in Rom. a m. pr. 519 et ab Hamb. pr. abest. 521 *placido* duo. *nunc* pro sic Hamb. pr.

516. *Dissimulant*, pro vulgari, reprimunt se, continent se, quo minus prorumpant: quia rerum eventus et præsentem statum non satis perspectum habebant. 519. *Orantes veniam* simpl. propitiæ et benevolam voluntatem, ut ne descendere ac litus tenere prohiberentur. Scilicet, ut sequens oratio v. 525 sqq. ad intelligendum expedita sit, cogitandum, naves illas in litus, quod raro adiri solebat, rejectas pro prædatoriis, *ληστροκαῖς*, fuisse habitas. Accurrerant itaque Pœni, prohibuerant Trojanos descendere, sin facerent, igni naves comburere velle minati erant.

521. *Maximus I.* sc. natus; ut 654 *natarum maxima* absolute: nisi uni-

verse est princeps inter ipsos, et auctoritate eminens. Ita simpliciter alibi *Æn.* III, 107 *Maximus unde pater—Teucrus. placido pectore*, h. e. nil turbatus, nullo rerum metu impeditus ac percussus; nihil aliud. *Ilioneus* hic aliunde notus non est; male h. l. a Pomponio et aliis ad eum refertur, qui *Iliad.* Ε, 489 sqq. occiditur, Phorbantis f. Alium in Trojæ eversione ab Diomede cæsum, *δημογέποντα*, videbis apud Quint. Cal. XIII, 181 sqq.

522 sqq. Oratio egregie ad consilium et ad affectum dicentis audientisque comparata; cum qua non sine fructu compares alteram ad Latinum R. habitam *Æn.* VII, 213 sqq. Præ-

Justitiaque dedit gentes frenare superbas,
 Troës te miseri, ventis maria omnia vecti,
 Oramus : prohibe infandos a navibus ignes ; 525
 Parce pio generi, et propius res adspice nostras.
 Non nos aut ferro Libycos populare Penates
 Venimus, aut raptas ad litora vertere prædas :
 Non ea vis animo, nec tanta superbia victis.
 Est locus, Hesperiam Graii cognomine dicunt, 530
 Terra antiqua, potens armis, atque ubere glebæ :

523 *Servare* alter Hamb. 524 *circum* m. Hamb. pr. ex v. 32, et Cunningham. con-
 jiciebat : *circum* vel *huc per*, ad ductam Æn. VII, 228, frustra. Nam præpositiva docte
 a poeta ad Græcorum ductum mittitur. 525 *infandis* Zulich. a m. pr. 526 *parce*,
precor alter Hamb. et deest Montalb. *res accipe* pr. Hamburg. sed vid. not. 527
Tyrios Bigot. *Iliacos* Sprotianus ; neutrum male : sed in *Libycos* consentiunt libri. 528
advertere litora prædas Venetus Heinsii. *ad litora tollere* Sprot. a *litore vertere* Leid. cum
 aliquot codd. Pierii. 529 *animo est* Sprot. *animis non tanta* ed. Venet. 530—533
 repetuntur III, 163 sqq. 531 *Patens* Goth. pr. *arvis atque u. g.* mera aberratio.

clarum hoc : *novam cui condere Ju-
 piter urbem*. hæc enim ex Trojano-
 rum sensu volorum summa ; et grave
 ex altera parte ad humanitatis officia
 argumentum apud Didonem. Simi-
 liter expende reliqua. 523. *gentes
 superbas*, feroces, int. Afros, non Poe-
 nos. *justitiam* ad totum mitiorem vi-
 tæ cultum *legesque ac jura data* re-
 fer, quibus feritatem eorum mitiga-
 vit Dido.

525. 526. *Infandos ignes*, qui ad-
 versus fas jusque gentium inferun-
 tur. *pium genus*, Trojani h. l., qui
 nullam injuriam, nullum nefas, com-
 miserant, prædas agendo. *Pietas*
 pro justitia interdum dicta, quatenus
 hæc a metu deorum et religione pro-
 ficiscitur. *propius adspice res nostras*,
 conditionem et locum, quo sumus,
 accuratius inspicere : sc. deprecatur
 judicium de se ex primo rerum ad-
 spectu fortunæque specie, postulat-
 que a regina, ut accuratius sibi, qui
 sint, exponi patiat.

527. Non se ad deprædandas in-

colarum terras ac sedes venisse ait.
 Comparat Cerda Orphica Argonaut.
 827 sqq. : sententia saltem non adeo
 dispar est. Add. Apollon. III, 386
 sqq. 528. *Vertere prædas* exquisite
 pro avertere, abigere : ut est lib.
 VIII, 208. X, 78. 529. *Ea vis*, au-
 dacia, ut alia. eadem mox *superbia*,
 insolentia.

530. Ex Enniano : *Est locus, He-
 speriam quam mortales perhibebant*, ex-
 pressum esse, jam Servio notatum et
 Macrobio VI, 1, elegantiore ntique
 oratione. Ceterum ad hos vs. 530
 —533 cf. Excurs. *Est locus* h. l.
 pro regione. Non hic locum habet
 grammatica subtilitas. Quod autem
Hesperiam pro Italia dicit, majore
 rem habet antiquitatis auctoritatem.
 Quod Græcum nomen inter Tyrios
 memoret, super hoc argutari in poe-
 ta epico nefas. cf. sup. ad v. 321.
 531. Nobilissimus inter veteres ver-
 sus. *Terra antiqua*, a prima inde
 hominum memoria habitata, adeoque
 non ignobilis et obscura ; *potens ar-*

Pœniteat. Sunt et Siculis regionibus urbes,
 Arvaque, Trojanoque a sanguine clarus Acestes. 550
 Quassatam ventis liceat subducere classem,
 Et silvis aptare trabes, et stringere remos.
 Si datur Italiam, sociis et rege recepto,
 Tendere, ut Italiam læti Latiumque petamus.
 Sin absumta salus, et te, pater optume Teucrûm, 555
 Pontus habet Libyæ, nec spes jam restat Iuli:
 At freta Sicania saltem, sedesque paratas,

etiam Grammaticos, (v. Heins.) conspirare; est enim manifesto falsa: nec te c. vel neque te. Sensus quidem qualicumque extorqueri inde potest; sed occurrit unicuique in oculis, legendum esse: Non metus, officio ne te c. p. P. οὐ φόβος, μή. Non metuendum est, ne te pœniteat aliquando beneficiis nos priorem demeruisse. Et exstat hæc lectio in Hamb. a. m. sec. Habentedd. ut, Cerdæ. Canningh. In fragm. Vatic. totus locus desideratur. Nec metus Medic. Pierii cum aliquot aliis. 550 *Arvaque*. Vulgo legebatur *Armaque*. Etiam hanc lectionem pravam esse arbitrati mutavimus, etsi a Servio, Cod. Romano aliisque præstantioribus libris agnoscatur. *Arma* quidem aiunt memorari ad timorem Pœnis incutiendum. At alienum hoc a toto orationis consilio rerumque facie, potiusque ad animos exasperandos idoneum. Medic. cum Colot. Ursini legit *arva*; et hoc verum. Nam eo spectat oratio, ut metum intercipiat, ne in his terris considerare velle videantur. Sunt in Sicilia urbes, et agri, et popularis noster Acestes. Et explicatur hoc idem v. 557. *At freta Sicania saltem sedesque paratas—regemque petamus Acesten.* adde respon- sionem Didus v. 572 et inf. IV, 511. Porro *Trojano a. s.* Moret. qu. 551 *vento* Hamb. pr. 552 *optare* Montalb. quod ornat Heins. *tangere* Hamb. sec. 553 *Au- soniam* sec. Moret. 554 *at I.* Heins. conj. at sequitur hoc v. 557 et vide not. 555 *abruptus* solus Hugen. *nec jam spes* tres Burm. 556 *Libyes* Oudart. 557 *Ad qua-* tuor ap. Burm. *Sicania*, priore longa, altera brevi, ut III, 692. VIII, 416. at aliis locis prima brevis et altera producta: *pōrtus venere Sicanos* VIII, 328. V, 24. 293. VII, 795. XI, 317. Ecl. X, 4. Occurrit similis varietas in græcis: Callim. Di. 57. Ἀπὸ δὲ Τροῦς κῆρ, Σικάνων ἔδος—at Lycophr. 1029 ἑμπεδὺν Παχίου Σικανὸς περιστάσσεται.

quando, beneficiis nos provocasse.
 549. Sunt duo quæ per hunc et sequ.
 versum præstruit. Ostendit, Troja-
 nos in his terris sedes haud petere
 nec ut petant necesse habere; sed
 aut superstitæ Ænea in Italiam tra-
 jecturos, aut eo interemto in Siciliam
 habitatum redituros esse. 550. De
Acesta cf. sup. ad 195. Ejusdem urbs
Ægesta intelligenda.

551. 552. *Liceat naves reficere!*
subducere classem: ἑρπεῖν ἡπειρόν δὲ
 Homero. vulgo κατέλειν, κατὰγειν.
 552. In *silvis trabes aptare* navibus,
 et *stringere* ferro, amputare, dolare,
 adeoque, id quod antecedit, omnino

incidere arbores, quæ *pro remis* sint,
 h. e. naves reficere. Mox rex pro-
 duce, ut sæpe. 554. *Ut Italiam pe-*
tamus: docte omisso, ex Græcorum
 more, verbo, a quo ut cum subjunctivo
 pendeat: curabimus, efficiemus, ut.
 Nam si continuares: *aptare trabes et*
stringere remos, eo consilio, ut I. p.,
prosaicum id foret: similiter v. 557.
 558. sed sine ut: quod communius est.

555. 556. *Sin absumta salus, adeo-*
que nulla est salus, nulla salutis spes;
sin periimus, siquidem is periit, in
quo res nostræ positæ sunt, una cum
Iulo; spes Iuli bene pro Iulo. 557.
 Siciliam iterum petere liceat.

Permittit patria? hospitio prohibemur arenæ! 540
 Bella cient, primaque vetant consistere terra.
 Si genus humanum et mortalia temnitis arma:
 At sperate deos memores fandi atque nefandi.
 Rex erat Æneas nobis, quo justior alter,
 Nec pietate fuit nec bello major et armis. 545
 Quem si fata virum servant, si vescitur aura
 Ætheria, neque adhuc crudelibus occubat umbris:
 Non metus, officio ne te certasse priorem

540 patriam pr. Moret. a m. sec. hoc spatio Menag. pr. miro casu. 541 considerare Oudart. sollemni varietate. 542 et deest in nonnullis, etiam Pierianis. 543 deas Voss. fandique nefandi quinque ap. Heins. 545 Non pietate Dorvill. bello nec sec. Moret. Argutatur h. l. Barm. qui cum Servio discrimen facit inter bellum et arma; sane eandem rem declarant sed tropis diversis. 546 et vescitur pr. Hamb. 547 neque adhuc constanter codd. Heins. et multi Pier. alii nec, occupat tres Barm. crudelibus o. undis emendabat Jo. Schrader. Atqui umbræ sunt pro Orco, Morte. 548 Vulgata erat lectio: officio nec te: in quam mirum est optimum quemque codicem, atque

et similibus poeta vix multum proficere potuit: nec nos ex talium comparatione. Antiquitati tamen debetur hoc, ne ejus auctoritatem in his negligamus.—*quæ tam barbara patria*, terra, *permittit*, græco more pro: quæ terra tam barbara est hæc, ut permittat. 540. *Hospitio prohibemur arenæ*, ornate, pro, a litore, ab escensu in litus; mox *primam terram* dixit.

542. Agnosce poetici sermonis indolem; pro abstracto: si *humanitatem*, humanitatis jura et officia, et vindictam injuriæ, quam humana ira exigere a vobis potest, (hæc enim sunt *mortalia arma*) pro nihilo ducitis: saltem illud reputate, deos esse justis injustique inspectores injuriæ: quæ adeo ultores; *θεῶν δ' ὑποδείσαστε μῆνιν* Odys. B, 66. In *sperate* inest notio τοῦ metuere, quod frequens est Græcis Latinisque poetis.

554. Æconomia carminis in hoc occurssu Æneæ et sociorum, et in horum laudibus Æneæ, quem igno-

rabant eas audire, est præclara. *Justior pietate*, ut vulgo jungi video, mihi quidem durissimum videtur. Præstat jungere et interpungere: Quo *justior alter*, *Nec p. h. e.* Quo nec alter justior, nec major fuit pietate, bello et armis. Ἀμφοτέρων, βασιλεὺς τ' ἀγαθὸς κρατερός τ' αἰχμητής, de Agamemnone Iliad. Γ, 179.

546, 547. *Vesci aura* antiquum est, et ex Lucretio notum, pro *frui*. *occubat umbris*, exquisite secundum illam formam, *occumbere morti* lib. II, 62. A tautologia hos duos versus liberatum it Cerda. Sed ratio in hoc querenda, quod ea maxime notio disertius et significantius exponitur, quæ rei summam continet, et cui adeo animus maxime immoratur seu deliberatione, seu animi affectu. cf. v. 555 et 556. Ante oculos habuit poeta illa: Εἶπον ἐτι ζῶει, καὶ ὄρᾳ φῶς ἡελίοιο. εἰ δ' ἦεν τέθνηκε, καὶ εἰν αἰῶας ὁμοιοῖσιν etc. Odys. Υ, 207. E, 44 et al. 548. *Non metus, ne*: non metuendum est, ne te poeniteat ali-

Pœniteat. Sunt et Siculis regionibus urbes,
 Arvaque, Trojanoque a sanguine clarus Acestes. 550
 Quassatam ventis liceat subducere classem,
 Et silvis aptare trabes, et stringere remos.
 Si datur Italiam, sociis et rege recepto,
 Tendere, ut Italiam læti Latiumque petamus.
 Sin absumta salus, et te, pater optume Teucrûm, 555
 Pontus habet Libyæ, nec spes jam restat Iuli:
 At freta Sicania saltem, sedesque paratas,

etiam Grammaticos, (v. Heins.) conspirare; est enim manifesto falsa: nec te c. vel neque te. Sensus quidem qualiscumque extorqueri inde potest; sed occurrit unicuique in oculos, legendum esse: Non metus, officio ne te c. p. P. ἐν φόβῳ, μή. Non metendum est, ne te pœniteat aliquando beneficiis nos priorem demeruisse. Et exstat hæc lectio in Hamb. a. m. sec. Habentedd. ut, Cerdæ. Cuningh. In fragm. Vatic. totus locus desideratur. Nec metus Medic. Pierii cum aliquot aliis. 550 Arvaque. Vulgo legebatur Armaque. Etiam hanc lectionem pravam esse arbitrati mutavimus, etsi a Servio, Cod. Romano aliisque præstantioribus libris agnoscatur. Arma quidem aiunt memorari ad timorem Pœnis incutiendum. At alienum hoc a toto orationis consilio rerumque facie, potiusque ad animos exasperandos idoneum. Medic. cum Colot. Ursini legit arva; et hoc verum. Nam eo spectat oratio, ut metum intercipiat, ne in his terris considerare velle videantur. Sunt in Sicilia urbes, et agri, et popularis noster Acestes. Et explicatur hoc idem v. 557. At freta Sicania saltem sedesque paratas—regemque petamus Acesten. adde responsionem Didus v. 572 et inf. IV, 311. Porro Trojano a. s. Moret. qa. 551 vento Hamb. pr. 552 optare Montalb. quod ornat Heins. tangere Hamb. sec. 553 Ausoniam sec. Moret. 554 at I. Heins. conj. at sequitur hoc v. 557 et vide not. 555 abrupta solus Hagen. nec jam spes tres Barm. 556 Libyes Oudart. 557 Ad quatuor ap. Barm. Sicania, priore longa, altera brevi, ut III, 692. VIII, 416. at aliis locis prima brevis et altera producta: portus venere Sicanos VIII, 328. V, 24. 293. VII, 795. XI, 317. Ecl. X, 4. Occurrit similis varietas in græcis: Callim. Di. 57. Ἀἰὲς δὲ Τροάκριν, Σικάνων ἕδος—at Lycophr. 1029 ἑμπλήν Παχίνου Σικανὸς πρὸς μᾶσσεται.

quando, beneficiis nos provocasse.
 549. Sunt duo quæ per hunc et sequens præstruit. Ostendit, Trojanos in his terris sedes haud petere nec ut petant necesse habere; sed aut superstitæ Ænea in Italiam tracturos, aut eo interemto in Siciliam habitatum redituros esse. 550. De Acesta cf. sup. ad 195. Ejusdem urbs Ægesta intelligenda.

551. 552. Liceat naves reficere! subducere classem: ἐρνεῖν ἡπειρόν δὲ Homero. vulgo κατέλκειν, κατὰγειν. 552. In silvis trabes aptare navibus, et stringere ferro, amputare, dolare, adeoque, id quod antecedit, omnino

incidere arbores, quæ pro remis sint, h. e. naves reficere. Mox rex producere, ut sæpe. 554. Ut Italiam petamus: docte omisso, ex Græcorum more, verbo, a quo ut cum subjunctivo pendeat: curabimus, efficiemus, ut. Nam si continuares: aptare trabes et stringere remos, eo consilio, ut I. p., prosaicum id foret: similiter v. 557. 558. sed sine ut: quod communius est.

555. 556. Sin absumta salus, adeoque nulla est salus, nulla salutis spes; sin periimus, siquidem is periit, in quo res nostræ positæ sunt, una cum Iulo; spes Iuli bene pro Iulo. 557. Siciliam iterum petere liceat.

Unde huc advecti, regemque petamus Acesten.

Talibus Ilioneus. Cuncti simul ore fremebant

Dardanidæ.

560

Tum breviter Dido, vultum demissa, profatur :

Solvite corde metum, Teucri; secludite curas.

Res dura, et regni novitas me talia cogunt.

Moliri, et late fines custode tueri.

Quis genus Æneadum, quis Trojæ nesciat urbem, 565

Virtutesque virosque, aut tanti incendia belli?

Non obtusa adeo gestamus pectora Pœni;

Nec tam aversus equos Tyria Sol jungit ab urbe.

558 hunc Rom. *petemus* sec. Hamb. *Acestem* multi. 559 *cunctis* Medic. a pr. m. e sequente litera. 561 *vultu* alter Mentel. *dimissa* tres Burm. 562 *Solvite corda metu* Parrhas. forte cum aliis v. Burm. quod vulgaris esset. *corde metu* un. Moret. *pellite corde metum* Bigot. Sed *solvite metum* exquisite; ut sup. 463 s. c. *metus* plurali numero, antiqui plerique codd. teste Pierio; et hoc doctius. *seducite curas* Bigot. 563 Malit Burmannus cum edd. quibusdam antiquis distinguere et legere: *Rex dura: at regni*, h. e. duram quidem est, fateor; sed—Enimvero, ferri quidem potest, fateor; sed doctior est vulgata lectio. v. not. *res dura* Goth. sec. 564 *finis* ex Medic. *lato* ed. Ven. *forti* c. Bigot. *teneri* sec. Hamb. et a pr. m. alter Rottend. 565 *Trojæ* Græv. *nescit et urbem* ed. Venet. 566 *tanta* in vulgg. edd. ante Heins. ac tanti duo Burm. et t. ed. Dan. et aliæ jam ante Pierium. 567 *obtusa* scribit Rom. Medic. cum aliis Heins. *obscura* Zolich. 568 *adversus* multi, ut semper. Bene Burm. Gro-nov. laudat ad Senecam Medeam 10. *subjungit ab u.* sec. Hamb. *sol mergit* Menag. pr. vergit Ven. Heinsii sed v. Burm.

559. *Fremitus* h. l. ac murmur assensum commotis hominum animis indicat. Simplicius Homericum: Ἐκ δ' ἄλλοι μὲν πάντες ἐπεφύμησαν Ἀχαιοί.

561. *Vultu demisso* et breviter satur Dido. Adde hæc ad 496 sqq. et observa, qua arte poeta descriptionem faciat; et vide quid adhuc desit, ut Didonem unice studio tuo dignam habeas. Jam in ipsa oratione pudor cum dignitate, prudentia cum summa humanitate maxime elucescunt.

562. 563. *Secludite curas*: exquisitius quam excludere, ejicere, deponere, sollicitudinem ac metum. cf. Serv. *Res dura*, quod vulgo: res duræ, dura rerum conditio, quæ cogit aliquid vel invitos facere (*moliri*).

Mox *custos* pro viris in custodia finium et præsidio locatis.

566. Possis sane per *virtutes viro-rum* exponere. Sed proprie tamen utrumque vim habet suam; nec amplectar facile jejunam figuram hendiadycin. *virtutes*, res præclaræ, fortiter gestæ, ut ἀρεαὶ v. c. apud Pindarum. 567. 568. Non adeo *obtusa pectora*, h. e. stupida ingenia, habemus, non tam barbari sumus, ut Trojanorum res præclare gestas et fata ignoremus. *Nec tam aversus equos Tyria sol jungit ab urbe*, h. e. nec tam remotas a sole, a solis cursu et orbita, terras incolimus. id quod tandem ad eandem sententiam redit, quatenus *frigus* ad animi stuporem adeoque ad ferita-

Seu vos Hesperiam magnam Saturniaque arva,
 Sive Erycis fines regemque optatis Acesten : 570
 Auxilio tutos dimittam, opibusque iuvabo.
 Vultis et his mecum pariter considerare regnis ?
 Urbem quam statuo, vestra est ; subducite naves ;
 Tros Tyriusque mihi nullo discrimine agetur.
 Atque utinam rex ipse, Noto compulsus eodem, 575

570 *Finem* ed. Ven. *regnumque petatis* Menag. et Hamb. pr. et quart. Moret. Porro v. 571 et 573 a Goth. tert. aberant. 572 et hic Sprot. et Bigot. pariter mecum Ven. sin vultis mecum Wall. quod prosaico esset propius. consistere aliquot Pierii et Burmanni tres cum Parrhas. cf. inf. 629. Burmannus conj. *confidere*, parum feliciter, et quid tum pariter mecum ? c. terris Romanus ; quod poeticam dignitatem minus spirat. 573 Piget ineptiarum super hoc versu. *Quam urbem statuo, ea vestra est ;* Græcorum loquendi more. subd. remos Paget. 574 *Tyriosque* Medic. a m. pr. agentur Sprot. habetur apud Nonium Marcellum, ex interpretatione. Gayetus legebat : *habetur*. Sed *agetur* est eruditius ; in pedestri oratione : nullo discrimine habebitur, vel nullum eorum discrimen habebitur. 575 c. ibidem Paget.

tem et immanitatem transfertur, et remotiores a solis orbita terræ pati id creduntur. Alienum plane est, quod Servius et Pomponius Atrei et Thyestæ fabulam huc advocant : aliter hic *sol aversus* ob horrorem et aversionem sceleris ; ut et alii poetæ de nefando facinore. Sic cæsis maritis Lemniis Stat. V, 297 *Aversum Lemno jubar et declinia Titan Opposita juga nube refert*. Sapientius hoc, quam in alio versu, ubi Virgilianum locum imitatus est Theb. I, 683 sq. *Scimus, ait, nec sic aversum fama Mycenis Volvit iter. Regnum et furias oculosque pudentes* (pudore eratos) *Novit*. Extremæ terræ partes ita omnino designantur, ut *extra solis vias* esse dicantur, quatenus vel intra duo Tropicos vel intra temperatiores zonas non comprehenduntur. Quo igitur magis terræ versus septentrionem vel versus austrum recedunt, eo magis *aversus* h. e. simpliciter remotus (nam arguantur in hac voce) ab iis *Sol jungit equos* h. e. oritur iterque suum diurnum conficit. adeoque pro, non tam *aversus* est ; non remotus

est. (Male Cerda aliter). Ita non modo, qui versus septentrionem, arctois plagis habitant, *aversi* a sole dicti : verum etiam *aversi*, qui a septentrione remoti australibus plagis habitant ; pro sententiarum ratione. Val. Fl. I, 518. ubi Sol loquitur de Colchis : *Quid regio immanis, quid barbarus amnibus ullis Phasis et aversis proles mea gentibus obstat ?* Jam in Virgilio hæc non esse subtiliter exigenda apparet, si Africam cogites ; sed hoc unum tenendum, Pœnos non esse barbaros, non adeo esse remotos a clementiore cœli terræque plaga, respectu Trojanorum.

569. *Hesperiam magnam* simpl. potentem. Aliter *Græcia magna* dicitur. *Eryx* Siciliae, vid. V, 759. *optatis* h. l. præferitis. 571. *Auxilio tutos*, quod in prosa : rebus necessariis instructos, munitos. Pedestris esset oratio, si acciperes : *dimittam tutos cum auxilio*. Mox *statuo* exquisito pro condo : ut *ἵσθω*. ut pono. 572 sq. Comparare licet Apollon. Arg. I, 827 sq.

575. *Compulsus*, non, coactus ; hoc

Afforet Æneas! equidem per litora certos
Dimittam, et Libyæ lustrare extrema jubebo;
Si quibus ejectus silvis aut urbibus errat.

His animum arrecti dictis, et fortis Achates
Et pater Æneas, jamdudum erumpere nubem 580
Ardebant. Prior Ænean compellat Achates:
Nate dea, quæ nunc animo sententia surgit?
Omnia tuta vides; classem, sociosque receptos.
Unus abest, medio in fluctu quem vidimus ipsi
Submersum; dictis respondent cetera matris. 585
Vix ea fatus erat, quum circumfusa repente
Scindit se nubes, et in æthera purgat apertum.
Restitit Æneas, claraque in luce refulsit,

577 *Emittam* Sprot. *videbo* Ven. 578 *aut montibus* Montalb., qu. Moret. et Zulich. et probat Barmannus: quum rara admodum in Africa essent urbes, certe sub ditione Didonis hoc tempore, neque proprie in illis errare dici quis posset, sed per urbes oberrare; in montibus vero passim greges errare etiam dicantur, ego montibus præferrem. Enimvero non de Didonis ditione hic agitur; nec urbes magnas civitates necessario designant; arces sunt omnino habitationes, vici; et urbibus errare docte dictum, pro, per urbes; et si greges errant in montibus, an et propterea naufragi? Immo vero montibus damnandum propter hoc ipsum, quod silvæ et montes fere jungi solent adeoque librarii lapsum facile prædunt. Heins. conj. *rupibus*; litorum scil. respectu. Sed quidni tempestatibus in agnatas terras delati vicinos vicos petant? et *Gætulæ urbes* IV, 40. erret Exc. Barm. 579 *animi* Parrhas. Ven. a m. pr. minus docte, *animum erecti* Zulich. et ed. Ven. quæ est interpretatio exquisitoris voc. *arrecti*. dictis *arrecti* qu. Moret. *animum* pro *animos* dixit. v. Barm. 580 *erumpere nube* pr. Moret. et duo Rottend. a m. sec., quod sci- licet vulgare est, *nubem* doctius. cf. Barm. *abrumpere* codd. Picriani aliquot, Rom. a m. sec. Montalb. et al. insolite. 582 *animum s. vertit* Bigot. *animos s. vertit* ed. Ven. 583 *reductos* Menag. pr. Ven. et Parrhas. conf. v. 390. 584 *medio fluctu* Puget, *medio quæ fluctu* Montalb. sine in, ut toties alibi. 586 *ita f.* alter Rottend. *circum cum sua* emendabat Cunl. quæ *circumfusa*; r. notabilis lectio fragm. Vatic. a Bottario edita. 587 *in æra* Montalb. et Dorvill. sed pro vulgata Nonius Marcellus. 588 *adstitit* Urstiel, *constitit* Parrhas. utrumque vulgare, etsi eodem sensu.

tenue esset; sed, huc depulsus, delata. Notus h. l. non proprie. Mox certos exquisite, quibus fides haberi possit, non respectu perfidiæ Pœnis exprobari solitæ; sed certi dicti pro illis, qui certa nuntiant: similiter aliquis fides assumisse dicitur. Dimittam, in diversas partes mittam.

582. *Animo sententia surgit*, ad eam formam, qua stare, sedere, insidere

dicitur. 584. *Unus, Orontes.* v. 113 sqq. 585. Sup. 390 sqq.

586. Οὐπω πᾶν εἴρητο ἔπος, ὅτε Odyss. II. 11. 587. 8. *Purgat se*, solvit, extenuatur nebula: καὶ τότε δὴ ᾧ αὐτοῖς πάλιν χύτο (non λύτο: nam πάλιν Homero est pro ἀνὰ, re- fundi, resolvi) θεόφατος ἄηρ Odyss. H, 143. *atherem apertum*, ut aer purus redderetur, et clara lux, remota

Os humerosque deo similis : namque ipsa decoram
 Cæsariem nato genetrix, lumenque juventæ 590
 Purpureum, et lætos oculis afflarat honores :

589 *similes Sprot. os humeros similisque deo Franc.* 590 *genetrix nato pr. Rottend.*
 591 *latusque Montalb. latus duo Barm. latus Goth. tert. Sed tæuentur vulgatum grammatici. v. Barm.*

nebula. 589. Nunc puta Æneam adstitisse multo pulcriorem aspectu quam unquam alias: Quod poeta per miraculum et Veneris interventum auxit. Declaratur Æneæ pulcritudo et dignitas per partes; sunt species corporis, juvenus et gratus oculorum vigor. *refulsit* pro vulgari: apparuit, nihil amplius. 589. *Humeros* int. latos ac torosos, herois vel dei, v. c. Mercurii vel Martis, qui corporis robur viriumque efficaciam declarant; quod apparet in statuis veterum, et observatum est post Junium a Winckelmanno, idemque tradunt ipsi picturæ linearis magistri. Locus insignis est Valerii Fl. II, 491, ubi Hesione Herculi: me eripe—*namque potes: neque enim tam lata videbam Pectora, Neptunus muros cum junderet astris; nec tales humeros pharetramque gerebat Apollo.* Ceterum notatum jam aliis, locum effictum ad Homericam formam Odyss. Z, 229—235, et (nisi huc iidem tralati) Ψ, 156—162, ubi Ulyssi Minerva simile decus divinum impertit. Conferenda sunt a studioso talium rerum singula; sed nec Scaliger, neque alii temere audiendi, qui de hoc vel illo præferendo pronuntiant. Ita *os humerosque deo similis* tantum ornatius exprimunt formam augustam et divinam, quam Homerus simplicius: *θηκε — Μειζονά τ' εἰσίδειν καὶ πάσσονα*, cf. Odyss. II, 174 sq.

590. *Ipsa decoram cæsariem nato genetrix—afflarat*, non quasi comas

ejus breviores in promissiores mutarit: sed, si juvenili specie adstare dicendus erat Æneas, efficiendum quoque erat a dea, ut coma similis esset comæ promissæ Apollinis vel Bacchi, qui in vulgus notabiles cæsarie sua. Similis locus de Jasone Apollon. III, 919 sq. At Homerus Ulyssi a Pallade *crispos crines* affingi facit? *καὶ δὲ κάρητος Οὔλας ἦκε κόμας, ὑάκινθον ἀνθει ὁμοίας*, scilicet Mercurio cum assimilare volebat; uti et aliis in locis corpus athleticum Ulyssi tribuit.—*lumen juventæ purpureum* ornatè pro *juventa* eximia et pulcra, *lumen* est nitor; nitor autem *juventæ* proprie tribuitur. *purpureus* aut pro pulcer, omnino, aut pro splendidus, nitens: quandoquidem non modo color, sed nitor, commendabat purpuram. v. ad Horat. IV Carm. I, 10, qui idem III, 3, 11, 12 ad divinam formam retulit, quos inter Augustus recumbens purpureo bibit ore nectar. Juventam autem cum cæsarie junxit etiam Tibull. I, 4, 87 *Solis æterna est Phæbo Bacchoque juvenas, Nam decet intonsus crius utrumque deum*: h. habent enim juventutis insigne certum, comam promissam.

591. *Latos oculis afflarat honores*: inerat oculis desiderabilis aliqua venustas, gratia, *χάρις καὶ ἔμπερος*. Primum *latos honores* dixit pro honore; *honor* autem pro pulcritudine; res nota. *latos* non tam ad hilaritatem, quæ adpersa fere est oculis nitidis et pulcris (*ὄμματα φαεινὰ*),

Quale manus addunt ebori decus, aut ubi flavo
 Argentum Pariusve lapis circumdatur auro.
 Tum sic reginam alloquitur, cunctisque repente
 Improvisus ait: Coram, quem quæritis, adsum 595
 Troïus Æneas, Libycis ereptus ab undis.
 O sola infandos Trojæ miserata labores,
 Quæ nos, reliquias Danaûm, terræque marisque

593 *Argento* pr. Moret. *Pariusque* Wall. *circumdatus* codd. ap. Servium ad Æn. III, 126. 594 *Tunc* Goth. pr. cum alijs. 595 *I, adest* pr. Hamb. 596 *abreptus* rec. Hamb. 598 *Idem* fere versus sup. 30.

quam potius ad oculorum fulgorem, qualis in lucido juventæ et pulcritudinis flore esse solet, referes; nam *lata* poetis proprie lux, nitor. Sic *tempora lata*, fulgida, lib. VIII, 681. *afflaret*, quod Homerus dixit, *assu-derat*, κατέχευε χάριν κεφαλῇ τε καὶ ὤμοις, et—κακκεφαλῆς χεῖεν πολὺ κάλλος Ἀθήνη. *afflare*, ab initio proprie dictum videtur de oris anhelitu, quo quis aut crederetur, aut tanquam symbolico actu, videretur inspirare alteri vim aliquam aut snam aut præternaturalem. Ita Apollo afflasse narratur ore nonnullos, quibus divi-nam vim impertiret. De nutrice vel matre nutricium halitu suo fo-vente dictum est in Hymno in Cer. 238 et in locis ibi laudatis. Inde omnium *afflare* contingere est, proprie quidem leviter, quia contactus hoc genus est, parum sub sensum cadens; itaque et vates et poetæ *afflari* dicuntur, quippe *contacti*, *percussi*. Ita et *fulmen afflare* dicitur, ut lib. II, 649. Alio sensu *afflare* et *adspirare* a navigatione et vento secundo ductum est. Etiam aliud est, si de exhalationibus corporis, ambrosiæ, *spirare* et *afflare* dictum occurrit.

592. 593. Versus olim sic accipiebant, ut *decus*, h. e. pulcritudo, juvenis nitor et oculorum insolitus

splendor, Æneæ esset affusus, quale decus (pulcritudo) illud est, quod manus (artifex) addunt ebori vel argento vel marmori Pario, quando auro circumdatur, includitur. Ita cum Jensio de stilo Homer. p. 296 poetæ judicium desiderabam. *Juventæ lumen purpureum* et *lati honores* multo plus splendoris habere videbantur, quam ea, quibuscum comparantur v. 592. 593. Enimvero vidi posthæc comparisonem ita male vulgo institui; eoque avocare pravam interpunctionem, cum plene post *honores* distinguitur; esse potius comparisonem retrahendam ad Æneam *nube circumfusum*, quod *clara in luce refulsit*, ut opus vel ornamentum eburneum, argenteum vel marmoreum auro inclusum, aurea ora ambiente, qua ex auri splendore ipsum opus, quod inclusum est, auctum nitorem mutuatur. cf. Æn. X, 135 sqq. et adi Excurs. ad h. v., qui est XXII. Verba autem sic interpretanda: *restitit et refulsit* tali cum decore, *quale manus* (artificis) *addunt ebori decus*, h. e. quale est decus operis eburni aut argenti marmorisve candidi auro circumdati.

595 sq. Præclara et affectus plena oratio. 598. *reliquias Danaum*, a Danaïs relictos; passive, ut aiunt;

Omnibus exhaustos jam casibus, omnium egenos,
 Urbe, domo, socias! grates persolvere dignas 600
 Non opis est nostræ, Dido, nec quidquid ubique est
 Gentis Dardaniæ, magnum quæ sparsa per orbem.
 Dî tibi, si qua pios respectant numina, si quid
 Usquam justitia est et mens sibi conscia recti,
 Præmia digna ferant. Quæ te tam læta tulerunt 605
 Sæcula? qui tanti talem genuere parentes?
 In freta dum fluvii current, dum montibus umbræ
 Lustrabunt convexa, polus dum sidera pascet:

599 *exhaustos* Zulich. a m. pr. *jam copiis omniumque Parrhas. sed in marg. exhaustis jam casibus: quod deterius foret.* 601 Nil opis Zulich. nostri Menag. pr. est omitunt tres Heins. o *Dido* Goth. sec. 602 *Dardanidæ* tres ap. Burm. *quæ magnum* pr. Moret. et Bigot. *aspersa* sec. Rottend. Sed hemistichium hoc abesse forte malis? Augēt tamen sententiæ vim. Considerant autem Trojani exules partim in vicinis Troadis oris, partim in Thracia, Creta, Epiro, Sicilia, Venetorum oris. 603 *respectent* ed. Junt. 604 *si quid Usquam justitia est.* Ita rescripsi, etiam Brunckio V. C. adstipulante. Ut vulgo legitur, etiam in fragm. Vatic., *si quid usquam justitiæ est, impedita sit ratio ejus, quod sequitur: et mens sibi conscia recti; quod adeo jungendam cum sup. Dii et mens s. c. r. Præmia digna ferant.* Et hactenus secundum Stoicos poetam locutam dicere potuit Servius. Legenti tamen facile cuique occurrere potest: *si quid usquam Justitia est et mens sibi conscia recti, h. e. in ullo pretio est.* Quo altera interpretatio Serviana spectat: *si valet apud homines justitia.* Et lectionem hanc præferunt Gadianus, qui inter præstantissimos est, cum ed. Dan. Heins.; sicque conj. H. Stephanus, qui tamen rationem emendationis non perspexit. Habet scilicet majorem *divóttera* oratio, si sic procedat: *si pietatis, h. e. recti justique ex metu deorum, respectus est apud deos; si justitia rectique conscientia non inane nomen sunt habendæ; dii tuam humanitatem remunerabuntur. recti est Puget.* 605 *ferent vir doctus* (Jo. Jortin) in Obs. Misc. I, p. 7, ut IX, 254 *dii moresque dabunt vestri.* Stat. Theb. VII, 379 *Nec laudare satis dignasque rependere grates Sufficiam; referent Superi* etc. Sed nec *ferant* damnandum, quod omnes libri habent, etiam Vatic. fragm. *quæ te jam* Goth. pr. *tulere* duo Burm. ut emendabat Cuninghamus. 606 *talem tanti Parrhas.* 608 *Convexa* veteres librarii (præter

stragi Trojanorum cædique ab Achivis perpetratæ superstites. *exhaustos*, attritos, consumptos, vexatos. cf. Burm. *socias*, de conatu, recipere vis.

603. *Si quid usquam justitia est:* si non inane nomen est: sed res, virtus, laude ac præmio digna. cf. V. L. Ante oculos fuit Ulyssis ad Nausicaam oratio pulcrarum sententiarum plena, ubi Odys. Z, 180. *Σοὶ δὲ θεοὶ τόσα δοῖεν, ὅσα φρεσὶ σῇσι μενοινᾷς* etc.

605. Felix hominum ætas, in qua

te tam generosam feminam nasci contigit! *læta* sunt fausta, felicia s. Compar. l. c. Odys. Z, 154—157. De forma laudandi hac v. Ovid. IV Met. 322 sq. et ibi Burm.

607—610. Quod Tibullus I, 4. 65 *nude: dum robora tellus—vehet*, hoc ornatiùs extulit Virgilius: donec in montibus umbræ silvarum *convexa* montium, h. e. latera et ambitus, obscurabunt, et ornatiùs, *lustrabunt*, umbra pro flexu solis procedente et circumagente se. 608. *polus dum si-*

Semper honos, nomenque tuum, laudesque manebunt;
 Quæ me cumque vocant terræ. Sic fatus, amicum 610
 Ilionea petit dextra, lævaque Serestum;
 Post alios, fortemque Gyan, fortemque Cloanthum.

Obstupuit primo adspectu Sidonia Dido;
 Casu deinde viri tanto; et sic ore locuta est.
 Quis te, nate dea, per tanta pericula casus 615
 Insequitur? quæ vis immanibus applicat oris?

fragm. Vatie. Pierique oblongum, in quibus recte post *conveza* interpunctio posita) et scolasticæ sere cum sidera coniungunt; malo utique. nam cœlum est convexum, non astra. Hoc tamen posito Heius. coniciebat: dum montibus umbra *Lustra* dabunt. ingeniose; nisi *conveza* obesset, et *Lustrabant* multo etiam magis esset ingeniosum. Pro *lustrabant*, *instabant* Bigot. et pr. Hamburg. pro var. lect.: unde Burm. conj. *constabant*, parum feliciter. Etiam Marklando ad Stat. Silv. p. 102 locus visus est corruptus; nam interpungebat et ipse post *lustrabant*. at v. infra notam. *polis dum s.* nonnullæ edd., male. *polum dum s. pascent* Hamb. alter. *palus* misere emend. Brodæus II Misc. 17. *pasceat* Medic. o. al. ap. Heius. quod mireris. *poscet* fragm. Vatie. 610 *quo* iuxta Hamburg. et Parrhas. vocent alter Rottend. a m. sec. et Goth. sec. 611 *Sergestum*, *Serestum*, *Segestum* al. hio et alibi. v. Burm. et Pier. *Sergestum* et *Serestum* unum eundemque esse, statuere video V. C. Branck. I, 343, quod vix feram ne in malo quidem posita; et quid faciamus versui XII, 561. *Mnesthea Sergestumque vocat fortemque Serestum?* Etiam mox *Gigam*, *Giam*. 613 primum malebat Heius., sed primo eodem sensu capi par est. 614 *Casum deinde viro* Hamb. sec. 616 *quæ vis immanibus applicat oris* emendat Marklandus ad Stat. Silv. III, 3, 17, hoc sensu: *quæ vis major admoveat te tam immanibus ausis, tam ingentibus captis?* ingeniose quidem Markland. ut semper. Eiusvero quod ad litus Libycum tempestate erat delatus, casui debebatur; nihil magni comatus et ausi in hoc. Frigido et contra decorum Didonem sua regna *immanes oras* vocare ait. At Libyæ vicinas gentes intelligit. cf. 339. IV, 40 sq., ut bene Burm. ad h. l. monuit. implicat Bigot.

dera pasceat, pro tenui: habebit, *polus* *pasceat sidera* dici potest, pro sidera *pascei* in polo, quatenus stellæ errare et vagari per cœlum videntur. Et Callimachum expressum esse a nostro, jam ab Anna Fabri aliisque et ante omnes a Germano Valente ad h. l. est notatum, in Del. 176—*Τίμπερις, ἡνίκά πλείστα κατ' ἑέρα βροχέοντο*. Cum tamen Lucretianum I, 232 unde *ather sidera pasceat?* et alia loca, imprimis V, 384 sqq., multo magis videri possint poetæ animo incedisse: Servianam interpretationem non plane spernas, ut ad philosophorum opinionem referas, quæ astra marinis terrenisque humoribus attenuatis (*ἀπορροιαίς*) ali pu-

tabantur, vid. Cerda et l. l. a Burmanno; quemadmodum iris imbibere imbres. v. ad Tibull. I, 4, 44. 609. 610. Sunt jungenda: Quocumque abiero, beneficii accepti memor ero. *manebunt*, animo meo; nunquam excident. 610—613. Lætus et gratus benevolentiae et amicitiae affectus in his versibus obs.

613. Respexit h. l. Silius II, 412 sqq. *casus* est fortuna, ut statim v. 615. 616. *Immanibus oris* Libyæ, cujus immanes et feri incolæ, sive etiam horridæ et asperæ incultæque terræ. Pompon. Sab. de intempestuosis litoribus accipit. *applicat*, ita fert, ut navem applicueris; ut v. 377 *appulit*.

Tunc ille Æneas, quem Dardanio Anchisæ
 Alma Venus Phrygiæ genuit Simoëntis ad undam?
 Atque equidem Teucrum memini Sidona venire,
 Finibus expulsum patriis nova regna petentem 620
 Auxilio Beli: Genitor tum Belus opimam
 Vastabat Cyprum, et victor ditione tenebat:
 Tempore jam ex illò casus mihi cognitus urbis
 Trojanæ, nomenque tuum, regesque Pelasgi.
 Ipse hostis Teucros insigni laude ferebat, 625
 Seque ortum antiqua Teucrorum ab stirpe volebat.
 Quare agite, o tectis, juvenes, succedite nostris.
 Me quoque per multos similis fortuna labores
 Jactatam hac demum voluit consistere terra.

617 *An tu ille Ven.* Anchisæ nonnullos legere Pierius monet. *Dardanio A.* ad græca Δαρδανίῳ Ἀχχίον. 618 *genuit Phrygiæ Ven.* Simoëntis Leid. un. in unda Menag. pr. ad undas Schol. Statii, duo Heins., sed recentes, cum Dorvill. tuentur vulgatam Donat. et Priscian. 619 *memini Teucrum* tres ap. Burm. et sic Rom. Hunc v. et 620 recitat Auctor de progenie Augusti c. 6. 621 *cum B.* Menag. pr. et Leid. 622 *ditione premebat* Menag. pr. male, inquit Burm.: an quia hoc de aspero tantum imperio putabat dici? Sane *ditione tenere* et alibi, sup. 236, VII, 737 variatur, at X, 53 *premere* constanter; exquisitius scil. quam *tenere*. 626 *ab Heins.* e Medic. et aliis. Olim a. conf. ad Georg. I, 171. Æn. VIII, 130. *ab vel a* deest plane in fragm. Moret. et Sprot. a *stirpe videbat* sec. Moret. 627 *o juvenes, nostris s. tectis* Zulich. *o juvenes, tectis* quatuor alii: *o nostris, f. s. r. Parrhas.* 628 *post multos* Dorvill. ed. Junt. 629 *hac* deest Medic. *considerare* Gud. tertius Moret. pro div. lect. Hamburg. pr. et Bigot. cf. v. 571. Sed post *jactatam* melius *consistere*.

617. 618. Secundum versus Iliad. B, 820. 821. Sic Nympharum partus ad fluminum ripas collocant plerumque poetæ. Exempla dat Germanus.

619—626. Teucer, a Troja redux a patre Telamone non admissus (cf. Horat. I, 7, 21), cum Cyprum petisset, accessisse ad Belum, Sidonis ac Tyri regem, putandus est, ut, cum ab eo copię in Cypro haberentur, earum auxilio adversus incolas insulæ ipse uteretur, quos in nova sibi sede, Salamine, paranda alienos et infestos experiebatur. v. Exc. XXIII ad h. v. *Opimam Cyprum* dixit, quam in in prosa, *opulentam*, et *laude ferebat*

pro efferre laudibus. 624. *reges Pelasgi*, pro Achivorum ducibus, etiam hoc licentius et seniorum poetarum græcorum exemplo; nam Homero Pelasgi diversus ab Achivis sunt populus. *Teucros*, Trojanos; ab antiquiore illo Teucro, a quo Dardanus fuit exceptus, cum in terram Trojanam e Samothrace trajecisset. v. Apollod. III, 12, 1, et notæ p. 738. 739. Ab his originem ducere videri volebat Teucer Telamonius, propter maternum genus, ut recte Serv. Erat enim ex Hesione Laomedontis filia natus, quam Telamon a sodali Hercule muneris loco acceperat. vid. Sophocl. Aj. 1319 sqq.

Non ignara mali miseris succurrere disco. 630
 Sic memorat: simul Ænean in regia ducit
 Tecta; simul divum templis indicit honorem.
 Nec minus interea sociis ad litora mittit
 Viginti tauros, magnorum horrentia centum
 Terga suum, pingues centum cum matribus agnos, 635
 Munera lætitiæque dii.

631 *sub regia quart.* Moret. 632 *divum* Heins. secundum Gudianum. *diis* Sprot. *honores* Montalb. et pr. Hamburg. 634 *Triginta alter* Hamburg. in Sax. Exc. 635 *centum pingues* Montalb. cum *m. hados* Menag. ex Ecl. I, 23. 636 Gell. IX, 14 in illo versu nihil dubium est, quin dii scripserit pro diei: Munera lætitiæque dii. Quod imperitiores, dei, legunt ab insolentia scilicet vocis istius abhorrentes. Sic autem dies dii a veteribus declinatum est, ut fames fami (igitur veteres fames, fame?), perniciēs pernicii; progenies progenii, luxuries luxurii. Ita et legebat, monente Heinsio, Julius Romanus in libello de Analogia, teste Sospatro. Occurrit eadem lectio in Servianis simul eam altera, *die*, id est, diei. Commemorat etiam Pompon. Sab. cum Gelliano loco (qui conferendus cum editis; habet v. c. extra dabantur, ubi nunc extrudebantur). N. Heins., ut hanc lectionem probaret, a se impetrare non poterat. Mihi tamen unice vera videtur; primum quidem; quod exquisitior illa lectio et eadem antiquissimæ auctoritatis, tum autem, quod lenius decurrit: *mittit tauros, sues, pecudes, munera lætitiæque dii*; quibus diem tam faustam ac festam exhilararent, ut hospitalibus donis fieri mos erat, quam altera: *munera lætitiæque dei*: quocumque tandem modo illam exponas. Munera lætitiæque dei alii jungunt, ut vinum manus et γάμος Διονύσου, χάρμα Βάκχου dictam sit; atque hoc pato leniorem orationem efficere. At alii cum Heinsio munera cum superioribus jungunt: *mittit—munera*, simul cum his, *lætitiæ dei*, h. e. vinum lætificum. Nolim quidem sensu abundare; dare tamen et lyrica potius audacia mihi ita dictum videtur *lætitiæ dei*; ferrem lætitiæ Bacchi. Aliter quoque γάμος Βακχίου, ἀμύτλαν. Aliter etiam infra: *Adsit lætitiæ Bacchus dator*, v. 734. Ex quo Silius Bacchi dona

630. Nobilissimus versus; gravissima sententia; cujus, cum v. 628. 629, vi percepta, si adolescentem non voluptate gestire videas, nã illum a poetæ lectione statim abigas, suadeo. Turbas Harum. post Servium facit. Sensus: ipsa οὐκ ἀπυρόκακος, ipsa tot adversa experta, animum habeo pronam ad succurrendum aliis, qui et ipsi fortuna adversa jactantur. *diem, teneo, novi.* Egregius hinc adumbratus est locus Sophoclis in Œd. Col. 560 Br. (v. 587) *εἰδασκε, δαὴν ἔν γάρ τις ἄν περ.* sqq.

632. *Simul divum templis indicit honorem.* Si de supplicatione diis propter felicem Æneæ hospitis adventum decreta cum Serv. Donato et Pomponio intelligimus, nec aliam rationem iniri posse video, a more

antiqui sæculi recedere dicendus est poeta et deflectere ad suæ ætatis vitam. Nam, ut ex toto Homero satis constat, heroicis temporibus, hospitibus adventu in domo statim acrum sit, cæditur victima et ex ea epulo sacro hospes excipitur. Veterem illum heroum morem Virgilio exemplo deseruit Valer. Fl. II, 650. 651 *Simul hospita pandi Festa jubet, templisque sacros largitur honores.*

634. *Horrentia setis seu pilis, et terga suum pro suibus.* In toto loco ante oculos poeta habuit Odys. Θ, 59 sqq. 636. Mittit Dido pecudes quæ pro munere sint, et quarum epulis dies hilariter exigatur: *lætitiæ diei.* Solent sic gaudia dici de rebus quæ faciunt, et Val. Fl. IV, 534. Phineus nova miratur gaudia mense.

At domus interior regali splendida luxu
 Instruitur, mediisque parant convivia tectis.
 Arte laboratæ vestes, ostroque superbo ;
 Ingens argentum mensis, cælataque in auro 640
 Fortia facta patrum, series longissima rerum,
 Per tot ducta viros antiqua ab origine gentis.

Æneas (neque enim patrius consistere mentem
 Passus amor) rapidum ad naves præmittit Achaten,
 Ascanio ferat hæc ; ipsumque ad mœnia ducat. 645
 Omnis in Ascanio cari stat cura parentis.

duxisse videtur. Sane in codd. fore *dei* ; sic ipse Romanus ; occurrit et in Servianis, et in Donati interpretatione. Et sic jam Rufius Apronianus, monente Pomponio Sabino (male in ed. Lucii *die* excusum est) legerat ; quod sine dubio ad eam recensioem pertinet, e qua Mediceus codex prodiiit : nam, cum in eo ab initio *de* esset, i rubro adscriptum est, ut *dei* sit. Sunt tamen et codd., in quibus alterum occurrit ; nam Pierius tres illas lectiones sigillatim e codd. laudat ; et, *die* Dorv. *Die* Parrhas. recepit quoque dii Brunck. V. C. 639 *superbe* Hugon. a m. sec. interpolatrice. 642 Vulgatum anto erat *antiquæ ab origine gentis*. At, quod nunc cum Brunckio V. C. dedi, *antiqua ab origine gentis*, obtulerant Gudianus, duo vetustiores Rottend., tres alii c. fragm. Moret. et quatuor Burmann. cum Goth. pr. Et sic Medic. Pierii et Longob. cum aliis aliquot ap. eum. quod equidem præfero tanquam doctius et melius ; et sic jam editi nonnulli habere videntur. *primæque ab o.* pro diversa scriptura in alt. Hamb. *ducta suæ antiqua* ed. Ven. 643 *mente* apud Germanum facere, qui legerent. male. *mentem* omnes libri tuentur. *Mens non consistere*, sed fluctuare, dicitur, quando curis et sollicitudinibus agitur ; uti et animus vel mens quassa, concussa, conquassata. 644 *ad navem* Oudart. *transmittit* Menag. pr. *permittit* Moret. sec. et Græv. Burm. conj. *remittit* ; quod tamen metrum ferre negabat Schrader. Emendatt. præf. p. XLIII. IV. At tenendum, *premittere* poetis dici ut *περιφέρειν*. *προίβαι*. pro simpl. *πρωίβαι*. *Achaten* e Grammaticis firmavit Heins. vulgo *Achatem*. 645 *Ascanio ut ferat* Venet. *ipsaque* pr. Moret. a m. pr. *secumque* ad m. d. Parrhas. *ad limina* Menag. pr. 646 *stat cari* Montalb.

637. Jam Catullus dixerat LXI, 46 *quacumque opulenta recessit Regia* — *Tota domus gaudet regali splendida gaza*. cf. reliqua. *luxu* præclare pro apparatu regali. 639. Brevitatis, utpote in narratione, et poeticae elegantiae studium omissionem verbi peperit : *sunt*, vel *instruuntur*. int. autem vestes stragulas purpureas magna cum arte textas. *Ostrum superbum*, splendidum : inf. 697 et 700 *aulæa superba* et *ostrum stratum*. 640. *Vasa* magna argentea et aurea, eaque cælata e more veterum admodum fre-

quentato, et h. l. quidem factis majorum Didonis anaglypho opere, seu extantibus figuris, expressis ; de quo quidem constanter *cælare* et *cælatura* dici observavi. (cf. *Antiquar. Abhandl.* P. II p. 135.) At *ducta* non ad opus e metallo, sed ad *seriem* spectat.

645. *Ferat*, nuntiet omnia hæc, quæ accidissent, ut bene jam Donat. et Servius, qui idem bene illustrat. In v. sequ. *τὸ stat* pro *est*, vulgari verbo. *cari patris*, φίλου πατρὸς, h. l. pro amantis.

Munera præterea, Iliacis erepta ruinis,
 Ferre jubet; pallam signis auroque rigentem,
 Et circumtextum croceo velamen acantho,
 Ornatus Argivæ Helenæ: quos illa Mycenis, 650
 Pergama quum peteret inconcessosque Hymenæos,
 Extulerat, matris Ledæ mirabile donum.
 Præterea scēptrum, Ilione quod gesserat olim,

649 *circumtexto* sec. Moret. *achanto* scribunt nonnulli hic ut alibi. 650 *Ornata* Leid. f. ex ornamenta. 651 *Dump* Menag. pr. *peteres* Fabric. laudat. 652 *Abstulerat* alijs. male. Commode laudat Burm. ad Sueton. Neron. 49, ubi adde not. Ernesti et Oudendorp. Sic Gr. *ἐκέρπειν, ἔβαλον*. Odyss. N. 137 *πάλ' ἔσ' ἂν οὐδέποτε Τροίης ἔξῃεσθ'* 'Oderis etc. cf. Guell. 653 *Ilione*, ut sit *sceptrum Ilionæ*, habent Mentel. pr. duo

647—656. Apud Homerum munera fere *ξενήια* hospitibus advenis dantur ab iis, qui excipiunt; abeuntes isti remunerantur v. c. Val. Fl. I, 690 ubi cf. not. Hoc loco jubet Æneas Achatem apportare e navibus, quæ Didoni donet. *palla signis auroque rigens*, intextis rerum vel hominum formis ex auro. Laudant Pindari Isthm. VI, 58. 59 *Οἰνοδόκον φιδάλας χρυσῷ περικλυῖαν*. Sed hoc illustraret *pateram aureis signis horrentem*, h. e. asperam signis extantibus. Sed *rigent vestes* plenæ ac densæ auro. Sic quoque Burm. Æn. XI, 72 *Tunc geminas vestes auroque ostrepus rigentes Extulit Æneas: quas Dido—tenui telus disceverat auro. rigentes togas* ex nostro duxit Claudian. I, 205. Porro vs. 649 *circumtextum croceo velamen acantho*, prætextum acanthi foliis, oram ambientibus. De *acantho*, (*branca ursina*), vel capitulorum in columnis ornato nobili herba, v. ad Ecl. III, 45, ubi in poculis ansæ acantho circumlitæ, ut apud Ovid. Met. XIII, 701 crateris os. *croceum* quidem ejus genus est; nam vulgare est flore albo. saltem a semine luteo vix appellari cum *croceum* puto; quanquam hoc vestes

tingi olim potuere, quod e Schol. MSt. N. Heins. ad Claudian. p. 180 b notavit. Calpurnius Ecl. IV, 68 *rutilum* dixit, ubi Tityrum *cantantem rutilo spargebat acantho Nais*, et similiter, puto, *Sidonium* Statius in loco ex nostro expresso III Silv. I, 37, 38 *Hic tibi* (Hercules) *Sidonio celsum pulvinar acantho* (h. e. cui intextus sit ex purpura acanthus) *Texitur, et signis crescit torus asper eburnis*. (Vestes apud Servium ex acantha vel acanthio, spinæ genere, factæ, bombycinis similes (v. Plin. XXIV, 66), alienæ sunt ab h. l.) *Velamen* de populo accipiunt; Servius *cycladem* reddit; forte quod hoc inter feminea vestimenta imprimis est lautum. Non satisfacit; est *κρήδεμνον*, vel *καλύπτρα*, qua caput et velari et, si complicaretur, coma religari poterat. Homericum vero more v. 650—652 commendatur *velamen* illud ab Helena, in cujus mundo fuerat. Abstulerat autem cum Helena (*Ἀργεῖην Ἑλένην* latiore sensu, etsi Spartanam, jam Homerus appellaverat.) Paris multas vestes et ornamenta, *κειμήλια*, quæ ipsa cum Helena repetebant Achivi v. Iliad. Γ, 70 et al.

653. Habes sceptrum h. e. hastam

Maxima natarum Priami, colloque monile
Baccatum, et duplicem gemmis auroque coronam. 655
Hæc celerans, iter ad naves tendebat Achates.

At Cytherea novas artes, nova pectore versat
Consilia: ut faciem mutatus et ora Cupido
Pro dulci Ascanio veniat, donisque furentem
Incendat reginam, atque ossibus implicet ignem. 660

Rottend. et Leid., nec ab eo refugit Heins. Enimvero nimis nude ponerentur tam illa: quod gesserat olim. 656 Nec c. Goth. pr. *Hac celerans* alter Mentel. a m. sec.: unde *Accelerans* pr. Rottend. Montalb. Uratist. *Has celerans* Oudart. *Asclerans* tert. Moret. Vides, quam parum talibus variationibus sit tribuendum. 658 *mutatusque* Franc. 660 *atque* tenuit Heins. propter consensum librorum edd. que vet. ac pr. Moret. utque nonnullæ edd. vide ad v. 298 et 486.

vel scipionem, insigne puellæ regiae, ut omnino hominum genere vel honore insignium. v. Stat. Theb. VI, 81. Sic ap. Eurip. Troad. 150 Hecuba Σκήπτρῳ Πριάμῳ διεπειδομένα choros se celebrasse dicit. *Ilione* c. Priami filius fuit: v. Excurs. ad h. v.

655. Coronam intelligo duplici materia, h. e. diadema, nam de eo agitur, aureum, gemmis distinctum, quo in monumentis, imprimis Italorum, sæpe deas ornatas videas. Ovid. Met. XIII, 704 *Dant pateram, claræque auro gemmisque coronam*. neque aliter dictum, quam ad Virgilii imitationem (sententia tamen ex Homero expressa Iliad. X, 470, 1.) apud Valer. Fl. VIII, 235, ubi Venus Medeam ornat: *ipsa suam duplicem Cytherea coronam Donat*; nam ipse Flaccus sese interpretans subiicit: *et arsuras alia cum virgine gemmas*; et paullo antecesserat similis forma; *ipsa suas illi croceo subtemine vestes Induit*. Vix accedam, si, ut interdum solet, *duplicem* simpliciter pro magna, præclara, accipias positam. Diverso sensu *geminas coronas* Claudian. X, 203 simpl. pro binis; etsi Gesn. ibi aliter.

657 sqq. Scilicet Venus, filio suo Æneæ timens, ne Junonis fraude Didonis ac Pœnorum voluntas mutetur, Didonem amore ejus inflammat; eodem metu impulsa in nuptias consentit inf. IV, 107 sqq. Viderunt jam Germanus et Ursinus, in toto Veneris artificio et machinatione Virgilium ante oculos habuisse Apollonium, quem cf. lib. III, 7 sqq.: impr. 25 sq. 112 sqq.

659. 660. *Donis furentem* vix nisi dure admodum dicas; quamvis v. 713 *Expleri mentem nequit ardescitque tuendo*. Melius ut *donis incendat reginam furentem*, ut amore furat; quo Servii interpretatio spectat: qui simili modo accipit dictum IV, 22 *animusque labantem Impulit. ossibus implicet ignem*, exquisitiore forma, quam *ossa implicet igni*, h. e. ipsis ossibus ac medullis (ut de amore loqui mos est, v. Cerda et al.) flammam inserere, immittere, insinuare: pro vulgari, admoveere; dictum, ut *involvere omnia flammis, incendio*; quoniam etiam in vulgari oratione *flamma involvit domum*. Quod autem donis mox afferendis tantopere confidit Venus, quodque Dido regina, quæ cum thesauris effossis Tyro fu-

Quippe domum timet ambiguum Tyriosque bilingues;
 Urit atrox Juno, et sub noctem cura recursat.
 Ergo his aligerum dictis affatur Amorem:
 Nate, meæ vires, mea magna potentia, solus,
 Nate, patris summi qui tela Typhoia temnis; 665
 Ad te confugio, et supplex tua numina posco.
 Frater ut Æneas pelago tuus omnia circum

662 reuertat Franc. v. IV, 3. 663 Ergo quis Goth. pr. dictis compellat un. Guelpherb. in Sax. coll. 664 mea regna sec. Rottend. 665 vide an præstet interpungere:—*potentia; solus*— 665 Typhoia omnes, ipse Medic. c. fragm. Vatic. Τυφωϊς, Τυφάϊος, ut Ἀγγελλίς, Ἀγγελλίος, Ὀρφέϊς, Ὀρφέϊος. Dubito equidem, an hoc *e* ex *u* natum a poeta corrigatur. cf. sup. ad v. 201. Apud Serv. multi, Typhoia; hoc est verius: ut dictam sit a Typhos, Τυφός, unde Τυφάϊος, itaque cum Bruncio recepi. In Franciano erat Typhos et supersor. on, Typhonia; debebat saltem Typhonia, ut est in Goth. sec. Apud Claudian. de R. Pros. III, 183 Typhoia recte expressum in Heins., male Typhoia in aliis, aduersus metrum: Τυφωϊς. 666 et deest in binis. tua munera duo alii ap. Burn. lumina Goth. tert. omnia solito errore.

gerat (v. 358. 363), donis illis tantopere movetur (709 sqq.), offendeat Schraderum, acutum poetarum iudicem. Scilicet artem, qua elaborata erant, palla, velamen et reliqua, et auctorem muneris, Æneam, in illis imprimis probari putabimus.

661, 662. *Domum ambiguum* Serv. incertam, in qua habitat mutabilis femina; dure, meo quidem sensu. Malim *domum* pro stirpe, gente, Didonis dictam et ad fraudulentum Pygmalionis ingenium respici. Locus Æn. IV, 96, 97 aliter se habet. Recte itaque iungitur ipsius adeo populi ingenium, *Tyriosque bilingues* eodem sensu, h. e. fallaces, non enim cadit in poetam, ut mixtum advenarum Phoenicum et Afrorum indigenarum significet. *Urit infesta Juno*, excitatio de Junonis in Æneam odiis et consiliis eam cruciat. *sub noctem*: narratum de dea secundum humanum morem, quo nocte ingruente curæ recrudescent. Vesperī hæc geruntur. v. inf. 726.

664—666. *Meæ vires, mea magna*

potentia, splendide pro, per quem ego valeo et potens sum. Petiere hinc alii, ut Statius I Silv. II, 137 *tu, mea summa potestas*; adde Ovid. V Met. 365, quod a poeta forte græco Virgilius sumserat. Paulo aliter filii patrum σθένος, robur, dicuntur: unde et Tragicorum vox ἰνις ducta esse videtur de filio: v. c. Eurip. Troad. 570 Astyanax Ἐκτορος ἰνις. Contemptus, quo Amor Jovis fulmina habet, elegans poetarum et artificum veterum lusus, suavi cum varietate expressus passim occurrit, etiam in gemmis, fractis quoque telis, v. c. Mus. Flor. T. II t. 16, 1. *tela Typhoia*, quibus Jupiter usus est in Typhoeum. Pomponius Sabinus *Ætnæa* reddit, quatenus Ætna, Cyclopus, qui fulmina fabricantur, officina, Typhoei pectori imposita esse a nonnullis dicta. *Typhois Ætna* Ovid. Ep. XV 11.—*tua numina posco*, tuam opem et auxilium, quod per *potentiam* et *numen* declarat.

667—672. *Nota tibi sunt* (ut Græci pro, notum tibi est), quemadmo-

Litora jactetur, odiis Junonis iniquæ,
 Nota tibi; et nostro doluisti sæpe dolore.
 Hunc Phœnissa tenet Dido, blandisque moratur 670
 Vocibus; et vereor, quo se Junonia vertant
 Hospitia: haud tanto cessabit cardine rerum.
 Quocirca capere ante dolis et cingere flamma
 Reginam meditor; ne quo se numine mutet:
 Sed magno Æneæ mecum teneatur amore. 675
 Qua facere id possis, nostram nunc accipe mentem:
 Regius accitu cari genitoris ad urbem

668 *jacteturque*, maxima codd. pars apud Pierium, Heins. et Burm., atque adeo ipsi Medic. Rom. et fragm. Vatic., in quo tamen forte a m. sec. Etiam sic Servii Codices exhibebant. *jacteturque dolis* Voss. pr. *jactatusque* Goth. sec. omnia a prava manu, quæ cavendum esse putabat, ne ultima in *jactetur* laboraret. *Junonis acerbe* Longob. Pierii et fragm. Vatic. a m. pr. Similis commutatio a Burm. notata lib. XI, 587. 670 *Nunc* alii scripti et editi apud Pier. Heins. et Burm. et sic fragm. Vatic. a m. pr. et habet, quo placeat. 671 Heins. conj. ut *vereor*. Heumannus olim: *At v.* 673 *quodcirca* Bigot. arte Oudart. et Leid. an. *flammis* sec. Moret. 675 *Æneæ* Medio. a m. pr. *mecum Æneæ* Sprot. *mecum magno Æneæ* Moret. sec. 676 *Quo* aliquot ap. Pierium et Heins. qui conj. *qui*. *Quo facile* Zolich. a m. pr. *quam* Gudian. a m. sec. addita intp. prout vel quomodo. v. Georg. III, 309. *quid* Leid.; sed recte *qua*, qua via et ratione, tulerit Heins. et Burm. *posset* Romanus. 677 *accitus* fragm. Vatic.

dum Æneas fr. Magna autem cum arte et cum dilectu singula orationis membra sunt efficta; ut illud: *frater tuus*. 670. Adumbratum putant ex notis verss. Odyss. A, 55—58, ubi Ulysses similiter a Calypso retinetur. 671. 672. Sollicita est Venus et metuit, ne hospitium hoc Æneæ in Junonia urbe ad ejus exitium vertat (cf. IV, 96 etc.), Junonis in Æneam odiis. *tanto cardine rerum*, in articulo, ἀκρῆς, in tanto rerum momento, dum res summa agitur, an Trojani ab Italia fatalique regno averti possint, illa sc. Juno non cessabit, sed novas adversus Æneam machinas parabit, quo eum perdat.

673. *Cingere flamma*; ut X, 119 *mœnia cingere flammis*. Sic *flamma involvere, circumdare*. h. l. amore, ut amore irretiti, illaqueati, tenentur.

ne quo se numine mutet: ne Junonis machinatione aliqua animus ejus mutetur. cf. ad I, 8. 675. *Sed magno Æneæ mecum teneatur amore*. Jun-genda: *teneatur mecum*, ut *magno* pro epitheto ornante sit; ita sensus esto: amet Dido Æneam, quem ego amo, tueor, tanquam mater. In Servianis altera occurrit interpretatio; *mecum, per meos amores, me adnitente* (h. e. per me), quam et Cerda amplexus est. Laudatur IV Æn. 115 *Mecum erit iste labor*, h. e. apud me, fiet per me, meus erit. ad quem loc. vide notam. Silius VIII, 330 *mecum erit hæc prorsus pietas*, h. e. aderit, inerit mihi. Lenior ratio habenda est prior.

677. *Ascanius* designatur per *regium puerum*, quatenus *Rex Æneæ* saepe dictus. *maxima cura*, h. e. amor,

Sidoniam puer ire parat, mea maxima cura,
 Dona ferens, pelago et flammis restantia Trojæ :
 Hunc ego sopitum somno, super alta Cythera, 680
 Aut super Idalium, sacrata sede recondam ;
 Ne qua scire dolos, mediusve occurrere possit ;
 Tu faciem illius noctem non amplius unam
 Falle dolo, et notos pueri puer indue vultus :
 Ut, quum te gremio accipiet lætissima Dido, 685
 Regales inter mensas laticemque Lyæum,
 Quum dabit amplexus atque oscula dulcia figet,
 Occultum inspires ignem, fallasque veneno.

678 puer ille pr. Hamburg. 679 et abest a Dorvill. 680 Nunc ego fragm. Moret. ut sup. 670. Citheron Parrhas. 681 Idalium Bigot. sec. et Rottend. tert., scilicet ut conveniret cum v. 693 *Idalia lucos*; sed v. not. *Idalia* Goth. alter. *secreta* Leid. et pr. Hamburg. *reponam* Sprot. a m. pr. 682 *ne quis multi* ap. Burm. *mediusque* Hamb. alter. 683 *ipsius* pr. Moret. 685 Et Goth. tert. ut te cum unus Guelpherh. in Sax. collect. accipiat sec. Moret. male. 686 *Regales epulas inter* Montalb. 688 *obscurum* alter Hamburg. *fallasque venenum* ed. Venet., non infelice errore.

carus Veneri. 679. Cf. 647. 680. Inf. X, 86 *Est Paphus, Idaliumque tibi, sunt alta Cythera*, τὰ Κύθηρα, insula ipsa, Laconicæ objecta, h. l. *alta*, quatenus montosa est, hinc etiam *super*; nisi forte aliquis montes in ea designari malit, ut et Idalium τὸ Ἰδάλιον ὄρος in Cypro; et sequuntur utique v. 692 *alti Idaliae luci*; etiam et ipsa urbs Idalium; τὸ Ἰδάλιον. v. Stephan. h. v., quæ paullo post 693 *Idalia, Ἰδαλία χώρα*, ut *Veneris Idalia*, dicta. Urbem saltem altero loco intelligas X, 86, quia cum Papho Idalium memoratur; et ante v. 51 erat: *Est Amathus, est nuda mihi Paphos atque Cythera, Idaliaque domus*. Sic Γόλγοι καὶ Ἰδάλιον ap. Theocrit. XV, 101. Erat autem templum in monte positum. cf. Strab. XIV, p. 1001 c. cum nota Cassin. (urbem et montem intellige ap. Bion. Idyll. I, 36. 37, ut expe-
 dias interpretes). Sed *super alta Cy-*

thera, pro, super Cytheris (ut I, 295 *sedenis super arma*), est pro *in*: ut ὑπὲρ simili modo dictum occurrit. Nisi malis ad motum referre, ut latea notio τοῦ abductum super Cythera et Idalium, *sacrata sede*, ἐν τεμνέλει. ut Erechtheus abditus erat in Minervæ sacrario (Il. B, 549) aut Phaethon in Veneris templo ap. Hesiod. Theog. 990. 682. *ne qua*, ratione ac via; *scire* pro rescire dictum, *medius occurrere*, in medio negotio, sup. 348 *Quos inter medius venit furor*. h. l. de eo, qui impedimentum affert. 683. *faciem falle*, mentire, simula, falsam exhibe. cf. German. *facies* pro toto corpore et habitu. v. h. l. Burm. cf. v. 658. *notos vultus*, ex more poetarum, de vultu cuiusque suo, ac proprio. 686. *laticem Lyæum* pro vulgari: latex Lyæi. Sed poetarum more pro derivato adjectivo, *latex Lyæius*, quod ipsum vix usus ferret, ponitur. 688. *inspires*

Paret Amor dictis caræ genetricis, et alas
 Exuit, et gressu gaudens incedit Iuli. 690
 At Venus Ascanio placidam per membra quietem
 Irrigat, et fotum gremio dea tollit in altos
 Idaliæ lucos: ubi mollis amaracus illum
 Floribus et dulci adspirans complectitur umbra.
 Jamque ibat, dicto parens, et dona Cupido 695
 Regia portabat Tyriis, duce lætus Achate.
 Quum venit, aulæis jam se regina superbis
 Aurea composuit sponda mediamque locavit.

690 et vultu Schol. Stat. II Theb. 96. gressu gradiens Sprot. a m. pr. incessit Dorvill.
 691 placitam sollenni vitio aliquot ap. Pier. 694 floridus et amplectitur Zulich, cum
 Parrhas. 697 convenit Goth. tert., sed in eo fere semper con pro cum.

ignem, nonne paullo durius hoc? et jungitur etiam nova rei imago: *fallasque veneno*, h. e. per fraudem venenum ei instilles. Quod autem hoc ita adstruit poeta, ut Didonem inter convivii hilaritatem, quæ animum relaxat, amore inflammet, naturæ humanæ convenienter comminiscitur.

690—694. *Gaudens* suaviter adjectum ut alias, *lætus paret*, h. e. lubens, et mox 696 *duce lætus Achate*,—*quietem irrigat*, ut *somnum infundere*, et, vulgatiore ratione, *perfundere somno*, *irrigare membra quiete*, habet ab antiquioribus poetis, Lucretio et Furio Antiæ, apud Macrob. VI, 1. Et hi duxere ex Homérico ἐπὶ γλυκύν ὕπνον ἔχουσιν. περὶ δ' ἀμβρόσιος κέχυντο ὕπνος. Nata autem loquendi forma ex notione humoris, forte a rore ducta, quo herbæ perfunduntur, primum *nocti*, tum *somno* adjuncta; unde ὑγρὸς ὕπνος. Ex eo ipso artificum ratio ducta, quod Somnus cornu defundit quietem vel somnia; non inverse, ut vulgo creditur. 692. *fotum gremio*, ornatus quam, *posi-*

tum. hærent interpretēs. cf. 718 *interdum gremio fovet*. *amaracus*, *sampsuchum* vel *majorana*, quæ inter coronarias est. v. Plin. XXI, 11 s. 35. 39 in *Cypro* laudatissimum et odoratissimum, ibid. c. 22 s. 93, et, ut *umbra* h. l. efficiat, luxuriantius ibi nasci debet. Suaviter autem singula in v. 693. 694. *complectitur adspirans*, adhalando odores, ἡδύπνοος. 695. 696. *Duce lætus A.* ornate pro habens ducem. cf. 690.

697. 698. Accumbebat jam mensæ in toro Dido, cum falsus Iulus advenit. *Aulæa* sunt vestes stragulæ: v. 639, *sponda* et toro injectæ; et subjicitur *sponda*. Alia sunt *aulæa* Georg. III, 25. *Cerda* cum aliis de velis appensis, quæ proprie *aulæa*; ut Horat. II Sat. 8, 54. sub quibus torus ejus collocatus fuerit.—*se composuit*, pulcre pro consedit. *sponda aurea* jungendum, ne *sponda* nude sit posita. Dicta autem *sponda* exquisitius quam lectus. *mediamque locavit*, inter *Æneam* et falsum *Iulum*, in trielinio, aiunt. Copiose explanat Cerda. Verba tamen tantum hoc

Jam pater Æneas, et jam Trojana juvenus
 Conveniunt, stratoque super discumbitur ostro. 700
 Dant famuli manibus lymphas, Cereremque canistris
 Expediunt, tonsisque ferunt mantelia villis.
 Quinquaginta intus famulæ: quibus ordine longo

699 Malim cum superioribus jungere: *Quum venit, a. jam se reginas. composuit*—Jam pater Æ. conveniunt, h. e. jam etiam p. 700 convenient Rom. a m. pr. decumbitur Com- melin. structoque ed. pr. Burmanni. adde Pierium, unde male adscriptam Pomponio in edit. Basil. Lucii. 701 Dant manibus famuli Medic. (hic utique: Dant m. famulæ) Gudianus cum al. optimis; item Romanus, Longob. alique Pieriani; adde quos Cunin- ghamus laudat. Vulgatum ordinem retinuisse Heins. videtur Prisciani auctoritate motus. Dant f. lymphas manibus Hamb. pr. lympham Hamb. sec. 702 tunsis Medic. man- telia Heins. post Pieriam cum vetustiss. Rom. Medic. aliisque. Vulgo mantilia. v. Georg. IV, 377. 703 longam penum a Virgilio dictam, Carisius lib. I Instit. auctor est. Duplex scriptura jam Gellii ætate circumlata est. v. IV N. A. c. 1. longam penum expressit etiam Ausonius. Donatum et Servium frustra laudat Ge. Fabric. Retinuit tamen Heins. ordine longo præclare, propter codd. consensum, et Nonii Marcelli Egraphii- que auctoritatem. Adde etiam poeticam rationem, quod ordine longo gravius ac dignius dictum, instruere porro legitur ap. Gell. l. c.

sappeditant: eam consedissee in lo- cio; et mediam se locavit ad poeticum sermonem referendum. Sunt quo- que mox sedes Trojanorum diversæ. 699. 700. Strato ostro, super toro purpurea veste, stragula, strato. cf. 639.

701. 702. Post discubitu hoc loco (etsi non semper, quod Intpp. volunt, ita veterum mos ferebat. v. Od. Δ, 52 sq. H, 172) aqua affertur ad ma- nus lavandas; afferuntur ad eas ter- gendas (non ad mensas integendas, ut quidam commentantur; hoc enim ut ne opus esset, mensas cum ipsis ferculis tolli mos erat) χειρόμακτρα levia ac mollia (v. ad Georg. IV, 377) simulque instruitur mensa pane e canistris deprompto et apposito. Apud Homerum panis (quippe cru- ste vel placente nostræ similior) in canistris apponitur, ut Odys. A, 147 et al., quod pressius sequitur noster Æn. VIII, 180, 181.

703. 704. In interiore ædium parte erant feminae, quæ panem in cani- stris struerent, ut circumferretur et

distribueretur convivis: quod v. 701. fiebat. Nam hoc est, iis curam fu- isse, *struere penum*. In fraudem me induxerat Favorini disputatio apud Gellium IV, 1 ut redderem: instru- ere et adornare edulia ac cibos. Enimvero versamur hic in poeta epi- co et in vita heroica. longo ordine, quoniam L. numero, (respexisse poe- ta putatur Odys. H, 105 sq. de Al- cinoi regia, cujus convivium expres- sit in seqq. ex Odys. Θ, 57 sq.) et flammis adolere Penates. Penates aut pro aris ac focis, aut pro ipso pen- trali, omninoque pro domo accipi possunt. Jam eos adolere flammis dixit Virgilius poetico orationis more, pro, flammis adolere in Penatibus, s. ædibus, h. e. in aris ad Penates. ut VII, 71 castis adolet dum altaria tæ- dis pro tædas in altari, exquisitiore ratione, ut passim alibi, adolere focos et alia. Eodem modo Ge. IV, 378. 379 Panchæis adolescent ignibus ara: h. e. tura in aris adolescent vel ar- dent. Statius, qui totum h. l. ex- pressit, sed, ut solet, ad fastidium

Cura penum struere, et flammis adolere Penates.
 Centum aliæ, totidemque pares ætate ministri; 705
 Qui dapibus mensas onerant, et pocula ponunt.
 Nec non et Tyrii per limina læta frequentes
 Convenere, toris jussi discumbere pictis.
 Mirantur dona Æneæ; mirantur Iulum,
 Flagrantesque dei vultus, simulataque verba, 710

706 Antea *onerant, ponant*. Sed *onerant, ponunt*. Rom. cum plerisque aliis pervetustis Pierii, quod recte illi probatur, tanquam quod nescio quid picturatus habeat, quum res ipsa ita geri videatur. Scilicet omnino hoc in Marone observare licet (vide v. c. IV, 27); recedit ille ab hac consequentia temporum, cui tantopere studebat Cicero, et ex qua dicendum esset, quod antea hic editum erat: *Centum ministri sunt, qui—onerant et ponant, dapibus onerant iidem*; et Giphani. Indic. Lucret. p. 462 e scriptis vindicat, *onerant et ponunt* Ald. pr. Parrhas. c. Goth. pr. et tertio. *onerant et ponant* ed. Ven. Junt. Aldd. 707 *limina nota* Dorvill. 708 *visi d.* Menag. pr. ut sæpe. *discrimine* Goth. pr. 710 *flagrantis* Medic. c. Mentel. pr. Parrhas. et al. Etiam sic Rom. qui alias quartos casus per *es* effert. sed *flagrantem deum* vix feras; et epitheton h. l. requiritur in *vultus, flagrantis multi alii, fulgentisque* Sprot. e glossa, quæ in Leid. un. *vultum* Menag. pr.

usque productis singulis rerum momentis I Theb. 512 sqq., ait: *adolere focos, epulasque recentes instaurare, jubet*. *Adolere focos*, etiam Silius dixit XI, 278 in loco, qui et ipse ex nostro est adumbratus; quod jam ante Cerdam vidit Pomponius. Jam autem quæras, quorsum, in vita utique heroica, inter epulas in foco ignis incendi solitus sit? Non sane frigoris depellendi causa; nec ad carnes coquendas! Verum perpetuus ille, etiam per sequiora tempora, religiosus mos fuit, ut in festis saltem epulis focus igni luceret, in deorum utique honorem, Penatium maxime vel Genii vel Laris; facta quoque in focum libatione vini, seu ture cremato; heroica vita etiam carnis prosectis in ignem injectis. De ture testatur locus e Ge. IV, 378. 379 excitatus. In explicando voc. *adolere* nugantur Grammatici. Videtur *olere* ab initio omnino notionem augendi habuisse, sed substituisse tandem in uno rerum genere, quod incrementum ha-

bet continuum, seu quod continuatur, scilicet flammæ in fomite nutritæ; unde *adolere* est cremare; tum fumi et odoris ex cremata victimæ carne vel ture; unde *olere* est odorem emittere. Nonnulla de his jam in Perizon. ad Sanct. p. 757 occurrere video.

705. 706. Ducentis aliis ministerium dapum et vini apponendi mandatum. *pares ætate*, int. pueros, ex more. Valer. Fl. II, 653, loco hinc expresso: *centumque pares primæva ministri Corpora*. Quæ de poculis in secunda demum mensa adhibitis memorat Burmannus h. l. et ad v. 737, ad heroica tempora referenda non erant. Cibus et potus ap. Homer. statim ab initio apponuntur; majores calices ad libationem faciendam ad finem cœnæ: ut et hic inf. 723.

707. 708. *Per limina læta*, simpl. in domo. Mox *tori picti* iterum sunt vestes stragulæ. 710. *Flagrantes dei vultus*. Servius: *ardentes divini-*

Pallamque, et pictum croceo velamen acantho.
 Præcipue infelix, pesti devota futuræ,
 Expleri mentem nequit, ardescitque tuendo
 Phœnissa, et pariter puero donisque movetur.
 Ille, ubi complexu Æneæ colloque pependit, 715
 Et magnum falsi implevit genitoris amorem;
 Reginam petit. Hæc oculis, hæc pectore toto
 Hæret; et interdum gremio foveat; inscia Dido,

711 *Pallamque*—Versum hunc post superiorem abesse æquo animo ferrem. 713 *videndo* Hamb. pr. ex interpr. 714 *Valgata erat: puero pariter donisque, pariter puero omnium librorum Pierii, Heins. et Burm. lectio est, quam etiam Carisius agnoscit, ut mireris eam non esse receptam: id quod cum Brancio V. C. nunc fecimus: imprimis cum observatum nobis sit, illam inter duas voces copulatas aut inter nomen et epitheton interponendam vocis rationem esse exquisitioris utique elegantiae, naturalem autem hunc positum priscæ simplicitatis et majestatis. Valgatam Hamb. pr. et Goth. pr. tæntur, et Ven. cum pr. Moret. pariter donis pueroque. 716 *Huc oculis* Goth. tert. et pectore pr. Hamb. ed. Junt. 718 *inscia, quantus malebat Jortin (Tracts II p. 465).**

tate; sed hoc parum clare. Nec clarius Donatus. Ut de roseo genarum colore cum Cerda accipias, vix loquendi ratio fert. Arbitror *oculos fulgentes* indicari, utpote Amoris: sæpe ap. Ovidium igne, ignis fulgore micantes, item flagrantis oculi, flagrantia lumina amantur. Mox *pictum* int. h. l. *circumtextum*, ex 649.

712—714. *Pesti devota futuræ* *dei-væ*, pro amoris exitiabili destinata, eo amore jam contacta. Vis poetica mox in eo, quod *mentem* addit, et quod *ardescit* et quod *tuendo* pro in-tuendo. Mox *movetur* cum dilectu plus quam, *delectatur, tenetur*.

716. Desiderium ex absentia, quo pater tenebatur, dixit *amorem magnum*, quem puer nunc explevit, satiavit, amplexu. Conf. Exc. ad h. v. 717 sq. *Hæret* in puero—*gremio foveat*, tenet, ut inf. IV, 84. 85. noli ex nostro sedendi more aestimare (quod etiam Valesium sefellit in Valesianis p. 63); sed accumbentium situs animo est repræsentandus: qui alteri

proxime accumbit, applicat se ejus sinui ac gremio. Iulus jam tum pubescere debuit, si quidem ante septem annos patris ductu e Troja egressus est. Idem IV, 56 exultat inter venantes; et lib. IX, ei summa rerum creditur in castris, absente patre. *miseræ* pro *sibi*, quanta cum vi! et ex poetæ cogitatione et sensu egregie est insertum: *inscia Dido* *Insidat quantus miseræ deus*. *Acidalia* Venus ab Acidalio fonte, qui est in Orchomeno Bœotiæ civitate, in quo se Gratiae lavant, quas Veneri constat esse sacratas. *Serv. abolere Sychæum*, h. e. Sychæi memoriam, desiderium, amorem. *prævertere* exquisite pro simplici, occupare amore. Nam, quod occupamus, in eo simul prævertimus alios, ne occupent. *amore vivo*, ut *flamma viva*: opp. *resides animi*, animus ad amandum, ut bene Servius, iners et qui desuevit amare. *Amor autem puber* h. l., ut in vet. signis apud Winckelm. *G. d. K. p. 233.*

Insidat quantus miseræ deus! At memor ille
 Matris Acidaliæ, paullatim abolere Sychæum 720
 Incipit, et vivo tentat prævertere amore
 Jam pridem resides animos desuetaque corda.
 Postquam prima quies epulis, mensæque remotæ:
 Crateras magnos statuunt, et vina coronant.
 Fit strepitus tectis, vocemque per ampla volutant 725

719 *insidat* Medicei et optimorum codd. ap. Heins. est lectio, quam et Serv. ac Donatus agnoscunt, cum Nonio, tanquam archaismum, adeoque doctiorem. Vulgo *insideat*; quam codd. et edd. familiam ducit, ut alias, Romanus. De voc. vi v. German. Val. *quantum m. d. ac memor* Franc. 720. *abolere* alter Menag. 721 *pervertere* Montalb. Leid. *pervertere amorem* ed. Ven. et sic Romanus antiquiss. *prævertere tentat amore* Pughet. vino t. p. *amorem* Goth. tert. 722 *dissueta* qu. Moret. et Wall. 723 *Idem fere* versus sup. 216. 724 *crateres* aliquot ap. Burm. *magnas* tert. Rottend. et Leid. quasi a *cratera* ductum sit. *Crateras lati s.* Nonius et *Crateras longe et.* Lutatius, ap. Burm., forte ex Æn. VII, 147. 725 *It strepitus tectis* Gud. a m. pr. Menag. Rottend.

723. *Postquam prima quies epulis* h. e. cum primum epulandi finis esset factus. Nam *libatio* ad finem coenæ fiebat, v. ad v. 705. VIII, 184 et 273, 279, 280. De spatio inter primam et secundam mensam frustra Cerda multa. *mensæ remotæ.* cf. ad v. 216.

724. Αὐτὰρ ἐπεὶ πόσιος καὶ ἐδητύος ἔξ ἔρον ἔντο, Κούροι μὲν κρητῆρας ἐπεστέψαντο ποτοῖο, Νῶμηςαν δ' ἄρα πᾶσι (quod quidem hic aliter v. 729) Iliad A, 470, 471. Alter versus etiam alibi repetitur ut Odyss. A, 149. Δ, 339. Meminisse autem necesse est ex Homero, statui ad coenam maiora vasa, crateras, et minoribus poculis ex iis hausta vina distribui inter singulos convivas, apud Homerum quidem per præconem ad singulos convivas accedentem, v. c. Odyss. Θ, in Alcinoi convivio, quod Virgilius respexit. Sedebant enim convivæ in solis parietem ambientibus, et unicuique apponebatur mensa cum cibo. Jam *vina coronant*: quo sensu dictum a poeta sit, vix satis definiri potest. Si ad Homeri locum, unde reliqua adum-

brata sunt, respiciendum est, et, si κρητῆρας ἐπεστέψαντο ποτοῖο expressum est: aliter quam de impletis usque ad ora poculis intelligi nequit. (et sic Pomponius et Servius, qui tamen et alteram interpretationem habet.) Sic et Iliad. Θ, 232, ubi de copia cibi potusque: πίνοντες κρητῆρας ἐπιστεφείας οἶνοιο. Alia brevitatibus studio omittimus. *Vina* tum dicta sunt pro *poculis*, quorum oram ambit, coronat, στέφει, vinum infusum. Altera interpretatio est minus recondita, ut coronata sint pocula, sertis impositis. De corollis his cogitare heroici temporis mos sane non patitur, cf. Athen. I, 15. p. 18. E. F. De sequiore vero ævo non dubitatur, ut Georg. II, 528 *socii cratera coronant*. Hoc si tenemus, dicendum, poetam maluisse sui temporis morem inferre, quam antiquum retinere; quod idem commisit inf. lib. III, 525 *Tum pater Anchises magnum cratera corona Induit implevitque mero.* cf. Hotting. V. C. Mus. Turic. T. I.

725. Comparant illud: Μνηστῆρες δ' ὀμάδηνσαν ἀνὰ μέγαρον σκυό-

Atria; dependent lychni laquearibus aureis
 Incensi, et noctem flammis funalia vincunt.
 Hic regina gravem gemmis auroque poposcit
 Implevitque mero pateram: quam Belus, et omnes
 A Belo soliti. Tum facta silentia tectis: 730
 Jupiter, hospitibus nam te dare jura loquuntur,
 Hunc lætum Tyriisque diem Trojaque profectis
 Esse velis, nostrosque hujus meminisse minores.
 Adsit lætitiæ Bacchus dator, et bona Juno.

test. Leid. a m. sec., quod et in Servii Codice fuit, nec Burmanno displicet. Mihi quidem nimis in majus rem ferre videtur, cum de strepitu, sermonibus et clamoribus inter viam agatur. Scythicum foret, si strepitus ad tecta it, ut, clamor celo it. Aliter infra IV, 666. Didoeis morte cognita: It clamor ad alta atria. vocesque Bigot. alter Rottend. cum Schol. Cruqn. ad Horat. III, od. 19. perampla una voce nonnulli Pieriani cum pr. Morel. idque probabat Jortin l. l. per alta Longob. cum aliis Pierianis, item Zulich. ex lib. IV, 665, observante Burmanno. 726 lychni, lichini, aberrationes ap. Burm. Præclare Serviana: Græco sermone usus est, ne vile aliquid introferret; nam offendisset lucerna. lucernaribus ab aliis scriptum fuisse, ibidem monitum videas. laquearibus aliis nunc Guelpherb. in Collat. Cort. 729 qua magna pars codd. ap. Heins. item ed. Ven. et pr. Goth. sed recte rejectum; est enim minus doctum. a bello Zulichem. addita glossa: festivis diebus. 730 dum f. Longob. 733 que abest Menag. alteri. 734 Ante Pierium vulgo lectum, adsit. Sed omnes ejus libri habebant adsit vel assit: neque aliter Heinssian cum Macrob. III Sat. 4. Comment. Cruqn. ad Horat. I, od. 18; utramque lectionem agnoscit Servius. At sit Medic.

atra, Odys. A, 365 et alibi repetitum. Lectissimis verbis usus et noster, imprimis in volutant; loquuntur que audiri possent per totum coenaculum. 726 sq. Continuatam in multam noctem coenam indicare vult poeta. Verbis similibus utitur Statius I Theb. 520. 521 et Silius XI, 281. 282, jam supra laudati. cf. Cerda. Observa et hic v. 726. 727 summum ornatum verborumque dignitatem in re tenui. Non lucernas vel candelabra posuit, sed lychnos, funalia, h. e. fasciculos cera illitos; h. e. faces. cf. Odys. H, de regia Alcinoi, 100 sqq. 728—730. Etiam hinc sua duxit Statius l. c. 539 sqq. soliti, sc. mero implere, h. e. qua usi fuerant. A Belo autem Tyriorum regum stirpem

ducebant Græci v. Serv. sup. ad 642. Apollodor. II, 1. conf. Salmas. Exerc. Plin. p. 402. Ex nostro idem Silius I, 87 sq.

731—735. Preces inter libandum ad Jovem ξένιον, hospitem, factæ. hospitibus te dare jura, præesse, sub tutela eos habere; (non aliter usus loquendi fert, nam dare jura simpliciter est, imperare. Dicerem esse, qui hospitibus illatas injurias ulcisceris; sed, an dare jura pro ulcisci dicatur, dubito). Expressa autem illa Homericæ Odys. H, 179 sqq. Adde Odys. N, 50 et plur. al. loca. Illud nam causam interponens Homericum esse satis constat, cf. Ernest. ad Odys. M, 320.—minores, nepotes, sup. 532.—734. Bacchus lati-

Et vos, o, cætum, Tyrii, celebrate faventes. 735
 Dixit, et in mensam laticum libavit honorem,
 Primaque, libato, summo tenus attigit ore.
 Tum Bitiæ dedit increpitans; Ille impiger hausit
 Spumantem pateram, et pleno se proluit auro.
 Post alii proceres. Cithara crinitus Iopas 740

735 *O Tyrii cætum* quatuor ap. Barm. 736 *in mensa* vulgg. sed *in mensam* Macrobiani, optimorumque librorum et exemplorum copia firmavit post Pierium Heins. Redit res eo, quod doctius dicitur hoc, quam illud. nonnulli etiam apud Pierium, et nostri tres Gollani, *immensum*, quod eodem alludit. adde lib. VIII, 279. Reprehendit poetam Macrobiani, l. l. III, 9. quod in mensam fit libatio, cum in aram fieri deberet. Scilicet ad morem Romanum hæc exigit, ut alia; non animadvertens, poetam reddere vitam heroicam et Homericam adumbrare. 737 *libatos* n. latices conj. Heins. et alii viri docti. Nec insiliandum, versum concinniores et suaviorem inde exire, *libatos latices attigit* h. e. poculum, unde pars vini in mensam jam erat effusa. *libatum* alter cod. Hamburg. videlicet honorem. *sacro tenus* Sprot. cum *Bithiæ* Hamburg. pr. *Biciæ*, *Byciæ* al. 739 *summo s. p.* Menag. pr. *profluit* Oudart. s. s. p. ore nonnullos libros legere Pierius docet.

tiæ dator; Germanus laudat Δῶρα Διωνύσου πολυγηθέος ap. Hesiod. Op. et D. 614. *bona Juno*, propitia, χρηστή, ἀγαθή. Invocatur autem hic, ut patriam Tyriorum numen. cf. sup. v. 15. 735. *cætum celebrate*, bene Serv. convivium; *faventes* intersitis huic convivio.

736—740. *Laticum*, laticis, honorem, h. e. vinum in deorum honorem ac cultum libatione effusum. *libato*, h. e. postquam libatum erat, vel libato laticum honore, alteri tradit vel tradi jubet poculum, unde primo loco gustaverat, regina, ut et ille libatione facta biberet; quod et is lætus lubensque facit. προῦπινεν illa et dedit, propinavit. Is enim vitæ heroicæ mos, ut singulis convivis deinceps poculum repletum præbeatur, unde libatur, tum vinum exhibetur. *increpitans*, simpl. adhortans, invitans, ut et ipse biberet; nil amplius. Sic et aliis in locis exponi potest. Objurgandi hic nec locus, nec dignus vel reginæ vel epici poetæ persona talis

sarcasmus: ut nec illud ex poetæ mente fit, quod Didonis verecundiam in bibendo, Bitiæ aviditatem, prædicant. Aliena hæc a loco et consilio poetæ omnia. Sed dicendum: quod poetæ memorandum erat, in eo illum verecundiam sexus feminei observasse: imprimis antiquorum temporum more, cum matresfamilias vino non uterentur. Recedit quoque a nostro more hoc, quod non Æneæ hospiti offert poculum Dido; nam in honorem ejus adventus diis libatur. —*summo ore tenus*. primis labiis degustavit. *Bitias* Punicum nomen, quod et alibi occurrit. *pleno auro se proluit*, poculum vini plenum exhausit, quod tantum labris attigerat Dido; *proluere se*, gulam, dictum puta, ut vino perfundi, madere, tingui, de ebriis; quæ omnia notiora sunt. Burmannus docte, non eleganter, hæc illustrat. *Multa prolutus vappa* etiam Horat. I Serm. 5, 16.

740. Ad Homeri imitationem, imprimis Odys. Θ, 62 sq. Heroicis

Personat aurata, docuit quæ maximus Atlas.

Hic canit errantem lunam, solisque labores ;

Unde hominum genus, et pecudes ; unde imber, et
ignes ;

Arcturum, pluviasque Hyadas, geminosque Triones ;

741. docuit quem Medice, cum parte codd. Heins. nec non Romanus cum aliis Pierianis. Etiam Servius: quæ legendum, non quem. docuit quam Græv. *Atlans* Romanus, et sic Mental. 742 scripsisse nonnullos is, Pierius monet. Scilicet hic ejus loco positum. Atque is quidem (Iopas) canit etc. 743 unde genus hominum et pecudum — Hamb. pr. *pecudes, aqua, imber* et i. ed. Ven. scil. *aqua ex glossa. et ignis* Sprot. et Rottend. tert. et *pecudes, genus unde ferarum* Medice. Pierii. 744 *Pliadasque Hyadas* plures ap. Heins., et duo Goth. *Plyadasque hyades* ed. Ven. *Pleiadasque Parrhas.*, scilicet quoniam alias *Pleiadasque Hyadesque* jungi norant (sup. Georg. I, 138. *Iliad.* 2, 486. Ovid. Met. XIII, 293): invito metro, plane ut Æn. III, 516, ubi idem versus recurrit, factum videmus; v. Heins. ad e. l. *septemque triones* Hamburg. alter.

temporibus semper ἀοιδὸς conviviis quæ fere cum re divina erant conjuncta, aderat, cf. Quintil. I, 10, 10, (quem locum sine auctore affert Pomponius.) *crinitus*: proprius is citharædorum habitus, comam alere; forte Apollinis exemplo. Traduxisse tamen ex suis temporibus ad vetera videtur Virgilius. *personat*, canit cithara ea, quæ docuit, cecinerat prior, *Atlas*. Sic poetis *sonare* et *docere*, ὁδῶσθαι. Præclare et hoc ad illorum temporum, quibus omnis philosophia naturæ qualicumque contemplatione continebatur, rationes, quod carminis argumentum ex cosmogonia et ex physica petiitum est. Quod autem Atlantem cantus magistrum facit, fabulam alicujus poetæ Græci exquisitiorem redolet, veluti quod Æt. VI Silenus physica docebat. Atlantis vulgo tributa siderum notitia æsphaeræ inventum, cf. Intpp. Ovid. IV Met. 631 etc.: ad Apollod. Not. p. 681 sq. Idem inter primos philosophos recensetur a Diogene Laert. proterum. Quamquam hæc omnia ad eandem astronomiæ studium referri

possunt. Cum Iopas Tyrius, nunc Poenus, citharædus inducendus esset a poeta, acute Atlantem e vicinis Mauretaniæ montibus auctorem carminum, quæ caneret, ei arcessivit. *maximus Atlas*. Æn. VIII, 136 *maximus Atlas*, — *atherios humero qui sustinet axes*. Est autem simpliciter dictum pro magnus. Sic *maxima Juno*, et alia.

742—746. *Errantem lunam* pro *lunæ errores* seu *cursum*. *solis labores*, defectus, eorumque causas. Georg. II, 478 *Defectus solis varios lunæque labores*. Attamen *Solis labores* et ipsi de cursu solis accipi possunt. *imber et ignes*, h. e. fulgura, ex nubium afflictu. *Arcturus* stella posita in signo Bootæ, et *Hyades* stellæ in fronte Tauri. cf. Serv. ad h. l. *geminique Triones*: sunt Helice et Cynosura, Ursa major et minor, *teriones*, h. e. boves, dictæ (v. ad Georg. III, 381), quia ab antiquis hominibus sub boum, jugo junctorum, forma sidera hæc comprehensa fuisse videntur; hinc iisdem, et interdum majori Ursa soli (ut Odyss. E, 273), tributum

Quid tantum Oceano properent se tingere soles 745
 Hiberni, vel quæ tardis mora noctibus obstet.
 Ingeminant plausu Tyrii, Troësque sequuntur.
 Nec non et vario noctem sermone trahebat
 Infelix Dido, longumque bibebat amorem;
 Multa super Priamo rogicans, super Hectore multa:
 Nunc, quibus Auroræ venisset filius armis; 751
 Nunc, quales Diomedes equi: nunc quantus Achilles.
 Immo age, et a prima, dic, hospes, origine nobis
 Insidias, inquit, Danaûm, casusque tuorum,
 Erroresque tuos: Nam te jam septima portat 755

745 Qui Goth. sec. *properant* tres Burmanni. *se intingere* pr. Moret., qui et mox, obstat. 746 *tum quæ* Goth. sec. non male. Idem hi duo versus 745. 6 supra Georg. II, 481. 2 occurrerant. 747 *plausum* vulgares libri habent. Sic etiam in Servianis. Sed *plausu* Romanus c. aliis vetustiss. Pierii, item Mediæ. cum ceteris Heins. præter Sprot. et Ven. adde Wass. ad Sallust. b. I. 5. *plausu* etiam duo ex Goth. In tert. Moret. *plausus*. Sed præclare *plausu* revocat Heinsius, qui et exemplis illustrat promiscue positis, quibus tamen apparet tantum hoc, *ingeminare* absolute dici: *ingeminat clamor*, *ingeminat plausus* (sc. se) et sic alia. Scilicet dicendum: *plausu ingeminare* esse doctius et exquisitius dictum, quam *plausum*, uti multa alia similiter immutari solent, ut poetica dictio a vulgari recedat. conf. Heins. ad Æn. II, 207. Sic illud Ovid. Fast. VI, v. extr. *increpuitquæ* lyra pro, *increpuit lyram* apud Horatium. 748 *trahebant* ed. Ven. 750 *super Hectora* Gudianus. 751 miror neminem coniecisse: quibus A. venisset filius oris. 753 *Nunc age* Hugen.

nomen ἀμαξα, *plaustrum*; et hinc *Bootes*, qui deinde, Ursarum formis et nominibus subjectis, *Arctophylax* dici cœpit. Usus etiam tulit hoc, ut septem in altero horum *terionum*, Ursa majore, stellæ clarissimæ (cf. Cic. N. D. II, 41) *septentriones* appellarentur. De sideribus his v. Eratosth. I, 2. 8. 14.—745. 6. Cur dierum spatia decrescant ac crescant per diversas anni vices.

747. *Ingeminant plausu*, exquisitius dictum, quam *ingeminant plausum*. cf. V. L. ductum ex eo, quod *ingeminare* absolute quoque dicitur. 748. *Noctem sermone trahebat* doctius quam alterum, *sermonem trahere in noctem*.—749. *longum bibebat amorem*,

imbibebat, quasi longo haustu. Metaphora per se frequens.

751. 752. Ornate pro: super Hectore, Memnone, Diomede et Achille. Debuit autem in armis Memnonis aliquid memorabile esse, quemadmodum in ceteris quoque. Vid. Excurs. ad h. v.

753: *A prima o.* excidium Trojæ a simulato inde Achivorum reditu equoque fabricato. Male alii post Servium: a raptu inde Helenæ. 755. Annorum numerum vel ex ipso Æneæ vel ex Teucro scire potuit. cf. 619 sq. De ipso annorum computo v. Excurs. ad lib. III. pr. Ceterum Homius c. XXII Elem. crit. reprehendit libri clausulam, cum ipsa

Omnibus errantem terris et fluctibus æstas.

756 *Fluctibus—omnibus æstas alii. ac fluctibus Menag. et terris et fluctibus aliquot libri ap. Pierium, quod, inquit, sententiam reddit uberiores. Et sic quoque MS. Bersman. et ed. Caning. In Goth. pr. subjicitur: Funera Dardaniæ narrat fetusque secundo.*

παρρησία nullum hic, ad quod illa incidi potuerit, momentum suppeditet. Monitum hoc, ut plura a summo viro, subtilius quam verius. Cum *Æneæ* narratione novus plane rerum

ordo exurgit, adeoque memorabilem interquiescendi locum subjicit. De clausulis et exordiis librorum *Æneidis* non male disputantem video Jos. Trappium ad h. l.

EXCURSUS I*

De ministerio deorum, imprimis Junonis, in Æneide.

I, 4. *Vi superum, sævæ memorem Junonis ob iram.* Cum omnino exordium hoc multo cum judicio et verbis significantibus elaboratum sit: quippe quod omnia, quæ in actione hac epica potiora sunt, complectatur; quo ipso Virgilius Homeri simplicitatem arte superavit, qui hoc unum narrare se velle profitetur, quomodo ob simultatem, quæ inter Achillem et Agamemnonem intercesserat, magna Achivorum strages facta sit; tum hic versus statim ab initio expectationem facit ministerii deorum, imprimisque pericula et labores ex odiis Junonis minatur; discrimina enim, quæ quis a diis objecta adit, tanto graviora esse probabile fit, facitque adeo ea res ad notionem magnitudinis. Cum de re ipsa alio jam loco actum sit universe (Disquis. I, de Carm. epico s. VII. s. IX), agedum exponamus uno loco, quomodo Virgilius in toto carminis sui tenore invento hoc usus sit. Intelligemus scilicet, verum esse quod illo loco dictum est, valde diversam illam rationem esse ab ea, quam Homerus secutus est; hic enim afflatu divino abreptus omnia cum fide narrat, tanquam is qui sibi persuasit, ea ita gesta esse; in Marone vero studium fingendi ea, quæ aliis persuadere cupiat, subtile acumen, et mira sagacitas in rebus Romanis cum Trojanis consociandis eminet.

Primo quidem Juno, cum jam alias satis graves irarum in Trojanos causas haberet (lib. I, 23—28), nunc multo majore eos odio persequitur, quod Carthaginensi suæ metuit; quandoquidem resciverat, et Trojanis populum exoriturum esse, a quo aliquando Carthago delenda esset (I, 12—23). Illa igitur, ut ab Italia, destinata Æneæ a fatis sede, Trojanos arceret, nihil intentatum relinquit. Etiam tum, cum a Sicilia solverant, tempestate Æoli ope mota eos a cursu in Italiam dejecit; ita Carthaginensium litori admotæ, tempestate a Neptuno sedata, ad litus illud, una amissa, naves Trojanæ appellant I, 158 sq.; Neptuni autem opera ad Æolum coercendum satis erat accommodata.

Parandum nunc erat inter barbaros tutum Trojanis hospitium (I, 223), nec minus Junonis Pænis studentis consilia metuebat Venus

(IV, 96. 97): Exoratus a Venere Jupiter mittit Mercurium: is Didonem propitiam in advenas reddit Pœnosque placat (297—304). In sermonibus inter Jovem et Venerem habitis (v. 229 sq.) multa præclare exponuntur, quæ Romanos ad carmen legendum advertere possent: A Trojanis orituros esse Romanos terrarum dominos (234—237); fata Æneæ in Italia; Ascanii regnum; Alba condita; Romæ origines; Junonis odia olim placanda; Græcia a Romanis subacta; Julius Cæsar diis adscribendus; Pax terrarum orbi reddita ab Augusto (258—296).

Interea Æneam novas terras explorantem mater Nymphæ speciem mentita occurrens edocet, in quæ loca venerit, ejus animum firmat (305—417), et nube septum tuto in mediam urbem deducit. Eadem, ut Didonem penitus devinciret Æneæ, amore eam incendit (657—722). Juno cum sua consilia ad perdendos Trojanos elusa videt, id saltem machinatur, ut Æneas cum Didone conjugio junctus Carthagine sedem figat; ita enim fore, ut fatis ei destinatum imperium in Africam transferatur (IV, 102—106). Venus fraudem subodorata saltem conjugium paciscitur (127—129); ita enim Æneam tanto tutiorem ab insidiis fore videt. At Jupiter, quem Iarbæ Mauri, qui Didonem sibi in matrimonium petierat, precibus motum poeta narrat (196—218), mandatis Mercurio datis Æneæ denuntiat, ut Carthagine decedat (v. 220 sqq.). Etiam in his Jovis mandatis iterum memorantur fatis datæ Æneæ in Italia sedes, posteris ejus terrarum imperium et primo loco Ascanii regnum (229—236).

Postquam Æneas Africa relicta iterum Siciliam appulerat, ut discessu ex insula et aditu Italiæ eum intercluderet, novam fraudem molitur Juno; Iride missa et in anum Beroen mutata mulieres Trojanas hortatur, ut classem incendiant (V, 608 sqq.). Parte tamen Trojanorum Segestæ relicta, naves, quæ supererant, conscendit Æneas et cursum in Italiam absolvit; ut tuta esset navigatio, Venus Neptunum exorat (779—824).

Escensu ad ostia Tiberis ab oriente in litus facto et animis portento mensarum comesarum firmatis castra ponunt, et ad Latinum regem legatos mittunt VII, 1 sqq. Qui et ipse, multis portentis et vaticiniis jam ante de exterorum adventu edoctus, non modo hospitium et societatem regni, verum et conjugium filiæ Laviniae pollicetur (VII, 1—285). Tum Juno (VII, 286 sqq.), cum fata se retexere posse desperat, id saltem meditatur, ut rerum eventus differat: idque bello adversus Trojanos moot (313—322). Belli hujus semina hunc in modum a Junone

jacta, ut Alecto, Furiarum una, missa, Amatam, Laviniae matrem, quae filiae matrimonium Turno pacta erat (341—403), tum Turnum ipsum, ira et furore inflammaret (408—457), Latinos quoque in Trojanos exasperaret, Ascanio venanti objecta cerva sacra, quam ille vulnerat (475—502), tum Tyrrhei filio in tumultu agrestium caeso (531—539). Ita bellum conflatur. Jani portas ipsa Juno reserat (620—623).

Aeneam de novis rerum casibus sollicitum Tiberis deus confirmat per somnum, portentumque suis cum XXX porcellis paullo post occursum edocet, utque, Pallanteum profectus, Evandrum cum Arcadibus in societatem belli adsciscat, hortatur (VIII, 1—80): Objicitur portentum suis, quam Aeneas Junoni mactat, ejusque iras deprecatur (81—89. 59—61). Tum Venus arma ipsi a Vulcano fabricanda petit (VIII, 370—453), mox demissa illa caelo (523—540, 608—ad f.).

Interea dum Aeneas apud Evandrum et Etruscos auxilia conquirat, Turnus castra Trojanorum oppugnat. Facit illud Junonis monitu, missa ad eum Iride (IX pr.). In hac castrorum oppugnatione, ut Ascanius e pugnae discrimine subduceretur, Apollo in Butae speciem mutatus a pugnando eum absterret (638—663). Turnus, postquam per portam patentem in castra irruperat, Trojanos perterritos fugat, Junone ipsi favente; donec Jovis jussu ab Iride avocatur (802 sqq.). Omitto Cybeles interventum in classe Aeneae servanda, navibus in Nymphas mutatis (IX, 69—122, X, 219—250).

Concilio deorum facto, Jupiter dissidia moyentes objurgat: differre saltem odia in illud tempus jubet, quo Carthago et Roma concursurae sint (X, pr.). Venus de injuriis et periculis Aeneae creatis conquesta, ut saltem Ascanius incolumis discedat, precatur; satius alioqui fuisse, ut Trojae fatum commune experti essent pater et filius (X, 18—62). Juno refellit Venerem et Turnum defendit (62—99). Tandem Jupiter neutri parti se studere, sed fati totam rem committere velle significat (100—115). Interspersa sunt alia nonnulla: Lausum et Pallantem congregi vetat Jupiter (X, 436), Mezentium ad pugnam instigat (X, 689), inde Tarchonem (XI, 725). Venus monstrat herbam, qua Aeneae vulnus sanatur (XII, 111). Graviora sunt, quod Turno adest Juturna nymphea soror (X, 439. XII, 139). Aeneae adventu Trojani tandem castris erumpunt, et copias utrimque jungunt; belli itaque tota mole in Turnum conversa, Juno a Jove precibus consequitur, ut eum pugna subducere liceat (X, 606—668).

Tandem, rerum summa ad pugnam inter Turnum et Aeneam deducta, Juno, ne ipsa nec pactioni nec pugnae intersit, discedit, Juturnam hor-

tatur, ut fratri, quacumque possit ratione, succurrat (XII, 134—160),* quod illa variis modis frustra facere tentat (468 sqq. 623 sq. 784 sq.). Novissimo enim certamine congregiuntur Turnus et Æneas. Nunc Jupiter, ut illam placaret, accurate cum ea agit, ejusque precibus hoc tribuit, ut, Trojanorum nomine abolito, Latinorum nomen obtineat, sermone quoque Latino servato, Trojano extincto; oriundos ex mixta hac gente Romanos pietate in ipsam Junonem insignes fore (791—841). Inde Jupiter omen instantis Turno mortis mittit bubonem: quo viso Juturna, desperata fratris salute, discedit (843—886). Si hoc modo rerum momenta ponderantur: deorum interventum haud dubie magnam vim et utilitatem ad res epica cum gravitate expediendas habere apparet. Ceterum videmus Junonem inter et Venerem omnes has partes epicas esse distributas. Mirari licet, Apollinis partes esse nullas, qui tamen Trojanos apud Homerum favebat, et Æneam ex pugna cum Diomede servaverat E, 431 sqq. Verum Maro simplicia et inter se consensu prætulit; Apollinis operam vaticiniis et oraculis variandis reliquit. Alia secutus est Horatius, qui Apollinis operam in stirpe Trojana servanda egregie et ornatè exposuit Carm. IV, 6, 13 sq.

EXCURSUS II†

Ad verba: quo numine læso.

8. *Musa, mihi causas memora, quo numine læso, Quidve dolens regina deum tot volvere casus Insignem pietate virum, tot adire labores Impulerit; tantane animis celestibus iræ!* Sententia est expedita; hæremus tamen in ipso exordio tam splendidi carminis, poetæ castigatissimi, in enuntiatione, quæ nec satis elaborata nec epica gravitate satis digna esse videtur. Causas quærit poeta e Musa, cur Æneas tot malis et laboribus objectus fuerit. Repetuntur illæ, antiquitatis heroicæ sensu, a deorum ira. Jam poterat quæri aut omnino, *cujus numinis ira ea fuisset, aut, si de numine constabat, quid ejus iram provocasset.*

Jam primum ambigua est in poeta oratio, tum laborare videtur junctura, quæ est admodum molesta et ingrata. Musa, *memora, quo numine læso, quo deo læso, debebat sequi: vir pietate insignis impulsus fuerit volvere tot casus etc.* Sequitur tamen alterum: *quidve dolens re-*

* Ad novissima hæc cf. Exc. II ad Lib. XII.

gina deum tot volvere casus virum impulerit. Recessit itaque poeta a priore junctura, et transiit ad aliam; quod exemplo haud carere meminimus: in exordio tamen factum miror. Porro non bene quæri potuisse a poeta videtur: *quodnam illud numen fuerit*; cum de Junone satis constaret; nec ex Musis id quærendum erat, nam ipse statim subjicit *Junonem*; latebant tantum causæ iræ Junonis, quas mox a Musa comperitas poeta varie exponit. Videtur ita tota sententia ad unam Junonem revocanda esse. Tum autem molestiam faciunt verba: *quo numine læso, quidve dolens regina deum virum—impulerit*; si enim numen diversum ab ipsa est: eam alterius dei injurias ulcisci voluisse necesse est; quis vero ille fuit aut esse potuit? et quo poetarum usu et exemplo Juno alios deos ulcisci velle videri potest? Dicas, exemplo id Jovis facere eam posse, qui in Palladis gratiam Ajacem Oilei ultus est inf. 43. Verum non constat de numine aliquo, cujus causam Juno susceperit; suas illa iras, sua odia exercuit. Sin *Junonis numen* est: quo tandem sensu potest quæri: *quo numine læso*? Suntne ejus numina plura? ut quæri possit, *quod ejus numen læsum fuerit*? et, si quærat, quam jejunum hoc est in poeta, et in carminis exordio! Placuit tamen hoc jam veteribus apud Servium; et Macrobius Sat. I, 17. probasse videtur: cum dicat, Maronem ostendisse, *unius dei effectus varios pro variis censendos esse numinibus.* sequitur hoc Cerda cum aliis, ornatque Burmannus. Scilicet, cum numen sit voluntas, tum potestas ac majestas dei, (unde tandem pro ipso deo ejusque natura, aut nomine ac titulo ponitur) potentiæ autem partes esse possint, divitiarum, regnorum, conjugiorum, partus, cui illa præerat, aiunt quæri: *qua parte ejus potentiæ læsa*? quod jejunum et vapidum esse, dices. *Uni quidem deo plura numina inesse*, nec usu nec ratione mihi quidem liquet. Si poetæ de uno deo numina memorant, id fit poetica ratione, ut pluralis pro singulari ponatur. Addam: occurrere in poetis notiones numinis alias; poni pro religione numinis, pro sacris, porro pro monitis numinis, jussis, vaticiniis, consiliis. Verum his significatibus nec *quo* nec *læso* convenit. *Lædi numen* dicitur violata ejus majestate, adeoque ad iram et ultionem illud provocari; frequentatur imprimis de perjurio, ut apud Horat. *Cum tu magnorum numen læsura deorum In verba jurabas mea.* Sic Tibullus aliquoties et alii; et de sacrilegio inf. II, 183. *pro numine læso.*

Fuit vir doctus, qui jungeret; *quo impulerit*; ut sit, quorsum, quo consilio. Enimvero manet sic quod ambiguam et duram structuram reddit, apposito: *numine læso.* Restat, ut accipiamus numen Junonis læsum multis rebus ac causis; quærique adeo, cum satis constaret, læ-

sum esse, qua in re læsum fuerit; *quo*, qua in re, *numine læso*. Hoc quam ingratum, et pedestri orationi propius sit, sentio equidem; non tamen videntur sensisse viri docti. Nam et Servius hoc apposuit primo loco: ("*quo*, in quo, in qua caussa; et est septimus casus, et communis elocutio; dicimus enim: *quo te læsi*." Recte sane, vix tamen bene duplici ablativo.) et Heinsius, Jo. Frid. Gronovio Obs. IV, 9 laudato auctore, probavit; subjicit tamen "*posse et simpliciter capi, ut infra 674 ne quo se numine mutet*." quæ quomodo cum his conveniant non video. Nam ibi est potestas dei in fraudem versa: ne quo dolo, qua fraude alicujus dei, ejus mens mutetur.

Post hæc omnia dixeris, cum nulla satis commoda ratio interpretandi suppetat, de corruptela esse cogitandum. Videtur tamen illa in exordio tam noti ac celebrati carminis vix locum habere; aliter se res haberet in carmine in uno vel altero libro lacero servato; tum vero nondum vidi, nec ipse exputare possum, emendationem satis probabilem. Venit statim in mentem: casus rectos, *dolens* et *regina*, requirere læsa; verum quid est: *quo numine læsa Juno*? estne, ipsa a quo numine læsa? an redibimus ad molestam interpretationem: *quo numine*, qua suæ majestatis parte? Incidere proclive est in alterum, *quo nomine læsa*, qua caussa, qua re, qua de re. In hoc Catræus, Heumannus, jam olim Scioppius inciderat in *Paradoxis literariis* (sub Pascasii Groppii nomine Mediolani 1628, vulgatis) ubi p. 24 recte exagitat Servii rationes, tum legere suadet: *quo nomine læsa* (non *numine*, quod ad h. l. Virgilii Heinsius adscripsit) laudatis locis Suetonii in Galba c. 16. *Subinde jactavit, legere se militem, non emere consuevisse: Atque eo quidem nomine omnes qui ubique erant milites exacerbavit*, illo scilicet nomine læsi, ea caussa exacerbati fuere milites, quod ita jactasset. Serv. Sulpicius apud Ciceronem IV ad Div. 5. *Quid est, quod tu, aut filia tua, cum fortuna hoc nomine queri possitis?* Ipse quoque Cicero de Fin. II, 7. *qui cum luxuriose viverent, a summo philosopho non reprehenderentur eo nomine*. "Quærere ergo poetam, ait Scioppius, quo nomine exacerbata, quo Æneæ facto læsa, quidve graviter ferens Juno Æneæ tam addita infestaque fuerit: in quo periculum non est, ne per tautologiam aliter atque aliter rem eandem extulisse verbis indicetur:—sed profecto aliud *lædi* est, aliud *dolere*. Nam et usu venire potest, ut doleat, qui læsus non sit, et rursum, quem quis læserit, æquo sit animo, nec quicquam ea in re moveatur." Præclara critica, nec esse video, quod in ea moneatur, nisi quod *forma orationis pedestris* in poetam inferatur. Possis substituere magis poeticum, *quo crimine*, ut apud Lu-

can. VII, 847 *quo tanto crimine, tellus, Læsisti superos? aut quo vulnere læsa: ut mox: Juno æternum servans sub pectore vulnus, et Ovid. Met. IV, 720. vulnere læsa gravi; enimvero et nimis ea recedunt a scriptura nec satisfaciunt judicio morosiori. Magis poetam deceret quærere: quæ numina læsa impulerint, interposita una ex diis Junone. Ita comparari possit Horat. I, 26, 3 quis sub Arcto—subjecto statim Teridate: ut ibi monet Mitscherl. Ex his si nihil satisfacit: restat ut locum referamus in numerum eorum, quæ mutaturus, si licuisset, erat poeta.*

EXCURSUS I**

Pallas fulmen jaculans.

I, 42. *Ipsa, Jovis rapidum jaculata e nubibus ignem, Disjecitque rates, evertitque æquora ventis; Illum, expirantem transfixo pectore flammæ, Turbine corripuit, scopuloque infixit acuto.* De diis fulmen jaculantibus cum multa argutus esset Servius cum aliis, viri docti diligenter commentati sunt; ita ut nunc inter notas res illud sit. Videndi de his Cu-per. Harpocr. p. 100. Burmannus in Jove Fulguratore c. 15. et Winckelmann. *Monum. ant. ined.* T. II. c. 2. Res in gemmis obvia. Multo tamen magis celebrata est Pallas fulminatrix in numis, maxime Domitiani Imp. Occurrit etiam in græcis, ut Antigoni Gonatæ, Agathoclis Syrac. et in ipsis Syracusarum numis. Est quoque Palladis caput cum fulmine in numo æreo Locrorum apud Magnan. Pellerin. et Eckhel *Doctrina numor.* T. I. P. II. p. 191. Alio modo in numis Atheniensium noctua cum fulmine cernitur. Nec minus alii dii cum fulminibus occurrunt, ut vel ex *Lexico numism.* Raschii cognoscas T. II. P. I. p. 1199.

Ajacis Oilei f. interitus est inter narrationes non uno modo a poetis ornatas. Sunt imprimis duæ, altera epicorum, altera tragicorum. Præiverat Homerus *Odyss.* Δ, 499 sq. Ajacem is Neptuni ope jam Gyris admotum in eo fuisse narrat, ut incolumis enataret in petras, cum ejus superbis dictis (φῆ δ' ἀέκητι θεῶν φυγέειν μέγα λαῖμα θαλάσσης) Neptunus irritatus tridente rupem percussit ipsumque cum rupis parte, quam manu prehenderat, præcipitem mari submersit: (qui sequuntur duo versus 509. 510 ab interpolatore, forte rhapsodo, profecti sunt.) Copiosius hæc exposuit Quintus XIV, 547 sqq. (ubi et ipse turbat

narrata 579—586 ita ut eum versus adulterinos modo memoratos in suo legisse apparent, nam cum jam una cum rupe apprehensa in mare præceps ruisset, aliam rupem Neptunus in eum devolvit.) Ad Homeri mentem fabula exposita erat a Callimacho ἐν Αἰτρίοις, ut discimus e Schol. Il. N, 66. et ad eundem Homeri ductum adumbratus erat Ajacis infaustus casus in tabula apud Philostrat. Imagg. II, 13. nescio an eodem modo Apollodori *Ajax fulmine incensus*, quem Pergami spectari ait Plinius XXXV, 9. s. 36, 1. In priscorum operum reliquiis nullum Ajacis vestigium vidi memoratum, præterquam *Ajacem petra descendentem* (non in rupem enixum) in gemma Stoschiana ap. Winckelmann. Mon. ined. no. 142. Idem tamen argumentum in aliis gemmis ad Martem descendentem ad Rheam Silviam referri memini. Ajacem, nodum galeatum, cum clipeo et gladio irruenti similem, in Locrorum Opuntiorum numis occurrere putant viri docti; in aliis fulmen et Palladis caput ad eum spectare. cf. Eckhel v. i. Doctrina numor. Vol. I. P. II. p. 192.

Est altera ratio, qua præcipuè in ulciscendo Ajace partes Minervæ tribuuntur. Conjunctas eas cum Neptuni opera fuisse jam ex Odyss. loco laud. Δ, 502 tenemus. Ubi Ajax est ἐχθόμενος Ἀθήνῃ. In eadem Γ, 135. feda tempestate immissa Minervam ira concitam classem Achivorum Troja redeuntium dispersisse narrat poeta: τῷ σφέων πολέες καὶ ὄϊον οἶον ἐπίπουν Μήνιος ἐξ ὀλοῆς Γλαυκῶπιδος ὀβριμπατρὸς. Similia sunt Odyss. E, 108. 9. Caussam iræ Minervæ subjecerant Cyclici, raptam in excidio Trojæ Cassandram: de qua nuper præclare egit Böttiger Vir doctissimus. Pro primo famæ hujus auctore haberi potest Arctinus in Ilii excidio; quod ex Procli fragmento sæpe laudato intelligere licet: ubi Ajax Κασσάνδραν πρὸς βίαν ἀποσπῶν, συνεφέλκεται τὸ τῆς Ἀθηνᾶς ἔσθλον. petita mox ab eo pœna sacrilegii ad Minervæ aram confugit Ajax et servatur; tum discedunt Græci, καὶ φθορὰν αὐτοῖς ἡ Ἀθηνᾶ κατὰ τὸ πέλαιος μηχανᾶται. Exposita adeo in isto carmine videtur fuisse ratio, qua Minerva Ajacem ulta est: scilicet quod illa ipsa fulmen seu arripuit, seu a Jove obtinuit, quo Ajacem trajecit et scopulo affixit. Hoc secuti sunt Tragici. Certe Hyginus fab. 116. quem argumentum Ναυπλίου πυρκαῆως Sophoclis exponere suspicari licet: in qua, inquit, tempestate Ajax Locrus fulmine est a Minerva ictus; quem fractus ad saxa illiserunt; unde Ajacis petrae sunt dictæ: scilicet quæ vulgo sunt Gyræ seu Gyrtæ petrae. (Eadem, sed Neptuno adscito, in Agamemnone Senecæ 528 sq. tragico tumore sunt narrata.) Patet adeo ex his, Virgilium Tragicos etiam in Ajace esse secutum. Tzetza

Antehom. 300. sq. Ajacem in discrimen adductum ait, quia odio Ulyssis reliquerat classem; dilucidat hoc Philostratus Heroic. 8. narrans, Agamemnonem insidiatum Ajaci, cui Cassandram eripuerat, falso crimine opprimere voluisse eum, quem injuria a se affectum sibi irasci norat.

EXCURSUS I

De insula Æolia.

I, 51. 52. *Ventorum in patriam, loca feta furentibus austris, Æoliam, in insulam Æoliam, venit Æneas*, h. e. unam ex Æoliis, quas et Vulcanias et Liparæas appellant. Unam Æoliam memorat Virgilius Homeri exemplo Odys. K, pr. ad quem obscura de his locis fama pervenerat. Cum plures et nunc sint et olim fuerint: septem veteres nominant: quænam ex iis Æoli sedes ac regia fuerit, nec Homerus declaravit, nec Virgilius. In *Strongylen* tamen (nunc *Stromboli*) consensisse videtur antiquitas: Strab. VI, p. 424 B. Στρογγύλη—ἐνταῦθα δὲ τὸν Αἰόλον οἰκῆσαι φασίν. add. Plin. III, 9 s. 14. *Hieram* autem (*Volcano* nunc dictam) Vulcano plerique assignant; alii *Liparam*: v. ad Æn. VIII, 416. Variasse in his veteres mirum non est, cum ipsa illa natura, a qua ductæ fabulæ sunt, pluribus insulis communis sit, sive flammæ erumpentium, sive ventorum subterraneorum fremitum cogites: uti præter Strabonem, principem auctorem de his insulis VI p. 422 sq., aliosque veteres a Cerda ad h. l. Apollonii Schol. IV, 761. III, 41. Spanh. ad Callim. in Dian. 47. Cluver. in Sicilia lib. II, c. 14 laudatos, e recentioribus imprimis Houel (*Voyage pittoresque de Sicile, de Malte et de Lipari* To. I, c. XI), Strongyles prospectum ediderat Illustr. Hamiltonus in *Campis Phlegræis* (To. II, pl. 37). Videndus de hac insula quoque Ætna v. 431 sqq. Ut autem veteres ventorum et Æoli, qui eos regeret, sedem has insulas, seu unam ex illis, facerent, naturalis haud dubie eos adduxit habitus; sive antra, quæ ex antiquioribus ignibus supererant, ventis subterraneis pervia, seu quod observatum erat, ex fremitu diversa ratione, flammæque, fuliginis et efflationis, prænosci posse ventos surgentes; etiam, quis tertio post die spiraturus sit ventus: vid. Strabon. VI, p. 423 C sq. (276). Plinius l. c. Strongyle in qua regnavit Æolus; quæ a Lipara liquidiore flamma tantum differt; e cujus fumo, quinam flatu sint venti, in triduum prædicere incolæ traduntur; unde ventos Æolo paruisse

existimatum. Æoli autem mythum alio modo ornavit Homerus, cum Anni vertentis symbola in eum transtulit Odyss. K, 1, quo toto loco comparato intelliges, Æolum Virgillii plus dignitatis habere, etiam in hoc, quod *utres*, quibus venti includuntur, absunt; qui sane in Homericis fabulis locum suum tuentur, in Virgilio autem absurde positi fuissent. Comparato tamen Quint. Cal. loco XIV, 474 sqq. intelligere mihi videor, prævisse Virgilio ex cyclicis poetis aliquem, qui tempestatem in Græcorum classem, Ajacis Oilei f. ulciscendi causa, excitatam simili modo descripserat. Nam Quintus loco Virgiliano multa habet consentanea. Virgilium in hac fabula expressit Valer. Fl. I, 576 sqq. sic ut facile imitatore intelligas; brevius narrationem exequitur Silius IX, 491 sqq. Apollonii exemplo IV, 777.

EXCURSUS II

Nymphae Junonis comites.

I, 71. *Sunt mihi his septem præstanti corpore Nymphae.* Habet igitur etiam Juno suas Nymphas, non modo Diana. Memorantur earum nomina ap. Pompon. Sab. ad h. l. Sed ne fallare, excripta ea esse teneas ex Georg. IV, 336 sqq., ubi Nereides Clymenes comites enumerantur. Locus autem Virgillii expressus ex Iliad. E, 267 sqq., ubi tamen Juno Somno promittit *Χαρίτων μίαν ὀπλοτεράων*. Charites enim Junoni adsunt antiqua religione. Ita ap. Pausan. II, 17. Sed fingunt poetæ nonnulla præter religiones. Sic Statius Palladi non minus quam Dianæ comites dat Theb. II, 239. Alioquin Horæ Junoni adsunt, quas ad quatuor anni tempora revocat Quintus Cal. X, 336 sqq. In Homero multa sunt, quæ minus displicent. Somno conjugem promitti, magis est consentaneum, quam Æolo, XII jam ex uxore filios habenti v. Odyss. K, pr., cui ideo nec v. 74 aliquid præclari admodum promittitur, pulcra eum prole parentem futurum. Dicendum tamen, Virgilium hac in parte fabulæ ab Homero recessisse, Æolumque nondum uxori junctum posuisse. In 74. 75 voluit poeta Homericis verbis ex l. l. Iliad. E, uti; ubi v. 269 Somno promittitur *Παίθεα ἥς αἰὲρ ἐέλδαι ἤματα πάντα*, *cujus amore tu flagras ab omni inde tempore, cujus amore jam dudum teneris* (vide 276, cf. Odyss. E. 210. 219): quæ multo melior est muneris commendatio. Sed

Virgilius, nisi in diversam sententiam versus Homericos deflexit, ita accepisse videtur, *quam tu semper amabis*, ἐέλκεαι pro futuro tempore; quod et ipsum accommodatum est prisco usui loquendi. Vide v. c. Hymn. in Venerem v. 149, et Odyss. Z, 281 ἐξεῖ δέ μιν ἡματα πάντα. Unde apparet, vetere ævo omnino hanc fuisse formulam designandi conjugii.

EXCURSUS III

De pluribus ventis una spirantibus.

I, 85. *Una Eurusque Notusque ruunt creberque procellis Africus.* Aquilonem cum his non memorari miror equidem. Nam, quod Seneca Nat. Qu. V, 16, ubi h. l. excitat, *Una*, inquit, *Eurusque Notusque—Africus*, et, qui locum in illa rixa non habuit, *Aquilo*, verum non est; nisi tantum hoc dicere voluit, omisum esse Aquilonem a poeta. Nam ad classem Æneæ, quæ a Siciliæ litore occidentali evecta cursum ad Italiam tenebat, versus Africæ litore rejiciendam, Aquilonis sane, aut alterius venti ex vicino cardine, partes esse debuere præcipuæ. Sed eum omisum tanto magis mireris, quandoquidem in loco Homeri, quem verbis expressit, Odyss. E, 195, ubi Ulysses ex Calypsus insula redux gravi tempestate opprimitur, cum ceteris ventis Βορέης αἰέρον γεγένης memoratus sit. Et in altero loco Odyss. I, 80. 81, ubi Ulysses, qui ultra Maleas provehi non poterat, versus Libyæ litus, ad Lotophagorum insulam, Menigem esse putant, rejicitur, Borea vento, et quo alio vento fieri id potuisset? id factum memoratur. Similiter de Argonautis apud Apollonium IV, 1231, quos ex Ionio mari in Syrtes tempestas impingit, καὶ τότε ἀναρπάγον ὅλοι βορέας θύελλα Μεσσηγιὸς πέλαγος τε Λιβυστικὸν—φέρ'. Habuit autem et hunc ipsum locum ante oculos Virgilius, ut e pluribus vestigiis intelligas. Dicendum itaque, poetam ventos promiscue h. l. posuisse, nec ad subtiliorem aliquam rationem; in una, saltem procella ipsum Aquilonem nominat inf. v. 102. Porro aliam difficultatem in h. l. movere videri potest Seneca l. l., ubi, recitatis his versibus, *in unam tempestatem omnes ventos congregari posse negat*: res scilicet ita ad libramentum rediret, et Aquilonem reprimeret Auster, et sic porto. Poetarum usu defendit nostrum poetam Cerda cf. inf. II, 417, et alterius Senecæ imitationem Agamemn. 473—476 habes. Enimvero cogitandum est de

subitis ventorum conversionibus, ac procellarum ab omnibus plagis circumagentium se vicissitudine. Naturam rei clare expressit Hom. Odyss. E, 331. 332: *Navem ἀμπέλαγος ἄνεμοι φέρον ἔνθα, καὶ ἐνθα, Ἄλλοτε μὲν τε Νότος Βορέη προβάλεσκε φέρεσθαι* Ἄλλοτε δ' αὖτ' Ἑβρος Ζεφύρος εἴξασκε διώκειν. Ceterum in Senecæ N. Q. loc. laud. vereor ne verba: *quod fieri nullo modo potest*, ab alio assuta sint.

EXCURSUS IV

Ara in mari ex adverso Carthaginis.

I, 108—112. *Tres Notus abreptas in saxa latentia torquet: Saxa vocant Itali, mediis quæ in fluctibus, aras: Dorsum immane mari summo. Tres Eurus ab alto In brevia et syrtes urguet, miserabile visu. Aut Itali, Romani, omnino quæcumque saxa, omnes scopulos, medio in mari aras vocant, quemadmodum ara omnem crepidinem et eminentiam veteri sermone designabat.* Notus locus Scalig. Auson. Lect. II, 22. At sic frigidissima esset oratio. Aut de certo aliquo loco agitur. Erant autem ex adverso Carthaginis, CCXXX ab urbe stadiis, inter Apollinis et Mercurii promontoria (cf. inf. Exc. VI ad v. 159) quæ insulæ seu verius scopuli, sæpius pro una insula habiti, nunc Afris *Zowa-moore*, in geographicis tabulis *Zimbra*, vitiose in Gallicis libris, *les Isles des Indes*, dicta, (de qua v. *Shaw's Travels* p. 146) olim *Ægimorus* vel *Æginurus* insula. Plin. V, 7 *Contra Carthaginis sinum duæ Ægimori Ara, scopuli verius quam insulæ, inter Siciliam maxime et Sardiniam* (Compara Liv. XXX, 24). Auctores sunt, et has quondam habitatas subsedisse; ut adeo sub mari laterent (*saxa malignis submersa vadis* Statius diceret I Theb. 373). Varro ap. Serv. ad h. l. *verentur in pelago latentem insulam, quem locum vocant Aras*. Eas *Neptunias* fuisse vocatas idem Servius e Claudio Quadrigario docet, at *Sisenna propitias* appellaverat. Jam *Ara* possunt dictæ videri, quia scopuli sunt super aquam eminentes. At Servius: *quod ibi Afri et Romani fœdus inierunt et fines imperii sui illic esse voluerunt*. Inducias quidem in ea insula ruptas sub finem belli Punici secundi Livius l. I. memorat; non pacem ibi factam. Et fines imperii in pacis conditionibus apud Polyb. III, 22 *sqq.* aliter constituuntur. Sed, qui istum Servianis assuit pannum, *Ægetes* insulas, Lilybæo Siciliæ oppositas, ad quas victi a C. Lutatius

Catulo Pœni bello Punico primo finem fecerunt cum Ægimuro confudit. Quod et a Pomponio Sabino factum video. Alia lacinia in Ser-
vianis docet, in his saxis, quæ insulæ submersæ olim reliquæ essent,
Pœnorum sacerdotes rem divinam facere solitos.

Hactenus de vocis *aræ* interpretatione. nunc de toto versu, quem
solent laudare docti viri, tanquam doctrinæ, quæ in poeta fuit, argu-
mentum. Recte quidem. Sed quis poetam ferat in medio rerum
æstu, cum omnia tempestate magna turbata sunt, cum omnia mortem
intentant, grammaticam aliquam subtilitatem alienissimo loco interse-
rentem? Sensisse hoc frigus jam alios non dubito; et eundem sen-
sum se habere privatis aliquando ad me literis significabat Artium
inter populares nostros sospitator, Hagedornius. Cum autem vix
probabile sit, hoc sensu vacasse poetam elegantissimi ingenii, Maro-
nem: suspicioni locus est, totum versum a mala manu esse illatum.

Sed alia difficultas occurrit in locorum ac ventorum descriptione.
Tres naves *Notus* in *Aras* abripit; atqui ad eas *Aquilo* ferre debebat
naves a Sicilia in altum evectas? Verum et hic *Notum* temere pro
quocumque vento ponere potuit; ut *Æn.* V, 2. *Æneas* ex Africa versus
Italiam tendens *fluctus Aquilone secabat*. Potuit etiam classis jam tum
ad occidentales vel australes Ararum partes delata esse, unde *Notus*
in *Aras* propelleret. Paulo post v. 110 *Eurus tres alias naves in breviam
et syrtes* agit. Jam vulgo omnes, quotquot vidi, interpretes *Syrtes*
proprie ita dictas (de quibus v. Sallust. Jug. 78) intelligunt. Enim-
vero, ut taceam, ab occidentali Siciliæ litore provectos *Eurus* non
potuisse ad has partes abripere; huic enim dubitationi eodem, quo
paullo ante usi sumus, modo occurri potest; omni, quantum video, geo-
graphicæ rationi hoc repugnat, ut tam ingenti marium spatio ad
Syrtin minorem, multo magis ut ad majorem, delata *Trojanorum*
classis pars fuerit, cum altera pars *Aris*, h. e. insulis *Carthagini* ob-
versis, adhæsisset. Porro tempestate sedata jactatæ naves v. 158
proxima litora petere dicuntur; et appellunt sane illæ ad *Carthagi-
nense litus*. At quantum litoris hoc esset intervallum inter *Cartha-
ginem* et *Syrtin* minorem; nam major multo etiam longius remota.
Quo efficitur, ut, nisi poeta dormitavit (quod fere est, ut verearis, si
cf. V, 192. VII, 302. VI, 60. cum V, 51. IV, 41), *Syrtes* saltem
appellative de arenosis locis quibuscumque accipiamus; quem in mo-
dum *Syrtin* illam, in quam *ἐκπεσεῖν* timet navis *Paullum* vecta *Act.*
Ap. XXVII, 17, de loco aliquo arenoso circa *Clauden* insulam, non
de magnis *Syrtibus*, accipiendam putamus. Fuisse igitur in ea maris

parte circa Aras, seu Ægimuri insulas, loca arenosa credendum est, in quæ pars navium Trojanarum incidit.

EXCURSUS V

Neptunus graviter commotus idemque placidus.

I, 124—129. *Interea magno misceri murmure pontum Emissamque hiemem sensit Neptunus et imis Stagna refusa vadis : graviter commotus et alto Prospiciens summa placidum caput extulit unda. Hic graviter commotus, ira, et caput placidum habere videntur primo obtutu, quod aibi repugnet. Observarunt jam alii et nuper Ill. Homius in Element. Critic. Nec tamen defuere jam olim qui defenderent. Sed Grammaticorum veterum levissima est ratio, ut alterum ad Æolum, alterum respectu Æneæ, dictum sit. Artificum autem, quibus animi motus in deorum ore ita sunt exprimendi, ne placida numinis majestas inde minuatur, exemplo et ratione, ad quam Spencius provocat, tueri poetam nolim. Nam diversa est in his poetices et plasticæ ratio atque indoles. Plastes enim vel pictor iram etiam placidi vultus exprimere potest; et in Neptuni ore iram ita pingi posse, ut placidi vultus vestigia non modo maneant, verum etiam ipsam iram temperent et mitigent, nemo dubitat. Verum poeta, cum graviter commotum et placidum ægillatim unum post alterum ponit, diversis animi sensum ac contrariarum rerum imaginibus impellit, adeoque alterum altero subeunte jugulat. Dixeris, nunc esse placidum, cum antea fuisset graviter commotus. Atqui nihil evenit novi, quo placatior reddi potuerit: viderat mare turbatum; prospicit et videt disjectam Æneæ classem: quid in hoc erat, quo exhilarari posset? Meliorem rationem ac viam defendendi poetæ suppeditabat Brandesius, Vir summus, artium literarumque politiorum egregius arbiter, cum et ipsis poetis eam legem scriptam et ab Homero (ut in ipso Neptuno Odyss. E, 282 sqq.) et præstantissimo quoque poeta observatum esse diceret, ut dignitatem et maiestatem deorum etiam in ira vel exultatione aliove affectu animi servarent, eique hactenus consulerent, ne faciem aut ira tumentem aut rictum cachinno diductum, legentium sensui objicerent. Etiam in illis: Quos ego—sed præstat placidam illam dei maiestatem a poeta esse proditam. Tanquam numinis itaque proprium omnino habendum*

esse *placidum caput*, quod et placato et irato convenit ac manet, adeoque h. l. mari efferri etiam ab irato. Sed nec video, quare *graviter commotus* de gravi ac vehemente ira, quæ exardesceret, acceptum sit. Est enim nihil aliud quam, quod Neptunus, cum ortam subito, ignota de caussa, tempestatem sensisset, rei miraculo turbatur. Est Homericum *συγχυθείς*. Effert itaque caput suum, vultu, quo esse solet, *placido*, qui dei esse solet. Aliam dubitationem facere possit, quod Neptuni et animus et os atque vultus, mythologorum ac poetarum consensu, paullo tristior, iracundus et torvus exhibetur, adeoque *placidum caput* ei præter naturam tribui videtur. Multa hic dici possunt; nam in talibus disertum ac doctum esse non adeo difficile est; sed etsi Neptuni ingenium et os τὸ μελίχχιον Jovis non semper habere solet, tamen ista vultus tristitia, qua a Jove discernitur, non ad iram ac furorem assurgit; sed est vultus severitas, barba paullo hispidiore, coma minus comta, fronte contracta. Si autem poetarum loca sunt, in quibus oris truculentia aut animi sævitia paullo insignior ei tribuitur, videndum, an poeta non potius maris, cujus imperium deus habet, ingenium respexerit; ut in illo: *suisque immanior undis*. Hactenus ad communes rationes a me disputatum erat. Nunc illud monebo: omnem difficultatem sublatam esse interpunctione mutata. v. Var. Lect. ad v. 126.

EXCURSUS VI

De loco litoris Libyæ, ad quem Æneas appulit.

I, 159—169. *Est in secessu longò locus. Insula portum Efficit objectu laterum, quibus omnis ab alto Frangitur, inque sinus scindit sese unda reductos. Hinc atque hinc vastæ rupes geminique minantur In cælum scopuli: quorum sub vertice late Æquora tuta silent. Tum silvis scena coruscis Desuper, horrentique atrum nemus imminet umbra. Fronte sub adversa scopulis pendentibus antrum: Intus aquæ dulces, vivoque sedilia saxo: Nympharum domus. Hic fessas non vincula naves Ulla tenent; unco non alligat ancora morsu. Cum de hac loci, ad quem Æneas appulerit, descriptione in diversas abierint sententias interpretes, et facies locorum omnino non libero satis prospectu menti se offerat: accuratius de ea mihi erit agendum. Interpretationem sententiarum singularum jam supra apposui. Summa erat hæc: Est in hac litoris Libyci*

parte locus in sinum curvatus, cui insula prætexitur, quique adeo, cum fluctus ab alto objectu insulæ franguntur, tutam navium stationem efficit. Hunc sinum subeunt Trojani. Jam in singulis nonnulla sunt, quæ ambiguitatem habere possunt. In longo secessu, sinuoso Libyæ litore, est locus: qui pro statione navium est. Insula, quæ continenti est objecta, efficit portum objectu laterum suorum (hoc ipso, quod objecta, opposita est), quibus, ad quæ, omnis unda ab alto, omnis fluctus, Frangitur et in sinus reductos sese scindit, fracta recedit: potest accipi de interioribus sinus recessibus, in quos fluctus fracti mox irruunt; ut fere Ge. IV, 420 accepimus; et ut Cerda h. l. de intervallis inter insulæ latera et continentis scopulos prominentes: sed tribuuntur et alibi sinus ipsis fluctibus allisis, qui repulsi sinus faciunt; et Ge. III, 238. fluctus longius ex altoque sinum trahit. Hinc atque hinc, aut in ipsa insula, ab utraque ejus extremitate, aut in continenti; si tamen in insula fuissent duo scopuli, fluctus ex alto allisi non præbuis-
sent quietam stationem; necesse igitur est, in ipso Libyæ litore prominentes scopulos intelligere; in hoc ergo *Vastæ rupes geminique scopuli minantur in cælum* (duo scopuli eminent), *quorum sub vertice* (subter quibus) *late Æquora tuta silent*. Hæc et pulcre dicta et intellectu facilia. Tum, præterea, *desuper imminet* (supra est) *scena silvis coruscis*, prospectus silvarum, et *atrum nemus imminet horrenti umbra* (in ipso continenti; non in insula, ut olim acceperam). *Sub adversa fronte*, in litore hoc continenti, ex adverso iis, qui ex alto ingrediuntur, *antrum est scopulis pendentibus*—*Hic* (non tam in hoc antro, quam in tota hac sinus parte, quæ pro portu est) *fessas non vincula naves Ulla tenent*. Verba v. 162 *Hinc atque hinc vastæ rupes*, visa mihi olim erant referenda esse ad insulam; quia antecesserat: *Insula portum*, et sequitur: *Fronte sub adversa*. Ita quoque visum erat Scaligero Poet. V, 3. Expensis tamen omnibus ipsam rerum rationem id postulare vidi, ut ad continentem referantur omnia. Etiam apud Homerum δύο προβλήτες ἀνταί ἀντιπρόσωγες in ipso continenti visuntur. In eo tamen nulla omnino insula objecta est.

Exoritur altera disputatio, in qua Africæ parte, et quidem in vicinis Carthagini litoribus iste locus sit, aut fuerit. Jam cum talem locorum situm a nemine alio commemoratum viderent, Interpretes post Servium, quem habemus, et Pompon. Sabinum fere in eam sententiam discessere, ut totum locum poetæ ingenio deberi, neque eum unquam vere extitisse existimarent. Et verum utique est, quod jam Macrob. V Sat. 3 et Servius ad h. l. notarunt, poetam expressisse

nobilissimum Homeri locum de Phorcynio portu et Nympharum antro Odyss. N, 96 sqq. atque adeo transtulisse ea, quæ Homerus de insula Ithaca memoraverat, ad ornandum litus Africæ. Enimvero mutavit non pauca, ut sive certasse cum Homero sive certi loci naturæ sua accommodasse videri debeat. Fuere porro interpretes, qui, secundum Servium, poetam portum suum ad portus novæ Carthaginis in Hispania speciem adumbrasse putarent; quoniam apud Livium descriptio istius portus est huic loco simillima: lib. XXVI, 43 *Ceterum sita Carthago sic est. Sinus est maris media fere Hispaniæ ora, maxime Africo vento oppositus et quingentos passus introrsus retractus,—hujus in ostio sinus, parva insula objecta ab alto portum ab omnibus ventis, præterquam Africo, tutum facit, ab intimo sinu peninsula excurrit, tumulus is ipse, in quo condita urbs est.* Prospectum urbis delineatum dedit Cerda. cf. Silium XV, 220—229. Addisonus (*Remarks on several Parts of Italy* p. 153 sqq) sinum Neapolis urbis Virgilii oculis esse obversatum putabat, nec ab eo dissentit, qui hæc loca adiit, Grosleius (*Nouveaux Memoires sur l'Italie* T. II, p. 105. 106) et potest hoc speciem aliquam habere, si poetam Neapoli otium suum consumsisse reputes, et Capræ insulam objici litori montibus et silvis munito memineris. In his tamen omnibus nonnulla sunt, quæ probare vix possis. Parum sapientem parumque gnavum poetam dicas, qui in litore Italiæ objecto, quod quotidie tot Romani frequentarent, quodque adeo notissimum esset (nam aliter res se haberet in ignota regione), vellet locum fingere, qui nusquam esset, et tantum hoc agere, ut locum ex Homero latine converteret. Simili ratione Nympharum antrum apud Homerum poetica licentia effectum multi voluere; at habemus Artemidori Ephesii fidem ap. Porphy. de A. N. cap. 4, qua constat verum hujus descriptionis fundum fuisse. Quod descriptio porro loci cum situ portus Carthaginis novæ et Neapoleos convenit, id mirum non est, cum multorum portuum idem situs sit, idque pro præstantissimo facile portus genere habeatur, quod objectu insulæ efficitur: cujusmodi plurimi memorari possunt portus. Talis erat Brundisii, de quo v. Lucan. II, 613—621, Alexandriæ Cæs. B. Civ. III, 112. Maneat itaque, etsi nunc ignoratur litoris hujus Libyci vera ratio, aut immutata est ejus facies naturalibus de caussis, Virgilium tamen veri loci situm adumbrasse, quanquam additis forte nonnullis, quæ ad poeticam amœnitatem et ornatum facerent; quod, ut poeta, recte facere potuit.

Atque hæc ne Virgilii magis studio quam aliqua veri specie arbi-

trari videamur, *Shauium*, doctissimum virum, auctorem laudare possumus, qui similem in Carthaginiensi litore locum deprehendisse sibi visus est. In Tunitano sinu, in quo eodem Carthago olim fuit sita, inter promontoria Apollinis et Mercurii, quorum hoc quidem, nunc *Cap Bon*, ab Oriente, illud, nunc *Cap Zibeeb* vel *Zebibi*, ab Occidente, sinum claudit, in hoc itaque sinu, cujus os inter duo promontoria undecim leucas patet, supra *Misum*, versus promontorium Mercurii, seu Hermæum (*Cap Bon*) circum ea loca, in quibus *Aquilaria* olim fuit sita, (nunc vicus *Lowhareah*, qui unam tantum leucam a promontorio illo abest) a litore inde usque ad vicum hunc mons procedit, qui totus effossus et excavatus, a mari inde ad vicum iter subterraneum præbet. Patet enim via, ad cuniculi speciem, a solo ad verticem ad viginti vel triginta pedes, relictis per intervalla ad montis molem sustentandam columnis et arcubus seu fornibus; spiramentis etiam passim aer et cælum desuper admittitur. Fuisse has lapicidas Straboni XVII, p. 1191, A. commemoratas, suspicatur idem *Shauius*; recte, nec ne, nunc non disputamus; unde Carthago, Utica, et aliæ vicinæ urbes materiam peterent. Mons ipse silva obsitus. Antri ostia versus mare patent iisque objecta est *Ægimurus* insula (de qua sup. ad v. 108—112). In antri aditu fontes aliquot inter rupes prorumpunt; in prospectu passim sedilia e vivo saxo, quibus operæ olim pepercerant, dum cetera exciderent. Hunc locum itaque *Shauius* (*Travels* p. 159. cf. map-pam geogr. ad p. 146) poetæ ante oculos fuisse non dubitat, dum locum describebat, ad quem *Æneas* appulit. Videntur sane omnia sic satis esse accommodata. Accedit locus ap. Cæsarem de B. Civ. II, 23 C. *Curio in Africam profectus—appellit ad eum locum, qui appellatur Aquilaria. Hic locus abest a Clupea passuum XXII millia, habetque non incommode æstate stationem; et duobus eminentibus promontoriis continetur.* Intelligenda scilicet hæc eadem duo promontoria Apollinis et Mercurii supra commemorata. Insula tamen scrupulum facere potest, si *Ægimurus* illa est, cum eandem illam per *Aras* declarari supra viderimus. Sed *Ægimurus* seu duas potius insulas, *Zimbras*, seu *Zowamores*, ita esse sitas, constat, ut ipsi Mercurii promontorio subjacere videantur, major quidem quatuor leucas, at minor parum remota a litore. Potuit igitur ad majorem pars classis adhærere; at altera minor habeatur pro insula litori objecta. Potuit etiam poeta ornare locum, aut sequi famam, qua *Ægimuri* scopuli olim insula fuisse memorabantur. Nec tamen poetam levitatis et vanitatis accusare possemus, ne tum quidem, si nullum hujus locorum situs vestigium in Africano

litore nunc compareret. Totum enim istius tractus litus maris alluvie incredibili modo est immutatum, et, quod vel ex Shauio satis apparet, procedit nunc litus inter Ruscinonem et Carthaginem multo altius in mare, quam olim. Si quis ultra instare et calumniari velit, a monte per Shauium designato ad Carthaginem usque locorum intervallum esse majus forte, quam ut altero die Æneas navibus progressus satis mature Carthaginem pervenire potuerit, eum dicemus poetam in ordinem cogere et historiæ severiori legi obnoxium facere. Ceterum hæc et illa sup. ad v. 108 sqq. paullo subtilius disputasse non pœnitebit, imprimis si descriptionem geographicam errorum Æneæ, qualis ipsi Virgilio Burmanni præfixa est, inspexerit aliquis: in qua Nympharum atrum ultra Mercurii promontorium versus Syrtin minorem, naufragium vero classis ad Syrtin majorem, et ex altera parte Aræ in partibus occidentalibus ultra Carthaginem expressæ sunt.

EXCURSUS VII*

De Antenore.

I, 242 sqq. *Antenor potuit, mediis elapsus Achivis, Illyricos penetrare sinus atque intima tutus Regna Liburnorum, et fontem superare Timavi: Unde per ora novem, vasto cum murmure montis, It mare proruptum et pelago premit arva sonanti: Hic tamen ille urbem Patavî sedesque locavit Teucrorum, et genti nomen dedit, armaque fixit Troia; nunc placida compositus pace quiescit.*

Fuit Antenor inter eos, in quorum rebus ornandis ii maxime scriptores laborarunt, qui narrationes Homericas novis commentis de suo onerarunt; non aliter ac si delectatio a mere fabulosis et temere effusis figmentis proficisceretur. Scilicet non tenebant, narrationes illas Homericas fide majorum, fama antiqua, acceptas ex antiqui quidem sermonis indole et formulis, opinionibus hominum, motæque mentis impetu, poeticoque ornatu, adscititios colores traxisse, mox multis modis et multis de caussis, in carminibus cyclicorum, lyricorum et tragicorum esse variatas. At illi homines laudem quærebant ex eo, quod res, quas Homerus seu summatim exposuerat, seu strictim percurrerat, in historias, copiose et ordine omnibus, quæ inciderant, enarratis, convertabant aut clarorum heroum nominibus facta et fata commentitia assignabant: quorum nihil, interdum ne vestigium quidem, in antiqui-

oribus extaret; alia ex Cypriis carminibus aut e Lescheo aliisque poetis cyclicis arripuere, saltem ex rivolis inde ductis hausere. De *Antenore* perpaucā ab Homero memorata sunt. Clavior est ejus uxor, *Thetis*, Hecubæ e Cisseo soror, Minervæ sacerdos (v. Iliad. Z, 297 sqq.), nec non filii, passim in pugnam prodeuntes; ipse inter seniores, qui prudentia alios antecellebant: Iliad. Γ, 148. idem suadet, ut Helena reddatur, H, 347 sqq. et Ulyssem cum Menelao, antequam arma sumta erant, ad res repetendas Trojam missum hospitio exceperat: Iliad. Γ, 205 sqq. Itaque Troja capta a Menelao servatur cum sobole. cf. Tryphiod. 653 sq. Hoc tanquam fundo superstruxere fabulatores illi, e quibus Pseudodictys et Pseudodares adhuc superstites sunt, alia, v. c. de Antenore a Laomedonte Delphos-misso (Serv. ad Æn. II, 318) de legatione ad Achivos sub extrema urbis fata (Tzet. Posthom. 607 sq.) imprimis vero plurima de prodicione urbis ab eo et a filiis facta. cf. Serv. ad v. 242. Præiverant tamen alii antiquiores, ut Lycophr. 340 sqq., nec dubito in his unum ex cyclicis poetis fuisse. Proditionis ab Antenore factæ auctoritatem jam olim Polygnatus agnoverat in tabula sua ap. Pausan. X, 27. pag. 865 Sophoclis fuere *Ἀντηροπίδαι*. Strabo XIII, p. 905 B. memorat pantheræ pellem Antenoris foribus injectam, ut tuta esset domus ab Achivorum injuriis; id quod factum in gratiam hospitii pristini ap. Quintum XIII, 293 sqq. Putabam Strabonem id ex ea fabula petisse. Verba sunt, Σοφοκλῆς γὰρ ἐν τῇ ἀλώσει τοῦ Ἰλίου παρδαλίαν φησὶ πρὸ τῆς θύρας τοῦ Ἀντήνορος προτεθῆναι σύμβολον τοῦ ἀπόρρητον ἐαθῆναι τὴν οἰκίαν. Enimvero versum ex *Ajace Loerensi* recitat Schol. Aristoph. ad Aves 934—κατασπαστικὸν κυνὸς σπολὰς Αἰβυσσα, παρδαλφόρον δέρας. Alludit enim ad ea verba Comicus. Versum quoque memorat Suidas ex Scholio, et Pollux VII, 70. Iterum de eo fragmento mentio fiet inf. Exc. I. ad lib. II de *Ἰλίου πέρσει* Sophoclis fabula male olim memorata. Menelao tribuitur beneficii accepti memoria Tryphiod. 647. De Antenoris *Lysimachus ἐν Νόστοις* egerat: adierant illi Libyam, et Cyrenen insederant: seu quod cum Græcis versari nollent, ut Lysimachus tradiderat, seu quod Menelaum et Helenam secuti tempestatis vi de cursu dejecti fuerant: quod Pindarus secutus est Pyth. 5, 108 sq., ubi v. Schol.: add. Schol. Lycophr. 874, ubi pro *περὶ τὴν Κρήνην* et *ἐν Κρήνῃ* leg. *περὶ τὴν Κυρήνην* et *ἐν Κυρήνῃ*. Nam in hac fuit *Antenoridarum collis*. Antenori a Tragicis partes facundi senis datæ, ut in vna. Eurip. ap. Athen. XV, pr.

Fuit tamen ex his commentis unum ceteris illustrius, quo profugus

ex urbe cāpta in Italiam Henetos duxisse et Patavium condidisse narratus est. *Henetorum* nomen ('Ενετών) poeta memorat,† Paphlagoniæ populi, cujus regio mulis silvestribus abundabat; e quo Pylæmenes, Paphlagonum dux, oriundus erat. Hos igitur Henetos Antenorem sibi adjunctos in Italiam adduxisse et Venetos ibi in sedibus suis collocasse narrarunt.‡ Nominis similitudinem etiam in hujus populi origine ludificatam esse veteres, in aperto est: cum diversi essent populi, alter Sinus Adriatici, alter Asiæ. Qui primus fabulæ auctor fuerit, incerta res est. Strabo jam sua ætate inter vulgo narrata (τὰ δημολόμενα) eam refert (lib. XIII p. 905 B. C.): idem Menandrium scriptorem memorat tanquam testem idoneum (p. 830 A. B.). Antiquiorem auctoritatem non memini quam Scymni Chii (*Perieg.* 388. 9). Nec tamen sive in duce Antenore, sive in populo, quem adduxit, nec in cursu, quem tenuit, omnes consensere; ut facile appareat, a multis poetis ac scriptoribus rem narratu acceptam tractatam fuisse. Ita fuere, qui Henetos a Troja reduces, fuga dilapsos, aut, Pylæmene duce, in Thraciam se recepisse, atque inde errando longius processisse dicerent (cf. Strab. l. c. et Eustath. ad Dionys. 378, qui Strabonem exscripsit). Avide commentum arripuere Romani scriptores, qui Antenorem cum Ænea compararunt: in his ipse Liv. I, 1 et jam Nepos, teste Plinio VI, 2 et inde Solino c. 44, Catonem forte secutus, qui idem narraverat, ut e Plinio discimus III, 19, s. 23 *Antenoridem* scripserat *Largus*, Ovidio æqualis IV. ex P. 16, 17 *Ingenique sui dictus cognomine Largus, Gallica qui Phrygium duxit in arva senem.* quem Ælium Largum ap. Dion. LIII esse acute suspicatur Wernsdorf. V. C. ad Poet. min. T. IV, pag. 582.

Servata sunt nonnulla ex antiquioribus in personato *Messala de Augusti progenie* c. 19 *Antenor ex Ionio æquore ad dexteram flectens, inter Dyrrhachium et Brundisium, per latissimas superi æquoris fauces, ad sep-*

† ἰξ 'Ενετών. Iliad. B, 852. Male Zenodotus refinxerat ἰξ 'Ενετῆς. v. Strab. XIII, p. 830 C. 819 A.

‡ V. imprimis Strab. XII, p. 819 A. B. XIII, p. 905 B. V, p. 325 A. Veriora ille de Venetorum origine a Venetis Belgica gente ducenda monuit lib. IV, pag. 297. B. cum Herodotus ex Illyriis eos ortos esse tradidisset lib. I, 196. Polybius II, 17, ubi de Venetis, quos ille Gallis simillimos moribus et cultu, at sermone diversos esse dixerat, περί ὧν οἱ τραγικοὶ πολὺν τινα πεποιήται λόγον καὶ πολλὰ διατίθενται τερατίων, in quibus ille tragedias Antenoris et Antenoridarum nomine inscriptas respicere putandus. In iisdem fabulas Phaethontis et Eridani variis modis expositas fuisse suspicor. Nostra ætate Henetos seu Venetos accenseri Sarmatis vidimus, ab aliis autem Slavien stirpis haberi.

testrionem conversus, hinc Dalmatas linquens, Illyricos ac Liburnos, illinc Apulos atque Picenum, ad caput Adriatici maris cursum tenuit; et, relicto æquore, adverso flumine, quod Brentesia dicitur,* sursum contendens, terra potitus, sedem sibi suisque elegit, et expugnatis Euganeis, qui tum ea incolebant loca, Patavium condidit. Is inter ceteros comites, Enectorum multitudinem numerosam secum duxerat; qui Paphlagonia orti, patria pulsati, exules ad Trojam, quæ bello tum laborabat, concesserant. Hi in proxima finitimorum prædia longe lateque diffusi, quia multitudine cuncta complexerunt, ex se gentibus nomen dedere, et Venetiæ regio dicta. De hoc Antenoris adventu sic meminit Virgilius: Antenor potuit etc. Sequitur inde apud hunc scriptorem mirum acumen super versu: armaque fixit Troia; alloquitur Imperatorem, qui, quodnam insigne vexillis Antenori et Æneæ fuisset, dubitaverat; acceperat itaque ille arma de vexillo: tolerabilius foret, si saltem de insignibus clipei intellexisset; etsi et hoc absurde. Respondet scriptor, armorum insigne fuisse scrofam; Troja namque vulgo Italice Latineque scrofa vel sus dicitur. Quid expectabis ab hominibus, qui in poetarum lectione argutias tam vanas captabant? Ceterum de Antenore Patavii sepulto vetus fuit opinio; et detectum Antenoreum sepulcrum a. 1274, inter recentiores fabulas artis vulgata est. v. Pignor. in Anten. c. 8. Ursat. in Monum. Patav. lib. I. s. 10. Accessit epitaphium, quod insertum quoque legitur Anthol. Lat. lib. I. ep. 111, ubi v. Burmann.

EXCURSUS VII

De Timavo fluvio.

Sequitur nunc 244—246. locus de Timavo: fontem superare Timavi (eo loco), unde per ora novem vasto cum murmure montis It mare prorup-
tum, et pelago premit arva sonanti. Primum versus hi, licet pulcherrimi, cum tamen non poeta hæc narret, cui ornatum sectari licet, verum ex Veneris persona Jovi supplicantis pronuntientur, alieno loco Timavi descriptionem intrudere videri debent; quod jam Ursinus recte vidit, qui simili loco Homeri Odyss. Δ, 708 excusare rem velle videtur. Fit sane omnino hoc gravissimorum poetarum more et exemplo, ut etiam, quando ex aliena persona oratio fit, ornatus idonei materia, qua variari

* Meduacus major.

oratio et delectari legentis animus possit, non dimittatur manibus; cum delectationis major sit ratio habenda, quam iudicii animorum sedati. Potuit adeo fluvius ille, etiam in Veneris oratione, verbis ornari, imprimis cum ejus natura, ad hunc modum descripta: *unde per ora novem—It mare proruptum*, ad amplificationem periculorum, quæ tamen ab Antenore superata sunt, facere possint. Tametsi forte hunc in modum excusari versus 245 et 246 possunt, nullo tamen modo probare se possunt iudicio paullo acutiori; et erant illi haud dubie inter eos, quos sublato Virgilius mallet. Improbantur hos versus et alii, et Jac. Bryant V. C. Quibus autem in terris fluvius ille quærendus sit, magna fuit inter viros doctos controversia. Si enim notus ille Istriæ fluvius est, quid ille cum Patavio commune habere potest, ut v. 247. *Hic tamen ille urbem Patavi—locavit?* (sed v. ad e. v.) Maluere itaque alii referre ad Meduacum s. Brentam, nonnulli adeo ad Padum; quos ipsa res refellit et Paullus Pincius cum aliis doctis viris a Burmanno præf. Tom. VI. Thes. Ital. nominatis. Si tamen Timavus Istriæ fluvius est, difficultates contra hos versus vel sic, non Cætræus primus, sed multi ante eum viri docti (v. c. Cerda) moverunt, qui Timavum aut plane nullum, aut hujus, quem poeta narrat, admodum nunc quidem dissimilem esse contenderent. Sed frustra; nam Strabonis lib. V, p. 214. 215, et Melæ auctoritas poetam defendit, ut Timavi olim istam naturam fuisse dubitari nequeat. Scilicet inter Aquileiam et Tergeste, in Carnorum finibus, apud vicum S. Joannis, non longe a castello Duino (*Tywein*), qui totus tractus saxeus et scopulosus est (sunt autem montes calcarii*), complures ingentesque inter rupium antra aquarum fontes prosiliunt: quorum præcipuos sex numerabat Cluverius, qui hæc loca adiit et singula accurate exploravit (v. *Italia ant.* p. 192), nec plures *Valvasor*, quem cum eo comparavimus, in *Crainia* T. I, p. 272 sqq. 612 sqq. Scilicet pro anni tempestate plures paucioresve sunt, ita ut modo septem modo novem fontes numerentur: (teste *Linharto historia Crainia* p. 66.†) Hi fontes tribus alveis paullulum delati, mox in unum flumen confluent, quod vix mille passuum viam emensum uno ostio in mare exit. Italis etiam nunc *maris parentem* (*la madre del mare*) appellari *Holdsworthus* tradit; quod nomen jam Polybii ætate frequentabatur. vid. Strab. l. c. p. 214 D.,

* V. Franc. Griselini *Lettera nel Giornale d'Italia*. To. XI, p. 118.

† Unus ex his fontibus sub castello Duino insignior est ceteris v. *Gruber Briefe über Krain* Vindob. 1781. p. 156. c. tab.

ac si mari magna aquarum accessio inde fieret. Cum Strabo cum aliis *septem*, Mela cum Virgilio *novem ora* seu *capita*, et fontes (sic *ora* et alii v. c. Statius IV Theb. 832) memorent, non inexplorata tradita ab iis esse e modo dictis apparet; nec necesse est, alias in vicinia scaturigines, quæ in eosdem alveos deferuntur, quarumque una ex lacu prodit, a veteribus annumeratas esse suspicari, quod Cluverius faciebat. Hæc eadem diligenti investigatione prosecutum videmus Holdsworthum, elegantissimi ingenii virum, dum viveret, p. 600. 601. Immutavit longa ætas locorum faciem; quid? quod invalescente indies versus hoc litus boreale mari Adriatico reprimi creditur aquæ in ipsis fluminis ostiis impetus, ita ut nunc longe minore spatio flumen, sub ipsos fere fontes stagnans, per planitiem ad mare deferatur.* Ceterum cum per subterraneas cavernas mari ad Timavi fontes iter pateat, cum aestu maris magnam illi aquarum molem accipiunt; quo fit, ut ingenti cum fragore et mugitu subterraneo Timavus inter rupium antra prorumpat (hoc est nostro, *vasto cum murmure montis*), nec, jam in unum alveum coactus, contineri in eo possit, sed vicina late loca inundet, antequam ad mare perveniat. Hinc ille *it mare proruptum*, ad maris speciem, magnos fluctus volventis (quod magna aquæ vi prorumpit se, effunditur, ut Pompon.), et nostra ætate saltem hiberna tempestate, *premit arca*, operit, inundat, *pelago*, aquarum vi pelago simili, *sonanti*, propter aquarum copiam et impetum.† De origine Timavi multa disputant iidem, quos memoravimus, auctores. Cum plena sit Carnorum regio fluminibus subeuntibus terram moxque iterum emergentibus, etiam Timavus simili ratione idem esse flumen videtur, quod XIV millia passuum (XVIII vel XX. Irenæus de *Cruce Istoria di Trieste* lib. I. c. 2 et V, 10. memorat) supra hos fontes ad vicum D. Cattiani (S. Kazian) bis terve subter rupium cava viam sibi facit, tandemque cuniculo subterraneo totum conditur. *Rekam* id flumen esse,

* Cf. Schöner Briefwechsel II Th. Heft XII, p. 340. add. Hacquet Oryctograph. Carinthien To I. p. 61. Antiquiorem locorum faciem in tabula videre licet in libro apud Juntas Venet. 1553 fol. vulgato: *de Balneis omnia quæ extant apud Græcos, Latinos et Arabes* p. 306.

† Missus bene Wood V. C., loco mox laudando antiquam interpretationem revocat, quæ *mare proruptum* de ipso mari Adriatico accipiebatur, quod, quoties exæstuat, in interiora littoris exundans Timavi cursum reprimat. Hoc locorum naturam ita ferre vix negat: sed verborum structura sermonisque ratio manifeste repugnat isti sensui: est enim *fons*, unde h. e. ex quo, *mare proruptum* it, non vero, *fons in quem, vernus quem, mare procedit*.

Valvasor docet, qui rectius hæc exponit, quam Cluverius. Enimvero jam apud Strabonem lib. V. p. 329 A. Posidonium hoc idem tradidisse videas, e montibus delatum Timavum voragine terræ absorberi, εἰς ὑπὸ γῆς ἐνεχθέντα περὶ ἑκατὸν καὶ λ σταδίων (XVII millia passuum) ἐπὶ τῇ θαλάττῃ τὴν ἐκβολὴν ποιῆσαι male accipitur: *in mare effluere*. Vert. *ad mare, non longe a mari, emitti iterum*. Hoc Plinius tradit lib. II, s. 106 *Et in Atinate campo fluvius mersus post XX mill. passuum exit, et in Aquileiensi Timavus*. Restat ut hoc moneamus, *fontem Timavi* h. l. pro ipso Timavo dici; eum autem ita *superasse* Antenor intelligendus, ut cursu navium juxta litora servato, nam cum classe hæc loca adiit, ostia fluvii prætervectus ad ultiores plagas et interiorum sinum pergeret. Est enim is poetarum v. c. eorum, qui Argonautica expouunt, mos, ut in navigatione facta litoris vicini populos, urbes, et amnes enumerent. Aliam rationem, eamque subtiliorem, suppeditavit Wood l. c., docet enim, navigationem ex Ionio mari in interiora Adriæ aliter tuto fieri non posse, quam ut litus Illyricum legatur: * ubi ad intima Istriæ perventum est, etiamnum recta trajicitur mare adversus Venetias. cf. Liv. X, 2. Quæ observatio, etsi huic loco expediendo prorsus necessaria non est, alterum tamen locum illustrat in Ecl. VIII, 6, 7, ubi de navigatione Asinii Pollionis versus Parthinos Illyrici: *seu magni superas jam saxa Timavi, sive oram Illyrici legis æquoris*. Factam enim secundum litus navigationem innuit. Ceterum hunc locum certatim expressere Lucanus, Silius et Statius, qui Timavo etiam ex hoc loco ad ipsos Patavinos fines designandos poetico more usi sunt. Unde inter recentiores inanis et vana de hoc fluvio, sitne Patavino agro an Istriæ annumerandus, orta est controversia; de qua v. Burman. præf. T. VI Thesauri Italiæ p. 13. Sed præstat illud adjicere, nostro judicio, si verum quidem hujus moris sensum animus imbibit, ex anteriore poeta, et quidem Græco, qui nunc interiit, forte Argonauticorum aut Antenoridis scriptore, Virgilium sua transtulisse videri; unde et eodem amne usus est ad Asinii Pollionis navigationem declarandam l. c. Est enim et in ornando nimius, quod fere in talibus locis solet, et ornamenta paullo exquisitiora cumulat.

* Wood's *Essay on the original Genius of Homer* p. 54 sqq.

EXCURSUS VIII

De Iuli cognomine Ascanio indito.

I, 267. 268. *At puer Ascanius, cui nunc cognomen Iulo Additur, Ilus erat, dum res stetit Iliæ regno.* Ab Iulo vulgo ducta gens Julia; sed h. l. etiam nomen gentis Juliæ ab Iulo, cognomine Ascanii, derivatur. Sane, licet alia gentium nomina ducta fere sint a prænominibus, ut ab Aulo Auliæ, ab Marco Marciæ, non tamen nominum gentilitiorum exempla desunt, quæ a cognominibus venisse videntur, ut Gentis Flaviæ, Fulviæ, Rutiliæ, al. cf. Cerda ad h. l. Jam porro hoc cognomen Iuli formatum poeta esse vult ab *Ili* nomine, quod Trojanum fuit, et quo Laomedontis pater fuit appellatus; sed ratione grammatica plane refragante. Verum in etymologiis cum Græci tum Romani argutias plerumque captant, non sermonis rationem et analogiæ veritatem sequuntur. Nec multo subtilior altera ex Julii Cæsaris Pontifical. lib. II, et Catone in Origg. memorata etymologia, ut Iulus a Jove, *Iobus, Iolus, Iulus*, ductum sit. v. Auct. de Orig. G. Rom. c. 15. Altera in h. l. quaestio est, an pro carminis epici majestate, et in Jovis oratione, eaque ad Venerem, Æneæ matrem, etymologia talis recte inserta esse videri possit. Partem difficultatis vidit Britannus in *Miscell. Obs.* Vol. I. p. 5 et 82, adversus quem et ibi doctiss. Editor et ad h. l. Burmannus disputant, nescio an commode satis. Potest quidem defendi poeta hactenus, quod in Augusti gratiam et ad majorem, quam populares sui inde capere poterant, voluptatem, etiam præter *πιδανόρητα* et subtilitatem, intexere aliquid non dubitavit; potest quoque, quod Eschenbargio V. C. placuisse video, Jupiter videri Veneri voluisse hoc in memoriam revocare. Nec tamen minus ita alterum versum ab aliena manu accessisse suspicor, sive totum, sive post *Additur*, cum a poeta scilicet imperfectus esset relictus. Nam interpretatio ista: *Ilus erat, dum res stetit Iliæ regno*, per se inepta, multo etiam magis a loco hoc aliena est. Tum an *regno* satis latine adjectum sit, nescio: dum resp. Trojana, regnum Trojanum, stetit, duravit, *regno*? nisi putes defendi posse ex lib. II, 88 *Dum stabat regno incolumis Palamedes*: ubi dictum tamen esse apparet poetico usu pro, *dum regnum ejus stabat incolumè*

h. e. ejus regia dignitas erat salva et intacta. Certe judicio acutiori parum se probare potest versus tam jejunus. De *Ascanio* v. Exc. XVII ad lib. II.

EXCURSUS IX

Belli portæ.

I, 291—296. *Aspera tum positis mitescent sæcula bellis. Cana Fides, et Vesta, Remo cum fratre Quirinus, Jura dabunt; dira ferro et compagibus artis Claudentur Belli portæ. Furor impius intus Sæva sedens super arma, et centum vinctus ænīs Post tergum nodis, fremet horridus ore cruento.* Splendidissimus locus et Jove vaticinante dignus. Fidem ait, religiones patrias et concordiam abolitis bellis ac discordiis esse regnaturas. Mutata hæc in personas, et quidem deos deasque: *Fidem, Vestam, patrem Quirinum. Fides cana*, quia alias *prisca, antiqua*, dicta. *Vesta*, quippe Romanis patria eaque antiquissima religione culta cum ipsis Penatibus, cf. *En.* II, 296, et imperii præses, in cujus æde ignis sacer servabatur. (Ut *pudicitia* per eam designetur, Romano equidem more fieri posse non arbitror.) Quod autem *Quirinum cum fratre Remo* nunc *jura dare*, h. e. regnare, imperio Romano præesse, rem Romanam tueri, ait, in his concordiam quidem civium innui posse, Burmanno non refragabor, ut forte pro eo, quod diceres, fore ut concordia et pax bellis civilibus et discordiis sopitis vigeat ac floreat, poeta Romulum et Remum quos dira discordia disjunxerat, iterum regnatos esse dixerit. Meo tamen sensu rei sermonique poetæ accommodatius est hoc: Bellorum civilium noxa interdum a Remi cæde repetebatur, qua tota posteritas culpæ et piaculo erat obligata; jam bellis civilibus expiatus Remi sanguis videbatur, ut v. c. Horat. Epod. 7, 17. Itaque ea poetæ mens: Temporum antiquorum integritatem et puritatem iri restitutum, qualis illa fuerit, antequam fraternus sanguis in terram defluxit primumque illud parricidium fuit commissum. Pacatis iterum animis et fraterna concordia pristina rem Romanam moderari et tueri quasi videbuntur Remus ac Romulus. De Agrippa cum Servio et aliis cogitari non posse, recte Burmannus monuit. Quod vero poetæ animum ad has rerum imagines deduceret, ut *Fidem*, et *Vestam*, cum *Remo* ac *Romulo* commemoraret, fuisse suspicor etiam hoc, quod, ut ex topographiis Romæ disci potest, in Palatino monte, adeoque circa Palati-

nam Cæsaris domum, templa Fidei, Vestæ ac Romuli Remique erant. Majorem igitur hæc omnia suavitatem habere debuerent, si Romanus ea legeret, qui illa templa ante Augusti domum posita meminisset. Mox v. 293, 294 *Bellum* hic personam dei induere puto; est δ Πόλεμος. Diversa Belli a Bellona et Marte persona. Apud Plin. XXXV, 36, 16. Apelles *Belli* imaginem restrictis ad terga manibus pinxit, *Alexandro* in curru triumphante. Eam cum altera tabula Apellis Augustus in Fori sui partibus celeberrimis dicaverat. Ut tamen picturam hanc Virgilius hic ante oculos habuisse videri debeat, quod jam in Servianis suspicatus aliquis, necesse non est. Notio hæc admodum obvia et communis, ut Discordiam, Bellum, Martem, vinctos, religatis post tergum manibus, fingere animo liceat; imprimis inter eos, qui triumphum agi, in eoque hostes captos vinctis post tergum manibus duci viderant. Occurrit quoque simile argumentum in artis priscæ operibus. Erat Spartæ vetus signum Martis vinculo impediti. Pausan. III, 15. p. 245. Nostrum ante oculos habuit Calpurn. I, 46 de Numeriano Cæsare: *dabit impia vinctas Post tergum Bellona manus, spoliataque telis In sua vesanos torquet viscera morsus, Et, modo quæ toto civilia distulit orbe, Secum bella geret.* Hujus porta dira, quia dei diri et abominandi, clauditur ferro et compagibus artis s. vinculis h. e. foribus ferratis. Hom. θύραι πυκιναὶ ἐν πυκνῷ ἀραρυῖαι. Jani templum, quod Janus Quirinus, vel Janus Quirini, vel Janus geminus appellatur, respicere putatur et recte. Æn. VII, 607 *Sunt geminae Belli portæ, sic nomine dicunt. Centum ærei claudunt vectes, æternaque ferri Robora, nec custos absistit limine Janus.* ubi vid. Not. Plutarch. de Fort. Rom. p. 322 B. ἐκλείσθη δ' οὖν τότε (sub Numa) καὶ τὸ τοῦ Ἰάνου ἔπαιλον, ὃ πολέμον πύλην καλοῦσι, ut recte jam Xylander vertit non τέχνη. Pax occludit Janum ap. Lucan. I, 61. 62. Contra Pacem clauso Jano inclusam teneri, interpretatio et sententia Ovidii esse videtur Fast. I, 281, si locum recte capimus. Apud Aristoph. in Pace 222 seqq. Πόλεμος Pacem antro incluserat. Adeo variis modis et accipi et reddi potuit res, cum antiqua Jani ædícula, ad modum templi amphiprostyli utrimque pervia, quæ, bello indicto, prisco more patebat adeuntibus et supplicantibus, pace facta occludi soleret; visum enim est Bellum modo coerceri portis clausis, ne ille deus portis apertis foras erumperet, modo Pax inclusa teneri, ne avolaret. Itaque idem templum et Jani et Belli et Pacis habitum. Si Valer. Flacc. III, 253 *tunc porta trucidis coit infera belli* hunc locum respexit, probabile fit, alteram in eo loco lectionem, *porta effera* veram esse. Jam porro *Furor impius*, h. e. Bellum civile; ut apud Horat. Petron. et al. Ovid.

I ex Pont. 2, 126 de Augusto : *Clausit et aeterna civica bella sera*, cf. Petron. B. Civ. 256 sq. *nodi exquisite pro vinculis, catenis*. Virgilium ante oculos habuisse videtur Manil. jam Cerdæ laudatus, I, 921 *jam bella quiescant, atque adamanteis Discordia vincta catenis Aeternos habeat frenos in carcere clausa*. et Ovid. I Fast. 702 *Gratia Dis domuique tuæ : religata catenis Jampridem nostro sub pede Bella jacent*. At ipsi Virgilio præverat Ennius apud Horat. I Serm. 4, 60 *postquam Discordia tetra Belli ferratos postes portasque refregit*.

EXCURSUS X

Mercurius ad Pænos placandos missus.

I, 297 *Hæc ait: et Maia genitum demittit ab alto* sqq. Videtur hunc poetæ locum expressisse cælator gemmæ non ignobilis e Museo Bourdalouii, post Montefalc. in Virgilio Londinensi, Justiciano et Ambrogiano repetitæ, in qua Jupiter in medio sedens, Venus juxta cum Amore Jovi supplicans, ex altera parte Mercurius cum mandatis Jovis discedens; modo satis liquido constaret, an a manu antiqua opus illud profectum sit; mihi tamen omnes illæ gemmæ Virgilianæ, ut aliæ Romani argumenti, recentia ingenia prodere videntur; non enim id fuit suorum poetarum studium Romanis, nec Græci artifices latini carminis peritiā tantam habuisse videntur; contra sæculo XV et XVI cum Græcæ fabulæ vulgo ignorarentur, ad Romanam historiam ac ritum revocari prisca monumenta, ad eundem alia recentia opera confici, passim solebant. Ceterum celeritati bene consulitur a poeta, omni Jovis sermone omisso, quo mandata Mercurio data erant; quænam illa fuerint intelligimus ex iis, quæ Mercurius exequitur. Mercurius autem animis, ut h. l. Didonis et Pænorum, molliendis et flectendis imprimis idoneus deus, qui *feros cultus hominum recentum*, adeoque et barbarorum, quales Pœni erant, formavit. Scilicet hoc ad persuasionis vim pertinet, in monendo, consiliis dandis, et sic porro; ut Odyss. A, 37 ad dehortandum a scelere Ægisthum Mercurius mittitur. Omnino œconomia fabulæ hujus primi libri est eximiæ artis. Carthaginis adversus Æneæ fata tuendæ studio (v. sup. 13, 19). Juno Æneam immissa tempestate perdere voluerat. Atque hac ipsa tem-

pestate in Carthaginis hujus, cui Juno metuit, litus ejicitur *Aeneas*. Jam mireris utique poetam hoc casu non eo uti, ut tanto majorem nobis super *Aeneae* discrimine ac periculo, ex Junonis odiis in illa ipsa terra et urbe, quæ deæ tantopere curæ cordique erat, impendente, sollicitudinem faciat. Sed poeta aliam viam est ingressus. Ne *Aeneas* illum in his locis periculum adeat, mittitur *Mercurius* ad *Pœnorum* *Didonae*que imprimis animos placidos et propitios efficiendos. Quo facto, cum tamen vel sic *Venus* haberet, quod Junonis odia et iras metueret, *Cupidinis* mox illa opera utitur (inf. 670 sqq.), ut *Didonis* animum amore in *Aeneam* inflammet, quo minus illa Junonis aliquo monitu in diversa consilia impulsa in ejus perniciem conspiret. Interea Juno, dum his jam malis aliter occurrere non posse videt (v. IV, 90 sqq.), hoc ipso *Didonis* et *Aeneae* amore ad avertendum ab Italia *Aeneam* et intercipiendâ adeo Romæ fata uti constituit; sed quo minus illa res exitum habeat, *Jupiter*, cui factorum ordo imprimis curæ esse debet, cavet (ibid. v. 222 sq.). cf. sup. Excurs. I*.

EXCURSUS XI

Dido a Sychæi Umbra monita.

I, 353—359. *Ipsa sed in somnis inhumati venit imago Conjugis; ora modis attollens pallida miris, Crudeles aras trajectaque pectora ferro Nudavit; cœcumque domus scelus omne retexit. Tum celerare fugam patriaque excedere suadet, Auxiliumque viæ veteres tellure recludit Thesauros, ignotum argenti pondus et auri.* Quæ de mariti specie per somnum oblata narrantur, a poeta ipso adornata videntur, nec incommode ad epicam poesin, ut miraculo animum teneat. Forte poetæ, præter historiam, debetur etiam illud ad rei atrocitatem adjectum v. 349 *ante aras*. Nam vulgo, cum venatum exisset, a fratre uxoris insidiis petitus interiisse *Sychæus* traditur: vide *Cedrenum* p. 140 B. et *Jo. Malalam Chronograph.* p. 68 (p. 206 ed. Oxon.), qui *Servium* ad h. l. descripsit, sed, ut apparet, multo integriorem quam qualem nunc habemus. cf. *Eustathi.* ad *Dionys. Perieg.* v. 195. Sed, ut poeta ante aras id factum mallet, occasionem fingendi præbere potuit hoc, quod maritus *Didonis* sacerdotio *Herculis* functus esse memoratur. cf. *Justin.* XVIII, 4. Jam somni visum potest illud quidem ita accipi, ut ipsum facinus som-

niantis animo fuerit objectum, ita ut illa ipsi cædi interesse, eam fieri cerneret, poeticæ tamen rationi magis consentaneum, ut, quæ a Sychæi Umbra verbis sunt exposita, tanquam gesta *nudentur*, enuntientur; ut in notis exposuimus. Similiter Umbra Sychæi mox abditos thesauros indicat, quo loco repositi sint, ut itineris subsidium ac viaticum Didoni fugienti sint. Sic Hectoris Umbra inf. II, 297 *effert sacra*, efferenda esse gestu significat. Thesauri Didonis adhuc Neronis tempore lusum avaritiæ fecere. v. Tacit. Annal. XVI, pr.

EXCURSUS XII

Pius Æneas.

I, 378. 379. *Sum pius Æneas, raptos qui ex hoste Penates Classe veho mecum, fama super aethera notus.* Notati hi versus, quod Æneas egregie se ipsum commendat. Recte, nostris moribus si rem æstimes; secus, si heroicis; ut ex toto Homero satis constat. Exempla aliorum v. ap. Pierson. Verisim. p. 206: adde Spencium (in *Essay on Pope's Odyssey* P. I. p. 52). Hic ipse versus ex Homero adumbratus Odyss. I, 19. Ulysses apud Alcinoûm: Εἴμ' Ὀδυσσεὺς Λαερτιάδης, ὃς πᾶσι δόλοισιν Ἀνδρώποισι μέλω (carus et honoratus sum propter sagacitatem consiliorum in re bellica) καὶ μευ κλέος οὐρανὸν ἵκει. *fama super aethera notus*, ex poeticæ orationis genio, nihil aliud quam simpliciter, celebrer et inclytus. Inclytum autem ac notum se calamitatibus suis dicere, minus habet offensionis etiam nostris moribus; et pietatis mentio facta hominum animos benevolos ipsi reddere poterat. Verum et *pius*, ut omnino in Æneide, perpetuum est Æneæ attributum, quod, Homericò more, proprio nomini tanquam aliud proprium adjungitur. Sic et *pater Æneas*, quod antiquiore sermone honoris vocabulum fuit, ac reverentiæ amorisque, imprimis regibus tributum. Sic Odyss. Θ, 145 *ξείνῃ πατέρ*. Cum autem *pietatis* notio tam late pateat: quæri potest, quo tandem sensu poeta accipi voluerit. Fuit enim Æneas *pius in patrem*: unde III, 481 de Anchise: *o felix nati pietate*, fuit *in filium*, *in patriam*, *in deos*. Scilicet hoc ultimo respectu dictus est *pius* a poeta, Θεοσεβής, religiosus. Docent hoc adjuncta, h. l. *raptos qui ex hoste Penates classe veho mecum* Lib. II, 691. *Jupiter, adspice nos, et, si pietate meremur, Da deinde auxilium.* Convenit, quod in omnibus rebus mo-

nitis deorum obtemperat; et primo loco, hoc, quod in Homero II. γ, 298. 9. in laudibus Æneæ ex Neptuni persona pietas memoratur: *εὐχόμενα δ' αἰεὶ δῶρα θεοῖσι δίδωσι, τοὶ οὐρανὸν εὐρὺν ἔχουσι*. Cum pietate justitia jungitur inf. 544. 545. Quod autem in Penatibus, de quibus v. Exc. IX ad lib. II, quos secum abduxerat, Æneās imprimis gloriatur, ad veterem religionem pertinet. Nondum excisa plane et eversa videbatur resp. superstitibus adhuc diis tutelaribus seu patriis, eorumque vasis et sacris instrumentis. Qui in coloniam mittebantur, sacra metropoleos suæ secum abducebant. Si sacra, h. e. dii patrii et eorum utensilia, essent seu vi seu fraude et furto ablata, gravissima calamitas ea habebatur. Ut deos elicerent, qui urbem oppugnabant, aut ut deos vinculis ligarent, qui obsidione gravi premebantur, ad eandem religionem pertinebat. Capta igitur urbe, præcipua ea cura imprimis sacerdotum, ut deorum signa et vasa salva essent, dum aut absconderent ea, aut secum asportarent. Sic Panthus Apollinis sacerdos II, 319 fugiebat, *sacra manu victosque deos ferens*. Sigillatim hæc satis exposita passim sunt a viris doctis; nobis curæ fuit, ut ad rationes suas et causas ea referrentur; idque teneri velim etiam in aliis.

EXCURSUS XIII

De iis quæ deorum præsentiam arguunt.

I, 402—404. *Dixit, et avertens rosea cervice refulsit, Ambrosiæque coma ditinum vertice odorem spirare; pedes vestis defluxit ad imos, Et vera incessu patuit dea*. Habemus hic exemplum *ἐπιφανεῖας* numinis insigne. Non injucundum erit, paucis exponere, quibus modis poetæ, Virgilius et Homerus, deorum præsentiam vel in discessu arguant, imprimis cum viri docti, qui in hunc locum inciderunt, secuti fere sint Heliadori Æthiop. lib. III. p. 148. 149 ed. Bourd., a quo tamen non tam poeticas rationes, quam theosophorum commenta exposita esse manifestum fit.

Quoties igitur poetæ, imprimisque principes isti, deos cum hominibus agere iisque interesse faciunt; faciunt autem hoc sæpissime, ex recepta inter veteres persuasionem, ad quam divinæ naturæ species humana vulgo credita necessario ducere debuit, in priscorum hominum et heroum vita, fere ut in vita patriarcharum, deos invisere homines, ad

eos devertere, eorum hospitio uti, iis occurrere, sermones ac consilia communicare solitos; quoties igitur deos inter homines agere memorant poetæ: si modum quidem et rationem exponunt, quam tamen sæpe declarare negligunt: aut dii, etsi cum hominibus agunt, plane se hominum visui non subiciunt, aut in conspectum veniunt manifesti, aut forma humana assumpta se offerunt, ut tamen mox, saltem in discessu, divinæ præsentiae nonnunquam signa aliqua edant.

In variandis his sequuntur poetæ nonnullas alias opiniones inter priuscos homines receptas: primo quidem, deos propria sua ac divina specie a mortalibus aut omnino cerni non posse aut non nisi cum vitæ discrimine, (pro exemplo sit Semele) saltem oculorum cæcitate, (v. c. Hymn. in Vener. 188. v. ad Callim. L. P. 82 Spanhem. et ad 102) non posse cerni: nisi forte ab hominibus, qui *θεοφιλεῖς*, a diis amati essent: *οὐκ ὄν γὰρ πάντισσι θεοὶ φαίνονται ἐναργεῖς*, Odyss. II, 161. Contra *χαλεποὶ δὲ φαίνεσθαι ἐναργεῖς*, Iliad. V, 131. cf. Spanhem. Callim. Ap. 9. Quoties igitur alios homines adeant dii, specie eos humana assumpta illis occurrere; esse vero divinam speciem humana maiorem, longeque pulcriorem; itaque quoties pulcritudine insignis aliquis mortalis sese offert, numen sub ea specie latere suspicari solent; ut in Hymno in Dionys. 19. 20: porro deos nube modo candenti modo caliginosa amictos ad homines, quibuscum agunt, accedere. Quæ omnia cum sensuum nostrorum iudicio ita conjuncta sunt, ut omnium temporum populorumque opinione, nisi qui aut belluino more vivunt aut ad summam philosophiam expoliti sunt, recepta ea fuerint. Jam si *in hominum conspectum*, quibuscum tamen agunt, omnino *non veniunt dii*: solent fere verba eorum tantum audiri, quibus is, quem alloquuntur, facile numen agnoscere potest, vel quod deus suum nomen effatur, vel quod dei vox jam olim nota et sæpius audita erat. Ita Ulysses (Iliad. K, 512) et Achilles de Minervæ vel non conspectæ voce nihil dubitant, et notum Ajacis illud apud Sophoclem: *ὦ φθέργμ' Ἀθάνας φιλότατης ἱμοὶ θεῶν Ὡς εὐμαδέες σου, καὶ ἀποπτος ἦς, ὅμως Φώνημι' ἀκούω* etc. Diversa ratio est, qua Apollo Iliad. II, 788 sqq. loco inter paucos splendido, Patroclo etsi invisus terrorem infert.

Sin *in conspectum veniunt dii manifesti*: divina specie, hoc est majores ac pulciores humana forma, tum apparent; multa fere luce oculos obtundunt: ita ut hæc ipsa lux præsentiam numinis arguere credatur. Sic inf. IV, 358 *Ipsc deum* (Mercurium) *manifesto in lumine vidi Intransent muros, vocemque his auribus hauri*. Etiam plena luce domus memoratur, v. c. Hymn. in Cerer. 188. 190, ubi cf. Ruhnck. In

terdum tamen ad terrorem omnia comparata sunt: species, oculi, habitus: ita nube caliginosa et atra amicti sunt dii, ut Venus lib. XII, 416. Iano vero cum procella venit: lib. X, 633 *caelo se protinus alto Misit agens hiemem, nimbo succincta, per auras.* Enimvero hoc spectat iam propius ad illa, quæ a consilio nostro aliena sunt, cum deorum præsentia omnem naturam sensu aliquo perfundere creditur: dum dii, modo cum aëris, ventorum, marisque tranquillitate et auræ silentio adveniant: in quam rem loca congesta v. ap. Valken. ad Theocr. 2, 38: modo ventorum marisque tumultus præsentiam dei arguit. Cum his conjunctæ sunt ἐπιφάνεια deorum in templis, sub sacrorum sollemnium aut oraculorum edendorum tempus: de quibus nunc non agitur, et copiose actum ab aliis, impr. a Spanhem. ad Callim. Itaque nec attingam, quæ ex his ipsis deorum apparitionibus ad Manes aut Umbras per somnum oblatas translata sunt: ut de Creusa Æn. II, 773: tandem etiam ad homines divinitus afflato, ut de Sibylla VI, 49. 50. Verum ut ad illum deorum conspectum redeamus, quo, quoties eorum ministerio poeta utitur, illi prodeunt: si manifesto numine occurrunt, fieri id fere animadvertas vel occursu alterius dei, vel ut filio, marito, aut amato a se homini, in conspectum veniant. Sic inter pugnas dii sibi occurrant in Iliade, sic Achilli Thetis, et Æneæ se mater Venus—*non ante oculis tam clara, videndam Obtulit, et pura per noctem in luce refulsit—confessa deam, qualisque videri Calicolis, et quanta, solet,* lib. II, 591. Veniunt quoque dii in conspectum unius tantum, etsi in magna hominum frequentia, ita ut ceteri omnes ne sensum quidem numinis præsentis habeant: sic uni Ulyssi ejusque canibus manifesta fit Minerva, Od. II, 160. Sic soli Peleo Thetis apud Apollon. IV, 854 sqq. et Achilli in media Achivorum concione, sed soli, conspicitur Minerva, statimque agnoscitur, *θεὸς δὲ οἱ ὅσσι φάνθεν*, Iliad. A, 200. Iliad. P, 334 Æneas Apollinem *ἔγνω ἐσάντα ἰδών.* Ceterum ex loco hoc Heliodorus illud duxisse videtur, quod ex fixo et constanti obtutu deum intelligi dixit. Species autem divina modo ab æterna deorum juventute, ac pulcritudine, modo cum attributis ex poetarum et artificum doctrina et usu, declaratur.

Verum frequentissima ratio ea est, ut ad eum, quem volunt, accedant eamque alloquantur, *humana forma induti*, noti fere alicujus et familiaris, sicque ei ludum faciant, ut cum mortali se agere ille putet; Tamque dii consecuti id, quod volebant, interdum abeunt, ut nec agnoscantur: v. c. Iliad. P, 70. cf. Φ, 285 sqq. X, 226 sqq. Sic etiam observati discedunt, qui per somnum se offerunt, ut Minerva Od. Z,

41 sqq. Δ, 795 sqq. et cum Tiphy illa per somnum adstat Orph. Arg. 538. 554. Interdum, ut nunfen suum prodant, forma humana deposita, divina conspicui fiunt: Sic Venus in Anchisæ amplexibus: Hymn. in Ven. 181 sqq. 175. cf. Burm. ad Anthol. Lat. IV, 13, 12 si irati sunt *majores majoresque* fiunt: Callimach. in Cer. 59. cf. Wessel. ad Herod. VIII, 38: aut inter dicendum agendumque oculis, voce, toto corporis habitu mortali forma majore produnt se, ut omnino divinæ naturæ indicium vel originis habita est oris corporisque majestas, vel pulcritudo. *specto*, ait ille ap. Ovid. III Met. 609, *cultum faciemque gradumque*: *Nil ibi, quod posset credi mortale, videbam*. Ita Iris, quæ Berœn simulabat, Æn. V, 647 *divini signa decoris Ardentisque notate oculos, qui spiritus illi, Qui vultus, vocisque sonus vel gressus eunti*. cf. Odyss. N, 288, ubi Minerva, proditura se deam, repente inter dicendum femina fit eximia specie; de Cerere autem Hymn. 188. 189, ubi v. Ruhnck. Imprimis autem huc spectat Iliad. Γ, 396 sq., ubi Veneris anui assimulatæ consiliis obsequi cum nollet Helena, tum illa manifesta adstat dea, καὶ ᾧ ὥς οὖν ἐνόησε θεᾶς περικαλλέα δειρήν, Στήθεά δ' ἱμερόεντα, καὶ ὄμματα μαρμαίροντα, Θάμβησέν τ' ἄρ' ἔπειτα quem ipsum locum Virgilius versibus supra adscriptis ante oculos habuit, rem tamen aliter tractavit: *avertens rosea cervice refulsit* etc. Scilicet occurrit apud poetas tandem et illa ratio, ut non nisi sub discessum, modo ad terrorem faciendum, modo ad numen testandum, mortali forma exuta, divina specie numen spectantium oculos præstringat. Itaque h. l. divinam speciem numenque arguit pulchra cervix, coma suaviter spirans, palla deæ defluens, cum antea venatricis more esset succincta, tandemque incessus. Videamus de singulis.

Scilicet si abeuntes numen manifestum ac confessum faciunt, signis fere atque notis id faciunt sequentibus: Peractis mandatis modo discedunt sic ut ad Olympum redeant, ut de Mercurio juvenis faciem mentito Odyss. K, 307. 308 Νῆσον ἀν' ὤλεσσεν ille ad Olympum redit; modo subito ex conspectu eorum, quibuscum loquebantur, auferuntur, evanescunt vel avolant. Alias abeuntes, forma adscititia abjecta, divinam speciem a tergo ostendunt. Sic Apollo in Butæ formam conversus: *Mortales medio adspectus sermone reliquit, Et procul in tenuem ex oculis evanuit auram. Agnovere deum procures divinaque tela Dardanidæ, pharetramque fuga sensere sonantem*, Æn. IX, 657 sq. Apollinem hic vides in aërem sublatum; cum alibi nube vel obscura caligine involvant se dii, quippe qui omnino, ut invisī sint, nube se operiant, atque eos quoque, quos subducere vel occultare volunt, nube obducant, ut

toties ap. Homerum fit. Sed aliis locis abeuntes deos declarat incessus levis ac celer, et volanti similis, ut vix pedibus terram attingant; qualis omnino deorum incessus esse fertur, οὔτε χθόνα μάρπτε πόδεσσιν, Iliad. E, 228. cf. 284. 5, modo stellæ fatuæ cadenti Iliad. Δ, 75, modo columbæ, modo accipitris volatui comparatus. Notus locus Iliad. E, 778 Αἱ δὲ βάτην τρήρωσι πελειάσιν ἰθμαδ' ὁμοῖαι. Harpæ etiam, quæ ex aquilarum genere est, Minerva cælo descendens assimilatur Iliad. T, 350. 1, et Neptuneus Calchantis habitu Achivos ad pugnam adhortatus Iliad. N, 62 sqq. Αὐτὸς δ', ὥστ' ἴρηξ ὠκύπτερος ὄρτο πέτεσθαι etc. et subjicit Ajax: non hic fuit Calchas: Ἰχθυα γὰρ μετόπισθε ποδῶν ἤδ' ἐκ κρημάτων Πείθ' ἔγνω ἀπώντος (levi scilicet et suspenso gressu) ἀρίγνωτοι δὲ θεοὶ περ. At in Odys. A, 320 Minerva, cum sub Mentis persona Telemachi animum erexisset, ἀπέβη, Ὅρνις δ' ὡς ἀνόπαια ἐέπτ' αὐτόν, et Odys. Γ. 371. 2 eadem apud Nestorem ἀπέβη Φήνην εἰδομένην. Θάμβος δ' ἔλε πάντας ἰδόντας. Hinc et Mercurii volatus super mare fit radendo mari: Od. E, 51. Serpentis lapsum ac tractum nusquam a poetis Græcis vidi deorum incessui assimilari: vide tamen Spenc. ad h. l. Singulare est inf. IX, 15. 19, quod Iris arcu et sereno cælo discessum suum mirabilem facit.

Cum dei discessu conjunctum interdum illud, ut præter naturam mira aliqua vi affici sentiat modo animum modo corpus is, qui cum deo in mortalem mutato egerat. Sic supra memorato loco Iliad. N, 62 sq. Neptunum, qui Calchantis personam induerat, agnoscit Ajax manuum pedumque insolito vigore viriumque refectione, v. 74. 75, et tetigerat eum deus discedens sceptro suo. Imitatus hoc est Quint. Cal. XI, 142—144. Aliud exemplum habes Iliad. Υ, 81. 110 Apollinis Æneam restituentis: Ὡς εἰπὼν ἔμπνευσε μένος μέγα ποιμένι λαῶν, et Odys. A, 320 Minerva discedens Telemacho non modo incessu, sed et ex eo manifesta fit: τῷ δ' ἐνὶ θυμῷ Θῆκε μένος καὶ θάρσος. Hoc idem faciunt interdum dii tacite et occulte, ut Pallas Menelaum novis viribus recreat Iliad. P, 569.

Quandoquidem in ipso discessu divina species humanæ formæ succedit, commemorantur quoque illa, quæ in specie divina memorabilia sunt: summa oris pulcritudo aut majestas, corpus humano majus et augustius, cum pulcritudine candor corporis, cervix pulchra, comæ prominæ, quales perpetuam deorum juventam decent, ut in Cerere, Hymn. v. 277. 8, et in loco nostro Virgilii.

Quod inter præsentis numinis signa refertur gratus odor, quem sive totum corpus sive coma exhalat: uti in Venere, h. l. ambrosiæque comæ

divinum vertice odorem Spiravere; et Dianæ nec in adspectum prodeuntis præsentia ex divino odore agnoscitur ab Hippolyto apud Eurip. Hippol. 1391: id quidem ductum est ex antiqua vita, quando regie opulentiae erat, unguentis suavis delibutum corpus habere, antequam frequentioribus commerciis copia maiore et expeditiore sumtu unguenta Asiae in Europam illata sunt. A regum autem luxu, qualis tum erat, adumbrata deorum vita, adeoque in eam traductum etiam unguentum ambrosia dictum. Sic de Junone Iliad. E, 170 sqq. et de Venere Odyss. Θ, 364. 365 et sup. Georg. IV, 415 sqq. Etiam ap. Hesiod. Scut. Herc. 7. 8. Alcmenæ a capite et superciliis suaves odores spirant, tanquam a Venere. (etsi versus vix a primo carminis auctore sunt.) Ducta hic sunt ea, quæ de veste stragula Bacchi habet Apollon. IV, 490 sq. Hoc tamen divinæ naturæ argumentum non nisi in elegantioribus diis locum habere potest; ut in Venere et Apolline; in Diana etiam apud Eurip. l. c.; in Flora apud Ovid. Fast. V, 376: alia exempla v. apud Burmann. ad Anthol. Lat. IV, 13, 30. Insignius ceteris est in Hymno Homer. in Cer. 274 sqq., quod apponam, quia reliqua quoque præsentis numinis argumenta sub discessum continet: ὡς εἰποῦσα θεὰ μέγας δὲ τε καὶ εἶδος ἄμειψε, Γῆρας ἀπωσαμένη· περί τ' ἀμφὶ τε κάλλος ἄητο, Ὀδμή δ' ἡμερόεσσα θυέντων ἀπὸ πέπλων Σκίδνατο. τῆλε δὲ φέγγος ἀπὸ χροὸς ἀθανάτοιο Λάμπε θεῆς, ξανθὴ δὲ κόμη κατενήνοθεν ὤμους· Λύγῃς δ' ἐπλήσθη πυκινὸς δόμος, ἀστεροπῆς ὥς· Βῆ δὲ δι' ἐκ μεγάρων. Videmus hic sub discessum Cereris formam divinam receptam: pulcritudinem, ambrosium odorem, candens corpus, comam promissam; lucem per domum fusam. Imitatione quoque expressa res in templis: v. c. de Dea Syria et in teletis: ut apud Apulei. XI.

Et hi quidem priscæ et epicæ poeseos præcipui modi divinam præsentiam declarandi, super quibus multa possint argutius disputari, nisi hoc a consilio nostro esset alienum; et facere hoc cuivis ex superioribus est in promptu. Quando autem de origine et caussa hujus phantasmatis hominum mentibus subnati quæritur, ablegandus est lector ad Exc. I. ad lib. IX, 638. Nec tamen existimandum est, semper hæc tam accurate et diserte a poetis tractari. Quin sæpe satis habent, deum memorare cum mortali agentem, numen suum manifestantem, et a mortali agnitum, nulla tamen re adjecta, qua intelligatur, quomodo id fieri potuerit. Scilicet jam ab initio inter poetam et lectorem tacito consensu convenerat, posse et solere a diis fieri ea, quæ naturæ morem deserunt eoque ipso mirationem faciunt. Exempla vide Iliad. Υ', 319, ubi Neptunus Æneam non latet, et P, 334 Apollinem idem

Ἐγρω ἰσάριτα ἰδών. adde Iliad. B, 172. E, 794. 815. Sic inf. XII, 632 *Juturnam* sororem agnoscit Turnus, nec additur, quo signo vel argumento.

EXCURSUS XIV

Equi caput omen Carthaginiensium fortuna.

I, 442—445, *Pani Effodere loco signum, quod regia Juno Monstrarat, caput acris equi*; sic nam fore bello *Egregiam et facilem victu per sæcula gentem*. Caput equinum adeo auspiciū et omen fuit futuræ fortunæ; fore *Pœnos* gentem bellicosam et rerum copiis (ex agricultura, navigatione et commerciis populorum) affluentem. Justin. XVIII, 5, 16 *Ibi quoque equi caput repertum, bellicosum potentemque populum futurum significans, urbi auspicatam sedem dedit*. Quas fidiculas verbis, *facilem victu* fore gentem, interpretandis adhibuerint viri docti, vide ap. Cerd. Burn. Trapp. Si Carthaginiensium historiam inspicere meminissent viri docti, in multis hujus et quarti libri locis minus turbassent. Celebrata satis inter veteres res est, Carthaginienses agri colendi studiosissimos fuisse, et totum illum Africæ tractum lætissimo cultu summæ fertilitatis effloruisse. Itaque præclare iis portenditur perpetua victus copia et affluentia; et *facilis victu* est is, qui facilem et paratum victum habet: *εὐπρόσος*, ut agrum *frugibus* vel *frugum facilem* dixere veteres. Tenendum scilicet, ea, quæ in vulgari oratione *τὸ facilis* pro adjectivo adjunctum habent, poetice ita efferri; ut si *alloquium regis facile* exprimendum sit, *facilem regem alloquio* vel *alloqui* dicat poeta, ut Val. Fl. V, 407 *litus quod faciles appulsus habet, idem litus facile appulsibus*. Ita, quæ *victum facilem* fundit humo tellus Georg. II, 460, est etiam tellus *victu facilis*; et sic gens *victu facilis*, quæ habet victum, alimenti copiam paratam, affluentem, propter agrorum scilicet fertilitatem et ubertatem. Simili modo infinita alia ad prosaicam formam comparanda sunt. *Æn. VIII, 318 asper victu venatus*, h. e. qui victum asperum, qualis est vitæ asperæ, duræ et pauperis, præbet. *nox aspera curis*, Val. Fl. III, 362, quæ curas asperas secum affert, et sic porro. *Equus autem quidni ferax et lætum solum, equis alendis idoneum, ominetur?* quum hoc armentum pabuli copiam et uberem agrum imprimis sibi poscat. Vide, si talis res auctoritate indiget, Columellam de R. R. VI, 27. Varia quidem de hoc portento inter fundamenta urbis reperto

fuit narratio, nam alii (v. Justin. l. c. Serv. et Pompon.) primo caput bubulum, alii palmam simul repertam tradiderant, proxime tamen ad nostrum alii ap. Eustath. ad Dionys. Perieg. 195 εἶρον κεφαλὴν ἵππου, καὶ συμβαλόντες σημαίνεσθαι σχολὴν αὐτοῖς καὶ παρ' ἄλλων δόσιν τροφῆς, κατὰ καὶ τοῖς ἵπποις, ἔκτισαν ἐν τοιοῦτῳ τόπῳ Καρχηδόνα. sane diversa interpretatio de otio ac pacis studiis, imprimis ex mercatibus; imprimis ex mercatibus; vides tamen hoc ipsum, *facilem victu*, ita expressum, ut sine multo labore victum inveniant. Quod Æn. III, 540 sqq. diversum ex equis augurium petitur, nihil officit. Poterant enim eadem res diversis temporibus et rerum conditionibus ad diversa trahi omina. Ita ἵππον πολέμιόν τε καὶ ἐπήλυδα, *bellicosum et advenam* interpretabantur vates Telmessenses ap. Herodot. I, 78.

EXCURSUS XV

Pictura in templo Carthagini ab Ænea perlustrata.

I, 453 sqq. *Namque sub ingenti lustrat dum singula templo, Dum—Artificum manus inter se operumque labores Miratur, videt Iliacas ex ordine pugnas.* De pictura vulgo hæc accipiuntur; et v. 464 *picturam* expresse appellavit. Quod si verum est, adversus temporum rationem peccare poeta maluit hæc commemorans, modo gratis rerum imaginibus delectaret. Nam *Iliacis temporibus non fuisse pingendi artem apparet.* v. Plin. XXXV, 6. Observatum hoc jam est Gogueto de origg. legg. art. et discipl. Tom. III, p. 346. Et Homerum sculpturæ opera in omni metallorum genere memorare, *nulla picturæ*, unicuique Homerum legenti facile succurrit. Videndum igitur, an Virgilius non de pictis tabulis, sed de anaglypho opere, et quidem ex ære, quod antiquissimum fuit genus, et quo ducunt fores ex ære factæ v. 448. 449, agere dicendus sit? Nam, quod *picturam* dixit, hoc poetica elegantia de quovis opere, quod figuras rerum ac signa representat, bene memorare potuit. Accipiendum autem ita esset de sculptorio opere in foribus templi ac valvis ex ære facto: in his enim, ut et in fastigiis, templorum pariter ac palatiorum frequens fuit cælatura: cf. Paus. I, 24. V, 10. X, 19. VIII. 45. Cic. Verr. IV, 56 et porticus templi Jovis Olympii apud Agrigentinos: v. Diodor. XIII, 82 in qua et exculpta ἀλῶσεις τῆς Τροίας heroibus suo quoque habitu expressis. et solent poetæ in argumentis ejusmodi sculp-

turæ sibi placere: ut noster Ge. III, 26 sqq. Æn. VI, 20 sqq. Sic Ovid. Met. II, pr. in regia Solis. Silius III, 32. in templi Herculis foribus. ad q. l. cf. Drakenb. Valer. Fl. V, 411 in fastigio templi (ita quidem nobis videtur) et in foribus 417—465 expressas historias apud Colchos memorat; sapienter quidem hoc; sed idem in operis summa infelix; non enim apparet, quorsum ista descriptio anaglyphi inserta sit. At noster poeta ad confirmandum Æneæ animum his rerum imaginibus egregie utitur. Anaglypha idem et alibi memorat, ut inf. 640. Inter hæc tamen commento illi sculpturæ h. l. non magis confidam, quam ei, quod multo minus probabiliter in animum venit viro docto, ut crederet, hic de textura agi. Nisi vim facias verbis, non nisi de tabulis pictis agere poeta potuit: et dicendus ille est maluisse morem Italiæ suæ sequi, in qua passim visebantur porticus templorum pictæ. Res Trojanas inter argumenta fuisse, vel ex Petronio 29 et 89 discere licet: cf. Wernsdorf. P. Min. T. IV, p. 605. Nihil frequentius eodem more inter Græcos, quos, parietes templorum et porticus picturis exornasse, multa docent exempla apud Plinium et Pausaniam, ut Athenis I, 17 in Thesei templo; I, 18 in templo Dioscurorum; I, 20 in t. Bacchi; cf. c. 25. 26. et Athenæum X, p. 456 extr. imprimisque templum Minervæ Syracusis ap. Cicer. Verr. IV, 55. Trojani autem belli historiæ, etsi in populo, qui nihil cum Trojanis et Græcis commune haberet, recte tamen poterant operis ab arte profecti argumentum præbere. Solet enim ars externas historias, imprimis claras et nobiles, sibi materiem facere; et ab Etruscis, saltem ab Italis, similiter belli Trojani historiam, quanquam illa aliena ab hoc populo erat, in tot monumentis, imprimis sepulcralibus, expressam videmus. Ceterum ea, quæ mox memorantur, non continui alicujus operis uniusque tabulæ argumentum sunt habenda; certe nihil in poeta video, quod ita statuere jubeat; sed singulæ historiæ singulorum operum argumentum constituere putandæ.

EXCURSUS XVI

De Rhese.

I, 469. *Nec procul hinc Rhesi niveis tentoria velis.* Novavit plura in rebus Trojanis Maro, ab Homero aliena, et morem ætatis suæ prætulit;

Tragicos ea in re secutus, qui equites, tubas, et alia memorant, quæ heroica vita ignoravit. Nunc tentoria narrat *niveis velis*: in quibus non tam illud me movet, quod *nivea* tentoria fecit, eo scilicet, ut vel noctu nitore fulgentia late essent Diomedi et Ulyssi speculantibus conspicua; sed quod Trojanis temporibus tentoria nondum erant *lintea*. Achivorum κλισίαι stipitibus lignisque constabant, vimine intertexto humoque aggesta, adeoque tuguria potius. v. Iliad. Ω, 449 sqq. cf. Eustath. ad Iliad. A, 185. Recte et Tzetta in Antehomerics, a viro doctissimo Jacobs nunc editis, Achæi: τεῦξαν δὲ κλισίας πλεκτάς, σταβάρας (h. e. σταυροῖς) δραρυίας, et Tryphiod. 139 πῦρ ἴδιον πλεκτῆσιν ἐν κλισίῃσι βαλόντες, ad quem versum loci nostri haud oblitus est doctiss. Northmore. Thraces vero illa nocte ne in talibus quidem tentoriis, sed, ut erant, nuda humo recubabant; πεδοστίβεις ut in Rheseo 763 sqq. quid? quod totus Trojanorum exercitus sub dio noctem agebat, quantum quidem ex HomERICA lectione memini. Etiam Rhesi Trag. auctor tantum εὐνὰς Thræcum et κοίτας memorat. At Dictys tentoria memorat pag. 60, l. 45.

EXCURSUS XVII

De Troilo.

I, 474—478. Parte alia fugiens amissis Troilus armis, Infelix puer, atque impar congressus Achilli, Fertur equis, curruque hæret resupinus inani, Lora tenens tamen; huic cervixque comæque trahuntur Per terram, et versa pulvis inscribitur hasta. Troilus Priami f. (aliis Apollinis cf. Not. ad Apollod. p. 762) admodum puer, h. e. in prima juvenia constitutus (impubem Troilon Horat. dixit II, 9, 15: nimium cito Congressus Achilli Troile Senec. Agam. 747. 748) ab Achille victus. Factum jam ante Iliadis tempora. Nam libro ultimo inter occisos ab Achille filios Priamus Τρώϊλον ἰπποχάρμην memorat, Iliad. Ω, 257. Meminit etiam Quintus Paralip. IV, 155. 419 sqq. inter superiorum temporum res ab Achille gestas; et in hoc prævisse auctorem Cypriorum carminum, e Proclo didici. Alii serius et post Memnonis demum interitum collocasse videntur, ut ex Lycophrone 307 sqq. et Tzetta ad e. l. et in Posthomer. 353 sqq. colligas, ubi Troili cædes est extremum facinorum Achillis. Et sic manifeste Dictys qui vulgo fertur IV, 9. unde patet inter potiora episodica Postuliacorum fuisse Troili facta et fata.

Post Hectorem cæsum Troilum Ausonius Epitaph. 18 ait. Omnino varie hanc narrationem a priscis poetis tractatam fuisse necesse est. Imprimis tamen infames fuere Achillis amores in Troilum pulcerrimum puerum, vid. Tzetta ibid. et ad e. Canter. Nov. Lect. II, 9, et h. l. Cerda post Servium: quanquam Tzetta pro solita sua stultitia spon- sione certat, Troilum magnum jam natu fuisse. Nata autem sine du- bio est ea fabula e poetarum lusibus, qui puerorum amores imprimis Achillis exemplo defendebant; quam ad rem summum illud occisi Pa- trocli desiderium memorari solebat. Fuere ex eo genere plures, ut Phanocles, cujus Ἐρωτες ἢ Καλοὶ nuper in memoriam revocati fuere fragmento e Stobæo a Ruhnkenio retractato. conf. Notæ ad Apollod. p. 532 sqq. Illud mireris, quod jam Lycophron fabulam hanc Troili interpolatam secutus esse videtur l. l. et Aræ auctor carminis, quod inter Simmiæ *παλῦνα* habetur. Ceterum Virgilius Troili cædem ita narrat et tractat, ut is cum Achille congressus vulnere accepto curru exciderit, pedibus tamen ita impeditus, ut supinus e curru delapsus ab equis raptaretur (compars Iliad. Z, 42. 43), cum interea nec hastam nec frena e manibus dimitteret; itaque hasta inversa per terram tracta sulcos in pulvere tractim faciebat. Aliter Dictys l. l. ubi in pugna captus mox producit et jugulatur ab Achille. Dares cap. 33. quem Josephus Iscanus VI, 289 sqq. sequitur, equo in pugna excussum me- morat et ab Achille superveniente occisum. Tragœdiæ Troili nomine inscriptæ fuere olim Sophoclis, et aliorum. Quæ fabulæ œconomia fuerit, e Scholiis Vict. ad Iliad. XXIV, 257 suspicari licet: Troilus in Thymbræo equestri cursu exercitationi vacans a superveniente Achille occisus erat. Observabimus tandem recentiorum quoque fa- bularum factum esse Troilum argumentum, Lollii quidem Urbinatis, et Guidonis de Colonna. Unde Chaucer duxit suum Troilum et Cressida. Extat quoque ms. Alberti Stadensis carmen elegiacum hi- storiam belli Trojani complexum, Troili nomine inscriptum in biblio- theca ducali Guelpherb.

EXCURSUS XVIII

De Hectore circa Trojam raptato.

I, 483. *Ter circum Iliacos raptaverat Hectora muros Achilles.* Observatum et hic et ad Homerum jam ab aliis, Homerum raptati circa Trojam Hectoris non meminisse. Ter circa urbis muros fugit Hector (Iliad. X, 208), cæsus autem e curru ligatus statim ad naves trahitur, v. Iliad. X, 399 sqq., ubi ter quotidie circa Patrocli tumultum raptare eum solebat Achilles, Iliad. Ω, 14 sqq. Tractum igitur Hectoris cadaver circa muros aut uni ex Cyclicis aut ex Tragicis deberi puto, qui omnia fere belli Iliaci facta variis modis tractata et ornata pro consilii ratione sæpe inflexerant et variaverant. v. Excurs. ad Æn. II, pr. Fuere autem hujus argumenti tragœdiæ olim plures Æschyli, Timesitheï, Dionysii Tyranni, Ennii, Ἑκτορος λύτρα inscriptæ, aliorum Πριάμος, Ἀχιλλεύς. Virgilius tamen imprimis ante oculos habuisse videtur Euripidem, quem inter ceteros ille probavit, Androm. v. 105. 106. Hanc Ennius latinam fecerat, ex eaque hic ipse locus de miserabili Hectoris cæde superest: v. Fragm. Ennii pag. 239. Est ex ea vox sonora et splendida *raptaverat* petita. cf. inf. II, 272. Virgilium, non Homerum, secutus est auctor Epitomes Iliados 1004. ubi cf. Wernsdorf. Poet. min. To. IV, p. 742. Actum est nuper pluribus de raptato Hectore ad Ilium non circa Ilium ad libellum Lechevalerii, qui Descriptio Troadis inscribitur.

EXCURSUS XIX

De Memnone.

I, 489. *Eoasque acies et nigri Memnonis arma:* Memnonis ad Trojam adventus, et pugna cum Achille ac cædes, inter res Iliacas post Iliadem celebre argumentum, quod imprimis nobilitaverat *Arctinus Milesius*, cujus *Æthiopis* libris V olim fuit lectitata: Ejus argumentum a

Proclo servatum e cod. Vatic. datum vid. in *Biblioth. ant. litt. et art.* unde intelliges, carmen illud initium cepisse ab Penthesileæ accessu ad urbem, atque etiam post Memnonis mortem complexum esse Achillis extrema, ludos funebres ei factos et iudicium armorum inter Ulysem et Ajacem. Nihil itaque mirum, quod Schol. Pindar. I, 4, 58 Ajacis αἰτοχειρίαν ex illo carmine docet. Etiam in Tabula Iliaca a Fabretto edita Αἰθιοπὶς κατὰ Ἀρκτῖνον τὸν Μιλήσιον adscripta, tanquam ex qua rerum expressarum pars petita sit. Arctinum ad Olymp. IX Suidas, ad IV refert Eusebius Hieronymi MCCLIV, ubi v. Pontac. Scalig. Vallars. item Salmas. ad Solin. p. 599. 600 Ryck. de prim. Ital. colon. p. 440. Eidem Ἰλίου Πέρσεως tributa, de qua v. Excurs. I ad lib II pr. Secundum veteres, quos amisimus, late describitur Memnonis fatum a Quinto Paralip. lib. II et Dicty IV, 4. VI, 10. et ultimo loco a Tzetzta in Posthom. 212 sqq. ubi v. Jacobsii nota, qui Sturzium quoque excitat ad Hellanici fragm. p. 149. Multis etiam olim tragædiis fuit celebratus Memnon, Æschyli imprimis et Sophoclis, cujus Αἰθίοπες ejusdem argumenti fuisse videntur, et, quod probabile fit, una eademque cum *Memnone* fabula. Memnonem etiam Homerus ipse memoravit Odyss. Δ, 188. ubi Nestor filium Antilochum ab eo cæsum prodit; est ibi Ἡὼς φαεινῆς ἀγλαὸς υἱός. Et Λ, 521 Ulyses Neoptoleum prædicat κάλλιστον μετὰ Μήμονα ὄϊον. Fuit itaque Memnon pulcherrimus juvenis. Virgilius tamen *nigrum* appellat. Scilicet Tithoni et Auroræ filius Indos et Æthiopes adduxisse fertur: ut Trojanis opem ferret: sive quod fama acceptum erat, venisse Trojanis socios et auxilia ex terris ad orientem Troadis sitis, sive quod a Cyclicis tota illa narratio fuit illata rebus Troicis. Obscurior est de Memnone fabula, et quæ modo ad Ægyptum superiorem, modo ad Assyriorum adeo origines revocetur. Vide a Pocockio congesta ad Memnonis signum illustrandum in ruinis Thebarum (*Descript. of the East* Tom. I, p. 101 sqq. et in *Inscription. ant. græcis* p. 80 sqq. 91 sqq.). Sed ne poetæ absurda commenti esse videantur, hoc saltem monemus, Assyriorum imperium videri illo tempore usque in Asiam minorem prolatum, atque ex iis finibus, adeoque ex Oriente (hinc *Est acies*), non vero ex Assyria proprie dicta, potuisse fingi vel tradi aliquem Memnonem, Auroræ, Ἡὼς, filium, copias Trojanis adduxisse; Indos et Æthiopes poetæ vocant; quo nomine omnes ad Orientem sitos populos, in australibus imprimis plagis, declarabant veteres. Orta deinde variis modis et amplificata fabula. cf. Pausan X, 31 p. 75. Schol. Pind. Nem. 6, 85. 3, 106. add. inf. ad v. 751. Fuit

quoque Memnonis sepulcrum haud longe ab Æsepo ad septentrionem Troadis finium : Strab. XIII p. 878 C. Confusa tandem cum alio Memnone Ægyptio, *Pha-menopha* apud Paus. I, 42 p. 101, alibi *Amenophis*, f. Amun-no-phi, secundum Jablonsk. de Memnone p. 31. Erat is sol oriens : id quod statua quoque sub orientem solem vocalis declarabat.

EXCURSUS XIX*

De Amazonibus auxilium Ilio ferentibus.

I, 490. *Ducit Amazonidum lunatis agmina peltis Penthesilea furens, mediisque in millibus ardet, Aurea subnectens exertæ cingula mamma, Belatrix, audetque viris concurrere virgo.* Quæ mythi de Amazonibus origines fuerint, incertum est ; fuisse tamen fundum aliquem historicum, famam antiquam, multa arguunt. Verum de his disputandi locus hic non est. Vide notata ad Apollod. II, 5, 9. Not. p. 372 sq. Quæ cum Virgiliano loco conjuncta sunt, partim e belli Trojani historiis, partim ex Amazonum specie et habitu repetam.

Induxerant Amazones in belli Trojani historias poetæ, qui post Homerum scripsere, et in his primo, ut suspicor, loco Arctinus in Æthiopide, quantum ex Proclo colligere licet, (*Biblioth. d. a. Litt. P. I, p. 33 Ined.*) quia antiquiore aliqua fama celebratæ erant Amazonum irruptiones in Asiam minorem factæ, imprimis in Lydiam et Phrygiam ; quarum una in Priami tempora inciderat : II, 7, 189. Intulere hinc Amazones in heroum tempora et facta Cyclici propter rei novitatem admodum licenter ; memoratæ adeo Amazonum pugnæ sunt in Argonauticis, Heraclea, Theseide, etiam in Bacchi profectioe ad Indos : quæ omnia fuere poetarum commenta ; at illud, quod in Homero memoratum erat, a fama profectum. Priamus adversus eas arma tulerat ; at Penthesilea auxilio Trojanis fuit accita. Post eos, qui periire, exponit cyclicorum narrata Quintus lib. I. et pleraque ex eo Tzetza in *Posthomerics* pr.

Virgilii locus imprimis disertus est in specie et habitu Amazonum reddendo. Satis notæ sunt earum *peltæ lunatæ*. Quod *ex equis* pugnarunt, non attigit. At *mammam nudam* memorat.

Dextra fuit ea mamma, fabulis et arte celebrata ; fabulis quidem, quod *exusta* fuisse fertur, arte, quod ea *exerta* est, non exusta, quod

visu ingratum respuerat ars. Verum et ipsa res docere potest, dextram fuisse, quæ exureretur, ne arcui intendendo et remittendo tumor esset impedimento. Inf. XI, 649. Amazon dicta Camilla est *unum exerta latus*, quod Silius imitatus lib. II, 79. reddit *dextrum nuda latus*.

De Amazonum specie in priscae artis monumentis obvia, plura nunc in vulgus innotuerunt quam illis annis, cum prioribus vicibus commentabamur in poetam. Neque adeo necesse est, nunc multa commemorare. Attingam tantum potiora, quæ iis, quorum studia in ea antiquitatis parte collocata haud fuere, prodesse possunt. Antiquæ artis frequens fuit argumentum jam inde a Phidia, sculptum in scuto Minervæ Athenis, Amazonum prælium (Plin. XXXVI, 4, 4) et in basi simulacri Jovis Olympii (Pausan. V, 11. p. 402). In lorica autem seu humili pariete, ante Jovis simulacrum ducto, Penthesilea vulnerata, picta a Panæno, Phidiæ fratre (ibid.). Alia erat Penthesileæ pictura Polygnoti Delphis (ibid. X, 32. p. 875 f.) et pugna Thesei cum Amazonibus, picta in Pæcile a Micone (ibid. I, 15). Certamen artificum in dedicando ex ære signo in templo Ephesiorum v. ap. Plin. XXXIV, 19 pr. Fuere ii artifices Polyclethus, Phidias, Ctesilaus, Cydon et Phradmon. Præterea Plinius Desilai Amazonem vulneratam, (XXXIV, 19, 15) et Strongylionis Amazonem *eucnemon* (ibid. s. 21.) utramque ex ære, memorat. Debuit Phidiæ alia esse Athenis Amazon *hastæ innixa*, si vera dixit Lucian. Imagg. 4. Antiquius omnibus enumeratis signum fuit Aristoclis Cydoniatæ ultra Ol. XXIX. assurgens ævo, (Paus. V, 25, p. 445.) Olympiæ positum, Herculis cum Amazone equestri pugnantis. Narrata hæc sunt eo consilio, ut quam vulgatum artis argumentum hoc fuerit, appareat, utque recte hoc a Marone inter picturas referri intelligatur. Ex iis monumentis, quæ ad nostra tempora servata sunt, facile princeps est signum e marmore, cum titulo: *translata de schola Medicorum*, (ἐκ λέσχης) olim in hortis Matthæiorum, nunc in Museo Pio-Clementino (Vol. II, 38) in pulcerrimis habitum; mamma dextra nudata stans. Sunt alia in Museo Capitolino, alia aliis in locis, præclara Amazon equestris ex ære inter Herculanensia; sed ad locum nostrum facit anaglyphum in Villa Borghesia apud Winckelmann. (*Monum. ined.* CXXVII.) in quo Penthesileæ adventus ad Priamum exhibetur. Amazonum imagines frequentes sunt in numis multarum Asiæ urbium, quæ origines suas ab Amazonibus repetebant.

EXCURSUS XX

Diana et Nympharum choreæ.

I, 498—503. *Qualis in Eurotæ ripis aut per juga Cynthi Exercet Diana choros, quam mille secutæ Hinc atque hinc glomerantur Oreades; illa pharetram Fert humero, gradiensque deas supereminet omnes; Latonæ tacitum pertentant gaudia pectus. Talis erat Dido; talem se læta ferebat Per medios.* Expressa suavissima formæ Didonis et speciei corporis proceræ cum Diana comparatio, cujus semina jam in nobilissimo illo versu de Helena Odyss. Δ, 121. 122 Ἐκ δ' Ἑλένης θαλάμοιο θυώδεος ὑψορόφοιο Ἦλυθεν, Ἀρτέμιδι χρυσηλακάτῳ εἰκνία latent, et Odyss. Z. 101 sqq. Τῇσι δὲ Ναυσικάα λευκώλενος ἤρχετο μολπῆς. Οἷη δ' Ἀρτεμις εἴσι κατ' οὖρεος ἰοχέαιρα, Ἡ κατὰ Τηϋγετον περιμήκετον ἦ Ἐρύμανθον Τερπομένη κάπροισι καὶ ὠκείης ἐλάφοισι, Τῇδε δ' ἅμα Νύμφαι, κοῦραι Διὸς Αἰγιόχοιο, Ἀγρονόμοι παίζουσι, γέγηθε δέ τε φρένα Λητώ. Πασάων δ' ὕπερ ἦγε κάρη ἔχει ἡδὲ μέτωπα, Ῥεῖδ' ἑ δριγνώτη πέλεται, καλαὶ δέ τε πᾶσαι. Ὡς ἦγ' ἀμφιπόλοισι μετέπρεπε παρθένος ἀδμής. In qua Horum cum Virgilio contulerunt viri docti, iniquo fere judicio, cum modo in singulis partibus hæerent, et ex accessoriis rebus vim totius comparationis definirent, modo alterius poetæ cæco amore omnem laudem ad eum, contemto altero, traherent. Probus, etiam Pomponio Sabino ad h. l. laudatus, ap. Gell. IX, 9 (cf. Macrob. V Sat. 13 et 14) nihil quidquam tam improspere Virgilium ait ex Homero vertisse—quem locum ibi vide et expende Grammatici pravum acumen. Nam singula refellere non vacat. Contra Jul. Cæs. Scaliger in Poetice V, 3 p. 219 Virgilianos versus a magistro, Homericos vero a discipulo confectos ostendere vult. Sed erat summus Vir omnino Homero iniquior. Probum vel Scaligerum excripserunt vel secuti sunt plurimi alii, etiam nuper Martorellus (in *gli Euboici secondi Abitatori di Napoli* pag. 405). Nobis quidem, ut in aliis, inventi laudem, quæ haud dubie est major, Homerus, majoris ornatus commendationem habere videtur Virgilius; et esse in utroque, quod probes, quod mireris. Choros egregie substituit Virgilius, cum Homerus *lusum* memoret: παίζουσι, quod, etsi et ipsum de choreis ac saltatione solenne, ut v. c. Odyss. Θ, 250. 251 (et

paullo ante *μολπή* cantus cum saltatione. v. Græv. Lect. Hesiod. c. 19); vix tamen Homerus, quæ ejus verba sunt, alia de re quam de in-
cessu et discursitatione venantium cogitare potuit. Variavit itaque
Virgilius rem, et multo splendidiorem speciem exhibuit *χορευούσας*,
non discurrentes, Nymphas.

Vituperant tamen in Marone choros Dianæ, deæ venatrici, tributos,
et præferre hactenus possis Silium, qui in re venatoria substitit in loco
e nostro expresso lib. XV, 772 sqq. *Ut, cum venatu saltus exercet opacos
Dictynna, et lætæ præbet spectacula matri, Aut Pindi nemora excutens,
aut Mænala lustrans, Omnis Naiadum plenis comitata pharetris Turba ruit,
striduntque sagittiferi coryti:—exultat vertice montis Gratam perlustrans
oculis Latonia prædam, aut illam Claudiani R. P. II, 62—70, ubi Ama-
zonum cohors memoratur. Scilicet non meminere viri docti, cum antiquo
rum hominum more solennis in solennibus festis et sacrificiis esset sal-
tatio cum cantu, traductas esse choreas, ut alia vitæ humanæ gaudia,
ad beatam deorum vitam. Ducit chorum Bacchus, ducit Apollo, ducit
Diana, Venus. Imprimis autem puellares choreas dederunt veteres Veneri
cum Gratiis et Nymphis; quod ex iis in suum carmen derivavit Horat.
I, 4, et Dianæ cum Nymphis, v. c. apud Callim. in Dian. 170 sq., unde
ejus Nymphæ *χορηγίδες* v. 13. 14. In talibus autem choris haud dubie,
quæ procerior et pulcrior est corpore, eminet super ceteras. Aliam
viam ingressus erat Apelles, qui Dianam pinxerat *sacrificantium virginum
choro mixtam: quibus vicisse Homeri versus videbatur, id ipsum descri-
bentis. Plin. XXXV, 36, 17. Velim utique Plinium aut disertius aut
subtilius rem exposuisse; si sacra facientes puellæ chorum ducebant,
non bene intelligitur, quo jure Dianam illis inserere potuerat Apelles:
cui enim sacra faciebat dea? aut quomodo sacris seu suis seu alienis
interesse illa poterat? Tum quomodo artifex Homeri versus vincere
dici potuit id ipsum describentis! cum Homerus longe aliam Dianæ cum
Nymphis ludentis speciem expresserit. Corruptelam in voce *sacrifi-
cantium* quærere cum Lessingio (in *Laocoonte* p. 224) vix ausim, cum
nulla adsit ratio critica probabilis. Dubitare licet, sitne *sacrificantium
virginum chorus* de choro proprie dicto accipiendus; ut inf. de Apolline
IV, 145 *Instituatque choros. an chorus* dictus sit pro turba ac multi-
tudine: ut ap. Ovid. II Met. 441 sqq. *Ecce suo comitata choro Dictynna
per altum Mænalon ingreditur etc.* Pinxerat forte Apelles sacrum Dianæ,
cui ipsa dea interesse dignata erat; ut ap. Apollon. III, 875 sq. ubi
Medea comparatur cum Diana ad sacrum properante: incedit illa
*τηλέειν ἀντιώσσα πολυκνίσσου ἑκατόμβης.***

Eurotam tribuit Dianæ Virgilius, Laconicæ fluvium, qui *Taygetum montem* alluit, quem Homerus memoraverat. Nec *Cynthus* inepte nominatur, utpote Deli insulæ mons. Magnus numerus Nympharum bene declaratur: *quam mille secutæ Hinc atque hinc glomerantur Oreades*. Nympharum comitatum Latonam circumstantem pulcre etiam Apollon. expressit in loco insigni paullo ante laudato, et cum hoc comparando III, 875—884: incedit ibi Diana curru vecta Nympharum comitatu stipata, sacro interfutura. Alio invento Penthesilea inter Amazones eminens cum Luna inter sidera et cum Aurora comparatur a Quinto Smyrnæo I, 36 sqq., quod proxime accedit ad illud Horatianum: *velut inter ignes Luna minores*. Quod *pharetram fert humero* Diana, otiosum (quanquam vel sic positum, ornaret tamen; cum dea sit *ιοχέαυρα*) haberi nequit, siquidem Nymphas *supereminet omnes*: conspicique adeo sunt humeri deæ. Jam hoc quidem ornatus extulisse Homerum, negari nequit: Πασάων δ' ὕπερ ἤγε κάρη ἔχει ἡδὲ μέτωπα, ῥεῖά τ' ἀριγνώτη πέλειται, καλαὶ δὲ τε πᾶσαι. in quibus imprimis novissima verba præclare dicta sunt. Recte itaque ab his abstinuit poeta Romanus. In versu autem 502 cum Homero certasse videri potest: cuius γέγηθε δὲ τε φρένα Ἀητῶ reddidit: *Latonæ tacitum pertentant gaudia pectus*; quod enim Homerus in medio collocaverat, ipse in fine subiecit. Est etiam hoc in artificio magnorum poetarum, ut in fine comparationis adjiciant adjunctum vel factum aliquod, quod illam notionem, ad quam illustrandam tota comparatio erat instituta, imprimis animo audientis infigit. Feliciter illud interdum ab aliorum sensu et opinione ducitur, aut a vi, quam res ad eorum animos et affectus habet. Ita h. l. præclara Dianæ species mirifice declaratur Latonæ matris sensu, quæ si miratione filiæ defixa fuit, quid de aliorum judicio expectabimus? *Latonæ tacitum pertentant gaudia pectus*; exultat tacite et in sinu gaudet, animadversa hac filiæ suæ divina formæ majestatem. Atque hoc decus Virgilius sibi conflavit ex illo, quod temere inter cetera abjectum repererat: γέγηθε δὲ τε φρένα Ἀητῶ. Conf. imitationem Claud. R. P. II, 69 sq. In illis: *gradiensque deas supereminet omnes*, multi certarunt cum Virgilio. Statius I Silv. 2, 115 *Latias, metire, quid ultra Emineat matres, quantum Latonia Nymphas Virgo premit, quantumque egomet Nereidas exto*. Incessum Æneæ simili modo per Apollinis incessum declaratum videbimus inf. IV, 142 sqq. Juvat tandem observare et hoc, post alios, nisi fallimur: in forma Didonis describenda uno epitheto defungi poetam: *pulcerrima Dido*: tam parum poeta ulteriore pulcritudinis descriptione immorandum sibi esse putabat: nec facile

corporis formosi speciem per partes describere ullus poeta, si sapit, laborabit.

EXCURSUS XXI

De antiquo Italiæ nomine.

I, 530—533. et III, 163—166. *Est locus, Hesperiam Graii cognomine dicunt—Ænotri coluere viri; nunc fama, minores Italiam dixisse ducis de nomine gentem.* Nomina Italiæ omnia a Græcis venisse videntur; an inter incolas toti huic terrarum tractui nomen commune impertitum fuerit ac quale, ignorari, aut verius, nullum omnino ab initio fuisse, putamus. Ita enim fert rerum hominumque ratio ac mos, ut nomina non imponantur rebus nisi iis aut ab aliis aut inter se discernendis; adeoque nec terris ac regionibus imposita fuere nomina nisi hominum commerciis subnatis; ut aut diversarum stirpium ac gentium sedes designarentur, aut ut accolæ ac fines dirimi ac regi possent. Inventa itaque terrarum nomina partim inter tribules ac populares, partim ab advenis. Prioris generis nomina, id quod ipsa rei ratio credere jubet, ad angustos tractus, quos aliqua stirps, tribus, vel gens tenebat, spectarunt; alia nomina in his substituere, alia inde latius ad proxima quæque loca proferri cæperunt. Aliter res se habere potuit in nominibus, quæ ab advenis seu negotiandi seu visendi causa fines ingressis invenirentur; quippe quæ magnum terrarum tractum jam ab initio declarare possunt, dummodo, fines aut oram ac litus aut populum tam late protendi, primo statim aditu constabat. cf. Exc. II extr. ad lib. VIII. Potuit adeo isti terrarum tractui, quam Italiam appellamus, initio a certa oræ maritimæ parte vel loco facto, nomen impositum esse a Phœnicibus, quod tamen nunc ignoramus. Nomina, quæ tenemus, Græcæ fere originis sunt: verum Græci non nisi exiguos litoris tractus ab initio cognitos habuere. *Saturniæ* quidem nomen, quod Dionysius Halic. I, 34 putabat, vix fuit commune ac vulgare, sed est poetarum; etsi primo ad locum aliquem circa Tiberim spectasse dicitur: v. ad lib. VIII Exc. II extr. *Hesperia* nomen, terram ad occidentem sitam declarans, commune fuit cum Hispania; ut satis appareat, Græcis ex omni Europa primam innotuisse Italiam, nec nisi navigatione ad ulteriora facta, Iberiam quoque in notitiam venisse. Reliqua Italiæ nomina, cum certo agro vel certæ regioni, quam primum adierant vel

coloniis frequentarant Græci, essent propria, ad remotiores terras, modo angustius modo latius, tandemque ad totum hunc ab Alpibus procurrentem tractum fuere traducta. *Ænotria* ab initio fuit ager inter Lameticum s. Terinæum sinum ac Scylacium, qui serioribus temporibus Bruttiorum erat. Appulerunt enim Ænotri Pelasgi in litore hoc Italiæ interiore, atque Ausonibus hinc ejectis protulerunt fines suos primum versus Laum fluvium et Metapontum urbem, mox usque ad Silarum et Bradanum, forte etiam latius; Dionysius quidem hos ipsos Pelasgos ad Latium progressos Umbris Siculisque expulsis et cum Aboriginibus permixtos ea loca tenuisse narrat; sed ex opinione ita statuens; cum non meminisset, alteram Pelasgorum multitudinem in mare Adriaticum evectam aliunde per Umbriam ad ista loca penetrasse. Propter cognitionem tamen stirpis, aut etiam secundum illam Dionysio quoque probatam opinionem, Ænotri totam Italiam obtinuisse dici possunt et ipsa Italia *Ænotria*, uti a prioribus incolis *Ausonia*, et a Chonibus, Ænotrorum parte, *Chonia*. Accuratius hæc, etsi primis lineis, secundum Aristotelem de rep. VII, 10 et Strabonem VI p. 391 comparato Dionysio I, 11 sq. 35 sq. post Cluverium a nobis exposita sunt in *Guthriani* operis (*Allgemeine Weltgeschichte*) recensione T. IV p. 75 sq. et al. Successit Italiæ nomen, idque paullo serius: *nunc fama*, minores Italiam dixisse ducis de nomine gentem; Ergo Trojani saltem belli tempore in Ænotriæ locum alterum Italiæ nomen successisse, audierat Virgilius. Convenit hoc fere cum eo, quod Dionysius Halicarnassensis habet, XVII γενεᾷς seu tætatibus h. e. 459 annis ante bellum Trojanum, Ænotros Italiam accessisse: etsi hoc conjectura tantum, neque ea satis probabili apposuisse videri debet: cf. Exc. IV ad lib. VII. Add. Commentat. de fabulis Gr. inter Etruscos in Tom. III. Nov. Comm. Soc. Sc. Götting. p. 35. 36. Ipsum Italiæ nomen ab initio illi parti fuit proprium, intra cujus fines Ænotria principio includebatur, Antiocho Syracusio teste apud Strabonem VI, p. 391, et Dionys. Halic. I, 34. Ab *Italo*, qui ex regibus post Ænotrum gentis conditorem fuit, nomen ductum idem Antiochus tradiderat v. loca laud. Hellanicus autem Lesbios cum Timæo ap. Gell. XI, 1 aliisque a *vitulis*, *ιταλοῖς* (Leguntur eadem in Apollodoro II, 5, 10, sed v. Notas p. 400 sqq.); utrumque tamen conjecturæ potius Græcicæ, quam acceptæ a majoribus narrationis fidei, deberi videtur. Saltem hoc ex iisdem locis teneri forte potest, circa Herculis Thebani demum tempora Italiæ nomen invaluisse. Omnino super nominis origine multa alia aut commenti sunt aut tradidere veteres, v. Serv. ad h. l. I, 533. adde

his Bocharti somnia (*Canaan* I, 33). Siculorum regem appellat Italum etiam Thucydides VI. cf. Cluver. Ital. I, p. 10 sqq., qui tamen frustra conatur efficere, ut Italiæ nomen Latio proprium fuisse videatur. Ceterum, quod in Servianis ad v. 532 lib. I legitur: *Ænotria*, ut Varro dicit, ab *Ænotro*, Sabinorum rege, videndum est, an a seriore manu inculcatum sit. Consentit enim cum iis, quæ a Catone Anniano p. 6 traduntur.

EXCURSUS XXII

Auro inclusum ebur, marmor, argentum.

I, 538—593. *Restitit Æneas, claraque in luce refulsit, Quale manus addunt ebori decus, aut ubi flavo Argentum Pariusve lapis circumdatur euro.* Comparationem vulgo male institutam in altera editione deseruam: recte quoque adversus illam disputavit Meierotto V. C. in *Dubis* p. 35. Primum conferenda cum h. l. inf. X, 135 sqq. Homer. *Odys.* Z, 229—235. Ψ, 156. 162. De statua ex ebore, argento, vel marmore facta vix recte hæc accipias; quorsum enim pertinere τὸ *circumdatus* dixeris? nam ad inaurandi artificium multo minus bene hoc referas. Cogitandum saltem de sculptura vel anaglypho. Enimvero accipere præstat simpliciter de ornamento aliquo vel cimelio, ex ebore, argento, vel marmore facto, quod intra aliam materiam, h. l. aurum, comprehensum et inclusum est, ut ita auri splendore percusso interioris materiæ candor et nitor tanto clarius effulgeat. Ad similem modum viri divina oris dignitate ornati species erat tanto magis insignis et præclara, quod nimbus fulgidus eum circumdabat. Quod etiam multo magis patet ex altero loco lib. X, 135 sq. *Qualis gemma micat, fulvum quæ dividit aurum (auro inclusa) Aut collo decus aut capiti; vel quale per etem Inclusum buxo, aut Oricia terebintho Lucet ebur.* Ascanius scilicet inter ceteros pugnantes conspicuus est oris nitore et pulcritudine. At Homerus, e quo uterque locus expressus, dum Ulyssem lotum et lectum nova corporis dignitate enituisse declarare vult, simpliciter *argentum auro inclusum* memorat, versibus tamen nitidissimis; imprimis ad declarandam notionem τοῦ τῷ περιέχειν χάριν, adhibet illud: Ὡς ὅτε τις χυτὸν περιέχεται ἀργύρου ἀνὴρ ἱέρεις—in quo argentum, h. e. ornamentum aliquod et ἄγαλμα, muliebris v. c. ornatus, ex argento, fermentatione (κολλῆσαι, συναφῇ), inclusum auro, intelligere in promptu

est; in quo argenti nitor ac candor inter aurum suavius ac vividius elucescit; auri enim rutilantis splendore repercusso argenti nitor multo magis efflorescit. Apparet ex his ipsis locis talem argenti aurique in uno opere consociandi usum ac morem viguisse, et placuisse, Homeri saltem ætate: Talis erat calathus Helenæ ex Ægypto apportatus Odyss. Δ, 132 τάλανον Ἀργύρεον χρυσῷ δ' ἐπὶ χεῖλεα κεκράντο. Talis erat crater ibid. v. 615. Omnino variis metallis vas vel utensile exornandi morem fuisse declarat v. c. lectus Ulyssis Odyss. Ψ, 200. At eboris aurique, imprimis in anaglypho opere, miscendi mos a Græcis Romanisque est frequentatus. cf. Ge. III, 26. Cæpit quoque lignum ebore distinguere, mox operiri: Plin. XVI, 43 s. 84.

EXCURSUS XXIII

Teucris ad Sidonios accessus.

I, 619—626. *Atque equidem Teucrum memini Sidona venire, Finibus expulsum patriis, nova regna petentem Auxilio Beli: genitor tum Belus optimam Vastabat Cyprum et victor ditione tenebat.* Multa cum arte et sagacitate hæc ex tragicorum fabulis ad maiorem rei probabilitatem traduxit poeta. Teucer, redux a Troja, a patre Telamone aspere acceptus, sive quod fratrem Ajacem non esset ultus, sive alia de caussa (v. Serv.), neque in insulam Salaminem admissus, sorte Phœbi accepta, profectus, novam Salaminem in Cypro condidit. Plures fuere huius argumenti tragicæ fabulæ. Nunc ea de re Helena Eurip. 89 sqq. 144 sqq. est consulenda. Extiterunt forte etiam lyrica carmina, unde Horatius I Carm. 7 expressit, nisi is Pacuvium ante oculos habuit. v. Cic. II de Or. 46. Jam Cyprum a Phœnicibus coloniis fuisse frequentatam, atque etiam ditione habitam, vel ipse insulæ situs probabile facit. Forte tamen et historiarum monumenta tradiderant, a Tyriis vel Sidoniis, et quidem a Belo aliquo, Cyprum fuisse bello petitam. Paullo tamen licentius in his, jure quidem suo, versatur poeta. Facit Beli, Tyri regis, sedem Sidonem, quæ tamen, Trojanis saltem temporibus, suos reges ipsa habuit (cf. ad Guthrium T. I, p. 439). Paridem Sidonem venisse et urbem evertisse, narratum erat in Cypriis, ut ex fragmento Procli Escorial. didici. Accesserat mox ad Cinyram Palamedes in Cyprum missus ad societatem belli petendam: quod ex eo-

dem, ut suspicor, carmine narratur in Alcidamantis Or. in Palamed. p. 73. Fundus erat Iliad. A, 20—23. Porro *Beli* nomen, tanquam mollius, recte prætulit poeta vero nomini, quod pater Elisæ et Pygmalionis, Tyri rex, habuit *Mutgonis* vel *Matgeni* ap. Joseph. in Apion. I, p. 927, *Mettinum*, *Mettem*, *Methrem* appellant alii, v. ad Justin. XVIII, 4, 3. Adde Serv. ad Æn. I, 343.

EXCURSUS XXIV

De Ilione.

I, 653. *Præterea sceptrum, Ilione quod gesserat olim.* Ilionem inter Priami filias ab Apollodoro et similibus memorari non videas, ab Hygino tamen fab. 243 et 109 ex tragœdia scilicet Græcorum aliqua, quæ interiit. Est ibi illa Polymnestori Thracum regi nupta, et ad eam frater Polydorus educandus mittitur. Etiam Pacuvii tragœdia hoc nomine fuit; et Accii *Ilionen* ex Nonio laudari videas, male ab aliis, etiam a Columna, inter Ennianas fabulas commemoratam. Ex ea dictum illud: *Mater te appello* e Cic. Acad. Qu. IV, 27 et Horat. II Serm. 3, 61 notum. adde Serv. ad h. l. et III, 15. Laodicen frustra hac vocat Cerda, de qua v. Quint. Cal. XIII, 544 sqq. Tryphiod. v. 648 et Pausan. X, 26.

EXCURSUS XXV

Implere amorem genitoris.

I, 716. *Et magnum falsi implevit genitoris amorem.* Videamus paullo accuratius de h. l., in quo mihi dissentiendum est a doctiss. Interprete. Nam, quæ prima legentis cogitationi occurrat, sententia esse videtur hæc, ut Ascanius falsus desiderium patris, a quo absentiam filii impatienter ferente arcessitus erat, primis amplexibus et osculis expleret. Ita magnum amorem bene dixit, et falsus genitor est elusus, deceptus, vel simpl. cujus verus filius Amor non esset. *Implere amorem*, ut, *dolorem, luctum*, bene dicitur; communis *explere*. Burmannus tamen Cor-

radum, qui ita exposuerat, reprehendit, alteramque rationem proponit, ut sit: *partes filii, patrem vehementer amantis, bene egit*; erga patrem amorem ostendit omnibus numeris ita perfectum, ut is crederet, esse verum filii affectum. Sane *amor genitoris* est etiam amor in genitorem; et ut *impleri officium* dicitur, cui satisfacimus, ita *amor* recte videtur dictus *impleri*, cum debitus amor præstatur. Sed primum toti rationi subesse aliquid coacti ac duri videtur; nec, quorsum *magnus* amor pertineat, dicere in promptu est; et *Æneæ* desiderium potius erat explendum, cujus omnis in Ascanio cura stabat et animus hærebat. Ceterum Servius locum obscure interpretatur, nec Donatus vel Pompon. Sab. quidquam juvant.

EXCURSUS XXVI

Qui. qualis. quantus.

I, 750—753. *Multa super Priamo rogitans, super Hectore multa; Nunc, quibus Auroræ venisset filius armis; Nunc, quales Diomedes equi; Nunc, quantus Achilles.* Memnonis (de quo vid. Excurs. XIX sup. ad 489) arma nec apud Pindarum, nec apud Dictyn et Quintum quidquam habent præcipui. Apud Hesiodum Theog. 984 Memnon χαλκοκορυστης, sed hoc simpliciter *armatus*, ut passim alii heroes. Nisi itaque poeta fabulam parum nunc notam secutus est, nec commentitium est, quod in Servianis legitur, a Vulcano facta fuisse ei arma; ad barbaricum exercitus Memnonii apparatus, a Trojano more diversum, referendum est. cf. Dictyn IV, 4 et 5. Quod nisi probare malis, accipienda verba sunt simpliciter, ut sit variata oratio pro vulgari: *multa rogitans* —porro *super Memnone, et Diomede et Achille*. Similis forma orationis Ecl. VI, 80. 81 *Quo cursu deserta petiverit, aut quibus ante Infelix sua tecta supervolitaverit alis*, pro, quomodo ille narraverit, quemadmodum Philomela primum in solitaria loca fugerit, mox vero, in hirundinem mutata, pristina sua tecta iterum petierit, et circum ea volaverit. Sed, ut in nostro *Æneidis* loco rationi propositæ non satis confidam, facit primum, quod etiam supra v. 489 *nigri Memnonis arma* memorata singulare quid de armis ejus innuere videntur; tum in hoc ipso loco v. 752 *Diomedis equi* subjecti similiter certa aliqua ratione sunt dicti, etsi nec,

Si quidam principum habuerint, dicere in promptu est. Si equi sunt curras, quos Sthenelus regebat: Iliad Δ, 366. 367, non memini ulla insigniore laude eos a poeta commendari. Sin equi sunt Rhese cæso abducti: sup. v. 469 sq., ii Rhesi erant dicendi, non Diomedis; qui etiam aliis equis, Æneæ abductis, superbiebat in ludis funebribus Patrocli, Iliad. Ψ, 290 sq. Quod Servius Diomedis equos a Diomedis Thracis equis carnivoris originem ducere dicit, inter Grammaticorum acumina referendum esse videtur. Tandem *quantus Achilles*, quam magnus corporis viribus et animi virtute.

P. VIRGILII MARONIS

Æ N E I D O S

LIBER SECUNDUS

ARGUMENTUM

DIDONIS voluntati morem gerens Æneas, excidii Trojani seriem narrat; ea est hujusmodi: Græci decimo belli Trojani anno attritis jam viribus, virtutisque diffidentes, ad dolum confugiunt: nocteque ea, quæ urbis incendium antecessit, fugam simulantes, circa Tenedum latitant, relicto in agro Trojano equo ligneo tantæ magnitudinis, ut portis urbis recipi non posset, ejus utero lectissimum quemque procerum includunt. Trojani partim fraude Sinonis impulsī, partim Laocoontis supplicio territi, diruta muri parte, equum in arce statuunt 1—249. Nocte intempesta Græci a Tenedo profecti, per eam muri ruinam, qua equus erat introductus, urbem invadunt. Sinon reserato equi utero armatos emittit: omnia ferro flammisque foedantur—267. Æneas interim ab Hectore in somnis admonetur, ut sibi fuga consulat, deosque patrios incendio eripiat—297. Ille tamen, honestam mortem turpi fugæ præferens, frustra in arma ruit: satis feliciter primus impetus succedit Trojanis, donec Coræbi consilium secuti, sumtis Græcorum armis, suorum telis obruuntur—437. Interea Priami regia oppugnatur, Priamusque ipse a Pyrrho Achillis filio interficitur—558. Æneas itaque frustra tentatis omnibus, cum jam nihil spei reliquum esset, sacra Anchisæ patri committit, eoque in humeros suos sublato, assumtisque Ascanio filio Creusaque uxore, fugam arripit—728. Græci a tergo insequuntur. In eo tumultu Creusam uxorem amittit: cujus quærendæ causa per totam urbem oberranti obvia fit uxoris Umbra, virumque mortis suæ certiore facit—794: Ipse ad socios revertitur; quo jam magnus virorum mulierumque numerus confluerat, ejus auspiciū, quocumque terrarum abducere vellet, sequi paratus.

CONTICUERE omnes, intentique ora tenebant;
 Inde toro pater Æneas sic orsus ab alto:
 Infandum, Regina, jubes renovare dolorem;
 Trojanas ut opes et lamentabile regnum
 Eruerint Danaï; quæque ipse miserrima vidi, 5
 Et quorum pars magna fui. Quis talia fando

2 Ab alto est Medic. Pierii.
 3 ipsa Franc.

3 renovare jubes regina Hamb. pr.

4 opis Hugon.

Hic et tertius liber Episodium de Trojæ excidio Æneæque erroribus complectuntur, quod præclare poeta intexit, quippe cum Æneæ fati imprimis conjunctum, et ad admirationem excitandam natura sua et magna rerum inter homines fama eximie aptum. Quod autem Æneæ narrantis partes tradidit, in eo illud commodi assecutus est poeta, ut tota narratio habeat majorem auctoritatem, magisque miserationem faciat, cum ab eo exponantur res, qui earum pars magna fuit ipse; Delectus porro rerum ita relictus erat poetæ, ut proferre tantum ea liceret, quæ vel moverent imprimis vel ornatum admittunt; Tandem ipse audientium consessus post sollennes epulas, et Didonis in Ænea hærentis vultus, habet, quod legentis animum quodammodo afficiat. Noctem ipsam, jam provectam, habere quoque, quod mentem teneat, putabat Trappius. Est hic liber inter perfectissimas operis partes ipsius poetæ judicio habitus; quippe quem cum quarto et sexto Augusto speciminis loco prælegerit. v. sup. T. I Vita V. c. 12. §. 46sq. Quem autem

ex antiquioribus poetis ante oculos habuerit Virgilius in excidio Trojæ exponendo, disputatum est in Excursu ad hujus libri princ. scilicet Iliadem parvam cum Euripidis tragœdiis.

1. *Intenti ora tenebant*, ornatè, erant intenti; habebant vultus et oculos intentos et conversos in Æneam. Mox v. 2 *altus* tantum ornat. Et erant tricliniæ lecti magnificentiæ causa alti; accedebant pulvini.

3. Cf. Odys. I, 12 sqq. et H, 241. 242, sed in Virgilio omnia ornatiora; ut v. 4 ornatè pro: narrando, ut *regnum Trojanum everterint Achivi*, dixit, *eruerint*, et *Trojanas opes*, et *regno* adjecit epitheton, *lamentabile* quod lamentabile exitium habuit. Eadem expressit Statius suo more Theb. V, 28 sqq.

6 sq. Reluctatur Æneas narrationemque principio deprecatur: nimium enim sibi animum iri commotum harum calamitatum recordatione, quas ne Achivi quidem, cladis auctores, sine lacrimis narraturi sint; noctem præterea extremam (cf. Od. A, 329 sqq.) vix longam narrationem

Myrmidonum, Dolopumve, aut duri miles Ulixi,
 Temperat a lacrimis ! et jam nox humida cælo
 Præcipitat, suadentque cadentia sidera somnos.
 Sed, si tantus amor casus cognoscere nostros, 10
 Et breviter Trojæ supremum audire laborem ;
 Quanquam animus meminisse horret, luctuque refugit ;
 Incipiam. Fracti bello, fatisque repulsi,
 Ductores Danaûm, tot jam labentibus annis,
 Instar montis equum divina Palladis arte 15
 Ædificant, sectaque intexunt abiete costas ;

7 *diri* Goth. tert. *Ulixi*. vulgo *Ulysei*. Franc. *Ulixis*. Goth. pr. et tert. et edd. non-nulle *Ulysei*. At *Ulixi* scriptura est Medic. Romani aliorumque codd. etiam Prisciani ap. Heins. scilicet pro *Ulixei* ; Sic *Oronti* I, 220. inf. 30 *Achilli*. cf. ad Ecl. VIII, 70. Habet scriptura *Ulixes* vel *Ulixæus* auctoritatem codd. (v. ad Ovid. Epp. I, 1) non rationem : nam ex *Ὀδυσσεύς* saltem fieri debuit *Ulyseus*. 8 *Temperat* Gud. et Goth. sec. 10 *Sed cum* Hamb. pr. Et si Franc. *agnoscere* Gud. cum aliis vett. ap. Pierium. *cognoscere* tantos Græv. in marg. vel c. *tantos*. 12 *luctumque* sec. Morel. Parrhas. et ed. Ven. præter aliquot codd. Pier. et Donatam, quod mireris Burmannum probasse, imprimis post Catræum ; nam est vulgare et tenue præ altero, ubi de horrore (h. l. ex recordatione rerum tristium ; itaque *luctus*) et aversatione rei ingratae et molestæ agitur. Quod proprie de membris vel de sanguine dicitur, ad animum transfertur. *luctus* Carisius habet, notante Pierio. 15 *divina* Menag. pr. 16 *factaque* Ven.

ferre—*quorum pars magna fui*, quarum calamitatum magna pars me ipsum attingit, ad me spectat. Nam præcedit *miserrima*. Alias is, qui princeps in rebus agendis est, erit *pars rerum*. *Myrmidones* et *Dolopes* ad Achillem et Neoptolemum ejus f. spectant; vid. Iliad. B, 684. cf. inf. 29. *durus* autem *Ulysses*, ut *scævus* III, 273 (melius h. l. quam, si *patiens*). *miles Ulixi*, h. e. Ithacensium aliquis. Mirum est, quod de Achemenide (vid. lib. III, 614) hoc accepisse Asinium Pollionem memorant Servius et Pomponius. Imitatus h. l. Silius II, 650 sqq.

8. 9. Nox descendit in Oceanum, quasi cursu per medium cælum ab occidente ad orientem facto ; inde et sidera cadunt, occidunt. Vid. Excurs. ad h. l. cf. IV, 351. 352. *Suadent si-*

dera cadentia somnum elegantius, quam, invitant ad somnum.

11. *Supremum laborem*, cladem, ipsum urbis excidium. Mox *refugit*, ad formam aoristi, exquisite, cum in re, quæ per plura momenta durat, et si vulgari usu præsens frequentetur, præteritum tamen non minus locum habeat. Locum expressere alii, v. c. Seneca Agam. 416 sqq. E Cicéronis Phil. XIV expressum versum volebat Muretus Var. Lect. V, 3. Saltem similia sunt: *Refugit animus*, *P. C. eaque formidat dicere, quæ*—

13. *Fatis repulsi* ; quoniam fatale erat, non nisi post novem annos Trojam capi. v. Iliad. B, 313 sqq. 15. 16. De Equo Trojano vid. Excurs. ad h. v. *Instar montis*, ad montis magnitudinem ; breviter magnam imaginem rei animo objecit, statim

Votum pro reditu simulant: ea fama vagatur.
 Huc delecta virūm sortiti corpora furtim
 Includunt cæco lateri, penitusque cavernas
 Ingentes uterumque armato milite complent. 20
 Est in conspectu Tenedos, notissima fama
 Insula, dives opum, Priami dum regna manebant;
 Nunc tantum sinus, et statio male fida carinis.

18 *dilecta* Gud. a m. pr. 20 *ingentis* Heins. scripsit cum veterrimis et Prisciano.
 21 *Tenedos* Rom. cum al. antiquis ap. Pier. 22 *manerent* Bigot.

ab initio. *Palladis arte*, ὑποδημοσύνησι.—*τὸν Ἐπειὸς ἐποίησιν σὺν Ἀθήνῃ*. Odyss. Θ, 493. *intexunt coctas abiete sectas*, h. e. trabibus abieguis, tantum ad declarationem ulteriorem *τοῦ ἀδificαντ* spectat. *intexunt* simpl. est *texunt*. *Texere* autem de trabibus junctis et in fabrica e ligno, imprimis navium, frequens est. v. Cerda. cf. inf. 112.

17. Sparserant famam, equum hunc Palladi esse positum, votis pro reditu susceptis. Hoc, ut poeta, extalit. Servius *rotum* pro participio habet, id est *vovisse* pro reditu. Ibidem: *Accius in Driphobo inscriptum dicit: Minerea domum armipotentis Danaï ebrentes dicunt*. cf. Hygin. f. 108 et ibi not. Quod hic ex voto equus dicatus dicitur, non repugnat iis, qui ad Palladem placandam extractum dicunt Quint. XII, 38. 370. In idem etiam consentit Virgil. infra v. 162 sq.

18—20. Ductores Danaum sortiti, sortitione facta, *includunt huc cæco lateri*, h. e. in latūs, h. e. corpus equi occultum, in quo occulti latere poterant, *delecta virorum corpora* exquisitē pro, viros *delectos*; hoc idem declarative exornavit in iis quæ subiicit: *penitusque cavernas milite complent*. Ornate omnia pro, equo huic

includunt delectos viros. Fuerunt autem Ulyssis præcipuæ ea in re partes. Odyss. Θ, 494 *Ὅν ποτ' ἐς ἄκρῳ πολιν, δόλον, ἤγαγε διοὺς Ὀδυσσεύς*, duxit, fecit, ut duceretur in arcem, et sic ceteri, ut Quintus XII, 22 sq., apud quem Calchas vates primus fraudis auctor est, modum et rationem fraudis Ulysse subiciente, at apud Tryphiod. 44 sqq. Helenus Troja profugus. Tandem observasse non poeniteat, quam ornate poeta equum extulerit ejusque notionem quam mirifice variaverit; quod jam Serv. ad v. 230 et Cerda ad h. l. monuit, ut *cavernam, uterum, latebras, curvam compagibus alveum* et sic porro.

21—23. *Tenedos* insula, olim *Leucophrys*, agro Trojano prætenta XL stadiis a continente abest. *dives opum* propter incolarum divitias; nisi ad templum maxime Apollinis Sminthei respicit, quod in insula erat, Iliad. A, 38. Eodem, quod *notissimam* (*fama* poetice ornat) vocat, pertinere puto. nunc tantum *sinus* et *statio*, h. e. ea vastities in insula facta, ut ea hoc uno nota sit, quod *naves* tempestate jactatæ in litorum recessu, quem *sinum* appellat, *stationem*, etsi *parum tutam*, habeant. Eodem mox spectat *desertum litus*, quo condunt se Achivi. Dubitatum esse video, verene

Huc se provecti deserto in litore condunt.
 Nos abiisse rati, et vento petiisse Mycenæ. 25
 Ergo omnis longo solvit se Teucra luctu.
 Panduntur portæ; Juvat ire, et Dorica castra
 Desertosque videre locos litusque relictum.
 Hic Dolopum manus, hic sævus tendebat Achilles;
 Classibus hic locus; hic acie certare solebant. 30
 Pars stupet innuptæ donum exitiale Minervæ,

24 *projecti* Longob. sed est: *huc provecti condunt se*. In Goth. tert. *condunt* in marg. vel ponunt. 25 *Vos et abiisse* ed. Ven. *ventoque petiisse* Menag. pr. et Leid. *abiisse* et *petiisse* etiam in Romano. 26 *solvit longo se* Montalb. *se* deest Moret. sec. *posuit se* Schol. Horat. IV Od. 6, scilicet explicuerat per *posuit luctum*. 27 *ad Dorica c. Desertosque locos, litusque videre relictum* Wirtian. 29 *sævus* Franc. ut al. *Ulixes* pr. Hamburg. 30 *acie* Heins. e melioribus, imprimis Rom. Medic. Gud. vulgo *acies*, quod præter codd., inter quos omnes Gothani, Rufiniani de Schem. Lex. p. 33, nec non Pomponius Sabinus agnoscunt. Burmannus utrumque illustrat. Sed dicendum: *hic acie certare solebant* esse exquisitius adeoque poeta dignius; alterum prosaicum.

hæc et ex natura situque locorum dicta sint. Nunc autem per eos, qui hæc loca adierunt, in compertis habeo, ex locis illis, quæ Ilii vestigiis assignari solent, (*Bunarbaschi*) Tenedum haud dubie prospici; et esse in ejus litore australi stationem navium, quæ earum conspectum oculis ex Ilio prospicientium eripiat.

25—30. *Mycenæ* pro vulgari, Græciam. *vento*, vento secundo. *omnis Teucra* sc. *gens*, ait *Serv.*, omnes utique Trojani. Malim de *regione* accipere. Sic *Dardania*, v. c. 282, pro ipsis Teucris. *solvit se luctu*: exquisitius quam solvere, deponere, finire luctum. *solvere* autem de *luctu* dictum, quoniam dolor, tristitia, mœror, congelare, contrahere, adstringere, vincire, dicuntur. cf. *Burm.* — 27. *Dorica castra*. Habet hoc a senioribus poetis. *Homerus* Achæos, Argivos vel Danaos, memorat. *Dorum* nullæ fuere opes, nisi postquam cum Heraclidis in Peloponnesum descenderant, LXXX annis post Trojam

captam. Porro observa poeticum ornatum v. 27. 28 pro, *castra deserta et relictæ*. *Homerus* etiam hoc addit, castris ab ipsis Achivis fuisse ignem subjectum, *Odys.* Θ, 501. Sequitur id *Quintus Cal.* XII, 331 et 30, *Tryphiod.* v. 138. 207 sqq. et ceteri. 30. *classibus*, h. e. navibus in terram subductis. cf. *Fabrett.* ad tab. *Iliac.* p. 323. *Dolopum* v. ad v. 7. Sequitur autem poeta eos, quos *Eustathius* memorat Dolopes *Myrmidonibus* *Achillis* accensos credidisse: etsi *Iliad.* B, 684 non memorantur. At sub *Pelei* ditione Dolopes fuisse, quibus *Phoenix* præficitur, intelligitur ex *Iliad.* I, 480. *tendebat*, tentorium habebat. militare verbum. cf. *Cerda*. Ceterum comparandus cum poetæ verecundia notus *Ovidii* *lusus* *Epist.* I, 31 sqq. *Atque aliquis posita monstrat fera prælia mensa*—*Hæc ibat Simois* etc.

31—34. In *stupet*—*miratur* male argutantur; est poetis utrumque idem, et jungunt talia, modo ad va-

Et molem mirantur equi; primusque Thymætes
 Duci intra muros hortatur, et arce locari;
 Sive dolo, seu jam Trojæ sic fata ferebant.
 At Capys, et quorum melior sententia menti, 35
 Aut pelago Danaûm insidias suspectaque dona
 Præcipitare jubent, subjectisve urere flammis:
 Aut terebrare cavas uteri et tentare latebras.
 Scinditur incertum studia in contraria vulgus.
 Primus ibi ante omnes, magna comitante caterva, 40
 Laocoon ardens summa decurrit ab arce;

32 *Thymætes* varie corrupta vox in libris. v. ap. Heins. et Burm. Sed est *Θυμῶν*. 33 *inter Ven. infra sec. Moret. in arce qu. Moret.* 34 *manebant pr. Hamb. parabant* alter. *solebant* Montalb. sed vide Burm. Trappius, non adeo inelegantis vir iudicii, verus malebat sic poni: *Et molem—Sive dolo—Duci intra*, quod mollius quid habere ipsi videbatur. Recte quidem. Sed, ut nunc est, gravior est oratio. 35 *m. s. surgit* sec. Hamb. ex I, 582. *pro menti, cordi* Goth. tert. 37 *jubent* habet codd. et grammaticorum auctoritatem; non minus tamen gravis est fides *τῷ* *jubet*. v. Heins. Mox *legebatur*: *subjectisque u. f.* Recte inter Serviana:—*disjunctiva, quæ hic esse debuit, mox tamen*:—*Antiqua tamen exemplaria ve habere inveniuntur.* Nec dubito, ve esse scribendum: etsi passim viri docti repugnant et *que* disjunctive poni aiunt. Nam diversa haud dubie inter se apponuntur. Ita et *hî—hî* Odys. l. e. 40 *ante alios aliquot Pieriani.* At Goth. alter: *primus ibi juvenum*, notabilis lectio. Sic enim durum illud, quod *τῷ* *ante omnes* laborere videbatur, sublatum esset; et possit hoc ex glossa irrepsisse videri; jungendam adeo: *juvenum magna c. caterva.* 41 *Lauchoon, Laochon, Lachoon, Laucon*, hic et infra, aberrationes codd. *Laocoon* Medic. semper. Et v. 230 *Laocounta* Duvill.

rietatem orationis et copiam, modo ad ornatum vel vim addendam, eadem notione aliter atque aliter exposita, inusitata, epitheton manifesto expressum ex Eurip. Troad. 536 *χῆρ' ἀνδρῶν* (h. e. *ἀγαθῶν, παρθένων*), h. l. tantum ornat; ad rem nihil facit. *donum Minervæ*, h. l. quod oblatum Minervæ: *Serv.* etsi serius hoc comperiant Trojani inf. 183. Sapientia autem Virgilius de equo consilia inire Trojanos facit, antequam in arcem deductus erat, quam apud Homerum deducto jam in arcem equo: Odys. Θ, 504 sqq., e quo loco plerumque hic expressa. *Thymætes* nominat ex auctoritate Euphorionis, quantum quidem ex Servio ad

h. l. constat: fuit is inter senes Iliad. Γ, 146 recensitos. Apud Quintum II, pr. Pentheseilea cæsa suadet urbem relinquere.—*arce locari*, puta in templo, tanquam manubias.

35—39. Ornate singula. Capys et quibus melius consilium placebat. *tentare* exquisite pro explorare equi cavitatem. *Vulgus scinditur in studia contraria*, in diversas partes; additur ad ornatum, *incertum*. *Capys* videtur esse is, qui mox inter Æneæ comites fuit: sup. I, 183. X, 145.

40. De Laocoonte v. inf. 201 sqq. *primus ante omnes*, quia sequitur, *magna comitante caterva*, quam turbam ille decursantem *ardens* ira antevertibat. cf. Burm. *Arx*, *Πύργος*.

Et procul, o miseri, quæ tanta insania, cives ?
 Creditis avectos hostes ? aut ulla putatis
 Dona carere dolis Danaûm ? sic notus Ulixes ?
 Aut hoc inclusi ligno occultantur Achivi, 45
 Aut hæc in nostros fabricata est machina muros,
 Inspectura domos, venturaque desuper urbi;
 Aut aliquis latet error ; Equo ne credite, Teucrici.
 Quidquid id est, timeo Danaos et dona ferentes.
 Sic fatus, validis ingentem viribus hastam 50
 In latus inque feri curvam compagibus alvum
 Contorsit. Stetit illa tremens, uteroque recusso
 Insonuere cavæ gemitumque dedere cavernæ.

42 infamia alter Menag. sollenni varietate. Burmannus. 43 aut illa Goth. alter et tert. 44 et sic Menag. pr. 45 hic sec. Moret. incluso Wallian. 46 Aut hæc. Vide an accommodatius sit ; atque hæc. Nam pro diversis haberi nequeunt. 47 domus Leid. 48 nec c. aliquot. Donati auctoritate a nonnullis male distinguitur : latet error equo ; Ne. v. Heins. et Pier. 49 hæc dona Parrhas. 50 validis contorquet viribus sec. Moret. 51 Quantopere veteres Grammatici in feri trepidarint, ex lacinia intelligitur, quam Pomponius h. l. ex vett. Scholiis servavit : FERI, id est, equi, nam lib. VII, 489 ferum appellat cervum. Aprenianus legit Ferit, pro percussit curvam alvum in compagibus (hoc in Cod. Mediceo habetur, quanquam a nemine adhuc notatum). Alii legunt Feri, ut sit ferus, feri, pro equo, ut fera, fera pro quadrupede. Alii legunt Feri, ut sic sit, id est feram, propter verba similiter cadentia (ut sit pro feram curvam alvum) — Porro feri c. compaginis a. MS. Prisciani p. 134 notatum in Collect. Sax. alvum Gud. 52 Intorsit sec. Rottend. quod defendi possit. recuso Reg. a m. pr. et tert. Mentel. cum binis Goth. recluso pr. Hamb. et sec. Moret. perperam. 53 sonitumque Bigot. ex interpret. catervæ Sprot. pro var. lect. quod prima fronte arridere potest, si v. 243 memineris : utero sonitum quater arma dedere. Sed nec gemitus nec cavæ respondent.

μοῦς ἄκρα. unde prospectus versus litus.

46. Ut sit pro turri rotis subjectis muro admoventi solita, ut demisso ponte escensus fiat in murum.—47. Ut, qui inclusi sunt, ex ea, tanquam ex turri, speculari urbem et desuper ex altiore loco in muros desilire possint. error mox pro fraude, exquisite. 49. H. e. habeo Danaos suspectos etiam, cum ultro offerunt dona.

50. Validis viribus pro magnis. Mox ornatissime iterum equum ligneum declarat. In latus et alvus, quæ in unum juncta, non est argu-

tandum. Junguntur a poetis synonyma sine omni subtilitate. Etiam Tryphiod. 61 Ποιεῖ δ' εἰσπράτης μὲν ἐπὶ πλευρῆς ἀραρυῖαν Γαστέρα. Infra v. 231 tergum ponitur. In partium ac formarum generumque designatione summam libertatem orationis poeticae indoles ac ratio fert. ferum exquisite dixit pro equo, ut docent Lexica et viri docti ad Phædrum. cf. h. l. Cerda ac Petron. 89, 12. alvus curva compagibus h. e. ex compage lignorum curvorum. stetit tremens, pro contremuit. utero recusso, repperusso. cavernæ doctius quam

Et, si fata deum, si mens non læva fuisset,
Impulerat, ferro Argolicas fœdare latebras; 55
Trojaque nunc stares, Priamique arx alta maneres.

Ecce, manus juvenem interea post terga revinctum
Pastores magno ad regem clamore trahebant
Dardanidæ: qui se ignotum venientibus ultro,
Hoc ipsum ut strueret, Trojamque aperiret Achivis, 60
Obtulerat, fidens animi, atque in utrumque paratus,
Seu versare dolos, seu certæ occumbere morti.

54 non cœca duo Guelpherb. in Collect. Sax. 55 Impulerant Hugen. male. tentare latebras Hamb. pr. pro var. lect. repetitum, ut Burn. monet, ex v. 38. aperire Hamb. sec. fœdere Goth. tert. ex interpretatione. v. not. 56 staret et maneres, hoc a m. pr. Medie. ad Servianum normam: "Si staret legeris, maneres sequitur, propter ἡμοιστέλευ-
ται." Etiam alii codd. variant. v. Heins. Sed stares—maneres Romanus, omnes Pier. alique probi codd. Pomponius Sabinus hæc habet: staret et maneret legit Apronianus. Esset tamen hoc altero vulgarius. 57 manu Montalb. juvenum duo ap. Burn. cum Rafiniano edit. Steph. male. 59 Dardanidem sc. regem, ap. Barth. Advers. XII, 2, et quatuor libris. quis se Servius, cum septem ap. Heins. et Leid. pro var. lect. Goth. tert. a m. pr. pro quibus; quod placebat Tollio ad Auson. p. 566, sed vulgata lenius decurrit. 60 ut deest Moret. pr. instrueret Goth. tert. fidensque pr. Moret. fidens animo Romanus. ad utrumque Oudart. v. Burmann. quod vulgare foret. 62 versare dato Langob. Rottend. a m. pr. Sprot. pro div. scriptura. Leid. a m. sec., quibus adde Servium. Hoc ita dici posse docet Burmann., nec de eo dubitatur; quid? quod etiam

caverna h. e. equus cavus, κῶλον ἑῶν. Odys. Θ, 507. gemitus pro sonitu resultante.

54 sq. Et—impulerat. Et sane impulisset Laocoon Trojanos, effecisset, ut equi latera refringerent, puta secuti impacta etc. et interiora aperirent. Enimvero, ecce manus juvenem etc. si fata deum non fuissent h. e. si fatale non fuisset (Αἶσα γὰρ ἦν etc. Odys. Θ, 511. Quintus Cal. Palladem nominat XII, 387). mens læva, stultitia Trojanorum. v. Ecl. I, 16. Forte tamen melius junxeris: mens non læva h. e. sana, si fatum et mens sana fuisset. si fata fuissent inf. v. 63. cf. III, 16. Argolicas latebras, equus quo latebant Argivi. fœdare, exquisite pro lacerare, ut aliis in locis de vulnere, aut mutilato corpore, ut αἰσχρογύναι, λωβᾶσθαι, sed

et simpl. pro vulnerare: v. inf. III, 241 et ibi not. VII, 575; unde et cum ea voce jungitur: II, 286. h. l. diffringere et dissolvere machinæ compagem. Ad verbum omnia expressa apud Petron. c. 89 v. 20 sq.

57. De Sinone episodium: v. Excurs. IV. cum trahebant, cum festinatione adducebant, ut VI, 753 Conventus trahit in medios. Serv.

59—62. Qui se iis ultro obtulerat. Reliqua amplificandi et ornandi studio adjecta. hoc ipsum ut strueret, sc. ut adduceretur ad regem. struere voc. insidiarum et dolī. v. Cerda. fidens animi exquisitius quam, animo; et hoc pro prosaico: animi fidenti; vel fidens, confidens. versare dolos, ut, consilia, curas, h. e. agitare, h. l. cum adjuncta notione, efficere, ad exitum perducere.

Undique visendi studio Trojana Juventus
 Circumfusa ruit, certantque illudere capto.
 Accipe nunc Danaûm insidias, et crimine ab uno 65
 Disce omnes.
 Namque, ut conspectu in medio turbatus, inermis,
 Constitit, atque oculis Phrygia agmina circumspexit:
 Heu, quæ nunc tellus, inquit, quæ me æquora possunt
 Accipere? aut quid jam misero mihi denique restat? 70
 Cui neque apud Danaos usquam locus; et super ipsi
 Dardanidæ infensi pœnas cum sanguine poscunt.
 Quo gemitu conversi animi, compressus et omnis
 Impetus. Hortamur fari, quo sanguine cretus,
 Quidve ferat; memoret, quæ sit fiducia capto. 75

doctius ita dicitur: *versare dolis Trojanos*, uti, *versare animum consiliis*, curis pro, curas animo; ut et Græci, v. c. quod modo in manu habemus, Tryphiod. 112 *Αὐτὰρ ὁ δαίμωνι σὶ νόον βουλῆσιν ἐλίσσων*. At h. l. ultima litera a sequentis voc. initio intercepta esse videtur. *certæ* morti, quod ipsa ratio monstrabat, Heins. recepit ex Nonio Marcello, Longob. Pierii, Moret. sec. et Rottend. tert. Vulgo *certe*. Notabilis Pomponii Sabini nota: *certe* adverbium est: sic legit Apronianus. 64 *certatque* Romanus, Witt. et Parrhas., sed alterum doctius. 65 *Aspice* Dorvill., male. *Accipe* est audi, ut sæpe. *crimine* ab u. ed. Junt. Habuit idem in suo codice Donatus: legitur et in Servianis. sed ab interpolatore est: *A. n. D. insidias et crimen; ab uno Disce omnes*. 67 in abest a multis codd., etiam Gud. 68 *Phrygia circum agmina spexit* Moret. pr., quod non de nihilo est, iudice Heinsio; eodemque Venetus allodit: *Phrygia circum agmina vidit*, utrumque tamen interpolatoris esse videtur, qui metro consultam esse volebat. Hamb. un. *Ph. a. circum vidit* ex glossa. *spexit Ph. a. circum* alter Goth. 69 *quæ me tellus* Cuning. ex citat. ap. Quintil. IX, 2. *quanam nunc tellus* Moret. pr. *possent* alter Hamb. 71 *iniquam* edd. Junt. perpetuo lapsa. *et super*. h. e. præterea, bene Pier. et Heins. ex librorum opt. consensu defendunt. *Vulgares, insuper*. duo Moret. *et insuper*. 73 *compressi* unus Guelpherb. in Collect. Sax. *comprehensus* Dorvill. 75 Interpunctione locus adjuvandus. Male distinguitur: *Quidve ferat memoret*, qua oratione nihil jejuniis post

63. 64. Ornatus quam Quintus Cal. XII, 356 *ἀλλοθεν ἄλλος Μέσσην ἐκυκλώσαντο περισταδόν*. *circumfusa ruit*, ornate, pro circumfunditur. *certant illudere capto*, h. e. certatim illudunt, contumeliis afficiunt, *αἰκίζουσι*.

65. *Ab uno crimine disce omnes*, exquisite pro vulgari ex unius scelere, et h. l. quidem fraude, ex uno exemplo, cognosce, quales, quam perfidi omnes Danaï sint. Ita simpliciter accipio.

69. Quorsum confugiam? 71. 72. Et quem, tanquam hostem, insuper ipsi Trojani extremis afficient suppliciiis. *pœnas cum sanguine*, h. e. vita ipsa, *poscunt*.

73. *Conversi* h. l. mutati. 75. *quæ sit fiducia capto* pro *ei*; num habeat, quod ad veniam impetrandam afferre possit. Similis oratio inf. III, 608 sq. Ex v. 59. 60. 61 sensum infert Burm., qua fiducia se ipso captivitati obtulisset. At *fidens animi* ibi alium sensum habet.

Ille hæc, deposita tandem formidine, fatur :

Cuncta equidem tibi, Rex, fuerit quodcumque, fatebor

Vera, inquit ; neque me Argolica de gente negabo :

Hoc primum ; nec, si miserum Fortuna Sinonem

Finxit, vanum etiam mendacemque improba finget. 80

Fando aliquod si forte tuas pervenit ad aures

hortamur fieri, memorem alii legunt in Servianis. cepto Zulich. a. m. pr., cui Burm. favere ait VIII, 15. Quid struat his captis. 76 Versus hic abest a Medic. et Mentel. pr. item a Witt. In Mentel. sec. Gudiano, Rottend. pr. Græv. et Regio ab alia manu est scriptas. Etiam rationibus eum deturbat sede Heins., quod lib. III, 612 iterum legitur, et quod Sinoni, homini audaci, non conveniat, deposita formidine, et quod v. 107. Prosequitur pavitans. Ei accedit Brunck. adde similia apud Cerdam. Enimvero, ut hæc satis gravis sunt, ita non minus altera parte sunt quæ moram faciunt : fingit Sinon et hoc, quasi deposuerit formidinem ; ut v. 67 turbatus constitit, h. e. qui vellet videri turbatus (timentem turbatumque oculis Æn. VIII, 222). Nec h. l. bene abesset versus : nec ita abrupte verba ordiri solent loquentes apud nostram. Etiam Quintus XII, 365 ὃ δ' ἐν δῆμον ἔπει κλέπτει, τοιάδ' ἂν ἐν μέσσοις δολοφρονίῳ ἀγίευσεν. Et potest casu versus in uno apographo omissus esse. Nam Mediceus, Gudianus, Rottendorphius primus, nec non Menteliani, unam faciunt familiam, ut multis locis cognovimus. Enimvero ex Pompeii scholio, ad h. l. referendo, didici, Apronianum, e cuius recensione Mediceus Codex est, versum sustulisse, quod Virgilii esse non putabat : quod ita accipiendum : Medicum hoc versu carere, quem ille pro Aproniana lectione habebat. Itaque iudicium grammatici habemus, non auctoritatem criticam. 77 quidem Medic. Pierii. v. h. l. Burmann. fuerit quodcumque Pierias et Heinsias, optimorum codd. et Phædri, Servii, Donatique auctoritate defendunt. Vulgo, fuerint quæcumque. 78 Vera, nec Argolica us jam de ed. Ven. ab interpolatore, qui inquit non ferebat post fatur. 79 ne si Ven. et ed. Ven. 80 fingit Gud. e tribus aliis, fingat ed. Ven. finxit Goth. tert. jam vanum et mendacem Dorrill. 81 aliquod præclare Heins., sc. nomen, ex optimis codd. Vulgo etiam apud Grammaticos aliquid. v. Heins. et Burmann.

77. Hæc Sinonis oratio eximio artificio est composita, quod facile in singulis declarabit interpretes, vel unusquisque sibi lector. A veris incipit dicere et in falsa desinit, ut bene Serv. Nota enim erant et confessa, quæ de Palamede et Ulyssis odiis narrat ; verum etiam Calchantis responsum ; sed a Tragicis fere ad Polyxenæ sacrificium in Achillis tumultu tractum. Præterea, ut animi audientium tanto magis capiantur, etiam miserationem movet ; imprimis v. 137 seq., quos sine motu animi vix perlegas. Videtur hæc oratio, nisi ex tragedia est ducta, tota Virgilio deberi. Certe in iis, quos habemus, Quinto Calabro et Tryphiodoro, qui excipere veteres, Quintus quidem

propius ad nostrum, a Sinone ea, quæ in fraudem finxerat, simpliciter exponuntur. *Cuncta fatebor vera, vere, fuerit quodcumque* h. e. quicquid evenierit, mihi que exinde acciderit. Bene Serv. i. e. quicumque me sequatur eventus.

79. *Hoc primum* sc. verum fatebor. Sic junge. Reliqua ex Accio in Telepho sumta Macrobio teste Sat. VI, 1. *Nam si a me regnum Fortuna atque opes Eripere quivit, at virtutem non quivit.*

81—85. *Fando* h. e. narrando, aliorum narratione. Formula exordii etiam apud alios obvia : v. c. Apollon. II, 1141, ubi Brunck. notavit Ovid. Met. XV, 497. *gloria inclyta adjecto fama, per famam, auditionem,*

Belidæ nomen Palamedis, et inclyta fama

Gloria: quem falsa sub proditio Pelasgi

Insontem, infando indicio, quia bella vetabat,

Demisere neci; nunc cassum lumine lugent;

85

Illi me comitem, et consanguinitate propinquum,

Pauper in arma pater primis huc misit ab annis.

82 Carisius notat, veteres legisse *Belida*, quomodo *Σιμωνίδα* et *Αισίδα* pro *Αισιδόν* et *Σιμωνιδόν* dicebant, notante Heinsio. In Zulich. pro div. lect. *Naupliade*. In *Belida* pro *Naupliade* prosodia hæreo ambiguus inter rationem grammaticam et usum. Si a *Belus* est, esse debet media brevi *Belides*: ut *Æolides*, *Phylacides*. Nec producta illa esse potest, nisi, ubi orta vox fuerit ex *εως* vel *ης*. v. Etymol. M. in *Ἀργείδης*. Aut itaque dicendum, patronymicum h. l. ductum esse a *Βελίδης*, quod non occurrit; aut formandum *Belides*: quod non magis occurrit; sic etiam *Danaides* a *Belo* dictæ *Belides*, non *Belides*. Cum igitur et hoc exemplo careat; omnino autem permutationem duorum *Naupliorum* epitheton illud arguat (v. Exc. IV* ad h. l.): statuere malebam, vitium lectioni insidore, et amissa priore syllaba *Belidæ* superesse ex vetere lectione *Naupliadæ*; hoc etiam Brunck. reposuit. Inter hæc tamen non ausim quicquam movere: nam etiam *Statius* VI, 291 *Belidæ fratres*, et *Ovid.* Ep. XIV, 73 *surge age, Belide*. Nolo commemorare *Tyrrhidæ* inf. VII, 484 a *Tyrrhus*, nam hoc veritas *Tyrrheus* legi arbitror. At *Ovid.* in *Ibi*, v. 503 *Quique Lycurgiden letavit*; huic quid faciemus? Et sunt alia, quæ in his variant: ut docte nuper pluribus declaravit *Ouwens*, eruditus vir, in *Noctib.* Hagan. III, 23, ut in multis duplex forma admissa esse videatur. Hæc igitur et similia dicendum est observanda esse, non mutanda. Ita et illud, quod male me habuit, *Mars Gradius* prima longa a gradiendo: *Æn.* V, 208 *trudes a trudendo, disertus a disserendo*. cf. ad *Ge.* IV, 355. 84 qui vitium est edit. Gotting. quos pr. Hamburg. f. quod, ut est in Goth. tert., qui porro: *bella vocabat*. 85 *Dimisere* multi h. l. ut alibi, male. v. Heins. et *Burm.* nec c. Goth. tert. 86 et deest sec. Hamb.; id quod ipse malim. et sanguinitate *Parrhas*. et *Ven.* Pro declarativa particula et h. l. est habenda, ut conicere necesse non sit: ut c. pr. 87 in annis *Witt.* ab armis *Bigot.* Idem fere versus inf. III, 595.

narrationem, ornatum est. *Pelasgi* h. l. *Achivi*, seriorum *Græcorum* more. Nam *Homerus* nunquam ita: agnoscit ille tantum *Pelasgos* in *Thessalia* *Larissam* incolentes II. B, 840: porro *Pelasgos* inter *Trojanorum* socios cum *Lelegibus*, *Cauconibus* et aliis: *Iliad.* K, 429, *bella vetabat*, dissuadebat bellum et oppugnationem *Trojæ*. *demittere neci*, exquisite, ad similitudinem alterius formæ: *demittere Orco, umbris*, h. e. ad loca infera, ex *Homerico*: *ψυχὰς αἰδὲ προΐαψεν*, ubi v. *Clark.* *falsa sub proditio*; h. e. sub falso crimine proditiois, ut bene *Serv.* nam litteras ejus ad *Priamum* datas, sed a se fictas, protulerat *Ulysses*. *cassum lumine*, privatum vita, antique et docte.

Palamedes hic *Nauplii* f. *Belides* h. l., quoniam ejus avia *Amymone*, *Danaï* filia, *Beli* neptis. v. *Excurs.* ad h. v. Quæ ad h. l. illustrandum faciunt, possunt fere ex *Ovid.* *Met.* XIII, 56—60 peti; nisi quod ibi alia odii causa.

86. Ita plures apud *Homerum* comites dati heroibus. Sic *Achilli* *Phoenix*, *Ajaci* *Telamonio* *Teucer*. Versus 87 eximii artificii. cf. inf. III, 614 sq. et copiosiore locum *Ovidii* *Met.* III, 583—596. *misit in arma*, h. e. ad bellum. Quod *pater pauper* est, ad amplificationem *Homericæ* similem pertinet; uti aliis in locis, quod *pater dives* est; nec in eo argutandum. *primis ab annis*, ab initio belli, bene *Burm.* post *Servium*.

Dum stabat regno incolumis, regumque vige-
 bat Conciliis: et nos aliquod nomenque decusque
 Gessimus. Invidia postquam pellacis Ulixi 90
 (Haud ignota loquor) superis concessit ab oris:
 Afflictus vitam in tenebris luctuque trahebam,
 Et casum insontis mecum indignabar amici.
 Nec tacui demens; et me, fors si qua tulisset,
 Si patrios unquam remeassem victor ad Argos, 95
 Promisi ultorem; et verbis odia aspera movi.

88 regio incolumis Goth. tert. a pr. m. regumque Heins., secundum optimos codd. Valgo regumque. Obscurior versus, in quo hæsisse quoque acutum iudicem Jo. Schraderum e schedis intelligo. 89 Conciliis Medic. cum melioribus. Alii Consiliis, ut omnes Pieriani duo ex Goth. Gudian. Mentel. Moret. pr. Sane Regum seu Principum de regno deliberantium fuere consilia, et ita proprie deberent dici. Sed poetæ videntur id sequi, quod a vulgari usu recedit et ponunt concilia. 90 fallacis multi codd. ap. Heins. et Pieriam, quam v., quod est vulgare. cf. Bentl. ad Horat. III Carn. 7, 20. Ulyxi Heins. h. l. ut sup. v. 7. ubi vide. alii Ulyxi vel Ulyxis. infelicis Ulyxis Zallach. ex VII, 613. 91 loquar unus Leid. a m. pr. excessit Longob. decessit Puget. discessit Zallach. quæ omnia vulgaria sunt. vulgatam lectionem etiam Donatus agnoscit. ab auris Esc. Burmann., soliti lapsus. 92 afflictus alii monente Taubmanno. vita, erasa litera m. Regius Cod. luctumque Franc. a m. pr. 93 casu Venetus. 94 Nec t. infelix pr. Moret. et sors me si qua ed. Ven. sors multi, vitio sollenni. 95 usquam duo. remeassem Sprot. ad agros idem, sec. Hamb. et Ven. in agros Leid. et duo pro div. lect. Malim equidem ita scripsisse, cum de homine privato agatur, non de Diomede, cui tale quid convenientius esset: si remeassem victor ad Argos. 96 Lectio, quam Faber ex Servio ad h. l. excolpsit et Cuning. recepit, hinc ascita mihi labe, nihili est et plane nulla. Nam recentior Grammaticus explicuerat vocabulum adscita rarius, quod in Servii explicatione occurrit, per vulgare adsumta, nullo ad ipsum poetam respectu.

88. 89. *Dum stabat regno incolumis*, dum erat incolumis, Palamedes. Duriæ oratio pro: dum erat incolumi regno, h. e. potestate seu auctoritate, quam habebat; aut dum regnum ejus stabat, erat, incolume; ut regnum sit auctoritas, qua quis regnare dicitur, hoc est, potens esse, opibus valere. Ito ergo: quamdiu ille erat incolumi inter ceteros Achivorum principes auctoritate, unde ille quoque nōbat, valebat, in conciliis regum; cum ego propter Palamedis cognitionem in aliqua dignatione fui habitus, stare dicuntur, qui florent rebus prosperis, auctoritate, opibus; ut nolum. Summa autem Palamedis erat sapientiæ ac consilii in principum

consensibus auctoritas: quippe σοφώτατος ἀνδρῶν, et multarum rerum, etiam literarum, inventis clarissimus, etiam nos aliquod nomen ac decus, h. e. honorem, gessimus, habuimus.

90—93. *Pellax* Ulysses exquisitius quam fallax, qui in fraudem pellicit. v. Cerda et var. lect. Est Homer. πολύμητις. ποικιλομήτης. *superis ab oris*, e vita, ad loca infera. sup. 85. *Demisere neci*. v. 92. 93 pulcri versus. in tenebris, inclusus domi, vitatis hominum conventibus.

96. *Promisi ultorem*, minatus sum: ut alibi quoque. v. Serv. h. l. et Burm. *verbis odia aspera movi* exquisite pro, Ulyssis odium exasperavi, exacerbavi.

Hinc mihi prima mali labes ; hinc semper Ulixes
 Criminibus terrere novis ; hinc spargere voces
 In vulgum ambiguas, et quærere conscius arma.
 Nec requievit enim, donec Calchante ministro— 100
 Sed quid ego hæc autem nequidquam ingrata revolve ?
 Quidve moror ? si omnes uno ordine habetis Achivos,
 Idque audire sat est ; jamdudum sumite pœnas.
 Hoc Ithacus velit, et magno mercentur Atridæ.

99 In *vulgum ambiguum* Sergius in Artem Donati ; sed v. Heins. in altero hemistichio etiam Jo. Schraderum hæsisse, labens cognovi. 100 *magistro* Goth. alter. Quia in media sententia interpellat se, inepti quidam in MSS. supplerunt : *Hostia tum (sum) miser ac sacras reputatus ad aras.* 101 *autem* deest fragm. Moret. et ed. pr. Burm. sed *autem*, ut ap. Plaut. Rud. II, 5, 11. *nequidquam* ap. Macrobi., ut passim in MSS. v. Pierium h. l. ignota revolve ed. Venet. 102 in ordine Exc. Burm. 104 *Hæc I.* Marius Victorinus in Arte Grammat. v. Heins. inf. ad 664. *hoc magno* tres Moret. Menag. pr. Leid. et Schol. Horat., nec displicet ; scil. ut copula absit. *Ithacus*, Ἰθάκας ; eam Euripide. v. c. Cyclops v. 103 et aliis. Apud Hom. Ἰθάκιος.

97—99. *Prima mali labes* elegantius quam origo vel caussa. κακοῦ δ' ἄρα οἱ πέλεν ἀρχὴ Iliad. A, 603 : sive ut labes serpentis, ulceris vel morbi primam maculam et notam denotet, sive ut primam compagis solutionem, antequam ruina fit. Explicat Justinus Cerdæ laudatus (XVII, 1) : *Hæc prima mali labes, hoc initium impendentis ruinae fuit. Criminibus terrere novis*, eleganter pro crimina nova proferre, cum criminationibus exagitare. *et quærere conscius arma.* Variè hæc in Servio exposita videas ; nam e recentioribus nihil proficias. *Arma* esse possunt consilia, quæ agitabat Ulysses ad depellendum imminens sibi a Sinone periculum, sic *consciis* sc. periculi imminentis ; possunt etiam esse fraudes et insidiæ, quas in Sinonem parabat, *consciis*, tacite intra se ; aut *consciis* est cum aliis, communicato scilicet cum aliis consilio. Hoc verum videtur, cum statim Calchantem consiliorum socium assumpsisse dicatur. Neque sane (ὅν, enim) *requievit*

etc. *Arma* autem dicta de consiliis et insidiis, fere ut *machinae*, μηχανήματα, μηχαναί, τεύχεα. Mox reticere Sinonem summa cum arte, tum, quum maximam expectationem excitasset, facile quisque sentit.

102—104. *Uno ordine*, pro vulgari, uno loco, Servius uno reatu, et a causarum classibus vel ordinibus explicationem nimis docte petit. *idque audire sat est.* Variè et hoc exponitur et hoc exponi potest. Placet, *audire id*, esse me unum ex Achivis ; et ad primam enuntiationis partem refero : *si sat est.* Ad apodosin retulisse videtur Cerdæ, ut sit, vel hæc audire satis est, nil ut amplius addam necesse. Sed *id et que et audire* pro *audivisse* valde duram orationem efficerent. Manendum adeo in prima interpretatione, quam et Servius agnoscit. Mox *jamdudum* ita positum, ut possit per *quam primum* exponi, ut sæpe. cf. Burm. Vulgo diceremus : *jamdudum* sumere debebatis pœnas. Versus 104 illustratur ex Iliad. A, 255 Ἢ κεν γηθήσῃσι Πριάμοις, Πριά-

Tum vero ardemus scitari et quærere caussas, 105
 Ignari scelerum tantorum artisque Pelasgæ.
 Prosequitur pavitans, et ficto pectore fatur.
 Sæpe fugam Danai Troja cupiere relicta
 Moliri, et longo fessi discedere bello.
 Fecissentque utinam! sæpe illos aspera ponti 110
 Intercluit hiems, et terruit Auster euntes.
 Præcipue, quum jam hic trabibus contextus acernis
 Staret equus, toto sonuerunt æthere nimbi.
 Suspensi Eurypylum scitatum oracula Phœbi
 Mittimus, isque adytis hæc tristia dicta reportat: 115

105 *Dum vero Leid. scitare* Exc. Burm. *scrutari* Goth. sec., quod vulgare esset. 106 *Pelagi* Excerpta eadem. 108 *voluere* Carisius p. 193, ubi *sæpe* pro aliquoties replicat Burm. 109 *et abest* Parrhas. *decidere* nonnulli, ut editum a Germano et Cerda. Enimvero aut *decidere* absolute vix bene diceretur, aut *decidere bello*, ut, *nocti III Georg. 467, calori IV Georg. 23*, alium sensum daret. Contra *discedere* est proprium de exercitu dimisso, v. Burm. 110 *et sæpe* sec. Rottend. *portum* Montalb. a m. sec., scilicet ut esset: *illis a. portum I. hiems.* 112 *jam cum* Medic. *cum hic* Dorvill. *confectus* pr. Hamb. *contextus* Menag. alter. *concestus* Franc. 114 *Eurypylum*, Euripylum, Euriphylum librariorum lapsu. Est *Eὐρύπυλος*. *scitatum* defenditur ab Heins. et Burm. Pierique codd. *scitantes*, etiam Gud. a m. pr. at Medic., inquit Heinsius, probe scitatum. Sed ne mireris, Gudianum a Mediceo hic dissidere, tenendum, in Mediceo a prima manu *scitantum* esse scriptum, quod erratum esse potest ex *scitantes*, veriorque ideo hæc et eadem doctior lectio, quam et ex Longob. Pierius affert et Servius exponit. Pomponii memorabilis est nota: *scitatum*, non si tantum. Igitur Aproniana, quam ille *scite* sequitur, lectio, ac potius correctio, est *scitatum*; eam exhibent tres Goth. post Regiam; etiam Carisius memorat. v. Pierius, et in Servianis aliquis. Porro *scitari* Papp. cum Bigot. et binis Hamburg. pro var. lect., quod græcam esset, sed recte Burmannus monet, græcismum non ubique contra codd. esse intrudendum. *scitatem* ed. Mediol. *scitatum* Zallach. vitiose. 115 *que abest* ab Parrhas. in *que* alter Hamb. *suspense* Montalb. *tristia dona* pr. Hamb.

ποῶ τε ταῖδε, "Ἄλλοι τε Τρῶες μέγα κεν ἐκχαροίμετο θυμῷ, Ei—
lihaeus pro Ithacius Ulysses, ut *Itala gens* et similia. Alias Ἰθακήσιος, *lihaeusis*, mercentur elegantius quam magno emant.

107. *Ficto pectore*, ad frandem composito animo, h. e. subdole et fraudulenter. Mox 108. 9. *moliri* fugam grave vocabulum pro parare, t. sup. I, 404; et *fessi* longo bello elegantius adjectum τῷ *discedere*.

111—113. *Terruit euntes*, ire volentes, (ut Serv.) deterruit, quo

minus irent, navigarent, ut Græci etiam poetæ. Mox 112 *trabes acernæ*, supra v. 16 ex *abiete*. *contextus* (v. sup. v. 16). *staret*, esset; ut mox *sonuerunt nimbi*, orti sunt turbines. Omnia ad ornatiorem orationem spectant.

114—119. *Suspensi*, solliciti, dubii, quid facerent. *Eurypyli* plures; v. Burmann. ad Ovid. Met. XIII, 357: celeberrimus Telephi f., qui Trojanis auxilio venit et poetis cyclicis atque etiam tragicis argumentum nobile suppeditaverat. De quo late Quint.

Sanguine placastis ventos et virgine cæsa,
 Quum primum Iliacas Danaï venistis ad oras :
 Sanguine quærendi reditus, animaque litandum
 Argolica. Vulgi quæ vox ut venit ad aures :
 Obstupuere animis, gelidusque per ima cucurrit 120
 Ossa tremor ; cui fata parent, quem poscat Apollo.
 Hic Ithacus vatem magno Calchanta tumultu
 Protrahit in medios ; quæ sint ea numina divûm,
 Flagitat. Et mihi jam multi crudele canebant
 Artificis scelus, et taciti ventura videbant. 125

116 *placasti* alter Hamb. 118 *animaque Argolicam* alter Hamb. cum Longob. *litandum* est Medic. Pierii. 120 *animi* Servius. Sic et Dorvill. cum Gothanis et aliis sine dubio codd. et edd. nonnullis, quod esset vulgare : hoc tamen maluit Heins. atqui etiam inf. IX, 123 *Obstupuere animis Rutuli*. *Obstipuere* scribitur et hic in codd. 121 *parant* Hamb. sec. *petant* alter Goth. *paret* conj. Viri docti misc. Obs. crit. T. II, p. 86, ut *Apollo* intelligatur ; quod hand dubie leniorem juncturam facit. Receptam tueretur Burm. 122 *Hinc Sprot. magno vatem* tres ap. Burm. et tert. Goth. *Calchanta* male scribant librarii. *Calchante* Montalb. 123 *ea munera* pr. Hamb. perpetuo lapsu. 125 *ventura timebant* Hamburg. pr. pro div. lect., sed v. Burm. *taciti* erasum erat in Gudian v. eund. *pavid* conj. Jo. Schrader.

Cal. VI, 119 sqq. cf. Tzetza p. 147. At h. l. intelligendus is, qui fere apud Homerum occurrit, Evæmonis filius, ex Ormenio Thessaliæ copias ducens. v. Iliad. B, 734 sqq. *virgine* : expetita victima Iphigenia, substituta tamen mox cerva. Sed, cum hæc fabula post Homerum demum adscita et varie olim tractata fuerit, videntur etiam fuisse, qui Agamemnonis filiam vere immolatam traderent. Quod et Lucret. I, 85 sequitur ; *Aulide quo pacto Triviai virginis aram Iphianassai turparunt sanguine fæde* etc. cum *venistis*, venire volebatis. *animaque litandum Argolica*, verba cum dilectu, ex religionum formula.

121. *Cui fata parent* id, ut, ejus anima, litetur : h. e. metuentium, cui hoc fati, h. e. oraculo, destinatum sit, ut mactetur pro victima. ut inf. V, 483 *hanc meliorem animam pro mor-*

te Daretis persoleo. Dictum uti : *quid fata parent* ; et, *in quem*. Mox *poscere* proprium de fati, oraculis, deorumque voluntate.

123. *Quæ sint ea numina divum*, quod numen, h. e. quæ voluntas Phœbi et sententia oraculi sit. Recte Servius : *numina divum* pro oraculis posuit, id est ut ambiguitatem oraculi interpretetur ; et quærit modo, non quid dicant, nam planum ; sed, quis debeat immolari. Nolim Burmannum sequi, qui malebat : quænam sint tam crudelia numina, quæ iterum sanguinem poscant. Nam hæc esset et otiosa quæstio, et responsio parum consentanea, v. 129 et 127.

124. *Multi canebant*, vaticinabantur, divinabant, ut *videbant*, providebant ; *taciti*, apud se, secum ; aut etiam secreto inter se. cf. Burm.

Bis quinos silet ille dies, tectusque recusat
 Prodere voce sua quenquam, aut opponere morti.
 Vix tandem magnis Ithaci clamoribus actus,
 Composito rumpit vocem, et me destinat aræ.
 Assensere omnes; et, quæ sibi quisque timebat, 130
 Unius in miseri exitium conversa tulere.
 Jamque dies infanda aderat: mihi sacra parari,
 Et salsæ fruges, et circum tempora vittæ.
 Eripui, fateor, leto me, et vincula rupi;
 Limosoque lacu per noctem obscurus in ulva 135
 Delitui, dum vela, darent si forte, dedissent.
 Nec mihi jam patriam antiquam spes ulla videndi,

126 *bis senos* Bigot. 127 *pro aut neminem video legere atque.* 128 *magni*
 editio Dan. Heins., vitiose, *clamoribus auctus* Zulich. 129 *Compositam* Longob. et
 Goth. pr. *rupit* Medic. cum majore librorum parte, etiam ap. Pier. *compositor rupit* Ura-
 tislav. ut *me* Goth. tert. 130 *timebant* Gud. a m. pr., non male, ut etiam in Servianis
 monitum. *sibi q. parabat* Goth. tert. a m. pr. 132 *Ergo dies* ap. Nonium in *dies*, sed
 v. Heins. ad Ovid. III Met. 519. *dies infesta* Goth. tert. *parantur* Goth. pr. 134 *leto*
fateor tres ap. Burm. *fateor me leto* duo ibid. 135 *lacus* Goth. pr. Sic deb. *Limosa-*
que lacus—ulva, quod imitatione expressum putare possis a Lucano in noto illo: *Erul*
limosa Marius caput abdidit ulva, II, 70. 136 *dilicui* Menag. alt. *daret* fragm. Mo-
 ret. si forte tulisset alter Hamb., solita variatione in hoc verbo; nisi putes: si fata tulis-
 sent. Sensus commodam versui subjeci interpunctione mutata: ut sit, *dum vela dedis-*
sent, si forte darent. Valgo legebatur jejune et incommode; *dum vela darent, si forte de-*
discent. Multa argutantur Servius et Donatus; nihil, quod ad rem faciat. Itaque male-
 bum suspicari versum imperfectum: *Delitui, dum vela darent*, ab aliena manu male esse
 suppletum.

126. *Tectus*, ornate additum, est dis-
 simulans, ut sæpe etiam apud Cice-
 ronem; scilicet tanquam qui rem
 horrendam et in aliorum exitium
 vertentem eloqui detrectaret. mox
prodere cum dilectu pro edere, nomi-
 nare. 129. *Vocem rumpit*, ut *ρήσσει*,
 emittit. Sic sæpe Græci et Latini.
 v. Burm. et Cerda, qui et illustrant
τὸ destinare, voc. proprium de damna-
 tis, exquisite etiam *composito* pro
ex vel *de composito*. Ceterum Cal-
 chantis tergiversationem adumbrasse
 videtur ex Iliad. A, 69 sqq.

131. *Conversa tulere*; exquisite
 pro converterunt. 133. *Salsæ fruges*,

mola salsa, h. e. far tostum confu-
 sum sale adperso. Σπονδὰς τ' οὐλο-
 χύρας τε μάλ' ἐσσυμένως ὑπαλύξας
 Quintus Cal. XII, 375. 134 sq.
Vincula non sunt vittæ, sed, quibus
 ligatus servabatur, et ad aram addu-
 cebatur, etsi jam vittatus. v. infra
 156. Ante aram vero soluta stabat
 hostia. Multa h. l. argutantur Serv.
 et Cerda.

137. Sequentia egregie ad misera-
 tionem ficta. In quibus respexisse
 videri potest Iliad. E, 408. 409. *pa-*
triam antiquam, pristinam. nihil am-
 plius. Omnibus colonis, exulibus,
 transfugis prior patria est *antiqua*

Nec dulces natos exoptatumque parentem :
 Quos illi fors ad pœnas ob nostra reposcent
 Effugia, et culpam hanc miserorum morte piabunt. 140
 Quod te, per superos, et conscia numina veri,
 Per, si qua est, quæ restet adhuc mortalibus usquam
 Intemerata fides, oro, miserere laborum
 Tantorum ; miserere animi non digna ferentis.

His lacrimis vitam damus, et miserescimus ultro. 145
 Ipse viro primus manicas atque arta levare
 Vincla jubet Priamus ; dictisque ita fatur amicis :
 Quisquis es, amissos hinc jam obliviscere Graios ;
 Noster eris ; mihi que hæc edissere vera roganti. 149

138 Ex Servianis apparet, fuisse olim, qui *duplices* legerent, quia *dulces* leve esset et commune epitheton liberorum. Inepte. 139 *fors* et *p.* Medic. Gud. et Rottend. tert., quibus adde Servium. ut sit: quos forsitan etiam illi pœnas reposcent. poscere cum duobus accusativis illustrat Heins., sed recte monet Burmannus, illi locum esse, ubi aliquid poscimus, quod ille ipse, a quo poscitur, dare vel facere possit; at filii ipsi Siœonis vice puniendi poscebantur. *fors* et ortum ex scriptura antiqua ut pro *ad.* Junxere apud Servium alii *forset* pro *forsit*, fors sit, fortasse. Vulgatam habet Pomponius. Quos illi ad *p.* *forsan* ed. Ven. 140 *refugia* Bigot. 142 *restet* ab Heins. receptum, quippe elegantius post *si qua* est, ex Medic. a m. sec. Gudiano sec. et tert. Rottend. et Menag., adde Goth. tert. Vulgo *restat.* unquam Medic. a m. pr. et alii, vitiose. 143 *horum m. laborum* Bigot. *malorum* Ven. 144 *miserere viri* Bigot. 145 *veniam* MS. Petav. sollenni varietate, sed bene Burmannus monet, h. l. *veniam* per vitam potuisse explicari, non facile vitam per *veniam*. ultra pr. Hamb. pro var. lect. Ceterum possit distinguere ante ultro; nec tamen satis bene. 146 *Ipse ultro primus* Sprot. *manicas primus* alter Hamb. *alta* Hagen. *arta* atque Græv. *levavit* Goth. tert., deberet sequi: *Vincla senex* vel *bonus Priamus*. Pro ita fatur Goth. tert. *adstat*, forte ex *adfatur*. 148 *hic* Leid. et alt. Rottend. *hinc* nam pr. Moret. *hinc obliviscere* Bigot. 149 *mihi hæc* hiatu relicto Leid. Montalb. alt. Hamb. *mihi que hoc* Sprot. *mihi que edissere* duo aut tres Heins. Sed *mihi que hæc* agnoscit etiam Donat. ap. Burm.

patria. cf. Cerda. *Ob nostra effugia*, plenius quam *exile*; ob fugam meam — *piabunt*, h. e. expiabunt, pro punient, ulciscuntur, exquisite.

141. *Quod*, qua in re, ut sæpe transitui servit. Serv. propter quod te oro. cf. Burmann. Est ex Gr. δ pro $\kappa\alpha\theta'$ δ , $\delta\epsilon$ δ . *conscia numina veri*, inspectores ac testes, me vera narrare. Mox 143 *fides*, quam hic inclamat, est iusti rectique observantia, h. l. juris divini et humanitatis.

145. *His lacrimis*, propter has la-

crimas. quod vulgare esset, ipsi cum lacrimis hæc narranti. *ultro* est libenter, facili promptoque animo. Mox *levare* est laxari proprie, ut bene Burm., sed tum poetis omnino de demtis vinculis. Sic et $\chi\alpha\lambda\alpha\iota$.

148. *Hinc*, porro, in posterum, *amissos Graios*, quorum usu et contubernio nunc privatus est, dixit ut liberos, amicos, sup. 217 socios, *amissos*, quibus privati sumus, exquisite. 149. Iliad. K, 384 et aliis locis: $\text{'}\Lambda\lambda\lambda\text{'}$ $\acute{\alpha}\gamma\epsilon\ \mu\omicron\iota\ \tau\acute{o}\varsigma\epsilon\ \epsilon\iota\pi\acute{\epsilon}\ \kappa\alpha\iota\ \acute{\alpha}\tau\tau\epsilon$

Quo molem hanc immanis equi statuere? quis auctor?
 Quidque petunt? quæ religio? aut quæ machina belli?
 Dixerat. Ille dolis instructus et arte Pelasga,
 Sustulit exutas vinclis ad sidera palmas:
 Vos, æterni ignes, et non violabile vestrum
 Testor numen, ait; vos aræ, ensesque nefandi, 155
 Quos fugi, vittæque deum, quas hostia gessi:
 Fas mihi Graiorum sacrata resolvere jura,

150 *quid molem* Hugen. qui pr. Moret. a m. pr. *hanc abest* sec. Hamb. *stravere* Ald. *quis auctor* Hamb. pr. 151 *petant tres* Burm. *petit* Sprot. a m. pr. 153 *exhaustas* Leid. unus. *exutas* Goth. alter. 154 *vestrum* N. Speciosissima est Marklandi emendatio ad Stat. p. 7 *Vestæ* N., qui etiam præclare advocat versus inf. 296. 297. cf. Jortin (*Tracts* Tom. II. p. 465). Firmat eam codex Ge. Fabricii, forte et hoc, quod Sinon, qui jam Trojanus civis videri volebat, numen Trojæ tutelare invocat. Obstat tamen, quod jam a viris doctis monitum, non *ad urbem et arcem*, in qua servabatur sacer ignis, *conversum*, sed *manibus ad sidera sublatis* hæc dicere Sinonem. cf. Burm. 156 *vittæque, deum q.* ita distinguitur in Mentel. et in Pierii codd., et sic jam olim distinctum Servii tempore. Placebatque Cerdæ ea ratio. Sed *vittæ deum* sunt divinis rebus adhibite. et *vittæque* Witt. 157 *secreta* Leid. Hamb. sec. et pro var. lect. alter Leid., quod a Cœterio male defensum recte rejecit Burmannus. *revolvere* Hamb. pr. et Menag. alter.

ὡς κατὰ λέξον. 151. An fuit aliqua religio, qua permoti equum statuerunt? Quid in equo fabricando spectarunt? num religionis caussa, ut deo alicui consecrarent, an ut machina bellica esset, fabricati sunt? Mox v. 152 *dolis instructus* Homericam κακοῖσι δόλοισι κεκασμένος, ἐπὶ δαλιόφρων Iliad. Δ, 339.

154. *Æterni ignes* vix alii esse possunt quam sol, luna et sidera, de quibus et Serv. ac Donatus acceperunt. nam paullo ante: *sustulit ad sidera palmas*. His æternitatem, numen, et locum in jurejurando tribui, jam satis notum, et docuit Burmann. ad h. l. Etiam non *violabile* bene ad perjurii ultionem retulit; per quos nemo impune pejerat; minus bene Servius ἀφθαρτον exprimi putabat. De Penatibus aut Vestæ igne, quem etiam Pomponius ad h. l. vocavit, qui Trojanorum esse deberet, vix Sinon loqui sine aliqua affectatione potuit, imprimis cum

aræ ensesque, quos fugit, sequantur qui cum istis nihil commune habebant. cf. var. lect. *Enses, μάχαρα, σφαγίς*, invidiose pro singulari.

157. *Sacrata Graiorum jura* sunt, nostro judicio, civitatis jus, saltem jus commune popularium, quod *resolvere* se dicit, ut patriis legibus solutus in civitatem Trojanam transeat, amplius jam Græcus non sit, sed unus o Trojanis. itaque subjicit: *patriæ teneor nec legibus ullis*. In hunc fero sensum, ut a sua quasi patria tanquam familia se abdicet, accipit Donatus. At Serv. et Pomponius ad sacramentum militare referunt, quale scilicet inter Romanos erat, quo ad bellum exiens miles adigebatur. Burmannus multo etiam argutius de conscripto sacrata lege exercitu, qua jurabant se non redituros domum nisi victores. Sed *sacrata jura* simpl. pro *jus sacrum*; *resolvit* jus, qui eo se liberat; quale illud sit, declarat

Fas odisse viros, atque omnia ferre sub auras,
 Si qua tegunt; teneor patriæ nec legibus ullis.
 Tu modo promissis maneat, servataque serves 160
 Troja fidem; si vera feram, si magna rependam.

Omnis spes Danaûm, et cæpti fiducia belli
 Palladis auxiliis semper stetit. Impius ex quo
 Tydides sed enim, scelerumque inventor Ulixes,
 Fatale aggressi sacrato avellere templo 165
 Palladium, cæsis summæ custodibus arcis,
 Corripuere sacram effigiem, manibusque cruentis
 Virgineas ausi divæ contingere vittas:
 Ex illo fluere ac retro sublapsa referri

158 *ac o.* Oudart. *et cuncta qu.* Moret. *et cunctas* Menag. pr., omnes vitiose. 159 *patriæ teneor* Leid., meo sensu mollius. *teneor* Heuman. conj., non male; vide tamen Burm. 160 *Dum modo* Wall. *jurataque* tert. Moret. *promissaque* Goth. tert. 161 *si vera rependam* Menag. alter, ex priore loco. *repandam* nonnulli apud Pierium. Sed magnam mercedem pro salute sua persolvit, arcana Græcorum retegendo. 162 *capti* Uratist. *capti et* Ven. cf. v. 75. 163 *auxilio* tres Burm., quod vulgare esset. *semper* fuit Bigot. 164 *Titides* libri, vitiose. *scelerumque* repertor Græv. ex glossa. vid. Burmann. 165 *egressi* Græv. *advellere* Menag. alter pro *avellere*. 168 *virgineasque* ed. Dan. Heins. *divas* Menag. alt. *sunt divæ ausi* Ven. et Parrhas. 169 *retro ac s.* Menag. *et retro* duo Burm. *sublata* Hamb. pr. et pro div. lect. Zulich., sed vindicat vulgatam Nonius in *fluere* et repetitus idem versus Georg. I, 200, ubi pro *fluere*, *ruere*. Sane, quæ retro labuntur, ruunt proprio voc., sed *fluere* exquisitius pro hoc ipso *ruere*. Hoc tamen loco poeta non de monte sed de flumine petiisse notionem videri potest.

v. 159. Mox 158 debebat sequi: Fas mihi sit ex justo odio in eos omnia arcana (hæc sunt, *si qua tegunt*) proferre. In inversione agnoscet poetam. 160. *Servata* egregie adjectum, ut, quod *revelaturus sit*, ad Trojanorum salutem pertinere videatur. *si vera feram*, pro vulgari, dicam.

162. Fabulam instruxit Sinon hunc fere in modum: Equum esse donarium Minervæ destinatum ad deam placandam, quod Palladium ex ejus templo fuerat subreptum. Iram deæ fuisse declaratam prodigiis 171—175. Omni jam Trojæ capiendæ spe sublata, Calchantem monuisse, ut domum redirent, novisque

captis auspiciis Palladium Trojam reveherent novamque protectionem instituerent—182. Interea dea videri debuit donario Equi sibi dicato acquiescere. *Fiducia* est eadem quæ spes certa; *belli* docte adjectum, de belli exitu, ut et *stetit* pro vulgari, *posita fuit in*. 164—170. Palladio rapto fortuna Achivorum mutata est. Ornate singula. Diomedes *impius* propter Palladium ablatum. De quo v. inf. Excurs. IV*. 165—168. Gravissime singula—etiam quod *vittas virgineas* deæ memorat; nam est nihil aliud quam *deam virginem* (supra *innuptam*) *attingere*, contrectare, manibus impuris. *Vittæ* h. l. esse debent in capite simulacri Minervæ;

Spes Danaûm, fractæ vires, aversa deæ mens. 170

Nec dubiis ea signa dedit Tritonia monstris.

Vix positum castris simulacrum : arsere coruscæ

Luminibus flammæ arrectis, salsusque per artus

Sudor iit ; terque ipsa solo (mirabile dictu)

Emicuit, parmamque ferens hastamque trementem.

Extemplo tentanda fuga canit æquora Calchas ; 176

Nec posse Argolicis excindi Pergama telis ;

170 *adversa* Gnd. cum quinque aliis, sollenni varietate. 173 *arrepit* Zulich., *vi-*
tiase; *idem* *tremementem*. Porro expectabat forte aliquis *parmam* vibrans *hastamque tr.*
ant simile quid *panllo* fortius. Sed sobrie ac pudenter poeta in tali *τρεψαλῆς*; malo it is
deæ formam declarare, et satis habuit *tremementem* addere, deæ signo a terra subsiliente,
tanquam præ ira. (Quod in Servio ad 173 est, *sudor salsus*: "Hoc autem Ennius de
Lamis dixit;" *leg. de lacrimis*. Locus esse debuit, *qualis* Accii in *Phenissia*: *Salseis*
erorens guttels lacrimarum *lavi*. Ex Ennio laudatur apud Macrob. VI, 2 *Neque miserae*
lacere lacrumæ *salsum sanguinem*). 177 *Non* Goth. tert. *excindi*: *excindi* multi scri-
bunt etiam ap. Burn.; adde fragm. Vatic. *excidi* Zulich.

neleoque fuit sine casside : nam, ne
vittas signo vel aræ injectas intelli-
gas, vetat epitheton *virgineas*, quod
ad ipsam deam spectat. 169. 170.
Ornate, ut jam Georg. I, 200. Ex
illo tempore spes bona Achivorum
Trojæ expugnandæ evanuit. *fluere*,
diffluere, *dilabi*. *retro sublapsa referri*
per pedestri, *retro ferri*, *labi*, de mole,
quæ in altum erat erecta ; etsi etiam
de navigio contra flumen adversum
nitente, mox aquarum vi abrepto,
dici potest. Prius quidem illud fir-
matur usu Horatii III. 10, 9 *ne cur-*
rente rota funis est retro. et Homerica
formula *πολέμῳ πῆρ' ἀπαλλάξαι*
νὴ τανύτῃ v. Obs. ad II. Γ, 336.
N, 359. Ceterum ex his inferre li-
cet, non unius ob noxam *Ajaci*
Oilei sup. 41 succensuisse Minervam
Achivis. Verum hoc esset argutari
in poeta.

171—175. Unde *Tritonia* *Pallas*
dicta sit, jam veteres ignorarunt. E
pluribus, quæ memorantur, causis
maxime probabilis est, quod a *τρεψαλῆς*,

quod *Æolibus* caput est, sit appellata
Τρεψαλῆς, capite Jovis nata. Alii
modo ab *amne*, modo a palude seu
Libyæ, seu *Boeotiae*, seu *Thessaliae*,
seu *Argolidis* ductum nomen esse
volunt. *monstra* h. l. ostenta.—172
arsere coruscæ luminibus flammæ ar-
rectis, ornate, oculi *Palladii* exarsere
ira ; *lumina arrecta* exquisitius quam
erecta ; ut semper poeta, v. c. v.
206, *erigere oculos, vultus*, ut contra,
demittere, dejicere. Transtulit hæc
poeta ab iis, quæ de *Palladis* signo
memorantur, cum *Cassandram* ab
ejus amplexu *Ajax Oilei* f. avelleret.
porro 173. 4. 5. *Palladium* sudavit,
subsiliit clipeo hastaque mota ; qui-
bus ipsis ejus habitus a poeta decla-
ratur. *ferens* est, tenens, *φέρουσα* pro
ἔχουσα.

176—179. *Tentanda fuga æquora*,
ornate, pro revertendum esse. *Omi-*
na ni repetant Argis ductum videtur,
ut *Servius* et *Pomponius* jam nota-
runt, ab imperatoribus Romanis, qui
ad auspicia repetenda ac renovanda

Omina ni repetant Argis, numenque reducant,
 Quod pelago et curvis secum avexere carinis.
 Et nunc, quod patrias vento petiere Mycenae, 180
 Arma deosque parant comites, pelagoque remenso
 Improvisi aderunt. Ita digerit omina Calchas.
 Hanc pro Palladio, moniti, pro numine læso
 Effigiem statuere; nefas quæ triste piaret.

178 *Omnia* vulgg. *Numina ni r.* Zulich., ab interpolatione, ex iis, quæ sequuntur.
 179 *pelago et curvis carinis*, orate satis, sed forte secundis curis a Virgilio delendam.
 et nusquam deletum video. *avexere* post Pierium debetur Heins. e melioribus codd. *petitum*. vulgo, *advexere* (quod tamen et ipsum fragm. Vatio. exhibet), et Voss. un. cum Goth. tert. *adduxere*, male. 180 *Et nunc quæ* Menag. pr. Vide an poeta dignior sit oratio ex mutata interpunctione: *Et nunc, quod—Calchas, Hanc pro Palladio—effigiem statuere*. In medio posita reliqua, tanquam in parenthesi. 181 *parent Parrhas. parant socios* Goth. tert., non malo lapsu. 182 *aderant* Medic. a pr. m. *omina* bene Heins., librorum meliorum consensu. vulgo, *omnia*, quod sane ad intelligendum facilis. Sed v. not. 183 *Et pro n.* Rottend. tert. *numine rapto* Oudart., sed *læso* doctius; nam læsa dea, quod fuerat rapta.

Romam nonnunquam ex castris reverti solebant, si v. c. malum omen inciderat. Itaque similiter statuit, esse Achivis Græciam repetendam, auspicia ibi instauranda, et cum ipso Palladio avecto, ut, sollennibus sacris, restituatur in sedem suam, revertendum.

180. 181. Et nunc quod in Græciam redierunt, hoc eo pertinet, eo consilio factum est, ut parent—sed poeta exquisitè medium orationis membrum neglexit. *arma parant*, h. e. opes et copias bellicas instaurant, *deos parant comites* factis sacris placatos. 182. *Ita digerit omina Calchas*. Ita omina, (*monstra* v. 171) h. e. ostentum per Palladium oblatum, simulque ejus procurandi rationem, *digerit*, ordinat, interpretatur, Calchas. Sic Servius quoque accepisse videtur.

183. Interea moniti, Calchantis monitu, *pro numine*, signo numinis, *læso*, h. e. Palladii vice, quo rapto deæ sibi iram conflare, ad sacrile-

gium explandum, *hanc effigiem*, hoc equi signum, statuerunt; quod quatenus Palladi poni potuerit, quæsitum est Excursu III ad v. 15. 16. At Sinon rem hunc in modum interpretatur: Achivos ait hanc fraudem machinatos esse, ut Trojani vicissim ad sacrilegium committendum pellerentur, donario Minervæ violato: quo facto ira deæ ab Achivis in Trojanos verteretur; Cum hoc tamen aliud malum metuendum fuisset Achivis, si in templo Minervæ in acropoli collocaretur donarium, Equus, pro Palladio; ita enim eventurum esse, ut non modo Troja expugnari nequeat, verum ut vicissim Trojani Achivis bellum inferant; hoc eos cavere voluisse donario in tantam magnitudinem extracto, ne in urbem induci posset. Quæ nunc se Trojanis prodere velle ait, ne, donarium lædendo, sacrilegii reatum contrahant; et vero, equo in urbem inducto, vaticinium ut in rem suam vertant; nam eo facto deam placatam

Hanc tamen immensam Calchas attollere molem 185
 Roboribus textis, cœloque educere, jussit:
 Ne recipi portis, aut duci in mœnia possit;
 Neu populum antiqua sub religione tueri.
 Nam, si vestra manus violasset dona Minervæ, 189
 Tum magnum exitium (quod dī prius omen in ipsum
 Convertant!) Priami imperio Phrygibusque futurum.
 Sin manibus vestris vestram adscendisset in urbem:
 Ultro Asiam magno Pelopea ad mœnia bello
 Venturam, et nostros ea fata manere nepotes.
 Talibus insidiis perjurique arte Sinonis 195
 Credita res, captique dolis lacrimisque coactis,

185 *Hanc adeo* MS. Fabricio, cum Mediceo Pierii; nisi hunc eundem Fabricius respexit, tamen recte, quod vim propriam hic habere, intelliges ex nostra interpretatione. *immensum* Goth. tert., ex interpretatione, ut sit pro immense. 187 *Neu recipi* Priscianus lib. XVII cum codd. aliquot. in portis sec. Moret. nec duci primus Moret. posset Priscian. ibid. c. Godiano et al. 188 *Nec alii*. Sed in his varietas MSS. ad fastidium, teneri Priscian. l. c., vitiose. 190 *excidium* Priscian. ibid. alter Hamb. et Voss. *magnum ornans epitheton* est. 191 *convertent* Paget. Phrygiis Hamb. pr. cum aliquot codd. Pierii et fragm. Vatic. antiquissimo. Burmannus laudat Drakenb. ad Sil. VIII, 243. *Frigibus, Frugibus* male scribitur. 192 *vestris manibus* Parrhas. et Ven. cum Goth. tert. 193 *magnum* Hamb. pr. *Pelopea* Heins., recte, cum Mediceo et Schol. Statii, adde Goth. sec. Vulgo *Pelopeia*, quod et ipsum bene scribitur, sed non h. l. ad *Pelopeia* sec. Hamb., interpolate. 194 *in nostros* Witt. et vestros Bigot. 196 *coactis* Heinsio acceptum ferendum, qui Medicei optimorumque codd. et Grammaticorum, Servii imprimis, forte et Donati auctoritatem recte secutus est. Probat quoque Tyrwhitt, apud Dawes Misc. crit. cum Burgess. V. C. p. 386. Sic et a Pomponio lectum et in fragm. Vatic. Illustrat lacrimas coactas Heins. et h. l. eas defendit ipsa rerum ratio ac veritas. Vulgo *coacti*, sicque omnes Pierii.

Trojanorum studium tantum esse suscepturam, ut non modo urbem tueatur, verum etiam vice versa Trojani Achivos bello sint petitori. Vides technas satis veteratorie instructas.

185—188. Quam ornate, si singula expendas! Ne tamen votivus hic equus in urbem inferri, et pro tutela statui possit, ad tantam magnitudinem Equum fieri (ad tam ingentem molem, trabibus contextam, extollere et tantam, ut ad cœlum pertinere videatur) jussit Calchas. Etiam in membrorum ordinem et colloca-

tione poetam agnoscis. *antiqua religione*, h. e. ea, qua surreptum Palladium antea coluerant; ne nunc pro Palladio Equus haberetur; quo sacrorum cultu demerita et propitia reddita Pallas eandem, ut ante, tutelam colenti populo præstaret.

189 sqq. Melius hæc quam apud Tryphiod. 288 sqq., si conferre lubet. 192—194. Sin a vobis in urbem inductus esset equus, Trojanos, conversis fati, Argos esse bello petituros et excisuros.

195—198. Egregium epiphonema, inclusum sententia aliqua imprimis-

Quos neque Tydides, nec Larissæus Achilles,
Non anni domuere decem, non mille carinæ.

Hic aliud majus miseris multoque tremendum
Objicitur magis, atque improvida pectora turbat. 200
Laocoön, ductus Neptuno sorte sacerdos,
Sollennes taurum ingentem mactabat ad aras.

199 *Huc aliud* Donat. *miseris majus* pr. Hamb. *tremendum* idem. vulgata est apud Nonium in *tremere*. 200 *Objicitur monstrum* Bigot. Sed id jam peti poterat ex 171. *Nec dubiis ea signa dedit Tritonia monstria*. Sed aliud est alia res. ac impr. Leid un. 201 *Laocoon, Lachoon* in Gothanis; et sic sine dubio etiam in aliorum libris fuit. Ita enim fere librarii. v. sup. 41. cf. ad Petron. 89, v. 19 et 43. *Burm. Anthol. lat. lib. I, ep. 110. Neptuni* Bigot. et a m. pr. Hugen. a sec. Hamb. pr. Sed alterum doctius. 202 *taurum immensum* sec. Hamb. *ingentes m. ad aras* Goth. pr. Porro *sollennis sacerdos* olim junxere viri docti. v. Pompon. Sabin.; at cf. not.

que ad miserationem aptum. *Achilles Larissæus* simpl. Thessalus; alias non satis accurate; nam Larissatum Achilli non parebat, sed Letho; et a Pelasgis habitabatur. v. *Iliad. B, 840 sqq. mille carinæ* numero paullo liberius expresso, ut solent poetæ. v. *Popium* ad *Iliad. B. Barnes.* ad *Eurip. Androm. 106. Muncker.* ad *Hygin. 97 fab.* etiam *Cerdam* ad h. l. et *Ursin.* nuper quoque *Wernsdorf. V. C. P. M. T. IV, p. 645.*

199. Sequitur locus de *Laocoonte*, in quo animadvertendum, quam accommodate poeta omnia ad terrorem extulerit, quem ostentum hoc injicere Trojanorum animis debebat. Vide v. 228 sqq. Vid. *Excurs. V* ad h. v.

199. Homericum locum *Iliad. B, 305 sqq.*, quo Nestor ostentum Achivis Aulide oclusis objectum memorat, Virgilio ante oculos fuisse, conjectura est ingeniosi viri, *Herderi* (*Critische Wälder P. I, p. 98 sqq.*). Res ipsæ inter se satis dispares esse videntur; formulæ tamen, qua orditur uterque narrationem, est aliqua similitudo. *objicitur* eleganter, ut de ostentis et rebus miris vel inopinatis,

pro, *evenit. improvida pectora*, h. e. Trojanos, qui tale quid non præviderant. Repentinum et inopinatum prodigium, quod adeo tanto magis animos turbat ac percellit, cf. *Cerda.*

201. 202. *Ductus sorte.* Sive ex historiis hoc habuit, interemto enim Neptuni sacerdote, ex aliis, ut mos erat, sacerdotibus *Laocoön*, qui Apollinis *Thymbraei* erat, sorte obtingente, Neptuni sacra curabat, cf. *Serv. ex Euphorione*; Sive unum sacerdotii adipiscendi modum e pluribus posuit, ut poeta. Quod autem in his adjunctis paullo copiosior est, in eo artem poetæ agnosce; facit enim expectationem. *aras sollennes* dixit docte, ad quas sollenne sacrificium parabatur; ut *sollennis circus*, in quo sollennes ludi habentur, *Ovid. V. fast. 297: sollennia theatra*, *I Art. 133: campus sollennis*, *Claudian. de VI. Cons. Hon. 5.* Ceterum, quod in primo statim lætitiæ publicæ tumultu de sacro, Neptuno faciendo, cogitatur, mirum videri potest. Videtur hoc Servio observatum: *mactabat*, inquit, *scilicet, ut Græcis malæ naufragio provenirent*. Potest tamen simplicior ratio reddi, ut soluta ob-

Ecce autem gemini a Tenedo tranquilla per alta
(Horresco referens) immensis orbibus angues
Incumbunt pelago, pariterque ad litora tendunt : 205
Pectora quorum inter fluctus arrepta jubæque
Sanguineæ exuperant undas ; pars cetera pontum
Pone legit, sinuantque immensa volumine terga.
Fit sonitus, spumante salo. Jamque arva tenebant ;
Ardentesque oculos suffecti sanguine et igni, 210

203 a Tenedo gemini Hamb. pr., quod mollius. *gemina*—*angues* pr. Moret., ut solet
somsunquam. Sed uni libro tali in re non parendum. 205 *incumbent* Mentel. 206
erecta pr. Hamb. et Bigot., quod vulgare. cf. not. ad 173. *arrepta* Goth. tert., ut ibidem
codd. 207 *superant* omnium librorum lectionem esse apparet, præter recentem Ve-
netam Heinsii. Nam Pierius nec ipse in suis codd. aliud invenisse videtur, et *superant*
etiam in priscis edd., quas evolvi, extare vidi, præterquam in Juntinis et Stephan., in
quibus vulgaris lectio *exuperant* comparet, ut ex Aldina adeo primum profecta esse vi-
deatur. Mireris itaque, cur eam Heinsius retinuerit. Sed varianda forte visa oratio
propter v. 219 *superant capite et cervicibus altis*. *superant undis* nonnulli Pieriani ; alte-
rum tamen, *superant undas*, doctius arbitror dictum. 208 *Pone secat* Zalich. a m.
sec. *sinuantque* ab Heinsio revocatum ex Mentel. pr. et aliis pluribus ; etiam Pierianis,
adde Goth. sec., ut *terga sinuant* absolute dictum sit, pro *sinuant se* ; cuius formæ multa
exempla ad h. l. congressit. Sic modo *superant*, inf. 229 *insinuat*, 235 *accingunt*, et in-
finita apud ipsum Virgilium. Vulgo *sinuatque*, etiam in Serv., at Georg. III, 192 *sinuat-*
que alterna volumina crurum. 209 *solo* alter Menag. 210 *suffecti* vel *infecti* Zu-
lich., male. igne alii multi. v. ad Valer. Fl. I, 821. Burn.

sidione inter ceteros deos Neptuno
sacra parata sint *χαριστήρια*, et qui-
dem in ipso litore, ut et ap. Hygin.
135 *ut sacrum faceret Neptuno ad li-*
tus : et sic alibi apud Homer. Ne-
ptuno sacra fiunt.

203—209. Ornatissimus locus. *in-*
cumbunt pelago, præclare, pro innat-
tant, sed cum significatione magni-
tudinis. 206. *jubæ sanguineæ*, *φό-*
νιαι, hydorum, nam hoc genus in-
telligendum, fulvæ barbæ seu comæ.
cf. Cerda ad h. l. Ap. Homer. Iliad.
B, 308 *ἑράων δ' ἐπὶ νῶτα δαφνοῖός*.
exuperant undas, eminent supra ma-
re. 208. *legit pontum* egregie de ve-
stigiis inceasus lenis vel tractus in
superficie. *sinuantque immensa volu-*
mine terga, h. e. pars posterior ser-
pentum sinuat se in immensum vo-
lumen, ingentem spiram. v. V. L.

209—211. Etiam hæc valde orna-
ta. *arva* pro litore. *suffecti*, h. e. ha-
bentes oculos suffusos sanguine, ru-
bentes. Omnino erant ii oculis ful-
gore rubenti infectis, tinctis. *ora sibi-*
la, ut Ge. III, 421 *colla sibila σπι-*
ζοντα. *Lingua vibrans et lambens*,
λεχμῶσα, in præcipuis est ornamen-
tis poeticis, quoties de serpentibus
agitur : cf. Hesiod. Θ, 826 : Sc. 235.
De hoc ipso serpente, de quo noster
loquitur, sed minus ornatè, Quintus
XII, 448 *ἐπεσπαράγησε δὲ πόντος*
Νισσομένων, καὶ κύμα δῦστατο
τοῖδ' ἐφέροντο, Αἰνὼν λεχμῶντες.
Ceterum similia de ingentium dra-
conum allapsu plura sunt poetarum
loca (cf. Cerda), ut de draconibus ab
Hercule puero et a Cadmo interem-
tis, comparanda illa quidem non sino
fructu, si otio abundes, ita tamen, ut

Sibila lambebant linguis vibrantibus ora.
 Diffugimus visu exangues. Illi agmine certo
 Laocoonta petunt. Et primum parva duorum
 Corpora natorum serpens amplexus uterque
 Implicat, et miseros morsu depascitur artus; 215
 Post ipsum, auxilio subeuntem ac tela ferentem,
 Corripiunt, spirisque ligant ingentibus; et jam
 Bis medium amplexi, bis collo squamea circum
 Terga dati, superant capite et cervicibus altis.
 Ille simul manibus tendit divellere nodos, 220
 Perfusus sanie vittas atroque veneno;

212 *exanimis* Oudart. *ex agmine* Sprot. *agmine cepto* pr. Moret. a m. pr. *agmine facto* tres ap. Barm., quod scilicet et alibi occurrit. 214 *jam amplexus* Rottend. pr. *complexus* Moret. fragm. *complexus* Hamb. pr. perpetua variatione. 215 *teneros m. d. artus* Vir doctus (J. Jortinus) conj. in Obs. Misc. Crit. T. I, p. 29. IV, p. 29, quia puerorum corpora. Et ferri sane id possit. Sed poetæ aliter placuit. *miseros artus* exquisitè pro artus miserorum puerorum. 216 *auxilium* Moret. sec. et Hugon. et *tela* Bigot. et Hugon. *tela parantem* fragm. Moret. et Sprot. 217 *collo bis* alter Menag. 219 *collo unus* Guelpherb. in Collect. Sax. et *crinibus* Voss. *alte* Goth. sec. *capite et cervicibus altis*, quod debebat esse *capitibus et cervicibus* suis. 220 *devellere* Mentel. pr. et Moret. pr. cum aliis vett. ap. Pieriam. 221 *perfusus* aliquot ap. Barm. *sanie* Gad. et Voss.

judicium in cognoscendo rerum dilectu, varietate narrationis et suavitate, acuas, non, ut inanem lectionis copiam ostentes jejunamque inde verborum rerumque similium copiam memoria comprehendas. Ex Virgilio hausere Ovid. IV Met. 688 sqq. et Manil. V, 540, 579 de bellua Andromedam, et Valer. Fl. II, 479 sqq. de bellua Hesionen invadente; Silius II, 584 sqq. imprimis VI, 149 sqq. de hydro ad Bagradam cæso. Adde Statium VI Theb. 506 sqq. de serpente, qui Archemorum puerum devorat, et Petron. c. 89. v. 29 sqq. de eodem monstro, de quo noster agit.

212. *Agmine certo*, exquisita latinitate, pro uterque simul destinato in eum lapsu. 215. *Implicat*, circumdat spiris seu nodis ac voluminibus. *morsu depascitur*, ἐπιτρέφεται,

ornate pro, admordet, devorat (sic poetæ, *morsu lacerare, consumere*); nec aliter intelligendus Lycophronis παῖδοβρώς Πόρκης. *tela ferentem*, cum telo in manu appropierantem. *bis circumdati collo squamea terga*, cum uterque serpens corpus et colli ejus, h. e. omnino superiorem corporis partem, tractibus inferioris corporis sui bis circumdedissent, super ejus caput eminent, emicant suis capitibus. *bis* ita proprie dictum accipio. At si *collo* proprie dictum habeas, quod *bis* ad utroque serpente circumdari vix potuit, *bis* esset, binis spiris, seu binorum serpentum spira.

220—224. Pro serpentibus docte *nodos* ponit; et egregie ad horrorem facit v. 221, quod *vittas*, infulas sacerdotis, narrat. *Clamores*: super his v. Excurs. ad h. v.; sunt autem

Clamores simul horrendos ad sidera tollit :
 Quales mugitus, fugit quum saucius aram
 Taurus, et incertam excussit cervice securim.
 At gemini lapsu delubra ad summa dracones 225
 Effugiunt, sævæque petunt Tritonidis arcem ;
 Sub pedibusque deæ clipeique sub orbe teguntur.
 Tum vero tremefacta novus per pectora cunctis
 Insinuat pavor ; et scelus expendisse merentem
 Laocoonta ferunt, sacrum qui cuspide robur 230
 Læserit, et tergo sceleratam intorserit hastam.
 Ducendum ad sedes simulacrum, orandaque divæ

223 *Qualis* Grammaticorum et Codicum auctoritate recepit Heins. Vulgo *quales*. Est tamen et *qualis* de plurali accipiendum. *mugitus veluti* ap. Macrob. II Sat. 5, at idem ib. VI, 13 *Qualis* m. Apud Lactant. de M. Persec. 33 vitiose laudatur : *quales mugitus* *fugit tancius taurus. aram* Heins. ex libris, post Pierium, probavit. Vulgo *aras*. 224 *maris* per i Virgilium scripsisse, Probi Valerii testimonio constat apud Gell. XIII, 20. 225 *lappi* alter Hamb., sed vid. not. 226 *Diffugiunt* alter Hamb. in Collect. Sax. *Tritonidis* ap. Macrob. IV Sat. 4, et edd. Fabric. et Cuning. 227 *clipei* sub Frano. 228 *trema* facta Reg. 229 *expandisse* Menag. pr. v. Burm. insinuat v. ad 208. 230 *sacrum* quis pr. Moret. qui *sacrum* Puget. 231 *torserit* Zulich. 232 *sedem* Zulich. a m. pr. sedis pr. Moret. *horrendaque* Franc. a m. pr.

præclare comparati ad terrorem animis injiciendum. *incertam securim* non satis certo et valido ietu depressum. Imitationem Senecæ Agam. 777 *cervice taurus vulnus incertum ferens* laudat Burm. Adde aliam apud Silium V, 64. 65. Sapienter autem bove non quacumque, sed, ut dignitatem res haberet, bove victima in comparatione usus est ; quod jam in sacro Neptuni Heliconii fecerat Homerus loco, quem noster ante oculos habet Iliad. Y, 403—405. Male comparant Iliad. P, 520 sqq.

225—227. *Lapsu effugiunt* ornate pro labuntur, serpunt ; ne *lapsu* nude stare putes. *delubra ad summa*, Minervæ templum in arce summa. *Minerva* h. l. *sæva*, irata Trojanis. At Palladium ex arce abreptum supra vidimus, v. 164 : unde ergo h. l.

Palladis signum ? dicendum scilicet, fuisse aliud ac diversum ab illo arcanæ religionis Palladio, cf. Exours. IX extr. ad II, 293. *sub pedibus*, h. e. inter pedes, et post clipeum. Egregie hoc a poeta adumbratum ex eo, quod Palladis signa (ξόανα) interdum draconem pedibus apporetum habent : ut in ipso illo præstantissimo Phidiæ signo in arce Athenarum. v. Paus. I, 24. Illud tamen satis portentosum, quod a mari per campum Trojanum ad urbem et arcem hydri se volvendo pervenerunt. Modestius, quod Iliad. Y, 147. belua marina (τὸ κῆρος) persequitur Herculem a litore in planitiem ἀπ' ἡϊόνορος πεδίονδε.

228—232. *Scelus expendisse*, exquisite, poenas meritas pro scelere, sacrilegio, in equum, Minervæ do-

Numina conclamant.

Dividimus muros, et mœnia pandimus urbis.

Accingunt omnes operi, pedibusque rotarum 235

Subjiciunt lapsus, et stuppea vincula collo

Intendunt. Scandit fatalis machina muros,

Feta armis. Pueri circum innuptæque puellæ

Sacra canunt, funemque manu contingere gaudent.

Illa subit, mediæque minans illabitur urbi. 240

233 *conclamat* tert. Mentel. a m. pr. 234 *diffidimus* Schol. Croqu. Horat. III Od. 16 ad v. 13 *diffidit urbium portas Vir Macedo*. At vulgata retinenda non modo propter librorum consensum, sed et quod doctior et exquisitior est. cf. Markland. ad Stat. I Silv. I, 10 *Hunc neque discisis cepissent Pergama muris*, quo in loco, ex Virgilio expresso, Marklandi emendationem *divisis* non bene spernit Burm. ad h. l. 235 *operi omnes* alter Hamb. cum Goth. tert. *stuppea* scribunt optimi. 236 *subiciunt* multi, veteri ac solenni more in talibus, ut *obicit*, *obicitur*. 238 *pueri circum* Heins. ex optimis codd. Valgo *circum pueri*.

num, commisso. *tergum*, v. sup. ad v. 50, ubi *latus* et *alvum* dixerat. At variavit ut poeta; et patet *tergum* latius, *ad sedes*, deæ, h. e. templum, quod in arce erat. *simulacrum*. Homericum μέγ' ἄγαλμα θεῶν θελήριον Od. Θ, 509. *orandaque divæ Numina*, numen ejus exorandum, placandum.

234—236. *Dividimus muros*, exquisite pro dissolvere et dirumpere, ut aditus fiat, aut ut h. l. latius pateat; nam de porta Scæa agitur, a qua non longe stabat equus; ἐν πύλαις, ut Eurip. Troad. 521. *mœnia* h. l. proprio significato, ut ædificia intra muros sint. v. Burm. h. l. et Lexica. *accingunt* se, v. var. lect. ad v. 208. *rotarum lapsus* egregie pro simplici *rotas*, quæ *labentes* dicuntur poetis, quando volvuntur—sic et *intendunt* exquisitius, quam illigant, innectunt. cf. IV, 506. In *collo* noli arguari: cum fune ex eo nexu trahi equus vix commode posset. Intellige simpl. funem ex anteriore parte aptum. Occurrit aspectus in anagly-

phis. Ceterum poetam, saltem 238. 9. ad thesas Romanorum suorum sacramque pompam respexisse non improbabile est.

237—240. *Scandit muros*, h. e. transcendit, major imago quam si portam intrat, quæ, murorum impositorum et attingentium parte dejecta, erat latior facta, conf. inf. VI, 514. 515, et *machina fatalis*, exitium fatale Trojanis afferens, et *feta armis*, plena armatis viris; ut jam ἐγκύμων ἱππον τευχέων apud Eurip. Troad. 11, h. e. ἔνοπλος, ut ibid. v. 520: supra 20 *uterum* dixerat. *gravis* inf. VI, 515 et *armatum peditem* *gravis attulit alvo*. Locus autem ex Ennianis expressus apud Macrobi. VI, 2 *nam maximo saltu superavit gravidus armatis equus*—Qui suo partu ardua perdat Pergama. *Sacra canunt* h. e. hymnos, ut bene Serv.; scilicet quemadmodum alias apud poetarum, *canere dulce, færale*. Hic, et in toto loco, manifesta Euripidei chori vestigia Troad. 522 sqq. *mediæ urbi*, omnia media dicuntur post initia, adeo-

O patria, o divûm domus Ilium, et inclyta bello
 Mœnia Dardanidûm! quater ipso in limine portæ
 Substitit, atque utero sonitum quater arma dedere.
 Instamus tamen immemores cæcique furore,
 Et monstrum infelix sacrata sistimus arce. 245
 Tunc etiam fatis aperit Cassandra futuris
 Ora, dei jussu non unquam credita Teucris.
 Nos delubra deûm miseri, quibus ultimus esset
 Ille dies, festa velamus fronde per urbem.

241. *incluta*, *Ilium inclyta* nonnulli libri et Priscian. ap. Heins. *Ilium* et duo Burm. cum Goth. sec. 242 *ipse* Ven. v. Burm. *limine* poste Exo. Burm. 247 Male ab aliis ad antec. referri *dei jussu*, monet Burm. *jussu* Oblongus Pierianus. 249 *per urbes* alter Hamb.

que tota urbs intra muros; etsi utique per mediam urbem ad arcem ductus est equus, ut Palladis in templo collocaretur. cf. Eurip. l. c. 540, 1 et Odys. Θ, 504. *minans* simpl. ad altitudinem ref. Nam, quæ altitudine sua super cetera eminent, minari iis dicuntur. cf. Æn. IV, 88 et Serv. Melius autem jungitur *illabitur urbi mediæ*, *minans*; quam *minans mediæ urbi*, quod tenuius.

241—243. *divum domus*, incertum esse potest, quo sensu dixerit poeta. Proprie tamen urbs ita appellari debet propter augusta templa et religiones; et ex persona pii Æneæ hæc acceptio est convenientissima. Sic et in numo ap. Eckhel. V. C. Numi vet. anecd. p. 170 urbs Germanicopolis Paphlag. dicta est *ἱερία θεῶν* ut et de aliis urbibus dictum meminimus. Ceterum v. 241 totus Ennianus esse fertur apud Servium. Scilicet in verbis: *O pater, o patria, o Priami domus*. v. inf. ad 502. Vs. 242. 243 ad omnia pertinent, quæ putide exequitur Quintus Cal. XII, v. 491 sqq. Expressa e nostro esse Senecæ Agam. v. 626 sq., jam Cerdamonuit. *Sonitum* plus quam tragice

declarat Eurip. Troad. 519 ἱππον—οὐράνια βρέμοντα. *ad cælum fremen-*
tem, sonantem, dum trahebatur. Videtur totus locus Maroni ante oculos fuisse; est certe chorus comparandus.

244. *Instamus tamen*. Quintus Cal. XII, 419 οἱ δ' ἅμα πάντες Εἰλκον ἐπιβρίσαντες etc. *immemores* h. l. improvidi, incogitantes (cf. eund. v. 512 sqq.), quippe quos monuerant dii tali omine, nec tamen Trojani eorum monitum intellexerunt. *monstrum infelix* præclare de Equo potentosæ magnitudinis, qui exitium urbi erat allaturus. Sic Ciceroni *fatiale prodigium portentumque* pro pernicioso homine.

246. 247. De Cassandra vate, cui ne nunc quidem creditum et fides habita, copiosius Quintus Cal. XII, 516 sqq. Tryphiod. v. 346 sqq. Tzetza Posthom. p. 168 in Tab. Iliaca n. 99, in qua Priamus eam retrahere videtur. *dei jussu*, Apollinis; cuius amores illa eluserat. res nota. Adhuc vel Servium h. l. *tunc etiam* int. *pro etiam tunc*. alias languet.

248. 249. *Velare* proprium hæc in re, suspensis super templorum postibus coronis ac sertis, etiam frondibus, infusisque. Traduxit aliis locis

Vertitur interea cœlum, et ruit oceano Nox, 250
 Involvens umbra magna terramque polumque,
 Myrmidonumque dolos : fusi per mœnia Teucri
 Conticuere ; sopor fessos complectitur artus.

Et jam Argiva phalanx instructis navibus ibat
 A Tenedo, tacitæ per amica silentia lunæ, 255
 Litora nota petens : flammæ quum regia puppis
 Extulerat ; fatisque deûm defensûs iniquis,
 Inclusos utero Danaos et pinea furtim

253 *amplectitur* tres ap. Burm. 254 *At jam* sec. Moret. *phalanx*, *phalanx*, male in libris. *ibant* aliquot ap. Pierium cum Donato, et probat Heinsius. 255 *tacite* duo Goth. 256 *flammæ* tum pr. Moret. 257 *fatis deûm* Zolich. quod malim; nam copula parum commode interposita est. *fatisque dei* Gud. pro div. lect. v. Burm. 258 *Danaos utero* Puget.

poeta ad quodcumque coronandi genus, etiam victimarum vel sacerdotum, supplicum quoque, sola corona vel infula ac vitta.

250—253. *Vertitur cœlum*. Circumactio cœlo (ad oculorum fraudem iudicio facto, quasi hoc singulis noctibus fiat: v. Excurs. II ad hunc librum). *ruit* exquisitè pro venit, surgit. *umbra magna*, v. ad Georg. II, 338. *Myrmidonum dolos*, quam ingeniose adjectum et vere tamen! *per mœnia*, nunc est per urbem dispersi. *sopor fessos complectitur artus*. Non moratur poeta in commissationibus Trojanorum, quas attingit tantum v. 265. At vide ineptias Quinti Cal. XIII pr.

254. 255. *Phalanx* docte pro classe. *tacitæ per amica silentia Lunæ* orate pro noctu. *Silentia noctis* sæpe apud poetas; eadem *tacita*, *silens*, *taciturna*. Nunc Virgilius *silentia* ad *Lunam* transtulit; quod magis etiam poeticum: cumque *silentia Lunæ* per se dici recte possint pro nocte, sive Luna fulgeat sive lateat; poeta tamen versu 340 *oblatus per Lunam*, satis declarasse videtur, se lu-

nam cum ratione posuisse, adoptata eorum opinione, qui Trojam plenilunio excisam tradiderant. v. laudat. a Burmanno, imprimis vero Vet. Schol. Euripideæ Hecub, 913 et Petron. 89, 54. 55. Præclare de h. l. egit Burm. Nihil expedierat cum aliis Parrhas. Quæ. per epist. I. Sunt sane etiam *silentia maris et ventorum*, et possunt illa cum silentio noctis conjuncta esse; de his tamen poeta nunc nihil memoravit. *amica silentia*, grata et faventia insidiis Achivorum.

256. Fax sublata, signum profectiois, e navi prætoria; nunc creditus versus litus Trojanum. v. Excurs. VIII. 257. *fatisque deûm defensûs iniquis*: fata deûm ex more. Nam modo fatis ipsi dii tenentur: modo deorum, imprimis Jovis voluntate, constituuntur, et pro diis iniquis fata iniqua dixit, sc. Trojanis infesta. *defensûs*, servatus Sinon a Trojanis. 258. *Danaos et claustra* (in latere fores) *laxat*, solito more, uno verbo duobus nominibus accommodato, proprie diversis; aperit et Danaos

Laxat claustra Sinon : illos patefactus ad auras
 Reddit equus ; lætique cavo se robore promunt 260
 Thessandrus Sthenelusque duces, et dirus Ulixes,
 Demissum lapsi per funem, Acamasque, Thoasque,
 Pelidesque Neoptolemus, primusque Machaon,
 Et Menelaus, et ipse doli fabricator Epeos.
 Invadunt urbem somno vinoque sepultam ; 265

259 Post *Sinon* finita priorē sententia novam ordiendam puto. *Laxat claustra Sinon*. *Illos p.*—*Epeos*. *Invadunt urbem* etc. Vulgata distinctio parum commoda. Mox post *promunt* interpunct. mutavi. Porro *Laxat castra* e nonnullis Heins. landat. Burm. ad Petron. 89, v. 7. 260 cavo se r. *promunt* major librorum pars ; et sic proprie hæc in eo dicitur. Enimvero Longob. Pierii, quem etiam Ge. Fabricius respicere videtur, *produnt* habet ; quod sane exquisitius, *se prodere*. Itaque Heinsio illud probatum ad Claudian. IV Cons. Honor. 643, et Ovid. V Fast. 508. *promit* fragm. Moret. cavo de r. *promunt* Leid. cum Goth. tert. a m. sec. 261 *Tisandrus*, *Thessandrus*, *Thersandrus* in libris scribitur et in edd. hic et alibi. In Græcis est *Θέσσανδρος*, ut ap. Pind. Ol. 2, 76. Apollod. III, 7, 2, Paus. IX, 5 et al. Ita et pro *Sthenelus* aberratum *Stenelus*, *Scelenus*, *Schelenus*, *Schenus*. Porro durus Ven. et Franc. post Longob. Vide Pierium, qui et *dirus* e codd. et grammaticis memorat. *dirus* etiam a m. pr. fragm. Vatic. 262 *demissum* alii, ex more. *demissam* Rottend. alter. *Acamas* bene post Pierium ab Heinsio restitutus e libris. Vulgo *Athamas*, perpetua varietate. 264 *Epeos* Heins. e libris, vulgo *Epeus*. *Ἐπειός*. Medic. *Epeos*. Gud. a m. pr. cum aliis *Epius*. tres *Epius*. Alii vitiose : *Eppus*, *Opeus*, *Ipeus*, *Ypheus*, *Epheus*, *Efeus*, *Ephius*, *Epheos*. 265 *somnoque meroque* Hamb. sec. *vino somnoque* Goth. tert. et *sopitam* alter.

emittit. *ἐκλύσας* apud Lycophr. 343, quod Brunck. ad Apollon. I, 955 e cod. restituit, pro illustratione esse potest : *γαστροῦς ἐκλύσας ζυγά*, est *soluta alvi compage*.

259—264. De his equo inclusis vid. Excurs. III ad h. lib. *se promunt*, *prodeunt*. *ἰππόδεν ἐκχύμενοι*, *κοῖλον λόχον ἐκπρολιπόντες* Odyss. Θ, 515. *Thessandrus*, seu verius *Thessander*, Polynicis et Argiæ f., secundum Serv. (ex *Ætolia* ait Pompon. ad h. l. et Dictys lib. I, c. 14. *adde* c. 17. f. leg. ex *Bootia*). Desideratur sane inter ceteros heroes nomen aliquod clarum ; verum *Thessander* Polynicis f. locum vix tueri potest ; cum ubique ille tradatur in pugna cum Telepho in principio b. Trojani cecidisse. v. Paus. IX, 5. Dictys II, 2. Et sic Cypria carmina tradiderant, ut e Proclo MS. didici.

Aut itaque alius hic *Thersander* habendus, aut *Tisandrus* verior est lectio. In Homero neutrum nomen occurrit. De *Acamante*, altero Thesi filiorum et Demophoontis fratre, v. *Intpr.* ad Hygin. f. 108 et h. l. Heins. ; de ceteris saltem Servium. *Demissum lapsi per funem*, h. e. delapsi fune demisso. Ex historia hoc acceperat ; v. Excurs. III : at egregie ad magnitudinem equi declarandam accommodavit. Itaque *emphasin* Quintil. agnovit Inst. VIII, 3, 84, ubi v. not. et Ursin. ad h. l. *primusque Machaon* : intelligo, qui primus, inter primos, egressus est. Argutantur in hoc jam veteres. Vide Sext. Aurel. Victor. G. Rom. c. 1. *Machaon* apud Thessalum in *πρεσβευτικῷ* sub f. memoratur paulo postquam equo exierat vitam amisisse. *doli fabricator*. Sic *δόλον* pro

Cæduntur vigiles, portisque patentibus omnes
Accipiunt socios, atque agmina conscia jungunt.

Tempus erat, quo prima quies mortalibus ægris
Incipit, et dono divûm gratissima serpit.

In somnis, ecce, ante oculos mœstissimus Hector 270
Visus adesse mihi, largosque effundere fletus,
Raptatus bigis ut quondam, aterque cruento
Pulvere, perque pedes trajectus lora tumentes.
Hei mihi, qualis erat! quantum mutatus ab illo
Hectore, qui redit exuvias indutus Achilli, 275
Vel Danaûm Phrygios jaculatus puppibus ignes!

268 erat, cum fuere qui legerent teste Guellio; sed utrumque dici mos est. 270
Insomnis una voce, multi ap. Heins. insomnes Montalb. insompnis Leid. un; sed non in-
somnem fuisse Æneam patet ex v. 302, ubi excutitur somno; quod jam Barm. monuit.
in somnis divisim etiam fragm. Vatic. 271 refundere Medic. Pierii. fluctus aliquot
Pier. fletus Hamburg. alter, v. inf. 298. 272 bijugis Rottend. tert., quod Heins.
præferebat. Sustuli importunam interpunctionem post bigis. 274 Ei Medic. fragm.
Vatic. Rottend. pr. heu alii. Ceterum Gronov. Diatribe Stat. c. 22, p. 124, ordinem ver-
borum ita instituendum edicit: ut quondam raptatus et trajectus—(heu mihi! qualis?)
erat. quantum—Dorissime. 275 exuviis aliquot ap. Pier. et Barm. inductus aliquot
apud utrumque. Achilli Heins. cum melioribus etiam h. l. Vulgo Achillis et Achillei.
cf. sup. I, 30. 276 jaculatum Goth. pr.

equo ad insidias facto Hom. Odys.
O, 494. *Epeus*: de quo v. Exc. III. pr.

268 sqq. Locus, cui similes e plu-
ribus poetis excitari possint, quoties
per somnum species objicitur, adum-
bratus videtur ex Iliad. Ψ, 62 sq.,
ubi Patrocli Umbra Achilli apparet.
Virgilium plane expressit Statius V
Theb. 265 sq. et totum locum, qui se-
quitur, Seneca Troad. 438 sq. *morta-
libus ægris*, sane ut alias miseris, *oi-
ζυροῖς, πολυπόντοις*, proprie tamen
infirmis. Burmannus fessos labori-
busque et curis diurnis fatigatos in-
terpretatur. *serpit*, quando latenter
membris infunditur. *Serv.* ut ἔπειν.
271. *Visus adesse*, adstare sic, ut
quondam visus erat raptatus, cum
raptabatur: v. sup. I, 483. laniato
ore, scædatus pulvere et pedibus loro

trajectis. *ater* plus quam respersus,
inquinatus. cf. versus Homericos
Iliad. X, 401 sqq. *tumentes*: οἰδᾶν
similiter in fabula Œdipodis.

274—279. Nobiles versus ex eo
loco ducti, qui magnos affectus habere
solet fortunæ pristinae et praesentis
comparatione. Versum 274 Ennii
esse Servius docuit. Quam diversus
ab ea specie, qua redibat victor Pa-
trocli, et una jam antea nave Achivo-
rum incensa, cf. Excurs. VIII*. *qui
redit* pro qualis redibat, redire sole-
bat, paullo insolentius; et inf. 279 *ac-
cepit*, pro acceperat; poetica, etiam
græca, saltem Homerica, structura.
exuvias Achillis, arma Achillea Pa-
troclo detracta: Iliad. P, 194. *Da-
naum puppibus*, in naves Achivorum.
respicit ναυμαχίαν Iliad. N sqq. et

Squalentem barbam, et concretos sanguine crines,
 Vulneraque illa gerens, quæ circum plurima muros
 Accepit patrios. Ultro flens ipse vibebat
 Compellare virum, et mœstas expromere voces: 280
 O lux Dardaniæ, spes o fidissima Teucrûm,
 Quæ tantæ tenuere moræ? quibus Hector ab oris
 Expectate venis? ut te post multa tuorum
 Funera, post varios hominumque urbisque labores
 Defessi adspicimus! quæ caussa indigna serenos 285
 Fœdavit vultus? aut cur hæc vulnere cerno?
 Ille nihil; nec me quærentem vana moratur:

277 et abest Franc. concretoque qu. Moret. et concreto s. Menag. pr. a m. sec., quod
 vulgaris esset. conf. Burin. 278 Vulnere illa Leid. vulnera et illa Bigot. vulneraque
 ipsa Franc. et Witt. Stat. III Theb. 364 Vulneraque ista ferens putri insiccata cruore.
 280 Incertas exp. fragm. Moret. mœstas promere Exc. Burm. et Menag. alter a m. sec.
 has promere Bigot. effundere Menag. pr. Moret. qu. Vulgata est apud Nonium in mœstas.
 281 Dardaniæ alter Hamburg. et Franc. cum Goth. sec. et tert. Dardanidum aliquot
 Pierii. spes o sanctissima Schol. Cruqu. Horatii I Sat. 7 et IV Od. 5. Sed vulgatam
 etiam Macrob. IV Sat. 2 habet. fidissima scribunt codd. antiquiores ap. Pierium, et in
 uno firmissima vel fortissima. 283 quem te post Zulich. multa dierum Gud. a m. pr.
 post tanta unas Guelph. 284 per varios Oudart., ut lib. I, 628. post hominum varios
 u. Bigot. 285 accipimus Hamb. pr. et Goth. tert. a m. sec. Et potest exquisitius
 videri. ueros Hagen. a m. sec. 286 et cur Leid. 287 Ipse Montalb. nec quæ-
 rentem me sec. Hamb. nec me remoratur vana quærentem Menag. pr. fata moratus ed.
 Ven.

II, 122 τοὶ δ' ἐμβαλον ἀκάρων πῦρ
 Νηὶ Δωρῇ—. 277. concretos sanguine
 crines, lœdum quidem, sed quod hor-
 rorem non minus quam miserationem
 facere queat. Porro 278 vulnera om-
 nino in pugnis cum Achivis factis
 accepta interpretabar; nunc intel-
 ligo hæc non convenire cum ceteris,
 quæ miserationem facere debent;
 meliusque referri ea ad τὸ αἰκίε-
 σθαι, vulneribus fœdato corpore casi
 Hectoris ab accurrentibus Achivis:
 v. Iliad. X, 369. adjunctis tamen
 laniationibus tracto circa muros cor-
 pore: quandoquidem adjectum cir-
 cum muros patrios; et paullo post v.
 286. hæc vulnere post verba: fœdavit
 vultus.

282—286. Quasi immemor cædis
 Hectoris, eum objurgat, quod tam
 diu abfuerit et nunc demum ad au-
 xilium Trojanis ferendum adveniat.
 Etiam in his Ennium ante oculos
 habuit, cujus versus apud Macrob.
 VI, 2 O lux Trojæ, germane Hector!
 Quid ita cum tuo lacerato corpore
 miser? Aut, qui te sic respectantibus
 tractavere nobis? Lux autem non ad
 gloriam referendum, sed de salute ac-
 cipendum, si quidem ex Homérico
 φάος expressum, quo is hoc sensu
 plerumque utitur; excepto sorte loco
 Iliad. Θ, 282. ut te p., ὦc, h. e. quo-
 modo: defessi cladibus, ut eleganter
 poetæ v. c. Horat. II Carm. 4. 11
 Tradidit sessis leviora tolli Pergama

Sed graviter gemitus imo de pectore ducens,
 Heu fugo, nate dea, teque his, ait, eripe flammis.
 Hostis habet muros; ruit alto a culmine Troja. 290
 Sat patriæ Priamoque datum. Si Pergama dextra
 Defendi possent: etiam hac defensa fuissent.
 Sacra suosque tibi commendat Troja Penates:
 Hos cape fatorum comites; his mœnia quære,
 Magna pererrato statues quæ denique ponto. 295
 Sic ait; et manibus vittas Vestamque potentem

288 *de p. fundens Parrhas.* 289 *Heus f. Leid. un. tete corr. Cuning. eripe telis Dorvill.* 290 *a deest Dorvill. Menag. pr. et Mediceo Pieriano. Adde Goth. tert. In secundo Alte a c. alto culmine superscripto a fragm. Vat. ab c. Leid. unus. Dorvillius bene conj.: ruit alta a culmine Troja, quod significantius est, et sic Acronem legisse, Jani vidit ad Horat. IV Carm 6, 3. et Homer. Iliad. N, 772 ἄλτο πᾶσα κατ' ἀκρῆς Ἰλίου αἰθρῶν. ad q. loc. vide. adde Iliad. O, 557. 558. 291 Priamo patriæque seo. Hamb. datum est Witt.* 292 *possint alter Rottend. Olim distinxere nonnulli—defendi possent etiam, hac d. pro adhuc. v. Serv.* 294 *Heins. distinguere volebat: his mœnia quære magna, p. et ita in Witt. erat. Contra Burm. disputat magis subtiliter quam vere. Declaranda res ex eo, quod elegantior loquendi modus, si epitheton vel adjectivum post relativum ponitur: mœnia, quæ magna, pro vulgari, mœnia magna, quæ.* 295 *qui Longob. et alii ap. Pier.*

Graius. serenos fœdavit vultus, quoniam et fœda tempestas proprie dicitur. cf. Serv.

290. *Ruit alto a culmine Troja:* (etiam inf. v. 603) ex Homérico, quod sæpius occurrit, κατ' ἀκρῆς. cf. Var. Lect. Ad 291. 292 cf. inf. XI, 288. 289. Habet patria et Priamus omnia quæ a te ad ipsum defendendum fieri ac præstari poterant. *etiam hac, δευκτηκῶς, Hectoris manu, h. e. mea.*

293—297. *Penates sunt Trojæ publici, patrii dñi, urbis tutela. Vid. Excurs. IX ad h. v. Sacra et Penates possunt pro eadem re haberi, ut illa, quibus generis notio inest, declarentur per hos. Sic mox v. 320 Sacra manu victosque deos—trahit. Et sic sæpe sacra universe, de deorum simulacris, etiam de his ipsis Penatibus. v. c. Ovid. Fast. I, 526. ut sit pro vulgari: Penates, et cum*

his, sacra sua tibi tradit. Mox v. 296. 297 *Vestam et ignem sacrum visus est Æneæ somnianti Hector efferre e templo: ad declarandum, urbem jam esse excidio damnatam. Quæras: an hæc quoque per sacra declarare poeta voluit? Potuit sane! quippe poetis sollemne, ut primo ponant genus, tum adjungant species synonymice: Ita oratio ipsa fit ornatior. At enim diversa sunt quæ narrat poeta: Penates mandat Æneæ secum efferendos urbe; at Vestam et ignem, ut visum erat per quietem Æneæ, ipsa Hectoris umbra effert. Vittas religiose posuit, cum Vesta vittata (non enim ad Palladem vittæ referri possunt, quod Burm. fecit) aut cum vittis dicenda esset. vide sup. ad v. 168 Virgineas ausi divæ contingere vittas. Fatorum comites quanto potentius, quam, errorum, viæ, casuum! Mœnia int. urbem Lavi-*

Æternumque adytis effert penetralibus ignem.

Diverso interea miscentur mœnia luctu ;

Et magis atque magis, quanquam secreta parentis

Anchisæ domus arboribusque oblecta recessit, 300

Clarescunt sonitus ; armorumque ingruit horror.

Excitior somno, et summi fastigia tecti

Adscensu supero, atque arrectis auribus adsto :

In segetem veluti quum flamma furentibus austris

Incidit, aut rapidus montano flumine torrens 305

Sternit agros, sternit sata læta, boumque labores,

Præcipitesque trahit silvas ; stupet inscius alto

297 *effert iduo* ap. Barm. v. ad Georg. IV, 311 et ad Ecl. VIII, 64. 298 *m. fletu* Leid. *anus. v. sup.* 271. 299 *at magis* Medic. a m. pr. 300 *oblecta* Guelph. un. la Collect. Sax., non male. 301 *concresecunt* cod. antiquissimus Pierii. Videtur Heins. etiam *crebrescunt* invenisse. cf. Barm. *que abest* Franc. *irruit* Goth. tert., male. *ingruunt* bene de iis que accedunt, propria sunt. *error* pro *horror* pr. Moret., perpetua aberratione. 305 *saxi de vertice torrens* Schol. Horat. IV Od. 14 ex v. 308 *saxi de vertice pastor. montano a vertice* Bigot. ex VII, 567 et *torto vertice torrens. rapidos* pr. Moret. et Franc. a *flamine* Moret. tert. 306 *hominumque labores* pr. Hamb. pro *div. lect.* ex I Georg. 118 *hæc quum sint hominumque boumque labores Versando terram experti—laborem.* Voss. et fragm. Moret. *bovumque labores* fragm. Vatic. 307 *sedet* pro *stupet* Quintil. VIII Inst. 6, *memoriae vitio.*

nium. magna dixit respectu Romæ inde oriundæ ; ut et III, 159. Tandem 297. *adytis penetralibus effert* : Visus est Hector ex ipsa Vestæ adeæ simulacrum cum igne sacro efferre. Quo vero loco Penates positi fuerint, poeta non docuit ; intelligitur tamen ex ipsa re, in acropoli eos habitos fuisse.

298—301. Interea *urbs miscetur læta*, h. e. in urbe miscetur *luctus*, ejulatus, clamor, (mox v. 301 *sonitus*) *diversus*, a diversis urbis partibus. *domus secreta recessit* ornate pro, est *secreta*, remotior a litore et porta Sæa, eaque parte, qua Achivi urbem impressi erant. Statii imitationem notat Burmann. Theb. V, 242 *et si lata recessit Urbe domus.*

302—308. *Adscensu supero*, pro *ascendo*, ornate, in re tenui. Com-

parantis et comparati ratio primo intuitu non satis aperte declarata esse videtur. Latet autem in illis : *arrectis auribus adsto*, et *stupet accipiens sonitum* : ut sic componas : *adsto arrectis auribus*, aures arrigo, veluti pastor accipit *stupens sonitum*, quum *flamma in segetem incidit*. Quæ sequitur, comparatio adumbrata est ex Iliad. B, 455. 456. A, 155 sqq. et Iliad. Δ, 452—455, adde E, 87 sq. A, 492 sqq. Lucret. I, 282—290. Conf. inf. 496 sq. Georg. II, 304 sqq. Æn. XII, 523. sqq. et X, 405 sqq. Argutantur in comparandis locis Macrobian. Scalig. Cerda. Dicendum simpliciter, poetam Homeri inventa egregie suis verbis reddidisse et ornasse. Nisi forte in hoc reprehendendus videri potest, quod ex *Ænea narrantis persona* talis comparatio non

Accipiens sonitum saxi de vertice pastor.
 Tum vero manifesta fides, Danaûmque patescunt
 Insidiæ. Jam Deiphobi dedit ampla ruinam, 310
 Vulcano superante, domus; jam proximus ardet
 Ucalegon; Sigea igni freta lata relucent.
 Exoritur clamorque virûm clangorque tubarum.
 Arma amens capio; nec sat rationis in armis.
 Sed glomerare manum bello, et concurrere in arcem
 Cum sociis ardent animi. Furor iraque mentem 316
 Præcipitant; pulcrumque mori succurrit in armis.
 Ecce autem telis Panthus elapsus Achivûm,

308 *aspiciens* Sprot. pro var. lect. 310 *alta* Hamb. sec., ut sæpe alias. 312
Uchalion Rottend. sec. In aliis codd. alio modo vitiose. *Sigeoque igni* Parrhas. 315
et currere Sprot. ad arcem Moret. pr. 317 *Præcipitat* Gud. *præcipient* sec. Hamb.
 318 *Achivom* Heins. e Medic. et Gud. Vulgo *Achivum*. *Achivis* pr. Menag. Sprot. et
 alter Hamburg.

satis commode intexta sit. Quod et
 Wartono ita visum video. Sed illius
 narrantis recordationem suavis nar-
 rationis jamdudum animis audien-
 tium excussit. *furentibus austris* dicit
 ut poeta pro, ventis flantibus. *torrens*,
χειμαρρὸς, *rapidus montano flumine*,
 auctus aquarum colluvie e montibus.
 308. Iliad. Δ, 455 *Τῶν δ' ἐπεὶ τηλόσσε*
δοῦπον ἐν οὐρεσιν ἔκλυε ποιμήν.

309—313. *Tum vero manifesta fides*
 ornate, uti *rebus fides fieri* dicitur
 eventu: manifesta jam res erat. Alii
 interpretes aliter. *Deiphobi* domus
 prima incensa; duxerat is Helenam
 post Paridis mortem, ut jam Servius.
 cf. Quintus Cal. XIII, 354 sqq.
 Odys. Θ, 517 sqq., qui locus fundus
 fabulæ. cf. Exc. XII. (etsi, si argu-
 tari velis, sui oblitum dixeris poetam,
 nam in arce cum ceteris Priami filiis
 ille habitavit) proxima domus Uca-
 legontis, qui e principibus erat et in
 consilio Priami Iliad. Γ. 148. *Sigea*
relucent, prospicienti ex urbe per

tenebras. cf. Quintus ibid. 464 sqq.
lata cum dilectu h. l. positum: nam
 late relucet mare circa promontorium
 Sigeum. (cf. Cerda. Male, puto,
 Servius et Pompon., quod illic fretum
 Hellespontiacum incipit dilatari.)
 Denique *tubarum clangor*, Euripidis
 et Tragicorum exemplo memoratur,
 etsi Iliacis temporibus nondum fuero
 tuba et lituus.

314—317. *Nec sat rationis*, h. e.
 parum consilii, *in armis*, in armorum
 usu; nec mihi satis ipsi constabat,
 quantum his armis profuturus essem
 captæ et incensæ jam urbi. *ardent*
animi glomerare manum bello, ardeo,
 hic unus impetus erat, colligere mi-
 lites ad pugnam, et cum iis (*cum*
sociis) in arcem ad regem concur-
 rere. 317. et illa una cogitatio suc-
 currit animo, animum subit, quam
 pulcrum sit, fortiter pugnando mori.
 Sic Georg. IV, 218 *pulcrumque pe-
 tunt per vulnera mortem*.

318—321. Panthus sacerdos Apol-

Panthus Othryades, arcis Phœbique sacerdos,
 Sacra manu, victosque deos, parvumque nepotem 320
 Ipse trahit, cursuque amens ad limina tendit.
 Quo res summa loco, Panthu? quam prendimus arcem?
 Vix ea fatus eram, gemitu quum talia reddit:
 Venit summa dies et ineluctabile tempus

319 *Panthus, Panteus, Pantheus, Phanteus*, hic et mox vitiose in MSS. Est Πάνδορος et Πάνδορος. In Sprot. *Panthoys* et mox *Panthoy*, expressa enuntiatione græca. v. Heins. *Othryades, Othryades, Othryades* male vulgo hic et infra. Ὀδρυάδης. 320 *jactus* tert. Rottend. *victus* Gud., sed v. Burm. 321 *cursumque* Moret. qu. et sic legebatur Servii *estate. cursuque* Menag. pr. et Witt. Eadem varietas et alibi. v. Burm. Utrumque autem recte etiam in poeta dicitur, videtur tamen *cursum* remotius a vulgari esse—ad litora paucissimorum librorum videtur esse lectio; unum Hamburg. pr. laudat Heins. Ceteri, quotquot inspecti sunt, etiam e nostris unus (in duobus *lumina*) et vett. edd.; porro Servius, Donatus, Pomponius, ad *limina* præ se ferunt: quod ad stipulante Bruncio recepi. Alterum illud ex sollemni lapsu in h. v. ortum videri potest, et subsisse primum Aldinam; unde in Juntina, quam ex illa expressam conjicio, et in al. excusum video. At eam deseruit Rob. Stephan. Consensum librorum firmat ipsa rerum ratio et ordo. Nondum consilia exequi cœperat Æneas: vide v. 314—317, antequam domo exeat, ecce tibi offert se ei Panthus, qui ad ejus domum, quippe in remota urbis parte sitam (vide v. 299, 300), confugiebat. Forte et hoc ipsum poeta ad Æneæ pietatem retulit, ut religionum minister ad eum confugiat. Pomponius hæc habet: *limina domus mee: in hoc auctoritas et dignitas Æneæ videtur.* Servius, autem: *Æneæ et religio laudatur et virtus. limina* igitur ipsa re satis definita, quod sint Æneæ. Sic XI, 267. Quæ pro altera lectione dici possint, v. ap. Burm. 322 *Quo res s. loci?* pr. Rottend.; sed v. Burm. Idem vir doctissimus conj.: *qua prendimus arcem?* qua via, ratione, ad arcem pervenire possumus? Mihi quidem hoc tenuiter dictum videtur; et adi notas. *qua prendimus arcem* conj. Jo. Schrader. *Panthu*: ex Πάνδορος. *et. ov.* 323 *eram gemitu*, cum distinguit Leidens. 324 *ineluctabile fatum* Macroh. V, 1 recitat; ex lib. VIII, 324 *inevitabile tempus* ed. Ven., quod et in Witt. Cod. superscriptum.

linis, ejus templum erat in arce. Ponunt autem poetæ primo loco continens, tanquam latius: *arcis Phœbique s. Panthus* inter primores Trojanorum est Iliad. Γ, 146; filii ejus Polydamas et Euphorbus, Πανδοί-*δης*, sæpe Homero commemorati. Nunc Othryos filius ipse editur. Sacerdotis persona ducta ex Iliad. O, 322, ubi Apollo Panthi filium, Polydamantem, tuctur. Adde inf. v. 430. Fabula de Pantho, Delphis abducto, quam Servius memorat, etiam apud Eustath. p. 900. l. 47 occurrit, seriorum forte poetarum commentum. Etiam mox genus primo loco, *sacra*, et tum finitius, *deos*, h. e. simulacrum Apollinis abspertat; ut v. 293 *Sacra*

suosque—Penates. Non ignoro, vasa et utensilia sacra ab aliis intelligi. At *victos* quam invidiose! Deorum autem simulacrum in excidio templi et urbis ex more secum ferre et servare studet sacerdos, ut Æneas Penates, ne in hostium potestatem veniant. Nota res est, sed semel monenda. *trahit* cum dilectu positum pro ducit. *ad limina, Æneæ.*

322. Frustra laborant in interpretatione, qui *arcem* de Pergamo accipiunt. Optimum factu, ut *arcem* pro perfugio accipias: quo confugimus?

324 sqq. Admirabilis oratio, gravitatis et doloris plena, et ea quidem sacerdotis Apollinis, et in tali rerum conditione! Euripidis illa Troad.

Dardaniæ. Fuimus Troës; fuit Ilium, et ingens 325.
 Gloria Teucrorum. Ferus omnia Jupiter Argos
 Transtulit. Incensa Danaï dominantur in urbe.
 Arduus armatos mediis in mœnibus adstans
 Fundit equus, victorque Sinon incendia miscet,
 Insultans. Portis alii bipatientibus adsunt, 330
 Millia quot magnis unquam venere Mycenis.
 Obsedere alii telis angusta viarum
 Oppositi; stat ferri acies mucrone corusco
 Stricta, parata neci; vix primi prœlia tentant
 Portarum vigiles, et cæco Marte resistunt. 335

325 *Dardanidæ* Moret. tert. *Ilium* nonnulli, ut sup. 241. 326 *omina* Bigot. pro var. lect. Et sunt, quæ pro hac lectione dici possint. conf. sup. ad 178. Transferuntur enim auspiciâ, et auspiciorum habendorum jus, cum imperio; sed argute magis, quam vere. 328 *mediisque* aliquot ap. Barm. 329 *fudit* nonnulli codd. Heins. et Barm., nec male hoc. Servius vulgata lect. interpretatur; et habet *fundit* grandius quid, quam *fudit*. Nimis argute *τὴν fundere* h. l. a parta repetunt, quia v. 238 *feto* armis. Est simpl. emittit. Odyss. Θ, 515 *ἰκνίοντες ἐκχύματα*, que abest Regio. *fictorque Sinon* conj. Wad. delius; sed v. Barmann. *victor*, propositi effector, recte interpretatur Servius. 330 *Exultans* Menag. pr., quod minus esset. *alii portis* sec. Moret. et Leid. unus. *portisque alii* Menag. et Sprot. *alibi patientibus* Gud. *alii patientibus* Rottend. a m. pr. *alii in bipatientibus* Leid. et Moret. tert. *aliique patientibus* ed. Venet. 331 *unquam* Heins. cum libris potioribus; alii, ut vulgo, *nunquam*, quod et Priscianus lib. XVII habet. Sed totum versum abesse malim: quot enim ex illis millibus per decem annos cæcos esse putare licet! Etiam Jac. Bryant V. C. suspectum habebat versum. Ut defendas, dicendam: alii ad portas ruunt, tanto numero, ut vix plures prima statim protectione e Græcia exiisse putares. 332 *Obsidere* sec. Moret. et Goth. tert. a m. pr. inf. v. 450. 333 *oppositis* Gud. cum magna parte codd. Heins. et Pierian., quod Heinsio non displicebat. Etiam Pomponius *telis oppositis* exponit. Videtur tamen alteram, quod etiam Goth. pr. et sec. habent, exquisitis, poeticaque adeo dictione dignius esse. Adhæserat ex sequenti voc., v. Barm. *ferreo acies* Hamb. pr., v. Heins. *stat perniciēs* nonnulli codd. ap. Pierium cum Donato. *stant* Goth. sec. *umbone corusco* ed. Ven. 335 *resistent* sec. Rottend.

581 si respexit poeta: Πρὶν ποτ' ἤ-
 μιν. Βέβακεν ὄλβος. Βέβακε Τροία,
 quantum ille de suo attulisse videri
 debet! *ineluctabile, fatale*. Euripi-
 deum: *τύχα, τύχα δυσπάλαιστος ἦκει*
 Alcest. 892. 326. *Ferus Jupiter*, ut
 alias *sævus*, h. e. iratus, crudelis.
omnia Argos transtulit, Argivis vi-
 ctoriam et rerum summam permisit,
 'Troja nunc eversa.

329—335. *Mediis in mœnibus*, in
 media urbe, nam in arce. cf. 240.

252. *incendia miscet*, plus, quam pro-
 miscue, passim, facit. ita *miscere cæ-
 des*. hærent in h. v. interpretes. 330.
alii,—millia quot, h. e. tot millia, quot
 eorum etc. pro vulg. reliqui omnes.
portis bipatientibus, variatum pro sim-
 plici: patientes, apertæ. Intelligen-
 dæ autem portæ Scææ. cf. sup. v.
 266 *portisque patientibus omnes Acci-
 piunt socios*. Alii vss. 332. 3. 4. *vias*
angustas obsident strictis ensibus.
Obsedere oppositi ornate et hoc adje-

Talibus Othryadæ dictis et numine divâm
 In flammâs et in arma feror, quo tristis Erinny's,
 Quo fremitus vocat, et sublatus ad æthera clamor.
 Addunt se socios Rhipheus, et maximus armis 339
 Epytus; oblâti per lunam Hypanisque Dymasque;
 Et lateri agglomerant nostro; juvenisque Coræbus
 Mygdonides. Illis ad Trojam forte diebus
 Venerat, insano Cassandræ incensus amore;
 Et gener auxiliûm Priamo Phrygibusque ferebat.
 Infelix, qui non sponsæ præcepta furentis 345
 Audierit.

338 quod fr. Gud. quo gemitus Dorvill. et Witt. in æthere sec. Hamb. ab æthere pr. Moret. 339 sociis Menag. pr., sed Ecl. VI, 20 addit se sociam. Mox Rhipheus, Ropheus, Rypheus, scribitur. Πρωϊός est. Quæ sequuntur, obscura nomina sunt, nec in iis morandam. maximus annis, quod a nonnullis legi Pierius et Ge. Fabricius testantur, interpolam per eos, qui v. 435 Iphitus ævo Jam gravior meminerant, quasi idem cum Epyto esset. 340 Epytus (Ἐπύτος) ex libris Heins. restituit. Medic. Epitus (Ἐπίτυς), Alutus; non minus recte diceretur, in aliis vitiose: Epitus, Epithus, Ephitus, Epithus, Iphitus. Et Pythus; et mox Hyphanis, Hipanis et Dimas, Dumas. cf. inf. 394. ῥωανός. oblecti Wall. a m. pr. per lucem conj. Waddelias; at v. Burm. Forte autem suavior junctura erit, si interpungas: addunt se socios Rhipheus et—Epytus, oblâti per Lunam, Hypanisque Dymasque, Et lateri agglomerant nostro. 341 glomerant Reg. Coræbus unico vere; ab Heinsio restitutum ex Κόρηος. Valgo fere Choræbus, Chorebus, Coræbus. Paget. Thorebus. 342 Mirdoneis Goth. tert. in litura. Est Mygdonides, illis qui ante Heins., qui Mediceæ et vetust. libb. (adde Servii) auctoritate qui sustulit; at jam Pierius e suis libris auctor fuerat. Suadet idem poetici sermonis genius. cf. sup. ad I, 373. illi qui Trojam Parrhas. 343 Cassandra in multis scribitur; et sic fere in genisanda litera semper variant veteres. cf. Heins. neque in eo hærendum, modo teneas, antiquiores unam literam pinxisse, sequiores adjecisse alteram. accensus quatuor ap. Burm. captus amore quinque ibid. 346 audierit concinnius Heins. e Medic. et meharibus; adde Colot. Ursini. Vulgo audierat. Etsi aliis in locis contrarium sequuntur criticis, et indicativum vindicant poetæ, ubi exquisitior Ciceronis oratio subjunctivum posere solet. Tam incerta sunt plurima in verborum critica.

ctum. stat—stricta pro stricta est; stat, quippe sublatus et erectus ensis. cæces Marte, nocturno prælio, quo cerni se discerni hostis nequit.

336—358. Numine divum tanquam a deo aliquo actus—in medium incendium et pugnas ruit Æneas. Erinny's, quæ ante Furor, h. e. animi impetus.

340—346. De Æneæ pugna lege Quintum XII, 300 sq.—per lunam docte adjecit poeta: v. narrata de tempore excidii inf. Exc. II. ad lib.

III pr. Agglomerant, docte, se adjungunt. sup. 315. glomerare manum adjungere manus, sociare. Suaviter rerum miserabilis facies distinguitur episodio brevi de Coræbo Mygdonis filio, de quo v. Exc. X ad h. v. 344. gener autem h. l. spe. 345. præcepta h. l. sunt monita vatis a deo actæ; scil. ne communi Trojanorum cladis ipse tanquam pars accederet, nec suas nuptias speraret. Infelix suaviter, ut sæpe poetæ per epiphonema. Sic ῥήπιος, ut statim Iliad. B, 38.

Quos ubi confertos audere in prœlia vidi :
 Incipio super his : Juvenes, fortissima frustra
 Pectora, si vobis audentem extrema cupido
 Certa sequi : quæ sit rebus fortuna videtis ; 350
 Excessere omnes adytis arisque relictis
 Dî, quibus imperium hoc steterat ; succurritis urbi
 Incensæ : moriamur, et in media arma ruamus.
 Una salus victis, nullam sperare salutem.
 Sic animis juvenum furor additus. Inde, lupi ceu 355

347 *conferatos* Goth. tert. a m. pr. *confectos* Franc. *consertos* Wall. et Witt. cum aliis ap. Pierium, qui e melioribus libris *confertos* tueretur. v. Burm., qui et conj. *ardentem* in p., quia *audentem* v. 349 statim redit. 348 Quæ sequuntur, meo iudicio aut sic, ut feci, sunt interpungenda, ut parenthesis intra (*quæ sit—succurritis urbi Incensæ*) contineatur; ut sit: si vobis cupido est audentem extrema sequi, moriamur; caussis a principio statim, ut plerumque sit, commemoratis; aut sic sunt constituenda sine parenthesi: Juvenes, fortissima frustra Pectora, si vobis audentem extrema cupido Certa sequi (agite, sequimini me; quod membrum orationis ita omitti sæpe videas), quæ sit rebus fortuna, videtis; Excessere—Di, quibus imperium hoc steterat; Succurritis urbi Incensæ. Moriamur et in media arma ruamus. Explicationem v. in notis. In vulgari ratione et interpunctione, quæ hæc erat: (*quæ sit rebus f. v.—Di quibus imperium hoc steterat*) in hac, inquam, succurritis nihil habet, quicquam commode copuletur. Servius quidem frustra succurritis jungit parenthesi incipienda a si vobis. Sed intricate et contorte omnia. fortissima frustra separanda non sunt. 349 nobis Goth. tert. audendi duo Goth., aliquot ap. Heins. et apud Servium nonnulli audendi vel audenti; etiam Donatus audendi interpretatur. in extrema Franc. ut 347. cupido est etiam tres. 351 adytis omnes Zulich. Versus est ap. Macrob. III, 9. 352 hoc aberat sec. Rottend. et Leid. a m. pr. succurrimus Parthas. 354 sperare Goth. tert.

347—354. Audere in prœlia exquise, cum audacia procedere in pugnam. *super his*, simpl. pro posthæc. inde. Quæ sequuntur, 348 sic ordinare juvat: O juvenes, frustra fortes! si vobis cupido certa est, sequi audentem extrema, h. e. s. me, s. omnino aliquam, qui extrema mortis pericula adeat, agendum! moriamur, et in media arma ruamus; nam videtis, quæ sit rerum fortuna et conditio; videtis, deos tutelares ac præsidēs Trojæ nos plane deseruisse; succurritis urbi Incensæ! sero ad patriam defendendam properatis, quippe jam captam et incensam. Nihil superest, quam honeste mori. Moriamur etc. v. 351 ex veteri supersti-

tione satis nota interpretandus, quæ urbes captæ vel capiendæ a diis desereri credebantur. v. Ursin. Muret. Var. Lect. V, 19. qui tamen argutatur, et Cerda ad h. l. Euripidis locum e Troad. 23. jam Macrob. V cap. extr. comparavit. cf. Tryphiod. v. 496. 497. Hinc evocatio deorum, de qua h. l. Servius et Macrob. III, 9 qui locum laudat. 354. Una salus, int. honestam mortem, qua se ab hostium potestate liberent. 355. Furor additus. Incensi sunt eorum animi. Laudat Burmann. Statium V Theb. 33 O miseræ, quibus hic furor additus.

355—360. Homerus comparatione luporum sæpe utitur v. c. Iliad. A, 72

Raptores atra in nebula, quos improba ventris
 Exegit cæcos rabies, catulique relictī
 Faucibus expectant siccis; per tela, per hostes
 Vadimus haud dubiam in mortem; mediæque tenemus
 Urbis iter. Nox atra cava circumvolat umbra. 360
 Quis cladem illius noctis, quis funera fando
 Explicet, aut possit lacrimis æquare labores?
 Urbs antiqua ruit, multos dominata per annos;
 Plurima perque vias sternuntur inertia passim

356 in deest fragm. Moret. et uni Leidensi. 359 in mortem haud dubiam Oudart. et Leid. un. 360 Nox a.—umbra. Hæc assuta esse et versum imperfectum reliquiasse Virgilium, credebatur Ortius ap. Burm. At optimo poeta hoc hemistichium admodum dignum videtur. Nisi quod atra redit post 356. 361 funera alter Mentel. vulnera Sprot., perpetua variatione. talia Dorvill. ex hujus libri initio. 362 lacrimis possit Ven. per lacrimas Dorvill. e glossa. possit aninis aquare ed. Ven. lacrimis expleve Sprot. pro var. lect. Porro labores, πόνους, mala; at dolores pr. Hamb., perpetua aberratione. dolorem nonnulli codd. apud Macrob. V, 1. Tandem lacrimas aquare dolori Uratish., quod sane et ipsum dicitur, sed vulgaris; et forte natum e glossa: Nam etiam Pompon. interpretatur: laboribus aquare lacrimas. 363 fuit Hugon. durata Goth. alter, ex compendio scripturæ orto vitio.

οἱ δὲ, λύκοι ὥς, Θύνων. inde et alii, ut Apollon. II, 123 sqq. ὑπὲρ raptores ex epitheto οἶνται Iliad. II, 353 natum videtur. et II, 56 λύκοι ὥς, Ὀμοφαίγοι. item Odys. Z, 133 de leone: κείσεται δὲ ἐ γαστήρ Μήλων πειρήσονται—ἐλθεῖν. Propius tamen est: λύκοι ἀρπαιγῆρες. Etiam ap. Quintum sunt ἀγίσται ἀναιδέες μήλων. 356. quos improba (magna) ventris Exegit (egit, quia prodeunt ex latebris) cæcos rabies; quantum ornatus! ut etiam reliqua: atra in nebula, ex observatione sagacitatis in talibus animantibus. Sic Apollon. a Burmanno laudatus II, 124 ἡματι χειμαρὶν lupos prædari facit, et Homerus Βάρ ῥ' ἴμεν, ὥστε λείοντε δύο διὰ νόστα μέλαιναν Ἀμφόνον, ἀνέκνας, διὰ τ' ἴντα καὶ μέλαν αἶμα (per tela, per hostes) Iliad. K, 297. 298. Comparatio autem tantum ad impetum et rabiem irruentium referenda; nil amplius, ne cum Trappio hæreas.

359. Vadimus, impetum et furem notare verbum notat Burm. Saltem tali in contexto, puta. Ita et ire et ἐλθεῖν et alia. 360. Nox circumvolat, quippe alata: inf. VIII, 396, at Somnus, Somnia. v. ad Tibull. II, 1, 89. cava umbra, quatenus ipsi ea circumdantur, quasi tecti; puto equidem.

361. Odys. Γ, 114 τίς κεν ἐκείνα Πάντα γε μυθήσαιο καταβηγῶν ἀνθρώπων; imitatus Silius V, 421 sqq. et II, 650 sqq. ubi plura in Sargunto eversa ex altero Æneidis libro petita sunt; Sic illa mox 363, quæ inter eximia loca equidem ponere soleo, Urbs antiqua ruit, belle translata sunt ibid. v. 654 sqq.

364. Inertia corpora, possunt esse sine vita et motu, si modo sternuntur est, strata sunt, jacent; verum sternuntur corpora inertia, inertium hominum, malim accipere de imbellibus, senum, infantum, feminarum.

Corpora, perque domos, et religiosa deorum 365
 Limina. Nec soli pœnas dant sanguine Teucri :
 Quondam etiam victis redit in præcordia virtus ;
 Victoresque cadunt Danai. Crudelis ubique
 Luctus, ubique pavor, et plurima mortis imago.

Primus se, Danaûm magna comitante caterva, 370
 Androgeus offert nobis, socia agmina credens
 Inscius ; atque ultro verbis compellat amicis :
 Festinate, viri, nam quæ tam sera moratur
 Segnities ? alii rapiunt incensa feruntque
 Pergama : vos celsis nunc primum a navibus itis ? 375
 Dixit ; et extemplo (neque enim responsa dabantur
 Fida satis) sensit, medios delapsus in hostes.
 Obstupuit, retroque pedem cum voce repressit.

365 domus duo Heins. perque vias et religiosa d. omissis mediis Voss, unus. 366 dant pœnas qu. Moret. 367 Legitur et quadam teste Ge. Fabricio, Sed vulgatam etiam grammatici firmant. 369 noctis imago aliquot ap. Pier. 370 Primus sed Rottend. magna Danaum Dorvill. 371 Androgeus rescripsit Heins. post Pieriam cum libris potioribus. Vulgo Androgeos. v. Heins. se offert alii ap. Pier. offert Hugen. 372 affatur Bigot. 373 tam lenta Witt., sed in marg. sera. 375 nunc deest Menag. a deest Parrhas. et Goth. tert. nunc primum celsis a navibus Exc. Burm. vos nunc a navibus Lutat. ad Stat. VII Theb. 229. a puppibus Hamb. sec. In fine versus interrogationem addunt duo Heinsiani. 376 neque jam Bigot. 377 delapsus meliores, ut Medic. Gud. a m. pr. Moret, pr., item alii ap. Pier., vulgares dilapsus. Apud Priscian. XVIII illapsus, qui interpretatur, se illapsum esse. Sed hoc prosaico propius. ad hostis etiam nonnulli apud Pierium. 378 retorsit pr. Hamb. pro var. lect.

Bene hactenus Serv. et Pompon. exponunt : " non repugnantia " ut *inertia pecora* inf. IV, 158. Mox *pœnas dant* pro cæduntur, moriuntur, ut Serv. bene. 367. Sententia eadem, aliter tamen expressa, Iliad E, 480. 481. Petiit hinc Tacitus in Agric. 37. de Britannis fugientibus : *et aliquando etiam victis ira virtusque*. 368. 369. *Crudelis luctus*, ut *sævus dolor*, qui in nos sævit. *plurima mortis imago*, h. e. *ubique cædes facta cernitur* ; passim cæsorum cadavera projecta. Magis hoc accommodatum antecedentibus, quam varias cædis formas et genera intelligere.

370. *Androgeus* alibi non occurrit in Troicis. Pomponius Sabinus : *miles Mnesthei, ducis Athenarum* ; nescio unde habeat. Diversus est Minois filius VI, 20. 373. *nam quæ*, quæ tandem v. ad Ge. IV, 445. 374. *Rapiunt feruntque*, ἄγουσι καὶ φέρουσι, ut notum. v. vel Cerda. Quænam segnities tam sera, quæ scros facit, id est, tardos. Serv.

376. *Responsa non fida satis*, quibus fides haberi non potest, quæ fidem non faciunt, adeoque suspecta. Respexit versus Statius II Theb. 535—537. *sensit delapsus*, ἤσθητο ἐμπεσών, ut notum, ad formam græ-

Improvisum aspris veluti qui sentibus anguem
 Pressit humi nitens, trepidusque repente refugit, 380
 Attollentem iras, et cærule colla tumentem :
 Haud secus Androgeus visu tremefactus abibat.
 Irruimus, densis et circumfundimur armis ;
 Ignarosque loci passim et formidine captos
 Sternimus. Adspirat primo fortuna labori. 385
 Atque hic successu exultans animisque Corœbus,
 O socii, qua prima, inquit, fortuna salutis
 Monstrat iter, quaque ostendit se dextra, sequamur.
 Mutemus clipeos, Danaûmque insignia nobis
 Aptemus : Dolus, an virtus, quis in hoste requirat ? 390

379 *improvisam* Hug. v. sup. v. 203. *qui in sentibus* Menag. pr. *anguem* alter Rottend. 380 *gradiens* trep. Parrhas. ex interpr. *nitens pedibus* trep. Wittian. 381 *colla moventem* Oudart. 382 Post versum 378 abesse poterat alter hic. Eum otiosum esse, sensit quoque Jo. Schrader : sed idem bene observavit similitudinem Homericæ loci, ex quo hæc expressa diximus : Iliad. Γ, 31 *κατεπλέγε* etc. et 36 *ἀνδρῶν* etc. 383 *circumfundimus* multi ap. Pierium et Heins., quem v. ; Gud. a m. pr. *circumfundimus*. 384 et passim Ven. et Goth. sec. 386 *successu exultans* Heins. e libris post Pierium. Vulgo *exultans successu*. 387 *quæ prima* aliquot. *quam* Rottend. sec. et Gud. a m. pr., addita intp. in *quam* partem. Rottend. tert. *qua primum*, non male, quod *prima* Leid. a m. pr. At *qua* recte. Inf. VI, 95. 96 *tu contra audentior ito*, *Qua tua te fortuna sinet*. 388 *qua se ostendit* sec. Hamb. *se abest* a Zulich. et Goth. tert. *sed* alter. *ostendit se dextra* fragin. Moret. et ejusdem codex quartus. 389 *mutamus* Gud. a pr. m. *mittimus* Deg. cyclopes Goth. pr. 390 *quis ab hoste* aliquot Pier. *requirit* nonnulli apud eand. *requirit* Hug. et Goth. alt. et apud Macrob. V, 16. *revisat* alter Hamb.

cam, intellexit se in hostem incidisse.

379—381. Comparatio ab Homero petita, sed variata Iliad. Γ, 33 sqq. Hinc alii certatim. Propius ad Homerum Juv. I, 43 noto versu : *Palleat ; ut nudis pressit qui calcibus anguem. humi nitens*, pedem figens, *attollentem iras*, h. e. caput iratum, adeoque simpliciter, erigentem se vel caput præ ira et rabie. III Georg. 421 *tollentemque minas et sibila colla tumentem*.

388. *Qua ostendit se dextra* : fortuna se *dextram*, faventem ac propitiam, ostendit, quod VI, 96 *qua tua te fortuna sinet*. 389. *Insignia* vel de clipeorum insignibus ac sculptu-

ris vel de galeis et crista ; Poetica tamen ratione ipsi clipei sunt *insignia*, quatenus Danaï his ipsis insigniuntur, ut mox clipei *insigne* ; vel, ut malim, omnino arma, quibus Trojani a Græcis dignosci poterant. Illud tamen verum est, in tragicis, forte et in cyclicis, Achivorum et Trojanorum clipeos insignia habere : et ex tragicorum usu dictum esse 392 *clipei insigne*, pro clipeo, qui insigne habet. De mutatione autem clipeorum cf. Paus. IV, 28 f. Potuit subnasci poetæ animo commentum Hectoris exemplo, qui ademptis Patroclo cæso armis indutus in pugnam prodit : P, 186 sqq. 390. *Dolus, an vir-*

Arma dabunt ipsi. Sic fatus, deinde comantem
 Androgei galeam clipeique insigne decorum
 Induitur, laterique Argivum accommodat ensem.
 Hoc Rhipeus, hoc ipse Dymas, omnisque juvenus
 Læta facit; spoliis se quisque recentibus armat. 395
 Vadimus immixti Danaïs haud numine nostro,
 Multaque per cæcam congressi prælia noctem
 Conserimus; multos Danaûm demittimus Orco.
 Diffugiunt alii ad naves, et litora cursu
 Fida petunt: pars ingentem formidine turpi 400
 Scandunt rursus equum, et nota conduntur in alvo.
 Heu nihil invititis fas quenquam fidere divis!
 Ecce trahebatur passis Priameïa virgo

391 *Arma? dabunt ipsi.* Ita Servius distinguit; minus bene, *dabunt hostes* Bigot. *dabunt* int. dictum pro *dent*, ministrent. *clade* pro *deinde* Goth. sec. 392 *Androgeo* nonnulli ap. Pierium et Dorvill., ex interpolatione, ut inf. 425 *Peneleo*. cf. VI, 20. *clipecte* i. *decori* sunt qui legant ap. Pierium, et sic Goth. tert. 395 *armant* Gud. 396 non n. n. Witt. *nomine nostro* Gud. a m. pr. vel *omine bono* Zulich., ex interpr. 397 *per totamque* ed. Ven. *lumina* pro *prælia* Menag. pr. 398 *Dinittimus* Medic. e. ceteris fere omnibus. cf. Heins. etiam Goth. dno, at tertius *committimus*, *demissimus* Leid. ut IX, 527. Ex *Ἀἰδὶ πρὸς ἑλ.* 399 *defugiunt* Sprot. et Menag. 401 *Scandere* Moret., bene, nisi conduntur sequeretur. v. Burm. 402 *quicquam* Wall. *quamquam* Bigot. *quenquam confidere* ed. Ven. 403 *sparsis tres cum* ed. Ven. *parsis* et a m. sec. *sparsis* Goth. tert. *virgo P. sparsis* Wall. a m. sec.

tus sit, adhibeatur. Mox *comantem galeam* ἡππορικὴν—et clipeum induitur, loro super humeros injecto et inserta manu ansæ, ὀχάνῳ. ut ἐνεδύσατο. ἐνδύει. cf. inf. 671. 672.

395 *Spoliis recentibus*, exquisitis quam, novis, aliis, quam quæ habuerant, armis. 396. *Haud numine nostro*, h. e. averso, nobis non propitio. at *si*—*Audiat aversa non meus aure deus* Tibull. III, 3, 28, ubi v. not. et h. l. Cerdæ. mox 402 *invitis divis*. ἀέκητι θεῶν. Nimis acute cum aliis apud Servium Pomponius: "quia ferēbant Minervam, Græcorum numen, in clipeis, non Neptunum Trojanorum insigne." 397. *nox cæca*, in qua nihil cerni potest, ut jam

supra, et sæpe. 401. *Scandunt rursus equum*. Forte dictum nolis a poeta; nimis enim portentosum hoc; et abhorrens a fama virtutis Aehivorum; etsi *formidine turpi* adjectit. Certe sensum meum offendit heroico carmine. Vidit hoc elegantissimus, dum viveret, Holdsworthius. 402. *fidere* absolute pro *audere*; nimium rebus confidere.

403—406. Vim Cassandræ ab Ajace Oilei f. coram Pallade illatam esse vulgo memorant. Ita *trahi* potest doctius dictum videri. Potest tamen poeta simpliciter declarare voluisse, eam captivam vi abductam fuisse. Rem disertius expositam rejeci in Excursum X* ad v. 403. Te-

Crinibus a templo Cassandra adytisque Minervæ,
 Ad cælum tendens ardentia lumina frustra : 405
 Lumina ; nam teneras arcebant vincula palmas.
 Non tulit hanc speciem furiata mente Coræbus,
 Et sese medium injecit periturus in agmen.
 Consequimur cuncti, et densis incurrimus armis.
 Hic primum ex alto delubri culmine telis 410
 Nostrorum obruimur, oriturque miserrima cædes,
 Armorum facie et Graiarum errore jubarum.
 Tum Danai, gemitu atque ereptæ virginis ira,
 Undique collecti invadunt ; acerrimus Ajax,
 Et gemini Atridæ, Dolopumque exercitus omnis. 415
 Adversi rupto ceu quondam turbine venti
 Configunt, Zephyrusque, Notusque, et lætus Eois

405. 406 Tidem versus in Ciri 402. 403 occurrunt. Versus 406 *Lumina nam t.* pro Virgillii epica gravitate paullo levior nimisque ingeniosus videri potest. Jac. Bryant V. C. eum sublatum esse volebat ; revocatus tamen mox ea ratione, quod auctor Ciris eum versum jam legere debuit, quia illum ex Virgilio transtulit. *jam t.* Bigot. *geminas* Moret. sec. 408 jecit Ven. et Parrhas. cum Goth. tert. v. Burm. *medium mittit* Witt. *periturus* Heins. post Pierium e melioribus. Vulgo *moriturus*, sollenni permutatione. v. Burm. 409 *concurrimus* alter Hamb. 411 *Obruimur nostrorum* idem. 412 *horrore* Witt., ut sup. 301 ; idem *tubarum* a m. pr., ut et alibi. 414 *vadunt* ed. Ven., vide sup. 359. 415 *Dolopumque* scripti et edd. multi. 416 *diversi magno* Macrob. VI, 2, sed vulgatam idem alibi et Lutat. ad Statium agnoscent. v. Burm. *adverso rapti* Witt. *quondam rupte ceu* alter Hamburg. 417 *confugiunt* Goth. tert. a m. sec. ; forte cum *traxisset* *configunt*. *Zephyrique* Rottend. sec. *notus Eois* pr. Hamburg.

nendum autem est, eam ad templum Minervæ confugisse, supplicem deæ factam, *ἱκετεύουσαν*. *arcebant*, anti-que, continebant, coercerant, *εἰργον*. Versus 405 præclarus est : at 406 *Lumina, nam t.* Ovidiano lusui prop-ter est ; Ovidius tamen castior nunc ipso Virgilio, Met. XIII, 410. 411 *trastata comis antistita Phæbi* Non *profeturas* tendebat ad æthera palmas. At Maroni præiverat Eurip. Androm. 573. 4. 5. *χρῆσι δ' οὐκ ἔστι μοι* etc. 408, *Densis armis*, vel ipsi densis ordinibus, denso agmine, vel irrui-mus in hostium densum agmen, cf. 1. 283.

410. *Delubrum* int. Minervæ, ex quo Cassandra erat abducta. cf. v. 425. Erat autem illud in acropoli ; ad hanc igitur jam pervenerat Æ-neas, mediam per urbem v. 359. 412. Quod arma, quæ induerant, Græca erant, et cristæ Græcæ. 413. *Gemitu*, h. e. dolore, *atque ira ereptæ virginis*, propter Cassandram sibi a Coræbo ceterisque ereptam, *invadunt undique, collecti*. Ajax est idem ille, qui Cassandram abduxerat, Oilei f. Mox *gemini Atridæ*, *δισσοὶ Ἀρπείδαι* ap. Eurip. *Dolopes* v. sup. II, 7.

417—419. Ad Homeri ductum Iliad. I, 4—7 et Ennii ex Annual.

Eurus equis : stridunt silvæ, sævitque tridenti
 Spumeus atque imo Nereus ciet æquora fundo.
 Illi etiam, si quos obscura nocte per umbram 420
 Fudimus insidiis, totaque agitavimus urbe,
 Apparent; primi clipeos mentitaque tela
 Agnoscunt, atque ora sono discordia signant.
 Illicet obruimur numero. Primusque Coræbus
 Penelei dextra, divæ armipotentis ad aram, 425

418 *aquis* Ge. Fabric. emendare volebat; et sic in uno Leid. superscriptum. Male. v. not. *strident* aliquot; sed *stridunt* etiam Probus agnoscit ap. Heins. 419 *ponto* Menag. sec. 420 *obscuram* Menag. sec. *per umbras* pr. Hamb. *sub umbram* aliquot Pieriani, et Leid. 421 *Fundimus* Gud. a m. pr. et quinque Heins. cum binis Barma., quibus adde duo Goth. *totamque a. urbem* Longob. Pierii. *agitamus in urbe* sec. Hamb. 422 *apparent primi*: alii distinguunt apud Pier. et *apparent primo* aliquot codd. ap. Heins. *clipei primos* Goth. pr. 424 *Illic* ed. Ven. *illicet fere* in libris scriptum; sed v. Pier. *illico* Goth. alt. *irruimur* Parrhas. 425 *Peneleo* Dorvill. a m. sec. Vide sup. 392. In Homero est Πηνελῶς, sed et Πηνέλαος occurrit. *Rhipheus*, Ῥίπης, non *Ripheus*, vidimus 394. 339. *Penelei* Sprot.

XVII ap. Macrob. VI, 2, sed multo ornatus et variate; porro Homerica cum arte, in comparationibus ei solenni, effectum rei attexit: *stridunt silvæ* etc. *Eurus latus Eois equis*, ad ornatum spectat. *equi*, ut ἵπποι, Homericæ usu, pro curru. Bigis vecti venti apud poetas et sculptores. Nec Ζέφυρον ἰππένυσαντα Eurip. Phœniss. 220 et *Eurum equitantem Siculas per undas* Horat. IV Carm. 4, 44 aliter accipere debebant quam de curru invectis. Commune enim hoc omnibus diis, quoniam prisco illo tempore, quo religiosæ hæ notiones primum in hominum animos venerunt, bigis vecti reges vel quadrigis, nunquam equis insidentes, conspiciantur. Itaque nemo videt equitantem Jovem et sic porro. Vana adeo Spencii ad h. l. subtilitas. *latus* autem, ut superbus, gestiens, ἀγαλλόμενος, pro tenui, vectus. cf. I, 690. 276 et sæpe. Ceterum Virgilium plures expresserunt. cf. Columna ad Ennium p. 114; adde inf. X, 356

sq. IV, 440 sq. Valer. Fl. I, 610 sq. *Nereo* h. l. tridens tribuitur, quod notandum. *Spumeus* h. l. spuma maris adpersus, spumoso. *sævit tridenti*, eleganter, ut alias *flagris*, *verbere*, infert tridentem mari, ad impellendum illud et fluctus excitandos.

420—423. *Illi etiam*, v. sup. 370. 383 sq. *mentita tela*, falsa arma, quæ nos Græcos esse mentiebantur, ut Serv. Mox 423 *signant* h. l. agnoscunt. Sic *notare* etiam vulgari sermone, et σημειῶσθαι, τεκμαίρεσθαι. Porro *ora sono discordia*, ad poeticæ orationis genium pro, observant discordiam et discrepantiam sermonis; quippe qui Trojani essent.

424—430. *Divæ a. ad aram*, non tam in ipso templo Minervæ sup. 403, e quo abstracta illa erat, quam potius ante templum in προῶν vel in περιβόλῳ, ut et expressum vides in Tab. Iliaca n. 104. cf. Excurs. X. *Peneleus* hic alius esse debet, quam Homericus Bæotorum dux: nam is ab Eurypylo erat occisus, Telephi

Procumbit; cadit et Rhipeus, justissimus unus
 Qui fuit in Teucris et servantissimus æqui:
 Dis aliter visum: pereunt Hypanisque Dymasque
 Confixi a sociis; nec te tua plurimæ, Panthu,
 Labentem pietas nec Apollinis infula texit. 430
 Iliaci cineres, et flamma extrema meorum,
 Testor, in occasu vestro nec tela nec ullas
 Vitavisse vices Danaûm; et, si fata fuissent,
 Ut caderem, meruisse manu. Divellimur inde:
 Iphitus et Pelias mecum: quorum Iphitus ævo 435

426 *procubuit* Caris. lib. I Inst. Grammat. et Macrob. IV Sat. 3, cum Dorvill. a m. sec. 428 *visum est* aliquot. Burm., quem v. ad Lucan. II, 5. 429 *Confossi* Uratist. a deest Montalb., qui et a m. sec. *confisi. ab sociis* Exc. Burm. Pantheu Wall. Phantu Goth. alt. v. sup. 319. 430 *neque* A. Gud. c. binis aliis. 432 *nostro* Uratist. in hoc casu nostro Goth., non infelici lapsu. 433 *manus pro vices* pr. Hamb. si fata dedissent Leid. tert. tulissent Bigot. et Zalich. pro var. lect., quod verum putat Burm., quoniam proprie ita dici solet. Ita vero quid facias sup. v. 54 si fata deum, si mens non levis fuisset. 434 *mea pro manu* Sprot. 435 *Yphitus, Iphytus, Ephitus, Hyphitus, Iphicus*, in libb.

ilio: Pausan. IX, 5 f. Dictys IV, 17. (Eurypylum Antenoris filium memorat Pomponius ad h. l.; non video quo auctore: et est is alienus ab h. l.) *cadit et Rhipeus, justissimus unus omnium—et servantissimus æqui*, qui adeo cadere non debuisset, communi hominum iudicio: sed diis aliter visum, de causis et rationibus, quæ nos homines latent. Copiose de h. l. agit Burm. Landant etiam Homericum Odys. A, 234 Νῦν δ' ἐρέπως ἰβάλοντο θεοὶ κακὰ μητιώοντες.

431—434. Quanto cum affectu, egregia orationis inflexione, se incolamem abiisse narrat! cf. Senecæ Troad. 28 sqq. Potest dubitari Iliaci cineres et flamma extrema meorum cinere de rogo, an de incendio urbis accipienda. Iliaci cineres ex loquendi usum ad Ilium in cineres versum ducunt: tum: et vos, o mei, quibus incendium urbis pro rogo fuit. in occasu vestro, sup. I, 238 occasum Tro-

jæ tristesque ruinas. Est tamen usui magis consentaneum, *flamam extremam meorum* de rogo et funere, seu morte, accipere; Est quoque solenne, *jurare et obtestari per cineres, rogam, flammam, carissimorum*. Testatur igitur funus patriæ et funera suorum. Argutius enim quam par est foret, *jungere: cineres et flamma meorum*, epitheto adjecto Iliaci, quia Trojani erant aut cum Troja occubuerant. *vices* fortunæ, casus, et quidem h. l. pugnae: quæ, ut vidimus, modo secunda, modo adversa fuerat. Recte adeo Servius omnino per *pugnæ* interpretatur. *manu meruisse* pugna, virtute, strage, quam inter hostes edebat. Ita Serv. id est fortiter dimicasse; hi enim merentur occidi. Centies autem *manus pro pugna*. Pompon. "*meruisse, dimicasse; idem est merere, pugnare, dimicare.*" Respexit scil. stipendia. Junxere alii manu ut caderem. Ita erit inter-

Jam gravior, Pelias et vulnere tardus Ulixi:
Protinus ad sedes Priami clamore vocati.

Hic vero ingentem pugnam, ceu cetera nusquam
Bella forent, nulli tota morerentur in urbe, 439
Sic Martem indomitum, Danaosque ad tecta ruentes
Cernimus, obsessumque acta testudine limen.
Hærent parietibus scalæ, postesque sub ipsos

436 *Pelia et v. Barth. codex ad Stat. XI Theb. 310. et abest etiam a Parrhas. ; Burm. conj. Pelias ex vulnere t. U. Ulixi Heins. e libris potioribus, ut et expressum ap. Gell. IX, 12. vulgo Ulyssi. alii Ulixis, Ulixei. v. Heins. Versus 435 et 436 Quintil. Inst. IX, 3, 35 laudat, ut exemplum regressionis. 437 vocari Heins. conjiciebat, ut sit pro vocamur. Interpungebat adeo plene post Ulixi. Heumannus, probante Barmanno distinguebat: Divellimur inde, I. et P. mecum (quorum—Ulyssi) Protinus ad sedes P. c. vocati. Possit sententia usque ad Cernimus continuari, ut sit: Ulixi, Protinus—vocati, Hic vero—Cernimus. Sed neutro opus. Jungenda sunt: divellimur inde: Iphitus et Pelias mecum (sc. divelluntur a ceteris), clamore vocati protinus, alio hinc, ad sedes Priami. Dum alii discurrant, hi tres ad arcem pergunt. 440 Hic M. tres Heins. cum Zulich. a m. sec. Male puto. ad bella Exo. Cortiana Saxii. que non male abest a Goth. tert. 441 alta Hamburg. pr. Bigot. et Zulich. Parrhasias in marg. scripserat atra (f. pro arta, ut in Silio mox laudando nonnulli legunt), perperam; sed et, atra superscripto, acta fragm. Vatie. Testudo proprie agi dicitur, etiam cum scutorum est. Eadem varietas ap. Silium I, 365 condensis actæ testudinis armis.*

pungendum: vitavisse vices; Da-
naum et,—ut caderem, meruisse, ma-
nu. si fata f. cf. sup. 54. 436. Gell.
IX, 12 laudato loco: quum diceret
vulnus, non quod accepisset Ulyxes, sed
quod dedisset. Sunt autem hic Iphitus
et Pelias diversa ab iis, quos Home-
rus memorat. Jung. Iphitus et Pe-
lias vocati.

438—558. Sequitur narratio de
pugna in Pergamo acropoli ad Pri-
ami domum facta, domus expugna-
tione et Priami cæde. Ceu nulla prius
lamenta, nec atri Manassent imbres
Statius III Theb. 122, monente Bur-
manno.

441. Haud facile est speciem loco-
rum assequi, qualem poeta apud ani-
mum suum finxerit. Puta ad ipsum
ædium Priami aditum fuisse, e more
veterum, turrim eductam, quam 460
nominat, inque ea ipsam portam,
qua intraretur domus; turris hæc

oppugnatur, et a Trojanis desuper
propugnatur. Aditum appellat nunc
limen. Acta testudine scutorum haud
dubie; *συνασπισμῶν*. nimis enim alie-
næ forent ab illa ætate machinæ bel-
licæ. Præiverant antiquiores poetæ
græci, ut colligas ex Quinto Cal. XI,
357 sqq., ubi simili modo oppugnan-
tur moenia Trojæ (cf. mox 443. 444).
Mox hærent, in prosa, admotæ sunt.

442. Postesque sub ipsos Nituntur
gradibus. Cum scalæ memoratæ sint;
gradus vix alii esse possunt quam
scalarum; per quos nituntur, enitun-
tur, postes sub ipsos, simpliciter, in
foribus ædium. Fastigia pro ipso
tecto dicta esse possunt; aut pro
turris summa parte. ita *ἐπ' ἄλγεος* ut
murorum, sic turrium, sunt. alioqui
erant fastigia in templis et palatiis
in fronte ædium. Voluit poeta cu-
mulare uno in loco plures pugnae
species, obijciunt sinistris clipeos ad

Nituntur gradibus, clipeosque ad tela sinistris
 Protecti obijciunt; prensant fastigia dextris.
 Dardanidæ contra turres ac tecta domorum 445
 Culmina convellunt: his se, quando ultima cernunt,
 Extrema jam in morte parant defendere telis;
 Auratasque trabes, veterum decora alta parentum,
 Devolvunt; alii strictis mucronibus imas
 Obsedere fores: has servant agmine denso. 450
 Instaurati animi, regis succurrere tectis,
 Auxilioque levare viros, vimque addere victis.
 Limen erat, cæcæque fores, et pervius usus

443 *ac tela* Med. Gud. cum aliis apud Heins. et Pier.; it. Goth. pr., quod pravam est. Etiam in Servianis occurrit cum altera lectione, *ad tecta* nonnulli Pieriani, cum fragm. Vatic. superscripto *tecta*. que abest post *clipeos* in tert. Moret. *clipeisque* Hugen.; unde Heins. conj. *clipeisque ad tela sinistras* P. o. 444 *pressant* duo, et *prensant* alter Menag., solita aberratione. *dextris f. prensant* tres ap. Barm. 445 *e contra* pr. Moret., male. v. Barm. *turres* et aliquot Pier. *tota domorum* post Medic. Pierii, Moret. tert. et Hamb. sec. pro var. lect. et idem cum altera lectione in Servianis laudatur. *tuta d.* Moret. qu. Sunt et viri docti, qui *Culmine* legunt, h. e. a culmine, ut v. 603, sed v. not. 446 *hi* Sprot. et ed. Ven. *hisce et q.* Parrhas. et Goth. tert. a m. pr. Ceterum quorsum parenthesis hoc et sequ. versu faceret, non videbam: itaque eam sustuli. 447 *in* abest a magna librorum parte, ut fere alibi; sed est in fragm. Vatic. et al. *parent* Parrhas. 448 *Auratasque trabes* antiqui codd. apud Pierium, quod recte h. l. rejicit. *aeratasque* Hamburg. pr. pro var. lect., sed v. Barm. *alta* in duobus aut tribus antiquis omissum viderat Huins. et in Gudiano erasum; Pierius autem in nonnullis: *decora illa*; hoc et fragm. Vatic. habet, superscripto *alta*; quod defendi possit, et *decora ampla* ed. Ven. sed *decora alta* verum esse, vel ex Statii imitatione apparet V Theb. 422. 423. Adde sup. lib. I, 429 *columnas—scenis decora alta futuris*. 449 *fractis* Hamb. pr. *unas* duo ap. Barm. cum aliquot Pierianis, perpetuo vitio. 450 *Obsidere* pr. Moret. cum fragm. Vatic. Vide ad IV Georg. 436: sup. 332, et al. *quas servant* Menag. pr. *asserunt* Leid. unus a m. pr. *adservant* in Servianis. *ordine longo* Bigot., memoria lapsu, ex aliis locis. 451 *animis* pr. Moret. Montalb. sec. Rottend. et Witt. Nec displicet, ut *succurrere* infinitivus historicus sit. Vulgatam etiam fragm. Vatic. habet et Pompon. Sab. interpretatur. 452 *viros levare* Wall., male. et *vim* Menag. pr. *vimque addere victi* conj. Heins. (scilicet, si *addere* pro finito modo positum est). a. tectis Bigot. et Wall. a m. sec. 453 *decius* Goth. tert. a m. sec.

tela protecti, ut adversus tela superne missa protegerent se.

445. *Culmina domorum tecta*, docte pro ipso tecto iisque rebus, quibus superior domus pars tegitur, h. e. tegulis. *tecta penetralia* eodem modo I Georg. 379. Etiam *turres* pro eodem lectio dicit, quia altum est. Agitur autem de una Priami domo: cui magnificentiorum speciem adjecit, quam quæ apud Homerum erat, 449.

Videntur hi stetisse intra fores. cf. inf. 484. 485.

451. Hoc ipso rerum aspectu renovatam in Ænea consilium ac propositum, quod jam pridem ceperat, (v. 315 *concurrere in arcem*), ut regiæ Priamoque succurreret.

453—458. Cum aditus ad regiæ obsideretur ab hostibus, postica porta eam intrat Æneas et a tergo pervenit ad portam regiæ, qua parte

Tectorum inter se Priami, postesque relictī
 A tergo : infelix qua se, dum regna manebant, 455
 Sæpius Andromache ferre incommitata solebat
 Ad soceros, et avo puerum Astyanacta trahebat.
 Evado ad summi fastigia culminis : unde
 Tela manu miseri jactabant irrita Teucri.
 Turrim, in præcipiti stantem, summisque sub astra 460
 Eductam tectis, unde omnis Troja videri,
 Et Danaûm solitæ naves, et Achaïa castra,
 Aggressi ferro circum, qua summa labantes
 Juncturas tabulata dabant, convellimus altis

455 *quo* duo Burm. cum Goth. pr. *qua se infelix* Menag. pr. *tum r.* aliqui in Serv. 456 *Andromacha* alter Menag. 457 *Astyanacta* Wall. *Asianacta* alii. Totus versus deerat Goth. pr. 458 *ad* omittit Eograph. in Eunuch. Terent., sane elegantius; sed scriptis contra dicentibus; præter Goth. pr.: Guiet. conj. *Evado hac s. f.*, quod et Servius supplet. *inde* Sprot. 459 *jactabant undique* Excerpta Burm. *inertia a m.* pr. fragm. Vatic. 460 *turrem* Carisias lib. I Inst. Gramm. agnoscit. At Gellius XIII, 19 Valerium Probum *turrim* legisse testis est; nec aliter scripti. v. Pierium, Heins. et Erythr. Ind. h. v. 461 *inde* Sprot. 462 *Achaia*, forma poetæ sollemnior, Heins. tantum in recentioribus repererat; at accedentibus Franc. Witt. Parrhas. ed. Ven. et Dorrill., quibus addendi nonnulli codd. Pierii, et primo omnium loco fragm. Vatic. p. 171, reposuit Burmannus. Vulgo *Achaica*. Totus versus deerat Goth. tert. 463 *circum ferro* Parrhas. *quæ* Gud. a m. pr. *labentes* duo Burm. cum binis Goth. 464 *imis* Hugen. pro var. lect., ex interpretatione. In hoc et sequ. versu distinctionem mutavi. Nam sententia non absolvitur nisi post *impulimusque*.

versus aditum a fronte domus pugnatur. Illa porta postica cum ornatu, quem tam vulgaris res vix videbatur capere posse, designatur per quatuor determinationes: est *limen*, sunt *cæcæ*, h. e. ignotæ aliis nec cognitu faciles et obviæ, *fores*—*pervius usus tectorum Priami inter se*, h. e. qua com-
 meare et convenire se invicem com-
 mode poterant, qui inhabitabant regiam; h. e. familia regia per plures domos, ut apud Homerum est, vel palatii partes dispersa. *postes relictī a tergo*, h. e. porta, quæ a tergo erat, opposita illi, quæ est in ædium fronte. *ad soceros*, Priamum et Hecubam,—*trahebat*, accommodatum brevibus pueri gressibus; pro ducebat. Sic

sup. v. 320 *parvumque nepotem Ipse trahit. evado*, sc. hac porta ingressus regiam. 458. *Evado ad summi fastigia culminis* 441. 445. tecti in ipso domus aditu ac foribus.

460—467. *In præcipiti*, turrim in editiore loco positam, eandemque altissimam, hanc, sive ipse adscenderat, et culmen in hostem dejecit, sive e vicinis locis, ut equidem arbitror, ferreis uncis et contis quassatam et labefactatam *altis sedibus*, e fundamentis, tandem in obsidentes dejiciunt. *qua summa tabulata dabant juncturas labantes*. Scilicet turres habebantur quatuor et plurium tabulatorum adeoque et *contignatio-*
num; quarum tigna vel trabes capi-

Sedibus, impulimusque ; Ea lapsa, repente ruinam 465
 Cum sonitu trahit, et Danaûm super agmina late
 Incidit. Ast alii subeunt ; Nec saxa, nec ullum
 Telorum interea cessat genus.
 Vestibulum ante ipsum primoque in limine Pyrrhus
 Exultat, telis et luce coruscus aëna. 470
 Qualis, ubi in lucem coluber mala gramina pastus,

465 *que abest Franco, et ea Dorvill. Elapsa pro ea lapsa Gudianus cum nonnullis aliis sp. Heins. et Burn., nec non cum Pierianis plerisque et duobus Gothanis ; vitio tamen. ruinis Uratid.* 466 *agmine ed. Dan. Heins.* 470 *Vulgo interpungitur Exultat telis, quod mutavi. coruscat Montalb. Wall. et ed. Ven. aëna scriptum a sec. manu in perveteri exemplari Gell. II, 3 testatur.* 471 *Præstat interpungere post tegebat, ut sit: Qualis se, exultat coluber, quem tegebat. in lucem offendit post et luce versu sup. et quod otiosum est: etsi aut exultat repelas, aut ad convolvit trahas. Burmannus Homericum ἐν τοῖς χυμῶν comparans conj. e lustris, ut referatur ad: micat arduus, dubitat tamen an lustrum de serpentis cubili et latebra dicatur. Mihi videbatur ingluviem latere in corrupta lectione, quo ducere possunt mala gramina pastus et tumidum. pastus ingluviem mala gramina, paullo exquisitius, sed propter hoc ipsum forte a librariis corruptum. Georg. III, 431 de serpente chersydra: hic piscibus atram Improbis ingluviem ranisque loquacibus explet: ex quo loco etiam alia in hanc comparisonem traducta mox videbis.*

tibus suis, immissæ esse debent parietibus. Jam h. l. *summum tabulatum*, cur proprie dictum nolis, caussa idonea non est: hoc facile admittebat uncas et contos in *juneturis* suis (h. e. qua parte trabes insertæ et fultæ erant pariete), quæ facilius cedebant et insertum uncum recipiebant, quam solidus paries ; itaque *labantes*, cedentes, laxantes se. Servius bene: *faciles ad resolutionem: et dabant juncturas*, plus quam *habebant* ; præbebant scilicet aggredientibus turrini ferro. Quibus convulsis superior turris pars in oppugnantium capita decidit. *ruinam trahit* exquisitius quam *fecit*: et solenne hoc: solutis enim juncturis et evulsis trabibus evelluntur et convelluntur reliqua, ut ruentia sequantur. *Ἐλχ'*, ἡ δ' ἔσπετο πᾶσι Iliad. M, 398, qui locus comparandus in *τειχομαχίας* narratione. Sabeant tamen alii in cæsorum locum v. 467, et interea ex posterioribus ordinibus tela e longinquo ingerun-

tur. Narratio inde in solo Neoptolemo subsistit. v. 461 *unde omnis Troja videri*: illustrant intpp. ex Iliad. N, 13, 14 ; etsi ipsa turris poetæ ex Iliad. Φ, 526 sqq. nata esse videtur, ubi Hectoris fatum ex ea prospicit Priamus cum Trojanis. Egregia autem cum arte hæc inserta sunt a poeta ad rerum faciem variandam, quod etiam Wartono observatum.

469 sqq. Expugnatur tandem regia per Neoptolemum Achilles f., qui ipsas fores erat aggressus. Nam hoc est *ante vestibulum ipsum*, h. e. januam, qua illud intratur, *primoque in limine*. Egregie autem cum representavit: *exultat*, pro pugnat. *telis et luce coruscus aëna*, h. e. armis, thorace, clipeo et galea, æreis, splendentibus ; ut sæpe apud Homerum *λαμπόμενος* simili in re. Iliad. N. 341 *ὅσσε δ' ἄμερδεν Ἀργὴ χαλκείη κορύθων ἀπὸ λαμπομενάων*.

471—475. Pyrrhus juvenili audacia exultans comparatus cum ser-

Frigida sub terra tumidum quem bruma tegebat;
 Nunc positus novus exuviis nitidusque iuventa,
 Lubrica convolvit sublato pectore terga
 Arduus ad solem, et linguis micat ore trisulcis. 475
 Una ingens Periphas, et equorum agitator Achillis
 Armiger Automedon, una omnis Scyria pubes
 Succedunt tecto, et flammæ ad culmina jactant.

Ut igitur ibi explere *ingluviem*, sic h. l. dictum est *pascere ingluviem*, fere ut alibi *pascere centrem*. Silius autem *satiare ingluviem* dixit imitatione Virgillii lib. VI, 155 *ingluviem immensi ventris gravilamque venenis Alcum deprensi satiabant fonte leones*. Malebat Valk. ad Theocr. p. 252 inter loca habere, quæ Virgilius retractaturus fuisset. Schrader. varie tentabat locum: in lucis. in silvis. ut apud Silium XVII, 449, loco ex nostro expresso, est in campis. Poterat et scriptum esse: *Qualis ubi exiit vel exultat coluber*. 472 sub terram Parrhas. v. IV Georg. 43 et Sil. VI, 150, et sæpe. *gelidum*, sed correctum, *timidum* Dorvill. 473 Tum pr. Hamburg. cum aliquot apud Burm. *compositis* alter Rottend. et Leid. a m. pr. *compositis* sec. Hamb., quod non displicebat Heinsio. Similis varietas III Georg. 437, ubi hic idem versus repetitur. 474 corpore Cod. Thuan. Macrobius V Sat. 5, perpetua variatione. *sublato pectora tergo* MS. ap. Pierium; male, Georg. III, 426 *anguis squamea convolvens sublato pectore terga*; hinc τῷ convolvit terga, qui fit sublato pectore, addi poterat ornatu: *Arduus ad solem*. 475 idem versus III Georg. 439. cf. Silius VI, 222. 223. 476 Peryphas, Peryfas, Perifas, male in libris scriptum. 477 Automedon et Syria, Schiria, Seria vitiose in libris. Automedon Pompon. Sab. omnes Medic. 478 succedunt muro Servius inf. ad v. 723, ubi et in MSS. et fastigium jactant.

pente sub vernum tempus pelle exuta e caverna prodeunte. Respexit locum Nicandri Ther. 31—34, simul tamen ad Homeri ductum, sed ornatus et cum variatione, Iliad. X, 93—95 Ὡς δὲ δράκων ἐπὶ χειρὶ ὀρέσσερος ἄνδρα μὲνησι Βεβρωκῶς κακὰ φάρμακ' (*mala, noxia et venenata, ut sæpe, gramina pastus*) ἔδν δὲ τε μιν χόλος αἰνὸς, Σμερδαλέον δὲ δέδορκεν, ἐλισσόμενος περὶ χειρὶ (*lubrica convolvit pectora*). Ὡς Ἐκτωρ—ὄνχ ὑπεχώρει. At apud Virgil. Pyrrhus non sustinet hostem sed aggreditur. Porro in lucem trahendum aut ad exultat, aut ad convolvit: utrumque parum commode: v. Var. Lect. *tumidum*, quoniam *gramina pastus*, quibus novum vigorem sibi paravit, ut apud Nicandr. 33. 34. at *gramina mala pastus*, eoque succis venenatis repletus, ex

vulgari hominum opinione. Ap. Nicandr. Ther. 285 ἐπεὶ τ' ἐκορέσσατο φορβῆς at in Homero sunt, ut modo vidimus, κακὰ φάρμακα. Expressere hunc locum certatim alii, ut Statius IV Theb. 95 sqq. Silius XVII, 448—451. XII, 6—10. VI, 155 et passim alii. Comparandus alter locus Georg. III, 437. 8. 9. iisdem fere versibus.

476—478. Occurrit Periphas apud Homerum, sed non hic; Automedontis ἱππηλάτου, aurigæ Achillis, sæpius fit mentio. Scyro, insula de Cycladibus una, copias adduxerat Pyrrhus, ab avo Lycomedæ acceptas, cujus filia, Deidamia, Pyrrhi mater ex Achille. cf. Iliad. T, 326 sqq. Odyss. A, 505 sq. Sed fabulam de Achille apud Lycomedem latente Homerus non habet. *succedunt tecto*, h. e. fores adoriuntur.

Ipse inter primos correpta dura bipenni
 Limina perrumpit, postesque a cardine vellit 480
 Æratos; jamque excisa trabe firma cavavit
 Robora, et ingentem lato dedit ore fenestram.
 Apparet domus intus, et atria longa patescunt;
 Apparent Priami et veterum penetralia regum;
 Armatosque vident stantes in limine primo. 485
 At domus interior gemitu miseroque tumultu
 Miscetur; penitusque cavæ plangoribus ædes
 Feminæ ululant; ferit aurea sidera clamor.
 Tum pavidæ tectis matres ingentibus errant,
 Amplexæque tenent postes, atque oscula figunt. 490

479 *correcta* unus Leid. 480 *prorumpit* Menag. pr. *prærumpit* Venetus. a c. *rumpit* Wall. a m. pr. 481 *auratos* pr. Hamb. *ferratos* Voss. et *jam* Menag. pr. *excissa* Oedart. *cavabat* Longob. 487 *clangoribus* quatuor ap. Burm., sollemni varietate. 490 *postes* ex Probi sententia. *postis* alii v. Pier. *postesque* et Witt. *figunt* Ven. et Leid. *aus* a m. pr., ut *sæpe* alibi.

479—482. *Ipse*, Pyrrhus, quis dubitet ex 469. 470 et 491. *dura limina*, ipsas fores e dura materia, illice, factas; *has* etiam per *postes*, et quidem ære obductos, *æratos*, intelligo, quos *vellit*, movet, labefactat, a *cardine*, e cardine ut emoveat, annititur. Nunc enim adhuc de conatu agitur. cf. 492. 493. Quintus Cal. X, 338 similibus fere verbis: "Πορῆν δὲ πύλῃσι Σιγηνίῳ Πριάμοιο Ἀθρόοι ἐγχευόμενοι ὑπ' ἀμφιτόμοις πελέκισσι Ῥῆσαι τεῖχεα μακρά, πύλας δ' ἡς οὐδας ἐρεῖσαι Θαιρῶν ἐξερίσαντες. Tandem perruptæ et perforatæ fores laxata aaserum vel tignorum coagmentatorum compage: *jamque cavavit robora firma*, fores roboreas, *excisa trabe*, assero, et *dedit*, effecit, *fenestram*, aperturam, *ingentem lato ore*, firamine, quo prospectus intra atrium efficitur: 483.

483 sqq. Ad affectum hæc magna cum arte traducta esse, jam alii post

Scaligerum viderunt. 485. *Armati* sunt, qui v. 449. 450 memorabantur.

486 sqq. *Proprie clamor, lacrimæ, gemitus miscetur*, quatenus promiscue a pluribus vel diversis fit; hinc, si quo in loco hoc factum significatur, ut h. l. in domo ipsa, *domus miscetur gemitu*, propedestri: *impletur*. Mox *cavæ* cum dilectu positum epitheton respectu habito ad sonum, *ululant* exquisitius quam *resonant*; exemplo Græcorum *βοῶν* in simili re, v. c. Eurip. Troad. 29. *Proprie ululatus* fit in ædibus cum plangoribus, qui resonant. Porro versum 486 ex Ennii Annal. II de Albæ excidio esse translatus Servius ad h. l. notat. cf. inf. XI, 213 sqq. et Livius de Alba I, 29. *Quod matres familias errant*, discurrunt, per tecta, id ex veterum moribus tanto magis ad affectum, quod thalamo inclusæ alias latebant, *osculantur postes* (cf. Ovid. Met. XIII, 412. 413), quippe ultimum vale dicturæ,

Instat vi patria Pyrrhus; nec claustra, neque ipsi
 Custodes sufferre valent. Labat ariete crebro
 Janua, et emoti procumbunt cardine postes.
 Fit via vi: rumpunt aditus, primosque trucidant
 Immissi Danaï, et late loca milite complent. 495
 Non sic, aggeribus ruptis quum spumeus amnis
 Exiit, oppositasque evicit gurgite moles,
 Fertur in arva furens cumulo, camposque per omnes
 Cum stabulis armenta trahit. Vidi ipse furentem 499
 Cæde Neoptoleum, geminosque in limine Atridas.
 Vidi Hecubam, centumque nurus, Priamumque per aras
 Sanguine fœdantem, quos ipse sacraverat, ignes.

491 neque ipsi Heins. e Medic. et aliis. Vulgo nec. 492 subferre aliquot. proferre sec. Moret. 493 emoto cardine Nonius ap. Pierium, Hamburg. et ed. Ven. Sane utrumque recte dicitur, etiam a poeta. v. exempla ap. Heins. et inf. v. 610. VI. 382; vulgatam tamen suaviorem esse puto. remoto c. Franc. ordine p. Bigot. 494 irrum-
 punt Hamburg., minus bene. rapiunt MS. Fabricii, bene, sed non h. l. 496. 497 cum
 spumeus exit Amnis et oppositas evincit Hamb. pr., a manu interpolatrice. 497 eiecit
 Ven. erupit Macrob. V, 5. trahit de g. Scheffer. ex v. 499. oppositas evincit Goth. tert.
 498 arma duo ap. Burm. tumulo ed. Ven. 499 rapit Menag. pr., ut et alibi perma-
 nentur cum trahit. parat Hamb. sec. frementem Parrhas., quod præferas post furens 498.
 500 que abest Bigot. Atrides pr. Hamb.

jamjam ab hoste abstrahendæ. Apol-
 lonium IV, 26 jam Servius huc ad-
 vocavit; et Ariosti locum egregium
 (Cant. XVII Stanza 13) Wartonus.

491—493. Vi patria. πατρίδος ἰοῦ
 καταλειμνός ἀλκίῳ Quint. Cal. XIII,
 219. sufferre, sustinere Pyrrhi impe-
 tum non potuere nec claustra, h. e.
 fores roboreæ v. 481. 482 firmitate
 sua, nec ipsi custodes, qui v. 485 et
 449. adstant foribus, pugnaturi. Bur-
 mannus mavult: sufferre se. se, sus-
 tinere se. arietem nolim accipere pro-
 prie; quippe quod inventum Troja-
 nis temporibus serius est. cf. ad 441.
 Sed de arietatione et pulsatione ac
 concussionem forium ad arietis instar.
 494. Rumpunt aditus, faciunt sibi
 aditum; at quanto potentius illud!

Tandem fores emotæ sunt, irruunt
 Achivi.

496—499. Irruunt, fluminis instar
 exundantis, rupto aggere. v. sup. ad
 305, ubi hujus comparisonis semina
 in locis Homericis et Lucret.: sed
 ornatiùs omnia Virgilius suoque
 more. Expende singula. fertur cu-
 mulo aqua cumulata. v. sup. 105 in-
 sequitur cumulo præruptus aquæ mons.
 499. 500. Καὶ τὸν φερούργον Πρί-
 αμον—τοῖσδε δ' εἶλον ὕμματα Ἀί-
 ρῃ κατασφάγόντ' ἐφ' ἑκείῳ πυρὶ Eur-
 rip. Troad. 481 sqq. 501. Centum nu-
 rus latius dictum, quinquaginta enim
 erant filie, totidem filiorum uxores
 seu nurus. 502. In toto loco ante
 oculos Euniā illa apud Cicer. Tusc.
 Qu. I, 35 ex Andromacha: O pater!

Quinquaginta illi thalami, spes tanta nepotum,
 Barbarico postes auro spoliisque superbi,
 Procubuere. Tenent Danaï, qua deficit ignis. 505
 Forsitan et, Priami fuerint quæ fata, requiras.
 Urbis uti captæ casum, convulsaque vidit
 Limina tectorum, et medium in penetralibus hostem :
 Arma diu senior desueta trementibus ævo
 Circumdat nequidquam humeris, et inutile ferrum 510
 Cingitur, ac densos fertur moriturus in hostes.

503 Q. intus th. Goth. pr., non male. *spes illa* legunt nonnulli apud Pieriam, et sic edit. Jamt. *spes* quanta unus Pierii, ab interpolatore. *ampla* Medic. Pierii, Gud. ed. Ven. cum Goth. sec. alta Scheffer. 506 fuerint Priami Oudart. fuerunt Franc. a m. pr. requiris tres Barm. requiras Witt. Voss. et Carisius Grammat. 507 uti Heins. reputat e Mediceo aliisque melioribus. Vulgo ubi, quod interpretamenti loco esse potest : ubi hic Ven. et Parrhas. casus Hamburg. pr. collapsaque vidit Schol. Juvén. ad Sat. X, 268. 508 mediis penetralibus et mediis in p. passim codd. ap. Pieriam, Heins. et Barm., manifesta corruptela exquisitoris formæ : medium in p. hostem. vide sup. I, 348, et sæpe alibi. cf. Barm. in omisum in nonnullis. 509 senio Goth. pr. distincta Wall. timentibus Rottend. sec. 510 nec quicquam Franc. cum al. 511 hac densos tres Barm. moriturus fertur Oudart. ad hostes aliquot Pierii codd.

o patria ! o Priami domus—Vidi ego te, adstante ope barbarica (ut hic v. 504) Teetis calatis laqueatis, Auro, chore, instructum regifice—Hæc omnia vidi inflammari, Priamo vi vitam citari, Jovis aram sanguine turpari, facientem plus quam eruentantem, necraverat, accenderat diis Penatibus.

503—505. Quinquaginta illi thalami, illi tam magnifici extracti, prostrati jacent. Apud Homerum Iliad. Z, 243 sunt in domo Priami L. ἑλαιοειδῶν filiorum et XII. filiarum : sed poetæ licuit hæc suo more perhibere. thalami illi sunt spes nepotum, h. ex iis, qui eos inhabitabant, progenies nata erat. Barbaricum aurum, h. e. Phrygium, ut sæpe poetæ ; et modo Eumius, quem Maro expressit. (Vide vel Cerdam et Guellium, quosque Barmann. laudavit.) cf. inf. XI, 708. 770. Φρυγία σκυλεύματα dixerat Eurip. Troad. 18. de hoc ipso auro. Nec in eo argutandum, quod h. I.

verba Trojani illa sunt ; utitur enim ille sermone Romano, adeoque usum ejus sermonis sequitur. Petiere eum usum Romani a Græcis, quibus Trojani, et hinc Phryges, imprimis dicti barbari. postes spoliis superbi, ornati, Romanorum notissimo more. v. inf. VII, 183—186. Tenent Danaï, h. e. occupata habent loca, quæ ignis nondum pervadit.

506. 512. Cf. Excurs. XI de Priami nece. Tota narratio, intexta imprimis Politis cæde, egregia cum arte elaborata est ad summam miserationem cum horrore : notatis scilicet cum dilectu et ante oculos positis iis, quæ in fato multis communi propria tamen imprimis essent huic seni et summopere miseranda. Commendat eum, quod herois personam grandævus adhuc servat ; ubi vidit fores convulsas et dejectas, arnat se ; revocatur tamen ab uxore, et supplex sedet in ara.

Ædibus in mediis, nudoque sub ætheris axe,
 Ingens ara fuit; juxtaque veterrima laurus
 Incumbens aræ, atque umbra complexa Penates.
 Hic Hecuba et natæ nequidquam altaria circum, 515
 Præcipites atra ceu tempestate columbæ,
 Condensæ, et divûm amplexæ simulacra sedebant.
 Ipsum autem sumtis Priamum juvenalibus armis
 Ut vidit: Quæ mens tam dira, miserrime conjux,
 Impulit his cingi telis? aut quo ruis? inquit. 520
 Non tali auxilio, nec defensoribus istis
 Tempus eget; non, si ipse meus nunc afforet Hector.
 Huc tandem concede; hæc ara tuebitur omnes:
 Aut moriere simul. Sic ore effata, recepit
 Ad sese, et sacra longævum in sede locavit. 525
 Ecce autem elapsus Pyrrhi de cæde Polites,
 Unus natorum Priami, per tela, per hostes
 Porticibus longis fugit, et vacua atria lustrat

515 *altaria cingunt* Goth. tert. 517 *sedebant* Heins. iterum reduxit vetustiorum
 codd. etiam Pierianorum auctoritate; et recte idem Burmannus monet convenire τῇ
altaria circum et *condensæ*. Vulgo *tenebant*, quod cum multis aliis Medic. a m. pr. habet
 et Ge. Fabricius ex Ovid. XIII Met. 413 defendere volebat. *sedebant* alter Moret.
 518 *juvenalibus* Heins. cum Medic. et aliis melioribus, etiam Pierii. Vulgo *juvenilibus*,
 at poeta rarius sequi debet. 521 *non def.* Montalb. *def. astis* Menag. pr. 522 *meis*
 Montalb., male v. I, 232. III, 489 Burm. 524 *Vel m. Parrhas. affata* plures Burm.
 525 *longævum* Gud. in abest Excerptis Burmann. et Goth. tert. a *sede* Bigot. 528
fuit dao Burmann., ut forte alibi. *fugiens* vacua Bigot.

512. Græcis poetis erat ara Jovis
 Hercei (Διὸς Ἑρκείου) in atrio ædium
 Priami, ἐν ἀβλῇ eam aram Virgi-
 lius in impluvium, si interiora domus
 ita appellare licet, transtulit, *nudo*
sub ætheris axe, sub æthere, sub dio,
 ut Penatium ara esset; propius hoc
 ad Romanum morem. v. Excurs.
 memoratum XI.—513. Notabis mo-
 rem, aras sub arbore poni solitas;
 alibi in *media* arca.—517. *Sedebant*
ικερείουσαι, unde 523. hæc ara *tue-*
bitur, jure *ικερείας*.—at sedebant *ne-*
quidquam, nullum fructum salutis e

loci sanctitate habituræ.—*præcipites*,
 devolantes ad loca tuta.—519. *Mens*
dira, quæ dira, male ominata, abomi-
 nanda consilia agitat.—522. *eget*, non
 locus est.—525. *sacra sede*, ara, v.
 513. et *altare*, 515.

525. *Polites* inter Priami filios jam
 ex Homero notus; celeritate pedum
 insignis statim Iliad. B. 791 memo-
 ratus idem inter pugnantes. Ejus
 filium, Priamum, videbimus inter
 Æneæ socios inf. V, 564. De Politis
 cæde v. in Excurs. XI.

528. *Porticibus longis*. Si Home-

Saucius. Illum ardens infesto vulnere Pyrrhus
 Insequitur, jam jamque manu tenet, et premit hasta.
 Ut tandem ante oculos evasit et ora parentum: 531
 Concidit, ac multo vitam cum sanguine fudit.
 Hic Priamus, quanquam in media jam morte tenetur,
 Non tamen abstinuit, nec voci iræque pepercit.
 At tibi pro scelere, exclamat, pro talibus ausis, 535
 Dī, si qua est cœlo pietas, quæ talia curet,
 Persolvant grates dignas, et præmia reddant
 Debita: qui nati coram me cernere letum
 Fecisti, et patrios fœdasti funere vultus.

529 *infesto* sec. Moret. et ed. Dan. Heins. *infausto* Menag. pr. *infesto in vulnere* Ob-
 longus Pierii, saucius enim erat Polites; quod ferri posset. 531 *evasit et ante p.* qui-
 dam Pieriani, e glossa. 532 *et vitam multo* Wall. *fundit* plerique Pieriani. 533
in deest sec. Menag. Hamburg. sec. et Parrhas., quod et ipse abesse malim. *media jam*
in pr. Moret., vide sup. 508. 535 *Ac tibi* ed. Ven. Et t. Voss. *pro scelere tanto pr.*
 Hamb. 536 *si qua cœlo* Bigot. *si qua cœlo est* Dorvill. *in cœlo* Leid. *est pietas cœlo q.*
t. curat. Menag. pr. *curent* Medico. et Parrhas. 539 *f. vulnere v.* Ven. Parrhas., sec.
 Hamb. et Goth. pr. *sanguine* Bigot. a m. pr. Dorvill. et Wall., quæ solennes sunt aut
 aberrationes aut interpolationes. Posterius quidem non displicere video Burmanno ad
 Antholog. Vet. Lat. p. 338. nec, quod ad sensum attinet, dissensias; sed *funus* haud
 dubie exquisitius poetæque dignius. *Fecisti, patrios f. et v.* sec. Moret. *vultus* Medico. *pro*
vultus v. Heins.

rica et non sua potius tempora se-
 cutus est, αἰθροῦσαν expressit, quæ
 αἰθλῆν ab utraque parte ornat.
 Mox *lustrat* h. l. discursu, et *vacua*
 cum dilectu, ut significet Trojanos
 jam fuga dispersos, conf. Burmann.
 ad Val. Fl. IV, 21.—529. *infesto*
vulnere insequitur, infeste, hostili
 morte, ut vulnus inferat; sed alterum
 multo magis poeticum, *vulnere in-*
festo. At *vulnus* de telo h. l. post
 alios accipit Burm.; ut sane sæpe
 vulnus reddi potest. cf. inf. VII, 533.
 X, 140. XII, 376: scil. quando de
 telo ita agitur, ut vulnus ab eo fa-
 ctum simul memoretur. *premit ha-*
sta, exquisitius quam transfigit. cf.
 IX, 330. Proprie *premit hastam* is,
 qui eam infligit, adigit, ἐπειδόμενος.
 Polites igitur vulneratus a Pyrrho

fugit, Pyrrhus insequitur, novum
 vulnus illaturus, et jam in eo est, ut
 eum attingat hasta: cum Polites o
 vulnere accepto concidit. In 531.
 2. miseratio ad summum affectum
 adducta: quod concidit ille in pa-
 rentum conspectu.

533—543. *Media morte*, præsentī
 mortis periculo. *abstinuit* exquisite,
 continuit se. 536. *pietas*, ὀπίς θεῶν,
 h. l. respectus ac miseratio ejus, qui
 indigna patitur. *grates* h. l. poena:
 et sic *præmia* frequentius. *patrios fœ-*
dasti funere vultus, gravissimis verbis
 et atroci spectaculo accommodatis.
 Re funebri pollui et contaminari ho-
 mines, religiosa erat opinio; et ad-
 sperso ejus, qui cæditur, cruore fœ-
 datur, cruentatur, aliquis. h. l. ipsi
vultus, tantum non adpersi et conta-

At non ille, satum quo te mentiris, Achilles 540
 Talis in hoste fuit Priamo; sed jura fidemque
 Supplicis erubuit, corpusque exangue sepulcro
 Reddidit Hectoreum, meque in mea regna remisit.
 Sic fatus senior, telumque imbelles sine ictu
 Conjecit: rauco quod protinus ære repulsum, 545
 Et summo clipei nequidquam umbone pependit.
 Cui Pyrrhus: Referes ergo hæc, et nuntius ibis
 Pelidæ genitori. Illi mea tristia facta,
 Degeneremque Neoptolemum narrare memento.

540 a quo te Reg. 542 exhibuit Bigot. que abest a nonnullis Pierii, Heins. et Borm. 543 recessit Parrhas. 544 fatur Bigot. et Leid. un. 545 Projectit Parrhas., quod admodum se commendat, ut hoc verbo irritum ictum notet, vel Burmanno iudice, repulsum est Puget. Parrhas. et ed. Ven. cum Goth. tert. sepultum et sepultum est e suis codd. laudat Pierius, unde Gifanius faciebat repultum, antique pro repulsum; Male v. Borm. 546 E summo Uratist., ut dudum ipse malueram. et non citat Latat. ad Stat. I Theb. 377. repellit alter Hamb. 547 Cum P. tertius Moret. tum sec. Moret. 548 illie Zulich., et mirum veteres illi pro adverbio h. l. accepisse. Sic Donatus et Servius. fata sec. Moret. Sprot. et Donat. ad Terent. ap. Heins. dicta Nonius in triste. Sed v. not.

minati *funere*, cæde, sanguine. (*funus* per cadaver interpretatur Servius.) Forma versus 540 *At non ille* sqq. illustratur a Burmanno ad Antholog. Poet. Lat. p. 338. *in hoste* exquisitius quam *in hostem*. v. Drakenb. ad Liv. XXVIII, 43, 8. Respicit autem redditum Priamo cadaver Hectoris Iliad. extr. *jura fidemque supplicis*, τὸ ὄνον τῆς ἰκερίας, sanctitatem supplicis, nam de *fide* proprie dicta et supplicis data h. l. agi nequit: sed est *fides* quam supplex habet in religione ejus, cui supplex fit. Tum supplex *in fidem alicujus* h. e. tutelam venit; debetur itaque ei incolumitas. Nunc *fides* est id, quod alter facit aut facere debet, propter fidem ab alio in se positam. *sependero*, ad sepulturam. *in mea regna*, in regiam. Secutus est nostrum Seneca Troad. 1103.

544—549. Sine ictu, quod vulnus

non faceret, non penetraret; sed perforato corio, quo scutum erat inductum, (nam mox, *pependit*) ab ære resiliaret. κωπὸν βέλος dixit Hom. Iliad. A, 390. *rauco ære*, æreo clipeo, qui percussu raucum, surdum, sonitum edebat—et *nequidquam*, sine effectu et vulnere: etsi Serv. per, non, interpretatur. *pependit* in clipei pelle, ut Borm. (Male Servius) qua æs clipei inductum erat. Sin æream clipei superficiem fuisse malis, dicendum est, hastæ aciem æs penetrasse quidem, sed impetu debilitato hæsisse, nec ulterius provectam. Sæpe de ictu imbelli talia apud Homerum, v. c. Iliad. Γ, 347 sqq. et de Ænea clipeum Achillis feriente Iliad. Υ, 267 sq. *tristia facta*, atrocitas. h. l. Mox de sarcasmo ex Homero ducto: *Referes ergo hæc* etc. videndus est Poppius ad Iliad. XIII Obs. 31.

Nunc morere. Hoc dicens, altaria ad ipsa trementem
 Traxit et in multo lapsantem sanguine nati, 551
 Implicuitque comam læva; dextraque coruscum
 Extulit, ac lateri capulo tenus abdidit, ense.
 Hæc finis Priami fatorum: hic exitus illum
 Sorte tulit, Trojam incensam, et prolapsa videntem 555
 Pergama; tot quondam populis terrisque superbum
 Regnatorem Asiæ. Jacet ingens litore truncus,
 Avulsumque humeris caput, et sine nomine corpus.

550 *Hoc* Heins. consensu codicum, etiam Pierianorum; vulgo hæc. 551 *laxan-*
tem Ven. pr. Hamb. et Goth. pr. 552 *implevitque* sec. Hamb. *coma* Gud. a m. pr.,
 non male, si *laxam* legas cum Burm. 553 *scapulo* Sprot. a m. sec. et Witt. *addidit*
 idem cum Goth. sec. 554 *Hæc finis* v. Gell. XIII, 20, et Heins. ad Æn. III, 145. *Hic*
f. duo Goth. Gell. XIII, 20. *sed in illo quoque itidem Vergilii versu: Hæc finis Priami fato-*
rum, si mutes et, hic finis, dicas, durum atque absonum erit respuentque aures, quod mutaveris;
sicut illud contra ejusdem Vergilii insuavius facias, si mutes: Quem das finem, rex magne,
laborum; nam si ita dicas, quam das finem, injucundum nescio quo pacto et laxiorem videris
unum feceris. Jam ad suum quisque aurium judicium de hac subtilitate statuat. Hic f.
Priami, hic fatorum exitus Franc. hac exitus illum sorte tulit conj. Heins. 555 et lapsa
aliquot ap. Burm. 556 populis quondam Parrhas. et Wall. 557 æquore pro litore
Dorvill., Burmannus conj. limine sc. regiæ. Non est sollicitanda bona lectio, quam
confirmant Manilius et Seneca. v. not. 558 avulsumque Gud. cum Medic. abscissum-
que Oudart. et Leid. unus: sed atrocius avulsum. v. Burm.

550 sqq. (Seneca expressit Troad.
 44 sqq. ubi *Æacida* retinendum). In
 ipsa ara, e qua surrexerat hastam
 immissurus Priamus, tanquam victi-
 mam immolavit Priamum Neoptole-
 mus. *implicuit comam*, ergo cum ce-
 teris armis v. 509 sq. galeam non
 sumserat. *extulit ense*, non, vagina
 extraxit, monet Burmannus: sed
 sustulit, intentavit. Versu 529. 530
hæc utebatur Pyrrhus; cum eminus
 peteret Politen.

554—559. Epiphonema ad com-
 miserationis affectum præclare com-
 positum; simplex tamen et obvium,
 sed magnifice ornatum. Placet non
 minus illud de Achille apud Ovid.
 Met. XII, 615. 616 *Jam cinis est,*
et de tam magno restat Achille Nescio
quid, parvum quod non bene compleat
urnam. Sententia inde a multis ex-

pressa. *sorte*, fatali necessitate abstu-
 lit. Serv. *Asiæ*, magnæ saltem partis
 Asiæ minoris. v. Strab. XIII pag.
 875 A. *regnatorem populis*, pro popu-
 lorum: nisi melius est, *regnatorem*
Asiæ, superbum tot populis terris-
que pro vulgari, tenentem terras.
jacet ingens litore truncus. Scilicet
 insepultum projectum fuit Priami
 corpus. Hoc alii simpliciter narrant,
 nulla apposita loci notione; præter
 Quintum XIII, 241. 244, Seneca
 Troad. 54 sqq. Auson. Epitaph. 23,
 quod ex nostro adumbratum est.
 Eurip. Troad. 1313 Σὺ δὲ Πρίαμε,
 Πρίαμε, — ἀταφος, ἀφίλος, ἀραὶ
 ἐμᾶς αἰστος εἶς. Adjiciunt alii *lito-*
ris notionem, ut adeo corpus ab A-
 chivis ad litus tractum, et illic relictum
sine capite fuerit, ut Pompon. Sab.,
 quæ unice vera interpretatio, obvia

At me tum primum sævus circumstetit horror.
 Obstupui ; subiit cari genitoris imago, 560
 Ut regem æquævum crudeli vulnere vidi
 Vitam exhalantem ; subiit deserta Creüsa,
 Et direpta domus, et parvi casus Iuli.
 Respicio, et quæ sit me circum copia lustro.
 Deseruere omnes defessi, et corpora saltu 565
 Ad terram misere aut ignibus ægra dedere.
 [Jamque adeo super unus eram : quum limina Vestæ

559 *Ut me* Menag. sec. *cum primum* quatuor Burm. *at mecum p.* Witt. error Hagen. 561 *funere* Oudart. et Parrhas. a m. pr. v. sup. 539. 562 *subit et multi* Pierii, Heinsii et Burm. Cor vero ante *Subiit* majore distinctione sententiam jugulent vulgo editiones, non video ; itaque eam mutavi. 563 *ut d.* codices ap. Pier. et deserta alii ap. eund. 564 *Despicio* Oudart. *me circum* Heins. e codd. ut mollius ; vulgo *circum me.* In Wall. a m. pr. *quæ sit rerum mihi copia.* 566 *dederunt* Bigot. 567 *Versus* hi XXII usque ad v. 588 ab omnibus Pierii, Heinsii, et Burmanni codd. aberant, excepto Menag. alt., in quo recentiore manu erant adscripti, addita subscriptione : *Ista*

eadem in Servianis ; unde etiam intelligitur, ad Pacuvii tragoediâ poetam respexisse ; quanquam locus, qui ibidem adscriptus fuerat, excidit. Nisi forte fuere verba illa Ennio ab aliis tributa Tusc. Qu. I, 44 [*Heu*] *Reliquias semiassi regis denudatis ossibus Tetra* (nam sic cum Davis. legendum) *sanie delibutas fœde divexarier.* Sed imitationem notarunt viri docti ex Manil. IV, 64. 65 *Priamumque in litore truncum, Cui nec Troja rogas,* et Seneca ex hoc eodem loco Troad. 140 *magnoque Jovi victima casus Sigea premis litora truncus. Litus* de Troja, tanquam *litorali plaga*, accipere, durum arbitror. Quod Servius addit, Pompeii tangere historiam Virgilium, hoc eo duntaxat pertinet, quod hujus loci major ac suavior aliquis sensus esse debuit Romanis, qui Pompeii simile fatum memoria tenerent. *sine nomine corpus*, sine nota, quo agnosci posset, quatenus sine capite et vultu erat.

559 sqq. Hic artem poetæ agnosce.

Priami casu conspecto patris Anchisæ reminiscitur. Quis Æneæ in patrem, omninoque in suos, pietatem nunc cum rerum cardinem fore expectabat, quo narratio ad id, quod rerum caput erat, Æneæ discessum, converteretur ? Et quam accommodata hæc Æneæ personæ ! et quam apta ad studia nostrâ animosque in virum tam eximiæ pietatis convertendos ? 563. *Direpta domus*, in prosa, direptio domus meæ animo objiciebatur, quasi jam facta. *casus Iuli* : quid Iulo accidere possit. Mox 564 *copia* docte pro copiis ; notant Grammatici. cf. Burmannus. 565. Æneam e turri pugnantem meminisse necesse est, supra v. 458. 460 sqq. incendio jam per regiam Priami sparso desiliunt alii in terram, alii dum vires ad fugam capiendam deficiant, igni absuntuntur. *corpora ægra*, quia *defessi* pugnando, exhausti viribus.

567—574. Sequuntur verss. XXII a codicum parte exulantes, quos narrant a Tucca et Vario recisos. v. V.

Servantem et tacitam secreta in sede latentem
 Tyndarida adspicio; dant clara incendia lucem
 Erranti, passimque oculos per cuncta ferenti. 570
 Illa sibi infestos eversa ob Pergama Teucros,
 Et pœnas Danaûm, et deserti conjugis iras,
 Præmetuens, Trojæ et patriæ communis Erinny's,
 Abdiderat sese, atque aris invisa sedebat.
 Exarsere ignes animo; subit ira cadentem 575

metra non sunt de testu. In nonnullis ap. Burmannum (non in omnibus libris, ut Catrens jactat) non hic sed initio Æneidis exarati reperiuntur. Neque hos versus Servius, Donatus, et Pomponius interpretantur. Desunt etiam in edd. nonnullis antiquis, sed paucis. E Codicibus unum Dorvillianum, nullius auctoritatis codicem, Burmannus memorat, in quo illi legebantur. At e nostris Gothanis primus et secundus eos exhibent, ut et Bongars. alter in Excerptis Cortii et Vaticani nonnulli, sed omnes recentiores. v. præf. Bottarii ad *Fragm.* Vatic. p. VIII. Jam hos versus Virgilianos esse, non est, quod dubites, si eorum indolem et numerosam venustatem exquiras. At relictos mox ab ipso vel ab aliis resectos esse necesse est. In Dorvilliano adscriptum erat: *Tucca et Varus* (I. Varius) *detraherunt hæc Virgilio carmina, quum emendarent hunc librum jussu Octavianis* (cf. *Vitam Virgilii* c. 14. 15). Similis nota in aliis quoque occurrit, ut in Brunckianis. Etiam in Hamb. sec. et in Guelpherb. uno, quod in Excerptis Cortii notatum video, similis nota occurrebat; addita ratione: *Sed Tucca et Varus hoc* (quod Æneas Helenæ manum inferre volebat) *non competere stilo heroico, quia turpe esset viro forti in mulierem manus injecisse, illos subtraxerunt.* Hausta videntur hæc ex Servio, quem v. ad v. 592, ubi additur alia causa, cur sublatis fuerint, quod contraria his (et sup. versibus 310 sq. jam D.) dicantur Æn. VI, 510 sqq. Quod quidem paullo gravior, alterum vero levissimum est argumentum; non enim indecorum videri Æneæ, quod Helenæ, omnium malorum causæ, conspectu, paullo gravior exarserit, si penitus rem inspicias, facile intelligas. Neque sine iis versuum 589. 592. 594. 595 sententia constat. Si tamen sublatis finire ii versus, Tuccæ et Varii judicio, aut forte ipsius Virgilii, cum in ejus autographo essent expuncti, melioribus nondum substitutis, mirandum hoc non est, quod sententia sine illis versibus constare nequit, cum sublatis quidem illi, non antem totas loci immutatas, nec in expunctorum locum alii repositi sint, nec reponi potuerint. In Servio P. Danielis leguntur hæc ad v. 566. *Post hunc versum versus fuerunt, quos Tucca et Varus obliti sunt, ut in poematis recensu sive casu, sive alia de causa, forte, quia in poetæ autographo erant in margine scripti, omisi fuerint.* Enimvero panno illi assuto parum fidei haberi potest; et videtur obliti sunt prave pro *omiserunt* dictum esse. Defenderunt hos versus multi ap. Burmann. suo quisque more, quos vide; imprimis Campani *Questionem Virgilianam super h. l. et cum iis Trappium ad h. l. lamina ed. Jant. vasto Rottend. sec. a m. sec. vaste et vastæ aliquot ap. Burm.* 568 *tacite Voss.* 569 *Tyndaridem ed. Ven.* 570 *per c. tuenti ed. Ven.* 571 *obversaque P. ed. Ven.* 572 *Et Danaum pœnas vel panam alii ap. Burm.* Et D. pœnas *duerti et Goth. sec.* 573 *Præmetuens Heins., cum melioribus. Vulgo permetuens. patria c. ob iras Goth. sec.* 574 *Argis MS. in Servio Dan. et Goth. sec.* 575 *ignis dms Barm.*

L. De Helena ab Achivis recuperata v. Exc. XII ad h. l. *Super unus* *eram. οὐδ' ἔην* Homericum, ut Iliad. A, 401. *Erranti*; ergo Æneas jam de turri vel tecto regie desiluerat, et per regiam errabat vacuum, ut sup. v. 528. *invisa*, abdita. Sic melius, puto. 575 sqq. *Sequentia ex Euripideis expressa in Oreste v. 1132 sqq. Exarsere ignes animo pro vulgari axiomus ira exarsit. subit ira h. e. impe-*

Ulcisci patriam, et sceleratas sumere pœnas.
 Scilicet hæc Spartam incolumis patriasque Mycenæ
 Adspiciet, partoque ibit regina triumpho?
 Conjugiumque, domumque, patres, natosque videbit,
 Iliadum turba et Phrygiis comitata ministris? 580
 Occiderit ferro Priamus? Troja arserit igni?
 Dardanium toties sudarit sanguine litus?
 Non ita. Namque, etsi nullum memorabile nomen
 Femineæ in pœna est, nec habet victoria laudem;
 Extinxisse nefas tamen, et sumsisse merentes 585
 Laudabor pœnas; animumque explesse iuvabit
 Ultricis flammæ, et cineres satiassæ meorum.

576 an: *sceleratæ sumere pœnas* h. e. de *scelerata?* ut malim, inf. 585 *merentis sumsisse pœnas*. Et sic jam Valesiam coniecisse docet Cuningh. Inde a 577. 578 XII versus stellolis notati sunt in splendidissima editione Parmensi Bodonianis literarum typis exarata, tanquam Grammatici alicujus acumini debiti, cum decem superiores et Marone digni esse et ad sententiam necessarij videantur. 578 *regnata tr.* MS. in Serv. Dan. cum Goth. sec., sed v. Burm. 579 *patris alter Menag.* 580 *q̄ deest nonnullis.* 581 *ferro Priamus* Goth. sec. *ferro ut P. Menag. ferro Priamo ut tres Burm., alius f. Priamus ut. Reg. ferro pro Priamo ut Troico. Jantina a. ignis.* 582 *indaret vel sudari* Reg. *sudavit al.* in Serv. Dan. Porro Heinsius post Vales. conj. *undarit*, quod valde arridet, sed v. not. et Drakenb. ad Sil. II, 455. *Dardanio unus Gaelph.* in Exc. Sax. *Dardanidum alius.* 584 *habet hæc quatuor Burm. et Serv. Dan. cum Goth. sec., male.* 585 *tanti et s. ed. Ven. merentes alter Menag. cum MS. in Serv. Dan. et sic explicat merentis Heinsius.* Enimvero vide annon malis *pœnas sumsisse merentis* exquisitis pro a merente. 586 *animum expressisse ed. Ven.* 587 *fama* MS. in Serv. Dan. cum utroque Goth. et ed. Junt. *flamam* Rottend. *famam* sex Burm. Malim refingere cum Burmanno: *ultrici flamma*, non tamen, ut illam in incendium mittat, sed ut satiet, placet cineres, manes suorum, flamma et rogo ac morte Helenæ. Sed totus locus desiderat curas secundas poetæ. *servasse* Goth. sec.

tus ex ira, ut ulcisceretur excidium patriæ. *sceleratas pœnas*, paullo insolentius, pro, pœnas a scelerata femina sumtas: nam, ut sint pœnæ per scelus exactæ, alienum a loco est. 579. *conjugium*, conjugem pristinum. *patres*, parentes. *Phrygiis ministris*, Trojanis captivis illi in servitium addictis. *sudarit sanguine*, madefactum, humectatum. Ex Enniano: *Terra sudat sanguine* apud Nonium in *sonere*. Alia sunt congesta apud Cerdam.

583—587. *Non ita, οὐ δῆρα.* Vul-

go absit hoc! Nequaquam. nullum m. nomen, nulla gloria. tamen laudabor, quod extinxerim nefas h. e. nefariam feminam Helenam. 586. *animumque explesse iuvabit Ultricis flammæ.* Duriter dictum videtur de ulciscendi ardore, sive jungas *animum ultricis flammæ* pro, flammam animi, ulciscendi cupiditatem; sive, quod præstat, *animum explesse flammæ ultricis*, h. e. flamma s. ira ultrice, h. e. ultione. *pœnas merentes*, ut v. 576 *pœnas sceleratas*, a merente.

Talia jactabam, et furiata mente ferebar;]
 Quum mihi se, non ante oculis tam clara, videndam
 Obtulit, et pura per noctem in luce refulsit 590
 Alma parens, confessa deam, qualisque videri
 Cœlicolis et quanta solet; dextraque prehensum
 Continuit, roseoque hæc insuper addidit ore:
 Nate, quis indomitas tantus dolor excitat iras?
 Quid furis? aut quonam nostri tibi cura recessit? 595
 Non prius adspicies, ubi fessum ætate parentem
 Liqueris Anchisen? superet conjuxne Creûsa,
 Ascaniusque puer? quos omnes undique Graiæ
 Circum errant acies, et, ni mea cura resistat,
 Jam flammæ tulerint, inimicus et hauserit ensis. 600
 Non tibi Tyndaridis facies invisa Lacænæ,

588 ferebam unus Burm. loquebar MS. in Serv. Dan. 589 Tum mihi sex Burm.
 cum Goth. pr. ante oculos Medic. sec. Hamb. et Sprot. tum mihi ante oculos sese Wallian.
 ante oculos t. e. videnda Franc. 590 et clara Bigot. et glossematis loco Regius. in
 nocte refulsit Zallieh. a m. pr. 592 dextramque Medic., ut grecisset Maro, addit
 Heins.; potius ex solito librarii lapsu. 594 quid Oudart. quis indomitus tantas Me-
 nag. sec. et Exc. Burm. tantus furor ante Pierium legebatur. 595 vestri Goth. pr.
 596 aspicias Leid. unus. ibi Medic. a pr. m. 597 Anchisem plurimi. super est multi
 ap. Pierium et Burm. conjuxque Witt. conjux superetne Creusa, quod suavius foret, nullus
 habet. 599 circueant ed. Ven. 600 abstulerint Bigot. inimicusque edd. ante
 Pierium. hauserit ignis Oudart. a pr. m. 601 tibi invisa junge. Nolim cum viro

588—593. Æneæ Venus apparuit,
 non nube obducta, aut alia forma
 assumpta, sed specie sua divina. fere
 ut in Hymno in Venerem 171 sq.
 Imitatio Homeri manifesta Iliad. A,
 193 sq., ubi Minerva Achilli soli in
 conspectum venit cumque ab ira et
 impetu revocat. Ad 592. 593 cf.
 ibidem v. 361. Erat autem is tem-
 poris rerumque articulus, qui deæ
 præsentiam postularet, et quidem, ut
 tanto major consiliorum auctoritas
 esset, ipsa divina specie occurrentis,
 de quo in conspectum veniendi more
 v. Exc. XIII ad lib. I.

596—600. Nostri cura pietas esse
 videtur matri Veneri præstanda in
 eo, ut Anchisen, ab ipsa amatum,

tueatur ac servet; et sic Servius: et
 hoc loco, ut solet, unam se de Æneæ
 familia facit. Nisi reverentia est,
 quam Venus exigit in hoc, ne Hele-
 næ, quam ipsa tuebatur, filius inju-
 riam faceret. Verum sequentia ad
 prius illud revocant. 596. adspicies,
 ut poeta, pro circumspicies. 598. qui
 flamma et ferro dudum perierant,
 nisi. 600. quos hauserit ensis, ut
 passim poetæ, v. Drakenb. ad Silium
 V, 524, pro confodere, transigere,
 ἀφύσσειν Homer. ut Iliad E. 517:
 primum, hauritur sanguis ense: hinc
 ipse ensis haurit; ut hauriat, penē-
 trat, transfigit latus, corpus, ut X,
 314.

601—603. Non tam Paris et He-

Culpatusve Paris; divûm inclementia, divûm,
 Has evertit opes, sternitque a culmine Trojam.
 Adspice: namque omnem, quæ nunc obducta tuenti
 Mortales hebetat visus tibi, et humida circum 605
 Caligat, nubem eripiam. Tu ne qua parentis
 Jussa time, neu præceptis parere recusa.
 Hic, ubi disjectas moles avulsaque saxis
 Saxa vides, mixtoque undantem pulvere fumum,
 Neptunus muros magnoque emota tridenti 610

docto jungere tibi evertit. 602 *divum i. divum recte probata post Pierium et alios Heinsio lectio, optimorum librorum et grammaticorum auctoritate. Vulgo edd. verum incl. d.; plerique Pieriani: sed enim incl. d. Sprot. sævum i. d. Zulich. a m. pr. unquam i. d. Bigot. Divum i. summis.* 603 *sternit a Leid. un. a m. pr. et Voss.* 604 *adducta Menag. pr. timenti Zulich. pro div. lect.* 605 *Mortales visus h. Wall., superscripto que. hebetet Franc. tibi limina circum Leid. unus. lumina Goth. tert. a sec. m.* 606 *Tu ne qua. Dubito an Maro secundis curis hæc, parum commode interposita, relicturus fuisset.* 607 *ne Leid. duo.* 608 *Hic tibi sec. Menag. dejectas Bigot. discretas Menag. pr. disjectaque saxis Hugen.* 609 *sanguine pro pulvere Zulichem. a m. pr. v. sup. 582. Pulvis est ex ruinis.* 610 *immota Menag. alter. remota Uratisl. cf. sup. 493.*

lena Trojæ eversæ auctores sunt, quam repetenda calamitas a deorum ira. Sententia ex Priami verbis apud Homerum petita Iliad. I, 164. 165. adde Odys. A, 347. 348. et frequens apud veteres, v. Cerda post Guelium. *Tyndaridis facies invisæ Læonæ* ornatæ pro Helena, *Οὐ γάρ τοι Ἑλένη πέλει αἰτίνη* etc. v. ap. Quint. Cal. XIII, 412. *culpatus*, pro graviore voc. nefandus, scelestus. Sic culpa pro scelere. *a culmine*, κατ' ἄκρας. v. sup. 290.

604 sqq. Pulcerrimus, qui sequitur, et ad meum iudicium, sublimis locus, dum caussæ occultæ magni eventus a diis repetitæ oculis subjiciuntur tanquam manifestæ, (v. 622. 623,) partim Homeri auspiciis Iliad. E, 127, 128, ubi Minerva Diomedis visum acuit, et in vss. 608 sq. Iliad. M, 13 sqq., 27 sqq., ubi Neptunus et Apollo vallum Achivorum diruunt (cf. imitationem Quinti Cal. XIV,

631—651), partim aliorum poetarum ductu elaboratus. Nam in Trojæ excidio diis manifesta aliqua opera ab antiquioribus poetis est tributa, ut ex imitatoribus patet. v. Quintus Cal. XIII, 415 sqq. add. Tryphiod. 550—560. *nubem* int. caliginem, ut Hom. *νέφος* l. I. et Iliad. O, 668, Y, 341, 342. Imitationes passim in recentioribus observes. Miltonum lib. XI, 411 et Tassum Cant. XVIII Stanza 93 Warthonus laudavit. Altera ex parte exigas apud animum, an phantasma hoc poeticum, tam sublime narratu, bene quoque ab artifice ad oculorum sensum reddi posse putes, ut nec minus sublime censi possit.

606—607. *Tu ne qua parentis Jussa time*: propter illa, quæ v. 619 sqq. subjunget. Mox *undantem* pulcre, v. VIII, 257.

610. Ex loco Iliad. M, 27 sqq., ubi Neptunus vallum Achivorum di-

Fundamenta quatit, totamque ab sedibus urbem
Eruit. Hic Juno Scæas sævissima portas
Prima tenet, sociumque furens a navibus agmen
Ferro accincta vocat.

Jam summas arces Tritonia, ^respice, Pallas 615

Insedit, nimbo effulgens et Gorgone sæva.

Ipsè Pater Danaïs animos viresque secundas

Sufficit; ipse deos in Dardana suscitât arma.

Eripe, nate, fugam, finemque impone labori.

611 *ob* z. Heins. e Gad., v. eum ad III Æn. 687. Vulgo *a sedibus*. 612 *socias* Dorvill., e versu sequi. 614 supplevit Dorvill. *sævasque accendit ad iras*. 616 *Insidet et n.* Bigot. *Obseidit* sec. Moret., ut v. 450. Sed et Homerus ἐπίστῳ Πύργῳ ἀνέσθ. *nimbo et fulgens* Medic. *nimbo fulgens* ed. Mediol. *effugiens* ed. D. Heins. *limbo* Moret. sec. pro var. lect., ut jam olim lectum, in Servianis notatum. *clypeo* Zulich. a m. sec. F. *Insedit nimbo, eff.* et G. *Gorgona* Franc. 617 *vires animosque* Wall. 619 *excipe nate* Paget. *fuga* unus Leid., et sic conj. Scioppius et facile est conjicere, ut subintell. te. *Burns.* conj. *arripe nate fugam*; quanquam et hujus formæ exemplum desideres;

ruens describitur: h. l. æquat urbem solo. Sunt autem hi ex infestis Ilio diis præcipui, Neptunus, Juno, Athene. Vide vel Iliad. Y, 33 sq.

612—614. Juno præit dux,—*prima* quippe in urbis ingressu—*socium agmen*, Achivos,—*vocat*, ut apud Homerum Neptunus Iliad. N, 83 sqq. et Apollo apud eundem Trojanos de muris Trojæ inclamat. Imitatur nostrum Statius de Venere, V Theb. 281. Quæ super h. l. Spencius Polymet. p. 66 disputat, dum Junonem *armatam* miratur, hic et I, 16. *aliena sunt*; sed dicendum erat, alia Junoni tribui, quatenus religiose colitur, aut artis operibus exprimitur, alia, quatenus poeticum est numen ad res, humana vi majores, exequendas adoptatum.

615. 616. Pallas insidet arci Pergamo, ut apud Homerum Apollo Iliad. E, 460, sed ibi ad tuendum, h. l. ad evertendum; saltem tanquam victrix acropoli occupata. *nimbo effulgens et Gorgone sæva*; ægide. Si

utrumque eodem modo dictum est, ut illa fulgebat, ut ægide, ita nimbo, *nimbus*, qui de obscura fere vel atra nube dicitur, h. l. de candida et lucida nube accipiendus erit, quod alibi non facile occurrit; nisi unum locum inf. IX, 110, 111 huc trahas: *Hic primum nova lux oculis affulsit, et ingens Visus ab aurora cælum transcurrere nimbus*. Verum *effulgens* est pro conspicua; aut *effulget illa ægide*, quia fulgentem ægidem tenet, a qua relucet *nimbus*, nubes obscura, qua illa cingitur; quod sollemne est, ubi de diis iratis agitur. cf. Exo. eund. XIII ad lib. I. De nimbo capita deorum ambiente in poeta nostro cogitare non licet. 617. *vires secundas*, ut eventus sit optatus et ex voto. Mox possis forte, *sæva Pallas Gorgone*, jungere, h. e. sæviens, vibrans ægidem: sed hoc nimis argutum. *Sæva* est *Gorgo* jam per se, truculento ore. 618. *In Dardana arma*, adversus Trojanos pugnantes. 619. *Eripe pro fugam rape*, raptim

Nusquam abero, et tutum patrio te limine sistam. 620
 Dixerat; et spissis noctis se condidit umbris.
 Apparent diræ facies, inimicaque Trojæ
 Numina magna deûm.

Tum vero omne mihi visum considerare in ignes
 Ilium, et ex imo verti Neptunia Troja; 625
 Ac veluti, summis antiquam in montibus ornum
 Quum ferro accisam crebrisque bipennibus instant
 Eruere agricolæ certatim; illa usque minatur,
 Et tremefacta comam concusso vertice nutat;
 Vulneribus donec paullatim evicta supremum 630
 Congemuit, traxitque jugis avulsa ruinam.
 Descendo, ac ducente deo flammam inter et hostes

ut sit dictam pro *rape*, *raptim cape*; quem usum illustrant passim, ut ad Val. Flacc. II, 252. Probat tamen Ondendorp. Cur. sec. ad Frontin. p. 356. Jo. Schrader, acutius conj. *I rape*. Melius esset dicere, compositum pro simplici positum, ut mos poetis, et quidem in hac ipsa voce inf. VII, 119 *eripuit* pro *rapuit*, exceperit. Et similia passim alibi. Enimvero veram rationem hanc esse censeo: est *eripere*, h. e. *rapere fugam ex* his rebus, et hoc labore. Vulgare esset: *eripere se fuga*. 620 nunquam Exc. Voss. et Med. a m. pr., perpetua varietate. *patrio tutum te limine Franc.* 622 *facies diræ Wall.* 624 *visum est* quatuor Burm. *in igne sec. Hamb.* 625 post *Troja* nolim plene interpungere, ut vulgo sit: nam repetendum in seqq. *ac visa est ruinam trahere, veluti ornus, quum eam etc. v. traxit.* Dara tamen hæc, et curis secundis facile expectes in leniora hæc mutatum fuisse poetam. 626 *ac veluti summis.* pr. Hamburg. *antiquam summis.* 627 *abscisam* duo Burm. *abscisam Menag.* alter. *actam* pro *instant* Codex Thuan. ap. Macrob. V Sat. 2, memorie lapsu. 629 *Ut t.* Wall. 630 *supremo* pr. Hamb. 632 *Discedo* pr. Hamb., et ita ap. Macrob. III, 8. *dea* alii codd. apud Pier. Heins. et Burm., sicque duo e Goth. improbavit hoc jam Macrob. l. c. etsi aliena admiscet de Venere dea et de deo mare. *abducente vel adducente deo vel dea* aliquot apud Pier. et Burm.

capesse, accelera. v. Var. Lect. *la-*
bori, pugnae, discode ab armis. Ego
 te per hostes medios tutum reducam
 domum tuam. cf. 632. 634.

622. Dum illa loquitur, *Æneæ*
 cernuntur dii occupati in urbe ever-
 tenda. Grande et mirabile phan-
 tasma!—*diræ facies*, non, monstra,
 sed, dirum visum.

626—631. Similia ex Homero Ili-
 ad. Δ, 482 sq. et Apollonio IV, 1682
 sq. loca laudant Macrob. V, 11.,
 Ursinus, Guellius et Cerda; sed ad
 occisos, non ad urbis excidium, in-

stituta, verborumque ornatu cum h.
 l. neutiquam comparanda. Ab ipi-
 tio deficit commoda transitus formu-
 la: *Ac veluti*, non enim sequitur apo-
 dosis: quæ facile expectari poterat.
 Nunc explendum: *visa Troja verti*,
 everti, *ac ruinam trahere, veluti ornus*
trahit, trahit, ruinam. c v. 631. Or-
 natum illud *Vulneribus supremum in-*
gemuit: et *traxitque jugis avulsa ru-*
nam, plus quam *duxit, fecit*; et hæc
 pro, *evellitur arbor, proruit*.

632. 633. *Descendo* de arce; non
 de turri; nam hoc jam factum v.

Expedior; dant tela locum, flammæque recedunt.

Atque, ubi jam patriæ perventum ad limina sedis
Antiquasque domos, genitor, quem tollere in altos 635
Optabam primum montes, primumque petebam,
Abnegat excisa vitam producere Troja,
Exiliumque pati. Vos o, quibus integer ævi
Sanguis, ait, solidæque suo stant robore vires,
Vos agitate fugam. 640

Me si cælicolæ voluissent ducere vitam:
Has mihi servassent sedes. Satis una superque
Vidimus excidia, et captæ superavimus urbi.
Sic o, sic positum affati discedite corpus.
Ipse manu mortem inveniam. Miserebitur hostis, 645

hæc d. Bigot. des in Medic. emendatam ex dea, et est sane deo doctus: v. not.; at idem sono ingratum: descendendo ducente deo. Verum ultimam poetæ manum flagitabant et illa in binis versibus: flammam, flammæque. 633 experior Schol. Horat. ad Carm. sec. Perperam. 634 Atque ubi post Pierium Heins. e melioribus. Vulgo Ast ubi. Ac ubi Leid. 636 primum montis Sprot. 637 excissa malint Guellius et Cerda, quia excidium inde ducei debuit. Sed utrumque dicitur. v. inf. ad IV, 425. abscisa alter Hamb. perducere sec. Moret. 639 corpore Parrhas., male. 640 et rebus servate secundis suppletus versus in Franc. ex lib. I, 207. 643 et in multis Burm. deest. 644 Abfuerat ab initio hic versus a Mediceo, dimittite pr. Hamb. 645 miserabitur Ven. et Moret. sec. An placet interpungere: Ipse manu mortem inveniam, miserebitur, hostis;

570, 588. *expedior*, expedio me, liberum iter habeo inter hostium tela et flammæ: ut contra *impedimur*, obstante turba. Vulgari sermone *via ipsa expediri, expeditum iter*, dicitur. *ducente deo* ex gr. ἡ θεός, sæpe exquisitè pro dea, aut deus absolute *ῥὸ θεῖον*, numen; ut bene monet Verheyck ad Anton. Lib. c. 29. *dant tela locum*: intactus telis et igni iter facit. cf. *Æd.* VI, 110, 111.

638—640. *Exilium pati*, ut φευγῆναι, graviter de patria relinquenda. Negat se esse Troja discessurum. *integer ævi sanguis*, h. e. integri ævi, juventutis, adeoque pro, juvenilis vigore. Mox *agitare* (animo) *fugam* proprie est, de fuga deliberare. cf. Burm.

642. *Satis superque una excidia vidimus*, exquisite; satis superque est, quod semel Trojam (ab Hercule propter Laomedontis perfidiam) expugnatam vidi et urbi captæ supervixi, ne bis idem experiar.

644. *Sic positum corpus*, pro me, κείμενον, quasi jam funus, sive jam efferendum, sive jam sepultum, sic, ut sum, me *affati* extremum illud Vale! Vale! pro, sinite me, ut sum, discedite. Bene Pompon. Sab. *præstate mihi funebre officium et ubi effati estis ultima illa verba, quæ dici solent mortuis, discedite*. cf. ad Tibull. III, 2, 15 *præfata ante meos Manes, animamque precata*.

645. *manu non, mea*, ut Cerda post Guellium, cum imbellis senex

Exuviasque petet. Facilis jactura sepulcri.
 Jam pridem invisus divis, et inutilis, annos
 Demoror: ex quo me divum pater atque hominum rex
 Fulminis afflavit ventis, et contigit igni.
 Talia perstabat memorans, fixusque manebat. 650
 Nos contra, effusi lacrimis, conjuxque Creüsa,
 Ascaniusque, omnisque domus, ne vertere secum
 Cuncta pater, fatoque urgenti incumbere vellet.
 Abnegat, inceptoque et sedibus hæret in isdem.
 Rursus in arma feror, mortemque miserrimus opto. 655

Exuviasque petet. ut jangas: manu hostis. 646 *petat* Hamb. sec. In fine versus est additum erat in edd. nonnullis ante Pierium. Licet etiam suspicari: *Exuviasve p.* 647 *annis* Sprot. et Franc., male. v. Burm. 649 *igne* Oudart., sed alteram formam Virgilius sequitur. cf. Burm. 651 *Nos circum* Montalb. *effusis lacrimis* quinque ap. Burm., quod vulgare esset. *effusi lacrimas* Rottend. sec. et Exc. Burm., græcismo paullo duriore. 652 *evertere* Menag. pr. et qu. Moret., ut alibi. v. Burm. 653 *obcum- bere* Zulich. 654 *que abest* Wall.

sit, sed hostis, ut bene Burmannus ex sequ. *miserebitur hostis*, ut vel miseratione motus me supplicantem, ut vita liberet me, occidat; vel *exuvias petet*, et occidet me, ut spoliaret me. Priorem partem Servius habet: *dixit affectu ejus, qui cupiebat interimi, ut eum hostis quasi miseratus occideret*, ut inf. IX, 495. X, 676. Cadaver insepultum abjici, quod aliis tam horrendum, mihi grave non est.

647—649. Fundus fabulæ in Hymno in Venerem v. 287—289: afflatus fulmine et secundum alios excæcatus, juxta nostrum tantum debilitatus membrisque captus, Anchises, quod consuetudinem cum Venere evulgarat. cf. Excurs. XVII ad h. libr. *annos demoror*, quasi festinantes diu vivendo detineo. *Serv.* Dictum pro morari in vita, *morari vitam*, (ne decurrat) *annos*, ut: *morari mortem, fata, Orcum, animam.* Exempla dat Burm. *fulminis afflavit ventis*, pro fulmine, quandoquidem aer fulminis

jactu impulsus et rarefactus intercludit spiritum: saltem motus et impetus aeris cum fulmine sentitur: recte enim monet Meierotto in Dubiis p. 56, nostram subtilitatem physicam in vetere poeta locum non habere: verum docebat ipsa res, cum aeris impulsu fulmen cadere; hinc noto usu loquendi dicta *aura fulminis*; unde ipsum *afflare* ductum. 650. *fixus*, affixus loco, non discedens domo. cf. 699.

651—654. Lugubris sane et miseranda rerum facies, si singula cogites; sed an Wartono assentiaris, qui Lebrunium melius hoc argumento picturæ proponendæ usurum fuisse putat, quam Darii tentorio, forte dubites. Major utique rerum fortunæque conversio in hoc rege cernitur, quam in familia privati hominis, Æneæ. *Nos contra* orare non desistimus *effusi lacrimis*, exquisite pro *in lacrimas. ne vertere* s. h. l. *evertere*, perdere, *fatoque urgenti incumbere*,

Nam quod consilium aut quæ jam fortuna dabatur?
 Mene efferre pedem, genitor, te posse relicto
 Sperasti? tantumque nefas patrio excidit ore?
 Si nihil ex tanta Superis placet urbe relinqui,
 Et sedet hoc animo, perituræque addere Trojæ 660
 Teque tuosque juvat: patet isti janua leto;
 Jamque aderit multo Priami de sanguine Pyrrhus,
 Natum ante ora patris, patrem qui obtruncat ad aras.
 Hoc erat, alma parens, quod me per tela, per ignes
 Eripis, ut mediis hostem in penetralibus, utque 665
 Ascanium, patremque meum, juxtaque Creüsam,
 Alterum in alterius mactatos sanguine, cernam?

656 *et quæ* Moret. pr. *jam* deest Mentel. pr. Hamb. pr. a m. pr. et Leid., et placebat hiatus Heinsio; sed bene Burmannus monuit, *jam* necessario h. l. requiri. aut mihi *quæ* f. aliquot Pieriani. 657 *Mene ferre* Zulich. et pr. Rottend. et *ferre* Medic., quod et adscriptum Pomponius Sab. 659 *ex tota* Oudart. a m. sec. 660 *peritura* te addere pr. Moret. 661 *Te quoque, nosque juvat* Donat. legisse videtur. *juvet* pr. Rottend. utique plurimi codd. apud Pier. et Burmann. cum binis Goth. et ed. Mediol. illic ed. Ven. 662 *Namque* Montalb. *aderat* Zulich. *Priami multo* Leid. et Witt. et Pieriani nonnulli. *multo maculatus sanguine* Ven. 663 *gnatum* scribunt plurimi ap. Pier. et Heins. et *mox patremque, qui obtruncet* Maronianum esse, notat Heins. et hoc exhibet Mentel. pr. a m. pr. facile tamen eo carere possumus: cum alibi notatum jam sit, poetam hanc temporum et modorum subtilitatem Ciceroni relinquere. Quid? quod et vim habet *obtruncat*, qui solet obtruncare. 664 *Hocce* Moret. pr. et tert. a m. sec. At olim lectum fuisse *hæc* testantur Grammatici, Priscianus alique ap. Pier. et Heins., quod et exhibent Montalb. Witt. et ed. Mediol. *per hostes* Ven. et Parrhas. 665 *Eripit* Medic. in abest Parrhas. atque duo Burm. usque vitiose in vulgaribus edd. 666 *Ascaniumque* p. edd. vulg. ante Heins. *Ascanium Anchisemque patrem juxtaque C. Parrhas.* 667 *mactata* sec. Rottend. et sec. Hamb. hic quidem addito: *vel mactantem. mactatum vel mactatos* Wall. *maculatum* Parrhas. *jactantes* pr. Hamb., unde Heins. conj. *juctatos*. v. Burm.

vellet: h. e. exitium, quod vel sic imminerebat, accelerare. *Urguent*, quæ instant; ut, quæ casum minantur, his si *incumbimus*, ea impellimus, ut perorant. Bene Servius: "Simile est, ut: *currentem incitare, præcipitentem impellere*." 656. nam quæ jam salutis via et ratio supererat, si pater fugæ comes esse nolebat.

657 sqq. Ad patrem Anchisen conversus hæc dicit. Affectus nota impetum, pulcrè expressum abruptis

etiam sententiis. *tantum nefas*, ut suaderet rem tam nefariam. 661. *patet isti janua leto*, ad talem mortem ab hoste accipiendam via patet; ea mors facile obtineri poterit. Similia loca v. ap. Cerdam. Idem quod 645 *ipse manu mortem inveniam*. 662. 663. Refellit ista v. 645. 646 *miseretur hostis* etc. *multo de sanguine*, cum dilectu positum epitheton, quem effudit sine omni senis miseratione, et 663 respicit sup. v. 529 sqq.

Arma, viri, ferte arma : vocat lux ultima victos.
 Reddite me Danaïs ; sinite instaurata revisam
 Prælia. Nunquam omnes hodie moriemur inulti. 670

Hinc ferro accingor rursus, clipeoque sinistram
 Insertabam aptans, meque extra tecta ferebam.
 Ecce autem complexa pedes in limine conjux
 Hærebat, parvumque patri tendebat Iulum :
 Si periturus abis, et nos rape in omnia tecum ; 675
 Sin aliquam expertus sumtis spem ponis in armis,
 Hanc primum tutare domum. Cui parvus Iulus,
 Cui pater, et conjux quondam tua dicta relinquer ?

Talia vociferans gemitu tectum omne replebat :

668 *lux optima* Wall. a m. pr., errore solito. cf. Burm. 670 *Nusquam* Pieriani aliquot ; sed e potioribus suis et Grammaticis exemplisque defendit vulgatam Heins. *unquam* Franc. 671 *Hinc* Heins. cum codd. propriis et Pierianis. Vulgo *Hic. clipeo rursusque* Wall. *clipeumque sinistram* aliquot antiquiss. Pier. cum Donato. 673 *compreſsa pedes* Hamb. pr., per græcismum. in *limina* Hugen. 674 *que abest* Franc. 675 *trahe* in o. Voss. *cape* Dorvill. 676 *inermis* Goth. tert. 678 *tua quondam* Dorvill. *tua cura* Goth. sec., non male. 679 *tectum illa Hamburg. sec. replevit* aliquot Pier. *replebat* fragm. Vatio.

668. *Arma, viri*, sc. quæ ingressus domum deposuerat. Male olim Grammatici hic argutati sunt: ap. Serv. et Pompon. Sab. Dicta hæc magna cum vi animi: si ita est, ut expectandus sit hostis, qui accedat et nos obtruncet: præstat armis sumtis ei occurrere. *Ergo, arma, viri.*—*vocat lux ultima victos*, quanto potentius! quam, mahet *nos* mors; moriendum est. Vocant nos, quæ nos expectant vel excipiunt. 669. *Reddite me Danaïs.* Idem color inf. X, 61 *Xanthum et Simoenta Redde oro miseris.* Mox 670 *nunquam* pro non, ut Ecl. III, 49. Sententiam gravius extulit Homer. Iliad. X, 304. 305 *Μὴ μὰν ἀσπονδεῖ γε, καὶ ἀκλειῶς ἀπολοίμην, Ἀλλὰ μέγα ῥέξας τι καὶ ἰσσομένοισι πνέσθαι.*

671sq. Ante oculos fuisse h. l. Ho-

merum, notarunt jam viri docti: v. Iliad. Z, 394 etc. 399 sqq., in discessu Hectoris ab Andromache, uti noster Val. Flacco in *Æsone* et *Alcimedee* lib. I, 762 sq. fuit. 672. *manum insertabam clipeo*, loro clipei vel ansæ: —sup. 393 *clipeique insigne decorum induitur.* 674. *tendebat doctius*, quam ostendebat, et *patri*, quam, *mihî.* Apollonii I, 558 *φίλῳ δευδίσκετο πατρὶ* comparabat Brunck. 676. *expertus* additum: ex pristinis virtutis experimentis, factis.

678. *Conjux quondam tua dicta*, h. e. quæ eram. Non argutandum. ut notum illud: καὶ σὴν κεκληῆσθαι ἄκοιτιν, h. e. esse. *cui relinquer*; cum notione adjuncta: cui relinquer tuenda? inf. IV, 323 *cui me moribundam deseris, hospes?*

679—684. Mutat Anchises consi-

Quum subitum dictuque oritur mirabile monstrum. 680
 Namque manus inter, mæstorumque ora parentum,
 Ecce levis summo de vertice visus Iuli
 Fundere lumen apex, tactuque innoxia molles
 Lambere flamma comas, et circum tempora pasci.
 Nos pavidi trepidare metu, crinemque flagrantem 685
 Excutere, et sapctos restinguere fontibus ignes.
 At pater Anchises oculos ad sidera lætus
 Extulit, et cœlo palmas cum voce tetendit:
 Jupiter omnipotens, precibus si flecteris ullis,
 Adspice nos; hoc tantum; et, si pietate meremur, 690

680 *Cum subito* Medic. cum multis aliis, etiam Pierianis. *Atsubitum* poeticum. *Ortus error ex scriptura subitū. miserabile* Gud. Ven. Parrhas. v. III, 26. 681 *arma pro ora* Ven. 682 *lenis* Montalb. sollenni vitio. 683 *lucem* Servius, seu quisquis hoc *Servio* assuit, legisse videtur. cf. *Burm. tractuque* lectio erat a *Burm.* reposita, de qua latius egit ad *Grat. Cyneg.* 362, cum enim semel *tractus flammæ* arrideret, ubique fere obtrudere eum volebat. Est tamen *tractus flammæ* etiam ab h. l. alienissimus; emicare enim talis flamma, errare, lambere, tantum debuit; atque hoc est *tangere, tactus*, quod libri habent plerique omnes, etiam Medic. et *fragm. Vatic.* Ad *tractum*, qui est flammæ per longum spatium ductæ, referre melius possis mox, quæ de stelle lapsu 693 sqq. Major difficultas in *molli*, quod antea legebatur, et sane accommodatissimum est *73 tactu*, nec tamen nisi forte in recentissimis codd. et in vett. edd., quas equidem evolvi, omnibus occurrere videtur. Contra quicquid est codicum, et in his antiquissimi, Medic. cum *fragm. Vatic.*, *molli* habent, Parrhas. et ed. Ven. cum sex Heins. et antiquo uno apud *Pier. molles*; quomodo igitur *molli* deseri possit, non video. Sane tum et *molli* comas et *molli* flamma jungi potest; flamma *molli* est levis, ut *molli* sonnus, vel mobilis, ut *Georg. II.* 389 *molli* oscilla. Ita *levis apex* et *molli* flamma sibi respondent. *Veneram et comæ molles* in puero recte dicuntur. 685 *trepidi* Wall. manu crinemque *Hugena.* 686 *sacros* Goth. sec. Mentel. sec. et ed. Dan., ex compendio literarum. v. *Burm. Macrob. III.* 3. *sanctos, sacros*, quia divinitus contigerunt. *extinguere* qu. Moret. et *Voss.* 687 *Et p.* Franc. 688 *Ac celi* Rottend. pr. et palmas cælo *Zulich.* ad cælum aliquot *Pier.* ad cælum *p.* Rottend. sec., male. conf. *Burm.* 690 *hos* pro hoc *Medic.*, sed a m. pr. nos tantum et si quid *p.* *Hugen.*

lium omine oblato. Flamma e capite micans ostenti et præ sagii regie dignitatis genus vel ex narratione de *Servio Tullio* notum. Conf. inf. VII, 73 sqq. Doctus autem Anchises auguralis scientiæ Veneris munere. *Vi de Exc. XVII* ad h. lib., ubi de *Anchise. apex*, flamma in apicem acuminata, visus is est *fundere lumen de vertice Iuli*, h. e. lucere; ut *Ovid. Ist. VI.* 636 *inque coma Flammeus erat apex.* Hanc rationem damnare epidem nolim; et sic *levis* bene de

flamma. *Burm.* tamen cum *Servio apicem* proprie dictum accipit, sc. de pileo Phrygio, qui, ut pueri, esse debuerit *levis*: vix satis scite! *flamma visa lambere tactu*, contactu (cf. *Var. Lect.*), ita ut innoxia esset, pro innoxie. *Lambere, pasci*, pro ardere quam ornate! ex ignis natura. *fontibus*, docte pro fonte, et hoc pro aqua. Ornate autem dicta singula. cf. imitationem *Valerii Flacci I.* 570 sqq.

690. *Adspice nos*, pro vulgari re-

Da deinde auxilium, pater, atque hæc omina firma.

Vix ea fatus erat senior: subitoque fragore

Intonuit lævum, et de cælo lapsa per umbras

Stella facem ducens multa cum luce cucurrit.

Illam, summa super labentem culmina tecti, 695

Cernimus Idæa claram se condere silva,

Signantemque vias; tum longo limite sulcus

Dat lucem, et late circum loca sulfure fumant.

Hic vero victus genitor se tollit ad auras,

691 Turbatum hic aliquid olim esse debuit, si Pompon. Sabinum inspicias: Probus ait: atque hæc omina firma, nisi enim petisset omina, nunquam confirmari optasset (an hoc ad lectionem omina spectavit, pro quo in multis omnia legitur? Faisse suspicor in nonnullis: atque hæc omine firma.) Et Apronianus auxilium legit, ut sit: Da deinde auxilium pater et firma omina. Atqui hæc constans omnium librorum est lectio. Forte olim fuit: Da deinde auspiciū, hæc omissum in Hagen. et fragm. Vatic. 693 lævum Burm. ex Gad. umbram Franc., ut alibi. 694 magna cum Dorvill. 695 lambentem Dorvill. 696 silvam fragm. Vatic. 697 longo tum Cuning. ex Huls. limite firmavit post Pier. Heins. e codd. Vulgg. lumine vel limine—sulcos pr. Rottend. cum l. l. sulcans Wall. F. mollius: Signantemque vias tum l. l. s. Dat lucem. 699 His vero pr. Rottend. pro var. lect. se tollere Gad. a m. pr., eleganter, modo affari et adorare sequi posset. in auras alii ap. Pierium; ad aras nonnulli ap. eundem, et Zulich., sed vid. Burmann.

spice, ut animum ad Troianos advertat; nam adhuc aversus ab iis esse videbatur. hoc tantum, sc. plura a te non peto. inf. IX, 636 Hoc tantum Ascanius. 691. hæc omina firma, secundum auguralem disciplinam. cf. h. l. Serv. Pompon. Hoc statim fit, dum lævum tonat. cf. Odyss. Ω, 97 sqq. Dieta autem hæc ad opinionem veterum, et morem petendi omen a diis: quod, si propitium numen esset, extemplo ab eo impetraretur; quid? quod et cogi numen posse putarunt, ut ederet omen; et, quod etiam absurdius, eliei posse Jovem per certos ritus, ut in conspectum veniat et seu impetrandi ominis modum doceat seu rerum eventum moneat.

693—698. Stella cadens sup. inter prognostica Georg. I, 365 sqq. habita; cf. Spanh. ad Callim. in Del. 38. at nunc inter auspicia et h. l. quidem inter læta, quippe fugæ sus-

cipiendæ; sic faustæ navigationis apud Apollon. IV, 294 sq. et venti secundi apud Theocr. XIII, 50 sq. bene ad Dioscurus tractum apud Val. Fl. I, 568. Respexisse videtur poeta Homerum Iliad. Δ, 75 sqq. et Apollon. IV, 294 sqq. cum III, 1377 sq. Iterum inf. V, 527 cælo ceu saepe reflexo Transcurrunt crinemque volantia sidera ducunt. Mirum tamen, quod stella illa fatua h. l. cum tonitru conjuncta est, nec modo cum sulfureo halitu. Ad Luciferum, Veneris stellam, Æneæ conspectam, traxerant alii. v. sup. ad I, 382. Disquis. II. s. 7. Nec de fulmine stella accipi potest. Non autem cucurrit multa cum luce, sed stella ducens facem multa cum luce, h. habet speciem facis longæ. Hinc 697. longo limite sulcus Dat lucem. Totam augurii rationem per partes explicat Servius more suo. 699—704. victus, expugnata tan-

Affaturque deos, et sanctum sidus adorat. 700

Jam jam nulla mora est. Sequor, et, qua ducitis,
adsum.

Dî patrii, servate domum, servate nepotem !

Vestrum hoc augurium, vestroque in numine Troja est.

Cedo equidem, nec, nate, tibi comes ire recuso.

Dixerat ille ; et jam per mœnia clarior ignis 705

Auditur, propiusque æstus incendiavolvunt.

Ergo age, care pater, cervici imponere nostræ :

Iipse subibo humeris, nec me labor iste gravabit ;

Quo res cumque cadent, unum et commune periculum,

Una salus ambobus erit. Mihi parvus Iulus 710

700 *sanctum lumen* Zulich. 701 *quo* aliquot Pier. Leid. et Goth. sec., sed v. lib. I, 401. Ecl. IX, 4. 702 *nepotes* sec. Moret., sed v. Burm. 703 *Vestrum o augurium* un. Leid. v. Burm. ad Ovid. I Ep. 101. *augurium est* Menag. est in fine deest Moret. sec. 704 *gnate* Montalb. 705 *Ille etiam* Witt. et Goth. sec. *ille quidem*, per ed. Ven. 706 *que* abest Voss. voluit Ven. 708 *subito* pr. Menag. et Ven., male. cf. inf. IV, 599. Heins. 709 *cadant* quidam ap. Pier. *cadunt* Wall. *cadet* duo Burm. *cadat* Witt. *cadit* Hamb. sec. *periculum est* Leid. unus. 710 *mihi solus I. Dominus* legisse videtur, quod placebat Pierio. cf. Heins.

dem voluntate, se tollit ad auras pro simplici, e strato se attollit, surgit. *effatur deos*, precatur. *vestroque in numine Troja est* : acumen tragicum : quod dubiam admodum interpretationem habet, et insolens est : *in numine esse*. Cum hæc verba conjuncta sint cum illis : *Vestrum hoc augurium*, poeta declarasse videtur, *numen* ipsi simili significato esse dictum, h. e. pro *augurio*, *omine*, ut inf. VII, 119. *In hoc omine est Troja*, h. e. fatum Trojæ, et, quod ex ceteris elicias, indicium Anchisæ de hoc fato : Trojæ excidium instare et urbem ei esse deserendam. Simplicissima itaque ratio hæc est : Troja hæc, quam ego deserere, cui ego superstes esse nolui (sup. 637), vestro hoc augurio declaratur mihi deserenda esse. *Troja est*, Troja mihi erit, non hæc quæ nunc incensa est, sed, quocumque

vestrum augurium, o dii, ducet nos. Nam, ut novum Trojæ ortum ostendi sibi Anchises putet, multo argutius, quam illud, esse videtur, quasi sit : *Troja est in vestro numine*, h. e. Troja altera promittitur hoc omine, ut III, 86 *Serva altera Troja Pergama*. Ita tamen videtur accepisse, quisquis Servianis hæc attexuit : *Augurium numenque vestrum efficiat* (immo, *efficit*) *ne putem Trojam periisse*. At Servius ipse hoc habet : *in vobis habeo Trojam, propter illud sup. 642 : Has mihi servassent sedes*. quod forte in priorem nostram rationem interpretari possis ; namque alias hæc cum ceteris non satis bene convenire videntur, uti nec illa interpretatio, quam Burm. sequitur : *in vestra potestate, tutela, Troja est*.

705. *Clarior ignis* h. l. *clarior strepitus ignis, propiusque incendia*

Sit comes, et longe servet vestigia conjux.
 Vos famuli, quæ dicam, animis advertite vestris.
 Est urbe egressis tumulus templumque vetustum
 Desertæ Cereris, juxtaque antiqua cupressus,
 Religione patrum multos servata per annos : 715
 Hanc ex diverso sedem veniemus in unam.
 Tu, genitor, cape sacra manu, patriosque Penates.
 Me, bello e tanto digressum et cæde recenti,
 Attrectare nefas ; donec me flumine vivo
 Abluero. 720
 Hæc fatus latos humeros subjectaque colla
 Veste super fulvique insternor pelle leonis ;
 Succedoque oneri. Dextræ se parvus Iulus
 Implicuit, sequiturque patrem non passibus æquis.
 Pone subit conjux. Ferimur per opaca locorum. 725

713 Heins. malebat urbem; sed utrumque usitatum. cf. Burm. 716 Hæc conj. Heins. ex diversa Leid. unus. e diverso duo. ex adverso Menag. pr. veniamus tres Burm. 717 Tum Leid. a m. pr. saxa Ven. 718 bello tanto Dorvill. cum al. Pier. ex tanto alii ejusdem, cum Goth. tert. et tanto sec. Rottend. belloegressum ex tanto Witt. 719 Adtractare et attractare in nonnullis Pier. et Burm. scriptum. donec in f. duo. flumine in uno Hugen. 720 abluero. Terent. Adelph. I, 2, 47. abiero pro abibo, grammatici. 721 Hoc Zulich. projectaque colla aliquot Pier., quod arridebat Heinsio, ut porrigeret Aeneas cervicem ac præberet oneri. Sed longius quæsitum hoc. submissa Goth. tert. 723 parvulus Mentel. pr. Iulus Moret. pr. 725 subiit Mentel. tert. per o. viarum unus Guelph. in Exc. Cort.

volvunt æstus, h. e. calorem, ornatissime, pro flamma, incendium, propius asserpit.

711. *Longe servet vestigia*, h. e. observet gressus meos ; e longinquo autem, ne, si multi una exirent, deprehenderentur ab hostibus. Itaque et famulos per diversas vias dimisit. Ita bene Cerda post Servium. Mox 712. pro vulgari *advertite animos ad ea*, quæ dicam.

714. *Deserta Ceres* exquisite dicta, cujus templum erat desertum vetustate vel belli decennalis tempore. ex diverso, ex diversis partibus ac viis, quibus dimittuntur. Ceterum

hæc locorum designatio sitne ex antiquiore petita an a Marone inventa, ignoratur.

717. *sacra et Penates*, ut sup. II, 293. sive ut *sacra* sint genus, complexum cum Palladio, Vesta, igni sacro, imprimis Penates ; sive ut sint diversæ res. v. Exc. IX.

721—723. Instravit Aeneas humeris vestem, vestique pellem. Superinsternor veste et pelle leonis (ante oculos habuit II. K, 326 sqq., ubi Agamemnon simili habitu inducitur) humeros et colla subjecta, h. e. collum, quod subjicio, submitto oneri imposito. cf. Excurs. XIII et XVII.

e, quem dudum non ulla injecta movebant;
neque adverso glomerati ex agmine Graii;
omnes terrent auræ; sonus excitat omnis;
ensum et pariter comitique onerique timentem;
ntque propinquabam portis, omnemque videbar
isse vicem: subito quum creber ad aures 731
s adesse pedum sonitus genitorque per umbram
piciens, Nate, exclamat, fuge, nate; propinquant.
ntes clipeos atque æra micantia cerno.
nihil nescio quod trepido male numen amicum 735
usam eripuit mentem. Namque, avia cursu
sequor, et nota excedo regione viarum,

ramins duo Burn. cum Goth. sec. 728 *auræ terrent* sec. Moret. 729 et
orvill. comiti onerique duo Burn. timebam Goth. tert. 730 propinquandum
rm. 731 *evasisse vicem* Marklandi, ad Stat. V Silv. II, 152, conjectura, Bur-
aprobata, sed unice vera, et ab editore in textum recipienda. Nam neque om-
ne viam erat emensus, nec de via ad portas facta bis memorare attinebat: at
memorable, quod jam omnes fortunæ vicissitudines, omnia, quæ timebat, eva-
si videbatur; falso tamen. Recepi itaque eam hac altera editione; quod jam
Brunek. Vulgg. viam. 732 *umbras* sec. Hamb. 733 *Respiciens* Ven. et
rt., male. 734 *Ingentis cl.* Hamb. alt. 735 *nescio quid* duo Burn.

—729. Suaviter et ex affectus
Comparant Apollon. III,
34. *glomerati ex agmine* (v.
14) doctior ratio; quamvis et
agmen colligebant se, ex
us tamen copiis confluxe-

—734. *Portis*. Est porta ab
versa, ad Idam ducens, et ad
australes, unde litus peti po-
et in eo Antandrus III, 6. v.
XIV. *omnem vicem*, fortu-
ericulum, v. Var. Lect. *adesse*
ex dictum potest videri pro
re, vel accidere ad aures, alla-
bus, ut inf. IX, 474. Poeticæ
dictioni haud incongruum, si
agere: *creber ad aures* sonitus,
bro, clarius clariusque, audi-
spiciens, quippe in humeros

fili sublatu. Non ad metum refe-
rendum. *ardentes clipeos*, relucente
flamma, quippe æreos.

735—741. Super decoro in hoc
loco servato, si ad nostros mores ac
sensus æstimes. quod apud amantem
Didonem hæc narrantur, non male
disputavit Segraisius, *numen male*
amicum, inimicum, infestum, *δαίμων*
τις κακός. *mentem confusam eripuit*:
duo junxit, quæ fere sigillatim poni
solent. *eripere mentem*: *ἐξελίσσθαι*
φρένας; *mens confusa*, perturbata:
ὅν δὲ γέροντι ν' ὅς χέρο, utrumque
Homericum. cf. Guell. *nota regione*
viarum pro excedo, despecto, de viis
notis, frequentibus. tum pro *via* poni
possunt *loca*, *partes*, *regiones*, per
quas viæ patent; hinc *regio viarum*
poetis ducta. Exempla ap. Burman-

Heu ! misero conjux, fatone erepta, Creüsa
 Substitit, erravitne via, seu lassâ resedit,
 Incertum ; nec post oculis est reddita nostris ; 740
 Nec prius amissam respexi, animumve reflexi,
 Quam tumultum antiquæ Cereris sedemque sacratam
 Venimus : hic demum collectis omnibus una
 Defuit ; et comites, natumque, virumque fefellit.
 Quem non incusavi amens hominumque deorum-
 que ? 745
 Aut quid in eversa vidi crudelius urbe ?
 Ascanium, Anchisenque patrem, Teucrosque Penates
 Commendo sociis, et curva valle recondo ;
 Ipse urbem repeto, et cingor fulgentibus armis.
 Stat casus renovare omnes, omnemque reverti 750
 Per Trojam, et rursus caput objectare periclis.
 Principio muros obscuraque limina portæ,
 Qua gressum extuleram, repeto ; et vestigia retro
 Observata sequor per noctem, et lumine lustrô.

738 *fatone* Dorvill. 739 *erravitne viam* Frano., seu *capta* pro *div.* lect. *God.* et *pr.* Rottend. a *m.* *pr.* *cumque* iis *Goth.* *tert.* *lapsa*, sollenni lapsu, in *Goth.* *pr.* et multis *ap.* Heins. et *Burm.*, quod mireris potuisse probari viro doctissimo. 740 *Incertum est* multi *ap.* *Burm.* 741 *animumve* Heins. e *melioribus* : *volgo que, refluzi* Voss. 742 *Cereri* Moret. *sec.* 744 *reflexit* *Exc.* *Burm.* a *m.* *pr.* 745 *incuso* Hamb. *sec.* *deoque* *Leid.* *deumque* multi *ap.* *Burm.* et duo *Goth.* *hominum demens-que* *deorum* *Franc.* 748 *In valle* *pr.* *Moret.* a *m.* *sec.* 750 *renovare* *Ven.* et alter *Menag.* et *Goth.* *tert.* *cum aliquot* *Pier.*, minus bene. *renovasse* alii aliquot *Pier.* *r. meos* *Zulich.* *r. urbis* *Dorvill.* 752 *Cerda* *conj.* *obsessaque.* *vid.* *not.* *Deerat* versus *Moret.* *sec.*

num sunt.—738 Jungi possunt : *fato erepta Creusa, substititne an erravit via.* “Non enim dubitat fato esse sublatam; cf. inf. 777.” Ita Servius. Melius tamen: *conjux mihi misero erepta Creusa fatone substitit, an erravit de via an lassâ resedit?* 742. *tumulum, antiquæ Cereris sedem*, collis, in quo antiqua Cereris ædes, sup. 713. Male de sepulcro Potter. *Gr. Ant.* T. I, p. 174. Mox 746. *crudelius*, h. l.

quod magis doleret.

749—755. *Ipse urbem repeto—Principio muros repeto.* Quod in verbis ingratum est, mutaturus erat Maro. Declarat autem prius illud consilium generatim ; constitutum ei erat urbem repetere. 750. *Stat*, decretum est apud me, ut sæpe. 752. *obscura limina porta*, porta per noctem obscuram oculos fallens : sic sup. v. 725 *per opaca locorum.* 754. *lumine*

Horror ubique animos, simul ipsa silentia terrent. 755
 Inde domum, si forte pedem, si forte tulisset,
 Me refero. Irruerant Danai, et tectum omne tenebant.
 Illicet ignis edax summa ad fastigia vento
 Volvitur; exuperant flammæ; furit æstus ad auras.
 Procedo, et Priami sedes arcemque reviso. 760
 Et jam porticibus vacuis Junonis asylo
 Custodes lecti Phœnix et dirus Ulixes
 Prædam asservabant. Huc undique Troïa gaze
 Incensis erepta adytis, mensæque deorum,
 Crateresque auro solidi, captivaque vestis 765
 Congeritur. Pueri et pavidæ longo ordine matres
 Stant circum.
 Ausus quin etiam voces jactare per umbram,

755 *animo septem* Heins. Exc. Burm. et duo Goth. intercepta s a sequentis vocis initio, ut et in Medic. factum. *animum* Schol. Stat. Theb. I, 494. *tunc ipsa s.* Dorvill. nunc idem Schol. lib. I, 368. 757 *Irruere* Gad. a m. pr. *intus erant D.* pr. Hamb. eidem abest et. *omne replebant* Menag. pr. 758 *Illicet* plerique scribunt. *fastigia tecti* Schol. Cruqu. Horat. lib. II Od. 4, et Medic. a m. pr. 759 *et superant* Goth. sec. 760 *Procedo et P.* Heins. cum vetustioribus, etiam Pierianis, et Donato, ut inf. III, 349 et sup. 632. *Volgo Procedo ad P. vel Protinus ad P.* cf. Burm. *præcedo* Moret. pr. *sedemque arcemque* ed. Ven. 761 *At jam* Goth. sec.; hoc desideres, vel *Hic jam*. 762 *lati duo* Burm. *durus Parrhas.* in marg. cum nonnullis Pier. et Goth. tert. 763 *observabant alii* ap. Pier. Heins. et Burm., *sollenni lapsa ex asservabant. observant Parrhas.* hic Goth. alter. 765 *craterasque* Medic. *que abest duob.* Burm. et alteri Goth. 767 *Supplem versum,* Venetus: *et crebris sua carpunt pectora pugnīs,* Exc. Burm.: *crebrisque premunt sua p.* p., Guelpherb. un. in Exc. Cort.: *et crebris pulsant sua p. p.,* Wittianus: *et tacitis implent mugitibus auras.* 768 *umbras multi* ap. Burm. et duo Goth., ut jam toties va-

lūstro, simpl. circumspectio. 755. horror noctis et silentium ubique terret me.

761—766. A domo sua, quam expilatam et incensam ardere videt, ad arcem et regiam tendit: hic vero hostem videt asservare prædam et captivos; Creusa itaque nec hic reperi-
ta, discedit. *Porticibus vacuis.* sup. 528 *Porticibus longis fugit et vacua atria lustrat. Junonis asylo,* simpl. pro templo, quod in arce fuit. cf. sup. ad 567. Eurip. Troad. 32 simpl. *ὑπὸ στέγαις τειρόν.* 766. *pueri et matres captivæ* abducendæ.

Expressum miserabile hoc captivorum agmen in Tabula Iliaca n. 111 et in Polygnoti pictura ap. Pausan. X, 25. 26. cf. inf. III, 323. Ovid. Met. XIII, 412 sqq. Notatum autem in h. l. Trojanis jam temporibus prædam non temere cuique pro se parare licuisse, sed unum in locum fuisse congerendam, mox certis legibus dividendam, unde munera *ἱεράπερα* locum habebant. Id quod inter cultioris vitæ elementa referri solet. Porro, nondum illa ætate religioni habuisse victores, sana expilare et incendere.

Implevi clamore vias, mœstusque Creüsam
 Nequidquam ingeminans iterumque iterumque vocavi.
 Quærenti, et tectis urbis sine fine furenti, 771
 Infelix simulacrum atque ipsius umbra Creüsæ
 Visa mihi ante oculos, et nota major imago.
 Obstupui, steteruntque comæ, et vox faucibus hæsit.
 Tum sic affari, et curas his demere dictis : 775
 Quid tantum insano juvat indulgere dolori,
 O dulcis conjux ? non hæc sine numine divûm
 Eveniunt. Nec te hinc comitem asportare Creüsam
 Fas ; aut ille sinit superi regnator Olympi.
 Longa tibi exilia, et vastum maris æquor arandum ;
 Et terram Hesperiam venies : ubi Lydius, arva 781

riatam vidimus. *per urbem* conj. Heins., v. Burm. quidam tamen : *per noctem, per noctis silentia!* 769 *viam* nonnulli ap. Burm. 770 *nec quicquam* Franc. *iterum iterumque* aliquot Heins. et Burm. cum Goth. sec. 771 *sine more* tert. Moret. et Leidens. unus ; quod alias Virgilius amat : sed b. l. non convenit. *ruenti* aliquot boni libri Heins. et Burm. Minus bene : nam *furere* magis *hægic* quam *ruere*. 772 *unius* *uabra* Zallich., sed *ipsius* etiam Nonius in *imago*. 774 *Obstupui* scribitur etiam hic ap. Pier. *steterantque* aliquot Pier. et tres Burm., prave. *stetereque* Franc., ut etiam lib. III, 48 habet, ubi hic versus repetitur ; hemistichium autem alterum repetitum XII, 368. IV, 280. 775 *tunc* alii ap. Pier. et Goth. alter. *effari* Hamb. sec. v. sup. 700. 776 *dolori* Heins. librorum auctoritate restituit ; vulgo *labori*, ut nonnulli libri, etiam Goth. alter, forte ex lib. VI, 135, quanquam ea permutatio sollennis. Hic tamen *dolor* potius, quam *labor*, locum habere videtur ; nisi quod *labor* exquisitè pro dolore ponitur. Arusi-anus Messius laudat : *Quid juvat insano tantum i. dolori, Uratisl. : Quid tandem i. j. i. dolori*, et pr. Moret. : *Quid tam insano*, ex compendio literarum. 778 *nec te comitem hinc asportare* Cr., ut in nonnullis legitur, olim libros obsedis, ex Servio patet ; quod Grammatici adeo defendere satagebant. Retinuit metri vitium Caning. Alii aliter emendare voluere ; nam Medic. cum aliis : *nec te comitem hinc portare* (pr. Moret. etiam *portasse*), Hamb. sec. : *nec te hinc c. portare*, duo Moret. : *nec te comitem portare*, Parrhas. : *nec te comitem asportare*. 779 *aut ille s. ex Medico*. et aliis optimis reposuit Heins., ut jam ed. Ald. et aliorum vett. Vulgo *haud ille*, sed ex Codd. non facile tale quid dijudicari potest. Witt. *haud ille sinet*. Porro *summi* Exc. Burm. *puri* Goth. alter. 780 *longum* Gud., pro var. lect. *τὸν vastum. auxilia* Goth. tert. 781 *Et terram* H. Heins. cum optimo quoque, etiam Pieriano ; Virgiliano more ex Grecis ducto, ut *ad* omittatur. Vulgo tamen *Ad t.*, ut et nonnulli codd. habent, et Probus in Arte. Heins. conj. *Ut t. Parrhas. Hesperiam*.

771. 772. *tectis urbis*, intra urbis moenia. *simulacrum*, εἰδωλον, *infelix*, infeliciter amissæ Creusæ. 773. *nota major i.*, h. e. pristina ; igitur jam dea facta. Nota veterum opinio. Loca conguessit Cerda : v. Exc. XIII ad lib. I. Imitatione nostri Hylas Herculi per somnum objectus apud

Valer. Flacc. IV, 18 sqq.—43. 774. Ex Iliad. Ω, 358—360.

777. Iliad. E, 185 Ὀὐχ ὄγ' ἀνευθε θεῶν τὰς παύεται. Et similia alibi. Omnino hæc oratio est affectus plena. 779. *Fas*, fatum, seu voluntas decorum. cf. Heins. 780—784. *exilia* pro *exilium*, et hoc pro longo itinere vel er-

Inter opima virûm, leni fluit agmine Thybris.
 Illic res lætæ, regnumque, et regia conjux
 Parta tibi; lacrimas dilectæ pelle Creüsæ.
 Non ego Myrmidonum sedes Dolopumve superbas 785
 Adspiciam, aut Graiis servitum matribus ibo,
 Dardanis, et divæ Veneris nurus :
 Sed me magna deûm Genetrix his detinet oris.
 Jamque vale, et nati serva communis amorem.
 Hæc ubi dicta dedit, lacrimantem, et multa volentem
 Dicere, deseruit, tenuesque recessit in auras. 791
 Ter conatus ibi collo dare brachia circum;
 Ter frustra comprehensa manus effugit imago,

782 *lato f.* Dorvill. cum nonnullis Pier. 783 *res Itale* Medic. et Colot. ap. Ursin., miro lapsu. *res læta* et *res læta* nonnulli; sed *res læta* præclare poeta de felici et prospero rerum statu et conditione, ut sæpe alibi. 785 *superbam* Franc. 786 *haut vel haud* aliquot. 787 *et tua conjux* supplent nonnulli *versum* in Serv. 788 *me detinet* Hamb. *hic detinet* ed. Veu. 789 *serva nati* Montalb. *amores* Græv. 790 *plura v. d. Leïd.* 791 *Discere* sec. Hamb. 792 *conatus erat* Macrob. V Sat. 7. *colla et d.* Dorvill. *circumdare brachia collo* sec. Moret. 792—794 *idem versus* inf. VI, 700—703. 793 *comprehensa* Heins. cum Medic. et optimis ceteris; alii *compressa*, quod

rore, adjuncta notione, quod extra patriam sit. cf. Burm. Ductum ex *φρύγῃ* et ex *arandum* assumendum verbum latius; *obscunda*, ut jam Serv. *Lydius Thybris* pro Etruscus, ex veteri opinione originis Etruscorum a Lydis ductæ. v. Exc. III ad lib. VIII. *area virum* signate, exemplo Græci *ἀνδρῶν*. *leni fluit agmine*. Supra Georg. I, 322 *agmen aquarum* dixerat; at h. l. absolute Ennii exemplo Annal. V *Quod per amenam urbem leni fluit agmine flumen* apud Macrob. VI, 4. Adde Lucret. V, 272 et nostri imitatore Stat. I Theb. 356. cf. Cerda. Acceptum igitur novum vaticinium a Creusæ umbra de sedibus in Italia quaerendis: cf. Disquis. II. s. 6. Porro de hac locorum, quo perventurus erat Æneas, notatione, quo judicio facta sit; v. Exc. XV ad h. lib. 784. *parta tibi* nunc,

fato destinata. *lacrimas Creusæ*, propter Creusam: ut alia.

785—789. Præclari versus: metuere autem debuit, ne illa in hostium manus incidisset et captiva abduceretur. Similitudinem habent inf. III, 321 sq. Andromachæ verba; et quoties non decantata est hæc calamitas in Tragicis! Memorat autem Neoptolemi regiam v. 785. tanquam præcipuam præcipui inter Achivorum duces. *sedes superbas*, regiam superbiorum dominorum.—788. Magna deum Mater. Videtur innui: a Cybele eam in consortium esse assumptam tanquam Nympham in patrio solo. De Creusæ fati cf. Exc. XIV.—789. plenus affectus versus. Præclarum locum Propertii IV extr. 73. 74, et Eurip. Alcest. 378 jam Cerda laudavit.

792—794. Versus ducti ex Ho-

Par levibus ventis, volucrique simillima somno.

Sic demum socios consumpta nocte reviso. 795

Atque hic ingentem comitum affluxisse novorum

Invenio admirans numerum; matresque virosque,

Collectam exilio pubem, miserabile vulgus.

Undique convenere, animis opibusque parati;

In quascumque velim pelago deducere terras. 800

Jamque jugis summæ surgebat Lucifer Idæ,

Ducebatque diem; Danaïque obsessa tenebant

Limina portarum; nec spes opis ulla dabatur.

Cessi, et sublato montem genitore petivi.

Pierius prætulisse videtur. Zulich. *compressa*. sec. Hamb. *conata*; perpetuæ variationes. Aliquot Pier. etiam, *manu*. 794 *Par l. pennis*, v. s. *vento* Medic. Pierii, ex interpolatione. s. *fumo* Macrob. V Sat. 5, ut alibi: inf. V, 740. IV Georg. 449. *ferro* Leid. a

m. pr. Faber emendabat *somnio*, quia *ὄνισσος* *ἰαλός* ap. Græcos occurrit. Sed *somno* quidni poeta æque bene dixerit, qui et ipse, si excussus, dispulsus fuerit, solvitur, diffluit, evanescit. Nec, si somnium cogitare necesse sit, quicquam impedit, quominus *somnum* de eo accipias, ut simile plane sit illi ap. Apollon. IV, 877 *Αὐτὰ δὲ πνοὴν ἰαλὴν δίδμας, ἢ ὄνισσος* Bæ p' *ἰμην*. 796 hic abest tert. Rottend. *effluxisse* duo Hamb. 798 *ex Ilio* Heins. secundum Donati scripturam probabat, sed invito metro. Mox idem malit *jan-*

gere; *mis. vulgus undique conv. et mis.* Rottend. tert. *mirabile* Leid. 799 *animisque* Moret. sec. et pr. Rottend. 800 *decurrere* Gud., pro *div. lect.* 802 *que* abest Franc. 804 *montes* Medic. cum altero Mediceo Pierii et aliquot aliis ap. Barm. Utrumque rationem habet.

mero Odyss. A, 205—207. Unde petierunt et alii. cf. sup. Georg. IV, 500.

798. *Collectam exilio*, ad fugam, *pubem*, juvenes quoque. Mox 799 *opes*, fortunas ad naves faciendas, instruendas et sic porro.

801. Noto poetarum more, cf. v. c. Apollon. I, 1273. sidera de montibus proximis oriuntur et occidunt;

re ab oculorum sensu petita. Ida autem Trojæ imminens. *Lucifer*, stella Veneris accommodata. Vid. Excurs. XVI.

802—804. *Limina portarum*, portas. *Spes opis*, auxilii patriæ ferendi, Serv. Est simpl. salutis. Igitur discessi. *montem*, int. Idæi jugi partem, qua ad Antandrum via ferebat, conf. IX, 80.

EXCURSUS I ad Æn. II princ.

De auctoribus rerum Trojanarum

(τῶν Τρωϊκῶν).

Post sermonis poetici elegantiam, poetæ doctrinam declarare nobis imprimis esse propositum, ab initio sumus professi. Cum itaque in libro altero ille excidii Trojani casus mira rerum varietate et jucunditate exponat, multaque, quæ in Homero non occurrunt, commemoret; quandoquidem in inveniendis rebus aut in aliorum inventis sapienter adoptandis, variandis, ornandis, disponendis, eloquendis, vel maxime poetæ ingenium cognoscitur; ut intelligatur, quænam ille ab antiquioribus poetis jam ante exposita ad sui carminis naturam, rationem ac consilium, attemperaverit, non intempestivum fore arbitramur, si, qui ante Virgilium præter Homerum res Trojanas, excidii imprimis, de quo nunc potissimum agitur, exposuerint, quosque ex iis potissimum Virgilio ante oculos fuisse probabile sit, paullo accuratius indagemus; etsi in nonnullis nos doctioris disputationis tantum lineas ducere, in aliis nonnulla, quæ copiosius jam ab aliis dicta sunt, summatim colligere non ignoremus.

Res igitur Trojani belli omnino post *Homerum*, primum auctorem,* longo tamen temporum intervallo, centum saltem annorum, nec nisi postquam vulgo circumferri cœperant Homeri carmina, fuerunt tra-

* De his accuratius disputandi locus erit ad ipsum *Homerum*. Nunc reliqui intacta, quæ ante *Iliadem* cum Scholiis Venetis a Villoisono editam mihi probabilia esse videbantur. Alia dies docuit, docebitque, ut fieri necesse est in iis, quæ tantum probabiliter constitui nec, fide historica deficiente, ultra probabilitatem assurgere possunt. Strabo autem, ut ubique feci, et in posterum quoque faciam, nomen *Homeri*, laudaboque carmina *Homeri*; in re enim incerta suarum opinionum ludibria immiscere, nec modo interponere, sed tanquam pro exploratis substituere velle ea iis opinionibus, quæ vulgo receptæ sunt, in prudentem virum haud cadit. Hac eadem de causa per omnes superiores annos suspiciones de Homericis carminibus pectoris tanquam claustris custoditas non nisi loco suo, et ad finem Observationum in *Iliadem* prodidi; forte nec hoc in animu admissuras, nisi expressa quodammodo earum confessio fuisset; neque enim tam magni ingenii res est in talia incidere, quam iudicii, videre, an satis explorata et seria ea sint, ut in medium proferri possint.

etatae a poetis cyclicis, hoc est, ab iis poetis, qui, Homeri exemplo, non modo rerum bello Trojano gestarum, quæ Iliadem sive antecesserunt sive sunt secutæ, verum, Proclo apud Photium teste, totius mythologiæ a Cœli et Terræ inde nuptiis ad finem errorum Ulyssis, modo singula capita modo plurium capitum complexum, *carmine epico*, hoc est, ad Homerici carminis numeros, tractandique et eloquendi modum, composito, exposuerant, et ex quibus certa dispositione a nescio quo collectis et ordinatis syntagma epicum concinnatum, extitisse putatur. Accurate de iis, post Nicolaum Loensem in Epiphyll. II, 4. Salmas. in Solin. p. 597 et Casaub. ad Athen. VII, 4. Dodwell. de Cycl. p. 802, qui soli consuli merentur, egit Schwarzius Altdorf. in Diss. de poetis cyclicis. Adde Fabric. B. Gr. T, I p. 281. Sunt tamen admodum pauca in hoc argumento ad liquidum perducta.

Nam primo, quorum poetarum nomina et opera hoc *cyclo* comprehensa fuerint, res est partim obscura, partim controversa, etiam inter veteres; nec satis constanter traditur, quam late ejus argumentum patuerit; modo enim intra belli Trojani fines ille substitisse, modo ad ipsam cosmogoniam evagatus esse narratur. Quo ipso constare puto, intra privatam nonnullorum doctorum Grammaticorum opinionem totam hanc de cyclo epico præceptionem substitisse in diversa abeuntium. Neque unquam tale corpus plurium poetarum aliter confectum, quam ut grammaticus aliquis eorum recensum seu indicem faceret, et singulari forte libello aut in opere grammatico ederet; nec facile omnes, quorum magnus fuit numerus, qui Genealogias deorum, Titanomachias, Gigantomachias, Argonautica, Thebaica, Heracleas, et sic porro, tum in rebus Iliacis, qui Νόστρος scripserunt, tali indice enumerati fuerunt. *Arctinum Milesium, Eumelum, Leschen* et *Cypria* carmina eo comprehensa fuisse plerique tradunt; *Antimachum, Stesichorum*, alios inserunt alii, fide non satis explorata. Videntur porro plura in hac quæstione confundi: Alius est *Cyclus mythicus*, h. e. fabularum complexus inde a genealogiis deorum ad Trojæ usque excidium deductus; alius *Cyclus Trojanus*, h. e. fabularum ad bellum Trojanum spectantium. Jam ab his cyclicis dictos arbitror *poetas cyclicos* et *carmina cyclicæ*, quorum argumenta intra alterutrum mythorum complexum et orbem continebantur: non vero ut ipsi cyclum aliquem constituerent. Ex priore genere fuere Theogoniæ, Cosmogoniæ, Titanomachiæ, qualis fuit seu Eumeli Corinthii sub Olympiadum initia, seu Arctini, Corinthii (non Milesii), Gigantomachiæ, Φορωνίς, Δαναΐς, Εσæ, Ναυπαικτική, Ἡρακλεία, Argonautica, Θηβαΐς (κυκλικὴ dicta) τὰ ἔπη τὰ εἰς τὸν πόλεμον τῶν

Ἐπιγόνων, Ἀλκμαιωνίς, Μιννάς, Αἰγίμιος, Οἰχαλίας ἄλωσις, Κήϊκος γάμος, Ἀμαζονικά, Θησηίς; ex altero autem Arctinus, Lesches, Stasinus Cyprius. Confusus cum his cyclis *cyclus epicus*, quem grammatici Alexandrini, Aristarchus et Aristophanes Byzātinus, constituerant, dilectu inter poetas epicos veteres facto, et principibus tanquam in canonem et in censum relatis; fuere illi Homerus, Hesiodus, Pysander, Panyasis, Antimachus (v. Quinētil. X, 1, 51 sqq. Proclus Chrestomath. et hinc Tzetza Proleg. in Hesiod. et in Lycophr.). Translatum est hoc nomen cycli epici etiam ad illa duo cyclicorum genera, quatenus res Trojanæ et mythi hexametris erant expositi. Tractum aliquando nomen ad duo carminum genera, quibus tanquam nota aliqua eo ipso inureretur: alterum, quoties poetæ in argumento jam ab aliis tractato, in rebus notis ac tritis, *circa vilem patulumque morarentur orbem* (Hor. Art. 132): alterum, cum, epici carminis naturæ et artis ignari, narrationem a primis rei primordiis repetitam per singulas partes, tanquam scriptores pedestres, exponerent: quod v. c. Statius in Achilleide tentavit: ad hoc genus spectat Epigr. in Anthol. II, 40 p. 163 Steph. Nata hinc illa: apud Acronem in Horat. cyclicum poetam esse, qui variare res nesciat; et Isidor. VI, 17 ea carmina cyclica vocari, quæ cujusque materiæ simplici forma facta sint. Hunc in modum diversarum rerum discrimine facto, licebit tandem aliquid certi et explorati de *poetis cyclicis* tradere.

Horum poetarum opera, quantum ex fragmentis, tum ex Quinti Smyrneni imitatione, et ex argumentis Cypriorum Carminum et Νόμων apud Proclum, colligere licet, tota ad Homeri non tam artem quam sermonem potius ac colorem et epicam dictionem fuit composita. Nec tamen res intra poetices spatia substitit, sed liberius est evagata. Nam, cum pedestris orationis usus et cultus increbescere inter Græcos cœpisset, multique essent, qui antiquissimos mythos historiasque Græciæ, partim singularum urbium fabulis, religionibus ac sacris, festis ac ritibus, locorum etiam monumentis, templorumque donariis consecratis, partim ex priscis carminibus, quæ supererant, collectas literis mandarent; inter quos *Pherecydes Atheniensis*, et *Acusilaus Argivus*, *Hecataeus Milesius*, et post hos alii *Θεογονιῶν* auctores, genealogiis deorum ac cosmogoniis condendis imprimis inclaruerant; successerunt alii, qui Græcorum post mythicum tempus historias, eoque etiam bellum Trojanum perscriberent, inter quos nescio an primo loco *Hellanicum Lesbium* ponam, cujus magnum opus *ιστοριῶν* fuisse videtur, ad quod tanquam partes referenda erunt quæ laudantur: *Φορωνίς*, *Ἀρδίς*, *Ἀφλάρ*.

τις, Δευκαλιώνια, Τρωϊκά. (Fragmenta ejus nunc collecta sunt a doctissimo viro, F. W. Sturz, quibus addo aliud satis memorabile de Achille a Scamandro oppresso in Schol. Ven. B ad Iliad. Φ, 242.) In Troicis rebus fides ejus imprimis fuit probata, ut etiam Dionysius Halic. lib. I. c. 46. 47. 48 in Trojæ excidio Æneæque fuga narranda eum potissimum sequendum existimaret; et ex Clemente Alex. I Strom. pag. 139 satis constat, eum Trojæ captæ epocham inter ceteros accurate definiisse. Laudantur eodem loco alii, sed nominibus tantum noti. Celebrius nomen est *Dionysii Milesii*, qui Herodoto paullo antiquior circa Olymp. LXV vixisse traditur, κυκλογράφος Suidæ et Tzetzæ dictus, non tanquam cycli epici auctor, quod male traditur, sed propter opera, quæ cyclum mythicum et historicum efficiebant, eaque in hunc modum ordinanda, ut scripserit Μυθικά, Ἀργοναυτικά, Τρωϊκῶν βιβλία γ', tum Κύκλον ἱστορικὸν ἐν βιβλίοις ζ', sequebantur τὰ Περσικά et tandem τὰ μετὰ Δαρείον; nisi duo hæc unum idemque opus fuere; in quo ipso habemus historiæ catholicæ scriptorem antiquiorem illis, qui vulgo habentur.*

Etsi autem cum temporum decursu ab antiquis illis rebus mythicis ad seriorem temporum res et casus historiæ procederent, tamen et sequiores scriptores ab antiquioribus Græcorum rebus orsi bellum fere Trojanum, quoniam ab eo inde tempore civitates ac regna Græciæ sive ad certam formam fuerant descripta, sive futurarum opum prima initia ceperant, in principio operum suorum modo brevius modo copiosius repetebant; quod nec *Thucydides* facere recusavit. Et in hunc, puto, censum veniunt nonnulli scriptores, qui Trojanas res perscripsisse dicuntur; quos in transcursu modo eas leviter attigisse existimandum est. Ita apud Dionys. Halic. I, 48 *Menecrates Xanthius* historiam ab Achillis funere auspicatus narratur, exordio quoque libri subjecto; quo tamen summatim tantum, cum ad Lyciæ res (τὰ Λυκιακά) exponendas ille properaret, Trojanas res perstrictas fuisse credere licet. Etiam *Callisthenes*, ejus Græcæ Historiæ olim celebratæ fuerunt, ab anno pacis Antalcidæ Ol. XCVIII, 2 deductæ, quando de Troja capta egisse memoratur (v. Schol. Euripid. Vet. apud Ursin. ad Virg. II Æn. 255 et interpolatus ab eo locus Iliad B. post v. 855. memoratus est a Strab. XII, p. 817.) primo saltem Græcarum Historiarum libro

* Cf. ad hæc *Notas ad Apollodor.* p. 921 sq. 980 sq. *Commentat. II de fontibus historiar.* *Diodori in Commentation. Soc. R. Sc. Gott.* T. VII. Omni tamen hæc opera me non nisi lineas duxisse iis, qui in hæc accuratius inquirere vellent, obscurum esse non potuit.

Trojanas res summatim narrasse videtur: etsi, hoc ita factum, ut separatum aliquod opus particula illa haberi posset, suspicari possis ex Cicer. V ad Div. 12.

Cum ab his scriptoribus, qui res vel universæ Græciæ, vel singulorum civitatum certique temporis exponerent, tamen Trojanum bellum non plane prætermitteretur: fieri id multo magis debuit ab iis, qui Historiarum systemata conderent, ut res Trojanas omninoque totum cyclum mythicum operibus suis intexerent aut præfigerent. Et hoc factum vides a *Diodoro Siculo* in libris quinque prioribus, qui extant, in quibus cum Dionysium maxime Milesium supra memoratum excerpisse suspicor, cf. lib. III, 52, ubi v. Wessel.* Idem ante eum ab *Anaximene Lampsaceno* factum, qui Alexandri tempore vixit et ab antiquissimis Græciæ rebus (ἀπὸ Σιογονίας καὶ ἀπὸ τοῦ πρώτου γένους τῶν ἀνθρώπων) orsus (τὰς πρώτας ἱστορίας vel τὴν πρώτην τῶν Ἑλληνικῶν) historiam usque ad pugnam Mantineensem pertexuerat. vid. Diodor. XV, 89 et Voss. de Hist. Gr. I, 10, nec non in Pisandri opere infra laudando. Fuit quoque scriptor antiquus (συγγραφεὺς παλαιὸς πάνυ apud Dionys. Halic. I, 72, et I, 49 ἀρχαῖος καὶ λόγον ἄξιος) *Cephalo* Gergithius seu Gergethius (τὰ Γέργηθα urbs Æolidis), qui Τρωϊκὰ scripserat: cf. Notæ ad Apollod. p. 740: diversus ille, etsi obloquatur Leo Allatius de patria Homeri c. 1, a *Cephalione* vel *Cephalaxone*, cujus ἐντομὸς ἱστορικὸς fuit *Musarum* nomine inscriptus, res a Nino ad Alexandrum narratione persecutus; lectus ille Photio c. 68, et in epitomen redactus a Sopatro: ibid. c. 161. add. Syncell. p. 167, et ib. not. Quid tamen facias Athenæo IX, p. 393 E, ubi Hegesianax Alexandrinus ὁ τὰ Κεφαλίωνος ἐπιγραφόμενα Τρωϊκὰ συνθεῖς? Scilicet suspicari licet, veterem illum librum interiisse et in ejus locum temere a nonnullis substitutum fuisse similem librum Hegesianactis. Fuerunt alia Τρωϊκὰ *Metrodori* Chii, qui Hippocratis magister fuit, laudata apud Athen. lib. IV exeunte, p. 184 A. Non mihi constat, ad quod tempus referendus sit *Theodorus* Iliensis, qui ἐν β' Τρωϊκῶν excitatur apud Suidam in Παλαίφατος Ἀβυδηνός. Fabulosum *Syagri* nomen ex Æliani V. H. XIV, 21 laudare nil attinet. *Servius* ἐν

* Cf. Commentationem paullo ante laudatam. Viam ad hanc mythicam cum vera historia conserendæ rationem munierat Dionysius Milesius paullo ante memoratus; et ipse *Hellanicus* Lesbios, qui in libris supra laudatis mythicæ narrationi historias subtexuissc videtur. cf. Dionys. Halic. I, 48 pr.

τρίτῳ τῶν Τρωϊκῶν excitatur in Schol. Ven. B. ad Iliad, Φ, 242. Verum hi ad seriores relegandi esse videntur: de quibus postea memorabitur.

Aliquamdiu *res Trojanæ* communi aliquo inter scriptores consensu erant traditæ, prout ab Homero et poetis cyclicis, ex *majorum fama* ac narratione, *antiquo sermone*, hoc est, poetico, fuerant expositæ. Sed cum cœpissent esse, primum, qui *sigillatim* particulam aliquam ex toto illo cyclo mythico decerptam carmine tractarent, ornarent et delectationis caussa variarent, tum alii, imprimis *lyrici*, qui carmina sua suavis episodii distinguerent, ex eo tempore *res Trojanæ* quasi *materiæ poeticæ* loco habitæ sunt, qua ingeniosi homines in quamcumque formam diffingenda uterentur, unumque id propositum haberent, ut cum probabilitate aliqua delectarent.

Ab historiæ fide multo magis recessum est, cum *Tragici* poetæ fabularum suarum ὑποθέσεις et argumenta ex cyclo illo peterent, et pro consilio suo tragœdiæque natura varie ea tractarent, ornarent, inflecterent, nova affingerent, et sæpe in diversissimas partes traherent. Quæ quidem res cum vel ex Sophocle et multo magis ex Euripide notissima sit, hæere in illa nolumus.

Jam historicis et tragicis successit novum hominum genus, quod omnia miscuit ac turbavit, *Interpretes poetarum* dico et *Grammaticos*, maxime ab Ptolemæorum inde sæculo,* quorum alii Cyclosillos in epitomen redegerunt; qualem habemus adhuc *Apollodori Bibliothecam*, quam cycli epici compendium esse jam Salmas. ad Solin. p. 847 vidit;† alii separatim hanc vel illam particulam ex toto orbe exposuerunt. Ita *Lysimachus* Alexandrinus τὰ Θηβαϊκὰ, et τοὺς Νόστους, de quibus inf. Excurs. V. *Euphorion* autem suis Chiliadibus (de quibus v. ad Ecl. VI, 72) suis locis *res Trojanas* inseruerat; ut de Laodice: v. Pausan. X, 26 extr. et inf. Excurs. V. Similiter alii Grammatici τὰ παραγγδόμενα scriptis peculiaribus explicuefant, quibus tragœdiarum argumenta ac fabulas exponebant, interdum et commentabantur: quo ex genere utinam superessent saltem *Asclepiadæ τῶν παραγγδουμένων* libri! verum iis aliisque multis amissis, nonnulla superesse videntur in *Hygini fabulis* ex veteribus tragœdiis excerpta; nam major operis, sed luxati, partim in epitomen, partim in excerpta, redacti, pars ex orbe Græcorum my-

* Cf. *Prolog. de sæculi Ptolemæorum genio* in *Opuse*, T. I, p. 94. 98. 105.

† Vid. *Notas ad Apollod.* p. 956 sq.

thico est consarcinata, ut inspicienti facile apparet; facto enim a genealogiis deorum initio per Cadmeas ac Thebanas fabulas ad Argonautica, Heracleam et Troica ex more procedit.*

Qui post illos scriptores iterum veteres mythos, adeoque etiam Trojanum bellum, novis libellis repetebant, cum antiquissimos scriptores sequi, et tragicorum ac lyricorum ceterorumque poetarum commenta ac lusus sollerter ab illis discernere deberent, omnia inter se miscuerunt, totamque adeo veterum mythorum rationem turbarunt, ut in plerisque difficile sit perspicere, quid ac quantum veteris vel philosophiæ vel religionis vel historiæ vel prisci sermonis iis subesse credendum sit. Cujus corruptelæ auctores habendi imprimis iidem sunt Grammatici, qui commentarios in veteres poetas scripserunt. Dum enim illi ad illustrandam aliquam fabulam, omnia, quæ usquam legerant, nullo iudicio collegerunt, et ex uno loco in centum alios, modo additis nonnullis modo recisis, transtulerunt; perditis nunc antiquis scriptoribus, unde hauserant, ipsi ab eo inde tempore fabularum auctores, indocti pariter et levissimi, facti sunt.†

Etiam *Philosophorum*, *Sophistarum* ac *Rhetorum*, opera aliqua fuit in corrumpendis mythis et historiis antiquissimis; illorum quidem in theogoniis maxime aliisque deorum fabulis allegorice interpretandis; ‡ ex quo semel Pythagoras, Heraclitus, et Xenophanes ad mythologiam, tanquam theologiæ aliquod systema subtiliter conditum, offendsent; horum autem in heroum rebus et Trojano imprimis bello, dum declamationum argumenta inde caperent et laudem ex eo captarent vani homines, si haberent, quæ contra res vetustissimæ fidei probabiliter dici viderentur. Habemus adeo *Dionis* Chrys. oratiunculam de Troja nunquam capta, qua mireris nonnullos ad elevandam veteris historiæ fidem, imprimis in rebus Trojanis, uti. Ex eodem genere sunt *Philostrati* Heroica.

Ausi etiam ipsi *historici*, qui veterum scilicet historiarum fidem suis temporibus et solito rerum gerendarum mori ac consuetudini accommodare volebant, res Trojanas in *πραγματείας* formam redigere, aut diversarum narrationum naturas eo consilio miscere, ut major probabilitas novæ narrationis existeret, v. c. ut Romani populi originibus a Trojanis ductis consulerent. *Demetrius* autem Scepheus, ὁ τὸν Τρωικὸν λόγον ἐξηγήσαμενος, ut Strabo XIII, p. 609, Grammaticus Crateti et Aristarcho æqualis, in Scepriorum gratiam multa in rebus Trojanis

* Vid. *Notas ad Apollod.* p. 945.

† Ibid. p. 929 sq.

‡ Ibid. p. 932 sq.

aliter ac ceteri tradiderat. v. Strabo l. c. Librum XVI et XXIV laudari videas ap. Athen. IV, p. 173 F. 175 A.

Cum jam Græcia a Romanis in servitutem redacta cum ceteris libertatis bonis etiam accuratæ doctrinæ habitum, tandem etiam sensum, amisisset, deperditis jam tum aut delitescentibus plerisque ex præclaris illis antiquioribus poetis ac scriptoribus, ecce tibi provenerunt multi non poetæ, sed *versificatores*, qui ex nonnullis, qui supererant, poetis cyclicis antiquis nova carmina conscriberent, aut etiam ex grammaticorum vel historicorum doctioribus libris breviores *epitomas* conficerent, censendas istas et dijudicandas fere non modo ex propria doctrina, sed etiam ex eorum, quos excipserunt, fide ac iudicio. Ex priore genere poetam habemus non infimo loco habendum, *Quintum Calabrum*, in quo emaculando Laur. Rhodomannus, Ilfeldensis olim sub Mich. Neandro disciplinæ æternum decus, tale ingenii acumen exhibuit, ut ex summis recentiorum temporum criticis vix habeam, quos cum ipso comparandos putem. Sed Quintus ille haud dubie ante oculos habuit aliquem aut plures ex veteribus poetis cyclicis, imprimis Leschen, ut mihi quidem visum est, comparatis cum eo fragmentis Leschæ et iis, quæ aliunde de parva Iliade cognoscere licuit.* Sunt in eo loca egregia et quæ præstantiore quoque poeta non indigna sint. Alter est *Tryphiodorus*, cujus *Ἰλίου ἄλωσιν* habemus, sed multo indotior et sæpe ineptus homo, et cum eo *Coluthus*, in *Ἑλένης ἀρπαγῇ* in utroque tamen facile melioris venæ vestigia passim deprehendas, tanto gratiora illa et jucundiora, quo aridius et sterilius solum est, in quo flores illi enascuntur. Ex hoc genere infima jam ætate, infimo loco, fuit *Tzetza*, qui Antehomerica, Homerica et Posthomerica,† versibus scripsit scabris et ἀμέτροις stolidæ jactantiæ homo, qui, non tam, quod Dodwellus augurabatur, veteres cyclicos, quam misellos potius Grammaticos et compilatores, qui eum antecesserant, excipit, nec sic tamen negligendus, quippe ex quo, in tanta

* Accurate hoc persecutus est Tychsen noster, V. C., in *Commentat. de Quinto Smyrnaeo* (1783), cujus novam recensionem parat. Perspectum nunc mihi est, in quibus prioribus libris Aretini *Ethiopidem* expressam esse, inde *Iliadem parvam*, usque ad librum XII. Tum librum XIII et XIV esse argumentum τῆς Ἰλίου πύλης Aretini. Per quæ multo magis firmatur id, quod antea mihi persuaseram, plura antiquorum poetarum vestigia et loca in hoc carmine nobis esse servata, et illud esse *Cyclum Troicum* ex antiquioribus istis poetis excerptis concinnatum.

† Edita nunc illa sunt in lucem et docte illustrata a Fred. Jacobs 1793. quem cf. præf. p. XVII.

meliorum scriptorum jactura, multa, quomodo a superioribus tradita fuerint, intelligi possint, modo quis satis idonea doctrina instructus sit.

Inter eos, qui in morem veræ historiæ rhetorica arte pedestri sermone bellum Trojanum seriore ætate condiderunt, is qui *Dictyis Cretensis* nomen mentitus est, quem adhuc latinum habemus, non indoctus fuit homo, et qui, si non veteres passim cyclicos, interdum et tragicos poetas, tamen eos, a quibus isti fuerant excipiti, ante oculos videtur habuisse. Hunc Græci fere recentiores excipserunt ut Joannes Malelas, Cedrenus, Tzetza et Constantinus Manasses p. 44 seqq. in Synopsi historica a Meursio edita. Præter illum tamen alium adhuc Trojanarum rerum interpolatorem inter seriores Græcos extitisse necesse est sub *Sisyphi Coi* nomine; ex quo multa petiisse videtur Jo. Malelas. Alium *Idomeneum*, (ita enim mentiti sunt nomina antiquorum heroum, nec de Idomeneo philosopho e Schola Epicuri cogitandum esse puto) qui ἐν πρώτῳ Τρωϊκῶν excitatur a Schol. Apollonii Arg. I, 916 de Electra Dardani, Eetionis et Harmoniæ matre. Videtur ille Hellenicum esse secutus, et eum forte auctorem habuit Nonnus Dionys. III, 115. 132. 274. ubi similia narrantur. At *Daretis Phrygi* de excidio Trojano libellus haud dubie ineptum aliquem Sophistam habet auctorem et declamationis potius genus constituit, quo poetarum fabulas in historiæ pragmaticæ formam deflectere propositum est. Characteres heroum, quos intexuit, sunt ex μελετῶν genere, cujusmodi passim alibi occurrunt. Ex Dictye repetiit Isaac Porphyrogennet. p. 304 seqq. in περὶ τῶν καταλειφθέντων ὑπὸ τοῦ Ὀμήρου: quæ sunt Posthomerica rhetorice exposita; edita in Allatii *Excerptis variis* (Ro. 1641, 8) p. 259. Ejusdem sunt characteres Græcorum et Romanorum, quos Rutgersius edidit Var. Lect. V, 20. Melioris notæ est fragmentum τῶν Τρωϊκῶν ex Cod. XXIV Bibliothecæ Uffenbach. P. II, p. 655—686, quod Antehomerica complectitur multa que habet quæcum Tzetza conveniunt.

Fuere etiam olim Τρωϊκὰ Palæphato tributa, sed junioris Grammatici, ejusdem forte nominis, fetus. v. Suidas h. v. et Voss. H. Gr. III h. v. Ex iis depromptum esse videtur, quod Servium laudare video ad lib. III, 8 "quamvis Palæphatus tradat, capto Ilio Æneam post triennium navigasse." Idem de Anio rege et sacerdote egerat, v. eundem ad III, 80, scilicet secundum antiquiores, quos excipserat. Ad eum Joan. Malelæ quoque locum refero Chronogr. p. 101. Troicā *Abantis* apud Servium ad Æn. IX, 264 memorata video. Ex his ac similibus,

qui veteres, quas narrabant, historias simul interpretabantur, fluxisse videntur absurda commenta, quibus contaminata est Trojani excidii Historia in *Malela*, *Cedreno*, forte et aliis Græculis, qui ex telesmatica et astrologia multa intexere ausi sunt v. c. de Palladio etc., alia autem allegorice exponere, ut ipsius *Tzetæ* allegoriæ Homericæ in bibliothecis servantur; quarum similia multa in Chiliadibus apposuit. Non eo usque audaciæ sunt progressi, sed intra Dictyis fere et Daretis commenta substiterunt scriptores deterioris ævi latini, ut *Elinandus*, et qui eum excerpsit, *Vincentius Bellovacensis* Specul. Histor. lib. III, 62, item *Guido de Columna* in Historia Trojana circa 1287 scripta et 1477 edita; quæ si quis non meminerit, unde ducta sint, non parum hæreat, si tot inauditas res a scriptoribus superiorum sæculorum sub ipsa literarum incunabula narrari videat.

Romanos poetas, antiquissimos quidem, nihil aliud fere egisse, quam ut Græca latine converterent, ab his autem ætate proximos, et omnino præstantissimum quemque poetam, Græca latine expressisse, Græciæ flores in viridaria Romana transtulisse, et omnino ex Græcis profecisse unice, ad eorumque exemplum poeticum aliquem sermonem, qui a pedestri oratione plane discrepat, conformasse, in confesso est. *Ennius*, qui Iliadis rivos in Annales suos traduxit, Tragædias plures latine converterat: et sic Tragici ac Comici veteres fere omnes faciendum sibi putaverant. Sed de hoc nunc non agitur; verum Iliadem Homeri transtulerat *Cn. Mattius*, et *Cypria carmina* infra videbimus a *Nævio* latine facta, et, si alii inter Romanos memorantur, qui argumentum belli Trojani tractarunt, ut *Macer Antehomerica*, v. Ovid. II Am. 18, et *Posthomerica* II ex Ponto 10, 13, item *Camerinus*, IV ex Ponto 16, 6, ubi v. not. ex Græcis fere eos sua effinxisse, exemplum eorum, qui superstites sunt, credere jubet. Verum de *Latinis Homeristis* docte nunc egit *Wernsdorf* in *Poet. minor.* T. IV, p. 565. 568 sq. 579.

Munita jam et patefacta est via, ut accedere possimus ad id, cujus caussa totam hanc disputationem suscepimus, ut scilicet quæramus, quem potissimum ex veteribus poetis *Virgilius* in excidio Trojano enarrando secutus sit. Esse hunc inter eos, qui interierint, facile intelligitur, quandoquidem nec cyclicorum poetarum aliquis, nec eorum quisquam, qui proximi ætate fuere, omninoque qui ante *Virgilium* vivere, ad nostra tempora pervenit. Sedula tamen multarum rerum et eorum impri-
mis, qui, seriores quidem, veteres tamen excipserunt, et *Tabulæ Iliacæ* a *Fabretto* vulgatæ, in qua auctores adscripti sunt, una cum *Poly-*

gnoti tabula apud Pausaniam, comparatione, nunc autem multo magis ex Procli Fragmento conjectare licet, *Virgilium potissimum Arctini* Ἰλίου περίοδα, et cum hac Leschei *Iliadem* parvam expressisse, multa tamen, ut infra in singulis videbimus, passim ex *Græcis tragædiis*, imprimis *Euripidis*, hausta intertexuisse, quod tot loca ex Hecuba et Troadibus traducta docent; ut omnino Euripidem plurimum videatur probasse Virgilius. Quod autem poetæ animum imprimis ad tragædias fructumque inde ad ornandum epicum carmen uberrimum petendum potuit convertere et adducere, hoc fuisse arbitror, quod magna fabularum Græcarum pars ab Ennio, Accio, Livio Andronico, Nævio, Pacuvio, Varrone, forsitan et aliis, latine erat conversa. Proficere ex his poeta non parum debuit non modo ad narrationis varietatem, verum multo magis ad orationis poeticæ, cui elaborandæ imprimis studebat, dignitatem et ornatum. Etsi enim diversissima sit tragicæ epicæque orationis indoles, tamen tragica illa oratio Virgilianæ dictioni gravitatem illam, quam tantopere miramur, et majestatem, interdum δεινότηθα aliquam rhetoricam, eloquentiæque modo copiam modo acumen, comparasse videtur. Quam proclive autem Virgilio fuerit, in bello et excidio Trojano, de quo nunc potissimum quærimus, tractando et ornando Tragicorum inventis uti, ex eo apparebit, si tragædiarum hujus argumenti copiam, inter Romanos saltem, ante oculos positam habeas. Ita Livius Andronicus *Achillem*, *Helenam*, *Laodamiam*, *Protesilaum* (nisi eadem cum Laodamia fuit fabula), *Ajacem*,—*Equum Trojanum*,—*Odysseam*, *Ægisthum*, *Hermionem* in scenam produxerat. At Nævii fuere tragædiæ *Iphigenia*, *Protesilaus*, *Telephus*, *Hector*, *Equus Trojanus*, *Ægisthus*; Pacuvii *Chryses*, *Armorum judicium*, *Teucer*, *Iliona*, *Anchises*, *Hermiona*, *Dulorestes*; Accii *Achilles*, *Telephus*, *Diomedes*, *Nyctegresia*, *Epinausimache*, *Myrmidones*, *Armorum judicium*, *Eurysaces*, *Neoptolemus*, *Philoctetes*,—*Troades*, *Andromache*, *Astyanax*, *Hecuba*, *Iliona*, *Deiphobus*,—*Clytæmnestra*, *Ægisthus*, *Agamemnonidæ*, *Æneadæ*, *Antenoridæ*; Ennii *Iphigenia*, *Achilles*, *Telephus*, *Phanix*, *Ajax*,—*Hectoris Lytra*,—*Andromache*, *Hecuba*, *Alexander*,—*Dulorestes*, *Eumenides* (quæ Ennio vulgo tribuitur, *Iliona*, Pacuvii fuisse videtur); Varronis tandem *Cycnus*, *Ajax*, *Armorum judicium*, *Eumenides*. Harum partim fragmenta, aliarum nomina tantum ad nos pervenerunt; sic Atilii *Electra*, L. Pompeii Secundi *Armorum judicium*. Et quot non cum ipsis nominibus intercidiisse putabimus! Quæ igitur poeta in sua narratione a vulgari ratione habet recedentia, aut in quibus auctorem, qui ei præverit, detideres; ea ex tragicis suis in epos suum traduxisse nobis videtur in

vulgari autem narratione *Arctini* Ἰλίου πέρις ἢ s. πέρις tum *Iliadem parvam* diximus ipsi potissimum fuisse propositam; de quibus nunc paucis est exponendum.

Ilias parva, Ἰλιάς μικρά, non tam totum bellum Trojanum, quod tradunt, quam res Iliacas post Homericam Iliadem comprehendere debuit, si ea reputes, quæ, tanquam ejus argumentum, Aristot. de Poet. v. 23 memorat, plus quam octo tragædiis sufficere, cum Iliadis Homericæ argumentum tantum unam, ad summum duas, suppeditet. Nam Ὅπλων κρίσις, Φιλοκτήτης, Νεοπτόλεμος, Εὐρύπυλος, Πρωχία, Λάκαιναι, Ἰλίου πέρις, καὶ Ἀπόλλους, καὶ Σίνων καὶ Τρωάδες, hæc omnia, inquam, ad res post Hectoris atque post ipsius Achillis cædem gestas spectant. Dici vix potest, quantopere viri docti, imprimis Salmas. ad Solin. p. 800 sq., in iis turbent, quæ super hoc disputant. Ad Ὅπλων κρίσιν pertinuerunt versus a Schol. Aristoph. laudati ad Equ. 1059, forte et is qui in Schol. Pindari servatus ad Nem. 6, 85 de Achillis hasta: ἀμφὶ δὲ πόρκης χρύσεος ἀστράπτει, καὶ ἐπ' αὐτῷ δίκροος αἰχμὴ (ita lego, pro corrupto ἐπ' αὐτὸ δίκροος δι) versus effectus est ad Iliad. Z, 320. Θ, 895. In eadem carminis parte locus fuit de Ajace: Eustath. ad B, 557. p. 285. extr. ex Porphyrio: καὶ ὅτι ὁ τὴν μικρὰν Ἰλιάδα γράψας ἰστορεῖ, μὴδὲ καυθῆναι συνήθως τὸν Αἴαντα, τεθῆναι δὲ οὕτως ἐν σορῶ, διὰ τὴν ὀργὴν τοῦ βασιλέως. Ex particula Ἰλίου πέρις versus excerptus esse videtur, Scholiastæ veteri Euripidis ad Hecub. 914 (Scholion in nostris editis non extat, ne in recentissimis quidem; sed ex schedis Fulvii Ursini laudatur ap. Scalig. de Emend. Temp. lib. V, p. 378 ed. Genev. 1629; nam in edit. pr. 1598 nondum reperitur) et Tzetzæ ad Lycophr. v. 344 laudatus: Νῦξ μὲν ἦν μέσση, λαμπρὴ δ' ἐπέτελλε σελήνη, qui et in Tzetzæ Μεθομηρικοῖς repetitus est apud Dodwell. de Cyclis p. 803. nunc v. 720. 773 ed. Jacobs. cf. Exc. VIII ad Æn. II, 250. et ad lib. III, 8. Exc. II. Ex Ἀπόλλων carmine puto esse undecim illos versus de Ænea cum Andromache abducto a Neoptolemo ap Tzetz. ad Lycophr. 1263. cf. eund. ad 1292, ubi additur, eum post Neoptolemi apud Delphos cædem liberatum fuisse. De Sinone inf. dicetur Exc. IV, de Coræbo a Lesche tradita Exc. X memorabuntur. Palladium furto Diomedis et Ulyssis ablatum idem exposuerat, ut ex Hesych. in Διομήδεος ἀνάγκη constat: quomodo autem ab eo res narrata fuerit, intelligi forte poterit ex Zenob. III, 8; est enim hujus narratio simplicissima. Voces et ῥήσεις aliæ nonnullæ videri possunt apud Barnes. Homer. Tom. II Fragm. p. 108. Jam post ista scripta in manus venit fragmentum Procli, quod Ἰλιάδος μικρᾶς

ἢ *Λέσχης* argumentum servavit: * ex hoc intelligitur, poetam exorsum esse narrationem statim ab armorum iudicio, et produxisse usque ad equum in urbem receptum et Trojanorum ex commessatione somnum. Habitus et hujus parvæ Iliadis auctor olim a nonnullis Homerus, ut ex auctore de vita Homeri, qui vulgo Herodotus fertur, patet, c. 16, ubi et primi duo versus occurrunt. Διατρίβων δὲ παρὰ τῷ Θεστορίδῃ ποιῇ Ἰλιάδα τὴν ἐλάσσω (ita hic appellatur, nec audiendus Salmas. Polyh. p. 598 sq., qui Cypria carmina et Ἰλιάδα ἐλάττω unum esse nullo argumento contendit), ἥς ἡ ἀρχή: Ἰλίον ἀεῖδω καὶ Δαρδανίην ἰὺπῶλον, Ἦς περί πολλὰ πάθον Δαναοὶ θεράποντες Ἀρηος. Fabricius, qui l. I. hoc idem repetiit, tamen mox initium poematis Leschei narrat, quod Horatius perstrinxerit v. 136 *Fortunam Priami cantabo et nobile bellum*, Ἀείσω Πριάμοιο τύχην πόλεμόν τε κλεινόν. Sed is versus a Salmasio confictus et pro parvæ Iliadis Lescheæ primo versu venditus est l. c. p. 601 A, scilicet is Iliadem ἐλάσσω diversam ab Iliade parva, et eandem cum Cypriis carminibus esse volebat. Sine auctoris nomine eam laudant Clemens Alex. et Vet. Schol. Euripidis ap. Fabric. B. Gr. T. I, p. 279. 280, et Pausan. III extr. et X, 26. At communior sententia ad Leschen eam retulit, vid. Fabric. ibid. pag. 180, etsi Ryck. p. 444, qui p. 446 contra eam sententiam disputat, sed cupide magis quam graviter ac vere. Lesches hic s. Lescheus, Λέσχεως, Æschyleni s. Æschyli f. Lesbii, Pyrrha civitate oriundus, ab Euseb. Hieron. ad Olymp. XXXIII memoratur: Lesches Lesbii, qui fecit parvam Iliadem, ut inter antiquissimos adeo habendus sit. Eundem in multis expressit auctor Tabulæ Iliacæ, olim in palatio gentis de Spagna, nunc in Capitolio servatæ, quam a Fabretto vulgatam ad calcem *Syntagm. de Columna Trajani* videre licet p. 315. nuncque in Museo Capitol. Tom. IV. t. 68. Adscriptum quoque in illa est: Ἰλιάς μικρὰ λεγομένη κατὰ Λέσχην Πυρραίων. Etiam Quintum Smyræum Leschis vestigiis instituisse nuper docuit is, quem supra laudavi, *Tychsen* noster in *Commentat.* p. 28 sqq.

Jam Cypria carmina, modo memorata, τὰ Κύπρια ἔπη, vel τὰ Κύπρια, apud Aristot. de Poet. c. 23 videas una cum parva Iliade laudata, quo quoque manifestum fit, diversa ea carmina fuisse; uti ex Paus. X, 26

* In *Biblioth. d. alt. Litt. u. Kunst*, Tom. I. p. 33. Haberet nunc vir doctus opportunitatem conficiendæ collectionis Fragmentorum Poetarum Cyclicorum, præmissa *Proli* expositione singulorum carminum; et subjecta comparatione eorum, quæ passim in Tragicis aliisque poetis aut simili aut alio modo sunt pertractata. Expedita quoque inde erit illustratio carminis, quod sub Quinti nomine habetur.

saltem hoc patet, ab Leschei Ἰλίου περίρπει diversum opus fuisse. Videntur ea comprehendisse anteriora Iliadis. Certe ab Herod. II, 117 super Helenæ raptu laudantur; duodecim versus de Helena e Nemese nata ap. Athen. VIII, p. 334 C. et versus ex libro XI ab Athen. XV, p. 682 E. F. excriptos ad iudicium Paridis pertinuisse, facile aliquis suspicetur: tum vero pro ἐν τῷ ἰά haud dubie scriptum fuit ἐν τῷ ἰ. Aliquot versus ap. Schol. Iliad. A, 5 recitantur, qui non longe a principio libri locum habuisse videntur; emendati a doctiss. Wassenberg. p. 134, duo versus de Menelao ad Nestorem devertente sunt apud Suidam in οἶνος, quos sine carminis nomine legimus apud Athenæum lib. II. pr. et, quod triduo Paris Sparta Trojam redierit, ex Cypriis carminibus docet Eustath. p. 663 A. Interspersa quoque erat narratio de Dioscuris Leucippidas abducentibus et pugna cum Apharetidis, ut discere licet e Schol. Pind. Nem. 10, 114 (quo spectat locus Paus. III, 16 pr.), et de Thetidis nuptiis, ut in Schol. Iliad. II, 140 habetur. De Palamede fabulas ex hoc fonte fluxisse intelligo e Paus. X, 31, p. 874, qui scriptor Neoptolemi quoque nomen et Æneæ conjugem Eurydiceñ inde illustrat c. 26. In iisdem fabula de Anii filiabus erat narrata, teste Tzetza ad Lycophr. v. 570: atqui et ea in belli Trojani initia incidebat; ut adeo manifestum sit, Cypriorum Carminum argumentum vix aliquid habere, quod in Virgilianum carmen transferri potuerit. Posthæc cum communicata mecum essent, mox vulgata, a doctissimo Tho. Chr. Tychsen Excerpta Procli e cod. Escorialensi Iliadis descripta, (in *Biblioth. ant. litt. et art. Vol. I.*)* confirmata sunt et illa, et multo magis constitit, Cyprium carmen (τὰ Κύπρια) XI libris constitisse; initio ducto a Pelei et Thetidis nuptiis et orta inde dearum de pulcritudinis principatu contentione, narrationem fuisse deductam usque ad Palamedis mortem, et ad Jovis consilium, ut subveniret Trojanis, dum abstraheretur Achilles a societate belli per seminata inter eum et Atriden dissidia; catalogo sociorum Priami subjecto. Auctor variè a variis est traditus. Fuere olim qui Homerum proderent; et eum filiæ suæ Carmina Cypria dotis loco dedisse, fabula est apud Ælianum e Pindaro, puta grammatico aliquo: sed diversa in Cypriis et dissona ab iis, quæ Homerus de Helenæ raptu tradiderat, occurrere, jam Herodot. II, 117 monuit. Alii alium ediderunt auctorem. v. Athen. VIII, p. 334. XV, p. 682.

* Repetitur super inde est hoc fragmentum a Tyrwhitt ad Aristot. de Poetica pag. 186. at mireris argumentum Iliadis parvæ ibid. pag. 189 non memorari.

Proclus ap. Phot. Cod. 239, Salmas. ad Solin. p. 599 (qui eum suspicabatur esse, qui *gemino* bellum Trojanum *orditur ab ovo*), et, qui adversus eum disputat, Ryck. de pr. Ital. init. p. 446, Fabrett. ad Tab. Iliac. p. 374, Hemsterh. ad Polluc. X, 85, Perizon. ad Ælian. V. H. IX, 15, et quos laudat Interpres Herodoti doctiss. ad l. c. Sed *Stasinum Cyprium* fuisse auctorem, probabilior et communior est sententia. Nomen hoc etiam Scholiis Iliad. A, 5 reddendum. add. Tzetz. Chil. XIII, 639 sq. Ab hujus poetæ patria *Cypro* nomen carminum ductum esse, in aperto est. Latine *Cypria* carmina reddiderat Nævius, cujus *Cypria Ilias* laudatur Carisio (v. de ea Wernsdorf. *Poet. min.* Tom. IV. p. 572); quo ipso probabile fit, eam Virgilio saltem lectam fuisse. Ex eadem forte sunt, quæ Serv. ad Æn. I, 273. III, 10 recitat.*

Sed *excidium Trojæ*, de quo nobis nunc, inter ceteras Trojanas res, potissimum quaeritur, quam diversis modis tractatum olim esse debuerit, vel inde colligas, quod carmina tam multa ab antiquis memorantur *Ἰλίου πέρσις*, h. e. *Ilii vastatio* vel *excidium*, inscripta. In libris fere *ἐν Ἰλίου περσίδι* inflectitur; quod præter rationem fieri Scaliger ad Euseb. Chron. p. 72 a, Maussacus ad Harpocrat. in voc. *καθελών* et Salmas. ad Solin. p. 800 monuerant: nam *ἐν Ἰλίου πέρσει* esse dicendum. (Nec *Ἰλίοπερσις* recte a nonnullis scribi videtur; nam flecti deberet

* Posteriore quidem loco verba hæc sunt: "Litora tum patriæ lacrimans. Amat porta ea, quæ legit (h. e. aliunde mutuatur) immutata aliqua parte, vel personis, ipsis tamen verbis, proferre. Nævius enim inducit uxores Æneæ et Anchisæ cum lacrimis Ilium relinquentes his verbis: Amborum uxores noctu Troiade exhibant,—capitibus opertis, fientes ambæ, abeuntes—multis cum lacrimis. Hoc iste (Virgilius) Æneam eodem in tempore ejusdem rei causa inducit fecisse, cum dixit: Litora tum patriæ lacrimans portusque relinquo." (Æn. III, 10.) Hæc sunt Servii verba. Nævii *Cypriam Iliadem* fuisse, expressa est auctoritas Charisii Instit. Grammat. lib. I, p. 118. "Nævius *Cypriæ Iliados* lib. I. Collum marmoreum torquis gemmata coronat." Et Priscianus lib. X. p. 331. Putsch. "Nævius in Iliade II. Fecundo penetrat penitus thalamoque potitur." Non itaque causam idoneam video, cur accedam Vossio et Scriverio, quorum ille de Analog. III, 33. putat Lævii, hic autem in Baudii Amoribus p. 416 putat Ninnii fuisse Iliadem; at illi putant sine auctoritate, nil probant Lævii fuisse *ἱπποκρατίωνος*, e quo Iambi dimetri, et poemæ Io, a quo Scæzontes laudantur, probabile forte sit ex dictis a Scriverio; Lævium hexametros scripsisse, nemo docet. Nævii contra fuit carmen de bello Punico; cur non idem Iliadem *Cypriam* scribere potuerit, quam expressis verbis memorant duo grammatici, equidem non assequor. Si Ennius eam sibi laudem vindicat, se primum versus heroicos scripsisse, aliū sensum nec habet, nec habere potest, quam eam primum severius ad certas leges hexametros composuisse. Simili modo de se prædicant Lucretius, Horatius, Virgilius, Ovidius, Manilius:

Ἰλιωπερίσῃα.) Fallit tamen in hoc ratio grammatica; nam cum tot locorum, etiam Pausaniæ, tum Procli, auctoritas firmat vulgatam illam scripturam, modo refingas πέρσιδι, non περσίδι. Nobilissima inter ceteras Stesichori Ἰλίου πέρσις sæpius veteribus laudatur, v. c. Pausan. X, 26 pr. (ubi inter captivas Trojanas Clymene. Κλυμένην μὲν οὖν Στησίχορος ἐν Ἰλίου πέρσιδι κατηρίθμηκεν ἐν τοῖς αἰχμαλώτοις. ὡσαύτως δὲ καὶ Ἀριστομάχην ἐποίησεν Ἔννοος θυγατέρα μὲν Πριάμων. Leg. ἐποίησαν ἐν Νόστοις.) item c. 27, p. 865 Hecubam in Lyciam ab Apolline fuisse abductam. Alia collegit Suchfort noster in docta diss. de Stesichori fragm. p. 32 sqq. Ab eodem Pausania p. 864 de Medusa, una e Priami filiabus, Apollodoro quoque memorata III, 12, 5 f., in verbis: κατὰ τὴν Ἰμεραίου φῶδὴν hoc idem carmen designatur, quod lyricum fuisse videtur, sub Himeræi nomine; erat autem Stesichori patria Himeræ Siciliæ; adeoque male inde novum auctorem nonnulli effinxerunt. Etiam in Ilīaca Tabula inter auctores, e quibus artifex Iliadem supplevit, Ἰλίου πέρσις κατὰ Στησίχορον legitur. Fuit hoc carmen lyricum: quale fuit aliud Bacchylidis: vaticinium de excidio Trojæ: quod expressisse videtur Horat. I Carm. 15. Quod in eadem Tabula iis verbis subjicitur: Τρωϊκός, non ejus carminis nomen habendum erat; sed subintelligitur κύκλος Τρωϊκός, complectens ea, quæ sequuntur: adscribitur enim paullo post: Ἰλιάς κατὰ Ὅμηρον. Αἰθιοπὶς κατὰ Ἀρκτίνον τὸν Μιλήσιον. Ἰλιάς ἡ μικρὰ λεγομένη κατὰ Δέσχην Πυρραῖον. Alia Ἰλίου πέρσις, a Stesichori carmine diversa, a Pausania X, 25. 26 memoratur, et quidem Leschei nomine; jam cum apud Aristot. Poet. c. 23 (ut paullo ante vidimus) Ἰλίου πέρσις inter partes Iliadis parvæ memoretur, dubitari vix potest, hanc a Pausania laudatam Ἰλίου πέρσιν Leschei nullam aliam fuisse quam partem Iliadis parvæ eo nomine inscriptam. Memorat ex ea Pausanias Megetem vulneratum ab Admeto Argivo in pugna nocturna (sc. quæ capta Troja facta est), et Lycomedem Creontis f. ab Agenore; Æthram a filiis agnitam; Astyanactem de turri dejectum; Æneæ uxorem Eurydicen; Astynoum a Neoptolemo interfectum; Helicaonem in eadem νυκτομαχίᾳ vulneratum; Eioneum cæsum a Neoptolemo, Admetum a Philoctete; Co-ræbum a Diomede; Priamum ab ara abstractum et ante fores cæsum a Neoptolemo; Axionem, Priami f., ab Eurypylo, Agenorem a Neoptolemo. Quod si idem Pausanias Leschei Iliadem parvam seorsum memorat, ut c. 26 pr. p. 862, sejunctam hanc partem carminis a reliquo corpore eum habuisse apparet.

Apud Euseb. Hieronymi MCCLIV Arctino Milesio, præter Æthi-

opidem, de qua v. Excurs. XIX ad I, 489, tribuitur *Ilii vastatio* (Ἰλίου πέρσις). Cum nemo alius hujus carminis meminerit, interpolati Hieronymi levis auctoritas esse possit: nam sive ex margine, quo quis similis carminis erat recordatus, sive ex interpretatione Æthiopidis, irrepsisse videri potest. Enimvero omnem dubitationem tollit Procli fragmentum e bibliotheca Scorialensi, in quo argumentum Ἰλίου πέρσιδος β' Ἀρκτίνου breviter exponitur. Complexum illud erat libris II novissimæ Trojæ, inde ab equo Trojano ab Achivis relicto, et substitit sub reditum Achivorum. Conveniunt pleraque cum Virgiliana narratione; ita ut statuere liceat, eam ad Arctini Ἰλίου πέρσιδα maxime esse adumbratam. Ex ea etiam illa, quæ ex Arctino Dionys. Halic. lib. I, c. 68. 69, de Palladio narratur, in hoc carmine locum suum bene habere potuere. Suboritur inter hæc suspicio, non aliam forte fuisse Ἰλίου πέρσιν Pausanise sub Leschei nomine laudatam, quam hanc ipsam Arctini nomine apud Proclum inscriptam: nam continuatur in ea narratio Iliadis parvæ usque ad Equi in urbem deductionem perductæ; et in Tabula Iliaca solius Leschei nomen est appositum, cum tamen Ἰλίου πέρσις expressa esse videatur.

Sacade, non, ut vulgo legitur, *Acati*, Argivi, Ἰλίου πέρσιν ex Athenæo XIII, p. 610 C. (cf. Maussac. ad Harpocrat. in καθελόν) laudarunt jam alii, etiam Ursinus ad Virgil. Carmen illud lyricum fuisse credo: nam fuit ille musicus. Primus τὸ πνυδικὸν αὐλημα ἠῶλησε Delphis: Paus. II, 22, quod factum primis statim Pythiis Ol. XLVIII, 3 et alteris Ol. 3 v. Paus. X, 7, p. 814. Statua ejus ingentibus cum tibiis in Helicone stabat; Paus. IX, 30, p. 768. Excidium Ilii non minus persecuti videntur, qui τὰ Τρωϊκὰ condidisse narratur, inter quos *Sagrus*, vix dixeris, qua fide, omnium primus jam ante Homerum argumentum hoc tractasse ferebatur, sec. Ælian. V. H. XIV, 21; de reliquis Τρωϊκῶν auctoribus supra dictum est.

Fuere et Tragædiæ Trojæ excidium titulo præferentes: uti Iophon- tis Ἰλίου πέρσις apud Suid. h. v. ex certa virorum doctorum emendatione. Neque Nicomachi Πέρσις ἢ Πολυξένη alio trahenda esse videtur, ut nec Phormios Ἰλίου πόρθησις; at Timothei πέρσαι ἢ Νάπλιος leg. τυρσοί vel τυρσά. Sophoclis autem Ἰλίου ἄλωσις prorsus commentitia est; prava erat verborum interpretatio apud Strab. XIII, p. 608 Σοφοκλῆς γοῦν ἐν τῇ ἀλώσει τοῦ Ἰλίου παρδαλεάν φησὶ πρὸ τῆς θύρας τοῦ Ἀντήνορος προτεθῆναι σύμβολον τοῦ ἀπόρθητον ἐαθῆναι τὴν οἰκίαν. Nam memorat ille rem, quæ inter expugnationem Ilii evenisse narratur. Meliora jam allata sunt in Excursu de Antenore sup. Exc.

VII.* ad lib. I. non jungenda esse Σοφοκλῆς ἐν τῇ ἀλώσει τοῦ Ἰλίου, sed Σοφοκλῆς φησι, tum cum Ilium caperetur, Antenoris foribus pellem affixam fuisse. Res ipsa etiam apud Pausan. X, 27 in Polygnoti tabula occurrit; Exposita ea esse potuit in fabula Sophoclea Ἀντηνοριδαί, passim a veteribus laudata, quæ ad eam narrationem instituta fuisse videtur, quam Dictys exposuit lib. V extr., cum Antenorī regnum Trojanum ex pacto cum Græcis relictum ab Ænea frustra tentatur.

Sed jam dudum possum videri si non inani, aliena tamen a poeta, opera defunctus esse, siquidem luculentissimo Macrobbi Sat. V, 2 loco satis jam expositum est, quem Virgilius in hoc libro sibi propositum habuerit: "vel quod eversionem Trojæ cum Sinone suo et equo ligneo ceterisque omnibus, quæ librum secundum faciunt, a Pisandro præne ad verbum transscripserit? qui inter Græcos poetas eminet opere, quod, a nuptiis Jovis et Junonis incipiens, universas historias, quæ mediis omnibus sæculis usque ad ætatem ipsius Pisandri contigerunt, in unam seriem coactas redegerit et unum ex diversis hiatibus (h. e. intervallis; noli tentare, *tractibus*) temporum corpus effecerit. In quo opere inter historias ceteras interitus quoque Trojæ in hunc modum relatus est. Quæ fideliter Maro interpretando fabricatus est sibi Iliacæ urbis ruinam. Sed et hæc et talia (nempe omnino quod Virgilius Græcos poetas imitatus sit) ut pueris decantata prætereo." Præclara narratio, et in qua vellem acquiescere posse. Sed dispiciamus eam accuratius, et primum quidem videamus, quisnam ille *Pisander*, et quale hoc ejus opus fuerit.

Nomen illud per duo maxime inclaruit poetas. Alter fuit senior, τῶν Ἡρωϊκῶν Ξεογαμῶν auctor, de quo postea dicam; alter antiquus poeta Pisander, qui circa XXXIII Olymp. vixit, quanquam alii Hesiodo antiquiorem et Eumolpo æqualem tradiderunt, Camiro Rhodi oriundus, *Heracleæ* libb. II auctor, h. e. carminis de rebus ab Hercule gestis, cujus non infrequens inter Grammaticos mentio. Diserte de eo agit Suidas. cf. Kuster, ad e. l. Meurs. in Rhodo II, 11. Staver. et Muncker. ad Hygin. Astron. 24. Burmann. Sec. ad Vales. Emend. IV, 14, qui Pisandri nomen præclare adversus substitutum Terpandri tueretur, et Koppiers Obs. p. 110. Tertium quidem aliquem Pisandrum poetam facit Vales. ad Hesych. in Νοῦς οὐ παρὰ Κενταύροις, et cum eo alii. Sed in Schol. Aristoph. Avib. 1555 κωμωδούμενος aliquis Pisander memoratur, cujus sæpe apud Schol. mentio fit, qui etiam Platonis comœdiam eo nomine insignitam laudat. Adde Suidam in Εἰ τι Πεισανδρὸν. Etiam

Pisandrum Physicum Fulgentius excitat Mytholog. I, 14; verum Grammaticus ille in scriptorum nominibus omnino est contaminatissimus. Sed antiquior ille *Pisander* inter principes poetas epicos post Homërum, Hesiodum, Panyasin et Antimachum fuit habitus, et a Grammaticis Alexandrinis in canonem et cyclum epicum relatus: v. sup. p. 354; adde fragm. Censorini c. 9, et idem διασημότατος ποιητής apud Stephan. in Καμειεύς; Quinctilianus vero X, 1, 56 *Quid? Hercules acta non bene Pisander?* Habemus quoque in ejus laudem Epigramma inter Theocritea XX. Etiam Strabo XIV, pag. 655 D. inter celebres Rhodios, καὶ Πείσανδρος δὲ ὁ τὴν Ἡράκλειαν γράψας, Ῥόδιος. Idem lib. XV, p. 688 C., ubi de Bacchi et Herculis in Indiam expeditionibus agit, dum refellit fabulam, hæc subjicit: "quod Hercules leonis spoliis amictus, et clavam gestans exhibetur, Trojanarum rerum memoria posterius est, πλάσμα τῶν τὴν Ἡράκλειαν ποιησάντων, εἴτε Πείσανδρος ἦν, εἴτ' ἄλλος τις." Quod non ita accipiendum, quasi fuerint, qui pro re incerta haberent, an Pisander Heracleæ auctor esset; etsi Pisino Lindio Pisandrum sublegisse Heracleam fama olim fuit, ut ex Clemente Alex. intelligitur Strom. VI, p. 266 f. loco, quo de scriptorum plagiis agit; verum, quia plura carmina hoc nomine insignita fuere, e quibus unum aliquod exuvias leoninas et clavam primum inter reliqua Herculi tribuerat. Fuit enim et alia Ἡράκλεια, quæ Panyasin Halicarnass. auctorem habuit, quam Eratosth. in Catasterism. c. 11 laudat: cf. Schol. Pind. P. 3, 177 et adi Munker. ad Antonin. Met. c. 20 pr. *Creophylli Οἰχαλίας ἄλωσιν* in ea fuisse excriptam, Clemens Alex. Strom. VI, p. 266 f. prodere videtur. Sed ad hanc alteram Strabonis dubitatio spectare vix potuit, ut nec ad alteram *Nymphios* Heracleotæ, aliquoties in Schol. Apollonii laudatam.

Haetenus de antiquiore. Videamus de altero; qui Alexandro Mammææ imperante floruit, Nestoris Larandensis f. Laranda Lycæoniæ et ipse oriundus; Habuit adeo patrem rei poeticæ studio non minus clarum Severi Imp. tempore; cf. de eo Niclasius ad *Geopon. Prolegom.* pag. LXII. Fuit hujus Nestoris Ἰλιάς λειπογράµματος, egregii scilicet acuminis opus! facit quoque ejus mentionem Menander rhetor apud Ald. in Rhet. ant. Filii autem, *Pisandri*, opus fuit, quod Ἡραίων θεογαµιῶν titulo Suidas, Ἡρωϊκῶν θεογαµιῶν Zosimus Hist. V, 29 laudant. Præstuleram aliquando cum Fabricio B. G. To. VI, p. 606 prius nomen, tanquam ab Ἡρᾷ ductum, quod apud Macrobiū Pisander "a nuptiis Jovis et Junonis incipiens" universas historias persecutus esse narratur; Verum, deserui eas partes, meliora edoctus cum

a Ruhnkenio privatis literis, tum ipso literarum profectu. Recte quidem secutus eram hoc, quod Junonis nuptiæ argumentum fuere in priscis fabulis decantatissimum: v. viros doctos ad Hesych. in *ἱερὸς γάμος*, et loca laudata in Hemsterhuisiana nota apud Valkenarium ad Adoniaz. p. 366. 367, et nuper Wernsdorf. To. IV Poet. min. p. 462. Fuit quoque inter Epicharmi tragædias *Ἥρας γάμος*, alia Alcæi Athen. *ἱερὸς γάμος*. Origines fabula e Creta duxisse videtur; ubi quoque alia vestigia extabant: cf. Diod. V, 72 l. 96; et manavit forte ex illis fabulis locus Iliad. E, 295 sq. Profectum est ex iisdem, quod in Schol. Ven. Iliad. A, 609 occurrit: Jovis et Junonis amores clam per CCC annos exercitos fuisse. Fabulam quoque respici putā in Theocrito XV, 64. *omnia norunt mulieres, καὶ ὧς Ζεὺς ἡγάγεθ' Ἥραν*. Verum inaudita forma esset *Ἡραϊκός*, et ab *Ἥρα* formari deberet *Ἡραῖος*; tum, si de Junonis nuptiis carmen egisset, ineptum fuisset in altero voc. *Θεογαμῶν* latens nomen *θεός*; nam ex Junonis nomine satis intelligitur, *deæ* nuptias celebrari. Corruptos quoque esse in hac voce Suidæ codices, inde colligas, quod Eudocia, quæ Suidam excerpserat, p. 351 *ἡρωικῶν Θεογαμῶν* legerat. Quid igitur, inquis, poeta in hoc carmine tractavit? nempe *ἡρωικὰς Θεογαμίας*, id est, *deorum dearumque nuptias cum heroibus aut heroinis*, seu cum mortalibus viris seu feminis, adeoque etiam *de heroibus* ex istis congressibus *prognatis*: Hesiodi, seu quisquis poeta ille fuit, exemplo, qui in extrema parte *theogoniæ* et in *heroogonia*, cujus partem superstitem habemus, idem argumentum versaverat. Fuere quoque τὰ Θεογάμια, festum et ludi: Pollux I, 1, 37 *Κόρης τὰ παρὰ Σικελιώταις Θεογάμια καὶ Ἀνθεστήρια*. Eadem in numis Nysæensium in Caria (v. Spanhem. Epist. ad Morell. II et ap. Eckhel Doctr. num. Vol. II pag. 586. 589.) in honorem Plutonis et Proserpinæ; et in Bacchi et Ariadnes, ut suspicor, honorem in numis Coryci Ciliciæ occurrunt: v. Eckhel Vol. III p. 53. Eadem *Eugamia*, in numo Ægyptio Vespasiani, prodito a Pellerino (in *Recueil de Medailles de Peuples* To. III, p. 133 ubi v. Explication. p. XXXI), memorato inde a Zoega *Num. Ægypt.* p. 45. No. 54. et ab Eckhel *Doctr. Num.* Vol. IV p. 442, Proserpinæ et Plutonis nuptias declarari docet Serapis sedens cum Cerbero.

Restat nunc, ut illud quæretur: ad utrum Pisandrum Macrobius respexerit. Valkenarius quidem, gratum literis græcis nomen, utrumque carmen et *Ἡρακλείας* et *ἡρωικῶν Θεογαμῶν* unum idemque fuisse censebat; memorabatque ille in Diatribe ad Eurip. p. 24 Macrobii locum ita, ut *Pisandrum* diceret *Herculis acta ita cecinisse, ut a nuptiis Jo-*

vix et Junonis incipiens universas historias—in unam seriem coactas rede-
gerit. Ut adeo Suidas turpiter lapsus videri deberet, dum in duo di-
 versos Grammaticos incideret, alterum doctum alterum indoctum, qui
 nominis similitudine deceptus recentiori Pisandro assignasset, quæ ve-
 teri tribuere debuisset. Jam Suidam eo modo sæpius peccasse, nemo
 dubitet; satis magna exemplorum copia prostante; hoc loco tamen si-
 mile crimen nullo modo ei impingi potest, quoniam ipsa res omnem su-
 spicionem diluit; fieri enim nullo pacto potest, ut illa duo carmina pro
 uno eodemque habeantur.

Pisandri quidem Rhodii seu Camirensis *Heracleæ* non nisi *duo libri*
 memorantur: quibus, sive molem voluminis, sive argumenti naturam
 cogites, vix probabile fit inde a *Jovis et Junonis nuptiis universas histo-*
rias, quæ mediis omnibus sæculis usque ad ætatem ipsius Pisandri contige-
rant, in unam seriem coactas fuisse. Contra *ἡρωϊκῶν θεογαμιῶν* libri
 usque ad XXVI laudantur; et plures numero olim fuisse probabile fit;
Ἱστορίαν ποικίλην δὲ ἐπῶν bene appellat Suidas *ἐν βιβλίοις* 25, quod
 falsum esse, ut nec minus Valesii ad Evagr. I, 20 emendationem, qui
sedecim libros fuisse statuebat, ex iis patet, quæ modo dicta sunt. Sunt
 duo MSS., in quibus est *ἐν βιβλίοις* 5. quod non improbabile est, si,
 quam late argumentum operis patuerit, reputes. Zosimo nec minus
 dicitur Pisander *πᾶσαν ὡς εἰπὲν ἱστορίαν περιλαβόν.* Laudantur porro
 sub Pisandri Rhodii nomine ea, quæ cum Herculis factis conjuncta
 sunt; cum nota vero librorum VII. X. XIII. XIV. XXVI memoran-
 tur plura, quæ quomodo inter Herculis facta locum habuerint, vix as-
 sequare; sunt porro illa levia, et grammaticum acumen, quale seriorum
 scriptorum est, habent, aut in etymologiis versantur. De quo ut tanto
 melius constet: agedum comparemus loca ex utroque Pisandro passim
 laudata.

Ad *Camirensē* respicere arbitror loca sequentia; Apollodor. Bi-
 blioth. I, 8, 5, ubi, *quam alii Hipponoi filiam narrant, ex qua Æneo Ty-*
deus natus sit, Gorges filiam Pisander tradit: Πείσανδρος—λέγει. Fuit
 autem inter Herculis æquales et socios Tydeus. Eratosthenes in Ca-
 taasterismis c. 12 Pisandri auctoritate firmat, *Herculem leonis Nemei a se*
occisi eruvias gestasse: λέγει δὲ περὶ αὐτοῦ Πείσανδρος ὁ Ῥόδιος, ὅτι καὶ τὴν
ἰσθμὸν αὐτοῦ ἔσχευε, ὡς ἐνδοξον ἔργον πεποιηκώς. Schol. Germanici Ara-
 teor. Phaenom. p. 114 *Periandrus* (emendarunt jam VV. DD, *Pisan-*
drus) *Rhodiū* refert, eum (leonem) ob primos labores Herculis memorie
causā honorifice astris illatum: sic Eratosth. paullo ante: *τινὲς δὲ φα-*
σιν, ὅτι Ἡρακλέους πρῶτος ἄστρος ἦν τὸ μνημονευθῆναι. Hyginus Astron.

II, 24 de Leone—*De hoc et Pisandrus et complures alii scripserunt* (cf. Munck. ad eund. f. 30). Pausan. II, 37 inter eos, qui Hydræ Lernææ plura capita affinxere; Πείσανδρος ὁ Καμεινός, et VIII, 22 *Stymphalidas crotalorum ope fugatas ab Hercule idem Pisander Camireus prodidisse narratur*. Athenæus XI, pag. 469 D, ubi de cratere Herculis, Πείσανδρος ἐν δευτέρῳ Ἡρακλείας. Schol. Pindari Pyth. Θ, 185, p. 294. Antæi, ab Hercule is est cæsus, filiam Ἀλκιδά dictam, ὥς φησι Πείσανδρος ὁ Καμεινός (lege Καμεινός). Apud Schol. Apollonii sunt loca, quæ aperte ad Herculem spectant, Pisandri testimonio firmata: I, 1196 de clava Herculis (ad quem loc. cf. Suid. in Πείσανδρος), IV, 1396 de Ladone, dracone; at res non æque manifesta est in IV, 58 de Endymione; lib. I, 151 de Idæ et Lyncei Argonautarum matre, Polydora; I, 471 de Arene, Peloponnesi urbe, nunc Hierana; II, 98 de Amyco; II, 1090 de Harpyis. Potuerunt enim illa forte in carmine de Hercule occurrere; sed nec eum satis refellas, qui ad alterum Pisandrum omnia hæc traxerit. Nam Argonautica apud hunc satis copiose fuisse tractata, ex Zosimo V, 29 apparet, qui ex eo Argonautarum iter ex Istro in mare Adriaticum, condita urbe Emona in Pannonia (nunc *Laubach* Carniolæ esse creditur), narrat;* et, quod dolendum est, Grammaticorum manibus recentiora illa opera cyclica multo diligentius versari solebant; ut etiam tum, cum vetustiores auctores laudant, eorum fere, quos excubunt, fide id faciant. Unus est modus, quo cum Ruhnkenio V. C. ei rei occurras, ut reponas, in Indice eorum scriptorum, quorum testimonia in Scholiis Apollonii afferuntur, nullum esse, qui non Augusti et Tiberii ætate superior sit; si ad lib. II, 329 Lucianus laudatur, eum ab interpolatore intrusum videri. Atqui hoc idem illud est, quod incertum parumque tutum facit omne hoc de scholiorum auctoritate et ætate iudicium. Ita nec ausim pronuntiare de Schol. Eurip. Phœniss. v. 1748 super Sphinge ex Æthiopia arcessita, et de loco Etymologici M. in κεραυνός,† E toto Pisandro ver-

* Repetit eadem Sezomenus H. E. I, 6, uterque, ut equidem suspicor, ex Olympiodoro, cui Zosimus multa debet. Fabula ipsa jam antiquioribus erat frequentata: cf. Notæ ad Apollod. p. 207, Plinius III, 18 s. 22.

† Super hoc loco non inuidebo popularibus meis animadversionem præclaram Ruhnkenii, viri doctissimi: "agit, inquit, Etymologus hoc, ut doceat veteres κλέπτειν ἀντιπρόχλου usos esse. Pro Πείσανδρος autem legendum Πίδαρος. Ecce tibi Pindari locum, quo Etymologi glossa pertinet: apud Athen. XI, p. 476 A. ἐξ ἀγγυρίων καρέταν πίνοντες ἰπλάζοντο (v. Fragm. Pindari p. 69. cf. Gataker. Miscell. postum. c. 5, p. 453). Contrario errore peccatum est in Zenobio VI, 49 ὥς φησι καὶ Πίδαρος ὁ πινυτὶς ἐν ταῖς σφίγ-

sum unum integrum servavit Jo. Stobæus Serm. XII de Mendacio p. 140 Οὐ νέμεσις, καὶ ψεῦδος ὑπὲρ ψυχῆς ἀγορεύειν; duo alii leguntur in Schol. Aristoph. Nub. 1047. An carminis pars adhuc in Idyllio inter Theocritea XXV servata sit, uti non improbabilis est suspicio, ita ad-versus repugnantem probari nequit.

Ad *Pisandrum* vero *Larandensem* primum Zosimi locum paullo ante laudatum, tum loca Stephani Byzantini refero omnia, in quibus *Pisan-dri* testimonio utitur; nihil enim ea habent, quod ad *Heracleam* ullo modo trahi possit, aut si habent, uti locus in voc. Ἀγάθουροι, Βασιλεία et in Ἀσπιδός, nam *Herculis* sane res gestæ etiam ad *Scythiam* et *Bi-thyniam* spectant, tamen librorum numerus adjectus evincit, ad *Laran-densem* ea loca esse referenda non minus ac reliqua in Οἰνωπρία, Ἀπέν-ριον, Λυκόζεια, Νιφάρης (quo loco etiam versus integer e lib. VII lau-datur, qui idem apud *Suidam* in Νιφάρης legitur: Ταύρου προμυώρειαν ἐπισκόπελόν τε Νιφάρην), Κυβέλεια. Nam *Heraclea* duobus libris constabat; at *Stephanus* *Pisandrum* laudat libro VII. X. XIII. XIV. XXVI. Porro ex hoc altero petatum esse debet, quod *Evagrius* H. E. I, 20 *Antiochiam* *Syriæ* jam olim *Græcorum* coloniam fuisse affir-mat, quæ narratio qualis fuerit, ex *Joanne* *Malela* disci potest *Chro-nogr.* p. 32 sq. et *Cedreni* *Compend. Hist.* p. 134 sq. Etiam is, qui inter *Epigrammatum* auctores recensetur, junior hic *Pisander* cum *Fa-bricio* videtur esse habendus: nec enim epigramma, quod sub *Pisandri* *Rhodi* nomine laudatur (v. *Brunck.* *Anal. T. II*, p. 294), antiquitatem aut simplicitatem redolet. Latere etiam ille videtur sub *Thessandri* nomine ap. *Serv.* ad II, 211. cf. inf. *Excurs.* ad II, 199.

Quæ adhuc commemoravi, ea me, qui nullo seu rei seu opinionis studio teneor, movent, ut id, quod olim secutus sum, retinendum ar-bitrer: diversa fuisse opera Ἡρακλείας et ἡρωϊκῶν θεογαμιῶν nam ut contrarium tuearis, plura aut sine ratione aut adversus omnem ratio-nem amplectenda sunt. Superest, ut de ipso *Macrobio* dispiciamus, qui *conversionem Trojæ* *Virgilianam* a *Pisandro* pæne ad verbum transcrip-tam testatur. Qua in re necesse est, aut *Macrobius* graviter errasse, aut ἡρωϊκῶν θεογαμιῶν non *Larandensis*, quod *Suidas* asseruerat, sed

Ἡρακλείας. Repone Πισανδῆος. Versus, quos respicit *Zenobius*, servavit *Schol. Aristoph.* ad Nub. 1047. Idem error apud *Etymol. MS. Bibl. Regiæ Paris.*, qui, cum formam ἄς pro αἰ *Doricis* tribuisset, statim addit: ἰσχυρὸν καὶ τὸ αἰ παρὰ Πισανδῆου, ubi scriben-dum παρὰ Πισανδῆου, quem *Doricis* scripsisse scimus. Ad *Pindarum* igitur referenda *Herodotus* glossa: αἰ ἐπὶ τοῦ αἰ καὶ ἔως."

alterius poetæ, qui ante Virgilium vixerat, opus fuisse. Videamus, utrum sit probabilius.

Si hoc ponas, fuisse carmen illud Virgilio antiquius, ut nec tamen ad Pisandrum Rhodium referri illud possit; id quod vidimus fieri non posse; sumere aliquid necesse est, quod et omni auctoritate caret, et vero etiam probabilitate, nam nemo alius aut talem Pisandrum, aut tale carmen memoravit, quod tamen iis ætatibus scriptum esse deberet, de quibus satis multa nobis tradita sunt. Macrobbi autem Grammatici auctoritas tanti non est, ut tam parum probabilia amplecti malim. At alterum cum ipsa rerum fide et ratione conjunctum est; nam fuit aliquis Pisander Larandensis; fuit Nestoris poetæ, qui sub Severo Imp. floruit, filius; pater Iliadem denuo exaraverat; filius omnem mythologiam uno opere complexus erat. Consentaneum hoc est illarum ætatum ingenio; est et illud solenne, ut, neglectis antiquioribus, carmina ex iis ætatibus magnam apud grammaticos sequentium sæculorum auctoritatem habeant: Zosimi ætate vix quicquam Pisandri Rhodii et æqualium supererat. Hoc altero igitur admissio, conveniunt inter se omnia, nec quicquam turbat, præterquam Macrobbi aut grammatici, quem ille loquentem inducit, assertum; quod temere, nec inspecto Pisandro, et falsa de eo concepta opinione, aut confuso Pisandri nomine, cum antiquum illum Rhodium poetam auctorem esse putaret, prolatum fuisse manifestum fit.* Potuere tamen in eo inter cetera res Trojanæ exponi, et, tanquam a Romano auctore, sive ad Virgilii exemplum, sive ad communem narrandi morem, qualis ab eo inde tempore inter Romanos fuit, constitui. De Sinone et equo Trojano, quæ exempli loco a Macrobio memorantur, suo loco videbimus.

EXCURSUS II

Noctis per cælum transvectio.

II, 8. 9. *et jam nox humida cælo Præcipitat.* A Solis curru, ut omnino de poetica hac ratione semel moneamus, similis imago traducta ad Noctem, ut ei tribuantur *equi, currus, axis, orbita* per cælum, v. c.

* Nunc video de Macrobbi errore disputatum jam esse a Jo. Merrick ad Tryphiod. Diss. p. LXIV sqq.

inf. III, 512 *necum orbem medium Nox horis acta subibat*. v. ad Tibull. II, 1, 87. Itaque *Nox præcipitat*, sub finem decursus per cælum in mare descendit; quemadmodum *procedit ad Oceanum, medium iter exegit* et similia, omninoque ad hanc formam dictum accipiendum, si *Nox oritur, surgit, venit*, ab Oceano; inf. v. 250 *ruit Oceano Nox*, adde Iliad Θ, 486; et quidem modo sic, ut ab Oriente Nox quasi Solis vestigia premat, modo, ut Sole in Oceanum descendente Nox ab hac ipsa parte Occidentis surgat, ut apud Ovid. *lux tarde decedere visa Præcipitatur aquis et aquis Nox surgit ab isdem*. Similiter *Sidera sequi Noctis curram*, et singulis noctibus cursu per cælum exacto *mane occidere et in mare immergi*, omninoque *labi, procedere, ruere*, sermone poetarum receptum est, et hinc mediam noctem ita declarant, ut *sidera, præcipue septentrionalia, culmen cæli ac verticem seu polum tenere*, mox inde *vergere, cursu declivi ferri*, nocte jam exacta *occidere* dicantur, v. c. in illis Ovidii Met. X, 446 *Tempus erat, quo cuncta silent, interque Triones Flexerat obliquo plaustrum temone Bootes*. cf. Seneca Troad. 439. Herc. Fur. 129 et al. v. c. Orph. Arg. 534 'Αλλ' ὅτε πρὸς μέσσην νυκτὸς προὔβαινεν ἀταρπός, 'Ἀστρα τε τηλεφανῇ δύνεν (in eo jam erant ut subirent) ῥόον Ὠκεανοῖο. Ductum hoc ab antiquissimis poetis. Par modus est, quando ad oculorum sensum iudicio facto modo sidera *circumnagere se in cælo ac circumvolvère* per nocturnum spatium (v. c. quod ad manum est, Quint. Cal. X, 101 'Ἡμος δ' αἰγλήεντα περιστρέφει' οὐρανὸν ἄστρα) modo *cæli inversionem et versationem* singulis noctibus, ut diebus singulis, fieri dicunt. Sic inf. 250 *Vertitur interea cælum, et ruit Oceano Nox*, h. e. surgit, prodit cum cælo verso; quasi novum hemisphærium oculis sese offerat per noctem. Hæc non animadversa miras interdum interpretum argutias pepererunt. Lucan. II, 15 *Nox ubi sidera condit*, h. e. mergit mari occidentia sub Solem orientem. Omnium harum loquendi formarum, ad sensum oculorum a rudibus inde ætatibus frequentatarum, primæ linææ occurrunt in Homero, sicuti etiam *cadentia sidera* h. l. et inf. IV, 81. VIII, 59: et *procedentia sidera*: Iliad. K, 251. 252 'Αλλ' ἴομεν μάλα γὰρ νύξ ἄνεται, ἐγγύθι δ' ἦώς, 'Ἀστρα δὲ δὴ προβέβηκε. Adde Odyss. M, 312. E, 483. Hesiod. E. 620.

EXCURSUS III

De equo Trojano.

II, 15. 16. *De Equo Trojano* episodium ex Pisandro petittum esse, falso a Macrobio traditum, supra declaravimus Exc. I ad hunc librum. Videamus igitur, an probabili aliqua ratione expediri possit, quem alium auctorem secutus sit poeta.

Homerus jam Iliad. O, 71 mentionem rei obscuram injecerat, εἰσὸς Ἀχαιοὶ Ἰλιον αἰπὺ ἔλοιεν, Ἀθηναίης διὰ βουλὰς. (quos a rhapsodo insertos esse videbis in Obss. ad e. l.) Sed disertius idem de Equo egit Odyss. Θ, 492. Δ, 271 sqq., de quibus locis infra videbimus Exc. VII. Huic tanquam fundamento superstructa fuit communior aliqua narratio, quam partim a Lescheo partim ab Arctino in Ἰλιον πέριξι, nisi utriusque idem fuit auctor, expositam esse, ex Procli fragmento discimus: utrumque Virgilius secutus esse videtur: ut ex comparatione intelligitur. Quintus Cal. XII, 134 sqq. copiosus est hac in re; et occurrit Equus Trojanus simili fere forma ac statu in Tabula Iliaca, quæ in hac parte Iliadem parvam sequi profitetur. Diverse tamen nonnulla cum a nostro tum a ceteris poetis et grammaticis narrari videas, cf. Hygin. f. 108. et Not., quæ ipsa res argumento est, multos ex antiquioribus poetis in ea narratione ornanda operam collocasse. Heleni consilio Equum extractum esse, traditum ab aliis: v. Conon. 34. At Minervæ monitu, Proclus e Lescheo: καὶ Ἐπειὸς κατ' Ἀθηναῖς προαίρεσιν τὸν Δούρειον ἵππον κατασκευάζει. Panopei ille filius, Phocensis, genus ab Æaco ducebat: v. Pausan. II, 29. p. 178. unde intelligo, quomodo ille Αἰακίδης appellatus sit apud Tzetam in Posthom. 632. ad quem locum alia de eo notavit Jacobs. (nunc v. Obss. ad Iliad. Ψ, 624. ubi ille prodit pugilatu certaturus: ut ap. Quintum IV, 324 sq. Apud Lanzium To. II p. 223 patera est Etrusca, in qua Epeo adstat Vulcanus, tab. XII, 3.) In Tryphiodoro v. 61 et in Petronii halosi Trojæ rhetoricam ambitionem facile agnoscas. Ineptior tamen Tryphiodorus. Operum nonnullorum veteris artis argumentum fuit hic idem Equus Δούρειος vel Δουράτρεος, ut in arce Athenarum ex ære, ap. Pausan. I, 23 (add. Schol. Aristoph. Av. 1128. ubi et

titulus memoratur inscriptus : *Χαιρέδημος Εὐαγγέλιον ἐκ Κοίτης ἀνέθηκε*, quæ fuit haud longe a Ceramico : v. ad Herodot. VI, 103. p. 486.) et in *Polygnoti tabula* apud Delphos ibid. X, 26 (quem simile argumentum Athenis in Pæcile pinxisse ex Plutarcho in Cimonis Vita p. 481 A apparet, ubi τὰς Τρωάδας, et inter eas Laodicen ad amatæ sibi Elpinices speciem, expressisse memoratur) in qua Epeus exhibitus erat nudus, Trojæ murum solo æquans, καταβάλλον εἰς ἔδαφος τῶν Τρώων τὸ τεῖχος, prominente inter ruinas capite Equi Duratei. A quibus multum discessit Comes Caylus in interpretatione et adumbratione hujus picturæ (*Hist. de l' Acad. des Inscr.* Tom. XXVII, p. 34). Sed Epeus ex artificis mente ruinam muri ampliabat, ut prospectus in urbem pateret, intra cujus mœnia erant patefacienda nonnulla, quæ ad argumentum spectabant. Præter artificis tamen animum ac græca Pausaniæ, expressa sunt a Caylo etiam alia nonnulla. Ad nostrum tempus servata opera, in quibus Equus Trojanus visitur, Winkelmannus olim numerabat quatuor, picturam, satis inscite factam, Codicis Vaticani a Bottario ed. p. 43 et 47; tabulam Iliacam a Fabretto vulgatam, num. 95 et 100 (unde Begerus transtulit in lib. de Bello et Excidio Troj.); gemmam apud Licetum p. 310 (e quo Goriæus repetiit P. II n. 523); et picturam Herculanensem Tom. III t. 40 re in risum versa, ut pro parodia scenica haberi res possit; quibus ipse addidit quintum exemplum e gemma, *Monum. ant. ined.* CXL, quæ cum Virgilio hactenus convenit, quod in ea expressum id quod v. 262 legimus; *Demissum lapsi per funem*; tamen simul scala admota equo cernitur, quam Quintus Cal. XIII, 52 et Tryphiod. v. 89 memorant, tabula etiam Iliaca num. 100 exhibet. Cernuntur ibidem *claustra* (v. inf. 259), quæ Sinon *lavat* et aperit, h. e. θυρίων seu ostiolum; quod idem cum fune in pictura Codicis Vatic. p. 47 occurrit. Est tandem patera Etrusco, seu Italico opere, apud Lanzium (*Saggio di Lingua Etrusca*) Tom. II, p. 223. Habebat igitur poeta fabulam a multis tractatam et vulgarem ante se positam, sed cum ea simul tragicos suos ex Græcis expressos. Nam Livii Andronici fuit fabula, *Equus Trojanus*, e qua fragmenta pauca supersunt, aliaque Nævii ap. Macrob. VI, 1, et de eo actum fuit in Accii *Deiphobo*. v. Serv. ad II, 17. uti quoque in Tragicis Græc. memoratur, v. c. Eurip. *Troad.* 9 sq.

Sed gravior observatio forte est illa, qua arte poeta fabulam per se puerilem et nullam *παιδαριότητα* habentem ita tractaverit, ut nihil nos in ea offendant, multa delectent. Fabulam dixi puerilem et per se parum

probabilem; etsi interpretatione sua eam juvare conati sint multi etiam inter veteres. Vide vel Serv. et Cerdam ad h. l. et plura satis inepte excogitata ap. Licetum *Gemmis Annular.* p. 310 sqq. Abhorrens est a rudi et indocta vetustate, cogitare de machina bellica in equi morem formata. Sed haud dubie in veteris Græciæ prisco sermone, audaces et insolentes figuras sectante, obscura hujus Equi origo latet. Quod tamen me in hac fabula multo magis tenet, est hoc, quod ille Equus Palladi voti causa offertur. Nam, si Neptuno, Equestris rei auctori, Ἰππῖψ, consecratum viderem, non mirarer. Quod Pallas artibus præest, id tantum ad artificium equi ligno facti pertinere potest. An equus, navis symbolum (nam navigationem antiquiores per equitationem adumbrabant; ut forte hoc ipso ortum videatur, quod Neptunus equum produxisse proditus est), pro navigatione felici dedicatus fuit? Palladi autem, quia ea dea propter ablatum Palladium erat placanda? Navigio etiam actuario equum assimulat Eurip. *Troad.* 538 in chori verbis, quæ antiquum sermonem fere æmulantur; ad navis etiam modum et rationem a vectoribus insessæ effectum eum exhibet Tryphiod. v. 62. 181. Quod vero in Virgilio fabula per se inepta placere potest, id efficitur primum ejus antiquitate; nam in multis mythis hoc suus quemque sensus docere potest, quo propriiores illi rerum hominumque originibus priscæque vitæ asperitati aut simplicitati sint, eo facilius in iis ferri res parum probabiles (cf. inf. ad III, 209 et 250); tum tractatione sapienter et magno cum judicio instituta poeta omnia ab oculis removit, quæ attenuare rem et officere dignitati epicæ poterant; contra multa apposuit, quæ ad probabilitatem faciunt; cumque imprimis vix in stolidissimos homines cadere videatur, ut patiantur sibi tam turpem fraudem fieri, ut, suspicione de viris in Equo conditis semel orta, tamen eum intra mœnia recipiant, callide poeta plura eaque, quæ ad religionem spectant, rem ad hominum animos potentissimam, attulit, quæ Trojanos a proposito revocarent, primum Sinonis dolos, tum Laocoontis exitium. De quibus omnibus Homerus, pro sæculi sui simplicitate, parum laboravit, fabula nude exposita Odyss. Δ, 272 sqq. At Virgilii judicium multo magis intelligas, si Quintum Calabrum et Tryphiodorum compares. Ut unum commemoremus, noster v. 260—264 eos, qui Equo insederint, memorat novem (cf. Hygin. f. 108); cum Homerus simpliciter πάντες ἀπιστεῖς dixisset. Ecce tibi Quintum, qui (XII, 510 sqq.) ad triginta, et Tryphiodorum, qui (v. 153 sqq.) duo ac viginti commemorat; at Cedrenus *Hist. Comp.* p. 131 C quatuor et viginti; et, si multo magis insanientes audire

lubet, legendi Tzetza ad Lycophr. 930 et Eustath. ad Odys. A, p. 1698, 1. cf. Fabrett. ad Tab. Iliac. p. 367. et nunc Jacobs ad Posthomer. 642. Varie inter hos scriptores eorum, qui Equo latuerunt, nomina tradi, vix opus est monere. Ex iis, quos Virgilius inf. II, 261 sq. recitat, Thessandrum et Machaonem nemo habet alius, nisi Hygin. fab. 108. In Equo ex ære facto, qui Athenis in arce stabat, Menestheus et Teucer cum Thesei filiis (Demophoonte et Acamante ex Equo prospiciebant, *ὑπερκύπτουσιν ἐξ αὐτοῦ* ap. Pausan. I, 23, p. 55 satis ridicule, fere ut in Cod. Vatic. Quantum ineptierint circa hunc Equum veteres, scilicet dum seriores tractatum a superioribus poetis argumentum variare et ornare volebant, saltem ex eo colligas, quod ap. Servium ad II, 150 mensura Equi lignei traditur: *fuisse eum longum CXX latum XXX*, pedesne an cubitos, non adjectum.

EXCURSUS IV

De Sinone.

II, 57. Sinonis fraudes etiam Quintus, Tryphiodorus, Dictys Dares, Tzetza Posthom. 680 sq. memorant. Datum ei genus maternum commune cum Ulysse, nam filius Æsimi fuit, nepos Autolyçi, cujus filia Anticliā, quæ Ulyssem edidit: Schol. Lycophr. 344 et Serv. ad h. l. Videntur in eum poetæ, qui Homericas fabulas ornarunt, transtulisse, quæ de Ulysse narrata Odys. A, 244 sqq., prævisse autem omnibus Lesches. Perperam enim ex Pisandro duxisse narrationem de Sinone Virgilium, tradidit Macrob. V, 2. ut supra jam Excursu I. ad h. l. declaratum est. Utique Iliadis parvæ particulam constituebat *Sinon* apud Aristot. Poet. 23. *ὡς ὁ Λέσχης φησιν*, addit Tzetza ad Lycophr. 344. Ex eodem repetita res in Tabula Iliaca n. 98. Apud Proclum in argumento *Ἰλίου πέποιδος* memoratur: ut novo hoc argumento sit, non Arctini carmen, sed Leschis extremos Iliadis parvæ libros eos fuisse. Fuit Sinon etiam fabulæ Sophocleæ argumentum Hesychio laudatæ. Ex hac aut alia tragœdia profecisse videtur Virgilius in Sinonis oratione, quæ Græcarum tragœdiarum eloquentiam et acumen redolet. Est vero omnino apud Virgilium totus hic locus de Sinone eximie elaboratus et ornatus, etiam ad probabilitatem magis, quam apud ceteros. Ita apud Quintum v. 355 prope equum adstat Sinon,

quod minus probabile, quam hic II, 57 sqq. In Cod. Vatic. pictura p. 43 revinctum fune suis brachiis ducit equum Sinon. Porro apud eundem Quintum interrogatus de equo respondere recusat, nec nisi *αἰκιζόμενος*, verberibus, naribus auribusque rescissis, fraudem effatur. At apud Tryphiod. 211 et Cedren. Hist. p. 131 D se ipsum verberibus lacerat, ut Trojanos fallat. Sapientius omnia Virgilius; etiam hoc quod in palude se delituisse narrat, v. 135. At apud Quint. v. 375 Sinon ad Equum tanquam ad asylum se recipit.

EXCURSUS IV*

De Palamede.

II, 81—85. *Fando aliquod si forte tuas pervenit ad aures Ἑλιδᾶ nomen Palamedis, et inclita fama Gloria; quem falsa sub proditione Pelasgi Insontem, infando iudicio, quia bella vetabat, Demisere neci: nunc casum lumine lugent.* Memorabile Palamedis nomen est cum aliis de caussis, tum quod in eo insigne exemplum habemus variatæ per tragicos, inde per rhetores, tandem per grammaticos, fabulæ (Diserte ea exposita apud Schol. Eurip. Orest. 432 et ad Lycophr. 386. Hygin. f. 105, et ibi laudd. Servium ad Æn. II, 81, Pompon. Sab. ad e. l.). Omnino Homerus nec patrem Nauplium nec filium Palamedem agnoscit; ita ut obscurum esset, unde hic in res Trojanas illatus sit: nisi partim e Pausan. X, 31 pr. partim e MS. Escorialensi Procli jam supra memorato docere possem, *Cypriorum carminum* auctorem primum ei aditum et nomen in fabulis Trojanis fecisse. Nam in primo belli apparatu cum Ulysses militiam detrectaret, Atridæ *μαίνεσθαι προσποιήμενον Ὀδυσσεᾶ ἐπὶ τῷ μὴ θέλειν συστρατεύεσθαι ἐφώρασαν, Παλαμήδους ὑποθεμένον, τὸν νῖδον Τηλέμαχον ἐπὶ κόλασιν ἐξαρκύσαντες.* et sub finem carminis: *ἔπειτα ἐστὶ Παλαμήδους θάνατος* ita ut omnis de Palamede narratio ad Antehomerica spectasse videri debeat. Etsi autem, quibus modis fabula tractata a Stasino et ornata fuerit, aliunde non liquet, nisi quod e Pausania l. c. apparet, jam in Cyprio carmine lectum fuisse, quod Palamedes tesserarum ludum excogitarit; et quod, cum piscatum iisset, Ulyssis et Diomedis fraude in aquis demersus interiisse dictus sit: e serioribus tamen scriptoribus, si commenta eorum detraxeris, satis assequi possumus, in illo carmine odia inter

Ulyssem et Palamedem agitata, insidiasque huic ab isto factas, tum sollers Palamedis ingenium et summam ex rerum usu prudentiam fuisse adumbratam. Nec mirum adeo in rhetoricis scriptis nihil tritius esse Palamedis integritate, injusta nece, et Ulyssis fraude: v. c. Dion. Chrys. Or. XIII, p. 428 ed Reisk. Or. LIX, p. 360. Involarunt post hæc in argumentum Tragici Sophocles et Euripides, ille quidem non modo fabula Palamede, verum, ut probabile fit, nec minus in duplici Nauplio; sed multo clarior fuit Palamedes Euripidis, ejus fragmenta nonnulla habemus, et in his notissimum illud: *ἐκάνει' ἐκάνετε τὰν πάνσοφον, ὦ Δαναοί, τὰν οὐδέν' ἀλγύνουσαν Ἀηδόνα Μουσᾶν*: *Neci didistis, ah, neci doctissimam, Danaï, innocentem, musicam, lusciniā*; quod in Socratem versum est a spectatoribus, cum post ejus necem in scenam revocata fuisset illa fabula (v. in fragm. Eurip. et in Diatribe Valk.). Intellectu haud difficile est, Palamedem ex tragicorum invento sustinuisse personam modo imperatoris sollertis et strenui, juxta posita Agamemnonis superbia et cupiditate, (v. Plato de Rep. VII, p. 522 D) modo viri justī, constantis, sapientis, quem cives injusti et ingrati pro beneficiis acceptis injuria et maledicentia persequuntur. Ad talem personam alludere puto Xenophontem de venat. I, 11, ubi ultio, quæ ei a diis contigisse dicitur, respicit Nauplii consilia: quæ exposita videbis v. c. ap. Schol. Lycophr. 384. Conf. Xenoph. Mem. S. IV, 2, 33. Apol. Socr. s. 26. Pari modo Ulysses in Tragicis personam induit demagogi perniciosi artibus popularem auram captantis. Amphionem in Antiope Euripides in philosophum studiis et otio literario addictum, Hippolytum idem in sapientem Pythagoreum transformaverat.

Inde Sophistæ Palamedis causam ab Ulysse proditiōis accusati, ingenii ostentandi, tum rhetores exercitandi causa, proposuere: Scilicet cum, ut in judicio armorum inter Ajacem et Ulyssem, ita in hac Palamedis causa materiam idoneam viderent ad argumenta eruenda et refellenda; cf. Cic. Topic. 20, s. 76. ad Herenn. II, 19. Extat sub *Alcidamantis* nomine accusatio Palamedis, κατὰ Παλαμήδους προδοσίας, quæ nihil habet memorabile, præterquam quod, ut suspicor, rerum argumenta ex carmine Cyprio adumbrata sunt; ductum est crimen a sagitta inventa, in cujus arundine latebant literæ Paridis: crimini etiam hoc datur, quod clipeum tridente insignitum gessit, et quod inventa rerum falso jactavit. Alia est *Gorgiæ* defensio ὑπὲρ Παλαμήδους ἐπελογία (utraq. in Reiskii Oratt. Gr. Vol. VIII) Sophisticis argutis referta; ubi etiam p. 118 locus de inventis diserte tractatur: de

quibus cf. Fabricii B. Gr. I, 23. Imprimis loc. Sophoclis in Palamede apud Achill. Tat. ad Arat. p. 122. Uranolog. Petav. Ex serioribus Sophistis locum habemus in Philostrati Heroicis c. 10 sq., qui, cum omnino pro Achille, forti quidem, sed iracundo, pervicaci et immani homine, Palamedem, quippe perfectæ sapientiæ et virtutis exemplum, ab Homero delectum esse cuperet, quem epica narratione celebraret, cumulavit in Palamedem omnia, quæ in sapientem Stoicorum cadere possint; contra Ulyssis prudentia ad fraudes meras, scelestas consilia et bonorum obrectationes refertur. Exponuntur copiose semina et caussæ odiorum inter hunc et Palamedem; sollertia hujus inventa et consilia: in quibus hoc memorabile, quod pestilentia tentatos Achivos jubet tenuiore victu motuque intentiore uti; interdicat mercatu carniū exercitum, pomis vero et oleribus refectos milites vult, in altum evectos, laboribus assiduīs exerceri (§. 4.). Non multum ab his abludit narratio in fragmento τῶν Τρωϊκῶν e cod. XXIV Biblioth. Uffenbach. p. 682—686, ubi et hoc occurrit, quod, dum lapidibus obruitur, Palamedes exclamat: χαῖρε, Ἀλήθεια, πρὸ ἐμοῦ γὰρ τέθνηκας tum in Tzetzae Antehomericis V. 114 sqq., in quibus eadem verba sic reddita sunt: Χαῖρε, Ἀλήθεια κυδρὴ, πρὸ θανες γὰρ ἐμοῖο. Hoc singulari in Palamedem studio captos videre licet etiam Grammaticos; finguntque ii adeo Palamedem poetam fuisse, cujus Homerus nullam mentionem fecisse dicitur invidia contactus: v. Suid. h. v. Jam Dictyn II, 16 et Daretem c. 19 sqq., supposititios auctores, commemorare nihil attinet, quorum ille rhetorice historiam commentitiā conscripsit, hic declamatorie idem argumentum persecutus est. Poeta noster, an veteris scriptoris exemplo, nescio, Palamedis nomine præclare usus est ad auctoritatem Sinonis dictis comparandam, siquidem illi Sinon comes fuit et consanguineus. Quod autem, quia bella vetabat, occisus ab Achivis narratur, recedit a vulgari narratione, qua proditiōis arguebatur, literis ab Ulysse per fraudem submissis.

In Palamedis stemmate turbas fecere jam veteres. v. Burm. in Argonaut. voc. Nauplius. Munck. ad Hygin. f. 157. et Not. ad Apollod. p. 274 sq., et ipse Maro in eo lapsus est, cum *Belidem* eum appellat. Nam is Palamedes, de quo agit, Nauplii Euboici e Clymene, Catrei filia, erat filius; cumque mater esset soror Aëropes Plistheni nuptæ, quæ Agamemnonem et Menelaum partu ediderat, Atridas ille materno genere attingebat. Diversus fuit Nauplius, qui ad Argivas fabulas spectat, Neptuni et Amymones filius: quæ cum Danai esset filia, Belique adeo neptis, hactenus Palamedes, perperam ab eo du-

ctus, *Belides* dictus est. Septimo gradu a Belo originem trahere falso dicitur a Lutatius ad Statii Achill. I, 94 et a Servio ad h. l. *Æn.* II, 81, ubi Apollonio auctore id traditur.

EXCURSUS IV**

Palladium a Diomede et Ulysse raptum.

II, 164—168. *Tydidēs—scelerumque inventor Ulixes, Fatale aggressi sacro avellere templo Palladium, cæsis summæ custodibus arcis, Corripere sacram effigiem manibusque cruentis Virgineas ausi divæ contingere vittas.* Celebritatem habet hoc Diomedis et Ulyssis facinus multo magis per gemmas artificio nobiles quam per poetas. Diversis modis res ab iis est narrata, imprimis de ortis inter utrumque iris; cum Ulysses Diomedis Palladium, quo ille jam potitus erat, eripere vellet; tum vero hic stricto ense in Ulyssem irruit, eumque ante se agit, ne a tergo insidias ille machinetur. v. Conon. Narr. 34. et Eustath. p. 822, 19, per episodium narratur a Quinto X, 350 sq. Adde Zenob. in *Διομήδεως ἀνάγκη*, et in h. v. Suidas, item Hesych. ubi: 'Ο δὲ τὴν μικρὰν Ἰλιάδα (sc. γράψας) ἐπὶ τῆς τοῦ Παλλὰδίου κλοπῆς γενέσθαι (sc. φησί). Et hoc vere; nam in argumento Ἰλιάδος μικρᾶς apud Proclum est versus finem: καὶ μετὰ ταῦτα (Ulysses) σὺν Διομήδει τὸ Παλλὰδιον ἐκκομίζει ἐκ τῆς Ἰλίου. Virgilius rem tantum attigit, ita ut nec appareat, quem ex pluribus narrandi modis secutus ille sit; videntur ex ejus mente uterque templum Minervæ esse ingressus et uterque manibus contractasse deam.

Nobilitavit, ut dixi, fabulam ars, cum aliis operibus, tum maxime gemmis. Præiverat Pytheas, cælator, Plinio auctore, lib. XXXIII, 55. *cujus binæ uncia X. venierunt: Ulysses et Diomedes erant in phialæ emblemate, Palladium surripientes.* Sunt anaglypha, hujus argumenti, obscurioris tamen famæ, ut in Sarcophago apud Gorium Inscript. Etrusc. T. III tab. 39. et apud Buonarroti (*Osservazioni istoriche sopra alcuni Medaglioni antichi: in titulo operis*) qui Ulyssem cum Alcinoο exhiberi putabat, adstante Diana cum ancora: probabiliora dicas, si Ulyssem cum Diomede de raptu Palladii consultantem exhiberi dixeris; navis apposita Ulyssem, puto, declarat ex artificis mente; statua autem columellæ imposita ei similis quæ in gemmis hujus argumenti occurrit,

parum cum fide reddita esse videtur. Si Diana est, columellæ insi-
stens, saltem arcum tenere videri debet. Nobiliores sunt gemmæ;
aliæ, quæ totam fabulam, Diomedem et Ulyssem ante templi fores in-
ter se altercantes de Palladio, quod iste manu tenet, exhibent: in quo
genere princeps est Sardonyx nunc in Dactyliotheca Ducis Marlbu-
riensis servatus, verbis insculptis. Καλπουρνίου Σενηρου et in ara
Φηλιξ εποικει: (delineatus ille in splendidissimo opere: *Gemmæ antiquæ
Ducis Marlburgensis To. I tab. 39.* majore cum fide quam in Stoschiano
opere *Gemmarum cælatarum tab. 35* aut a *Braccio tab. 75*). Similis
alia est in *Museo Florent. II, 28, 1.* Aliæ gemmæ modo Diomedem
solum, modo Ulyssem exhibent, eodem tamen habitu ac gestu, ac si
alter adstaret, cum quo contentio est. Diomedem solum Palladium
manu tenentem et de ara desilientem reddunt gemmæ omnium nobi-
lissimæ, Dioscoridis altera, altera Solonis nomine insignitæ: illa in
gaza Ducis Devoniensis, hæc in domo Stroziorum asservata. Succes-
sere artificum æmulantium certamina, imprimis in Diomede, cujus ge-
neris multæ sunt gemmæ summæ artis; sunt aliæ ab imitatrice manu,
etiam a Lipperto et Tassio expressæ, quas hic commemorare necesse
non est. Agebatur a me tantum hoc, ut nobilitatem et celebritatem
fabulæ declararem. Unum attingam: Commemorat noster *casos
custodes arcis*: visitur autem in gemma Dioscoridis aliisque prostratum
in terra et obvolutum corpus (in una gemma Musei Florent. nudum
conspicitur). Alcathoum esse probabile fit, quem cæsum edit Quintus
X, 352. Porro in columella adstat signum paullo obscuriore specie,
vulgo pro Minerva habitum, etiam a Winckelmanno? nunc aliarum
gemmarum comparatione intellectum est, Apollinis id esse *πολιούχου*
seu *παρφόου* Trojanorum. (Prodiit interea superiore anno elegans col-
lectio ectyporum, ære expressorum, e gemmis Palladium raptum ex-
primentibus cum comment. *Conr. Levezow.*)

EXCURSUS V

De Laocoonte.

II, 199. Hic aliud majus miseris multoque tremendum Objicitur magis
atque improvida pectora turbat: Laocoön. Sequitur apud poetam locus
vel nuperis virorum doctorum disputationibus nobilissimus, et a Virgi-

lio summa cum arte tractatus; super quo et nobis liceat partim de poetæ inventis, aut unde ille narrationem ejusque ornamenta acceperit, partim de Vaticano similis argumenti signo quærere, num ei quicquam cum poeta commune sit. Sed ad utramque quæstionem satis expedita fore videtur responsio, si viderimus, qui alii poetæ veteres fabulam de Laocoonte tractarint, et ornarint.

Et primum quidem varie omnino olim a variis narrationem hanc esse tractatam, vel ex senioribus scriptoribus intelligimus, qui nihil aliud fecisse putandi, quam ut superiores auctores aut serviliter imitarentur aut excrimerent. Exponunt autem illi narrationem de Laocoonte copiose et in multis diverse.

Ita apud Quintum Calabrum XII, 388—409 jam tum, cum hasta percusserat Equum Laocoon, Palladis numine terra sub ejus pedibus movetur, unde eum repentino terrore attonitum stupor et *δυσισθησία* occupat. Mox tamen, cum Equus v. 436 etc. in urbem duceretur, ille non desistit hortari et obtestari Trojanos, ut eum comburerent; tum ex insula Calydna Minerva dracones advocat, qui, dilapsa, quæ aderat, turba, v. 466—490 duo Laocoontis filios correptos malis frangunt, frustra ad patrem manus tendentes, *Πατρί φίλῳ ὀρέγοντε ἑὸς χεῖρας. οὐδ' οὐκ ἀμύνειν ἔσθ' ἐνεν*. Inde duo dracones, non, ut apud Virgilium, in Minervæ templum in arce confugiunt, sed sub terram evanescent, circa templum Apollinis in arce Pergamo, ubi adeo cenotaphium iis factum narrat (In ipso templo Apollinis Thymbræi filios interiisse Tzetza memorat ad Lycophr. v. 347, nescio an alio rei auctore). At pater oculis capitur. Hactenus Quintus, qui, quam diversus in multis sit, obvium est. Tryphiodorus Laocoontis plane nullam mentionem facit, uti nec Dictys et Dares. At Hyginus f. 135, proxime ad Virgilium, patrem cum filiis necatum narrat. Facit is, nisi ab excerptore vel excerptore corruptus est, Laocoontem Accetis filium, Anchisæ fratrem; at Antenor's filium tradit Tzetza ad Lycophr. 347. Apud eundem Hyginum Laocoon est Apollinis, non Neptuni, sacerdos, et contra ejus voluntatem uxorem duxit, eique ab Apolline dracones immittuntur; quæ non admodum ab iis discrepant, quæ Servius ad v. 201 ex Euphorione affert. Filiorum quoque duorum nomina apud Hyginum adscripta sunt: *qui filios ejus Antiphantem et Thymbræum necarent*. at apud Serv. ad v. 211 Thessandrus *Ethronem* et *Melanthum* nominatos edidit. Quid? quod et draconum nomina occurrunt; *Porces* quidem apud Lycophr. v. 347, ubi Tzetzes alterum *Charibæam* excitat (*ἡ Πόρκες—ἡ Χαρίβοια*), utrumque etiam ex Lysimacho commemorat

Servius l. c. et, si alteri Servii loco ad v. 204 fides habenda, nomina ea jam Sophocles in Laocoonte protulerat. Dracones ingeniose satis *Typhonis soboles* produntur a Quinto v. 443. Ab eodem dracones a Calydna arcessuntur, seu potius a Calydnis, (de quibus v. ad Apollod. p. 1125. Iliad. B, 677) cum Lycophrone l. c. (ad quem loc. v. Schol.), quæ duæ sunt insulæ juxta Tenedum. Apud Virgilium ab ipsa Tenedo prodeunt, in quo Hyginum habet consentientem.

Immoramur his per se levibus eo, quod vel ex his intelligitur, varie olim hanc fabulam a pluribus poetis fuisse tractatam. Sed liberior nobis progrediendi locus datur, et possumus etiam scriptores laudare Virgilio antiquiores, qui de Laocoonte egerint. Nonnullorum quidem nomina jam ante adscripsimus. Etsi *Thessandrus* quidem, modo e Servio memoratus, excitari a nobis non potest: nam is *Pisandrus* esse videtur, quem supra ad horum Excurs. princip. ad seriores auctores relegavimus, corrupte ille et alias *Tisandrus* vocatus. Alter autem scriptor, a Servio laudatus, *Lysimachus* Alexandrinus sine dubio fuit, non ignobilis olim auctor *περὶ Νόστων*, quem cum aliis similis argumenti scriptoribus laudatum vides in Schol. Apollon. I, 558 et particulam ex primo ejus libro in Tzetzæ ad Lycophr. 874. cf. Voss. de Hist. Gr. lib. III, p. 180 a. Attingit etiam fabulam *Lycophron* poeta, qui et ipse Alexandriæ vixit, Ptolemæi Philadelphi ætate, in Cassandra v. 347. Alius fuit ex schola Alexandrina, qui fabulam de Laocoonte non attingit tantum, sed pertractavit, et ille quidem poeta olim clarissimus, *Euphorion*. Ex eo fabulæ ornamenta nonnulla satis recondita narrat ad h. l. v. 201 Servius, et ex eo, puto, corrupte tamen Pompon. Sab. Omnino quidem Euphorionem fabulas Trojanas suo more tractasse et narrasse, ex iis patet, quæ eum de Laodice, Priami filia, diverse ab Homero et Lescheō *σὺν οὐδενὶ εἰκότι*, narrasse Pausanias prodit lib. X, 26 p. 864. Potuit autem de Laocoonte agere Euphorion, in opere, (*Μοφονία* vel *Ἀρακτα* inscriptum erat) quo reconditæ et obscuræ ex tota fabulari historia fabulæ non secus atque a Calimacho in *Αἰρίους* et a Lycophrone in Cassandra erant expositæ. v. sup. ad Ecl. VI, 72. In quinto libro, qui Chiliæ inscriptus erat, prisca oracula, eorumque eventus, collegerat, adeoque et ea, quæ excidium Trojæ antecesserant, memorare debuit: ut jam sup. Exc. I monitum est.

Non vana hinc suspicio oriri potest, Euphorionem etiam Virgilio in hac fabula ante oculos positum fuisse. Nam, quam magnifice Virgilius de eo poeta senserit, ex Ecloga VI, 72 et X, 50 intelligitur: unde

etiam Quinctil. X, 1, 56 *Quid? Euphorionem transibimus? quem nisi probasset Virgilius, idem nunquam certe conditorum Chalcidico versu carminum fecisset in Bucolicis mentionem.* Et omnino Alexandrinis poetis imprimis operam dedisse Virgilium nostrum, ex iisque profecisse in doctrina poetica, qua excellit, admirabili, et in simplicitate orationis pura, tersa ac nitida, cui dignitatem tamen et gravitatem, qua illi carent, ex Tragicis, ut supra exposuimus, petitam adjecit, conjicimus. Certe ex illis poetis tota Augustei sæculi elegantia ac nitor fluxisse videtur, et Romæ ab elegantioribus hominibus Alexandrinos illos unice frequenti lectione tritos fuisse, vel ex Cicerone apparere puto Tusc. Qu. III, 19, ubi Ennium *ab his Euphorionis cantoribus* (h. e. iis, qui eum vel latine redderent, ut Cornelius Gallus, vel eum imitatione sequerentur aut omnino valde frequentarent) contemni ait; scilicet tersiorem et puriorem Euphorionis orationem judicabant Enniana. Etiam Tiberium Cæsarem Euphorionem, Rhianum, et Parthenium admodum probasse, ut et eorum imitatione carmina græca scriberet, e Sueton. Tib. 70 constat. Non igitur veri adeo dissimile videri potest, si quis Euphorionem a Virgilio in hac fabula expressum esse censeat, cum, quæ a Servio ex eo commemorantur, Virgilianis fere convenient. Idem in fabula de Coræbo auctor Virgilio fuisse perhibetur: inf. Excurs. X.

Tota tamen ratio, qua poeta hoc episodium tractavit, tragicum potius spiritum orationemque affectibus gravem et ornatam prodere videtur. Debuît autem in multis tragædiis græcis latinisque, quarum argumenta excidium Trojanum respicerent, hæc narratio occurrere. Imprimis tamen nobilis olim fuit *Sophoclis* tragædia, *Laocoon* inscripta, e qua versus aliquot servavit Dionys. Halic. I, 48 (quem vide) et duo alios Harpocraton in *ἀγνῶς*. Ex eadem esse videtur, quod Eustath. ad Odyss. p. 1496 l. 36 a Sophocle Equum Trojanum eleganter *ἵππου* dictum memorat. An ex illa Sophoclis, nescio, sed ex aliqua certe Græci poetæ tragædia breviter narrata est fabula ab Hygino f. 135; jam autem is cum Virgilio multo magis, quam cum ceteris auctoribus, consentit.

Jam omnium horum fontem unum aliquem ex Cyclicis poetis fuisse, dudum suspicabar, imprimisque Leschen, quem utique Quintus expressisse visus erat. Dubitationem tamen faciebat hoc, quod Tabula Iliaca, quæ post Homerum et Arctinum ex *Iliade parva* expressa est, Laocontem ignorat. Sed potuit ea res ac debuit cum ceteris, quæ desiderantur, in altera Tabulæ parte, quæ periit, exhiberi. Nunc ex

Procli fragm. hæc tradere licet : Præcipuus hujus fabulæ fundus fuit Ἰλιον πέρις Arcini : seu, quod probabile fit, Leschis ; in cujus initio statim expositum fuit : ὡς τὰ περὶ τὸν ἵππον οἱ Τρῶες ὑπόπτως ἔχοντες, περιστάντες βουλεύονται, ὅ, τι χρὴ ποιεῖν καὶ τοῖς μὲν δοκεῖ κατακρημνίσαι αὐτὸν, τοῖς δὲ καταφλέγειν. οἱ δὲ ἱερὸν αὐτὸν ἔφασαν δεῖν τῇ Ἀθηνᾷ καταθῆναι.—ἐν αὐτῷ δὲ δύο δράκοντες ἐπιφανέντες τὸν Λαοκῶντα καὶ τὸν ἑτερόν τῶν παίδων διαφθεύουσιν. Contra in *Iliadis parvæ* argumento, quod in Equi in urbem deductione subsistit, nulla Laocoontis fit mentio. Secundum hunc alium habeo, quem inter primos fabulæ auctores nominare possis, *Bacchylidem* ; nam is, Servio quidem teste, de Laocoonte et uxore ejus vel de serpentibus a Calydnis insulis venientibus atque in homines conversis meminerat ; Qui, si antiquus ille fuit μελοποιὸς, Pindari æqualis, in lyricis suis aut Stesichori exemplo carminis argumentum facere, aut digressionem facta fabulam attingere potuit, ut tamen ejus verba pro fundo essent reliquis poetis. Una adhuc superest fabulæ de Laocoonte narratio ap. Petron. c. 89 in ἀλώσει Trojæ v. 29 sqq., sed ea ex Virgilio, in nonnullis tantum non pueriliter, in aliis declamatorie omnia in majus efferendo, expressa (etsi in multis bene eam adversus Tullium, qui in Fortuitis p. 14 Petronium cum Virgilio contulit, defendat Burm.), sive is vere tabulam aliquam tum superstitem ante oculos habuerit, sive habere finxerit. Inter alia, cum Virgilius intactum reliquisset, utrum Laocoon morsu serpentis perierit, nec ne, ille v. 49 sqq. patrem cum filiis exanimatum exhibet ; porro v. 44 de pueris ; *parvulas illi manus Ad monstra vertunt ; neuter auxilio sibi, Uterque fratri transtulit pias vices, Morsque ipsa miseros mutuo perdit metu.* Placent hæc mutui fratrum amoris cogitatione ; sed accuratius dispicienti vix ex rerum veritate dicta videri possunt ; sibi enim, non alteri, in gravi ac repentino terrore consulit quisque ; et importuno verborum lusu expressa talia nolis. Sed hæc jam animadversa a Lessingio in Laocoonte p. 57 videas. Ceterum, quod *parvulas manus* tribuit, admodum pueros videtur significare velle ; et Virgilius : *parva duorum corpora natorum.* Talia quoque in Codicis Vaticanæ pictura, admodum inscite facta, expressa videas. Si tamen sacrificanti patrî ministerium præstiterunt, tanquam Camilli ; vix adeo teneros exhiberi a poeta posse putes. Et tales impuberes (quanquam et ii ipsi reprehensi, quod patris speciem non satis æquant. vid. Richardson, *Descript. de divers Tableaux* etc. p. 513. Comes de Caylus Tom. XXV Mém. de l'Ac. des I. p. 329) in nobilissimo illo Laocoontis cum filiis duobus signo, quod olim Viridarium Pontificis Max. Romæ, nunc Museum Pio-Clementi-

num habet, sive Rhodiorum artificum opus, sive ejus exemplum, exhibentur. In reliquis, meo quidem judicio, aut nihil in signo illo occurrit, quod magnopere cum Virgilio conveniat; aut unum et alterum, quod adeo, nec artificii vel carminis ratione ita postulante, diversum sit, occurrit; contra vero, id, quod in opere Vaticano imprimis attendendum erat, momentum rei gestæ, quod artifex cum judicio delegit, in carmine ne quidem attingitur: serpentum autem nodi prorsus sunt diversi; nam uterque serpens implicita Laocoontis cervice supra caput ejus eminet. Quæ cum ita sese habeant, parum materiæ ei disputationi inde suppetere videri possit, utrum poetam artifex, an is artificem secutus sit. Neuter enim alterum, neque uterque commune aliquod exemplum, vel eundem auctorem, ante oculos habuisse, sed uterque suos auctores (quos plures in hac fabula extitisse ut constaret, supra a nobis allaboratum est), suæque artis rationes secutus esse dicendus. In hanc tamen de discrimine inter poetæ et artificis opera, eorumque causas ac rationes, disputationem incidisse Lessingium, est quod gratulemur, cum ei librum præclarum eo nomine inscriptum debeamus. In Holdsworthii et Spencii Annotat. et Obs. ad h. l. etiam nonnulla nuper legimus, sed vulgaria fere, partim et falsa.

EXCURSUS VI

Laocoontis clamores.

II, 222. *Clamores simul horrendos ad sidera tollit Laocoön.* Quæ docti viri nostrates nuper super h. l. disputarint, recenti tenetur memoria. Mihi quidem, quid in poeta excusandum vel defendendum videri debeat, nondum satis liquet. Certe ne clamores memoraret, nihil eum detertere potuit. Nam in Laocoonte nec herois aut magni viri fortitudo et constantia, nec Romani pectoris gladiatorii spectaculis offerati immanitas omnino ullum habere potest locum. Agendum erat poetæ imprimis hoc, ut portentum terroris et horroris plenum offerretur, quo Trojani obstupefacti suspicionem fraudis animo dimitterent et Equum in urbem reciperent. In tali consilio *clamoris* ratio haberi a poeta poterat hactenus, quod ad terrorem augendum clamores ingentes, quos tolli audias, facere possunt et ipsi, in tam atroci casu, in quo naturæ impulsus ita fert, ut clamorem tollas. Neque ea res fa-

stidium aut reprehensionem habere potest. Enimvero doloris victi, questusque repressi vel temperati, laus omnino fuisset nulla. Non enim de pugna vulnereque accepto agitur. Nihil hic de virtute militari, nihil de fortitudine sapientis. Constantiam ac tolerantiam in prodigio ejusque horrore declarando nemo desiderat. Aliter res se haberet in Laocoonte in scenam producto, quando mores ejus simul sunt exprimendi. Virgilius vero omnia ad terrorem efferre et debuit et voluit. Scilicet, quod jam alio loco (*Antiquar. Abhandlungen* II St. pr.) a me monitum est, cum multa subtiliter et acute super Laocoonte disputata sint, imprimis super comparatione carminis et symplegmatis, sunt tamen pleraque a re et a poeta aliena. Inanis erat disputatio omnis, utrum artifex poetam, an hic artificem, ante oculos habuerit; restat enim tertium, quod verum est, habuisse utrumque diversos auctores quos sequeretur; fuisse quoque utriusque consilium plane diversum: alter enim hoc efficere voluit, ut miserationem moveret, alter autem, Maro noster, ut terrorem. Hæc si animadverteris, ut sæpe fit, omne acumen concidit: redit res ad summam simpliciter.

EXCURSUS VII

Equus Trojanus in urbem inductus.

II, 237 sqq. *Scandit fatalis machina muros* etc. Non male hæc, sine dubio e vetere poeta, ornantur apud Tryphiod. v. 318 sqq. Pallas ibi ipsa Equum impellit, Juno autem et Neptunus portæ compagem laxant. Priamum ipsum inducendi auctorem fuisse, etsi Cassandra reclamante, alii tradiderant; ut ex Hygino f. 108 intelligitur. Omnino plures hanc narrationem ornandi modi, variis novis casibus ac miraculis rerum intextis, apud veteres fuisse videntur; cum illa a tenuissimis initiis profecta esset; v. sup. Excurs. III. Jam Odyss. Θ, 492 Ulysses Demodocum hortatur: 'Ἄλλ' ἄγε δὴ, μετάβηθι καὶ ἱππον κόσμον ἄεισον Δουρατέον, τὸν Ἐπειὸς ἐποίησεν σὺν Ἀθήνῃ, "Ὅν ποτ' ἐς Ἀκρόπολιν δόλον ἤγαγε ὄϊος Ὀδυσσεύς, Ἀνδρῶν ἐμπλήσας, οἱ Ἴλιον ἐξάλεπαξαν. Inde Demodoci ipsum carmen subjicitur v. 500—520, in quo nihil est quod admodum improbes. At omnem πιθανότητα egressus est poeta in notabili episodio de Helena Equum obambulante Odyss. Δ, 274 sqq., quod in alio forte vetere poemate probabilius fuit tracta-

tum, uti etiam ex Tryphiodor. 452 sq. apparet, ubi propius ad veri aliquam speciem res exposita. Nam, ut Helena voces Achivorum ita simulaverit, ut, qui in Equo latebant, crederent, suas uxores advenisse Trojam, etsi per se vocum talis imitatio arte parari potest (*Twining* ad Aristot. de Poet. p. 42 miratur quoque Helenam jam tantum in ea arte profecisse) tamen pro carminis et rerum narrandarum gravitate nimis ludicrum et absonum est. Mihi de illo loco ita statuendum videtur, ut, suspicione de conditis in Equo Achivis semel orta, Helena accesserit, et varia tentaverit, quo efficeret, ut, qui inclusi essent, feminæ sibi amicæ se proderent. Itaque non modo se suumque nomen profata suamque erga Achivos, populares suos, benevolentiam et in pristinum maritum fidem intemeratam testata est, verum etiam reditus sui ad Achivos et in Græciam desiderium commemoravit, quod sibi commune esset cum uxoribus Achivorum apud Trojam desidentium; quippe quæ votis precibusque assiduis reditum maritorum expeterent. Quæ ut tanto magis ad affectum movendum essent dicta, mulierum istarum, quippe quas olim familiares sibi habuerit, ipsa verba, blandasque maritorum suorum compellationes vocesque adeo ad desiderii amorisque significationem compositas imitatur. Nec multum aberat, quin ea res successum haberet. Omnium enim animis recordatione et miseratione conjugum relictarum motis, multi se vix continebant, quin Helenæ responderent.

EXCURSUS VIII

De nocte Trojanis funesta.

II, 250 sqq. *Vertitur interea calum et ruit Oceano nox* etc. Prævisse Ennium Annal. VI *Vertitur interea calum cum ingentibus signis*, Macrobius VI, 1 observavit; id quod tantum ad verba pertinet, de quibus v. sup. Exc. II. Rem jam Lesches docuerat, qui suam de Troja capta narrationem sic erat orsus: Νύξ μὲν ἔην μέσση, λαμπρὴ δ' ἐπέτελλε σελήνη, quando Sinon facem sustulit, apud Schol. Lycophr. 344. Omnino tamen Virgilius Euripidem ante oculos habuit Troad. 542 sqq. Adde chorum Hecubæ 914 sqq. Alia de hac nocte, deque mense et anno tradentur inf. ad lib. III Exc. II. pr. Facem diximus a Sinone sublatam, quæ vulgaris est narratio; legebatur illa quoque in

Arctini Excidio Ilii, ut e Proclo discitur. at inf. *Æn.* VI, 517 ab Helena factum narratur. Conjunxit utrumque Tryphiod. 498 sqq. et potuit sanè alterum post alterum fieri. Ab Antenore facem sublatam et alvum equi apertam alii tradiderant: Schol. Lycophr. 340. At in hoc ipso loco II, 256. 257 facem navis imperatoria Agamemnonis extulisse dicitur: *flammas cum regia puppis extulerat*; quod Seneca sequitur et imitatur Agam. 427. 428. Sed hoc est signum non proditiōis, sed profectiōis, classi ab imperatore datum. Post hæc videamus, qualem œconomiam rerum per hanc noctem poeta dispescuerit. Nox non erat illunis, aut sublustris; sed plenilunium: v. not. v. 255. Clasis a Tenedo redux face e navi prætoria sublata ad litus Trojanum appellit; aperit iis portas globus heroum, qui ex Equo prodierant: 250—267. Per somnum Æneas Hectoris viso monetur, ut fugiat: 268—297. Expergefactus cæde et incendio omnia misceri videt; exit domo, et cum manu alia Trojanorum per mediam urbem incedit: 359. Occurrit Androgeos, quo cum comitibus cæso Trojani Coræbo auctore cæsorū arma induunt; et ejusdem Coræbi temeritate proditi cladem accipiunt. Æneas cum paucis ad acropolin pervenit: 437. Pugnatur et hic, sed cum Trojanorum strage. Æneas motus ad aspectu cædis Priami, tum a Venere monitus, domum suam repetit: 559. 588—632. Anchisen patrem, primò reluctantem, mox prodigio monitum, cum conjugē et nato abducit: 720. Jam urbem egressus desiderata uxore redit in urbem: ab ejus umbra meliora edoctus ad suos redit, et sub diei ortum (801) Idam fuga petit.

EXCURSUS VIII*

Hector classi Achivorum ignem inferens; et victor Patrocli rediens.

Æn. II, 274. 5. *Hei mihi! qualis erat, quantum mutatus ab illo Hectore, qui redit exuvias indutus Achilli, Vel Danaum Phrygios jaculatus puppibus ignes.* Hectorem, qualis paullo ante vs. 272. 3 describebatur, *Raptatus bigis ut quondam, aterque cruento Pulvere, perque pedes trajectus lora tumentes*, videramus jam libro I, 483. ubi *Ter circum Iliacos raptaverat Hectora muros Achilles*: de quo v. Excurs. XVIII ad e. l. Hector omnino frequens gemmarum Homericarum argumentum, non uno habitu ac statu; quod tamen ipsa res intra Iliados fines continet;

cum multas alias gemmas e cyclicis poetis adumbratas esse putare possis; nisi potius dicendum est, artifices vulgares libellos, qui fabulas exposuerant, secutos esse; nisi forte etiam iis Tragici argumenta operum præcipuo loco suppeditasse dicendi sunt: atque hoc exemplis declaratum dari possit; commemorabo tantum Amphionem et Zethum cum Dirce tauro illigata: argumentum ex Euripide adumbratum (*Antiquar. Aufsätze: P. II.*). Homericas tamen fabulas ex ipsa Iliade et Odyssea petitas et adumbratas esse probabilius fit. Ex iis Hector frequens argumentum, ut dixi, quandoquidem species ejus oris et habitus ab arte ita est constitutus ut ubique sui similis sit, et sibi constet: est ubique barbatus et capite galeato: is, inquam, modo cum Andromache et Astyanacte, occurrit, modo facem injiciens navi, cujus puppis apposita est: cujus argumenti gemmam militem incendiarium exhibere dixerat Gorius (*Mus. Flor. To. II, tab. 60, 2*). At extat alia verum Hectorem expressum habens puppi navis apposita: apud Franc. Pallazzi (*Borioni Collectan. t. 56. etiam in Lipperti Dactyloth. Mill. II, 2, 6*). Ei respondet Ajax de puppi pugnans in alia gemma. Verum prior illa plane convenit versui Virgiliano: *Vet Danaum Phrygios jaculatus puppibus ignes*. Minus certa fide sunt aliæ gemmæ, Hectoremne an alium heroem referant; ut, vulneratus sub clipeo deficiens (ap. *Natter. tab. VIII. et alibi*). Est Hector in Sarda saxum portæ castrorum Achivorum impingens (v. Iliad. M, extr. ap. *Lippert. Mill. II, 2, 5. neque alium esse arbitror Mill. III, 2, 6. expressum*). Incertum quoque esse potest, an inter heroes bigis instantes Hector quærendus sit; certior fides est numorum: inter quos numi notissimi Iliensium sunt, ad Commodum, M. Aurelium, et Caracallam spectantes, Hectorem quadrigis citis insistentem exhibentes, v. c. *Mus. Farnes. Vol. V, t. 17, 3*. Merito dixeris hunc Hectorem esse, qui redit exuvias indutus Achilli. Ceterum Hectoris caput in aliis Iliensium numis visitur; et est unus numus in Numismat. Albani T. I, t. 59, 2 in quo Hectori corpus Patrocli abstracturo objiciunt se Menelaus et Ajax, affabre effecti.

EXCURSUS IX

De Penatibus, Palladio et Vesta.

II, 293. 296. 297. *Sacra suosque tibi commendat Troja Penates—Sic ait et manibus vittas, Vestamque potentem, Æternumque adytis effert pe-*

netralibus ignem. Quid tandem illud sit, quod Æneas capta Troja secum in Italiam abduxerit, nam modo Penates, modo Palladium, modo Vesta memoratur, fuerintne privati Æneæ an publici Penates, et qua specie vel fuerint vel sint crediti, paucis juvat inquirere, quantum quidem ad loca nonnulla poetæ declaranda facere id potest; quandoquidem poeta Penatium religione tam præclare usus est ad majorem Æneæ fati, erroris et ad Italiam accessui, dignitatem mirationemque conciliandam. Multo enim augustiora omnia videri facile intelligas, si inferre Æneam Latio Penates (*inferretque deos Latio*) quam, si Latium accessisse audias, et sic porro. Primum poeta *Palladium* rem facit a Penatibus diversam, surreptum illud ab Ulysse et Diomede lib. II, 163 sqq. *impius ex quo* etc. At, quos Æneas asportavit, *Penates* fuere. Primus de iis locus est Æn. II, 293 sq., ubi Hector per somnum ad Æneam: *Sacra suosque tibi commendat Troja Penates; Hos cape fatorum comites*. Paulo post v. 296 Sic ait, *et manibus vittas Vestanque potentem Æternumque adytis effert penetralibus ignem*. Hæc diversa sunt et visa tantum Æneæ per quietem ab Hectoris umbra acta esse. At mox, postquam Anchisen in humeros receperat, v. 717 *Tu genitor, cape sacra manu patrisque Penates*. Dubitari potest, quo sensu *sacra* dixerit (v. ad II, 293) sintne *sacra* et *Penates* diversæ res, an unum idemque; quod statuere licet, ut *sacra* sint genus, et in iis *Penates*, *Vesta* et *ignis*: quæ ideo etiam singula per *sacra* possunt declarari. Sic paullo post vs. 320 Panthus Apollinis sacerdos *sacra manu victosque deos trahit*. Eo sensu puto primo (293) et tertio loco (717) memoravit: *Sacra suosque Penates*; scilicet *sacra* nomine generico, proprio autem *Penates*. Etiam Seneca de Benef. III, 37 *Anchises complexus sacra ac Penates deos*. Et Dionys. I, 46 *τὰ ἱερὰ παρῶν* in arce servata memorat. Similiter Æneas declarative *Penates et magnos deos* dixisse videri debet lib. III, 12 *feror exul in altum Cum sociis natoque, Penatibus et magnis dis*. Ex naturali verborum ordine alii *Penates*, alii *magni dii* esse possunt. Atqui præter Penates nusquam alios deos exportasse Troja fertur Æneas; et communis est veterum opinio, eosdem fuisse *Penates* et *deos magnos* e Samothracia. Varronem et Heminam Cassium laudat Serv. ad I, 378 (unde Pompon. Sab. ad I, 68 sua transtulit) et Macrob. III Sat. 4: adde Serv. ad II, 296. III, 12. *Iidem dii patrii, θεοὶ παρῶν*. Sed et ipse Virgilius III, 159, ubi Penates Æneæ per somnum apparent: *Tu mania magnis magna para*. Itaque declarative in illo III, 12 loco positum esse debet: *Penatibus et magnis dis*. *Iidem divi*, et declarative III, 148 *Effigies sacræ divum Phrygiique Penates*. Sufficit memorari a

poeta, tanquam domesticas religiones et sacra, Penates, deos patrios, eorumque signa ab Ænea ablata, cum Troja exiret.

De Palladio et Vesta mox videbimus, paucis præmissis de *Penatibus*. Ex locis laudatis colligi posse videtur, omnia ista, et ipsos Penates, in Æneæ domo fuisse · namque ex ea efferuntur. Atqui hoc poetæ consilio, et aliorum locorum sententiæ, ipsique rei, repugnaret. Nam e Virgilii saltem mente et consilio, *publici Trojæ Penates, dii patrii*, non Æneæ privati esse debuerunt, qui in Italiam abducti ad Romanos tandem pervenerunt. Et sunt loca, in quibus passim *Trojæ Penates* dicuntur. Sic II, 293 *Sacra suosque tibi commendat Troja Penates*. VII, 121 *Vosque, ait, o fidi Trojæ salvete Penates*. V, 62 *adhibete Penates Et patrios epulis, et quos colit hospes Acestes*, et v. 632 *O patria et rapti nequidquam ex hoste Penates*. Tandem IX, 258 *Excipit Ascanius: Per magnos, Nise, Penates Assaracique Larem et canæ penetralia Vestæ*. V, 744 *per Pergameum Larem* eosdem Penates declaravit. Et in ipso illo loco II, 297 *adytum penetrabile* commemoratur, quod ad templum spectare debet. Si igitur publici Penates fuere, in Æneæ domo Penates publici haberi non potuerunt. Sed misceri solent, et ipse miscui, diversa inter se. In v. 293 cura Penatium tantum *mandatur Æneæ* ab Hectoris umbra; non ei traduntur manu; at Æneæ visa est umbra Hectoris ipsa efferre e templo Vestæ signum vittatum cum sacro igni. Non igitur hoc vere factum, nec ab Ænea Vesta cum igni absportata, nec ipsi Penates ei Hectoris manu traditi: sed tantum ejus curæ mandati. Illud forte quæri potest: quomodo ad Æneam potissimum Penatium cura spectabat. Potuit utique tanquam ad unum e principibus, ad quos rei publicæ et urbis cura spectabat. Poetæ satis erat, Hectoris umbræ monitu id factum declarare. Eo loco, quo de Ænea τὰ ἱεροσούμενα afferimus (Disquis. II, de rer. inv. s. VI. Excurs. XVII ad lib. II. Excurs. I ad lib. III et al.), plura olim esse commemorata apparebit, quibus poeta insistere et rem, tanquam vulgatam satis, tacite sequi poterat. Sed, quod imprimis ejus animum impellere potuit, est forte hoc, quod Æneam sacerdotio functum tradiderat antiquitas. Certe ex Dictye IV, 17 discimus, *Apollinis sacra cum præcipue* esse tuitum; et, secundum Menecratem Xanthium a Dionys. Halic. I, 48 excitatum, Æneas ad defectionem a Priamo hoc ipso erat adductus, quod *sacerdotii dignitate* ab eo fuerat exclusus, ἄτιτος ἐὼν ὑπὸ Ἀλεξάνδρου, καὶ ἀπὸ γερῶν ἱερῶν ἐξεργόμενος. Fundus rei Iliad. N, 461 αἰεὶ γὰρ Πριάμῳ ἐπεμήνιε δῖος, Οὐνεκ' ἄρ' ἐσθλὸν εἶντα μετ' ἀνδράσιν οὔτι τίεσκεν. Ceterum vulgo in arce Penates servati narrantur; cf. Dionys.

Halic. I, 46. 69 et al. et hoc ex perpetuo veterum civitatum more ita se habere debuit. Hoc tamen sequi poeta non potuit, qui Æneæ domum in alia urbis parte sitam esse voluit, unde mox ad arcem accurreret. Apponam Hellanici Lesbii, vetustissimi scriptoris, narrationem ap. Dionys. Halic. I, 46. 47. Urbe capta, inquit, Æneas cum suis Dardaniis se recepit in arcem Pergamum, ἐν ᾗ καὶ ἱερὰ τὰ πατρῷα τοῖς Τρωσὶν ἦν, eamque defendit. Cum tamen videret, hostium impetum diu sustineri non posse, hominum corpora καὶ τὰ ἱερὰ τὰ πατρῷα et opes servare studet; tum, infirma multitudine præmissa, ipse cum juvenibus in Idæ munitiora loca discessit, ἀγόμενος ἐπὶ ταῖς συνωρίσι τὸν τε πατέρα καὶ τοὺς θεοὺς πατρίους. Inde induciis cum hostibus factis discessit, παραλαβὼν τὸν πατέρα καὶ τὰ ἔδη τῶν θεῶν h. e. simulacra. Et agro Laurente capto c. 55. f. alii in locum indictum Penates (τὰ ἔδη τῶν θεῶν) e navibus efferunt, alii vero bases (βάθρα) et aras ipsis statuunt, mulieres autem cum ululatu et choreis sacra prosequuntur, et c. 57 ἰδρύεται τὰ ἔδη τῶν θεῶν ἐν τῷ κρατίστῳ. Vides Hellanici verba maxime poetæ animo insedissee; et viguisse omnino famam antiquam de servatis Trojæ simulacris vetustate sua venerandis: quæ excidio urbis facto secum abduxerit Æneas.

Fuisse autem Penates simulacra deorum; et quidem, cum ab Ænea portari possent, lignea, formaque deorum solita, vittis coronata, ex locis seqq. apparere videtur: III Æn. 148 *Effigies sacrae divum Phrygiæque Penates*, Quos mecum a Troja mediisque ex ignibus urbis Extuleram, visi ante oculos adstare jaacentis, et v. 173 *coram cognoscere vultus Velatasque comas* (vittis puta et infulis religatas) præsentiaque ora videbar. Servius ad III, 148 hæc habet: “Varro sane *Rerum Humanarum secundo* ait, Æneam deos Penates in Italiam reduxisse (hoc et Macrob. III, 4 repetit), quædam lignea vel lapidea sigilla, quod evidenter exprimit dicendo: *Effigies sacrae divum Phrygiæque Penates*: quamvis alio loco alias opiniones secutus diversa dixerit.” Romam, ut mox videbimus, deducti arcana primum religione haberi, mox tamen hominum conspectui subjici ac vulgari cœperunt. Nam Dionys. Halic. I, 68 Romæ in æde deum Penatium sub Velis (v. paullo inf.), duo Genios seu adolescentes sedentium habitu et hastam manu tenentium viderat, eoque Timæi fidem elevat, qui mera κηρύκεια, caduceos, esse ab indigenis audierat; forte tamen nec hoc falso, si id ad informia rudis artis opera referas; tum potuere ut in Diana Ephesia, et alibi factum, antiquis cum temporis successu substitui alia signa minus rudia. Diis magnis Samothracicis eos comparat Dionys. I, 69 specie et habitu, qui

cum iis signis convenit, quæ in numis adhuc videmus. In numis, gemmis, marmoribus, ut in tab. Iliaca n. 98 et 117 (sed talia unicuique, libros evolventi, occurrentia ambitiose memorare piget), Anchises Æneæ humeris hærens tenet capsulam vel ædiculam, qua Penates inclusi sunt; in aliis tamen Palladium tenet; quod nonnunquam ipsis Æneæ manibus insistit; nam peplo involutos Penates tenens Æneas (πέπλους περισχών, ut Lycophr. 1266) mihi nondum in priscis monumentis occurrit.

Hæc igitur simulacra, hos Penates, Italiæ inferri, fatale erat. cf. III, 167 sqq. Atque habuit utique res eventum suum; collocati sunt Penates Lavinii (secundum Lycophr. 1261 in Palladis templo); unde mox, Alba Longa condita, cum in novam urbem deducendi essent, cedere loco noluerunt, v. Dionys. Halic. I, 67. Orig. G. Rom. 17 et alios. Romam tamen aliquando migrare non recusarunt, siquidem Penatium ædes Romæ fuit sub Velia, non longe ab æde Vestæ, v. Dionys. ibid., incendio Neroniano deleta. v. Tacit. Ann. XV, 41. Non enim recte alii tradiderunt in Vestæ templo Penates servatos. v. ad Tacit. l. c. cf. Donat. III, 3 de Urbe Roma.

Etiam *Vestam* cum igni æterno Æneas abstulisse Troja creditus. Æn. II, 296 *uitas Vestamque potentem æternumque adytis effert penetralibus ignem* h. e. templo Vestæ; hoc tamen non Æneas, sed per quietem visa efferre, in foculo puta, Hectoris umbra. Nam ipse Æneas ignem sacrum secum Troja efferre vix potuit. Statim autem, quoties aliis in locis consederant Trojani, ædem Penatibus et Vestæ cum ara et igni sacro ponere potuere; unde in Sicilia moratus Æneas, oblata per somnum Anchisæ specie, evigilans V, 744. 745 *Pergamcumque Larum et canæ penetralia Vestæ Farre pio et plena supplex veneratur acerra* h. e. supplicat Penatibus et Vestæ. Adde Ovid. Fast. III, 423 sqq., unde Romæ quoque in Vestæ æde: *Iliaci foci Vestæ, Iliaci ignes* etc. In sacro Lavinienti a Coss. faciendo cum Penatibus etiam Vestæ sacrificatum, Macrob. III Sat. 4 et Serv. ad Æn. II, 296 notarunt. Secundum hæc licet quoque suspicari, Trojæ etiam Penates in Vestæ æde habitos fuisse, atque inde ab Ænea exportatos esse; ut ab umbra Hectoris visa erat efferri Vestæ cum igni sacro: II, 293—297.

Palladium tandem, h. e. signum Palladis, antiqua religione cultum et *ἐὐπαιρέτης* habitum (v. Apollod. III, 12, 3, et Not. p. 744 sqq.), cum ipsis Penatibus Æneam extulisse narrant quidem alii, et ipse Arctinus id tradiderat: v. Dionys. I, 69. poeta vero, ut supra dictum, non memorat, quippe qui eam narrationem sequitur, quæ pro antiquiore ha-

benda est, furtim illud ab Ulysse et Diomede jam ante Trojam captam ablatum fuisse, v. *Æn.* II, 164 sqq., Heleni consilio, v. *Conon.* 34, ab Antenore proditum Achivis, (cf. *Tzetzæ Posthom.* 505) ut alii addunt; sed res variis modis a poetis ornata. Ita sponte et volentem secutam esse Palladem alii memoraverunt. vid. *Ovid. Fast.* VI, 431. In quem sensum Tryphiodori v. 54 ex lectione *Cod. Medic.* (secus quam *Lennep.* ed. *Coluth.* v. 196 volebat) est constituendus. Ἦλθε δὲ καὶ Δαναοῖσιν ἰὸν βρέτας ἀγνὸν ἄγουσα Ληϊστὴ μὲν ἰοῦσα, φίλοις δ' ἐπίκουρος, Ἀθήνῃ, h. e. furto quidem abducta, Achivis tamen propitia. Distinguendus autem hic Ulyssis in urbem ingressus ab altero illo, quo, sub extrema oppugnationis tempora, mendici habitu res et consilia Trojanorum speculatus est. v. *Odyss.* Δ, 244 sqq. *Eurip. Hecuba* 239 sqq. add. *Rhes.* 501. 710 sq. add. *Tzetz. Posthom.* p. 157. *Quintus Cal.* utrumque ingressum tantum strictim memorat et tempora confundit, X, 346, quod miror; nam *Leschen* in eo exponendo operam navasse discimus ex *Procli* argumento *Iliadis* parvæ: Ὀδυσσεὺς δὲ αἰκισάμενος ἑαυτὸν, κατὰ σκοπὸς εἰς Ἴλιον παραγίνεται, καὶ ἀναγνωρίσθεις ὑφ' Ἑλένης, περὶ τῆς ἀλώσεως τῆς πόλεως συντίθεται. κτείνας δὲ τινὰς τῶν Τρώων ἐπὶ τὰς ναῦς ἀφικνεῖται. καὶ μετὰ ταῦτα σὺν Διομήδεϊ τὸ Παλλάδιον ἐκκομίζει ἐκ τῆς Ἰλίου. *Helenæ Hecubam* adjunxit *Eurip.* in *Hecuba* l. c. *Ulyssi comitem* dedit *Diomedem* *Tzetzæ* in *Posthom.* 604, loco valde turbato: cf. *Jacobs* *ibid.* p. 157. 159. Creditum tamen inter Romanos *Palladium* hoc *Romæ* in *Vestæ* templo servari, fatale etiam hoc urbi habitum; nec ulli viro, ne *Pontifici* quidem *Maximo*, videre illud fas fuit. Quibus de rebus multi egerunt. v. *Dionys. Hal.* I, 68. Satis est comparare *Ovid.* VI *Fast.* 421. 431 sqq. Hinc *Vestam* interdum cum *Palladio* videas, ut in *Sarda* apud *Maffæum Gemm.* ant. P. II, n. 76. Omittimus quæ de gente *Nautia*, in cujus tutela *Palladium* habetur, aliisque rebus disputari possint. Adhuc sub *Commodo* in templi *Vestæ* incendio servatum illud, ap. *Herodian.* I, 45, et ab *Elagabalo* loco motum, lib. V, 15, narratur. Ex altera parte non minus *Athenienses* *Palladium Trojanum* in sua arce servare videri volebant, v. *Pausan.* I, 28; item *Argivi*, *Paus.* II, 23; et notum est, omnino plures urbes *Palladium* sibi vindicasse; cf. *du Teil To. XXXIX Hist. de l'Acad. des Inscr.* p. 238. A *Diomede Æneæ* redditum *Palladium* commenti erant seriores: ut *Cedren.* p. 135 C. D. et *Malelas* p. 212. Scilicet religionum harum tam diversarum a poetis variis modis ornatarum cum fidem adstruere vellent urbium scriptores, passim et grammatici, atque ostendere, quomodo ad *Æneam*

rediisset Palladium a Græcis ablatum, multa commenti sunt, quibus tota hæc de Palladio quæstio ita obscurata est, ut multorum doctorum virorum, qui expedire rem volebant, otium consumserit. Nobis satis est causas diversitatis indicasse. Occurrit autem cum Palladio Æneas, in multis numis gentis Juliæ, armata virguncula stantis habitu: eadem fere specie, qua in monumentis id quoque Palladium conspicitur, quod Diomedes cum Ulysse abstulit; cf. Apollod. Biblioth. III, 12, 3, et ipse Virgilius Æn. II, 172 *Vix positum castris simulacrum; arsere coruscæ Luminibus flammæ arrectis,—terque ipsa solo Emicuit parmamque ferens hastamque trementem.* An vero Palladis signum hoc idem habendum sit, aut a poetis habitum fuerit, quod in templo Palladis in arce Ilii sito visebatur, et in cujus genibus peplum Trojanæ mulieres apponunt Iliad. Z, 273. 303, Burmannus illo loco quærit; sed ut idem haberi possit, nolim cum viro doctiss. Θεῖναι Ἀθηναίης ἐπὶ γούνασιν interpretari ad genua, quod jam Strabo refellit, multo minus peplo deam induere. Nam diversa in arce Palladis signa esse et potuere et debuere: Etiam in nostro poeta lib. II, 225 sqq., postquam v. 165 sq. ablatum jam Palladium memoratum erat, angues, qui Laocoontem cum filiis eliserant, in templum Minervæ in arce fugiunt; *Sub pedibusque deæ clipeique sub orbe teguntur.* Et quale dicemus fuisse Palladis signum illud, quod, Cassandra ab Ajace Oilei violata, avertit vultum? (de quo v. docte agentem Böttiger de raptu Cassandræ p. 63.) v. Lycophr. Cassandra v. 361. Quint. Cal. XIII, 425 sq., quod bene poeta noster ad aliam rem ornandam transtulit Æn. II, 172. Non igitur Maro sui oblitus videri debet; sed in poetarum fabulis, quæ in his, ac similibus, et famæ et historiæ vices præstant, diversa fuere in arce Palladis signa; nec modo diversis in locis, sed et eodem in loco; nam fatale τὸ διοπετὲς Ἀθηναῖς Παλλάδιον, πολλῶν ὄντων τὸ μικρότατον (ap. Conon. 34.) in Minervæ templo in arce diligenter custoditum Arctini versus docent: Dionys. I, 68. 69. Diversum a Penatibus Palladium illud διῦπερὲς a plerisque, et ab ipso poeta, habitum vidimus; sed ex aliorum doctrina Pallas cum Junone iis ipsis diis Penatibus erat accensenda. v. Macrob. III, 4. exemplo forte Palladis et Junonis cum Jove Romam tuentium. Apollinem et Neptunum alii apud eundem, frustra advocato versu Æn. III, 119; at Tusci Cererem, Palem et Fortunam Penates tradiderant. v. Serv. ad Æn. II, 325, adde eund. ad II, 119. III, 12.

Inter hæc Penates Trojanorum confundi cœpere cum diis Samothracum magnis. Nec mirum; si quidem communis utraque fuit religio; utraque vetustate memorabilis. Redit adeo disputatio ad deos

Cabiros, de quibus, post Guthberleti libellum, et Bochartum, multa satis subtiliter quæsitæ sunt etiam a Frereto (*Hist. de l'Ac. des Inscr.* Tom. XXVII), sed ad opiniones magis et conjectationes, quam ad veterum historiarum fidem: ad quarum ductum melius de iis disputatum est nuper a Viro Doctiss. *Ste Croix* (*Recherches sur les Mysteres* p. 26). Inter Britannos ingenia in hoc argumento exercuere (*Wise*) *Of the first Inhabitants of Europe* p. 38, et Vir doctiss. idem et sagaciss. *Jac. Bryant Analysis* Tom. II, p. 461. Quando quidem Gemini in Zodiaco ab Ægyptiis constituto occurrunt, ad Gattereri nostri ductum *Cabiros* ex Calendario Ægyptiorum illustravit *Herman, Mythol.* Vol. III. p. 160 sqq. Alienum ab h. l. et consilio esset, ad hypotheses et opiniones deerrare. Loca class. sunt *Strab.* X, p. 723—726. *Schol. Apollonii I*, 916. *Dionys. Halic.* I, 67—69. *Varro de L. L.* IV. p. 17. *Macrob.* III, 4. Quæ ex his, ut simpliciora, ita probabiliora habeo, hæc sunt: religiones istas et antiquitate et origine fuisse obscuras; ipsam deorum formam parum scite expressam, ut nec appareret, juveniline an senili specie essent habendi: id quod in rudis operæ simulacris evenisse mirum non est; videri itaque Phœnicum Patæcis similes fuisse, forte etiam ab illis profectos *Cabiros*; (cf. *Herodot.* III, 37) magnas successisse mutationes harum religionum: ab initio fuisse Cælum et Terram; postea accessisse duo alios: nunc quatuor ista numina, domesticis nominibus insignita, interpretatione varia ad diversos deos Græcorum referri cœpisse: igitur in illis memorari videas *Cerem* et *Proserpinam*, *Haden* et *Mercurium*, ab aliis *Bacchum* et *Jovem*; etiam *Vulcanum* in iis quæsitum, item *Cybelen*: nec improbabile fit, adscita fuisse hæc ipsa sacra seriore ætate; quæ fortuna fuit cum aliarum religionum, tum imprimis arcanarum: in quas, ut postra quoque ætate factum videmus, intulerunt quæ quisque vigilans stertensve somniabat, imprimis super rerum natura ejusque vi genetrice. Quia autem duorum simulacrorum, prisco more, tanquam fratrum junctorum, species oculis occurrebant: confusi tandem *Cabiri* seu *Dii magni* sunt cum *Dioscuris*; dictique adeo et hi magni *Dii* et *Penates*. *Turbas* alias fecit hoc, quod et ipsi sacerdotes dicti sunt *Cabiri*.

Ceterum *Penates*, ignem sacrum, et *Palladium* etiam jungit *Lucan.* IX, 990—994 docto in loco; et quæ de *Palladio* tradita erant, tractata aliquando sunt ad *deam Pessinuntiam*: v. *Herodian.* I, 35. Egit quoque, quod nunc didici, de diis *Penatibus* *Meziriac.* ad. *Epp. Ovid.* T. II, p. 158. Interea, hac opportunitate data, obiter adhuc monebo, ut animadvertas, quanta *religionum Trojanarum*, quippe quæ inter anti-

quissimas fuere, *simplicitas* fuerit. Suis sane nominibus, hoc est Græcis, numina Trojanorum effert Homerus: facile tamen ad elementorum naturæ genera et formas deos illos revoces. Colebatur in arce *Minerva* et *Apollo*: *Iliad.* Z, 88. E, 446, Quint. Smyrn. XIII, 433 sqq., *Jupiter* in Ida sacrarium habebat, alterum in acropoli: *Iliad.* X. 171, 2, alia religio *Neptuni* erat. Cum his *Penates* e religione antiqua Samothracica. Commode his numinibus et sacris memorandis usus est Maro: E templo *Palladis* Palladium raptum II, 165 sq. ex *Iliad.* Z, 297, et in idem pompa cum peplo ducta I, 479 sq. Aliud *Palladis* templum in urbe fuit: e quo *Cassandram* abstrahi vident *Trojani* II, 404. 425, nam ab hoc ad arcem pergunt *Æneas* et socii 437. *Apollo* *Thymbræ*, et *Sminthei* nomine *Chrysæ*, tum in ipsa arce, Pergamo, templa habuit: unde ejus sacerdos *Panthus* II, 318 *arcis Phæbique sacerdos*. add. 429. 430. *Apollini* cum *Neptuno* sacra facit *Æneas* III, 119 tanquam diis patriis. Scilicet ille *Trojæ* tutela et præses deus: VI, 56. *Neptuni* sacerdos *Laocoon* sacra ex antiquo more ad litus faciens II, 201. *Cybele* e Creta repetita III, 111 proprie ad *Phryges* spectabat: in Ida coli solita: IX, 80 sq. X, 252 sq. *Vestam* addit *Virgilius*, (II, 567 ubi *Helenam* limina *Vestæ* servantem memorat; et II, 296. 7. ubi *Hectoris Umbra* visa est efferre *adytis penetralibus* *Vestam* et *Ignem* sacrum; quæ vix aliter quam de *Vestæ* æde accipi possunt.) nescio an de suo; si auctoritatem habuit, ad *Phrygum* religionem, *Matrem deum*, spectare illa potuit; nisi probabilis sit, hanc in *Venere* latere, quam *Homerus* inter numina *Trojanis* studentia retulit, etsi alia ejus deæ religio *Trojæ* non occurrit. *Veneris* tamen templum in arce effectum video in *Tabula Iliaca* n. 107. At *Veneris* ἐν Τρωάδι signum in Museo Capitol. To. IV. p. 353 non bene ad veterem *Trojam* refertur; est enim *Alexandriæ Troadis*. *Junonis* quoque Maro fecit templum in arce II, 761, et *Cereris* sacellum ante urbem II, 714; hæc forte de suo; nam in *Homero* memorata non memini.

Cum autem Romani et ipsi *Jovem*, *Junonem* et *Palladem*, in arce tolerent tanquam deos imperii præsides, voluere interdum poetæ et hos e *Troja* *Romam* traductos haberi. In conditionibus quoque pacis inter Latinos et *Trojanos* habetur hoc, quod *Sacra Trojana* recipiuntur a Latinis: XII, 192 *sacra deosque dabo*, et 836 *morem ritusque sacrorum adjiciam*.

Ceterum haud vereor quenquam fore, qui me calumniatur tam factum et ineptum esse, ut hæc antiqua fide historiarum niti existimem;

satis enim, vel me non profitente, ex narratione mea apparet, me poetarum commenta, ab antiqua aliqua fama ducta, multis modis deflexa et ornata, una tela contexere voluisse: quippe qui diligenter discernere soleam ea, quæ famæ antiquæ fundum qualemcunque, aut opinionem antiquam pro fonte, habere, et quæ diversis inde seu ingeniorum seu opinionum, tanquam aquarum divitiis, fuisse derivata, novisque aquarum venis corrivatis aucta novam naturam induisse videantur.

EXCURSUS X

De Coræbo.

II, 341 sq. 386 sq. 424. 425. De Coræbo Mygdonis f. argumentum, pro episodio inductum a Virgilio, variis modis a veteribus fuisse tractatum videtur, donec tandem stulti et vecordis hominis personam ei induerent, ut adeo in proverbium abiret: de quo v. Ælian. V. H. XIII, 15. alia loca ap. Cerdam. Ad v. 341 Servius: *Hunc autem Coræbum stultum inducit Euphorion, quem et Virgilius sequitur, dans ei inf. 390 Dolus an virtus quis in hoste requirat? cum sit turpissima dolo quesita victoria.* Prius illud notatu dignum; Euphorion enim Coræbo, temerario forte in Achivos facto impetu, personam vecordis hominis primum addidisse videtur; dum scilicet argumento ab aliis tractato novitatis gratiam conciliare volebat. Etiam Pompon. Sab. *Euphorion, inquit, inducit eum stultum.* Sed alterum, quod in Servio *Euphorionem Virgilius sequi* traditur, grammatici commentum est; non enim vecordem et stolidum exhibuit Coræbum; nec, nisi alia fuere in Euphorione quæ expressa forte sunt a poeta, aliunde liquet, an Euphorionem ante oculos habuerit Virgilius; quod adeo sine fundo idoneo ex h. l. ponit Jac. Nic. Loensis Epiphyll. II, 3, ut non magis vera sunt, quæ de carmine *Minxade* deprompta a Virgilio esse vult. In Polygnotti tabula ap. Pausan. X, 27 Coræbus etiam erat expressus, ubi ille addit: ejus monumentum nobile in Phrygum finibus, et Mygdonas ab eo nomen habuisse; quod falsum: nam *Mygdones* antiqua Thracum stirps fuere. Venisse eum ad Cassandræ nuptias, et occisum, ὡς μὲν ὁ πλείων λόγος, a Neoptolemo: *Lescheus* autem a Diomede intercentum carminibus prodidit. In hoc Virgilius tertium aliquem auctorem secutus est, nam is v. 425 a Peneleo interfectum tradit. Cum Lescheo facit Quintus:

Calab. XIII, 168 sq. Ad aram interfectum exhibet etiam Tabula Iliaca n. 104. Corœbum Mygdonis filium inter vigilum duces nominat Auctor Rhesi 539. Patrem saltem *Mygdonem* Homerus suppedita-
verat; nam Mygdonem et Otreum Priamus olim copias Phrygum ad-
versus Amazones ducere viderat: Iliad. Γ, 184 sqq. In Epitome
Iliados v. 248 est *clara satus tellure Corœbus*: quod non satis assequor.
Venerat ille e Phrygia. Alius Mygdon est Amyci frater in Heracliis
et Argonauticis: v. Not. ad Apollod. p. 379. Ceterum quæ subji-
ciuntur, Corœbum Cassandræ amore incensum operam Priamo in hoc
bello obtulisse, eleganter ab Homero Othryoneo Iliad. N, 363 sqq.
traducta sunt, sed multo suavius et ornatius, imprimis hoc: *Infelix qui
non sponsæ responsa futura Audierat.*

EXCURSUS X*

Cassandra raptata.

II, 403—406. *Ecce trahebatur passis Priameia virgo Crinibus a templo
Cassandra adytisque Minervæ, Ad cælum tendens ardentia lumina frustra:
Lumina; nam teneras arcebant vincula palmas.* Cum mihi propositum
sit, ex Notis ea, quæ pro digressionem haberi possint, etsi cum *Maronis
doctrina* conjuncta, sublata in Excursus rejicere: revocabo ad h. l. ea,
quæ antea in Nota ad h. v. disputaveram, rejectis aliis, post ista a me
notatis, quæ nunc in Commentatione elegantissima doctissimi Böttigeri
copiosius sunt disputata. Redibant autem illa partim ad ipsum mythum
diversis modis narratum et tractatum; partim ad Virgilianam rationem.
Et in priore quidem parte otium fecit nunc laudata modo Böttigeri
docta de hoc argumento in Vase picto commentatio. Monebo tantum
hæc pauca: Homerus facinus Ajacis in Cassandram commissum igno-
rat: quod jam Strabo observaverat XIII p. 896 C. Cassandram va-
tem, Priami filiam, cum ceteris captivam abductam esse, jam antiqui-
ores narrasse videntur. Servata illa in reliqua præda, tandemque sorte
ducta Agamemnoni cesserat. Apud Proclum in argumento Arcini
Ἰλίου πέρσιος hoc unum narratur: Κασσάνδραν δὲ Αἴας Ὀϊλέως πρὸς
βίαν ἀποσπῶν συνιφέλκεται τὸ τῆς Ἀθηνᾶς ξόανον (quod Cassandra
deæ supplex, ἱκετεύουσα, amplexa erat) ἐφ' ᾧ παροξυνθέντες οἱ Ἕλληνες
καταλῆσθαι βουλεύονται τὸν Αἴαντα ὃ δὲ ἐπὶ τὸν τῆς Ἀθηνᾶς βωμὸν

κατάφενγει καὶ διασώζεται ἐκ τοῦ ἐπικειμένου κινδύνου. Apparet ex his, fabulam disertius fuisse tractatam in eo carmine. Fuit enim Ajax in iudicium vocatus propter sacrilegium; hoc est iudicium illud, quod in Pæcile pictum erat Athenis: Pausan. I, 15 p. 37. οἱ βασιλεῖς ἡθροισμένοι, διὰ τὸ Αἴαντος ἐς Κασσάνδραν τόλμημα· et Delphis in Lesche a Polygnoto pictus Ajax erat ὀμνύμενος ὑπὲρ τοῦ ἐς Κασσάνδραν τολμήματος Pausan. X, 26. Videtur adeo Ajax professus esse, falsi se criminis accusari, nec vim puellæ a se esse factam. Ulyssem accusatoris partes egisse ex c. 31. pr. colligas, uti et alibi memorari memini, Agamemnonem fraudem Ajaci esse machinatum, ut Cassandra, cujus amore captus erat, potiretur; Duxit inde commenta sua Philostratus in Heroic. 8. Stupri quoque ab Ajace illati memoratio vix apud eos potuit esse, qui Agamemnonem amore Cassandræ incensum in scenam produxerant: ut Euripides Troad. et al. Unde et Horatii versus II, 4. 7, 8 *Arsit Atrides medio in triumpho Virgine rapta*. qui Agamemnonis amorem narrabant, vix vitiatam ab Ajace Cassandram narrare potuere. Verum redeamus ad Cassandram.

Hanc Minervæ supplicem factam, cum ab Ajace abductam primi auctores memorassent; adjecere alii et cyclici et tragici vim ab eo Cassandræ pudori factam, tandem stuprum in ipso templo in conspectu deæ factum. Utuntur veteres vocabulo, quod rem fere ambiguum facit, ἔλκεσθαι, ἐλκεῖσθαι, ἐλκύεσθαι, quod et de *abstractis* in captivitatem, et de *vi corpori illata*, dici solitum, ad ipsam narrationis amplificationem ducere potuit; nam ἄγεσθαι vocabulum commune, ambiguitatem eam haud admittit; v. c. Iliad. II, 332. At Odyss. Λ, 579. Tityus Latonæ vim inferre voluit. Λητὼ γὰρ ἤλκησε—Πυθὼ δ' ἐρχομένην. quæ apud Apollod. I, 4, 1. reddita sunt: Οὗτος Λητὼ θεωρήσας, πόθῳ κατασχεθεῖς, ἐπισπᾶται. Aliis locis simpliciter captivæ abductæ, et, quia invitæ discedunt, abstractæ et raptæ feminae sunt. Ita Iliad. X, 62 in Priami lamentis, cum Hectorem in mœnia revocare studet, νῆας τ' ὀλλυμένους ἐλκηθεῖσας τε θύγατρας,—ἐλκομένας τε νοῦς ὁλοῆς ὑπὸ χερσὶν Ἀχαιῶν. Adde ἐλκηθμόν Andromaches Iliad. Z, 465 et de voc. cf. Valken. ad Iliad. X, p. 51. Multo magis autem supplices vi abstractæ ab ara et asylo: ita Andromache Eurip. 566 καὶ νῦν με βωμοῦ Θέτιδος—Ἀγῶνσ' ἀποσπᾶσαντες. Etiam *capillis prehensas* ita abductas esse nihil est, quod mireris: ut *tractata comis* ap. Ovid. Met. XIII, 410.

Secundum hæc in ipsa Cassandra ambiguum plerumque fit, utrum poeta declarare voluerit, vim illatam an abstractionem captivæ; alterum hoc simplicius esse censeo. Apud Eurip. Troad. 69. 70. Minerva:

Οὐκ ὁλοθ' ὑβρισθεῖσάν με καὶ ναοὺς ἐμούς; Οἷδ' ἥνικ' Αἴας εἴλκε Κασσάνδραν βίβ. Et apud Lycophr. 358 ipsa ait: Τέως βιαίως—ἐλκυσθήσομαι. His narratis usi sunt poetæ et artifices diversis modis pro consilio quisque suo, omnino tamen sic, ut Cassandra capillis prehensa abstrahatur ab Ajace, signo deæ apposito aut ab ea apprehenso. Captiva ea sic abducitur. Factum est tamen nescio quomodo, ut de stupro illato vel inferendo cogitent homines, etiam ubi nihil est, quod eo ducat; ut in ipsis gemmis et vasis pictis, in quibus nihil oculis objicitur quam Cassandra supplex deæ vi ab Ajace abstracta. Neque in veteribus operibus aliud quid significatum fuit; uti primo loco in Cypseli arca apud Pausan. V, 19 Περὶοῖται δὲ καὶ Κασσάνδραν ἀπὸ τοῦ ἀγάλματος Αἴας τῆς Ἀθηνᾶς ἔλκων. ἐπ' αὐτῇ δὲ καὶ ἐπίγραμμά ἐστιν Ἀίας Κασσάνδραν ἀπ' Ἀθηναίας Λοκρὸς ἔλκε.

Jam poetæ nostri verba per se spectata non magis aliquid de vi pudori illata innuunt; Cassandra vi e templo Minervæ abstrahitur, manibus vinctis, tanquam captiva. Si quis hæc ad poetæ pudorem trahere, et *lumina ardentia ira et crines passos* eo referre velit, ut stuprum jam passa esse arguatur, videndum est, ne argute magis hoc fiat, quam vere.

EXCURSUS XI

De Priami nece.

II, 506. *Forsitan et Priami fuerint quæ fata requiras.* Etiam super Priami cæde narrationis fuit diversitas. Adeat, qui singula cognoscere cupit, Servium, Pompon. Sab., Quintum XIII, 220—241 sqq. Abstractum ab ara ad fores regias a Neoptolemo cæsum Lesches narraverat: ut est apud Pausan. V, 27, p. 865. Virgilius vulgarem rationem, quæ tamen cum altera conciliari potest, sequitur, cujus fundum fuisse Ἰλίου πέριον Arctini nunc ex Proclo comperio, eximie tamen omnia ornavit. Sed ab Euripide Troad. 479. 481 seqq. mutuatus est ea, quæ de *Hecuba* 515—525 egregie ad miserationem ficta sunt, simul tamen Homeri ductu Iliad. Ω, 200 sqq. (non ex Iliad. II, 108 sqq.), ubi Priamus ad Achæorum castra iter suscepturus, stat ἐν μέσῳ ἔρκει libans et preces faciens ad Jovem. *Politæ* cædem memoraverant et alii, ut e Quinto Cal. XIII, 214 intelligitur, et forte primo loco Stesichorus

in Ἰλίου πέρσει, ut ex Tabula Iliaca conjicias, quæ totum hoc factum eodem modo, ut Virgilius, exhibet n. 105. 106. Nam Lesches de Priamo aliter tradiderat, ut jam ex Paus. X, 27 notavimus. Quæ vero ad miserationem poeta comparata interposuit, non alibi invenio; etsi orationem Priami ad Pyrrhum habitam recitat Quint. Cal. XIII, 225 sqq. Tryphiodorus affectum infert non male v. 624 sqq. Porro Priamus ad aram Jovis Hercei (Ἑρκείου) cæditur, communi poetarum et grammaticorum narratione. Sed in hac difficultas occurrit. Veteres enim Græci eam in aula sub dio positam memorant. Athen. IV, p. 189 E Ὁμηρος δὲ τὴν αὐλὴν αἰεὶ τάττει ἐπὶ τῶν ὑπαίθρων τόπων. Ἐνθα ἦν ὁ τοῦ Ἑρκείου Ζηνὸς βωμός. (scilicet apud Homerum qui ædes intrat, primum ἔρκος, in hoc αὐλὴν subit, tum πρόδομον, tandem ad θάλαμον procedit). Vide Eurip. Troad. 482. 483. Pausan. IV, 17, p. 321. X, 25, p. 865, adde II, 24 (ubi narrat, Jovis hujus Hercei signum trinis oculis fuisse, transportatum Argos a Sthenelo; is enim illud in prædæ parte acceperat: lib. VIII, 46, p. 694). Quintum Cal. XIII, 222, ubi not. Tryphiod. 622, Tzetz. Posthom. 733 ubi cf. Not. Nec aliter Διὸς βωμὸς Ἑρκείου in Ulyssis domo: erat in aula: Odys. X, 335. 376. 379. Sed primo loco nominare licet Arctinum l. l., e quo Proclus: καὶ Νεοπτόλεμος μὲν ἀποκτείνει Πρίαμον ἐπὶ τὸν τοῦ Διὸς τοῦ Ἑρκείου βωμὸν καταφύγοντα. Virgilius ex parte hos auctores ante oculos habuit, sed atrio tamen in impluvium rem traduxit, et pro Jovis ara Penates memorat: *Ædibus in mediis, nudoque sub ætheris axe Ingens ara fuit, juxtaque veterrima laurus Incumbens aræ, atque umbra complexa Penates.* Per medias ædes, si ad nostrarum ædium morem referas, videri potest, intimas ædium partes sub dio patentes declarare, quas sub voce *Hof* intelligimus, et per *impluvium* reddimus; verum in Romanorum ædibus impluvium cum cavo ædium, quod Varro de LL. IV, disertius, quam Vitruvius, docet, erat in ipso atrio; in interioribus ædium peristylum, mediaque ejus area interdum arboribus consita. Potuit poeta hoc peristylum ante oculos habere, quoniam laurum memorat; in eoque, tanquam domus penetrati, Penatibus aram collocare. Forte dicas illum aut (quo Servius ducit) Jovem per Penates esse interpretatum (etsi plura simulacra, non unum Jovis signum, videtur agnoscere v. 517. cf. Ovid. Met. XIII, 412. 413), aut Penates pro ipsa domo dixisse, quam inumbrabat laurus; ut Cerda acceperat. Sed hæc dura sunt; et manendum est in hoc: Virgilium Romanum morem esse secutum, posthabito more Græcorum: quem Tragici servant; ut Sophocles Elect. 1391 (Br. 1374.) χωρεῖν ἔσω, πατρῶα προσκύσαν.

ἔξῃ θεῶν, ὅσοι περ πρόπυλα ναίουσιν τάδε. Ceterum si alii, ut Quintus Cal. VI, 147. XIII, 436, aram Jovis Hercei in arce ponunt, recte utique hoc faciunt; nam regia Priami erat in arce.

EXCURSUS XII

De Helena recepta.

II, 567 sqq. Helenæ recuperationem varie a veteribus poetis fuisse expositam, vel ex lib. VI, 525, ubi illa et urbem et maritum Deiphobum Achivis prodit, et ex imitatoribus, quos habemus, apparet: v. Quint. Cal. XIII, 354 sqq. 385 sqq. (ubi, quæ hic de Ænea memorantur Menelao tributa videbis: impetum occidendi Helenam et Veneris interven- tum. Etiam in arca Cypseli Menelaus Helenæ ensem intentans ap. Pausan. p. 422. et in Vase picto Menelaus Helenam fugientem per- sequitur; ense tamen manu jam excidente, ut victum amore animum declarari putes,) XIV, 39 sqq. Tryphiod. 602—621. Multo magis va- riarunt narrationem Tragici pro consilio suo, et modo crimen et culpam perfidiæ in eam cumularunt, modo extenuarunt. In Arctini Excidio Ilii ita traditum erat: Μενέλαος δὲ ἀνευρὼν Ἑλένην, ἐπὶ τὰς ναῦς κατὰ- γει, Διήφοβον φονεύσας. Euripidem plane hic deserit Virgilius, si nobilissimum Troadum locum compares 860—1058. Mox limina Vestæ servantem dixit Helenam. Ad templum Vestæ referunt; ad quod illa (quippe domo incensa v. 310.) confugerat; quod sane esse debuit in Pergamo, acropoli, ut templa alia: de quibus sub f. Excurs. IX di- ctum est. Vestam autem Æneas abduxit, cum Ilio excederet: II, 296. 297. v. Excurs. eund. Erat Helena in thalamo Deiphobi, unius ex Priami filiis; adeoque, ut reliqui stirpis regiæ, in ipsa regia. cf. sup. 503. Iliad. Z. 242 sqq. Pugna gravis facta est ad eam domum, Mene- lao et Ulysse irrumpentibus: Odyss. Θ, 517. Æn. VI, 525 sqq. Paride autem a Philoctete occiso, Deiphobus Helenam abduxerat: v. Eurip. Troad. 952 sq. cf. Conon. Narr. 34 et sup. not. ad v. 310. nunc etiam Jacobs ad Tzetz. Posthom. 601. 729. Nec minus luxuriarunt Tragi- corum ingenia in reducenda Helena: cum Homerus simpliciter eam cum Menelao domum rediisse narrasset. Alia esse debuere commenta lyricorum, ut Pindari, Stesichori (cujus fuit κατηγορία Ἑλένης et παλιν- γνία de qua v. Pausan. III, 19) Ibyci, Simonidis. cf. Eustath. ad

Iliad. N. 417. Singulare est, quod cum Antenoris Helena Cyrenen pervenisse narratur: Pindar. Pyth. 5, 110. Verum Antenoriæ erant in comitatu Menelai, cum quo illa inter ceteros errores, per quos maritus jactatus fuit, etiam Libyam adiit. Exposuerat hæc Lysimachus ἐν Νόστοις. cf. Schol. ad Lycophr. 874.

EXCURSUS XIII

Anchises humeris Æneæ asportatus.

II, 721—723. *Hæc fatus—Succedoque oneri.* Plurium veterum monumentorum notum argumentum, imprimis gemmarum et numorum, v. Fabrett. ad Tab. Iliac. p. 373. 374, in qua n. 109 hæc etiam Æneæ fuga occurrit, et quidem Mercurio duce; (de quo v. Disquis. II, s. VII.) et Saxius ad Virgilium Justic. T. IV, pag. 41. Præiverat haud dubie inter Cyclicos Lesches in extremis libris, qui sub Arctini nomine memorati sunt Proclo: ubi tamen maturius urbem relinquit Æneas; serius apud nostrum, et in Quinto Smyrn. XIII, 300 sqq. add. Tzetzæ Posthomer. 737. Disertissime exponit Æneæ discessum ex urbe Dionys. Hal. I, 46. 47. et quidem ex Hellanico, ut ipse testatur c. 48. Subjicit deinde diversa a Sophocle in Laocoonte, et a Menecrate. Ut autem humeris asportandus esset Anchises, non tam decrepita senectus; quam debilitatio ex fulminis afflatu effecerat. v. Exc. XVII. Observare licet etiam in gemmis nonnullis τὸ βύσσιον φάρος in Anchisæ tergo fluctuans, quod Sophocles in Laocoonte notaverat ap. Dionys. Halic. I, 48. de quo v. Disquis. II, s. V. et inf. Exc. XVII.

EXCURSUS XIV

De Creusa.

II, 735. *Creusa* in Polygnoti tabula apud Delphos inter captivas erat relata. v. Paus. X, 26, ubi addit, secundum alios eam tanquam Æneæ uxorem per deorum Matrem ac Venerem a servitute fuisse liberatam. Atque hoc sequitur Virgilius: hactenus ut Cybelen memoret; v. 788. At Lescheus eodem Pausania teste et Cypria carmina Eurydicen Æ-

neæ uxorem ediderant. Videntur tamen iidem eam Æneæ fugæ comitem addidisse; namque in Tabula Iliaca n. 109, quæ ex Lescheo magnam partem expressa est, uxor Æneam sequitur. *Creusa* Sophoclis fuit fabula, sed, an ad hanc nostram trahenda, ignoratur. *Creusæ* nostræ et Apollinis filium Anium, nepotem Andrum, tradebant scriptores, qui de Andriorum originibus scripserant, v. Conon. Narrat. XLI. cf. Excurs. I ad lib. III. Mox, ubi Æneas *portis* se appropinquasse narrat, *Porta* intelligenda est ab hoste aversa, versus Idam et partes australes, unde tamen non minus litus peti poterat. Quintus Cal. X, 338 sqq. ex antiquioribus poetis cyclicis, ut arbitror, quatuor portas Trojæ memorat: Scæas, Idæas, tertiam, quæ versus campi planitiem, et quartam, quæ ad Simoentem ducebat. Scææ versus occidentem spectabant, eædem etiam Dardanix dictæ; etsi has alii versus orientem sitas esse volebant, vide Eustath. p. 608. 609. 1274, 1, et Hesychium in *Δαπδάνιαι*. Adde Daret. Excid. Tr. c. 4. Hæc per se levia ac vana in *Trojæ topographia* ad poetarum loca nonnulla declaranda utilitatem habent. v. de ea Commentat. in Tom. VI *Commentatt. Soc. R. Gott.* et quæ posthæc in libello de Troade sunt disputata.

EXCURSUS XV

Prædictio aditus Hesperix obscura.

II, 781. 782. *Ad terram Hesperiam venies, ubi Lydius arva Inter opima virum leni fluit agmine Thybris: Illic res lætæ regnumque et regia conjux Parta tibi.* In his versibus gravis censura poetæ occurrit. Audierat scilicet Æneas jam tum ex Creusa, quam in terram fata eum essent ductura: norat Hesperiam et Tiberim; ipse Tiberim in discessu ab Andromache facto memorat lib. III, 500 sq. Latium sociis ostendit laborum finem I, 205 *Tendimus in Latium* etc. et Apollinis Grynei oraculum, quod lib. IV, 345. 346 de sedibus in Italia fato destinatis haud dubie jam ante discessum e Troja acceperat. Atqui in sequente libro Æneam in Thracia, mox in Creta considerare videbimus, Hesperix et Tiberis plane immemorem, neque oraculum Apollinis in Delo acceptum, nec Penatium monitum in hunc sensum interpretantem, quod tamen facere necesse erat ei, qui hæc ex conjugē suā audierat. Quomodo porro classem parare poterant III, 7 *Incerti quo fata trahant,*

ubi sistere detur? et 87 *Quem sequimur? quove ire jubes? ubi ponere sedes?* In Servianis jam olim fuisse videtur, qui hæc deprehenderet: *Cur ergo, inquit, Æneas horum non meminit et consedit in Thracia et aliis locis?* Et ad III, 181 etiam alios hic hæsisse intellexi e Burm. nota. Potest tamen aliquid, nec sine colore, responderi: quod *Hesperia* sive *Italia* terrarum erat ignota, obscuri nominis et ignoti situs, multo magis Tiberis; unde de eo non male inf. lib. V, 83 *Ausonium*, quicumque est, *querere Thybrim*; quodque Creusæ monitum, ut solent res obscuræ aut minus probabiles, parum alte in Æneæ animum descenderat; non magis ac Cassandræ vaticinium lib. III, 183 sqq. Unde et Anchises ibi adjungit v. 186. 187 *Sed quis ad Hesperia venturos litora Teucros crederet!* Bona est in hanc fere sententiam nota Holdsworthi p. 236. cf. p. 232.

EXCURSUS XVI

Luciferi ortus ab Ida.

II, 801. *Jamque jugis summæ surgebat Lucifer Idæ Ducebatque diem.* Noto poetarum more sidera montibus oriuntur vel occidunt; v. c. Apollon. I, 1273, quem autem alium quam Idam montem memorare h. l. poterat poeta? Ita Eurip. Troad. 1068. Idam *τέρμωνα πρωτοβόλου Ἰδῆς* eadem ratione memorat. Grammatici tamen alteram illam formam, tibi deserit *Hesperus* *Ætam* VIII Ecl. 30, comparantes super Ida argutantur. Pompon. Sab. ad h. l. *Describit diem, cum sol in ariete est, tum videtur oriri e cacumine montis Idæ. Ergo et mense Martio direpta fuerit Troja.* De hoc quidem, quod ultimo loco positum, aliter traderant veteres, v. Excursum ad lib. III princ. Quod ad prius illud attinet, an verum sit id, quod satis subtiliter enarrat Grammaticus, nescio. At illud satis constat, poetam non de Sole, sed de Veneris stella loqui. Aliud circa solis ortum phænomenon memoratur ex monte Ida, sed non nisi circa Caniculæ ortum, apud Diodor. XVII, 7. et Lucret. V, 662 sqq. vide Voss. ad Melam lib. I, c. 18. *Luciferum* autem, seu Veneris stellam, etiam cum respectu fabulæ memorasse videtur a Servio et Varrone laudatæ. Stellam enim illam ab Ænea, donec ad Laurentem agrum venisset, semper fuisse visam, narratum est. cf. Disquis. II s. VII. Est aliqua poetarum ars etiam in his, cui tamen indulgere admodum nolim.

EXCURSUS XVII

De Æneæ discessu ex urbe; ejusque patre et stirpe.

II sub fin. Copiose et ornatè poetam fata et facta Æneæ in ipso Trojæ excidio exponere vidimus. Ut tamen appareat, partim hæc minime poetam temere et ad libidinem finxisse, partim quo ille iudicio inter plures narrationes eam, quæ sibi utilissima erat, amplexus sit, ea breviter, quæ ab aliis his de rebus narrata sunt, subicere non pigebat.

Quod igitur urbe ab hostibus ex insidiis capta Æneas ad arcem accurrit, multaque strenue facit, noli poetæ commentum existimare. Fuit utique ea de Æneæ virtute fama, et, quam multa ad arcem Pergamum defendendam fortiter ac sapienter egerit Æneas, quomodo, salute desperata, partem civium fortunarumque salvam per portam aversam in Idæ tuta eduxerit, pactioneque cum Achivis facta discesserit, ex Hellanico, antiquissimo scriptore, diserte narrat Dionys. I, 46. 47 (pag. 36), quod jam dictum est Exc. XIII. In Arctini Excidio Ilii Æneas jam post Laocoontis necem in montem Idam secesserat. In Quinto lib. XIII, 333 sq. ab ille illæsus Calchantis vatis monitu, postquam fortiter pugnaverit a v. 300.

Virgilius quidem Æneam quasi in urbe Troja domicilium habentem inducit, Anchisæque domum in parte urbis ab arce remota memorat II, 299 sqq. At Homerus Æneam ab urbe Dardano adduxit v. Iliad. B, 819 sqq., quam cum regione Dardania ille regebat v. Strabo XIII, p. 596 D. Sita illa ad ipsas Idæ radices, unde Anchisæ habitatio in ipso Ida ab auctore Hymni in Venerem ponitur, v. 68. 75. cf. Quint. Cal. VIII, 97. 98. Trojanos ex Dardano et Ophrynio Æneæ paruisse, ex Hellanico tradit Dionys. Hal. I, 46. 47. Ex iisdem locis aliisque urbibus Trojanis, etiam ex Bebrycia (cf. ibid. c. 54), confluisse ad eum, cum in Idam se recepisset, magnam multitudinem hominum, idem Hellanicus ibid. memoriæ prodiderat; unde Virgil. II, 796 *Atque hic ingentem comitum affluxisse novorum* etc., et illustris ex Sophoclis Laocoonte locus ibid. c. 48 *Adest Æneas—Κυκλεῖ δὲ πᾶσαν οἰκετῶν παμ-*

πληθίαν, Συνοπάζεται δὲ πλῆθος, οὐχ ὅσον δοκεῖς, Οἱ τῆσδ' ἐρωσι τῆς Φρυγῶν ἀποικίας.

Æneam cum Achivis pactione facta saluum discessisse, miro consensu inter veteres traditur, etsi id, diversissimis modis, modo ad prudentiæ laudem modo ad perfidiam ducis trahitur. Ad utramque rationem sive firmandam sive ornandam caussasque consilii reddendas, scilicet ut in loco, qui a multis erat tractatus, multa ac varia a veteribus erant commemorata, locis etiam Homeri in eas partes tractis, de quibus copiose disputare nihil attinet. Occurrunt illa apud Dionys. Halic. Strab. Dictyem, Auct. de Orig. G. Rom. et Servius aliosque passim; sed prima iniquæ hujus famæ semina sparsisse videtur Homerus Iliad. Υ, 180 sq., unde suspicari licet, Æneam de regno Trojano occupando clandestina consilia iniisse: quos versus quod olim Grammatici tollere voluerunt, ad hanc ipsam controversiam pertinet; et Iliad. N, 459 sqq. de occultis odiis inter Æneam et Priamum. cf. dicta in Disquis. II s. III. Poetæ necessario fuit melior de Æneæ fide fama sequenda, in qua et alios habuit consentientes, inque iis Hellanicum Lesbium ap. Dionys. l. c. I. 47. Fuere enim adeo, qui caussam Æneæ operose defenderent, aut eum excidii tempore ab urbe abfuisse comminiscerentur, ut scilicet tanto facilius a crimine liberarent.

Ad poeticum tamen ornatum animique affectum dulcissimum comparatum est imprimis illud, quod per medias flammæ Æneas patrem humeris susceptum cum diis patriis urbe capta effert. Itaque in eam rem certatim poetæ involarunt, eamque mirifica varietate exornarunt. Sed loca ad observandum æque atque ad intelligendum obvia sunt. Ex antiquioribus Sophoclis locum ex Laocoonte jam supra vidimus: adde Lycophr. 1264 sqq.

In Disquisitione modo dicta de inventionis laude rerum in *Æncide tractatarum* s. III. famam aliquam acceptam de regno ab Ænea in Troade condito viguisse vidimus: pro Troade alii regnum Æneæ in Epiro, in Phthiotide Thessaliæ, alii in Italia constituerunt. Tractus honos est ab aliis in progeniem Æneæ: nam Ascanium cum Scamandrio Hectoris f. Scephsin tenuisse, et utramque familiam diu apud se regnasse Scephsii contendebant, ut ex Strabone XIII, p. 607 (904) discimus. Demetrius Scephsius Æneæ etiam regiam in ea urbe fuisse tradiderat. At eandem gloriam ad se trahebant Phryges, qui agrum Dascyliticum, in quo lacus Ascanius est, incolebant; aiebant enim illi Ascanium accessitum apud se regnasse, eumque paullo post Scamandrium et ceteros Hectoridas, qui a Neoptolemo e Græcia dimissi ad ipsum confu-

gerant, in patriam sedem Trojanumque regnum reduxisse; ita ex Hel-
lanico Dionysius I, 47, unde petiisse putandus Pompon. Sab. ad *Æn.*
III, 17. Non admodum diverse narrata hæc videas ap. Conon. narrat.
46, qui *Æneam* ait capta Troja secessisse in Idam; cum vero Scaman-
drius et Oxynius Priami filii e Lydia, quo emissi fuerant, rediissent et
omnia circa Ilium loca sibi vindicarent, Veneris jussu eum disces-
sisse. Ut tamen idem Conon narr. XLI narrat, Ascanius in monte
Idæ *ἰπωπεταῖς* sitam, spectare potest. Contra secundum eos, quos
Dictys lib. V extr. sequitur, regnum Trojanum, ex pacto Antenori ab
Achivis concessum, mox fuit ab *Ænea* tentatum, sed frustra. Tan-
dem secundum Servium ad *Æn.* IX, 264: "Quidam ab Abante, qui
Troica scripsit, relatum ferunt, post discessum a Troja Græcorum,
Astyanacti ibi datum regnum; hunc ab Antenore expulsam, sociatis
sibi finitimis civitatibus, inter quas et Arisba fuit; *Æneam* hoc ægre
tulisse, et pro Astyanacte arma cepisse, ac, prospere gesta re, Astya-
nacti restituisse regnum."

Quam diversas poetarum olim sectas fuisse, quam diversos ejusdem
argumenti tractandi modos, existimes, si audias, in Iliade parva *Æne-*
am captum cum Andromache a Neoptolemo Phthiam abductum fuisse!
Versus ipsos Tzetzæ ad Lycophr. 1263 affert: etsi hoc idem non de
Ænea sed de Scamandrio aliisque Hectoridis traditum a nonnullis Dio-
nys. I, 47 memorat. Habet tamen et Dictys V, 16, quem adeo et hoc
a Lesche petiisse, ex hoc ipso constare videtur. At vero in Schol. Iliad.
N, 459 nullo apposito auctore narratum: *Æneade* urbe condita (*Ænia*
in Pallene) filium patri superstitem in patriam rediisse, inde assumtis
colonis in Italiam discessisse (v. locum inf. Excurs. I ad lib. III, ubi
de *Æneæ* accessu ad Pallenen).

De *Anchise* post Hymnum Homericum in Venerem et fidem aliquam
historiæ obscuram non minus varia a variis, qui hæc tractaverant, seu
conjectando seu argumentum ornando fuerunt inventa. De ejus
morte Excurs. XVII ad lib. III, 710 videbimus. Debilitatum se igni
caelesti ipse profitetur lib. II, 647—649 *Jam pridem invisus divis, et inu-*
tilis, annos Demoror: ex quo me divum pater atque hominum rex Fulminis
efflavit ventis, et contigit igni. In Homérico Hymno in Ven. 287—
289 tantum hoc minatur Venus; sin edixeris meos amplexus et palam
extuleris: Ζεὺς σε χολωσάμενος βαλέει ψολόεντι κεραυνῷ; sc. non ut
ictus intereat, verum ut afflatu debilitetur. Qui primus hoc disertius
exposuerit (cyclicus an tragicus, e quo forte rem narrat Hygin. f. 94),

non reperio : sed quisquis ille fuit antiquior poeta, vocabulo utique *πηρωθῆναι* usus erat: quod alii ad cæcitatem retulere, cum proprie quamcumque corporis seu truncationem seu debilitationem innuat. Similis amphilogia fuit in Thamyri. v. Schol. ad Iliad. B, 599. Adde de Phineo Apollod. I, 9, 21, et *πηρὸς, πήρωσις* tandem absolute pro excæcatione ibid. III, 6, 7. Ulcus ex fulminis ictu purulentum mansisse in Anchisæ corpore Sophoclis versus ex Laocoonte supra Disquis. II s. V. laudati, ut quidem a Plutarcho adscripti sunt, arguunt. Versus ap. Dionys. I, 48 sic leguntur: *Æneas ad portam est, ut discedat,*

— ἐπ' ὤμων πατέρ' ἔχων κεραυνίου
 Νώτον καταστάζοντα βύσσινον φάρος.

est adeo *νώτον κεραύνιον* *dorsum fulmine percussum*, de hoc nemo dubitat; sed docendum erat grammaticæ, quo sensu reliqua dicta sint; nam ut Anchises dicatur *καταστάζων τὸ βύσσινον φάρος*, (*κατὰ τοῦ νώτου, demittens, defluentem habens vestem, de tergo*, jejunum est; saltem dicendum est, *καταστάζειν* esse, *humectare sanie vestem tergo injectam*. Ad alia Plutarchi locus ducit de virt. et malit. p. 100 D, ubi animi hilaritas diffundere se dicitur per omnem animi corporisque habitum: *ὥς γὰρ ἀρώματα τρίβωνας εὐώδεις καὶ ῥάκια ποιῶ, τοῦ δὲ Ἀγχίσου τὸ ῥάκος ἰχώρα πονηρὸν ἐξεκίδου,*

μοτοῦ καταστάζοντα βύσσινον φάρος,

οὕτως μετ' ἄρετῆς καὶ δίαίτα πᾶσα καὶ βίος ἄλνπός ἐστι καὶ ἐπιτερπής. At *μοτὸς* vel *μοτὸν*, est *linteum conceptum in vulnus indi solitum* (Hesych. *μότα*, *πληροῦντα τὴν κοίλην τῶν τραυμάτων ῥάκη*. nostrum *Charpie*); requiritur vero ad τὸ *καταστάζειν* voc. *ἰχώρ, αἷμα, φόνος*, aut *βρότος*, quod proxime ad *μοτοῦ* et *νώτου* accedit. Ita Anchises *καταστάζει τὸ φάρος βρότον*, *perfundit sanie vestem*; pro vulgari: *στάζει βρότον κατὰ τοῦ φάρους*. ut *στάζειν* dicatur transitive, quemadmodum apud Sophoclem Philoct. *βρότος κεραύνιος*, *cruor ex vulnere fulminis ictu illato, κεραυνόβλητος vel κεραυνοβλής*. v. 844 *Ἰδῶς γέ τοί νιν πᾶν καταστάζει δέμας*. Interpres Plutarchi et Meziriæ ad Ovid. *Heroid. T. II, pag. 144* *μοτοῦ* cum *φάρος* jungunt: parum commode; hic etiam in Plutarcho *Ἀγχίσου τὸ ῥάκος* minus bene in *ἔλκος* mutat: nam *opponuntur vestimenta, quæ aromata exhalant*, et Anchisæ *vestimentum tetrum odorem exhalans*. Verum satis de hoc loco, cujus illustrationem a doctissimis editoribus Sophoclis et Plutarchi aliquando expectamus. Nunc potis-

simum illud tenendum, cum Anchisæ personam omnino poeta egregie tueatur, quippe cui semper det partes jubentis, præcipientis, monentis, quod ad parentum ac senum temporibus heroicis auctoritatem ac sanctitatem præclare est comparatum, imprimis tamen ei divinandi et cum auguria, omina ac somnia, tum oracula interpretandi facultatem tribui a Virgilio, ut lib. II, 687 sqq. III, 9, 538. VII, 122 sq., quod Ennii non modo et Nævii auctoritate facit sed Græcorum fere scriptorum consensu. Ennii versus erat: *Atque Anchises doctus, Venus quem polstra dearum Fari donavit, divinum pectus habere*: Fragm. p. 11, ubi Columna locum Nævii apposuit. Uterque habetur in Probo ad Ecl. VI, et in Pomponio ad h. l. Etiam Sophocles in Laocoonte Æneam induxerat in Idam secedentem Anchisæ patris jussu, qui partim acceptorum a Venere mandatorum memor (ex quibus Virgilius mandata Veneris Æneæ data adumbrasse videtur II, 619 sqq.) partim prodigium, quod modo in Laocoonte ejusque filiis acciderat, interpretatus, urbis interitum prævidebat apud Dionysium I, 48. Veneris jussu Æneam fugisse, etiam apud Cononem invenias Narrat. XLVI, quæ et monuerat urbem eo loco condendam, ubi bovem sibi admugire deprehensurus esset; et a Venere servatum Æneam cum Anchise, narrat Tryphiod. 642 cum Quinto XIII, 326. At Mercurio duce discedit Æneas in Tabula Iliaca; et in Inscript. Regillæ Herodis v. 23 loco notato Disquisit. II, s. VII.

De Creusa Excursus XIV egimus. Sed, quam varie Æneidis argumentum a poetis tractatum fuerit, etiam ex conjuge Æneæ data apparet. *Codonem et Anthemonem* ipsi in matrimonio habitas ex iisque duas filias susceptas in Arcadia relictas vel elocatas ex Agathyllo Arcade videas apud Dionys. Halic. I, 49; at Anii filiam, *Launam*, Æneæ desponsam, videbimus Excurs. I ad lib. tert. Hinc etiam in liberis assignandis magna diversitas; cf. Dionys. Hal. I, 72.

Quod tandem ad *Ascanium* attinet, Homero ipsi nunquam memoratum, eum quidem in Troade relictum novum constituisse regnum, paullo ante a nonnullis proditum vidimus. Communior tamen opinio, secundum Dionysium Halicarnass. quoque et Strab. XIII, p. 608 A, fuit hæc, eum cum patre in Italiam venisse. Ascanii nomen in fuga demum ipsi inditum, cum prius esset *Euryleon*, apud Dionys. I, 65 reperias, adde Orig. G. Rom. 14, quod et ipsum antiquo poetæ deberi videtur. *Alios duo parvulos filios abductos ab Ænea tradere, alios unum, cui Iulo cognomen, post etiam Ascanio, fuerit, secum extulisse, Q. Lutatius scriptum reliquerat*, v. Orig. G. Rom. c. 9, et sic ex Hellenico

narrat Dionys. I, 47 relicto Ascanio Æneam reliquos liberos cum patre et diis Patriis secum avexisse. Ascanium tamen, etsi relictum in Troade, mox, cum pater in Macedonia obiisset, eo accessisse novosque colonos inde secum in Italiam abduxisse, tradiderat alius vetus auctor, quem Schol. Iliad, N, 459 excripit, loco jam supra memorato. Multo major circa Ascanium diversitas post adventum in Italiam; sed de his nunc non agimus. vid. Excurs. III ad lib. XII.

P. VIRGILII MARONIS
Æ N E I D O S

LIBER TERTIUS

ARGUMENTUM

EVERSA Troja, Æneas collectis suorum reliquiis, quæ cædi flammisque supererant, parataque apud Antandrum viginti navium classe, primum in Thraciam deferitur: ubi, cum futuræ urbis fundamenta poneret, territus Polydori a Polymnestore cæsi prodigiis, Delum petit 1—77. Consultoque ibi Apollinis oraculo, cum antiquam gentis suæ matrem, hoc est, primam originis suæ terram repetendam didicisset, falsa Anchisæ patris interpretatione adductus, Cretam contendit—120. Verum cum ibi quoque, positus jam mœnibus, gravissima peste exagitaretur, in somnis monitus a diis Penatibus, relicta Creta, Italiam petit—192. Ibi subito oborta tempestate, primum ad Strophades insulas appulsus, ab Harpyiis infestatur—269. Mox Actium delatus, in honorem Apollinis ludos celebrat—290. Inde, Coreyræ prætervectus, Epirum tenet: quæ id temporis Heleno Priami filio parebat, cui post Pyrrhi cædem Andromache in conjugium cesserat. Helenus Æneam hospitio excipit, omnique humanitatis genere complectitur, imminentiumque terra marique periculorum certiorē facit—505. Æneas, relicta Epiro, Tarentum primamque Italiæ oram prætervectus, ad eam Siciliæ partem, quæ Ætnæ monti adjacet, appellitur. Ibi Achemenidem, ab Ulysse in Cyclopiis antro desertum, supplicem recipit, edoctusque ab eo de Cyclopium feritate, inde ancoras solvit—681: memorque præceptorum Heleni, vitatis Charybdis et Seyllæ periculis, Siciliæ litora longo circuitu circumvectus, tandem Drepanum advehitur, ubi Anchises, tum senio tum longæ navigationis jactatione fatigatus, fatis concedit—713. Inde Italiam petiturus, immissa ab Æolo subita tempestate in Africam ejicitur: quam partem libro primo executus erat poeta.

POSTQUAM res Asiæ Priamique evertere gentem
 Immeritam visum Superis, ceciditque superbum
 Ilium, et omnis humo fumat Neptunia Troja :
 Diversa exilia et desertas quærere terras
 Auguriis agimur divûm, classemque sub ipsa 5
 Antandro et Phrygiæ molimur montibus Idæ ;
 Incerti quo fata ferant, ubi sistere detur ;

1 *Priamique vertere* Medio., sed a m. pr. 2 *Immeritum* Rottend. tert. *visum est* multi ap. Pier. Heins. 3 *Ilium* sex ap. Burm. *fumat* male Probus acceperat pro *fumavit*. Recte post *cecidit* mutatur *tempus fumat* ; quod non uno temporis momento absolvitur. 4 *et diversas q. terras* aliquot veteres Pieriani, et Menag. Voss. pr. Hamburg. alter pro var. lect. Parrhas. Dorvill. Brunck. Hæret Burmannus. Suavior, puto, esset illa lectio ; sed ad fidem criticam probabilior est altera lectio *desertas*, cum codd. auctoritate, inter quos Fragm. Vatic., tum quod ea vix nasci potuit ex altera, in quam facile aliquis incidere poterat. Quod autem *desertas terras* putant repugnare *arva opima* II, 781, et similia ; id leve est ; possunt enim agri esse deserti et cultoribus vacui, et tamen fertiles haberi, imprimis si cultus accesserit ; et terra, in quam novi coloni sunt immigraturi bene deserta et non satis frequentata hominibus dicitur. Sed id plane h. l. non quærendum. Poeta enim hoc unum agit, ut miserationem moveat. Præclare autem post *Ilium superbum* : *deserta terræ* ; in quibus ipsis sedes novæ erant condendæ. 5 *classimque* Sprot. *classesque* pr. Rottend. pro var. lect. 6 *et abest* nonnullis ap. Heins. et Pier. 7 *ferent* duo Heins.

Rerum varietate et doctrinæ copia hic liber ceteris facile præstat, totus ille ad Odysseæ exemplum conscriptus. cf. imprimis Cluver. Sicil. ant. p. 452 sqq. Quod tamen minus vulgo lectores suavitate sua detinet, non tam id facit, quod Sagraisius iudicabat, quod liber secundus gravissimi argumenti, nam de Trojæ excidio agit, antecedit, et Didonis amores suavissima narratione sequuntur ; sed potius hoc, quod multarum rerum, imprimis quæ ad mythos veteres et geographiam antiquam spectant, notitiam habere debet is, qui omnia, quæ poeta leviter tantum attingit et perstrinxit, intelligere velit.

1—3. Splendidum exordium, pro: Postquam Troja in hunc modum sue-

rat eversa. *res Asiæ*, regnum Asiæ v. sup. ad II, 556.

4—8. *Diversa exilia, desertæ terræ*, ad miserationem satis graviter, pro terris novis ac *diversis*, longinquis, inhabitandis. *Auguriis divum* sup. II, 691 sq., nisi addere malis prodigium flammæ v. 682 et Creusæ monitum v. 780. In *Antandro* arguantur Grammatici, et Cædæ in adjecto *ipsa*. Simpliciter ex Strab. XIII, p. 606 D. tenendum, versus meridiem ab Ilio, ad sinum Adramyttenum, fuisse, saltem scioribus temporibus, urbem Antandrum, navale, ad Idæi montis radices. Nihil igitur mirum, si poeta naves *Æneæ* in tam nobili et commodo loco adificatas tradit. Materies classi ad-

Contrahimusque viros. Vix prima inceperat æstas ;
 Et pater Anchises dare fatis vela jubebat :
 Litora quum patriæ lacrimans portusque relinquo 10
 Et campos, ubi Troja fuit. Feror exul in altum
 Cum sociis, natoque, Penatibus et magnis dîs.
 Terra procul vastis colitur Mavortia campis,

8 *Ut prima* Hamb. pr. *inceperit* Medic. a pr. m. 9 *At p.* dao Barm. *Et pro cum* in Montalb. ex interpr. *Ut p.* conj. Heins., sed et exquisite apud poetas pro *ut, cum* ; etsi nolim prestare, quod Servius ait, velocitatem inesse. *dare ventis vela* dao Hamb. pro var. lect. et ed. Ven., quæ sane communis poetarum ratio, sed propter hoc ipsum suspecta ; etsi non disflendum, *fatis*, in quo optimi Codd. consentiunt, etiam fragm. Vatic., propter ambiguitatem, sitne tertius an sextus casus, minus commodum h. l. videri. Est utique casus sextus, *fatis*, fatali necessitate : et hanc imprimis Anchises norat et monerat. v. Exc. XVII. sub fin. ad lib. II. 10 *cum* Heins. e Medic. aliisque ; vulgo tum. Liberior sic erat orationis cursus.—*jubebat. Litora tum p.*—*relinquo.* dao dum. 12 *gnatoque* scribunt multi. *cum magnisque p.* et dîs Menag. pr.

ficandæ ex monte Ida, et quidem ex jugis in mare procurrentibus Gargaris, (τὰ Γάργαρα sunt) suppetebat : cf. Wood (*Essay on Homer* p. 323). 7. *Incerti quo fata ferant.* ad h. l. cf. dicta in Disquis. II s. VI. Exc. XV ad lib. II.

8. *Vix prima inceperat æstas* s. æstatis prima pars, h. e. ver. Nam Troja eversa fertur sub initium veris. v. Excurs. I.—9. *Fatis*, propter deorum jussa et monita, de quibus ad v. 5 dictum. *Vela dare fatis* tertio casu, permittere, ut *velis*, vix Romanum esset.

10—12. Notabilis est Servii nota : “ *Amat poeta, quæ legit, immutata aliqua parte, vel personis, ipsis verbis proferre. Nævius enim inducit uxores Æneæ et Anchisæ, cum lacrimis Ilium relinquentes, his verbis : Ambo- rum uxores noctu Trojæ exhibant, Capitibus opertis, flentes ambæ, abeuntes Lacrimis cum multis. Hoc iste Æneam eodem in tempore ejusdem rei causa inducit fecisse, cum dicit : Litora tum p.—relinquo.*” Unde hæc deprompta sint, docet Vossius

in not. ad Nævii fragm. p. 76 sq. *Et campos ubi T. f.* pathos in brevitate jam Macrobius miratus est V, 1. *cum sociis* v. sup. II, 796. Apud Pompon. servatum est antiquum Scholion : “ *Cum sociis* : versus est Ennii, et sunt verba Pyrrhi.” Fragmentis Ennianis ergo addendus erit. *Penatibus et magnis dîs* : hi inter se discernendi quomodo sint, vix dicere habeo, cum et perpetuo pro iisdem habeantur, et nullos alios Æneas secum Troja abstulisse memoratur. Explicative igitur alterum adjectum : cum *Penatibus, magnis dîs* ; aut cum *magnis dîs*, qui nostri *Penates* sunt : ut inf. v. 148 *Effigies sacræ* divum, *Phrygiique Penates*. Nisi simplicissimum est accipere dictum, et cum *magnis dîs Penatibus*. Nam dîi *Penates* vulgari quoque sermone dicti sunt. cf. Exc. IX pr. ad lib. II.

13—18. Primum Thraciam universe designat, *Terra Mavortia* (nam, Thraciam Marti sedem tribui jam ab Homero, notum est, et cf. inf. 35). *vastis campis*—*Thraces arant* (natum

Thraces arant, acri quondam regnata Lycurgo ;
 Hospitium antiquum Trojæ, sociique Penates, 15
 Dum fortuna fuit. Feror huc, et litore curvo
 Mœnia prima loco, fatis ingressus iniquis ;
 Æneadasque meo nomen de nomine fingo.
 Sacra Dionææ matri divisque ferebam
 Auspiciis cœptorum operum ; superoque nitentem
 Cœlicolûm regi mactabam in litore taurum. 21

14. *erant sec.* Moret. et Medic. a m. pr. *Ligurco, Lygurgo, et Ligurgo* passim in codd. scribitur. 16 *Cum* Leid. un. et in litore Franc. *corvo, curro, duo* Barn. 18 *Æneades* Medic. a m. pr. *gentes de n.* Montalb. pro var. lect. v. ad III Georg. 122. Est *ἱερός* *ἄλλος*. cunctos tert. Rottend. 19 Ab h. v. nova narratio. Itaque interpunxi. 20 *auspiciis* Wittian. *auspiciisque* Uratist. *superumque* Parrhas. in margine. 21 Apud Macrob. III, 10. versus recitatur cum memoracione ignorati juris sacri, quandoquidem Jovi taurum immolari haud fas fuerit. Scilicet jure Pontificio id vetitum fuit, et tantum boves mactare licuit; non autem vulgari religione.

forte ex primis Hecubæ Euripideæ verss. 8. 9). *acri*, sævo (v. h. l. Guel-
 lium), *quondam regnata Lycurgo* e
 fabulis de Baccho noto, v. Homer.
 Iliad. Z, 130 sqq. *regnata*: passive,
 v. Davis. ad Cic. de LL. III, 1.
 Mox 15. dum *hospitium antiquum*
Trojæ memorat, regem Thracum ho-
 spitii jure cum Priamo junctum indi-
 cat: neque *socios Penates* aliud, quam
 declarationem ejus hospitii esse pu-
 to; Certe societate junctos reges in-
 nuit. Docte quidem, nimis tamen
 subtiliter Pompon. Sab. ad commu-
 nem Thracum et Phrygum originem
 refert. Regem Thraciæ, qui tum
 erat, sequentia v. 49 declarant esse
 Polymnestorem. Jam hunc Cherso-
 nesum Thracicam tenuisse vulgo
 narratum erat; quod imprimis Eu-
 ripidis auctoritate constat, in Hecu-
 ba v. 8 et al. Itaque Virgilius, dum
 ad Hebri ostia urbem ab Ænea con-
 ditam memorabat, fabula a vicina re-
 gione petita narrationem ornare fa-
 cile potuit. Quid? quod Polymne-
 storis ditio ad Hebrum usque potuit

extendi. Certe Plinius IV, 11 *Op-
 pidum Ænos liberum cum Polydori tu-
 mulo, Ciconum quondam regio.* De
 urbe Æneadis v. Exc. I. *fatis iniquis*
 sive propter ea, quæ sequuntur, satis
 sinistra, sive quod omnino iniqua
 fortuna decedere patria et alienis ter-
 ris sedem quærere coegerat. Am-
 mianus XXII, 8 pr. priorem senten-
 tiam firmare videtur; respicit enim
 h. l. his verbis: "*Ænus, qua diris*
auspiciis cœpta, moxque relieta, ad
Ausoniam veterem ductu numinum pro-
peravit Æneas."

19 sq. Sacrum parans Æneas diis,
 imprimis Veneri et Jovi, dum fron-
 des, quibus aram ornet, petit, ecce
 prodigium offertur: surculi, quos solo
 evellit, cruore stillant. Parat au-
 tem sacrum Æneas in *novæ urbis* pri-
 mordiis et auspiciis: quorum religio
 ad Apollinem potissimum refertur.
 20. *nitentem* candidum potius quam
 pinguem intelligo; candor enim spe-
 ctatur in victima Jovi ferenda. Etsi
 etiam pro altero laudare possis Ho-
 merum Iliad. B, 403.

Forte fuit juxta tumulus, quo cornea summo
 Virgulta, et densis hastilibus horrida myrtus.
 Accessi; viridemque ab humo convellere silvam
 Conatus, ramis tegerem ut frondentibus aras: 25
 Horrendum et dictu video mirabile monstrum.
 Nam, quæ prima solo ruptis radicibus arbor
 Vellitur, huic atro liquuntur sanguine guttæ,

22 *tumulus juxta* Montalb. 24 *avellere* Exc. Burm. 25 *ut abest a sec.* Hamb. *aram tres* Burm. 26 *Vocibus transpositis* Montalb. *H. video et dictu m. m. quod placet.* Pugetianus: *H. dictu video m. m.* Wallian. *H. dictu et video m. m.* Nonius in *Horrendum*: *H. dictu video, m. m.* Macrob. III, 10 *H. dictu et visu m. m.* Sed *dictu mirabile monstrum* jam vidimus lib. II, 680. *miserabile aliquot* Pieriani et Ven. a m. pr., ut alibi. 27 *cum quæ* Sprot. *Namque ut pr.* ed. Mediol. *namque ubi p.* aliquot Pier. *arbor* Burmann. e codd. reposuit, ne sibilus in arbor aurem læderet. 28 *hinc atro* aliquot Pier. Franc. et ed. Mediol. *liquuntur multi* Pier. et Heins., ut et II Georg. 187.

22—25. Ornata oratio. Sentis, si in vulgarem transferas: *in cujus vertice cornus et myrtus stabant. Cum inde frondes coronanda aræ peterem.* Porro *tumulus* h. l. simpl. collis; nam insepultus fuerat projectus, ut ex v. 62 sq. apparet, et cf. 45. 46. *Arena autem, ventorum fluctuumque impulsu aggesta, in colliculi speciem, corpus erat tectum. In mare projectum corpus in litus fluctu ejicitur apud Eurip. Hecuba v. 26. 697 sqq., quem sequi maluit Ovid. Met. XIII, 437 sqq., ubi pleraque ex Euripide expressa.* 23. *horrida* noli aliter accipere, quam myrtetum horrere densis virgultis: uti omnia prominentia *horrere* dicuntur. *hastilia* pro virgis myrti (Burm. laudat Intpp. ad Grat. Cyneg. 129), unde hastas et jacula faciebant veteres; quod jam vidimus Georg. II, 447 *At myrtus validis hastilibus, et bona bello Cornus.* Jaculis enim confixus Polydorus inf. v. 45. 46. quæ infixa terræ radices egerant. Myrtus autem bene in littoralis plaga. Georg. II, 112 *Litoræ myrtetis latissima.* conf. Cerda. *tege-*

rem: tegere, velare, proprium in re sacra de coronis ac sertis: cf. sup. II, 248. 249: *myrtea*serta, utpote in sacris Veneris, aiunt. Poterat frondes et ramos stringere de trunco; verum maluit teneram arbusculam eruere et ad aram deportare, ut ibi novas frondes decerperet ad aram coronandam.

28. *Liquuntur sanguine guttæ* ornate pro, ex ea manant guttæ sanguineæ, pro succo scilicet; proprie sanguis liquitur, *ρήκεται*, dissolvitur in guttas. Ge. II, 187 *liquuntur amnes rupibus*, fluunt. Et mox: *terram tabo maculant*, quanto ornatus, quam, cadunt in terram! atque sic porro. Mox *tentare* est explorare. Ceterum fabula, quam Virgilius et ipsam, ut tot alia, a poetis cyclicis accepisse videtur, satis probabilis videri debuit olim iis, qui in arbores mutari puellas, Nymphas Hamadryades cum arboribus nasci, sacris arboribus succis guttas sanguinis manare, legissent. cf. Serv. ad v. 46. Exempla sunt apud Callimach. H. in Cer. Apollon. Arg. II, 479 sq.

Et terram tabo maculant. Mihi frigidus horror
 Membra quatit, gelidusque coit formidine sanguis. 30
 Rursus et alterius lentum convellere vimen
 Insequor, et caussas penitus tentare latentes :
 Ater et alterius sequitur de cortice sanguis.
 Multa movens animo, Nymphas venerabar agrestes,
 Gradivumque patrem, Geticis qui præsidet arvis : 35
 Rite secundarent visus, omenque levarent.
 Tertia sed postquam majore hastilia nisu
 Aggredior ; genibusque adversæ obluctor arenæ :
 Eloquar, an sileam ? gemitus lacrimabilis imo
 Auditur tumulo, et vox reddita fertur ad aures : 40
 Quid miserum, Ænea, laceras ? jam parce sepulto ;
 Parce pias scelerare manus. Non me tibi Troja
 Externum tulit ; aut cruor hic de stipite manat.
 Heu ! fuge crudeles terras, fuge litus avarum.
 Nam Polydorus ego. Hic confixum ferrea texit 45

33 *Alter* codd. plerique Pier. et Heins. etiam edd., sollenni lapsu. *Alterque alterius* Zulich. *Rursus et alterius* Hamb. pr. a m. pr. *alter et a. a m. s.* 35 *Gradivumque* Gud. a m. pr. quod præferam. Mirum autem in hac voce primam produci. Brevis est ap. Silium XV, 15. *gradivumque* duo. *armis* Hamb. sec. *oris* Menag. pr. 36 *secundaret et levaret* Wittian. et Goth. sec. 37 *Tertio* Caris. v. Pier. et Heins. *majori* Leid. *nisu* Heins. ex codd. et edd. vett. reposuit. Vulgo *niru*, cf. Pier. 38 *aversæ* alter Rottend. 39 *alloquar* Ven. 40 *auditus* e vet. cod. laudatur in Servianis. et deest Menag. pr. *ad auras* quatuor Burm., ut sæpe alibi, sic inf. 93. 41 *sepulchro* codd. et Donatus ap. Pierium. 43 *extremum* Witt. cum codd. Pier., perpetuo lapsu. *E. dedit* Wall. aut restituit Heins. e libris (adde fragm. Vatic.) et Grammaticis, quem vide. Vulgo *haud* ; in quo fere semper variant libri. aut vero pro *nec* etiam in prosa ponitur in simili sententia, sc. *non de stipite* sed de meo corpore. 44 *amarum* sec. Hamb., perperam. cf. Burm.

Si quid mirum videri debet, sit forte hoc, quod nostris adhuc temporibus Tassus, Ariostusque cum Spencero eadem fabula feliciter usi sunt.

34—36. Valde animo æstuans super prodigii caussis adoro Nymphas Hamadryades et Martem Indigetem, ut malum omen avertant. *visus* pro visum h. e. ostentum, portentum, quod *secundum*, felix esse et *levari*, in bonum converti vult, ut bene

Serv. Mox 38 *obluctor*, ἀντιβαίνω, ut Burm., aut ἀντιπείδω.

41—45. *Jam tandem parce s.*—42 *parce scelerare*, h. e. noli, (ut apud Horat. et al.) polluere scelere manus. Male alia Servius ; at recte idem *sepultum* h. l. vidit esse fortuita obrutum terra (cf. ad v. 22.).—42. *me tibi non externum Troja tulit*, protulit, genuit, h. e. Trojanus sum. Non *cruor de stipite*, sed de meo corpore manat.

Telorum seges, et jaculis increvit acutis.

Tum vero ancipiti mentem formidine pressus

Obstupui, steteruntque comæ, et vox faucibus hæsit.

Hunc Polydorum auri quondam cum pondere magno

Infelix Priamus furtim mandaratum alendum 50

Threicio regi; quum jam diffideret armis

Dardaniæ, cingique urbem obsidione videret.

Ille, ut opes fractæ Teucrûm, et Fortuna recessit,

Res Agamemnonias victriciaque arma secutus,

Fas omne abruptit; Polydorum obruncat, et auro 55

Vi potitur. Quid non mortalia pectora cogis,

Auri sacra fames! Postquam pavor ossa reliquit:

Delectos populi ad proceres, primumque parentem,

Monstra deûm refero, et, quæ sit sententia, posco.

Omnibus idem animus scelerata excedere terra; 60

Linqui pollutum hospitium, et dare classibus austros.

46 implevit aliquot Pier. cum pr. Rottend. et Sprot. 47 Nunc vero alter Hamb. 48 steteruntque aliquot Pier. et Burm., ut sup. II, 774. steteretque Franc. et abest a Dorrill. 49 magna c. p. vasto Parrhas. magno c. p. quondam Cuningh. ex Huls. 50 commisit alendum Exc. Burm. ex interpretatione. 51 Thraicio, Traicio scribitur. 52 insidione alter Hamb. 53 et deest Montalb. et aliquot Pierianis. Teucrum fr. fortunæ r. Dorrill. 55 abruptit quinque Burm. obrumpit tres alii. erupit Goth. sec. 56 corpora Wall. 57 cæca f. Wall. relinquit duo Burm. 58 Dilectos alter Hamb. p. et proceres Menag. pr. parentum aliquot Pieriani. 59 et deest Menag. pr. 60 ducere Goth. tert. 61 Linqere pars codd. et edd. At Heinsius cum aliis, inter quos Medic. Gud., linqui, eadem vi, sed poeta potest videri voluisse orationem variare. polluto tert. Rottend. austrum pr. Hamb.

45. 46. *Seges telorum increvit jaculis acutis*, h. e. tela, ut emissa erant in me, in hoc tumultu (sentit mecum Pompon. Sabin.) excreverunt in arborex, unde jacula petuntur. Ita *jaculis* est casus tertius, pro *in jacula*. Alioqui copia otiosa dictum esset, *seges telorum increvit ex jaculis*, h. e. telis. (Igitur telis fuit confossus: cf. Auson. Epitaph. XIX aliter atque apud Euripidem, qui eum ferro confossus narrat). 47. *Pressus formidine*, pûta positum pro vulgari, *oppressum*.

49. Ad sqq. v. Excurs. III de Polydoro. Rex erat Polymnestor.

53. Rem et caussam Agamemnonis potiore factam; partes Agamemnonis. 55. *Fas omne abruptit*, paullo audacius dictum videtur, divina humanaque jura infringit, violat. Mox 56 *quid non—cogis pro ad quid*. Sed præpositio omittitur: illustrat Burmannus. Sic rî pro *πρός τι*.

61. *Dare classibus austros* non est hypallage, quam vulgo jactant, ut

Ergo instauramus Polydoro funus, et ingens
 Aggeritur tumulo tellus; stant Manibus aræ,
 Cæruleis mœstæ vittis atraque cupresso;
 Et circum Iliades crinem de more solutæ. 65
 Inferimus tepido spumantia cymbia lacte,
 Sanguinis et sacri pateras: animamque sepulcro
 Condimus, et magna supremum voce ciemus.

Inde, ubi prima fides pelago, placataque venti
 Dant maria, et lenis crepitans vocat auster in altum, 70

62 *Polydori* sec. Rottend. Moret. sec. 63 *cumulo* alter Hamburg. et pr. pro var. lect. *tellus tumulo* Sprot. 64 *nexa* Voss. *cupressu* tres Burm. cum Pierianis, ut alibi variant. cf. Pier. 65 *At* pr. Hamb. *Iliadas* Voss. *crinis* libri ap. Pier. 66 *trepido* Hamb. sec. et Exc. Burm. *fumantia* Oudart. *Kymbia* Parrhas. 67 *sacras* p. Exc. Bormann. *animæque* Franc. 69 *prima quies* Goth. tert. *prono fides* pr. Moret. a m. pr., sollenni potius lapsu (de quo v. Burmann.) quam exquisitoris epitheti studio, quod nec facile feras h. l., multo minus desideres. *pacataque* Parrhas. 70 *lenis crepitans*. displicet merito duplex epitheton, etsi similia exemplorum auctoritate defendi forte possit. v. Burm. Heins. coniecerat *segnes crepitans*. Burm. *lentos* c. Toupius in Suidam

perversa ratione res efferantur; sed, ut vulgo *navis vento* tradi dicitur, sic exquisitiore ratione *navi ventus*, ut vela ventis pandantur et sic porro.

62 sqq. Locus de inferiis classicus. Nota rerum ac verborum proprietatem. *Instauramus funus*, religioso vocabulo, pro facimus. *tumulo*, ut tumulus vere dictus et rite paratusisque, e more priscorum hominum, altissimus, fieret, non temere aggestus, ut v. 22. *stant aræ*, doctius, quam, ara statuitur. *cæruleæ vittæ* sunt nigræ v. Serv. Burm. *mœstæ vittis* mœstitiam declarantes, exquisite, cum *ornatæ, velatæ*, dicere deberet. *cupressinis* frondibus coronatur h. l. ara. *Cupressus atra* non nativo colore; sed quia funebris arbor, Diti sacra. Matronæ Trojanæ solatis crinibus circumstantes tumulum plangunt et lamentantur. cf. XI, 35. *inferimus*, ἐπιφύρομεν χοάς. effundimus in aras et in tumulum. *cymbia lactis* conf. Ecl. V, 67. *sanguinis*,

victima cæsa, cf. inf. V, 77 sq. *animamque sepulcro condimus*; Manes placamus, ut quieti suæ reddantur; et *supremum voce ciemus* h. e. vocamus. Ter acclamatum: Valo. Have. cf. inf. VI, 374. 379, ut apud Homer. v. c. Odys. I, 65. 66. Quod Burmannus *animam* pro corpore vel homine dictam ait, quanquam id interdum, sed in aliis sententiis, fieri certum est, h. l. tamen vix convenit; corpore enim insepulto vagatur anima, sepulto autem redit ad quietem sepulcri, ut bene Servius, qui ad h. l. videndus, sive ut aliquamdiu cum corpore vel cinere duret, sive ut inde loca infera sedesque Manium subeat; nam magna superstitionis circa hæc diversitas. cf. ad Tibull. III, 2, 15. *Anima ergo conditur sepulcro, non in sepulcro*; sed, *sepulcro facto*, sepultura corporis peracta.

69—72. Ornati versus. Cum primum ineunte vere navigari posset, iterum naves conscendimus. *auster*

Deducunt socii naves, et litora complent.
 Provehimur portu; terræque urbesque recedunt.
 Sacra mari colitur medio gratissima tellus
 Nereidum matri et Neptuno Ægæo:
 Quam pius Arcitenens, oras et litora circum 75

P. III, p. 138 *leni crepitans*, quod in Lucretio non displiceret. Jortin (*Tracts* Tom. I, p. 470) jungit: *Auster lenis vocat crepitans*. Pierius e' codd. aliquot landat *lene crepitans*, quod consuetudine Virgilli satis tritum teneri potest. Nam quod ultima in tono et ante duplicem consonam producit, insolens esse non videtur. Jo. Schrader. tamen in schedis ingeniose conj. *lene increpitaas*. 72 *Provehimur* duo Burm., male. *terræ sine que duo*. 75 *medio colitur* Gud. cum multis aliis. Porro Burm. h. l. et jam ad Ovid. *Fast.* VI, 177 emendat *gratissima Delus*, probante Burmanno Secundo ad Anthol. Poet. Lat. p. 460, addit Schrader. Emeudatt. c. 3. p. 39. quod sic quoque in Ciri v. 473 legitur. Et habet sane quo placeat. Videamus tamen, annon poetica ratione exquisitius ponatur genericum nomen, *tellus*. Porro in tali positu, ut hic verba vides: *Sacra—gratissima tellus Nereidum matri* potest forte *tellus* magis placere. *Tellus* autem pro insula non adeo abhorre ab usu poetarum videtur. Subeunt modo illa animum: Claudian. de R. Pr. I, 192 *Ceres de Sicilia: solve gratissima tellus*. Ovid. Met. III, 597 *Fortē petens Delum, diæ telluris ad oras Applicor.* et inf. v. 127 *crebris freta consita terris*. Etiam Senecæ locus Herc. fur. 15 tanquam ex nostro expressus vulgatæ lectionis columnen haberi potest: *Quibusque natis mobilis tellus stetit*. 74 *Neptunio* aliquot ap. Burm. Pier. Ald. pr. *Neptuno Ennosigæo* Titius Loc. contrav. XV, 16. Versus haud dubie ex poeta antiquo arreptus, forte idem ex Græco versus. v. Excurs. IV. 75 prius interpretatur Pompon. Sab. et notatum pro var. lect. in Servianis; sicque aliquot Pierii tresque Burm., quod jam Broukh. probarat, et docte illustravit Burmann. Secundus ad Anthol. l. c. p. 460, ut sit prius *errantem*. Ad terræ tamen motum sub Augusto, si Tertulliano fides habenda, factum referri hic nihil potest. *arquitepens* scribitur in Medio. et aliis v. Heins. *Actius arcitenens* conj. Cuning., parum feliciter.

h. l. non proprie, nam ex Thracia evectis is non potest esse secundus ventus (etiam apud Homerum *ἀνεμὸν βορέην* Ulyssi ex Thracia solvendi mittit Jupiter Odyss. I, 69); sed h. l. pro vento omnino.—*lenis crepitans*, v. V. L. *Venti dant maria placata*, quatenus ipsi sunt placati, placidi. *terræ—recedunt*: cf. inf. ad 411.

73—77. Delus olim mari vaga tandem inter Gyarum Myconumque, Cyclades, consedit, *ιστήρικται*, fixa est. nihil amplius. *mari medio* seu quia Cycladum media habita dictaque Straboni, Plinio et Solino. v. Cerda, et adde Callim. in D. 300, Steph. Byz. in *Δῆλος* ibique Intpp., seu simpliciter, in alto; modo loquendi Homérico Odyss. Δ, 844, ut mox de Creta v. 104. *Nereidum ma-*

tri, Doridi, et *Neptuno* (*Ægæo* dicto, quod ejus sedem in Ægæo mari poetarum narratio consecravit, ut vel ex Homero notum, v. Guell. vel Cerdam). *Gratissima* iis Delus, ex antiqua fabula: v. Exc. IV ad h. v. 75. *pius*, gratus erga insulam, *φίλην τῆς ἰνῆν*; in qua erat natus. Res vel ex Callimachi Hymno in Delum nota. *Arcitenens* vox jam Nævio aliisque poetis ante Virgilium frequentata. v. loca ap. Macrobi. VI, 5 et Ursinum. *oras et litora circum* *Errantem* illustrant illa apud Callimach. l. c. v. 41 sqq. *revinxit, fixit*, in medio inter Myconum et Gyarum; etsi hæc paullo remotior videri potest. De reliquis v. Excurs. IV et de *Anio* v. Excurs. I. Est autem ille inter exempla regum, qui iidem

Errantem, Gyaro celsa Myconoque revinxit,
 Immotamque coli dedit, et contemnere ventos.
 Huc feror; hæc fessos tuto placidissima portu
 Accipit. Egressi veneramur Apollinis urbem.
 Rex Anius, rex idem hominum Phœbique sacerdos, 80
 Vittis et sacra redimitus tempora lauro,
 Occurrit; veterem Anchisen agnoscit amicum.
 Jungimus hospitio dextras, et tecta subimus.
 Templa dei saxo venerabar structa vetusto.

76 Ordo verborum ab Heins. Medicei aliorumque, etiam Pierianorum, codd. auctoritate est restitutus. Vulgo in scriptis et editis leg. *Mycone celsa Gyaroque*. Sed, *Mycone* vitiosum esse, et *Pierius* vidit et facile apparet; est enim *Μύκωνος*; ortum forte, ut Heins. vidit, ex *Mycono e celsa*, cf. eund. ad Ovid. Ep. XXI, 81, docentque id var. lect. e Burm. codd. *Myconoë*, *Miconce*, *Michonæ*, it. *M. excelsa et celsa*, ut in Goth. Sed Heins. porro rescripserat *Gyaro e celsa*, sine libro, quod recte Burm. reliquit. *celsa* unus Leid. Aberratur etiam: *Micone*, *Micono*,—*Giaro*; cujusmodi errores notare piget, præmittere tamen non licet. reuxit Codex Amstel. ap. Burmann. Secund. l. c. ligavit pr. Hamburg. In laudato Epigrammate: *Delos jam stabili revincta terra*. 77 componere Oudart., male. v. Burmann. cum fixa sit, jam non agitur ventis, ut ante; sed est *ἡμίστρα καὶ ἄτροπος*. 78 et fessos Exc. Burm. huc f. Dorvill. toto Moutalb. 81 lauru Caris. lib. I, 109 legit, notante Heins. 82 Aberrant fere codd. Heins. et Burmanni in *Anchisem*; ut vero metro consulant, concinnant reliqua varie: *veteremque A. vel veterem Anchisemque vel v. A. cognovit*. Etiam pro *agnoscit* plerique ap. Pier. et Heins. *agnovit*, etiam sic vetustiss. fragm. Vatic. 84 *veneramur* aliquot ap. Pier. et Heins. et unus Burm. ex antecedente oratione, aut forte ab aliquo, quem offendeat post v. 79. *veneramur*, quod sequitur, *venerabar*. Eadem de causa et quia oratio paullo molestius decurrit, Jac. Bryant acute suspicabatur, versus 80—84 esse insititos. Saltem hoc concedendum: versus a poeta nondum satis politos et reliquis adaptatos esse. Equidem suspicabar versus 79 post *Accipit* inexpectum relictum, male esse ab alia manu suppletum.

ex prisco more, sacerdotio fungentur. 79. προσκυνούμεν.

82. Ex antiqua fabula repetendum, cujus vestigia servavit Servius: *Ad Anium Anchises ante Troicum bellum consultum venerat, an Salamina peteret comes Priamo; unde et agnoscitur* sc. nunc ab Anio. Eadem sequitur Ovid. Met. XIII, 641 sq. In carmine Cyprio ipse Æneas Paridem comitatus, cum Spartam proficisceretur, Delum adire potuit.

83. *Jungimus hospitio dextras* illustrat Burm., int. hospitii pristini jure, propter hospitium, quod jam inter Anchisen et Anium fuerat. cf.

XI, 65.

84—89. Notabili cum brevitate, sed quæ exemplo non caret (vide v. c. inf. p. 265, ubi etiam defit: *inquit*), significat poeta Æneam esse ingressum templum, adorasse deum et preces fecisse. Latius evolvere Virgilii verba videtur Ovid. Met. XIII, 633—637. *Templa saxo structa vetusto* quis dubitet esse *vetustum templum*? Argutatur tamen in hoc Macrob. III Sat. 6, et *vetusta saxa* cum vi memorata esse vult, quia nec terræ motu nec incendio saxa fuere mutata, sed semper insulam eodem mansisse saxo. Alio modo arguta-

Da propriam, Thymbræe, domum ! da mœnia fessis, 85
 Et genus, et mansuram urbem ! Serva altera Trojæ
 Pergama, reliquias Danaûm atque immitis Achilli !
 Quem sequimur ? quove ire jubes ? ubi ponere sedes ?
 Da, pater, augurium ; atque animis illabere nostris.

Vix ea fatus eram : tremere omnia visa repente, 90
 Liminaque, laurusque dei ; totusque moveri
 Mons circum, et mugire adytis cortina reclusis.

85 *patriam domum* Schol. Horat. Craqu. lib. III Od. 13, quod illustrat Heins. *Da T. domum propriam* Montalb. 87 *Achilli* firmat Heins. et h. l. cf. sup. I, 30, al. *Achillis*. At *Achillei* fragm. Vatio. 90 *erat Parrhas*. in marg. 91 *Liminaque et l. duo ap. Burm. limina sunt* Zulich. *que post limina plane abest a Franc. laurusque* Rottend. tert. a m. pr.

tur Macrobius in eo, quod Æneas preces facit, non victima antea cæsa : fuisse scilicet in insula Apollinis γυνήτορος aram, in qua nullum animans sacrificare fas erat. De ara hac dubitare haud licet ; verum nec in escensu in terram statim de victimæ immolatione cogitare necesse erat. Adscivisse Macrobii commentum videtur Servius cum aliis Grammaticis. v. Serv. ad v. 83. 84. *Da*, indica. ut Serv. ; *data fata* sup. I, 382. *propriam*, perpetuam, stabilem, firmam Servius exponit. cf. inf. VI, 872 et ad Ecl. VII, 31. *Thymbræum* h. l. appellat nulla alia quam poetica ratione ; etsi patrius erat deus. *Thymbra* erat Troadis vicus cum Apollinis laco ac templo. v. Strabo XIII, p. 598 A, B, cf. ad Ge. IV, 323. ad Tzetam p. 132. Et *genus* inter cetera : *domum*, *mœnia*, *urbem*, aliud esse nequit, quam locus generi futuro, sedes stirpis, a qua nova posteritas originem ducat. Respondet igitur τῇ domus, quæ sine certa sede esse potest nulla. *reliquias Danaum*, cf. sup. I, 30. *Da pater augurium*, exemplo Priami iter in castra Achivorum parantis Iliad. Ω, 310 sqq.

89. *animis illabere nostris*. Proprie Phoebus descendit in mentem vatis sui ; insinuat se, suam vim, ejus animo ; h. l. etiam illis, quibus sorte data rem obscuram explicat et illustrat, φράζει. *augurium* vero h. l. pro oraculo, ut etiam alibi. Oraculo autem proprie erat locus, veteri more, in novis sedibus quaerendis. cf. de Batto locum ap. Herodot. et Callim. in Apoll. 65 sqq.

90—93. Solenne scilicet hoc, tanquam numinis sortem edituri præsencia, ut tota natura numen sentiat : commune ἐπιφανείας deorum, etiam in festis et sacris, quæ in eorum honorem celebrabantur. Notum vel ex Callimachi H. in Apoll. pr. et Spanh. ad e. l. *omnia* deinde per species redduntur : *liminaque laurusque*. v. Burm. *Mons circum*, Cynthus. Nam templum in campo situm ; v. Exerc. de Delo in Misc. Obs. *cortina*, ἔλμος, operculum tripodis, *mugit*, vento subterraneo e specu, cui imposita est, surgente, siquidem credere licet, ad Delphici tripodis instar hæc fuisse adumbrata. cf. Spanhem. ad H. in D. v. 90. *adytis reclusis*, ipso templi penetrati per motum terras

Submissi petimus terram, et vox fertur ad aures :
 Dardanidæ duri, quæ vos a stirpe parentum
 Prima tulit tellus, eadem vos ubere læto 95
 Accipiet reduces. Antiquam exquirite matrem.
 Hic domus Æneæ cunctis dominabitur oris,
 Et nati natorum, et qui nascentur ab illis.
 Hæc Phæbus : mixtoque ingens exorta tumultu
 Lætitia ; et cuncti, quæ sint ea mœnia, quærunt ; 100
 Quo Phæbus vocet errantes, jubeatque reverti.
 Tum genitor, veterum volvens monumenta virorum,
 Audite, o proceres, ait, et spes discite vestras.

93 et deest Leid. et Oudart. *ad auras* aliquot Pier. sec. Hamb. et Witt. v. sup. v. 40. 94 *de stirpe* aliquot Pieriani. 95 *læta* pr. Rottend. pro var. lect. vel *toto* Sprot. 96 *exq. terram* Zulieh. ex interpr. 98 *ab ipsis* Ven. 99 *excita* Hagen. 100 *sint hæc* Ven. *quæ sunt* Leid., sed v. Burm. cf. sup. II, 123. 101 *jubeat* ed. Ald. et Junt. Goth. pr. 102 *volvens veterum* multi. *priorum* Montalb. 103 *o* deest quatuor Burm. *dicite* tres.

patefacto. 93. *Submissi petimus terram*, exquisite, provolvimur ; Lucretiano loquendi more.

94—98. Oraculum, magna cum arte verbis sententiisque ambiguis et obscuris conceptum, Italiam, unde Dardanus originem habere ferebatur, respicit, vid. inf. 163 ; atque hinc *Dardanidas*, non *Teucros* aut alio nomine, nunc appellatos vult Macrob. I in So. Scip. 7 et Serv. ad h. l. *duri*, labores tot experti, πολυτλήμονες. *Uber terræ* antiqua loquendi forma in ornatum versa v. ad I, 531, h. l. pro ipso solo. Versus 97. 98 nobilissimi illi Homericæ sunt Iliad. γ. 307. 308 Νῦν δὲ ἐν Αἰνείας βίῃ Τρώεσσι ἀνάξει, καὶ παῖδες παίδων, τοὶ κεν μετόπισθε γίνοντο, ex Neptuni persona dicti ; nunc feliciter in sortem Apollinis versi. Memorabile est, quod h. l. Servius habet : *Orpheo* hunc Homericum versum alterum esse sublatum. Item *Orpheus de oraculo Apollinis Hyper-*

borei sc. sumsit : nam ita esse intelligendum, ex Pomponio Sab. patet, qui Servianum illud repetit : *Hunc eundem* (versum) *Homerus ab Orpheo sumsit ; Orpheus ex oraculo Apollinis*. Probabile fit, aliquem poetam, forte Euphoriōnem in Chiliade, hanc sortem ab Orpheo repetuisse. De interpretatione versuum, cum *cunctis* dominabitur *oris* dictum sit, quod in Homero erat, Τρώεσσι ἀνάξει, v. Disquisit. II de invent. rerum in *Æneide tractatur*. s. II et III.

102. *Volvens*, revolvens animo veteres historias. Quod autem Anchisæ interpretis hujus oraculi partes tribuuntur, etsi nunc parum sollerter ea in re est versatus, fit illud idonea de ratione : quoniam sive senectutis auctoritate, sive munere Veneris singulari hoc sibi præcipuum habet Anchises, v. Exc. ult. ad lib. II, ubi de Anchise.—103. audite quid vobis sperandum sit. Comparant illud

Creta Jovis magni medio jacet insula ponto;
 Mons Idæus ubi, et gentis cunabula nostræ. 105
 Centum urbes habitant magnas, uberrima regna:
 Maximus unde pater, si rite audita recordor,
 Teucus Rhæteas primum est advectus ad oras,
 Optavitque locum regno. Nondum Ilium, et arces
 Pergameæ steterant; habitabant vallibus imis. 110
 Hinc mater cultrix Cybelæ, Corybantiaque æra,
 Idæumque nemus; hinc fida silentia sacris,

104 medio magni Goth. tert. 105 ibi multi ap. Burm. et deest Zulich. 106 urbis multi Pier. et duo Heins. At urbes Valerius Probus in codice, qui ipsius Maronis fuerat, scriptura repperat, ap. Gell. XIII, 19. 108 Teucus defendit Heins. e libris et Grammaticis; adde fragm. Vatic. alii Teucer, vel Teucros, v. Pier. et Bened. adductus alter Hamb. delectus pro delatus, et a m. sec. delectus Leid. unus. primum transvectus Goth. sec. in oras multi ap. Pier. fragm. Vatic. pag. 172, et tres Goth. Critheas—in oras Dorvill. 109 Optavitque aliquot Burm. cum Goth. sec. regni Hamb. sec. Ilium et duo etiam hic. 111 Hic Nonius Marcellus in colere, Serv. ad Æn. X, 220 o' Wall. Porro varie scribitur, Cybele, Cybeles, Cybeli (hoc quidem iuani, ut solet, verborum apparatus ornat Catreus) apud Pier. et Heinsium, cujus docta nota est ad h. l. et, ut Cybeles cum ceteris conveniret, mutatum etiam mater in matris, et reflexere adeo: Hinc matris cultrix Cybeles ap. Pier. Nam librorum lapsus sunt Cybili, Cibili, Cibili, Cybile, Cibela, et al. Sane mons ille Phrygiæ, qui Matri deum nomen dedit, recte scribitur et Cybelus, so. mons, et Cybele, et Cybelon, Græcisque τὸ Κύβηλον, τὰ Κύβηλα, ἢ Κυβίλην (unde ipsa dea ἢ Κυβίλη, an etiam Κυβέλη, nec potius Κυβήβη, dubitator). Heinsius Cybele prætulit hic et XI, 768, quoniam Virgilius talem formam amat, et quod hoc proximum est lectioni vulg. Cybele, quæ in plerisque libris, etiam Medic. et Fragm. Vatic., occurrit (item in tribus Goth.), et a Nonio Marcello firmatur. Interpretati autem erant vulgo, ut ex Pompon. Sab. apparet: mater Cybele cultrix, sc. sacrorum. C. ira Witt. pro æra. 112 et fida Schol. Cruqu. Horat. III Od. 1.

Odyss. B, 229 Κίελυτε δὴ νῦν μεν, Ἰδαίησιν, ὅττι κεν εἴπω.

104. Expressus locus ex Odyss. T, 172 sqq. cunabula, origines vulgo: quæ communes fuere inter Cretam et Troadem. v. Excurs. V.—106. Centum urbes. ἰκατόμπολις Iliad. B, 649; res nota. vid. Meurs. de Creta I, 5. 108. Ad promontorium igitur Rhæteum descendit Teucer, sive ex antiqua narratione, sive ut poetico pro Trojano litore omnino sit dictum. 109. 110. Ex Iliad. γ, 216. 217. 218. Dardanus Κτίσσε δὲ Δαρδανίην ἐπὶ οὐπὼ Ἴδαος ἱρῇ Ἐν πεδίῳ πεδῶλεσσιν, πόλιν μύρῳων ἀνθρώπων Ἄλ' ἐς ἐπωρίδας ἦκεν πολυπύδακον

Ἴδης (hoc est, habitabant vallibus imis ad Idæ radices). cf. Strabonem XIII, p. 592 (885) de illo loco Homericō disputantem. optavit: ut I, 425 Pars optare locum tecto: deligere, destinare.

111—113. Ex Creta traducta in Troadem sunt sacra Cybeles, declarata ea per partes: Mater deum, quæ colit, inhabitat, montem Phrygiæ, Cybelon, (v. Heins. et Burm. Anthol. I, 53) Corybantum saltationes, cum cymbalis; Ex Ida Cretæ nemus Idæum ductum; seu nomen montis Idæ in Troade, in quo illa sacra habebantur, ipsa mysteria Idæa (hæc sunt fida silentia sacris; in sacris,

Et juncti currum dominæ subiere leones.
 Ergo agite, et, divûm ducunt qua jussa, sequamur:
 Placemus ventos, et Gnosia regna petamus. 115
 Nec longo distant cursu; modo Jupiter adsit,
 Tertia lux classem Cretæis sistet in oris.
 Sic fatus, meritos aris mactavit honores,
 Taurum Neptuno, taurum tibi, pulcer Apollo;
 Nigram Hiemi pecudem, Zephyris felicibus albam. 120
 Fama volat, pulsum regnis cessisse paternis
 Idomeneia ducem, desertaque litora Cretæ;
 Hoste vacare domos, sedesque adstare relictas.

113 *vincti Franc. victi Dorvill.* 114 *divom Gud. quo Goth. sec. qua ducunt tres Barm. qua fata ed. Ven.* 115 *Gnosia e scriptis tuetur Heins. Gud. et alii Cnosia. Vulgo Gnosia; sed de hac scripturæ varietate auctores de numis et marmoribus sunt videndi. Dijudicanda omnino res est ex eo, quod simplici litera veteres, geminata seriores, utebantur.* 116 *Nec distant longo Menag. sec.* 117 *sistat Hamb. sec. cf. Barm.* 118 *mactabat ap. Nonium in honor, et ap. Macrob. IV Sat. 1.* 121 *regno c. paterno pr. Hamb., quod esset pedestre.* 123 *domus aliquot Heins. ut fere semper variant scripti in h. v. domum aliquot Pieriani, it. fragm. Vatic. atque vacare Zolich. a m. sec. Porro libri et grammatici olim distinxerunt: desertaque l. C. Hoste, v. d. Possit etiam distingui: desertaque l. C. Hoste vacare, domos sedesque a. r. Sed vulgaris inter- punctio satis commoda.*

hoc est, sacrorum) et in iis *Cybeles leonibus vectæ* repræsentatio. Quæ omnia satis illustrata sunt cum ab aliis tum a Pignorio.

115. *Placemus ventos*, sacra diis maris præsidibus faciamus! cf. v. 119, et petamus Cretam! 118. *Honores*, docte pro victimis, quæ in deorum honorem mactantur in *aris*, ad aras. 119. *Neptunum et Apollinem* memorari, tanquam Trojanorum deos patrios, putarunt nonnulli inter veteres. Videtur tamen a sorte data et navigatione facienda causa sacrificii esse petenda. 120. *Tempestatibus* sacrum fieri agna videbimus *Æn. V, 772*, quod autem nigra, e natura earum petittum, illustratum est a viris doctis ex Aristophanis *Ranis 871, 2*. Sed et Neptuno *παμμίλωνα τάρπον*

mactant *Pylîi Odyss. I, 6*. De sacris Vento Ventisque factis plura dat *Cerda* cum aliis. Verba versus 120 fere eadem atque *Iliad. I, 103*, et v. 119 ex *A, 727*.

121—123. *Idomeneus* in Cretam redux factus (vid. *Odyss. I, 191. 192.*) iterum a suis fuit exactus, tandemque, ut inf. v. 400 videbimus, in agro Sallentino extremæ Italiæ con- sedit. Res et caussa varie in *Néστροις* tradita esse videtur; siquidem diver- sæ narrationes sunt *Servii* ad h. l. *Strabonis X*, pag. 480. *Schol. Odyss. N, 259. cf. inf. XI, 264.* Alios vide ap. *Meurs. Creta III, 4. adstare* pleni- ore ore quam *stare, esse*. Neque vero sine consilio hæc de *Idomeneo* sunt adjecta: nam alioqui *Trojanis* Cretam adire vix tutum fuisset.

Linquimus Ortygiæ portus, pelagoque volamus,
Bacchatamque jugis Naxon, viridemque Donusam, 125
Olearon, niveamque Paron, sparsasque per æquor
Cycladas, et crebris legimus freta concita terris.
Nauticus exoritur vario certamine clamor ;

125 *Bacchantemque* Menag. pr. *Naxum* fragm. Vatic., ut mox *Olearum* et *Parum*. *Naxum* aliquot Pierii, quem vide. *Donysam* vulgo legitur : sed *Donusam* aliquot ejusdem, ut in codd. Plinii et Taciti scribitur ; et Græce *Δονύσα* vel *Δονυσία* ; nemo scribit *Δονύσα*, etsi ex *Δονυσία* ductum esse volunt. v. Steph. h. v. *Donisam*, *Donissam*, *Dinosam* alij, vitiose. 126 *Olearon* Heins. secundum Medic. et vetustiores alios. *Olearum* fragm. Vatic. At alij *Oliaron*. Græce utrumque scribitur *Ὠλίαν* et *Ὠλίαν*. v. Heins. et Pier. *Parum* aliquot Pier. cum fragm. Vatic. *Pharon* Medic. et al. 127 *freta concita* omnes fere libri, etiam fragm. Vatic., edd. item (cum Servio et Donato) Grammatici ap. Heins., qui tamen prætalit *consita*, ut jam Dan. Heins. ediderat, laudatque pro ea lectione primum Moret. Ad *Sporadas* referendum id esse, facile patet. Sed, quid in illa tot tantisque auctoritatibus firmata lectione *concita* reprehendendum sit, non facile videas. Hoc porro video, esse eam doctiorem, quam *consita*, et ex maris natura in freijs, et angustis inter insulas, cum fluctus evolvere se et explicare nequeant. Denique non intelligo, quam poeticum hoc sit, tam accurate *Cycladas* et *Sporadas* distinguere, quod vix in geographicis libellis fieri solet. Suo jam tempore *consita* a multis lectum narrat Cerda, recto tamen inhaeret alteri, vel Paullini auctoritate, qui et ipse legerat ac probarat *concita*. *concita remis* aliquot Pier. *ventis* pr. Hamb. pro var. lect. Wall. a m. pr., sed *terris* a sec. 128 *exagitur* Oudart. *vario hortamine*, cum hiato, fuere, qui conjicerent jam ap. Pierium, et nuper firmare voluit vir doctus inter Danos, ut ex Nova Biblioth. Litt. et Art. eleg. T. IV, P. I, p. 5, intelleximus. Verum *clamor nauticus* est illud ipsam *celeusma* vel *hortamen*, neque adeo cum *hortamine* exoriri potest ; sequitur porro : *Hortantur socii*. Denique *vario certamine* bene ex poetici sermonis more adjectum ; certant inter se manuum opera, studio, dum discessum parant. *vario discrimine* Goth. tert. lapsa librarii, qui e supinis et stupidis prorsus fuit in illo codice.

124. *Ortygia* unum ex vetustis nominibus Deli. vid. Spanhem. ad Callim. et al. Ceterum discessum *Æneæ* ornatus exhibet Ovid. Met. XIII, 679 sqq., qui in ceteris Maronem ante oculos habet, et totum *Æneæ* cursum ex eo mutuatur. 125. *Naxon*, insulam, in qua vel ipse Bacchus, ex India redux, aliquando est *bacchatus*, h. e. egit chorum bacchicum, vel in qua insula, Baccho frequentari solita, Bacchica turba *bacchari* solet, h. e. sacra Bacchica celebrare, in *jugis* insulae, inde et ipse locus dicitur poetis *bacchari*, passiva forma, *βακχεύσθαι*, *βακχεύῃναι*. ut Georg. II, 487 *virginibus bacchata Lacanis Taygeta*. Imitatur Claudian. XXXIII, 205 *ululatibus Ide* *Bacchatur*, et Valer. Fl. III, 20 *Din-*

dyma sanguineis famulum bacchata lacertis : loca jam aliis notata. Ducta autem forma e Tragicis. cf. Longin. 15, 6. *Donusam* insulam a colore marmoris *viridem* appellari Servius monet, et Petronii 133 *viridem Thason* comparat Cerda. Malim simpl. silvosam vel herbosam intelligere, qua specie præternavigantibus illa occurrere debuit. Et sic mox *niveam Paron*, a candidis marmoribus, quæ in montium passim jugis longe conspici possunt ; et ita *Cyclades* omnino *nitentes* et *fulgentes* Horatio III Carm. 28. 14. I, 14, 20. Adde imprimis Dionys. Perieg. 530. 127. *Crebris freta concita terris*, *Sporadas* esse volunt. Sufficit respici angusta maris inter insulas spatia, quæ fluctus impediunt, quo minus explicari

Hortantur socii, Cretam proavosque petamus.
 Prosequitur surgens a puppi ventus euntes, 130
 Et tandem antiquis Curetum allabimur oris.
 Ergo avidus muros optatæ molior urbis,
 Pergameamque voco, et lætam cognomine gentem
 Hortor amare focos, arcemque attollere tectis.
 Jamque fere sicco subductæ litore puppes; 135
 Connubiis arvisque novis operata juventus;

129 *Cretan* pr. Moret. *Cretas* Hugen. 131 *Set tandem* Medic. *allabitur* idem a m. pr. et Venetus. *illabitur* Zulich., sed correctum. *labimur* sec. Hamb. 132 *aptare* librarii lapsu ex *optate* Wall., unde Burm. notaverat virum doctum, qui hinc mallet: *aptare emolior urbis*. Eam conjectorem se fuisse, Burm. Sec. profitetur ad Anthol. Lat. Poet. p. 467. Simili lapsu sup. 109 *aptavit* pro *optavit* locum regno. 133 *Pergameonque* ed. Ven. et revocavit Heins., omissum in aliis. Distinxere olim alii: *P. voco lætam c. gentem*. H. 135 s. l. *classes* Hamb. pr. 136 *Poterat scribi, saltem pronuntiandum est Connubiis. armisque* Ven.

late possint; ut adeo illi tanto altius assurgant: hæc sunt *freta concita* propter insulas, *terris crebris*.

130. Est ventus secundus, οὐρος, φέρον, ἱκμενος Odyss. A, 6. Iliad. A, 479. cf. Ursin. Guell. Cerda. *surgens*, flans. v. h. l. Serv. Mox *Curetum ora*, ora, Creta. Varii de *Curetibus* et obscuri mythi: incerta interpretatio. Satis est tenere, spectare eos ad antiquissimas Cretæ origines, forte ad Phœnices incolas; fuisse auctores et interpretes sacrorum, quæ antiquo more cum saltatione celebrabantur; et narratas de iis fabulas circa Jovis natales: dictos eosdem Dactylos Idæos. Traductum hinc nomen ad similia sacra Magnæ Matris Phrygum, quæ cum furore sacro peragebantur, et habitos Curetes, qui Corybantes dicti; hinc confusas religiones Creticas, Phrygias, Samothracicas. Altera ex parte confusi cum iis Curetes, Ætolie populus; et argutati sunt alii in etymologia. Hæc colligas e loco class. Strabonis X, pag. 723 sqq. (472). *allabimur* jam Serv.

ait ostendere, prosperam navigationem fuisse; etsi malim simpliciter accipere: *adnavigamus, accedimus, antiquis oris*, ut solent poetæ, de locis antiqua fama celebratis.

132—134. Locum designat novæ urbi, Pergamo dictæ. cf. Exc. I, ubi de accessu ad Cretam. *gentem*, socios a Troja profectos, *lætam cognomine*, nomine urbis a pristina sua patria petito, *hortor amare focos*, domicilium sibi parare et privata tecta; sed major vis inest τῶν *amare*, quod bene Burm. explicat, libenter incolere, ut sedem perpetuam futuram. *arcemque attollere tectis*, acropolim condere: more antiquarum urbium. Proprie *attolli* de ædificiis in altum eductis. cf. sup. II, 185. Attolluntur *tecta arcis*, et tandem *arx ipsa tectis*.

135—146. Novos colonos lues exorta novas sedes quærere cogit. 135. *puppes*. Cum a parte sua declarandæ essent naves, proprie *puppi* dicta, subductarum *in siccum* navium; prora spectante in altum. *operata* non ad rem sacram est trahendum; sed

Jura domosque dabam: subito quum tabida membris,
 Corrupto cœli tractu, miserandaque venit
 Arboribusque satisque lues, et letifer annus.
 Linquebant dulces animas, aut ægra trahebant 140
 Corpora; tum steriles exurere Sirius agros;
 Arebant herbæ, et victum seges ægra negabat.
 Rursus ad oraculum Ortygiæ Phœbumque remenso
 Hortatur pater ire mari, veniamque precari:
 Quam fessis finem rebus ferat; unde laborum 145
 Tentare auxilium jubeat; quo vertere cursus.

137 *dabant* Zulich. 138 *Corrupta* Rottend. a m. pr. *tactu* Hamb. pr. a m. pr. *tracta* Mentel. tert. 140 *et l. annus* *Linquebat* d. a. aliquot codd. ap. Pier. 141 *dum* Parrhas. in marg. *serius* Menag. *esueret* Wall. 142 *Ardebant* tres Burm. cum fragm. Vatic. *seges ipsa* alter Goth., ex lapsu librarii. *negabant* Gud. et Mentel. a pr. m., quod placebat Heinsio. *negare* fragm. Vatic. a pr. m. 143 *Oraculum* plene in multis codd. et edd. *reviso* Puget., sed v. sup. II, 181. 145 *Quam finem* Heins. e *Grammaticis* et codd. post Pierium restituit. Adde fragm. Vatic. alii *quem. quem finem* *fessis* tres Burm. 146 *temptari* Leid. un. et Oudart. (scilicet scribitur fere *temptare*) *auxiliumque* jubet alter Hamb.

simpl. operam dare. ut ad Tibull. notatum: II, 1, 65 et II, 3, 36. *jura domosque dabam*. domos h. e. locum domicilii statuendis, agrosque assignabam; et dabam *jura* h. leges et instituta, utpote in nova civitate, condebam. Argutum nimis esset, ad jus publicum privatumque referre. Aliter *jura* I, 426.

137—142. Ornati versus, imprimis v. 140, qui tamen ex Lucretio V, 987 et Eonio (v. Column. ad ejus fragm. p. 53) est adumbratus. Porro totum locum ante oculos habuit Statius Theb. I, 632 sqq. *Venit* (quod fere de malis calamitatibusque ingruentibus ponitur) *membris arboribusque satisque lues* (quod eleganter, ut mox *seges ægra*, ab aeris miasmate, ad arbores segetesque tetro solis aestu exustas tractum). *Corrupto cœli tractu*, aeris plaga, regione, ut alibi: h. e. acre. Alia Burmanni

est interpretatio, ut *tractus*, ductus, haustus aeris sit. Laudat egregie ad rem Lucret. VI, 1126. Lucan. VII, 412. Docta et arguta interpretatio; sed priorem illam vulgarem offert res et junctura: *arboribusque satisque lues* non venit *haustu* aeris, sed aeris *corruptela*, v. c. ex humido calore.—140. *anima* dicitur *relinquere nos*, et *nos animam*; utrumque recte. v. Burm. Sed exquisitius hoc, adeoque poeticae dictioni accommodatius. Canicula autem et h. l. pro aestu cœli, qui cum ejus ortu ingruit (cf. Serv. et v. sup. ad Georg. IV, 425), et hic pro pestilentiae caussa; quod toties apud veteres occurrit. cf. Apollon. II, 519.

143—147. Forma est similis Iliad. A, 62 sq. *veniam precari*, placare deum, cf. ad I, 519, ut ille vere edicat, *quam finem fessis rebus*, calamitatibus, *ferat*, oraculo monstret, *unde*

Nox erat, et terris animalia somnus habebat.
 Effigies sacrae divum Phrygiique Penates,
 Quos mecum a Troja mediisque ex ignibus urbis
 Extuleram, visi ante oculos adstare jacentis 150
 Insomnis, multo manifesti lumine, qua se
 Plena per insertas fundebat luna fenestras;
 Tum sic affari, et curas his demere dictis:
 Quod tibi delato Ortygiam dicturus Apollo est,
 Hic canit; et tua nos en ultro ad limina mittit. 155
 Nos te, Dardania incensa, tuaque arma secuti;

147 in terris pr. Hamb. a m. sec. et somnus t. a. h. Dorvill. 149 ab T. Parrhas. in marg. et fragm. Vatic. que abest a Moret. sec. Porro Burm. conj. urbe Extuleram. 150 jacentes Menag. et Witt., sed oculi jacentes argutius quid habent quam pro carminis epici dignitate. jacenti Græv. et Leid. eleganter, jam Burmanno judice. Nec tamen deterius est jacentis, sc. Æneæ. 151 In somnis passim editum: est hoc exquisite pro in somno, per somnum. Hactenus bene. Sed, si visi adstare Penates multo manifesti lumine et quidem luna, quæ per fenestras se immittebat, non somnium esse hoc potuit. Et inf. 173 Nec sopor illud erat etc. Quod si hoc forte aliter expediri posset: tamen prius illud necessario requirere videtur Insomnis, quod alii habent, ut vigilant species deorum fuerit exhibita. Dubitationem recte movit etiam Trappius; datam solutionem vix probes. insomnes pr. Rottend. manifesto lumine aliquot ap. Heins. sollenni aberratione. manifeste Leid. 152 incertas Menag. pr. 153 Deesse hunc versum in multis exemplaribus, Serviana monent. Cum Goth. sec. 154 Quæ t. d. Ortygiæ Sprot. Quid tibi Parrhas. in marg. dilato Hamb. sec. est abest a tribus Burm. 155 Hinc tert. Rottend. en ultra Hagen. en tua nos ultro Dorvill. nos ultroque Puget. lumina Hamb. sec. 156 incensaque tua Wall.

jubeat tentare auxilium laborum, qua ex re petere remedium malorum, scilicet pestilentiae.

147—171. Viso nocturno a Penatibus edocetur Æneas, non Cretam, sed Italiam fati ipsi esse destinatum sedem. De viso hoc et Penatium forma v. Excurs. IX ad Æn. II, 293. Sunt divi iidem qui Penates, et declarative dictum: Penates et effigies sacrae divum, fere ut sup. vs. 12. 152. insertas fenestras simpl. dictum accipe pro: fenestras, quæ sunt in pariete. cf. Burm. Multa hic Guell. Cerda post Serv. perperam argutantur. Videri potest vocabulum nimis exile pro epica dignitate. Verum tenendum illud, fenestras esse aper-

turas in pariete: non quæ nos dicimus prætenta iis specularia. Sic II, 482 in foribus lato dedit ore fenestram. Simili modo πύλαι de apertura, qua insertæ sunt fores. Aliter Apollon. III. 822.

155. tua ad limina. atqui servabantur jam in Æneæ domo? Scilicet de ipso cubiculo limina accipienda. 156—160. Nos—Iidem tollemus etc. tua arma, non proprie, sed imperium, ductum; et sic Servius; melius, quam si turbam, quam ducebat, accipias; mox, sub te, h. e. te duce. tollemus in astra non ad Cæsaris apotheosin, ut jam Servius, mox alii, sed, quod docet adjectum: Imperiumque urbi dabimus, ad summum potentiae fasti-

Nos tumidum sub te permensi classibus æquor :
 Idem venturos tollemus in astra nepotes,
 Imperiumque urbi dabimus. Tu mœnia magnis
 Magna para, longumque fugæ ne linque laborem. 160
 Mutandæ sedes. Non hæc tibi litora suasit
 Delius, aut Cretæ jussit considerare, Apollo.
 Est locus, Hesperiam Graii cognomine dicunt:
 Terra antiqua, potens armis, atque ubere glebæ ;
 Ænotri coluere viri : nunc fama, minores 165
 Italiam dixisse, ducis de nomine, gentem ;
 Hæ nobis propriæ sedes ; hinc Dardanus ortus,

157 *permissi* Sprot. a m. pr. *permesi* olim in multis, ut Serviana monent, addito : *Hic versus variasse dicitur* ; quod ad istam scripturæ varietatem refero. 158 *ad astra* Mentel. pr. et Serv. Fuld. ad I, 22 cum his Goth. 160 *neu Hamb.* pr. *furorem* Wall. a m. pr. 161 *suadet* Sprot. pro var. lect. 162 *haud* aliquot Pieriani, Ven. et ed. pr. variatione sollemni, quam et paullo ante vidimus. in *Creta* e Cledonio Heins. Porro *Crete, Creta*, certe librariorum aberrationes. consistere Goth. pr. Hamburg. pr. et ed. pr. perpetuo lapsu. *considerare* jussit duo Heins. et aliquot Pier. 163—166 *idem* vss. sup. I, 530—533. 165 *Ænotrii* Medic. et alii, male. v. sup. I, 532. *tenuere* Wall. et Uratisl. perpetua mutatione. 166 *duxisse* fragm. Vatic. aliquot Pier. et Montalb. *gentes* duo ap. Borm. 167 *Hæc* Menag. pr. et Franc. *vobis* Franc. *hæc vobis* Witt. *hæc propriæ nobis* Wall. *hic D.* tert. Mentel. a pr. m.

gium refero ; quod fere cum gloriæ ac famæ summo fastigio conjunctum esse solet, de quo proprie illa dicuntur. *mœnia* refer ad Lavinium, ab Ænea conditum. Sup. II, 295 diserte jam dicta vidimus : Penates—*his mœnia quare, Magna pererrato* *statues quæ denique ponto.* magna enim sunt, propter magnarum rerum seriem ex hujus urbis primordiis aptarum ; si tamen, quia *Urbi*, quod modo antecedit, ad Romam potius spectare videtur, etiam *mœnia magna* de Roma acceperis, etsi hæc Æneas non condidit, potest tamen *parare* ea a poeta dici, quatenus ea omnia exequitur, quæ condendam urbem eventum antecedere fatale erat. *magnis* h. e. nepotibus, ad tantam imperii opumque magnitudinem perventuris ; (nisi ducas a neutro, *magnis* re-

bus, eventis) nec, propter molestias, detrecta navigationem ad ulteriora loca. Mox v. 162 *Cretæ considerare* pro in Creta, docte.

163—166. *Idem* versus intexti erant supra lib. I, 530—533, ubi vide.

167—171. *Hæ nobis propriæ sedes.* Supra ad Apollinem v. 85 *Da propriam, Thymbrææ, domum.* De Dardani origine ex Italia v. Excurs. VI ad h. l. *Iasius pater*, si de Dardani patre accipias, habet tum a quo expeditam interpretationem. Sed e Servio, qui e vetustioribus fabulas servavit, apparet, secutos esse Italos hac in re Græcos mythos, qui Iasium Dardani fratrem tradidere, cum quo is in Samothraciam abiit, ut adeo *pater* posteritatis respectu dictus sit. Nam, si *multum ætate*

Iasiusque pater, genus a quo principe nostrum.
 Surge age, et hæc lætus longævo dicta parenti
 Haud dubitanda refer: Corythum, terrasque requirat
 Ausonias. Dictæa negat tibi Jupiter arva. 171
 Talibus attonitus visis, ac voce deorum,
 (Nec sopor illud erat; sed coram agnoscere vultus,
 Velatasque comas, præsentiaque ora videbar.
 Tum gelidus toto manabat corpore sudor.) 175
 Corripio e stratis corpus, tendoque supinas
 Ad cælum cum voce manus, et munera libo
 Intemerata focis. Perfecto lætus honore
 Anchisen facio certum, remque ordine pando.
 Agnovit prolem ambiguum, geminosque parentes; 180

168 *vestrum* ed. Ven. Cum *Dardanus pater* potius commemorandus h. l. videatur, quam *Iasius pater*, cogitare possis leg. *Dardanus Iasiusque patres*. Sed potest poeta idem voluisse et altero loco neglexisse: *Dardanus pater Iasiusque pater*. Omnino si semel manifestum fit aliquo in loco, poetam noluisse accurate loqui, in singulis hærendum non est. 169 hæc abest a Witt. 170 *dubitata* Zulich. *Corythum* scriptionem e libris et ratione grammatica restituit Heins. Est enim Κόρυθος. Vulgo *Coritum*, et librariorum ludibria: *Choritum*, *Chorythum*, *Corintum*. v. Burm. h. l. et ad Rutil. Itin. I, 600. requirat Heias. cum melioribus, etiam fragm. Vatic. v. Bened. Vulgo alii *require*. Nonnulli *requiras*. 172 *jussistres* ap. Burm. et voce Medic. cum al. Heins. et Pier. 174 *Vittatasque* Wall. ex interpr. 175 *pectore* duo Burm. Parenthesin vix necesse ad hujus versus finem continuare. Poeta data opera ἀράκτως loqui potuit tali in re; tumque versus sic decurrunt; *Talibus attonitus visis ac voce deorum* (scil. factus sum.) Nec s.—*manabat corpore sudor*. 176 *e* deest aliquot Pierianis et Franc. ex Voss. ex structis Dorvill. cf. Burm. 178 *Præfecto* Franc. 179 *Anchisem* multi. 180 Nonius forte *incipitem*. sed v. Heins.

provectum ita designari cum Holdswortho statuas, vix probe feceris. Igitur cum a quo necessario ad *Dardanum* referendum sit, sic locum expono, ut dictum sit pro: a quibus, seu: *Dardanus, cum Iasio, a quo Dardano* etc. princeps h. l. auctor stirpis vel generis. *Corythum* de ipso rege ac conditore Cortonæ accipit Cluver. Ital. ant. p. 592. Scilicet dictus conditor pro ipsa urbe, et h. l. pro tota Italia, saltem Etruria ac finitimo Latio, ut ap. Rutilium *Corythi populos* Tyrrheniæ malim exponere, et inf. IX, 10 *extremas Corythi penetravit ad urbes*. *Dictæa arva*. IV

Georg. 152 *Dictæo cali regem pavere sub antro*.

172—189. *Aneas* expergefactus visum religiose expiat, mox patri exponit; qui, antiquæ famæ recordatus, responso parere jubet. Ita Creta disceditur. 174. *Velatæ comæ*. Erat adeo Penatium caput vitta redimitum. cf. Excurs. IX ad II, 293. et Pompon. Sab. ad h. l. 175. Ad Ennii ductum apud Macrob. VI, 1. 177. *munera intemerata*, vinum purum, pure, rite libatum. quod *munus*, mox honos.

180. 181. Agnovit duplicem Trojanorum ortum ac stirpem; alteram

Seque novo veterum deceptum errore locorum.
 Tum memorat : Nate, Iliacis exercite fatis,
 Sola mihi tales casus Cassandra canebat.
 Nunc repeto, hæc generi portendere debita nostro ;
 Et sæpe Hesperiam, sæpe Itala regna vocare. 185
 Sed quis ad Hesperiae venturos litora Teucros
 Crederet ? aut quem tum vates Cassandra moveret ?
 Cedamus Phœbo, et moniti meliora sequamur.
 Sic ait : et cuncti dicto paremus ovantes.
 Hanc quoque deserimus sedem, paucisque relictis 190
 Vela damus, vastumque cava trabe currimus æquor.

181 *decepto* Rottend. tert. *errore viarum* pr. Hamburg., sed v. Burmann. e. *parentum* aliquot Pier. 182 *Italicis* Sprot. *flamnis* Goth. tert. a m. pr. *factis* fragm. Vatic. 183 *casus tales* duo Burm. *canebas* pr. Hamb. *monebat* sec. Moret. *tenebat* Goth. pr. In Witt. hic versus post sequentem legebatur ; perperam. 184 *Nam* Exc. Burm. 185 *vocavit* Hugen. 186 *Italiæ* Montalb. ab H. v. *litore* Ven. ex interpolat. 187 *ut quem* nonnulli. *quem tu alii. quem etiam* Wall. *moneret* multi ap. Pier. et Burm. *moveres* pr. Hamb. a m. sec. 188 *Credamus* Ven. *moniti* et Montalb. *majora* s. alter Hamburg. Comparatur Iliad. A, 216. *sententia* duntaxat. 189 *dicto* Heins. e *melioribus*, et tanquam concinnius. Est scilicet alterum *dictis* prosaicum. *dictis cuncti* multi. Versus 192—195 videbis inf. V, 8—11, sed partim variatos.

a Dardano, alteram ductam a Teucro; adeoque *ambigua proles* ipsi sunt Trojani, qui et Dardani et Teucrici (et hi sunt *gemini parentes*) genus erant. Agnovit porro Anchises in interpretando Apollinis Delii oraculo, cum *antiqua mater* et *prima telus* esset exquirenda, se *deceptum* esse *novo errore veterum locorum*. h. e. errore circa loca vetera interpretanda; quod duas terras, a quibus stirpis Trojanæ auctores olim originem traxisse vetus fama erat, nunc non distinxerat, sed alterius adventus, Dardani scilicet, ex Italia immemor, in altera terra, unde Teucer venit, tantum hæserat. Igitur *vetera loca*, terræ vetere aliqua fama celebratæ, tanquam eæ, unde Trojani originem haberent; et *novus error*, quatenus a se nunc, adeoque seriore ævo, erratum est circa hæc loca interpre-

tanda: etsi *novus* solito more post *vetus* ornatus caussa adjectum. Satis expeditus videtur locus, vexatus a Servio aliisque. cf. Exc. VI ad h. lib.

183—188. Cassandrae vaticiniis nunquam creditis egregie utitur poeta. cf. de iis inf. X, 67. 68. Disquis. II s. VI. *tales casus*, hanc nostri generis fortunam, ut ad Hesperiam, unde Dardanus generis auctor erat oriundus, nobis sit revertendum. 184. 185. Nunc bene *repeto* memoria, eam *portendere*, prædicere, hoc esse *debitum*, fato, *generi* nostro, et eam multum memorare Hesperiam et novum regnum in Italia. De ignorata Hesperia cf. Excurs. XV ad II, 781 et Disquis. II, l. c.

190. *paucis relictis* recte. Nam urbs Cretæ fuit, Pergamum. 191. Ἡ δ' ἔθιεν κατὰ κύμα aliquoties Homerus. v. ad Iliad. A, 483.

Postquam altum tenuere rates, nec jam amplius ullæ
 Apparent terræ, cælum undique et undique pontus :
 Tum mihi cæruleus supra caput adstitit imber, 194
 Noctem hiememque ferens ; et inhorruit unda tenebris.
 Continuo venti volvunt mare, magnaue surgunt
 Æquora ; dispersi jactamur gurgite vasto.
 Involvere diem nimbi, et nox humida cælum
 Abstulit ; ingeminant abruptis nubibus ignes.
 Excutimur cursu, et cæcis erramus in undis. 200
 Ipse diem noctemque negat discernere cælo ;
 Nec meminisse viæ media Palinurus in unda.

193 *ulla apparet tellus* codd. et edd. ap. Macrob. V Sat. 3, sed v. Heius. 194 *insti-*
titit Hugen., ut ingruit, ἐνέπεσεν. 196 *volvunt* Gud. *volvent* pr. Moret., vel *agitant*
 sec. Hamb. 197 *juctatur* Mentel. tert. a m. pr. turbine Exc. Burm. et alter Hamb.
 198 *cælo* pr. Mentel. a m. pr. et alter Hamb. nimirum diem abstulit. 199 *abrupti n.*
ignes Moret. sec. et sic Giphon. legit secundum Laeret. II, 40 et Lambin., sed et alte-
 rum hoc, quod omnes libri cum fragm. Vatic. tuentur, bene dici solet, etiam poetæ,
 nubes, cælum, ruptum, abruptum, scissum fulmine. v. Drakenb. ad Sil. Ital. III, 196. *im-*
bribus Goth. sec. 200 *cæcisque* sec. Hamb. et *cesis* Wall. 201 *discernere* pr. Hamb.
discrimine Sprot. 202 *viam* Medic. mediis P. in undis ed. Ven.

192—195. Homius P. III, c. 21 in
 his tautologiam inesse arbitratur.
 Videtur vir sagacissimus parum pro-
 bare, quæ plenior copia a poeta ela-
 borata sunt. Sane hæc: *et inhorruit*
unda tenebris, de mari nigrescente, et
 illa: *Noctem hiememque ferens* h. e.
 tenebris cælum obducens, conjuncta
 sunt; nec tamen sunt eadem. Sed
 quis, nisi omni carminis suavitate
 sublata, poetæ neget hoc, ut rem
 primum simpliciter exponere, mox
 eandem ornatus, gravius, copiosius,
 declarare possit? modo illud teneas,
 fieri id non posse, nisi in notionibus
 seu orationis partibus emiuentibus
 inter cetera. *inhorruit unda tenebris*.
 Mare horret, exasperatur, fluctibus
 motis: quatenus ii nigri sunt, dicti
 sunt *tenebræ*. Tempestatem autem
 ortam puto cum flexu circa Pelopon-
 nesi promontoria; exemplo Homeri
 in Ulysse Odys. I, 80; nam ibi mare

undosum, æstus et procella, ex Æ-
 gæo Ionium mare petentibus etiam
 nunc sollicitudinem faciunt. *cærule-*
us, niger, supra caput adstitit imber,
 ex Hom. Od. M, 405 sq. item 2, 301
 sqq. explicandum, unde totus locus
 hic et inf. V, 8 sqq. expressus, Δὴ
 τότε κυανίνην νεφέλην ἴστησε Κρονίων
 Νηὸς ἐπὶ κεφαλῇς. Etiam alias κατ'
 ἄκρης, a vertice, ἐνέπεσεν ἄελλα, vel
 τὸ κύμα. v. sup. ad I, 114. Profecit
 quoque ex Homero Apollon. IV,
 1694. Mox *magna æquora*, grande
 voc. h. e. magni fluctus, et *gurgites*
 de mari sup. I, 118.

198—202. *Involvere diem nimbi*.
 Procellæ adspectum cæli, lucemque
 ac solem, eripiunt. *nox humida, tene-*
bræ ex pluvia. cf. sup. I, 88. 89.
Fulmina ingeminant se abruptis nubi-
bus. Fulmine nubes, cælum, rumpi,
abrumpi, scindi, findi, dicitur. Alias
 ipsum fulmen rumpit sc. se, erumpit,

Tres adeo incertos cæca caligine soles
Erramus pelago; totidem sine sidere noctes.
Quarto terra die primum se attollere tandem 205
Visa, aperire procul montes, ac volvere fumum.
Vela cadunt; remis insurgimus; haud mora, nautæ
Adnixi torquent spumas, et cærule verrunt.
Servatum ex undis Strophadum me litora primum
Accipiunt, Strophades Graio stant nomine dictæ, 210
Insulæ Ionio in magno: quas dira Celæno,

203 *Tres* codd. et grammatici ap. Heins. *treis* Schol. Horat. Vulgo *tres*. *cæca in caligine* Ven. et Parrhas. *cæca incertos* c. aliquot Pier. *cæca* redit post *cæcis* v. 200 et *unda* post *undis*. 204 *Erramus vento* Parrhas. et *totidem* Hugen. *totidem* et Montalb. utrumque etiam in Pierii codd. occurrebat; recte sublatum. Porro Serviana ad h. v. *Hinc Pelopis gentes Maleæque sonantia saxa*. Circumstant, pariterque undæ terræque minantur. Pulsamur saxis et circumstatimur undis. Hi versus circumducti inventi dicuntur, et extra paginam in mundo (h. e. margini alliti; ab indoclo utique interpolatore). Circumductos versus Burm. ex Suet. Aug. 88 interpretatur. 205 *primo* tert. Mentel. 206 *vellere* f. Hugen. *ducere* f. Medic. Pierii. *sumum* Zulich. pro var. lect. 207 *remisque* Hugen. *insurgunt* sec. Moret. et Parrhas. cf. Burm. 208 *obnixi* Nonius, sed v. Heins. *adnisi* Ven. Versus denuo occurrit IV, 583. 209 *prima* Medic. et Gud. 210 *Excipiunt* lidem cum fragm. Vatic. et multis aliis, et sic etiam Pierii aliquot. Sed *accipere* poetæ solenne. *stant Graio* pr. Hamb. *stant de Franc.* 211 *I. in magno Ionio* pr. Hamb. in deest Zulich. a.m. pr. nec alibi: quod miror; nam melius abesse in videtur: etsi verum est, poetam æque bene *Insule in Ionio* scribere potuisse. Verum, quod negari nequit, Virgilius græcismum et doctrinæ auctoritatem etiam in his hiatus affectavit. Idem studium elucet in syllaba tono producenda, etiam ubi alia satis commoda oratio et verborum junctura suppetebat; enim spectasse scilicet arbitror partim hoc, ut, oratio gravitatem haberet, etiam duriore junctura, partim ut exquisitiorem rationem inferret exemplo Græcæ orationis.

Hæc semel tenenda in poetis. v. Lect. Var. et cf. sup. Georg. III, 259. *cæcis in undis*, ignoto in mari, incerto. Nam *cæca* dicuntur ea quoque, quæ cerni nequeant. *meminisse*, pro noscere, tenere cursum navis.

203. *incertos soles, dies*, propter iter incertum. Servius: obscuros, ut Æn. VI, 270 *incerta luna*: quod melius, adjuncto: *cæca caligine*. Ante oculos autem locus Odys. E, 388 sqq. cf. I. 74 sq. et multo magis Apollon. IV, 1694 sqq.

205—208. Pulcri versus ad sensus veritatem in prospectu terræ ex alto. Terra *aperit* montes, dum in conspectum eos admovet, ex quo ipsa

visa est. *volvere fumum* incensis passim ignibus in litoralibus habitationibus: ut fieri solet. Nam de nebulis se attollentibus accipere velle, esset physici, non ejus, qui poetam interpretatur. cf. Odys. K, 99 et al. *Vela cadunt*, demittuntur, ut, tanquam in locis vadosis, remis insurgimus, dum elevatur corpus magnum ad nisum. exquisitius quam innititur, incumbimus. cf. inf. 560. V, 189. Græcis ἰμβαλεῖν ταῖς κόπαις sc. τὰς χεῖρας. *spumas, cærule*, pro mari. Adumbrati versus ex Ennii Annal. XIV. v. Fragm. Enn. p. 103. 104.

210—215. *Strophades* insulæ duæ

Harpyiæque colunt aliæ, Phineïa postquam
 Clausa domus, mensasque metu liquere priores.
 Tristius haud illis monstrum, nec sævior ulla
 Pestis et ira deûm Stygiis sese extulit undis. 215
 Virginei volucrum vultus, fœdissima ventris
 Proluvies, uncæque manus, et pallida semper
 Ora fame.

Huc ubi delati portus intravimus : ecce
 Læta boum passim campis armenta videmus, 220
 Caprigenumque pecus, nullo custode, per herbas.
 Irruimus ferro, et divos ipsumque vocamus
 In partem prædamque Jovem. Tum litore curvo
 Extruimusque toros, dapibusque epulamur opimis.

212 *Phineïa*. *Pheneïa* duo Burm. *Phyneïa* fragm. Vatic. 214 *Tristior* haud illis
monstris Witt. aut Medic. et ed. Junt. illo Schol. Juven. IX, 38. *haud sævior* Ven.
 215 *a stygiis* tert. Rottend. 216 *vultus volucrum* pr. Hamb. 220 *Læta* Goth.
 tert. *passis* idem. in campis Goth. sec. 221 *caprigenumque* genus alter Hamb. et sic
 Cod. Thuan. Macrobi VI Sat. 5. *per herbas* ex optimis et plurimis revocavit Heins.
 adde Pierium. Vulgo *per herbam*. 222 *et abest a binis* Burm. 223 Restituit or-
 dinem verborum ex libris Heins. post Pier. Vulgo *In prædam partemque*. mox tunc
 vulgo alii. 224 *que abest ab ed. Junt. post dapibus*.

in mari Ionio, ex adverso Pelopon-
 nesi ante Zacynthum sitæ; olim
Plotæ dictæ. Sed, propulsis ex Phi-
 nei domo ad eas usque insulas Har-
 pyiis, Boreæ filii *ὑπὸ στρεφον ἀψὲς ἐπὶ
 νῆα*, unde *Στροφάδες* dici cœperunt.
 vid. Apollon. II, 285. 296 sq. Apol-
 lod. I, 9, 21 et Notas p. 190 sqq.
 Quid autem poetam ad eas dedux-
 erit, quæsitum videbis Excurs. I ad
 h. lib., ubi de accessu ad Zacynthum.
 Mox in *magno* non argutandum.
 Dictum ut omnino *mare magnum*,
terra magna. 213. *clausa domus* h.
 e. ex domo Phinei expulsæ a Zetho
 et Calai. 215. *ira deum* h. l. res, quæ
 ab ira deum venit, a diis iratis immit-
 titur.

216. 7. 218. De Harpyiis earum-
 que facie in anaglyphis et in geminis
 obvia v. Exc. VII. *ventris proluvies*

sic satis honeste pro sordibus effusis,
uncæ manus, ungues, ut Servius: *γάρ-
 ψώνυχες* enim Harpyiæ. inf. 233 *pedi-
 bus uncis*.

219 sq. Habuit poeta ante oculos
 episodum Odys. M, 262 sqq., qui
 locus conferendus, de armentis in
 insula Solis. *læta armenta*, pinguis
 jam Serv. exposuit; puto, ad aspectu
 læta, *καλά*; ut *seges* et alia. *capri-
 genumque pecus* ex Pacuvio et Attio
 ductum, (v. Ursin. ad h. l.,) pro ca-
 pris. nullo custode, scil. erant armenta
 consecrata alicui numini, *ἀντιμύνα*,
ἀφειρωμένα, h. l. Harpyiis: ut apud
 Homerum Soli. Unde Harpyiarum
 ira inf. 247. 223. *In partem vocamus*
 honestius quam, *participem facimus*.
In prædam vocamus, parte carniam
 tostorum religiose diis apposita: (cf.
 Cerda.) ut in epulis mos erat carniam

At subitæ horrifico lapsu de montibus adsunt 225
 Harpyiæ, et magnis quatiunt clangoribus alas,
 Diripiuntque dapes, contactuque omnia fœdant
 Immundo; tum vox tetrum dira inter odorem.
 Rursum in secessu longo sub rupe cavata,
 Arboribus clausi circum atque horrentibus umbris, 230
 Instruimus mensas, arisque reponimus ignem.
 Rursum ex diverso cœli cæcisque latebris
 Turba sonans prædam pedibus circumvolat uncis;
 Polluit ore dapes. Sociis tunc, arma capessant,
 Edico, et dira bellum cum gente gerendum. 235
 Haud secus ac jussi faciunt, tectosque per herbam
 Disponunt enses, et scuta latentia condunt.
 Ergo, ubi delapsæ sonitum per curva dedere
 Litora, dat signum specula Misenus ab alta
 Ære cavo. Invadunt socii, et nova prælia tentant, 240
 Obscenæ pelagi ferro fœdare volucres.

225. *Ex Voss. Ac Witt. subito valgo ante Heins., qui meliores secutus est. horrifero*
Sprot. de montibus altis Goth. sec. 226 plangoribus aliquot Pier. allas et in marg.
halas Parrhas. aures (f. auras) Gud. et Puget. Servius hæc habet ad h. v. "Sed sanè
hic versus, qui circumductus est (cf. sup. ad v. 204), talis auditur: resonant magnis stri-
doribus alæ." 229 rursus in aliquot Pier. rursus secessu un. Leid. 230 Idem fere
versus sup. I, 311. ubi v. de epitheto, horrentibus umbris. clausam Medic. Gud. et Men-
tel. pr., sed priores illi duo expuncta m. clausa sex ap. Heins. et Burm. et Goth. tert.,
quod sane ferri possit. clausum Franc. clausas conj. Heins. et sic Uratist. omnia perpe-
ram. 231 ignes duo. mensis arisque v. ignes sec. Hamb. imponimus Montalb. et sec.
Menag. 232 celo Zulich. a m. pr. tenebris Leid. 233 dapibus Goth. tert. a m.
pr. T. i. pedibus subito c. aliquot ap. Pier. Iungenda turba pedibus uncis, sonans, c. 234
socii tres Burm. cum Goth. tert. capessunt sec. Hamb. capessant Franc. 236 et j.
Witt. faciunt tert. Rottend. rectosque Montalb. per herbas Parrhas. cum aliquot Pierii. cf.
ad v. 221. per orbem pr. Rottend. pro var. lect. 238 delapsæ Heins. cum melioribus
libris maluerat. Sed recte ab eo discessit Burm.; nam ex alto delabuntur in mensas
Trojanorum, non in diversas partes. dederunt sec. Hamb. 240 captant un. Leid.
241 ferro pelagi Parrhas. fœdare explicui, vulnerare: Et occurrit illud hoc sensu sim-
pliciter dictum, nulla ratione etymologiæ habita: et lib. II, 55 ferro Argolicas fœdare
latebras; ubi v. not. fatendum tamen b. l., ubi de fœdis volucris agit, parum ac-
commodatam videri vocem. Et erant alia ad manum: v. c. temerare. In lib. I, 527
erat ferro populare.

tanquam ἀπαρχάς diis consecrare.
 torus ornatus rem tenuem, cespitem.
 225. lapsu, volatu, ut sæpe, adsunt,
 advolant. Mox vox dira, stridor.

229. in loco longe remoto. 231.

aris simpl. focis; sed alterum voc.
 gravius. argutatur Serv. cum al. 234.
 Polluit plus quam contingit devo-
 rando.

238—241. Sonitum clangorem ala-

Sed neque vim plumis ullam, nec vulnera tergo
 Accipiunt; celerique fuga sub sidera lapsæ
 Semesam prædam et vestigia fœda relinquunt.
 Una in præcelsa consedit rupe Celæno, 245
 Infelix vates, rumpitque hanc pectore vocem:
 Bellum etiam pro cæde boum stratisque iuven-
 Laomedontiadæ, bellumne inferre paratis,
 Et patrio Harpyias insontes pellere regno?
 Accipite ergo, animis atque hæc mea figite dicta: 250
 Quæ Phæbo pater omnipotens, mihi Phæbus Apollo
 Prædixit, vobis Furiarum ego maxima pando.

242 *vulnere* alter Hamb. 243 *sidere* duo pr. Moret. 244 *semessam* Parrhas. *semensam* Gud., qui et *relinquunt*. 246 *rumpitque* Heins. e suis. Vulgo *rupitque*. 247 *bella* pr. Hamb. v. Burm. *jam pro Goth. tert. cæsisque j.* pr. Moret. 248 *bellum-*
que aliquot Pier. 249 *Ordo verborum revocatus est e scriptis et editis ab Heins.*
post Pieriam. Vulgo alii patrio *insontes Harpyias*. Nec refert quo ordine hæc se exci-
 piant, modo ne cum Heinsio *Harpyias* ad quaternas syllabas revoces; est enim in Græ-
 cis et in Romanis poetis trisyllabum: quod monuit quoque adversus Heins. Schrader.
 præf. Emendati. p. 39. *Arpias insontes* Wall. 250 Heins. distinxit post *ergo*, alii
 post *animis*. Nil refert. cf. Burm. *figite dextra* Medic. a pr. m. 252 *ego* deest aliquot
 Burm. et Pierianis.

rum ex 228. *Misenus* tubicen classis
 inf. VI, 164. 165. et Excurs. VII ad
 e. I. *tentant nova prælia, fœdare*,
 græce, ut fœdent, mutilando, cæden-
 do, vulnerando, *obsceas*, fœdas visu
 olfactuque, *volucres pelagi*; ex alto
 enim advolant, Servius eo refert,
 quod Ponti et Terræ, seu, secundum
 alios, Neptuni proles habitæ fuerint.
 Sed Ponti dicendæ erant neptes se-
 cundum Hesiodum. cf. Apollod. I, 2.
 6; et hoc sequi possumus, nec impe-
 dit, quod *Stygiis undis* v. 215 prove-
 nisse dixerat. Est enim hæc poetica
 forma, ubi de malæ rei origine
 agitur.

245. Quem poeta in hoc secutus
 sit, ut unam Harpyiarum fatidicam
 induceret, non liquet. Tribui tamen
 iis potuit, quod interdum Furiis,
 quibus assimilantur v. 252, ut mala

denuntient. *infelix vates* simpl. dira,
 sinistra. Servius: nuntia infelicitatis,
 ut Iliad. A, 106 *Μάντι κακῶν, rumpit*
vocem sup. II, 129. edit.

247. Ingeniose ex eo, quod sup.
 220 armenta mactaverant Trojani,
 petitur cum epularum fœdatio, tan-
 quam pro vindicta et pœna, tum
 prædictio famis futuræ.

250—252. Ἄλλο δὲ τοι ἱρίω, σὸ δ'
 ἐνὶ φρεσὶ βάλλω σῆσι Iliad. A, 297 et
 alibi. Porro Apollinem, quæ dicit, a
 Jove habere, res nunc nota. cf. vel h.
 I. Cerdam et Burm. ad Serv. Verba
 ex Æschyli fabula, Ἱέρεια inscripta,
 petita esse vult Macrob. V Sat. extr.
 Πατρὸς προφήτης ἐστὶ Λοξίας Διὸς. et
 ταῦτα γὰρ πατὴρ Ζεὺς ἐγκαθίει Λοξίᾳ
 θεσπίσματα. *Furiarum ego maxima*,
 scilicet confusæ tandem fuere Har-
 pyiæ cum Furiis. Ex his alia est

Italiam cursu petitis, ventisque vocatis
 Ibitis Italiam, portusque intrare licebit.
 Sed non ante datam cingetis mœnibus urbem, 255
 Quam vos dira fames nostræque injuria cædis
 Ambesas subigat malis absumere mensas.
 Dixit; et in silvam pennis ablata refugit.
 At sociis subita gelidus formidine sanguis
 Deriguit; cecidere animi; nec jam amplius armis, 260
 Sed votis precibusque jubent exposcere pacem,
 Sive deæ, seu sint diræ obscenæque volucres.
 Et pater Anchises passis de litore palmis
 Numina magna vocat, meritosque indicit honores:

253 Post *vocatis* interpungunt codd. ap. Heins. et Burmannum, qui ita malit: *ventosque vocatis*. Sed cf. not. *petitis cursu* Franc. 254 *que abest* ab sec. Mentel. a m. pr. 257 *subigit* uo. Leid. *subiget* Voss. *assumere* nonnulli. *consumere* alter Hamb. a m. sec. 258 *in silvas* aliquot Pier. Parrhas. et ed. Ven. *pinnis* Medic. Gad. et tert. Mentel. et Serv. ad v. 246. 260 *Deriguit* Heins. e libris. Vulgo *Diriguit*. non Zolich. *jam deletum* in Parrhas. 262 *diræ* Parrhas. 263 *Et* Heins. e codd. Alii vulgo *At*. En Sprot. a m. sec. et Parrhas. *sparsis* Zolich. 264 *que abest* a Leid. *indicit*, quod de votis factis accipio, præclare e codd. et edd. Junt. aliisque revocavit Heins. Vulgo *vitiose inducit*.

nata major et minor. v. c. Eurip. Iphig. in Taur. 963. Or. 961. cf. Excurs. VII ad h. l.

253—257. *ventis vocatis* doctius quam ventum secundum nacti. Scilicet *vocat* ventum nautæ, dum velis excipiunt; ut apparet v. c. inf. V, 211. VIII, 707. 708. *datam*, fatis concessam, ut bene Serv., vel prædictam. Sic I, 382 *data fata secutus*. 255. Sedes certas non inveniatis antequam mensas comederitis. Eventum res habuit lib. VII, 116. *nostræ injuria cædis* dictum cum vi; assumenda enim animo ultio et poena huic injuriæ debita. Ingeniose fama antiqua de mensis ambesis adhibita et tracta est ad poenam injuriæ Harpyiis illatæ. De vaticinio v. Excurs. VIII ad h. l. et Exc. II ad lib. VII.

260. 261. *Exposcere pacem*, veniam,

eorum, quæ in Harpyias peccaverant, ut et apud Apollon. II, 252. 3. Boreadæ verentur ne ἀρνυ committingant depellendis Harpyiis, placare eas, sive deæ sint, seu monstra, et quidem *votis precibusque*: non armis. De pace proprio dicta, quæ et armis peti potest, hic agi non potest. Itaque ea forma orationis est, ut non quidem ellipsis sit inferenda, verum de inversa et immutata oratione sit cogitandum. Principio poetæ animo insidebant hæc verba; *nec jam armis, sed votis precibusque esse utendum*; alterum hoc sic extulit: *sed votis precibusque deorum pacem esse exposcendam*. Nam pax est propitia, propensa, voluntas.

263—267. *Honores* ut modo v. 178 nunc, ut diis supplicet et vota faciat. *minas*, malum sinistro vaticinio denuntiatur. et *placidi servate*

Dī, prohibete minas! dī, talem avertite casum! 265

Et placidi servate pios! Tum litore funem

Deripere, excussosque jubet laxare rudentes.

Tendunt vela Noti: ferimur spumantibus undis,

Qua cursum ventusque gubernatorque vocabant.

Jam medio apparet fluctu nemorosa Zacynthos, 270

Dulichiumque, Sameque, et Neritos ardua saxis.

Effugimus scopulos Ithacæ, Laërtia regna,

Et terram altricem sævi execramur Ulixi.

Mox et Leucataë nimbosa cacumina montis,

265 *Di*, p. nefas—pestem pr. Hamb., ut jam ex nonnullis suis notarat Pierius, *talemque a. Exo. Burm. advertite* Montalb. 266 *Dii placidi* pr. Hamb. *placide* Gud. a m. pr. s. viros Goth. pr. 267 *Deripere* Heins. e melioribus et ratione grammatica. Vulgo *Diripere. extensosque* Oudart. pro var. lect., scil. ex interpretatione. *lassare* Ven. perpetuo errore. 268 *ferimur* Heins. e Gud. et quatuor aliis; accedit pars librorum Pierii et Goth. sec. Vulgo *fugimus*. 269 *cursu* Hugen. *cursus* Goth. sec. vocabat etiam hic multi codd. Pierii, Heinsii et Burm. 270 *Zacynthos* libri et grammatici ap. Pier. Heins. et Burm. *Zacynethus, Iacynthus, Iacinthos, Iacintos* librariorum ludibria. Est *Ζάκυνθος*. 271 *Same, Samos, Samo* libri exhibent, sed plures *Same*. Medic. *Sama*. v. Burm. *Nerytos* Medic. *Nericus* Franc., male. Nam *Nericus* erat in continente oppidum v. *Odys.* II, 376. 272 *Effugimus Ithacæ scopulos* nonnulli scripti et editi ante Pierium. *Ithacæ* et L. r. Medic. Pierii, et Witt. cum Goth. sec. *Ithaci Lerceæque regna* Wall. 273 *ultricem* Goth. tert. *Ulixi* Heins. et h. l. e scriptis reposuit. Vulgo *Ulixis* vel *Ulixis*. *Ulixe* Gud. a m. pr. *Ulixes* Moret. a sec. m. *Ulixci* Medio. Pierii. 274 *Leucaten umbrosa* Sprot. *Leucatem* Oudart.

pios, ornatus in tenui, pro *servate* nos.

266. *Solvere funem*, τὰ πρηνήσια, vel τὰ πείσματα, ut in Orphic. 621. 622. at *rudentes excussi*, evoluti, antennarum sunt, ad vela pandenda. Ceterum, quod jam sup. 102. vidimus, nec hic, nec inf. 471, 2, sine iudicio Anchisæ auctoritate res parari facit poeta. cf. Excurs. XVII ad lib. II.

268. 269. Conf. *Odys.* A, 9, 10. *Tendunt vela Noti*: ἐπρησεν ὁ ἄνεμος μέσον ἰσρίων *Odys.* B, 427 et al. 270 —273. *Nemorosa Zacynthos Dulichiumque Sameque*. Δουλιχίον τε Σάμη τε, καὶ ὕλησσα Ζάκυνθος *Odys.* I, 24. ἐν ὕλῃντι Ζακύνθῳ occurrit et alibi. At Σάμη lectum fuit etiam a Virgilio, contra atque Apollodorus volebat ap.

Strab. X, p. 453 D. Sane communius nomen Samos etiam apud Homerum, quæ deinceps Cephallenia. *Dulichium* est prope Cephalleniam, unde etiam nunc parva *Cephallenia* vel *Teaki* appellatur. conf. *Wheeler* p. 35 sqq. *Neritos* Virgilio videri potuit diversa ab Ithacæ insula, ut *Mele II, 7*: et hoc malim; potest tamen etiam *Neritos*, qui Ithacæ mons est, primo loco ad designandam Ithacam positus esse, quæ mox diserte et ipsa memoratur. *scopulos Ithacæ* *Iliad.* Γ, 200. 201 Λαιρτιάδης πολύμητις Ὀδυσσεύς, ὅς τράφη ἐν δῆμῳ Ἰθάκης, κραναῆς περ ἰούσης. Ex eodem itaque loco fluxisse videntur *Laërtia regna* —*Et terram altricem Ulixi*.

274. 275. *Leucates*, ὁ Λευκάτης,

Et formidatus nautis aperitur Apollo. 275
Hunc petimus fessi, et parvæ succedimus urbi.
Ancora de prora jacitur; stant litore puppes.

275 *formidandus alter Menag.*

276 *Successimus Zulich. a m. pr.*

nobile amantum saltu promontorium Leucadiæ, seu Leucadiæ, olim peninsulæ, postea insulæ. *Hoc aperitur*, in conspectum venit (cf. inf. ad 411), *et Apollinis fanum*. Interpretes, a Servio inde, quantum video, hæc junctim de uno loco, de Apollinis templo Leucadæ imposito, accipiunt, quod sane Strabo lib. X, p. 452 B memorat. Verum habet ea res haud unam difficultatem, quam interpretes sensisse non videntur: nam primum *parva urbs* v. 276 nulla alia esse poterit quam *Leucas* in septentrione insulæ sita, ita vero non bene convenit narratio. Hunc Apollinem, hoc promontorium in *australi* parte petimus et urbi succedimus in septentrionali latere sitæ, aliquot dierum navigatione interjecta. Porro sequitur locus de ludis Actiacis celebratis; an vero illi Leucade celebrati? Manifestum porro fit, poetam hæc insecuisse in Augusti gratiam, a quo in victoriæ Actiacæ memoriam ludi Actiaci quinquennales instituti erant. cf. Dio LI pr. Actium igitur, non *Leucas*, commemorandum erat. Quocumque me vertam, quæ hic sequuntur: *quod ad hoc fanum appulerint, urbemque intraverint, ludosque Actiacos celebraverint*; meo qualicumque iudicio ad alterum promontorium ipsius sinus Ambracii faucibus prætextum ducunt: in hoc sinu Actium op-

pidum et portus tutus et fanum Apollinis Actiaci. v. Strabo lib. X, p. 451 D. VII, p. 325 A. Thucyd. lib. I, c. 29. Quod si, hoc posito, alia difficultas suboritur, quod Actium promontorium, intra sinum Ambracium situm, et intra exteriorem portum recedens, ex alto conspici et formidari nautis nequii (v. descriptionem sinus Ambracii ab Anvillio factam *Mém. de l'Acad. des Inscr.* T. XXXII, p. 215): reputandum est; Trojanos *litus legisse*: ita pervenisse ad promontorium Anactorium, quod os exterioris sinus est; hinc prospectus Actii promontorii abetur. Erit igitur oratio v. 274 et 275 *progressiva*: ut non copulentur, sed deinceps enumerentur *Et Leucadæ—Et* (sc. ulterius progressis) *aperitur Apollo*. Fuit autem nobile templum Apollinis Actiaci, idque, ut nunc ex h. l. intelligitur, in loco edito, ex more templorum; et constat jam satis ea de re e loco Strabon. VII, p. 500 B (p. 325). Itaque bene Pompon. Sab. *Apollo, id est, pars illa saxea, in qua templum Apollinis erat*. De templo conf. Sueton. Octav. 96 extr. ibique Interpp. De Apollinis signo aliquo, quod in promontorio steterit, Spencium Polymet. Dialog. VIII, p. 33 hæc accipere mireris. Nam nobilem Apollinis Actiaci statuam in templo isto fuisse necesse est ex communi more.*

* *Apollinis Actiaci signum* in multis Augusti numis et in noto Antistii denario occurrit. Male olim fallente memoria in fine notæ adjeceram, Apollinis signum esse aliquando Constantinopolin avectum. Traditum illud est de asino cum asinario: de quo Sueton. Octav. 96. Hunc Cpolin avectum in hippodromo positum esse narrat cum aliis Theodorus Metochita Hist. Rom. p. 2, 4. et Anonym. de Antiqq. Cpol. n. 315.

Ergo insperata tandem tellure potiti,
 Lustramurque Jovi, votisque incendimus aras;
 Actiaque Iliacis celebramus litora ludis. 280
 Exercent patrias oleo labente palæstras
 Nudati socii. Juvat evasisse tot urbes
 Argolicas, mediosque fugam tenuisse per hostes.
 Interea magnum sol circumvolvitur annum,

278 potitur Paget. 279 Lustramusque ed. Ven. Lustramurque deo: conj. Jo. Schrader. sc. Apollini; ut Jovi e mala interpretatione provenerit. votis inc. tert. Rottend. 280 Acciaque multi, etiam ap. Pier. Acteaeque duo. Acteaeque Voss. celebrantur un. Voss. 281 lactente Sprot. a pr. m. At v. Borm. 282 Audaces socii Paget. 283. 283 extant apud auctorem de progenie Augusti c. 12. 284 circumvertitur Zulich.

Urbis autem et templi vetustatem ad tempora Trojana revocat poeta seu auctoritate seu commento suo.

279. Antequam ludorum sollennia rite celebrari possint, expiatione et lustratione opus est. *Lustramur Jovi*, invocato Jove, cui sacrum piaculare offertur. Queritur tamen, cur Jovi, non Apollini? cui ludi ipsi instituti esse debuere. Varia commenta vides in Servianis. Sed primum ad observandum in promptu est, solenne fuisse priscis hominibus, ut in sacris cuicumque deorum factis Jovem in partes vocarent. Porro expiationes et lustrationes proprie ad Jovem referuntur, quippe ultorem et vindicem caedis omnisque piaculi, quod expiandum est. conf. Apollon. Rhod. IV, 699. 700 sq. et Schol. Aeschyl. Eumen. 444 docet, ab eo ipso Ixionem lustratum, ita ut possit pro auctore ritus haberi. Piaculum in Harpyias commissum potes cum Servio sigillatim huc trahere. *votis incendimus aras*, forma Horatio quoque frequentata: ut I, 4, 7. ubi *Vulcanus ardens urit officinas* Mitscherl. noster praeclare illustrat. docte, pro, vota in aris vel impositum thus et victimam; uti dona de victimis, de libatione et reliquis in sacris fieri solitis;

Alii, *votis*, votorum persolvendorum causa. Nam *εἰς ἐὺχαριστίας* instituti ludi, ut bene Cerda observat, ideo subdit: *juvat evasisse tot urbes* etc.

280. Proprie ludi Actiaci celebrari dicendi erant. Sed exquisitius, quoniam locus hominum frequentia celebrari et ipse dicitur, *litus Actium* h. e. Actiacum, memoravit, et *ludos Iliacos* Trojano ritu habitos. Videntur autem jam antiquitus ludi ad Actium celebrati esse, quos poeta commode in rem suam vertit. E Callimacho, *περὶ Ἀγώνων*, Harpocraton et Suidas τὰ Ἀκτια memorant; sed ea huc trahere vix ausim. Successere celeberrimi ludi Actiaci ab Augusto, ut diximus, in victoriae Actiacae memoriam instituti: de quibus v. Wernsdorf. Exc. IX ad Salsii Bassi Carm. in Pison. T. IV. p. 395.

281—183. *palæstras* pro ludis gymniciis dixit. *Oleo labente*, exquisite, quod dilabitur, diffluit, corpori illitum, fugam tenuisse, ut inf. 686 *cursum tenere*. Bene Serv. feliciter navigasse.

284. Exierat annus a Troja capta quartus. Vid. Excurs. II de *annis Errorum Aeneae* ad a. 2. *Sol circumvolvitur m. annum*, *εἰς* vel *κατὰ*, sic ut annus absolvatur, peracto annuo solis cursu. *magnum annum*, simpl. ad

Et glacialis hiems aquilonibus asperat undas. 285

Ære cavo clipeum, magni gestamen Abantis,

Postibus adversis figo, et rem carmine signo :

ÆNEAS HÆC DE DANAIS VICTORIBUS ARMA.

Linquere tum portus jubeo, et considerare transtris.

Certatim socii feriunt mare, et æquora verrunt. 290

Protenus aërias Phæacum abscondimus arces,

Litoraue Epiri legimus, portuque subimus

Chaonio, et celsam Buthroti accedimus urbem.

Hic incredibilis rerum fama occupat aures,

Priamiden Helenum Graias regnare per urbes, 295

286 *Ære novo* Sprot. *clypeo* Rottend. sec. 287 *aversis fingo* Ven. 289 *tum penitus* Goth. sec. *consistere* duo Burm. perpetua variatione, sed male h. l. 291 *ascendimus* duo Burm. cum aliis, prave. *urbes* Sprot. 292 *portusque* s. *Chaonio* Medic. a m. pr., mox correctrix manus adjecit s. Et sane *portusque* s. *Chaonios* et c. multi odd. habent, vel contra metrum, et olim, ut vel ex Servio patet, habuerunt. Hinc grammaticorum *trigæ*, de quibus v. Pier. et Heins. Sed facile est ad intelligendum, primum librarii errore factum, ut communiori more *portusque subimus* scriberetur; hinc accommodarunt alterum. Burm. putabat scriptum primo fuisse *portumque* s. *Chaonium*. *Chaonia* Zulich. E Gothanis pr. et tert. veram lectionem agnoscunt. 293 *Brutoti*, *Butroti*, *Bythroti*, *Bitroti*, *Biroti*, *Burrhoti*, et quot modis non peccatur! *accedimus* Heins. e melioribus post Pier. revocavit. Vulgo *adscendimus*. 294 *Hinc* et Mediol. 295 *Priamidemque* Wall. Versus 294. 5. 7. recitantur ab auctore de progenie Augusti c. 10.

ornatum, quoniam multos dies intra se continet; ut jam alias notatum. cf. sup. I, 269. Ad vanas argutias circa hanc vocem delabitur Catroëus. dum ad annum intercalarem lustriferet; Macrobian. Sat. I, 14 So. Sc. II, 11. ad annum solarem comparate cum anno lunari. *asperat*, exasperat, ἀγροῖ, procellarum ira. Illustrant hoc Cerda et Burman.

286—288. De clipeis votivis, cum titulo inscripto, inter donaria suspensis res nota. De Abante v. Excurs. IX ad h. l. *adversis*, ornat; in templi aditu. *carmen*, de uno versu, tenere te non debet. *hæc arma*, hunc clipeum consecravit: *Αλυσίας ἀπὸ τοῦ Σαρναίου* ut in simili re sæpe: v. c. apud Pausan. lib. I, 13, p. 31.

289—293. *portus* Portum Actia-

cum. v. ad v. 274 275. *considerare transtris*, sæpe Homer. ἐπὶ κληῖσι κάθιζον. Mox *feriunt mare*, ut toties τρέπτειν ἄλα. *abscondimus* prætervehimur Corecyram, eaque a tergo relicta, adnavigamus litori Epiri. Proprie dicendum erat: *insula absconditur nobis*, oculis nostris. Dictum *abscondere* eodem modo ut sup. v. 275 *aperitur*. cf. inf. ad 411.—*aërias Phæacum arces*, montes Corecyrae, ὄρεα σκιδέντα Γαίης Φαίηκων Odyss. E. 279. de binis scopulis ad introitum portus accipere video auctorem; qui hæc loca adiit, St. Sauveur Voyage dans les Isles Venitiennes du Levant. p. 19. subtilius quam necesse est. *portus Chaonio*, est portus Pelodes ad Buthrotum Epiri Chaonibus quondam habitatae.

Conjugio Æacidæ Pyrrhi sceptrisque potitum :
 Et patrio Andromachen iterum cecidisse marito.
 Obstupui : miroque incensum pectus amore,
 Compellare virum, et casus cognoscere tantos.
 Progredior portu, classes et litora linquens. 300
 Sollennes tum forte dapes, et tristia dona,
 Ante urbem in luco, falsi Simoëntis ad undam,
 Libabat cineri Andromache, Manesque vocabat
 Hectoreum ad tumulum : viridi quem cespitem inanem,
 Et geminas, caussam lacrimis, sacraverat aras. 305

296 *regni*que p. Leid. un. Si versus 296. 7. abessent : majorem videtur poeta mirationem moturus fuisse : etiam mox Andromache se inopinato obtulisset Æneæ. Verum has nostrorum hominum artes adspernatur Maro. 298 *incensum* est p. aliquot Pier. *incensum* pectus, ut græcismus sit, quatuor ap. Burm. *amore* est Parrhas. 299 *agnoscere* Ven. 300 *Egredior portu* et Leid. *classes* ac Hamb. pr. *classen*que et Parrhas. *linquo* Hamburg. pr. a m. sec. 301 Heins. *cum* ; ante vulgo : *Sollennes tum*, quod cum Brunckio revocavi : est enim gravior sio et minus impedita oratio ; etsi Heinsio accedit fragm. Vatic. *dapis* Gud. a m. pr. 302 *Simoontis*, *Simoontis* aberrant. *undam* duo ap. Burm. 303 *Andromachen* fragm. Vatic. 304 *cumulum* alter Menag. 305 *geminans* Sprot. cum Goth. sec. *caussa* Leid. un. *caussas* Hamb. sec.

296—305. Audito, Helenum has terras tenere, ad eum visendum pergit Æneas ; incidit in Andromachen inferias Hectori suo ferentem ; comperit ex ea fortunæ casus, quos illa subierat, et ex Heleno vate navigationis suæ ordinem usque ad novas sedes in Italia obtinendas. De hoc Heleni et Andromaches occurso in Epiro cf. Exc. X. Mirationem facit, Helenum Trojanum Græcas urbes tenere et regno ac conjuge Pyrrhi, qui Trojam everterat, potitum esse. Est hoc Episodiu inter felicissima et pulcherrima ad affectum et ad ornatum. Tragicum spiritum facile agnoscas. Convertit narrationem in drama ; finge Andromachen inferias ferentem te videre, finge loquentem audire. Si perveneris ad illa : *aut si lux alma recessit, Hector ubi est ?* palpitare pectus in sinu senties : *si tu umbra es, ubi est Hector meus*, qui in-

ter umbras nunc versatur ? patrio marito, ejusdem originis, sc. Trojanæ. Erat Helenus frater Hectoris. In *ceciderat* argutantur interpretes post Serv. Nil aliud est, quam matrimonio teneri, haberi, vel relinqui, venire in potestatem alterius viri. 291. *amorem* esse poetæ cupiditatem et studium, noli animo dimittere.

301—305. Ornati versus. *Andromache inferias ferebat Manibus Hectoris. dona* h. l. in re sacra de libatione. *Simois* erat simulatus, cf. inf. 349 sq. et 336, ut solebant coloniarum conditores patriorum locorum ac fluminum nomina transferre ad novas sedes. Hectori *tumulum viridi cespitem inanem*, h. e. cenotaphium, extruxerat. *geminans aras*, sive ut Ecl. V, 66 *Ecce duas tibi Daphni*, sive unam marito, alteram filio, Astyanacti. Utamque caussam jam Serv. attulit. Ad posteriorem refer-

Ut me conspexit venientem, et Troia circum
 Arma amens vidit: magnis exterrita monstris
 Deriguit visu in medio; calor ossa reliquit.
 Labitur, et longo vix tandem tempore fatur:
 Verane te facies, verus mihi nuntius affers, 310
 Nate dea? vivisne? aut, si lux alma recessit,
 Hector ubi est? dixit, lacrimasque effudit, et omnem
 Implevit clamore locum. Vix pauca furenti
 Subjicio, et raris turbatus vocibus hisco.
 Vivo equidem, vitamque extrema per omnia duco.
 Ne dubita: nam vera vides. 316
 Heu! quis te casus dejectam conjuge tanto

306 *Troica* Hamb. pr. 307 *Arma timens* Hamb. sec. ext. *rebus* Leid. a m. sec. cf. Burm. 308 *Deriguit* e melioribus et h. l. Heins. adde fragm. Vatic. v. sup. 260. Porro multi distinguunt post *Deriguit*; minus bene. *relinquit* duo Burmann. cum Goth. tert. 310 *verum mihi* Medic. adfert Zulich. et Exc. Burm. ita lenior oratio foret, at minus docta. 311 *an si lux* Goth. sec. 312 *effundit* tres ap. Burm. 313 *Complevit* Excerpt. Burmann. 315 *omina* fragm. Vatic. 316 *Nec* duo Burm. *Ne dubites* alter Leid. *Ne d. ne vera vides* Gud. a m. pr. *vera fides* in sex lectum videbis, sed recentibus, ap. Heins. et Burm., quod Heinsio Marklandoque arridet. Enimvero de oculorum fide, visuque adeo, hic agitur, non de narrationis et auditionis fide. Recte *vides* etiam fragm. Vatic. servat.

ri potest, quod *causam lacrimis*, adjectum est. Nisi ad religionem nescio quam spectavit, quod duæ aræ positæ sunt in inferiis: ut modo in Daphnidis inferiis vidimus. In his illa effundit *χοάς* inter lacrimas.

306—309. *Troia arma*, viros Trojanos. *monstris*, adspectu, qui ipsi monstri et prodigii instar erat. 309. *Δὴν δὲ μιν ἀμφασίη ἐπίων λάβε—Ὅψε δὲ δὴ μιν ἑπεσσιν ἀμειβομένη προσέειπε* Odys. Δ, 706.

310—313. Tune vere ades ipse? *afferne te* (cf. inf. 346) *mihi* tanquam *vera facies* viri, cujus speciem habes? tanquam *verus nuntius* tui? ut vere ille sis, quem vultus nuntiat? *aut si lux alma*, vita, *recessit*, et hæc umbra *Æoæ* est, quæ mihi apparet, *Hector ubi est*, qui et ipse inter umbras

versatur, *dixit, lacrimas effudit* etc. In hoc Andromaches *παῖτι*, piissimæ in mariti memoriam feminae, quis non magnum poetam agnoscat? conf. Excurs. X.

313. 314. *furenti*, impatienter dolenti, ut bene Serv. Omnino *furere*, *μαίνεσθαι*, infinitis locis simpl. est commoto esse animo, quacumque de causa. *Subjicio*, *ὑποβάλλω*, respondeo. *hisco* exquisitius quam *loquor*.

315—319. *extrema per omnia*, ad pericula et discrimina refer. 317. *dejectam*, *δυνότιρον* quam privatam, viduatam, Hectore. Nam *dejicimur* gradu, spe, honore, conjugio, omninoque magna aliqua re, quando ea privamur. *quis casus te excipit*, ad quam fortunæ conditionem redacta es? Servius eo refert, quod *excipium*—

Excipit? aut quæ digna satis Fortuna revisit?
 Hectoris Andromache Pyrrhin' connubia servas?
 Dejecit vultum, et demissa voce locuta est: 320
 O felix una ante alias Priameïa virgo,
 Hostilem ad tumultum Trojæ sub mœnibus altis
 Jussa mori, quæ sortitus non pertulit ullos,
 Nec victoris heri tetigit captiva cubile!
 Nos, patria incensa, diversa per æquora vectæ, 325
 Stirpis Achilleæ fastus, juvenemque superbum,

318 *qua d. Reg. digna sacris Zulich. remansit Wall. F. fuisset Goth. tert. a m. pr.*
 319 *Andromachæ Mentel. pr. Andromachen nonnulli jam ap. Pierium, et Leid. duo, pr.*
Hamb. et Exc. Burm. ut sit; quæ digna satis Fortuna revisit Hectoris Andromachen?
Pyrrhi quatuor ap. Burm. et Pirri duo Goth. Pyrrhi an c. aliquot Pieriani. servat Gud.
a m. pr. Omnia deteriora. Vulgatam exhibet etiam fragm. Vatic. Dubito tamen an n?
ab epico poeta sit. 320 dimissa alii, ut solet. submissa Exc. Burm. 321 alios
Montalb. 325 recti fragm. Vatic. 326 fastum aliquot Pier., minus poetice. fatus
alter Mentel. a m. pr., forte et Zulich., unde Heins. conj. flatus: sed v. Burm.

tur proprie, quæ cadunt; recte quidem, sed forte hic nimis subtiliter. *Excipiunt nos* ea, quæ nobis alia post alia accidunt et eveniunt. *digna satis* l. te l. priore illa fortuna. cum illa videatur meliore, quam pro captivæ sorte uti. 319. *connubia servas*, accipio, ut Gr. φυλάσσειν, pro εχειν, de iis, quibus tenemur et obnoxii sumus; pro, matrimonio juncta es, habebis. Utitur voce honestiore *connubii*, vere enim, tanquam captiva, corporis sui usum præbebat, pellicis vel concubinæ loco. Versus pulcerri- mus habet tamen, quod offendat: Rogat Æneas, an Pyrrho juncta sit Andromache. Atqui 296. jam audierat Heleno eam cessisse. Hoc erat, cur illum versum deletum esse volebam: Nec succedit, si dixeris esse: quid? tu non amplius Pyrrho juncta es? Quippe nec verba conveniunt huic sententiæ, nec sententia antecedentibus convenit.

320 sqq. Artem poetæ jam Scaligero III Poet. 14 aliisque observa-

tam facile assequeris. Andromache, casta et pudica femina, virique aman- tissima, non nisi per ambages respon- det. Felicem prædicat Polyxenam, quæ ad Achillis tumultum cæsa ser- vitutem morte anteverterit. Hæc præmittit iis quæ de se captiva a vi- ctore in amplexus accepta narratura est. Ad sequ. cf. Excursum XI. Versuum 321 sqq. color similis illi, qui erat lib. II, 785 non ego M. et I, 94. 323. Sortitio captivarum in partitione prædæ: obvia in Homero et in Tragicis. cf. Excurs. XI sub f. In v. 324 *nec—tetigit captiva cu- bile*, potuit respicere Homericum il- lud λέχος ἀντιώωσαν Iliad. A, 31, (h. e. κατὰ, πρὸς, λέχος) et similia. So- let fortuna captivarum plerumque a tristi hac necessitate designari.

325—327. At ego captiva Pyrrhi ex eo parere coacta. Cf. Eurip. Androm. 109 sq. *diversa aquora* longin- qua v. sup. v. 4. *enixa* de partu acci- piendum, ut jam post Pompon. Sab. Cerda et Heins. docuere. Nam Au-

Servitio enixæ, tulimus; Qui deinde, secutus
 Ledæam Hermionen Lacedæmoniosque Hymenæos,
 Me famulo famulamque Heleno transmisit habendam.
 Ast illum, ereptæ magno inflammatus amore 330
 Conjugis, et scelerum Furiis agitatus, Orestes
 Excipit incautum, patriasque obtruncat ad aras.
 Morte Neoptolemi regnorum reddita cessit
 Pars Heleno; qui Chaonios cognomine campos,
 Chaoniamque omnem Trojano a Chaone dixit, 335
 Pergamaque Iliacamque jugis hanc addidit arcem.
 Sed tibi qui cursum venti, quæ fata dedere?

327 *enixe* tres Burm. et sic Donatus interpretatus est; male. v. Heins. et Burm. et Pier. 328 *que* abest ab uno Leid. 329 *Me famulo famulamque* Heins. recepit; ita enim fere omnes Pieriani et Heinsiani omnes, cum Donato (adde fragm. Vatic.), excepto Hamb. pr., cui adde Goth. sec. et tert., qui tuentur id, quod olim legebatur: *Me famulam famuloque*. Ingratum tamen utramque. Non male itaque Heins. conj. *Me famulo famulam Heleno*; ut hiatum imperiti librarii ferre noluerint; etsi hiatui intercedit Schrader. Emendatt. p. 138, nec tamen aliam medelam apponit. Ingratus est versus, quocumque te vertas. Poterat tamen poeta refingere: *me famulo famulam dominus transmisit habendam*. *Me famulamque famulo* ed. Mediol. transmittit Sprot. concessit pr. Hamb. permisit Goth. tert. 330 *flammatu* Gud. et fragm. Vatic. cf. Burm. 331 *Furiis scelerum* Ven. 332 *Excipit incautum insidiis* Serv. citat ad III Ecl. 18 cum interpretamento. Mox que deest binis Burmann. 334 *Sors Heleno* Voss. haud dubie elegantias. cf. Burm. 335 *Ch. urbem* pr. Hamb. a *Trojano* tert. Rottend. dixi sec. 336 *Pergameamque* Medic. Lectum scilicet olim fuit a nonnullis *Pergameam Iliacamque*, ut ex Servio patet. Unde autem lectio illa fuerit, Pomponius Sab. memorie reliquit; *ut Apronianus*, inquit, *Pergamiam legit*; is scilicet, e cujus recensione Codicem Medicum habemus. 337 Burm. in difficultates hic nescio quas se induerat, et conj. vel qui cursum huc venti vel quo cursum venti, quo f. d. Potuisse enim Andromachen satis scire, qui venti ex Troade ferrent. Enimvero sic arguari possis et in vulgari: *quomodo huc ve-*

dromache serva Neoptolemo filium Molossum pepererat, ut vel ex Euripidis Andromacha notum.

327. Is deinde Hermionem Helenæ filiam Sparta conjugem adduxit, meque Heleno in conjugium dedit. Cf. Eurip. Androm. 1244 *Γυναικα δ' αὖ*. 330. Pyrrhum autem Orestes, cui Hermione illa, Helenæ filia, Ledæque adeo neptis, jam olim promissa fuerat, interemit patrias ad aras, Delphis, ante aram patri Achilli, tanquam heroi, factam. De reliquis circa hos versus v. Excurs. XII.

333—336. *pars reddita* simpl. data.

ut Serv. *pars* autem, respectu alterius partis Phthiæ in Thessalia. In v. 334, 335 poetainservit argumento, ut Trojanorum nomen per totum terrarum orbem clarum ac celebre habeatur, dum fabulam hanc de Chaonum nomine amplectitur. Chaones enim longe ante Chaonem Trojanum (de quo Serviana consule) et Helenum fuerunt, ex antiquissima scilicet Pelasgorum stirpe. 336. *addidit*, imposuit monti arcem Pergami nomine, tanquam in novo Ilio.

337—343. Affectus hæc muliebris plena et Andromaches ingenio con-

Aut quisnam ignarum nostris deus appulit oris?

Quid puer Ascanius; superatne, et vescitur aura?

Quem tibi jam Troja * * * * 340

Ecqua tamen puero est amissæ cura parentis;

Ecquid in antiquam virtutem animosque viriles

Et pater Æneas et avunculus excitat Hector?

Talia fundebat lacrimans, longosque ciebat

nisti? et in Odyss. A, 171 *ὅς δέ σε ναῦρας Ἕρῳον εἰς Ἰθάκην* etc.; Scilicet si vulgari sermone usa esset Andromache, quesivisset illa sic: *quo casu ad has terras accessisti?* Jam hoc poterat factum videri vel tempestate vel fato vel deorum numine. Et hinc, ut vides, expressit poeta. 338 *Quisnam* Heins., ut fere omnes libri etiam Pieriani cum fragm. Vatio. Vulgo *quis te* ex glossa. *quis jam* ed. Ven. 339 *aut v.* Exo. Barm. vescitur auras plerique codd. Pier., nec improbat Heins. Fuit etiam in Parrhas. a m. sec. et in fragm. Vatic. ubi v. p. 174. cf. ad Tibull. II, 5, 63, et sup. I, 546. 340 *Quæ tibi alter Menag.* In melioribus, inter quos Medic. Gud. fragm. Vatic., versus mancus est relictus; in aliis vario suppletus: *Quem tibi jam Troja peperit fumante Creusa.—obsessa est enixa Creusa.—Troja est obsessa enixa Cr.—Troja natum fumante reliqui; inepte omnia.* vid. Barm. post Pier. Ex uno Guelpherb. in Exo. Cort. notatum video *Troja—peperit florente Creusa.* Scilicet Ascanii ætas id postulare visa erat. Dubito equidem, an ex Virgillii schedis hoc fragmentum servatum sit; hand dubie enim illud rescissari fuissent Tucca et Varius. Probabilius mihi fit, fuisse olim in margine ab aliquo versificatore varia in h. l. tentata; unde sequens librarius expedire se non posset. Ceterum etiam hic locus docet, ex uno aliquo transcripto exemplo omnia fluxisse exemplaria Maronis. 341 *Et quæ jam ante* Heins. legebatur. At meliores Heins. et Pier. cum Donato et Carisio: *Et quæ tamen vel Ec quæ tamen;* hoc et fragm. Vatic. habet. Alii *Et quæ tamen, Et quæ vel Ec quæ tam, Quæ tamen et p. Quæ tamen et;* ut in talibus errari fero solet. *Ecquanam* Goth. pr. *Ecquæ* Pompon. Sab. interpretatur. *amissi parentis* apud Carisium. v. Pierium ad h. l. Probat hoc etiam Markland., invito Barm. *amissæ est c.* etiam nonnulli. Equidem hunc versum dudum suspectum habui; et adhuc persuasum mihi habeo, e veteri quidem libro eum ad nos pervenisse, sed aliquando ad marginem aliena manu adscriptum adhæsisse, una cum fragmento superioris versus, cujus reliqua pars oblitterata erat; Et, si bene auguror, a poeta tantum illa scripta erant: *Quid puer Ascanius. Ecquid in antiquam v.* Brunckius utrumque versum a poeta temere in chartam conjectum fuisse existimabat, ut olim ab eo retractaretur. Vix tamen hæc omnino poetæ in animum venire potuere, cum aliena sint a re et loco. 342 *Et quid multi,* ut solent. 343 *avunculus* Gud., ut semper in similibus. 344 *multosque c.* Menag. pr. *jannosque* alter Hamb., unde Heins. conj. *largosque.*

sentanea! De Ascanio sollicita est, ex tacita Astyanactis sui memoria. cf. inf. v. 489 sq. *superatne et vescitur aura* ex antiquo sermone. cf. sup. I, 546. Sane interrogationem illam v. 341. de desiderio amissæ matris Creusæ per se non malam (cf. Eurip. Hecub. 992 *εἰ τῆς τεκούσης τῆσδε μὲνῃται ῥί μου*, adde Electr. 351) tamen hic forte abesse malis; vix enim Andromache Creusæ fatum rescivisse aut poterat, aut post illa v. 310 sq. 337 sq. debebat. Manifeste

tamen poeta ponit, Creusæ fatum Andromachæ jam aliunde innotuisse; et, cum de Ascanio quæreretur, recto ordine procedit interrogatio primum de pietate in matris memoriam, tum de exemplo patris et avi, quam illud ad pueri animum vim habeat! *Parentem* de patria accipere, importunum. 342. 343 generosi versus! ex communi illa sententia, ut, qui magni viri filium se esse meminerit, plus ad virtutem incitamenti habeat. in, h. e. ad, *antiquam vir-*

Incassum fletus : quum sese a mœnibus heros 345
 Priamides multis Helenus comitantibus affert,
 Agnoscitque suos, lætusque ad limina ducit,
 Et multum lacrimas verba inter singula fundit.
 Procedo, et parvam Trojam, simulataque magnis
 Pergama, et arentem Xanthi cognomine rivum 350
 Agnosco, Scææque amplector limina portæ.
 Nec non et Teucri socia simul urbe fruuntur.
 Illos porticibus rex accipiebat in amplis.
 Aulai in medio libabant pocula Bacchi,
 Impositis auro dapibus, paterasque tenebant. 355

345 *In casum* Zulich. cum glossa: *Æneæ et Trojanorum*. cf. Burm. 346 *Priamides Helenus multis* duo Burm. aliquotque Pieriani; quod simplicius, ut sup. v. 295. cf. Pier. *affert* Heins. e codd. suis omnibus. Vulgo *effert*. tres *effert*. 347 *agnovitque* alter Hamb. *ad limina* Heins. cum majore codd. parte. Sic et omnes Goth., nisi quod unus *lumina*. Vulgo *ad mœnia*, quod in paucis recent. ille repererat. 348 *lacrimans* aliquot Pier., aliquot Heins., et edd. vetl. nonnullæ; manifesto sed proclivi lapsu. Nec aliter fuerat, puto, in Gudiano, qui lituram hic habebat, e qua Heins. tamen excitabat: *multum lacrima* pro *lacrimarum* curiose potius quam vere. Nam *multum* Homericum πολλὸν est, pro valde, admodum, et talia amare Virgilium satis constat. *lacrimis* Exc. Burm. Porro *fudit* plerique Pier. et aliquot Heins., tert. Goth., male; idem tamen Pompon. Sab. interpretatur. 349 *ad parvam* Sprot. et patriam Zulich. et Leid. a m. pr. s. *multis Perg.* Witt. a pr. m. 352 *feruntur* Ven. et alter Hamb. pro var. lect. 353. 354. 355 hos tres versus ab aliena manu insertos esse vidit Jac. Bryant, quia cum reliquis non bene coherent. Patrocinium eorum quomodo agi possit, vide in Notis. Erit tamen impotandum aliquid fortunæ carminis, cui secunda poetæ manus haud obtigit; ultimus utique versus frigit. 353 *Illas* Montalb. 354 *in deest* optimis; sed tænetur Heins. grammaticorum auctoritate. 355 *Impositisque* Witt. *tenebat* Ven.

tatem int. majorum. *avunculus Hector*, latius dictum pro consanguineo. cf. inf. XII, 439. Nam *Ilus* et *Asaracus*, a quo *Hector* et *Æneas* genus ducebant, erant *Trois filii*. Notatu dignum, quod hic in *Servianis*: *Quidam avunculus humiliter in heroico carmine dictum accipiunt*.

345—348. *a mœnibus*, via ex urbe. *se affert* v. sup. v. 310, inf. VIII, 477, ut *ferre se*, *inferre se*, *efferre se*, *offerre se*. προσφέρειν, προσάγειν, pro προσίχειν. cf. h. l. Heins. *suos*, populares. Recte Serv. addit: *Et bene verba Heleno post Andromacham non dedit, ne frigeret; sicut in libro V*

Acestæ (v. 41).

349—351. Cf. sup. v. 302 et adde Excurs. I de Error. Æn., ubi de accessu ad Epirum. Trojam alteram adstare putasses. *simulata magnis*, assimilata. cf. inf. IV, 512. *amplector* sc. ut exosculari solent postes in patriam reduces.

354. 355. Nec moratur in convivii descriptione poeta, nec plane intactum dimittit, sed obiter intexit pauca, quæ ad convivii magnificentiam declarandam valere possint; et quidem religiosam rem, libationem, et vasorum πολυτέλειαν. Ultima tamen *paterasque tenebant* vereor ne frigeant,

Jamque dies, alterque dies processit: et auræ
 Vela vocant; tumidoque inflatur carbasus austro.
 His vatem aggredior dictis, ac talia quæso:
 Trojugena, interpretes divûm, qui numina Phœbi,
 Qui tripodas, Clarii lauros, qui sidera sentis, 360
 Et volucrum linguas, et præpetis omina pennæ,
 Fare age (namque omnem cursum mihi prospera dixit

356 præcessit Leid. inflatus alter Menag. que abest a sec. Rottend. 358 Hic edd. ante Pier. et talia Witt. 359 qui n. divum Witt. a m. pr. 360 Clarii et lauros Medic. Pierii, Witt. Moret. sec., quod præfero. laurus Medic. a m. pr. cum aliis antiquis, quod antiqui Grammatici defendunt; recepit itaque Heins., rursus deseruit Barmannus; forte casu potius quam consilio. 361 Qui volucrum Schol. Horat. ap. Heins. omnia nonnulli. pinnae Medic. Gud. et tert. Mentel. 362 Omnis e.—Religio aliquot Pieriani, sec. Rottend. Gud. a m. pr. item Goth. pr., sc. ut sit: omne vaticinium, omnis deorum monitus, quod merito arridere potest, quoniam sequitur: cuncti divi. Sic cursum esset, quem teneo, navigationem, quam facio versus Italiam.

etiamsi ad sacrum factum revoces. Porticus autem puta aulam circumdedit.

356. 357. auræ Vela vocant, invitat ventus secundus, ut vela expandantur. Male hypallagen advocant. Variat hæc oratio poetica: modo vela, aut nautæ (ut sup. 253) vocant auras vel ventos, modo auræ vela vel nautas; et inf. 454 ipsa navigatio et cursus vocat vela. Conf. sup. 61, inf. 454. 455. tumidoque inflatur carbasus austro. Iliad A, 481 Ἐν δ' ἀνέμος πρῆσεν μέσσην ἰστίον. et similiter aliis locis.

359—361. Helenus οἰωνοπόλων δ' ἄριστος jam Homer. Iliad. Z, 76. qui sentis, intelligis, ad plura h. l. refertur, de quibus singulis diverso modo dicitur. Aliter sentit aliquis deum, aliter sidera et avium cantus. sentit vates Phœbum, cum deum pectore recipit, seu, dei afflatu tactus, divinoque furore plenus, futura prædicat et oracula edit; hoc poeta exornavit: qui numina Phœbi, Qui tripodas, (tripodi insidens Delphis Pythia vaticinabatur) Clarii lauros (quatenus, ut

fere omnia antiquissima fana, religionis et caloris caussa, sacro luo inclusum erat templum Apollinis Clarii apud Colophonem. v. Strab. XIV, p. 442), h. e. qui vim divinam animo capis, quam Delphis Pythia, et apud Claron sacerdos, mente recipere solet. sentis sidera, nosti quæ ex iis ad futura prævidenda intelligi possint. Hoc in Homericis occurrere in vatum laudibus non memini; neque astrologiæ omnino studium in vita heroica est frequentatum; at ostentorum et δεισσημελιών observatio fuit; Licet adeo suspicari, sidera pro cælo et aere esse posita. Reliqua ad auguria cum ex oscinibus tum ex præpetibus, h. e. ex avium cantu ac volatu, spectant. cf. inf. X, 175 sq. add. Callim. L. P. 123 sqq. et ibi Intpp. c. Spanh.

362—364. namque omnem cursum mihi prospera dixit Religio: etiam hoc per hypallagen explicare volunt, pro, omnis religio prosperum dixit cursum. Perperam. Religio proprie de ritibus religiosis et sacris, mox de iis omnibus dicta, quæ cum sacris fi-

Religio, et cuncti suaserunt numine divi
 Italiam petere, et terras tentare repostas ;
 Sola novum dictuque nefas Harpyia Celæno 365
 Prodigium canit, et tristes denuntiat iras,
 Obscenamque famem) quæ prima pericula vito ?
 Quidve sequens tantos possim superare labores ?
 Hic Helenus, cæsis primum de more juvencis,
 Exorat pacem divûm, vittasque resolvit 370
 Sacrati capitis, meque ad tua limina, Phœbe,
 Ipse manu multo suspensum numine ducit ;
 Atque hæc deinde canit divino ex ore sacerdos :

363 et abest a Ven. et Parrhas. cum Goth. alt. numina divi Gud. 365 novum Gud. Arpia, Arpyia, Harpeia aberrant. codd. 368 Quodque s. possim tantos Parrhas., forte etiam, subjicit Barm., qua p. p. vito ? qua via, ratione. Nil necesse, ut possum nullibi repertum video. 369 primum cæsis Ven. et Parrhas. 371 lumina sec. Hamb. 372 Ipse etiam pr. Hamb. suspensus pro var. lect. Hamb. sec. et Servius. Male. cf. Barm. duxit codices ap. Pier. 373 hæc deest Leid. uni.

unt, parantur, obtinentur, adeoque etiam de extispiciis, oraculis omnique vaticiniorum genere, accipienda est, h. l. de oraculo et omnino de vaticinio; prosperum vaticinium est, quod prospera nuntiat. Totum, qui superest, cursum, quo ille instituendus sit (hoc v. 363. 364 ulterius declarat) jam satis definiverunt prædictiones, quas adhuc accepi, lætæ illæ et secundæ, numine, etiam hoc pro effato divino et sorte, repostas exquisitius quam remotas, et tentare quam petere.

365—367. dictu nefas, abominandum. Prodigium, eventum rerum prodigii similem. iras h. e. calamitatem, malum, ex ira Harpyiæ, boum cæde et Trojanorum armis læsæ, pœnasque et ultionem parantis. cf. sup. 234 sq. 245 sq. obscenam famem: quatenus ad ultima redacti etiam ea comedent, quæ nauscam faciant. Sic, obscenus cibus, et obscena pastus upupa apud Plin. X, 29 s. 44.

Hoc Serv. volebat: quæ homines etiam ad obscena compellit.

369—373. pacem benevolentiam dei, ut jam supra vidimus; dum oraculum expetitur est. Sacrificantium et vatium habitus vitta vel infula: Solvitur h. l. illa, religioso more, sive animi respectu, quem jam ab omni terrena fæce vacuum deo soli vacare significabant, quo fere Serviana spectant, vel quatenus furor divinus et corporis agitatio vincula non ferebat. At, inquit Cerda, in aliis locis vates jam vaticinium edituri vittis ligant, implicant, caput? Recte; scilicet vates non perpetuo vittæ ornatu usos esse credendum est nec eas suinsisse, nisi rem sacram facturos; itaque instante jam furore divino modo vittas sumere modo solvere narrantur. ad tua limina Phœbe. Erat igitur templum Apollinis in nova Troja ad exemplum Pergamei fani. Suspensum h. l. modo minus vulgari pro perturbatum, percussum,

Nate dea; nam te majoribus ire per altum
 Auspiciis manifesta fides: sic fata deûm rex 375
 Sortitur, volvitque vices: is vertitur ordo;
 Pauca tibi e multis, quo tutior hospita lustres
 Æquora, et Ausonio possis considerare portu,
 Expediam dictis; prohibent nam cetera Parcæ
 Scire, Helenum farique vetat Saturnia Juno. 380

375 Si pr. Hamb. a m. sec. his Gad. Ven. Parrhas. 376 hic edd. Ven. et Junt. sic quatuor Barm. et Goth. sec. his alter cum ed. Mediol. 377 tutius Oudart. et Parrhas. æquora lustres Hospita Zolich. 378 consistere pr. Hamb. et Ven. vide sup. 162. Burmann. 380 Distinguant edd. partim post Scire partim post Helenum; cf. Pier. et Burm., sed in interpunctione, codicum nulla, meo iudicio, est auctoritas, vetat pr. Hamb. Brück. conj. Scire, vetatque Helenum fari S. J. rotandior utique sic esset versus, sed Virgilius gravitatem numerorum præfert. Alioqui ad manum esset Helenum-que vetat fari in ed. Parm. Hemistichium abesse malit Jac. Bryant.

dictum puto; adeoque *multo suspensum numine*, turbatum horrore ex præsentia dei. cf. inf. VI, 45. 54. *numen*, majestas, vis manifesta dei, quæ horrorem ac reverentiam facit. Sic *multum inesse, adesse, numen*, alibi dicitur; videbatur enim numen implere locum, in quo horror sentitur. Satis quidem expeditum et illud, ut *multum numen* sint multa oracula, quæ jam ante acceperat (vide v. 362), quibus *suspensus* h. e. sollicitus ac dubius ejus animus sit; mihi tamen hoc minus arridet.

374—376. Circes apud Homerum M, 37 sqq., forte etiam Phinei apud Apollon. II, 311 sqq. exemplo, Helenum hic fata ac casus navigationis Æneæ prædicere facit. Ipsos autem casus omninoque Æneæ errores ad Ulyssis errores compositos esse, facile animadvertas. Inest tamen forte in his major suavitas ipsa rerum novitate et probabilitate; nam Homericis temporibus nondum illa maria Græcis multum erant frequentata; qua in re victus Virgilius ornatu et doctrina suæ causæ consulere necesse habuit. 374 nam te more

Græcorum, γὰρ pro ὅς. nempe. majoribus auspiciis, quam vulgo hominibus contingere solent; sunt simpl. magna h. e. magnarum rerum et eventorum; adeoque magna fata; quod Livius pr. ad majorum rerum initia ducentibus fatis. Argutatur Servius. Melius idem sortitur, disponit, ordinat, volvit vices, moderatur vicissitudines rerum. is ordo fatorum vertitur, est, ita succedunt sibi fata. Omnino pro agere, perficere, poeticæ voces sunt, volvere, vertere, versare.

377—380. Fata scire prohibent h. l. Parcæ; apud Homerum Iliad. T, 418 Erinnyes; omnino dii apud Apollon. I. c. II, 311 sq. tutior, tutius, minore cum periculo, si rescivit, quæ evitanda sint. hospita æquora Servius vicina interpretatur. Sane longinqua, ignota, necesse est esse minus hospita. Si usum loquendi vocis hujus recte teneo, esse debent maria navigantibus amica, quæ navigantes tutos ac salvos transmittant. prohibent te scire etc. Nam, ut Lucan. V, 176 Nec tantum prodere vati, Quantum scire, licet. v. h. l. Servium, qui bene addit: prohibet autem scire

Principio Italiam, quam tu jam rere propinquam,
 Vicinosque, ignare, paras invadere portus,
 Longa procul longis via dividit invia terris.
 Ante et Trinacria lentandus remus in unda,
 Et salis Ausonii lustrandum navibus æquor, 385
 Infernique lacus, Æææque insula Circæ,
 Quam tuta possis urbem componere terra.

384 *Trenacia* Wall. a m. pr., et a m. sec. *Trinacia*; et sunt sane grammaticorum argutiae in ea scriptura, quæ tamen fundamento non omnino carent, quandoquidem *Θρινακία* Homérica est scriptio. conf. Claver. et d'Orville Sicula p. 163. Enimvero ad liquidum res perducere nequit, ultra sit verior et antiquior. Idem Wall. *lentendus* a m. pr. *tentandus* Goth. sec. a m. pr. *flectendus* Guelpherb. un. in Exc. Cort. ex interpr. 386 *Circæ* vetustiorum auctoritate reposuit Heins., qui copiose aliis exemplis firmat. Vulgo *Circes*; aliquot etiam *Circe*. 387 *posses* alter Hamb.

mortem patris—tempestatem ab Æolo immissam: amorem Didonis (qui sane vix commodè memorari poterat). Novimus autem Junonem hoc agere, ut, si possit fieri, regnum Italiæ Libycas averteret oras. Inopinatum vero dolorem etiam Æneas conqueritur, ut inf. v. 712 nec vates Helenus—Hos mihi prædixit luctus.

381—383. Poterat Æneas statim in orientali Italiæ extremæ litore considerare, ex adverso Epiri. At totum illud litus a Græcorum coloniis tenebatur. cf. inf. 398 sqq. *longa via dividit Italiam* h. e. Italiæ illa pars, quæ Æneæ petenda est, divisa, remota est, *longis terris*, sc. longo illo tractu inferioris Italiæ, *invia* vel difficulter emetienda; (sic Servius acceperat: *significat autem difficilem circuitum*; et sane composita huiusmodi sæpe sic accipiuntur, ut *insanabilis*, *intentatus*, h. e. parum, haud multum, *tentatus*); vel, quod præstat, plane non pervia, non adeunda Æneæ, terrestri itinere, si eam partem adisset, quæ Epiro opposita est, quod fata vetabant. Hoc spectasse videtur Pompon. Sabin. *invia volentibus fatis*. Comparant illa Iliad.

A, 156 *ἱππὶ μάλα πολλὰ μεταξὺ ὀβριὰ τε σκιδέντα θάλασσά τε ἡχήμεσα*. Ceterum in Virgilii verbis *lucus inesse* videri potest; *via invia*—*longa longis*. Alliterationi huic vetus sermo non tantopere adversabatur, ut noster; quin in ornatu illa habebatur: *amabam amantem*. *φίλων φίλον*, *ἄγων ἄγοντα* in ipso lyrico carmine est Pind. P. 10, 103.

384—387. Ornate. Mare Siculum et Tyrrhenum est peragrandum. *lentandus remus*, agendus, sed exquisitius; curvatur enim et flectitur vi undarum et nisu remigis. Sic Apollon. II, 593 *ἰπεγνάμπτοντο δὲ κῶπαι*, ἥτε *καμπύλα τόξα*, *βιαζομένων ἡρώων* in trajectu Symplegadum. Quoniam enim, *lenta* quæ sunt, facile flecti possunt, hinc *lentus* pro flexilis, et *lentare* flectere. A Virgilio Statius et alii petierunt; Virgilius ab antiquioribus, ut Serv. docet. 386. *inferni lacus*, Avernus inf. lib. VI. *Circæ insula* VII, 10 sq. *Ææa*, Colchica, ab Æa, Colchidis urbe, vel ex Apollonio Rhodio nota. 387. *urbem componere*, nove dictum esse debet, pro *ponere*, *condere*; ut *templum componere* ex Ovid. I Fast. 708 lau-

Signa tibi dicam : tu condita mente teneto.
 Quum tibi sollicito secreti ad fluminis undam
 Litoreis ingens inventa sub ilicibus sus, 390
 Triginta capitum fetus enixa, jacebit,
 Alba, solo recubans, albi circum ubera nati :
 Is locus urbis erit ; requies ea certa laborum.
 Nec tu mensarum morsus horresce futuros :
 Fata viam invenient, aderitque vocatus Apollo. 395
 Has autem terras, Italique hanc litoris oram,
 Proxima quæ nostri perfunditur æquoris æstu,
 Effuge : cuncta malis habitantur mœnia Graiis.
 Hic et Narycii posuerunt mœnia Locri,

388 *memori quæ* (pro *que*) hæc m. t. sec. Moret. vss. 388—393 leguntur ap. auctorem de progenie Augusti c. 12. 389 *undæ* aliquot Pieriani et Hamburg. alter, ut supra. 391 *fatus capitum* Montalb. 393 *Hic l.* Dorvill. et ap. Nonium et Cle-
 donium. erat duo Burm. 395 *invenient* quatuor Heius. 396 *Has inter* Goth. tert.
 urbem Oudart. pro var. lect. ad oram. 397 *qua nostri* Parrhas., quod aridet Bur-
 manno. *perfunditur* duo ap. eand. 399 *Hinc et Naricii*, *Naricii*, *Nariti* aberrationes
 Codicum. Νάρκις, Πάρις, Λακρίδος etc. Steph.

dat Burm. Nisi est quod vulgo, res
 urbis componere, pacare, ordinare.
 Est tenendum alterutrum, nec cum
 Burm. duas diversas notationes in
 unum locum congerere ausim ; quod
 sermonis humani rationi adversatur.

388. Ut apud Homer. Σῆμα δὲ τοι
 ἔρπω et illud : σὸ δ' ἐνὶ φρεσὶ σὺνθεο,
 vel βάλλεο σῆσι.

389—393. Cf. inf. VIII, 42 sqq.
 81 sq. *Quum*—*jacebit* : *is locus*, pro
 vulgari : *is locus, in quo*—*jacebit, erit*
novæ urbi destinatus. Usus et hic
 poeta est oraculo sua natura non
 adeo commendabili, celeberrimo ta-
 men inter populares suos. v. inf. Ex-
 curs. II ad lib. VII. Res ipsa mul-
 tis in monumentis antiquis, gemmis,
 numis exhibita, ut exempla singula
 laudare velle ineptum sit. *secreti*
fluminis h. e. in parte secreta, ab ho-
 minum frequentia remota, fluminis

Tiberis inf. VIII, 82 *per silvam*—*vi-
 ridi in litore*. Ceterum observan-
 dum, qua verborum dignitate igno-
 bile argumentum poeta ornavit.

394. *Harpyiæ prædictionem* sup.
 255. 365. respicit. *viam*, rationem et
 exitum oraculi, ipsæ res dabunt,
 monstrabunt, et propitius erit Apol-
 lo, oraculi auctor.

397. *nostri maris*, Ionii inter Epi-
 rum et Italiam. 399. *Locri Epize-
 phyii*, in Bruttis, ad litus Italiæ ex-
 tremæ exterius, Locrorum Opuntio-
 rum colonia, quorum erat urbs Na-
 ryx vel Narycium, ex adverso Eu-
 bæ insulæ. Locros Ozolas urbis
 conditores fuisse contendit Strabo
 VI, p. 259 B. Sed communior opi-
 nio altera illa. v. Cluver. Ital. p.
 1301 sq. Sequitur vero poeta eam
 narrationem, qua ex Locris, Ajacis
 Oilei sociis, fuisse crediti sunt, qui

Et Sallentinos obsedit milite campos 400
 Lyctius Idomeneus; hic illa ducis Melibœi
 Parva Philoctetæ subnixa Petelia muro.
 Quin, ubi transmissæ steterint trans æquora classes,
 Et positis aris jam vota in litore solves :
 Purpureo velare comas adopertus amictu; 405
 Ne qua inter sanctos ignes in honore deorum

400 *Sallentinos* Heins. cum aliis melioribus, quem v. et quos laudat Barm. cum antea editum esset *Salentinos* : quæ antiquior esse debuit, scriptura. *Salantinos* Goth. tert. quæ antiquior fuit scriptura *Σαλαντινῶν* quod etiam ex numo laudatur : de quo v. Eckhel *Doctrina*. num. P. I. Tom. I. p. 145. *Phalentinus* Ven. *Salicanos* Sprot. *limite* Leid. nn. 401 *Lietius*, *Licius*, *Litius*, *Lycius*, *Lytius*; porro *Idomeneos*, *Idumeneus*, *Ydomeneus*, — *Melibœus* — *Philotetæ*, *Philothetæ*, *Phyloctetæ*, *Philoctetæ*, librorum stopores, quos ponimus, ut iis mature assuescant juvenes. 402 *Petelia* Medic. et sic in numis et Græcis script. occurrit : *Περνία*; hoc itaque restitui. Vulgo *Petilia*, quod vulgare est. 403 *steterunt* alter Hamb. *naves* pr. Hamb. *puppis* Goth. pr. 404 in *litore* Medic. a m. pr. cum tribus aliis. 405 *Purpureas* Dorvill. a m. pr.

dispersa ad Caphareum promontorium classe, in Bruttios essent delati. cf. Serv. Aliter Lycophr. 1141. 1148, ubi cf. Schol. Vide *Opusc. Acad. To. II*. p. 46 sq. *Eckhel Doctrina Numor.* P. I. Vol. II. p. 257.

400. 401. *Sallentinorum*, qui ex antiquis Messapiis fuerunt, tractus erat in peninsula Calabria. Insederant cum mox Cretensium coloniae; cf. Strabo VI, p. 281 B. atque has ad Idomeneum Troja reducem, sed mox patria ejectum (cf. sup. 121, et inf. XI, 265), nonnulli retulerunt. cf. Varro lib. III *Rer. Hum.* apud Valer. Prob. ad Ecl. VI, 31. (unde Pompon. Sab. ad h. l. petiit, et inf. ad v. 531). *Lyctus* aliquando inter insigniora Cretæ fuit oppida. Plin. IV, 12 jam Cerdæ laudatus.

401. 402. *Petilia* vel *Petelia* in Bruttii supra Crotonem a *Philotete*, Herculis comite, condita (hoc enim est *subnixa muro*), cum Troja redux, urbe patria, *Melibœa* Thessaliæ, per seditionem fugeret. cf. Strabo VI, p. 254 A, quo loco apparet,

Lucanorum deinde primariam urbem eam fuisse. *Philoctetes dux Melibœus* pro, *Melibœensis*.

403—409. Expectandum erat, ut in hac Italiæ orâ appellerent Trojani, et ex voto sacrum diis facerent. Hoc igitur certo ritu, velato capite, qui Romanorum mos erat, facere præcipit Helenus. Religionis sanctitatem cum iudicio et hic intexit carmini Virgilius; mira enim talis loci suavitas debuit esse, si Romanorum quis in religiosi ritus originem incideret ab Ænea auctore repetitam. Illustrationem loci pete ex inf. 543. 545; subest tamen et hic antiqua fabula de Diomedis vel Ulyssis in his locis occursum, quam Serv. ad h. l. attingit et olim variis modis tractasse videntur poetæ et scriptores. v. Plutarch. Qu. Rom. c. 11, 12. T. II Opp. p. 266 C et Auctor de Orig. gent. Rom. c. 12. At vide Excurs. I ad h. lib. sub f.—404. Scilicet appulsa classe ad Italiam, in qua sedes habituri erant, vota solvent diis sacro facto inf. 543 sq. in

Hostilis facies occurrat, et omina turbet.
 Hunc socii morem sacrorum, hunc ipse teneto;
 Hac casti maneant in religione nepotes.
 Ast, ubi digressum Siculae te admoverit orae 410
 Ventus, et angusti rarefient claustra Pelori,
 Laeva tibi tellus, et longo laeva petantur
 Aequora circuitu; dextrum fuge litus et undas.

407 *occurret* Franc. *omnia* multi. *turbat* duo. 408 *socios* Medic. a m. pr. 410 *degressum* Sprot. et inf. 492. *admovert* duo. *Siculis* oris Franc. 411 *rarefient* codd. Servii inf. ad 530, in Wall. superscr. vel *clarescent*. Parum acute. *plaustra* P. Parrhas. Illustrat. vss. Nodell Not. crit. p. 77. 412 *laeva* aliquot Pier. *petantur* Hugen. et Wall. a m. pr. cum Goth. sec.

litore, ad Castrum Minervae, supra promontorium Iapygium. v. inf. 531. videtur eo loco monstrata esse ara antiqua, quam fama ferebat a Trojanis aliquando exstructam esse. *velare* sc. memento; Graeca ellipsi. *Venerius* forte imperativa forma: ut inf. 545. *Et capita ante aras Phrygio velamur amictu*. 407. *omina turbet*, captata ante rem sacram. Turbari malis ominibus sacrificii religionem, et, ut id caveatur, adoperto capite esse sacrificantes, notus Romanorum mos fuit, (cf. Macrobian. III, 5. extr.) cujus originem poeta sive ex antiqua fama, sive ex ingenioso commento ab Trojanis repetit. 409. *in religione*, in observatione religiosi ritus, et *caste*, ἀγνῶς, ut saepe, rite.

410—413. Flectendum in aditu freti Siculi et avertendum, ad exterius mare, cursum et, ut tanto tutior ille sit, Siciliam ab oriente circumundam monet. Fretum appellat ex more *claustrum*. Proprie ea, quae densa sunt, transitum ocludunt, hinc *densa* poetis, quae clausa plane, ut Gr. πυκνόν v. c. πυκνὸν πῶμα Odys. K, 283 πυκνὸς κεντρῶνας de bene oclusa hara; adeoque, ea,

quae laxantur, aperiuntur, patent, *rarefieri* dixit poeta. Jam Servius bene: *quia venientibus de Ionio (mari) propter curvaturam litorum claustrae videntur angustiae, quae paulatim propinquantibus aperiri videntur*. Bene memorantur ad haec Lucret. IV, 397 sqq. et Justin. IV, 1 sub fin. Poeticae orationis genius ad oculorum sensus omnia revocat. Simili modo *coire, conjungi*, et rursus *discedere, sejungi* et *disjungi*, dicuntur loca, quae ingressum habent. Ita et *aperiuntur* ea, quae e longinquo in conspectum veniunt, ut sup. 275 *aperitur Apollo*, et inf. 531 *portusque patescit jam propior*. Contra apud Lucan. III, 7 de discedente: *et dubios cernit rarefieri montes*: ubi idem est quod *vanescere* vel *evanescere*. *Crescere, attolli, attollere se, surgere* dicuntur ea, quae alta sunt, ius, qui accedunt: ut *recedere*, si discedas: sup. 72. cf. inf. 552 et *abscondi* sup. 291. *mergi* apud Val. Fl. II, 6, 7. add. ibid. 430. 1. 442. 3. *dextrum litus Italiae*. Servius: *nam de Ionio navigantes, si fretum petant, dextrum teneant litus necesse est. Pelorum angustum docte dixit pro fretum ipso promontorium illud alluente*.

Hæc loca vi quondam, et vasta convulsa ruina,
Tantum ævi longinqua valet mutare vetustas! 415
Dissiluisse ferunt, quum protenus utraque tellus
Una foret; venit medio vi pontus, et undis
Hesperium Siculo latus abscidit, arvaque et urbes
Litore diductas angusto interluit æstu.
Dextrum Scylla latus, lævum implacata Charybdis 420
Obsidet, atque imo barathri ter gurgite vastos
Sorbet in abruptum fluctus, rursusque sub auras
Erigit alternos, et sidera verberat unda.

414 et deest Parrhas. ex Erf. convolsa Gud. — 415 In Wall. versus erat in margine adscriptus; idem longæva. Ennium videtur ante oculos habuisse Annal. XV ap. Gell. IX. 14. *Postrema longinqua dies confecerit atas*. Adde Laeret. II, 68. 69. duo *matore*, solenni permutatione. v. Burm. 416 *protenus* Heins. reposuit cum Velio Longo et Leid. altero ac Rottend. pr. 417 *forent* Rottend. tert. *medio venit* Moret. pr. Parrhas. *venit in m. Ven. media* Zolich. a m. sec. 419 *deductas* Medic. cum al. antiquis. Vir doctas Britannus (*Gentl. Magazine* 1764, p. 464) *litore diductas* emendabat h. e. quoad litora, refutatus mox ab alio p. 556. Neuter viderat, *litore diductas* esse idem ac mari, quod intervenerat, diductas; nam ubi litus, ibi mare. 420 *lævom* Gud. *impacata* aliquot Pieriani, et unus Leid., quod non bene præferebat Cerda. *implicata* quatuor Burm. cum Goth. tert. 421 *Obsidet atque imo baratri* Frano., sed talia excribere piget. Mox abruptum Zolich. 422 in abruptu aliquot Pier. 423 *egerit* legebant viri docti (et sic Cerda), apud Pierium, qui recte monet, sequentia postulare *Erigit*; quod et per se exquisitius est. cf. inf. ad v. 576. *Elicit* Hamb. pr.

414—419. De Italia ac Sicilia magno motu terræ diremta vide loca ap. Cluver. Sicilia I, 1. Creditum scilicet est, motibus concussum solum, quo continuabatur Sicilia cum Italia, subsidere coepisse, ita, ut mare irrumperet et voraginem factam occuparet; quemadmodum Pontus Euxinus locis depressioribus obrutis mare Ægæum, et totum forte mare Mediterraneum effecisse videtur, in quo veteris soli partes eminentiores nunc insulæ factæ sunt. *ruina*, motu terræ. 416. *protenus*, continue, ut jam Serv., *ἀπὸ τοῦ αὐτοῦ*, cum esset una continens. v. Cerda. 417. *venit* pontus in medium cum vi. Val. Fl. I, 590 *cum flens Siculos Ænotria fines Perderet et mediis intrarent montibus undæ*.—419. *litore*, mari, jam disjun-

ctas, *æstu angusto*, h. e. freto, quoniam in iis angustiis mare æstuat. cf. Serv.

420—423. Ex Homero adumbrata esse nemo dubitat, Odys. M. 73 sqq. Variorum loca vides ap. Cluver. Sicil. I, 5. Firmarunt ea alii, et nuper Spallanzani. (*Viaggi alle due Sicilia* To. IV.) Idem cum aliis docuit, *Charybdis* nihil aliud esse, quam impetuosiores undarum fluxum a septentrione in Austrum, ortis vehementioribus flatibus ab Austro, qui illum repellant; *Scyllam* autem scopulum, humanæ forte olim formæ, ad litus Italiae, versus Scyllæum oppidum. Canum latratum assimulant fluctus scopulo illisi, et lupos belluasque ex ea nasci narrare potuit antiquitas, quoniam loca plena sunt monstris marinis. cf. Serv. ad 420. *Dextrum*

At Scyllam cæcis cohibet spelunca latebris,
 Ora exertantem, et naves in saxa trahentem. 425
 Prima hominis facies, et pulcro pectore virgo
 Pube tenus; postrema immani corpore pistrix,
 Delphinum caudas utero commissa luporum.
 Præstat Trinacrii metas lustrare Pachyni
 Cessantem, longos et circum flectere cursus, 430
 Quam semel informem vasto vidisse sub antro
 Scyllam, et cæruleis canibus resonantia saxa.
 Præterea, si qua est Heleno prudentia, vati

424 *At tert.* Rottend. cum Goth. pr. 425 *Ora exertentem* alter Hamb., quod a monacho rhythmicis versibus assueto profectum lepide monebat Barmannus. *exhalantem* Ven. 426 *polchro* alter Hamb. *corpore* Montalb. 427 *pistris* revocavit Heins. librorum auctoritate, qui vel *pristrix* vel *pistris* exhibent; Vulgo pars codd. et edd. *pristis*. cf. Heins. *pristis* per *s* non per *x* defendit Pompon. Sab. ad h. l. Commemorat locum Seneca Ep. 92 ut ait *Virgilius noster in Scylla*. Quo sensu hoc dictum sit, v. in *Proem.* ad *Cirin.* 428 *caudam* Ven. *commixta* Wall. et Zulich. a m. sec. Male. v. Barm. 429 *Pachyni* scribitur in libris. 430 *Cessantes* Goth. sec. *fluctus* alii, notante Parrhasio. Præferam suaviorem orationem interpunctione: *Pachyni, Cessantem longos et circum flectere cursus*. 433 Alii jungunt: *si qua est Heleno prudentia vati, Si qua fides*. At pr. Moret. non

freti Siculi. *implacata*, pro implacabilis, ut solent poetæ, sæva. *sorbet*, ἀναρροῖβει, in abruptum, profundum adeoque præceps. cf. sup. I, 105 sq. *erigit*, ἀνίστην, emittit, sed cum vi. v. Odys. l. c. M, 105, ubi *ter in die*, τρις ἐπ' ἡμέραι, id fieri ait; sed hoc idem omisit altero loco 239 sq., ut adeo nec in Virgilio omissum miretis: in quo sufficit, *ter deinceps* hoc fieri.

424—428. Cf. ibid. 93. 94. 99. 100. Prominet spelunca Scylla superiore corporis parte et naves ad se attrahit. *Prima* superiore corporis parte. *postrema*, inferiore. *pistris* omnino pro bellua marina, *commissa caudas delphinum utero luporum*, h. e. habens conjunctas delphinum caudas lupinis cum corporibus, in quæ virgineum pectus s. corpus desinit; simpliciter dic, virgineo corpori subiectos lupos marinos fuisse protomis suis inter

caudas delphinorum prominentibus. ut versu 432 elicias. *Canes* autem *marinæ* videntur intelligendæ. cf. *Odyss.* M. 96. 97. Schol. Apollonii IV, 825. Variis modis ab Homero inde Scyllæ facies exhibita, varie etiam monumentis veterum; sufficit intelligere, qua specie Virgilius exhibuerit. De hac v. Exc. IV. Bucol. ad Ecl. VI, 75. Ceterum ad Virgilii de Scylla versus Miltonum suos *de Peccato* (*of the Sin*, ἁρὴν dixeris) formasse, jam alii monuerunt.

429—432. Variavit Homericæ l. c. v. 109. 110. *metas Pachyni* docte h. e. promontorium Siciliæ australe, *cessantem*, morantem (ut Serv.), plus temporis in navigatione consumentem. *vidisse*, modus loquendi ab Homero ductus l. c. v. 87. 88 et sæpe. *Canes* sunt qui paullo ante *lupi*.

433 sqq. Magno cum apparatu monitum a vate et inferri et enau-

Si qua fides, animum si veris implet Apollo,
 Unum illud tibi, nate dea, præque omnibus unum 435
 Prædicam, et repetens iterumque iterumque monebo:
 Junonis magnæ primum prece numen adora;
 Junoni cane vota libens, dominamque potentem
 Supplicibus supera donis: Sic denique victor
 Trinacria fines Italos mittere relicta. 440
 Huc ubi delatus Cumæam accesseris urbem,

ineleganter, iudice Hensio, *Si qua est H. p., fuit Si qua fides*; ex non infelici errore. 434 *animam* Messius Arnsianus. v. Burmann. Sec. ad Antholog. Lat. p. 125. si *verus* vir doctus conj., quem refellit Ouwens Noct. Hagan. p. 616. 435 *Unum illum* God. a m. pr. *Unum istud* in marg. Parrhas. *verum aliud* pr. Hamb. *proque omnibus* Medic. et alii boni codd. (et Goth. duo) etiam Georg. Fabricii, et sic Diomedes et Donatus; hocque receperat Heins., sed reliquorum librorum lectionem præque revocavit Burm., quod mihi vulgaris videtur altero. 436 *Prædico* tres Burm. *iterum iterumque* multi sollenni vitio. 437 *I. sacræ* Hamb. pr. 439 *S. s. votis* Wall. a m. pr., quod erat in codd. Pierianis et in libro Donati. 440 *metire* aliquot Heins. et Pierii, ut sit dictum, quemadmodum *metiri viam, pelagus, emensus iter* etc. Sed recte Pier. et Burm. vulgatum præferant. cf. not. Nonnulli vitiose *metiere* vel *meiere*. 441 *Cumariam a. urbem* alii cum Servio. cf. Burm.

tiari observa. cf. inf. v. 546 sq. et Exc. X.

437—440. Tale præceptum Phineus dat Jasoni, apud Apollon. II, 425. ut Guell. ad h. l. monuit. In præcepto autem hoc de Junone omni studio placanda respexit poeta religionem, qua Romani aliquando Junonem præcipuo honore prosecuti sunt, et in Capitolio cum Jove et Minerva coluerunt: quo spectare videbimus et illa XII, 840 *nec gens ulla tuos æque celebrabit honores. canere vota*, facile apparet, esse, facere vota, preces. Dixisse videtur poeta ad eam rationem, qua vota formula sollenni, adeoque carmine, suscipiuntur: quod jam Burmannum observasse video. *libens* est in formulis sacris *προθύμως*, adeoque nec parce, nec supine. *dominam, deam, δεισποτα*, *supera*, expugna sacris factis; hinc *victor, fines Italos mittere*, dimitteris, discedes, Italiam adibis. Est Græcum *πρηνισθαί* de navigatione.

Vides in his poetæ artem. Præstruit enim et præparat sibi descensum partim ad tempestatem lib. I Junonis fraude excitatam, partim ad Didonis amores, quibus Juno impeditum Æneam retinere in Libya volebat, (Bene hoc observavit jam Holdsworthus.) et ad incendium classis lib. V, 604.

441 sq. Conf. inf. VI pr. *divinos lacus, Avernum*, ut statim addit: *Averna*. Jam *Averna sonantia silvis*, pronum est in *silvis* intelligere. Sed de *lacu*, non *flumine*, agitur. Itaque accipiendum, sonantia silvæ strepitu, qua ille lacus erat inclusus; nam inf. VI, 238 *lacu nigro nemorumque tenebris*: et sic VI, 704 *virgulta sonantia silvis*, adeoque est quod in vulgari: *Avernus inter sonantes silvas* (uti inversa ratione in Orph. Argon. 1131 *παταγὶ δὲ παρ' ὀχθαίων ποταμοῖο δινέδρα*, malim intelligere arbusta in ripa, Acherontis strepitu resonantia. Variat autem hoc, quod locis inferis

Divinosque lacus, et Averna sonantia silvis :
 Insanam vatem adspicies ; quæ rupe sub ima
 Fata canit, foliisque notas et nomina mandat.
 Quæcumque in foliis descripsit carmina, virgo 445
 Digerit in numerum, atque antro seclusa relinquit.
 Illa manent immota locis, neque ab ordine cedunt.
 Verum eadem, verso tenuis quum cardine ventus
 Impulit, et teneras turbavit janua frondes,
 Nunquam deinde cavo volitantia prendere saxo, 450
 Nec revocare situs, aut jungere carmina curat.
 Inconsulti abeunt, sedemque odere Sibyllæ.
 Hic tibi ne qua moræ fuerint dispendia tanti ;

442 *Averna τὰ, Averna loca* ap. Laoret. VI, 740. iterum V, 732. VII, 91. Græcis est ἡ Ἀσπερὶς λίμνη, unde *Avernus* lacus. Tandem et *lacus Avernus* ut ap. Liv. XXIV, 12.
 443 *Insanam vatem* Sprot. *adspicias* Exc. Burm. *sub ipsa* alter Hamb. 444 *notas et carmina* Parrhas. Noli quicquam in vs. 444 et 445 mutare v. *Notas*. 446 *Digerit* Medic. *se clausa* Exc. Burm. *reliquit* vulgo ante Heins. cum parte codd. 448 *carcere* pr. Hamb. *vento* Menag. pr. 449 *turbavit flamine ingeniose* conj. Jo. Schrader. in Schedis. 450 *saxa* Medic. 451 *nec jungere* Zolich. *carmina jungere* duo. 452 *adempte* Gud. a m. pr. 453 *Hæc t. in marg. Parrhas. fiant d. Hugen. tante multi*, sed male.

modo amnes stagnantes ac silentes, modo strepentes tribuuntur.) Hoc malim, quam dicere, poetam Avernum lacum, qualis nunc erat, repræsentasse, continuatum cum Lucrino, et, infuso per hujus fauces, mari ; unde Georg. II, 163 *Julia quid ponto longe sonat unda refuso, Tyrrhenusque fretis immittitur æstus Avernus*. v. ibi not. *divinos* autem *lacus* vel ominino sacros, consecratos, cum Servio, accipies, vel propter vicinam Sibyllam divinam vatem ; mox 443 *insanam* ἐνθουσιάζουσαν, ἐνθεον, quod semper substituendum, ut semel moneamus, cum de furore, insania, vatium agitur. *rupe sub ima*, in antro, mox 450 *cavo saxo. notas*, literas, et nomina, verba, adeoque quod in vulgari sermone, *verba* scribit. cf. Georg. III, 158 *Continuoque notas et nomina*

gentis inveniunt. De re cf. ad v. 457.

445—452. *Digerit in numerum*, ordinat, disponit in ordinem, ut bene Servius, et ut patet v. 447, atque antro includit. 445. *carmina* non pro versibus : sed vaticinia. *ventus tenuis* ; ornat epitheton, a natura, puto, venti sumtum, saltem hoc dignius poeta, quam ut sit : si vel parum venti inmissum fuerit. *janua mota*, motaque cum ipsa, *aura*. *situs* positus et ordines foliorum, reponere ea in sua loca. *inconsulti* h. l. quibus consultum, responsum non est. Servius : sine responso.

453—457. Colorem orationis illustrabit comparatio loci Callim. in Del. 318 sqq. οὐχ οὐτὼ μεγάλοι μὴ ἐπιπνεύουσιν ἀήται etc. *Dispendia* proprie sunt temporis. *Vocant auræ vela* supra v. 356, cum ventus se-

Quamvis increpitent socii, et vi cursus in altum
 Vela vocet, possisque sinus implerè secundos; 455
 Quin adeas vatem, precibusque oracula poscas.
 Ipsa canat, vocemque volens atque ora resolvat.
 Illa tibi Italiæ populos, venturaque bella,
 Et, quo quemque modo fugiasque ferasque laborem,
 Expediet; cursusque dabit venerata secundos. 460
 Hæc sunt, quæ nostra liceat te voce moneri.
 Vade age, et ingentem factis fer ad æthera Trojam.
 Quæ postquam vates sic ore effatus amico est :
 Dona dehinc auro gravia sectoque elephanto
 Imperat ad naves ferri, stipatque carinis 465

454 increpitant tres Heins. et un. Goth. vi ventus Leid. pro var. lect. ex v. 356. et tua cursus Witt. 455 vocent Medic. a m. sec. Gud. cum aliis; et sic Servius cum Pompon. Sab. legerat; male. 457 canet et resolvat quatuor Burm., quod possit placere; sed Ipsa canat sc. poscas. inf. VI, 76 Ipsa canas, oro. canat et resolvat Gud. volensque ora Parrhas. ipsa ora duo Burm. Versus hic et sup. 446 aberat a Voss. 459 Et quocunque m. Witt. Ex quo et expediat Franc. effugias aliquot Pier. 460 veneranda Wall. ex interpr. venerata sacerdos ed. Ven. et aliquot codd. ap. Pierium et Burm. cum Goth. pr. ex compendio scripturæ scdos. 461 moveri Ven. 462 fatis septem codd. Burm. et Goth. alter a m. sec., et sic auguror poetam maluisse. Nam in fatis hoc esse, ut Troja revocetur, ubique inculcare amat; idque totius carminis æconomia postulat. 463 affatus multi ap. Burm., male. effari proprie de vatibus. Servius, ut solet, ex augurali disciplina repetit: Ergo, subjicit, religioso verbo voluit uti, qui potuit dicere: Quæ postquam vates sic ore est fatus amico. est deest pr. Hamb. 464 Dona dei hinc ed. Jant. graviora Giphani. in Ind. Lucret. septoque Franc. elephante Zulich. 465 catenis pr. Menag.

cundus spirat. Quoniam talis ventus cursum facit et navigationem instituendam vocat, h. l. ipse cursus vela vocat vi, ex βίη, βίηφι, h. e. σὸν βίη, βίηφι, vehementer. sinus secundos velorum docte dixit vento secundo inflatos. 457. ipsa, non foliis vaticinia mandet. Natam autem hanc fabulam antiquissimis temporibus puta, quando scribendi materia erant palmarum aut aliarum arborum folia. Tum etiam antra erant pro domibus.

458—460. v. inf. VI, 83 sqq. Non tamen satis discrete ibi videri possunt exposita ista: Et quo quemque modo fugiasque ferasque laborem, nisi forte

in illis: Tu ne cede malis—via prima salutis—Graia pandetur ab urbe. Mox 460 venerata, poetarum more passive, ex antiquo sermone, vel invocata ac rogata, ut cursum secundum det, h. monstret, doceat, quomodo ille obtineri possit.

463—471. Munera hospiti ab hospite data ex Homero animo tene; conf. Odyss. A, 309 sqq. imprimis N, pr. Adde Cerdam. auro gravia: signatur pondus ac perinde pretium. secto elephanto, πικτοῦ ἐλεφαντος Odyss. Σ, 195. T, 564 h. e. ebore in lamellas secto adeoque omnino elaborato, polito, gravia, nunc in ebore

Ingens argentum, Dodonæosque lebetas,
 Loricam consertam hamis auroque trilicem,
 Et conum insignis galeæ, cristasque comantes,
 Arma Neoptolemi. Sunt et sua dona parenti.
 Addit equos, additque duces; 470
 Remigium supplet; socios simul instruit armis.
 Interea classem velis aptare jubebat
 Anchises, fieret vento mora ne qua ferenti.
 Quem Phœbi interpretis multo compellat honore:

466 *Dodonæosque* aliquot libri: *Dodonæasque lebetas* fere omnes; ante Pier. *lebetes*, quod pauci libri habent. *lebetos* Franc. Est autem Δαδωναῖος. 467 *consertam* Reg. *squamis a. tr.* Serv. IV Georg. 91. 469 *Sunt hæc* Franc. 471 *instruit* Medio. Versus idem fere inf. VIII, 80 *geminasque* legit de classe *biremes*, *Remigioque aptat, socios simul instruit armis.* 472 *classim* Sprot., ut et sup. v. 5. *classes* pr. Hamb. 473 *vento fieret* Parrhas. *furenti* multi ap. Burm. et sic Goth. alter; male h. l. nam de vento secundo agitur, ut bene Serv. 474 *amore* Hugen. et pr. Moret. pro var. lect., et ita alibi variatur. Burm.

simpliciter copiose instructa, ornata; quod in generaliori notione continetur. *stipat* plus, quam in navim imponit, ut inf. 485 *onerat*. Tum ornatum verborum et munerum commendationem observa. 466. *ingens argentum* pro vulgari, *ingens argenti pondus*, aut, ut sequentia declarant, *vasa ingenti argenti pondere*—*lebetes Dodonæos*, h. e. quales sunt in templo Jovis Dodonæi. Hoc, puto, simplicissimum. Porro 467 *Loricam consertam hamis*, h. e. catenulis se invicem mordentibus, ἀλυσιδωρὸν, *auroque trilicem*, h. e. iisdem hamis triplicatis et quidem aureis. Ductum a textura, cum trinis filorum ordinibus textum fit, τριμυρον. cf. inf. ad V, 259, adde VII, 639 *clipeumque auroque trilicem Loricam induitur*, qui locus me revocat, quo minus, quod malim, quodque Servium facere video, jungam: *Loricam trilicem, consertam hamis auroque*. 468. ornate galeam designat a partibus, quæ imprimis eam commendant. *parenti Anchisæ*. 470. *du-*

ces, magistros equorum, agasones. cf. inf. X, 574. Serv. *socii* declarare putantur *remigium*. De hoc tamen dubito. In heroica ætate remiges non sunt servi; sunt ipsi heroes, nunc ipsi Trojani; at suppleri potuere *remi* ipsi et refici: et iisdem sunt *arma* vs. 471. Itaque *remigium* nunc est ipse remorum apparatus, ut I. I. VIII, 80 et Ge. II, 201. *remigiis*, remis actis.

472. 473. *Anchisæ* auctoritate etiam h. l. res geritur. cf. ad v. 266. 267. *velis* sexto casu accipias, ut sit naves instruere, adornare, velis vento excipiendo expansis. Sic *biremes remigio aptare*, inf. VIII, 80. Vulgare est: *aptare*, apta reddere, *remigium, vela, in navibus*. Sequitur autem in hoc historiæ fidem. Nam ex Epiro Trojanos colonos viam Æneæ ad Italiam monstrasse, antiqua ferebatur narratio, v. Dionys. I, 51 (p. 41) cf. Exc. I sub f.

474—481. *honore*, verbis honorificis, alias *honor verborum*. *Conjugio*,

Conjugio, Anchisa, Veneris dignate superbo, 475
 Cura deûm, bis Pergameis erepte ruinis,
 Ecce tibi Ausoniæ tellus : hanc arripe velis.
 Et tamen hanc pelago præterlabare necesse est ;
 Ausoniæ pars illa procul, quam pandit Apollo.
 Vade, ait, o felix nati pietate ! quid ultra 480
 Provehor, et fando surgentes demoror austros ?
 Nec minus Andromache, digressu mœsta supremo,
 Fert picturatas auri subtemine vestes,
 Et Phrygiam Ascanio chlamydem ; nec cedit honori ;
 Textilibusque onerat donis, ac talia fatur : 485

475 *Anchise* Priscian., sed vid. Heins. *Anchise* Medico., sed *e* expuncta, et Mentel. pr. 477 *eripe* Ven. *repete* Goth. tert. 478 *præterlabare* quinque ap. Burm. cum edd. Ven. et Junt. ut *præterlabare* quatuor, sed recentiores. 480 *Vade age o f. n. p. quod* Medico. a m. pr. 481 *Imitatus est* Avienus fab. XVI, ut Heins. notat. 483 *subtegmine* et *sub tegmine* libri fere etiam h. l. 484 *Ausonio* Goth. tert. a pr. m. *chlamyden* alter Mentel. *nec cedit honore* : sic Scaurus legebat apud Servium, sive is inter eos fuit, qui *Æneidem* recensuerunt, sive hanc tanquam grammaticus emendationem proposuit. Venit ea lectio in Gudianum, probata Heinsio mihiq. non minus pro vera habetur : sive ut sic accipias : *nec cedit honore* sc. verborum, ad conjugis exemplum v. 474. *Quem Phæbi interpres multo compellat honore* ; sive ut cum Scauro, qui ita explicabat : non cedit Helena liberalitate et magnificentia. cf. Pompon. Sabin. Heumannus olim totam *hæmistiichium* ab aliena manu esse putabat ; et sustulerant id jam alii ante Cerdam ; nec ipse ab iis dissentio ; video etiam Bruncium accedere ; potuit quoque totus locus a poeta affectus tantum, non autem curis secundis elaboratus esse : apposuerat forte duo *hemistiichia* ; poteratque versus sic constare : *Et Phrygiam Ascanio vestem ; tum talia fatur.* In Mentel. pr. erant tantum illa : *nec cedit.* In re tam incerta præstat nil movere. 485 *Textilibus* in nonnullis scriptum, *que* deest Græv.

honesto voc. utitur. *bis*, semel excisa ab Hercule Troja, propter Laomedontis perfidiam. *arripe velis*, versus hanc ab Epiri litore dirige naves, cf. inf. 532, ut tamen nunc quidem litora modo legas. *quam pandit*, oraculo designat. *provehor*, sermone progredior. *demoror austros* orientes, h. e. vos demoror, quo minus *austri* utamini.

482—485. Poterat hæc supra subicere v. 470. Mira tamen cum arte utitur Andromaches affectu. cf. sup. ad 337. *digressu supremo*, exquisite, proprie est supremum, ultimum, digressus momentum. 483. *picturatas auri subtemine vestes* utrum de textili

an de acu picto opere accipias, dubitare possis. Nam utroque modo *picta vestis* dicitur ; interdum adeo simpliciter pro distincta coloribus et variegata. Si de textili opere accipis : *subtemen aureum* proprie dictum est ; et *Phrygia chlamys* acu picta ; *vestes* autem erunt stragulæ. Sin *pictas acu*, scilicet Phrygio opere, vestes accipere mavis : erit in illis ipsis *Phrygia chlamys* ; *subtemen* autem simpliciter pro filo ; et *textilis dona* (ex Homérico *ισθῆρά 3' ὑφαντήν*) mox ab his diversa sunt. 484. *nec cedit honori*, si Servius explicat *tanta dat munera, quanta merebatur Ascanius* : hoc enim est honori non cedere, pa-

Accipe et hæc, manuum tibi quæ monumenta mearum
 Sint, puer, et longum Andromachæ testentur amorem,
 Conjugis Hectoreæ. Cape dona extrema tuorum,
 O mihi sola mei super Astyanactis imago.
 Sic oculos, sic ille manus, sic ora ferebat; 490
 Et nunc æquali tecum pubesceret ævo.
 Hos ego digrediens lacrimis affabar obortis:
 Vivite felices, quibus est fortuna peracta
 Jam sua: nos alia ex aliis in fata vocamur.
 Vobis parta quies: nullum maris æquor arandum; 495
 Arva neque Ausoniæ, semper cedentia retro,

487 *Andromachæ* Heins. e scriptis et grammaticis. Eo alludunt Medic. et alii: *Andromache*. Vulgo *Andromaches*. Wall. *Andromachen*. Duo Burm. testantur, tres alii honorem proclivi lapsu. 490 *tenebat* legit Rafinian. de figg. p. 28. *gerebat* Nonius in super, sed *ferebat* Priscianus, Diomedes, Macrob. cum libris scriptis; et firmat Burm. imprimis ex Statii imitatione I Achill. 339. 492 *His et affabor* sec. Moret. *degrediens* Sprot. v. sup. 410. *abortis* plerique Pier. et nostri Goth. 493 *parata* Ven., et sic Achill. Stat. ad Tiball. II, 4. 1, h. e. constituta et parta. Sed prestat vel sententia vi alterum: nam *peragere* dicimur imperata, inijuncta, mandata, labores. Memineris illud inf. IV, 653 *Vixi, et, quem dederat cursum Fortuna, peregi, et fortuna* h. l. idem quod mox fatum, quod jam notatam Pomponio Sabino. Porro distinguit Cerda cum aliis: *Vivite. Felices, quibus—jam sua!* cf. Burm. Minus bene. Sed: *Vivite felices vos, q.—jam sua, exquisitius.* 494 *Æn.* XI, 96 nos alias hinc ad lacrimas eadem horrida belli *Fata* vocant. 495 *arandum* est Parrhas. 496 *Arva* nec Parrhas. et Goth. tert.

rem esse meritis accipientis; minus durum erit: non cedit honori sc. munerum, quo persecutus erat Helenus Anchisen; ut Andromache Ascanium nunc non minus honorifice muneribus hospitalibus impertiat. Possis etiam verborum honorem huc advocare ex v. 474; est tamen hoc longius petitum, Sed v. Lect. var. Locum ante oculos habuit et magna ingenii luxurie oneravit in discessu Æneæ ab Anio Ovid. Met. XIII, 680 sq.

486—491. Reminiscitur et hic mater dulcissimi pueri, atroci morte sibi crepti. Locum inter paucos dulcissimi affectus, etiam sententiarum ac verborum dilectu, imprimis adjuncta declarantium, et multo magis si parentis sensum et affectum habeas.

manuum monumenta mearum, cum dignitate, pro manuum mearum opere ex Od. O, 126 Μνημ' Ἑλένης χειρῶν etc., qui locus Virgilio obversabatur. 488. *dona extrema tuorum*, popularium et amicorum. *super*, quæ superes, περισσῶσα, περιγεγεννημένη. 490. *Sic oculos, sic* ex Hom. Odyss. Δ, 149. 150, ubi Menelaus de Telemacho Ulyssi comparato: κείνον γὰρ τοιοῦδε πόδες etc. est autem exquisite dictum pro, *tales oculos habebat, tales manus* etc. v. 491 *pubesceret* ornatus quam esset; Eurip. Ion. 354 Σοὶ ταυτὸν ἤβης, εἴπερ ἦν, εἰχ' ἂν μέτρον. 492—499. Durum habeat pectus necesse est, cui hi versus miserationem nullam faciant. *fortuna peracta*, proprie fortunæ cursus. v. V. L. 496, *semper cedentia retro*. inf. VI,

Quærenda. Effigiem Xanthi Trojamque videtis,
 Quam vestræ fecere manus; melioribus, opto,
 Auspiciis, et quæ fuerit minus obvia Graiis.
 Si quando Thybrim, vicinaque Thybridis arva, 500
 Intraro, gentique meæ data mœnia cernam:
 Cognatas urbes olim, populosque propinquos,
 Epiro, Hesperia, (quibus idem Dardanus auctor,
 Atque idem casus) unam faciemus utramque
 Trojam animis. Maneat nostros ea cura nepotes. 505

498 *Quæ* sec. Moret. 499 *fuerint* Gud. cum aliis Heins. et Burm. etiam apud Serv. Ita auspicia minus obvia Graiis essent, quæ a Græcorum auspiciis ac fati non æque, atque ante, vincerentur, nec iis essent inferiora. 500 *Sic q.* Goth. tert. et vicina Witt. a pr. m. 502 *Cognatasque* ante Heins., sed *que* abesse a codd. monuerat jam Pierias. qui aliquot Heins. 503 *Epiri* Voss. *Epiro Hesperiam* Medic. Gud. a m. pr. duo Moret. pr. Rottend. et Zolich. An olim fuit *Epirom*, *Hesperiam*, ?—populosque verendos Sprot. 505 *Trojanis*. M. alter Hamburg.

61 *Jam tandem Italia fugientis prendimus oras.* 497—499. cf. sup. 349 sq. *quæ fuerit minus obvia Graiis*: h. periculis a Græcorum hostili impetu exposita. Sensus recte exponit Serv. *id est, quæ nullum patiatur excidium*; mox tamen ibidem miscentur notiones: "*obvia*, id est, *obnoxia*, inimica, *contraria*." Sed *Troja obvia Graiis*, pro inimica, quod Cerda et alii arripuerunt, etsi exquisite dictum, ut inf. VI, 64 *Dique, deaque omnes, quibus obstitit Ilium et ingens Gloria Dardania*, tamen consilio sententiæ parum videtur consentaneum; igitur tenendum alterum: *obvia Graiis*, h. e. exposita eorum furori; ut jam a Burmanno expositum video.

500—505. Ingeniose poeta alludit ad ea, quæ paullo ante evenerant. Post pugnam Actiacam Octavianus Nicopolin condidit, contractis in eam Acarnanibus, eamque liberam et cognatam civitatem esse jussit. v. Excurs. XIII ad h. l. Hæc tanquam ab Ænea in antecessum constituta

exponuntur. *data* sc. *fato mœnia*. v. sup. 255. Mox *cognatas urbes populosque propinquos Epiro et Hesperia*, —*utramque* (retulit ad sequens, pro utrosque, ex utraque civitate, Buthroto et Roma, a Lavinio oriunda) *faciemus unam animis Trojam*. *Populos Epiro, Hesperia*, accipio, populos in Epiro h. e. Epiri et Hesperia. Vides me apodosin post *cernam* statim auspicari, quod jam Cerdam fecisse animadverto. Ut Burmannus post Heins. cum Servio interpunxit, procedit prius membrum usque ad *Atque idem casus*; ut sit, *cernam mœnia, Cognatas urbes populosque propinquos*. Atqui sic et structura et sententia fit asperior aut nulla. *Hesperia quibus et propinquos Epiro* jungunt alii, quod prorsus ferri nequit. Etiam Burmannus illustrat *Dardanus Hesperia* h. e. Hesperia (*Ἑσπερία*. cf. Serv.), quod locum hic vix habet. A *Dardano* autem Trojanos omnino originem habuisse, adeoque et illos, qui Epirum, scil. Buthrotum,

Provehimur pelago vicina Ceraunia juxta :
 Unde iter Italiam, cursusque brevissimus undis.
 Sol ruit interea, et montes umbrantur opaci.
 Sternimur optatae gremio telluris ad undam,
 Sortiti remos, passimque in litore sicco 510
 Corpora curamus; fessos sopor irrigat artus.
 Necdum orbem medium Nox horis acta subibat :
 Haud segnis strato surgit Palinurus, et omnes
 Explorat ventos, atque auribus aëra captat ;
 Sidera cuncta notat tacito labentia cælo, 515
 Arcturum, pluviasque Hyadas, geminosque Triones,

506 Vir doctus Britannus volebat versus 506. 507 collocare post 520; repugnare enim inter se, quod provecta dicatur classis et tamen mox adhuc in litore moretur. At v. not. *Provehimus* Leid. un. v. sup. v. 72. 508 et deest Wall. 509 *Sternimus* ed. P. Dan. ad undas Ven. 511 f. s. occupat Voss, repetitum, ait Burm., ex IV Georg. 109. 512 atra alter Hamb. horas atra Ven. horis apta Goth. pr., non malo lapsu. 514 urbibus Goth. pr. 515 notant Sprot. tacita Gad. 516 *Plidasque* H. codicum pars apud Pierium, Heius. et Burm. cum binis Goth., neque aliter Macrobius

cum Heleno tenebant, et hos, qui cum Ænea Italiam petebant, supra vidimus v. 167.

506—511. Postquam Buthroto solverant, legendo litus ad montes Ceraunios procedunt. Hic sub noctem descendunt in litus, scilicet, ut, cum mutandus jam esset cursus, ventum secundum excipiant. *umbrantur* ex *σκιάζειν* vel *σκιάζονται* Homericis. cf. Od. I, 487 et al. Quæ sequuntur, ex Od. I, 168 sq. illustrantur. *Sortiti remos*, per sortem divisi ad officia remigandi. *Serv.* ut adeo pars in navi ad remos pernoctaret: aut, quod verius esse arbitror: nos, qui eramus *sortiti remos*, qui diem remos agitando exegeramus, *sternimur* etc. *irrigat.* sup. I, 692. Venus Ascanio *placidam per membra quietem irrigat*, infundit, ubi vide. At nunc est, perfundit membra somno.

512—517. Trajectum ex Epiro ad Italiæ litus juxta temporis, quod ille

poscebat, mensura ut declararet poeta: media de nocte classis solvitur. *Necdum Nox subibat orbem medium*, evecta erat cælum (cf. Excurs. ad II, 8, 9), *acta horis*, exquisite pro horis exactis. Quem poetici sermonis usum nisi teneas, possis *Noctem*, sive ejus *bigas ab Horis actas*, suavi rerum specie, intelligere. At Horæ jungunt currum, non regant; si bene memini. Media autem nocte, quando scilicet aura, imprimis in plagis maritimis, oriri vel mutari solet, ventus recte exploratur a gubernatore; et *auribus auram captat*, ex leni aeris motu, in fluctuum ac velorum strepitu. At Servius: *naturale enim est, ut, a qua parte flaturus est ventus, ad eam auris admota frigidior fiat. tacito cælo*, quia noctu. cf. Serv. ad totum h. v. et *notat*, *λεοπαῖ*. *gemini triones*, utraque ursa. Sed de hoc et de toto versu 516 v. sup. ad I Æn. 744, ubi idem versus. *Armatus auro*

Armatumque auro circumspicit Oriona.
 Postquam cuncta videt cælo constare sereno :
 Dat clarum e puppi signum ; nos castra movemus,
 Tentamusque viam, et velorum pandimus alas. 520
 Jamque rubescebat stellis Aurora fugatis :
 Quum procul obscuros colles humilemque videmus
 Italiam. Italiam primus conclamat Achates ;
 Italiam læto socii clamore salutant.

legerat V Sat. 2. Sed repugnat id metro. Idem versus sup. lib. I, 744 cum simili varietate. *septemque triones* pr. Hamb. 517 *circum aspicit* Goth. sec. 520 *tendimus alter* Rottend. 521 *Tumque* Franc. 522 *Tum procul* idem cum Oudart. o. *montes* Parrhas. 523 *primum* sec. Moret. *conclamant primus* Dorvill. Statii imitationes IV Theb. 807. III Silv. 2, 23 laudat Burmann. 524 *læti* sec. Moret. et Goth. *socii læto* quatuor Burm. et unus Goth.

Orionem, *χρονόρα*, quia, ut bene Serv., et *balteus ejus et gladius clarissimis fingitur stellis*. Commentarii loco sit Aratus a Germanico versus: *Primus in obliquo rapitur sub pectore Tauri Orion: nonnulla magis vicina notabit Stella virum, sparse quam* (f. *sparsaque in*) *toto corpore flammæ. Tale caput, magnisque humeris sic balteus exit, Sic vagina ensis, pernici sic pede fulget*. Ex Arat. Phænomen. 586sq.—Lucanum I, 675 jam Servius laudavit: *Ensiferi nimium fulget latus Orionis*. Posuit autem poeta uno loco sidera, non quæ uno tempore conspicua sint, oriantur et occidunt; sed e quibus partim tempestatis mutationes omnino ac vices veteres augurabantur, partim, quorum conspectus nisi puro ac sereno cælo nullus est. cf. v. 518; adeoque, cum ea sidera omnia nunc Palinuro in oculos incurrant, securitatem cæli sereni inde captat. vid. Macrob. Sat. V, 11. cf. I Georg. 394, 395 et mox v. 518 *cælo sereno*. Ceterum in his verss. Homerum ante oculos habuit, egregie tamen ornavit ac variavit, Odyss. B, 270 seqq.; Virgilium vero Ovid.

Met. III, 594 sq.

518—520. *Omnia videt constare*, composita et tranquilla esse; nihil, quod inconstantiam et varietatem cæli ominetur, occurrere. Videtur ante oculos fuisse Lucret. IV, 462 *Et sonitus audire, severa silentia notetis Undique cum constant*. At Servius sic reddit: *omnia videt habere cælum quæ significant serenitatem*. 519. *dat clarum signum*. quale hoc fuerit, quærunter interpretes, num face sublata, an tuba. hoc haud dubie verum, et probat Burmann. sup. 239. *dat signum specula Misenus ab alta Ære cavo*. *castra* exquisite de copiis nauticis in litore tendentibus. Similia alibi v. Cerda. *velorum alas* h. e. extremas velorum partes, lacinias, angulos. Vulgo exponunt: quia vela navis alæ esse videntur.

521 sq. Ad Castrum Minervæ appellunt Trojani, sub Hydrunto: quo loco planum ac molle litus; hinc *humilem Italiam*; sive quia procul ex alto visentibus terra semper humilis videtur. cf. sup. ad v. 76. cf. Serv. unde Pompon. Sab. sua hausit.

Tum pater Anchises magnum cratera corona 525
 Induit : implevitque mero ; divosque vocavit
 Stans celsa in puppi.
 Dî, maris et terræ tempestatumque potentes,
 Ferte viam vento facilem, et spirate secundi.
 Crebescunt optatæ auræ, portusque patescit 530
 Jam propior, templumque apparet in arce Minervæ.
 Vela legunt socii, et proras ad litora torquent.
 Portus ab Euroo fluctu curvatus in arcum ;
 Objectæ salsa spumant adspargine cautes :

526 vocat Wall. 527 Stant Medic. prima in puppi Gad. pro div. lect. quod probat Heins., ut varietur hemistichium, quod et VIII, 680. IX, 261 recurrit. 529 venti Montalb. ab interpolatore. v. vel nobis Zulich. facilem vento Dorvill. et adspirate Wall. secunde alter Rottend. 530 Crebescunt multi et hic male. cf. ad Georg. I. 359. 531 que abest a Leid. 532 et deest Wall. prioris Goth. sec. a m. pr. ad l. vertunt tres Burm. 533 Vulgo Eoo. At Euroo omnes pæne codd. Pierii, Medic. et ceteri vetustiores Heins. et sex Burm. Nova tamen ea forma ab Eurys, etsi analogiam habet in Arctous, Lesbous et al., et confundantur fere Eurys et Eous ; poteratque primo erratum esse Eoo pro Eoo, ut Eo est in pr. Hamb. et in multis Euro. Vide Heins. ad h. l., qui Eoo, quod vulgatæ edd. habebant, cum Pierio retinuit ; non tamen, nisi in tribus quatuorve, iisque recentioribus libris, illud repperat ; adde duo Goth. at alter eroo. Euroo tamen etiam Servius interpretatur ; et usus est ea voce Priscian. in Periegesi. v. 871. flatu Eoo. Cort. ex Hamb. sec., idque videbatur in Parrhas. fuisse, in quo etiam Eoo repositum erat. curvatur aliquot Heins. et Burm. cum edd. Ald. Junt. sinuatur sec. Moret. 534 adspargine, antiqua forma, reposuit Heins., Medic. et Gudian. Grammaticisque Velio Longo et Nonio auctoribus. Vulgo aspergine. De voce Burm. laudat Barth. ad Stat. II Theb. 675. Goth. sec. vertigine, quod absolute ita dictum equidem non memini.

525 sq. Aliter quam de corona vera crateri ex more sacrorum imposita vix hæc videntur posse accipi ; etsi dubitatio animum subit, unde in alto florum copia fuerit. Sed hoc forte calumniari est. cf. sup. ad I, 724. Cum toto autem loco comparandus Pindarus in divino de Argonaut. carmine Pyth. IV, in nona Strophe: *ἐπεὶ δ' ἐμβόλον κρέμασαν ἀγκύρας* etc. vss. 344 sq. Quod autem in puppi stat, hoc inde illustrandum est, quod in puppi tutela collocata erat, h. e. signum numinis, cujus tutelæ navis erat credita ; una cum foculo aut ara. Ad hanc igitur libatio et preces fiunt.

529. Afferte, date, viam naviga-

tionem faustam vento h. e. vento secundo immisso ; et adspirate, favete, propitii. Verba singula cum dilectu. Mox 530 portus patescit, ad oculorum sensum. v. sup. ad 411. 531. 2. Ad seqq. cf. Dionys. Halic. I, 51, Strabo VI, p. 281 B. et Excurs. de Error. *Æn.* sub f. Adde Cluver. Ant. Ital. pag. 1240 etc. Portus est Portus Veneris. Arx pro monte (ut sup. 336. v. sup. ad 521), in quo templum Minervæ erat, quod Idomeneus condidisse ferebatur (Pompon. Sab. ad v. 530 Portus *Ætnei*, leg. *Idomenei*). 532. Ad verba compares sup. v. 207 Vela cadunt, remis insurgimus.

533—536. Portum Veneris describit satis ornate : situs est versus Ori-

Ipsæ latet; gemino demittunt brachia muro 535
 Turriti scopuli, refugitque ab litore templum.
 Quatuor hic, primum omen, equos in gramine vidi
 Tondentes campum late, candore nivali.
 Et pater Anchises: Bellum, o terra hospita, portas;
 Bello armantur equi; bellum hæc armenta minantur.
 Sed tamen idem olim curru succedere sueti 541
 Quadrupedes, et frena iugo concordia ferre:
 Spes et pacis, ait. Tum numina sancta precamur

535 dimittunt plerique codd., excepto tamen Medic. et nonnullis aliis. deducunt ed. Ven. Porro Late patet male Donatum legere, in Servianis notatum: quod tamen in nostro Donato non occurrit. 536 Erecti sc. aliquot Pier. ab litore idem ex antiquis, et Heins. e. potioribus. Vulgo a litore ut in uno Goth. 539 At p. A. quinque Burm. Tunc un. Leid. sic inf. 558. o abest a Rottend. tert. bellum contra h. Goth. sec. 540 Bella hæc alter Hamb. 541 Et tamen Ven. cursu Witt. currum succedere un. Leid., forte hoc exquisitius. Burm. laudat not. ad Ovid. Met. XIII, 611. 542 et ferre j. c. frena Zulieh. a m. sec. 543 Spes est p. ante Heins., ut plerique codd. et edd., etiam in Servianis ad v. 537 et sup. ad I, 443. Sed Medic. cum aliis melioribus Spes et p.

entem. Efficitur ille sinuoso litoris flexu, scopulis utrimque procurrentibus in mare et incurvantibus se, ut utrimque pro mole sint portui prætenta, ad quam maris ex alto allisi fluctus extrorsum franguntur. Euroo fluctu ab Euro, ut, Arctous. v. var. Lect. 535. 536. scopuli turriti, in turris modum alti, demittunt brachia muro gemino, ab utroque portus latere procurrentes in mare sensim decrescunt; Eadem fere sup. I, 162 sq. Hinc atque hinc vasta rupes geminique minantur In celum scopuli. cf. Odyss. K, 87 sqq. brachia bene tribuuntur scopulis, quoniam ambiunt portus latera, eumque a fluctibus et procellis tutum præstant. iidem sunt murus, cujus speciem habebant, refugitque a litore templum, dum ab alto intuentibus in ipsolitore situm videbatur, propius accedentibus retrocedebat quasi, quia situm est in colle, qui sensim crescit a litore, ut bene Serv.

537 sq. Anchisæ interpretatio ostenti et hic tribuitur: cf. Excurs. extr. ad lib. II. Equos candidos, quod fausti ominis est, conspectos interpretatur per bella primo in Italiæ aditu gerenda, quæ tamen pacata rerum conditio excipiet. Remotiora sunt, si bella Italiæ cum Romanis gesta, ut olim faciebam, interpreteris; et 541. de Italiæ Romanorum armis pacata. Comparant Odyss. A, 107 sqq. de bobus Solis et de Neptuni equo Apollon. IV, 1364 sqq., sed parum illa ad h. l. faciunt. Ceterum ornato pleraque. Tondentes campum late, pascentes late vagando. bello armantur ad bellum. curru h. e. curru. Multa hic Cerda, sed argutiolas sectans. Argutatur et Burmann. ad 543, qui equos candidos triumphantium huc advocat. Fundus interpretationis, quam Anchises facit, non in candore, sed in eo est, quod equi etiam jugum ferunt.

543. 544. Palladii sacrum faciunt,

Palladis armisonæ, quæ prima accepit ovantes ;
 Et capita ante aras Phrygio velamur amictu ; 545
 Præceptisque Heleni, dederat quæ maxima, rite
 Junoni Argivæ jussos adolemus honores.

Haud mora : continuo perfectis ordine votis,
 Cornua velatarum obvertimus antennarum,
 Grajugenumque domos suspectaque linquimus arva.
 Hinc sinus Herculei, si vera est fama, Tarenti 551
 Cernitur. Attollit se diva Lacinia contra,
 Caulonisque arces, et navifragum Scylaceum.

Cum alter Menag. numina sancta : Ad h. v. Pompon. Sab. "Ita et Probus legit et Apronianus." Quæ adeo memorabilis hic sit varietas, non assequor ; nisi est quod alii sacra exhibuerunt, ut ex sec. Hamb. et Leid. notavit Burm. 544 quæ primum duo Moret. et Rottend. sec. 545 capite ed. Junt. capite—velabar Rufinian. de Schem. Lex. p. 35 (255). capite et capite velamus sex vel septem ap. Burm. miro lapsu :— ante aram idem Rufinian. l. c. Goth. tert., Montalb. et Voss. hic etiam velantur, et Wall. a m. pr. velatur. 548 perfectis Franc. 549 avertimus conj. Jo. Schrader. in schedis. Idem tamen commode laudat Ovid. Met. III, 676 obstantes dum vult obvertere remos. antennarum scribant multi codd. ante minarum Goth. alter. 550 domus Gud. cum aliis. domum sec. Moret. a m. pr. 551 si fama est vera Ven. 553 Calloneque

cujus templum in eo portu, v. sup. 531. Hunc intrans, et terram capiunt, ita ut ea, tanquam hospitio, eos excepisse videri posset. *ovantes* ornatius quam *nos*. Mox 545 spectat ad sup. 403 sqq. 546. 547. *dederat quæ maxima* respicit sup. 435 *unum illud*—*præque omnibus unum. præceptis* pro e præcepto Heleni. *Argivæ* v. sup. I, 24, sed h. l. tantum ornat.

548—550. Item ex præcepto Heleni sup. v. 396 sq. Potest sacro hoc facto occupatio Italiæ facta videri. Sed similes Juris gentium aut publici notiones inter veteres non fuere ; fuit sacrum *χαριστήριον*. *obvertimus* sc. pelago, in pelagus, in altum : ut VI, 3. *Obvertunt pelago proras* ; nam si e sequ. versu, *domibus* G. h. e. litori ; tum potius esset *avertere vela*, *antennas*. pro his doctius *cornua antennarum*, *κεφαλαίαι*. *velatarum*, h. e. velis indutiarum, ut alias *velifera*. Mox traiciunt Sinum Tarentinum ; de *Her-*

culeo Tarento v. Exc. XIV ad h. v. Obscurum est, quorsum illa spectent : *si vera est fama*. In *Herculeo Tarento* subesse necesse est fabulam, nunc obscuram, de Tarenti originibus ab Hercule ductis ; cum vulgo ad Tarentem, Neptuni f., eæ referantur.

552. Tarentinum sinum a dextra prætergressis in prospectu erat promontorium *Lacinium*, tum *Caulonia* in monte sita, et *Scylaceum*. Liv. XXIV, 3 *Sex millia aberat ab urbe* (Crotone) *nobile templum, ipsa urbe nobilior, Lacinia Junonis ; sanctum omnibus circa populis*. v. ibi plura. Adde Strab. VI, p. 261 D et, præter Cluverium, Serv. et Cerdam, Aristot. de Mir. Audit. p. 726, Schol. et Notas ad Lycophr. v. 856. *attollit se*, quia appropinquantibus aut recedere montes videntur aut surgere. Serv. cf. sup. ad 411.

553. Versus austrum navigantibus

Tum procul e fluctu Trinacria cernitur Ætna;
 Et gemitum ingentem pelagi, pulsataque saxa 555
 Audimus longe, fractasque ad litora voces;
 Exultantque vada, atque æstu miscentur arenæ.

Wall. Servius: "*Aulonisque arces*, Aulon mons est Calabriae, ut Horat. II Od. 6 et *amicus Aulon Fertilis* (ita legitur) *Baccho*; in quo oppidum fuit, a Locris conditum, quod secundum Hyginum, qui scripsit de situ urbium Italicarum, Aulon est" (etsi in his postremis voc. dubia lectio). Potest hæc Serviana lectio doctrinae speciem habere; nam similiter *Aulonisque* exhibet Acron ad Horat. I Od. 16 (sed Craqu. Comment. *Caulonis*) et *Aulonesque arces* pr. Rottend. Legitur autem ap. Strabon. VI, p. 261 B. ed. Par. *Καυλωνία, πρίντερον δ' Αἰλωνία λεγομένη διὰ τὸν προσκειμένον αἰλῶνα*, h. e. convallē. Etiam Steph. Byz. h. v. ab Hecateo *Auloniam* vocatam memorat, διὰ τὸ μέσον αἰλῶνος ἵσαι (addit idem ab heroe *Caulone* mutatum nomen; qui forte *Caulus* ille est apud Servium, Clitæ Amazonis filius; sed probabilius est, dialecti aliqua duritie gattaralem accessisse, nam in Mazochii somniis ad Tabb. Heracleens. p. 527 sqq., ubi ex Hebr. *Kol*, de voce tonitru accepta, ducit, non moramur). Ex altera tamen parte primam litteram in principio versus excidisse in uno vel altero codice, quo Servius utebatur, non minus probabile est. Quod ap. Horat. II Carm. 6, 18 occurrit et *amicus Aulon Fertilis Baccho*, ubi Vet. Schol. montem esse Calabriae ait, et Intpp. laudant Martialis illud: *Nobilis et lanis et felix vitibus Aulon*, id ad Tarentinum agrum spectat, non ad hunc *Loerorum Epizephyriorum*, ut jam satis docti viri docuerunt, adeoque nil juvat, quod h. l. *Caulonis arces* h. e. mons vel promontorium memoratur, eod. v. *navifragum Scylaceum*. *Σκυλάκειον*. Multum aberratum est in his vocibus a librariis: *navifragum*, *navifragium*—*Scillaceum*, *Scyllaceum*, *Scillaceum*, *Silaceum*, *Scylleum*, v. Pier. et Bormann. 554 Cum Rottend. sec. et Hamb. sec. *Trinacri* Serv. sup. ad v. 384. *cernitur hora* pro ora Hamburg. pr. et Græv., quod et Jo. Schrader. malebat. v. Borm. Leid. *cum procul*—*tolli-tur Ætna*, non male. Rottend. tert. *Trinacria cernitur*, *Ætnam Et gemitum* p. 556 ab litore aliquot Heins., minus bene. Sic tamen quoque Medic. a manu emendatrice. 557 *Exsultantque vado* tert. Mentel. a m. pr., non infelici lapsu.

primo loco *Caulonis arces* apparent navigantibus, h. e. Caulon, vel Caulonia, in alto litore vel colle condita, Achæorum colonia. v. Strab. VI, p. 261 B. Pausan. VI, 3 p. 459 et Intpp. ad Steph. Byzant. h. v. Serviana plane ineptiunt. Mox *Scylaceum* vel *Scylacium*, olim *Scylletium*, in conspectum venit, in interiore sinu, *navifragum* h. l. dictum sive propter scopulos litus, ad quod urbs illa sita, (quod tamen negat esse *Swinburne*) Atheniensium colonia, sive propter tempestates inter tria promontoria Iapygum et Cocintum, frequentes et graves. Nam promontorium Scylacium frustra, puto, ponitur.

554—557. Scylacium sinum prætervectis jam e longinquo, tanquam

in medio mari (*e fluctu*) Ætna Siciliae cernitur h. e. ex fumo et igni cognoscitur; auditur quoque fragor maris ad scopulos Scyllæ allisi, jamque (557) apparet et oculis cognoscitur ingens maris æstus, quo Charybdis in propinquo esse intelligit Anchises. In toto loco ante oculos Ulysses Odys. M, 201 sqq. sed, ut recte hæc teneas, cogitandum est, legendo litus Trojanos jam ad interiora freti Siculi pervenisse; ibi et Scylla et Charybdis haud longe aberant. Nunc vide ornatum verborum: *saxa pulsata* fluctibus. 556. *fractus voces*, maris fragorem; inf. 669 *sonitus vocis*. 557. *vada exultant* h. e. mare ex imo fundo sublatum in altum egeritur. v. sup. 420 sq. *ἤδη δ' ἄπορον βόαςκεν ἀναβλύζουσα Χάρυβδις*. Apollon.

Et pater Anchises : Nimirum hæc illa Charybdis ;
 Hos Helenus scopulos, hæc saxa horrenda canebat.
 Eripite, o socii ; pariterque insurgite remis. 560
 Haud minus ac jussi faciunt : primusque rudentem
 Contorsit lævas proram Palinurus ad undas ;
 Lævam cuncta cohors remis ventisque petivit.
 Tollimur in cælum curvato gurgite, et idem
 Subducta ad Manes imos desidimus unda. 565
 Ter scopuli clamorem inter cava saxa dedere :
 Ter spumam elisam et rorantia vidimus astra.

558 At sec. Rottend., ut alibi sæpe. Sic sup. v. 539. hæc abest a Mentel. pr. Goth. sec. hic illa Medic. cum aliquot Pierianis. 560 o deest Leid. et plerisque, quos Pierius viderat, cum Goth. alt. etque Franc. 561 hac j. Franc. primumque r. Reg. rudentes Gud. a m. pr. et Exc. Burm. rudente aliquot ap. Burm. et Pierium, ex interpolatione puto, ut ad funem referrent, tridentem proram conj. Heins. inf. ad V, 143 et Jo. Schrader. in schedis. 562 lævam proram ed. Ven. in unda Leid. a m. pr. 563 petebant pr. Hamburg. 564 ad cælum Medic. Pierii. turbato tres Burm., male. in gurgite pr. Hamb. 565 Subducti Parrhas. Mox vulgg. edd. ante Heins. descendimus ; verum reposuerat ille (tanquam exquisitius) cum Medio. aliisque præstantioribus suis et Pierianis desidimus, quod Bened. et Pierius, tum ipsecopiose illustratum dederunt ; desidimus ex uno Montalb. proferebat, tanquam quod cum Tollimur melius tempore conveniret, et nunc receptum ab Burmanno vides. consedimus unus Leid., male. 566 ad concava Parrhas. dederunt Ven. 567 Totus versus abest a Goth. pr., alter rotantia ; quanquam piget talia notare.

IV, 923. Mari e fundo exæstuante, æstu, arena miscetur aquæ.

558—560. Respiciuntur Heleni dicta sup. 410 sqq. Hos scopulos, saxa int. Scyllam : sup. 420. Eripite nos. Vulgaris orationis tædium excutit poeta et in hoc, quod pronomina omittit ; interdum ad nostros sensus satis duriter. Sed lenius hoc quam supplere remos : ut sit : Eripite remos, expedite. insurgite remis, v. sup. ad v. 207.

561—563. A litore Italiæ, cum in medio freto jam versarentur, cursum deflectunt, adeoque a dextra in lævam, ne in interiora freti æstu impulsa navis rapiatur. rudentem proram, ὀγκώμενον, ut gemere, βοῶν, clamare, h. e. stridere, impulsu fluctuum, ac sonare, ut etiam Serv. Vox et inf. occurrit VII, 16.

564—567. Maris æstuantis et magnos fluctus moventis, propter vicinam Charybдин et Scyllam, agitationem et motum concitatissimum in transcurso sentiunt Trojani. Sed aucta hæc omnia in rerum miracula. Videntur autem v. 564. 565 ad Charybдин, et 566. 567 ad Scyllam sigillatim spectare. conf. sup. 420 sqq. et Cerda. adde ad Tibull. IV, 70—75. desiderare, ut sidere, subsidere, proprie de rebus, adeoque etiam de navibus, mersis vel depressis. v. Heins. ad h. l. et quos laudat Burm. 566. Fluctus cum fragore in cavernas litoris irruunt æstu maris propulsi ; unde retroacti in alios fluctus supervenientes incidunt ; quibus allisi undam in medio pressam ejaculantur. Spumam elisam, fluctuum ad caute allisorum. ἐπιβλήεις

Interea fessos ventus cum sole reliquit ;

Ignarique viæ Cyclopum allabimur oris.

Portus ab accessu ventorum immotus, et ingens 570

Ipsa ; sed horrificis juxta tonat Ætna ruinis,

Interdumque atram prorumpit ad æthera nubem,

Turbine fumantem piceo et candente favilla ;

Attollitque globos flammarum, et sidera lambit :

558 *relinquit* tres Burm. duo Goth. 569 *illabimur* Franco. *undis* sec. Rottend. 570 *incessu* pr. Hamb. et *abscessu* alter. ab *accensu* Zolich. ab *ocasu* Græv., sed adscriptum *accessu*—*motus* Uratist. 571 *Ipsa* Pierius et alii cum Ætna jungant. v. Burm. *ipsa* Erf. sed, *Ipsa* portus. sub *horrificis*—*ruinis* aliquot ap. Pier., sed id esset vulgaris ; *tonat* meliores, ut vis poetica postulat. Multi *sonat*, ut semper variant. 572 *prorumpit* Dorvill. ad abest a Gud. 573 *canente* a m. pr. Leidens. *candore* Voss. 574 *Hæserant* Critici jam apud Gellium (v. Exc. XV) in hoc, quod poeta uno tempore fumum et flammam emitti faciat, cum tamen, quod Pindarus bene observaverit, *interdum* fumet Ætna, *noctu* flammiget. Cui, si poeta id vitiose a se poni putasset, facile potuisset occurrere, scribendo : *Attollitque globos*. Enimvero si poeta tam subtiliter rem tractare voluisset, cum noctu Trojana classis appulerit, nihil aliud quam *flammas* memorare debuerat. Sed intervalla habet intestinus Ætnæ labor non modo majora illa extremi furoris et remissionis, vide v. c. Strab. VI, p. 274 A. C., verum etiam cum semel exarsit, minora illa, fumi modo continui, modo inter fumum flammæ ; interdum cum flamma expulsa saxa. Utrumque sequi poeta potuit ; conjunxerat etiam omnia pariter Lucret. VI,

ὑδατος ἄχνη, Apollon. IV, 1238. *rorantia* astra, aqua in altum sublata roris instar guttatim destillante, probasse videtur sæculi Augustei genius. Nostris hominibus vix placeant ! Ita tamen veteres sæpissime. v. c. mox v. 574 *et sidera lambit*, de flamma Ætnæ ad cælum exundante. 568. Quam ornate ! vesperi ventus, aquilo, cessat.

570. Subeunt Trojani Portum Cyclopum. Proprie aqua est immota a ventis : inde eleganter portum ventis inaccessum extulit : *Portus ab a. v. immotus*. Portum autem hunc, ut totum de Cyclopibus, eorumque terra, locum Homero sublegit : Odyss. I, 136 sqq. Ἐν δὲ λιμὴν εὐορμος etc., qui versus hujus sunt interpretatio. Portus ille Ætnæ profluvii totus nunc est oppletus, ut ex P. Bembo et Facello docuit Cluverius. cf. *Sestini Lettere* Tom. I, Lett. 9. Extant scopuli, de quibus accurate nuper egit Dolomieu. Ceterum e

Virgiliana narratione apparet, poetam fuisse inter eos, qui insulam Caprariam et Cyclopum sedes ante Ætnam in litore orientali collocarent ; non ad Drepanum et Erycem, ut alii et ipse Homerus : quos Cluverius sequitur.

571—577. Si alia de Ætna loca vis comparare, v. Cerda h. I. et Cluver. Sicil. ant. lib. I, c. 8 ; et quis nescit Cornelii Severi Ætnam ? quam nobis docte illustratam dedit Wernsdorf. Poet. min. T. IV. P. I. ubi v. p. 104 et p. 24 alios auctores laudat. Sed ea, quæ ad Maronem faciunt, v. in Excurs. XV ad h. I. Ad poetæ nostri ductum Justin. IV, 1. 571. *horrificis tonat Ætna ruinis* h. e. fragore resonat ; quem faciunt ruinæ viscerum montis. satis graviter. 572. *prorumpit*, emittit, ἀναίμπι, antiquo loquendi modo, ut jam Lucret. conf. sup. I, 246. ubi *mare proruptum*. 573. *Turbine piceo et fa-*

Interdum scopulos avulsaque viscera montis 575
 Erigit eructans, liquefactaque saxa sub auras
 Cum gemitu glomerat, fundoque exæstuat imo.
 Fama est, Enceladi semiustum fulmine corpus
 Urgueri mole hac, ingentemque insuper Ætnam
 Impositam ruptis flammam expirare caminis; 580
 Et, fessum quoties mutet latus, intremere omnem

690—693, quem ante oculos habuisse videtur Virgilius. 575 *convolsa* aliquot Pier. et Leid. 576 *Erigit* Heins. cum melioribus retinuit. At *Egerit* pr. Moret. alter Voss. et tert. Rottend. pro var. lect., Erf. et malit Burm. propter τὸ *eructans*, et adstruit copiosius Burm. Sec. ad Anthol. Lat. p. 350. Permutatio sane utriusque vocis est satis obvia; v. sup. 423, et *egerere* per se elegans esset; sed *erigere* et exquisitius ac doctius esse et majorem vim habere videtur, ut in altum continuo tractu surgentia saxa ac metalla eniti videas. Inf. IX, 239 *aterque ad sidera fumus Erigitur*. VII, 529 *Paullatim sese tollit mare et altius undas Erigit*; inde imo *consurgit ad aethera fundo*. Porro eruit Menag. sec. *eruptans* Franc. sub *astra* sec. Menag. 577 *glomerant* Hugen. 578 *Encheladi* Wall. cum aliis. *semiustum* merito revocavit Heins. Libri plerique et edd. *se-musti*, cum non viderent, duas vocales contractas in unam esse, ut sæpissime fit apud Græcos. 579 *more* Gud. a m. sec. hac mole Oudart. *que deest* Montalb. 580 *ex-pugnare* alter Hamburg. *spirare* Oudart. 581 *quotiens* duo Goth. et sic *Medic. mutet* cum *Medic.* et aliis bonis libris Heins. *mutat* Donatus cum aliis; uti et bini Goth. (tert. *morat*). Sane *mutare latus* bene dicitur; et docuit satis illud Heins. cum aliis. Ad Callim. H. in Del. 143 frustra provocat: Nam εἰς ἐτέραν Βριαρῆος ἐπωμίδα κυυμένωιο potest esse et *motat* (mouet se) et *mutat*. Sed *motat* pro *mouet* agnoscit codicum pars, etiam ap. Pierium, et defendit Servius, cum viris doctis; v. Cerda, et ante eum Guel-lius; possitque id tanquam exquisitius præferri, nisi perpetua et temeraria harum vo-cum in libris occurreret permutatio. Apud Statium III Theb. 595 *aut ubi tentat Ence-ladus mutare latus*, Virgilii imitatione, nulla varietas occurrit, nisi quod unus *versare* legit. In nonnullis etiam *motet*; in Wall. *moveat*. cf. Burm.

villa: h. e. globis fumi, cum cinere permistis, φλόγας καὶ λιγνύς, ut Strabo VI, p. 274 A. Aliter non accipi-am. *favilla candens*, ut *canus cinis*; or-nans epitheton a rei natura ductum. cf. Lucret. VI, 689—692. De scintil-lis Servius exponit. 576. *Erigit eru-ctans* ornatus quam eructat, ἐρεγγεῖ, emittit, extrudit. *liquefacta saxa* h. e. in vitrum conversa, interdum admi-xtis metallis; unde ῥύακες illi, rivi ig-niti (*Lava*). *fundo*, ἐκ μυχῶν, ut Pin-darus: *voluntur ab imo fundamenta*, Auctor Ætnæ 197.

578—582. Nota vel ineptis homi-num commentis fabula, quæ ex anti-quo physica phænomena adumbran-di modo profecta est, cum ignem sub-terraneum cum fulmineo igni com-

parent; hunc itaque ignem in mon-stro, quod fulmine percussus erat, vivum ac perpetuum durare. Pro Encelado, quem tamen et alii agno-scunt, ut Orpheus Arg. 1249. 1250. cf. Cornel. Sev. Ætna 70 sqq., Ty-phoeum vel Typhonem memorant Pindarus l. c. et Æschylus (ut Bria-reum Callimachus in Del. 143); at Virgilius hunc sibi servavit ad simi-lem locum subterraneo igni notabi-lem inf. IX, 716 idque Homeri ex-emplo Iliad. B, 783. v. ad Hygin. f. 152: Cerda et alii. Pari exemplo ad Phlegraeos campos magno terræ mo-tu collapsos Gigantum pugna fuit traducta. cf. Notas ad Apollod. p. 69. 70, add. Gesner. ad Claudian. p. 444. Diod. V. 71. 579. Ætnam in-

Murmure Trinacriam, et cœlum subtexere fumo.
Noctem illam tecti silvis immania monstra
Perferimus; nec, quæ sonitum det caussa, videmus.
Nam neque erant astrorum ignes, nec lucidus æthra
Siderea polus; obscuro sed nubila cœlo; 586
Et lunam in nimbo nox intempesta tenebat.

Postera jamque dies primo surgebat Eoo,
Humentemque Aurora polo dimoverat umbram:
Quum subito e silvis, maciæ confecta suprema, 590
Ignoti nova forma viri, miserandaque cultu,

583 *Nocte illa* aliquot Pieriani, et duo Burm., sed hoc vulgaris. *tecti silvis* omnes fere libri Pier. et Heins. itaque in recte sublatum. De sensu ambigunt Cerda et Burm. Sed in litus escendisse Troianos noctemque ibi exegisse, dubitare nec narrationis modus nec veterum hominum mos sinit; neque aliter Ulysses in eo ipso loco, quem Virgilius hic expressit *Odys. I, 150. 151. tecti silvis* ad litus procurentibus, in loco nemoroso, in his ipsis silvis, ab interiore parte, accedentem mane ad se vident Achemenidem v. 590. Non autem, eæque olim latæ, silvæ defuerant Ætnæ, ut ex Pindaro discas *Pyth. I*, altera Antistrophe: *Ἄφρᾳς ἐν μέγα μὲν ἄλλοις κορυφαῖς καὶ πύξῃ*. immunia Medio, a pr. m. 585 *nec l. æther Sidera habet. polus*—Sprot. *æther* etiam Voss. cum Goth. tert. 586 *obstruso*—calo Goth. sec., felici errore, si modo error nec prisca lectio est, cujus interpretamentum sit obscuro. Nam *obstrusum* exquisite pro clausum, oclusum, adeoque obductum, obscurum. In libris fere illud cum voc. *abstrusum* variat, apud Lucan. Stat. et Claudian., quod vel Lexica docent. 587 *in deest* binis Burmann. limbo Goth. pr. 588 *namque* Montalb. Goth. pr. *prono* Goth. tert., frequenti lapsu. 589 *Humentesque umbras* Ven. v. lib. IV, 7 et sæpe alibi. 590 *Tum* Leid. Mox e deest Wall., etiam edd. nonnullis vulgg. *conspicua* pr. Hamb. pro var. Lect. v. Burm. 591 *nova fama* sec. Rottend. *vultu* tres ap. Burm.

super impositam, ὑπερθεὶν ἐπιτεθεὶν ὄρος, *expirare flammæ caminis ruptis* h. e. cavernis et receptaculis flammæ subterraneis, quæ nove *caminos*, fornaces, dixit. 582. *Trinacriam intremere* (nam vix *intremere* pro tremefacere posuit poeta, ut Ætna subiectum esset) et (illam Enceladum) cœlum *subtexere fumo*, exquisite, ut *suffundere*. Utrumque Lucret. in eadem re, loco jam Cerdæ laudato, VI, 478—481.

583—587. Escenderant nocte oppressi in litus et in nemoroso loco noctem exegerunt. *monstra* h. l. monstrosum phænomenon, rem portentosam. 584. *sonitum*, fragorem montis. 585. Nox erat intempesta

et illunis. *nec lucidus polus æthra siderea* h. e. sideribus; nec cœlum stellis fulgentibus lucebat. 587. et *in nimbo*, nubilo aere, *tenebat*, occultabat, *lunam nox*. 'Αἴθρ' γὰρ περὶ νηυσὶ βαθεῖ' ἦν, οὐδὲ σελήνη Οὐρανὸν προῦφανν' κατεῖχετο γὰρ νιφέεσσιν *Od. I, 143. 144*: quem totum locum Virgilius ante oculos habuit, laude tamen hæcenus integra, quod Achemenidis persona inducta magnam legentibus mirationem rei novitate facit. Imitatorem nostri habes Ovidium XIV Met. 158 sqq., ubi ad Cumas alius Ulyssis socius substiterat.

588—592. *primo Eoo*, Lucifero, mane, ἡφώς ἀστὴρ, cf. Georg. I, 288.

Procedit, supplexque manus ad litora tendit.
 Respicimus. Dira illuvies, immissaque barba,
 Consertum tegumen spinis : at cetera Graius,
 Et quondam patriis ad Trojam missus in armis. 595
 Isque ubi Dardanios habitus et Troia vidit
 Arma procul : paullum adspectu conterritus hæsit,
 Continuitque gradum ; mox sese ad litora præcep
 Cum fletu precibusque tulit. Per sidera testor,
 Per superos, atque hoc cæli spirabile lumen : 600
 Tollite me, Teucris ; quascumque abducite terras ;

592 ad sidera Zulich. a m. pr. et Wall., librarii lapsu, ejus animo frequentior ratio in
 sederat. 593 Prospicimus aliquot Pieriani. *ingluyes* Sprot. *dimissaque barba* idem cum
 Uratisl. cum Goth. sec. (pro *demissa*), *promissa* Nonius in *promittere*, et Gud. a m. pr. :
 utramque vulgarius præ eo, quod excusum est. *immensa*que Witt. Servium argutari arbitror.
 594 *tegumen* Heins. scripsit cum Medic. et aliis vetustis. cf. eund. inf. VII, 666, et ad
 Ovid. XIV Met. 166. Item Pierius e duobus. Ceteri *tegimen* vel *tegmen* ; hoc habebant
 edd. vulgg. Mox et vel ac cetera multi ap. Burm. 595 *Ut quondam* ita reposuit Burm.
 ex Hugen., ut sententiam melius connecteret : Poni enim *ut*, quemadmodum sæpe, ut
 erat, sicut erat. Inde illa illuvies, inde detritæ vestes, quod diu in obsidione Trojæ hæse
 rat. Vulgo legitur *Et*. Videat lector, an in hoc acquiescere malit ; Equidem hoc revocavi.
 Nam primum *Ut* parum commodum, quocumque modo accipias ; (melius tamen positum
 dicas pro *quippe* qui. Ex Burm. sententia *Ut* erat plene fuisset eloquendum). erat *Grai*
 us, h. e. Græco habitu, quippe qui ante Trojam fuisset. Hæc vix coherent. Porro, de
 tritarum vestium causas ab obsidione Trojæ repetere, jejuna videtur. Sufficit aliquem
 per tres menses vitam in silvarum latebris exegisse. Itaque sequi malim Servium : v.
 not. Nisi, quod arbitror, totus versus alienus et ex lib. II, 87 *Pauper in arma pater*
primis huc misit in annis confectus. Certe eum, si absit, nemo facile desideret. Lenior
 medicina foret hæc, ut versu seq. pro *Isque* legas *Namque* ; ut sic oratio procedat : *at ce*
tera Graius, Et quondam patriis ad Trojam missus in armis. Namque ubi Dardanios habi
tus et Troia vidit Arma procul, p. a. c. hæsit. Ita omnia inter se nexa ; etsi Serviana ra
 tio sic satis rem expedit. 597 *aspectu paullum* Witt. *paucio aspectu* Goth. sec.
paullum a conspectu Goth. tert. 600 Rufinian. de figg. p. 26 (209 R.) citat : *per*
superos atque hoc cælum ; lapsu, haud dubie, memorie. *perque hoc cæli* Wall., non male.
 v. Burm. *numen* Leid. *sperabile numen* a m. pr. Medic. 601 *quescunque* aliquot, an-

umbram humentem, uti amant poetæ
noctem humidam (cf. Cerda), propter
 rorem.

593—595. cf. vet. poeta de Thy
 este apud Cic. Tusc. Qu. III, 12.
immissa in faciem, adeoque exquisi
 tius quam *promissa barba*. *Conser*
tum spinis tegumen, vestem laceram
 ac detritam habebat, et, ne panni
 diffuerent, spinis pro filis consutam
 et sartam. cf. Ovid. Met. XIV, 166,
 ubi multa ex Virgilio adumbrata.
 Ex his ipsis tamen pannis agnosce-

batur Græcus esse : scilicet si totum
 vestitum et habitum hominis repu
 tares. Latius Servius : *Habet enim*
unaquæque gens incessum et vocem pro
priam.—595. *patriis ad Trojam mis*
sus in armis, HomERICA oratio, nam
 sæpius similis forma, aliquem a pa
 tre ad bellum esse missum, occurrit.
 Adjicit Serv. *ex sequenti ejus confes*
sione hoc didicit Æneas. At de toto
 versu cf. var. Lect.

599—606. *testor*, quæso, obtestor.
hoc cæli spirabile lumen, vitale, de quo

Hoc sat erit. Scio me Danais e classibus unum,
 Et bello Iliacos fateor petiisse Penates :
 Pro quo, si sceleris tanta est injuria nostri,
 Spargite me in fluctus, vastoque immergite ponto. 605
 Si pereo ; hominum manibus periisse juvabit.
 Dixerat ; et genua amplexus, genibusque volutans
 Hærebat. Qui sit, fari, quo sanguine cretus,
 Hortamur ; quæ deinde agitet Fortuna, fateri.
 Ipse pater dextram Anchises, haud multa moratus, 610
 Dat juveni ; atque animum præsentī pignore firmat.
 Ille hæc, deposita tandem formidine, fatur :
 Sum patria ex Ithaca, comes infelicis Ulixi,

tique v. Pierium. in quascunque aliquot alii Pier. adducite terris Medic. a m. pr. adducite alii multi Heins. et Burm., sollenni lapsu : advertite etiam alter Hamburg. pro var. lect. 602 de classibus Montalb. et sec. Moret. 603 Argolicos Rufinian. de Schem. Diancar. p. 269. 604 sceleri Medic., sed a m. pr. 605 in abest a binis Burm. in fluctu Venetus. 606 Præclare hanc lectionem redaxit Heins. codicum fere omnium, etiam Pierianorum, auctoritate ; in edd. vulgg. erat : Si pereō, manibus hominum, p. j. Fuere quoque qui distinguerent : Si pereō manibus hominum p. j. multo tenuius. Porro Si peream aliquot Pier. Male. Quod pereō : hominum cum nullo hiatus metu ponitur : græco more fit, quo *æ* ante vocalem sequentem haud facit hiatus ; imprimis in versus articulo. 607 amplectens duo Moret. Leid. un. Goth. pr. volutus iidem et alter Leid., sed hoc vulgaris. Vulgatum defendit etiam Carisius. 608 Qui sit Heins. cum melioribus, ut jam ante Pierium lectum ; alii Quis sit vulgari ratione. quo fari sanguine Sprot. fari a quo Menag. alter. 609 agitat Hamb. alter. 610 haud plura Parthas., ex communi formula. v. Burm. loquutus Wall. a m. pr. 612 Idem versus sup. II, 76 in controversiam vocatus. Ipse Dorvill. 613 Ulixi et hic ab Heins. cf. Pier.

(l. quo) spiramus : *Serv. lumen* autem pro æthere, aura ; ut etiam poetæ : *luminis aura*, quandoquidem lucem transmittit. *Danaïs* (pro Danaicis) *e classibus*, unum e Danais. Ex Sophoclis Philocteta nonnulla cum his comparari posse, jam Cerdæ monitum. *si sceleris tanta est injuria nostri*, ornato, si scelus meum tantum est. *Spargite*, cum vi, discriptum dispergite.

607—611. *genibusque volutans hærebat* : ad genua provolvens se inhærebat, *πρὸς τοὺς γόνατα* *ἔκχρω*. *dat juveni*, ut evitaret tenuem voculam *ei*. *præsentī*, certo, *pignore*, quod manum dat, adeoque fidem, tanquam *ἰσχύ*.

613 sqq. Hoc de Achemenide episodium totum Virgilio ingenio debere videtur, scilicet ut ita HomERICA de Cyclope intexere suis versibus posset. Nam delectare solet et hoc, si fabulas, notas quidem nec novas, nova tamen cum variatione, novo cum ornato, et in novo rerum vel narrationis ordine legimus. Temporum rationi quidem adversatur hoc episodium, quod jam apud Servium notatum videas ; Ulysses enim inter initia erroris sui ad Cyclopos venerat, at Æneas multo serius. v. Exc. II de Error. Æneæ annis : ad a. 6. Sed in talibus, quæ lectorem non offendent, nisi molesta subtilitate aliena a

Nomen Achemenides, Trojam, genitore Adamasto
 Paupere, (mansissetque utinam Fortuna!) profectus.
 Hic me, dum trepidi crudelia limina linqunt, 616
 Immemores socii vasto Cyclopi in antro
 Deseruere. Domus sanie dapibusque cruentis,
 Intus opaca, ingens. Ipse arduus, altaque pulsat
 Sidera, (Dî, talem terris avertite pestem!) 620
 Nec visu facilis, nec dictu affabilis ulli.
 Visceribus miserorum et sanguine vescitur atro.

614 *Nomen*, post Ge. Fabric. Pieriumque, revocavit Heins. e codd. cf. Toll. ad Anson. p. 297. Vulgo *Nomine*, quod vulgare. Porro *Achemenides* scriptum, cum *Medie*, aliisque præstantioribus, etiam ap. Ovidium, ut sit *ἡ τὰ ἀχχὺ μῆτις*. Vulgo *Achamenides*, quod nomen aliunde notias esse poterat. *Achimenides* alii, ut omnes Gothani. *Agamenides* Franc. et sic Nannius. v. Burm. at græcum est *Ἀχχυσίδης*. Tandem *Adamasto*, ex *Ἀδάμαστος*, varie corruptum: *Adamasco* ap. Pier. et al., *Damasco*, *Damasto*, *Adamastro*. 616 *trepidum* Sprot. *tépidi* Ven. *lumina* alter Hamb. et Goth. 618 *Domos* Medic. (a m. pr.) tert. Rottend. Sane *Domus sanie dapibusque cruentis* durissima iunctura dictum, pro saniosa. Barmannus videtur probasse H. Stephani interpretationem: *opaca sanie et dapibus*; quod et durum et jejunum est. Obvia est emendatio: *Domus sanie dapibusque cruenta*; sicque Wittianum habere video; modo distinguas: *domus sanie dapibusque cruenta Intus, opaca, ingens*. Sæpe epitheta librarii accommodant proximo vocabulo. *Dapes* autem ipsæ erant *cruenta*, hinc sine dubio *cruentatum* antrum. Exemplis res non indiget. Inf. VIII, 297 *janitor Orci Ossa super recubans antro semesa cruento*. 619 *ingens* ipse jungit Waddelius ap. Burm., qui recte rejicit. 621 *affabilis* retinuit Heins. codd. Grammaticorumque auctoritate; et Macrob. VI, 1 ab Accio in Philoclete sumtum testatur: *Quem neque tueri contra neque affari queas*. Statii etiam imitationem affert Burm. III Silv. 3, 72 *Terribilem adlatu passus visusque tyrannum*. Servius tamen *nec dictu affabilis*, sermone non explicabilis; et inf. v. 644 *infandi Cyclopes*, ineffabiles, ubi ad h. l. provocat. Esset itaque *πῖλας ἀπῆντα*, vel Hesiodo voc. *ὄφης φαρύς*, quod Rahnkenius ingeniose restituit Orpheo v. 926, et videri potest exquisitius. Sunt etiam codices, qui ita legunt, apud Pieriam, plerique Heins. et Burm. possuntque similia memorari, v. c. Silius I, 175 *ferum visu dictuque*. Et affine huic alterum: *visu audituque*, quod sæpe occurrit, jam inde ab Orpheo Argon. 901. cf. ad Pindar. P. I, 50. Recte tamen alterum præfertur, quandoquidem junctum cum *nec visu facilis*. 622 *pascitur* Gud. tert. Rottend. et alt. Voss. cum pr. Goth.

a re præsentī admiscentem, male
 poetas reprehendas. *genitore paupere*:
 cum genitorem pauperem haberem.
 sup. II, 87 *Pauper in arma pater pri-*
mis huc misit ab annis. Nescio tamen,
 annon poeta sua potius tempora, qui-
 bus militia inter vitæ genera quæ-
 stuosa erat (v. ad Tibull. I, 1 pr.),
 quam Homericæ respexerit; nam ad-
 dit: *mansissetque utinam Fortuna!*
 Ceterum hoc dictum est elegantius
 quam: *utinam pauper*, adeoque do-
 mi, manere maluissem!

616. Cum Ulyssis socii, ne Poly-
 phemus injuriam ulcisceretur, fuga
 se proriperent, Achemenides forte
 remansit. *trepidi*, bene adjectum,
 præ festinatione. 618. *domus sanie*,
 pro saniosa, usu casus sexti paullo
 durior. v. Var. Lect. 620 sq. *pe-*
stem, pestilens et exitiosum hominum
 vitæ monstrum. *nec visu facilis* h. e.
 cujus aspectum non facile aliquis
 ferat (*ἀπροσάρατος* voce Orphica, *ἐνα-*
ντίβλεπτος. Bene Serv. *cujus pos-*
sit etiam aspectus inferre formidi-

Vidi egomet, duo de numero quum corpora nostro
 Prensa manu magna medio resupinus in antro
 Frangeret ad saxum, sanieque expersa natarent 625
 Limina; vidi atro quum membra fluentia tabo
 Manderet, et tepidi tremerent sub dentibus artus.
 Haud impune quidem. Nec talia passus Ulixes,
 Oblitusve sui est Ithacus discrimine tanto.
 Nam simul, expletus dapibus, vinoque sepultus, 630
 Cervicem inflexam posuit, jacuitque per antrum
 Immensus, saniem eructans ac frustra cruento

624 *Prensa* etiam hic duo Burm. cum tert. Goth. 625 *expersa* Servius: "Hæc fuit vera lectio, id est, madefacta: nam si *aspersa* dixeris, tapinosus et hyperbole junguntur, scilicet *adpersa* et *natarent*." Fateor me non satis assequi discrimen hoc inter *expersa* et *aspersa*: sed præferendum video alterum tanquam rarius et doctius: non quod major vis insit. Erat tamen Serviana lectio in nullo Pieriano, sed in optimo Menag. et quatuor aliis Heinsii, qui egregie adstruxit, et in tribus Burm. et tert. Goth. Add. Bened. Reliqui *aspersa* vel *adpersa* (quod interpretamentum est alterius); *respersa* Sprot. et pr. Moret. *exparsa* Witt. in margine. cf. sup. ad v. 534. Est autem *expersa* proprie foras spargere et hinc dispergere, dissipare; et tandem *limina expersa*; *respersa* sanie ac cruore ex illis humi corporibus. 627 *trepidi artus* Medicei aliorumque vetustiorum auctoritate receperat Heinsius, non offensus eadem rei natura bis expressa: *trepidi* h. e. tremuli, *tremerent*. Tacite eum deseruit Burm. antiquo revocato *trepidi*, scilicet vitali calore. Paulo melius Ovidius XIV Met. 196 *elisi trepidant sub dentibus artus*. 629 est deest binis ap. Burm. 630 *meroque* Wall., *perperam*. 631 *cervicem inflexam* pro *flexa*, et hoc pro *reflexa*. 632 *per antrum Immensus*; sic Servius, Gud. a m. pr. alter Mentel. a m. pr. Voss. pr. duo Hamburg. totidem Moret. et

nem) nec sustineat alloquium. Reliqua v. in var. Lect.

623—627. cf. Odyss. I, 288 sqq. *corpora*, elegantius quam viros. *resupinus*, bene nisum jacentis exprimit, dum ad colligendas vires corpus reducit ac recurvat. cf. Burm. Homerus notionem magnitudinis et roboris in monstro tuitus est: *Σύν τε δὴ σώμασιν, ὥστε σκύλακας, ποτὶ γαίρ' ἰκόπτε'*. tantæ erant vasti corporis vires! Reliqua a Virgilio ornatus exposita. Nisi et ipsum voc. *resupinus*, cum Servio, de jacente humi Cyclope accipere mavis: quo ipso magnitudo virtutis appareat, quod *resupinus* hoc facere potuit. Conf. Ovidii versus XIV Met. 205 sq. ex h. l. expressos, *expersa* doctius, quam *asper-*

sa. v. Var. Lect. *membra fluentia tabo*, oratio poetica pro vulgari, defluente tabo. Ceterum hæc ad nostrum palatum haud esse comparata, facile sentias, cf. Exc. XVI.

628 sq. cf. Od. I, 299 sqq., 316 sqq. *oblitusve sui est*; *sui*, cum vi, h. e. suæ astutiæ ac calliditatis; quæ ista ætate eadem cum sapientia habita, ut ex Homero observare in promptu est; ibid. v. 420: *Ἀνδρῶν ἰγὼ βούλευον—πάντας δὲ δόλους, καὶ μῆτιν ἔφαινον*, "Ὡστε περὶ ψυχῆς" *μήγα γὰρ κακὸν ἰγγύθεν ἦεν*. in discrimine tanto. 630. ex cod. l. v. 296. 297 *Κεῖτ' ἔντροσ' ἄντροιο τανυσσάμενος διὰ μέλων*. add. 371. *sepultus*, motu et vita privatus erat. 631—633. v. ibid. 372. 374 *κεῖτ' ἀποδοχμῶσας παχὺν αἰχίνη*—in-

Per somnum commixta mero : nos, magna precati
 Numina, sortitique vices, una undique circum
 Fundimur, et telo lumen terebramus acuto 635
 Ingens, quod torva solum sub fronte latebat,
 Argolici clipei aut Phœbeæ lampadis instar :
 Et tandem læti sociorum ulciscimur umbras.
 Sed fugite, o miseri, fugite, atque ab litore funem
 Rumpite. 640
 Nam, qualis quantusque cavo Polyphemus in antro

Ven. ap. Heinsium, qui præferebat; adde duo Goth. *jacuitque per a. Immensus* Medic. cum ceteris etiam Pierianis; idquo Burmannus potius duxit; recte quidem meo qualicumque iudicio; nam et poetica oratione dignius et *ἰνδρῶν* majorem habet, quam alterum. Nam, quod Servius ait: *Immensum* ad Polyphemi magnitudinem pertinet, quasi in toto antro jacuerit; id potius ad τὸ per antrum valet, quod majus rei phantasma offert, quam in antro. Jam etsi adjicias: *jacuit per antrum Immensum*, hoc non æque rem in majus effert; potuit enim immensi antri qualecumque spatium occupare; quam *jacuit immensus*; et nunc *ἰνδρὶν* est illud alterum *per antrum*, ut impleat suo corpore totum antrum. of. similem varietatem Ovid. III Met. 37, et ad lectionem dijudicandam Quinctil. VIII, 4, 83, idem interpretationem nostram firmat. Porro *Immensam* sentem aliquot Pieriani, et Zulich. a m. pr., Prave. et fr. scripti Heins. Burm. cum Goth. tert. *cruenta* Witt. 633 *summa p. Numina* Dorvill. 634 *Nomina* Medic. *una ordine* Wall. a m. pr. 635 *tenebramus* h. e. obscuramus, excæcamus, legebat Donatus, cum aliis apud Servium, adversus Homeri et Euripidis fidem et exemplum, ut jam Pier. et alii monuerunt: est enim *τεῖβαν, ἰνδρὶν, τορνύων*. 636 *jacebat* Ven., male. v. notam. 637 *Phæbei* Wall. 638 *umbram* alter Hamb. 639 *a litore* Witt. Edd. Ald. et Junt. P. Dan. cum tribus Goth. *atque hoc ab litore* sec. Moret. *funes* Franc. 641 *Jam* pr. Moret., eleganter, inquit Heins.; quod vix verum h. l. Versus 641 ad 644 ab aliena manu interpositos acute suspicabatur Jac. Bryant, offensus imprimis τῶ: *qualis quantus-*

flexam pro vulgari, reflexam. *jacuit immensus* præclare, cum notione vasti corporis. 634. *sortiti vices* h. e. quod unicuique esset agendum. vide ibid. v. 331 sqq. 634. 635. vide ibid. v. 378 sqq. —636. *latebat* quanto ornatius quam *erat*! vides eadem voce simul torvam frontem, horridas palpebras, hirsutum supercilium, *λασία μὲν ὄφρῦς ἐπὶ παντὶ μετώπῳ Ἐξ ὧν δὲ τίτταται* Theocr. Idyll. XI, 71. 637. *Argolici clipei*: erat is Argivorum inventum: Paus. II, 25. Apollod. II, 2, 1. ubi cf. Not. p. 277. et inf. Exc. IX. ad h. libr. Fuit sane clipeus inde in communi Græcorum usu, aliquando etiam a Romanis receptus pro scuto: potuit tamen Argolicus

clipeus peculiare quid habere: quod rotundus erat, cum alii clipei essent oblongi; scuta etiam oblonga quadrata. Etiam Dionys. Halic. IV (p. 221, c. 16) *Ἀργολικὰς ἀσπίδας* Servius rex ferre jubet cives primæ classis. *Phæbeam lampadem* esse Solem, non Lunam, in aperto est. E Callimacho translatum esse versum, Faber pronuntiat; sed hoc tantum de clipei comparatione verum est, H. in Dian. 53 de Cyclopihus: *τοῖσι δ' ὑπ' ὄφρῶν Φάεα μονόγληνα, σάκει ἴσα τετραβοίῃ, Δεινὸν ὑπογλαύσσοντα*. Ex Virgilio sua sumsit Ovid. XIII Met. 851. 852. Mox 638 *ulciscimur* ad ductum Homeri l. c. v. 475 sqq. 641—644. Ornatum (partim ex

Lanigeras claudit pecudes, atque ubera pressat,
 Centum alii curva hæc habitant ad litora vulgo
 Infandi Cyclopes, et altis montibus errant.
 Tertia jam Lunæ se cornua lumine complent, 645
 Quum vitam in silvis, inter deserta ferarum
 Lustra domosque traho, vastosque ab rupe Cyclopas
 Prospicio, sonitumque pedum vocemque tremisco.
 Victum infelicem, baccas lapidosaque corna,
 Dant rami, et vulsis pascunt radicibus herbæ. 650
 Omnia collustrans, hanc primum ad litora classem
 Conspexi venientem. Huic me, quæcumque fuisset,
 Addixi: satis est gentem effugisse nefandam.

que claudit: de quo v. not. Omnino loco huic ultima poetæ manus defuit. 642 pren-
sat alter Hamb. v. ad. Ecl. III, 99. pressit Montalb. presat Franc. 643 hæc abest ab
Ven. hic Urat. habitant curva hæc ad pr. Hamb. volgo Gud. passim pr. Hamburg.
644 et in a. duo Burm. atque altis montibus Parrhas. et tres alii. 645 lumina tres,
vitiose. se cornu lumina complent Sprot. Satis bene. 647 domusque Mensg. alt. Goth.
alt. vastoque ab rupe Oudart. vastoque Franc. a rupe tres Burm., quem v. 648 tre-
mesco scribunt fere codices, testibus Pierio et Burm. 650 avulsis Wall. pro et v.
651 hanc partem ad litora Donatus legit, quod Ge. Fabricio videbatur habere aliquid
antiquitatis. hanc primo a litore Nonnius in lustrare: quod placuisse Heinsio mireris,
cum primæ litoris parti vix credere se potuerit, qui latebras quærebat; ut recte jam
Burm. monuit. Et cf. Ovid. XIV Met. 218 sq. loco e Virgilio expresso: Haud pro-
cul adspexi longo post tempore navim ad litusque cucurri. primum in litore Ven. Burmann.
malit: hanc primam ad l. classim. 652 Prospexi Medic. Gud. pro div. lect. Colot.
Parrhas., sed jam Prospicio v. 648. Conspectio Ven., idem Hinc me. alter Hamb. Huc me.

Hom. I. c. 337. 341) vides: *Qualis*
Polyphemus est, tales Cyclopes multi
in vicinia sunt, habitant. Est autem
 is poetarum mos, Græcis imprimis
 admodum frequentatus, in Pindaro
 vel centies observatus: ut evitetur
 tenuis oratio per verbum substanti-
 vum est, statim attributa substituunt;
 itaque h. l. pro *qualis est Polyphemus*,
 ornatus dixit poeta: *qualis claudit*
atque pressat; plenior oratio erat:
qualis Polyphemus est, qui claudit.
 Tenendum hoc est in aliis locis, in
 quibus eadem orationis forma occur-
 rit. Sic sup. I, 498 erat: *Qualis ex-*
ercet pro *qualis est, cum exercet.* An
 vero talis verborum ornatus trepi-
 danti Achemenidi satis conveniat,

dubitare forte possis. Sed in his cum
 poeta quodammodo tacite conven-
 tum est in hoc, ut ii, quos loquentes
 inducit, poetica oratione utantur.
 Quod nisi ita se haberet, quomodo
 tragoedia scribi posset?

647. *domos* sc. *ferarum* non otio-
 sum post *lustra*; nam speciem rei
 clariorem exhibet, quam voc. pro-
 prium dabat. *ab rupe Cyclopas* jungo;
 prospicit in monte errantes. modo v.
 644 *et altis montibus errant*; et inf.
 655 *summo cum monte videmus*; item
 675 *e silvis et montibus altis.* Mox
 649 *Victum infelicem*, simpl. miserum,
 tenuem. Argutum puto, de infelici
 arbore accipere. *lapidosa corna* ab
 osse, quod in se habent. 653. *Ad-*

Vos animam hanc potius quocumque absumite leto.

Vix ea fatus erat : summo quum monte videmus 655
Ipsum inter pecudes vasta se mole moventem
Pastorem Polyphemum, et litora nota petentem :
Monstrum horrendum, informe, ingens, cui lumen
ademtum.

Trunca manu pinus regit, et vestigia firmat.
Lanigeræ comitantur oves : ea sola voluptas, 660
Solamenque mali.
Postquam altos tetigit fluctus, et ad æquora venit,
Luminis effossi fluidum lavit inde cruorem,
Dentibus infrendens gemitu ; graditurque per æquor

654 *assumite* tres ap. Burm. 655 *in monte* aliquot Burm. et Goth. pr. 656 *gerentem* pr. Hamb. Unde Burm. conj. *ferentem*. Sed vulgatam *se moventem* multo præclarior esse cum *vasta mole* junctam, quis non videat? 659 *manu* Medic. (etsi interpolatus, et a recent. manu) cum præstantioribus omnibus Heins. et Pier. et utrique id probatum: At Burm. veterem lectionem *manum* revocaverat, recentibus tantum codd. et auctoritatibus firmatam, attamen in Quintil. Inst. VIII, 4, 24 lectam, et a qua lapsus difficilior fuisset ad alteram. Oritur ergo disceptatio inter auctoritatem et rationem. Sed nec *manum* bene dictum esset; quorsum enim *manus* a baculo regenda fuisset, sed *pinus* h. e. *truncus pineus*, *manu*, h. e. quam manu tenebat, *regit* et *firmat* *vestigia* h. e. *gressus*. Etiam Servius *manu* explicat, sed fere ut Pierius, qui *Monstrum pinus regit* jungere videtur. Lapsus in primis statim exemplaribus obrepere potuit: quod factum esse in multis veterum locis animadvertere licet. *Trunca manus pinus* Goth. pr. et tert. *gerit. format* Leid. 660 *hæc* s. v. Goth. tert. 661 *malis* tert. Rottend. Versus in-expletus in Ge. Fabricii libris, in Medic. duobus Mentel. uno Pier., quibus adde *Fragm. Vatic.*, etsi et ibi recenti manu adscriptum supplementum: *de collo fistula pendet*, quod ceteri fere codd. etiam editi habent, nisi quod duo tresve *pendebat fistula collo*, ut et Goth. tert. a m. sec., Montalb. *dependit f. c.* Rejecta hæc ab Heins. post multas virorum doctorum disputationes. v. Bened. Pier. Cerda et quos Burm. laudat. Neque, si ex codicum auctoritate rem æstimes, versus facile retineri potest. Nam aliis reprehensionibus interpunctione occurras: *ea sola voluptas; Solamenque mali de collo fistula pendet*. Si tamen ad sensum meum judico, etiam illa tollenda sunt: *ea sola voluptas Solamenque mali*: manifestam enim fit, esse eos conatus explendi versus, a diversis auctoribus profectos. Nec bene cohærent *ea sola v.* cum: *Lanigeræ comitantur oves*. 663 *effusi* alter Menag. et nonnulli alii, uti suspicari licet; item Medic., sed a m. pr. *effuso. fluidum* multi ap. Pier. et Burm. ut et aliis scribitur. ille Menag. sec. *lavat* Goth. sec. 664 *infrendis* Gud. a m. pr. *infrens* *fragm. Vatic.* a m. pr., suppletum *infremens*.

dixi: signato verbo exprimit desperationem, ait Serv.; at quatenus? sc. est pro, me tradere decrevi, ut alias morti, servituti, malo, se quis addicit. Addicunt se proprie, qui se vendunt, ut gladiatores.

658. Πίλωρ, πέλωριον Σαῦμα apud Homerum l. c. *informe*, ut ἀμορφον,

deforme. *cui lumen ademtum*, h. e. excæcatum; deformitas nova præter naturalem. 659. In *manu* truncus pineus *regit* eum, et *vestigia firmat*, firmum incessum præstat. Mox vero 662 *ad æquora venit*, ubi ad altum usque mare processit: pro vasti scilicet corporis modo; 663 *inde*,

Jam medium; necdum fluctus latera ardua tinxit. 665
 Nos procul inde fugam trepidi celerare; recepto
 Supplice, sic merito; tacitique incidere funem;
 Verrimus et proni certantibus æquora remis.
 Sensit, et ad sonitum vocis vestigia torsit.
 Verum ubi nulla datur dextra affectare potestas, 670

665 *fluctu*, quod et ipsum bonum esset, et *fluctus* legi Servius testatur et ex eo Pompon. Sab., sed hoc alterum omnes habent Pieriani, excepto Porcio, in quo s. abrasa, et Heinsiani, præter unum Rottend. *strinxit* aliquot Pier. Leid. *tingit*. Medic. et Sprot. *terit*, sed ille a m. pr., *Fragn.* Vatic. nil mutat. 666 *celare* duo Burm. Goth. tert. a m. pr. *Nos trepidi procul inde f. c.* hic ordo verbor. ex Argent. Bæcleri ap. Cuning. 668 *Verrimus* edd. etiam antiquiores, quas Pierius respicere videtur, et inter Heinsianos pr. Moret. et Ven. a m. sec. Prætulit hoc Heins. et Burm., ille, puto, tanquam exquisite poeticum, hic, quoniam taciti volebant discodere. At *verrere* de remis vim illam motus taciti non habet; nisi argutias ex etymologia capias; et *verrimus* ceteri omnes, etiam Medic. *fragn.* Vatic. et Donat., quod sane et ipsum esse poeticum quis neget, quodque et alibi apud poetas occurrit, et inf. V, 141 *freta versa*; quare codicum auctoritatem quid infringat, non video. Neque mihi videtur gravior strepitus exire, si mare *vertant* remi, quam si *verrant*. 670 *Dia* hiesi, an, *dextra affectare*, reciperem: potest hoc ratio ac sententia suadere; alterum critica auctoritas; etsi, ut infinitis in locis, in tanta variae lectionis silva, difficile dicta est, in utram lectionem major librorum pars consentiat. *dextram affectare* multos codd. habere Pierius affirmat; Heins. e Medic. a m. pr. laudat, sed vitio forte scriptum, pro *dextrum*, nam sic a m. pr. præfert Foggini. Etiam Burm. e solo Menag. laudat, *dextram affectare*, non tamen adscriptum, quid in ceteris ejus libris legatur. At habet illud *fragn.* Vatic., cujus est antiquissima auctoritas. Quid sit *dextram affectare*, Servius explicat, esse: *dextram intendere et injicere*, scilicet ut possit navem tenere: Terent. Heaut. III, 3, 60 *Ad dominam qui affectant viam*, id est intendunt, faciunt. Subjicit Servius: "Nam, si *dextra* legeris, ait, ut sit, *dextra affectare*, id est contingere, caret exemplo." At multo magis caret exemplo non modo, sed et analogis, *affectare dextram*, nam quarto casu effertur id, quod appetitur, cui manus injicitur. Sic Georg. IV, 562 *viamque affectat Olympo*. Sic *regnum, famam, plausum affectare*. Itaque o communi usu *affectare dextram* esset appetere manum alterius, h. l. Trojanorum; quod hic sensum non habet. Prorsus novo itaque more poeta dixisse dicendus: *affectare dextram*, pro *admovere*. Contra *dextra affectare* sc. nos, navem; analogiæ consentaneum esset, hoc sensu: *τῇ δεξιᾷ ἐπιβῆσθαι τὴν νῆα*. E codd. tamen istam lectionem enotatam non video, nisi quod a Pierio e nonnullis antiquioribus *dextra attricare*, quod et pr. Rottend. habebat, vulgatæ sc. interpretamentum, a Catroeo tamen receptum. *asserlare* Wall. in marg. *dextra affectare* tert. Moret. a m. sec. non male, inquit Heins. Nam *adjectare* vel *injectare* *dextram*, quæ facile cuivis in mentem veniant, acutioribus non facile se probent. Prius illud, dum Marklandi locum in Epist. Crit. ad Fr.

ex æquore, aqua marina. Burmannus.

666. 667. cum Homericis certavit l. c. v. 471. 472. adde Odys. K, 126 sqq. *Sic merito*, *ἐκέρως*. Nam *supplicem*, *ἰκτὴν*, quis aspernari ausit! sive, ut *merito* sit adverbium; sive, quia meritis erat sic recipi. Mox 669 *sonitum vocis*. Vox novo exemplo pro strepitu vel remorum vel undæ remis impulsæ, ut sup. 556 *fractæ*

voces pelagi. Cum poeta plura audacius extulerit, facile et hoc feras. Sin ferendum esse neges, cum Burm. *vocem* de hortamine et celeusmate accipies. Discesserant quidem *taciti*, sed *certantes remos* ad hortamen, certe mutum, referri posse ille observat. *vestigia* pro ipsis gressibus, notum.

670 *dextra affectare* appetere, attingere, navem nostram. cf. V. L.

Nec potis Ionios fluctus æquare sequendo,
 Clamorem immensum tollit: quo pontus, et omnes
 Intremuere undæ, penitusque exterrita tellus
 Italiæ, curvisque immugiit Ætna cavernis,
 At genus e silvis Cyclopum et montibus altis 675
 Excitum ruit ad portus, et litora complent.
 Cernimus adstantes nequidquam lumine torvo
 Ætnæos fratres, cœlo capita alta ferentes,
 Concilium horrendum: quales cum vertice celso
 Aëriæ quercus, aut coniferæ cyparissi 680
 Constituerunt, silva alta Jovis, lucusve Dianæ.
 Præcipites metus acer agit quocumque rudentes

Hare p. 17 a Saxio indicatum evolvo, video a Valesio jam olim propositum, et ab Editore Cantabrig. probatum, a Marklando refelli et *dextra affectare* præferri et illustrari. Hoc tandem et ipse cum Brannk. prætuli. 672 *Clamorem horrendum* pr. Hamb. *ingentem* alter. ponit aliquot Pier. cum fragm. Vatic. a m. pr. 673 *Contremuere* Medic. cum Colot. *infremuere*, quod sane et ipsum frequens de mari et fluctibus. Sed hic jungitur: *exterrita tellus*. 674 *tellus Trinacriæ* Parrhas. et aliquot Pier. cum Goth. pr. ex interpolatione, quoniam Ætna sequitur. *immugit* scribitur in multis codd., sed v. Heins. *caminis* Uratisl., haud dubie ex 580. 675 *Et g. Ven. Et gens* Voss. pr. et Hugen. *e montibus* Medic. God. cum aliis Heins. *et silvis Cyclopum et montibus* Ven. Goth. pr. 676 *ad portas* duo Barm. *complet* plures alii. 679 *consilium* alter Menag. cum Goth. tert. *vertice summo* Hugen. 680 *coniferæ* tert. Goth. 681 *Constituerunt* Heins. cum melioribus suis et Pier. Vulgo *Constituerant*. aliquot Barm. et Goth. sec. *Constituerint*. *Veneatas astiterant*. *lucove* duo Barm. *lucisve* unus. *que* Goth. tert. 682 *ruentis* fragm. Vatic.

671. Ubi—*nec potis est, æquare fluctus Ionios sequendo*, accipi aliter non potest, quam de altitudine maris profundiore, quam pro monstri proceritate: qua æquus, par, ei non est. Nec, dum nos insequitur, par est molis suæ magnitudine altitudini maris, quæ eo major est, quo longius a litore proceditur. Porro ad 672 cf. Odys. I, 395. Vides poetam ad miraculum et prodigium res augentem.

676. *ad portus* cf. v. 570. *adstantes*, stantes, *nequidquam*, quia nocere (nunc) non poterant. *Serv. Ætnæi fratres*, populares, gentiles. Mox 678 *cœlo*, ad cœlum. *concilium*, exquisitè pro turba. 680. *coniferæ cyparissi*. Cupressus mas fert *conos*

nuci pineæ non absimiles (v. Serv. ad h. l. et sup. ad v. 64); *baccas* appellat Plin. XVI, 33. s. 60. At *κώρυς* etiam Græci. v. Athenæus lib. I, p. 57 B. C. 681. *silva Jovis*, declarant quercus, itaque *lucus Dianæ* ad cupressos erit referendus; adeoque de Diana infera vel Hecate aut Proserpina agi necesse est. Nam cupressus feralis arbor, alias Diti sacra, ut Plin. l. c. Potuisse dicas a poeta sic simpliciter ornari voc. *luci*, ut *Dianæ* esset, cui omnino saltus curæ sunt: esset tamen sic usus insolens cupressorum.

682. 683. Nos metu agitati quocumque malumus cursum dirigere, quam in portu manere, *rudentes excurrere*,

Excudere, et ventis intendere vela secundis.

*Contra jussa monent Heleni, Scyllam atque
Charybdim

*Inter utramque viam, leti discrimine parvo, 685

*Ni teneant cursus: certum est dare lintea retro.

Ecce autem Boreas angusta ab sede Pelori

684 *monent* aliquot Pier. duo Heins. fragm. Vatic. duo Goth., ut fere alias variatur. *Scyllamque Charybdim* quidam scripti et editi, *Scyllaque Charybdis* alii ap. Pier. cum Rottend. sec.; at pr. et duo alii Heins. *Scylla atque Charybdis*; unde suspicari possis *Scylla atque Charybdis Inter utrimque viam* ab aliis lectam fuisse. Heins. conjiciebat *Scyllamque Charybdimque Inter*, non male. *Scyllam Charybdim* ed. Ven. *Charybdim* Gud. cum aliis. *Scylla atque Charybdis* fragm. Vatic., unde suspicetur aliquis fuisse: *Contra jussa monent Heleni, Scylla atque Charybdis. Inter utramque viam—Ni teneant cursus, certum est dare lintea retro.* aut: *Contra jussa monent Heleni Scyllam atque Charybdim. Inter et reliqua eodem modo.* Sed et hoc parum expeditum foret, et facile præferas vulgatum, quod et Servius et Donatus habent. Enimvero et melior sensus, et rei criticæ usus, mosque versificatorum, antiquiorum imprimis ætatum, facile eo adducit, ut tibi persuadeas, tres versus hos esse ab interpolatoribus, et quidem pluribus eundem lapidem moventibus, profectos, qui, varia tentando, explere volebant versum imperfectum relictum: *Contra jussa monent Heleni.* Nisi forte ne hoc quidem Virgilianum erat; sed meminerat aliquis intempestivo loco discriminis a vento per fretum ferente, et præceptorum Heleni sup. vs. 410 sq. Sequebatur post 683 in Virgiliano autographo: *Ecce autem, 686 Ne* Gud. cum aliquot Pier., sed *Ni* antique. v. Serv. Heins. Ceterum hoc hemistichium: *certum est dare lintea retro*, tanquam a sententia alienum, a nova manu ad supplendum versum attestum esse videtur. 687 *ab s.* Heins. e libris et more poetæ. Vulgo *a sede*.

ut vela pandant, evolvere, explicare et intendere; jam sup. 267 *excussosque jubet laxare rudentes*.—*ventis secundis*, int. quo ventus ferret; non expectare ventum, quem cursus postulabat.

684—686. E pluribus verborum juncturis, quas hic facere possis, et quas passim a Servio, Donato, ac Pomponio Sab. inde Intpp. facere videas, illa videtur verborum locique naturæ ceteris accommodatior: *Ventos secundos*, qui tum a tergo spirabant, fac fuisse Notum vel Austrum; ab hoc rejici debuere versus Charybdim et Scyllam (in quo poeta versus Homer. Odyss. M, 426 sqq. ante oculos habuit); *Contra Heleni jussa* (monuerat is, ne per fretum navigarent) *monent, ni* (h. e. ne) *teneant* (naves) *cursum inter Scyllam atque Charybdim, utramque viam leti discrimine parvo* (per appositionem, utra-

que, et Scylla et Charybdis, erat iter periculosum, si per eam navigatio fieret); Tamen, cum ventus versus has partes ferret, sc. ab australi plaga spirans, *certum est dare lintea retro*, h. e. jam decreveramus, iterum mare Adriaticum repetere; cum, ecce, Boreas exoritur. *Heleni jussu*, v. sup. 410 sq. 429 sqq. *ni*, antique pro *ne*. Sic Serv. et plures veteres Grammatici apud Heins. et alios. v. Horat. I. Carm. 14, 15. *teneant* sc. naves. In simili re Od. I, 172, ubi præcesserat *Ἡριόπην δὲ θεὸν—δφρα φύγομεν*—, sequitur v. 176: *Ὀπρὸ δ' ἐπὶ λιγυρὸς οὐρὸς ἀήμεναι· αἱ δὲ μάλ' ὥκα Ἴχθυόεντα κίλευθα δούραμον.* cf. Odyss. M, 197. 221. Hactenus versus infelicitèr procusos interpretatus sum, quantum licuit. Sed v. judicium nostrum in V. L.

687. *Venti* poetis a montibus, tanquam sedibus, petuntur (cf. Mark-

Missus adest. Vivo prætervehor ostia saxo
 Pantagiæ, Megarosque sinus, Thapsumque jacentem.
 Talia monstrabat relegens errata retrorsum 690
 Litora Achemenides, comes infelicis Ulixi.

Sicanio prætenta sinu jacet insula contra
 Plemmyrium undosum: nomen dixere priores
 Ortygiam. Alpheum fama est huc Elidis amnem
 Occultas egisse vias subter mare: qui nunc 695
 Ore, Arethusa, tuo Siculis confunditur undis.

689 *Pentagiæ*, *Pantagiæ* (hoc et Med. et Rom. cum fragm. Vatic., sed *Πανταγίας*, *ἡ ἀγών* h. e. *ἀγών* *πάρρα* undæ impetu). *Tapsumque*, *Tassumque*, *Taxumque*, *Thapsumque*, *Capsumque*, librorum lapsus: *Tharsumque* Rom. Est *Θάρσος*. 690 *mandabat* *Parrhas*, *retrorsus* apud Priscian. et in codd. Pier. et Heins. *retrorsum* Goth. tert. 691 *Ulysi* Priscian. et Probus. Vulgo *Ulysei*. Ultima, *comes* i. *U.* ex v. 609 assuta putabat *Burn.*, offensus scilicet epitheto *infelicis*: quod in *Æneæ* ore gravius aliud desiderabat. 692 *Sicanio*. Fuere qui *Sicano* emendarent: quia media alibi producit: sed v. ad I, 557. 693 *Plemmyrium* Rom. Medic. et alii duo; ut et græce scriptum ap. Steph. Byz. Sed plerique *Πλημμύριον*. At *Plemirium*, *Plemurium*, *Pleuron* librariis debentur. unde dixerat *Parrhas*. 694 *hic* ed. Ven. 695 *habuisse vias* unus Pier., sed v. *Burn.* quæ nunc duo *Burn.* 696 *confundimur* *Menag.* pr. *perfunditur* aliquot Pier.

land. Epist. crit. p. 56); itaque h. l. Aquilo a promontorio Peloro, ad fretum Siculum: hinc *angusta* ab sede — *Missus*: puto exprimi *ἵκμενος* vel *ἵκμενος*: is navem fert secundum litus Siciliae orientale versus austrum.

688. 689. *Vivo ostia saxo Pantagiæ*. *Pantagiæ* (nunc *Fiume di Portocari*) parvus fluvius, brevi cursu, infra Leontinos, cuius ostium præruptis utrimque rupibus includitur: de eo v. Cluver. Sicil. lib. I, c. 11. Dorvill. Sicula p. 206. 207. *vivo saxo*, ut I, 167 *vivoque sedilia saxo*. *Saxa rotantem Pantagiam* dixit Claudian. de R. P. II, 57 in loco hinc expresso. *Megara* sunt h. l. Hyblensia, quia olim Hybla parva dicta, non longe a Syracusis, in sinu Megarensi, *Golfo di Augusta*, quem ab australi parte includit *Thapsus*, peninsula in mare procurrens, plana, pæne fluctibus par, ait Servius, qui insulam appellat, un-

de *jacentem* dixit poeta, h. e. humilem, non altam montibus.

690. 691. *relegens retrorsum*, nam cum Ulyse a Lotophagorum inde insula, litori Africae prætenta, Siciliae litus orientale ad Cyclopas usque (cf. ad 570) præternavigaverat, itaque *litora* jam errata.

692—696. Insula *Ortygia*, et ex adverso *Plemmyrium* promontorium, ad aditum sinus et portus Syracusani. In eadem fons *Arethusa*, de quo et de fabula super ejus cum *Alpheo* *Elidis* fl. congressu v. sup. Ecl. X, 1 et 4. *undosum* h. l. *περικύμαον*, quod æstuantis maris fluctibus alluitur; unde et ipsum nomen *πλημμύριον*. *occultas egisse vias subter mare*, *τὴν τὴν θάλασσαν Νήρπεν ὑποτροχάει* Mosch. Idyll. VIII. *ore tuo*, fonte; unde *Pin-daro* *Arethusa ἀμπνενμα σπινδόν* *Ἀλφείου* Nem. I, 1. v. Cluver. Sicil. ant. pag. 163. 157.

Jussi numina magna loci veneramur; et inde
Exupero præpingue solum stagnantis Helori.
Hinc altas cautes projectaque saxa Pachyni
Radimus; et fatis nunquam concessa moveri 700
Apparet Camarina procul, campique Geloi,

697 Ordinem verborum ex optimis libris redexit Heins. Vulgo: Numina m. l. jussi v. Sed alter ordo gravitatis plus habet. venerantur Sprot. 698 Helori inde a Pier. et Heins. *Ελαρος. Vulgo Elori. 699 Hic Menag. alter. 700 Redimus Goth. sec. a m. sec. 701 Camarina sane maxima scriptorum pars. Sed in talibus scriptis non sunt audiendi, sed Græci; quibus Καμαρίνα etsi Salmasio ad Chronic. Euseb. p. 250 hoc dandum, vulgari usu tandem literam inflexam fuisse. montesque G. Parrhas. Geloni Ven. Uratist. Geloti Wall.

697. *Jussi*, admoniti, sed a quo? vel ab Achemenide, vel ab Heleno, vel ab Anchise, ait Serv. Hoc ultimum verum puto. Nam per totum librum eæ sunt Anchisæ partes, ut religiones et auspicia curet; at Helenus tantum de Junone placanda monuerat vs. 436. *Helorus* fluvius in litore orientali paullo supra Pachynum promontorium: de quo accurate egit Cluverius e Fazello. Primum ille inter specus et exesas rupes procurrit, unde Silio *clamosus Helorus*; mox, ubi ad litus accessit, placido ac leni cursu incedit, et hieme, clauso maris fluctibus ostio, frequenter excrecit stagnatque, unde agri vicini pinguescunt plurimum (Nunc *Atellaro* et in inferiore parte *Abiso*). *Exupero*, h. l. prætervehor.

699. *Pachynum*, promontorium Siciliae ab australi parte (*Capo Passaro*). *projecta saxa* expressit Gr. *προβλη- τις πέτριλοι*.

700. 701. *Camarina* nunquam concessa moveri: accipio, palus, quam dens consultus vetabat movere, cum Camarinenses canali ducto eam exiccare vellent. *moventur* ea, in quibus aliquid molimur, novamus, mutamus. Servii verba apponam: "Palus est juxta ejusdem nominis oppi-

dum: de qua quodam tempore, cum siccata pestilentiam creasset, consultus Apollo, an eam penitus exhaurire deberent, respondit: Μη κινει Καμαρίναν· ἀκίνητος γὰρ ἀμείνων" quo contempto exiccaverunt paludem, et carentes pestilentia, per eam partem ingressis hostibus, poenas dederunt." Similia narrant Steph. Byz., Suid. et Anthol. Gr. apud Cluver. Sed quæ illa urbis expugnatio fuerit, nusquam declaratur. Ter Camarinam fuisse conditam, ex Thucydide aliisque docet idem Cluver. Ceterum poetam hæc ex sua potius, quam Æneæ narrantis, persona dixisse, jam Servius vidit; quod tamen de toto hoc loco non minus tenendum. Nam omnes illæ urbes et locorum nomina Æneæ temporibus recentiora sunt.

701. 702. De situ urbis et fluvii *Gelæ* camporumque res parum explorata. v., præter Cluver. et quos Burmann. laudat, Dorvill. Sicula c. 6. Acquiescit Dorvillius in Cluverii sententia, esse Gelam, qui nunc *Fiume di Terra Nuova*, Campos autem Geloos, egregiæ fertilitatis planitiem, latius cis et ultra fluvium patuisse, quam vulgo creditur. Sed, quorsum *immanis* spectet, dubitari potest. Loca hinc expressa Claud. R. P. II, 58.

Immanisque Gela fluvii cognomine dicta.

Arduus inde Acragas ostentat maxima longe

Moenia, magnanimū quondam generator equorum.

Teque datis linquo ventis, palmosa Selinus; 705

Et vada dura lego saxis Lilybeia cæcis.

702 *Immanisque Gela fluvii cognomine dicta.* Hæremus in voc. *immanis*, quo modo urbs Gela ita appellari possit: v. notam. Forte fuit *Innantis* sc. campis fl. ut Horat. III, 17, 7 *innantem Maricæ Litoribus tenuisse Lirin.* Gela noli mutare; urbs proprie Ἰλίδα, et fluv. ὁ Ἰλίδα. de nomine Parrhas. et Hamb. pr. 703 *A. atque A. Paget.* Fluctuant et hic libri inter *Agragas* et *Acragas.* ostendit alter Menag. 704 *quondam* vatem decebat, non poetam, qui *Aeneam* narrantem inducit. Jo. Schrader. ea re offensus in schedis delet versum, et continuat: *Acragas ostentat mania longe, Teque d.* Ita vero plura in hoc loco erunt delenda, in quibus temporum ratio neglecta. cf. not. ad 700. 701. 705 *Selins* vel *Selinis* etiam hic fere libri. *Salinis* Goth. tert. cum ed. Ven. v. Pier. Heins. et doctiss. Commentar. Burmanni ad Numism. Sicil. p. 420. 421. Est Σελινεύς, ex Σελινεύς. 706 *cæcis L. saxis* Goth. pr.

Sil. XIV, 218 nihil juvant. *magnam* interpretantur; sed urbis amplitudinem nemo veterum memorat. Proclive est, ad dominos referre, ut sæpe in urbium epithetis fit, ut ab incolarum vel dominorum moribus et ingeniis ducta sint. Atque eo devenisse etiam Dorvillium video in Sicul. p. 129. Gelæ tamen tyrannos sævos et immanes fuisse, unde doceri possit, mihi non satis constat. Nam, quæ apud Herodot. VII, 153—156 de iis memorantur, ad immanitatem non assurgunt. Igitur de tyrannis Gela oriundis, Hierone et Thrasybulo, Gelonis fratribus, Syracusarum tyrannis, erit accipiendum. Proponitur etiam a Dorvillio altera interpretatio, ut ad urbis situm ad amnem verticosum et immanem referatur. Ita *Gela immanis* erit in loco immani, horrendo, sita: nec male hoc. Sed neque loci tanta immanitas et fera facies esse videtur, ut ab ea potissimum designari potuerit a poeta.

703. 704. *Agrigentum* in monte Acragante situm, maximis quondam opibus ex agri fertilitate et Carthaginiensium mercatu refertum; hinc

civium magnificentia et luxus. Alacere iidem equos ad certamina Græciæ, et inter Olympionicas fuit Theon Agrigentinus a Pindaro celebratus. v. Serv. et Burmann. quanquam ad hunc solum respici a poeta non dixerim. Gratius Cynege. 526 *per illos* (equos) *Cantatus Graiis Acragas.* Vide de hac urbe Cluver. et Dorvill. pag. 88. 89. *quondam* paullo incautius adjecit poeta, contra temporum ordinem. v. V. L.

705. *Selinuntem* palmis agrestibus abundasse, ex Cicer. Verr. V, 87 satis constat. Ex nostro expressit XIV, 200 Silius Ital., quem in toto hoc loco comparare javebit. De Selinunte copiose post Cluver. Dorvill. p. 60 seqq. et 420 sqq., ubi et ruinæ duorum templorum ejus urbis oculis subjectæ sunt. *dati ventis*, orto vento.

706. *vada dura saxis cæcis* h. e. latentibus. *dura* (ne dira conjectes) *vada* dixit, h. e. locum vadosum fundo saxeo, quoniam extrema Lilybæi promontorii ἀκρα, plana atque depressa, ad III M passuum sub undis protenditur, in trium circiter cubitorum altitudinem tecta. Cluver. II, 1 pr.

Hinc Drepani me portus et illætabilis ora
 Accipit. Hic, pelagi tot tempestatibus actus,
 Heu genitorem, omnis curæ casusque levamen,
 Amitto Anchisen. Hic me, pater optime, fessum 710
 Deseris, heu, tantis nequidquam erepte periclis!
 Nec vates Helenus, quum multa horrenda moneret,
 Hos mihi prædixit luctus, non dira Celæno.
 Hic labor extremus, longarum hæc meta viarum.
 Hinc me digressum vestris deus appulit oris. 715
 Sic pater Æneas, intentis omnibus, unus
 Fata renarrabat divûm, cursusque docebat.
 Conticuit tandem, factoque hic fine quievit.

707 *Drepani* Moret. sec. *portus me et primus, me deest* Montalb. *ineluctabilis* Zulich. a m. pr. *illectabilis* Goth. pr. 708 *actis* omnes Pier. et magna pars Heins. et Barm. cum ipso Romano. Alii c. edd. *actus*, inter quos et Mediceus referendus. *actum* Voss., scilicet genitorem. *aptis* Goth. pr. Jam *tempestates actas*, hoc est, vel pulsas vel exactas, dici, dubitari nequit. v. h. l. Heins. cf. ad Georg. I, 413. Sed an tempestates dispulsæ fuerint, nunc non queritur. Igitur recte, *actus*, de Ænea. Solent autem librarii flectere adjectiva et participia ad proprius vocabulum. 709 *oneris* Ven. *omnis* Parrhas. in litura. 710 *Anchisam* Parrhas. *Anchisem* Ven. 711 *nequidquam erepte* ruinis Sprot. 713 *nec dira* aliquot Barm. Duo quoque *dura*. 714 *hæc deest* alteri Menag. 715 *digressum* Witt. *vestra—ora* Gud. a m. pr., sed v. Barm. *applicat* Parrhas. 717 *Fataque narrabat* aliquot Pier. *enarrabat* alter Menag. *recensebat* qu. Moret. Sed *renarrabat* haud dubie vere; non ut argutari velim cum Servio et aliis, sed ut aut pro simplici et vulgari, *narrare*, sit positum, poetarum more, aut ad eum modum formatum, quo *repati* et *iterari* res, quas narramus, dicuntur. cf. Barm. *divum*, parum commode interpositum, offendebat Jo. Schrader, qui emendabat, *Troum*. Verum non sunt hic *fata* casus et ærumnæ; sed vaticinia et predicationes: quibus omnia acta ac gesta sunt. 718 *fataque* Rottend. sec. his Sprot.

707. *Drepani—illætabilis ora*. Ager Drepanitanus sterilior et fere arboribus et herbis destitutus; solum enim arenosum; et præterea multos in tractus aqua marina exæstuat, stagnandoque salem profert; et ob hunc ruris illius moestiorum adspectum non minus, quam ob Anchisæ hic locorum amissi memoriam, ab Ænea Drepanitana ora vocari *illætabilis* videtur.

710. Super *Anchisæ obitu* v. Exc. XVII. 712. Comparant Homerica Iliad. P, 407—410. Imitatur nostrum Valer. Fl. III, 301 sqq. 715. Redit ad lib. I, 34 *Vix e conspectu Sicula telluris in altum Vela dabant lati*. Ex Odyss. H, 276. 277. Mox 716 *unus* sc. inter ceteros *omnes intentos*. 718. *factoque hic fine quievit*: ornatè: et narrationis finem secit.

EXCURSUS I

De Æneæ Erroribus.

CUM errores Æneæ magna cum doctrina persecutus sit poeta, nobis autem hoc propositum sit, ut eam doctrinam curiosius exquiramus: agedum, ut ea penitus inspiciatur, de cursu, quem Æneas tenuit, paullo accuratius videamus, adhibitis iis, quæ ab aliis scriptoribus eadem de re erant tradita.* Ante omnia monendum est, cum certam sedem, quam peterent, nondum haberent, Trojanis proxima litora Thraciæ legenda fuisse; mare autem recta ne trajicerent, metus prohibere debuit, ne aut Achivi in patriam redeuntes eos insequerentur, aut ipsi in Achivorum classem dispersam inciderent.

Ex portu Antandri Æneas navibus XX solvit: lib. I, 381 *Bis denis Phrygium conscendi navibus æquor*. Eundem numerum habuit, cum anno abhinc septimo Sicilia discederet. Nam I, 170 septem navibus ipse ad Africæ litus appulerat; XII aliæ aliis locis I, 390 sqq.; una Orontis fluctibus mersa I, 113. In altum evectus primum Hellespontum classe petiit, nam hic est sollennis cursus, quem tenent naves a litore Trojano solventes, et, ut tum navigantium mos erat, ut litus legerent, ad ostia Hebri appulit urbemque *Ænum*, seu *Æneadas*, ut poeta appellat, condidit III, 16—18. v. Excurs. II de Annis Error. *Æn.* a. 2. Dubitari enim non potest, poetam de hac urbe cogitasse, quandoquidem fabulam de Polydori umbra subjicit, quæ a vicina Chersoneso bene eo traduci potuit. v. Not. ad III, 13. Latius paullo Ovid. Met. XIII, 329 *Est, ubi Troja fuit, Phrygiæ contraria tellus, Bistonis habitata viris* etc. Sed in Chersoneso Polymnestoris sedem fuisse dubitari nequit. v. Eurip. Hecuba 569 sqq.; iisdem locis Hecuba in canem fuit mutata. Et Cynossema erat ad Hellespontum apud Sestum. v. Pollux V, 5. Intpp. Steph. Byzant. ad h. v. Cellar. Geogr. ant. Etsi non defuere, qui et in hoc discreparent, uti Dictys V, 16, sed de communi fide, quam poetæ secuti sunt, nunc quæritur.

Habuit autem Virgilius in hoc consentientes plerosque e Romanis scriptoribus. Mela II, 2 *Eximia est Ænos ab Ænea profugo condita*. Plin.

* Video nunc similem conatum Abb. de Pluche in *Concorde de la Géographie des différents âges* (1764), ubi p. 356 *La Géographie de l'Énéide, ou le Voyage d'Énée*.

IV, 11 *Os Hebrî—oppidum Ænos liberum cum Polydori tumulo, Ciconum quondam regio*; adde Solin. c. 10, et ibi Salmas. miscentem ea, quæ apponit. Etiam Ammian. XXII, 8, ubi v. Vales. cf. Serv. ad III, 1 et 17. Nec tamen poeta hujus opinionis auctor est putandus, sed habuit veteres auctores, quos sequeretur, etiam inter Romanos Q. Lutatium, nam is in *Historiis* similia tradiderat; *Æneam primum Thraciam appulsum, Ænum ex suo nomine condidisse, dein cognita Polymnestoris perfidia ex Polydori nece, inde digressum.*

Cur tamen poeta non Ænum sed *Æneadas* urbis nomen prodidit? Scilicet *Æneadas* recte dixeris incolas, eorumque adeo nomine urbem potuit insignire, ut tot aliæ urbes, v. c. Gabii, Tarquini, incolarum nomine designabantur. Sed id non ab *Æno*, verum ab *Ænea*, *Αἰνεία*, duci potest. An igitur illa ad Hebrum urbs etiam *Αἰνεία* appellata fuit? Atque fit probabile, hoc ita se habere.

Scilicet alia, eaque constantior, inter Græcos maxime, fama obtinuit, ad *Chersonesum Pallenen* Æneam appulisse, ibique Æniam (*Αἰνείαν*) urbem condidisse. Inhabitabant illam tum Thracæ *Crusæi* vel *Crossæi*, fidissimi Trojanorum socii. Hæc Dionysius ex Hellanico docet lib. I, 47 et 49. conf. Herod. VII, 123 et ibi Not. (*Chryseos Thrakas* scriptum videas apud Pompon. Sab. ad Æn. III pr., sed ejus tota nota ex Dionysio est descripta, ex eoque emendanda; uti altera ad v. 17 ex Herodoto l. c.) Si mireris forte, cur inter Trojanorum socios ab Homero illi *Crusæi* non memorati sint, tenendum, eos in *Pæonium* nomine latere videri ab Axio fl. evocatos Iliad. B, 848 sq. In Pallene Æneæ appulsum etiam collocat Lycophron 1236—1238. Nam, quam ille habitasse dicitur, *Rhæcelos* ad Cissum montem circa Æniam sita esse debuit. v. Schol. ad e. l. et Not. ad Steph. h. v. et mox *Almopiam* pro Macedonia memorat. Hanc Æniam *Æneadas* quoque appellatas (*Αἰνείαδες*) ex Theone, vetere Lycophronis Scholiasta, notavit Steph. Byz. in *Αἰνεία*. Habuit hæc Ænia Pallenes commune hoc cum altera, quæ *Ænos* dicta, quod et Pallene priscis temporibus a Thracibus fuit habitata. Facile itaque utriusque urbis origo ad Æneam nostrum referri potuit; etsi altera illa Thraciæ Ænus jam ante Æneam floruit; siquidem ex ea (*Αἰνός*) Piro ad Trojam jam ante urbis casum affuisse memoratur Iliad. Δ, 520, et accesserat ad eam Hercules a Troja redux a Poltye hospitio exceptus: Apollod. II, 5, 9, p. 131. cf. Not. p. 384. Sunt autem tales circa similis nominis urbes errores satis frequentes; ut in hoc ipso exemplo re inversa Conon Narr. 46 Pallenes Æniam Ænum appellatam vult; et Tzetzæ ad Lycophr. l. c.

utramque confundit. Virgilio propter Episodium de Polydori umbra multo opportunior erat altera de Æno Thraciæ narratio, eam itaque secutus est. Quippe fuit et ipsa urbs olim non obscura, condita mox iterum ab Æolibus, seu Cumis seu Mitylene oriundis. v. Steph. Byz. in *Αἶνος*, Scymnus Chius 695, et Harpocrat. in eodem voc. ex Ephoro. Servius ad v. 19 h. l. alios urbis nomen ab Æno, Ulyssis socio, deduxisse, ex Euphorione et Callimacho commemorat. Ad eandem spectare videtur, quod apud Pausan. est VII, 4, p. 530, ubi Samii ab Androclo et Ephesiis insula ejecti partim Samothracen abiere, partim consedere *περὶ Αἰναίαν τὴν ἐν τῇ ἡπείρῳ τῇ πέραν βαλλόμενοι τεῖχος·* scr. *Αἴνειαν*.

In Thracia, hoc est, Pallene Æneam vitam finisse, nonnulli olim tradiderant apud Dionys. Halic. I, 49, et inter eos Cephalo Gergethius (de quo v. Excurs. I ad lib. II p. 300) et Hegesippus *περὶ Παλλήνης*, a quo scriptore, cum id consilio suscepisset, accuratius hæc tractata fuisse probabile fit; sed idem urbi suæ heroem quasi proprium consecrare hac morte voluisse videtur; quod toties factum in vetere historia notavit jam Dionys. Halic. egregio loco lib. I, 54 extr. (p. 43. 44). Patrem Anchisen, ibi sepultum, ex Theone memorat Steph. Byz. in *Αἴνεια*.

Conon, cujus operam potissimum in fabulis de populorum et urbium originibus (*τοῖς ἐθνικοῖς*) colligendis positam fuisse apparet, Narrat. XLVI, Æneam nartrat trajecto Hellesponto primum in Sinum Thermum (Thermaicum Macedoniæ) pervenire, ubi patrem Anchisen vitam functum humat, oblatumque sibi ab incolis regnum recusat; *hinc*, inquit, *in terram Brusiadem profectus* (*εἰς τὴν βρουσιάδα γῆν*) omnibus, quibus uteretur, erat gratus et jucundus *κατὰ χάριν τῆς Ἀφροδίτης*. Mugiente ibi, quæ ex Ida ipsum sequebatur, bove, moniti a Venere accepti memor imperium ab incolis in se delatum suscipit, boveque Veneri mactata urbem condit primum Æniam (*Αἴνειαν*) appellatam, posthæc Ænum, *Brusiadem* illam terram facile aliquis mutandam putet *εἰς τὴν Κρουσιάδα* ex Dionys. Halic. et Herodoto l. c. Sed *Βροῦσις* *μοῖρα Μακεδονίας ἀπὸ Βρούσου, Ἡμαθίου παιδός*, ut Steph. Byz. ibid. Galeo laudatus, et inter Thraces *Brysæ* apud Plin. IV, 11 s. 18.

Diversam ab omnibus his rationem, quæ tamen ad illa ipsa, quæ memorata sunt, revocari potest, ingressus erat is auctor, quem Schol. Iliad. N, 459 excerpit, *Troja inquit, capta Æneas sumto secum patre Anchise fugit, naufragioque circa Atho facto in interiora terræ est profectus* (ita accipio, *ναυαγίῳ δὲ περιπεσὼν περὶ τὸν Ἄθω, ἀνήκει σὺν πατρὶ*)

Anchises quidem ad Calaurum montem juxta Anthemum fluvium moritur et ab Ænea Pyanæ, ubi etiamnum Anchisæ dictum sepulcrum est, humatur; quo facto Æneas, Veneris monitu, urbem condidit, Æneadem (Αἰνεάδα ab Αἰνεῖαδ) ab ipso appellatam. Mortuo vero Ænea natus ex eo filius clam ad antiquam patris sedem accedit (cf. sup. ad lib. II Excurs. XVII, ubi de Ascanio), et urbe eversa assumtisque colonis in Italiam concessit. (addit Schol. Ven. A. καὶ κτίζει πόλιν Πώμην.) Anthemuntem urbem Macedoniæ cum agro novimus; potuit etiam fluvius cum monte Calauro eodem loco esse supra Pallenen. In Pyana dubito an Pydna lateat. Sane etiam Strabo XIII, p. 608, paullo latius ad Olympum montem habitasse Æneam ad nonnullorum fidem tradit. Cissum montem supra e Lycophrone vidimus, et Atho Tzetzæ ad eundem v. 1263 nominat.*

Ceterum hanc in Pallene sedem Æneæ respicit Livius I, 1, primo in Macedoniam venisse, et XL, 4 traductis jam a Cassandro Æneatibus Thessalonicam—proficiscuntur Thessalonica Æneam ad statum sacrificium, quod conditori Æneæ cum magna ceremonia quotannis faciunt. Portus etiam Æneæ in Pallene memoratur ab eodem XLV, 30.

Ex Thracia in Delum insulam Trojani sunt delati, III, 69 sqq. Hoc idem Dionys. Halic. I, 50 habet; Cum e Pallene, inquit, solvissent, in insulam Delum venerunt, cum Anius in ea regnaret; et in hac insula, dum res ejus flourerent et adificia starent (misere autem devastata est insula ab Archelao, Mithridatis duce. v. Viri docti Exerc. de Delo in Misc. Obs. Vol. VII, c. 9), multa indicia viscebantur, quæ Æneæ et Trojanorum in eam adventum testabantur.

Anius hic in veterum poetarum mythis fuit celebratissimus, etiam filiabus Ænotropis, ut docent, quæ apud Diod. V, 62. Ovid. XIII Met. 640 sqq. Lycophronem Cass. 570 et Schol. ad e. l. et versus sqq. Eustath. p. 824, 17. qui Lycophronem fere sequitur, Servium ad III Æn. 80. Dictyn lib. I fine legi possunt. Nam nos hæc tantum attingimus. Est tamen hæc ex antiquioribus fabulis, si quidem Pherecydem (Atheniensem puta) et Cypria Epe de iis laudat Tzetzæ l. c. Ad eundem Anium refer loca Suidæ in Ταυροπόλον. Apollinis et Creusæ filius proditur Anius apud Cononem Narrat. 41 ejusque filius Andrus, insulæ ab ipso appellatæ conditor. v. ibid. Ovid. l. l. v. 649. Diod. V, 79 et Wess.

Anii filiam ab Ænea in matrimonium ductam, secundum alios violatam, Anium partu edidisse, Servius ad III, 80 narrat. Prius illud e

* τὴν πόλιν ἀναστῆσαι, restituta, an eversa? hoc verius. Videtur Ascanius eos, qui Trojam occupaverant, ejecisse, adscitisque colonis novis discessisse.

græcis scriptoribus nonnullis etiam Dionys. Halic. I, 59 commemorat, nomen puellæ, insuper addit, *Launam* (nisi *Laviniam* ipse Dionysius scripserat) fuisse; navigasse eam cum Trojanis in Italiam, dante hoc Æneæ precibus Anio patre; erat enim fatidica et sapiens mulier; cumque inter novam urbem condendam morbo fuisset extincta, et in eo ipso loco sepulta, Æneam in uxoris memoriam nomen ejus urbi indidisse. Similia Q. Lutatius narraverat; unde excripta in Orig. Gent. Rom. c. 9.

Delo digressos Trojanos per medias Cyclades statim ad *Cretam* deducit Virgilius. Ad historiæ veritatem comparatum est, quod urbs *Pergamea* vel *Pergamum* ab iis in Creta conditur III, 132. 133. Relicti in ea nonnulli ex sociis ibid. v. 190. Alios auctores secutus Velleius I, 1 pr. ab *Agamemnone* tres urbes in Creta, et in his *Pergamum* conditum narrat. De urbe hac cf. Serv. ad III v. 133. et Meurs. in Creta lib. I, c. 13, adversus quem Servii locum tuetur Ruhnken. ad Vellei. p. 4. Inter *oppida Cretæ insignia* Pergamum enumerat Plin. II, 12. 20. Quod in Creta pestilens annus supervenit, ingeniose poeta ex iis effinxit, quæ Idomeneo a Troja reduci evenisse, quæque Cretam de pristinis opibus dejecisse memorantur, v. Herodot. VII, 171. Eodem alludit Dictys VI, 11, cujus figmenta raro antiquioris alicujus fabulæ vel auctoritatis fundo destituta deprehendas.

Sedis in Creta tentatæ Dionys. I, 50 non meminit, sed, ubi de Delo memoraverat, *Deinde, inquit, in aliam insulam Cythera, quæ ante Peloponnesum est sita, venerunt templumque Veneri condiderunt.* Hoc cum ad Æneæ pietatem tam accommodatum esset, Venerisque omnino opera tam frequens in Æneide sit, a Virgilio neglectum, mireris forte. Nec facile ignorare doctissimus poeta id potuit, sed derelictum ab ipso suspicor propterea, quoniam, cum similem fere religionem templidedicandi mox ad Actium erat enarraturus, tædium effugere voluit.

Quod *Cytheris* nonnulli tribuerunt, id alii ad continentem transtulisse videntur. Nam ex adverso insulæ, ad litus Laconicæ, in sinu Boeotico, ubi circa Maleam flexeris, fuerunt aliquando duæ urbes, mox in Boeas collectæ, *Etia* vel *Etias*, et *Aphrodisias*; utramque ab Ænea conditam fama ferebat, cum ille in Italiam fugeret et in hunc sinum tempestate fuisset delatus. Nomen alteri a Venere, Æneæ matre, alteri ab *Etide* vel *Etiade* Æneæ filia. v. Pausan. III, 22 extr.

Ad eadem loca referendum videtur, quod Dionys. I, 50 Trojanos a *Cytheris* solventes in Peloponnesi promontorio amisisse *Cinæthum* narrat, a quo illud appellatum *Cinæthium*. Videtur idem esse, quod

Pausan. III, 22 in eodem sinu Boeatico post Promontorium, Asini maxillam, tradit Cinadi monumentum: Ἔστι δὲ καὶ μνῆμα Κινάδου, νεώτερος τῆς Μενελάου καὶ οὗτος κυβερνήτης ἦν. Variavit et in hoc antiqua fama.

Alia fuit fabula de Æneæ ad Arcadiam accessu et Anchisæ in iis locis sepultura. Fuisse scilicet aliquem suspicor poetam, qui hæc ita tractasset, aut famam, quæ ita hæc ferret, ut, cum Samothraciæ, adeoque et Trojanorum, origines prisca aliqua narratione ad Arcades referentur (v. Dionys. I, 61, 68, 69, ubi de Penatibus agit, unde etiam explicanda illa Arcadum et Trojanorum *συγγένεια* c. 50 memorata, quam renovasse dicuntur tum Trojani), Æneam cum Anchise in antiquas Arcadiæ sedes reduceret, cum sors esset data, ut antiquam matrem exquireret (ut Æn. II, 96). Certe ex alio Pausaniæ loco lib. VIII, 12. f. discimus, Anchisium montem (ἡ Ἀγχισία ὄρος) et Anchisæ sepulcrum inter Mantineam et Orchomenum Arcadiæ monstratum fuisse. Cum enim in sinu Boeatico, quem modo nominavimus, escendissent, Anchises in ea loca quacumque de causa profectus diem suum obiit ibique est sepultus.— Adjacent Anchisæ sepulcro templi, quod Veneri dicatum fuit, ruinæ. Consentanea his occurrunt apud Dionys. Halic. I, 49; nam et ibi pars a scriptorum Æneam in Arcadiam adduxisse memoratur, ut Orchomenum et Nesum inhabitaret et Caphyas apud Mantineam conderet, a Capy Trojano dictas (hoc et Strabo habet lib. XIII, p. 608 A, at Stephanus Byz. in Καφύαι a Capy, Anchisæ patre), sed alii eum ibi mortuum, alii in Italiam discessisse tradiderant, inter illos quidem Aræthus (ita enim legendum pro Ἀρίσθῳ, Ἀραίδῳ γράψαντι τὰ Ἀρκαδικὰ, ex Schol. Apollonii Arg. II, 500, etiam apud Hygin. Astron. II, 1 Ariethus Tegeates historiarum scriptor leg. Aræthus. v. ib. Muncker.), inter hos autem Agathyllus Arcas, cujus elegos apponit Dionys. l. c., in quibus Æneas in urbe Neso duas filias collocasse iisque relictis in Italiam prope- rasse, in qua Romulum genuerit, memoratur. Emendandus ex illo loco Pompon. Sab. ad III, 276.

Insula Zacynthus est ex adverso Elidis. Etiam ad hanc Æneam ap- pulisse narrat Dionys. I, 50; et erant Zacynthii quoque cognationis jure juncti Trojanis. Dardanum enim, Jovis et Electræ Atlantidis filium, duos ex Batia filios suscepisse tradunt, Zacynthum et Erichthonium; quo- rum alter ex Æneæ majoribus erat, Zacynthus vero insulæ conditor. Om- nia hæc, etsi fabularum ambagibus involuta, eo tamen pertinere viden- tur, quod Trojani et insulæ hujus, ut ceterorum locorum, incolæ habe- rent aliquam antiquitus cognationem; erant scilicet, nisi fallimur, om-

nes ex Pelasgorum stirpe oriundi. Sed de his alibi: v. *Novi Commentar. Soc. R. Sc. Gotting.* T. I, p. 90. De Erichthonio Dardani et Batiæ f. Ili fatre v. Appollod. III, 12. 2. *Commorantur hic aliquod temporis spatium Trojani, et indigenarum humanitate invitati et adversa navigatione impediti. Veneri in templo, quod ibi extruxerant, sacrificium faciunt, quod ad hoc usque tempus Zacynthii publice faciunt, et cum alia tum etiam cursus certamina junioribus proponunt. Victoriæ præmium autem accipit is, qui templum primus ingreditur. Cursus autem hic Æneæ et Veneris appellatur; et adstant amborum statuæ.*

Faciunt et hæc ad poetæ nostri artem agnoscendam. Zacynthus ille tantum nomine attigit lib. III, 270; narrationis moram vero fecit nullam nisi in Strophadibus adjacentibus, quippe quas videbat ornatum ex antiquis de Harpyiis fabulis admittere. Porro, quæ historia de ludis in insula Zacyntho ab Ænea celebratis tradiderat, ea ad Actium magna cum laude poeta transtulit, ut Augustum, Actiacorum ludorum auctorem, hoc tanquam blandimento demereri videretur.

A Zacyntho Trojani per altum navigantes ad Leucadem appulerunt, quem locum Acarnanes adhuc tenebant. Atque hic quoque Veneri templum extruxerunt, quod nunc est in parva insula inter fossam (διορύκτον) et urbem (cf. Strabo X, p. 451 D). Vocatur Veneris Æneadis templum. Dionys. l. c. et apud Serv. ad III, 279: *Varro templum Veneri ab Ænea conditum, ubi nunc Leucate* (ita lego pro *Leucatem*), dicit; quamvis Menander et Turpilii comici a Phaone Lesbio id templum conditum dicant. Poeta tamen et hoc neglexit uti, Apollinem solum memoravit v. 274. 275, scilicet ne toties templa Veneri condita memorando tædium lectori faceret. *Eniam ad Acheloum* (v. Strab. X, p. 450 C) a nemine vidi ad Æneam vel ad Trojanos referri.

At de Actio non neglexit poeta. Cum ad Actium appulissent, ad sinus Ambracii promontorium stationem habuerunt Trojani. Inde in urbem Ambraciam venerunt, in qua regnabat Ambrax, Dexameni (cujus avus forte fuit is qui Olenum tenuit ap. Apollod. II, 5, 5.) f. Herculis n. (v. Huds.) et utroque in loco hujus adventus vestigia remanent: apud Actium quidem Veneris Æneadis templum, et prope hoc alterum Magnorum Deorum; quæ nunc etiam ætate mea extant, ait Dionys. l. c. Ambraciæ vero ejusdem deæ templum, et Æneæ sacellum, prope parvum theatrum, in quo etiam est parva operis antiqui statua, quæ dicitur Æneæ, eamque sacrificiis colebant sacerdotes, quas ipsi amphipolos vocabant (αἱ καλούμεναι παρ' αὐτοῖς ἀμφίπολοι.) Ergo poetæ invento hoc loco debentur ludi ab Ænea instituti, et suspensus clipeus, in cujus tamen consecratione poeta aliquid habuisse vi-

detur, quod secutus est; Nam Serv. ad III, 287 *Sciendum tamen, inquit, hunc clipeum ab Ænea apud Samothraciam in templo consecratum, quod poeta per transitum tetigit. Deduxere eum in donarii notionem ea, quæ Dodonæ monstrabantur Trojanorum donaria, de quibus statim e Dionysio commemorabo.*

Scilicet quod sequitur de appulsu ad *Epirum*, id a poeta diverso plane ab aliis modo est tractatum ornatumque. Nam apud Dionys. Halic. I, 51 *ex Ambracia cum navibus quidem Anchises oram legendo Buthrotum Epiri portum subit. At Æneas et cum eo lectissimi quique totius exercitus, duorum dierum itinere per terram confecto, Dodonam perveniunt, deum consulturi. Atque hic in Trojanos cum Heleno incidunt. Accepto deinde de colonia deducenda responso, deo dona Trojana dicarunt, cum alia tum etiam crateres æneos, quorum nonnulli adhuc supersunt literis antiquissimis inscripti, quæ donorum dicatorum auctores testantur: et quatuor ferme dierum itinere confecto ad classem apud Buthrotum redierunt. Vides hic, quæ poeta ex priorum auctorum narratione in suum usum converterit, et quibus ipse ea variaverit. Heleni occursum ejusque vaticinium v. 374 sqq. a Dodona Buthrotum traduxit, omninoque hic suavissimum episodium de Andromache intexuit. Donaria templi dona discedentium tam ornate exposita peperisse videntur v. 464 sqq. Quominus autem Dodonæ oraculo, quo quis non parum suavitatis et ornamenti carmini accedere potuisset existimet, uteretur, simile de Delio oraculo jam ante accurate tractatum episodium revocasse videtur poetam. *Trojanos oraculum* (et quidem id, quod ab Harpyiis edi maluit Virgilius v. 255 lib. III de ambesis mensis) *a Dodonæo Jove apud Epirum accepisse*, Varro quoque narraverat Rer. Divinar. II. ap. Serv. ad III, 256. Adjungendus iis alius locus, qui ex eodem libro II petitus esse debet, apud Serv. ad III, 349: *Multi putant, ait Servius, Æneam de ea venisse (f. non devenisse) ad Epirum, et ibi hæc loca per licentiam poeticam esse conficta. Varro Epiri se fuisse dicit, et omnia loca hisdem dici nominibus, quæ poeta commemorat, se vidisse. Idem etiam Varro Trojam Epiri ab Ænea, sive a comitibus ejus, Biopatora nuncupatam docet, ubi Trojana classis Æneam (Dodona revertentem) expectasse sociosque castra in tumulis habuisse memoratur, quæ ex illo tempore Trojana appellantur: unde apparet, divinum poetam aliud agentem verum semper attingere. Egregia grammatici observatio. Erat utique apud Buthrotum collis, in quo Æneas castra habuerat, Troja appellatus (ut Dionys. ap. Hudson. ex Vatic. lectione restituendus p. 40. l. 32), et ad mare portus Anchisæ dictus (ibid.), unde, cum templum Veneri eo quoque loco dedicassent,**

Ionium mare trajiciunt, habentes secum navigationis comites ac duces non paucos ex illis oris et cum his Patronem Thurium cum amicis, quorum Patron quidem ad Aluntium Siciliae consedit, reliqui, deductis in Italiam sociis, domum redierunt. Quæ in memoriam beneficii hujus Romani in Acarnanes contulerint, jam ad III, 500 notavi.

Fit tandem trajectus ad *Italiae* litus. Dicat aliquis, quorsum *Aeneas* tam longo errore per mare Ionium usque ad sinus Adriatici oras, unde mox *Italiae* litus ac tota Sicilia legenda classe fuit, sive a Virgilio sive ab antiquioribus poetis deductus est, cum a Creta breve ac rectum iter versus Italiam et Latium esset? Sed et tota antiquitas ita traderat, et quicumque illo tempore ex Græcia, multo magis ex Asia, solvantes Italiam adire dicti sunt, oram ejus Orienti obversam accesserunt, quippe quæ tum Græcis sola erat nota et frequentata; cum remotiora versus Occidentem inter terras tantum non incognitas tum haberentur. Itaque poeta egregie fabulam suam antiquitatis fidei attemperasse videri debet, cum, audito per somnum a Penatibus Italiam esse petendam (v. III, 163 sqq.), ad inferioris *Italiae* partem exteriorem *Aeneas* cursum dirigit, nec nisi ab Heleno vate edoctus mente tandem assequitur, ad interiores *Italiae* oras se a fati duci. (v. III, 381 sqq.) cf. sup. Exc. XV ad lib. II.

Ceterum etiam in hac errorum *Aeneæ* parte multa fabulosa e Græcis adpersa fuisse intelligitur, quippe quibus hoc erat propositum, ut fabulam multorum ingenio operaque tritam variarent et ornarent; nec argumentum ab eo consilio abhorrens. Et primum quidem narrationes fuerunt variæ de occurso modo *Ulyssis** modo *Diomedis*† in hoc *Italiae* litore; sed brevitatis studio loca tantum indicabimus. Ex antiquissimo autem scriptore, qui *sacerdotum Argivarum recensum*, *συγ-αγωγήν τῶν ἱερείων ἐν Ἀργεῖ*, scripserat, Dionys. I, 72 memorat *Aeneam* statim ex Molossis cum Ulysse in Italiam trajecisse. Singulare plane est quod Dictys lib. V. extr. *Ita coactus*, inquit, *cum omni patrimonio a Troja navigat Aeneas, devenitque ad mare Adriaticum, multas interrim gentes barbaricas prætervectus: ubi cum his, qui secum navigaverant,*

* Ex M. Octavio Victor. Orig. G. R. c. 12. Lycophr. v. 1242 sq. et al. adde Ryck. de prim. Ital. inc. p. 449. f. Schottus ad Proclum p. 22 in calce Obs. hum. et al.

† Solin. c. 2. Serv. ad *Æn.* III, 407 et al. Plutarch. Qu. Rom. T. II Opp. p. 266 C. ubi *Aeneas* cum sacra faceret, *Diomedis* occurso caput velavit, morique sollenni (de quo cf. *Æn.* II, 403. et Not.) caussam et originem fecit. Super Palladio a *Diomede* *Æneæ* reddito multa ex antiquioribus fabulantur seriores Græci: Malelas p. 207. Cedren. Comp. H. p. 135. cf. sup. Excurs. IX ad lib. II.

civitatem condit, appellatam Corcyram Melœnam. Sed de insula hac sinus Adriatici accuratius dispiciendum ad Apollon. Arg. IV, 566 sq.

Trajectu ad Italiæ litus circa promontorium Sallentinum vel Iapygium facto secundum Virgilium III, 530 sqq., *Portum Veneris* ad Castrum Minervæ subeunt Trojani et Palladi Junonique sacra faciunt. Similia prorsus invenies ap. Dionys. Hal. I, 51, qui et hæc habet, in locis his Italiæ, quæ Æneas præternavigaverat, *adventus sui multa eum reliquisse vestigia cum alia tum etiam phialam æream in templo Junonis literis antiquis Æneæ nomen, qui deæ donarat, declarantem.* Templum hoc Junonis Lacinia est infra Crotonem. Fuit et in his locis *Siris* olim urbs Trojanorum colonia credita, mox Heracleensium navale, in qua Palladium Iliacum dedicatum indigenæ monstrabant. v. Strabo lib. VI, p. 264 A.

Tandem in *Siciliam* perveniunt Trojani et ad *Drepana* escensum faciunt. Sed de his alio Excursu agetur ad lib. V.

EXCURSUS II

De Errorum Æneæ annis.

III, 8. *Vir prima inceperat ætas Et pater Anchises dare fatis vela jubebat.* Etsi in poeta temporum rationes subtiliter exigere velle importunum foret, multo magis, si tacite ea prætereant aut minus definite apponat ipse poeta: si tamen temporum momentis vel cardinibus expresse adjectis semel animum ad hæc converterit, ne temere id fecisse videatur, ipsi utique curandum est diligentissime. Sed habet etiam ad multa Æneidis loca imprimisque hujus libri declaranda magnam utilitatem, ut errores Æneæ in annos suos dispertiri possis, et doctrinæ exquisitæ prudentiæque Virgilii pars non exigua ea re continetur. Pendet autem tota fere annorum ratio ex illo versu lib. I, 755 *Nam te jam septima portat Omnibus errantem terris ac fluctibus ætas,* tum ex iis verbis, quæ supra adscripsimus, III, 8, quo tempore Æneas Antandro solverit. Scilicet

a. C. N.

Errorum Æneæ

1184

Troja capta

a. 1

Est is e vulgari computandi ratione a. M. 2820. P. I, 3530.—ante primam Olymp. a. 408 ex Eratosth. Canon. (ap. Diodor. I, 5.) et annus 434 sec. Marmor Arundel.—tandem ante U. C. annus 431.

Firmarunt annum viri docti adeo calculis astronomicis: quibus vir acutiss. *Gibort* adjecit nuper eclipsin XXVIII Augusti a. ante C. 1185 adeoque anno, qui excidium urbis præcessit, factam: quam quærebat in cœlo post Sarpedonis mortem obscurato *Iliad.* II, 567. Trojæ excidium paullo ante solstitium æstivum incidisse, miro consensu (si *Æschylum* exceperis *Agam.* 835. ἀμφὶ Πλειάδων δύσιν, qui auctumnus ignuere videtur) tradit vetus Græcia, mense quidem Thargelione, etsi in die non satis sibi constant. v. imprimis nobilissimum locum ex vetere *Euripidis* Scholiaste servatum ab *Ursino* ad *Æn.* II, 255, et a *Scalig.* de *Emend. temp. lib. V* excitatum (v. sup. *Excurs. I* ad lib. II. p. 308), add. *Dionys. Halic.* I, 63. (p. 51. Sylb.), *Plutarch.* in *Camillo* p. 198 B. a pluribus jam laudatos, imprimis *Scaligero*, *Petavio*, *Dodwell.* de *Cyclis* p. 805, adde *Ryck.* de prim. Ital. Colon. p. 431. Nos *Marmor Arundelianum* secuti noctem inter XXIII et XXIV Thargelionis ponemus, h. e. inter XI et XII Junii. *Pomponius* quidem *Sab.* ad *Æn.* II, 801 mense Martio direptam urbem narrat, nescio quo auctore, sed levi certe et indocto.

Luna circa mediâ noctem oriente *Achivos* ex insidiis progressos jam *Lesches* in *Iliade* parva ediderat: Νύξ μὲν ἔην μεσάρη, λαμπρὴ δ' ἐπέτελλε σελήνη, quod *Virgilius* expressit: II, 250 *Vertitur interea cælum* etc., 255 *tacitæ per amica silentia lunæ* et 340 *oblatis per lunam*. Hinc omnino ad plenilunium, quod tamen aliquot dies jam præcedere debuit, retulere Trojæ excidium *chronographi.* v. *Clemens Alex. Strom.* I, p. 321 sq. (139). *Scaliger* de *Emend. temp. lib. V.* p. 387. *Dodwell* de *Cyclis Græc.* p. 808, qui *Tzetzæ* loco usus erat e *Posthomericis* *Tzetzæ*, quem nunc habemus plenum in edit. *Tzetzæ* per *Fr. Jacobs* curata: et post hos multi alii, etiam *Burm.* cum *Serv. Cerdæ* aliisque ad *Æn.* II, 255. E *Clemente* sua hausit *Euseb.* cf. *Fragmenta Hellenici* p. 151. cujus cum *Duride* præcipua hujus cardinis chronici auctoritas fuit; cf. *Tzetzæ Posthom.* 778. 9. *Tzetzæ* minus accurate apponit plura, ut vs. 764. annum ante *Olymp.* I, 418. (pro a. 406) tum Thargelionis diem XII, (vs. 770) sed ignorata veteris anni ratione eum cum *Januario* comparat.

Achivi quidem hac ipsa æstate litore *Trojano* solvunt, sed inter varias contentiones exortas paullo serius quam factu opus erat, ne in ventos *Aquilones* statos, *etesias* vocant, qui hac anni parte in his plagis maris *Ægei* flare solent, inciderent; itaque classis misere tempestate est disjecta. Ita quidem mihi ea de re videtur statui posse. *Homerus*, ut mirationem majorem faciat, *Odyss.* Γ et Δ calamitatem hanc

Palladis iræ et Achivorum dissidiis moxque Neptuni odiis tribuit. His iisdem ventis, eodem anno, Ulysses (v. Od. I, 67 sq. 80 sq.), altero Æneas, versus Libyæ litora sunt delati; iisdem, sed anno demum octavo post, Menelaus per XX dies in litore Ægypti ad Pharum tenebatur Odys. Δ, 351. 475. (cf. *Wood on the original Genius of Homer* p. 55. ed. pr. p. 227 ed. sec.) Incipiunt autem constanter spirare circa XVII Kal. Aug., cum jam decem dies ante exorti sint: v. Plin. II, 47. Est hoc tempus *ὑπωρινόν* antiquorum, *ὑπώρα* apud Homerum, quo boream flare ait Iliad. Φ, 346. Od. E, 328. Iidem etesiae esse videntur, qui in fabula Aristæi commemorantur: de quibus v. Apollon. II, 516. 525 et ibi Schol. In hiemem igitur, nisi procellosum tempus intelligas, dilata Græcorum navigatio dici nequit. Tradita hæc accuratius fuerunt haud dubie a veteribus, uti ex Dictye colligo lib. V, 8, ubi in paciscendo cum Antenore Ulysses urget, *tempus ad navigandum idoneum prætervolare*, et V, 16 *urgente navigii tempore*, et c. 17 pr.—*veriti, ne per moram, interventu hiemis, quæ ingruerat, a navigando excluderentur*.

At Æneas, qui capta Troja se in montem Idam cum suis receperat, ab australi parte versus Antandrum descendit, et in hujus urbis portu classem facit. In classe facienda et instruenda hiems consumitur, lib. II, 5, 6 *classemque sub ipsa Antandro et Phrygiæ molimur montibus Idæ*. Secundum Dionysii Halic. I, 63 calculos, jam auctumni* hujus anni initio Trojani Hellespontum trajiciunt et in Thracia hiemem exigunt, ad historiæ veritatem haud dubie propius; sed hanc deserere recte potuit poeta. Ab omnium ceterorum fide recedit, quod ad Æn. III, 8 Servius ex Palæphato (qui junior ille, *Τρωϊκῶν* auctor esse videtur, v. ad lib. II Exc. I p. 362) notat, *capto Ilio Æneam post triennium navigasse*.

Antenor interea et ipse discessum parat, et iter quidem, quod et Æneas facere decreverat, versus Italiam instituit. Si quæras, quomodo in hoc consilium uterque devenire potuerit, cogitandum est, illo tempore terras Europæ occidentales Græcis Trojanisque fuisse eodem loco, atque Europæis ante hæc duo sæcula et quod excurrit, Americam. Tenebant autem Græci tum omnia maris Ægæi litora, ut adeo nisi in Ionio receptus esset Trojanis nullus.

a. C. N.	a Troja capta	Error. Æneæ
1183	a. 1	a. 2

* Dionys. quidem τῷ ἔξῃς ἔτη, πρῶτον δὲ μετὰ τὴν ἄλυσιν sed utitur ille anno Attico novo, qui a novilunio, quod a solstitio æstivo proximum est, initium habet et cum annis ἰσθῖο Olympicis, qui et ipsi inde ducebantur, conspirat.

Æn. III, 8 *Vix prima inceperat ætas—Litora cum patriæ lacrimans portusque relinquo, Et campos ubi Troja fuit. Feror exul in altum.*

Primum quidem cursum in Thraciam tenuit: III, 13 sqq.—68 *Terra procul vastis colitur Mavortia campis. Thraces arant.* condit hic in litorali plaga urbem, *Æneadas*: v. 16—18, quod de *Æno* Thraciæ ad Hebri ostia accipiendum esse, Excursu I ad h. l. vidimus.

Parabat *Æneas* Veneri, Jovi, aliisque diis sacrum, quo cum ad aram velandam frondes ex proximo virgulto peteret, prodigio sanguinis ex ruptis ramis fluentis moxque umbræ Polydori monitu, inferiis ei factis, terra excessit; quod non visi vere sequente factum.

Hiemem in Thracia (h. e. Pallene) a Trojanis exactam, etiam *Dionys.* ex communi ratione tradit I, 49 et 63, etsi superioris jam anni; nam hujus anni hiemem in Sicilia ab iis consumtam ponit; ut adeo sequente anno secundo a Troja capta ad agrum Laurentem pervenerint. Et hanc rationem secuti sunt alii: ut L. Cassius Hemina ap. Solin. c. 2.

a. C. N.	a Troja capta	Error. <i>Æneæ</i>
1182	a. 2	a. 3

Inde ubi prima fides pelago, placataque venti Dant maria etc. Æn. III, 69. Vere ineunte, *ἔαρος ἀρχομένον*, mari patefacto, versus Archipelagum navigant, Delum perveniunt. Ab Anio Anchisæ hospite benigne excepti Apollinem consulunt; a quo cum antiquam matrem exquirere, h. e. eam terram repetere, jussi essent, unde majores Trojanorum progressi ad Trojæ loca olim pervenerant, Anchises eam Cretam interpretatus, unde Teucrum ad Troadem appulisse a majoribus acceperat, eam petere jubet. Ad hanc igitur insulam bona spe alacres cursum dirigunt, II, 73—131. Idomeneus jam tum Creta erat a suis expulsus v. 121. Condunt hic urbem *Pergameam*, instruunt domos, colunt agros, et terra se a fatis monstrata nunc tandem potitos esse lætantur, v. 132—137.

Inter hæc annus unus et alter exire debuit; neque aliter numerus ille septenarius annorum confici possit, nisi ita statueris. Igitur

a. C. N.	a Troja capta	Error. <i>Æneæ</i>
1181	a. 3	a. 4

in nova colonia Cretæ consumitur. Interea

a. C. N.	a Troja capta	Error. <i>Æneæ</i>
1180	a. 4	a. 5

siccitas agrorum, aeris gravitas, lues corporibus infesta. Cum iterum Phæbum in Delo consulere vellent, *Æneam* per somnum docent *Pe-*

nates, non Cretam sed Italiam sedem a fati destinari. Itaque paucis in colonia relictis iterum naves conscendunt, III, 137—191.

Evecti in altum gravi tempestate opprimuntur, ut procellosum in his plagis mare esse solet (v. Not. ad III, 192). Quarto die ad Strophades, quæ Ionii maris insulæ occidentali Peloponnesi litori obversæ sunt, appulsi, cum ab Harpyiis vexarentur, accepto a Celæno vaticinio, iterum hinc solvunt, III, 192—267 et alias hujus maris insulas prætervecti Actium in sinu Ambracio perveniunt. Hic lustratio et Ludi habiti, III, 268—283. *Interea magnum Sol circumvolvitur annus, Et glacialis hiems aquilonibus asperat undas* v. 284. 285.

a. C. N.	a Troja capta	Error. Æneæ
1179	a. 5	a. 6

Transacta apud Actium hieme Epiri litore lecto ad Buthrotum escendunt, ubi præter omnem expectationem in Helenum cum Andromache incidunt. Aliquantum temporis cum ipsis commorati, accepto novo ab Heleno vaticinio, iterum navibus in altum deductis (III, 286—505) præter montes Ceraunios provehuntur, cumque per noctem litorum tuta subiissent, altero mane Italiam conspiciunt, 506—529.

Trajectu facto Portum Veneris paullo supra promontorium Sallentinum vel Iapygium dictum subeunt, et Palladi Junonique sacra faciunt, 530—548.

Mox sinum Tarentinum, oram Bruttiorum, et Siciliæ fretum prætervecti in Cyclosum litore escensionem faciunt; sed recepto Achemenide, qui ab Ulysse relictus fuerat (Ulysses igitur paullo ante, et quidem, quod poetæ præter Homeri fidem ponere licuit, ante tres menses v. III, 645 in his litoribus erraverat), Polyphemi metu classem iterum expediunt, et litus Siciliæ orientale et australe prætervecti in occidentali litore supra Lilybæum promontorium Drepani portum ad Erycem intrant. Hic dum a longis erroribus recreant se, sub ætatis exitum (cf. an. seq.), Anchises moritur, III, 549—714.*

a. C. N.	a Troja capta	Error. Æneæ
1178	a. 6	a. 7

* In temporibus, quæ nunc succedunt, ordinandis magnam difficultatem iniecit ipse poeta, qui discessum e Sicilia et accessum ad Africam septimo errorum anno factum diserte memorat v. extr. libri I nam te jam septima portat Omnibus errantem terris ac fluctibus ætas; idem tamen reditum in Siciliam hoc eodem anno septimo factum narrat lib. V. 626 *Septima post Trojæ excidium jam vertitur ætas*. Ea tamen si eo, quo fecimus, modo conciliari possunt, concidit poetæ reprehensio; quam Wood quoque movet p. 229. Nolo in exponenda difficultate otium consumere, quam jam veteres versavere. v. Servium ad

Vere, ut e sequentibus probabile fit, quando navigandi tempus ade-
rat, classis Æneæ e Sicilia solvit versus Tyrrheniam et Latium. Ab
hoc demum tempore res Æneide comprehensæ exordium habent: v.
lib. I, 34 sqq. Vix illa altum tenet, cum subito gravissima tempestas
orta, quam poeta ab Æolo Junonis rogatu immissam prodit, versus
Africam naves rejicit; sex circa Ægimuri Aras, ex adverso Carthagi-
nis, partim scopulis partim arenarum vadis illisæ, una a mari hausta,
omnes a ventis fluctibusque admodum vexatæ, subsidente tandem tem-
pestate vix in Africæ litus sed diversis partibus ejiciuntur (I, 34—
158). Æneas quidem cum septem navibus (I, 170 et 383) inter Apol-
linis et Mercurii promontoria, qui nunc Tunitanus sinus est, portum
subit, ad Aquilariam, objectu insulæ, quæ altera ex Ægimuri Aris esse
videtur, a ventis tutum (v. Excurs. ad I, 159 sq.). Altero die ad ex-
ploranda loca digressus et a matre Venere, sub Nymphæ specie obvia
facta, confirmatus animo, novam urbem Carthaginem de colle urbi im-
minente prospicit. Degressus inde dum in novo Junonis templo opera
singula contemplatur, Dido regina eo procedit, a qua benigne Æneas
excipitur moxque socios cum parte classis, quam desideraverat, re-
cuperat (I, 159—ad f. libri); casus suos inter epulas factas narratione
exponit (lib. II—et III).

Gesta hæc anni hujus vere; quod constat, si cum lib. V, 626 sq.
compares illa: *Nam te jam septima portat Omnibus errantem terris ac
fluctibus æstas*, I, 755. 756. Itaque I, 31—multosque per annos *Er-
rabant acti fatis maria omnia circum*.

lib. V, 626, cujus nota tandem in his verbis subsistit: "Ergo constat, quæstionem
hanc unam esse de indissolubilibus; quas non dubium est emendaturum fuisse Virgilium."
Si quis itaque poetam in tempore Æneidi suæ constituendo sui parum memorem fuisse
dicat, non multum habeo quod reponam. Illud tamen male haberet, quod poeta tempo-
ris notas disertis verbis apposuit, quas, si abfuissent, nemo desideraturus aut in hanc
quæstionem descensus fuisset. Etsi vero expediri illa nequit, ita ut nihil forte repo-
nere possis, alterutrum tamen sumendum est, aut sub finem anni auctumno exeunte Æneam
ad Africam accessisse, et altero anno primo vere discessu facto in Siciliam reversum
esse; aut vere demum sequentis anni solvisse Æneam ex Sicilia, Carthaginem appulisse
et eadem ætate in Siciliam rediisse. Hoc si sequere, saltem versuum istorum ratio ac
sententia constat. Igitur, dum meliorem rationem aliquis docuerit, teneamus hoc. Certè
Catroëum, quem ad lib. V pr. de his disputasse videmus, omnia ad libitum fingentem
audire piget. Nec Wood, qui Illadis et Æneidis tempora constituenda alio opere sibi
proposuerat (p. 229 sq. et p. et p. 254., vers. germ.) satis probabilia amplexus esse
videtur.

Desidet aliquot menses apud Didonem Æneas, tandem deorum monitu hac ipsa æstate ex Africæ litore solvit, ingruente tamen illo tempore, quo turbari ventis mare solet. Versus sunt hi: IV, 52 *caussasque innecte morandi, Dum pelago desævit hiems, et aquosus Orion, Quassataque rates, dum non tractabile cælum.* Mox 193 *Nunc hiemem inter se luxu, quam longa, fovere etc.*, tandem v. 309 *Quin etiam hiberno moliris sidere classem, Et mediis properas aquilonibus ire per altum.* Facile ex his colligat aliquis, hiemem apud Didonem fuisse exactam, nec nisi sequente vere hinc discessisse Trojanos. In adstruenda hac re multus est Bargæus. v. Jo. Mich. Bruti Epp. Cl. Viror. p. 75 sqq. Possis etiam, quod alii, v. c. Catræus, faciunt, ita statuere, sub anni superioris exitum Æneam ad Carthaginem accessisse ibique hiemem exegisse. Sed neutra harum opinionum difficultatibus caret. Nam sic poeta sibi ipsi adversaretur, qui *septima æstate* Africam adiisse, et *septima æstate* item Siciliam repetiisse diceret eos, qui diversis tamen annis hoc et illud fecissent. Nec loca, quibus *hiems* memoratur, necessario ad brumale tempus ducunt. Sed primo loco de tempestate agitur, qua Æneas ad Carthaginem fuerat appulsus; est enim dies ab adventu secundus; neque altero loco hiems aliter accipienda, quam de tempore procelloso, quod, quale fuerit, tertio loco apparet, *hiberno sidere et aquilonibus*; qui esse possunt illi ipsi statim venti, etesiæ dicti, quos paullo ante ad a. l. medio Julio et Augusto flare diximus. cf. Not. ad I, 535. Etiam lib. IV, 429, 430 *extremum hoc miseræ det munus amanti, Expectet facilemque fugam ventosque ferentes.* Nec Orion lib. I, 535. IV, 52 aliam quam tempestatis ortæ significationem habet. cf. Serv. ad V, 626, et Cerdam ad e. l.

Solvit igitur Æneas Carthaginem; vento tamen adversante cursum versus Italiam non tenet, sed ad Siciliæ litora delatus apud Erycem iterum in terram escendit, lib. V, 1—34. Hic anniversarias patris Anchisæ Manibus inferias facit et ludos funebres instituit V, 35—603. Tempora ex his colligas v. 46 *Annuus exactis completur mensibus orbis,* et 626 *Septima post Trojæ excidium jam vertitur æstas etc.* Interea Trojanæ mulieres longi erroris tædio victæ, ut tandem in Sicilia considendum esset, classem incendunt; quatuor naves combustæ, reliquæ reparatæ. Tum Æneas, relicta apud Acesten comitum parte, qui Ægestam seu Segestam incolant, cum meliore parte naves solvit versus Italiam et hac ipsa æstate Tiberina ostia subvectus in agrum Laurentem escendit. Sed de his alio loco videbimus. Ad hunc autem annum sub æstatis exitum hæc esse referenda, ex his patet: Ludis apud

Erycem altero ab escensione die (V, 42) indictis inferias (V, 42—103) dieque nono ludos faciunt (104 sqq.): hoc eodem die classis cremata. Ad eam reficiendam et novam urbem designandam novem dies dati v. 762. Proximo die discedunt v. 763 sqq.

Quæ poetam impellerent, ut in plures annos dispesceret Æneæ errores, qui secundum historiæ fidem altero vel tertio anno absoluti fuerunt, meo qualicumque iudicio videntur fuisse plura. Primum quidem, quod maiorem facit admirationem et ipsum hoc, quod non uno alterove anno sed per septem annos continuos heros Æneas fatis adversis fuit jactatus: æmulatus porro est poeta errores Ulyssis; et poterat omnino maiorem rerum casuumque varietatem intra tale tempus congerere et includere; multa ex historia τῶν Νόστων, de casibus Achivorum, seriore nonnullorum in patriam reditu, infelici Agamemnonis fato, Pyrrhi cæde et Heleni regno Epirotico (III, 295 sqq.), de coloniis Achivorum in Italiæ litore, memorare non potuisset, nisi Æneæ errores in aliquot annos dispertitus esset. Tandem hoc ipso invento cavet poeta, ne rem parum probabilem narrare videretur, qui factum esset, quo minus Trojani in Achivos domum reduces inciderent, qui tamen et ipsi a Troja solventes Thraciam petierant, aut, ne Ulyssis navibus occurrerent, quæ tamen eodem mari, iisdem erroribus, ad eadem fere litora ferebantur.

EXCURSUS III

Polydorus.

III, 49. De *Polydoro* narratio ab aliquo Νόστων scriptore inventa, a Tragicis fuit ornata, variis quidem modis, ut vel ex Servio ad h. l. et Hygino fab. 109 intelligitur: namque ad Ilionen sororem Polymnestori nuptam missum eum educandum illi narrant; porro a rege ignaro filium ex Ilione susceptum fuisse necatum pro Polydoro. v. Excurs. XXIV ad lib. I. Homerus utique aliter, apud quem Polydorus ab Achille occiditur Iliad. γ, 407 sqq. Virgilius ante oculos habuit Hecubam Euripideam, in ipsis adeo verbis, statim a principio. cf. Not. ad v. 22 sq.

EXCURSUS IV

III, 73—77. De Delo. gratissima tellus Nereidum matri et Neptuneo. Appellatur ita non simpliciter, quatenus insula; ita enim locus langueret; sed respectu ad antiquiorem fabulam, quæ nunc quidem satis expediri non potest. Servius tamen: *Postea, inquit, supplicante Jovi Latona, levata superferri aquis capit. Hæc primo Neptuneo et Doridi fuit consecrata, postea—Latona—litoribus suscepta est.* Similiter Strabo VIII, p. 574 A, Delum primo Neptuneo sacram, mox Latonæ pro Calauria cessam, ex antiquis poetis narrat. Quem locum cum aliis conjecturis jam occupatum video a Viro doctiss. in Exerc. de Delo Misc. Obs. Vol. VII, p. 79. Omnino mihi videor Græci poetæ vestigia et ipsa verba in hoc versu 74 animadvertere: *Νηρῆός τε δάμαρτι Ποσειδάωνι τ' ἄνακτι*, in hunc vel similem modum: aut propius ad verba nostri: *Νηρείδων μητρός τε Ποσειδῶνός τ' Αἰγαίου*. Multorum autem carminum argumentum olim fuit Delus. v. laud. Exercit. p. 3, et noster supra Georg. III, 6 Cui non dictus Hylas puer et Latonia Delos?

In iisdem versibus Apollo Delon—Errantem Gyaro celsa Myconoque revinxit, si elegantiam poetarum sequaris, celsa Mycono, epitheto posteriori voci adjecto, jungenda videntur. Sane Ovidio quidem Met. VII, 463 *humilis Myconos* dicta. Scilicet insula omnis alta, quatenus mari eminet, et *humilis* aliarum insularum respectu; etsi interdum ista ipsa epitheta modo ad litorum alta promontoria et scopulos montesque, vel læve et leniter acclive litus, modo ad interiora (v. c. χαμαλῇ Odyss. K, 196) spectant, modo, quatenus e longinquo vel e propinquo spectatur terra navigantibus. Sic inf. III, 522 *cum procul obscuros colles humilemque videmus Italiam*.—Gyaro celsa junxit auctor Epigrammatis, inter Petronii fragmenta, repetiti nuper in Anthol. Lat. p. 460, quod totum ex h. l. expressum, quem cum eo docte comparavit Editor, et iterum Wernsdorf. Poet. min. To. V. P. III. p. 1362. Sed forte is antiquum verborum ordinem in suo libro habuerat: *Mycono celsa Gyaroque*, v. Var. Lect. Aliam loci imitationem dabit Statius Theb. III, 438. Delum ceteris insulis *humiliorem* esse, Wheelerus docuit *Journey into Greece* p. 58.

EXCURSUS V

Teucris et Teucrorum e Creta origines.

III, 102 sqq. *Creta Jovis magni medio jacet insula Ponto; Mons Idæus ubi—Maximus unde pater—Teucus Rhæteas primum est advectus ad oras.* Locus inter classicos de Cretæ et de Troadis originibus. Ut Apollinis oraculum ad Italiam spectans de Creta interpretaretur, facile induci poterat senex Anchises. Nam et omnino inter Cretam et Phrygiam origines fuerunt communes, et Phrygiæ minoris, seu Troadis, conditores, Teucris (secundum alios etiam Dardanii) e Creta ortum habuere; accedit, quod aut in Cretam sacra et religiones Dactyli Idæi transtulerunt ex Phrygia, aut Phryges accepere religiones a Curetibus seu Corybantibus ex Creta. Nam utrumque traditur. Locus classicus apud Strabon. lib. X, p. 466 sqq. Diodor. V, c. 64 sqq. A nostro proditum: e Creta cum Teucro sacra Cybeles, et quidem mystica, esse traducta; *Hinc mater cultrix Cybelæ Corybantiaque æra Idæumque nemus; hinc fida silentia sacris Et juncti currum dominæ subiere leones.* Repetiti autem communi opinione Teucris natales ex Creta; etsi Attici scriptores, Phanodemum Dionys. Halic. I, 61 excitat, Atticæ eos vindicabant. Multo sapientius illi, qui, Scamandri fluvii et Nymphæ Idææ filium eum prodentes (v. Appollodor. III, 12, 1), indigetem et ignotæ originis significare voluerunt, a quo exceptus Dardanus filiam Batiam (*Βάττιαν*) et regnum, h. e. agrum, quem ipse tenebat, obtinuit.

EXCURSUS VI

De Dardani originibus ex Arcadia vel ex Tyrrhenia et urbe Corytho.

III, 167—171.—*hinc Dardanus ortus, Iasiusque pater, genus a quo principe nostrum—Corythum terrasque requirat Ausonias.* Traduntur de Dardano tam diversa, ut, in quo acquiescendum sit, non facile invenias. Investigemus paullisper fabulæ vestigia, ac diversitatem ad causas et genera certa revocemus.

Homerus Iliad. Y, 215 simpliciter *Dardanum, Jovis filium, Dardani-
am ante Ilium condidisse* tradiderat.

Electram matrem addidere alii, Atlantis filiam, ut Lycophron (v. 1302 sqq.) apud Schol. ad e. l. et Apollod. III, 12, 1. Uterque rem ita exponit, ut Dardanum, cum in Samothrace vixisset, in objectam continentem, Troadem, trajecisse, et a Teucro hospitio, filiæque Batiæ (Arisben Lycophron appellat l. c. cum aliis v. Steph. Byz. h. v.) matrimonio exceptum, Dardaniam vel Dardanum (de nomine v. Munck. ad Hygin. f. 275) condidisse dicat: cf. Not. ad Apollod. III, 12, 1. Trajectum ratibus, *σχεδία*, factum, caussamque modo fratris Iasionis, nam sic alii scribunt pro Iasio, mortem, modo diluvium memorant cum iidem tum alii; v. Conon Narrat. 21. cf. Schol. Lycophr. v. 73. Eustath. ad Iliad. Y, p. 1204, 1252, qui sua ex isto petiit, et p. 351 cum Schol. ad Y, 215, Nonnus Dionys. III, 215—219, de quo loco v. Salmas. de L. Hellenist. P. II, c. 1, p. 333.

Quæ adhuc perstrinximus magis quam exposuimus, *Samothracum* fuere *fabulæ*; hoc intelliges ex Diodor. V, 48. 49, et IV, 75. Strab. VII, p. 331. Dionys. I, 68. 69.

Quandoquidem Dardanus ex Electra, Atlantis f. fuit susceptus, cujus natales ad Cyllenen, Arcadiæ montem, referuntur, cujusque omnis fabula Arcadiam tanquam sedem habet (v. Apollod. III, 10); accidit, ut etiam Dardani origo ad Arcadiam referretur. *Græci et Varro Humanarum Rerum Dardanum—de Arcadiæ urbe Pheneo oriundum dicunt*, ait Serv. ad III, 167, et *secundum Arcades* totam fabulam exponit disertissime Dionys. Halic. I, 61. Fuit quoque ejus memoria in Elide Triphylia. v. Strab. VIII, p. 532 C.

Ex Arcadia Pelasgos Italiam incoluisse nota est narratio; translatus cum iisdem mythus Arcadum et origo Dardani in Italiam. Nunc Corythus aliquis excitatur; cujus vestigium in Arcadia non reperi, nisi in Tegeatarum demo Corythensium apud Pausan. VIII, 45. Atque hac in eum modum exornata fabula Virgilius egregie est usus ad argumentum suum summæ vetustatis auctoritate ornandum. *Dardanus* scilicet et *Iasius* frater ex *Tyrrhenia*, et quidem *Corytho*, vel *Corythi* sede, oriundi. Dardanus quidem Samothraciam et mox Phrygiam adiit, Dardaniamque condidit. Hactenus Virgilius III, 167 sqq. VII, 207 sqq. VIII, 134. Copiosius fabulam exponit Serv. ad e. l. et Pompon. Sab., qui Diodorum excipit. De Iasio v. Muncker. ad Hygin. f. 270, et Astronom. II, 4.

Corythum, Etruriæ quæ urbs sit, in controversiam venit, sed satis jam

Cluver. Ital. ant. p. 590 sqq., et nuper Gorius a Burmanno jam laudatus Inscr. Etrur. Tom. II, p. 364, qui tamen Cluverium fere sequitur, argumentis idoneis evicerunt, esse eam *Cortonam*. Quæ cum varie olim scriberetur, habereturque urbs Etruscorum antiquissima: vid. Dionys. I, 20. 26 (at in Herodoto I, 57 Cortonæ nullus locus esse potest, et mera somnia continet Ridolf. *Venuti* libellus de antiqua Cortona in *Diss. dell' Accad. di Cortona* T. IV, N. 1); nominis similitudo facile ad Corythum, Dardani patrem, ducere potuit, quasi is urbem condidisset eique imperasset. Hinc inter reges et conditores Tyrrhenorum censeri cœpit Corythus; unde poeta *Corythi urbes* pro Tyrrhenia lib. IX, 10. X, 719, et eo, quem supra posuimus, loco: *Corythum terrasque requirat Ausonias*.

In recentioribus passim interpp., v. c. ad III, 167. multa perperam traduntur, quæ ex Anianis fabulis petita deprehendi. Ad Græculorum commenta pertinet, quod de galea Dardani (κόρυς) perstrepunt, et quod Corythum Tyrrheniæ ad Paridis ex Ænone filium referunt, quodque Dardanum ex Creta, unde Teucer profectus erat, repetunt, vel ad Idam et circa Scamandrum natum affirmant, et plura alia. Quam vellem, multas fabulas in hunc modum detexi liceret.

Ut autem iis adolescentibus, quibus libri, unde hæc peti possunt, non ad manus sunt, ad intelligendum hæc omnia satis sint obvia, progeniem Dardani et hic secundum Homer. *Iliad.* γ, 214 sqq. Dionys. Halic. I, 62 et Apollodor. III, 12 repetere non pigebit. cf. Diodor. IV, 75. In iis tamen, quæ ab aliis diverse traduntur, v. c. a Dicty lib. I, c. 9, hic non morabimur.

Dardanus ex Batia, Teucris f., *Ilium* et *Erichthonium* suscipit. Ilus sine prole moritur.

Erichthonius ex Callirrhœ Scamandri, ut Dionys., vel ex Astyoche Simoentis f. creat *Troem*; a quo *Troes* dicti.

Tros ex Callirrhœ Scamandri, ut Apollod. et Conon c. 12 (ex Acalaride, Eumedis f. ut Dionys.) *Ilium*, *Assaracum*, *Ganymedem*, cum *Cleopatra* generat. Jam

Assaracus Hieromneme Simoentis f. vel Clytadora Laomedontis f.

└
Capys Themis Ili f. vel Nais nymphe

└
Anchises—Venus

└
Æneas

Ili autem, a quo *Ilium* conditum, progenies *Laomedon*; *Laomedontis*

Priamus, cum Fithono, Hesione et aliis; Priami Helenus, Deiphobus, Paris, Hector, Troilus, Polites etc. Ilione, Creusa, Laodice, Cassandra, Polyxena etc. cf. Not. ad Apollod. III, 12.

EXCURSUS VII

De Harpyiis.

III, 209 sqq. *De Harpyiis* fabula antiquissima, quippe jam Hesiodo Theogon. 267 memorata, qua *metecori* vel *procellosi venti* genus aliquod dearum specie induisse videntur primi homines: unde cum Iride e Thaumante et Electra natæ ferebantur: ibid. et Apollod. I, 2, 6. Data hinc *Harpyia Podarge* in conjugium Zephyro ap. Homer. Iliad. II, 150, ubi ea *βοσκομένη λειμῶνι παρὰ ῥόον Ὀκεανοῦ* (adeoque monstri similis, dicta tamen dea, ut Echidna, Typhon et al.) peperit Zephyro Xanthum Balamque, Achillis equos: suavi commento, ad celeritatem equorum horum declarandam. Allusum autem ad eandem fabulam in illa narratione, qua equi in Lusitania ex Favonio concipere narrantur: sup. ad Ge. III, 273. Ad priscam illam Harpyiarum, tanquam ventorum, ac procellarum, notionem spectat antiqua loquendi ratio, qua ii, qui evanuerant, *ventis rapti* dicuntur; tandem forma poetica etiam *res, vota, preces* a ventis feruntur. Ulyssem mari jactatum ἄρπυιαι ἀνηρεΐσαντο Odyss. A, 241, ut alias ἀναρπάξασα θύελλα Ὀχέτο φέρειν. Multo magis manifesta res ex Odyss. Y, 77 comparato v. 63. 66 (cf. Eustath. ad illa loca), ubi Pandarei filias (de quibus v. ad Apollod. p. 843) evanuisse ex hominum conspectu declarare volebat poeta: Τόφρα δὲ τὰς κόρας Ἄρπυιαι ἀνηρεΐσαντο. v. Paus. X, 30 pr. Secutus hoc est Sophocles Philoct. 1120—1122. (1092—4.) Latonam ap. Hygin. f. 140. *Jovis jussu ventus aquilo sublatam ad Neptunum pertulit.* In sequioribus poetis mira fabulæ varietas; hoc est, sæpe et a multis fabula tractata et pro cuiusque ingenio vel argumento ornata et variata. Primum Argonauticorum scriptores de Harpyiis narrationem (Orphicorum tamen auctor eam omisit) intexuerunt, et quidem in Phineï historia. Itaque adhuc in Apollon. II, 178 sqq. 232 sq. copiose tractatam videas; nec non in Valer. Fl. IV, 425 sqq. adde Apollod. I, 9, 21 sqq., ubi cf. Not. p. 190 sq. et h. l. Serv. cum Pompon. Sab. Hinc alii poetæ aliis argumentis, ut h. l. Virgilius Æneidi, eam fabulam inseruere, et ex iis quidam ita, ut injuste factorum ultrices, tan-

quam Diras ac Furias, exhiberent, ut h. l. 255—7. et apud Apollon. Arg. II, Phineum ulciscuntur; ubi v. 289 sunt Διὸς κύνες, ut Κῆρες sunt Ἀΐδαο κύνες IV, 1665. quo factum, ut confusas passim cum his ipsis videas: etsi Homerus diserte eas distinxerat: Odyss. Υ, 77. 78. Hoc unum recte traditum in extrema parte notæ Servianæ et in nota Cerdana. Accessit in poeta et hoc, quod mala denuntiant et prædicunt. Nam sic Celæno: *Quæ Phæbo pater omnipotens, mihi Phæbus Apollo Prædixit, vobis Furiarum ego maxima pando.* Tandem etiam Parcarum et Fatorum loco habitæ sunt. Sic Herodes Atticus in Inscript. in Regillam: vs. 14. οὐνεκα οἱ παῖδας μὲν ἀνύμονας ἐκ μεγάρου Ἀρπυῖαι Κλωθῶες ἀνηρείψαντο—sunt Μοῖραι. Cf. inf. ad XII, 845. Jecimus fundamenta fabulæ a viris doctis, qui veriora exquirere volent, accuratius dispescendæ et dilucidandæ. Vanis etymologiis implicitam rem nuper vidimus a Martorello super Colon. Euboic. Neapolim deducta p. 49 sqq. Ceterum mireris forte, tam casto, h. e. tam exquisiti circa τὸ καλὸν καὶ πρέπον sensus et subtilis judicii poetæ, fabulam tam parum jucundam potuisse probari. Cui enim non moveat nauseam *fecidissima ventris proluviæ et contactuque omnia fædant Immundo et sæter odor?* Enimvero talium rerum judicia diversis in populis, diverso ævo, admodum diversa esse solent; quod Homius meminisse debebat, et a Lessingio olim monitum est. Tum, quod majus est, ea, quæ vetustatis auctoritatem habent, in talem censuram vix veniunt. Et habuit Virgilius, quem sequeretur, Apollonium II, 187 sqq. cf. Exc. XVI ad v. 623 sqq.

Superest, ut *de forma Harpyiarum* dispiciamus, paullo subtilius quam a Montfauc. et aliis factum vidimus. In Homero sunt *Ἐντὶ Θύελλαι*, a quibus in altum raptæ sunt Pandarei filiæ; nihil de forma additur. At ubi equos Harpyia Podarge Zephyro peperit *βοσκομένη λειμῶνι παρὰ ῥόον Ὀκεανοῖο*, manifestum est, quod et Apollonius in Lexico Homer. statuit, *formam equinam* ei esse tributam: Iliad. II, 149. ad quem locum plura videbimus. *Atas* addidit Hesiodus Theog. 267. “Electra Thaumanti peperit *ἡυκόμους Ἀρπυίας* Ἀελλῶ τ’ Ὀκυπέτην τε. Αἱ δ’ ἀνέμων πνοιῇσι καὶ οἰωνοῖς ἅμ’ ἔπονται Ὀκείης πτερύγεσσι. μεταχθόνιαι γὰρ ἴαλλον.” Si *ἡυκομοί* sunt, *pulcris comis*, putes *puellas* fuisse; possunt tamen quoque *pulcris júbis* insignes esse *equæ*. Apud Apollon. in Argon. l. l. II, 188. appositos Argonautis cibos raptant *γαμφληγῆς*, quod apud Homerum de *maxillis*, *σιαγῶσι*, *γέννυσι*, dictum, de rostris vulgo accipitur; advolant quoque illæ et edunt clangorem, *κλαγγήν*, vs. 269. tanquam alites rapaces; ut apud Apollodor. I, 9, 21. ubi

Argonautica exponit, πρῆνται sunt et σὺν βοῇ καθιπτάμεναι. Omnino in Argonauticis fabula e Phineo et Harpyiis disertius exposita fuisse videtur. Hactenus Harpyias animantia alata monstrosa fuisse existimes. Virgilius addidit plura; sunt ipsi *Harpyiæ volucres, virgineo ore, manus unguibus curvis instructas habent, pedes uncas, vocem diram, pallorem ex fame, corpus invulnerabile.* (216. *Virginei volucrum vultus—uncæque manus—*226. *magnis quatiunt clangoribus alas—tum vox dira—*233. *pedibus uncis.*) Ad hujus poetæ ductum cogitandum erit de alitibus virgineo ore insignibus. Conveniunt Schol. Lycophr. 653. σώματα γυνῶν, πρόσωπα κορῶν ἔχονσαι, sed idem miro modo addit, ὥτα ἄρκτων, aures ursinas eas habere.

Jam expressas videmus in numis ac gemmis formas *volucrum capite virgineo instructarum*: quas variis modis interpretari solent viri docti, modo Sirenes, modo Stympthalides, modo Harpyias. Posterius hoc cum aliqua probabilitate statui posse videtur: conveniunt enim formæ cum exemplo Virgiliano, nisi quod *uncæ manus* absunt, et quod plerumque galea apposita est capiti: vide saltem Montfauc. Tom. I. pl. 222. vel Beger. Thes. Brand. T. III. p. 371. Propius ad Virgilium expressa est facies in Cod. Vatic. ad Æn. VI, 289 ubi in locis inferis memorantur Harpyiæ; est virgo ibi alata in avem desinens cum manibus uncis. Verum in monumentis hæc absunt. Addita igitur est galea, nescio qua de caussa; aut dicendum est, merum phantasma artificum, symbolicum forte, eam speciem esse. Possunt quoque omnia hæc pariter esse vera, si recte ea constitueris.

Scilicet sunt haud pauca Græcorum, imprimis in Odyssea, monstra, quæ ab antiqua aliqua forma symbolica ducta sunt; nonnulla quoque conveniunt cum Ægyptiis hieroglyphis, seu casu, seu quod inde ducta erant, aliis tamen modis tractata et ornata. Ita Harpyias Ægyptiis figuris alitibus cum capite virgineo (quales apud Montfauc. sunt) similes esse haud negem; potuere quoque ex Ægypto ductæ esse. Eadem forma serius superstitionibus amuletorum inserviit, varietque ea occurrit ornata in gemmis. v. Gorii Gemmas astrif. tab. 135. 6. 7. Extat numus Gabalensium apud Patinum in Numismat. Imp. p. 243. in quo Harpyia cum Sphinge efficta symbolicam speciem habet.

Cum ea forma semel instructa esset galea, adjecta fuere alia, ut clipeus, hasta, ita ut tandem Palladis symbola ea referre videretur. Tale signum in donario gentis Valeriæ occurrit, quod, ductu duarum gemmarum (quas tamen pro amuletis, non pro vere græcis habere malim) apud Montfauc. tab. CXXII, 8. 9. ad Palladem revocabat

Eckhel Doctrina numor. Tom. V. p. 391. Nec tamen ultra opinati-
onem progredi in his licet.

Sirenum species tam diversa est, ut eam cum *Harpyiis* confundi
miseris. Sunt pæ virgines alatae, inde a famoribus in volucres des-
cendentes; περιπταί, τὰ κάτω ὀρνίθων ἔχουσαι ut Schol. Lycophr. 653. et
Apollon. IV, 898 ἄλλα μὲν αἰωνοῖσιν, Ἄλλο δὲ παρθενικῆς ἐναλίγκαι
ἔσκειν ἰδέσθαι. Tubam fere vel citharam tenent, ut vel apud Mont-
fauc. videas. Exempla extant plurima in numis, in gemmis (v. c. ap.
Tassie) et sarcophagis. Nobilis est denarius gentis Petroniae (v. c.
Thesaur. Morell. tab. I, 1. et al. add. Spanhem. Tom. I. p. 251.) Im-
primis numi Neapolis Parthenopen exhibent. Inter gemmas est Sarda,
in qua Ulysses alligatus est malo, adstantibus trinis Sirenibus, obvia
apud Paciandum Monim. Pelop. Tom. I. p. 199. Idem argumentum
est anaglyphi, quod primus edidit Fabrett. Addend. ad Tabulam Ili-
cam, pag. extr. Add. Musam Sirenis alis pennas evelentem ap.
Winckelmann. Mon. ined. tab. 46.

Tandem *Stymphalides* nequidem in censum hunc referri debent;
sunt enim aves palustres longis rostris, nulla alia re notabiles. v. Apol-
lodor. II, 5, 6. at Pausan. VIII, 22 nugatur dum ex Arabia eas arce-
at. Occurrunt illæ in pluribus anaglyphis Herculis et in numo Pe-
rinthiorum Gordiani III. in Numism. Albani Tom. II, tab. 70. Add.
Pictur. Herculan. Vol. VII, p. 709 Winckelmann. Mon. ined. tab. 65.
Gravures de Vases par Tischbein Vol. II, tab. 18.

EXCURSUS VIII

Vaticinium de mensis ambesis.

III, 255—258. *Sed non ante datam cingetis manibus urbem, Quam ros
dura famas nostræque injuria cædis Ambesas subigat malis absumere mensas.*
Vaticinium hoc fuit inter veteres Græcos et Romanos celebratissimum,
quod jam in Disquis. de inventis a poeta rebus s. V. attigimus; etsi di-
versum apud alios auctorem habet. Nam Anchisæ jam olim a Venere
datum esse, e L. Julio Cæsare et Q. Lutatius tradit Victor O. G. R.
11, unde etiam παλαιὸν θέσπισμα vocat Lycophr. 1250—1252. *Æneæ*
autem sive a Jove Dodonæo (Varro Rer. Div. lib. II ap. Serv. ad III,
256 et alii ap. Dionys. Halic. I, 55) sive a Sibylla Erythræa (v.
Dionys. ibid.) prædictam rem, narraverant alii. Poetæ inventum esse

videtur, quod Harpyiarum uni oraculum illud tribuit. Exitum sortis datæ v. lib. VII, 107 sqq., ubi v. Excurs. II.

Ceterum summa ista vaticinii celebritas movisse videtur poetam, ut fabulam amplecteretur, per se ineptam et epici carminis majestate indignam, quippe quæ ex vocabulorum lusu pendet; saltem illud ad poetam excusandum valere debet. Nam, ut narrationem suam faciat probabilem ac verisimilem, quoniam in rebus absurdis delectationis fructus intercipitur, poetæ epici prima cura est. Itaque in laude ipsi ducendum, si fabulas priscas popularium suorum vel veterum poetarum tam commodè argumento suo intexere et ita accommodare noverit, ut, dum eodem quasi stamine tota tela detexta est, videantur parem fidem habere et illa, quæ ipse nova erat commentus. Cum autem in illarum fabularum natura ac ratione nihil mutare possit, nisi sibi ipsi fidem velit detrahare, ferendum est id, quod minus incommodum est, ut interdum in tali fabula insit aliquid, quod judicii subtilitatem non ferat; imprimis cum multa alia plerumque adsint, quæ hoc fabularum vitium elevent. Nam vetustatis sanctitate consecrata quodammodo earum est auctoritas, imprimis si cum religione aliqua conjunctæ sunt, multo magis in oraculis ac vaticiniis, ut de levitate earum vel monstrosa natura cogitare ne audeamus quidem. Cum porro etiam doctiores multa lectione a prima ætate istis fabulis assueverint, narrationis suavitate ducti ac deliniti non facile in animum inducunt, ut subtili judicio uti velint. Hæc et talia obversata videntur poetæ animo, cum similes fabulas in suam Æneidem reciperet, etiam inf. XI, 79 sqq. de navibus in Nymphas conversis. Saltem ea judicium nostrum a temeritate revocare debent, etsi id interdum recte se habere potest, si ad nostra tempora nostrosque sensus rem referimus, aut si illas fabulas, quod verum tamen non est, a poeta inventas et excogitatas ponimus. A fabularum antiquarum auctoritate excusationem poetæ jam Voltarius petiit de *Poesi epica* adversus eos, qui poetam reprehenderant.

EXCURSUS IX

De clipeo Abantis.

III, 286. *clipeum, magni gestamen Abantis.* Quis Abas ille sit, cujus gestamen, *φάσημα*, clipeus erat, inter interpretes non constat, et per se

parum refert scire, nisi de invento ac doctrina poetæ etiam in hoc quæras; quæ utique honesta est quæstio. Serviana commenta parum se probant. Abas ille, qui unus e sociis fuit (sup. I, 121), huc vocari nequit; nam de spoliis, quæ uni ex Achivis cæsis detraxerat Æneas, nunc agitur. Apud Homerum tamen nullus hoc nomine inter Achivos occurrit. Itaque e poetis cyclicis duxisse videri potest poeta. Equidem olim sic statuebam: quandoquidem ab Homero Abantum ex Eubœa virtus celebratur, Iliad. B, 536 sqq., quorum Abas, Neptuni filius, conditor fuit, reconditam aliquam narrationem in animo habuisse videri Virgilium. Nam illi ipsi Abantes a Troja reduces ad Epiri litora tempestate delati circa Ceraunios montes consederant. vid. Pausan. V, 22, unde Apollon. IV. 1214 Κεραυνία Ἀβάντων Οὐρεα. Satis itaque animose sub illorum quasi oculis tropæum de Abantibus statuit, fixo clipeo, forte Abantis, in pugna alicui ex Abantum ducibus cæsis inter reliqua spolia erepto. Apud Valer. Fl. 453 inter Argonautas Canthus ex Eubœa Abantis avi sui clipeum gestat. Suppetit alia, nescio an probabilior, ratio: Abas fuit ex antiquis Argivorum regibus, Lyncei f. ipse pater Acrisii et Præti, qui armis inter se certantes clipeum, Argolicum saltem, invenerunt: v. Apollod. II, 2 1, et ibi Not. p. 276. 277. Jam poeta aut acceperat hoc traditum aut fingere tacite potuit, fuisse unum ex Argivis principibus, qui ab Abante ad se hereditate transmissum clipeum gestaret: quem a se cæsum Æneas spoliaverit. Abantis autem clipeus aliam habebat famam ex eo, quod ille a Lynceo Abanti donatus occasionem dederat ludis in urbe Argorum instituendis (in Junonis quidem honorem, τὰ Ἡραῖα, in quibus victor eo honore afficiebatur, ut clipeum in Junonis templo affixum tolleret et in pompa duceret, mox prisco loco reponendum. Unde nota ap. Zenob. et al. ἡ ἐν Ἀργεὶ ἀσπίς. v. impr. Spanh. ad Callim. in P. L. 35). Fabulam narrat Hygin. f. 170, ubi v. Muncker., unde etiam Serviana lucem fœnerantur. Alludit Ovid. Met. XV, 164. ubi Pythagoras agnovit clipeum Euphorbi *Abanteis templo Junonis in Argis*. In clipei autem dedicatione Holdsworthus dedicatas ab Augusto post pugnam Actiacam X naves a poeta respici putabat. Veriorem rationem dedisse mihi videor supra Excurs. I ad h. lib. pag. 473.

EXCURSUS X

Heleni et Andromachæ occursus in Epiro.

III, 294 sqq. *Hic incredibilis rerum fama occupat aures* etc. Commentatur in h. l. auctor de Augusti progenie c. 12. Poetæ artem ex hoc æstima. Antiqua erat fabula de *Æneæ ad Epiri litora appulsu*. v. Excurs. de *Æneæ Error.*, qui primus est ad h. lib. Erat porro narratio in Νόστοις, et multo magis in tragœdiis, etiam in lyrico, Pind. Nem. 4, 82. 7, 50, ubi v. Schol., celebrata (relicto Homero, secundum quem Pyrrhus inter eos erat, qui incolumes in patriam redierant, Odyss. Γ, 188. 189) de *Pyrrhi, Achillis f., regno in Epiro* constituto, quem ipsi historici frequentarunt, v. Paus. I, 11. II, 23. Justin. XVII, 3. cf. de *Nicolay diss. in Mém. de l'Acad. des Inscr.* Tom. XVIII, p. 529 sqq., etsi Molossi Epiri ad se traduxisse videntur, quæ Molossis Thessaliæ debebantur. cf. Dictys VI, 7—9, quem locum ex veteri poeta descriptum esse apparet; adde c. 12 ex Euripidis *Andromacha* excerptum. v. Excurs. XII. Alia erat narratio de *Andromacha Pyrrho ducta*, et de superinducta *Hermione*, *Pyrrhoque ab Oreste cæso*; de quibus imprimis v. Euripidis *Andromache*. Ovid. Epist. VIII. Tandem de *Heleni in Epirum adventu*, sive in captivitatem a Pyrrho abducti (quod poeta sequitur inf. 329 *famulo—Heleno*; adde Polygnotti tabulam ap. Pausan. X, 25, p. 860, et Tabulam Iliacam et Fabrett. p. 378), sive classe advecti (cf. Steph. Byzant. et Etymol. M. in Βουθρωτὸς), alia passim in poetis erant memorata: Pausan. I, 11. II, 23. De Heleno enim fabulam varie condiderunt poetæ. cf. inter alia Sophocl. *Philoct.* 613 sqq. 1375 sqq. Conon 34. Ovid. Met. VIII, 99, et 335. 336. Adde Quint. Cal. X, 346 sqq. Dictyn IV, 18. V, 9. Multa ex his transcribi possent, nisi brevitatis studium me revocaret. Omnium fundus fuit Leschei Ilias parva, quantum ex Procli fragm. intelligo. Ibi sub extrema belli tempora Helenus ab Achivis captus vaticinatur Trojam capi non posse nisi arcessitis Herculis sagittis, quas Philoctetes servabat. In Carmine autem Cyprio ap. Proclum Helenus suscepta a Paride navigatione *περὶ τῶν μελλόντων προδεσπίζει*. In eo omnes conveniunt, ut Helenus prudentia et vaticinandi arte clarum nomen habeat: *οἰωνοπόλων ὃς ἄριστος* Iliad. Z, 76. cf. hoc libro 359 sq. 433 s. Vide

laudd. ap. Jo. Schrader. Emendatt. præf. p. XI sq., ubi in Orphicis de Lapid. XI, 50 eum in Palamedis locum, jam ante Tyrwhittum, sagaciter restituit. Virgilius his commode (etsi adversus temporis rationem, nam anno demum nono a Troja ~~versa~~ Hermione nubit Pyrrho Odys. Δ pr., sed v. inf. ad 613 sqq.) usus est ad episodium suavissimum, cui imprimis, ~~nescio quid ad affectum faciens~~, eo conciliat quod in ipso escensu *Æneæ Andromachen Hectori inferias facientem* inducit. 302—305. *Ante urbem in luco falsi Simoentis ad undam Libabat cineri Andromache manesque vocabat Hectoreum ad tumulum: viridi quem cespitem inanem, Et geminas caussam lacrimis sacraverat aras.* Monendum adhuc est de Hectoris tumulo ~~an~~ Andromache adumbrato: *Hectoreum ad tumulum*. Cenotaphium fuit. Verus Hectoris tumulus Trojæ fuerat: *ρίμφα δὲ σῆμ' ἔχεν*, Iliad. Ω, 799. Extra urbem fuisse, ex imitatione Andromachæ apud Virgilium intelligitur; idque declaratum disertius a Dicty IV, 1. *Interea sepelire eum haud longe a tumulo Ili regis quondam: quem ante urbem ad viam versus litus fuisse satis constat*, (Theocr. XVI, 75 *ἐν πεδίῳ Σιμόεντος, ὅθι Φρυγὸς ἥριον Ἴλιον*) etsi locus verus nondum est repertus. Tzetza Homeric. 486 *Ἐκ τὸς τέχους καὶ πόλιος μέγα σῶμα κῆαιτες Ἐς κάπετον κατέθεντο πειλῶριον Ἐκτορα δῖον*. In Tabula Iliaca monumentum est Hectoris effectum, sed lapidibus extructum, neque extemporaneo simile. Mireris in eo signum leonis impositum, tanquam virtutis symbolum, quod etiam in gemmæ Musei Flor. (Vol. II, tab. 32) occurrere memini, pugna Achillis cum Penthesilea ad monumentum, forte Πί, facta. Videtur ipse Tzetza innuere 489 *Καλὰ δὲ λαίγια ποτὶ τύμβον ἀγάλματα θῆκαν*. Saxeum opus ipse Homerus prodit Ω, 798. ubi cinerem et ossa Hectoris condunt in urna; hanc in humum demittunt; *ἐς κοίλην κάπετον θέσαν, αὐτὰρ ὑπερθε Πυκνοῖσι λάεσσι κατεστόρεσαν μεγάλοισι, Ῥίμφα δὲ σῆμ' ἔχεν—χέοντες δὲ τὸ σῆμα πάλιν κίον*. Ceterum in Epiri litore talem locorum speciem, qualis ad Iliam erat, animadvertere sibi visus erat *Lechevalierius* p. 184 de Troade. Notum est, quemadmodum in tragœdia simili modo Choephoræ fuerint exhibitæ cum ab Æschylo, tum Chrysothemis Electræ soror a Sophocle. Etiam Andromachæ mirus in Ascanium affectus, ex Astyanactis scilicet recordatione, porro adumbrata in nova colonia vetus Troja, Heleni tandem vatis responsa, hæc omnia magnam vim ad animum habent suaviter afficiendum. Ceterum ad nostrorum hominum sensus et mores *fabulam* hanc traductam esse a Racinio, cujus Andromacha extat, vix *monere* necesse est.

EXCURSUS XI

Polyxenæ immolatio.

III, 321—324. *O felix una ante alias Priameia virgo, Hostilem ad tumultum Trojæ sub manibus altis Jussa mori, quæ sortitus non pertulit ullos, Nec victoris heri tetigit captiva cubile!* Fundus sententiæ in Eurip. Troad. 626 sqq. Felix utique poeta in ejus exornatione. Sæpe eam tragici cum gravitate et miseratione adhibuere, nimis luxurianter Seneca in Troad. 143—163 *Non est Priami miseranda mei mors, Iliades* etc., ubi ad v. 148 etiam ex oratoribus exempla laudat Gronov. Ceterum varietas et in hujus fabulæ tractatione est. Achilles Polyxenæ amore captus in insidias inciderat: umbra ejus amatam puellam sibi postulat debitam prædæ partem. At Polyxena Achillis amore flagrans ad ejus tumultum manus sibi infert apud Tzetz. Posthom. 498 sq. ubi cf. Jacobs. Laudat Tzetz auctorem *Flavium* 503. Est is Flavius Philostratus, vana commenta pro fabulis antiquis apponere solitus. Mactata est Polyxena ante Ilium ad Achillis tumultum in Sigeo: quod Virgilius quoque sequitur. Contra, cum Euripide in Hecuba, alii in Thracia demum Polyxenam immolari faciunt, quos sequitur Ovidius Met. XIII, 442 sqq. De sortitione, κληρώσει, hac captivarum ducibus Græcis in prædæ parte assignandarum loc. class. Eurip. Troad. 235 sqq. cf. Quint. Cal. XIV, 382 sqq. et Tabula Iliaca n. 111 sqq. et Fabbrett. p. 378, add. Polygnotti tabulam in Pausan. X, 26. 25. cf. sup. ad II, 766. et Jacobs ad Posthom. 498.

EXCURSUS XII

Neoptolemi cædes.

III, 27 sqq. *Nos, patria incensa, diversa per æquora rectæ—Ast illum—Orestes Excipit incautum patriasque obtruncat ad aras.* Primum de hoc monebo: Andromache secuta erat tanquam captiva Neoptolemum seu Pyrrhum: cujus errores varie traditi sunt, a plerisque ita, ut maritimi essent; ab aliis terrestri itinere: hoc alterum secutus erat auctor

Νόστων secundum Proclum : Νεοπτόλεμος δὲ, Θέτιδος ὑποδεμένης, περὶ ποιεῖται τὴν πορείαν, καὶ παραγεγόμενος εἰς Θράκην Ὀδυσσεὰ καταλαμβάνει ἐν τῇ Μαρωνείᾳ, καὶ τὸ λοιπὸν ἀνέει τῆς ὁδοῦ, καὶ τελευτήσαντα Φοίνικα θάπτει· αὐτὸς δὲ εἰς Μολοσσὸς ἀφικόμενος ἀναγνωρίζεται Πηλεΐ. Noster poeta Tragicos cum Pindaro N. 7, 53 sq. secutus mari rediisse Pyrrhum significat. Porro : qui deinde secutus *Ledaam Hermionen Lacedæmoniosque hymenæos Me famulam famulo Heleno transmisit habendam* : cf. Excurs. antec. X. *Ast illum, ereptæ magno inflammatus amore Conjugis et scelerum Furiis agitatus, Orestes Excipit incautum patriasque obtruncat ad aras.* Poeta rem ita tradit, ut Pyrrhus Hermiones amore captus fastiditam Andromachen Heleno nuptum dederit, utque postea Pyrrhum Orestes, cui eadem Hermione, Helenæ *Lacææ* filia *Ledaque* adeo *neptis*, jam olim promissa fuerat (nota res vel ex Ovidii Epist. VIII), interemerit ; quo facto pars Epiri, Chaonia, Heleno regnanda fuit tradita. v. Eurip. in *Andromache* et in *Oreste*. Alii aliter ; nam varie res a poetis tractata. v. Pind. Nem. 7, 50 et ibi Schol. cf. Serv. sup. ad v. 297. De Hermiones et Pyrrhi nuptiis fundus est ap. Homer. *Odyss.* Δ, 5 sqq. Sed occiditur Pyrrhus *patrias ad aras*. Varie jam olim interpretes acceperunt ; v. Serv. et Pompon. Sab. Si ex usu loquendi res dijudicanda ; simplicissima ratio est, ut reversum in patriam Pyrrhum, rem sacram facientem, ante aram Orestes occiderit. Phthiæ igitur factum id poeta ponit, in quo hactenus Euripidem *Androm.* 1243 sqq. sequitur, ut post cædem Pyrrhi *Andromache* cum Heleno in Epirum dimissa fuerit. Eo etiam ducere videntur vs. 333. 334 *Morte Neoptolemi*—. Vulgaris tamen narratio Delphis occisum Pyrrhum tradit ; hanc si adoptare necesse sit, sequar illam rationem, quæ inter alias in Servianis allatas occurrit, ut Delphis aram patri constituerit Pyrrhus, ad quam sacra faceret : Neque id sine exemplo factum, ex Pausania, ubi de Delphis agit, declarari facile possit ; uti postea Pyrrhus ipse fuit inter heroes Delphis sacello celebratos, quod e Pindaro constat. Nam, *aras patrias* pro ara Apollinis *πατρίων* dici, durum esset. Sed forte poeta in toto hoc loco poetam aliquem antiquum ante oculos habuit, qui nunc intercidit ; et varie hoc argumentum fuisse tractatum, ex Euripidis *Oreste* et *Andromacha*, quam Ennius in *Andromacha* latine verterat, alia fuit *Andromache in Molossis*, porro ex Pindari, Strabonis, Pausaniæ aliorumque locis apparet. Polygnotti tabulæ in Lesche Delphica ap. Pausan. X, 25. 26. an ad Neoptolemi memoriam recolendam spectarint, ex ipso earum argumento assequi difficile est. Quod autem *ad aram* occisus est Neoptolemus, in religionem ver-

sum est, ut evenisse id videretur ad ulciscendam Priami cædem a Neoptolemo ante aram Jovis Hercei factam. cf. Tryphiod. 638 sq.

EXCURSUS XIII

De cognatione inter Epirotas et Romanos.

III, 500—505. *Aeneas, ubi in Italia sedes certas nactus fuerit: Cognatas, inquit, urbes olim populosque propinquos Hesperia Epiro (quibus idem Dardanus auctor Atque idem casus) unam faciemus utramque.* Ingeniose hæc poeta e suis temporibus intulit. Nam ad Nicopolin ab Augusto conditam respici, dubitari nequit. Servius: *Cognatas vero urbes quidam in honorem Augusti dictum accipiunt; is enim cum in Epiro Nicopolin conderet, cavit in fœdere civitatis ipsius, ut cognati observarentur a Romanis.* Certe liberam civitatem esse jussit, v. Plin. IV, 3, plerasque Acarnaniæ urbes in eam contraxit aut ei accensuit. v. Strab. X, p. 450 C. VII, p. 325 D. Paus. V, 23. VII, 18, p. 569. Dio Cass. LI pr. Omnino in his oris multi cives Romani videntur consedis, navigationis et negotiorum causa. Buthrotum ipsum Romanorum colonia facta est, v. Plin. IV, 1. Atque intra hæc subsistendum. Nam aliis temporibus Romani summam in Epirotas crudelitatem exercuerunt; ut notum vel ex Livio XLV, 34. Alii, quibus Nannius VII Miscell. c. 12 præivit, locum Dionysii Halic. huc trahunt ex lib. I, 51 (41), ubi Trojanis ab Epiro solventibus comites se ac viæ duces adjunxisse narrat nonnullos ex incolis; *Romani, inquit, cognationis et beneficii memores Acarnanibus (qui saltem Epirotis vicini sunt) Leucadem et Anactorium Corinthiis ademptum addixerunt, atque Æniadas in pristinam sedem reducere permiserunt, ex Echinadibus autem insulis vectigalia cum Ætolis communia habere jusserunt.* Hæc Dionysius. Graviore causas alias hujus liberalitatis Romanis fuisse, facile intelligitur. Facta scilicet illa, quæ enarrat, partim bello cum Ætolis confecto, partim bello Achaico profligato, partim etiam ducta ab Augusto Actium colonia et Nicopoli condita. *Leucas* quidem Ætolis adempta a Romanis, hinc Acarnanibus restituta, paullo post Acarnanum concilio eximitur ap. Liv. XLV, 31. *Anactorium* vero colonia fuit Corinthiorum (v. Steph. Byz. h. v. et Strabo X, p. 452); iis itaque ademptum a Romanis, Dionysius narrat. Idem Corinthii Leucadem tenuerant (v.

Strabo p. ead. B.) cum toto hoc Acarnaniæ tractu litorali, etiam Ambraciam, de qua vide mythum antiquioris ævi ap. Antonin. Liber. c. 4. Schol. Apollon. IV, 1212 et 1216. Cœniadæ tandem Acarnanum, captæ a Lævino et Ætolis contributæ, (v. Liv. XXVI, 24) mox pace cum Ætolis victis facta Acarnanibus sunt restitutæ. v. Liv. XXXVIII, 11; quo facto forte iterum veteres incolæ fuere reducti. Inter hæc tamen omnia ad ea, quæ Augustus fecit, maxime respexisse videri debet poeta.

EXCURSUS XIV

De Herculeo Tarento.

III, 551. *Hinc sinus Herculei, si vera est fama, Tarenti Cernitur.* Quæ de Tarante heroe et Phalantho, Partheniarum ductore (v. Strab. VI, p. 278 sqq. cf. sup. ad IV Georg. 125), Servius et alii hic memorant, aliena sunt. Nam Taras, Tarenti conditor, notissimus ille vel e Tarentinorum numis (v. Eckhel post Golzium, Magnan, Pellerinum *Suppl. IV au Recueil des Medailles ad pl. II. 10*), Neptuni fuit filius, nihilque habet commune cum Hercule. Phalanthus autem, quem Servius octavum ab Hercule facit, ultra trecentos annos post Trojana tempora vixit. vide vel Simson. *Chronic.* Neque per prolepsin loqui poetam admodum velim, quod Mazochius amplexus est de *Tabb. Heracleens. Prodr. c. 4*, ubi multis de Tarento vetere agit. Nam Jo. *Juvenis*, qui de *Antiqu. et var. fortuna Tarent.* scripsit, nihil de suo attulit. Ceteris Grammaticorum apud Servium nugis præferendum hoc, quod Pompon. Sab. habet: *Tarentum sub Herculis tutela fuit; in ea servabatur Herculis aenea imago a Lysippo facta, quam Fabius Max. secundo bello Punico victor in Capitolium transtulit* (v. Plin. XXXIV, 7, s. 18). Sed Pomponius e Strabone sumsit lib. VI, p. 378 B, unde tamen posterius tantum firmatur: at prius illud, quod Tarentum sub Herculis tutela fuit, etsi id ex eo probabile facere possis, quod ducta postmodum eo ex Lacedæmone colonia Herculem, utpote Heraclidarum suorum auctorem, imprimis religiose colere debuit; et reperiuntur numi Tarentinorum cum Herculis capite, et cum Hercule clavigero leonem suffocante; (v. nunc Eckhel. *Doctrina Numor. vet. Tom. I. P. I. p. 147.*) tamen de eo poeta cogitare non potuit, quoniam addit: *si vera est fama.*

De fabula vetere agi itaque necesse est. Erythræus in Indice Virg., Junius I Animadverss. 9, et, qui iis præivit, Parrhasius in docto Comment. ad Claudian. ex Aristotele de mirab. Auscult. locum afferunt, quo probent, ab Hercule aliquando captum vel inessum Tarentum; quin poetam verba: *si fama est vera*, hoc propter ipsum adjecisse, ut Aristotelis fide non plane se stare ostenderet; id quod plane insolens videtur. Neque in Aristoteleo loco (v. T. II ed. du Val. p. 729) ullum eorum, quæ inde ducunt, est vestigiū. Male etiam locum interpretantur, de quo docte egit Mazoch. *ad Tabb. Heracl.* p. 72 sqq. Ex Pausan. X, 10, qui, quæ alii de Myscelo tradiderant, ad Phalanthum transfert, apparet, narrationes de Tarenti et Crotonis originibus fuisse inter se permutatas a nonnullis. Fac Virgilium in talem scriptorem incidisse; ita Herculi debita origo Crotonis traducta ad Tarentum. Sane tota hæc Italiæ ora, ut passim aliæ Italiæ partes, fabulosa Herculis monumenta ostendebat. vid., præter Serv. ad v. 552, Diodorum IV, 20. 21 sqq. Strab. VI, p. 281 C. Ovid. Met. XV, 9 sqq. cf. Dionys. Halic. I, 39—44. Et erat in extrema Italia Herculis Portus, promontorium Herculeum; erat etiam Heraclea urbs, de qua Mazochius copiose egit, quanquam ea ab initio *Ἡρακλείου* dicta (Schol. Lycophr. ad v. 978) templo potius Herculis, quod ibi fuit, nomen debuisse videtur. Igitur manet hoc, antiquam aliquam fabulam, quæ nunc nota non est, de Tarenti originibus Herculi adscriptis poetæ h. l. in animo fuisse.

EXCURSUS XV

De Ætna.

III, 571—577. *Sed horrificis juxta tonat Ætna ruinis* etc. In hunc de Ætna locum comparatum cum loco Pindarico (Pyth. I, in pr. Epodo) jam apud Gell. XVII, 10 gravem censuram exercuit Favorinus philosophus, sed ut philosophum magis quam criticum poetica elegantia imbutum agnoscas. Nam neque Pindarum exprimere, multo minus ad verbum transferre, voluit aut debuit Virgilius, neque lyrico et epico poetæ idem rerum verborumque dilectus esse potest. Refutaverunt Gellium a Macrobio exscriptum V Sat. 17 multi (v. ad Gell. et ad h. l. Virgilii), inter quos Jos. Scaliger Poet. V, 4 imprimis et Cerda,

quos vide ; sed cupide magis, sæpe inaniter et frigide, quam ad epicæ poeseos naturam et poetæ consilium, qui congerere in unum voluit omnia, quæ nobis de Trojanis rei locique ignaris in Ætnæ vicinia noctem exigentibus sollicitudinem facere possint. Etsi illud mihi quidem satis apparere videtur, poetam plus in verborum ornatu laborasse quam in physica subtilitate. Ita miscet plura, ad diversa rerum momenta et vices spectantia vs. 572. 3. 4. Saltem ultimum versum redundare sentio. Quamobrem mireris forte, Senecæ visum esse Virgilium *argumentum hoc implevisse* Epist. LXXIX. Ceterum Virgilius historiæ fidem insuper habuit ; recte tamen ut poeta ; nam belli Trojani et ipsius Homeri tempore Ætna nondum intestinīs incendiis sævisse videtur ; saltem ille a satis multo tempore cessasse videri debet ; (erant forte *antra Cyclopum* antiquioris incendii argumenta : de quibus cf. D'Orville Sicilia T. I, p. 247) ; alioqui Homerus hoc naturæ portento, ad poeticum ornatum tam accommodato, haud dubie esset usus ; id quod primo loco Pindarus fecit Pyth. I, cujus ætate Ol. LXXV, 4 (paucis annis ante victoriam Hieronis Pythicam) alterum Ætnæ incendium contigerat ; tertium L annis post, Ol. LXXXVIII, 2. v. Thucyd. III, 5. At primum incendium (ab eo sc. tempore, quo Græci in insulam immigraverant) temporis nota destituitur. Cf. de his docte disputantem Wernsdorf. Tom. IV, P. M. p. 378. In Argonauticis expectabam Ætnæ mentionem. Planctæ ad Vulcanias insulas alludere forte possunt. In uno auctore Orphicorum Argonautic. v. 1249 memoratur flamma Ætnæa Enceladi. In ceteris sane auctor ille diligenter servavit locorum naturas et notationes e prisci ævi ignoratione et errore. Proximum ad Virgillii ætatem incendium Ætnæum fuit U. C. 718 apud Appian. B. C. V, c. 117.

EXCURSUS XVI

Fæda ad sensum a poeta narrata.

III, 623 sqq. *Vidi egomet, duo de numero cum corpora nostro—Frægeret ad saxum, sanieque expersa naturent Limina ; vidi atro cum membra fluentia tabo Manderet et tepidi tremerent sub dentibus artus.* Hæc et quæ inf. 632 leguntur, *jacuitque per antrum Immensus, saniem eructans ac frustra cruento Per somnum commixta mero* : post alios Homio, Viro

III., sunt reprehensione digna visa, quod non modo horrorem sed et nauseam fœditate sua et aversionem facerent. Faciunt utique nostro sensu; nec essent ea, si nostro ævo scriberentur, sano iudicio probanda; sed faciunt simul horrorem; et hominum belli cædibus rapinisque assuetorum sensus potuit esse obtusior, stomachusque minus fastidiens. Nam, quod hæc inter convivium, coram femina regina, narrantur, id poeta nos ab initio statim animo retinere noluit, et totam narrationem ad sui carminis lectores magis quam ad Didonis et Pœnorum auditionem attemperavit. Sed omnino in fabulis antiquis tam laute ac superbe poetæ nec versantur nec versari iis necesse est, nec nobis legentibus magis licet philosophica aliqua subtilitate uti; alioqui frigeret tota de Polyphemo et quot non Homericæ Virgilianæque fabulæ! In Polyphemi forma ac robore, verbi caussa, sunt multa, quæ sibi repugnant, multa absurda, si subtilius iudicium adhibeas; sed phantasie sensusque voluptati ista scripta, non philosophico acumini. cf. sup. ad v. 250—252. Homerus multo atrocius spectaculum, et carnificinam verius, exhibuerat; sed alios homines, aliud seculum, quod respiceret, habebat. Ovidius ab omni atrocitate alienissimus non tamen horrendum hoc Polyphemi spectaculum *Metamorphoseon* lib. XIV iterum exhibere dubitavit. Euripides autem in *Cyclope* Satyrici dramatis natura tueri se potest. Vide v. 380 sqq. Sane Theocriteus *Cyclops* paullo humaniore cultu exhibetur *Idyll.* XI.

EXCURSUS XVII

Anchisæ obitus.

III, 710. *Hic—genitorem omnis curæ casusque levamen Amitto Anchisen.* Anchisæ obitum non ad historiæ magis fidem quam, quod commodum esset, ante Æneæ ad Didonem adventum commemorat. Quas enim Anchisæ partes satis decore inter Æneam et Didonem tribuere potuisset? Anchisæ sepulchrale monumentum etiamnum juxta Drepanum ostenditur, sed v. Dorvill. p. 49 et inf. lib. V, 75 sqq. Mortem ejus veteres scriptores tam diverse tradiderant, ut nihil magis. Tumulum ejus in Ida pastores et agrestes quotannis coronasse traditum narrat Eustath. ad *Iliad.* M, p. 894, 33. In Pallene Theon, in Sinu Thermaico Conon (v. sup. Excurs. I ad pr. v.), in Arcadia Arcades (ibid.) sepultum esse contendebant. Pausanias VIII, 12 Arcadum narrationi

subjungit, constare saltem hoc, *quod Æolenses, qui tum Ilium incolebant, nullum Anchisæ tumulum ostendebant*; ut adeo, extra patriam certe eum obiisse, inde probabile fieret. Verum omnino veteres scriptores monumentis his, fanis, tumulis ac sepulcris, fidem historicam tribuerunt incautius: cum, ubicumque herois σῆμα aliquod extaret, ibidem, vulgarem famam secuti, eum sepultum esse contenderent; enimvero, nisi aliunde ea de re constaret, in memoriam herois vel viri clari factum esse illud potuit, nec tamen corpus ejus conditum tegere. In Italiam Anchisen adduxerant alii, et ipse Cato, ut Serv. ad Æn. I, 570 et alibi. Victor de Orig. G. R. c. 10 et ibi Arntzen. cum Muncker. ad Hygin. f. 260. Meziriac. ad Ovid. Heroid. Tom. II, p. 221, qui plura dabunt. Nos, ut sæpe diximus, non, ut vanam eruditionem ostentemus, nec ut, quid veri insit, nunc disquiramus, sed ea de causa hæc commemoramus, ut, quam felicem, facilem, ac copiosam materiam poeta tractandam sibi sumserit, appareat.

P. VIRGILII MARONIS
Æ N E I D O S

LIBER TERTIUS

ARGUMENTUM

DIDO amore Æneæ insaniens, animi sui morbum sorori aperit: ejusque consilium secuta, ad nuptias animum adjicit 1—89. Juno quoque, ut Æneam facilius ab Italia averteret, agit cum Venere, ut ejus bona cum venia liceat Æneæ Elisam uxorem ducere: quoque id commodius fieri possit, se opportunitatem oblaturam ostendit—128. Postridie Æneas et Dido venatum proficiscuntur. Ibi omnibus jam prædæ intentis Juno subitam immittit tempestatem; comites alius alio diffugiunt; Æneas et Dido in idem antrum conveniunt, ibique infaustis ominibus junguntur—172. Interim Jupiter, Iarbæ Gætulorum regis, qui advenam sibi præferri iniquo animo ferebat, precibus sagittatus, Mercurium mittit ad Æneam, mandatque, ut, relicta Africa, in Italiam naviget—278. Ille Jovis imperio morem gerens, quæcumque ad navigationem erant necessaria, clam per socios parari jubet—295. Ceterum Dido, ubi classem instaurari sensit, suspicata id quod res erat, graviter cum ipso expostulat, precibusque et lacrimis tum per se ipsam,—392 tum per sororem,—449 eum ab incepto revocare conatur. Æneas, nave jam conscensa, iterum in somnis a Mercurio admonitus, intempesta nocte ancoras solvit 554—583. Illa doloris impatiens, mori decreverat, 450—473 et celans sororem quod meditabatur, exstructa in editiore ædium parte ingenti pyra, sacrum magicum, quo ab amore se solveret, paraverat, 474—521. ubi, recrudescente per noctem dolore furens, 522—553 Trojanos discessisse vidit, diris Æneam devovet, 584—629 ablegataque Barce, Sichæi nutrice, ne quid destinatæ morti impedimenti afferret, necem sibi consciscit.

AT regina gravi jam dudum saucia cura
Vulnus alit venis, et cæco carpitur igni.

1 Ad multi, ut fere alias variatur. v. Pier. h. l. et Barmann. *jamdudum* Medic.

Libri hujus artificium quis non scensit? quis non laudibus prædica-
vit? Est enim ad communem ho-
minum affectum comparata res, amor
infaustus et successu carens. Si de
iis partibus carminis quæritur, quæ
Virgilio propriæ sunt, et ex quibus
ejus ingenium et ars imprimis spe-
ctari simulque illud intelligi possit,
quantum ad cujusque poetæ indolem
ætas et temporum, in quæ incidit
ejus vita, genius faciat: librum hunc
primo loco excitandum esse arbitror.
Nihil enim, in Homero certe, habuit,
quod sequeretur; nam alienissima
res ab Homeri sæculo et moribus,
delicias in amore facere, aut exqui-
sitorem aliquem affectum suscipere.
Euripidis Alcestin in nonnullis ante
oculos habere potuit. Etiam ex
Nævii bello Punico eum nonnulla ro-
tinuisse suspicor; v. Macrob. VI, 2
extr. et Serv. ad IV, 9. Sed com-
muni opinione Apollonium Rhod.
secutus esse fertur jam in Servianis
ad lib. IV pr. et Macrob. V, 17.
Scilicet Medæe amorem ad Dido-
nem transtulit. Quæ tamen alia in-
de tollere potuerit, præter pauca,
quæ ad primos libri versus et passim
alibi notavimus, vix quicquam oc-
currit; et Medæe amor admodum
diversus ab amore Didonis; in qua
secundarum nuptiarum pudor, et re-
gia dignitas, imperiumque in novo
regno, imprimis vero animum super-
bia et ira extimulant. Ceterum

hunc Didonis amorem a tot aliis mu-
liercularum amoribus, et a recentio-
rum studiis, quæ toties in tali argu-
mento occupata fuere, admodum di-
versum esse facile intelligas. Quod
qua potissimum ratione a poeta ef-
fectum sit, si forte quæras, quæri
autem hoc potest, causæ rei mihi
ex eo potissimum ducendæ esse vi-
dentur, quod amor a Didone et Æ-
nea non leviter, sed post multas mag-
nasque molitiones ad amorem extin-
guendum frustra a Didone factas, et
consociata Junonis ac Veneris ad
eam impellendam opera, suscipitur;
porro, quod partim novæ urbis in-
crementum, partim ærummosæ navi-
gationis finis ex eo captatur; quod
is amoris affectus cum aliis, iisque
gravissimis, affectibus conjunctus est;
quod Didonis non modo decus ac fa-
ma, sed salus ac vita in eo agitur;
quodque miserationi terror ipse est
admixtus. Æneas quidem nostris
moribus idonei amatoris personam
male sustinere videri potest; nec po-
test negari, vix te ad libri quarti fi-
nem legendo pervenire, quin Æneæ
feritatem et immanitatem execreris.
Subsidit tamen ira, si fatorum neces-
sitatem, vaticiniis et oraclis Æneæ
satis declaratam, cogitas. Sed om-
nino res nostris moribus ac sensibus
non est judicanda; et ex veteribus
vitæ institutis multas excusationes
res habebat, si amicam desereres.
Quid? quod majorem ex ipsa Æneæ

Multa viri virtus animo, multusque recursat
 Gentis honos; hærent infixi pectore vultus,
 Verbaque; nec placidam membris dat cura quietem.
 Postera Phœbea lustrabat lampade terras, 6

3 *recusat* vel *reversat* codd. Pierii. v. sup. I, 662. Miratur Burm. nullam librarium rescripsisse *Magna viri virtus*. Videtur adeo vir doctus non vidisse: *Multa recursat* esse pro *multum* positum. 5 *dat membris* Menag. pr. 6 *lustrabat Phæbea* Dorvill.

truculentia et asperitate dignitatem carmen duxit; et deorum voluntate, factorum ordinæ, ipsa in Didone amoris impotentia, et facta in eum finem Æneæ oratione v. 332 sqq. culpa ejus elevatur. Dignitati herois sui poeta providit etiam in hoc, quod, quo amoris æstu ille arserit, nusquam memorat, etsi is tantus esse debuit, ut Æneas omnem de monstrata a fati in Italia sede cogitationem animo dimitteret. Dolorem vero ac sollicitudinem super discessu suo ac discidio paullo liberius manifestat. Vide v. 279 sqq. 393 sqq. 448 sqq. Et ipse discessus non nimis acceleratus, nec nisi novo Mercurii monitu factus v. 554 sqq., tacitam reluctantis affectus habet significationem. In quo vero summam artem declaravit poeta, est, quod episodium hoc, per se alienum a re, ut multi adeo conquesti sint, illud ad animum ab Æneæ persona ac rebus gerendis avocandum valere, cum consilio suo et cum ipso argumento tam arcte coagmentavit, ut Junonis fraudes ac consilia actionis epicæ, quod aiunt, novum nodum faciant, utque, ne interruptus et omnino interceptus Æneæ in Italiam adventus sit, jam metuere incipias. Mox vero, sublato quidem eo metu, Didonis diræ, quæ vaticinii speciem habent super odiis perpetuis, quæ inter Romanos et Carthaginienses intercessura erant, novam et inexpectatam suavitatem

habent.

1—5. Splendida libri frons, et eximia gravissimi amoris declaratio: *At respicit ult. vers. sup. libri*: Æneas finem dicendi hic fecit (nam *quievit*, dormitum ivit, jejuniis dictum esset); regina vero ex narratione multo magis fuit incensa amore viri, *cura*. *Vulnus*, quod, ut alias pectore, ossibus, nunc alitur *venis*, propter sanguinem amoris æstu concitatum, et occultus *ignis* (quem ne alienum putes a vulnere, Cupidinis *τοῦτ' ἀνθρώπων* cogites necesse est, et Apollonius in oculis fuit lib. III, 286. 287). Subjiciuntur nunc ea, quæ pro causis amoris haberi poterant: *multum animo recursat* Æneæ virtus et *multus gentis honos*, seu ipsius Æneæ genus a Venere ductum, (quod malim) seu Trojanorum clarum nomen, tum oris dignitas, *vultus*, et quæ de se suisque fati narraverat: quæ eadem erant amoris et causæ et excusationes, ne contra dignitatem susceptus esse videretur. Ad v. 4. 5. cf. Apollon. III, 453 sqq. Amor autem hic, ut in memoriam revoces, is est, quo Venus et falsus Ascanius Didonem incenderant sup. I, 672. 712 sq.

6. 7. *Auroram* pro *Dic*, ut Homero Ἠώς dicta est, propter reliqua accipio. *lustrare* in his et similibus est obire. (Male Serv. cum aliis: *illustrabat*, vel *purgabat*.) *Lampadem* pro *face* jam Lucretius dixit. *Hu-*

Humentemque Aurora polo dimoverat umbram ;
 Quum sic unanimam alloquitur male sana sororem :
 Anna soror, quæ me suspensam insomnia terrent !
 Quis novus hic nostris successit sedibus hospes ! 10
 Quem sese ore ferens ! quam forti pectore, et armis !
 Credo equidem, nec vana fides, genus esse deorum.
 Degeneres animos timor arguit. Heu, quibus ille
 Jactatus fatis ! quæ bella exhausta canebat !
 Si mihi non animo fixum immotumque sederet, 15

7 Idem versus jam sup. III, 589. 8 Tum aliquot Pier. *unanimam* Heins. reposuit ex Medio. et aliis, etiam Pier. alii *unanimem* sono minus grato. 9 *suspensæ* Med. a pr. m. et Goth. tert. *suspensum me* Menag. pr. *terret* a nonnullis lectum, e Servio et e Pierio patet ; et sic Franco., defendente etiam Pouponio Sabino, ut vigilia sit attornita Dido. Ex eodem disco, alteram lectionem *terrent* esse Apronianum, quæ hand dubie melior est : *insomnia terrent*. Nam somnia possunt terrere, non vigilia. 10 *mœnibus hospes* Franco. At Catulli imitationem cum Ursino agnoscit Burmannus. 11 *Quam sese* Parrhas., male. *quem f. p. et armis* emendabat Marklandus post Vales. notante Burmanno, et sic a m. pr. fuit in *Fragm. Vatic. ap. Bottar. p. 175.* Bene quidem et hoc dictum esset ; verum videtur illud ipsam *quem*, h. e. qualem, paullo disertius exponi in illo : *quam forti pectore et armis.* Tamen vel sic elegantius legeretur, *quam in eod. Leid. Rottend. pr. Hamb. pr. et Reg. a m. pr. cum Goth. sec. a m. pr. quam fortis pectore et armis.* 12 *Creds* Gud. a pr. m. vice lib. VI, 849. 14 *bella exacta* Oudart. Sprot. et Goth. tert. sollenni variatione. *tenebat* Goth. pr. 15 *innatum* Wall. a m. pr., male.

mentem umbram, v. sup. II, 8. Duo hos versus reprehendebat, tanquam alieni et nimii ornatus, Ill. Homius P. III, c. 21 *Principior. Crit.* Videntur tamen ejusmodi temporis declarationes, quandoquidem apud Homerum et Virgilium toties recurrunt, in propriæ et simplicis orationis loco esse habendæ, et probandæ etiam hactenus, quod narrationis jejunitatem vel tenorem variant et ornant. 8. *male sana*, insana, *μαυρομένη*. Etiam amantissimam sororem exquisito vocabulo *unanimam* dixit. 9 sqq. In oratione, quæ sequitur, observa amoris et pudoris pugnam, et inanem pervicaciæ ostentationem victamque jamdudum ab affectu mentem. Quod Annam sororem Didonis inducit, non nutricem ; ut fere Græci in tali re solent, admodum placet. Sed debet id Virgilius Apollonio Rhodio,

qui Chalciopæ, Medæ sorori, simile officium tribuerat ; a quo et *insomnia* habet Didonis et amoris confessionem sorori factam. v. Apollon. III, 616 sqq. 645 sqq. Nam Homeri Nausicaam Virgilius vix ante oculos habere potuit, quod Cerda volebat. *Annam* jam Nævius memoraverat, teste Servio ad v. 9 in Bello, puta, Punico.

9. *suspensam* ornate adjectum, ad metum pertinet. Adumbrat hæc, ut jam diximus, ad ductum Apollonii III, 636. 13. Invertit orationem : credo cum prolem deæ esse, quandoquidem fortitudo ac constantia in ferendis laboribus ac periculis generosam ac divinam originem arguit. 15—19. Eximio cum artificio singula posita. *deceptam fefellit* poetica copia plenius pro, morte mariti me fefellit, spem destituit. cf. Burm.

Ne cui me vincolo vellem sociare jugali,
 Postquam primus amor deceptam morte fefellit:
 Si non pertæsum thalami tædæque fuisset:
 Huic uni forsitan potui succumbere culpæ.
 Anna; fatebor enim; miseri post fata Sychæi 20
 Conjugis, et sparsos fraterna cæde Penates,
 Solus hic inflexit sensus, animumque labantem
 Impulit. Agnosco veteris vestigia flammæ.
 Sed mihi vel tellus optem prius ima dehiscat,
 Vel Pater omnipotens adigat me fulmine ad umbras,
 Pallentes umbras Erebi, noctemque profundam, 26
 Ante, Pudor, quam te violo, aut tua jura resolvo.
 Ille meos, primus qui me sibi junxit, amores
 Abstulit; ille habeat secum servetque sepulcro.

16 *Nec duo editi. vellem vincolo Venet. vellem lecto s. j. Wall.* 17 *decepta morte* tres ap. Heins., quod ipsi elegantius quid, parum intellectæ, habere visum; sed quæ aliena esset ab h. l. vide Burm. 18 *fuissent* Medic. cum septem vett. libris; temere tamen, *fuissen* a pr. m. fragm. Vatic. 19 *Forsitan huic uni* ex Augustino laudatur, et sic Goth. sec. *subcumbere* dao. 20 *Sychæi* et hic cum Medic. erat scribendum, ut sup. I, 348, non *Sichæi*. 22 *hic* Terentian. Maurus legit, ut sit Creticus; grammaticæ ineptiæ, de quibus v. Heins. ad lib. II, 664. *labantem* Goth. sec. a m. sec., ceteri *labentem*, vitiose cum aliis. 23 *Et nosco* Zolich. sit saltem *En n.*—formæ Menag. pr. a m. pr. 24 *Sed me* alter Hamb. me ut Goth. sec. *opto* Rottend. sec. 25 *abigat* aliquot Pierii et tres Burmann., male. 26 *Pallantes* qd. Moret., aberratione sollenni. *Erebo* Gud. cum binis Burmann. His Romanum addit et fragm. Vatic., et sic etiam Servianus commentator legit, id est, in *Erebo*. Potest adeo hoc doctius dictum videri, pro *umbras Erebi*; ut solet pro casu secundo tertius poni. Duri tamen quid inesse non neges. Vulgatam præfert quoque Schraderus ad Musæum p. 101. 27 *Sancte pudor* elegans Marklandi conj. apud Spencium; nec tamen illud *prius—ante—quam* exemplo caret ne apud poetas quidem. *violo, resolvo* vetustissimi Bened. Pierii et Heins. cum Grammaticis ap. Heins. Etiam sic fragm. Vatic. et ex Aproniani recensione esse et hanc lectionem Pompon. Sab. docet. At Priscian. edd. vett. et eodd. aliquot recentiores *violam—resolvam* ap. Burm. Enimvero jam ad I, 706 observatum est, consequentiam illam temporum a poeta epico non modo negligi, verum etiam sedulo vitari. 28 *primus* Sprot. et Hamb. pr. a m. pr. *primum* Leid. *vinxit* aliquot Pier. Parrhas. ed. Ven. 29 *Sustulit* Sprot. *servatque* Hamb. alter.

h. l. *potui* exquisite pro possem, post, si non *pertæsum fuisset—culpæ* cum dilectu h. l. pro amore: quatenus ille caritati et fidei erga conjugem defunctum adversari videbatur.

20 sq. de Sychæi cæde cf. sup. I, 349 sq. 23. Agnosco amoris, qualem olim expertus sum, signa. 24. *ῥῆτα μοι χάρωνι σέπτα χθονὶ* Iliad. Δ,

182 et al. cf. Iliad. Z, 464. P, 416. *prius—ante quam*, ut Homer. *πρὶν—πρὶν ἤ*. Egregie ad majorem vim versus 26 adjicitur; mox *jura pudoris* int. vim et potestatem in se: quæ a novo amore et a secundis nuptiis deterrita est. Vss. 28. 29 dulcissimi sunt affectus et magnæ dignitatis. Uni suo marito amorem suum se ad-

Sic effata sinum lacrimis implevit obortis.

30

Anna refert, O luce magis dilecta, sorori,
Solane perpetua mœrens carpere juvena?
Nec dulces natos, Veneris nec præmia noris?
Id cinerem aut Manes credis curare sepultos?
Esto: ægram nulli quondam flexere mariti;
Non Libyæ, non ante Tyro; despectus Iarbas,
Ductoresque alii, quos Africa terra triumphis

35

30 *affata* Erf. *sinus* Montalb. et Ven. *abortis* multi. 34 et *manes* alii, male. *sensire* quidam. v. Burm. 33 *ægram te n.* Dorvill. ex glossa inter lineas. 36 *Libyæ* malebat Heias. *Libyæ* in multis; sed hoc est pro *Libyæ*. v. Burm. Non *Libyæ* dixit poeta, ut orationem variaret. *despectus* duo Burmann. *Iarbas* Franc. 37 *alios* Rottend. sec. *Africa* multi; hinc *Attica* Moret. sec. *triumphos* Rom., male. *triumphi* dives malebat et hio Heinsius.

dixisse ait. *sinum* v. 30 male Serv. de oculis, cum manifeste pectoris sit sinus. *δένοντο δὲ δάκρυσι κόλποι* Iliad. I, 566. Hæ autem *lacrimæ* magnum facile poetam arguunt. Dum vult constans et aspera et ab amore intacta videri, ecce obortæ lacrimæ laborantem occulto affectu animum produunt. conf. Horat. IV, 1, 33 sqq. *Sed cur heu, Ligurine, cur etc.*

31 sqq. Egregium suasoriæ orationis exemplum in poeta. *Anna refert* verba, respondet. v. Burm.

32. Proprie *carpitur*, consumitur, *ætas*, *juvena*, *vita*, *φθίνεται, κατείβεται αἰών*. Simplex oratio esset: *consumesne ætatem vidua*; at ornatior; *consumesne ipsa exigens ætatem perpetuo vidua*? Jam melius dictum, *juvena* pro ætate, et *mœrens perpetua juvena*, pro mœrens perpetuo in solitudine, *sola*. Imitationem Virgilii in Seneca Hippol. 446 sqq. *Ætate frueretur toro viduo jaces?* agnoscit Cerda.

33. *Veneris præmia* possunt per oppositionem ad ipsos *natos* referri, tanquam matrimonii munera. Si tamen memineris *δῶρα Ἀφροδίτης*, quo sensu dicantur, melius voluptates et

oblectamenta conjugum intelliges. Locum quidem Iliad. Γ, 54, male comparant, nam ibi *δῶρα Ἀφροδίτης* sunt illecebræ, quibus Venus Paridem instruit. At sunt alia loca, in quibus usus et fructus Veneris (*Veneris gaudia* poetis sunt) per munera et *δῶρα Ἀφροδίτης* declaratur: sic ap. Pindar. Ol. 1, 119. 120. Nem. 8, 12. Hesiod. Sc. H. 47; quæ loca etiam aliis laudata sunt, etiam nuper a Ruhnck. præf. ad Hymn. in Cer., in quo 102 similiter, ut h. l. *τόκος* jungitur et *δῶρα Ἀφροδίτης*: reliqua nihil commune cum h. l. habent. Comparari potest *ἔργα Ἀφροδίτης* apud Musæum 141. hoc est, *γάμος, ἔργος*. et in seqq. *γαμήλια* *θεσµὰ θεαίνης*.

34—36. *Manes sepultos* ex opinione, puto, de Manibus compositis et placatis, ubi justa persoluta essent; adeoque pro vulgari: *Manes sepulchrorum*. In v. 35 *mariti* pro *prociis*. De *Iarba* v. inf. 196, et Justin. XVIII, 6. In *ægram* latet causa spreti adhuc amoris, quod recenti dolore erat afflicta, qui nunc resedit. *mariti Tyro*, a Tyro, Tyrii, ut sæpe alibi. 37. Multa igitur bella ab Afri-

Dives alit: placitone etiam pugnabis amorī?
 Nec venit in mentem, quorum consederis arvis?
 Hinc Gætulæ urbes, genus insuperabile bello, 40
 Et Numidæ infreni cingunt, et inhospita Syrtis;
 Hinc deserta siti regio, lateque furentes
 Barcæi. Quid bella Tyro surgentia dicam,
 Germanique minas?
 Dīs equidem auspiciis reor et Junone secunda 45
 Hunc cursum Iliacas vento tenuisse carinas.

38 *Placidone* quatuor ap. Burm. cum aliis ap. Pieriam, et Rufinian. de schem. lex. p. 251, sed et is recte præfert *placito*, quod et Burmann. ex v. 22 vindicat. *oppugnabis* sec. Moret. In Goth. tert. hic versus post v. 41 erat rejectus. 39 *non veni* Parthas. et Goth. pr. *consideris* multi, ut fere alias. 40 *Getulæ* in plerisque scribitur. v. Pier., sed Gr. Γαιτῦλλαι. *genus intractabile bello* Romanus, forte ex lib. I. 339. *insuperabile ferro* unus Leidens. 41 En N. alter Hamb. *Hinc N. Serv.* ad X, 750. *effreni* Hamb. pr. pro var. lect. *inferni* Uratist. Respicit versum Ausonias Grat. act. ad Gratian. sub l. *mirabamur poetam, qui infrenos dixerat Numidas.* Quod Silio I, 215 *Nomades, gens inscia freni.* ubi v. Lutpp. 42 *situ* Wall. et Hamb. pr. a m. sec. *fuventis tres* Heins., ut jungatur, *lateque fuventis Barcæi quid bella*, sed minus bene. *lateque vagantes* quatuor Burmann. et sic laudat Hieronymus: sc. ex interpretatione. 43 *Brachæi, Barchæi, Barchei, Bachei*, scribitur. 45 *auspiciis* Dorvill. 46 *Huc* vulgg. *Hunc* Medic. cum potioribus, nec non sic Romanus cum aliis Pier. et fragment. Vatic. Et codicum auctoritati putem in talibus esse standum, etsi alterum recte dicitur, ut lib. I, 534 *Huc cursum fuit.* *Huc* etiam Servius interpretatur.

feliciter gesta fuere. Declarat simpliciter gentem bellicosam. *terra Africa* antiquæ, ut Sæpe Ennius, Cato, alii. 40—44. *Gætulæ urbes*, ad terrorem *urbes* posuit, nam in mapalibus habitabant. Ita Serv. conf. Sallust. B. I. 21. Melius dices poetam commune illud, et jam Homericum, πόλις expressisse, quod simpliciter sedem et habitationem designat. Homericum est quoque illud *urbes—genus*; nam is, et ejus exemplo alii, sæpe πόλις pro incolis vel populis, et vice versa populos pro insula, vel terra et urbe. cf. sup. lib. I, 339 *finis Libyci, genus* etc. *Numidæ infreni*, equis sine frenis; res nota: de qua cf. Cerdæ. *Syrtis* int. Afros Syrtiam accolas. sup. I, 539. 540 *finis Libyci, genus intractabile bello. deserta siti*,

inhabitabilis raritate aquæ Serv. Significat autem Anna, a nulla parte quicquam auxiliū ac præsidii Pœnis posse sperari. *Barcæi* a Barce, Cyrenaicæ urbe, per prolepsin hic nominati; nam multo superiores fuere urbis origines, quippe a Battī demum nepotibus conditæ. v. Herodot. IV, 160, et ibi not. *late furentes Barcæi.* Insederant ergo jam tum has terras barbari ferique populi late vagantes. Servius: "Hi, secundum Titianum in Chorographia (quæ Julii Honorii Oratoris fuit) Phœnicem navali quondam vicere certamine." *Germani minas.* cf. I, 361 sq.

45. Junonem potissimum propitiam nominat, sive quia inter principes deos Carthaginiensium erat: cf. sup. ad I, 15 et mox v. 59; sive

Quam tu urbem, soror, hanc cernes ! quæ surgere regna
 Conjugio tali ! Teucrûm comitantibus armis,
 Punica se quantis attollet gloria rebus !
 Tu modo posce deos veniam, sacrisque litatis 50
 Indulge hospitio, caussasque innecte morandi :
 Dum pelago desævit hiems, et aquosus Orion,
 Quassatæque rates, dum non tractabile cælum.
 His dictis incensum animum inflammavit amore,
 Spemque dedit dubiæ menti, solvitque pudorem. 55
 Principiò delubra adeunt, pacemque per aras
 Exquirunt ; mactant lectas de more bidentes
 Legiferæ Cereri, Phœboque, patrique Lyæo ;

47 *Quantam urbem* pr. Hamb. a m. sec. et a pr. Leid. 48 et T. Dorvill. 49 *et tollit vel attollit* tres. 50 *deum* plures Pieriani ; sed omnes Burmann. *deos*. 51 *caussamque* Hamb. pr. D. ed. Junt. 52 *desuevit* Exc. Burm. *Orio* Medio. a m. pr., ut *Agamemno*, *Jaso*, et similia. 53 *flum non* Heins. cum vetustioribus, etiam fragm. Vatio. Vulgo *et non*. 54 *impense* olim lectum Servius notat ; et sane fragm. Vatio. *impensum*. *flammarum* plures Pier. Heins. et Burm. cum eodem fragm. Vatio. 55 *mentis* God. cum Rom. 56 *a delubra* Leid. pro *ad*. v. Burm. 57 *Expectant Ven.*, ex interpretatione. *bidentis* rescripsit Heins. cum codd. et Prisciano, pro *bidentes*. *mactat* apud Macrob. III, 12. *mactat letas* ap. Arusian. Messium. *letas* etiam Menag. pr. *letas* Goth. pr. 58 *Frugiferæ* Romanus et alii Pierii ac Heinsii, cum fragm. Vatio. a pr. m. et nostro Goth. tert. Sed alterum doctius. cf. Heins. et P. alter Hamb. *Phæboque* Ven.

quia conjugii illa præest. 49—53. *quantis rebus*, opibus, potentia. Mox *deos veniam poscere*, eos placare ac propitios reddere jubet ; *caussam* in illis v. 9. quære : *quæ me insomnia terrent* ; ad expianda scilicet insomniorum omina. *sacris litatis*, nove hoc dictum (nam proprie litatur diis per sacra s. sacris, victimis), quod Servius etiam notat, sed Virgilii exemplo et alii dixere *litare victimas*. 50. *indulge hospitio*, hospitalitati, benevolentiae in hospitem, da operam hospiti benevole habendo. Versus 52. 53 ad tempestatem spectare, monitum sub f. Excurs. II ad lib. III *desævit*, ἀπορρηγνί. *aquosus Orion*, qui imbres et nimbos affert ortu suo. Sic

Piscis aquosus Georg. IV, 234. *Orion* bene memoratur, cf. I, 535, dum *rates quassatæ* (v. I, 551) et nondum reffectæ sunt ; dum *non tractabile cælum* est, alias sævum, asperum, procellosum. 55. *solvitque pudorem* male accipitur, quasi ad impudentiam sit prolapsa. Sed effecit, quo eam jam minus puderet amor succumbere. Ad sqq. super Didonis pietate mox in impietatem versa multa argutatur *Bosna* (*du Poeme Epique* V, 3, p. 417).

56—59. Ut hæc rite perspicias, tenendum, primum de utraque sorore, tum de sola Didone agi ; et a v. 60 duo case, in quibus occupata est Dido, ut victimis cæsis deos sibi propitios reddat ; et a v. 63, ut exta

Junoni ante omnes, cui vincla jugalia curæ.
 Ipsa, tenens dextra pateram, pulcherrima Dido, 50
 Candentis vaccæ media inter cornua fundit;
 Aut ante ora deûm pingues spatiat ad aras,
 Instauratque diem donis, pecudumque reclusis
 Pectoribus inhians spirantia consulit exta.
 Heu vatū ignaræ mentes! quid vota furentem, 65

59 ante alios Puget. v. ad II, 40. *legalia* Goth. tert., pessime. *vincla jugalia* sunt conjugalia. 61 *fudit* quatuor Burm. cum plerisque Pierianis; etiam bene. 62 Atque quatuor Burm. autque Exc. Barmann. 63 Varie tentabat Jo. Schraderus: *Instauratque dapes votis*, l. *votas*, l. *Tyriis*, sed vid. notam. 64 *spumantia* Sprot. *spirantia* fragm. Vatic. 65 *fatum* conj. Cuningh. cf. inf. VIII, 627. *ignotæ m.* Witt. *quid vota furem* Burm. ex Servio. *ferentem* Rom.

inspiciat. *pacem*, veniam deorum, benevolentiam, v. 50. *Legifera Cereri* Δημητρὶ θεομοδόρῳ. Vitæ cultu meliore invento jura ac leges sunt natæ, legitimaque cum his connubia. Servavit Servius ad v. 58 versus Calvi: *Et leges sanctas docuit, et cara jugavit Corpora connubiis et magnas condidit urbes*. Cur *Phæbo* et *Baccho* nunc sacra fiant, tantum conjectando caussa reddi potest; forte tanquam diis Carthagine olim cultis; etsi inter conjugales deos referri solent ex hoc loco; ut nuper factum a Passerio Vas. Etrusc. Tom. I, p. 40. *Bacchum* jam lib. I, 734 memoratum vidimus. *Phæbum*, ut Solem, patrium Pœnorum numen esse puto, quod idem Saturno assimilabant Romani; etsi Apollinem etiam Carthagine cultum tradunt, v. Henderreich Carthag. p. 217. cf. h. l. Servius, qui parum constanter disputat, et Donatus, cum Macrob. III, 12. De *Junone* cf. ad lib. I, 15. Accommodavit Deæ Cœlesti, quod Romani ac Græci Junoni suæ tribuebant, quæ ζῆνις et γαμήλια erat.

62—64. Spectant ad extispicium, cujus caussa victimæ caduntur. Illa

incedit ad *pingues aras*, pinguibus victimis, τὰ πίοια μνηία Homeri; ipsa adstat victimis extispicii caussa cæsis. *Instaurat diem donis*, h. e. sacrificiis; proprie *instaurantur sacra*, quæ iterum curantur, seu repetuntur; et est voc. sacrum; sic V, 94: sed h. l. *dies*, h. e. dies festus, quo sacra erant facta: nova subinde sacra in alterum diem indicuntur: sc. ut exta meliora sibi contingant. Hinc *diem instaurare* Virgilii exemplo dixit etiam Statius et alii. Et tandem *instaurare* poetis omnino est facere, instituere; sic funus sup. III, 62, epulas VII, 146. VIII, 283, choros IV, 145. *spirantia exta*, palpitantia, ut Serv. Impatientiam expectationis τὸ *inhians* exprimit. *Consulit* autem Dido *exta* super felici amoris successu.

65—67. *vatū* ad extispicium v. sup. refer; suntque adeo extispices, sacrifici: qui h. l. fausta omina renuntiant. *ignaræ mentes!* ejusnam rei? infelicis puta exitus et eventus consiliorum et amoris Didonis. Vide enim ne de amoris medela deos aditos esse existimes: quod alienum esset a loco et more; ab amore solvunt sacra magica; ad quæ Dido

Quid delubra juvant? Est mollis flamma medullas
 Interea, et tacitum vivit sub pectore vulnus.
 Uritur infelix Dido, totaque vagatur
 Urbe furens: qualis conjecta cerva sagitta,
 Quam procul incautam nemora inter Cresia fixit 70
 Pastor agens telis, liquitque volatile ferrum
 Nescius; illa fuga silvas saltusque peragrat
 Dictæos; hæret lateri letalis arundo.

66 *mollis alii*, sed *mollis flamma* Burmannus tuetur. v. sup. II, 683. 67 et deest binis. venit sub Hamb. pr. a m. sec., male. v. Burm. 69 *ferens* tert. Montel. *confecta* pr. Hamb., pro var. lect. 70 *Cresia* Heins. cum melioribus; etiam fragm. Vatic.; quippe Κρης, Κρησιος. Vulgo *Cressia*. n. inter frondea Hamb. sec. 71 *linguit* multi, jam apud Pieriam, sed alterum doctius; item, *volatile telum* ex interpretatione. Sic quoque Goth. tert. a m. pr. 72 *pererrat* Hugen. et pr. Hamb. cum Goth. tert. v. sup. I, 384. *saltus silvasque p. Dictæos* aliquot Pierii cum fragment. Vatic. 75 *Dictæos* Sprot. *fatalis a.* Hamb. pr.

recurrat inf. 478 sqq. Et de his Silius VIII, 98 agit, cum h. l. exprimit similibus verbis. At vates, et in his extispices memineris consultos esse super pace deorum exposcenda, malis ominibus, ut somniorum, ostentorum, averruncandis et mentis curis ac terroribus placandis; tum de consiliorum coeptorumque successu et eventu. Conjuncta hæc cum sacris, quibus id ipsum efficeretur, ut propitii curis et consiliis essent dii. ad hæc refer eodem Silii loco narrata vss. 116—125. *delubra*, aditus delubrorum sup. v. 56. Exclamationem hanc ex poetæ persona jam olim nonnulli reprehenderunt. Quod tamen in epico poeta reprehendi possit, non tam illud est, si ex sua persona affectum interponat, quam si de sua persona quicquam intertexat, quippe quæ a carmine epico, quod enthusiasmum spirare adeoque in una re, quæ argumentum facit, occupata esse debet, aliena sit necesse est; nisi forte poetæ persona ad augendam carminis vim et ipsa valere pos-

sit, aut ille nova Musæ invocatione animum lectoris advertat; ut aliquoties etiam in Messiadæ factum videas, v. c. lib. III pr. *mollis flamma*, levis, adeoque mobilis. *vivit* pr. de vulnere crudo. Servius acceptum hoc ait pro *vescitur*, quod ad ulcus potius spectaret.

68—73. Egregia perditæ amanti comparatio, in qua ornanda recentiores passim poetæ laborarunt. Ex Iliad. A, 475 sqq. ductam esse volunt, Macrobbi forte auctoritate V, 6. Sed Homero poetam hic nihil debere, jam Cerda monuit. *agens telis*, agitant, arguens, ornate, ut alias, v. c. Georg. III, 412. *Nescius*, sc. non viderat telum vere in cervam descendisse; sed, frustra emissum credens, reliquerat. v. Burm. Capra forte melius a poeta fuisset memorata, quandoquidem ex Solino c. 17 constat, *agrum Creticum silvestrium caprarum copiosum fuisse, cervo aguisse*. Adde Plin. VIII, 58. s. 83. Excusanda tamen talia in poeta, etsi non commendanda.

Nunc media Ænean secum per mœnia ducit,
 Sidoniasque ostentat opes, urbemque paratam; 75
 Incipit effari, mediaque in voce resistit.
 Nunc eadem, labente die, convivium quærit,
 Iliacosque iterum demens audire labores
 Exposcit, pendetque iterum narrantis ab ore.
 Post, ubi digressi, lumenque obscura vicissim 80
 Luna premit, suadentque cadentia sidera somnos:
 Sola domo mœret vacua, stratisque relictis
 Incubat. Illum absens absentem auditque videtque.

75 *que abest a binis. opis* Gud. a m. pr. 76 *effari* Gud. a m. sec., antique. *affari* Zaliem. in v. recessit Menag. alter, aberratione et alibi notata. v. Burmann. 76 *que abest a Dorvill.* 80 *digressum* alt. Mentel. 81 *c. lumina* Menag. pr. 82 *Borm.* conj. *relicta Incubat* vel *relictis Escubat*. Hoc alteram quoque Jo. Schrader, nec felicius aliquis conjiciat *stratisque relectis*, sed v. not.

74. Totus locus, qui sequitur ad v. 89 super amoris æstu, inter consummatissimos est et unicus, etiam post Apollonii insignem sententiarum copiam et Valerii Flacci acumen, libro VII, ac post innumeras recentiorum poetarum in hoc argumento contentiones. *Brevitatem* in summa rerum copia et *dignitatem* vix quisquam alius est assecutus, si forte affectum movere et aliis contigit. 75. *Sidonias*, Tyro advectas, v. I, 363. *urbem paratam*, egregie, ut non opus esset, novam quærere per longos errores, ut et Borm. post Serv. 77. *convivia quærit*, desiderii nota inest, moram impatienter fert, dum cœnæ hora illuxerit.

80—83. De nocte sera agi, qua a convivio, sub noctem, *labente die*, instructo, sunt digressi, dubitari nequit: hinc et *cadentia sidera*, occidentia exeunte nocte, v. ad lib. II, 9 Excurs. Itaque *lumen obscura vicissim Luna premit*, nec ad vicissitudinem diei et noctis, nec, cum Burmanno, ad obscurata lunc nitore mi-

nora sidera (cf. Horat. I Od. 12, 46—48) referri potest, sed de occasu lunc sub exeuntem noctem accipiendum esse manifestum fit: *premit*, occulit illa lumen suum. Recte is, quisquis inter cetera Serviana adscripsit: *an ipsa Luna suum lumen reprimit, occidens et se obscurans? vicissim*, postquam per totam noctem illuxerat. Decet autem poetam, certum ac descriptum tempus ponere, pro indefinito; et pro quacumque nocte, quæ et illunis et illustris esse potest, noctem serenam nominare. 82. *stratisque relictis Incubat*: non uno modo hæc accipi possunt; aut de lecto, ad quem dormiendi causa illa se confert, aut de triclinio, in quo accubuerat. simplicissimum est ita dicere: de nocte agitur, convivis jam dimissis, unde *domo vacua*. Nunc sola illa *mœret stratis*, lecto *incubans*; hoc ut poeta enuntiavit: *mœret et incubat stratis*, et quidem *relictis a se*; ut adeo amoris æstu jactata modo lectum suum reliquerit, modo iterum repetierit. Obscuritatis quidem vitio

Aut gremio Ascanium, genitoris imagine capta,
 Detinet, infandum si fallere possit amorem. 85
 Non cœptæ assurgunt turres; non arma Juventus
 Exercet; portusve aut propugnacula bello
 Tuta parant: pendent opera interrupta, minæque
 Murorum ingentes, æquataque machina cœlo.

85 si *pellere* Goth. sec. si *vellere* tert. Goth. *posset* Franc. *amantem* aliquot Pier, com fragn. Vatic. si *f. p. imago* Romanus e glossa inter lin. 86 *inceptæ* Witt., sed in litura. *exsurgunt* Leid. un. pro var. lect. *arces* Paget. *arma* Zalich. pro var. lect. 87. 88 *Exercet* alii ex mox parat. Medic. *parent. portusque—pendent—que* etiam nonnulli. *haut prop.* Goth. pr. *portas* conj. Jo. Schrader. 89 Trappius et Cuniinghamus malebant *æquanda*; sed nil necesse. Etsi imperfecti muri, tamen jam æquabant cœlum.

hæc brevitās non caret; a re tamen sententia non est aliena; etsi Lucretius melius V, 790 *Sic fata, relictis Exiit stratis amens*. Servius: *relictis*, ab Ænea, inquit; atqui *torus conjugalis* eos nondum acceperat: ergo *convivalem* ille intellexit. Sane ea, quæ antecedunt: *Sola domo mæret vacua*, eam per thalamos ac triclinia discursitantem indicare videri possunt; adeoque illa in eo triclinio, quo antea erant cœnati, lectum, quo cum Ænea accubuerat, agnoscit, iterumque ei incubat; quod amantes facere solent, et quod toties amantibus a poetis tribuitur. vid. Ovid. Epist. X, 15 sqq. *Sape torum repeto, qui nos acceperat ambo—Et tua, qua possum, pro te vestigia tango, Strataque, quæ membris intepuere tuis*. cf. Ep. XV, 149. Nec dubitare licet, an strata de toro convivarum dicantur. Sic v. c. Ovid. Met. V, 34, ubi de convivio agitur, *ut stetit hasta toro, stratis tum denique Perseus Exiit*. Est quoque *strata* lectus, ut inf. 392 dictus, quo sedent aut recubant in thalamo seu cubiculo: quandoquidem priscæ vitæ simplicitas eundem torum in eodem cubiculo et sedentibus et dormientibus destinabat. Fatendum tamen,

hanc poetæ rationem plus artis habituram esse quam simplicitatis; ut malim præferre id, quod primo loco apposui. Præclare autem illud subijcitur: *illum absens absentem audique videtque*; quod ornatissime persecutus est Apollon. III, 453 sq.

84. *gremio*; accubantium mensæ habitum animo reputa. cf. Burm. et v. ad I, 717, ubi *gremio fovet*. Etsi omnino in his mos a nostro diversus esse potuit. Apud Homerum Iliad. Φ, 506 *Diana λακρύβοσα ἔῃ παρὸς ἐφίζετο γούνασι κοῦρη* satis adulta illa.

86—89. *arma exercet* exquisitis quam, se in armis; et mox *pendent* pro sunt, et *minæ murorum*, muri alti, quasi altitudine sua minantes, hoc simplicissimum et usu poetæ frequentatum. sup. I, 162 *Hinc atque hinc vastæ rupes geminique minantur In cælum scopuli*. De eminentiis murorum ac pinnis, *ἐπάλξεσιν*, acceperant jam veteres, v. Serv., sed hoc sensu *minæ* technicum, adeoque vix poeticum, et seriorum quidem scriptorum vocabulum fuisse videtur. Burmann. de initiis operis, quæ egregios muros promittebant et minabantur; vix bene. *machina* simpl. moles, ædificium: sic melius puto, quam

Quam simul ac tali persensit peste teneri 90
 Cara Jovis conjux, nec famam obstare furori;
 Talibus aggreditur Venerem Saturnia dictis:
 Egregiam vero laudem et spolia ampla refertis
 Tuque puerque tuus; magnum et memorabile numen,
 Una dolo divûm si femina victa duorum est. 95

90 a tali Reg. et tert. Mentel. in tali Gud. persentit aliquot ap. Pier. et sic ap. Diomed. II. præsensit Ven. et Witt. v. inf. 297 et 448. 91 Clara, quæ sollennis varietas est, hic a nemioe enotatur. furenti Hogen. pudori pr. Hamb. et Ven. cum Romano, facili lapsu. Sic inf. X, 398. 92 alloquitur alter Menag. 93 ac sp. Wall. alta Ven. feretis Leid. un. a m. sec. 94 numen sane habent veterrimi et præstantissimi Pierii, Heinsii et Barm., qui illud adeo tuentur. Accipiendum: magnum vero et memorabile erit numen vestrum, vestra potestas, vis, h. e. vos, dii, si circumveneritis duo unam feminam. Paullo tamen contortius ita dictum videtur. Contra sollennis formula, memorabile nomen (cf. sup. II, 583), et hoc Ge. Fabricius præferebat, et est in aliquot Pierianis et in uno et altero scripto Heins. et Barm. nonnullisque editis. Exempla jam Bormann. conguessit in alium usum. Ovid. Met. X, 608 seu vincar, habebis Hippomene victo magnum et memorabile nomen: præferremque adeo sine hæsitazione, nisi alterum, quod semel receptum, et ipsum poeta dignum, forte adeo magis epicum esset. Sed et in ipso Ovidio Bacchi memorabile Thebis Numen erat Met. IV, 416 occurrit. venerabile nomen Hugen. mirabile nomen Leid. nn. 95 si femina capta Leid., quod egregie dolo convenit, sed v. Barm. est deest tribus.

de tignis statutis et colligatis, quibus insistent, qui muros conficiunt (nobis Gerüste).

90 sqq. Juno tantum abesse videt, ut ad Trojanos ab Italia avertendos ex tempestate commota Trojanisque in Africæ litora ejectis quicquam sibi res procedant, ut potius Trojanis hoc ipsum hospitium saluti sit. Mutatis igitur ex re consiliis, servatos hos se invita Trojanos sic saltem arcere studet ab Italia, ut illi cum Pœnis una civitate jangantur; sic quoque suos Pœnos incolumes fore. Hoc se effecturam sperat, Æneæ cum Didone conjugio inito. Approbare hoc consilium parat Veneri; et, tametsi satis teneret, fatale esse, ut Æneas in Italia considat, quippe quæ de Jovis voluntate omnia comperta habebat: sup. I, 258. cernes urbem et promissa Lavini mœnia etc. dissimulat tamen et dubitationis tantum loco hunc fatalem rerum ordinem memorat; co-

terum rem Junonis arbitrio permittit, utque Æneas cum Didone congregiatur, facile patitur, cum ad summam causæ nihil inde mali timendum esset; non enim ei probabile videri debuit, fore, ut Trojani inter Pœnos sedes habere malint quam regnum in Italia condere: neque Jovem id admissurum esse bene tenebat. Habuit poeta Apollonium Rhodium ante oculos, in consiliis Junonis et Veneris conferendis lib. III. pr. suo tamen consilio præclare singula accommodavit.

90—92. peste, exitioso morbo, amore. cf. I, 712. famam, h. e. famæ curam; non illam jam malæ famæ metu revocari. cf. v. 170.

93—98. spolia ornate pro victoria. puer, παῖς, filius, res nota vel ex Horatio, numen, sc. erit vestrum, h. e. vos dii, si circumveneritis duo unam feminam! v. var. Lect. Simile acumen et exemplum invectivæ v. apud

Nec me adeo fallit, veritam te mœnia nostra,
 Suspectas habuisse domos Carthagini altæ.
 Sed quis erit modus? aut quo nunc certamina tanta?
 Quin potius pacem æternam pactosque Hymenæos
 Exercemus? habes, tota quod mente petisti: 100
 Ardet amans Dido, traxitque per ossa furorem.
 Communem hunc ergo populum, paribusque regamus
 Auspiciis; liceat Phrygio servire marito,
 Dotalesque tuæ Tyrios permittere dextræ.
 Olli (sensit enim simulata mente locutam, 105
 Quo regnum Italiæ Libycas averteret oras)
 Sic contra est ingressa Venus: Quis talia demens

96 *te numina nostra* Zolich. a m. pr. Hamb. pr. 97 *Suspectasque Ven.*, male. 98 *erat Medic.* a m. pr. v. Burm. ad Lucan. IX, 706. Vulgo: *quo nunc certamine tanto*, mirus codicum consensus in lectione vitiosa. Etsi enim bene supplere possis *uteris?* vel *opus est?* tamen ea forma esset prosaica, et perpetuus loquendi usus elegantior fert *quo nunc certamina tanta?* Lapsus quoque librariorum manifestus fit ex antec. quo. h. e. quorsum, quod pro sexto casu acceperant; itaque emendarunt ita jam Heins. Marklandus post Harium et Burmannus. Inter Servianas interpretationes etiam est, *quo nunc certamen tantum*, et in Reg. glossa, *habere*, ut hoc aliquando in codd. fuisse vel hinc colligere possis. et quo Witt. Reg. *discrimine tanto* Parrhas. 99 *que abest a tribus.* 100 *quod tota tres alii cum Goth. pr.* 102 *ergo hunc duo. populum hunc ergo duo alii.* 104 *Dotales Tyriosque tuæ* Witt. 105 *s. voce* Uratist. et Hugen. 106 *averteteret* vetustiores satis constanter; et is poetarum usus loquendi; alii Pierii et Heins. cum al. et D. *adverteret*. cf. Burm. Prætulit alteram lectionem jam Servias. *Libycis oris* pr. Rottend. a m. sec. et Zolich. 107 *aggressa* Sprot. et alter Hamb.

Tibull. I, 6, 3. 4, et Leonidæ in Anthol. IV, 12, p. 464.—96. Nec plane ignara sum *te* suspectam habuisse Carthaginem; ne Trojanis exitium inferrent Pœni. cf. I, 671. *certamine tanto?* sc. opus est. vid. var. Lect.

100. *habes, t.* conf. sup. I, 675 sqq. 102. *paribus auspiciis*, bene Serv. æquali potestate. Non enim nunc nuptiarum auspicia intelligenda, sed a magistratibus, qui auspicia habent majora et minora, petitum, et ab imperio militari; nunc par et æquale tutelæ jus Veneri et Junoni in Tyrios et Trojanos fore. 103. 104. Magno cum spiritu ac fastidio connubium Didonis et Æneæ expressit Ju-

no: *liceat Didonem servire*, in potestatem venire, nubere, marito Phrygio, externo et exuli; de Phrygum contemtu ex gentis mollitie nunc nolim cogitari; et liceat eam *permittere dotales*, in dotem afferre, Tyrios, Carthagini regnum, *dextræ tuæ*, tibi tanquam socru a nuru. Servius omnia ad coemptionem refert, qua Dido in mariti Phrygii potestatem quasi emptione per aes et libram veniret; sed in altero versu rem parum expedit.

105—107. *simulata mente*, δολοφροσύνην, ut Homerus aliquoties. *averteteret* signantius quam transferret ad Libyam et Carthaginem. *ingressa*

Abnuat, aut tecum malit contendere bello?
 Si modo, quod memoras, factum fortuna sequatur.
 Sed fati incerta feror, si Jupiter unam 110
 Esse velit Tyrii urbem Trojaque profectis,
 Miscerive probet populos, aut fœdera jungi.
 Tu conjux; tibi fas animum tentare precando.
 Perge; sequar. Tum sic exceptit regia Juno:
 Mecum erit iste labor. Nunc qua ratione, quod instat,
 Conferri possit, paucis, adverte, docebo. 116
 Venatum Æneas unaque miserrima Dido
 In nemus ire parant, ubi primos crastinus ortus
 Extulerit Titan, radiisque retexerit orbem.
 His ego nigram mentem commixta grandine nimbum, 120

108 *Abnegat Ven.* 109 *fatum tres Burm. a m. pr. pactum malebat Vonk. Lect. Lat. p. 152, sed factum, ubi hoc factum, effectum fuerit, quod vis. Sunt enim duo aliqua in re: primo ut effectum habeat, alterum, ut ille effectus votis respondeat et talis sit qualem successu et eventu pro consiliis nostris esse volebamus.* 110 *factis Gud. a m. pr.* 112 *Miscerique tres Burm. jubet p. aliquot Pier., male. fœdera jungi Ven. Franc. et Erf. quod suavius; sed alterum videtur doctius.* 113 *mollire Leid. un. pro var. lect. τῷ tentare.* 114 *Perge modo Wilt., sed in marg. al. sequar.* 115 *ille un. Leid.* 116 *Conferri in Rom. et Longob. Pierii et quatuor Heinsii, qui copiose illustrat; reliqui fere corrupte Quod fieri, Quo fieri, Hoc f. Quid f. An f., forte quod scriptum erat Cōferri. Medic. a m. pr. Quod f., et a sec. Conf., Sprot. et pro div. lect. Rottend. pr. Conferri, Gud. Quod f. in litura. Ed. Ven. An f. valeat. Goth. sec. Compleri.* 118 *parent Leid. primus Medic. et emendatum primum; etiam Rom. primus. Dorvill. primos ubi.* 119 *intexerit Goth. sec.* 120 *Hic ego margo Nasimb. ingentem Zulich. a m. pr. cum mixta Wall. permixta Ven.*

simpl. orationem. Servius hanc vocem insidiarum significationem habere vult. Etiam sic mox *exceptit*.

109. *Si modo—factum fortuna sequatur*, si modo, facto hoc quod vis, eventus optatus sequetur, *ἴδν παραδραμῆται* vel *συνδραμῆται ἢ τῷχη*, adeoque si res ipsa votis tuis respondebit. *fortuna* pro eventu.

110—113. *Sed incerta sum de fati*, propter fata, dubito, an Jupiter—qui factorum auctor est—velit etc. Cum ceteris comparare solent Iliad. 2, 211 sqq.

115. *Mecum erit iste labor.* Ex

antiquo, puto, sermone, pro mihi, apud me erit, *παρ' ἐμοὶ ἔσται*, mihi incumbet, curæ erit. Epit. Iliad. 93 *mecum labor iste manebit*: etiam ex h. l. Imitatorem alium Silium VIII, 330, laudat Burm. *mecum erit hæc prorsus pietas*. Aliam usum insolitum *τοῦ mecum* vidimus sup. I, 675. *Sed magno Æneæ mecum teneatur amore*, *σὺν ἐμοί*, pro *ἐξ ἐμοῦ*. *mea opera*. Mox *miserrima* Dido, quoniam in magno amore proprie dicitur *miserrum*.

120. Ergo habemus et hic Junonem *κραννοβόλον*. conf. sup. I, 42

Dum trepidant alæ, saltusque indagine cingunt,
 Desuper infundam, et tonitru cælum omne ciebo.
 Diffugient comites, et nocte tegentur opaca;
 Speluncam Dido dux et Trojanus eandem
 Devenient. Adero, et, tua si mihi certa voluntas, 125
 Connubio jungam stabili, propriamque dicabo.
 Hic Hymenæus erit. Non adversata petenti
 Annuit, atque dolis risit Cytherea repertis.
 Oceanum interea surgens Aurora relinquit.
 It portis jubare exorto delecta juvenus. 130

121 *silvasque* Witt. In Goth. sec. hic versus post sequentem est collocatus. 122 *movebo* Gud. et duo alii ex interpr. 123 *Diffugient* Sprot. *Dum fugient* Hagen. 125 *Devenient* Sprot. *sit mihi* Hamburg. alter; sollenni errore. 126 *Connubio*. Idem versus I, 73. 127 *aversata* olim lectum, testante Servio, et sic Romanus. 129 *Occasum* i. Hamb. pr. *fulgens Aurora* Oudart. similem diversitatem apud Ovid. II *Past.* 500 notat Burm. *relinquit* Heins. prætulit e Medic. et Sprot. et Pierianis nonnullis, quibus adde Romanum. Vulgg. *relinquit*. 130 *jubare* excito Hamburg. alter. *dilecta* f. tres Burm. *turbata* f. Excerpta Burm.

de Minerva. 121. *alas* Servius de equitibus accipiebat, quem sequuntur alii viri docti, ut illi *trepident*, festinent. Sunt sane *alæ* equitatus sociorum; tum omnino equitum turmae. Verum tam absolute alas hoc sensu poni, cum nihil, quod eo ducat, adjunctum sit, merito mireris. De illis, qui indaginem constituunt, aut qui silvas agitant, ut feras excutiant, alii: vid. Burm. Sed id non minus ad arbitrium sit. Cum in venatione versemur, accommodatissima mihi semper visa est illa ratio, ut *alæ* de pinnis in formidine acciperentur; hæc *trepident*, motu tremulo, *saltusque indagine* et plagis *cingunt*. Silius auctoritatem huic interpretationi laudari posse puto lib. II, 419, ubi h. l. respicit: *It clamor ad auras Latratque canum subitoque exterrita nimbo Occultant alæ venantium corpora silvis* h. e. venantes latebant post alas indaginum. Possis etiam *Dum trepidant* absolute accipere, dum trepi-

datur, dum studio venandi omnes tenentur, dumque *alæ saltus indagine cingunt*, h. e. saltus retibus cinctus est: Ita interpunges: *Dum trepidant, alæ saltusque indagine cingunt*. Forte hæc ratio omnium esset maxime expedita; dura tamen copulæ junctura; cum deberet esse *alæque saltus indagine cingunt*.

128. Venus risit insidiosa Junonis oratione, quum scilicet ejus consilia eventum non habitura esse bene nosset. v. ad v. 90. *dolis repertis* Servius compertis vel deprehensis interpretatur, idque Burm. sequitur, vix satis ex usu sermonis; malim *dolos repertos*, excogitados a Junone, inventos, intelligere, ut *consilia reperta* et similia. Et sic sup. II, 164 *scelerum inventor Ulixes. risit dolos* fuisset vulgaris ratio.

129. Homericum Ὅως μὲν τροάδος πεπλος ἀπ' Ὀκεανοῖο ῥοάνων Ὀρρυτῶ passim obvium. 130—132. Cf. Grattii Cyneget. 223 et Intpp. *jubare* h. l.

Retia rara, plagæ, lato venabula ferro,
 Massylique ruunt equites, et odora canum vis.
 Reginam thalamo cunctantem ad limina primi
 Pænorum expectant; ostroque insignis et auro
 Stat sonipes, ac frena ferox spumantia mandit. 135
 Tandem progreditur, magna stipante caterva,
 Sidoniam picto chlamydem circumdata limbo.
 Cui pharetra ex auro, crines nodantur in aurum,
 Aurea purpuream subnectit fibula vestem.
 Nec non et Phrygii comites, et lætus Iulus, 140
 Incedunt. Ipse ante alios pulcerrimus omnes

131 et lato Caris. I Inst. Gramm. 132 Massylii, Masilii, Messali, Massali, Massili, varie corrumpitur vox in codd. 133 in thalamo Goth. sec. in limine Montalb. 135 Stant Zulich. et fr. Witt., ac Nonius in ferns. mordet alter Hamb. 137 in picto sec. Moret. 138 ex humero multi codd., sed meliores et Virgiliana ratio defendunt alteram ex auro. Sic Rom. et alii ap. Pier., quem vide, et Medic. et alii Heinsiani. nodantur et auro Sprot. ex interpolatione. Ingratum τὸ cui. 140 Tyrii c. Rom. et nonnulli Pierii; forte ex v. 162. et pulcher Iulus Sprot. et pro var. lect. pr. Hamb., sed lætus accommodatius h. l., ut bene Burm. observat.

solis. Nimis subtiliter Servius de Iucifero. Massyli h. l. simpl. de Afris. odora canum vis, nota forma Homericæ βίη Πριάμοιο; proprie canes robusti. fida canum vis jam Lucretius præverat. cf. Wesseling. Obs. II, 14. odoros nove, qui odoratu excellit, sagax. 133. cunctantem. Serv. morabatur studio placendi. Nisi hoc nimis acutum est: accommodate ad illud Terentianum: Dum moliantur, dum comuntur, an-nus est. Etiam hanc elegantiam Homerus non esset sectatus. At enim cunctantem addere poterat poeta ornatus caussa, cum expectant posuisset.

137—139. Chlamyde est induta purpurea, cujus oras ambit limbus acu vel radio pictus et variegatus. cf. inf. V, 259. crines nodantur in aurum doctius quam auro, h. e. aurea fascia, vel, ut Serv. aureo retiolo,

quod colligit comas, quæ Græcis κροβύλη (usitatius κρόβυλος) dicitur. Reticulum est aliis. Fibulam, περίων, non nisi in tunica vel chlamyde locum habuisse satis, puto, constat: itaque h. l. vestem chlamydem intellegimus, venatoribus gestari solitam. Fibula autem in humeris colligebat ac retinebat tunicam, etiam chlamydem: hanc interdum in pectore. Nec tamen talis fibula bene subnectere eam videri potest. Dicendum itaque, fibulam hic esse in balteo seu cingulo, quo tunica succingitur: ut inf. V, 312, 3. cf. XI, 776 et not. Supra I, 320 nodum dixerat; nodoque sinus collecta fluentes; h. e. balteo. Ubi cf. not. Nam, ut fibula inferiorem vestis oram substringat altius, ut ea elevata sit, nostri moris esse potest, vix antiqui.

141. 142. pulcerrimus, Veneris munere puta. lib. I, 589 sqq. agmina

Infert se socium Æneas, atque agmina jungit :
 Qualis, ubi hibernam Lyciam Xanthique fluenta
 Deserit, ac Delum maternam invisit Apollo,
 Instauratque choros, mixtique altaria circum 145
 Cretesque Dryopesque fremunt pictique Agathyrsi;
 Ipse jugis Cynthi graditur, mollique fluentem
 Fronde premit crinem fingens, atque implicat auro;
 Tela sonant humeris. Haud illo segnior ibat
 Æneas; tantum egregio decus enitet ore. 150

144 Delon alii, sed Virgilius enuntiationes latinas in his amat, ut Heins. docuit.
 145 instaurantque Leid. un.: ita res transferretur ad Cretes et Dr. Instruxitque Hugen.
 que post mixti deest alteri Menag. 146 Curetes Dryopesque pr. Hamb., memorabilis
 lectio; nisi quod ab interpolatore esse potest, qui metram laborare putabat. Curetesque
 Driopesque Regius. Cretes Dr. alii. Fuit forte versus Græci poetæ: Κρήτις τις Δριώπις
 τ' ἄδ' ὁ στυκοὶ Ἀγᾶθ' ὕψ' α. Agatirsi scribunt fere librarii. 147 Inde Exc. Burm. a pr.
 m. 148 Fronde Medic. et Menag. pr. fluentes crines Parrhas. fugiens Exc. Burm. a pr.
 m. cingens pr. Moret. surgens aut Goth. sec. 150 emicat pr. Hambarg. pro var.
 lect. auro Leid. et Ven.

jungit, Trojanorum cum Tyriis, ait Burm. Scilicet dicendum est, esse exquisitiorem poetæ formam: *jungere agmen vel agmina* pro adjungere se cum agmine suo. inf. XI, 145 *Contra turba Phrygum veniens plangientia jungunt agmina*, adjungunt. Comparatio autem ita fit: ipse infert se talis, qualis infert se Apollo—; *Ipse graditur*—Haud aliter.

143—149. Locus exquisita doctrina expolitus: Æneas comparatur cum Apolline, festo die prodeunte ad choros ducendos: re, ad veterum, imprimis Græcorum, sensum omnium maxime augusta; ut sup. I, 498 Dido comparabatur cum Diana. Hieme Patari Lyciæ exacta, narratur deus adire Delum, verno tempore, festorum sollennium die instante. Instituuntur chori in dei honorem; sed augustius est, quod ipse deus choros parat. *instaurare* cum dilectu; est enim voc. religiosum et sacrum. Ducitur chorus ab iis, qui vel sacra curant, vel frugum primitias Delum

apportant: sunt Cretenses, Dryopes et Agathyrsi seu Hyperborei; ii *fremunt* circa aram, saltant ac cantant. *picti Agathyrsi*, ut *picti Geloni*, Ge. II, 114, ubi de stigmatibus acceperant Serv. et Claudian. in Ruf. I, 314. At Mela II, 1. 2. 86 *Agathyrsi ora artusque pingunt; ut quique majoribus præstant, ita magis vel minus: ceterum iisdem omnes notis et sic ut abluī nequeant*. Nec aliter quam proprie pictos ex eo loco eos producit Solin. et Ammian. conf. Salmas. ad Solin. p. 133. Adveniens deus descendit de Cyntho, qui templo imminet, redimitus laurea vittæ auræ innexa, et pharetra ex humeris pendente. Sed majus phantasma, quod *tela sonant ex humeris*, deo incedente, quodque crinem *fluentem*, effusum, qualis Apollinis est, ipse *premit fingens* fronde et auro *implicat*, vitta aurea, diademate. De ceteris v. Excurs. II ad hos vers.

149. 150. Duplex igitur comparationis momentum et concitatoris in-

Postquam altos ventum in montes, atque invia lustra,
Ecce feræ, saxi dejectæ vertice, capræ
Decurrere jugis; alia de parte patent
Transmittunt cursu campos atque agmina cervi
Pulverulenta fuga glomerant, montesque relinquunt.
At puer Ascanius mediis in vallibus acri 156
Gaudet equo; jamque hos cursu, jam præterit illos,
Spumantemque dari pecora inter inertia votis
Optat aprum, aut fulvum descendere monte leonem.

Interea magno misceri murmure cœlum 160
Incipit. Insequitur commixta grandine nimbus.
Et Tyrii comites passim, et Trojana juvenus,
Dardaniusque nepos Veneris, diversa per agros
Tecta metu petiere. Ruunt de montibus amnes.

151 i. sasa Parrhas. 152 a vertice Goth. tert. 153 de rupe Hagen. 154 Transmutant Zolich. campos cursu Menag. sec. Transmittunt e Lacretio petiit lib. II, 325. momento Macrobio VI, 4. p. 594. Et circumvolitant equites, mediosque repente Transmittunt valido quatientes impete campos. 159 discedere Sprot. 160 fulmine a pr. m. Wall. turbari m. Goth. sec. et Erf. 161 comitata g. aliquot Pier., male. nimbis Ven. 162 At T. pr. Hamb. 164 Tecta pr. Morel., an tesqua rogat Burm.

cessus et pulcritudinis: tam alaeri gressu et ipse tam pulcer incedebat Æneas.

151—155. In v. 152. 153 potest Homerus observatus esse Iliad. Δ, 106—108. *dejectæ* h. l. quæ se deiecerant, quæ desilierant. Cervos alia parte ex montibus decurrentes per campos agminatim fugere ait. *cervi glomerant agmina*, colligunt se in agmina, catervas, pulvere soli moto. De cervis in Africa cf. sup. I, 184.

156—159. Juvenilem exultationem facile sentis. Sed simul expendendus verborum dilectus: quam contentim, *pecora inertia*! Importunum est, illud in memoriam revocare, quod Ascanius Paphum a Veneris avectus erat lib. I, 691 sqq. neque nunc eum rediisse poetæ erat

monendum, in re, quæ ministerio divino non amplius indigebat. cf. Burm.

160 sqq. In copia et ornatu brevitatem et vim agnosce. *Tecta* 164 omnino loca, quibus tegimur; arbores, cavernæ etc. cf. Cerda. Concupitum ipsum sileri nemo miretur, aut poetæ pudorem in eo multis verbis prædicet; quasi vero in epico carmine consuetudinis cum muliere descriptio accurata dari debuerit. Quod in ceteris honestati studet poeta; ad temporum magis quam ad poetæ indolem referendum videtur, diversam scilicet ab Homérico ævo. Quod denique honesto nuptiarum ac conjugii nomine furtum hoc amantium prætenditur, id ad servandam personæ dignitatem in Ænea et Di-

Speluncam Dido dux et Trojanus eandem 165
 Deveniunt. Prima et Tellus et pronuba Juno
 Dant signum : fulsere ignes, et conscius æther
 Connubiis; summoque ulularunt vertice Nymphæ.
 Ille dies primus leti primusque malorum
 Causa fuit. Neque enim specie famave movetur, 170
 Nec jam furtivum Dido meditatur amorem:
 Conjugium vocat; hoc prætexit nomine culpam.
 Extemplo Libyæ magnas it Fama per urbes :

166 et ante Tellus multis abest; itaque eleganter conj. Heins. *Prima Tellus et pr. J.*
 167 *Dat Franc. Goth. pr. ignis Exc. Barm.* 168 *Connubiis Heins. e melioribus post*
Pierium, assentiente poetarum usu; alii Connubii. Rottend. Conjugii a m. pr. Con-
bio un. Pier. Connubis esse metiendum, jam monitum fuit. 169 *laborum pro div.*
lect. pr. Rottend. et pr. Hamb. et sic Jul. Philarg. ad II Georg. 168. Verum potest
illa lectio ex Æn. VII, 481 huc revocata videri. 170 *famaque duo. fama spevere*
Goth. tert. moretur Sprot. moratur Dorvill. 172 *prætexit tres Barm., male.* 173
Libyes aliquot Pier. et ed. Ven. fit Goth. sec. magna fit Gud. cum trinis aliis Barm.

donec pertinet. Putant Intpp. Calypsus speluncam Virgilio obversatam. Quod v. 165 sub ingressum speluncæ non *pius Æneas*, sed *dux Trojanus* appellatur, eximio poetæ iudicio factum, Steelius post Addisonum observasse fertur; nimis argute utique. Nam epicis poetis talia pro simplici et proprio sunt nomine; quippe quæ tantum ad ornatum et varietatem valere debent.

166—168. Mala nuptiarum omina enarrare debebat poeta et videtur enarrare: motum terræ, aeris fragorem vento concitati, fulmina, et per montium juga auditos clamores vel ululatus, quæ omnia, cum tempestate et procella magna interdum conjuncta, nunc præclare ad deas pronubas, Tellurem et Junonem, et ad Nymphas, tanquam carmen nuptiale canentes, referuntur. conf. Ovid. Epist. VII, 95. 96. *Prima malim pro primum accipere; (argutari videberis, si e vetustioribus diis Gæam esse dixeris.) Ululatum Nym-*

pharum Apollon. III, 1217, memorat: αἱ δ' ὀλόλυξαν Νύμφαι θειονόμοι ποταμίδες, ubi præcesserat: πίσσα δ' ἔτρεψε πάντα, ululant adeo præ terrore et sensu magni mali. Alienus itaque est ululatus in sacris fieri solitus. Tellus interdum cum Vesta, inter deas nuptiarum auspices, est memorata, ex disciplina Etrusca. (v. Serv. ad h. l. et Passer. *Vas. Etrusc.* Tom. I, p. 4) nec mirum, si Tellurem geneticam et altricem omnium rerum cogites. conf. Orphicos Hymnos XXV.

169. Dies ἀρχέκακος Homericæ voc. Iliad. E, 63. Mox *species*, pro decoro positum videtur: fere ut, *speciosa res, speciosum nomen*. Non jam dedecoris vel infamiæ metu movetur.

171. 172. Nec jam clam amat, non celat amorem. *prætexit culpam nomine* exquisitius quam vulgare *prætexere nomen culpæ*, obtendere, ad excusationem. vid. inf. 500.

173—188. Nobilissimus de Fama locus. Velocitatem monstri ait au-

Fama malum, quo non aliud velocius ullum ;
 Mobilitate viget, viresque acquirit eundo ; 175
 Parva metu primo ; mox sese attollit in auras,
 Ingrediturque solo, et caput inter nubila condit.
 Illam Terra parens, ira irritata deorum,
 Extremam, ut perhibent, Cæo Enceladoque sororem
 Progenuit, pedibus celerem et pernicipibus alis. 180
 Monstrum horrendum, ingens : cui, quot sunt corpore
 plumæ,

174 *qua non* Romanus et Medic. adeoque libri vetustissimi ; acc. Rottend. pr. a m. pr. et sic Gudianum habere in Cortii Exc. notatum video. Etiam Servius ita legi testatur. Neo tamen Heins. recipere ausus, etsi impense placeret. Neque id a poeta profectum arbitror, sed a librarii errore. *violentius ullum* Hamburg. sec. 175 *acquirit* ex antiqua scriptura post Pier. emendavit Heins. Vulgo *acquirit*. Gud. a m. sec. *acquirit*. 176 *parva modi vel modo*, h. modulo, mensura ; ut Avien. 1331 *magnus uterque modi* ; conj. Jo. Schrader. in schedis : *senserat forte metu* haud satis aptum esse : sed v. notam. *Parva ortu primo* conj. Goes. in Agamemn. p. 42. 177 *Ingrediturque solum* Macrob. V Sat. 13, at c. 3 vulgata lect. cf. inf. X, 763. polo Erf. a m. sec. 178 *irritata* Heins. e Medic. et aliis scripsit. *irritata* volebat Pier. pro vulg. *irritata*. cf. Burm. 179 *Cæo al.*, male. Nam *Καῖος*. cf. ad Georg. I, 279. *Cæo Celeoque* Exc. Burmann. *Enceladoque* Menag. pr., ut al. *Enchelado. sorores* Parrhas. *sorore* tert. Mentel. 181 *quod* Rom. Mentel. pr. *sunt quot* Hugon. *pectore* Oudart. et Wall.

geri ipso cursu ; crescere et ipsam speciem ; mox v. 180 addit esse illud alatum, toto corpore plumis, oculis, oribus auribusque consutum ; in ceteris v. 184 sq. assimilatur strigi. De reliquis in h. l. v. Excurs. III. Innonnullis Homericam Eridem ante oculos habuit poeta, Iliad. Δ, 440—443, forte cum Cerere Callimachi H. in Cer. 59 ex eadem Eride adumbrata, imprimis in versibus 176. 177 *mox sese attollit* etc. Virgilium æmulatus est Ovid. XII Met. 39 sqq. et felicius Statius Theb. III, 426 sqq., ubi illa in comitatu Martis. Valer. Fl. II, 116 sq. et Ovidium et Virgilium expressit.

173. Odyss. Ω, 412 Ὅσσα δ' ἄρ' ἀγγέλος ὤκα κατὰ πρόδιν ὤχετο πάντη.

174. 175. Fama velocissima est : *malum*, ut pestis, res perniciosa, h. l. in personam versa, dea seu mon-

strum ; est eadem *mobilis*, celeris. Verba ex Lucretio petita VI, 340.

176. Primum *parva metu*, metuens scilicet redargui, ait Cerda ; cohibet se, *quod initio cautius loquatur*, ait Serv., mox sumta licentia altius exurgit. Nimis argute. Cogitandum est de fama sinistrum aliquem eventum aut malum imminens nuntiante, unde *metus* animos incessit. Respiciunt hæc incrementa rumoris ex ipso progressu.

178—180. Genealogia antiqua, Hesiodæ similis. Cœum Terra ex Cœlo, vid. Theog. 133. 134, vel ex Tartaro peperit. Sic et Gigantes ex Cœlo : Apollod. I, 6, 1, in quibus *Enceladus* ibid. s. 2 ; de eo sup. III, 578. cf. Hygin. præfat. ibique Muncker. Propter corporis magnitudinem Gigantum familiæ facile Famam annumerare potuit. *ira deorum*, irata

Tot vigiles oculi subter, mirabile dictu,
 Tot linguæ, totidem ora sonant, tot subrigit aures.
 Nocte volat cœli medio terræque, per umbram
 Stridens, nec dulci declinat lumina somno. 185
 Luce sedet custos aut summi culmine tecti,
 Turribus aut altis, et magnas territat urbes;
 Tam ficti pravique tenax, quam nuntia veri.
 Hæc tum multiplici populos sermone replebat
 Gaudens, et pariter facta atque infecta canebat: 190
 Venisse Ænean, Trojano a sanguine cretum,
 Cui se pulcra viro dignetur jungere Dido;
 Nunc hiemem inter se luxu, quam longa, fovere
 Regnorum immemores, turpique cupidine captos.
 Hæc passim dea fœda virûm diffundit in ora. 195
 Protinus ad regem cursus detorquet Iarban,
 Incenditque animum dictis, atque aggerat iras.

182 *Pervigiles* s. pr. Hamb. *subeunt* Franc. Parrhas. et plerique Pier. *subeunt* Ven. Wall. cum Goth. tert. *oculos subter* Schol. Lucani lib. I, 472. *oculis subeunt* ed. Ven. *mirabile visu* Exo. Burmann. a m. pr., sed aliunde repetitum. 183 *ore* alter Menag. *auras* Gud. a m. pr. 184 *in medio* Goth. tert. *per umbras* aliquot Pier. et Burmann. 185 *stridet* oblongus Vatic. Pierii et sec. Rottend. *declinant* Leid., ut int. sq. *limina* multi ap. Pier. et Burm. *lumine* pr. Moret. *cælo* alter Hamburg. a m. pr. 186 *Et nec* pro *Luce* Goth. sec. *summo* Hugon. et tert. Mentel. a m. pr. *vertice* pr. Hamb. pro var. lect. 188 *parvique* Goth. pr. 189 *dum, cum, tunc* in libb. 191 a docti Medic. et pluribus aliis, ut et alibi. v. ad I, 19 cf. Burmann. 192 *muneris* D. Menag. pr. 195 *diffudit* aliquot Pier. et Burm. 196 *cursu detorquet* Gud. a m. pr. *ea, se*, non male, inquit Heins. Sed cf. Burmann. *Iarban* Heins. e Medic. et aliis: vulgo *Iarban*, etiam *Hiarban*, *Hiarban*, *Hiarba*.

diis propter Titanas in Tartarum coniectos; ut et Apollod. I, 6, 1, ubi cf. Not. p. 67. 68. Apollon. II, 38. 40.

183. Ornate pro, tot ora ei sunt et aures; tota est oculata, aurita et vocalia. Mox 184 sq. strigi similem cogita vel buboni.

193. *hiemem*. Non proprie accipiendum, ita ut Æneas totam hiemem apud Didonem exegerit, id quod alia haud admittunt (v. Excurs. II ad lib. III). Verum, cum jam sub æ-

statem extremam hæc gererentur, ita ut hiemale tempus inaret, invideose id jam fieri dicitur, quod fieri poterat; nisi alia incidissent. *quam longa*, h. e. hiemem totam, cf. inf. VIII, 86 et sæpe al. *hiemem fovere* exquisite, hiemale tempus luxui dare, ut bene Pompon. Proprie fovetur amores per hiemem. 194. *Regnorum*, Carthaginis illa, hic Italie. *turpi c.* inhonesto amore. vid. Serv. Mox 197 *aggerat iras* exquisite pro auget.

Hic Hammone satus, rapta Garamantide Nympha,
 Templa Jovi centum latis immania regnis,
 Centum aras posuit; vigilemque sacraverat ignem, 200
 Excubias divûm æternas; pecudumque cruore
 Pingue solum, et variis florentia limina sertis.
 Isque amens animi, et rumore accensus amaro,
 Dicitur ante aras, media inter numina divûm,
 Multa Jovem manibus supplex orasse supinis: 205
 Jupiter omnipotens, cui nunc Maurusia pictis
 Gens epulata toris Lenæum libat honorem,

198 *Ammon* duo Goth. puto et alii. *Agaramantide* Dorvill. 199 *Jovis* Montalb. et Wall. 201 *Excubiasque deum* aliquot ap. Pier. *externas* Hugen. *pecurumque* Leid. 203 *incensus* Exc. Burm. *amore* Gud. a m. pr. 204 *munera olim lectum* Servio teste: qui addit: "hoc est, in media precatione deorum." Immo vero: inter sacra. Et hactenus hæc lectio valde aridet. 205 *sopinis* scrib. in binis ap. Burm. 206 *Juppiter* mss. et viri docti. Antiquiorem tamen scripturam una p fuisse non dubito; nam, ut scriptura pronuntiationem metri respectu in his sequeretur, serius factum. *Maurisia* al. ap. Pier. 207 *choris* Leid. *odorem* Dorvill. *amorem* alter Hamb., *perperam*. *Honor* de libatione in deorum honorem facta, frequens ap. poetas.

198—202. Iarbas itaque Jovi Ammoni patri novas in terris Numidicis religiones et sacra instituerat. Nam oraculum Jovis Ammonis in Marmarica huc referri non debebat; sed ad ejus exemplum Iarbas in Numidicas supra Carthaginem oras putandus est nova sacra invexisse. cf. 206. 207. Potuit Virgilius Græcum aliquem, forte Alexandrinum, poetam sequi; nam multa in his olim super Libya fabulose tradita esse debuerunt, uti ex Apollonio Rhodio ejusque Schol. intelligere in promptu est. Et Cyrenæorum domesticum aliquod fuit mythologiæ systema. Ceterum poeta huic homini Mauro ritum sacerorum Romanum aut Græcum tribuit; quod poetæ facere licet; faciunt idem historici, sed hi minus perite. *Garamantis Nympha* simpl. pro Libyca. conf. ad Ecl. VIII, 44. *rapta* ad stuprum v. sup. ad I, 28. *posuit* et *sacraverat* pro posuerat; nota enal-

lage; junctura mox paullo durior: *sacraverat* ille ignem perennem in aris, et *solum pingue cruore pecudum*, h. e. sacrificia magno numero, et *limina florentia sertis*, h. festos sollennesque dies. *centum* ut I, 416 *Veneri Paphiæ centum ara* calent ture. *vigilem ignem*, *Excubias divum æternas*, egregie de igni perenni, ad quem alendum sacerdoti pervigilandum et excubandum est. Ignis hic æternus ex Jovis Ammonis religione petitus putandus; nota illa ex miraculo apud Plutarchum de Orac. defect. p. 410 B. Ceterum Callimachum ante oculos noster habuisse videri potest in Apoll. v. 80 sqq., ut etiam ad illud locum monitum. *et variis florentia limina sertis* simpl. ad religionem in sollennibus sacris templorum fores corollis ornandi referendum. Mox 204 *media inter numina divum*, simplic. ante signa deorum.

206—210. Tales preces sæpius oc-

Adspicis hæc? An te, genitor, quum fulmina torques,
 Nequidquam horremus? cæcique in nubibus ignes
 Terrificant animos, et inania murmura miscent? 210
 Femina, quæ nostris errans in finibus urbem
 Exiguam pretio posuit, cui litus arandum,
 Cuique loci leges dedimus, connubia nostra
 Repulit, ac dominum Ænean in regna recepit.
 Et nunc ille Paris, cum semiviro comitatu, 215
 Mæonia mentum mitra crinemque madentem

208 *Respicias h. Franc. Aspicis hoc Dorvill. hæc genitor, an cum tua Venet. an næ vel ne mss. Pier. torquens Medic. et Leidens.* 209 *oremus Dorvill.* 210 *immania m. Dorvill.* 212 *Exiguam Medic. a m. pr. posuit pretio pr. Hamburg.* 213 *Cui leges dedimusque loci Leid. et Hugen. locis Wall.* 214 *Depulit Leid. pro var. lect., sed alterum voc. proprium. v. Burmann. at Steph. et codd. Servii. Æneam aliquot, hinc Parrhas. Æneam in sua regna v.* 215 *At nunc Hamb. pr., male. v. Burmann.* 216 *M. m. barba Nonius in subnixus. Mæonia male vulgo scribitur.*

currant; primo loco Iliad. H, 446 sq. et al., sed, quod tam impiam vecordiam Iarbæ tribuit, hoc calidissimis et ferocissimis Afrorum ingeniis accommodare fecisse videri debet. Vide modo Herodot. IV, 173 et 184. *Maurusia gens*, Mauri, vel Mauretani, quibus h. l. Iarbas imperare traditur, ap. Justinum XVIII, 6 *Maxitani* sunt, iidem forte, qui *Maxyes* vel *Maxyes*, Nomadum genus, sive improprie Mauri a poeta dicti (inf. 320 *Nomades*), sive ut illi ab initio illas terras tenuerint, quas temporum successu Numidæ occuparunt; quanquam et hi origine Mauri esse potuere. Nam Numidarum nomen non tam stirpem quam vitæ genus, h. e. Nomadum, designat, pluribus diversæ stirpis populis commune. *libationem* epulis factis (v. I, 728) omnino pro cultu sacro ac religione dixit, ut poeta. *toris pietis* v. sup. I, 708, in domo Didonis, ubi tamen melius locum suum tueri videntur quam inter rudes Mauros. *Adspicis hæc?* formulam illustrent ex

ex Iliad. H, 448. *cæci ignes* h. l. plus quam occulti, invisi; sed, vel qui vani, inanes, sunt, vel qui temere et fortuito feruntur, quasi cæco impetu. Male Serv. et alii: quorum origo et ratio ignoratur. *tonitrua miscent*, h. l. turbant, animos, aut ignes, fulmina, *miscent*, s. adjuncta habent, s. faciunt, *murmura*.

211. De re v. lib. I, 365 sqq. 212. 214 *litus arandum*. Argutantur intppr. Est litoralis plaga et ager in terra mari vicina. *loci leges dedimus*, jus, imperium: adeoque locum possidendum; ita malim, quam locum sub certa lege. *dominum*, non maritum, ut alibi sæpe, sed invidiose, participem regni, quin solam regem et dominum: sic quoque Burm.

215—218. *Paris ille*; doctius forte quam pro Iarbæ Mauri persona; mollis ille Trojanus, qualis Paris apud Homer. Iliad. I, 391 sq. aut potius h. l. quatenus Æneas, ut alter Paris, alii quasi pactam conjugem eripuit. Sic et Serv. *semiviro c. conf.* inf. IX, 617, dictum imprimis re-

Subnixus, raptō potitur : nos munera templis
Quippe tuis ferimus, famamque fovemus inanem.

Talibus orantem dictis, arasque tenentem,
Audiit omnipotens, oculosque ad mœnia torsit 220
Regia, et oblitos famæ melioris amantes.

Tum sic Mercurium alloquitur, ac talia mandat :
Vade age, nate, voca Zephyros, et labere pennis ;

217 *Subnex* Leid. un., et sic jam Gevart. et Salmas. maluerant. Adde Ræum, Cuninghamum. Pugnans contra Heins. h. l. et Gronov. Distr. in Stat. c. 54. *Subnex* in Statio etiam Marklandus probabat, Silr. V, S, 115, et multa pro hac lectione afferri possunt. cf. inf. X, 137 et 138, aliaque loca in Indice. Potest tamen *Subnixus* exquisitius dictum videri. vid. Not. ; quodcumque enim subligatam sibi habet aliquam rem, illud *subnixum* ea re videri potest. *raptu* ms. Georg. Fabric. et pr. Rottend. a m. sec. Certe *raptum* hoc sensu accipiendum. *raptu* Zulichem. id est, stuprata. conf. Burmann. 218 *flammas* conj. Voss., sed v. Burm. *movemus* pr. Hamburg. 219 Hic versus deerat alteri Menag. et poterat, Burmanno iudice, abesse ; sed tuerat eum Macrobi. III Sat. 2 et inf. VI, 124 idem fere versus. *aramque* Witt. et ed. Ven. cum Goth. sec. 220 *audite* Franc., ut inf. 672. *vultusque* pr. Hamb. pro var. lect. *ad devia* sec. Hamb. 221 *evantes* Leid. 222 Tum Heins. e codd. post Pier. alii Tunc. cui talia sec. Moret. 223 *Zephyros*, *elabere* Franc. *pinnis* Medic. et God.

spectu sacrorum Cybeles. *Mœnia*—*Subnixus* respicit Phrygiam mitram, h. o. *pileum incurvum*, ut Serv. habet, de quo pendeat etiam buccarum tegimen, binis vel ternis fimbriis seu fasciis descendentibus, quæ subter mentum colligari solebant ; adeoque *subnixus*, mento ac crine subnixō, mitra ; scilicet mitra subligatam habens mentum crinemque madentem unguentis. *redimicula* sunt inf. IX, 616. Res in veteribus monumentis satis obvia et notata a Winkelm. (*Gesch. d. Kunst* p. 308. *Monum. ant. ined.* p. 155). Alias *mitra* est fascia, diadema : nec alia in Baccho. At de Dioscurorum pileo an eadem vox occurrat dubito. *Mœniam* pro Phrygia dixit, ut poeta, a vicina gente. Nam proprie *Mœones* diversi a Phrygibus. *raptō potitur*, graviter, pro stupro fruitur, ut Serv. *famamque fovemus inanem*, opinionem de potentia dei. Hæc multo magis invidiosa in religione

nova, nuper demum inducta, vide v. 198 sq. Fundus in nobiliss. loco Hecubæ Euripideæ v. 488 sqq. *ὦ Ζεῦ, τί λίξω ; πότῃρά σ' ἀνδρώπων ὄψαν* etc.

219—221. *aras tenentem*, ex ritu precantium. *oblitos famæ melioris amantes*, egregie dictum, et ad sensum animi præclare. cf. sup. 170.

222 sqq. Ex Od. E, 28 sqq. 43 sqq., ubi Mercurius ad Calypso mittitur, ut Ulyssem illa dimittat (non ex Iliad. Ω, 333 sqq.), hæc expressa ; ut jam ab aliis notatum. Non tamen ibi copiosa illa Mercurii ad iter se accingentis descriptio æque displicet, uti ea, quam Virgilius subjungit v. 238 sqq., forte, quoniam hic majore cum festinatione omnia aguntur atque adeo omnis mora interposita legenti gravis est et molesta.

223. *voca Zephyros*. Ut venti vocantur, navi parata velisque expansis (v. sup. III, 253. V, 211. VIII, 707. cf. ad Georg. III, 193), sic h. l. Ze-

Dardaniumque ducem, Tyria Carthagine qui nunc
 Expectat, fatisque datas non respicit urbes, 225
 Alloquere, et celeres defer mea dicta per auras.
 Non illum nobis genetrix pulcerrima talem
 Promisit, Graiûmque ideo bis vindicat armis:
 Sed fore, qui gravidam imperiis belloque frementem
 Italiam regeret, genus alto a sanguine Teucris 230
 Proderet, ac totum sub leges mitteret orbem.

225 *dati* pr. Rottend. vide lib. I, 382, porro *perspicit, prospicit, aspicit* passim in codd. Pierii, Heins. et Burmann. et nostris. conf. *mox v. 236.* 226 *refer* alter Hamburg. *mea jussa* Venet. *mandata* edd. aliquot vulgg. 227 *genetrix nobis* Wall. Goth. sec. Erf. 229 *bellisque* Parrhas. *furentem* Wall. 230 *deest a* in multis Pier. et Heins. et al. v. sup. v. 191. ab s. Nonius. cf. Heins.

phyri (omnino pro ventis), *pennis*, sive alis, aptatis a Mercurio pedibus, ad excipiendum ventum, quo per aerem feratur, volet. cf. inf. v. 239. Heinsius et hic exponit, *provoca*, ut Georg. III, 193. 225. *fatisque datas* (v. I, 382 et al. pro monstratas) *urbes*, urbem Romam, v. I, 258. Inf. v. 234 *Romanas arces* dixit, ut II Georg. 172.

227—231. Summa *δευόρης* horum versuum, imprimis 229 sqq. Delata in *Æneam* ea, quæ senioribus temporibus evenere: fore eum talem, qui Italiam in ditionem redigeret et populum orbis terrarum victorem conderet. *bis*, semel a Diomede Venus ipsa, Iliad. E, 311 sqq., tum ab Achille Neptuni opera Iliad. Y, 291 sqq. Alii ad Veneris in ipso Trojæ excidio monitum referunt sup. II, 589 sqq. et 632. Porro 228 *promisit* — *vindicat*, quandoquidem hæc tempora aliquid commune habent; conf. Serv. h. l. 229. *gravidam imperiis Italiam*. Ex verborum vi non uno modo hoc dictum esse potest. Italiam, quæ multos imperatores est paritura, explicat Serv. probante

Cerda et ipso Burmanno. Sic Claudian. Fescen. XII, 24. *imperio fetam domum* dixit, quæ multos imperatores habuit. Tenue tamen hoc, saltem h. l.; etsi verum. cf. II Georg. 169 sq. Melius alii *populum late regem* lib. I, 21 huc vocant; sed verba non expediunt. Scilicet poetice *imperiis* dictum pro *imperio*, quo terrarum orbem complexura erat Roma. *gravida* igitur *imperiis* Italia, in qua magnum futurum erat imperium, ut inf. X, 87 *gravidam bellis urbem*, quæ bellum gerit. Licet quoque *gravidam imperiis* intelligere Italiam, quæ multos potentes et late imperantes populos protulit; quo sensu, nec alio, dictum arbitror apud Auson. Epigr. IV *Imperiis gravidas Pannonias*. Ita conveniunt hæc dicta cum lib. I, 257 sq. ubi *Bellum ingens geret Italia populosque feroces Contendit*. Videtur itaque hæc ultimo loco posita ratio esse præferenda. *genus*—*qui proderet*. Prodit genus qui auctor est stirpis; idem stirpem propagat; ita h. l. *Æneas* stirpem a Teucro ductam. Apud Cic. Off. III, 21. *regno, quod a Tantalo et Pelope proditum*

Si nulla accendit tantarum gloria rerum,
Nec super ipse sua molitur laude laborem :
Ascanione pater Romanas invidet arces ?
Quid struit ? aut qua spe inimica in gente moratur ?
Nec prolem Ausoniam et Lavinia respicit arva ? 236
Naviget. Hæc summa est ; hic nostri nuntius esto.

Dixerat. Ille patris magni parere parabat
Imperio ; et primum pedibus talaria nequit
Aurea : quæ sublimem alis, sive æquora supra, 240
Seu terram, rapido pariter cum flamine portant.
Tum virgam capit : hac animas ille evocat Orco

232 Quod si nulla movet Witt. ex v. 272. 233 ille Wall. sua deest Dorvill. suum Arusian. Mess., sed mendose. laborum Medic. a m. pr. et Gud. et v. 273 Parrhas. dolorem Goth. tert. 234 indicet arces Goth. tert. 235 in abest in nonnullis. v. Burmann. : in tert. Goth. expunctum a m. sec. 236 Hæc pr. Goth. sec. conspiciit Hugon. vide ad v. 225. Laviniaque Sprot. et Exo. Burm. v. ad I, 2. et pro nec. v. Burmann. ad Ovid. Met. III, 492. 237 hoc summa est emendabat Heumannus, docte quidem, sed frustra. v. Burm. idem hic nostri nuntius esto, ut ab alia manu adjecta recidebat, adversante et hic Burmanno. Sed neuter videt, nuntium h. l. esse non narrantem, sed id quod nuntiatur. hæc summaque Dorvill. heic Commelin. hinc n. Oudart. et Zulich. 238 volebat sec. Moret. v. inf. 390. 239 et abest ab Hamb. sec. primo Goth. tert. Imperiis, primum Hamb. pr. Leid. a m. sec. 240 æquora justa mss. ap. Macrob. V, 6, ex v. 255 puto. 241 flumine tert. Rottend. fulmine alter Hamb. portent Medic. a m. pr. et alii duo Heins. 242 rapit Menag. pr. ille vocat una vocali elisa Longob. Pierii, et Mentel. pr.

jure obtinebatur. Si tamen prodere etiam, ut proferre, producere, illustrare est : poterit et h. l. esse, qui Tencri progeniem illustret et novo splendore in lucem proferat.

232—237. Omnia cum dignitate efferuntur. Si nulla, si non—si ipse labores moliri, suscipere non vult pro sua laude ac gloria. Burmanni ratio, ut super sit, insuper, admodum dura est. invidet, aufert, cum privat fatali sede. conf. inf. 267. 274. 355. prolem Ausoniam, cf. 230. inf. 274. 275. VI, 756, progeniem, cui fata imperium Italiæ decreverunt.

238 sqq. Ex. II. Q, 339 sqq., ubi Mercurius ad Priamum, et Odysseus, E, 43 sqq., ubi ad Calypso mittitur, hæc

adumbrata esse, jam ante monitum. Adde Odysseus, Q, pr. Virgilium secuti sunt alii, ut Statius I Theb. 303 sqq. Ovidius etc. Sed classicus de Mercurii officiis locus hic. Omnia nota et vulgaria sunt, et a poeta diserte expressa.—240. quæ talaria portant te, sublimem alis, h. e. te volantem : ut paullo ante in Jovis verbis : voca Zephyros et labere pennis, h. e. vola, ventis portatus. non enim talaria ferunt, sed alæ : ratione mythica ex ipsa rerum natura petita. Et inf. 252 paribus nitens Cyllenius alis. 241. pariter cum flamine. Homericum ἅμα πνοῖς ἀνέμοιο, ut Od. E, 46. 242. evocat v. c. Protesilaum. v. Hygin. f. 103. cf. Orphic. Hymn.

Pallentes; alias sub Tartara tristia mittit;
 Dat somnos adimitque, et lumina morte resignat.
 Illa fretus agit ventos, et turbida tranat 245
 Nubila. Jamque volans apicem et latera ardua cernit

243 *sub Tartara tristia*. Ordinem Burm. e codd. Pierii, Heins. et suis restituit. Adde fragm. Vatic. Alii *sub tristia T.* 244 *lumina* God. et Rottend. pr., quod Burm. arripit et probat, ut Mercurius defunctorum animabus resignet et aperiat limina inferorum. Verum ita nec diversum hoc ab illis: *sub Tartara tristia mittit*; nec *limina absolute ita de inferis locis dici posse videntur*, cf. not. Nec quicquam proficis, si *nocte resignat* legeris; nam et hoc ipsum esset otiosum post *dat adimitque*. In fragm. Vatic. totus versus ad calcem pagellæ erat adscriptus. Equidem malim hemistichium abesse: et *lumina morte resignat*: quocumque te interpretatione vertas, sententia est a loco aliena. 245 *transat* Zulichem. et Wall. cum nonnullis Pierii.

56. Æschylus Pers. 642 seqq. *mittit*, ducit, Gr. τὰς ψυχὰς πέμπει, ψυχοπομπός. *dat somnos adimitque*: ex Odys. Ω, 4. 244. *lumina morte resignat*. Quis verbi sensus sit, dubitatur. Ad sententiam loci tam accommodatum esse nihil, quam Serviana ratio, primo loco posita, qua per *claudit* redditum videas. Nove scilicet pro obsignare, occludere, ita dixit *resignare*. Verum nec exemplum memoratur, in quo seu *resignare* seu simplex *signare* eo sensu adhibitum sit, nec alibi facile hoc Mercurii officium laudatur, ut morte oculos claudat. Ad vulgarem verbi usum *resignat lumina* est, aperit, *morte*, in morte: atqui hoc dices repugnare rerum naturæ, nam morte clauduntur oculi; nisi argutari malis et ad oculos morte rigentes et manu comprimendos referre. Forte tamen ita accipiendum erit: *morte*, mortuis. Dictum hoc esset ad exemplum Pindari Nem. 10 f., ubi Castor e morte revocatus ἀναλύνει ὀφθαλμόν: ut ita Mercurius mortuos in vitam revocare dicatur. Munus tamen hoc Mercurii aliis exemplis probari nequit: sin ad evocationem Manium referas, ea jam præcessit. Potest tandem *resignare* accipi pro solve,

ademptis et subductis viribus: ut in vetere Epigrammate: *Et postquam fatis morientia lumina solvit*. et inf. V, 856. Nulla ratio satisfacit; quia jam antecessere illa, quæ eandem rem declarant: *evocat animas* et *sub Tartara mittit*; præ reliquis tamen media illa ratio usui loquendi est consentanea. 245. *Illam fretus*, ut toties Homerus πεποιθώς, pro, *cum illa*, habens illam. *agit* ante se, quis dubitet? dum volatu per auras fertur.

246—251. Famosum Atlantis nomen jam in vetere Græcia, navigantium, puto, fabulis, ut ceteræ fabulæ Libycæ, mox in carmina de Perseo, Hercule, Argonauticis receptæ et ornatae: cf. *Notas ad Apollod.* p. 681 add. p. 409. Obvia vel rudi hominum generi imago montis in viri effigiem conversi; hinc ducta frequens illa Atlantis tanquam vasti gigantis descriptio, cumque cælum inniti videatur altissimorum montium vertici, hinc Atlas cælum ferre creditus. Apud Pindar. Pyth. I, 36 Ætna ὀβριμία κίων; et Homer. Od. A, 52—54 de ipso Atlante, ἔχει δὲ τὴν κίωνος αὐτοῦ etc. et hinc alii, quos vide partim ap. Cerdam h. I. Reliqua de Atlante firmat Leo Africanus Descript.

Atlantis duri, cœlum qui vertice fulcit;
 Atlantis, cinctum assidue cui nubibus atris
 Piniferum caput et vento pulsatur et imbri;
 Nix humeros infusa tegit; tum flumina mento 250
 Præcipitant senis, et glacie riget horrida barba.
 Hic primum paribus nitens Cyllenius alis
 Constitit: hinc toto præceps se corpore ad undas
 Misit; avi similis, quæ circum litora, circum
 Piscosos scopulos, humilis volat æquora juxta. 255
 *Haud aliter terras inter cœlumque volabat;
 *Litus arenosum Libyæ ventosque secabat

247 *fulsit* aliquot Barm. 248 *Atlanti* Ven. et Goth. tert. a m. sec. qui nubibus Montalb., sed cui Prudentii quoque imitatione firmat Heins. cum n. Beda ap. eund. 249 *Piniferum* Gud. et duo Leid. *Penniferum* tert. Rottend. et *cælo* Parrhas. a m. pr. *quassatur* apud Bedam et in binis Moret. ac Donato. Hinc et emendatio Heinsiana in Silio I, 206 loco hinc expresso firmari poterat, aut, si firmata satis esset, eandem lectionem in Virgilio stabilire. *imbri* Beda et Goth. sec. *igni* Goth. pr. 250 *flamina* Goth. pr. 251 *regit* Gud. *riget* tert. Rottend. 252 *Sic et Cyllenius heros* Wall. *Nec poribus primum* Dorvill. *quamvis hic vertice cæli* Lutat. ad Stationem, sed ex lib. I, 225, uti Barm. vidit. 253 *hic t. duo* Burmann. *tanto* Goth. pr. *pectore* Ven. 254 *circum quæ* Parrhas. et sic Cuningham. e codd. Markland. 255 *contra juxta* Dorvill. et omissum *humilis*. vid. Barm. 256. 257 *Ingrati versus*, et sono in voce extrema eodem bis redeante, et impedita verborum structura. Haud facile fuit qui Maronem lege-

Afric. pag. 25. 26. *duri* recte Serv. laboriosi, propter ærumnas, quas tolerat v. 249 sqq. *Piniferum* vix proprie a poeta dici potuit; et dubites, an Libyæ juga pinus alant. cf. Plin. V, 1. Solin. c. 37. Virgilium æmulatus est Silius I, 202 sq., sed suo more, ut in singulis partibus variandis vel transferendis operam ludat.

252. *nitens* h. l. de volatu. *paribus alis*, leni volatu, ut Serv. cf. IX, 14. Cogita de eo temporis momento, cum inhibetur volatus, ut subsidat alas. 253—255. Ante oculos Odyss. E, 50—54, ubi avis *λάρος* expressa, quæ fulica esse putatur. *ad undas*, versus mare mediterraneum, quod Carthaginem attingit, *ἐξ αἰθέρος ἱμῖσι πόντιν*. In eo non argutandum, quod tam parum itineris compendi-

um fecit Mercurius, dum Atlantem prius adit, quam Carthaginem; Spectatur tantum Atlantis altum jugum, cui deus ex cœlo descendens primo loco insistit, hinc ad humiliora loca procedit. Antiquiorem poetam ante oculos eum habuisse suspicari licet, ex eorum genere, qui Persei et Herculis res fabulosa geographia involverant.

256—258. Si lectio sana esset, distinguere malim cum viris doctis post *Libyæ*; ut sit: *Mercurius volabat inter terras cœlumque* (*Μεσσηγὺς γαίης τε καὶ οὐρανοῦ ἀστερόεντος* Iliad. E, 769 de Junonis equis) ad, vel versus, *Litus Libyæ*; ut v. 253 *ad undas*. Omissio præpositionis satis frequens poetæ; et sic aurum etiam fastidio occurritur. Burmannus in

*Materno veniens ab avo Cyllenïa proles.

Ut primum alatis tetigit magalia plantis :

Ænean fundantem arces ac tecta novantem 260

Conspicit ; atque illi stellatus iaspide fulva

Ensis erat, Tyrioque ardebat murice læna,

Demissa ex humeris : dives quæ munera Dido

ret, quin ad hos versus offenderet. De structura v. not. In codd. Medic. et multis aliis Heinsii et Burmann.: ac *Libyæ*, vel et *L.*, at Gud. a m. pr. eam aliis ad *Libyæ*, quod Brannckiam prætalisse video. *ventoque* Ven. Sed hæc parum juvant. Heins. conj. *cælumque volatu*, vel *volando*. Elegantior est Bentleii emendatio ad Horat. I Od. 54 *legebat*. Tau. Faber versum alterum : *Litus arenosum* jugulabat, qui et Zulich. deest : verum, si hunc solum sustuleris, sententia manca relinquitur. Debet enim Mercurii volatus juxta mare ac littus declarari. Sunt tandem codd. Pierii et Heinsii et bini Gothani, cum Erf. a m. sec., in quibus versus *Materno veniens* præponitur alteri : *Litus arenosum* ; hoc ardebat Heinsio, cum sic ingratus sonus tollatur. At Burmann., qui docto de hoc loco egit, vulgatum ordinem (cujus etiam in fragm. Vatic. vestigia visuntur) tuetur similium versuum exemplo, imprimis lib. X, 213. 214. Ita maneret saltem hoc : esse versus similes in Virgilio, non minus male cusos. Præstat dicere, esse versus Virgillii, sed manum ultimam eos haud esse expertos. At nec minus probabilitatem habet illud, non modo unum vel alterum, sed omnes tres versus : *Haud aliter. Litus a. Materno v. deberi* inepto interpolatori, qui desiderabat comparationis apodosin, qua illa ad Mercurium transferretur. Sunt autem versus tam jejuni et salebrosi, ut vix de fraude facta dubitare liceat. Habeo quoque assentientem hæc in re sagaciss. virum Jac. Bryant : nec vereor, quin idem sensuri mecum sint viri docti, qui hæc legant. 258 In nonnullis desiderari hanc versum, notavit Ge. Fabric. 259 *allatis* duo Burm., item *magalia*. 260 *tela n.* ed. D. Heins. operarum vitio. 261 *ac illi* Goth. tert. ; an ecce illi ? fulvo Erf. In reliquis libri nil mutant. Sed defuit, arbitrator, et his manus secunda poetæ ; et Tucca cum Vario versus inchoatos coagmentarant ; finierat forte poeta alterum locum in *Conspicit*. tum alter adscriptus erat : *illi stellatus l. f.* 262 *lana, luna, leva* aberrant in *læna*. 263 *Dimissa* multi, ut solent. cf. Burm.

vulgata distinctione acquiescit, et ad scriptorum morem refert, quo verbum ad alterum tantum subjectorum proprie spectat ; ut deficiat aliud verbum simile post *Litus arenosum Libyæ* sc. peragrabat. *Materno ab avo*, per Maiam, Atlantis f. Verum de toto loco v. V. L.

259—261. *magalia*. v. sup. I, 421 *Miratur molem Æneas, magalia quondam. arces* pro munimentis urbis et pro ipsa omnino urbe. vid. sup. I, 424. 425. *fundantem*, fundamenta ponentem ; proprie, fundamentis jactis inædificantem, *tecta novantem*, privatas ædes novas educentem. cf. Burmann.

261—264. *Conspicit ; atque illi*. Offendit hæc oratio tanquam paullo

jejunior pro tali carmine, nec accurata illa vestitus descriptio in medio rerum cursu expectabatur ; jejuna manet etiam sic, si dixeris, vestitum insignem Mercurii venientis oculos in se convertisse. Est quidem hoc Homericum, ut structura reliquæ orationis relicta externam rei vel hominis speciem sensibus obijciat poeta ; verum hoc fit, quoties id ipsum vim habet ad augendum, amplificandum vel illustrandum : nunc autem quam vim habere potest hic ensis, hæc chlamys, in designando Ænea occupato in ædificandis ædibus !— Ut saltem *atque* abesset ! Sed libri nil mutant. Nec rem expedit, si ab *illi* ad *auro* parenthesin facias. *stellatus* exquisitè pro distinctus ac ful-

Fecerat, et tenui telas discreverat auro;
 Continuo invadit: Tu nunc Carthaginis altæ 265
 Fundamenta locas, pulcramque uxorius urbem
 Extruis? heu regni rerumque oblite tuarum!
 Ipse deûm tibi me claro demittit Olympo
 Regnator, cælum et terras qui numine torquet;
 Ipse hæc ferre jubet celeres mandata per auras: 270
 Quid struis? aut qua spe Libycis teris otia terris?
 Si te nulla movet tantarum gloria rerum,
 Nec super ipse tua moliris laude laborem;
 Ascanium surgentem, et spes heredis Iuli
 Respice; cui regnum Italiæ Romanaque tellus 275
 Debentur. Tali Cyllenius ore locutus

265 *vadit* tert. Rottend. a m. pr. 267 *Construis* Zulichem. 268 *claro tibi me* Menag. pr. *dimittit* multi et hic. 269 *ac terram, et terram* alii ap. Heins. *qui fulmine* Parrhas. 270 *celsas* sec. Rottend. 271 *Quis* Gud. i. omnia ed. Venet., male. 273 *Ne s.* Exc. Burm. *sua* Mentel. pr. Totus versus abest a Mediceo, cum quo convenit Goth. tert., in nonnullis manu secunda insertus aut margini adscriptus. Apud Pompon. Sab. legitur: "*Nec super secundum Apronianum.*" Videtur aliquid excidisse. Nam corrector ille Virgiliani operis (v. Tom. I post præf. de cod. Mediceo) versum hunc resciderat, ut ex Mediceo codicis lectione apparet. Vss. 271—275 facti ad vss. 232—236. Pierius nil de suis monuit: qui adeo nihil novasse videntur. 274 *spes surgentis* pr. Hamburg. Dorvill. ex lib. X, 524, aut potius ex antecod. verbis. 276 *Debetur* Hugen. et pr. Rottend. a m. pr. v. IX, 619. *vocē locutus* Dorvill.

gens, sc. in capulo et vagina. *iaspide fulva*, epitheton non urgendum. Non enim inter præstantiores sui generis fulvæ numerantur. v. Plin. XXXVII, 37, quem tamen *fulvas* iaspides omnino memorare non video, quod tamen Servius affirmat, nisi *fulva* pro subviridi accipienda, ut inf. V, 309 *fulva oliva*. ardebat ornate pro erat. *telas* int. stamina. Erat igitur vestis hæc crassa, *χλαῖνα*, ipsius Didonis manibus texta. cf. similes locos inf. XI, 73, et III, 483.

265. *invadit*. Habitum futuræ orationis ostendit. *Serv.* Malim tamen simpl. pro *aggreditur dictis*, *alloquitur*, habere dictum. 266. *uxorius*

cum dilectu dictum, ad Didonis arbitrium. 268 sq. Versus ex Iliad. A, 201. *claro Olympo*. Ὀλύμπου ἀλγήμετος. 269. *torquet* exquisitius quam movet, moderatur. Sic XII, 180 *Cuncta tuo qui bella pater sub numine torques*: regis. numine h. l. vi sua. *teris otia*, exquisite ut *consumitur, teritur tempus*. Exemplis rem firmavit Marklandus ad Stat. III Silv. 5, 60. Liv. I, 57. conf. Burmann. *surgentem* mavult dicere poeta, quam crescentem. v. I, 366 *surgentemque novæ Carthaginis urbem*. Sic *surgens seges, oleaster*. Et iterum VI, 364 *per spem surgentis Iuli*. 276—278. *tali ore*, oratione. *Serv.*

Mortales visus medio sermone reliquit,
Et procul in tenuem ex oculis evanuit auram.

At vero Æneas adspectu obmutuit amens,
Arrectæque horrore comæ, et vox faucibus hæsit. 280
Ardet abire fuga, dulcesque relinquere terras,
Attonitus tanto monitu imperioque deorum.
Heu quid agat? quo nunc reginam ambire furem
Audeat affatu? quæ prima exordia sumat?
*Atque animum nunc huc celerem, nunc dividit illuc,
*In partesque rapit varias, perque omnia versat. 286
Hæc alternanti potior sententia visa est:
Mnesthea Sergestumque vocat, fortemque Cloanthum,
Classem aptent taciti, socios ad litora cogant;
Arma parent, et, quæ sit rebus caussa novandis, 290

277 C. o. l. Mortalis Ge. Fabio. in ms. junctum viderat. in sermone aliquot Burm. relinquit Exc. Borin. 278 invenit Hagen. umbram Ven. 279 obm. uno alter Menag. 280 Erectæque pr. Hamb. pro var. lect. v. inf. V, 138. 282 imperio monitue ap. Priscian. lib. XI. 283 agit sec. Rottend. quoniam tres Burm. et ita Nonius. quoniam Leid. 284 affatum Exc. Burm. et quæ alii, sed sustulit τὸ et Heins., Pierianorum et suorum librorum auctoritate. 285 Atque omnes codd. et Schol. Craqu. Horatii II Od. 16. Importunum tamen et forte ex lib. VIII, 20 illatum, ubi duo hi versus repetuntur. Placet Heinsii conj. Utque animum, Brunck. utrumque versum omisit, suo periculo. 286 deest Gud. a m. pr., item fragm. Vatic. a m. pr. 288 fortemque Serestum optimi libri Medic. Gud. et alii ap. Pier. et Heins. et fragm. Vatic. ac duo Goth., et potest vulgata ex lib. I, 510 repetita videri; unde etiam Anthea in nonnullos venit. Mestea, Cloanta al. 289 aptant—parant Goth. sec. et tert. sociisque vulgg., sed τὸ que sustulit Heins. post Pier. secundum codd. ad limina Exo. Burm. 290 parant alter Hamb. et abest ab ed. Jant. et quæ rebus sit. Gud. cum fragm. Vatic. et binis aliis. Totum versum omittit alter Gudianus.

Discessum hunc dei non expectata
Æneæ excusatione aliquantum artis
habere, etiam Cerda vidit. cf. inf. de
Didone 388 sqq.; quanquam hoc in
deorum alloquiis frequentissimum
esse solet. cf. inf. IX, 656. 657. add.
sup. Exc. ad lib. I, 402.

279. 280. Homericæ: Στῆ δὲ τα-
φών. Ὅρσαι δὲ τρίχες ἔσταν—θαλερῇ
δὲ οἱ ἔσχετο φωνή. cf. Iliad. Ω, 358
sqq.

281—284. Egregii versus rerum
veritate et verborum dilectu. Heu?

quid agat, ut IX, 399 et al. ambire,
cum dilectu pro adire.

285. 286. Putant expressum Ho-
mericum εἰάνδιχα μεμήριξεν; et v.
287 Ὡς δὲ οἱ φρονέοντι βοάσσατο κί-
διον εἶναι; ut Iliad. Ξ, 23. II, 647—
652 et sæpe alibi. cf. Odyss. A, 228.
229. dividit efficacius quam vertit,
versat, volvit, ut V, 701. 702. alter-
nanti, varia mente tractanti. Serv.;
immo alternis animo versanti hæc.

288 seq. Forma orationis poetam
decet, pro, Hoc—optimum factu vi-

Dissimulent; sese interea, quando optima Dido
 Nesciat, et tantos rumpi non speret amores,
 Tentaturum aditus, et quæ mollissima fandi
 Tempora, quis rebus dexter modus. Ocius omnes
 Imperio læti parent, ac jussa facessunt. 295

At regina dolos (quis fallere possit amantem!)
 Præsensit, motusque excepit prima futuros;
 Omnia tuta timens. Eadem impia fama furenti
 Detulit armari classem, cursumque parari.
 Sæviti inops animi, totamque incensa per urbem 300
 Bacchatur; qualis commotis excita sacris
 Thyias, ubi audito stimulant trieterica Baccho

294 *quis* Heins. e libris, ut Virgilii mos fert. Vulg. *qui*. 295 *et j.* fragm. Vatic. *faceant* Franc. *capessunt* pr. Hamb. pro var. lect. 296 *dolo* Ven. a m. sec., scilicet ut *jungatur dolo fallere*; qui Mentel. tert., ut sit *quomodo*. Verum sic sententia jugulatur. posset aliquot Burmann. 297 *accipit* aliquot Pier. 298 *fata* Goth. tert. a m. pr. et Menag. pr. *furentis* Medic. a m. pr. et hoc illustrat Pompon. Sab. "Apronianus ait. *furentis*, sicque intelligit: eadem fama furentis Didonis detulit armari classem." Etsi hic Apronianus illam lectionem non probasse, sed damnassee videtur. 302 *Thyias* e. Bruck. recepi ad stipulante Medic. Pierii, fragm. Vatic. a m. pr. Gud. et Mentel. pr., et sic ex Velio Grammatico reponere volebat Pierius, recte puto; etsi prior in *Σύνα* natura longa est. conf. Burm. h. l. et Bentl. ad Horat. II Od. 19, 9. Est *Θυιάς* ut *Θυιάς* *ἡμετέρας* *ἱερῶν* Apollon. Rh. I, 636. *Thyas* vulgo, ut plerumque; sic et *Harpyia* male pro *Harpyia*. *Theias*, *Thias* alii vitiose, uti mox *triatrica*, *triatricha*. stimulat Dorvill. a m. sec. *trepidant* tr. Velius Longus ap. Heins. *Bacchi* fragm. Vatic., sed o adscripta.

sum est, vocare Mnestheum—eosque jubere *naves clam instruere, socios navales convocare* (cf. Odyss. Ζ, 332), *expedire armamenta navalia, et dissimulare*, qua de caussa hæc præter expectationem faciant.

293. 294. Pro: *tentaturum aditus—tempora—et modum*, qui sit rebus agendis et consiliis accommodatus. *Aditus*, ut inf. 423, de alloquio. *mollissima*, quando de discessu consilium ei exponi posset mollissime, cum minimo ejus dolore.

296 sqq. Egregie omnia hæc ad affectus amoris veritatem, multoque magis in Didonis a v. 305 sqq. oratione. Obvium est attendenti ani-

mum in talibus, singulorum dictorum vim, ac verborum dilectum, percipere et æstuantis animi signa agnoscere.

297—301. *excepit* auribus, sensu; animadvertit. *furenti* pro *ei. impia fama*, h. l. sæva, dira. *Bacchatur* summa cum vi dictum pro discursitat.

301—303. Hæc sunt vetustiora illa Bacchi orgia ac sacra *τρυαῖρικα*, tertio quoque anno a Thebanis celebrata, a Thracibus in Græciam illata, diversa ab Atheniensium Dionysiis, et inter sacra rudium hominum enthusiastica primo loco numeranda. Extra urbem in monte Cithærone

Orgia, nocturnusque vocat clamore Cithæron.
 Tandem his Ænean compellat vocibus ultro :
 Dissimulare etiam sperasti, perfide, tantum 305
 Posse nefas ? tacitusque mea decedere terra ?
 Nec te noster amor, nec te data dextera quondam,
 Nec moritura tenet crudeli funere Dido ?
 Quin etiam hiberno moliris sidere classem,
 Et mediis properas Aquilonibus ire per altum, 310
 Crudelis ? Quid ? si non arva aliena domosque
 Ignotas peteres, et Troja antiqua maneret,
 Troja per undosum peteretur classibus æquor !
 Mene fugis ? Per ego has lacrimas, dextramque tuam te,
 (Quando aliud mihi jam miseræ nihil ipsa reliqui) 315

303 *nocturnisque* Burm. e Lutat. *nocturnosque* Gud. *nocturnoque* Erf., quod ferri posset. *Cithæro* Wall. 306 *discedere* multi ap. Burm. et duo Goth. 308 *vulacre* Exc. Burm. 309 *moliri* Medic. cum aliis Heins., ut jungatur cum *properas*; non male. 310 *In mediis* pr. Hamb. *per Austrum* Goth. sec. 311 *arma* Goth. sec. a m. pr. cf. ad I, 550. *domusque* aliquot Pier. 312 *si Troja* Goth. tert., satis bene. 314 *tuamque* multi ap. Burm. sed haud dubie vitiose. *te* Apronian. lectionem esse, Pompon. Sab. monuit. 315 *relinqui* Franc. Versus deerat Parrhas., at Venetus ei præponit alte-

nocturnis discursibus religio hæc arcana a mulieribus quoque frequentabatur. Hinc singula in his versibus illustranda. *commovere sacra* (*Alas movere*, ut Valer. Fl. III, 232 *motis ululantia Dindyma sacris*. et al.) voc. proprium in sacris de initio caerimonie facto. Bene Serv. "Verbo antiquo usum tradunt. *Moveri* enim *sacra* dicebantur, cum sollennibus diebus aperiebantur templa instaurandi sacrificii caussa." Scilicet proferuntur cistæ, vasa, instituuntur thias, chori; adeoque apud eund. Valer. Fl. III, 539 *thiasos et sacra moventem*. *Baccho audito*, dum clámatur, Io Bacche! *orgia stimulant* Baccham, incenditur ejus animus inter sacras caerimonias, quas parari videt et audit. cf. loc Tryphiod. 337 sqq.

305. v. ad 296. Potuit poeta in hac Didonis expostulatione ante oculos habere alteram illam *Medeæ* ap. Apollon. IV, 356 sqq.; diversa tamen *Medeæ* et *Didonis* conditio ac fortuna, nisi quod utraque pudorem violaverat. Comparat cum iisdem *Ariadnes* querelas Ursin. apud Catull. LXI, 133 sqq.

309. *hiberno sidere* ut Georg. I, 1 *quo sidere*: quoniam ad siderum ortus et occasus navigatio fiebat; instante autem jam ea anni parte, qua tempestates et procellæ crebriores esse solent, classem ædificabat Æneas. cf. sup. ad 52. Exc. II ad lib. III.

311—313. Atqui hoc, mari procellis turbato navigare, ne tum quidem faceres, si reditus in patriam pateret.

315. *aliud nihil*, scil. quod sperare

Per connubia nostra, per inceptos Hymenæos;
 Si bene quid de te merui, fuit aut tibi quidquam
 Dulce meum: miserere domus labentis, et istam,
 Oro, si quis adhuc precibus locus, exue mentem.
 Te propter Libycæ gentes Nomadumque tyranni 320
 Odere; infensi Tyrii; te propter eundem
 Extinctus pudor, et, qua sola sidera adibam,
 Fama prior; cui me moribundam deseris, hospes?
 Hoc solum nomen quoniam de conjuge restat.
 Quid moror? an mea Pygmalion dum mœnia frater 325
 Destruat, aut captam ducat Gætulus Iarbas?
 Saltem si qua mihi de te suscepta fuisset
 Ante fugam suboles; si quis mihi parvulus aula
 Luderet Æneas, qui te tamen ore referret;
 Non equidem omnino capta ac deserta viderer. 330

rum: *Per connubia n.* 316 *inceptosque* aliquot Barm. 320 *Libyæ* pr. Moret. et sic Arasian. Messius ap. Heins. *Libie* Dorvill. *Numadumque* multi et *Numidumque*. Hoc jam Pierius præferebat. Sed Græcum poetæ haud dubie placuit. *Numidaque* sec. Moret. cf. inf. 535 et al. 321 *et te* pr. Hamb. 323 *Cur me* duo Barm., male. *morituram* legitur ap. Priscian. lib. XIII, aliter scripti. 326 *Destruit* pr. Moret. et Exc. Barm. *an captam* sec. Moret. 328 *parvus in aula* tres Heins., sed vulgatam tætor Juvenalis imitatio Sat. V, 138 *nullus tibi parvulus aula Luserit Æneas*; et Catulli exemplum LVIII, 216. 329 *qui te tamen* a Medic. et aliis præstantioribus etiam Pier., et Arasiano Messio, Heinsius, post Bened. Vulgo: *qui te tantum*, alii *qui tantum te*. 330 aut alii codd. et edd. ante Heins. *ac destructa* Paget. *videret* Menag. alter.

de me possis. Comparant Eurip. locum (in Iphig. in Aul. 909 sq.) Hec. 818 sq. et v. 316 sq. Iliad. O. 39. *incepti Hymenæi* v. 316 sunt recentes, nihil aliud, adeoque ipsa novitate dulces, ut Serv. 317. *aut si tibi fuit quidquam dulce* a me profectum, ex me, *quidquam meum*. Similis locus Pindari Ol. I, 121 *αἰ τὶ ἐς χάριν τῖλλεται*. Mox 320 *Libycæ gentes*, in his *Iarbas*, Numidarum tyrannus. v. sup. 196 sqq.

320—324. "Dicitur ingenti affectu hos versus pronuntiasse (Virgilius), cum privatim paucis presentibus recitaret Augusto; nam recita-

vit primum libros tertium et quartum." Hæc Serv. et ex eo Pompon. Sab. cf. Vita Virg. §. 46; et sunt sine dubio versus tales, ut vel legentis vel audientis animum commoveant. Profecit ex iis Ovid. Epist. Didus v. 121 sqq. *Fama prior*, quam habui ante tuum adventum. *de conjuge*, hoc solum nomen (sc. *hospes*) mihi restat de te, qui fueras antea conjux. conf. Burmannus.

325—330. *Quid moror?* quin statim moriar. *Pygmalion dum mœnia destruat*: propter illa quæ exposita sunt sup. I, 360 sqq. *Luderet* ornate et suaviter pro esset regni heres.

Dixerat. Ille Jovis monitis immota tenebat
 Lumina, et obnixus curam sub corde premebat.
 Tandem pauca refert : Ego te, quæ plurima fando
 Enumerare vales, nunquam, Regina, negabo
 Promeritam ; nec me meminisse pigebit Elissæ ; 335
 Dum memor ipse mei, dum spiritus hos regit artus.
 Pro re pauca loquar. Neque ego hanc abscondere furto
 Speravi, ne finge, fugam ; nec conjugis unquam
 Prætendi tædas, aut hæc in fœdera veni.
 Me si fata meis paterentur ducere vitam 340
 Auspiciis, et sponte mea componere curas :
 Urbem Trojanam primum dulcesque meorum
 Reliquias colerem ; Priami tecta alta manerent ;
 Et recidiva manu posuissem Pergama victis.

331 *invicta* Goth. tert., non *inficte*. 332 *tenebat* alter Hamb., sed v. lib. I, 211.
 335 *nec te* Serv. ad I Æn. 74. *Elissæ* Heins. cum Mediceo et melioribus ; et sic
 Græcis Ἐλισσα. Vulgg. *Elisa*. 336 *Dum meminisse* Wall. *regit* Heins. e Medic. et
 aliis. Vulgo *reget*, quod in pedestri sermone dicendum esset ; alii *regat*. tert. Moret.
regis. 337 *Pro te* ed. Dan. Heinsii, male. v. Burm. *loquor* sec. Rottend. et tres Burm.
ego deest ibidem in nonnullis. *furtim* pr. Moret., ut alibi. conf. Burmann. 338 *nec*
finge tres Burm. cum Goth. tert. *ne conj.* Exc. Burm. 339 *haud hæc* Goth. pr.
 340 *voluissent d.* unus Pierii. 341 *aut sponte* Hamb. alt. *meas* idem cum aliquot
 aliis. *deponere* Uratist. 343 *et ante Priami* secundum eodd. Pierii et suos *sustulit*
 Heins. 344 *Si Aut r.* legas, sententias aliter jungere licet : *Priami t. a. manerent*,
Aut r. ad mei animi votum, aut superesset Troja, aut a me restitueretur. *recidiva* aliquot
 Pier., sollenni varietate.

capta de deserta graviter pro, *relicta*
 a te, cum respectu ad Iarham v. 326,
 cui relinquitur captiva abducenda.
 Ceterum qui v. 328 reprehendunt,
 nostris moribus rem aestimant ; quod
 in vetere poeta et in heroum vita pa-
 rum recte fit.

331 sqq. *immota*, ut nec adspice-
 ret et miserationem Didonis vultu
 argueret. Unde 369 *Num fletu in-*
gemuit nostro ? num lumina flexit ?
curam, h. l. dolorem. *tandem*, ὅτε δὲ
 δὴ Homericum.

335. Comparant Iliad. X, 387. 388.
 verba Achillis de Patroclo.—336.
 εἰσὶν δ' αὖτ' ἐν Ἐν στήθεσσι μὲν Home-

ricum, ut Iliad. I, 605 et alibi.

338 seq. *Prætendi* accipiunt, præ-
 tuli. Sane nota res est τὸ ἐάδουχον
 in nuptiis. Sed non ipse sponsus fa-
 ces fert. Malim eo sensu positum,
 quo v. 172 *prætexere* ; ut se nunquam
tædas, justas nuptias, *prætendisse*,
 præ se tulisse, suæ cum Didone con-
 suetudini nomen justī matrimonii
 nunquam tribuisse, dicat ; nec hæc
in fœdera, h. e. in has leges, consen-
 si, ut conjux essem. Et sic jam
 Guellium accepisse video.

340—344. Comparant Odys. II,
 148 sq. *meis auspiciis*, qs. meo du-
 ctu, idem quod *sponte mea*, sed orna

Sed nunc Italiam magnam Gryneus Apollo, 345
 Italiam Lyciæ jussere capessere sortes.
 Hic amor, hæc patria est. Si te Carthaginis arces
 Phœnissam, Libycæque adspectus detinet urbis :
 Quæ tandem, Ausonia Teucros considerare terra,
 Invidia est ? Et nos fas extera quærere regna. 350
 Me patris Anchisæ, quoties humentibus umbris
 Nox operit terras, quoties astra ignea surgunt,

345 *Grineus, Crineus, Crynaus*, passim scribitur vitiose. Est enim *Γελνιος*. *Cirrhæus* pr. Hamb. pro var. lect., quod per se non malum esset, a Cirrha prope Delphos ductum. *crinitus* uu. Guelpherb. in Exc. Sax. 356 *visere capess.* Goth. sec., inscitia librarii. 347 *hic patria est* tres Heins. *Carth. alter* Ven. et Gud. pro var. lect. 348 *Libycæ* Dorvill. affectus Hamb. alt. *demeret* Servius in novis (bonis) et emendatis libris legi testatur; quod J. Fr. Gronovio Obs. IV, 9. pag. 130 et Heinsio arridebat. Sed illud dictum recte per se, alienum tamen a loci sententia, bene refellit Burm., et *detinet* inestur tanquam quod proprium hac in re sit. 349 *Teucro* Hugen. *Troas* Ven. *consistere* duo Burm., perpetua variet. v. ad VI, 67.

tius, meo lubitu ac voluntate. *componere curas*, exquisite, res ordinare: nam *curæ* pro studiis, negotiis, et de v. *componere* cf. sup. ad I, 249. Si mihi vivere liceret, ubi vellem, tamen vel sic ceteris omnibus præferrem hoc, ut locum veteris Trojæ incolerem urbemque eversam reficerem; tantum abest, ut Carthagine vitam exigere malim. Argutantur interpretes. *Reliquias meorum* aliter vix intelligas, quam cineres et ossa, adeoque loca ac sepulcra, in quibus illa condita sunt. *Priami tecta manerent*: superessent adhuc, scil. restituta a me. Nam alterum jejunum esset: voluisssem Trojam non everti! *recidiva Pergama*; delectatur hac voce Virgilius et alibi, sive a surculis sive a semine repullulascante petita; *recidiva posuisssem*, restituissem, iterum excitassem. Tribus autem modis eandem rem declaravit; ne forte in animum veniat legere *Aut recidiva*, vel cum Burmann. *colerem* pro *coluisssem* positum putare; Dicendum potius, *posuisssem* pro *ponerem*

dictum. Sed et alterum recte.

345. 346. Omnino Apollinis oraculum Deli (sup. III, 94 sqq.) acceptum significari, Servius volebat, et cum eo alii, quos vidi. Ita tamen vix locum haberet, frigeret utique, repetitio illa: *Gryneus Apollo* (a Grynio Æolidis, conf. ad Ecl. VI, 72) et *Lyciæ sortes* (sup. 143): malim itaque ad responsa Apollinis referre in utroque templo, et illo apud Myrinam Æolidis, et hoc ad Patara, accepto. Plura autem hujusmodi vaticinia ac sortes Æneæ in Italiam adventum prædixisse, supra vidimus in Disquis. de Æneid. Invent. §. VI sq. Ex iisdem priscis historiis ducta somnia v. 350 sq., ut ibidem notavimus.

347. *Hic amor*, cum vi dictum de patria, quam amat, colit, cujus tanta caritas est, sup. III, 134 *Hortor amare focos*. 350. *Quæ invidia est?* quid vetat, quominus id fiat? ut passim φθόνον et invidere. v. Burmann. 351. Comparant Iliad. ♀, 105 sq. *surgunt*, oriuntur: v. I Georg. 440.

Admonet in somnis et turbida terret imago.
 Me puer Ascanius, capitisque injuria cari,
 Quem regno Hesperiae fraudo et fatalibus arvis. 355
 Nunc etiam Interpres divum, Jove missus ab ipso,
 (Testor utrumque caput) celeres mandata per auras
 Detulit. Ipse deum manifesto in lumine vidi
 Intransem muros, vocemque his auribus hausì.
 Desine meque tuis incendere teque querelis; 360
 Italiam non sponte sequor.
 Talia dicentem jamdudum aversa tuetur,
 Huc illuc volvens oculos, totumque pererrat
 Luminibus tacitis, et sic accensa profatur:
 Nec tibi diva parens, generis nec Dardanus auctor, 365

353 *insomnis una voce* Franc. et Reg. v. ad II, 220. *noctis imago* Hugen., lapsu librarii. 354 *capitisque injuria sacri* Ven. et Uratisl. 355 *et deest* Zulich., non male. 356 *Huc etiam* Hugen. *rursus ab* Goth. tert., imperitia librarii. *ab alto* aliquot codd. ap. Heins. et Burmannus, quem vide. 357 *utrumque* Goth. pr. 358 *in deest* Witt. Wall. Erf. *limine tres*, ut al. 360 *Dum sine* Goth. tert. *meque teque* vid. Burm. ad Lucan. IX, 985. *incessere* pr. Hamb. pro var. lect. *querellis* velustiores libri Pier. et Heins. 361 *quero* Dorvill. indocto ex interpretamento: cf. mox ad 381. 362 *multi adversa*, pessime; etsi Burmanno non displiceat. *versa* Dorvill. 364 *precatur* ed. Cerdæ; nescio an et aliæ, obvio lapsu.

353. *turbida imago*, turbata, tristis, ut V, 695, ita verius Serv. Ad 354 conf. sup. 234 sq.

356 sqq. Adornata verba, ut Iliad. Q, 223. *utrumque caput*, meum ac tuum. Hoc in verbis ad Didonem habitis magis consentaneum, quam, si Æneæ et Ascanii intelligas. Formula jurandi ipsa satis est nota, nec de ea quaeritur. Mox, *manifesto in lumine*, ut solent dii mortalibus occurrere, *ἐναργῆ*, Homerica voce; ut Iliad. γ, 130. Odyss. II, 161. v. Exc. XIII ad I, 402. *ἰσίδρακον ἀντην* Iliad. Q, 223.

360. Iliad. I, 608 *Μῆ μοι σύγχει θυμὸν δδνρόμενος καὶ ἀχέων Ἀτρεΐδῃ ἥρωϊ φίρων χάριν*, incendere, quam opportune positum! commovere, lu-

ctu, dolore et ira exasperare. Cerdæ laudat Catulli: *Nostros ut luctus, nostræque incendia mentis* (LXI, 226). Etiam ap. Valer. Fl. VII, 243. de Medea: *Perpetior dura jamdudum incendia mentis*.

362—364. Egregia animi tumidi representatio. *aversa*, adeoque oblique, torve, cf. Cerdæ. *Luminibus tacitis*, h. e. ipsa tacens. Sic VII, 343 est *tacitum limen Amatae*. Non audiendus Burm. Eodem sensu Apollon. II, 49 *σῖγα ἐς αὐτὸν ἔχ' ὄμματα*.

365 sqq. Orationis hujus, cum vehementissimis ac gravissimis affectibus insurgat, vim ac virtutem omnes, qui legunt, animadvertunt, et unusquisque facile percipiat. Primæ lineæ in Patrocli ad Achillem

Perfide ; sed duris genuit te cautibus horrens
 Caucasus, Hyrcanæque admorunt ubera tigres.
 Nam quid dissimulo ? aut quæ me ad majora reservo ?
 Num fletu ingemuit nostro ? num lumina flexit ? 369
 Num lacrimas victus dedit, aut miseratus amantem est ?
 Quæ quibus anteferam ? Jam, jam, nec maxima Juno,
 Nec Saturnius hæc oculis pater adspicit æquis.

366 seu d. Schol. Horat. I Od. 21. durus Oud. cotibus Wall. 367 Hyrcaniaque Goth. tert., ut ap. Dionys. Perieg. 690. 699. sed est librarii vitium. 368 quod Rottend. tert., unde Heins. quo dissimulo aut quo me. Porro quatuor Burm. aut quid me, quod Burmanno non displicebat. qui me Dorvill., quod et ipsum esse possit qui, quomodo. Gravius tamen ad sensum illud alterum: quæ me ad majora reservo ? inest enim, quid me reservo ad majora ? et alterum: ad quæ majora ? et convenit: quæ quibus anteferam ? Jo. Schraderus, qui et ipse impeditum se senserat, emendabat in schedis: quæ me ad meliora reservo ? 369 Non, non, Non ter pro num aliquot ap. Burm. Alii modo num modo non, ex more. Nunc fluctu Medic. l. trazit Hamb. pr. a m. pr. texit Mentel. pr., an pro tinxit ? 370 haud mis. duo Burm. miseretur duo alii. est omittunt multi, male hoc quidem loco. 371 ante feram divisim multi. non et neque tres Burmann. 372 inspicit Menag. pr., etiam bene.

verbis sunt: Νηλεΐς. οὐκ ἄρα σοὶ γε etc. Iliad. II, 33 sqq., unde quis poetarum idem non expressit ! cf. Cerda et sup. Ecl. VII, 43 sqq. *Caucasus* et *Hyrcanæ tigres* poeticæ tantum Didoni, non veræ, conveniunt ; nec Homerus ad talia deflexit. Multo tamen magis naturæ rerum ac veritati consentanea sunt, quam Andromachæ verba apud Euripid. Troad. v. 761 sqq. *Caspian tigres* Seneca Herc. Cæt. 145 et *Caucasias* Silius IV, 533 memorat. De aliis Hyrcanis, quam de Caspiis, vix quisquam hic cogitaret, nisi Servius Hyrcanos Arabiæ (de quibus Freretius inter alios ap. Burmann. ad h. l. et Bryant Analys. T. I, p. 209 videndi) huc advocasset ; quod si auctoritate interpretum priorum fecit, tenendum est. Nam habet Arabia tigres, et Bacchum inde reducem tigris vectum exhibet poetarum ratio. Sed grammatico acumini res propior ac similior est.

368. Nam quorsum me contineo ?

quasi verendum sit, ne cum ira exasperem ? an majorem ullam injuriam ac contumeliam accipere, gravius quidquam et durius ex hoc homine audire possum (hoc est: quæ me ad majora reservo, ad majores injurias ? Is enim, qui, injuriam expertus, dissimulat tamen, aut expectat fore, ut mens alterius mutetur et poenitentia succedat ; vel ut melior sors et fortuna succedat ; aut veretur, ne malum sibi majus, majorem injuriam, arcessat. Alterum hoc postulat vox *ad majora* ; prius postularet, meliora, leviora seu leniora). In sqq. etiam hoc observa, quam egregie hoc ad dolorem et animi æstum valeat, quod repente tertia persona utitur !

371. *Quæ quibus anteferam ?* scil. tanquam leniora durioribus ? his quid præferam ? quid magis pati velim ? h. e. Annon hæc extrema sunt ? durissima et gravissima, quibus contumeliosius quidquam ne cogitari quidem possit ? ut adeo illud locum habere nequeat, ferenda esse hæc

Nusquam tuta fides. Ejectum litore, egentem
 Excepi, et regni demens in parte locavi;
 Amissam classem, socios, a morte reduxi. 375
 Heu Furiis incensa feror! Nunc augur Apollo,
 Nunc Lyciæ sortes, nunc et Jove missus ab ipso
 Interpres divum fert horrida jussa per auras.
 Scilicet is Superis labor est; ea cura quietos
 Sollicitat. Neque te teneo, neque dicta refello. 380
 I, sequere Italiam ventis; Pete regna per undas.

373 *Nusquam est t.* aliquot Pier., male ad sententiæ brevitatem. *litore egentem* olim junxerant Serv. et Prisc., merito improbatum a viris doctis. *litore, est, in litore.* vid. Burm. vel in litas. 374 *Suscepi* Priscian. et Codex ap. Pier., sed vulgatam etiam Seneca habet lib. VII de Benef. 24. et *regem in p.* Goth. sec. 375 *Ejectam* cl. Prisc. lib. VII et sup. versu. *classim* dao Heins. v. sup. ad III, 5. *sociosque* vel, et s. multū, ut solet copula male intrudi. Potest hic versus post superiorem languidior videri: itaque Jac. Bryant V. C. eum delendum esse censebat. 376 *auctor A. Hugen.* 377 et abest a Franc. *ab alto* alt. Hamb. cum Exc. Burm. v. sup. 356. 378 *durum fert* Goth. sec. h. *dicta* Medic. et Colot. Ursini. Eadem varietas sup. v. 226. 379 *his* S. vulg. ante Pier. et sic aliquot codd. ap. Heins. *hic Probus et Schol.* Statii ap. eund. Versum Fuscus recitabat apud Senecam Suasor. p. 31. 380 *Sollicitet* alter Hamb. 381 *Post Italiam* distinguunt codd. multi, at alii cum Lutatio et Rufiniano ap. Burm. alteram rationem servant. *Insequere* Zulich. et Leid. un. a m. pr. cum binis Goth. ex interpretatione *totū sequere*, quod h. l. est *pete, quare*, ut adeas, ut paullo ante 361. *Italiam non sponte, sequor.* Unde V, 628 *dum per mare magnum Italiam sequimur fugientem.* ut *avia cursu dum sequor*: II, 736. *per auras* Wall. ex 378 cum Goth. tert. a m. pr.

tanquam modica, ne graviora experiar. Hanc sententiam mihi quidem locus, verba et ipse affectus postulare videntur. Vulgo accipiunt vel, quæ prius, quæ posterius, dicam? Ita et Servius; vel, quæ aliis majora dicam?

373—376. Divina plane hæc, sententiarum et verborum gravitate! Et omnino magna suavitas ad amantis deceptæ sensum in his querelis de perfidia et ingrato animo. Ceterum ante oculos fuisse videtur primum Calypso Odys. E, 130 sq., tum Euripidis Medea v. 476 sqq., forte et Ariadne Catulli in Epithal. 149 sqq. *regni in parte*: sup. 214 *dominum Ænean in regna recepit.* *amissam classem* sc. renovavi et reduxi. Serv.; classem, quæ in summo discrimine

versabatur, ut jam pro amissa haberi posset, una cum Trojanis ad loca tuta reduci jussi. Cum hæc enumerasset in Æneam merita ac beneficia sua, dolore et furiis tantæ viri perfidiæ amens subjicit: *Heu Furiis incensa feror!* Nunc aliquamdiu oratione subsistere putanda; sicut omnino per intervalla singulæ sententiæ pronuntiandæ. Imprimis hoc tenendum v. 380 et post 381.

378. 379. *horrida jussa*, quibus parere aliquis horreat adeoque hætenus terribilia. *quietos pro eos*; at quanta cum vi! Consentit Epicureum dogma, nec tamen ad hoc respexisse dici debet Dido. In seqq. artem poetæ animadvertite in reddenda veritate sensuum amantis sprete.

381. Comparant illa Agamemno-

Spero equidem mediis, si quid pia numina possunt,
 Supplicia hausurum scopulis, et nomine Dido
 Sæpe vocaturum. Sequar atris ignibus absens ;
 Et, quum frigida mors anima seduxerit artus, 385
 Omnibus Umbra locis adero. Dabis, improbe, pœnas.
 Audiam ; et hæc Manes veniet mihi fama sub imos.
 His medium dictis sermonem abrumpit, et auras
 Ægra fugit, seque ex oculis avertit et aufert ;
 Linquens multa metu cunctantem, et multa parantem
 Dicere. Suscipiunt famulæ, collapsaque membra 391
 Marmoreo referunt thalamo, stratisque reponunt.

382 in mediis Parrhas. possint alter Hamb. poscunt Medic. a m. pr. 383 Supplicio hausurum fuisse olim, qui emendarent, propter insolentiam voc. hausurus. In Witt. erat hausturum, vulgatiore ratione. haurire pœnas, vel ex haurire, est pro accipere, adeoque luctu, dare pœnas : modo v. 359 vocem haurire vidimus, h. e. accipere, audire ; uti alias est excipere, recipere, uti et bibere. Hæsero in verbi usu viri docti. nomina Wall. numine al. ap. Borm. Didum alicubi lectum Pierius narrat. 384 Sequor alter Hamb. a. i. ardens Sprot. 385 subduxerit aliquot Pier, alter Voss. Leid. et Wall. cum Goth. pr. Sed seducere, pro abducere, separare, amant passim poetæ, ut vel Indices docent. secluserit Leid. et ed. Ven., quæ varietas et sup. I, 562 occurrebat. eduxerit Servius legisse videri potest. animæ Pierius perperam Servio obtrudebat. 388 abruptit aliquot Barm. et Goth. tert. obrumpit Sprot. 390 cuncta metu Exc. Borm. sectantem Wall. a m. pr. volentem Medic. cum Heins. et Pierianis ac multis aliis, solita variatione. Qui apud Serv. Linquens pro delinquens, deficiens, accipere, in seqq. debuere jungere : multa—dicere suscipiunt f. 392 Marmoreum thalamum pro in, nec hoc indocte, Moret. pr. et Exc. Barm.

nis : Φεύγε μᾶν etc. Iliad. A. 173. 382. mediis scopulis vel in medio mari, vel potius poetica ratione, inter scopulos, naufragio facto. Te supplicia esse hausurum, daturum pœnas. vid. Var. Lect. pia numina, a miseratione. 384. Sequar atris ignibus, multa arguantur passim interpretes. cf. Serv. Ducunt utique atri ignes ad rogam ; voc. tamen, sequar, parum convenit, ut sit, prosequar te mortem mihi illata. Præstat Furiarum faces, quæ et ipsæ per ignes atros declarari solent, huc revocare, ut Servius primo loco : Invocatas tibi immittam Diras, et Cerda. Vocabis moribundus Didonem ; tunc Furie sceleris in me commissi tibi observabuntur ; siye : ego, etsi absens,

tibi occurram tanquam ex Furiis una et faces intentabo oculis. cf. Sueton. Ner. 34 et inf. v. 472. Forte Apollonium ante oculos habuit IV, 386 sq. Nunc Ovidii levitatem compara Epist. VII, 65 sqq. 385. anima seduxerit artus, exquisite, sejunxerit. Vulgare est, animam ab artubus. Anima,—Umbra—Manes cf. ad Tibull. III, 2, 15. 387. Audiam apud inferos, te dedisse pœnas. Qui loquendi modus et alibi occurrit. cf. Ursin. Apud Pindar. Ol. XIV, 29 Fama ad inferos parenti nuntiat victoriam filii.

388—392. Abrupto utique hoc sermone nihil disertius, nihil eloquentius, dici poterat. 390. metu, dubitatione auras fugit, lucem : tædet

At pius Æneas, quanquam lenire dolentem
 Solando cupit, et dictis avertere curas;
 Multa gemens, magnoque animum labefactus amore;
 Jussa tamen divûm exequitur, classemque revisit. 396
 Tum vero Teucri incumbunt, et litore celsas
 Deducunt toto naves. Natat uncta carina;
 Frondentesque ferunt remos et robora silvis
 Infabricata, fugæ studio. 400
 Migrantes cernas, totaque ex urbe ruentes,
 Ac veluti, ingentem formicæ farris acervum
 Quum populant, hiemis memores, tectoque reponunt:

393 *dolorem* tres Burm. 395 *Deerat* versus Parrhas. 396 *sequitur* tres Burm. *classimque* Sprot. 398 *tuto* Uratist. 399 *ramos* multi Heins. et Burm., *facili lapsu*. Sed et *Frondentes* remi exquisitius quid, quam *f. ramus*; etsi alias *ramus*, *truncus*, *trabs*, eleganter pro *remo* dici possit. 400 *fugæ studio*. Desunt hæc pr. Rot-tend. a m. sec. 402 *velut* Medic. cum aliis. Sic et inf. v. 441. Sed junctura ver-suum omnino nondum satis elaborata est. Deficit comparisonis apodosis: *Ac veluti*: —Sic. quæ non uno modo institui potest, vel simpliciter suppl. *ac sic ruentes videas, veluti formicæ ruunt, quum populant*—vel ex sqq. *ac*—eunt, incedunt, *velut it nigram campis agmen*—Ita illa: *ingentem formicæ*—reponunt, sunt in medio posita. Potest tandem ordo fieri: *ac*—*opere omnis semita fervet, veluti, quum formicæ populant. acervum* Gud. ex more suo. 403 *Comportant* Lactant. de Ira Dei c. 7, memorie vitio.

cœli convexa tueri inf. 451, in thalamum se recipere putanda. *agra* præclare, quippe mox deliquium animi passura; sed adhuc vires sumit ab iræ æstu. Reliquorum vide ornatum pro, suscipiunt eam et reportant in thalamum.

393—395. Ornate, quanquam eam solari cupiebat. Multum dolens *πολλά γ' ὀδυρόμενος*) et amore ardens.

397. *Incumbunt*, non remis; sed omnino de studio: cf. inf. IX, 73. Comparant Iliad. Δ, 223 sq. de Agamemnone. Malim illa memorare, Iliad. B, 149 sqq., ubi Achivi de discessu cogitant. Mox *uncta*, pice delibuta, *Serv. fugæ*, celeris profectio- nis, ut poetæ solent, etiam Græci in *φύγη, φύγειν*.

402—407. Accepit ab Apollonio,

IV, 1452 de Minyis ad aquam reper- tam convolantibus, sed egregie orna- vit. Dignitate comparisonem ca- rere, censuerunt multi. cf. Burm. forte quod cardinem comparisonis non videbant in festinationis notione verti, non autem in ipso animantis genere. Bene Serv. *ad studium re- spicit comparatio h. l., non ad perso- nas*. A parvis rebus et animalibus ex- empla passim petuntur, non modo Homero, v. c. a muscis Iliad. II, 641 sq. B. 469, sed etiam castigatioribus, ut ap. Apollon. l. c. a formicis et muscis, IV, 1298 a pullis, et sic por- ro. Noster autem etiam oratione et dilectu verborum, quæ ab hominum vita transtulit, rei dignationem fecit: *populant, tecto*, pro caverna, *it campis agmen, prædam convectant, humeris obnixæ* etc. *Ac* supple, *ruentes ex ur-*

It nigrum campis agmen, prædamque per herbas
 Convectant calle angusto; pars grandia trudunt 405
 Obnixæ frumenta humeris: pars agmina cogunt,
 Castigantque moras; opere omnis semita fervet.
 Quis tibi tunc, Dido, cernenti talia sensus!
 Quosve dabas gemitus, quum litora fervere late
 Prospiceres arce ex summa, totumque videres 410
 Misceri ante oculos tantis clamoribus æquor!
 Improbe amor, quid non mortalia pectora cogis!
 Ire iterum in lacrimas, iterum tentare precando
 Cogitur; et supplex animos submittere amanti:
 Ne quid inexpertum frustra moritura relinquit. 415

404 *Et Sprot. nigris campum* Exc. Burm. a m. pr. *per herbam* Nonius, et sic Leid. un. et Goth. tert. 405 *Convectat* Witt. collo Leid. 406 *Obnixæ* al. 407 *moras opera: omnis* Heins. laudat ex Medic. et Junt. ed. Sed in illis ut et in aliis edd. est: *moras: opera omnis*; et est correctum *opere* in Medic. *fervet*; mox 409 *fervere*; tamen nunc in *fervet* consensus est. 408 *Quis tibi nunc* Burmanni emendationi deberi videtur, secundum poeticæ orationis usum. Heinsius ediderat: *tunc*; et vulgo libri habent: *tunc vel tum, vel dum*. D. Heinsii editio habebat: *Quæ tibi*. 410 *Aspiceres* Parrhas. et pro *ex* a pr. m. Medic. *vastumque* v. Wall. 411 *vastis clamoribus* Wall. 412 *corpora* Wall. a m. pr. 414 *animum multi passim* ap. Pier. et Burm. et al., sed poeticus est pluralis numerus. 415 *Nec quid* Wall. Forte placet interpungere: *ne quid inexpertum (frustra!) moritura, relinquit*, h. e. frustra! cum moritura esset; ut poeta de suo interponat; sed est nimis subtile hoc.

be sic, *veluti* ruunt formicæ etc. Nisi magis ex poetæ mente probanda est alia interpunctio; ac—*opere omnis semita fervet*, interpositis comparantibus: *veluti semita fervet, quum ingentem formicæ—reponunt*; nunc reliqua ornant comparisonem. *hiemis memores*. Notus Horatii locus I Sat. 1, 35. *It nigrum campis agmen*, "Hemistichium Ennii de elephantis dictum, quo ante Accius est usus de Indis." *Serv. calle angusto*, proprie ex formicarum natura, *ἀνὶ πλατῶν ἀρπαδὼν πύρρες βαλίζοναι*, Aristot. H. A. IX, 38. *trudunt*, quæ portare non possunt, *Serv. moras* exquisite pro tardos, morantes, et statim *opere pro iis*, quæ opus faciunt, formicis. Lo-

cum etiam Plinius in animo habuit lib. XI, 31. s. 36.

408. Oratoria apostrophe quam vim h. l. habeat, facile intelligitur. *litora fervere* (quod inf. 416 *properari*) doctius quam, Troianos in litore; sic et v. 411 *misceri æquor* pro clamores misceri in æquore.

412. Color ex Apollon. IV, 446, quando Medea Absyrtum jugulat. *ire in lacrimas*, quod vulgari ratione procedere, descendere, ad lacrimas. 414. *animos* non male pro *iras* accipiunt nonnulli apud Serv. Potest et altos, superbos, spiritus declarare. 415. Servius ita accipit, ut *frustra* ex poetæ iudicio dictum sit: ut omnia experiatur; sed frustra! Scilicet

Anna, vides toto properari litore; circum
 Undique convenere; vocat jam carbasus auras;
 Puppibus et læti nautæ imposuere coronas.
 Hunc ego si potui tantum sperare dolorem,
 Et perferre, soror, potero. Miserae hoc tamen unum
 Exequere, Anna, mihi; solam nam perfidus ille 421
 Te colere, arcanos etiam tibi credere sensus;
 Sola viri molles aditus, et tempora noras.
 I, soror, atque hostem supplex affare superbum:

416 *litore; circum Undique convenere* utique distinguendum cum Marklando ad Stat. II Silv. 3, 13 idque recepi pro: *pr. litore circum: Undique c.* De interpunctione codices frustra consulas. *litore cursu Parrhas.* 418 *posuere* Wall. Idem versus sup. I Georg. 304. 419 *tantum potui* aliquot ap. Barm. *spectare d.* emendabat Stephan. de Latin. Lipsii p. 469, quod Barmannus Secundus ad Anthol. p. 721 extr. probare videtur. Sed v. Not. 421 *Nam solam* Dorvill. s. *jam* Goth. pr. 422 *arcanas—mentes* Parrhas. 423 *ut t.* Witt.

turbabat illa vox, cum quaereretur de verborum ordine. Alii jungunt: *frustra moritura*, sc. si quicquam intentatum reliquisset. Qui mala patitur, quæ opera et studio suo avertere poterat, subit ea nullo cum fructu, frustra: quia iis carere potuerat. Saltem melior locus τῶν *frustra* in structura exputari nequit.

416—440. Commentum poetæ est ingeniosum, et, quod Aristoteles diceret (de poetica c. 24) πρὸς τὸν τοῦ ποιήματος ὄγκον faciens, quod Annæ sororis ad Æneam allegatæ opera utitur Dido; tanto enim gravior esse debet dolor, quo magis omnia expertus fueris, etiam iis, quæ indigna essent, tentatis.

417. *convenere* v. sup. 289, *vocat auras* velum v. sup. ad v. 223. *coronas* ex more in re læta et h. l. in discessu optato, uti alias ex victo hoste, vel salvo reditu, vel festo die, et in re sacra. Quod non agnoscere voluisse videntur veteres Grammatici, qui versus reprehendebant, forte

tanquam ex Georg. I, 304 repetitum. Apud Servium: *Probus sane sic annotavit: si hunc versus omitteret, melius fecisset.*

419. *si potui*; quod ad vulgarem modum diceret: *si debui.* Quandoquidem dolor hic mihi ab initio expectandus, metuendus, erat (nam prævidere hunc Æneæ discessum poteram ac debebam, quippe qui in Italiam tenderet); itaque pectus puto satis me esse firmaturam ad eum perferendum. Quæ prævidere aliquis potuerat, tanquam quæ, rebus ita ferentibus, evadere poterant, ea, si evenerint, ferenda sunt, tanquam humana, h. e. quæ, natura rerum sic constituta, in hominem cadunt.

423. *molles aditus.* tempus ac modum, quo mollis animus esset ad audiendum. sup. v. 293 *Tentaturum aditus, et quæ mollissima fandi Tempora, quis rebus dexter modus.* Mox hostem graviter, ex affectu; infestum, odiosum virum. Male de hoste pro hospite dicto cogitant.

Non ego cum Danais Trojanam excindere gentem
 Aulide juravi, classemve ad Pergama misi; 426
 Nec patris Anchisæ cinerem Manseve revelli:
 Cur mea dicta negat duras demittere in aures?
 Quo ruit? extremum hoc miseræ det munus amanti:
 Expectet facilemque fugam, ventosque ferentes. 430
 Non jam conjugium antiquum, quod prodidit, oro;
 Nec pulcro ut Latio careat, regnumque relinquat:
 Tempus inane peto, requiem spatiumque furori;
 Dum mea me victam doceat fortuna dolere.
 Extremam hanc oro veniam (miserere sororis): 435

425 *excidere* aliquot ap. Heins. et Burm., perpetua variatione. *ascindere*, *incendere*, *ex-
 cingere* aberrant alii. 426 *classemve* e codd. edidit Heins. Vulgo *que*. *classimve* Sprot.
 et h. l. v. ad III, 5. 427 *revulsi* obl. Vatic. apud Pierium; sed damnat hanc formam
 Servius. *cinerem* Heins. cum melioribus; vulgo *cineres*. 428 *neget* Medio. a m. pr.
 et tert. Rottend. Ita legisse debent ii, qui apud Servium iungebant: *revelli*, *cur* (ut
 propterea) *mea dicta n.*—*dimittere* alii, ex more. *immittere* Wall. cum glossa. *admittere*
ad aures alter Hamb. 429 *Quo struit* alter Hamb. 431 *Non ego c.* Rottend. a m.
 sec. cf. inf. V, 194. *connubium* tert. Rottend. Erf. *quod perdidit* Sprot. et Puget., ut
 jam apud Servium interpretati sunt nonnulli. 432 *aut L. dao* Burm. *regnumve* Gad.
 a m. sec. 433 *furoris* alter Mentel. a m. pr. 434 *dolore* Medio. cum majore fere
 codd. parte. Male tamen. 435 *oro* alicubi legi video in vulgg.

425 sqq. Color orationis frequens:
 Quid tantum in eum commisi, ut me
 fugiat? tanquam poeta, gravissima
 scelera, quæ committi possint, me-
 morat. v. Cerda h. l. et Tibull. I, 2,
 79 seq. Ceterum tota oratione, qua
 ad infirmas preces delabatur, nihil
 magis oratorium. Pleraque argutiis
 infirmavit Ovid. Epist. Didus v. 165
 sq., dum hæc exprimit.

425. Cf. Iliad. B, 303 sq. Similis
 locus sup. III, 602. 427. *cinerem*
Manseve revelli, docte pro læsi, vio-
 lavi. Proprie revelluntur sepulera;
 cum his et urna cineraria; cum ci-
 nere violantur Manes. Mox *dicta*
 sunt preces, ut sæpe latius genus
 pro angustiore: ut 457 *voces*. 430. *fa-
 cilem fugam*, profectionem, naviga-
 tionem, ex commoda tempestate,

qua facilis illa sit. *ventos ferentes*
 passim poetæ pro secundis. Res no-
 ta. v. Burmannum, quem mireris,
 tam inanem operam in Harduini
 somniis refellendis passim ponere.
 431. Non jam conjugii, cuius spem
 et opinionem *ab initio* mihi ostende-
 bat, fidem ut servet, oro, quandoqui-
 dem illam *sefellit* jam. Graviter sin-
 gula!

433, 434. Petit tempus ad lenien-
 dam amoris vim primumque impe-
 tum frangendum, donec ille cum tem-
 pore in dolorem subsidat; cf. Ovid.
 l. c. v. 177 sqq.: quod facere graves
 affectus solent; et ipsa mora disci-
 mus et assuescimus, adversa perfer-
 re; docte dictum est *dolere* cum vi ali-
 qua, moderate dolere, patienter ferre;
 ut oppositum sit, impatienter ferre.

Quam mihi quum dederis, cumulatam morte remittam.

Talibus orabat, talesque miserrima fletus
Fertque refertque soror. Sed nullis ille movetur
Fletibus, aut voces ullas tractabilis audit;
Fata obstant, placidasque viri deus obstruit aures.
Ac velut, annoso validam quum robore quercum 441

436 Virorum doctorum in hoc loco interpungendo, interpretando et, etsi nihil sanius esse potest (v. not.), emendando, æstum vide ap. Burm.; nam singula repetere longum et inutile esset. Si ingenio utendum esset, saltem metaphoræ immanendum erat, et *cumulata sorte remittam* erat conjectandum: ut beneficium cum fenore reddituram se spondet. Proxime accessit in schedis Jo. Schraderus, qui cum alia tentat, tam hoc: *Quam mihi si dederit, cumulatam sorte, relinquat*; quod non satis intelligo. Discrepantiam codicem primo loco videamus. mihi tu d. Zulich. a m. sec. cum dederit cumulatam morte r. Medic., quod Heins. præstare putabat, etsi, sensus qui sit verborum commodus, non subiecit. Eadem lectio in Parrhas. et Paget. et, *cumulata*, etiam alter Menag. et Moret. tert. In pr. Moret. *cumulatim* cum glossa, quod mihi cum dederis *cumulatum*. Porro remittam Heins. reposuit e melioribus suis et Pierianis; vulgo *relinquam*; sed est prius illud exquisitè pro *referam* dictum. *remissum* Parrhas. et Paget. Jam olim super hujus versus lectione dubitatum fuisse, ex Servio et Pomponio Sab. patet; Lectionem quidem *dederis* Tuccam et Varium probasse, uterque tradit; at Medicei codicis scripturam *dederit* Apronianus debet, ex Pomponio discitur, cujus tamen verba si recte intelligo, *cumulatam* Apronianus et ipse tenuisse videtur, non *cumulata*; etsi interpretatio ad ipsum refertur: *cumulando morte*. Adscribam Pomponii locum: *extremam hanc veniam, oro, ut impetres ab Æneâ, id est beneficium. id est, ut protrahat discessum suum, donec discam dolere. Si concesserit, nunquam ero immemor talis beneficii. Sic legit Apronianus. Tucca et Varius, referente Sergio (Servio), dederis legunt: cum dederis veniam, cumulatam morte remittam (i. relinquam), id est, relinquam acceptum ab eo beneficium, morte cumulo. ita intelligit Apronianus. hanc opinionem Sergius (Servius) damnat; et recte utique, nam interpretatio ista nullum bonum sensum exhibet; non enim morte Didonis quicquam grati ac jucundi in Annam redire poterat; etsi Servius nihil melioris note asserat. Mavet igitur hoc: Tuccam et Varium probasse *dederis* et ad Annam retulisse; quod unico verum propter illa: *miserere sororis*; quæ verba tollenda erant, si alterum locum habere debebat, ut *dederit* legeretur, oratione de Æneâ instituta; quanquam ne sic quidem æque commode illa Æneâ, in longinquas terras profecto, per totam vitam gratiam referre velle videretur. Interpunctione prava totius versus sententia erat jugulata: *Quam mihi quum dederis cumulatam, m. r.* Eam itaque, ut dudum monueramus faciendum esse, mutavimus: *Quam mihi q. dederis, cumulatam morte remittam.* v. Not. 438 ipse m. Dorvill. 439 haud v. Goth. pr. nullas Goth. tert. illas Menag. pr. nullas voces Parrhas. 440 obruit Goth. sec. et subiecit versum inficetum: *Ne sint ammotæ neque sistant gaudia mente* (i. menti). 441 *veluti* nonnulli et hic. cf. ad v. 402, *annoso validam* Heins. cum melioribus, etiam Pierianis; vulgo *annosam valido*; et cum corpore Exc. Burm., vulgari lapsu. Ne in ro-*

436. Quam gratiam, quod beneficium, si mihi præstiteris, usque ad mortem grata ero; Hæc est sententia nude enuntiata, et ornatius, cumulatissime usque ad mortem gratiam referam. Hoc, ut poeta, extulit: *cumulatam remittam* pro cumulate referam, et *morte*, ante mortem, antequam moriar, ita ut in morte plene illa repensa sit; vulgo: per

totam vitam, usque ad mortem. Ita, puto, interpunctione post *dederis* facta, res satis expedita. v. Var. Lect.

437—439. Pervicacia, aut, si MAVIS, constantia Æneâ inconsilio exequendo, cum verba nuda non sufficerent, comparatione declaratur. *fletus*, preces cum lacrimis fert ad Æneam plus vice simplici. Hoc, puto, est *fertque refertque. placidas*, trans-

Alpini Boreæ nunc hinc nunc flatibus illinc
 Eruere inter se certant : it stridor ; et alte
 Consternunt terram concusso stipite frondes ;
 Ipsa hæret scopulis ; et, quantum vertice ad auras 445
 Ætherias, tantum radice in Tartara tendit :
 Haud secus assiduis hinc atque hinc vocibus heros
 Tunditur, et magno persentit pectore curas.
 Mens immota manet ; lacrimæ volvuntur inanes.
 Tum vero infelix fatis exterrita Dido 450

bore hæreas, cum quercus addita sit : quercum robore validam, tenendam, robur esse de trunco accipiendum. 442 huc et illuc Sprot. 443 et altæ Medic. cum præstantiore quoque, etiam fragm. Vatic. et Pier. parum referre, ait Burm. ; recte utique, quoad sensum : sed altera prosaica forma est, altera, quis dubitet ? poetica. Igitur, qui textum novat, altæ reponet. (Miror itaque a Bruncio V. C. id non factum esse.) 444 terras Goth. pr. cum ed. Hortensii ; quod præferrem, si idonea auctoritas esset ; est enim magis poeticum et majus aliquid sonat. percusso Hamb. pr. vertice Menag. pr. frondes sec. Rottend. 446 Duplex lectio et hic, ut Georg. II, 292, ubi idem versus : Æsculus—quæ quantum vertice ad auras Ætherias, tantum radice ad Tartara tendit. radice, quam codicum sectam fragm. Vatic. ducit, et radicem Mediceus cum multis aliis Heins. et Pier. radicem in t. tendit oblong. Pier. cum Puget. et Exc. Burm. 448 persensit multi Pier. et Heins. ac Burm. cum binis Goth., alii præsentit. v. sup. v. 297. 450 Cum Wall. Mox fatis exercita Dido emendabat Marklandus in Epist. Crit. p. 117. Fatis aliquem exerceri eleganter dici non neget ; sic V, 725 nate Iliacis exercite fatis ; et bene aliquis adversis casibus vexatus et exercitus vitæ capiat tadia tot mala perpesse, ut apud Tibullum est, III, 2, 7. Enimvero nec tam diutina mala experta erat Dido, et exterrita

Iato epitheto a viro. 441—446. Comparisonem hanc ex Iliad. II, 765 sqq. adumbratam esse, jam Macrobius volebat, ut et locum sup. lib. II, 416 sqq. ; vix tamen tenuissimas lineas ibi reperias ; ut vana plane opera in comparisonem et Homeri obtræctionem impendatur. Melius possis forte huc referre Iliad. M, 131 sqq., sed imago rei ipsa et in rerum natura et in poetis passim est obvia ; at ornatus verborum notabilis inest : velut cum Alpini Boreæ, ex Alpibus spirantes, potentius quam venti omnino, certant eruere—quercum validam annoso robore, h. e. trunco. it stridor pro fit. De vv. 445, 446 vide sup. II Georg. 291, sunt Homeri πίται δὲ θυγαῖς. 448. curæ sunt animi æstuantis motus ; at lacrimæ Dido-

nis et Annæ. cf. Burm.

450—473. Hunc locum facile inter felicissimos et elaboratissimos referendum esse arbitror. Præsentia illa et ostenta, superstitio ad animos gravi mœrore percussos tam accommodata, egregie hic commemorantur, temperanter tamen ac pudenter, cum alias poetæ in iis luxuriari solent ; multo magis somnia v. 465—468, quæ ex recondita hominum gravi ærumna afflictorum observatione sunt deprompta. Nil divinius illis : semperque relinqui Sola sibi, semper etc. Inter adversæ fortunæ beneficia referre forte possis et hoc, quod talium rerum ac talium in poetis locorum sensum et dulciorem habeas et altiore.

450. 451. fatis exterrita, constern-

Mortem orat; tædet cæli convexa tueri.
 Quo magis inceptum peragat, lucemque relinquat,
 Vidit, turicremis quum dona imponeret aris,
 (Horrendum dictu) latices nigrescere sacros,
 Fusaque in obscenum se vertere vina cruorem. 455
 Hoc visum nulli, non ipsi effata sorori.
 Præterea fuit in tectis de marmore templum
 Conjugis antiqui, miro quod honore colebat,
 Velleribus niveis et festa fronde revinctum :
 Hinc exaudiri voces et verba vocantis 460
 Visa viri, nox quum terras obscura teneret ;

imaginem rei affert multo aptiorem ad faciendam mirationem et *ἐκπληξιν*. Dicuntur scilicet et illi *exterriti*, qui consternati subito metu vel quovis casu mente dejecti et alienati insaniunt, vel qui, dum insaniunt, monstris ac furiis terrentur. Proprie de armentis vidimus Georg. III, 149. adde ibid. v. 434 et not. ad e. l. De Medea furente Valer. Fl. VIII, 450 *fugit ardentes exterrita tauros*, quos videre sibi videbatur. Etiam proxime ad præsentem Virgil. locum inf. XII, 660 *Amata—dextra Occidit ipsa sua lucemque exterrita fugit*. Ita etiam *malis attonita mens*, *malis percussa*, passim dicitur. 451 *connera Franc.* 452 *lumenque tert.* Rottend., quod et ipsum de *calo* ac *die* tandemque de *vita* dici solet. Vides poetam vulgarem temporum consecutionem haud curare, quæ esset : *quo magis perageret et relinqueret, vidit.* 454 dicto Gud. a m. pr. v. Bermann. dictum fragm. Vatic. 455 *vergere* Zulich. a m. pr. 456 *non ipsa* Wall. *ipse* Franc. *affata* Ven. *fata* Moret. pr. a m. pr. *sorori est* fragm. Vatic. aliquot Pier. et Dorvill., quod et ipse h. l. desiderem, aure iudice. 458 *misero quod* fragm. Vatic. a m. pr. *multo quod* pr. Hamb., sollenni variatione. v. Burm. ad Ovid. II Am. 15, 14. 459 *niveis vel nigris* pr. Hamb. cf. Burm. 460 *gemitus et verba* Serv. ad XII Æn. 638, sed *voces et verba* usus fert. Illustrat Burm. ad h. l.

nata et mente dejecta malis suis : quæ doctius *fata* dixit, quippe jam certa. conf. inf. 464. v. Var. Lect. *orat* exquisitius quam optat, desiderat. *cæli convexa*, ut sup. Ecl. IV, 50. Primus Cicero in Arateis v. 314 usum hunc invexisse videtur, mox placuit Virgilio, Ovidio et aliis.

453—455. Inter sacrificandum vidit vinum, in ignem libatum, in sanguinem verti; at quam ornate singula, etiam propriis verbis! *obscenum* de re mali ominis et alibi notatum: Georg. I, 470. Æn. III, 241. *turicremas aras* jam Lucretius dixit II, 743.

456. Ad maiorem horrorem faciendum egregie hic versus compa-

ratus. Nunc demum de Didonis salute desperes. Nam ita humana natura fert, ut in extrema ruens animus, et jam deliberata morte defixus, silentio pertinaciter omnia intra se premat. Vidit jam Trappius, si bene memini.

457—461. Hunc locum ante oculos habere debuit Popius in plenissima affectus summi epistola Eloisæ v. 307 sqq. *Templum*, intellige sacellum Sychei Manibus dicatum, forte cum ejus signo, ut Ovidius expressit Ep. VII, 99. saltem fuit monumentum sepulcrum, quod religionem habuit. Simile Elisæ templum memorat Silius I, 81 sqq. *antiqui*, prioris. v. Serv. et Burm. *Velleribus niveis*,

Solaque culminibus ferali carmine bubo
 Sæpe queri, et longas in fletum ducere voces.
 Multaque præterea vatum prædicta piorum
 Terribili monitu horrificant. Agit ipse furem 465
 In somnis ferus Æneas; semperque relinqui
 Sola sibi, semper longam incommitata videtur
 Ire viam, et Tyrios deserta quærere terra.
 Eumenidum veluti demens videt agmina Pentheus,
 Et solem geminum, et duplices se ostendere Thebas;

462 *Serape* Nonius in *bubo*; quod epitheton alias in simili re occurrit. *feralia carmina* Gud. a m. pr. 463 *fundere voces* Goth. alter. 464 *piorum* e Medic. aliisque suis et Pier. prætolit Heins. et Aproniani illam lectionem esse, testatur Pompon. Sab. Alteram codd. familiam, qui *priorum* habent, ducit fragm. Vatic. Equidem non perpetuum aliquod et ornans h. l. epitheton requirerem, sed *priorum*; misera regina in animam revocabat prisca vaticinia, de rerum suarum ac vitæ decursu jam olim accepta, quæ nunc quidem exitum suum habere videbat. 467 *longam sola* i. pr. Hamburg. 468 *Tyrias*—*Tyrias*—*desertas q. terras*, aberrationes librarr. ap. Heins. et Burmann. *Teucros* conj. Jo. Schraderus in schedis; ingeniose. Nam et hoc poterat per somnum obijci. 469 *demens veluti* lectum ex Pier. patet. Apud Pompon. Sab. nota est: "*Urbanus legit anguina serpentum.*" Sectatus est Grammaticus antiquam formam, *anguen* pro *anguis*, et legerat: *Eumenidum—videt anguina.* 470 *Per solem* pr. Moret. se abest ab edd. Ald. Junt. et deest Goth. tert.

infulis ac vittis laneis, quæ etiam in monumentis passim marmore exculpta occurrunt (vid. Passer. Paralip. Dempst. pag. 126). *fronde*, sertis, Illustrat Cerda.

462. 3. Plinius X, 12 s. 16 *Bubo funebris, et maxime abominatus, publicis præcipue auspiciis, deserta incolit; nec tantum desolata, sed dira etiam et inaccessa; noctis monstrum; nec cantu aliquo vocalis, sed gemitu.* Ex hoc loco illustra poetam. *Bubo sola* sc. avis, ut Servius.

465. De arte poetæ in somnio hoc commemorando cf. sup. ad v. 450. Nihil ad sensum verius; solent enim, si gravi ærumna ad insaniam usque æstuat animus, obijci ejusmodi somnia: ut per horrendas solitudines, per deserta palatia aut per porticus immensas, sine fine errare nobis videamur. Ursinus comparat

Ennii versus apud Cicer. de Div. I, 20 *Excita cum tremulis* etc., qui utique inspiciendi sunt, de simili Iliæ somnio.

469. 470. Ex Euripide ductum Bacch. v. 916 sqq. loco sublimi et terroris pleno, ubi contemtor Bacchi Pentheus in vesaniam actus καὶ μὴν ὄρῳ μοι δύο μὲν ἡλίου δοκῶ, Διὸς δὲ θήβας, καὶ πόλιν ἐπὶ τράστομον. Servius ad h. v. *Pentheus autem, secundum tragiædiam Pacuvii etiam ipse furit.* Et Pompon. Sab. *apud Pacuvium inducitur Pentheus furens, qui videt duos Soles et duas Thebas.* Pacuvii quidem fabula tali argumento ac nomine alias nota non est, sed *L. Attii Bacchas* memoratas videas, ex Græco haud dubie illas conversas. Virgilium excipit Seneca Agam. 728 seqq. *agmina E.* dixit ut poeta, agmen Eumenidum.

Aut Agamemnonius scenis agitatus Orestes : 471
 Armatam facibus matrem et serpentibus atris
 Quum fugit, ultricesque sedent in limine Diræ.
 Ergo, ubi concepit Furias evicta dolore,
 Decrevitque mori, tempus secum ipsa modumque

471 *Agamemnoneis* Wall. *Furiis agitatus* aliquot eodd. ap. Pier., quod ex interpretatione profectum et ex lib. III, 331 repetitum facile intelligas. cf. Barmann. Sec. ad Anthol. Lat. p. 170. Nobilissima in h. l. est emendatio Marklandi ad Statium et in Ep. Crit. p. 127 proposita et ornata: *Panis agitatus*, id est, a Furiis. Amplectar eam, certe tanquam elegantiore lectionem, et ipse, si declaratum videro, omnium librorum lectionem habere aliquid, quod poeta indignum sit: *Aut veluti scenis*, pro scena, in scena Orestes furit a Furiis *exagitatus*: cum etc. Nam *scenis agitatus* jungere, et omnibus *tragœdiis* notus accipere quid tandem cogit? Vera ratio est: *velut in scena Orestes furit* (quod ex antecedent. eliciendum), *quum fugit agitatus* m. Novum hoc fateor, quod ad fabulam tragicam in scena exhibitam provocat. Quod displicet, forte hoc est, quod in narratione ex prisco ævo interponitur aliquid moris serioris, quodque adeo mens ab illa illecebra, qua tenebatur, cum *Æneæ* et *Didonis* fati ipsa quasi præsens interesset, revocatur nunc subito, ut delusam se sentiat. Nec tamen hæc in ipsa narratione, sed in *comparatione* interposita sunt. Quidni autem poeta hoc vel ad variandam rerum faciem ausit, qui toties *comparationes* in hunc modum iustituit, ut ex vita communi et usu hominum aliquid *repetat* et hac formula ntatur: ut *sæpe videmus* etc. Nec hoc adeo idem plane cum eo, quod toties oratores habent: *quemadmodum ille in scena, in fabula* etc. Cic. pro Rosc. Amer. c. 67 *Nolite enim putare, quemadmodum in fabulis sæpenumero videtis, eos, qui aliquid impie scelerateque commiserint, agitari et perterrerî Furiarum tædis ardentibus*, cf. *Æschin.* in *Timarch.* sub f., unde hæc adumbrata. Adde Cic. de Legg. I, 14. Scilicet orator excitat locum e *tragœdia*; at poeta scenico apparatu ac theatri spectaculo ad *comparationem* utitur. Equidem nihil definire videri volo, sed tantum dubitare, an *Virgilius* oratoriam formam retinere maluerit? id quod in multis, imprimis posterioribus *Æneidis* libris, fecisse enim sæpe declarabimus; tum alterum est, rectene hoc fecerit? *Valerii Fl.* locum VII, 147 sqq. ex *Euripide*, non ex nostro, esse expressum manifestum est. *agitatur* Rottend. alter. Donatum in his consulere non licet; est enim in lib. IV lacuna in ejus *Commentariis*. 473 *Cum videt Parrhas.* *Confugit* Hamb. pr. et Rottend. alter. tum f. Erf. *divæ* Gud. a m. pr., quod non displicebat Heinsio.

471—473. Orestes Agamemnonis f. Clytæmnestræ matris Furiis agitatus, dum matrem faces sibi et serpentes intentantem fugiens tecto prosilit, in foribus tecti Furias sibi occurrere, seque adeo undique terroribus mentis, parricidii in matrem commissi conscia, exagitari videt. *Tragœdiam* poetæ ante oculos fuisse per se patet, et bene *Servius*: *A Pacuvio* (puto in *Duloreste*) *Orestes inducitur, Pyladis admonitu, propter vitandas Furias, ingressus* (Delphis id factum intelligo) *Apollinis templum; unde cum vellet exire, invadebatur a Furiis.* Hinc ergo est: *Sedent in limine Diræ.* *Pacuvius* igitur

(quod et *Ennius* in *Eumenidibus* fecit, v. *Columna* ad *Enn. Fragm.* p. 251) *Æschyli* *Eumenides*, quodammodo saltem, expresserat. Nam aliter rem ornavit, dum *Orestem* furentem exhibet, *Euripides* in *Orest.* v. 255 sqq. *Iphig.* in *Taur.* 283 et al., aliter post istas *Racinius* sub fin. *Andromachæ*. Ceteroqui *Orestis* *Furiis* nil magis notum in antiquitate, res quoque obvia in artis operibus. Cf. nunc *Böttiger* *Furienmaske* tab. III. Verba autem sic expedienda: *aut velut in scena Orestes furit a Furiis exagitatus, cum fugit* m. etc. cf. *Var. Lect.*

474—477. Exquisita cum arte etiam hoc ex indole ac more homi-

Exigit, et, mœstam dictis aggressa sororem, 476
 Consilium vultu tegit, ac spem fronte serenat :
 Inveni, germana, viam (gratare sorori),
 Quæ mihi reddat eum, vel eo me solvat amantem.

476 ac m. Medic. *fictis aggressa* Gad. a m. pr. et Menag. pr. pro var. lect. cum Exc. Barm. d. *affata* alter Menag. et pr. Hamb. a m. sec. 477 et *spem* Parrhas. *fronte* *serena* conj. Heins. Sed v. notam. 479 *reddet—solvet* oblongus Vatic. Pierii; *reddat* —*solvet* Longob. ejusdem. *solvit* Wall. a m. pr. *reddet* et *absolvit* alter Menag. et Witt. *vel quæ me solvat* Franc. et Goth. tert. Sed *vulgatam* etiam Donatus et Latatius agnoscunt. v. Burmann.

num, qui extrema animo agitant, ut consilium suum dissimulent. *evicta*, ut poeta, pro simplici *vieta* dixit. *exigit* bene pro constituit, quod fit re exacta ac deliberata. *spem fronte serenat*, exquisitius quam frontem serenat, et explicat, spe nova ac meliore concepta vel ostensa; hoc transfertur ad ipsam spem, quæ serenior et lætior affulgere potest; adeoque Dido spem serenat, serenior ac lætior ostendit vultu. Ut *spem vultu simulat*, lib. I, 209. Propius ad vulgarem modum Silius: *tristia fronte serenat* XI, 369. *spem fronte serenans* ex Virgilio sumsit Nemesian. Ecl. IV, 17.

478 sqq. Simulat Dido, se parare sacrum magicum, quo aut Æneas iterum amoris illigetur, aut ipsa amore solvatur. Est adeo sacrum, quale in Ecloga VIII vidimus. In toto hoc commento tam operose adornando et instruendo hæc respexisse videri debet Dido, ut, sacrificio arcano parando, quo arbitris remotis sola operaretur, ad mortem sibi inferendam opportunitatem, silentium et solitudinem, haberet. Sed et illud furorem misere amantis arguit, quod vestes Æneæ et torum conjugalem secum comburi vult (inf. 495 sq.) quodque Æneæ gladio in se jugulando utitur. Quæ a v. 504 sqq.—521 narrantur, ad præparan-

dum et auspicandum sacrum pertinere puta. Namque ipsum sacrum non nisi a v. 630 sqq. peragitur; trahebat ac differebat illud sacrum sumamque mortem regina, quamdiu Æneas præsens erat. Tenenda hæc, ut de summa et libri et narrationis constet. Quod sacerdotem arcani sacri ab Hesperidum hortis advocat, mirum videri potest, nisi forte Apollonii Medea, ad ejus amorem Didonis amor in Æneam accommodatus est a poeta, etiam hunc hortum cum dracone sacrisque magicis lib. IV, 109 sqq. accurate descriptis in poetæ ingenio sevit et instruxit. Certe v. 484—486 a Medæ exemplo petiti sunt, Apollon. III, 550 sqq. Enimvero tenendum præterea est hoc, extremam illam Africæ h. e. occidentalem plagam antiquissimorum poetarum fabulis esse celebratam; nec modo Solis, Noctis, Mortis, Inferorum, Tartari, Elysiorum confinia aut sedes in Oceano constitui solitas, verum in continente quoque Atlantis, Gorgonum et Hesperidum fabulas: de his actum erat imprimis in carminibus de Perseo, Hercule, Argonautis. v. Notas ad Apollod. pag. 296 sq. add. pag. 386 sq. 406 sq. 423 sq. Accommodatissima igitur poetæ consilio et hic fuit illa terra fabulis celebrata, imprimis in narratione, quæ ad Africam spectaret.

Oceani finem juxta, solemque cadentem, 480
 Ultimus Æthiopum locus est, ubi maximus Atlas
 Axem humero torquet stellis ardentibus aptum :
 Hinc mihi Massylæ gentis monstrata sacerdos,
 Hesperidum templi custos, epulasque draconi
 Quæ dabat, et sacros servabat in arbore ramos, 485
 Spargens humida mella soporiferumque papaver.

482 *actum* volebat Vossius; at v. *Burm.* h. l. et vid. notam. 483 *Hic* Montalb. et ed. Ven. Mox *Massyllæ*, *Massilio*, *Massilia*, *Massalia*, *Massilla*, *Massile* aberrant librarii ap. *Burm.* et *Pier.* 485 *in sacros* alter *Menag.* *sacra s. in arbore* tert. *Rottend.* a m. pr. *Requies* forte *dat* et *servat*; sed retulit poeta ad *monstrata est*, quæ *dabat*, pro altero *daret*. Nam consecutionem temporum poeta negligit, ut monitum ad I, 706. 486 *Waddel.* jam *Burm.* laudatus conj. *arcens*. Aut *spargens* accipiebat amovens ex horto,

480—484. Comparant Homerum ἐπ' Ἀκτιῶν περ' ἀμύμονας Ἀλθιοπῆας, *Iliad.* A, 423, nec tamen id nisi ad hoc unum valet, quod extremum Africae litus Æthiopiam nominat, et h. l. quidem occidentale, quæ proprie Mauretania est. De Atlantide sup. v. 247. v. ad I, 741, et Not. ad Apollod. p. 681 et alibi. 482. *torquet* ornatus quam cælum sustinet; motu simul cœli diurno expresso; præeunte Ennio ap. *Macrob.* VI, 1 *Qui cælum versat stelleis fulgentibus aptum.* cf. *Columna* ad *Ennii* fragm. p. 45. *aptum stellis*, exquisite; vulgari loquendi modo stellæ cœlo aptæ, h. e. affixæ sunt; tum et ipsum cælum affixum et aptum, alligatum stellis, h. e. distinctum. Quod vero ex Mauretania excitatam anum tamen 483. *Massylæ gentis* facit, eamque *Hesperidum hortis* præficit custodem, ne in eo poeta licenter in minus noti situs populis versatus dicendus sit, ita potius videtur accipiendum, ut *Massylam* anum solito more poeta omnino pro *Libyca* dixerit, certo nomine pro indefinito posito. *Massylam Evantem* ex nostro petiit *Silius* I, 101. *Hesperidum* autem hor-

tos communi poetarum opinione intra Cyrenaicæ fines positos in Mauretanium ad Atlantis montis radices removet, quandoquidem antiquiores diverse de eorum situ tradiderant. *Hesiodus* quidem πέρην κλυτοῦ Ὠκεανοῦ eos collocaverat *Theog.* 215. Alii aliter. v. ap. *Plin.* VI, 31 s. 36, qui alio loco lib. V pr. et XIX, 4 s. 22, apud *Lixum*, Mauretaniæ ea in Atlantici maris ora urbs est, *Hesperidum* hortos collocat; ad *montem Atlantem* etiam *Hygin.* f. XXX f., ubi v. *Intpp.* imprimis *Salmas.* in *Solin.* pag. 264 sqq. et nuper actum de his ad *Apollod.* II, 5, 11 Not. p. 406 sqq. 485. *sacros in arbore ramos*, sc. cum pomis aureis ramos, quos *Veneri* sacros fuisse *Servius* narrat; alii Terræ munus poma aurea tradiderant; v. Not. ad *Apollod.* p. 410. 411. Certe violari eos nefas erat. Narrat autem poeta, si non ipsas *Hesperidas* deas, hortos tamen earum, quos *templum* appellat, tanquam locum iis sacrum, illo adhuc tempore superfuisset, iisque præfuisse sacerdotem feminam. cf. *Exc.* IV ad h. l. 486. Sic inf. VI, 420. *Sibylla* *Cerberi Melle soporatam et medicatis fru-*

Hæc se carminibus promittit solvere mentes,
 Quas velit; ast aliis duras immittere curas;
 Sistere aquam fluviis; et vertere sidera retro;
 Nocturnosque ciet Manes; mugire videbis 490
 Sub pedibus terram, et descendere montibus ornos.
 Testor, cara, deos, et te, germana, tuumque

ne draco gustaret et in soporem incideret. Ita ille cum aliis de interpretatione laborabat, et ipse Burmannus. Jo. Schraderus in schedis, ubi multa tentaverat, versum damnat et eiecit; at v. Notam. *soporiferum* multi ap. Burm. 488 *Quis* Goth. alter, au ut sit pro *Quibus?* Cuningh. conj. *innectere*, cum præcedat *solvere*. Temere. Quidni enim poeta variet orationem! 489 *convertere sidera* alter Hamb. 490 *moveret manes* multi ap. Pier. et Burm. ex glossemate. *tetet* Exc. Burm. a m. pr. *moveret* cum altera lectione, a correctrice manu Fragm. Vatie.

gibus offam Objicit: verum ibi ad soporem immittendum. Nunc tantum pro offa ac cibo offertur *pâza*, placenta mellita, aut, si proprie dicta accipimus, mel liquidum cum papavere. Mella aut placentas mellitas serpentibus sacris apponi, haud mirum; nam si in templis servare serpentes sacros placuerat, necesse erat iis cibum præbere. Neque quicquam amplius in eo ritu quaeram; neque tam, si ipsa Dea Salus simili more serpentem e patera pascit: etsi multa serius accessere partim religionum partim grammaticorum commentis de quibus egere Böttiger et Sprengel in *Beyträgen* 1, 2, "*Incongrue*," jam Servius monuit, "*videtur positum, ut soporifera species* (papaver) *pervigilatur Draconi*." Multa ad defendendum poetam et ibi et passim alibi afferunt Intpp. v. Cerda. Excidisse hoc poetæ, ut credam facile adducor; quippe qui non meminisset offas papavere aliave soporiferis succis conditas draconibus apud veteres objici tum, cum somno illi opprimerentur. Nec tamen adeo absurdum, cum melle antiquitas in quotidiano victu uteretur, et papaver certe posterior Græcia in deliciis haberet, ci-

bum serpenti, lautiorum et dulciorum, inde paratum dici, ut pascatur ille ossis mellitis papavere mixtis; ut *soporiferum* tantum ornet. *spargens*, miscens. *Serv.*; h. e. objiciens, præbens, apponens. Nihil amplius; nisi quod ut poeta docte loqui maluit.

487—491. Sollennia hæc de artibus magicis ad fastidium repetita a poetis. Vid. ad Ecl. VIII, 69. Similem locum v. in Tibullo I, 2, 59. 60 et 43 sqq. *curas* et hic de amore. *solvere* animos, proprium hac in re, ut *defigere*. Referuntur enim in re magica ea, quæ ad amorem spectant, ad notionem illigandi et solvendi: uti omnino in superstitionibus astrologicis, reliquisque divinationum generibus, pleræque præstigiæ allegorici tropicique generis sunt. *vertere sidera retro*, cursum astrorum mutare, errantium imprimis, vid. *Serv.* Tum illa evocat Manes sacris noctu ex more factis. *videbis*, vulgo videas; ut sup. v. 401 *Migrantes cernas*. Invertit poeta orationem, cum sequi deberet: illa motus terræ facit et silvas in alium locum transfert.

492. 493. Sui ævi rationem in hoc habet poeta, quod Dido excusationem quaerit, dum magicis artibus uti-

Dulce caput, magicas invitam accingier artes.
 Tu secreta pyram tecto interiore sub auras
 Erige, et arma viri, thalamo quæ fixa reliquit 495
 Impius, exuviasque omnes, lectumque jugalem,
 Quo perii, superimponas. Abolere nefandi
 Cuncta viri monumenta jubet monstratque sacerdos.
 Hæc effata silet; pallor simul occupat ora.
 Non tamen Anna novis prætexere funera sacris 500

493 accingere alter Hamb. 494 Tunc—locavit Carisius laudat. Tu, Germana Dorvill.
 495 in thalamo Leid. 496 que abest ab aliquot Pier. et binis Barman. exuviisque Sprot.
 497 superimpones Franc. superimponant Fragn. Vatic. Medic. a m. pr. cum aliis Pier.
 superimpones alii Pier. nefanda ed. Ven. 498 momenta Veu. monumenta plerique. jussat
 magnus codd. numerus ap. Pier. et Heins., quibus adde fragn. Vatic.; itaque Barman-
 nus recepit. Alii, nec minus multi, jubet, quæ Aproniana lectio esse videtur; nam in
 Mediceo in litura scriptum videas; quanquam ex pronuntiatione jubat orta esse videri
 potest. Dignitatem tamen majorem habet jubet monstratque. Utramque de diis et vati-
 bus solenne. Itaque equidem cum Pierio jubet retinere malim; si poeta quidem ita
 scripsisse videri potest, ut scribere debuit. Nec Brunckium id facere audientem hac
 editione deserere volui. 499 inficit ora nonnulli ap. Pierium, ex Horat. Epod. 7
 putat Barman. 500 Nec tamen Zulich. Hæc Hugon. protegere Medic. a m. pr. munera
 alter Menag.

tur. Bene Servius: "cum multa
 sacra suscipere Romani, magica
 semper damnarunt." Quæri tamen
 potest, quibusnam legibus id factum
 sit? Forte jam ipsis XII Tab., e
 quibus memoratur: *qui fruges excan-
 tasit*; et: *Qui malum carmen incan-
 tasit*: Plinius XXVIII, 2, s. 4 pœ-
 na parricidii proposita (v. LL., tab.
 VIII). Fuere postea quæstiones ve-
 neficii e lege: referebantur ad illud
 quoque incantationes: sed mala tan-
 tum carmina: quandoquidem et bona
 haberi credebantur. Inter principes
 alii fuere leniores, alii severiores.
 Media etiam est constitutio Constan-
 tini M. de artibus magicis: sed gra-
 vissima Imp. Constantii a. C. 357 et
 Valentiniani. v. Cod. Theod. tit. de
 Maleficiis et ibi Gothofr. (lib. IX, t.
 16, 3. 5 et 11). A Didonis tempore
 ac more ista cura ac cautio aliena.
 Nec Homerum, si ea attigisset, ea
 excusatione usurum fuisse credere
 licet.

494—498. secreta, secreto. Hoc
 jam notum esse debet. tecto interi-
 ore, Romanus impluvium diceret;
 sub auras, sub divo. conf. Barman.
 Penetralia hæc domus Didonis in
 templum Elissæ mutavit Silius I, 81
 sqq., ubi plura ex h. l. adumbrata.
 495. arma relicta idem Barman., de
 ense pro munere ab Ænea Didoni
 dato accipere jubet: non male, v.
 507. ense relictum et 647. ense
 quæsitum, acceptum, memorat. exu-
 vias vid. inf. 648. 651. Scilicet in
 sacris magicis amoris extinguendi
 causa abolentur ea, quæ perfidi
 amantis contactu se commendare po-
 terant; ut contra in revocando ama-
 tore sub limine ea condi vidimus
 Ecl. VIII, 91. quo perii cum dilectu
 posita vox, et cum pudore.

499. Ex intima arte et humanæ
 mentis recessibus hujus versus sen-
 tentia deprompta. Pallor ex consci-
 entia cogitatæ mortis. Serv.

500—503. Annæ omnino fidem

Germanam credit, nec tantos mente furores
Concipit, aut graviora timet, quam morte Sychæi.
Ergo jussa parat.

At regina, pyra penetrali in sede sub auras
Erecta ingenti, tædis atque ilice secta, 505
Intenditque locum sertis, et fronde coronat
Funerea; super, exuvias, ensemque relictum,

502 *Concipere* Vir doctus (fuit is J. Jortin: v. *Tracts* Tom. II. p. 473) conj. ap. Barm., nec male; etsi eo carere possumus. *haud* vel *haut* aliquot ap. Pier. et Barm. et Goth. alter. *Sichæi* edd. sup., etiam Barm. cf. ad I, 343. 503 *jussa implet* unus Guelf. facit alter in Exc. Sax. Poteramus carere hemistichio. 505 *tectis atque* Goth. sec. 507 *funesta* labens memoria citat Lutat. ad Stat. IV Theb. 460.

et benevolentiam majorem tribuit, quam ingenii sagacitatem. Itaque et hæc recte. *novis pratexere funera sacris*, exquisitior ratio quam communis: *nova sacra*, insolitam religionem ac sacrificium, pratexere *funeribus*; funeri, h. e. morti obtenderè, sacrum per simulationem instruere, eoque consilium mortis occultare. cf. sup. 172; nec illa mente concipit, Didonem in animo habere tam insanum mortis sibi consciscendæ consilium. cf. Barm.

504—508. Exolvere se amore vult Dido sacris magicis: in quibus, ut modo dixi, illud imprimis factu opus erat, ut flamma abolerentur priscae consuetudinis monumenta. ad sacrum spectant aræ; ambiguum est, quo loco pyra habenda sit. Ex consilio, quod dissimulat, et ex eventu, fuit rogos Didonis; quatenus tamen nunc sacrum magicum paratur, aut simpliciter lignorum strues est ad abolendas amatoris exuvias, aut aræ genus, cui pro victimis cæsis imponuntur istæ exuviae. In sacris magicis scrobs fieri solitus erat, quo lignorum strues cumulabatur. vide v. c. Orphei Argonaut. 948. 968 sqq. et primo loco Odys. A, 25, βῆτορ ἐρυ-

ξα. In eandem foveam victimarum caesarum sanguis demittebatur. Erat enim illa pro ara, ἱερὰ. conf. Statium Theb. IV, 451. 455 sqq., qui ex parte hunc locum ante oculos habuit. Scrobs h. l. nulla fit mentio, extruitur tamen lignorum strue rogos, qui pro ara esse videtur; etsi mox verus rogos futurus, in quo Dido comburenda erat. Nunc illi rogo, illi pyrae, pro victimis cremandis, imponuntur vestes et omnes reliquiae e pristina consuetudine amatoris, cujus amore Dido liberari cupit, cum ipsa effigie Æneæ. At eriguntur aræ circa pyram, ad quas illa sacrum factura erat victimis v. 635 sqq. 506. *intendit locum*, pyram, *sertis*, exquisitius et hoc quam vulgare, *intendit sarta per locum*, quod sup. II, 236 occurrebat: *vincula collo Intendant*. Quam non inutile sit, talia monere, discas, si Burmanni notam compares. Nolim autem ex h. l. probare, rogos sertis ornari solitos fuisse. Nam h. l. pyra, tanquam ara, corollis cingitur. Sup. Ecl. VIII, 64 *molli einge hæc altaria vitta. fronde funerea*, cupresso, inquit Servius, aut potius arborum frondesintellige, quarum in sacris magicis usus erat.

Effigiemque toro locat, haud ignara futuri.
 Stant aræ circum, et crines effusa sacerdos
 Ter centum tonat ore deos, Erebumque, Chaosque,
 Tergeminamque Hecaten, tria virginis ora Dianæ: 511
 Sparserat et latices simulatos fontis Averni;
 Falcibus et messæ ad Lunam quæruntur ænis
 Pubentes herbæ, nigri cum lacte veneni;
 Quæritur et nascentis equi de fronte revulsus, 515

509 *crinis passa* pr. Hamb. e glossa. 510 *Ter centum*, divisim, ut sit *ter tonat centum deos*, scribunt alii codd. et edd. ap. Burm. *sonat* Hamb. pr. Præferas facile vulgatum in utroque loco. Sant trecenti dii. 511 *que abest a tribus* Burm. *ter virginis* sec. Rottend., male. 513 *F. ad lunam et messe* Franc. *aheneis* scribunt codd. ap. Pier., male; nam et altera forma usitata: *aenus*.

Nam de funere poeta tantum ex eventu rem interpretatur. Pyræ imponit Dido ea, quæ contactum corporis Æneæ senserant, vestimenta, tum ense, et torum conjugalem, (inf. 648. *notum cubile*) et in hoc effigiem, puta ceream, quæ in talibus sacris igne liquefacta efficere debebat, aut ut ipse amator simili modo amore liquesceret ac contabesceret: ut Ecl. VIII, 80. aut ut perfidiam misera morte lueret: Quemadmodum effluviæ corporis vestimentis inhærentes ad philtum parandum adhibebantur; At h. l. ad amorem extinguendum.

509—511. *sacerdos* (Massyla illa sup. v. 483). *tonat*, invocat (*vocat* Silius I, 94, ubi hunc locum transtulit) deos inferos, longo ordine eorum nomina recitans, qui in his sacris (exemplum in ipsa Medea v. in Ovid. Met. VII, 192 sqq.) mos erat, omninoque in hymnis veterum et formulis sacris. Etiam hoc ex more, quod ejusdem numinis plura nomina recitantur, ad vires et potestates seu naturæ seu numinis diversas declarandas; ut ad potentiam deæ per supra et infera et terrestria meantem

declarandam eadem *Hecate triceps* *τρισσοκέφαλος* in Orph. Argon. 974 (ubi facile apparet leg. *τρισσοκέφαλος*) etiam *Diana* est *τριπρόσωπος* *triplex*, *triformis*, *τρίμορφος*. conf. Cerda et Ursin. Pro *Diana virgo tria ora habens* doctius posuit alterum poeta. Quod autem Maura anus nomina deorum græca pronuntiat, id, communi Romanorum more apud poetas et historicos receptum, qui aut barbarorum religiones suis nominibus interpretantur, aut barbaris suas religiones tribuere solent, vitio verti poetæ nequit. (Minus bene Burmannus rem expedire videtur.)

512—516. Effunditur, in rogum an in aras, aqua, quæ e Styge petita esse videri debebat. *simulatos*, proprie h. l. cf. III, 302. 349, quos fingebat *avernales* (ut Horat. Epod. V, 26) et ex locis inferis petitos esse. Superstitiones magicas diserte enarrare nihil attinet; vide vel Cerdam. Inerat iis lusus aliquis a similitudine rerum, plerumque allegorice, petitus: ut in ligando aut solvendo amore. *Æris* proprius in re magica usus. *Æneam falcem* ab Sophocle habere Virgilium, volebat Macro-

Et matri præreptus, amor.

Ipsa, mola manibusque piis, altaria juxta,

Unum exuta pedem vinclis, in veste recincta,

Testatur moritura deos, et conscia fati

Sidera; tum, si quod non æquo fœdere amantes 520

Curæ numen habet justumque memorque, precatur.

516 *præreptus* aliquot libri ap. Burm. cum Schol. Lucani et Grammatico, auctore Medea: in Anthol. Lat. p. 180, ubi v. Burm. Sec. *præceptus* vel *perruptus* Hugen. Sed damnat eam lectionem ratio et Plinii locus in nota laudatus. 517 *molam* Medic., sed expuncta litera, et Montalb. *salibusque piis* conj. in schedis Jo. Schrader. 518 et *veste r.* aliquot Pier. Goth. pr. cum Hugen. cf. Burm. 520 *si quid* Leid. un. a m. pr. et duo Goth., male. 521 *sanctumque m.* Parrhas.

V, 19, quem vide. *pubentes herbae*. vid. Georg. III, 126, in Var. lect. *χρoάζουσαι*, h. e. lanuginosæ. cf. Beermann. ad Antigon. Caryst. p. 66. *nigri cum lacte veneni*, int. succos venenatos herbarum vel seminum. *et nascentis equi de fronte revulsus amor*: Hippomanes. Nota res. v. Aristot. VI H. Anim. 22. VIII, 24. Ælian. XIV H. Anim. 18, et plura ap. Cerdam, cf. sup. nota ad Georg. III, 280. Sed ad illustrandam poetam Plinii locus sufficit VIII, 42 s. 66. *Et sane equis amoris innasci veneficium, hippomanes appellatum, in fronte, caricæ magnitudine, colore nigro: quod statim edito partu devorat feta, aut partum ad ubera non admittit. Si quis præreptum habeat, olfactu in rabiem id genus agitur.* Vides poetæ verba: *et matri præreptus amor*, h. e. quod amorem conciliat, philtum, caruncula, quæ in philtum adhiberi potest, præreptum, antequam equa feta devoraverit.

517—521. *mola manibusque piis*, Servius: "farre et sale—et manibus puris." Sane *pius* commune ac perpetuum epitheton in sacris; inf. 637 *pia vitta*; sequentia docent esse ma-

nus pie precantis, mola salsa in ignem conjecta, ad cœlum sublata. *Unum exuta pedem vinclis*, unum pedem habens nudum, ad religionem pertinere debuit. Inter plura, quæ Intpp. afferunt, unus Artemidori locus huc facit lib. IV, 67. Sed occurrit eadem res in signis veterum; et in Etruscis simile quid observare meminimus Passerium *Paralip. Dempst.* p. 102. cf. eund. *ad Vasa Etrusca* Tom. I, p. 67. Est imprimis nobile signum in Palatio Barberinorum et alterum in Museo Pio Clement. Vol. II. no. XL. ad ejus exemplar restitutum, quod Didonem exhibere putatur, arguente pede altero nudo. *veste recincta*, soluta zona; nota res. cf. Ovidii locum ex Virgilio expressum Met. VII, 179 sq. 182 sqq. *conscia fati Sidera* obtestatur, ut sup. 167, *consciis ather*, quæ se morti imminuentem adspicerent; non autem respectu factorum per sidus natale constitutum. *tum numen precatur, si quod habet curæ amantes non æquo fœdere* h. e. eorum, qui mutuo amore non amantur. Erunt in his imprimis Juno, Diana, Venus, habendæ. Verbo: omnia eo spectant, ut ipsa amore solvatur.

Nox erat, et placidum carpebant fessa soporem
 Corpora per terras, silvæque et sæva quierant
 Æquora: quum medio volvuntur sidera lapsu, 524
 Quum tacet omnis ager, pecudes, pictæque volucres,
 Quæque lacus late liquidos, quæque aspera dumis
 Rura tenent, somno positæ sub nocte silenti.
 Lenibant curas, et corda oblita laborum.

522 placidum alter Hamb. placidam—quietem alter Menag. placidam c. membra quietem ap. Serv. ad I Æn. 388. cf. ibid. 691. 523 quierunt tres ap. Burn. 526 dumos Montalb., unde Heins. dumo, Goth. sec. dum; utrumque vitium scribentis. 527 Rura tacent Sprot. 528 Deficit versus in Medic. aliisque præstantioribus exemplaribus; ut vulgares taceam. Etiam Erf.; et sane melius eo caret sententia. Pendent enim superiora a verbis Quum tacet ager, et quum tacent pecudes volucresque—sopita. Mirum quoque, pecudes, volucres, pisces noctu a curis liberari: quod tantum in homines cadit. Conflatas videri potest versus ex lib. IX, 224. 225. Annotavit quoque Pompon. Sab., hanc versum non legi ab Aproniano; est autem ex ejus recensione lectio Codicis Medicei. Quam diversis simus omnes sensibus ac judiciis, et quam alienum ab his studiis, quæ quanta quanta sunt in probabilitate versantur, sit, ex edicto et cum supercilio aliquid pronuntiare, vel hic locus docere potest, in quo nobis quidem in oculos incurrere videbatur, versum hunc jugulare sententiam, structuram evertere, et nervos orationis præcidere. At Brunckius, qui tam proclivi studio ad rescindendos versus fertur, miratur Heinsio addititium eum videri potuisse: "Est profecto, pergit, tam a Virgillii manu, quam quivis alios e laudatissimis. Absque eo manca et mutila videretur pulcherrima hæc noctis descriptio, quæ sic in participium positæ desineret, sine verbo finito, et suspensio sensu." Sed tota nota digna est quæ inspicatur.

522—528. Suavissima noctis descriptio, quæ ipsam rerum quietem spirare videtur; hoc tamen imprimis laudanda, quod, cum sæpe in ea et alii poetæ laboraverint, huic imprimis loco illa convenientissima est, ut post illos in superiore loco prodigiorum et sacri magici terrores nunc animum diverso modo afficiat, utque delinitum hac suavitate animum legentis miseræ Didonis summus mox a v. 529 amoris æstus animique cruciatus tanto magis percillant. Jam Jos. Wartonus hoc observavit; et hoc monere voluit Servius ad v. 522: *Protenditur ista descriptio ad exag-
 generationem vigiliarum Didonis.* Nec tamen hac in re inventi laudem habet Virgilius, sed judicii tantum et elocutionis in exprimendo Apollonio Rhodio III, 743 sqq. Νῦξ μὲν ἔπειρ

etc. cf. et IV, 1058 sq., quem jam ante Virgilium converterat Varro Atacinus; cujus versus v. apud Senecam Controvers. XVI extr. Vix me teneo, quin loca adscribam; sed brevitati studendum est. Similem, aliter tamen adoratam noctis descriptionem videbimus lib. VIII, 26. Præiverat omnibus Alcman in loco ab Apollonio Sophista in Lexico Homer. servato in voc. κνώδαλον. Eum v. inf. ad l. c. VIII, 26. Similia etiam nonnulla sunt in Theocr. Id. 2, 38 sq., sed in re prorsus diversa. Noctis silentia miram suavitatem habent: *silvæ et æquora quierant*, cessante sub noctem vento. Non aliter, cf. Trapp. *fessa corpora*, docte, homines, nisi omnino animantia malis. *medio volvuntur sidera lapsu*, cursu per mediam cœli partem; ad rudes

At non infelix animi Phœnissa, neque unquam
 Solvitur in somnos, oculisve aut pectore noctem 530
 Accipit : ingeminant curæ; rursusque resurgens
 Sævitur amor, magnoque irarum fluetuat æstu.
 Sic adeo insistit, secumque ita corde volutat :
 En, quid ago ? rursusne procos irrisa priores
 Experiar ? Nomadumque petam connubia supplex, 535
 Quos ego sim toties jam dedignata maritos ?
 Iliacas igitur classes, atque ultima Teucrûm
 Jussa, sequar ? quiane auxilio juvat ante levatos,
 Aut bene apud memores veteris stat gratia facti ?

529 *Phœnissa*, vel *Dorvill.* 530 *ve abest a Ven. que duo Barm.* 532 *magno curarum qu. Moret. ex lib. VIII, 19, at v. inf. 564.* 533 *voluptat Dorvill. etiam alibi.* 534 *Heu quid agam Donatus videtur agnoscere ad Terent. v. Heins. et Barmann. quid ego Oudart. agam Servius cum codicum parte et edd. Junt. aliisque.* 535 *Nomadum v. sup. ad 320. sequar c. Dorvill. et plerique libri Pier.* 536 *sim Heins. post Pier. ex melioribus et meliori loquendi ratione (si modo poeta eam sequi voluit : cf. ad 485. I, 706) : Est enim pro, cum ego sim. Vulgo sum.* 537 *iterum cl. sec. Rottend. et ego cl. pr. Hamb.* 538 *auxilium juvat conj. Heumannii, quam refellit Barm. ad h. l. exilio aliquot ap. Pier.* 539 *Aut bene nonnulli Heins. et Barm. cum Goth. tert. Vulgo : Et bene. Est hoc inter sexcenta a Barmanno mutata, ubi nil refere-*

hominum sensus. *medium cursum tenent*, bene Serv. vid. Excurs. ad II, 9. *posita*, compositæ, quiescentes, sopitæ.

529 sqq. Eadem antithesis ex Iliad. B, pr. K, pr. Ω, 677 notata a viris doctis, et hinc passim ab aliis alia. cf. etiam Theocr. 2, 38. *At non* scil. carpit soporem, *æstu*. *Solvitur in s.* exquisite pro solvi somno, quiete. *noctem* pro quiete noctis ac somno dixit. 531. *Ingeminant curæ*, utpote in noctis solitudine.

533 sqq. cf. Eurip. Medea 502 sqq. *insistit* mente et cogitatione, ut sit : ita apud se cogitat ; scilicet, quid nunc sibi agendum sit. Oratorie pathos in his Didonis verbis tractatum, facile nostrum quisque per se intelligit. Confer, si vis, Scallig. in Poetic. et Cerd. ad h. l. *irrisa*, ut irridear ; epitheton ab effectu rei

ex more poetarum. cf. Ernesti ad Callim. in Del. 117. *procos* Numidas. v. sup. v. 36. 37. *experiar*, adibo et nuptiis me offeram ? *ultima Teucrum Jussa*, explicant, suprema ; minus bene, puto ; nam jejunum hoc ; sæpe *ultima* sunt, quæ infima sunt ; ut in illo Horatii : *non ultima laus est* ; ergo nunc *ultima jussa*, sunt, infimi generis hominibus dari solita ; ut altero loco Servius, deferrima ; accommodatissimo epitheto ad indignationem et odium, quasi expectandum sibi sit, ut infimo loco habeatur, utque sibi tanquam caloni alicui indignissima quæque imperentur. Bene Pompon. Sab. “puta quod loquatur ad miserationem, quasi quod, si naviget cum Trojanis, sit futura serva.” 538. *an quia juvat*—h. e. quasi vero hoc juvet, et quicquam eo profecerim, quod ipsis ante auxilio fuerim, sc. e

Quis me autem, fac velle, sinet? ratibusve superbis
 Invisam accipiet? nescis heu, perdita, necdum 541
 Laomedontæ sentis perjuria gentis?
 Quid tum? sola fuga nautas comitabor ovantes?
 An, Tyriis omnique manu stipata meorum,
 Inferar? et, quos Sidonia vix urbe revelli, 545
 Rursus agam pelago, et ventis dare vela jubebo?
 Quin morere, ut merita es; ferroque averte dolorem.
 Tu, lacrimis evicta meis, tu prima furentem
 His, germana, malis oneras, atque objicis hosti.
 Non licuit thalami expertem sine crimine vitam 550
 Degere, more feræ, tales nec tangere curas!

bat, hocne an altero modo legeretur. Malim utique intacta ea esse relicta. Nunc tamen ea iterum mutare velle, multo magis importunum esset et novas turbas inferret, at Sprot. et Dorvill., hoc non male. *sit gratia* Menag. pr., unde fit fecerat Heinsius. 540 *anat* alter Hamb. ex Exc. Barm. a m. pr. *ratibusque* Goth. pr. et sic Medic. cum plerisque Heins. et Barm. *ratibus* Parrhas., quod Brück. recepit, tanquam unice verum; equidem et *ne* ferri posse video, et *ne* accommodatum esse; potest enim sententia versus et hoc et illo modo pronuntiari. *superbus* ed. Ven., non male. Sed alterum magis poeticum. 541 *Invisam* post Pierium Heins. revocavit e melioribus codd. et ratione idonea. Vulgo *Irrisam*, quod præcesserat v. 534. Utrumque etiam Servius agnoscit. 542 *Laum.* vel *Laomedontæ*, *Laomedontiada* aberratio Codd. *gentis p. sentis* Dorvill. 543 *Quid cum* Dorvill. *comitabar* tert. Rottend. *comitata* pr. Hamb. *euntes* nonnulli Pier., sed *ovantes* est ornatus haud dubie. cf. sup. v. 418. 545 *Inferar* post Pier. e Codd. prætulit Heins., recte sane, tanquam quod exquisitius dictum esset. cf. inf. X, 576. l, 439. Vulgo *Insequar*. Servius utrumque laudat. *Inferor* pr. Hamb. *vis S. ab urbe* Parrhas. *revulsi* Wall. 546 *in ventis* Sprot. *videbo* duo Barm. cum Goth. sec. ex more aberrantes. 547 *abrumpe d.* pro div. lect. tert. Rottend., quod sane usitatius, idemque potentius; sed alterum a vulgari remotius. 548 Diversam hic Urbani Grammatici interpunctionem narrat Servius et ex eo Pompon. Sab., quæ talis fuisse videtur, ut *Tu lacrimis evicta meis* sc. es, sententiam finiret. 549 *objicit* Reg. 550 *expertam* aliquot Pier. et Barm., sollenni errore. 551 *ferè* in multis; sensum probabilem inde elicere studeat Burmannus; Idem conj. *more meo*. Waddel. apud eund. *more fero*; sed

naufragio eos excipiendo. *sinet* sc. me sequi classem; in sqq. 540—543 verborum dilectum observa. Trojanos quasi perfidia et perjurio infames a Laomedonte denominat, cuius perjuria in Neptunum et Apollinem, mox in Herculem, nota sunt. Locus class. Iliad. φ. 442 sqq. 543. *ovantes*, lætantes; invidiose et hoc. Vidimus sup. 294. 295. Trojanos lætos imperio discessum parasse. 545. *Inferar*, sequar? v. Var. Lect.

quos paullo ante a Tyro excitavi, iterum navibus conscensis, maritimis cursibus errare faciam? sc. ut cum Trojanis in Italia considant. 548. 549. Quod ipsam sororem amantissimam accusat, summum affectum arguit, quo etiam in carissimos injurii esse solemus: tu, o soror, permota lacrimis meis (v. sup. v. 30), tu prima me in hæc mala impulisti et Æneæ objecisti, homini in meum exitium facto. 551. *more feræ*, at

Non servata fides, cineri promissa Sychæo!

Tantos illa suo rumpebat pectore questus.

Æneas celsa in puppi, jam certus eundi,

Carpebat somnos, rebus jam rite paratis. 555

Huic se forma dei vultu redeuntis eodem

Obtulit in somnis, rursusque ita visa monere est;

Omnia Mercurio similis, vocemque, coloremque,

omnia frustra. v. Not. Agnoscit ac tuetur lectionem librorum Quinctil. IX, 2, 64. Hoc illud est, quod toties in re critica bilem movet, cum magno conatu multa movent viri docti, ut sub finem subjiendum sit: *sed sana vulgata*. Si tuo ipsius iudicio sana erat, cur operose tentabas? *feræ* Aproniani lectionem esse observat Pompon. Sab. *non tales* alter Mentel. 552 *Non cineri s. fides* Serv. sup. ad v. 52. *Sichæi* Medic. (hoc est, quod Pompon. Sab. habet: *Sic legit Apronianus*) cum aliis Pier. Heins. et uno Barm. Sed *Sychæo* est pro *Sychæio*, noto more poetarum, primitivum pro deducto: ut *Romula tellus*; et apud Tragicos Græcos infinita. Sic *laticem Lyæum* I, 686 vidimus; sic *Lenæum honorem* sup. v. 207. De scriptura *Sychæo* v. sup. ad I, 343. 553 *fundebat* pr. Hamb. pro var. lect., at recte *rumpebat* ut sup. II, 129, h. e. mittebat; proprie cum vi et impetu. Post hunc versum in Uratisl. legebatur: *Thuræque magnorum longe dat jussa deorum*. Huic se forma viri v. Idem versus insertus est Goth. sec., sed post v. 557 rursusque ita visa monere est: *Duræque* m. 554 *Æneas jam e.* in p. e. Wall. 556 *Hinc Ven.* 557 *jussa m.* Franc. ex more librariorum. est deest binis Barm. et Goth. tert. a m. pr. 'st Gud., ut solent veteriores codd. 558 *Mercurii* tert. Mentel. a m. pr. que post colorem abest a tribus Barm.

quam parvum hoc, ut saltem ferino more seclusam a jucunda societatis conjunctione, solam et hominum adeoque et virorum commercia fugientem, vivere licuisset! Nihil amplius in sententiam est assumendum, quam abhorrens ab humaniore cum aliis consuetudine ac consortio natura. Servius ad Lynceas referebat, et ex Plinii H. N. locum laudabat: *Lynceas post amissas conjuges aliis non jungi*. Quinctil. l. c. IX, 2, 64 de matrimonio justo acceperat, a quo alienæ sunt *feræ*. nec tangere, attingere, sentire, *tales curas*, dolores animi! 552. *Non servata* est, non servare licuit fidem etc. cineri *Sychæo* h. e. *Sychæio*; ut *Dardana arma*. vid. Var. Lect.

554 sqq. Non tam Homeri imitatione, apud quem, rhapsodorum forte studio, bis a Jove Mercurius mandata accipit, ut Calypso Ulyssem di-

mittere juberetur; nec ea de causa, ut invitum discedere *Æneam* significaret, denuo Mercurii nuntium induxisse videtur poeta, quam ut ex propiore hac causa et nova hac Numinis monitione, ipse discessus aliquam dignitatem momentumque ac diversitatem a vulgari quoque discessu haberet. Vulgaris narratio ita instituenda fuisset: Et jam *Æneæ* classis satis erat instructa, ut vento secundo sub noctem exorto illa litore solveret. At quam tenue hoc! Sin vero metus a Carthaginensium incursu erat memorandus, Mercurii monitu multo magis res egebat apud poetam.

556—559. Comparant Iliad. B, 20 sqq. 57 sq. Odyss. B, 268. Iliad. Ψ, 69 sq., sed primo loco erat commemorandum Odyss. K, 277 seq. Ad 558 cf. inf. IX, 650. *colorem oris*, qualis est pulcræ juventæ ex palæ-

Et crines flavos, et membra decora juventæ.
 Nate dea, potes hoc sub casu ducere somnos? 560
 Nec, quæ te circum stent deinde pericula, cernis?
 Demens! nec Zephyros audis spirare secundos!
 Illa dolos dirumque nefas in pectore versat,
 Certa mori, varioque irarum fluctuat æstu.
 Non fugis hinc præceps, dum præcipitare potestas?
 Jam mare turbare trabibus, sævasque videbis 566
 Collucere faces, jam fervere litora flammis:
 Si te his attigerit terris Aurora morantem.
 Eia age, rumpe moras. Varium et mutabile semper

559 *juventa* nonnulli Pieriani, Medic. cum duobus aliis Heins. Adde fragm. Vatic. Sane *membra decora juventa* communiorem formam habent. 560 *potis est sub c.* Oudart. *casu sub alter* Hamb. 561 *quæ te circum stent* Heins. e Medic. aliisque post Pierianos. Adde fragm. Vatic. At vulgg. *quæ circumstant vel stent te.* cf. ad 536. A multis abest *te. cernas* Leid. a m. pr. 563 *deos tert.* Mentel. a m. pr. *in pectora alter* Menag. *sub pectore* Pieriani aliquot. 564 *Lectio hæc Medicea aliorumque est codd.* elegantior haud dubie illa et poetæ frequentata, cf. v. 532, quam altera, quam alii codd. ap. Heins. et Barm. (cujus Menag. alt. *suscitat* habet) cum uno Pier. et fragm. Vatic. *variosque irarum concitat æstus.* Forte ipse poeta meliorem lectionem alteri adscripserat. 565 *Num tres Bormann. in præceps* fragm. Vatic. a m. pr. 567 *litora fervere* Dorvill. 569 *Heia* in fragm. Vatic. et in multis. *Ergo age* Pier. aliquot codd. ac mut. Wall.

stræ sole et pulvere. Mercurium e pulcerrimis diis esse, nota res, imprimis ex operibus veterum.

560—569. *hoc sub casu*, exquisite pro periculo ac discrimine. *ducere somnos*, Barm. vult esse h. l. producere per totam noctem. Sed in tanto periculo omnino dormire Æneam, insolens et mirum erat. *deinde* videtur otiosum esse; sed lubenter eo utitur poeta ad morem τοῦ ἔτρα in argumentatione vel consecutione, ut inferatur aliquid: et cum hæc ita sint, *in tanto casu, ἔτρα, deinde*, tu non cernis pericula, quibus circumdatus es? ἄτ' οὐκ αἰσθάνῃ; Sic v. c. XII, 889 *Quæ nunc deinde mora est?* IX, 781 *quo deinde fugam, quo tenditis?* Nec multum aliena hæc sunt a vulgari usu pro porro, aut pro in posterum, ab hoc inde tempore. v. c. inf. V, 14.

te circumstant, jam Hom. περὶ γὰρ καὶ πάντοθεν ἔσθῃ, Odyss. ε, 270. *Zephyros* simpliciter pro ventis dicit; ut solet in ventorum nominibus parum accurate versari Virgilius. Hærebat hic Holdsworthus, etsi nec est, cur non proprie dictos putes; nam ab occidente ortus ventus deferre Æneam a Carthaginis ora in Italiam debuit. Et sic inf. V, 19, 20. 562. *demens*. σῆγελος. 564. *Certa mori*, vide v. 475. 565. *præcipitare* vel τὸ fugere, præcipitare fugam, vel præcipitem esse, præcipitanter agere. 566. 567. Ornati versus! *turbare trabibus*, impleri navibus sc. Carthaginiens. cf. inf. 592 sq.; male Cerda *turbare* tempestate. 568. *Si te hic*. Comparant Iliad. ε, 268. 269. 569. *Varium et m.* h. l. tantum eo pertinet, quod in muliebri animo summus a-

Femina. Sic fatus nocti se immiscuit atræ. 570

Tum vero Æneas, subitis exterritus umbris,

Corripit e somno corpus, sociosque fatigat :

Præcípites vigilate, viri, et considite transtris ;

Solvite vela citi. Deus, æthere missus ab alto,

Festinare fugam, tortosque incidere funes, 575

Ecce iterum stimulat. Sequimur te, sancte deorum,

Quisquis es, imperioque iterum paremus ovantes.

Adsis o, placidusque juves, et sidera cælo

Dextra feras. Dixit ; vaginaque eripit ensem

Fulmineum, strictoque ferit retinacula ferro. 580

Idem omnes simul ardor habet ; rapiuntque, ruuntque ;

570 *fatis* Gad. a m. pr. *jam* misc. fragm. Vatic. a m. pr. *noctique* imm. Wall. *se* miscuit Leid. et Goth. tert. 571 *subitus* alter Menag. 572 *a somno* duo Burm. *e somnis* Leid. *e strato* aliquot Pier. et sup. III, 176. *socios corpusque* Wall. 573 *Præcípites*, v. v. emendabat Jo. Schrader. in schedis. Offendebat scilicet *præcípites* cum *vigilate* junctum, quod poeticus sermo in festinatione bene fert. *Prævigilate viri*, moneo sec. Rot-tend. ludibrium, puto, librarii. et deest alteri Hamburg., non male. 574 *jussus* Oud-art. pro Var. Lect. 575 *F. jubet* Venet. *Mox que* abest a duobus Burm. 576 *instimulat* aliquot Heinsiani ; quod numerosius videri potest ; sed v. Heins. et Burm. 577 *imperioque* duo Parrhas. cum plerisque Pierianis. 578 *Adsis* en Ven. *Assis* Menag. alt. cum codd. Pierii, quem vide. cæli Dorvill. 579 *Inquit*, v. Parrhas. *liberat* ensem pr. Hamb. v. ad Ovid. VI Met. 551 et al.

mor in summam sævitiam et imma-nitatem verti potest, ut adeo Æneæ de salute cogitandum sit. 570. *nocti se i. a.* evannit. sup. v. 278 *tali Cyl-lenius ore locutus Mortales visus me-dio sermone reliquit.*

571—575. *subitis umbris*, potest forte accipi pro imagine, viso. Me-lius tamen in poeta pro caligine su-bito exorta abeunte deo, qui, ut mos est, in multa luce apparuerat : ut sup. v. 358 *deum manifesto in lumine vidi.* *Fulsit ab invita numen procul*, ait Valer. Fl. VI, 480. At nunc ille 570 *nocti se* immiscuerat *atræ.* *Corripit e somno corpus*, Lucretiana oratio, lib. III, 164, h. e. levat, mo-vet. *sociosque fatigat*, hortatibus h. l., ut omnino de sæpius tentato motu

dicitur poetis. cf. ad I, 280. VIII, 94. *funes*, retinacula, v. 580. conf. III, 639. 640. 667.

576. 577. Jam Servius secundum Ennium dixit : *Respondit Juno Sa-turnia sancta dearum, ἦτα θεῶν.* In *quisquis es* argutatur Servius et cum ipso alii. Atqui *forma dei—Mercurio similis* supra erat ; ipsum Mercu-rium esse, nihil erat, quod Æneam certum redderet. 578. *sidera dextra*, proprie quorum exortu venti secun-di flant ac prospera navigatio fit.

580. Vid. Odyss. κ, 127. cf. Cer-da. 581—583. Ut in toto loco, ita imprimis in his versibus, vel verbo-rum dilectu, vel asyndetis, vel ipsis verborum temporibus ipsoque nu-mero festinatio exprimitur, ut facile

Litora deseruere; latet sub classibus æquor;
Annixi torquent spumas, et cærulea verrunt.

Et jam prima novo spargebat lumine terras
Tithoni croceum linquens Aurora cubile. 585
Regina e speculis ut primum albescere lucem
Vidit, et æquatis classem procedere velis,
Litora que et vacuos sensit sine remige portus:
Terque quaterque manu pectus percussa decorum,
Flaventesque abscissa comas, Pro Jupiter! ibit 590
Hic, ait, et nostris illuserit advena regnis!
Non arma expedient, totaque ex urbe sequentur,

582 *Litore* Mentel. pr. sub *clausibus* Reg. 583 *Annexi* et *vertunt* Goth. sec., vulgari lapsu. 585 *spargebant* Sprot. 586 et sp. sec. Rottend. tum *primum* Ven. cum pr. aliquot codd. ap. Burm. et Goth. tert. *primam* Gud. a m. pr. et Mentel., eleganter, iudice Heinsio. De quo nemo dubitet. At Maro non minus frequentat ut *primum* pro cum *primum* Æn. I, 306 *Ut primum lux alma data est*, et sic multis locis: quorsum ergo contenta codicum fide mutabimus! 587 *producere* sec. Moreti, solita varietate. 590 *abscissa* multi præstantiores. v. Heins., qui recipere debebat, si sibi constare volebat, et cf. II Georg. 23. *flaventis abscissa* Reg. fl. *que comas abscissa* Wall. *abscissa* aliquot ap. Pier. pro *J*, inquit Montalb. 591 *Hinc*, ait Menag. Hamb. pr. Erf. i. a. *terris*, Leid. un. 592 *Nunc a*, Montalb. *Nonne* Zulich. *expediam* ed. Ven.

observes. *latet sub classibus æquor*. Bona rei imago, qua et alii poetæ passim utuntur. Loca apud Cerdam. Adspectui subducitur mare per naves æquatis proris procedentes. *spumas*, mare spumans, et *cærulea verrunt*, remis.

584. 585. Homerici versus Iliad. A, l. Ω, 695 et alibi, verbis fere Lucretii lib. II, 143. Ceterum locum hunc de Didonis novissimis fati variare voluit Silius VIII, 84 sqq., quæ comparet, qui Virgilianum πᾶσις accuratius cognoscere vult.

586—588. Servius: "et bene hanc primum inducit vidisse crepusculum, quæ, quasi amatrix, tota vigilaverat nocte." cf. Ecl. VIII, 17—20. Forte ante oculos fuit Apollon. Rh. III, 818 sqq.—*e speculis*, ex edita ædium parte.—*ut primum albescere lucem vidit*. Creditur ex antiquo poeta Ennio adumbratum esse: *Ut primum*

tenebris abjectis inalbebat dies. Ursin. ac Cerda h. l. Columna ad Enn. p. 65 e princ. libri VII. Apuleii Metam. *æquatis velis*, æqualibus ordinibus; sed declaravit hoc a velis non obliquo vento, sed æqualiter plenis, leni ac secundo vento a tergo impellente. cf. inf. V, 844 et 232. Homerī νῆες ἰλαί comparantur: quæ tamen alio modo æquales dicuntur.

590—594. Magna est legentis expectatio, quæ desperata jam salute omnique meliore spe sublata, futura sit miseræ reginæ oratio. Et pathos verbis inest summum; furit, minatur, se accusat, imprecatur. *abscissa* simpl. evulsa, h. e. evellens. *illuserit* post *ibit*, ut I Georg. 157 *Falce preme*—*vocaveris*. cf. Burm. *nostris regnis*, mihi, tanquam reginæ. Illusit autem discessu tuto et impune facto post tantas in me injurias. *arma*, instrumenta navalia et h. l. alii expe-

Deripientque rates alii navalibus? Ite,
Ferte citi flammæ, date vela, impellite remos.—
Quid loquor? aut ubi sum? Quæ mentem insania
mutat?— 595
Infelix Dido! nunc te facta impia tangunt?
Tum decuit, quum sceptrâ dabas:—En dextra
fidesque!

593 *Deripiantque* Witt. Voss. alt. et Donat. de Schemat. Sed usus et ratio postulat *Deripientque*, uti jam Heins. emendabat, quem miror hoc non reposuisse, id quod nunc fecimus: expresserat jam Brunck. conf. sup. I, 211. Porro codd. distinguunt post *rates*, male. 594 *F. c. ferrum* Gud. pro div. lect. *date tela* Medic. cum aliis plerisque Heins. duobus ex Goth. Erf. Variant quoque Grammatici. v. Heins., qui recte nil movit. *impellite remos* Leid. 595 *loquar* Leid. un. ubi sunt Zulich., non invenisse, iudice Burm. Nihil tamen ad vulgatam: ubi sum? Mox quæ m. i. versat tres ap. Burm., non male; ex glossa tamen. 596 *nunc te* Heins. tuetur e Medic. aliisque cum Pier. alii *nunc te*; etiam Grammatici ap. Heins. nam Clidonius. *jam te f.* Reg. et Parrhas. Porro *facta i.* e Medic. aliisque præstantioribus recepit: Vulgo *fata*. cf. Not., quod bene poterat exponi: *fata impia*, fatam crudele, iniquum, infanctum. Nunc fato tuo moveris? debbas tum moveri, adeoque de illo sollicita esse et de eo, quod futurum esset, cogitare, tum cum Æneam in regni societatem admitteres. Variant etiam Grammatici ap. Heins. item Gothani. 597 *Tunc* Gud. cum al. Heins. *Tunc licuit* Parrhas., sed in eo interpolationes plurimas observes.

dient—alii *deripient*, rapiunt, rapide educunt.

596. 597. Variis modis, ut plerumque fit in sententiis acutis, hæc accipi possunt et vario cum affectu, sive *fata* sive *facta* legas; quoniam hæc et Æneæ et Didonis esse possunt, et quia *Tum decuit* suppleri potest vel: facere hæc sc. quæ v. 592—594 memoraverat, vel: *facta impia tangere te*. *Tangunt* porro, *καθι-κνούνται σου*, cum ea, quæ attingunt, urgent, adsunt, tum, quæ animum movent, percellunt vel concitant, metu, terrore, odio, quocumque alio vehemente affectu. Ex pluribus hanc rationem probem: Exhorruerat illa modo ac damnaverat v. 595 atrocitatem consilii de persequendo et perdendo hospite; silet, et mox: quasi vero nunc demum nefas ac scelus exhorrescendum mihi sit! tum debbam exhorrescere, cum, defuncti

mariti memoria animo expulsa, in thalami ac regni societatem perfidum hospitem recipiebam. Sic v. 214 ac dominum Æneam in regna recepit; adde Ovid. Epist. VII, 12. 90. Poterant illa: *nunc te facta impia tangunt*, bene accipi de perfidia Æneæ, tum vero alterum: *tum decuit*, facta impia tangere te, cum sceptrâ dabas, ad ipsius Didonis fidem marito datam et nunc læsam referre: tum debebat mentem percussam esse re impie facta a te ipsa. Ad sententiam comparare licet Medæ conditionem ap. Apollon. IV, 1080 sqq.

597—599. Ut sup. 307 *Nec te no-ster amor, nec te data dextera quondam—tenet. En dextra fidesque* sc. ejus, quem, h. e. ita fidem servat is, quem aiunt portare (pro portasse) secum Penates. Non male Ursinus laudat Iliad. B, 341 *Ἐν πυρὶ δὴ βουλαὶ τε γεινοῖατο μήτιά τ' ἀνδρῶν*,

Quem secum patrios aiunt portare Penates !
 Quem subiisse humeris confectum ætate parentem !—
 Non potui abreptum divellere corpus, et undis 600
 Spargere ? non socios, non ipsum absumere ferro
 Ascanium, patriisque epulandum ponere mensis ?—
 Verum anceps pugnae fuerat fortuna.—Fuisset ;
 Quem metui moritura ? Faces in castra tulissem,
 Implessemque foros flammis, natumque patremque 605
 Cum genere extinxem, memet super ipsa dedissem.—
 Sol, qui terrarum flammis opera omnia lustras,
 Tuque harum interpretes curarum et conscia Juno,

598 Qui hoc et seq. v. pro quem olim fuit lectum, teste Servio. portasse Medic. et Dorvill. 600 abreptum, areptum, abruptum, devellere, librariorum ludibria. avulsum apud Donat. in Terent. Andr. IV, 3, 3. memoriae lapsu. corpus divellere Menag. pr. 602 patrique ed. Junt. Dorvill. et Lutat. apud Burm. ponere Burmannus primus recepit, ut scripti fere omnes, etiam duo Goth. habent, etiam Pierii, præter unum ejus Mediceum, qui diversus a Foggiano est. In hoc ut in vulgg. edd. legebatur opponere ; duo ap. Burm. opponere, alter Hamb. imponere. Sed ponere, pro apponere, frequens poetis. 603 fuerat pugnae Menag. pr. 604 Quem timui Goth. tert. Heins. conj. in transtra. Sed castra plus poeticae audaciae habet. v. Not. 605 foras, fores, feros, aberrationes librariorum. 606 extinctum pr. Morel. extinguam Lutat. ad Stat. V Theb. 128. extinctissem, quod est interpretis. Burm. extinsem duo Goth. et memet quædam edd. Servii sup. ad v. 508. 608 et abest a pr. Hamb.

Σπονδαὶ τ' ἄκρητοι καὶ δεξιά, αἷς ἐπέ-
 πιδμεν.

600—602. abreptum divellere corpus, ornate, dilaniare eum. patriisque epulandum ponere mensis ? respicit Thyestæ vel Terei coenam.

603—606. En affectum, qui altius assurgere aut procedere nequit. Itaque vers. 607 bene ad diras convertit se, at quanta cum arte illas ad religiosum ac sacrum aliquem horrorem attemperavit ! Quem metui m. præclare, pro vulgari : quid mihi metuendum fuisset, cum mori decreverim ! in castra, h. l. classem. III, 519 Dat clarum e puppi signum ; nos castra movemus. foros, tabulatum, pro ipsis navibus. Cum genere, int. Trojanos. dedissem in ignem. cf. furorem Medæ apud Apollon. IV, 392—394.

607—612. Solis, tanquam dei παν-
 δερκοῦς, adeoque et injuriæ inspectoris, ut in foederibus (v. Iliad. I, 277, et inf. XII, 176) ita in diris sollennis mentio. Cæda laudat Sophocles locum Ajax. 860 sqq. conf. ibid. 839 sq. 850 sqq. Adde Ennii locum ex Medea Euripidea vs. 1251 sqq. conversum in Fragment. pag. 208. lustras de cursu, ut sup. v. 6. Barmannus pro illustras accipere malebat ; minus poetice. Homericum : ἡλιὸς δ' ὅς πάντ' ἐφορᾷ καὶ πάντ' ἐπακούει Iliad. I, 277. comparari non debebat : ibi Sol dicitur omnia intueri et audire ; quæ diversa et multo angustiora sunt, quam Solem omnes terras lustrare, obire, cursu suo, terrarum opera ut ἔργα, proprie de cultis locis. Juno (ut sup. v. 59 in sacris

Nocturnisque Hecate triviis ululata per urbes,
 Et Diræ ultrices, et dî morientis Elissæ, 610
 Accipite hæc, meritumque malis advertite numen,
 Et nostras audite preces. Si tangere portus
 Infandum caput, ac terris adnare necesse est;
 Et sic fata Jovis poscunt; hic terminus hæret:

609 *per umbras* Leid. un. pro var. lect. 611 *avertite* multi; sed alienum a loci sententia. *Accipite hæc: animusque malis excludite tantis* ed. Ven. ab interpolatore. 613 *I. corpus Menag.* pr. e glossa. et t. Parrhas. 614 *Et sic bene* Heins. reposuit, optimis codd. etiam Pierianis auctoribus, etiam Nonio et Macrobio: *Volgo Et si.* Heins. conj. *Id si.* In pr. Rottend. pro var. lect. erat: *Et si fata petunt Jovis: hic et t.*

mactabat bidentes *Junoni ante omnes, cui vincla jugalia curæ* γαμήλιος (*pronuba* v. 166), h. l. est *interpres et conscia curarum harum*, hujus amoris aut conjugii, adeoque testis perjurii et injuriæ. *Interpres* etiam alias, cujus interventu aliquid efficitur, h. l. nuptiarum, quibus dea præest. 609. *Hecate*, cui noctu sacra celebrantur cum ululatu, h. e. carmine, precibus, in triviis: Notus usus vocis *ululare*, δολιχίζειν, in sacris, pro inclamare, invocare, maxime cum animo commoto et in furorem acto. *Hecate ululata*, ut *bacchata Naxos* sup. II, 125. *Diræ*, h. l. *Furiæ*, ut XII, 845 sq., ubi cf. Notam. *Deos morientis Elissæ*, Genios Didonis, mox Manes futuros, intellexeram: cf. XII, 646, et sic fere Servius primo loco. At Pompon. Sab. *Manes Sichiæ* vocat. Nec tamen video, quid vetet, *deos ultores Elissæ* accipere. 611. *Accipite, advertite, audite* de eadem re. *numen vestrum*, h. e. vim ac potestatem deorum inferorum ulciscendi malos, *advertite malis*, contra improbos et impios Trojanos, *meritum*, quippe qui meruerunt vestrum numen, h. e. poenam, a diis malorum altoribus infligendam. Exquisitior ratio quam illa, *advertere vultus, aures*,

animos, ut Ovid. VIII Met. 482.

612 sqq. Eximiam poetæ artem in subjungendis diris his, quibus Æneæ fata, post adventum in Italiam, mox temporum seriorum eventus bellaque inter Pœnos et Romanos gesta, ingeniose intexuit, ut tanto magis popularium suorum animos adverteret et delectaret; jam alii viderunt. *Dirarum* vero et imprecationum omnino inventum et usum a poetis Græcis accepit, in quibus frequens est, utpote vehementibus affectibus bene inserviens. Exempla vide ap. Cerdam.

612—614. Ante oculos fuere ex Odyss. I, 532 seqq. diræ Polyphemi in Ulyssem: 'Ἄλλ' εἰ οἱ μοῖρ' ἴσσι etc. Gravitationem orationis nota in verbis singulis, ut, *Infandum caput* pro eum, *terris adnare*, pro pervenire ad Italiam. sup. I, 538 *huc pauci vestris adnavimus oris. hic terminus hæret*, est. Serv. "Si hoc est immutabile; quoniam agrorum termini moveri nequeunt." Melius sic constitues: et si eo, h. e. in Italiam, fatorum et errorum Æneæ terminum ac finem, pervenire Æneam fatale est; hæret, fixum et destinatum est. Saltem hoc ab agrorum terminis petitur; verbo Lucretiano lib. VI, 65 *fixa pote*

At bello audacis populi vexatus et armis, 615
 Finibus extorris, complexu avulsus Iuli,
 Auxilium impleret, videatque indigna suorum
 Funera; nec, quum se sub leges pacis iniquæ
 Tradiderit, regno aut optata luce fruatur:
 Sed cadat ante diem mediaque inhumatus arena. 620
 Hæc precor; hanc vocem extremam cum sanguine
 fundo.

Tum vos, o Tyrii, stirpem et genus omne futurum
 Exercete odiis; cinerique hæc mittite nostro
 Munera. Nullus amor populis, nec fœdera sunt.
 Exoriare aliquis nostris ex ossibus ultor, 625

615 *Et bello Medio.* a m. pr. 616 *externis Hugen. conspectu avolsus* codd. ap. Nonium Marcellum. *que post complexu duo* Barmann. *avolsus scriptum cum* Medic. et Gud. 617 *que abest a* Mentel. pr. et sic bona codd. pars ap. Pierium eo caret. 618 *legem* sub p. Hamb. pr. 619 *fructur* Goth. sec. 622 *et deest* Zulich. a m. pr.

stas denique cuique Quanam sit ratione atque alte terminus hærens.

615—621. Revocata sunt ad has diras ea, quæ lib. VII seqq. memorantur, bellum cum Latinis et sociis Rutulis, Æneæ profectio ad Evandrum, auxilii petendi caussa, relicto in castris Ascanio, quem interea oppugnat Turnus cum magna Trojanorum strage. Reliqua a v. 618 ad mortem Æneæ spectant; namque is tertio, ut plerique tradunt, a fœdero cum Latinis anno, pugna cum Tyrhenis facta, in Numicio flumine periit. conf. sup. I, 261 sq. et Excurs. III ad lib. XII. *audacis populi*, Servius: "id est, Rutulorum, sicut semper inducuntur." Sic VII, 409 *Audacis Rutuli ad muros*. *Audax* poetis est bellicosus, fortis. *Finibus extorris*, profectus ex castris in Latio positus. *indigna*, miseranda, *suorum Funera* imprimis Pallantis Lib. X. *pacis iniquæ* v. lib. XII, 823 sqq. cf.

Serv. Sed res in majus aucta. 620. *cadat ante diem inhumatusque* sunt iungenda. *ante diem*; non obstat lib. VI, 764 *Quem tibi longævo serum Lavinia conjux Educet silvis regem*. Paucos saltem annos regnavit. *inhumatus*, quoniam ejus corpus nusquam inventum est, ut adeo inter deos receptus diceretur, ut ex Livii I pr. notum.—*media arena*. nolim a gladiatorum pugna in amphitheatro petere; sed est pro campo, loco pugnae. 621. *cum sanguine*, cum vita, sed multo majore cum vi. Servius: "quasi imprecationes ipsas suo consecraret sanguine."

622—629. Odia inter Pœnos et Romanos, et bella perpetua de imperio. *stirpem exercete odiis*, vexate. Nisi est exquisitior ratio pro vulgari, exercere odia in posteros; nihil amplius. *Munera* int. inferias, quæ proprie mitti dicuntur. *nec fœdera sunt*, quippe tertio rupta, ut Serv. 629.

Qui face Dardanios ferroque sequare colonos,
Nunc, olim, quocumque dabunt se tempore vires.
Litora litoribus contraria, fluctibus undas
Imprecor, arma armis; pugnent ipsique nepotesque.

Hæc ait, et partes animum versabat in omnes;
Invisam quærens quam primum abrumpere lucem.
Tum breviter Barcen nutricem affata Sychæi:
Namque suam patria antiqua cinis ater habebat:
Annam, cara mihi nutrix, huc siste sororem;
Dic, corpus properet fluviali spargere lympha, 635

626 sequere alter Hamb. 627 quacunque Parrhas. 629 Jam precor duo Barm. arma viris pr. Hamb. p. ipsique nepotesque Heins. reposuit e Medic. aliisque potioribus codd. Vulgo leg. ipsique nepotes; et sic Grammatici passim laudant; sic quoque omnes Goth. (ipsi pugnentque nepotes Moret. qu. ex interpolatione). In quo facile intelligi possit, alterum que librarii culpa extritum esse. Videtur tamen mihi que illud in clausula totius sententiæ et orationis redundans vix locum tueri posse, vel aurium iudicio. Tum ipsique non habet, quod commode hinc advoces. Nam debent esse aut ipsi Tyrii: tum vero languet post superiora multo graviora: pugnent ipsi et nepotes; aut populi: atqui quinam sunt populorum nepotes? Heumannus et Trappius et Jo. Schrader. in schedis, totum hemistichium rescindendum esse iudicabant, tanquam assutum; scilicet viris doctis non succurrebat, qui illi Carthaginiensium nepotes esse possent. Holdsworthus Jubam huc vocabat, et laudabat Lucani locum lib. VIII, 283 sqq. Dicas potuisse poetam latius ipsum Bocchum ac Jugurtham, Afros certe, etsi non proprie Carthaginiensi stirpe oriundos, intelligere. Parum tamen hoc quoque satis facit. Alterutrum tenendum esse arbitror: aut, quod malim, ne clausula tenuior sit reliqua oratione, in suspicionem adducendum hemistichium; aut, si malis, cum excusatione poetæ, retinere, simpliciter nepotes sunt posterius, sera posteritas, sc. respectu eorum, qui tum erant, et tollendum importunum que. 632 Cum br. Wall. Hinc B. breviter Hamb. alter. Porro Barcen, Bachem, Bachen, Braccen, Barchen aberrationes. Sichest duo Barm. cum Goth. sec. 633 Hunc versum suspectum Britanno docto ac vindicatum vide in Miscell. Obs. Vol. I, p. 13. Suspectum haberi video et aliis, ut Jac. Bryant., et Jo. Schradero, acutis viris. Sane si vitio datur poetæ, quod rem tam parvi aut nullius momenti interposuit, excusandi facultas esset: cum fidem faciant narratis hoc ipso poetæ, quod certis nominibus, rebus, locis, res definiunt; sed sunt in ipso versu plura, quæ displiceant: suam pro ejus; cinis in patria nutricem habebat. Est itaque haud dubie ab interpolatore profectus. 635 aspergere Ven., quod est commune. mergere alter Menag.

ultor, Hannibalem ostendit (ut quoque Serv.) qui Italiam ferro ignique vastavit. ex ossibus pro vulgari, ex cinere meo, h. e. post me veniat aliquis, qui persequatur etc. dabunt se, exquisitius quam, erunt. Occurrit et alibi: Georg. I, 287 Multa adeo gelida melius se nocte dederunt. Bella scilicet ominatur sæpius renovata. 628. 629. Servius ad fœderis conditiones super limitibus inter Pœnos et

Romanos subtiliter satis refert. Enimvero est poetica amplificatione odii et inimicitiae; ut vulgo solemus dicere: omnia inter Romanos et Pœnos fuisse infesta et contraria.

632. Ut sola et sine arbitro esset, cum mortem sibi inferre decrevisset, Barcen, quæ cum ipsa erat, foras ablegat.—633. Suam propriam nutricem Dido jam olim apud Tyrum sepeliverat. Ut alias tumulo, sepul-

Et pecudes secum et monstrata piacula ducat.
 Sic veniat; tuque ipsa pia tege tempora vitta.
 Sacra Jovi Stygio, quæ rite incepta paravi,
 Perficere est animus, finemque imponere curis;
 Dardaniique rogum capitis permittere flammæ. 640
 Sic ait. Illa gradum studio celerabat anili.
 At trepida et cœptis immanibus effera Dido,
 Sanguineam volvens aciem, maculisque trementes
 Interfusa genas, et pallida morte futura,
 Interiora domus irrumpit limina, et altos 645
 Conscendit furibunda rogos, ensemque recludit
 Dardanium, non hos quæsitum munus in usus.

636 ducet Mentel. pr. 637 Sic veniet nonnulli e Pierianis. tuaque sec. Rottend. a m. pr. tege corpora Sprot. 638 parabam vet. cod. apud Macrob. III Sat. 3. 640 Dardanidique Wall. pro Dardanidæ, subiicit Burm. præmittere Ven. flammis Medic. 641 Dixerat, illa Parrhas. celebrabat a pr. m. Medic. cum aliis, frequenti lapsu. accele-
 rabat Goth. sec. anilem Burmanno invito in contextum venisse suspicor. Nam Heinsia-
 næ edd. anili retinent, et Burmannus ita rectius legi pronuntiat. Atque ita Medicus
 cum præstantissimis aliis; item Goth. pr. et sec. a m. sec. Non male sane dictum al-
 terum quoque: expuli tamen codicum jussu, quod fors intulerat. 642 Et tr. Mon-
 talb. et ante capitis abest a pr. Moret. At rapidi c. Exc. Burmann. 643 involvens al-
 ter Voss. 645 irrumpit, perrumpit, prorumpit, abrumpt, aberrant codd. ap. Burm.
 646 moribunda Ven. thoros Parrhas. reclusit Gud. a m. pr. Dorvill. et Donatus ad Terent.
 Adelph. II, 1. restringit un. Heins. 647 non hosce relictum ex v. 507 emend. Tan-
 Faber. Sed v. Burmann. et not.

cro, urna, haberi, teneri dicuntur de-
 functi: sic nunc cinis patria (terra)
 habetur.

636. monstrata a sacerdote, puto,
 piacula, piamina, h. l. purgamina,
 quibus in sacris magicis utebatur su-
 perstitio, h. l. ad mentem amore
 exolvendam. cf. Ecl. VIII, 73 et 80
 sq. 638—640. incepta inde a v. 504
 sqq. vid. notam ad v. 480 sq. cf. ad
 seqq. Silium VIII, 116 sqq., qui
 sua ex h. l. duxit: Nigro forte Jovi
 etc. sc. Plutoni. 640. rogum permit-
 tere flammæ, lignorum struem, py-
 ram, incendere: hoc quidem expedi-
 tum est. Verum ambiguum esse
 potest, sitne flamma Dardanii capitis

an rogos Dardanii capitis. Video
 nunc hoc mollius esse: rogum, cui
 imposuerat effigiem Æneæ, (sup.
 508) quasi caput ac vitam ejus devo-
 tura.

642—647. Notas extremi furoris
 observa. morte futura, jamjam cum-
 maxime constituta; male enim Ser-
 vius aliter. Sanguineam aciem, ὀφθαλμοῦ.
 interiora domus limina, li-
 men interioris ædium partis; pene-
 trali in sede sup. 504 sq. tecto interi-
 ore 494 sq. quæsitum, paratum, ac-
 ceptum, adeoque etiam datum; sup.
 507 dixerat ensem relictum scil. dono
 ac munere. Arma viri, thalamo quæ
 fixa reliquit sup. 495.

Hic, postquam Iliacas vestes notumque cubile
 Conspexit, paullum lacrimis et mente morata,
 Incubuitque toro, dixitque novissima verba: 650

Dulces exuviæ, dum fata deusque sinebant,
 Accipite hanc animam, meque his exolvite curis.
 Vixi, et, quem dederat cursum fortuna, peregi;
 Et nunc magna mei sub terras ibit Imago.
 Urbem præclaram statui; mea mœnia vidi; 655
 Ulta virum, pœnas inimico a fratre recepi:

649 *parum* duo e glossa. *lacrimas* Goth. pr. *mente remota* Sprot. 651 *si fata alter* Hamburg. *sinebat* Medic. cum codd. parte, etiam Pierianorum, doctius: ut mirer id a viris doctis dimissum manibus esse. At *sinebant* tuetur inter alios fragm. Vatic. 652 *absolvite* tres cum Servio apud Burmann. *his deest* Zulich. ex. *panis* ed. Ven. 653 *Locus* est ap. Senecam Epist. XII. 654 *mea* tert. Rottend. Quod vulgare esset, etiamsi metrum ferret. 656 *a abest* a multis Pier. et Heins., male. *e fratre* Hugen. Porro Berm. conj. *Pœnos inimico a fratre recepi*, ingeniose quidem; sed nimis forte. vid. Not. Tandem tres ap. Burm. v. 656 antecedenti præponant.

648—650. *Iliacas vestes notumque cubile* rogo imposuerat. cf. sup. 507. 508. Erant autem vestes inter muneris e navibus allata. cf. lib. I, 647 sqq. Magnum ac novum πᾶθος in conspectu earum rerum, quæ magnopere animum percellere debuerat; magnum quoque artificium in dilectu rerum ac verborum. Expende singula. *mente*, defixa in pristini amoris ac consuetudinis cogitatione. *Incubuit toro*. Comparant intpp. loca Sophoclis (Trachin. v. 916 sqq.) et Euripidis (Alcest. 173—186), ubi Alcestis moribunda in torum conjugalem se projicit; at in altero Deianira se ipsam super Herculis toro interficit; qui locus majorem cum nostro similitudinem habet. Saltem præiverant illi aut alii tragici poetæ in hoc ad movendum affectum egregie comparato spectaculo. Vult autem Didō expiare culpam morte in eo ipso toro, in quo eam commiserat. At oratione, quæ modo sequitur, nihil putō dici posse aut personæ ac tem-

pori accommodatius aut ad animum movendum potentius; illa vero v. 653—656 quam sublimia sentiis! Et tamen Silius se putavit eum poeta in certamen descendere posse, lib. VIII, 141 sqq.

651 sq. *Exuvia*—*Accipite hanc animam*—quia iis incubans animam est expiratura. 653. Male argutantur in *fortuna* et ante in *fata deusque*, jam inde a Servio. Est eadem notio bis, ter, iterata. Magni animi hoc esse puta, ut in novissimis rebus sese erigat, et suæ laudis conscientia ac rerum gestarum claritate fatis ac diis invidiam faciat. Ingloria morior; at non vixi ingloria. *quem dederat cursum fortuna, peregi*; sup. lib. III, 493. dixerat: *Vivite felices, quibus est fortuna peracta jam sua*. 654. *imago*, εἶδωλον, Umbra, magna rerum gestarum nomine ac fama. Male aliter Intpp. Splendidum et illud: *sub terras ibit*, moriar; petatum ab Ennio et Lucretio. *ulta virum*, vid. sup. I, 360—364. *pœnas recepi*, nove forte,

Felix, heu nimium felix, si litora tantum
 Nunquam Dardaniæ tetigissent nostra carinæ!
 Dixit; et, os impressa toro, Moriemur inultæ!
 Sed moriamur, ait. Sic, sic juvat ire sub umbras. 660
 Hauriat hunc oculis ignem crudelis ab alto
 Dardanus, et nostræ secum ferat omina mortis.
 Dixerat. Atque illam media inter talia ferro

660 *Sed moriemur* quatuor ap. Burm. *Si sic* Gud. a m. pr. *Sic?* sic j. Fabric. legebat. Sed recte Burm. docet esse, *vel sic quoque*. 661 *ignem oculis* alter Hamb. 662 *et miseræ* Leid. un. omnia, male multi. 663 *medio* Dorvill. a m. sec. *mediam* legi testatur Taubm., ex Pompon. Sab. puto. Etsi enim e Mediceo Foggini nihil occurrit, ait tamen ille: "*mediam* legit Apronianus; nam, qui se transfodit, medius videtur esse gladii." Silios I, 307 *Concidit exacti medius per viscera teli*. Recepit Brunck. correctionem Aproniani. *media inter ilia* ed. Ven. *Æn. XII, 318 media inter talia verba*, h. e. in medio horum dictorum; inter hæc dicta.

nec tamen insolenter pro, cepi, sumsi. Bene Pompon. Sab. *recepit*, ad debitum refertur. *Felix heu!* Comparat Servius Catull. 64, 171 sqq., et de imitatione Statii III Silv. 3, 25 vide Burmann. Etiam Apollon. IV, 33, sed minus ornate.*

659—662. Iterum animi magni et superbi hoc; ut, ingloriam et inultam se mori, hoc vel maxime pungat. Tandem pro ultione habetur saltem hoc, quod conspectum suæ mortis, et cum hoc spectaculo perfidiæ poenitentiam, objectum iri Æneæ cogitat. *os impressa toro*, scil. percita furore, salute desperata, et morte vicina. Non enim is erat jam mentis habitus, ut exosculari illas exuvias velle videri posset, neque

verba, quæ effatur, tale quid arguant; sed ore impresso, præ animi dolore in torum, cui incubat, immisso, hæc eloquitur. 660. 661. *Inulta moriar*; modo sic moriar, ut saltem ille hauriat etc. Inter hæc verba ensem ab illa pectori applicari puta. *Dardanus* paullo insolentius pro Dardanius, sed et Homerus: *Δάρδανος ἀνὴρ*; et sic alia. 662. *Splendide*: ex meæ mortis indicio ac nuntio infanctum omen navigans ille secum auferat! Sit illi ferale hoc spectaculum pro sinistro viæ omine.

663—665. Vide facinus declaratum ab iis rebus, quæ maxime legentis animum impellant, et verbis ornatissimis. Non vident illam se transadigentem ferro, sed *ferro col-*

* "Perlato ad nos, dum hæc in manibus sunt, gravissimo nuntio de morte Munchhusii, immortalis viri, cum percussus ingenti luctu animas vix ulterius progredi in opere potest, dolori nostro vel alieno loco paulum indulgere liceat. *Vixit et Is, vixit, et cursum, ut quam gloriosum! quam ad omnem posteritatis memoriam memorabilem! peregit.* Poterat et Munchhusius suo jure Didonis verbis uti: *Et nunc magna mei sub terras ibi imago*; quam enim majorem Umbram inveniat inter eos, qui vitam excoluere per artes, Quique sui memores alios fecere merendo (VI, 663. 664): *Urben præclaram statui; mania vidi.* Quid enim? vidit Georgiam Augustam suam." Relinquo hunc locum a. LXX perscriptum in altera hac recensione intactum, ut, quantum per me fieri possit, Munchhusii nominis caritate etiam tenelli animi imbuantur. Si quid fructus et utilitatis ex hac poetæ interpretatione ad vos redit, o boni, etiam ejus partem aliquam isti viro vos debere putate. Nunc—(ut cum Statio loquar) *Inferior volat Umbra deo!*

Collapsam adspiciunt comites, ensemque cruore
 Spumantem, sparsasque manus. It clamor ad alta 665
 Atria; concussam bacchatur fama per urbem.
 Lamentis, gemituque, et femineo ululatu
 Tecta fremunt; resonat magnis plangoribus æther:
 Non aliter, quam si immissis ruat hostibus omnis
 Carthago, aut antiqua Tyros; flammæque furentes 670
 Culmina perque hominum volvantur perque deorum.
 Audiit exanimis, trepidoque exterrita cursu,
 Unguibus ora soror fœdans, et pectora pugnīs,
 Per medios ruit, ac morientem nomine clamat:
 Hoc illud, germana, fuit? me fraude petebas? 675
 Hoc rogos iste mihi, hoc ignes aræque parabant?
 Quid primum deserta querar? comitemne sororem

664 accipiunt duo Barm. *cruorem* Dorvill. cum aliquot Pier. 665 et alta alter Menag. 668 tremunt fragm. Vatic. *clangoribus* pr. Menag. et Montalb. *clamoribus* Witt. et Wall. cum parte codd. Pierianorum, Goth. duobus, Erf. Aberrationes solennes. 669 missis aliquot Pier. et ed. Mediol. Sed bene *immissis* defendit Pierias. 670 Tyros multi Pier. et Heins. et amat latinas enuntiationes Maro. Vid. Heins., qui tot alias aliis locis reduxit. *flammaque ruentes* Zulich. 671 voluntur duo Barm. *volitantur* Exc. Barm. voluntur Goth. sec. 672 casu eadem Exc. 673 ac p. alter Hamb. 675 hoc' ed. Brunck. quod fr. p. Bigot. 676 hæc ignes Parrhas. ignesque Leid. no. ignis Exc. Barm. 677 Quod pr. Hugen. germana querar Menag. pr. comitemque Gud. a m. pr. te Menag. pr.

lapsam, et hoc quanto plus quam *transfixam*! et *spumantem* plus, quam *inctum cruore ensem*. Bene etiam Servius: *Non induxit occidentem se, sed ostendit occisam*: addit ille: *et hoc tragico fecit exemplo, apud quos* (tragicos) *non videtur, quemadmodum fit eades, sed facta narratur*. Comites sunt familiares, famulæ, quæ in impluvium irrumpunt. Etiam hoc iudicium poetæ declarat, quod de rogo iucenso nil memorat; quem famen incensum esse e lib. V pr. apparet. Scilicet vix commodo loco id inter cetera narrari poterat.

666. *bacchatur* gravissimum pro descurrit, differtur. Mox 668. *Tecta*

fremunt, ut jam alias monitum, pro vulgari, lamenta fremunt in tectis.

669—671. Comparatio hæc et alibi obvia, accommodata tamen, et h. l. bene ornata, primo loco apud Homerum occurrit Iliad. X, 410, 411, ut jam Macrobio notatum IV Sat. 6. Enripidem laudat Cerda (Phœniss. 1046—1049). Ad v. 671, quod civium ædes privatæ, ac publicæ deorum, incendio correptæ narrantur, Burmann. confert Val. Fl. II, 176—180, ex h. l. expressum, apud quem ordo verborum hic est: *vel videris, patriæ per culmen ignes agi*.

672 sqq. Egrege affectus veritas servata in Annæ luctu et verbis.

Sprevisti moriens? Eadem me ad fata vocasses:
 Idem ambas ferro dolor, atque eadem hora, tulisset.
 His etiam struxi manibus, patriosque vocavi 680
 Voce deos, sic te ut posita crudelis abessem?
 Extinxti me teque, soror, populumque, patresque
 Sidonios, urbemque tuam. Date vulnera lymphis,
 Abluam, et, extremus si quis super halitus errat,
 Ore legam. Sic fata gradus evaserat altos, 685
 Semianimemque sinu germanam amplexa fovebat
 Cum gemitu, atque atros siccabat veste cruores.
 Illa, graves oculos conata attollere, rursus

678 *facta* Mentel. pr. a m. pr. *eadem me fata vocassent* alt. Hamb. 679 *ferret* Oudart. *eadem* abest a Witt. ora Gud. ed. Junt. *fuisse* aliquot Pier. 680 *manibus struxi* Parrhas. *extruxi* Goth. tert. 681 *positam* Medic. a m. pr. *abissem* Wall. *possis scribere: sic te ut posita, crudelis! abessem: ut ad Didonem referatur. Si ad Annam: retrahes; ego crudelis struxi. Nec tamen male: ut crudelis abessem, crudeliter sejungerer.* 682 *Extinxti* scripturam ex Pieriano exemplari retinuisse videtur Heinsius; vulgaris eademque mollior scribendi ratio est *extinxti*. Hoc etiam Probus Art. Grammat. producit ex Marone et Diomedes Grammat. pro *extinxti*, ut *extinxem* sup. v. 606 pro *extinxissem*. Atqui duriorem pronuntiandi morem in aliis prætolisse creditor poeta, tamen quam epica gravitate digniorem. *Extincti, extitai*, eo alladunt, illud in Witt., hoc in binis Heins. cum glossa *extinxti*. *Extinxti* etiam in fragm. Vatic. diserte legitur, item in Donato. v. Bened. At est Aldd. pr. lectio: *extinxi*, vel *extinxi*, quam in omnibus fere exemplaribus repererat Pierius, et sic Moret. Dorvill. Puget. Erf. cum tribus Goth. Ita ipsa Anna se accusat, sua opera factum, sua culpa commissum esse, ut communi clade ruant omnia. Grave et hoc; et difficile est alterutram lectionem præferre. Quomodo in Mediceo legatur, ex Foggiano exemplari vix assequere. Videtur tamen *extinxi* in *extinxi* esse reflectum; et ex sensu et iudicio animi si pronuntiandum est, *Extinxi* de Didone est præferendum; nam si soror Anna se accusabat: satis erant illa: *Extinxi me teque, soror*. At reliqua: *populumque patresque Sidonios urbemque*, nitui acuminis, nisi de Didone ipsa pronuntientur. *te meque* quatuor apud Burmann. et Erf. Sed amant Veteres se priori loco memorare. Burm. 683 *data* Menag. pr. 684 *erret* quatuor Heins. et Erf. *esset* duo alii. *exstat* Wall. 686 *S. suam* ed. Ven. *germana* Wall. 687 *a. v. furores* Menag. pr. *colores* Goth. pr. 688 *rursum* Dorvill.

Prævisse creditur Briseis Homeri in Patrocli funere Iliad. T, 282 sqq. Hæc autem omnia, quæ effatur, ne a tempore et loco aliena sint, dum illa incedit, prolata esse cogita, nam *trepido cursu ruit per medios*. Unde v. 685 *sic fata gradus evaserat omnes*. 679. *Idem dolor*; vulgare erat, vulnus. 680. 681. *struxi*, rogum, pete ex v. 676; cum jussu Didonis paraverat sup. 494 sq. *patriosque vocavi Voce deos*, h. e. ipsa sacrum jussu tuo

paravi et rite auspicata sum, sollemni sc. precum carmine decantato: Nam: *ergo jussa parat* sup. v. 563. *sic ut abessem*, sejungerer a te, aveler ac te carerem, *te posita*, mortua, ut II, 644 et sæpe.—682. Gravissima sunt hæc, quibus morte sua Dido omnia in commune exitium traxisse dicitur: quippe in urbe recens condita. 688. Est hoc mirum in modum ad affectum comparatum. Non injucundum fuerit comparare, ut faci-

Deficit. Infixum stridit sub pectore vulnus.
 Ter sese attollens cubitoque annixa levavit: 690
 Ter revoluta toro est, oculisque errantibus alto
 Quæsivit cælo lucem, ingemuitque reperta.
 Tum Juno omnipotens, longum miserata dolorem

689 *stridit* Heins. e Medic. et melioribus, etiam Pierianis, forma exquisitiore. Vulgo *stridet*. *stridens* pr. Rottend. 690 *cubituque* multi ap. Pier. et Barm. *adnixa* castigationi Heinsianæ debetur, e codd. etiam Pier. Vulgo *innixa*. Sed *innititur*, etiam qui jacet, *annititur*, qui tentat exurgere. vid. Heins. 691 *est* deest Gnd. *que* abest ab ed. Ven. 692 *Quærebat* alter Hamb. *repertam* multi codd. ap. Pier. et Barm. cum Servio: quod et ipsum ferri possit: et recepit Bruck. tanquam exquisitis: verum sensum habet paullo diversum: quasi *propter lucem repertam* ingemisset. In Medic. *reperta* in litura est, ut adeo hæc Aproniana lectio videri debeat: doctior utique illa et commodior. 693 *long. mis. laborem* Montalb. alter Hamb. et tert. Rottend. pro var. lect. voce magis poetica et h. l. accommodatiore.

unt Intpp., Euripid. Phœniss. 1438 sqq. impr. 1446 sq. de Eteocle; et de Pyramo Ovid. Met. IV, 137 sqq. 145. 146. Adde de Alcestide Eurip. 203—206. 689. *stridit vulnus*, sanguis ex vulnere erumpens. conf. Ovid. Met. IV, 120. 124. 691. 692. Oculi jam morte natantes et caligine obscurati diem recipere laborant, sed ægre colligunt solis radios. *ingemiscit*, ut moribunda. quod est inf. XII extr. *Vita cum gemitu fugit indignata sub umbras*. Et nunc puta oculos iterum claudi.

693 sqq. Nova hæc et insolens videri potest religio, quod Iris mittitur, ad expediendam miseræ Didonis animam. Scilicet Iridi tribuit poeta, quod Mercurio supra tributum vidimus vers. 244, quandoquidem a Junone illa mandata fert, et ejus ministerio plerumque Juno utitur, ut inf. V, 606. IX, 2. Iliad. 2, 166. Communiter tamen, ex poetæ religione, v. 698. 699 Proserpinæ eæ partes esse debebant. Secuti sunt Virgilium alii, a Cerda jam laudati, Statius II Silv. I, 147. Martial. III epigr. 43. Adde Horat. I Carm. 28, 19. 20. Orco (Θάρσος appellat)

jam ante idem tribuerat Euripides in loco jam a Macrobio V, 19 notato, Alcest. 74—77 (ex qua fabula plura ad Mortis imaginem illustrandam peti possunt. Vide v. 261. 438. 844. 1140. 1141. add. Hemsterh. ad Lucian. T. I, p. 512). Junonem hæc de re sollicitam esse, nil mirum, cum ea Didonis et Pœnorum causam suscepisset. Unde vero hoc dicemus petitum, quod *crinis abscinditur*? non enim satis est cum Macrobio l. l. dicere, ex Euripide Alc. 75 id ductum esse. E re sacra puto ductum; nam victima consecratur deo, pilis in fronte evulsis et in ignem injectis (cf. v. c. inf. VI, 245; est id proprie *κατάρχεσθαι*); ab hoc momento victima deo dicta et sacra. Itaque et is, qui moritur, crine abscisso, diis inferis, tanquam victima, consecratur, Jovique infero sacer est. Ornavit sic poeta vulgare illud: quia morti haud matura erat, ægre anima a corpore sejuncta est. Res itaque numinis interventu egebat. Imitatione expressit Statius Theb. VIII, 9 *Necdum illum aut trunca lustraverat obvia taxo Eumenis, aut furvo Proserpina poste notarat Cætibz adsum-*

Difficilesque obitus, Irim demisit Olympto,
 Quæ luctantem animam nexosque resolveret artus. 695
 Nam, quia nec fato, merita nec morte peribat,
 Sed misera ante diem, subitoque accensa furore,
 Nondum illi flavum Proserpina vertice crinem
 Abstulerat, Stygioque caput damnaverat Orco.
 Ergo Iris croceis per cælum roscida pennis, 700
 Mille trahens varios adverso sole colores,
 Devolat, et supra caput adstitit: Hunc ego Diti
 Sacrum jussa fero, teque isto corpore solvo.
 Sic ait, et dextra crinem secat. Omnis et una
 Dilapsus calor, atque in ventos vita recessit. 705

694 *Difficilemque obitum* Zolich. *dimisit* vulgo scriptum. *dimittit* Franc. *remitit* Parhas. *ab alto* quinque ap. Burmann. 695 *animum* tert. Rottend. *resolverat* Sprot. et Wall. *absolveret* Leid. et Erf. *dissolveret* Franc. 698 *Necdum* Gud. cum quatuor aliis Heins. et Goth. sec. 700 *ad roscida* Bigot. *rosida* Franc. *pinnis* Medio. et Gud. 701 *averso* Bigot., ut semper variatur in his vocibus. *adversa* luce multi Pieriani, tres Barmann. cum Hamb. sec., qui a m. sec. habet: *percusso* sole. Idem versus V, 89. 702 *Advolat* Bigot. *atque* super alter Hamb. *Huic* et *Hinc* aberatt. librarr. *Hunc ego Orco* Exc. Burm. 704 *crinem tulit* Longob. Pierii. 705 *Dilapsus* duo Burmann. *color* Sprot.

tum furvis. Revocavit ille rem ad lustrationem et expiationem Umbræ, tum ad tabulam in atrio Plutonis propositam, qua inscriberentur defuncti.

693—695. *dolorem, ἀγωνίαν, artus nexos,* corporis cum anima nexum, bene Cerda vidit, a palestra et lucta esse petatum. Corpus quasi implicat et circumstringit animam, ne elabi illa possit.

696—699. Vid. ad v. 693. *merita nec morte,* nullo immani crimine commisso. Serv. opp. *subito accensa furore;* uti *non fato* et *ante diem,* ὑπὲρ μοῖραν Iliad. B, 155. ὑπὲρ μοῖραν Iliad.

Z, 488. Y, 336 conf. Guell. *Accendimur* autem non modo ira, sed et dolore, et furore, ex indignatione et ira orto. *nondum caput damnaverat Orco,* h. e. nondum vitam ejus, vel ipsam, morti devoverat. cf. ad v. 693.

700—703. Στῆ δ' ἄρ' ὑπὲρ κεφαλῆς, Iliad. B, 20 de Somno, (adde Odyss. Z, 21) omnes laudant. Sed talia delectant forte, at nihil illustrant.

704. 705. Sane Georg. IV, 223 sq. de anima mundi, e qua vita petitur; et: *Scilicet huc reddi deinde ac resoluta referri Omnia.* Nunc tamen vix illa doctrina locum habet; expirat anima adeoque in aerem abit.

EXCURSUS I

De Didone ejusque amoribus et ætate.

Cum, si historicam fidem sequaris, Didonis ætas plus quam CCC annis a Trojæ excidio Æneæque erroribus abfuisse vulgo narretur (quod jam a Servio observatum videas ad v. 459.); modo in accusando modo in excusando poeta, qui Didonis amoribus Æneam implicuit, multi docti viri passim operam suam posuerunt. Sed hanc disputationem antequam attingamus, alia, eaque nostro quidem judicio gravior, quæstio est expedienda, quam intactam fere relinqui videas, quid tandem poetam ad hanc cogitationem ac consilium adduxisse videri possit, ut Didonis amores in carmen suum inferret? casune an ratione an exemplo hoc potissimum episodio usus sit, cum alia forte cum temporum ratione magis consentanea ad manum essent?

Jam quid poeta in tota hac ratione secutus sit, dum Æneam ad Africæ litus tempestate atrocissima actum admovit, et supra est expositum, et iis, qui Odysseam animo tenent, obscurum esse nequit. Cum enim Ulyssis errores cum ex aliis periculis ac casibus tum ex naufragio maxime et ejectione Ulyssis in ignotam terram, multum habere suavitatis variarique narrationem videret, cum is alia loca tantum attigisse, aliis aliquamdiu immoratus esse diceretur; nisi jejunam et parum suavem suam vellet esse narrationem de Æneæ navigatione, hoc idem sibi vidit esse sequendum, ut Æneam ventis ac procellis a cursu dejectum in remotam terram, de qua nova ac mira quædam narrari possent, expelleret. Cum autem in mari mediterraneo, a Troade versus Italiam, navigatio fieret, si omnes animo litorales plagas percenseas, nulla facile opportunior terra cogitari potest, quam, qua usus est poeta, Carthaginiensis. Jam primum quod australe potissimum litus adire tempestas coegit Æneam, factum partim poetarum exemplo partim ventorum natura. Nam in maris hujus plagis austrinis, infra Cycladas saltem ac Cretam, gravissimæ ab aquilone vento excitantur tempestates, durantque certo anni tempore flatus ejus continui per

plures dies, ob hoc ipsum dicti etesiæ. Videntur hi iidem fuisse, qui Menelaum XX dies ad Pharum retinebat Odyss. Δ, 360. His ventis quis miretur eos, qui a Troade Græciam vel Italiam peterent, versus Africæ litora propelli! Itaque Græcos a Troja reduces, cum Maleas circumvecti tempestate a cursu dejecti essent, omnes fere ad has partes actos esse videas. Menelaus quidem Ægyptum adiit, l. c. et Odyss. Γ, 300; Paris et hanc et Phœnicen, Ulysses Lotophagorum insulam in Libyæ litore, Menigem, v. Odyss. I, 80 sqq. Apud Apollonium etiam Argo ex Ionio mari versus Africæ litora proripitur. Si itaque Virgilius ventorum naturas, poetarum exemplum ceterasque rationes sequi volebat, ad Africæ litus classis Trojana erat deferenda. Cum vero reliquæ passim partes, Ægyptus ac Libya, essent ab Homero et Apollonio occupatæ, feliciter poeta in Carthaginiensem oram incidit. Quæ enim opportunior terra commemorari poterat, quam Carthago, cum Romanis suis Æneidem scriberet, quibus jucundissimum auditu esse debuit, si belli gravissimi, quo primum populus Rom. aditum ac viam ad terrarum imperium sibi paraverat, semina ac caussas in ipsis olim Æneæ fatis ac casibus jacta esse videret.

Ut autem Didonis potissimum amore uteretur, cum Calypsus vel Circes aut Medæe amores exempli auctoritate adducere poetam poterant, tum feminæ hujus claritas ac fama, tum ipsa rei ratio ac necessitas. Quodsi enim semel appulsum Trojanorum ad Carthaginiensem litus præferendum esse videbat, in tam antiqua de Æneæ erroribus historia, quæ Carthaginis incunabula antevertebat, quid de hac urbe aliud memorari poterat, quam ipsa ejus primordia? Quam opportunum autem ad poeticam tractationem vel in epico carmine argumentum esset amor, Apollonii exemplo intelligere poterat, qui hunc quidem locum in Medæe et Jasonis amoribus egregie tractasse videri debet. Sed Virgilius et illum et ipsum Homerum longe post se reliquisse dicendus; quod quidem, si recte judico, duobus potissimum modis assecutus est, partim quod *Tragicorum gravitatem et amoris atrocitatem sequi*, partim quod *ab heroici moris simplicitate ad elaboratiorem ac cultiorem vitam deflectere maluit*, qua decoris et honestatis alicujus exquisitoris famæque laudem propositam sibi habent feminæ. In toto enim Homero et ex Homericæ temporis sensu amor parum idoneus est ad pathos inferendum.

Quæ a nobis commemorata si quis animo consideret, næ is, puto, Sægræsi aliorumque rationes ad poetam, tanquam qui tempora confuderit turbavitque, defendendum allatas, vanas fere aut infirmas, non mag-

noperè desiderabit. Delectationis sane potior habenda est poetæ ratio quam historicæ veritatis; et, si doctrinæ laus poetam decet, non tamen illa ex temporum subtili ratione est expectanda, nec in poeta ullum peccatum habet reprehensionem, nisi quoties audientium animos seu rerum seu numerorum illecebris tenere nequii; hoc unum est, quo adversus præscripta artis suæ peccasse videri debet; ad hoc enim redeunt ea, quæ Aristoteles de Poetica disputat c. 25 distinguendo inter ἀμαρτίας, τὴν μὲν κατὰ αὐτὴν, τὴν δὲ κατὰ τὸ συμβεβηκός.

Si tamen in ipsas Carthaginis origines variasque super iis veterum narrationes accuratius inquirere voluissent viri docti, totum hoc poetæ peccatum et accusatione et defensione vacare omninoque esse nullum facile intellexissent. Tam diverse enim de condita Carthagine traditur et in tam diversa tempora ejus incunabula rejiciuntur, ut vel historico minus subtili liberum fuisset eligere, quod maxime sequi vellet. Quanquam ea narrationis varietas facile ad certam rationem revocari potest, si memineris condi urbes dici non uno sensu, nec modo primis jactis fundamentis, sed et mœnibus ductis, colonia nova adscripta, aucta denique et amplificata quocumque modo civitate. Certis etiam temporum intervallis a Phœnicibus Africam occupatam, a Sallustio quoque proditum, bello Jug. 22. Sæpius itaque haud dubie condita est Carthago, et possunt varie traditæ ejus origines commode ad certas epochas revocari. Jam *primum* L. ante Trojam captam annis Carthago condita esse dicitur a Tzoro et Carchedoné, apud Appian. Punic. pr., quod idem ex Philisto repetit Hieronymus in Eusebio latine facto ad Num. 805 in ed. Scalig. p. 91 et ad Num. 798 in ep. Pontani et Vallars., h. e. ante Chr. 1198 (ad Euseb. computum 1217) et ante Trojæ excidium, ex eadem Euseb. computatione, a 37. Græca Eusebii servata sunt a Syncello p. 172 ed. Par., unde Scaliger transtulit in Græca Eusebii p. 33 I, 31. Adde Chronicon lib. I, p. 18 et p. 126. Tzori quidem et Carchedonis, quippe urbium, nomina imperite, ex antiquo tamen more, ad virorum personas designandas esse traducta, ab aliis Didonis nomen temere in hoc tempus referri, facile apparet; manet tamen illud, paullo ante belli Trojani tempora, L. vel adeo XXXVII annos, Carthaginis prima exordia in veteri historia memorari solita fuisse. *Alterâ* Carthaginis conditæ epocha est CLXXIII a. post priorem illam, paullo ante Coloniam Ionicam, secundum Chron. Euseb. Hieronymi ad Num. 971, aut (ut verius apud Syncellum legitur, qui Græca Eusebii servavit p. 181 A), CXXXIII annis post Trojam captam, h. e. a. C. 1025 (sec. Euseb. 1044). Hac quoque

epocha Didonis opera celebratur, quæ amplificanda ac munienda urbe Cartha, et Byrsa arce condenda, maxime fuit conspecta. Ἐπεκτίσθη Καρχηδὼν ait Syncellus: accepit etiam illo tempore suum nomen, cum antea Origo esset dicta; si modo vera tradit Syncellus (XXXI annis serius ab aliis hanc epocham definitam fuisse, ex Eusebio Hieronymi discas ad Num. 1002 sec. Scalig. 1000, quod in ipsa Salomonis tempora incidit). Tandem CXC annos ubi descenderis, tertio loco Carthaginis conditæ memoriam fieri videas a Josepho in Apion. lib. I, 18, p. 1042, et ex eo ap. Syncell. p. 182, post Salomonis templum conditum anno CXXXIII mense octavo; qui est ante C. N. 861, a Troja capta CCCXXIII, ante U. C. 108 Varr. Et ad has fere epochas alludunt ceteri numeri, qui passim apud alios leguntur, vel ex annis, quibus Carthago stetisse dicitur, eliciuntur. Idcirco anni vulgo hac in re memorati sunt: sed termino a quo et ad quem illi pertingerent parum exacto. Auctorem satis diligentem Appianus ante oculos habebat, cum ἑπτακοσίοις δ' αὐτοὺς ἔτεσιν ἀπὸ τοῦ συνοικισμοῦ Ῥωμαῖοι Σικελίαν ἀφείλοντο. Factum hoc ante C. N. 242, quibus si annos 700 addideris, habes annos 942, qui a Trojæ excidio 242 annis absunt, adeoque ad mediam fere epocham supra memoratam assurgunt. At mox alii parum diligenter annos 700 ad excidium Carthaginis deduxere, ut in Epitome Livii LI habetur: cui indiligentiæ locum fecisse putandum hoc, quod *per 700 annos floruisse Carthago* vulgo ferebatur: ut in locis Appiani habetur Pun. p. 365, 55 et 493, 35. Ita enim paucis hæc expedias. Pluribus aliam rationem ibi exposuit editor doctiss., verum ea, quæ super Carthaginis originibus dicta sunt, sigillatim h. l. repetere vel excutere, a consilio alienum est. Vid. viros doctos imprimis Scalig. ad Euseb. et in App. de Emend. Tempp. p. 31. Joseph. l. c. Vellei. I, 6, 4. Justin. XVIII, 4. Salmas. ad Solin. c. 27, p. 228, et, si ad manum est, vel Notata ad Guthrium consulas Tom. III, p. 253 sq., vel Simson. A. M. 3132 cum Wesseling. Nott. Non enim nisi eadem fere recocta passim videas. Est sane tertia hæc epocha, paullo maturius forte et illa constituenda, vera Didonis ætas, siquidem illa Pygmalionis fuit soror, Mutgonis seu Mettini filia. Fuisse tamen communem veterum errorem, ut ad Didonem prima Carthaginis exordia referrent, non modo ex iis, qui vetustiores excipsere, Cedreno p. 140, et Jo. Malela p. 68, verum etiam ex Appiano Punic. pr. constat, qui, memorata ista prima urbis origine L. ante b. Troj. annis, addit: "conditores fuere Zorus et Carchedon; ut vero Romani et ipsi Carthaginienses opinantur, Dido, mulier Tyria." In tanto itaque scriptorum optimorum

dissensu tantaque rei obscuritate, et quidem non in patriis historiis, sed exteri populi, quis hoc a poeta postulet vel expectet, ut temporum rationes subtilius, quam ipsi historici nonnulli fecerunt, subducere sustineat? Ultimo loco et illud monendum, jam ante Virgilium amores Didonis et Æneæ videri celebratos fuisse ab historicis Rom. Nam ad lib. IV, 682 Servius: "Varro ait, non Didonem, sed Annam, amore Æneæ impulsam se super rogum interemisse." Cf. eund. ad V, 4. Nul- lam igitur in Didone ad Æneæ ætatem revocanda reprehensionis materiam subesse, ex iis, quæ disputata sunt, satis intelligi puto. Egit de hoc episodio Abbas *Andres* in singulari libello: de quo v. iudicium nostrum (in *Götting. gelehrt. Anzeigen* 1789. p. 1166 sq.) De Didone autem nonnulla minus nota vide in Tr. Anonymi *de mulieribus, quæ bello claruerunt* (ab Heeren nostro vulgato in *Bibliothek der alten Litteratur* 6s Stück p. 15.) Est illa ibi appellata *Θειοσσώ*; reliqua fere conveniunt cum Etymologo in *Δελώ*.

EXCURSUS II

Apollinis accessus ad Delum.

IV, 143—149. *Qualis, ubi hibernam Lyciam Xanthique fluenta Descrit, ac Delum maternam invisit Apollo, Instauratque choros, mixtique altaria circum Cretesque Dryopesque fremunt pictique Agathyrsi; Ipse jugis Cynthi graditur, mollique fluentem Fronde premit crinem fingens, atque implicat auro; Tela sonant humeris.* Insignis phantasmatum et verborum dignitate locus, cujus pars ex Apollonio, sed multum ornatius, adumbrata, lib. I, 307—309 *Οἶος δ' ἐκ νηοῖο θυνάδεος εἶσιν Ἀπόλλων, Δῆλον ἂν' ἡγαθήην ἢ Κλάρων ἢ ὕγε Πυθῶ, Ἥ Λυκίην εὐρεῖαν ἐπὶ Ξάνθοιο ῥοῇσι.* (confer etiam versus lib. I, 536—539, et lib. II, 677 sqq. item Callim. in *Dian.* 241 sqq.), reliqua forte ex alio Græco poeta. Ante oculos locum Maronis habuit Avienus *Orb. Terr.* 705 sq. ubi compara Wernsdorfii *Notam* p. 1036 sq. De Neptuni incessu simili ornatu elaboratus est apud Apoll. III, 1239 sq. Sicut Dido cum Diana lib. I, 498 sqq. ita Æneas incedens comparatur cum Apolline incedente. Jam, ut ornatum intelligas, deum non simpliciter incedentem, sed festo die, ut sacris suis intersit, prodeuntem sistit; et sacris quidem celeberrimis, in insula Delo: inde ornamenta petiit cum ex his sacris et

dei accessu, tum ex loco, unde decesserat. *Lyciam* memorat, eamque *hibernam* appellat, quoniam hiemem Apollo Pataris Lyciæ exigit: etsi vel *δυσχείμερον* vel *εὐχείμερον* explicant viri docti. Non videtur alienum a re esse, quod Servius narrat; gravior enim auctoritas non occurrit; nam constat *Apollinem sex mensibus hiemalibus apud Pataram, Lyciæ civitatem, dare responsa—et sex æstivis apud Delum*. Certe et Herodot. I, 182 de Pataræo oraculo: οὐ γὰρ ὅν αἰεὶ ἐστὶ χρηστήριον αὐτόνδε. ἀποδημῖαι καὶ ἐπιδημῖαι deorum res notissima imprimis post Spanhem. in Callim. *Delum maternam* matri Latonæ sacram, seu quod *matris causæ* mari emergerat. Certe et aliis est *Latonia Delos*. Jam in sacris nihil est augustius *choro*, qui ducitur, nihil in poetis memoratu jucundius. *instaurat*, cum dilectu, quandoquidem est voc. *sacrum*; habet autem plus dignitatis, quod ipse deus parat choros, quam choros in ejus honorem duci. Chori inter rem sacram instituuntur ab iis, qui *sacra cantant*, partim qui primitias frugum in insulam apportant; v. Callim. in Del. v. 279 sqq.; hos designat poeta per *Cretes, Dryopes et Agathyrsos*. Simplicius Iones memoraverat Hymnus Homericus in Apoll. 147 sq. Facit etiam nominum antiquitas ad majorem carminis dignitatem. *Cretes* memorari videntur secundum Hymnum Homericum in Apoll. v. 388 sqq. 535 sqq., ubi Apollo apud Delphos sacrorum ministros sibi adsciscit Cretenses navi Pylum petentes; quem locum etiam Tibullus respicit IV, 1, 8 et 9. *Dryopes*, Trojanis temporibus Thessaliæ circa Spercheum habitatores, inde Parnassi accolæ, qua ille versus Ætam procurrit, ea regione, quæ Doris appellata est. Ab Hercule fuere victi, cum ille Trachine versaretur. Res copiose ac diversæ tractata esse videtur ab iis, qui Heracleas condiderunt; diversa enim inter se narrantur apud Herodot. VIII, 31. 73. Apollodor. II, 7. 7. Strab. VIII, p. 373 C. Apollon. I, 1213 sqq. et Schol. et alios. cf. ad Apollod. Not. p. 475 sq. Sed ex iis unum est, quod Virgilius ex parte sequitur, apud Pausan. IV, 34, Dryopas victos ab Hercule Delphos abductos et Apollini devotos fuisse, τῶν Ἀπόλλωνι ἀνάθημα ἤχθησαν εἰς Δελφοῦς. Hoc et Servius habet: *Hi populi, ab Hercule victi, Apollini donati esse dicuntur*. Ex dei tamen responso ab Hercule in Peloponnesum deducti primum Asinen Argolidis, mox Asinen Messeniæ occuparunt, et Apollini ac Dryopi Apollinis f. templa dicarunt insigni religione. Videtur igitur ab aliquo poeta traditum forte et hoc, mansisse apud Delphos Dryopes nonnullos inter eos, qui *sacra curarent*, ut modo de Cretensibus vidimus. Traduxit autem et hos et illos ad Delum suam poeta paullo licentius. At *Agathyrsi* proprie Delum spectant.

Nam uti Callimachus Arimaspos, ita Maro Agathyrsos pro *Hyperboreis* posuit, quorum *θεωρία* seu legatio sacra ad Delios res est satis nota. Vide vel Gesneri Prælect. II de navigat. extra colum. Herc. et loc. class. Callimach. in Del. 281 sqq. Ad Scythicum nomen retulit Hyperboreos Virgilius cum Callimacho et aliis, etsi a Græcorum ad Borysthenem et Tanaim coloniis *θεωρίας* istas venisse probabile sit. *Altaria circum sunt chori κόσμοι*, de quibus v. Intpp. ad Callim. l. c. v. 313. *περὶ βωμὸν* etiam Apollon. l. c. lib. I, 538. Quos Servius ex Melisso Grammatico *Achabas* memorat, *Ἀβίονε* emenda. Versus 147. 148. 149 imprimis ornati de corona laurea, vitta aurea et pharetra. Argutatur et in h. l. Spencius Dial. VIII et poetam modo ad Apollinis Vaticanum signum modo ad Augustum respicere vult. Quod Quinctil. VIII, 3, 73 circa hanc comparisonem monet, a poeticæ visionis genio alienum est. *Debet enim, quod illustrandæ alterius rei gratia assumitur, ipsum esse clarius eo, quod illuminat. Quare sane poetis quidem permittamus huiusmodi exempla: Qualis ubi hibernam L. Non idem decebit oratorem, ut occultis aperta demonstret. Enimvero, ad poeticam rationem, phantasma illud Apollinis Delum adeuntis est inter notiora, et sæpe in hymnis aliisque carminibus frequentata. Tela sonant humeris vim adjunctam non habent, quæ erat in Iliad. A, 46, pertinere tamen ad concitatum et celerem ingressum videntur propter v. 149 haud illo segnior ibat Æneas. Sic de pyrrhicha Amazonum Callim. in Dian. 247 ἐπεφόρεον δὲ φάρετραι.*

EXCURSUS III

De Famæ specie.

IV, 173 sqq. *Fama malum, quo non aliud velocius ullum* etc. Etiam episodium hoc de Fama, nec, si absit, desiderari, et aliis locis æque pæne interponi posse statuebat Ill. Homius. Videtur tamen Famæ h. l. memorabile esse momentum ad rerum eventum luctuosiores. Excitatus enim ea Iarbas Jovem precibus movet, ut Æneam ille Carthagine evocet. Paullo longius, quam par erat, poetam huic loco esse immoratum, judicabat Addisonus cum aliis. In his tamen tædium vix suboritur, nisi talibus descriptionibus nimis sæpe, et alieno loco, inculcatis. Poeta vero non in specie Famæ declaranda ad fastidium usque

substitit, sed et facta ejus et mores et originem narrando descriptionis tædium temperavit. Fatendum tamen, esse alia, quæ subtiliori judicio vix satis se probent, a viris doctis non animadversa. Primo v. 176 male interpositum est *metu*, quod a Fama in deam mutata nos revocat ad abstractum, quod dicimus, ad ipsum rumorem; debebat esse *parva* primo motu, cursu, volatu. Nec verborum positus admittit, ut *metu* sit ad metum, ut metum injiciat. In v. 180 *pedibus celerem et pernicious alis* otiose apposita sunt, illo quidem loco, et resecari debebant. Tandem ad speciem, quam mente animoque tibi reddere et exhibere possis, illa quidem sunt præclara, esse monstrum plumis oculisque consutum; at *linguis, oribus, auribusque*, toto corpore *inductum* quomodo illud esse possit: *tot linguæ, totidem ora sonant, tot subrigit aures*: hoc vix assequaris. Quæ in extremis posita sunt: *Tam ficti pratique tenax, quam nuntia veri*; excusari possunt; est enim monstrum vocale et loquax, ut Harpyiæ, Sirenes et alia. Ceterum in Famæ specie monstruosa exemplum habemus satis manifestum diversæ poseos et picturæ indolis; picta enim illa haud placere possit. In comparatione Homerici Eridos cum Virgiliana Fama admodum argutari videtur Macrobius V, 13. Incrementa rumoris ex ipso progressu melius exprimi vix poterant; et v. 177 præstantissimus secundum illud jam a Longino s. 9 laudatum: *Ὅργανον ἐστήριξε κάρη, καὶ ἐπὶ χροὶ βάλει*. Deam fecerat Famam jam Hesiod. Ἔργ. sub f. Φήμη—*θεὸς γὰρ τις ἐστὶ καὶ αὐτή*. Sophocli Œdip. Tyr. 162 *Φήμη* est τέκνον Ἑλπίδος. Alia loca dabit Cerda inf. ad 195. Athenis ara fuit Famæ, non signum: Pausan. I, 17 βωμὸς τῆς Φήμης, et Æschines in loco, in quo plura de fama e poetis afferuntur, in Timarchum p. 18 (p. 140 R.) *ὥσθ' ἐνρήσετε καὶ τὴν πόλιν ὑμῶν καὶ τοὺς προγόνους Φήμης, ὡς θεοῦ μεγίστης, βωμὸν ἰδρυμένους*. de signo deæ nec ipse memorat. Est tamen numus Demetrii regis apud Eckhel Num. anecd. T, I, p. 84. tab. VI, 9. de quo iterum egit in Doctrina Numor. T. II, p. 120. In eo deam alatam tuba canentem, ingeniose Famam interpretatus est.

EXCURSUS IV

Templum Hesperidum.

IV, 483—485. *Hinc mihi Massylæ gentis monstrata Sacerdos, Hesperidum templi custos, epulasque draconi Quæ dabat et sacros servabat in ar-*

bore ramos. Jure suo ab interprete Virgilii expectet lector, ut clariorem hujus loci notionem animo suo informet. Potest itaque poeta videri fingere, hortos Hesperidum, quos per *templum Hesperidum* designet, quosque ab Hercule spoliatos communis ratio ferebat, adhuc Didonis tempore superesse. Non facile tamen poetæ, nisi forte tragicos excipias, mythicam fidem ita deserunt, nec veteres notasque fabulas ultra mythicum ævum in veræ historiæ tempora demittunt. Malim itaque statuere id, quod cum multorum populorum multarumque Græciæ urbium religionibus consentaneum est, ut Virgilius ponat, templum Hesperidibus sacrum in his terris fuisse, in quo, id quod in multis sacris ac religionibus usu receptum fuit, antiqua fabula representabatur, arbore aurea et dracone in ea constituto, cujus æditua vel sacerdos anps erat ex indigenis loci. Serpens ille, quem poeta memorat, pascebatur offa mellita; mazam, *μελιτροῦταν* eam appellant; quemadmodum in templis Æsculapii mos fuit serpentes ali et pasci e patera; unde tot signa Æsculapii et Hygieæ serpentem pascentium e patella extant. Proclive esset, e sequentibus conjicere, usum nunc aliquem *magicum* draconis fuisse anui; Quemadmodum in nonnullis templis divinationis genus fuit e serpente sacra captum; variis quidem modis, interdum casu et eventu, ut in eo, quod ab Herodoto commemoratur, VIII, 41. cum Athenas deserendas esse pronuntiaret Themistocles ex eo, quod draco evanuerat *ἐκ τοῦ σηκοῦ*, cum tamen ille alioqui nihil commune haberet cum divinatione, et haberetur in Parthenone tanquam custos et *οἰκουρὸς*: ut omnino causæ hujus religionis servandorum in locis sacris draconum fuere variæ, cum ipsi dracones tam multarum rerum symbola essent. In hortis Hesperidum, non minus quam in Martis luco apud Colchos pro custodia tantum fuisse traduntur; in istis quidem servabat draco aurea mala Junonis; quod ex Pherecydis fragmento et ex Apollodoro satis constat. Servatos legimus passim in templis dracones, v. c. Lanuvii, quibus dapes apponebantur; augurium ex iis cibo vescentibus captum esse, conjiciebat nuper ingeniosus vir, Böttiger, in eandem sententiam augurium Salutis interpretando. De Hesperidibus post ea, quæ ad Apollodorum disputata sunt, plura commemorare nihil attinet.

P. VIRGILII MARONIS
Æ N E I D O S
LIBER QUINTUS

ARGUMENTUM

ÆNEAS, relicta Carthagine in Italiam navigans, vi tempestatis in Siciliam defertur: ubi, ab Aceste benigne exceptus, Manibus Anchisæ patris, quem superiori anno eodem die apud Drepanum sepeliverat, anniversarium sacrum facit, ludosque apud tumulum ejus instituit: suaque victoribus præmia decernit 1—103. Navali certamine vincit Cloanthus—236. Euryalus Nisi dolo cursu superat—362. Entellus senex Daretem juveniliter æo jactantem cestu vincit—484. Sagittandi peritia superat Eurytion: prima tamen præmia, ætatis dignitatisque habita ratione, Acestæ decernuntur, cujus sagitta in ærem emissa subito exarserat—544. Ascanius in honorem Anchisæ avi, cum primæ nobilitatis pueris, equestres ludos pugnæque simulacrum exhibet—603. Interea Trojanæ mulieres hortatu Iridis, longæque navigationis tædio, ignem in classem conjiciunt, quatuorque naves comburunt: ceteræ subita a Jove immissa pluvia incendio sunt ereptæ—699. Nocte sequenti Anchises, Æneæ filio in somnis apparens, Jovis verbis admonet, ut, Nautæ consilium secutus, mulieres imbellesque senes in Sicilia relinquat; ipse cum juventutis robore integræque ætatis flore in Italiam naviget; Sibyllæque imprimis antrum adeat; illius enim ductu in campos Elysios esse venturum, ubi et posteritatis suæ seriem omniumque instantium bellorum discat eventum—740. Monitis itaque paternis morem gerens Æneas, oppidum in Sicilia condit nomine Acestam: eo et matrum et senum bello inutilem coloniam transcribit: ipse cum exercitus robore Italiam petit—778. Interim Neptunus, Veneris precibus exoratus, naviganti Æneæ mare tutum præstat—834. Palinurus, in tanta securitate somno succumbens, una cum gubernaculo in mare excutitur: ejusque vicem supplet Æneas.

Pro episodio habendam esse majorem libri partem, negari nequit, nec tamen ab argumento epico illud sejunctum et, quæ a multis frequentata est reprehensio, alienum habendum. Primo libro iter ex Sicilia in Italiam faciebat Æneas; rejectus a cursu suo in Africam nunc eandem navigationem repetit, et jamjam ad Italiæ litora appulsurum cum esse sperabas. Ecce tibi nova rei mora injicitur! iterum ventis contrariis a cursu depulsus in Siciliam defertur. Multa omnino in Sicilia erant Trojanorum et Æneæ vestigia, ut in Excursu monitum. Classis a Trojanis mulieribus incensa, fabula erat vulgari narratione trita. Non igitur otiose desiderare in Sicilia poterat Æneas, nec incensa classis memorari nisi probabili aliqua de ratione: Itaque poeta præclare eo rem adducit, ut Æneas patri inferias faciat, ludos funebres instituat, classe incensa partem comitum deponat in insula, et urbe nova condita cum reliquis discedat. Agnosce poetæ sive ingenium sive judicium et in hoc: Dum ludorum festività viros detinet, navium incendendarum tempus ac facultas, quæ alias vix occurrere poterat, feminis, quæ solæ relictæ sunt, data est. Æneam autem cum pietate tam insignem esse velit poeta, quid magis consentaneum, quam ut is patris Manibus sacras caerimonias persolvat? In ludorum descriptione, quod rerum genus omnino multum ornatus admittit, facile est ad intelligendum, majorem veteribus, quibus poeta suum epos pangebatur, suavitatem, quam nunc nobis inde provenire potest, fuisse objectam. Imprimis vero ludus Trojæ Romanos lectores delectare debuit. Alia hujus descriptionis suavis, quæ tamen etiam nobis parata et cognitu facilis est,

ex Homericâ imitatione proficiscitur, qui Iliad. ♀ Patrocli funus et ludos simili copia descripsit. Tantum autem abest, ut Romanis, quibus, non nobis, scribebat poeta, aut infringere delectationem, aut carminis dignitatem elevare videretur talis imitatio, ut potius, ingenio ac sensu illorum temporum et hominum, id quod totus Virgilius et Horatius docent, nihil magnificentius ac splendidius fuerit visum in poeta, quam si Græcorum poetarum loca et inventa commode et ingeniose in sua carmina transferret.

Sed ut delectationi in hoc libro per certaminum descriptionem tantopere studeret, poetam movere etiam potuit argumenti sterilitas, in ea tamen narrationis parte, qua ad exitum festinabat illa, hoc est, ad Italiam procedebat Trojanorum classis. Judicium poetæ in hoc quoque agnovit Sagraisius, quod gravissimis affectibus, quibus libro quarto legentis animus agitabatur, nunc succedit hilarior rerum facies, ludorum festività, certaminum eventus ac præriorum varietas.

Ut autem in ludorum omnino cogitationem incideret poetæ ingenium, facere forte potuit Erycis, herois indigetis, recordatio, qui in iis locis, ad quæ Trojani appulerant, clarum pugilatu nomen habebat. Catræus quidem valde acutus sibi videbatur in hoc, quod primus vidisset, ad ludos in Cæsaris honorem ab Augusto habitos Virgilium respexisse. Verum et idem illud commentum jam a veteribus commentatoribus fuit allatum, et seu affirmandi seu negandi causas idoneas habet nullas. Enimvero ab Homero inde nullus facile fuit poeta, qui non argumentum hoc ad istorum hominum, Græcorum imprimis, animos ac sensus jucundis-

simum, attingeret. In Græcis quidem poetis deperditis plura hujusmodi certamina, ludis præcipue funebribus, fuisse tractata, vel et Hygino discas, f. CCLXXIII. Imprimis ludi funebres in Achillis honorem a Thetide instituti nobile fuerunt argumentum, v. *Odyss.* Q, 85 sqq., quod repetitum videas a Quinto Cal. IV, 110 sqq., sæpe idem memoratum in Tragicis. Argonautarum certamina v. in *Orphicis* 575 sq. Hinc, Græcorum poetarum exemplo, Romani quoque hunc certaminum locum passim carminibus suis intexuerunt,

Virgilii maxime iudicio; imprimis Silius XVI, 249 sqq. et Statius *Theb.* lib. VI, quos cum Virgilio Homeroque comparasse non poenitebit, simul ut intelligas, tum, quam parum in poeta ars sine ingenio valeat, tum, quam iniqua ejus sors sit, qui, cum aliis ætate anterioribus succedat, in angustum imitationis orbem semel se immiscrit. In summa rerum copia pauper et jejunos est. Statius, Spiritum poeticum atterit in exilibus ornamentis; quæ, etsi et ipsa voluptatem afferunt, tamen carminis summa parum delectat.

INTEREA medium Æneas jam classe tenebat
 Certus iter, fluctusque atros aquilone secabat,
 Mœnia respiciens, quæ jam infelicis Elissæ
 Collucent flammis. Quæ tantum accenderit ignem,
 Causa latet: duri magno sed amore dolores 5
 Polluto, notumque, furens quid femina possit,

1 *Æneas medium* vett. ap. Pier. et Dorvill. 2 *Latus iter* alter Voss. Barmannum mireris ferre nolle, *tenebat iter*, et jungere: *Certus iter*. Ad *certus* elicieudum est *itineris*. 3 *jam felicis* aliquot Pier., male. 4 *accenderat* Leid. *incenderit* alius Leid. 5 *duri* Montalb. *sub amore* Wall. et Zulich. deleta priore scriptura: *imperite. doloris* Medic. 6 *posset* Moret. sec. et Golt. tert.

1—4. *Interea*. v. sup. IV, 584 sqq. Servius; circa primum ortum lucis navigavit—ergo tota die, dum se Dido interimit, dum fletur, paullulum profectus est, leniter spirantibus ventis: et flammæ rogi circa vesperam vidit, quo tempore et per naturam ignem videre potuit, et per pristinum morem, quo per diem cadavera non incendebantur. Noctis fere tempus datum rogo igni consumendo, et altero mane lecta ossa. Sic in Patrocli funere Iliad. Ψ, 226. Stat. Theb. VI, 236 et al. *medium* (v. sup. III, 664) *iter* (ut cursum, fugam), vulgarius esset, *mare altum*. At *certus*; recte Serv. itineris sui certus, persistens in consilio proficiscendi in Italiam. *aquilone* dictum absolute, et simpl. pro vento. ut sup. IV, 310 *et mediis properas aquilonibus ire per altum*, et vs. 562 pari modo *Zephyros secundos dixerat*. Carthagine in Italiam tendens austro tum uti debuit.

5—7. *sed duri dolores magno amore polluto*, quod cogitant, quo erumpere possit vel soleat dolor ani-

mi intolerabilis magno amore læso, *notumque*, et, quod non ignorant, *furens quid femina possit*, hæc ducunt Teucros, Teucrorum pectora, per augurium triste, h. e. facile adducunt eos ad augurandum ac suspicandum, id quod erat, mali quid evenisse. *magno amore polluto*: exposui cum Servio læso sc. ab Ænea, violata fide. Vix tamen, inquis, eo modo *pollui amor* dicitur; potius Dido *polluere* debuit *amorem*, quatenus eo adducta erat, ut mortem sibi inferret. Nam *polluere* locum habet in cæde, sanguine, piaculo. Recte quidem: sed minus hoc accommodatum h. l. adjunctis: quid *duri dolores magno amore polluto* efficere possint. Ergo sic dicendum: amor violata fide ab altero amante *pollui* proprie dicitur ex adulterio, concubitu vetito: v. c. Horat. IV, 5, 21; ut etiam fides *corrumpitur*. Poeta idem nunc dixit pro fide amoris læsa omnino et violata ab Ænea. Ita jura, fœdera, *pollui* dicuntur quæ violantur; quia eadem sacra ac sancta, casta, sunt.—

Triste per augurium Teucrorum pectora ducunt.
 Ut pelagus tenuere rates, nec jam amplius ulla
 Occurrit tellus; maria undique, et undique cœlum:
 Olli cæruleus supra caput adstitit imber, 10
 Noctem hiememque ferens; et inhorruit unda tene-
 bris.

Ipse gubernator puppi Palinurus ab alta:
 Heu! quianam tanti cinxerunt æthera nimbi?
 Quidve, pater Neptune, paras? Sic deinde locutus
 Colligere arma jubet, validisque incumbere remis; 15
 Obliquatque sinus in ventum, ac talia fatur:
 Magnanime Ænea, non, si mihi Jupiter auctor
 Spondeat, hoc sperem Italiam contingere cœlo.
 Mutati transversa fremunt, et vespere ab atro

8—11 sup. III, 192—195 jam lecti versus. jam deest Moret. 9 Apparet un. Guelpherb. in Exc. Cort. Lectio maria u. et u. cœlum est ex Pier. et Heins. libris posterioribus ab Heinsio reposita. Vulgaris lectio erat: cœlum u. et u. Pontus, traducta forte ex lib. III, 195, unde et Quinctil. XII promem. petiisse videtur. et abest a Zúlich. 10 Illi multi. existit Ven. et Montalb. 11 horruit Mentel. pr. 13 Heu quo nam aliquot Pier. Heu quidnam quidam ex iis alius, et tres ap. Burm. Jov. Pontanus malebat quidam; nec hoc male. Sic Erf. Sed quianam codicum et Grammaticorum auctoritate firmat Pierius. Antiquum vocabulum sectatus est poeta; cf. Corda. pro cur-nam? aquora nimbi alter Hamb. 16 sinum Longob. 18 conjungere Franc. hoc pos-sim I. c. vento Parrhus. Dorvill., interpolate. 19 ab alto Medic. a m. sec. Colot. alter Voss. et Rottend. sec. Sed vulgatum orantius.

v. 7. *animum ducunt per triste augu-
 rium*, ex pluribus indiciis præsagium
 eliciendo; omnia animo pererrando.
per ut VI, 743 *per amplum Mit-
 tum Elysium*.

8—11. *Iidem* versus sup. III, 192
 —195, ubi vide. cf. Odyss. M, 403. Ζ,
 303 sq. *supra caput*, desuper, *κατα-
 κρήδην* vel *ὀψόδην*, ut ap. Arat. Phæn.
 422. 423.

15. 16. *arma* h. l. vela contrahere
 jubet. Sic *ἑπλά* de uno *ἑπλών* hoc
 genere apud Homer. v. Cerda. *Obli-
 quat sinus* velorum *in ventum*, nostro-
 rum nautarum *Laviren*, vento ad-
 verso non totis velis accepto, sed

tantum ex obliquo, ne ille magna vi
 irruens navem nimium de cursu de-
 flectat. Mox 17 *auctor* etiam h. l.
 ornatus caussa adjectum; quatenus
 aliquid spondet ac promittit.

19—25. Adversum igitur naviga-
 tioni in Italiam ventum ab occidente
 habebant; transversim ille spirans
 cursum retardabat. Ita malim ac-
 cipere, quam ad aquilonem nunc
 ventum ab occasu accessisse putare;
 nec v. 16 *Obliquat sinus*, eo ducere
 potest, cum ventum a læva spirantem
 designet. *tendere tantum*, quantum
 adversa tempestas valet. *Serv.* 24. ad
 Drepanum v. sup. III, 707 sqq. I,

Consurgunt venti, atque in nubem cogitur aër. 20
 Nec nos obniti contra, nec tendere tantum
 Sufficimus. Superat quoniam Fortuna, sequamur,
 Quoque vocat, vertamus iter. Nec litora longe
 Fida reor fraterna Erycis, portusque Sicanos:
 Si modo rite memor servata remetior astra. 25
 Tum pius Æneas: Equidem, sic poscere ventos
 Jamdudum, et frustra cerno te tendere contra.
 Flecte viam velis. An sit mihi gratior ulla,
 Quove magis fessas optem demittere naves,
 Quam quæ Dardanium tellus mihi servat Acesten, 30
 Et patris Anchisæ gremio complectitur ossa?
 Hæc ubi dicta, petunt portus, et vela secundi
 Intendunt Zephyri; fertur cita gurgite classis;
 Et tandem læti notæ advertuntur arenæ.
 At procul excelso miratus vertice montis 35

20 *æther* Sprot., sed v. Burmann. 21 *obniti* plerique Pier. et Dorvill. *neque t. ali-*
quot Pier. 22 *quo jam* pr. Rottend. *quoniam superat* Ven. 23 *Quaque* Parrhas.
Quove Goth. tert. *vacat* Medic. *vertamur* Parrhas. *vertemus* Goth. alter. *Non l. Ven.* 24
fraterni conj. Heins.; duo scilicet epitheta offendeant. 26 *cum p. pr.* Moret. *te po-*
scere Wall., voce e sequ. versu præcepta. 27 *te cerno* duo Burmann. *credo* pr. Mo-
 ret. 28 *tibi* Bigot. *carior* alter Hamb. 29 *Quove* Heins. cum potioribus etiam
 Pier. it. Goth. Vulgo *Quoque*. *Quave* Oudart. *optem fessas* Leid. un. *demittere* Burm. ex
 septem libris recepit, suffragante ratione grammatica. Mare enim altum proprie dicitur et
 descenditur, decurritur, in litas. Vulgo *dimittere*, quod esset a se ablegare et alio mittere.
 30 *Acestem* vulgo et *Achestem*. 32 *ut vela* malebat Heins. 35 *Et procul* aliquot Pier.

550. 195. *Fida* propter Acestam, cf.
 Excurs. I ad h. lib. *litora fraterna*
Erycis, qui Erycem condidit; erat is
 filius Veneris et Butæ. cf. Apollon.
 IV, 914 sqq. et Excurs. II ad h. lib.
portusque Sicanos, proprie. Nam Si-
 cani ab Iberia profecti, cum, relictis
 sedibus in Italia ad Tiberim, Siciliam
 tenuissent, reliquis Siciliæ partibus
 depulsi occidentale tamen litus te-
 nuere, cf. Thucyd. VI, 2; atque in-
 ter Sicanos hos Trojani consedis-
 se memorantur, *remetior* animo *astra*
servata ante tempestatem adeoque

cum astris ipsum cursum ac naviga-
 tionem factam.

28. *Flecte viam*, ut sup. *iter*, h. e.
 cursum, navem, velis mutatis. Male
 turbat Serv. et al.

31. Versus ad Lucretianam for-
 mam lib. IV, 738 *Quorum morte*
obita tellus complectitur ossa, et I, 136
Morte obita quorum tellus amplecti-
tur ossa. Mox *secundi Zephyri*, cur-
 su jam versus ortum solstitialem in-
 flexo.

35—41. Acestes Trojanus, urbis
 Segestæ conditor, qui cum Trojanis

Adventum sociasque rates, occurrit Acestes,
 Horridus, in jaculis et pelle Libystidis ursæ:
 Troia Criniso conceptum flumine mater
 Quem genuit. Veterum non immemor ille parentum
 Gratatur reduces, et gaza lætus agresti 40
 Excipit, ac fessos opibus solatur amicis.

et ex *celso* distinctis inter se dictionibus, *e celso* Wall. quod mavult Bentlei. ad Lucan. III, 88. Ed. Londin. miratur Zulich. Franc. Goth. pr. 37 in *maculis* Hamb. pr., et sic doctus Britannus coniecerat: laudato quoque Statio II Theb. 128. 129 *tigris horruit in maculas*. Sed hoc diversum; horrescit ipsa tigris pelle maculosa. Scilicet jungi solet *Horridus in jaculis*: quod an recte fiat, dubito adhuc. Quotquot enim exempla allata vidi, alio modo accipi possunt, de quo v. Notam. Itaque interpunxi post *Horridus*. Potest quidem pro altera interpretatione, ut sit *Horridus in jaculis*, laudari locus e nostro expressus Valerii Fl. I. 486 *agnoscit Acastum Horrentem jaculis et parvae luce coruscum*; ubi nec minus in *jaculis* fuisse scriptum suspicatus jam est Heinsius; vel sic tamen non jungam cum viro doctissimo *Horrentem in jaculis, sed Horrentem, in jaculis*. Quoties enim Valerius hoc loquendi genus frequentat, absolute positum video. De reliquis v. Not. et *jaculis* alter Hamb. *Libystidis* defensum vide a Pierio contra eos, qui *Libysidis* malebant: *Libystidis* et *Libystinis* vitia librariorum. Est *Albus*. *Λιβυστικός*. 38 *Criniso* ubique edebatur; nec aliter codd., etiam Medic. In paucis *Criniso*, et *Crinasso*. De diversitate scripturæ passim viri docti ad Stephan. Byzant. Diodor. et al. v. Cluver. Sicil. ant., imprimis Heins. ad Claudian. II R. P. 57, qui ob codicum consensum *Criniso* defendebat; add. Oberlin. ad Vibium Seq. p. 93. Si Servio ad I, 550 fides habenda, *Criniso* Virgilius scribere maluit. Verum nomen est *Κρίσιος* vel *Κρίσιος*. Hoc reposui assentiente Brancio: in nominum græcorum scriptura audiendi sunt Græci. Troica Dorvill. 39 *genuit* Goth. pr. *verum* non ed. Nic. Heins., operarum vitio. 40 *Gratatur* Goth. sec. 41 et f. aliquot Pier. *fessos*—*amicos* it. Parrhas. aliquot ap. eund. et tres Burm., sed *opibus* *amicis* haud dubie elegantius, imprimis in carmine, h. e. gratis et optatis, ut jam Pierius prætulit.

inter Sicanos consederat. Ferebatur ille Crimisi flavii filius e Trojana muliere. cf. Excurs. I ad h. lib. *montis*, Erycem designare videtur. in *jaculis*, modus loquendi antiquior, nec tamen infrequens, et a viris doctis passim declaratus, etiam apud Græcos *ἐν ὄπλοις ὄντες* pro *ἐν ὀπλοῖς, ὀπλίται*. nunc paullo durius, respectu tamen imprimis ad alterum habitu, in *jaculis et ursæ exuviis*, *ἐν ἀκοντίοις καὶ ἐν ὀρκτου ἐρίματι ὄν*, instructus *jaculis et pelle*. Servius laudat Ennium: *levesque sequuntur in hastis*, h. e. hastati. Nec vero jungenda: *horridus in jaculis*. Species viri eadem, quæ Camillæ, infr. XI, 577, 578. *pelle Libystidis*, Libycæ, *ursæ*; atqui Plinius lib. VIII sub f. ursos in Africa esse negat. Sed insedere multas

terras feræ, quæ postea in iis locis defecere; et Herodoti aliorumque auctoritate Cerda evincit, saltem creditum hoc a veteribus fuisse, ursos in Libya gigni. Nec ultra laborandum est poetæ. cf. sup. ad I, 184 de cervis. Ita non hærendum v. e. si in Hymno Homérico in Ven. 159 ursi cum leonibus in Troja memorantur; et fuere sane in vicina Phrygia leones, Cybelæ quoque consecrati. Habitu autem venatorum h. l. descriptum puta. cf. inf. 300. 301.

39. *Veterum parentum*, quandoquidem a Trojanis originem ducebat. vid. Excurs. I. *gaza agresti*, epica cum gravitate h. e. penu rusticano, explicatur per *opes*; ornant *latus* et *fessos*.

Postera quum primo stellas Oriente fugarat
 Clara dies; socios in cœtum litore ab omni
 Advocat Æneas, tumulique ex aggere fatur:

Dardanidæ magni, genus alto a sanguine divûm, 45
 Annuus exactis completur mensibus orbis,
 Ex quo reliquias divinique ossa parentis
 Condidimus terra, mœstasque sacravimus aras.
 Jamque dies, ni fallor, adest, quem semper acerbum,
 Semper honoratum (sic dî voluistis), habebo. 50
 Hunc ego, Gætulis agerem si Syrtibus exul,
 Argolicove mari deprensus, et urbe Mycenæ;

44 *Avocat Ven.*, sed v. *Burm. cumulique Menag. ab aggere Witt.* 45 a deest multis *Burm. ab s. duo Heins. ex s. duo alii. a s. ductum Wall. pro var. lect. a s. Teucris* alii quot ap. *Pier.* Sed vulgatum generosius. 48 *terre* tres *Burm.* cum *Goth. pr.* Sane *condi terra et terræ* dici solet, ut *Burm. ad Lucan. I, 607* et alii alibi docuerunt; hoc tamen exquisitius esse videtur. 49 *nisi f. multi Pier. Heins.* 51 *Nunc ego* refellitur a *Burm. agerem Hug.* Distinctionem post *Hunc ego* sustulit *Burm.*, ut adeo sit: *Hunc ego agerem, si exul agerem.* Dubito, an sic poeta senserit: qui forte per *avocantem* loqui maluit: *Hunc ego, si*—et nunc structura mutata: *annua—exequer.* 52 *Argolicoque Franco. depressus Leid. un. et Goth. sec., ex more. cf. IV Georg. 421. Mycenæ Medic. Gud. cum aliis præstantioribus ap. Pier. et Heins. item Servius, ut ur-*

44. *tumuli ex aggere* (ornate, pro ex tumulo), socios alloquitur; more militari, ut toties apud *Liv.* et *Tac.* de suggestu et aggere in castris allocutio facta legitur.

45 sq. *Etsi et inferiæ hæ et ludi funebres* plane ad *Homeri* imprimis, tum et aliorum veterum poetarum, exemplum a *Virgilio* instituuntur, tamen ejus ingenium in eo agnoscas moneo, quod iis rebus ad pietatem maxime *Æneæ* sui declarandam usus est.

45. *alto a sanguine divum*, propter *Dardanum Jovis f. v. III, 167.* Solecismum autem ejus, qui gentis auctor ac regni vel urbis conditor fuit, nobilitas toti genti ac populo tribui. Sic *Romani, Martis genus, Romulidæ* etc. Hoc *Burm.* unice tenere debebat.

48. *aras*: funus a sacrificio fune-

bri designat, quod ad rogam et cinerem urna condendum, Manibus fiebat. cf. v. 86. Mox *ni fallor* male ad anni confusionem, quæ erat apud majores, refert *Servius.* Heroicis temporibus non nisi ad solis siderumque conversiones, quales cujusque oculis occurrebant, computabantur anni et dies. Atqui in his non semper summa subtilitas, nisi ex arte, est. Ceterum vv. 49 seqq. ornatissimi sunt et pathos habent; se diem celebraturum esse semper et ubique, in deserto, in mari et mediis in hostibus.

51—54. *Gætula Syrtis* paullo latius dictæ, ex more poetarum. Nam *Gætuli* versus occidentem *Africæ* et in meridiem habitaverunt, *deprehensus*, solenne de procella. vid. *Georg. IV, 421.* nunc tamen simpliciter de eo, cui importuna res alieno tempore su-

Annua vota tamen sollemnesque ordine pompas
 Exequerer, strueremque suis altaria donis.
 Nunc ultro ad cineres ipsius et ossa parentis, 55
 Haud equidem sine mente, reor, sine numine divum,
 Adsumus, et portus delati intramus amicos.
 Ergo agite, et lætum cuncti celebremus honorem;
 Poscamus ventos; atque hæc me sacra quot annis

ben Patavi sup. I, 247. Alii, sed recentioris notæ, teste Heins., *Mycenæ*. Romani et a pr. m. alii *Mycenis*, quod placebat Pierio, sed est vulgare. Tandem aliquot Pier. et Heins. cum Parrhas. et Ven. Goth. sec. *Mycenæ*, quod Heinsio probabatur, tanquam numerosius et ad poetæ morem Græca latina terminatione efferendi propius. Sic inf. 718 urbem *Acastam*. Ouwens Noct. Hag. p. 368 hunc locum laudat tanquam retandentem impetus eorum, qui ubique *te pro que* inferant; nam esse Argolicæ mari—et arbe. Recte: modo ne contendas *que* esse pro disjunctiva particula. Sed pro tribus poeta duo membra ponere putandus: Syrtis Argolicæve mare, et cum altero hoc coniungit urbem *Mycenæ*. 53 *que* abest a binis Burm. *que ex ordine* Ven. 54 *strueremve* edd. ap. Burm. 57 *dilati* Sprot. *aenos* Goth. tert. a m. pr. 58 *et cuncti lætum* vulgg. codd. et edd. præter Pier. et Heins. *lætum cunctis* conj. Heins., sed v. Not. Non iocundum sed gratum sacrum significare vult. 59 *Poscamus veniam* emend. Waddel., sed v. Burmann., qui male refellit, quod alter bene excogitatum male interpretatus erat. Nam, quod per aliquot dies a navigatione feriari volebat *Æneas*, hoc non intempestivas facit preces pro ventis secundis. Verum est aliud, quod illam emendationem commendat: v. Not. premit contra hoc, quod ingratum hiatum infert versui. *hæc mea* s. aliquot Pier. et Heins. et sic Lactant. I, Instit. div. 15. perperam. Neminem conijcere video: utque h.

pervenit; pro vulgari: si versarer in navigatione aut in solo hostili. *pompas*, inferias et parentalia ab apparatu sacrificii sollenni designat. 54. *exquisite altaria struimus*, extruimus, *donis*. Vulgo *dona* h. e. sacræ res, quæ offeruntur, *extruuntur in ara, suis*, h. e. debitis. cf. Ecl. III, 62.

55 sq. Quanto magis nunc, cum etc. *sine mente, sine numine divum* sine consilio ac voluntate deorum. 58. *honorem*, easdem inferias in honorem Anchisæ faciendas, *lætum*, alacriter, lubenti ac parato animo celebrandas. Factis inferiis deos *poscamus ventos* secundos; *atque*, ubi in terram monstratam pervenerimus, quotannis ipsi has inferias instauremus; hoc minus vulgariter extulit: *urbe posita velit ille* (Anchises) *me ferre sibi* (adeoque lubens ac propi-

tius accipiat) *hæc sacra quotannis templis dicatis*. Verba, *Poscamus ventos*, v. 59 sic satis commode exposuisse videmur; ut sit, inferiis factis, ventum secundum pacti, ad terram fati monstratam tendamus, ibique quotannis hoc idem sacrum rite repetamus. Habent tamen *venti* aliquid a loco alienum; nam Anchisæ sunt inferiæ, non sacra diis secundæ navigationi expetendæ. Nec succedit res satis, si *poscere ventos* intelligas de repetenda navigatione, ut, quemadmodum *venti vocantur* velis, sic et *poscantur*, velis expansis: ut III, 253 *ventisque vocatis Ibitis Italianam*; ne tamen tentem verba, revocet me, quod infra v. 639. 640 *aras Neptuno* factas memorari video; nam sic vota quoque Neptuno facta esse debent.

Urbe velit posita templis sibi ferre dicatis. 60
 Bina boum vobis Troja generatus Acestes
 Dat numero capita in naves : adhibete Penates,
 Et patrios epulis, et quos colit hospes Acestes.
 Præterea, si nona diem mortalibus alnum
 Aurora extulerit, radiisque retexerit orbem, 65
 Prima citæ Teucris ponam certamina classis ;
 Quique pedum cursu valet, et qui viribus audax
 Aut jaculo incedit melior levibusque sagittis,
 Seu crudo fidit pugnam committere cestu :
 Cuncti adsint, meritæque expectent præmia palmæ.
 Ore favete omnes, et tempora cingite ramis. 71

60 *velint* edd. aliquot. *velim* ap. Nonium. Sed *velit* sc. pater, constanter codd. et Lactant. 62 *Adhibere* sec. Moret. 63 *Et pateras epulis Parrhas. colet* sec. Rottend. 64 *almam* Parrhas. 66 *Prima ecce T. Goth. sec. P. c. classis p. c. Teucris Goth. tert. cum Schol. Statii VI Theb. 296.* 68 *excedit* Wall. *incendit* Gud. *intendit* Dorvill. a m. sec. notanda, inquit Burmann., lectio. An forte dictum pro *Contendit jaculo ? levibusque* recte restituit Heins. e codd. ; nam est unum idemque certamen. Vulgo *ve.* 69 *Seu pugnam crudo fidit* in nonnullis Pier. 70 *adsunt et expectant* alter Hamburg. Alterum hoc et in aliis. *meritæque* Gud. a m. pr. *multæque* Bigot. 71 *tempora cingite* tacitus recepisse videtur Burm., quod Pier. e Romano et aliis notaverat ; modis suavioribus. Vulgo *cingite tempora. c. t. mirto* Goth. tert.

61. *βῶν τ' ἰφθίμα κάπηνα* Iliad. Ψ, 260, binos boves in naves singulas. cf. I, 194.

62. 63. Ad lectisternium Anchisæ factum post Turnebum referunt intpp., perperam, arbitror. *Ferales epulas* celebrandas indicit, quod religionis genus erat, uti alias post rem sacram. ita nunc *inferiis peractis* ; cf. inf. 102. 103 ; in iis libatio fit Diis Penatibus et Trojanorum et Siculo- rum, communi epularum more. Horat. IV, 5, 31 *Hinc ad vina redit lætus, et alteris Te mensis* adhibet *deum*.

64. *si* pro *cum*, ut et alibi. vid. Horat. I Ep. 7, 10 et quos laudat Burm. h. l. *nona*, ex more. Notum *novendiale sacrum*, nono a sepultura die. Advocare solent Iliad. Ω, 784. Alias ipsæ cærimonie sunt novendi-

ales. v. inf. 762.

66 sqq. *Prima*, primo loco, *ponam certamina classis. θήσω ἄθλον, ἀγῶνα*, instituam certamen navale. II Georg. 530 *pecorisque magistris Velocis jaculi certamina ponit in ulmo. tum qui pedum cursu valet* etc. h. e. porro certamina cursus, sagittandi ac cestus. Nam hæc infra exhibita videbis. Jam poeticam orationem adverte. *incedit*, pro *est* positum, ne offendant, jungenda teneas *qui viribus audax incedit, aut melior jaculo*. (Itaque interpuncta sustuli.) Tum *jaculo et sagittis*, h. l. de eadem re, ut infra apparebit, *crudo cestu*, e corio bubulo crudo. v. inf. 404. *palmæ*, Serv. virtutis ; proximo tamen loco, *victoriæ. favete, ἐνφρονεῖτε. ramis* ap. poetam pro corollis frondeis.

Sic fatus, velat materna tempora myrto.
 Hoc Helymus facit, hoc ævi maturus Acestes,
 Hoc puer Ascanius; sequitur quos cetera pubes.
 Ille e concilio multis cum millibus ibat 75
 Ad tumulum, magna medius comitante caterva.
 Hic duo rite mero libans carchesia Baccho
 Fundit humi, duo lacte novo, duo sanguine sacro;
 Purpureosque jacet flores, ac talia fatur:
 Salve, sancte parens, iterum; salvete recepti 80
 Nequidquam cineres, animæque umbræque paternæ.
 Non licuit fines Italos, fataliaque arva,
 Nec tecum Ausonium, quicumque est, quærere Thy-
 brim.
 Dixerat hæc: adytis quum lubricus anguis ab imis

72 cingit sec. Moret. materno Parrhas. Totus versus aberat a Goth. tert. 73 Elinus, Elinus, Elenus, Helimus, Holimus, Helenus passim in scriptis. Sed est apud Dionys. Halic. ΕΛΥΜΑΟΣ. 75 consilio tres Burm. 75 secum comitante Witt., male. 77 meri alter Hamburg., male. vid. Burm. 78 fudit Arasianus Messius, et sic Moret. pr. 79 et t. Witt. 80 magne p. Parrhas. sancte pater alter Hamb. sancta ed. N. Heins., vitiose; ita tamen quoque duo Gothani. parens: iterum s. distinguunt Zolich. et Leid. un. recepta Leid. alius. 81 umbræque penates Menag. 83 est deest binis Heinsii, qui conj. quicumque is, q. 84 hoc Witt.

72. velat voc. sacrum de corollis, infulis ac vittis. cf. XI, 101. VII, 154. VIII, 276. 277. materna myrto sup. Ge. I, 28 jam vidimus. Cytheriaca myrtus ap. Ovid. IV. Fast. 15. 73. Helymus bene h. l. memorat; nam is cum Ægesto vel Acesta Troja capta Siciliam petiisse ferebatur. vid. Dionys. Halic. I, 47 et 52 et cf. Excurs. III ad h. v. ævi maturus exquisitè pro maturus ævo, vel ævo et ætate matura. cf. Burm.

77. Inferiarum ritus. conf. Iliad. ♀, 170 sq. 219 sq. et sup. III, 66. 67. Carchesia, vox ob dignitatem epicam dilecta, cum vasis genus esset memorandum: memoratum jam Ge. IV, 380. mero Baccho, ex more; in sacris vino mero aquam miscere nefas erat. sanguine sacro, victimarum.

Purpureos flores. Iterum sic inf. VI, 885. epitheton ornans adjectum a certo genere florum, puta violarum et aliorum rubentium fusco colore.

80 sqq. cf. Iliad. ♀, 179 sqq. animæque umbræque paternæ, pro anima et umbra; ne dubita. sed an hanc receperat Æneas? Atqui anima et Manes in inferis, v. inf. 98. 99. Scilicet proprie patris cineres receperat; jam idem ille patrem recepisse bene dicitur; hoc autem idem poeta per cineres, animam et umbram declaravit. Nec tamen hoc necesse; sed distingue: salvete recepti N. cineres; salvete animæque u. p. Hoc voluisse videtur Pompon. Sab. ac si diceret, salvete o Manes paterni.

84 sqq. Comparant portentum simile ap. Homer. Iliad. B, 308 sq.

Septem ingens gyros, septena volumina, traxit, 85
 Amplexus placide tumulum, lapsusque per aras :
 Cæruleæ cui terga notæ maculosus et auro
 Squamam incendebat fulgor : ceu nubibus arcus
 Mille jacit varios adverso sole colores.
 Obstupuit visu Æneas. Ille agmine longo 90

88 *Squamea* Sprot. 89 *Mille jacit* Mediceo. Colot. et alii præstantiores, quod disertè adstruit Heins. auctoritate et ratione. *trahit* Romanus tenuisse videtur, ut adeo altera codd. familia ab hoc ducta sit. Potest tamen huc revocatum videri alterum hoc ex IV, 701 *Mille trahens varios adverso sole colores*. Novas mutationes in editiones inferre nolim, ubi utraque lectio bona est, nec ullum res fructum habet, nisi quod novæ turbæ fiant; at quod h. l. me movit, ut *jacit* pro *trahit* reciperem, est, quod noster Virgilio contextus plerumque lectionem Apronianam ex Mediceo redhibet; ut igitur ea sibi constet, descenda erat altera codicum secta.

dracone in Aulide Græcis objecto: quod annorum numerum obsidendæ Trojæ portendebat. Alio modo et præclare ad h. l. accommodatum est portentum serpentis e tumulo Anchisæ inter inferias factas prodeuntis. Genios enim sive locorum sive hominum, tota antiquitas, imprimis Etrusci et Romani, per serpentes exhibuerunt; non una, puto, de causa. Plurium enim rerum symbolum ac nota habitus est serpens, v. c. ut τὸ ἰχθύον, solum patrium, vitam, salutem, incolumitatem, immortalitatem etc. innueret. Perperam Serv. Cerda et alii de serpente h. l. agunt ex iis, quæ v. c. apud Ovid. XV Met. 389. 390 leguntur: ubi e medullis cadaverum angues nasci crediti sunt. Itaque et h. l. mox ad Genium seu loci seu Anchisæ ostentum refertur v. 95. *adytis*; Splendide ornat patris tumulum, tanquam locum sacrum ac templum, mox etiam (inf. v. 760. 761) fani religione consecratum. *amplexus*, gyris ambiens. *septem gyros*, Servius: *Æneæ amen sui erroris ostenditur septem gyris; nam scripturus ei annus est finis erroris; et est* (addit ille; quæ tamen præstare nolum poetam animo tenuisse) *optimum*

figmentum. *Annus enim secundum Ægyptios indicabatur ante inventas literas picto dracone, caudam suam mordente, quæ in se recurrit*. Sed et septenarius numerus tanquam impar et sacer poni potuit. 86. *lapsus per aras*. Nihil antea de ara dixerat: sed eam inferiis faciendis extruere solenne erat: v. sup. III, 62 sq. 87. 88, *cui terga notæ cæruleæ* (pingebant, assume ex sequ. *incendebat*) *et squamam incendebat fulgor maculosus auro*, h. e. maculæ aureæ fulgentes (*with burnish'd Neck of verdant Gold*, ut Miltonus lib. IX, 501). Has etiam sic esseras: *fulgor macularum aurearum vel fulgor macularum auri*, et auro; et hinc exquisitius poeta: *maculosus auro fulgor*. Habuit ante oculos illud: ὀράων ἐπὶ νῆα δαφνοῦντος l. c. Iliad. B, 308. *incendebat squamam* ornatè pro, *inerat squamis*. Silius, qui totum locum imitatus est, lib. II, 585 *Excitus sede, horrendum! prorupit ab ima Cæruleis maculis auro squalentibus anguis*.—89. *jacit colores*, dictum ut, *jacere radios, lucem, ἕλας, βάλλειν*, mittere, emittere.

90—93. Serpens degustavit τὰς χοάς. *agmine* de spiris ac volumini-

Tandem inter pateras et lævia pocula serpens
 Libavitque dapes, rursusque innoxius imo
 Successit tumulo, et depasta altaria liquit.
 Hoc magis inceptos genitori instaurat honores,
 Incertus, Geniumne loci, Famulumne parentis 95
 Esse putet; cædit binas de more bidentes,
 Totque sues, totidem nigrantes terga juvencos.
 Vinaque fundebat pateris, animamque vocabat
 Anchisæ magni, Manesque Acheronte remissos.
 Nec non et socii, quæ cuique est copia, læti 100
 Dona ferunt; onerant aras, mactantque juvencos.
 Ordine æna locant alii, fusique per herbam

91 *lenia* duo Burm. *repens* Parrhas. ex glossa. 93 *secessit* Exc. Burmann. *Succedit et*
linquit alter Hamb. *Successit et linquit* Medic. cum quatuor aliis. 95 *Geniumne et fa-*
mulumne quinque Burmann. *famulome* Oudart. 96 *Legebatur quinas*: *cajus* moris nec
 exempla nec rationes suppetunt; saltem septenæ esse deberent. *mactat binas* Serv. ad IV
 Æn. 200. *binas* Medio. et Rom. graves adeo auctoritates! in aliis Pierii *ceditque binas*; un-
 de intelligi potest, quo errore *quinas* illatum sit. Scilicet, cum metrum aliquis repugnare
 videret, non sensit *que* esse extrudendum, sed reposuit *quinas*. *bidentum* alter Goth. 97
totidemque duo Burmann. 98—101 aberant a Dorvill. 100 *quæcumque* est Ged. a
 m. pr. et Hugon. *est* abest ab sec. Rottend. 101 vulgg. *onerantque*. Sed *que* post
onerant a plurimis Pier. (inter quos Romanus est) et Heins. inque his a Medic. abest.
auras Sprot. *arasque* onerant Wall.

bus longoque eorum tractu. Sup. II, 212, de binis serpentibus: *illi agmi-
 ne certo Laocoonta petunt*. Quæ si
 cum h. l. compares, eodem modo
 possis accipere. *lævia pocula*, *læia*,
 adcoque nitentia, puta ex ære esse.
altaria, pro dapibus apposis dixit.

94—99. *instaurat* h. l. simpl. per-
 agit. Notus est hic usus verbi sa-
 crorum. *famulum parentis*, quod pa-
 rum expediunt intpp., puto dictum
 pro Genio Anchisæ: *Θεράπων*, eum
 qui *adest homini*. Nam Genii mini-
 sterium præstant, quatenus genitos
 suscipiunt, tuentur, iis adsunt perpetui
 comites ac custodes; hoc autem
 loco etiam ad inferos comitantur ani-
 mam. Hæc elicias ex iis, quæ coa-
 cervata sunt in Diss. Passerii de Ge-
 nio domestico T. III Musei Etrusci.

Ab Etruscis enim imprimis religio-
 nem illam acceperunt Romani. Alio
 modo in locis a Burmanno ad Valer.
 Fl. IV, 520 excitatis dicuntur *famuli*
 ac *famulæ deorum* dii seu deæ mino-
 res vel aliæ naturæ, quarum mini-
 sterio dii utuntur. *cædit*, cf. Iliad. ♀,
 166 sqq. *fundebat*, ibid. v. 220. *voca-
 bat*, sup. III, 67 *Inferimus—pateras*,
animamque sepulcro Condimus et
magna supremum voce ciemus. *Ma-
 nes*, qui ex locis inferis adesse inferiis
 credebantur.

100—103. *quæ cuique est copia*.
 Vulgare: pro cuiusque copiis. Serv.
 pro sua quisque facultate. *onerant*:
 Georg. IV, 378 *Pars epulis onerant
 mensas*. *juvencos* sc. ex v. 61. 62
*Bina boum vobis Acestes dat capia
 in naves*. *æna* cf. sup. I, 216, 217;

Subjiciunt veribus prunas, et viscera torrent.

Expectata dies aderat, nonamque serena

Auroram Phaëthontis equi jam luce vehebant; 105

Famaque finitimos et clari nomen Acestæ

Excierat: læto complerant litora cœtu

Visuri Æneadas; pars et certare parati.

Munera principio ante oculos circoque locantur

In medio: sacri tripodes, viridesque coronæ, 110

Et palmæ, pretium victoribus, armaque, et ostro

Perfusæ vestes, argenti aurique talenta;

Et tuba commissos medio canit aggere ludos.

Prima pares ineunt gravibus certamina remis

103 *veribus* Heins. cum plerisque etiam Pier. Vulgo *verubus*, cf. II Georg. 396. I Æn. 242. 107 *Excierant* Ald., fortasse *verius*. *Excierat* Rom., ut duo Goth. *Lato* sec. Rottend. a m. pr. *Latoque impleant l. cursu* Sprot. *complerunt* tres Heins. *complebant* Medic. cum duobus aliis. 111 *pretium palmæ* Parrhas. 112 *auri argentique* aliquot apud Pier., quem vide. *aurique t. Rom. talentum* Medic. Gud. et alii, quod placet Heinsio; non enim plura erant talenta, sed auri unum, unum item argenti, cf. inf. 248. 113 *Nemo legit, quod malis: Ut tuba—ludos: Prima.* 114 *paris* Gud. a m. pr. *Primaque pars* Montalb.

alii parant epulas, quæ h. l. festæ sunt, nec tamen ex victimis: nam inferias fieri vidimus.

105. *Phaethon* h. l. ipse sol, ut ap. Hom. sæpe Ἡέλιος φαίδων. 107. pars visuri Trojanos pugnantes, pars parati et ipsi ad certandum.

109 sqq. Ex II. Ψ, 259 sqq., sed ornatiore. *circum* nove dixit pro consessu, corona. Est Græcorum ἀγών de loco dictus, et de turba spectantium. Mox *pretium victoribus*, pro vulgari, victorum præmium: τὰ ἀέλα. *sacri tripodes*, quorum usus fuerat vel futurus erat in sacris, *ostro perfusæ vestes*: purpura tinctæ: πορφύρεοις βαφοῖς. *argenti aurique talenta*, ex eodem loco, sed definite, v. 269 δύο χρυσοῖο τάλαντα, scilicet et h. l. auri unum et argenti alterum talentum: ex ea ætate, qua aurum et argen-

tum appendebatur, nondum signatum erat.

113. *Et tuba*: Serv. *Romano more*. et recte. Nam heroicis temporibus tubam nondum inventam, nec Homero frequentatam esse, satis constat.

114 sqq. Cum Homerus in certamine curuli describendo et ornando paullo disertior fuisset, Iliad. Ψ, 270 sqq., Virgilius navale certamen bene substituit, ut rem variaret. Quatuor sunt naves. Varietatem et ornatum poeta ab eorum insignibus et a ducibus petivit. Mnestheus belluam marinam, Pristin, Gyas Chimæram, Sergestus Centaurum, et Cloanthus Scyllam regit. Sagaciter poeta his ducibus nobilium Trojanorum nomina dedit, a quibus Memmia, Sergia et Cluentia gens originem ducere videri

Quatuor, ex omni delectæ classe, carinæ. 116
 Velocem Mnestheus agit acri remige Pristin;
 Mox Italus Mnestheus, genus a quo nomine Memmi;
 Ingentemque Gyas ingenti mole Chimæram,
 Urbis opus, triplici pubes quam Dardana versu
 Impellunt, terno consurgunt ordine remi; 120
 Sergestusque, domus tenet a quo Sergia nomen,

115 *dilectæ* Goth. duo, ut al. 116 *Pristin* Nonius et pars odd., recte, inquit Heins., nam Maroni sollennis enuntiatio latina in nominibus Græcis. *Pistria* et *Pistria* alii et hic et in seqq. cf. ad III, 427. 117 *Expectabam* mox, post adventum in Italiam, nomen Mnesthei aliter fuisse inflexum. Nunc, ut est, accipiendum: Mnestheus, mox Italus futurus, et gentem sui nominis constituturus. *Halos* Goth. sec. a quo *arugias* Parrhas. *Memmi* doctius pro nominativo plurali habetur, pro vulgari *Memmiorum*, quam ut sit *genus Memmii*, h. e. Mnesthei. *Memum* Zaliob., unde Heins. faciebat *Memmum*. 118 *Gias* scribunt alii. 119 *quem* Menag. pr. *quem* *puber* Ven. 120 *Impellit* codex apud Pier. et tres apud Burm., quod vulgare esset.

volebat: quæ fere opinio inter Romanas gentes obtinuit. cf. Serv. h. l. Præverat haud dubie in his gentium originibus Varro in libro de familiis Trojanis. Mireris Gyam prætermis- sum, a quo jam Cerda vidit Gegani- os ab aliis deduci. Erat ea gens Al- bana: Dionys. III, 29. *pares*, puta, magnitudine et bonitate. Fluctuant Serv. et Cerda inter plura commenta. *gravibus remis*, fortibus, ut Serv. Omnino, si delectationem quæris, ad verborum ornatum ac miram varie- tatem copiamque in his certaminibus animus est intendendus. Nos qui- dem potiora tantum notabimus. No- minantur autem in seqq. insignia na- vium pro navibus: Sic *Pristis*, *Chi- mæra*. Sic *tigris* inf. X, 166 *Mas- sicus arata princeps secat æquora ti- gri*.

117. Cum grammatica inter cete- ras artes serius perfecta fuerit: ety- mologia imprimis, ad certas rationes haud revocata, intra lusum fere ver- borum substituit. Dicas, quomodo ex *Mnestheus Memmii* nomen confici potuit? Scilicet ex *μνηστῆρ* latius ver-

sum: *μνηστῆρ*, unde *μνηστῆρ*, qui meminit. Mox *Sergius* ex *Sergaste* non minus dura est etymologia. *Cu- entii* ex *Cloanthus*, *Cloanthii*. Apud Pompon. Sab. etiam hoc legitur: *Probus vult hunc locum sumtum a pri- mo bello Punico* (Nævii). Præverat forte in his Varro in libro de familiis Trojanis. Nomina Gye et *Cloanthi* sup. I, 612 vidimus.—Jungenda au- tem: *Mnestheus*, mox *Italus* sc. fu- turus.

118—120. *Chimæra*, *urbis opus*. Servius: *ita magna, ut urbem putares*. Diversa igitur ratione dictum ac si: *Pyramides regum opus*, h. e. a regi- bus extractum: v. 119 et 120 clas- sici sunt in *triremis* declaranda forma et *triplici ordine remorum remigum- que* per gradus in obliquum asseren- do. Adde Lucan. III, 534. Sili- um XIV, 424 sq. et Phot. Cod. CCXXIV, c. 14. v. *Antichità d' Er- col*. Tom. V. *append. versus*, ut *ορι- χος*, per *ordinem* explicatur. v. Ind. Livian. Etsi *triremes* serius inven- tæ, ut ex Thucydide satis constat, tamen Virgilius in his *Homericam*

Centauro invehitur magna; Scyllaque Cloanthus
Cærulea, genus unde tibi, Romane Cluenti.

Est procul in pelago saxum spumantia contra
Litora, quod tumidis submersum tunditur olim 125
Fluctibus, hiberni condunt ubi sidera Cori;
Tranquillo silet, immotaque attollitur unda
Campus, et apricis statio gratissima mergis.
Hic viridem Æneas frondenti ex ilice metam
Constituit signum nautis pater: unde reverti 130
Scirent, et longos ubi circumflectere cursus.
Tum loca sorte legunt, ipsique in puppibus auro
Ductores longe effulgent ostroque decori;
Cetera populea velatur fronde juvenus,
Nudatosque humeros oleo perfusa nitescit. 135

122 *vehitur* duo Barm. *magna* est apud Noniam, et sic aliquot ap. Pier., sed alterum doctius, ad *navem* revocatum. 123 *Cloanthi*, *Chloanthi*, *Choanti*, *Cloenti*, *Cloonti*, *Cloante* alii aberrant. 124 *As* Wall. Et Ven. 125 *tunditur* tres Barm. *conditur* Ven., sed id verbum sequitur. 126 ubi *anbila* Bigot. *chori* Gothani aberrant. 128 *statio* est Goth. sec. 130 *nautis signum patet*, emendat J. Foster *Essay on Accent and Quantity* p. 138. Relinquamus poetæ suam aurium iudiciam. 131 *ibi* Hamburg. sec. *sic* Goth. pr. 132 *Cum* pr. Moret. 133 *fulgent* Leid. 136. 137 Offendit *intenta* *brachia remis* et statim *Intenti expectant*. (Nec v. 118 *Ingentem ingens* et similia a Barmanno huc vocari debebant.) Utroque tamen propria est vox (*remis intenti* Heins. junxerat; quod tamen ipsi mox displicuit); et agnoscunt lectionem Servius ac Priscianus eam antiquiss. codd. Medic. Rom. et fragm. Vatic. Itaque poeta proprietatem oratio-

subtilitatem veritatemque non sequitur.

124—128. Scopulus hiberno tempore (quod exquisite per cælum nubibus obductum designat: *hiberni condunt ubi sidera cori*) fluctibus sævientibus latet, undis submersus; cum mare est placidum, tunc ipse attollitur, ut bene Cerda, et planities soli in mari eminet. Simili modo curriculi metam descripserat Homerus *Iliad.* 9, 326 sqq. add. Apollon. I, 365. *olim*, interdum (ut et alibi occurrit), vel alio tempore, alio vero tempore *Tranquillo silet*, h. e. nullo fluctuum allisu resonat. Brunck. ad Apollon. I. I. *πάλαι*, expressum putabat; esset

quod *tunditur olim* pro *tundebatur* dudum. In hoc scopulo in medio mari pro meta quercus humi figitur, ut a litore procurentes naves cursu eo contendant, circaque rupem acto cursu ad litus revertantur. Facta autem navium decursio putanda in sinu Longuri sub Erycem. v. Cluver. Sicil. p. 246 sq.

132—138. *sorte*, etsi in eadem linea. v. Cerda. *populea fronde*. Servius: "quia ludii funebres sunt, et hæc arbor ab Hercule ab inferis allata est, cum canem Cerberum extraheret," quæ equidem præstare nolum.—135. Ut in certaminibus gymniciis, ita nunc ad magnum corpe-

Considunt transtris ; intentaque brachia remis ;
 Intenti expectant signum, exultantiaque haurit
 Corda pavor pulsans, laudumque arrecta cupido.
 Inde, ubi clara dedit sonitum tuba, finibus omnes,
 Haud mora, prosiluere suis : ferit æthera clamor 140
 Nauticus ; adductis spumant freta versa lacertis.
 Infundunt pariter sulcos, totumque dehiscit
 Convulsum remis rostrisque tridentibus æquor.

nis quam elegantiam servare maluisse videtur. Alias *injecta*, *immissa*, ac simile quid dicere potuisset. . 136 *Considunt* Hamb. sec. cf. sup. III, 289. *nudataque brachia* aliquot Pier., quod parum juvat. *intextaque* et a m. sec. *extenta* in Leid. uno erat. Heumannus olim *intentaque b. remis* recidi malebat ; sed hiantes versus vix occurrunt in media propositione. 137 *Attenti* Exc. Harm. a glossatore. *expectent* Menag. alter : alterum hemistichium occurrit Ge. III, 105. 106. 138 *erecta* Hugen., et multi *arrecta*, solita variatione. Admodum probabile fit, versus 137. 138 *Intenti. Corda.* aut esse ab alia manu insertos, confictos ex vs. alibi occurrentibus, aut ab ipso poeta inter experimenta ingenii apposita, ut mox reliqua accommodaret. Jac. Bryant. delendum censbat versus 136 *Considunt.* 139 *Unde* pr. Moret. 141 *abductis* tres Burmann. *ad-junctis* Ondart. 142 *Infundunt* multi, vitiose. *sulcos pariter* pr. Hamb. *dehiscunt* Ven. 143 *rostrisque tridentibus* Heinsius recte reposuit. Laudat ille Rottend. sec. Adde ipsum Medio. (certe in exemplari Foggini, etsi Pierius Aproniani lectionem dicat esse *tridentibus* ; sed falso. Nam et Pompon. Sab. *tridentibus*, id est, *acutis*, legit Aproniana, ab Ennio tractum est) cum fragm. Vatic. a pr. m. Etiam sic mas. Palatini apud Gruter. Firmatur Valerii Fl. imitatione lib. I, 688 *volat immissis cava pinus habenis Infunditque solum et spumas vomit ære tridenti*, et *rostro trifido* apud Siliam VI, 358 ; et talia rostra sæpe in numis et aliis vet. monum. occurrunt. Frequentata tamen olim a Grammati-

rum nisum uncti sunt oleo. 136. *intenta brachia* sunt *remis*, h. e. ipsi intendunt, intenta habent, quasi in statione manentes, ut signo dato statim incumbant remis. Ingrata tamen repetitio ejusdem vocis : *intenta. intenti.* Sed cf. V. L. Ennii locum ex Nonio Marcello laudant : *tonsas ante tenentis Parerent, exspectarent, portisculi' signum Quom dare cepisset.* 137. 138. v. sup. Georg. III, 105. 106 *Quum spes arrecta juvenum, exultantiaque haurit Corda pavor pulsans.* Ornatus extulit Homericæ : *πάρασσε δὲ θυμὸς ἑκάστου Νικῆς ἱεμένων.* Longius petitum est *ὀρεχθεῖν* in Apollon. II, 49.

139. Ut jam a principio omnem fortunam certaminis toneas, variatam illam casibus et eventu ; primum ab

initio locum tenet *Gyas* ejusque navis *Chimara* ; alterum *Scylla Cloanthi*, tum *Pristis Mnesthei*, ultimum *Centaurus Sergesti*. Apud metam *Gyas* videns Menœten gubernatorem, ut evitet scopulum, nimium in dextram partem evagari, ira incensus, eum navi projicit, sicque navis sine moderatore fertur. Interea *Mnestheus* et *Sergestus* eum prævertunt, at *Sergestus*, paullo calidius evectus, illidit navem cauti : ita *Mnestheus* solam *Cloanthi Scyllam* habet, cum qua certet ; eamque primas tenentem et victricem proximo loco insequitur ; tertio *Gyas. finibus*, quæ v. 132 *loca* sortiti erant. 141. *adductis lacertis*, simul cum adductis remis. 143. *tridentibus rostris*, trifidis. conf. V. L.

Non tam præcípites bijugo certamine campum
 Corripuere, ruuntque effusi carcere currus; 145
 Nec sic immissis aurigæ undantia lora
 Concussere jugis, pronique in verbera pendent.
 Tum plausu fremituque virûm studiisque faventum
 Consonat omne nemus, vocemque inclusa volutant
 Litora; pulsati colles clamore resultant. 150
 Effugit ante alios, primisque elabitur undis
 Turbam inter fremitumque Gyas; quem deinde
 Cloanthus
 Consequitur, melior remis: sed pondere pinus
 Tarda tenet. Post hos æquo discrimine Pristis
 Centaurusque locum tendunt superare priorem; 155

eis, nec non a scriptis et editis, lectio erat: *rostrisque stridentibus*, etsi in metrum peccans. Sed in aliis modo *que* omissum, modo *s* in *stridentibus* erasum. Hinc interpolatum, ab aliis apud Pier. *r. sonantibus*, ab aliis, *ruentibus*, in Oblongo *rudentibus*, ut et in Sprot. erat pro var. lect. Ab academia Neapolitana profectam lectionem *tridentibus* Ang. Colotti fide narrat Pierius. 144 *certamine currus*, versu seq. intercepto, Goth. tert. 145 *a carcere* Bigot. 146 *Non sic* edd. vet. et Goth. pr. cum codd. Pier. 147 *jubis* conj. Heins., nec id alsonum. sed *juga* pro equis dixit poeta. v. Burm. *que* abest a Franc. 148 *Cum p.* Moret. pr. *plausus alter* Mentel. *gemituque* Hagen. 149 *inclusa* erasum in Exc. Burm. et in marg. per ampla ex Æn. I, 725. Jo. Schraderus in schedis tentabat: *inlisa, incussa, impulsu, et æquora*. 151 *alias* alter Menag. *primisque* Heins. cum melioribus; adde fragm. Vatic. et codd. Pier. Vulgo *primusque*, quod vulgarius. *illabitur* Wall. *undas* Gud. a m. pr. 152 *strepitumque* Dorrill. *gemitumque* Zolich. 153 *Instiguitur* Parrhas. *sub pondere* Schol. Stat. apud Heins. cf. ad v. 5. 154 post *tarda* distinguebat pr. Moret. *tardo discrimine* Menag. pr.

144—147. Sumta, ut jam Macrobio V, 11 notatum, comparatio ab Homero Od. N, 81 sqq. Sed cf. Iliad. ♀, 362 sqq. et Ge. III, 103 sqq. Omnia hic ornate. *bijugo certamine* pro bigarum. *campum Corripuere*, corripunt; ut carpere, corripere viam, spatium. *immissis* (in cursum) *jugis*, h. e. equis jugalibus admissis, dum freni laxantur. *undantia lora*, exquisite pro effusis frenis. *proni in verbera pendent*, quod egregiam rei imaginem habet, ipsi Virgilio debere videtur, etsi res expressa l. c. 362—364. Contra de equis præclare Homerus: Πάντες ἄμ' ὁρμηθέντες, ἐπὶ

πληγῶσιν ἰμάσθλης, ὕψος ἀειρόμενοι, ῥίμψα πρήσσουσι κίλευζον. Homeri laudibus etiam hic male obtrebant viri docti.

149. 150. *Consonat* exquisitius quam, *resonat*. *litora*, in planitiem declivia. *inclusa* collibus his nemorosis. *colles resultant clamore*, doctius, quam, ut vulgo, si clamor resilit a collibus.

151—158. *elabitur* egregie pro, præcurrit celeriter, ut Serv. primo statim egressu a litore. 154. *tenet*, moratur cursum, vel Cloanthum; pro *tarda est. æquo discrimine*, pari momento, ut linea eadem incederent:

Et nunc Pristis habet, nunc victam præterit ingens
 Centaurus; nunc una ambæ junctisque feruntur
 Frontibus, et longa sulcant vada salsa carina.
 Jamque propinquabant scopulo, metamque tenebant:
 Cum princeps medioque Gyas in gurgite victor 160
 Rectorem navis compellat voce Menœten:
 Quo tantum mihi dexter abis? huc dirige gressum;
 Litus ama, et lævas stringat, sine, palmula cautes;
 Altum alii teneant. Dixit. Sed cæca Menœtes
 Saxa timens, proram pelagi detorquet ad undas. 165
 Quo diversus abis? iterum: pete saxa, Menœte,
 Cum clamore Gyas revocabat; et ecce Cloanthum.

156 habet Heins. secundum potiores, et Heins. et Pier., adde fragm. Vatic., supple, priorem locum, quod præcesserat. Alii abib. habet metam, nunc præterit Wall., male. 158 longa carina Heins. secundum plures et meliores, inter quos et Romanus, fragm. Vatic. cum Medic. Valgg. longæ carinæ, vel longæ c. In Ald. pr. erat longo—carinæ, in altæ longæ, at in tertia Naugerius longæ—carina intulit. Est tamen longa carina prorsus otiosa vox, facitque, ut totam hemistichium abesse malim, tanquam male suppletum; ita ut vulgatam olim lectionem præferam: nunc una ambæ junctisque feruntur Frontibus et longæ sulcant vada salsa carinæ: hoc est: nunc carinæ longæ una feruntur et sulcant vada. Jo. Schrader. conj. in schedis: juncta vel sociis sulcant vada salsa carina. 159 propinquabat Medic. a m. pr. metusque sec. Rottend., ut v. 171. 160 Tum aliquot Pier. 161 Menœten. Mercurius est. 162 dexter mihi tantus abis Ven. gressum Heins. omnium meliorum auctoritate post Pierium. Vulgo cursum, ex interpretatione, forte Aproniano emendante. Nam in Medic. gressum in cursum est mutatum. cursu Ven. 163 amet ex am'et Longob. læva Medic. Hamb. pr. et Gud. a m. pr. cum Goth. sec. a m. pr. Sed lævas cautes doctius dictum puta; hoc nomine lectionem tuere. 164 tendant Dorvill. Menætes Medic. Menœtes pr. Rottend. a m. pr. In Goth. tert. Menætes, modo Monætes, modo Menætheus, modo Monæstem peccatum. 166 iterum sc. revocabat. Distinctio ab aliis varie fit. 167 renovabat Montalb. et in multis, Romano quoque, abest, et deletum a multis, sed repugnantibus Musonio et Pierio; inter eos, qui ejiciant et, tanquam ad fulciendum versum insertum, video esse Benedictum in ed. Junt. 1520; provocat ille ad Martianum Capellam, qui litteram T in fine ad libitum poni ait. Versus sane similis, producta in quarta regione ultima syllaba, quæ brevis erat, occurrunt plures. Sed, quid de iis statuendum sit, mihi nondum satis liquet.

qua discernuntur a ceteris navibus: unde discrimen dicere potuit. locum superare priorem, assequi, tenere, altero superato locum primum sc. inter se, post Gyam et Cloanthum. 159. metam, non, ubi finirent cursum, sed circumflecterent: sup. 130. 131.

160—171. princeps Gyas et victor, h. l. qui omnes anteverterat cursu. dexter. Cogita metam fuisse ita cir-

cumflectendam, ut eam a sinistra haberent. 163. tene cursum propius ad scopulum (quem litus appellat), nec verere, ne remi a sinistra parte eum attingant. amare, cupide tenere, amplecti, servare. ut in illo Horatii: amatque juxta limen. palmula, ῥαπὸς κώπης. pars inferior remi. pelagi sc. dextrorsum in altum evectus adeoque diversus, in diversam partem, cum deberet lævam versus scopulum

Respicit instantem tergo, et propiora tenentem.
 Ille inter navemque Gyæ scopulosque sonantes
 Radit iter lævum interior, subitoque priorem 170
 Præterit, et metis tenet æquora tuta relictis.
 Tum vero exarsit juveni dolor ossibus ingens;
 Nec lacrimis caruere genæ; segnemque Menæten,
 Oblitus decorisque sui sociûmque salutis,
 In mare præcipitem puppi deturbat ab alta; 175
 Ipse gubernaclo rector subit, ipse magister,
 Hortaturque viros, clavumque ad litora torquet.
 At gravis, ut fundo vix tandem redditus imo est
 Jam senior, madidaque fluens in veste, Menætes,
 Summa petit scopuli, siccaque in rupe resedit. 180
 Illum et labentem Teucri, et risere natantem,
 Et salsos rident revomentem pectore fluctus.

168 *terga* Menag. pr. et Dorvill. a m. sec. cf. Heins. ad lib. XII, 743. a *tergo* Gad. a m. pr. 170 *subitoque* videtur a Burm. receptum, ut sane præstantissimus quisque exhibet Heins., et Pier., adde Cort. ad Plin. IV, Ep. 15. Magis tamen poeticum *subitusque*. 172 *juvenis* alter Menag. 173 *Non l.* Hamb. sec. 174 *Oblitusque sui decoris* Bigot. 175 *detrudit* duo Burm., ex interpr. *detrahit* aliquot Pier., simili a *causa*. 176 *gubernando* alter Hamb. inde *magister* idem a m. sec. 178 *At qn.* Moret. e *fundo* Oudart. *infando* alter Hamb. *reddit ab imo* pr. Moret. 180 *scopulis* Rom. *summaque in r.* duo Burmann. 181 et deest Franc. *risere vomentem* malebat Vossius; quod non intelligo quorsum factum voluerit. *risere* et *rident*, ut toties præteritum perfectum et presens tempus juncta videas: sed ingratum h. l. in eadem voce. Fuit qui conjiceret, et *videra*. Mihi probabile sit versum alterum *Et salsos non bene relictam fuisse a Tucca*. 182 *removentem* aberratum in multis.

tenere. 170. *radit iter* (radit mare remis, ut alibi *lavum*, a læva parte, *interior*, versus scopulum, ita ut Chimaera, qua Gyas invehitur, esset exterior, versus patentiora loca maris. Petita omnia a circo et cursu circensii. cf. Cerda et al. *priorem* Gyam, qui modo prior fuerat, et *metis relictis*, meta superata (de h. v. vide Burm. ad lib. VIII, 216), quas circumvectus erat, *tenet æquora*, mare liberum, quo jam cursum a meta versus litus repetere posset. In tota hac increpatione ante oculos Menelai objurgatio ap. Homer. l. c. Iliad.

Ψ, 420 sqq., quem totum locum cum navali hoc certamine comparent literarum studiosi.

172—182. conf. Iliad. Ψ, 385 sqq. *decoris sui*. Servius: *inhonestum enim est irasci, duci præsertim*; et *salutis sociorum*, sc. erepto gubernatore navis. *ad litora*, ad scopulum, qui pro meta erat. 178. *gravis*, gravatus adeoque tardus ad natandum, partim senio, partim aqua, quam vestis imbiberat (*fluens in veste* antique pro fluctus veste, et hoc pro, veste fluente aqua, vel aqua fluente e veste), *vix tandem redditus est*, difficulter emer-

Hic læta extremis spes est accensa duobus,
 Sergesto Mnestheique, Gyan superare morantem.
 Sergestus capit ante locum, scopuloque propinquit :
 Nec tota tamen ille prior præeunte carina ; 186
 Parte prior ; partim rostro premit æmula Pristis,
 At media socios incedens nave per ipsos
 Hortatur Mnestheus : nunc, nunc insurgite remis,
 Hectorei socii, Trojæ quos sorte suprema 190
 Delegi comites ; nunc illas promite vires,
 Nunc animos, quibus in Gætulis Syrtibus usi,
 Ionioque mari, Maleæque sequacibus undis.

184 *Mnestheique* Heins. reposuerat, cum Pierianis et cum Medic. ac Gud. a m. pr., in quibus quidem erat *Mnesthi*, ex *Μνησθῆι*. Ita alibi *Mnesthea* dixit. Tuetur hoc quoque Pompon. Sab. *Sergestum Mnestique* Rom. Sed tacite revocata erat a Barm. vulgata lectio *Mnestheo*. 185 *scopulosque* p. Menag. pr. *scopulumque* sec. Moret., quam structuram, ut exquisitiorem, illustrat Heinsius. 186 *Nec tamen ille prior toto pr. ple-*rique codd. ap. Pier. ex interpolatione, cum in vulgata syllabarum similitiam concursus offenderet. Ille prius Gud. *percuente* duo Barm. *caterva* Sprot. 187 *partim*, iterum in Barm. edit. discessum video ab Heinsio, qui cum maiore codd. parte etiam Pierianorum legebat, *partim*, quæ antiquior forma pro, *partem*. 188 *incedens* aliquot Heins., unde ille conj. *intendens*, *perperam*. 189 *incumbite* Serv. ad VIII, 108, sed hoc petitum ex lib. X, 294. 190 *Hortor vos socii* Rufinian. de figg. p. 29. forte Menag. pr. 191 *Dilegi* Hugen. *vestras Parrhas. promittite* Dorvill. *promitte, promittere* Goth. alt. et tert. 192 *animas* Zulich.

git, *salsos revomentem fluctus* verbis Homericis Odyss. E, 322. 323.

183—187. *extremis duobus* vid. sup. 154 sqq. Sergestus Centauro, magna navi, Mnestheus veloci Pristi invectus. 187. Sergesti Centaurum puta propius ad scopulum interiore adeoque breviori spatio (quod in re circensi sinistrum erat : unde h. l. ad navale certamen traductum. vid. v. 116), succedere, Pristin Mnesthei exteriore versus dextram decurrere. Cum tamen Pristis remigio valeret, Centaurum illa est assecuta, ita ut anteriore navis parte Centaurum æquaret, 187. et tantum non æquo cum illo cursu ferretur ; inde etiam cursu Centaurum antevertere Mnestheus in animum induxit.

188—197. Factam orationem pulcerrimam ad Homeri imitationem, ubi Antilochus equos suos increpat, Iliad. Ψ, 402 sqq., omnes observant intpp. *insurgite remis* v. III, 560. Ex eodem profecerat Apollon. II, 588 sqq. *socii* navales, qui iidem heroicis temporibus remiges sunt et milites, *Hectorei* simpl. Trojani, *sorte suprema Trojæ*, excidio ; hand dubie. 191. *nunc illas*. similis adhortatio Patrocli ad Ajaces facta Iliad. II, 556 sq. *Syrtibus*, v. sup. I, 111. *Gætulas Syrtes* jam sup. V, 51 dixerat. *Ionio in mari*, cum ex Creta solvissent sup. III, 192 sqq. 211 sq., tum etiam *Maleæ* in extrema Laconia promontorium, etsi paullo latiore flexu, circumvecti sunt, *sequa-*

Non jam prima peto Mnestheus, neque vincere certo;
 Quanquam o! sed superent, quibus hoc, Neptune,
 dedisti; 195
 Extremos pudeat rediisse: hoc vincite, cives,
 Et prohibete nefas. Olli certamine summo
 Procumbunt: vastis tremit ictibus ærea puppis,
 Subtrahiturque solum; tum creber anhelitus artus
 Aridaque ora quatit; sudor fluit undique rivis. 200
 Attulit ipse viris optatum casus honorem.
 Namque, furens animi, dum proram ad saxa suburguet
 Interior, spatioque subit Sergestus iniquo:
 Infelix saxis in procurrentibus hæsit.
 Concussæ cautes, et acuto in murice remi 205

194 *Non jam* Heins., ex scriptis. Volgo *Non tam*. 195 *Quemquam*, sed interpolate, aliquot Pier., et *Quanquam* utinam Dorvill., et hoc ex interpretatione. Q. ah Goth. tert. sed *vincant* sec. Moret. si *superant* alter Hamb. quibus hæc Ven. 196 *Extremas* alter Hamb. ho v. Leid., unde Heins. malebat o *vincite*. Sed hoc, hactenus saltem. 197 *cert. primo* Montalb. a m. pr. 198 *gemit* vel *frenit* tentabat Jo. Schraderus. *ærea* Medic. a m. pr. *puppis* Romanus: ut olim scribi mos erat. conf. Pier. *classis* Bigot. 200 *ossa* Leid. un. *sudor* ruit duo. sed vide Barmann. ruit u. *membris* Dorvill. 201 *optatus* Wall. 202 *furens* animis aliquot Pier. Sic inf. lib. VIII, 228. Sed *animi* codd. agnoscunt et Arasian. Mess. et sermonis elegantia. *animo* Gud. a m. pr. *dum* *prora* ad i. *suburguet* Interior legerat Pompon. Sab. h. e. *suburguet* se, *suburguetur*, impellitur. Quod doctus dictum est. *perurguet* sec. Rottend. et a pr. m. Erf. 204 *procumbentibus* Leid. et Goth. sec., ut inf. XI, 624 variatum; nec displicet Barmanno. Mibi tamen paullo coactius et temere a librario erratum esse videtur. 205 in abesta Zolich. Goth. sec. et Erf.

cibus undis. Convenit fere *ῥεύμα πολύ-
 κλυστον. παλινρόθιον*, dum fluctus
 fluctum urguit, quoniam in hac plaga
 paullo tumidius mare est: *Κύματά
 τι προφύοντα, πηλώρια, ἴσα δρεσιν*, ut
 Odyss. Γ, 290. Alioqui aliis in lo-
 cis, etiam ista bona rei imago, si flu-
 ctus carina et remis impulsus, sulco
 facto, iterum concitate cocunt, et in
 puppim irruunt. *Quanquam* o, uti-
 nam vincerem! 196. *rediisse*, ornate
 pro *esse*, et *nefas* magna cum vi, pro
 opprobrio, ut et Serv. notavit.

198—200. cf. Iliad. Ψ, 417 sq.
Procumbunt, quod alias, *incumbunt*.

solum h. l. mare. *Subtrahitur* sulco
 facto: vide v. 142, 143. 199. 200.
verba ex Iliad. II, 109. 110, sed or-
 natius. *ora* int. fauces.

201—209. Multum *ἰσαργτίας* in h.
 l. *honorem*, victoriam, ut anteverte-
 rent Centaurum. *interior* v. ad v. 187.
spatio iniquo, angusto. cf. Stat. Theb.
 VI, 440 sq. *murex*, Servius: *saxi
 acumen eminens per tranquillitatem*
 (hoc ex v. 127). *illisa* pependit pro
 vulgari *illisa* est; sed suavius, quod
 sublimis et suspensa nutavit, libra-
 vit sese. cf. inf. X, 303, 304. Sumsit
 ab Virgilio hæc eadem Silius XVII,

Obnixa crepuere, illisaeque prora pendit.
 Consurgunt nautae, et magno clamore morantur;
 Ferratasque trudes et acuta cuspide contos
 Expediunt, fractosque legunt in gurgite remos.
 At lætus Mnestheus, successuque acior ipso, 210
 Agmine remorum celeri, ventisque vocatis,
 Prona petit maria, et pelago decurrit aperto.
 Qualis spelunca subito commota columba,
 Cui domus et dulces latebroso in pumice nidi,
 Fertur in arva volans, plausumque exterrita pennis
 Dat tecto ingentem: mox aëre lapsa quieto 216
 Radit iter liquidum, celeres neque commovet alas:
 Sic Mnestheus, sic ipsa fuga secatur ultima Pristis

208 *trudes* Heins. sec. suos et Pierianos; Sunt *trudes* conti acuta cuspide, a *trudendo*, etsi sic syllaba longa in brevem abierit necesse est. At *sudes* servat Medic. Hamb. sec. et a m. sec. Montalb. 210 Et Medic. a m. pr. Aut alter Hamb. *illo* Leid. et alter Goth. 214 in deest alteri Hamb. in *gurgite* a m. sec. Zolich. 215 *pulsusque* ed. Commel. *pinnis* Rom. Medic. et Gud. 216 *Dat tergo* aliquot Pier. *Vulgatam* habet Non. et Schol. Statii ap. Burm. 217 Jo. Schrader. in schedis conj. *Carpit*; nam *radere* inferre vicinitatem; sic jam Barth. ad Stat. Achill. II, 3 monuisse. Non meminerant etiam mare remis, aerem alis radi, verri, verti. *liquidum* et c. Rom. nec Dorrill.

281 sqq. 207. *morantur*, hærent; quippe dum navem retro agunt. *trudes*, contos. v. Var. Lect.

210. *agmine remorum*, ornatè, totis remis. 211. *ventis vocatis*, expansis velis. v. sup. III, 253. *prona maria*, in quibus cursus pronus ac celer sine impedimento fit; idem *apertum pelagus*.

213—217. *κοίλην πέτρην Χηραμὸν*, Iliad. Φ, 494. 495 expressisse putatur; At quanto ornatius! *domus et dulces nidi*—et *tectum. exterrita tecto*, *dat pennis plausum ingentem*, cum inde volatu abire parat. Bene Pompon. Sab. “cum incipit volare columba, dat ingentem strepitum; inde ita quietà volat, ut non videntur movere alas.” *iter liquidum*, aerem;

radit, ut *ψαύειν*, et *ψαίρειν* v. c. ap. Æschyl. Prom. v. 394. cf. Valken. ad Eurip. Phoen. p. 471. Sic et *verrere* æquor, ut bene observat Ernesti ad Sueton. Ner. 48. *Vulgarius secare*; nisi alterum illud eam vim habet, ut quasi aeris aliqua superficie leviter tantum perstricta incessum denotet. Paullulum diversus est columbarum motus placidus et lenis suspensio gradu in incessu: quo Homerus dearum incessum declarari posse putavit Iliad. E, 778. At hic æquabilem et liberum et tranquillam navis cursum per apertum mare egregie repræsentat. Accipitrem, *κίρκον*, pro columba in simili exemplo laudavit Apollon. II, 932—935. 218—228. *ultima æquora* circa mæ-

Æquora, sic illam fert impetus ipse volentem.
 Et primum in scopulo luctantem deserit alto 220
 Sergestum brevibusque vadis, frustra que vocantem
 Auxilia, et fractis discentem currere remis.
 Inde Gyan ipsamquē ingenti mole Chimæram
 Consequitur; cedit, quoniam spoliata magistro est.
 Solus jamque ipso superest in fine Cloanthus: 225
 Quem petit, et summis annixus viribus urguet.
 Tum vero ingeminat clamor, cunctique sequentem
 Instigant studiis, resonatque fragoribus æther.
 Hi, proprium decus et partum, indignantur, honorem
 Ni teneant; vitamque volunt pro laude pacisci. 230
 Hos successus alit; possunt, quia posse videntur.

219 *volentem* Montalb. *ire volentem* Sprot. Elegantem usum verbi illustrat Heins. h. l. conf. ad II Georg. 41. Nec hoc tamen loco alienum volare. 220 *At et Ac* variant scriptura in Pier. et Heins. in abest a Medic. 221 *et frustra* multi ap. Burm., vitiose. 222 *Auxilium* Bigot. *incurrere* Gud. a m. pr. 224 *cedunt* Sprot. a m. sec. est deest Wall. 225 *namque* Dorvill. *super ipso est* Franc. 226 *petat* alter Hamburg. 227 *cunctisque* Goth. tert. cum alt. Mentel. 228 *resonatque fragoribus*. Ita Heins. cum præstantiore quoque. Vulgo *clamoribus*, nonnulli sublato *que*. Voss. *clangoribus*. 231 *agit* pr. Hamburg. *quia possunt*, p. Sprot. *possunt quæ p.* alter Hamb. videtur Medic. a m. pr.

tam. *brevibus vadis*, propius ad scopulum: 204. ut I, 111. 112, ubi *brevia et syrtes*. Mox *discentem* est experientem, conantem. 224. *cedit* h. c. præteriri se sinit Chimæra; *spoliata magistro* Menece in mare projecto vs. 173. *in fine* totius cursus, int. sub reditum ad litus. cf. inf. v. 327. 328. *sequentem*, Mnestheum qui insequitur Cloanthum, *urguet*. 228. *studiis* h. l. proprie, ut in consessu ludorum circensium de favore spectantium. cf. Iliad. Ψ, v. 448 sqq. et 767, 768. Silius XVI, 319—332. *fragoribus* h. l. pro clamore et plausu.

229—231. *proprium decus* h. l. ut alias, pro parta jam et parata victoria. *indignantur*, ni teneant, doctior forma quam, se non tenere, sibi eripi. Sic ei.

ei *μῆ*. *pacisci* exquisite pro, reddere, impendere; ex vulgariore formula: redimere famam sempiternam morte. Sic *emere* inf. IX, 206. Imitatus Stat. I Theb. 319 *hoc ævum cupiat pro luce pacisci*. Locus a Burm. jam laudatus. 231. *possunt, quia posse videntur* ad fiduciam certantium referre malim; efficiunt id, quod facere student, seu in eo sunt, ut id efficiant; quoniam sibi videntur id efficere posse. Multa argutantur Intpp. imprimis Trappius. Est hoc idem, sed male intellectum, quod nostræ ætatis ingenia πάνθεινα et πάντολμα præ se ferebant: nihil esse quod non valcas, modo velis valere: scilicet, modo sit divinitus illis Ingenium et rerum fato prudentia major: quam tamen fere deesse istis vidimus.

Et fors æquatis cepissent præmia rostris :
 Ni, palmas ponto tendens utrasque, Cloanthus
 Fudissetque preces, divosque in vota vocasset :
 Dī, quibus imperium est pelagi, quorum æquora curro,
 Vobis lætus ego hoc candentem in litore taurum 236
 Constituam ante aras, voti reus, extaque salsos
 Porriciam in fluctus, et vina liquentia fundam.
 Dixit, eumque imis sub fluctibus audiit omnis
 Nereidum Phorcique chorus Panopeaque virgo : 240

233 *ponto palmas* dao Burm. 234 *Effunditque* p. sec. Rottend. 235 *imperium* est p. cum Medic. et aliis Heins. Alii cum Rom. *pelagi* est. In aliis *est* plane abest, quod Pier. recte sequebatur. *æquora* Rom. aliquot Pier. et Burm., quod jejuum esset. *æquora curæ* laudat Burm. e Medic., sed in hoc nihil varietatis. 236 *hoc* ex uno Medic. Pier. laudavit ; abest tantum ab duobus Heinsianis. in deest Rom. Goth. sec. 237 *votis* Montalb. 238 *Porriciam* defendit Macrob. III. Sat. 2, qui locus est classicus de hoc sacrorum verbo ; etsi in nonnullis arguitur, ut et Serv. h. l. Omnes tamen codd. Pier. et Heins. et al. *Proficiam* vel *Proiciam*, nisi quod in Medic., a m. sec. emendatum, *Poriciam*, ut et Parrhas. At Franc. *Prociam*. Fuere quoque qui *Prosiciam* mallent. v. Guell. Etiam Ursinus *Porriciam* in omnibus, quæ viderat, bonæ notæ exemplaribus fuisse testatur. Benedictus (in ed. Junt.) defendebat *proficiam*, sic enim omnes codices habere, et Homericam imitationem esse ; quam tamen equidem non memini. *liquentia* alter Hamb. et pr. Rottend. a m. pr., forte ut metro consuleretur. Sed duo fuerunt verba, alterum, *liqueo*, es, alterum, *liquo*, is ; hujus prior longa, illius brevis, esse debuit ; fere ut in Græcis : φίλω, φίλῳ. μαρτύρω, μαρτυρέω et sic porro. 239 in fl. Sprot. 240 *Phorcique* Rom. Vestigia græci versus subsunt : Νηῖος Φόρκου τε χορὴ Πανόπειά τε καὶ ἄλλα ; sed Nerei tribus syllabis dicere non poterat : at sunt Νηεΐδης, ut Νηρηΐδης. *Panopeia* virgo tres apud Burm. cum binis Goth., nec male. conf. sup. Georg. I, 437. Ceterum vide an opportunius distinguas : eumque i. s. f. audiit omnis N. P. chorus ; Panopeaque virgo, Et pater ipse manu magna Portunus, euntem Impulit. Sic sup. lib. I, 144 *Cymothoe*, simul et Triton amixtus, acuto Detrudunt naves scopulo.

232—243. Lineas apud Hom. ductas vide l. c. Iliad. Ψ, 769 sq., ubi Ulysses in cursus certamine similiter vota facit. *palmas utrasque* antique, inquit Serv., quem vide, pro *palmam utramque*. *divos in vota vocare* vi sane et sensu idem esse debet ac *deos votis vocare* h. e. invocare : quod aliquoties apud Virgilium et ejus imitatione apud Silium et Senecam Tragicum occurrit, sed dictum exquisite, ut in *partem prædamque vocare* III, 22, et apud Ovid. Fast. V, 527 *juratus vobis in verba vocatis* : Nam *votis* est idem ac *vocare ad vota*, ad ea, quæ voventur. Guellius laudat ver-

sum Lycophronis (v. 288) καλῶν ἐπ' εὐχαῖς πλεῖστα Φόρκιον Δία, sed ibi ἐπικαλῶν Δία est jungendum. 237. *voti reus*, uti Ecl. V, 80 *damnari votis*, quoniam *vota deberi, solvi*, dicuntur. *porricere* voc. sacrorum proprium. cf. V. L. *liquentia* ornat, ut sæpe *liquidum* in *aqua*, *humor*, *font*. 240. *Phorcum* (Φόρκος et Φόρκεος) Ponti et Terræ f. (v. Hesiod. Theog. 237. Apollod. I, 2, 6), Nerei fratrem, posuisse videtur poeta, cum omnino deus marinus esset nominandus, cui subesset deorum marinorum ac Tritonum chorus et agmen. cf. inf. 823. 824. *Numen aquis secundum Phorey-*

Et pater ipse manu magna Portunus euntem
 Impulit : Illa noto citius volucrique sagitta
 Ad terram fugit, et portu se condidit alto.
 Tum satus Anchisa, cunctis ex more vocatis,
 Victorem magna præconis voce Cloanthum 245
 Declarat, viridique advelat tempora lauro ;
 Muneraque in naves ternos optare juvencos
 Vinaque, et argenti magnum dat ferre talentum.
 Ipsis præcipuos ductoribus addit honores :

241 *Neptunus* tres apud Burm. cum Erf., ex interpretatione, v. Not. *Portunus* alii scribunt. Male. Sed *Portunus*, ut *Neptunus*; etiam *Vertunus* maluit quam *Vertumnus*. Videtur tamen altera esse antiquior, altera mollior pronuntiandi ratio. eundem ed. Ven. 244 *At satus* Bigot. *Anchise* alter Menag. et cunctis Wall. c more sec. Rottend. 247 *ternosque* ed. Ven. *optare* cum Medic. Rom. aliisque optimis suis et Pierianis Heinsius legi maluit; maluerat idem *Benedictus*. Vulgo (et sic unus Goth.) *optare*. conf. sup. ad lib. I, 552. Schrader. conj. *portare*. 249 *præcipue* Colot. et pr. Hamb. cum Medio. auctoribus Sprot. *victoribus* duo Burm., et *uctoribus*, erasa d, Exc. Burm. Omnia temere.

nem vocat Lucan. IX, 646. *Panopen* vel *Panopeam* (cf. I Georg. 437), unam ex Nereidibus (Hesiod. Theog. 250), sigillatim posuit, forte tanquam ex præcipuis unam, ut sup. I, 144 *Cymothoën*. *Portunum* bene memorat, tanquam poeta Romanus, qui Græcis est *Palaemon*, olim *Melicer*ta. Erat *Inous Melicertes* Georg. I, 437. v. Hygin. f. 2. Ovid. Fast. VI, 547. Cum clave cum fuisse exhibitum legitur apud Festum in *claudere*, et in glossa Serv. ad Georg. I, 437: dubito tamen, an *clavus* potius in ejus manu fuerit. Cum h. l. *Portunus* pater dictus sit, *Palaemon* autem puer deus factus narretur, *Neptunum* hoc nomine designari putavit Grot. ad Martian. Capellam lib. I, p. 2 et Cerda ad h. l. *Pater* tamen commune deorum nomen, etiam qui juvenili ætate exhiberi solent, ut *Bacchus pater*. 241. *Impulit navem*: ut sup. lib. I, 144. 145 in tempestate naves Trojanorum scopulis detrudebant *Cymothoe* et *Triton*. Est autem

Portunus inter deos *σωτήρας* nautarum. v. Orph. H. 74, 6—8. *manu magna*, significanter in numine; et memorabilis effectio: *illa noto citius*. —Ductum autem phantasma hoc ex Argonauticis, in quibus *Argo* eodem more scopulorum anfractibus expeditur modo in *Planctis*, v. c. *Apollon*. IV, 930 sqq. *Thetidis* et *Nereidum* opera, modo in *Symplegadibus* in *Ponto Euxino* ap. *Apollon*. II, 598 *Minervæ* manu. Tandem, *portu se condidit alto*, ornate pro, intravit.

244—248. *ex more*, certe ludorum gymnycorum. *advelat*, ut exquisitior esset oratio pro *velat*, *ὑπεκαλύπτει*. *dat optare* conf. sup. I, 425. III, 109, ut elegant ac dividant inter naves. *magnum talentum*, non comparative, quoniam majus et minus talentum fuit; nam hoc et serius et subtilius quam pro poeta; sed per se, quod multas minas intra se continet; ut *magnus annus, mensis* etc.

249—257. *Victor* primo loco *Cloanthus*; at v. 258 altero loco, *Mne-*

Victori chlamydem auratam, quam plurima circum
 Purpura Mæandro duplici Melibœa cucurrit ; 251
 Intextusque puer frondosa regius Ida
 Veloces jaculo cervos cursuque fatigat
 Acer, anhelanti similis, quem præpes ab Ida
 Sublimem pedibus rapuit Jovis armiger uncis. 255
 Longævi palmas nequidquam ad sidera tendunt

251 *Purpurea* Dorvill. *Melebaea* duo apud Burmann. *Melibeia* currit Hugén. 253 *Veloci* Witt. *jugulo* alter Hamburg., qui et *cursusque*. 254 Non indocta est P. Burmanni Secundi emendatio ab alto. Nam offendit *Ida* bis in fine versus positum. Vide ad Anthol. Lat. poet. p. 272. Schrader. Emendatt. p. 154 conj. ab *athra*: Valer. Fl. I, 156 *Talia contanti lævum Jovis armiger athra* Advenit. Inf. XII, 247 *volans rubra fulvus Jovis ales in athra*. add. Claudian. b. Gild. 467 sqq. Receptum hoc video a Brunkio. Præfero equidem ab alto: inf. XI, 721 *Quam facile accipiter saxo sacer ales ab alto Consequitur pennis sublimem in nube columban.* Cum itaque evidentis veritatis nota neutri emendationi insit, non sane consultum est in contextum alterutram inferre; facere enim hoc non licet, nisi ubi, aut sic aut nullo alio modo, auctorem scribere potuisset, in confesso sit. 256 tollunt Sprot. et alter Hamb. cum Goth. sec. perpetua variat.

stheus, et v. 266 tertio, Gyas. Vestis auro intexta; ut VIII, 167 *chlamydemque auro dedit intertextam*. igitur figuræ aureæ erant; prætexta (*πεπλόρηστος*) limbo purpureo duplici; non tamen assuto, sed intexto; quem ornatissime descripsit. *Mæander* enim *flexuosa* et in se remeabilis *purpura* in modum *Mæandri*, ait Serv., fluvii, qui inter Cariam et Lydiam defluit, notissimi tum flexibus suis, tum poetarum in eo ornando arte. Vide Ovid. Met. VIII, 162 sqq. et al. Confer Chandler. *Antiqq. Ionicas* c. 3. Virgiliū exemplo Mæandrum etiam alii poetæ ad texturam transtulere. cf. Cerda et Ursin. Etrusca sigilla multa sunt, simili habitu facta, ac picta in vasis, quæ rem illustrent. *Melibœa purpura*, Melibœensis, si, quod verisimile est, Virgilio ex Lucretio II, 499 in animum venit: *Melibœaque fulgens Purpura Thessalico concharum tinctorum colore*, ab alia, quam Thessaliæ urbe (v. Liv. XLIV, 13) appellata ipsi videri vix

potuit. Ad insulam tamen Melibœam, in Orontis, Syriæ fluvii, ostiis sitam, purpureæ hujus laudem referre maluit Voss. ad Melam II, 3 a Burm. laudatus, quoniam scilicet in illo litore muricum frequentia aliunde nota est; nam in ceteris argutatur Vossius. Imitationem Statii (Theb. VI, 540. 541 sq.) agnoscit Pompon. Sab. *cucurrit*, currit, ut Iliad. 2, 320 *περι δὲ χρύσεος θιέ πόρκεος*. cf. Guell. 252 sq. Non alienum texturæ argumentum, cum Ganymedes ad Æneæ genus spectaret (cf. Winckelmann. de imitatione Græc. opp. p. 169 et 188). modo teneas, illa: *Veloces jaculo cervos cursuque fatigat*, h. e. venatur, non ad picturam spectare, sed tantum poetice interposita esse, cum in venatu raptus esset puer. *armiger Jovis præpes* jungendum, suppleto, si placet, *ales*; de aquila (ex nostro hoc adoptavit Valer. Fl. I, 156. II, 414); aut quem *præpes rapuit*, velociter. *tendunt palmas*, non mirantes, ut Heins. ac Burm. cum Sery. con-

Custodes ; sævitque canum latratus in auras.
 At qui deinde locum tenuit virtute secundum,
 Lævibus huic hamis consertam auroque trilicem
 Loricam, quam Demoleo detraxerat ipse 260
 Victor apud rapidum Simoënta sub Ilio alto,
 Donat habere viro, decus et tutamen in armis.
 Vix illam famuli Phegeus Sagarisque ferebant
 Multiplicem, connixi humeris : indutus at olim

257 *ad auras* duo Burm., ut alibi quoque. 259 Versus idem sup. III, 467. *hinc* Franc. 260 *detraxerit* Gud. 261 *σας' ἔχθρην Σιμόεντος* Simeonta, Simounta aberrant. *alta* tres Heins., non ineleganter. v. Heins. ad Ovid. Epist. I, 48. *sub Ilio alto* quatuor apud Burmann. *sub Ilio alto* Wall. *sub Ilio alto* Parrhas. *sub Ilio alto* Goth. sec. Sed vulgatam Grammaticorum auctoritate firmavit Heinsius. 263 *Mox* illam Hamb. alter. *Phegeus, Flegeus, Sagiris, Sacaris* aberrant. Sed est *φηγεύς, Σάγαρις*.

tendebant, etsi nemo neget esse etiam mirantium eum gestum, sed graviter ferentes ac deorum fidem implorantes, ut et res postulat et Hymn. in Vener. 208, ubi copiose de Trois patris luctu agitur. Expressit locum Statius Theb. I, 548 sq. Nec tamen aquilam Homerus meminit, nec ibi, nec Iliad. γ, 233—235 et E, 266. 267. *custodes* v. inf. ad 546. *sævit latratus in auras*, ornate; sic tamen jam antea Varius apud Macrobi. VI Sat. 2 *Ceu canis umbrosam lustrans Gortynia vallem, Si veteris potuit cervæ comprehendere lustra, Sævit in absentem, et, circum vestigia lustrans, Æthera per nitidum tenues sectatur odores*, cf. Excurs. IV.

258—265. Altero loco victor Mnestheus. Lorica pro præmio etiam in Iudis Achillis occurrit l. c. Iliad. ψ, 560, ut et lebes v. 613, quem respexit noster. *hamis consertam auroque trilicem* v. sup. ad lib. III, 467; est *ἀλυσίδωρος* triplici annulorum serie. Ut trinis liciis, seu filis, texta vestis crassior ac spissior est ad corpus tændum, sic trinis annulorum ordinibus constans thorax. Demo-

lei illum spoliū facit more ornandi et commendandi Homérico, quem in Homeri lectione sæpissime observabis; in lorica quidem ipsa Iliad. O, 529 sqq. Ceterum apud Homerum Demoleon quidem est Antenoris filius Iliad. γ, 395. Hoc tamen loco factum est nomen Achivi Δημόλειος. 262. *decus et tutamen*, versu Apollonii lib. II, 1076 ubi de domo tegulis tecta: *δῶματος ἀγλαῖην καὶ ἱεροῦ ἱμμεναὶ ἄλκαρ*, illustrat Dorvill., sed Virgilius Homericum expressit l. c. *δηίων ἀνδρῶν ἀλειωρήν*, in armis, vel inter pugnam, vel ejus armati: *αὐτοῦ ἐν ὅπλοις ὄντος*. Sed illud præstat. *donat habere*, *ἔδωκεν ἄγειν* l. c. Iliad. ψ, 612, 613. 264. *multiplicem*, quod multis annulorum nexibus pondus magnum habebat. In verbis: *Vix illam—indutus at olim*, color ductus ex Homero, Iliad. E, 303. 304. In memoriam autem revocandum, heroibus et omnino priscis hominibus tribui molem corporis, robur ac vires, ultra commuē hominum sortem; bene itaque h. l. duorum e vulgo hominum vires longe superabat unus Demoleos. Sic facile tolli-

Demoleos cursu palantes Troas agebat. 265
 Tertia dona facit geminos ex ære lebetas ;
 Cymbiaque argento perfecta atque aspera signis.
 Jamque adeo donati omnes, opibusque superbi,
 Puniceis ibant evincti tempora tænis :
 Quum sævo e scopulo multa vix arte revulsus, 270
 Amissis remis, atque ordine debilis uno,
 Irrisam sine honore ratem Sergestus agebat.
 Qualis sæpe viæ deprensus in aggere serpens,
 Ærea quem obliquum rota transiit ; aut gravis ictu

265 *Demoleos* Burm. prætulit codicum et Quinotiliani VIII, 4, 24 auctoritate, grati soni causa; vulgo *Demoleus*. ex *Δημόλαιος*, pro *Δημόλαιος*. *pallentes* Oudart. cum Goth. sec. 266 *lebetes* duo Burm. 269 *et evincti* Hamb. pr. *evictis* Gud. *tenis* plerique Pier. et tres Goth., hinc *tegus*, *temis*, *thenis*, *thenis* aberratum. In Zaliob. *superser. geleis*. Uratist. *ramis*. Hugen. *remis*, et a m. sec. *ramis*. unus Pierii *vittis*, omnia ex interpolatione. 270 *e* abest ab aliquot Burm. ex sc. Rom. et Witt. *revulsam* Rom. et Ob-longus Pierii et duo Burm., sed alienum hoc; nam sequitur, *debilis*. 272 *irrisam* jam Pierius e codd. induxit in contextum. Alii, *illiam* vel *inliam* ex v. 206, quam lectionem etiam Pompon. Sab. interpretatur. *habebat* Menag. Sed *irrisam* et *agebat* codd. et Donatus ad Terent. Andr. IV, 2 agnoscunt. vid. Burmann. 273 *sæpe* Heinzelius a *sæpes* duxisse Burmannus narrat. *sæpe* frequens poetis est in comparatione: et Gr. poetis *σάλλω*. *depressus* multi etiam hic, ut plerumque alias. *ab aggere* Serv. apud Burmannum. 274 *Ænea* duo cum Servio apud Burmann. *transit* Sprot. *transiit* rota Dorvill.

tur difficultas apud Ouwens N. H. lib. I, c. 4. *palantes agebat* est Homericum *κλονεῖν ὀρινομένους*.

266. Gyas tertio loco præmium tulit. *aspera signis* (etiam inf. IX, 263, et hinc Ovidius, Silius alique), anaglypha, ut bene Servius exponit, figuris eminentibus cælata. Nota res; et præiverunt Græci. Eo refer Arat. Phæn. 276 τὰ δὲ οἱ (sc. Cygnosideri) πρὸς τερφύχυνται Ἀστράσιν. ita restituendus locus ex Schol.

268—272. Ornati versus 268. 269. *puniceis tænis*, atqui v. 110 *virides coronæ*? et inf. 494 *viridi Mnestheus evinctus oliva*. At erant frondes punicea tænia religatæ; bene Serv. *significat lemniscatas coronas, quæ sunt de frondibus et discoloribus fasciis*. conf. Cerdam, qui inter alia recte laudat Theocr. Idyll. II, 121. 122.

Plin. XXI, 3. *ordine debilis uno* proprie esset uno remorum ordine e ternis sup. v. 119. 120; sed, quod res docet, et cf. v. 205, *ordo* h. l. latius de latere dictum est, et nave scopulo admota ab uno latere omnino remi deteresi fuerant. cf. sup. ad lib. I, 104. 105. Cur Sergestum tali dedecore affecerit poeta, frustra, puto, quaeritur: unum saltem ex omnibus extremum esse necesse erat. De Catilina cogitat Cerdà, qui e gente Sergia erat.

273—279. Ornatus locus, in quo poeta profecisse videtur e Lucretio III, 657. 663. Eadem comparatio a Quinto Smyrnæo ornata lib. XI, 374—376. *viæ agger*, proprie editior viæ pars, h. l. simpl. pro *via*. *gravi* est, qui gravem ictum infert; itaque melius jungitur *gravis ictu*, etsi ictu

Seminecem liquit saxo lacerumque viator; 275
 Nequidquam longos fugiens dat corpore tortus,
 Parte ferox, ardensque oculis, et sibila colla
 Arduus attollens; pars vulnere clauda retentat
 Nexantem nodis, seque in sua membra plicantem.
 Tali remigio navis se tarda movebat; 280
 Vela facit tamen, et velis subit ostia plenis.
 Sergestum Æneas promisso munere donat,
 Servatam ob navem lætus sociosque reductos.

275 *saxi*, ut ab *ictu* pendeat, pr. Moret. quo vulgarioris usus structura prodit: *seminecem ictu gravis saxi*. *linguit* duo Barm. *saxo liquit* Wall. 276 *N. fugiens longos dat* pectore Goth. tert. dat c. tractus Oudart. 277 *pars sibila* Rom., male. collo ex collum Rottend. tert. 278 *Arduus* Rom. v. Pier. v. *tarda* Ven. *vulnera clauda* Gud. a m. pr. *retorquet* pr. Hamb. 279 *Nexantem nodos* vulgg. edd. habent, pars codd. Pier. et recentiores Venetus Heinsii et Dorvill., haud dubie ab indocto interpolatore. *Nixantem nodis* verbo Lucretiano alii sique veterrimi Medic. a m. pr. (nam emendatum in *nitentem*; et hoc interpretatur Pompon. Sab., quem vide) Gud. e simili exemplo descriptus, et Mentel. pr. cum parte codd. Pier., inter quos Romanus fuisse videtur, ut sit quasi *subnixus* nodis suis serpens: sic erit eadem exquisitior ratio, quam deprehendimus v. c. in illo: *mentum crinemque Maonia mitra subnixus* IV, 216. 217, ubi idem, qui *subnexus* est, doctus dicitur *subnixus*. Tandem legitur: *Nexantem nodis* h. e. *nexantem* se in nodos, docte et rei convenienter, sed in paucissimis libris; Medicum suum laudat Pierius. Heinsius tantum de *nodis* affirmat, de altero silet; sed firmant lectionem Grammatici, Priscianus et Eutyches. Itaque relinquamus lectionem, quæ et ipsa poeta digna est; tenemusque illud: quoties nihil potest ita definiri, ut in alterutram partem probabilitas major in sensus incurrat, nec mutandæ lectioni vulgatæ locum et causam, nec mutationis fractum et utilitatem esse; contra vero lectoribus, imprimis elegantioribus, qui criticam subtilitatem non curant, molestias creari; imprimis si tibi constare, et in paribus causis parem rationem sequi velis: tum enim innumera erunt mutanda, cum modo casus, modo genius sermonis, imprimis poetici, modo aberratio, binas triasve lectiones suppeditet, quarum nulla aut sperni possit aut destituta sit auctoritate: quod itaque ego substituo, eodem jure mutabit alter. 280 sic *tarda* Franc. *se tarda ferebat* Gud. a m. pr. et Bigot. v. lib. III, 268. 281 *Ordo verborum* secundum Pier. et Heins. codd. Alii *plenis* s. o. *velis*. Ven. *velis subit ostia portus*, ex glossa. Jac. Bryant versum deletum malit; nam partim repugnare dicta superioribus, partim *vela velis* parum placere, partim jugulari comparisonem appositam. Sane hæc v. 280 jam erat absoluta; et ratio erat reddenda, qua arta vel fortuna, deteris remis, tamen in portum se recipere potuerit navigium; factum id esse vento subito secundo, quem velis exceperant. Videndum est, an in his aliquid sit, quod rei nauticæ haud satis conveniat. 282 *permisso* Hugen. p. *donat honore* Dorvill. 283 *navim* aliquot Pier. et pr. Moret. cum Erf., sed vid. Pier. s. *que receptas* Sprot., ut lib. I, 583.

etiam ad *seminecem* referri potest: sed prius puto melius; vulgare erat, *gravi ictu*; et mox jungenda *saxa lacerum. dat tortus*, facit. *colla arduus attollens*, ἀγίς ἀνασχών Callimach. in fragm. CCCCXXXVIII egregie a Ruhnkenio restituto. *pars vulnere clauda retentat*—pars vulnerata, ob-

trita ac fracta, moratur ac retinet, ne possit procedere, serpentem, *nexantem nodis*, necentem se in nodos et replicantem se in orbes. v. Var. Lect. 280—285. Quod Sergesto etsi inferiori munus dat, et quod servam dat, ab Homero habet l. c. Iliad. Ψ, 536. 537. 538 et 261. 263. Quod

Olli serva datur, operum haud ignara Minervæ,
 Cressa genus Pholoë, geminique sub ubere nati. 285
 Hoc pius Æneas misso certamine tendit
 Gramineum in campum, quem collibus undique curvis
 Cingebant silvæ: mediaque in valle theatri
 Circus erat, quo se multis cum millibus heros
 Consessu medium tulit extructoque resedit. 290
 Hic, qui forte velint rapido contendere cursu,
 Invitat pretiis animos, et præmia ponit.
 Undique conveniunt Teucrici, mixtique Sicani;
 Nisus et Euryalus primi:
 Euryalus forma insignis viridique juvena, 295
 Nisus amore pio pueri; quos deinde secutus

284 *s. operum datur haud* nonnulli Pier., ex interpolatione indocta, metri causa.
 285 *Thressa* Schol. Horatii Cruqu. ad III Od. 9, quod defendit Burmannus, hactenus non male, quod Thraciæ commercia cum Trojanis intercessere. At in Pholoë arguitur. Enimvero ex Lib. III, 131 sqq. facile memineris, Troianos in Creta insula plus quam annuum spatium exegisse, non minus igitur *Cressa* locum habet: quorsum igitur mutamus quod rationem habet? *Cressa* scribitur et h. l. more antiquo, ut alibi dictum; est tamen etiam *Κρήνη*. *sub ubera* Rom. et Gud., minus bene: etsi ferri potest. 290 *Consessu*, *consessu*, *consensu*, aberrant nonnulli hic et inf. v. 340 et 577. in *medium* duo Barm. 291 *Huc* pr. Moret. a m. sec., et *Hac* Hugon. itidem a m. sec. *velit* ed. Ven. 292 *ponunt* Goth. pr. *Putes* leviora fuisse: *invitat pretiis, animis et præmia ponit*. Sed in vulgato oratio habet gravitatem epicam: *qui forte velint*, si qui, *invitat pretiis* eos, pro hoc: animos eorum, et nude nunc, *animos*. 293 *concurrunt* Leid. *Sicani* prima nunc correpta, ut et alibi; contra quam *Sicania* I, 557. VIII, 416. III, 692. Jam monitum ad lib. I, 343. Unde etiam apud Silium factum:—*gens Sicāna votis*. 296 *quem* Gud. a m. pr. et *quos* duo Barm.

autem Pholoen Cretensem nominat, hoc ut poeta facit, a quo nihil facile indefinite ponendum. *ostia* h. l. portus. *promisso*, vulgare fuisset *sperato*. *operum haud ignara* sæpe ap. Hom. ἔργ' εὐδύναν, de lanificio et textura, ut notum.

286—290. Totum hoc cursus certamen ex Homero adumbratum l. c. Iliad. Ψ, 740 sqq., sed traducta in illud alia ex reliquis agonibus. Locum spectaculi tantum non excipit ex nostro poeta Statius VI Theb. 225 sqq. *misso certamine*, dimisso, finito: proprie dimissis certantibus.

cf. inf. 545. *silvæ* in collibus—qui iidem *theatrum*; unde infra v. 340 *cavea*. *Circus* h. l. pro stadio. *se tulit et consessu extructo resedit*. ut supr. v. 44 *tumuli ex aggero*. Sic αἶψα Homero de spectantium loco. *pretiis* explicantur per *præmia*: res, quæ pretio habentur, et nunc pro præmiis apponuntur. *animos* eorum qui—.

296. In *pueri* arguantur Servius, Pompon. Sab. et alii; *amore pio pueri* exponunt, casto, non infami. Mihi simpliciter omnis amor et amicitia pietatem continere videtur; et puer spectat ad teneram ætatem. Super

Regius egregia Priami de stirpe Diore;
 Hunc Salius, simul et Patron: quorum alter Acarnan,
 Alter ab Arcadio Tegeææ sanguine gentis;
 Tum duo Trinacrii juvenes, Helymus Panopesque, 300
 Assueti silvis, comites senioris Acestæ;
 Multi præterea, quos fama obscura recondit.
 Æneas quibus in mediis sic deinde locutus:
 Accipite hæc animis, lætasque advertite mentes.
 Nemo ex hoc numero mihi non donatus abibit. 305
 Gnossia bina dabo lævato lucida ferro
 Spicula cælatamque argento ferre bipennem:
 Omnibus hic erit unus honos. Tres præmia primi
 Accipient, flavaque caput nectentur oliva:
 Primus equum phaleris insignem victor habeto; 310

297 *Driones* Goth. pr. 298 *alius* Rom. et Mentel. pr. a m. pr. quorum unus Dorvill. *Acarna* tres Barm. recentes. *Acharnia* Witt. *Acharnem* Goth. tert. 299 *ab Arcadia* multi codd., et edd., quod mireris Pierio castius visum. *Arcadio* Rom. Medic. et al. *Tegeææ sanguine gentis* Heins. prætulit ex nonnullis Pierianis et binis suis, in quibus, *Tegeæ sanguine*, quo alludunt duo alii. Manifestum fit, omissionem syllabæ locum dedisse interpolationi *Tegeæ de sanguine*, quæ Romanum, Mediceum, et majorem partem codicum insedit. Alias *Tegeus* ut *Nemeus*, *Tityos*, *Nipusos*, adjectiva forma dictum esse posset. cf. Heins. hic et sup. I Georg. 18. Burmannus quidem ibi et ad Ovidium satis sibi non constat, et modo *Tegeus* modo *Tegeus* scribit. Enimvero *Τεγαιος*, ut *Νεμαιος*, rationem et usum habet: At *Νεμαιος* nondum inveni, nec *Τεγαιος*. Apud Pindar. N. 8, 27 male expressum *Νεμαιον αγαλμα*. 300 *Helemus*, *Helenus*, *Helinus*, *Helimus* corrupte al. *Helymus*que P. Rom. *Ἠλυμος Πανόπης*. 301 *Acesti* pr. Voss. v. ad lib. I, 120. *Achestes* Wall. 304 *que abest* a Wall. 306 *Gnosia* et *Cnosia* variant et hic libri. Mox pro *lævato* Sprot. *limato*, Ven. *polito*, pr. Moret. *leugato* pro *lavigato*, *lunato* Uratisl. Omnia ex interpretamentis. 307 *fronde* pro *ferre* Medic. a pr. m. 308 *is erit* Ven. *prima* Goth. tert. 309 *Accipiunt* Hamb. sec. *fulvaq.* est ap. Serv. ad IV, 261. De colore dubitari et alba, *tonsa*, *pulcra*, tentari video; sunt enim alias epitheta olivæ, ut sit alba, *pulla*, *viridis*, *glauca*. Scilicet sunt varia olearum genera, et mutatur oliva colorem ipsa maturitate. Laudatur quoque *ξανθῆς ἰθαλας καρπός* ex Persis Æschyli. nectuntur *Rasiniæ*. et Serv. ap. Barm. nectantur Goth. tert. nectetur Goth. sec. 310 *equam* Medic. a m. pr.

nominibus *Diores*, *Salius*, *Patron* v. Excurs. III ad h. lib. Ibidem mox de *Helymo*. *Tegeææ*. *Tegea* Arcadiæ, *Τεγαιος* et *Τεγαιος*. Ge. I, 18 *Pan erat Tegeæus*.

302—307. Ex Ennio comparat Macrobianus VI, 1 *multei alicui adventant, paupertas quorum obscurat Nomina*. 303. Vulgare: in quorum medio.

305. *ἀγίραρος* Homericum. Mox *Gnossia* (sup. III, 115. 104) *spicula* v. sup. Ecl. X, 59. Callim. in Apol. 33. Et *bipennem* argenteo manubrio, signis cælati, h. e. ornamentis exculptis, ornato. Mox *unus hic est idem* et communis inter omnes *honus* seu præmium.

310—314. *Amazonia* et *Threicia*,

Alter Amazoniam pharetram plenamque sagittis
 Threiciis, lato quam circumplectitur auro
 Balteus, et tereti subnectit fibula gemma;
 Tertius Argolica hac galea contentus abito.
 Hæc ubi dicta, locum capiunt, signoque repente 315
 Corripiunt spatia audito, limenque relinquunt,
 Effusi nimbo similes; simul ultima signant.
 Primus abit, longequæ ante omnia corpora Nisus
 Emicat, et ventis et fulminis ocior alis.
 Proximus huic, longo sed proximus intervallo, 320
 Insequitur Salius; spatio post deinde relicto
 Tertius Euryalus.
 Euryalumque Helymus sequitur; quo deinde sub ipso

312 *Thraiciis, Traicis*, male al. est *Θηραϊκός*, qua alter Menag. circumplectitur, quod Mediceus, bini Moret. et Ven. binique Goth. cum Erf. a pr. m. firmant, illustrat Heins. Major pars et omnes Pieriani tuentur vulgg. circumamplectitur. 315 accipiunt duo Burm. spatio Gud. a m. pr., ut et in proletaria editione Gottingæ excusa expressum video. 317 *Et fusi* Medic. nimbi alter Hamburg. 320 *huic longe*, sed Wall. 321 *sp. est deinde* Goth. tert. inde duo Burm. 322 Deest hemistichium Goth. tert. 323 *Euryalum sequitur Helymus* Erf., non male. quem Parrhas. quod Medic. qui test. Rottend. a m. sec. Sed est: sub quo ipso volat h. e. ei subvolat, eum subit, succedit.

epitheta ornantia, a præstantissimo genere, ut mos poetis. Sed *Argolica galea*, peculiare genus. conf. sup. II, 389 sq. 412. Ex pharetra aptus balteus latus auratus (*balteus lato auro*), ad cuius oram fibula gemmata est, qua ille ex humeris suspendi potest: et fibula, tereti gemma, subnectit balteum, nectit, oras colligat. conf. sup. ad IV, 139 *Aurea purpuream subnectit fibula vestem*. Omnia ornate, ut et versus 315—317, *Hæc ubi*—sunt pro: Curritur. cf. Iliad. Ψ, 753 sqq. *limen, νόσσην*, ut ibid. v. 758. Odyss. θ, 121. *simul ultima signant*, notant, oculis animoque designant metam, ut fere Servius; subnatum forte poetæ ex illo: *σήμεναι δὲ τόπων* 'Ἀχιλλεύς Τηλόθεν; ubi is, qui ludos facit, metam sic constituisse dicitur. 318

sqq. Omnes cursu antevertit Nisus, proximus Salius, tum Euryalus, inde Helymus, tandem Diore. 319. *fulminis alæ*, poetica ratione: est tamen etiam in numis fulmen alatum. 320. *proximus huic*, sed longo intervallo proximus, revocant in animam versum Horatii I, 12, 18. ubi *Nec viget quicquam simile (Jovi) aut secundum*; proximos illi tamen occupavit Pallas honores. Ibi Pallas non est secunda, sed proxima. at in nostro Salius est secundus et proximus. Scilicet secundus ad numerum, proximus ad locum nunc spectat. At in Horatio proximus quidem etiam est loco, at secundus est virtute et potentia, nec multo inferior, sed fere exæquans. Pro exemplo nunc esse possunt Consules Galliarum.

Ecce volat, calcemque terit jam calce Diores,
 Incumbens humero : spatia et si plura supersint, 325
 Transeat elapsus prior, ambiguumve relinquat.
 Jamque fere spatio extremo, fessique, sub ipsam
 Finem adventabant : lævi cum sanguine Nisus
 Labitur infelix ; cæsis ut forte juveneis
 Fusus humum viridesque super madefecerat herbas.
 Hic juvenis jam victor ovans vestigia presso 331
 Haud tenuit titubata solo ; sed pronus in ipso
 Concidit immundoque fimo sacroque cruore.

324 *Ipse volat* ap. Diomedem Grammat. 325 *humeris* pars codd., sed et singularis minus vulgaris, et alteri tantum humero imminabat. 326 *ambiguumque* Heins. consensu librorum recepit, quod et pars Pierianorum habebat ; ratio tamen ac res respuit. Nam, si transiisset socium, res non ambigua jam fuisset, uter prior esset. Verius alii editi et scripti : *ambiguumve* : ductum enim est ex v. 382 Iliad. Ψ, *Καὶ νῦν ἡ παγίλαστος ἡ ἀμφέριστος ἰδνεῖ* (sc. αὐτὸν, non πρῶγμα, quod vulgare esset, et Virgilii imitatione refellitur ; *ambiguum* sc. socium reliquisset). Est alter locus similis l. c. v. 526. 527. *τῷ κέρμει παγίλαστος, ὃδ' ἀμφέριστος ἰδνεῖ*, sed ejus sententia minus accommodata est nostro poetæ. *relinquit* Zulich. 327 *ipsam* tumentur Pior. et Heins. e codd. cf. ad lib. III, 145. *ipsum* Medic. a m. sec., tres alii et Goth. unus. Sed ea vulgarior est ratio, 328 *leni* et tum aberrat. 330 *humi* duo Pier. et alii recentiores. 333 *crassoque* Parhus., male ex v. 469.

324. 325. Expressa ex Iliad. Ψ, 764. 765, ne dubita. Diores ita cursu aequat Helymum, ut uno tantum ille passu prævertat. Itaque Diores sic instat, ut imminet ejus humeris et vestigia premat, altero pede anteriore occupans ejus pedem ceteriorem. Ita ad verbum calcem calce premit. Etsi nec hoc necesse. Est enim dictum exquisitius pro, *pedem pede*. Aliam rationem Burm. sequitur, sed valde duram. Argutatur Jos. Scaliger. 325. 326. et, si plus spatii superesset, nec curriculi metæ jam-jam appropinquarent, aut illum cursu prævertisset, aut saltem æquasset. Hoc est *ambiguum relinquat* cum h. c. *ambigentem* de cursus palma, ut cum Turnebo Cerda, vel, de quo ambigerent alii, de quo ambiguum esset, utrum victoriam obten-

turnus esset, conf. Var. Lect.

327 sqq. Ad Homeri ductum l. c. 773 sqq. et 539 sqq. An dignitati epici carminis versibus maxime 333 et 357. 358 satis consultum sit, quæsitum est cum alias, tum super iterum, a viris doctis. Saltem hoc tenendum, non ex nostro decori sensu dijudicandam rem esse ; quale autem Augustei sæculi de tali re judicium fuerit, ignoramus. Nostra quidem ætas facetias tales recte, puto, respuit. Tanto manifestior ad ejusque sensum suavitas est in Euryali repentino consilio v. 334 sqq. *spatio extremo*, extrema stadii parte ; non enim plura, quod ap. Homerum fit, spatia confecisse videntur. *Finem* exquisitius pro meta dixit. *lævi sanguine* pro solo lævi propter sanguinem. 330. sanguis superflusus (ut Serv.)

Non tamen Euryali, non ille oblitus amorum :
 Nam sese opposuit Salio per lubrica surgens; 335
 Ille autem spissa jacuit revolutus arena.
 Emicat Euryalus, et munere victor amici
 Prima tenet, plausuque volat fremituque secundo.
 Post Helymus subit, et nunc tertia palma Diores.
 Hic totum caveæ consessum ingentis, et ora 340
 Prima patrum, magnis Salius clamoribus implet,
 Ereptumque dolo reddi sibi poscit honorem.
 Tutatur favor Euryalum, lacrimæque decoræ,
 Gravior et pulcro veniens in corpore virtus.
 Adjuvat, et magna proclamat voce Diores, 345

334 *amorum* est Witt. et sic plerique Pier. Alii *amoris*. at vid. Notam. 335 *Et*
sese ap. Serv. *objecit* Parrhas. 336 *tenui* jacuit Servius legit, et sic pr. Rottend. a
 m. sec. et Regius pro glossa, quam forte aliquis decori male providus intulerat. *resolu-*
tus Ven. *resupinus* alter Voss. 337 *munera* alter Menag. amico Medic. a m. pr., quod
 Heins. adstruere laborat. 339 *et tunc* aliquot Burm. *subit* et t. Parrhas. 340
consensum et *concessum* multi Pier. Heins. et nostri. vid. sup. v. 290. 344 Plerique
 codd. post *virtus* *Adjuvat* distinguunt, quomodo et Nonius agnoscit: sed male. vid. Heins.
Gravior est Seneca Ep. 66 et passim alii, ut sententiæ locum teneat. *G.* et *populo* r.
 Witt. *veniens e corpore* Seneca l. c., et sic passim versus laudatur. Enimvero est vir-
 tus, quæ magis grata est in pulcro corpore. *pectore* Bigot. Exc. Burm. et a m. pr. Erf.

madefecerat humum herbosam. *ve-*
stigia *titubata*, audacius, ut a poe-
ta, pro pedibus titubantibus. 334.
amores male modo ad turpem modo
 ad magnum amorem trahunt. Nihil
 aliud est, quam poetica ratio pro
 vulgari, *amor* sing. numero. 338.
Prima tenet, τὰ πρῶτα, victoriam ob-
 tinet primo loco, amoris beneficio et
 studio. 339. *tertia palma*, tertio lo-
 co victor, ratione poetica, quam ipsa
 illa exempla illustrent, quæ Bur-
 mannus laudat ad h. l. et Drakenb.
 ad Silium XVI, 504. cf. Georg. I, 59.
 ubi *palmas* *Eliadum equarum* poeta
 dixit equas victrices in decursibus
 Olympicis. *Palma*, ut *victoria*, et
 sæpe alia abstracta, pro victore.

340—347. Simile iurgium ap. Ho-
 mer. Iliad. ♀, 543 sqq. *Caveam*, voce

a theatro ducta, bene dixit locum
 Σταρποειῶν in valle inter colles: ut 288
 sq. videramus. *ora prima patrum*, se-
 niores in primis locis, ante alios, se-
 dentes, priores ordines, quibus se-
 niores et honoratiores sedebant. *la-*
crimæque decoræ pueri supplicantis,
 ne sibi victoriæ honos eriperetur. *ve-*
niens simpl. pro, quæ est. Nam *ve-*
nire plenius voc. poetis pro esse, ut
 jam Heinsius notavit ad Ovid. V
 Fast. 648 et al. loc. ἔρχεσθαι, ἔλθιν,
 sic adeo in pedestribus scriptoribus.
 Veteres Grammatici *veniens* h. l. pro-
 veniens, nascens, interpretabantur,
 ut I Georg. 54 *Hic segetes, illic ve-*
niunt felicius uva. 345. *Adjuvat*
Euryalum ejusque caussam, et cla-
 mat Diore, qui in victoriæ tertium
 nunc locum successerat, et, si Salius

Qui subiit palmæ, frustra que ad præmia venit
 Ultima, si primi Salio redduntur honores.
 Tum pater Æneas, Vestra, inquit, munera vobis
 Certa manent, pueri; et palmam movet ordine nemo:
 Me liceat casus miserari insontis amici. 350
 Sic fatus, tergum Gætuli immane leonis
 Dat Salio, villis onerosum atque unguibus aureis.
 Hic Nisus, Si tanta, inquit, sunt præmia victis,
 Et te lapsorum miseret: quæ munera Niso
 Digna dabis? primam merui qui laude coronam; 355
 Ni me, quæ Salium, fortuna inimica tulisset.
 Et simul his dictis faciem ostentabat, et udo
 Turpia membra fimo. Risit pater optimus olli,
 Et clipeum efferri jussit, Didymaonis artes,
 Neptuni sacro Danaïs de poste refixum. 360
 Hoc juvenem egregium præstanti munere donat.

346 palmæ subiit Dorvill. pugnare subiit Parrhas. 347 redduntur Heins. præta-
 lit, ex codicum parte, et ex Pierii emendationibus. Vulgo reddantur, quod tamen et
 Romanus et Medic. habent, nam in hoc u a recentī manu superscriptum. Nil refert;
 hoc tamen malim: nam epica dignitas respuit illos subiectivos. 348 Cum pr. Mo-
 ret. pius Æ. Ven. et Goth. pr. 349 Certa movent Wall. p. vocet tert. Rottend. a m.
 pr. 350 Mi Goth. pr. casus Heins. revocavit, cum nullus codex casum, quod vulgg.
 edd. obsidet et vulgarius est, exhibeat, si primum ex Gothanis excipias cum Dorvill.
 miserari etiam nonnulli, inter quos Rom. Omnino casus miserari plenius sonat. 354
 quæ præmia Medic. Moret. sec. et Colot., ex versa antec. 355 meruit duo ap. Burm.,
 perpetuo fere lapsus in simili verborum positu. 356 et S. nonnullæ edd. et codd.
 357 ostendebat nonnulli ap. Burm. et Goth. sec. monstrabat Moret. sec. 358 illi Me-
 dic. a m. pr. Quodnam aurum iudicium in hoc secutus sit, vel post Quincil. locum
 VIII, 3. 25, nos latet. 359 offerri aliquot Pier. et duo Burm. offerri ed. Genov.
 ferri Leid., perperam. Didamonis, Didamaonis, Didiomonis, et apud Pier. Didumaonis,
 apud Benedictum Pal. Didymaonis, corruptelæ; nam est διδυμάων; arte tres Burm. ar-
 tem Romanus, et ap. Burm. Dorvill., sed exquisitius plurali numero artes: h. e. opus.

victor renuntiatur, iterum ea exci-
 disset.

348—361. Delectat mite Æneæ
 ingenium, vel Euryali respectu. Præ-
 ierat tamen et hic Homerus Iliad.
 Ψ, 558 sqq. 349. ad verba cf. sup.
 I, 257. 258 Parce metu, Cytherea;
 manent immota tuorum Fata tibi: cer-
 nes etc. 349. palmam, debitum cui-
 que ordine suo præmium. Observa

etiam copiam dictionis: munera,
 præmia, palma, corona, honores, dona,
 promissa. 355. 356. Ni me—fortuna
 tulisset, me a primo præmio abstulis-
 set, abduxisset, exquisitius quam
 vulgare: ni fortuna mihi eripuisset
 præmium pro laude h. e. virtute in
 cursu. v. 357. Hoc an placere pos-
 sit, v. ad v. 327. cf. Iliad. Ψ, 551.
 781.—359. clipeus ab artifice, qui

Post, ubi confecti cursus, et dona peregit:
 Nunc, si cui virtus, animusque in pectore præsens,
 Adsit, et evinctis attollat brachia palmis.
 Sic ait, et geminum pugnæ proponit honorem : 365
 Victori velatum auro vittisque juvencum ;
 Ensem, atque insignem galeam, solatia victo.
 Nec mora ; continuo vastis cum viribus effert
 Ora Dares, magnoque virûm se murmure tollit :
 Solus qui Paridem solitus contendere contra ; 370

363 *Huc si cod. Ge. Fabric. animisque Sprot.* Post *præsens* interpungendum ex Bermanni quoque sententia. Si tamen jungas : *præsens Adsit*, ut si sit optantis, utinam : nec id importane fieri videtur, jejune tamen. 365 *proponit* aliquot ap. Burn., male. 368 *cum* erasum in Dorrill. *affert* Hugen. *effert* Oudart. Vide modo v. 359. *Sed ora, se, effert*, ingens viri corpus melius declarat ; ut mox *se tollit*. 369 *se munere t. vini* Goth. 370 *extendere* Montalb.

fecit, commendatur (cf. III Ecl. 37), et a loco, quo fuerat suspensus, in Neptuni templo pro donario, et quod e manubiis erat. Servius : *Danais*, a *Danais* ; et intelligimus hoc ad *Æneam* transisse per *Helenum* (sup. III, 465 sqq.). Nil refert : sed et *Æneas* ex templo aliquo Græcorum inter prædam auferre potuit, ut color sit similis ac lib. III, 286—288.

362—484. Etiam ap. Homerum *πρῶτα* fit Iliad. ♀, 651—699. Certavit cum poetarum patre Virgilius fere in singulis, ut comparando facile intelligent, quibus hæc cognoscere lubitum est, modo varietate modo ornato. Omnino placuisse sibi videtur poeta in hoc loco, etiam ab Apollonio lib. II pr. et Theocrit. Idyll. XXII tractato. Virgilium unice sequitur Statius Theb. VI, 249 sqq. Poetæ studium in oratione varianda cognosce etiam in illo, quod dicere noluit *confecti cursus et dona peracta*, *animus præsens* proprie in discrimine, qui sine perturbatione, quomodo periculo occurrat, aut ho-

stem sustineat, videt. Debet igitur mox omnino dictus esse pro fortis, ut h. l. cf. Var. L. *adsit is* et *cestu* pugnet : at quam ornate ! *evinctis palmis* scil. *cestu*, *attollat*, ut *ἀνίστην* voc. propr. hac in re. *honorem* v. modo ad v. 349. *velatum*, ornatum (cf. sup. ad v. 72), *auro vittisque*, seu *vitta* lamellis aureis distincta ; seu ut cornua aurata sint ; vittis cervici impositis, ritu religioso, etiam in monumentis obvio, ut in arcu Tit. conf. Serv. et inf. IX, 627.

368—377. Homer. l. c. 664 sq. 370. Paris, vulgo pro imbelli, ignavo et mulieroso homine haberi solitus, nec apud Homerum omni virtute caret, ut Iliad F in certamine cum Menelao, N, 765 sqq. A, 580 et al., a poetis tamen post Homerum multo maiore virtute insignitus est ; in præliis enim, post Hectoris fatum factis, frequens ejus est memoria. Certaminibus autem inclytus factus est vel ex eo, quod, inter pastores nutritus cum esset, certamine a Priamo iustituto agnitus est, dum *omnia* *victis*,

Idemque ad tumulum, quo maximus occubat Hector,
 Victorem Buten immani corpore, qui se,
 Bebrycia veniens Amyci de gente, ferebat,
 Perculit, et fulva moribundum extendit arena.
 Talis prima Dares caput altum in prœlia tollit, 375
 Ostenditque humeros latos, alternaque jactat
 Brachia protendens, et verberat ictibus auras.
 Quæritur huic alius: nec quisquam ex agmine tanto
 Audet adire virum, manibusque inducere cestus.

371 *accubat* Parrhas. et aliquot Pier. *occubat* h. l. pro *cubat*, jacet. 373 *Butem* tres Burm., et unus *Butan*. Hamb. sec. i. qui *c. sese*. At hoc ex eo tenebimus, ut interpungamus: *Victorem Buten, immani corpore qui se—ferebat*, ut inf. VIII, 199 *magna se mole ferebat*. 374 *Perculit* unus Pier. qui est Romanus. *Pertulit* duo, vitiose ut sæpe. 375 *in præmia* Uratist. 377 *protendens* duo Burm., unus *portendens*. 378 *hinc* tres Burm. *hic* Medic. a m. pr. *agmine* toto pr. Rottend. 379 *que* abest a binis Burm. *ve* Zolich. *cestus* ubique scribitur, etiam in Mediceo: etymologia ἀπὸ τοῦ κσ-στὸν postulat *cestus*. Sed in omni sermone, etiam nostro, usus sæpe etymologiæ adversatur.

κατὰ πάντα ἄλλα, ut est apud Hygin. fab. 91, et fab. 273 pag. 322. Evēnit hoc in ludis funebribus, quos ei pater pronuntiaverat. Probabile fit ab aliquo Tragico fabulam ita exornatam fuisse. Cum vero in omni certaminum genere vicisset; etiam pugilatu eum vicisse necesse est; etiam pugilatu excellere potuit in poetis deperditis. 371. Ludi funebres in Hectoris honorem habiti, num ab iisdem poetis memorati fuerint, an Virgilli ingenio debeantur, non habeo dicere. Probabile tamen fit, e Cyelicis poetis et hos petitos esse. Est quoque vestigium rei in Darete 25, *Priamus Hectorem suo more ante portam sepelivit: cui ludos funebres fecit*. At Buten suaviter ab Amyco deduxit, qui Pollucem provocaverat, cum is cum Argonautis ad Bithyniæ litus accessisset v. Apollon. lib. II. pr. Cave tamen eum confundas cum *Bute*, Teleontis f. ex Argonautarum numero, qui Sirenum cantu fasciatus in Lilybæum enavit Veneris be-

neficio: Apollon. IV, 912 sq. Apollod. I, 9, 25 de quo v. Burmann. Catal. Argonaut. Diversus quoque Butes Pandionis f. a quo Butadæ, sacerdotio Athenis insignes: v. Apollod. III, 15, 1. et Notas. quem sup. ad I, 156. V. L. in Orphica redxisse videor. Dares et Entellus etiam epigrammate ornantur Antholog. gr. lib. V, pag. 526. v. 373. *Butes Bebrycia veniens Amyci de gente*, duplici modo dictus esse potest; aut, qui ex Bebrycia, quæ erat *gens Amyci*, id est, sub regno Amyci, venerat Trojam; aut ortum ducens a stirpe Amyci Bebrycii: et hoc præstat. *ferebat se*, incedebat, ut I, 503 *Talis erat Dido, talem se lata ferebat*. IV, 11 *quem sese ore ferens!* Nam vim verbis facias, si junxeris: ferebat se esse Amyci de gente, veniens e Bebrycia. Apud Hom. l. c. Iliad. ♀, 679, 680. Euryali virtus simili modo commendatur, atque hic Daretis. v. 375—377. stolidè ferox homo egregiè ante oculos nostros constitu-

Ergo alacris, cunctosque putans excedere palma, 380
 Æneæ stetit ante pedes; nec plura moratus,
 Tum læva taurum cornu tenet, atque ita fatur:
 Nate dea, si nemo audet se credere pugnae,
 Quæ finis standi? quo me decet usque teneri?
 Ducere dona jube. Cuncti simul ore fremebant 385
 Dardanidæ, reddique viro promissa jubebant.
 Hic gravis Entellum dictis castigat Acestes,
 Proximus ut viridante toro consederat herbæ:
 Entelle, heroum quondam fortissime frustra,
 Tantane tam patiens nullo certamine tolli 390
 Dona sines? ubi nunc nobis deus ille, magister
 Nequidquam memoratus, Eryx? ubi fama per omnem

380 *alacer* Bigot. *cunctisque* pr. Menag. *palma* post Pieriam Heinsius tætar omni-um vetustiorum codd. et Grammaticorum auctoritate. Adde Markland. ad Stat. Silv. p. 305. Recentiores et edd. *pugna*, quod vulgare esset. Ante alios victoriam obtinere, est poetæ, *excedere eos palma*; debebat proprie esse, virtute. Aliquot *pugnae* et *pugnam*, frustra. 381 *moratur* Goth. sec., sed mox: *fatur*. 382 *Jam* equidem malim; et sic pr. Hamb. *tauri cornu* Goth. sec., quod communius esset. At Erf., si auctoritatem haberet, sequi malim: *Nec plura moratur*. *Tum læva taurum tenet*, versa inexploto. 384 *Qui f.* tres, et *Quis* totidem alii ap. Burm. cum Erf. cf. sup. ad II, 554, stanti Mentel. pr. *stando* tert. a m. pr. *quo me tedet ante t.* Goth. tert., corrupte. *usque morari* aliquot Pier. et Ven. ex interpr. 385 *ferebant* Zulich. 386 *jubebat* ex Donato ad Terent. Burm. 387 *Entellus* et *Antellus* hic et in sqq. vitiiose scribunt Gothani, uti mox *Herix* pro *Eryx*. 388 *considerat* tres ap. Burm. *herba* unus Pier. cum Erf. 390 *discrimine* Dorvill. 391 *sinis* un. Burm. cum binis Heinsii, quod huic quidem elegantius videbatur.

tus. cf. Apollon. l. c. 45 sqq., ut nec minus in oratione, quæ sequitur; in qua cum Homero contendit, l. c. 666 sqq. v. 380. *cunctos excedere palma*, pugilatu superior omnibus esse, cum nemo ad congressum prodeat, cf. Var. Lect. Melius tamen est accipere *excedere palma* dictum esse pro *sollenni decedere aliis de victoria*.

385 sqq. Primæ linæ in Homero v. 676 sqq.; at quam egregie coloribus suis a poeta inductæ! Acestes 387. *graviter* castigat. Ita malim. Nec male tamen *gravis* omnino, quoniam senex erat; quippe senes ætate et auctoritate graves habentur. Si-

milis increpatio Pandari ab Ænea Iliad. E, 171 sqq. Omnino objurgationes ejusmodi in Homero occurrunt plures, v. c. Minervæ Odyss. X, 224. Hectoris Iliad. O, 440 sq.; quas non facile manibus dimittet poeta, quia vim et *δευόρητα* oratio habet. 389. frustra fortissime olim inter heroes, sc. quandoquidem nunc inter desides, ut II, 348. 349 *Juvenes fortissima frustra pectora*.—391. 392. gravissima objurgatio; *magister Eryx* h. e. gloria hæc, quod Erycem heroem (sed majus, *deus ille*) magistrum pugilatus habuisti. Erycis autem nomen fuit magnum pugilatu,

Trinacriam, et spolia illa tuis pendentia tectis ?
 Ille sub hæc : Non laudis amor, nec gloria cessit
 Pulsa metu ; sed enim gelidus tardante senecta 395
 Sanguis hebet, frigentque effetæ in corpore vires.
 Si mihi, quæ quondam fuerat, quaque improbus iste
 Exultat fidens, si nunc foret illa Juventas :
 Haud equidem pretio inductus pulcroque juvenco
 Venissem ; nec dona moror. Sic deinde locutus 400
 In medium geminos immani pondere cestus
 Projecit ; quibus acer Eryx in prælia suetus
 Ferre manum, duroque intendere brachia tergo.
 Obstupuere animi : tantorum ingentia septem
 Terga boum plumbo insuto ferroque rigeant. 405

394 *Nec l. a.* aliquot Pier. *non gloria* duo Burmann. *laudis honor* duo ibidem. *cessat* vitium edd. Heins. et Burm. 396 *habet* vitiose, etiam vetustissimi. v. Pier. *effæto* Bigot. et Parrhas., quod est vulgare. *effractæ* Hamb. sec. a m. sec. *effectæ* Dorvill. ; saltem deberet esse *effectæ*. 398 *Juventas* Heins. post Pier. ex Rom. Medio. et optimis aliis. Vulgo alii *juventa*, nonnulli etiam *juventus*, prosaica forma. Nam deam Heben, s. Juventatem, poeta pro ipsa ætate exquisitis ponit. 399 *inductis pretiis* Montalb. *pulcrove* idem cum aliis Burm. et Pier., male. 400 *nil d. m.* aliquot ap. Burm. 403 *manu* Parrhas. et Rom. 404 *In tantorum hærent intpp.* Faber conj. *totorum i. s.*, Burmannus et emendationem et Servii explicationem, *tantorum*, hoc est, virorum fortium, recte rejicit ; et idem amplecti mavult interpolatam Hamb. sec. et ed. Venetæ lectionem : *Obstupuere animi Teucrorum. Ingentia septem Terga boum.* Parva est observatio grammatica, quam tamen tenere non pigebit. *Tantus et talis*, ut τὸς vel τῆς, ita ponatur, ut causalem particulam intra se complectantur, reddendaque sint per : nam magnus, nam multus. Ita h. l. pro : *nam septem ingentia magnorum boum terga (coria) rigeant* (ornate pro erant). cf. ad Callim. in Del. 27.

quippe qui Herculem ipsum provocavit v. 412 sqq. v. Diodor. IV, 83. Paus. IV, 36, pag. 372. conf. post alios Burmann. Sec. ad Numism. Sicil. in Dorvill. Siculis p. 399 sqq. Adde Excurs. II et de *Entello* Excurs. III. nobis habere *μνησκὸν* aliquid ex vita hominum notum est. *spolia*. Auxit hæc Val. Fl. IV, 181 sqq.

394—399. Talis excusatio frequens in Homero, imprimis Nestoris. Vide Iliad. II, 132 sqq. A, 669 sq. Ψ, 629 sq., et Laertæ Odys. Ω, 375 sq., sed ornatu et orationis vi Virgilius sup-

rior. cf. inf. lib. VIII, 560 sq. Quod autem cum verbis grandes illos, quibus olim usus erat, cestus in medium projicit, magno poeta dignum est. 399. Venissem equidem, haud inductus præmio ; h. vel nulla præmii ratione habita. *Nec dona moror*, præmium non curo : quod Burmann. illustrat.

402. 403. Jungi potest : *Eryx acer in prælia*, et, *ferre manum in prælia*, afferre, adhibere in certamine. *ferre manum in prælia*, exquisite pro manus conserere ; et *intendere brachia tergo*, pro inducere cestum. 404. Nam

Ante omnes stupet ipse Dares, longeque recusat;
 Magnanimusque Anchisiades et pondus et ipsa
 Huc illuc vinclorum immensa volumina versat.
 Tum senior tales referebat pectore voces:
 Quid, si quis cestus ipsius et Herculis arma 410
 Vidisset, tristemque hoc ipso in litore pugnam?
 Hæc germanus Eryx quondam tuus arma gerebat.
 Sanguine cernis adhuc fractoque infecta cerebro.
 His magnum Alciden contra stetit; his ego suetus:
 Dum melior vires sanguis dabat, æmula necdum 415
 Temporibus geminis canebat sparsa senectus.
 Sed, si nostra Dares hæc Troïus arma recusat,
 Idque pio sedet Æneæ, probat auctor Acestes:
 Æquemus pugnæ. Erycis tibi terga remitto;
 Solve metus; et tu Trojanos exue cestus. 420

407 *que ante Anchis.* deest Parrhas. *et ipsam* duo Burmann. 413 *fractoque*, quod Heinsio forte rectius legi visum erat, et Burmannus, quantum video, in contextum intulit, decem quidem codd. auctoritate defenditur. Vetustissimi tamen, ut ipse Rom. et Mediceus, in altera lectione consentiunt: *sparsoque*, in quo nihil reprehendas; nam, quod versu quarto *sparsa* s. recurrit, nil obest. At, si in uno loco codicum auctoritatem vel adversus rationem sequimur, aliis certe locis non sine ratione eam deserere debebamus. Nunc iterum novare displicet. *fractoque* *inspersa* Regius. 414 *His præclare* Heins. restituit e codd. et Prisciano. Vulgo male *Hic. Alcidem* Dorvill. 416 *canis* s. Hamb. pr. 417 *recuset* Exc. Burmann. 418 *hoc probat* aliquot Pier., ab interpolatore.

cestus facti erant e corio septem magnorum boum, insuto plumbo ferroque. v. Var. Lect. Res vero ad miraculum fere aucta in his Erycis cestibus. 406—408. *longeque*, valde, ut Serv. Scilicet in *recusat* latet notio *roï refugit. vinclorum vol.* int. lora, quibus cestus circa brachium religaretur.

410—419. Quid? si vidissetis ipsius Herculis cestum, quantus ille erat: *cestus et arma*. arma non possunt esse alia quam ipse cestus. Sic et mox v. 424. 425. Nec Hercules aliter, quam pugilatu, cum Eryce pugnavit, vel numis testibus. 412.

germanus Æneæ, eadem saltem matre genitus (cf. Wesseling. Obs. I, 13), quippe Veneris ex Bute (sed alio quam is, de quo v. 372) filius. 413. Etiam hic versus nostris sensibus fastidium faciat necesse est. Sed v. sup. ad v. 327 sqq. 415. *æmula* intellige, quomodo alias poetis *invada*, senectus nondum *canebat sparsa temporibus*; nondum cani erant sparsi per tempora. Ornatissime. 418. *sedet* ut sup. lib. II, 680 *Si sedet hoc animo. auctor Acestes*, suascor, qui primus me ad hanc pugnam excitavit. *æquemus pugnas* certamen, et nunc quidem arma, cestus, *remitto*,

Hæc fatus, duplicem ex humeris rejecit amictum,
 Et magnos membrorum artus, magna ossa lacertosque,
 Exiit, atque ingens media consistit arena.
 Tum satus Anchisa cestus pater extulit æquos,
 Et paribus palmas amborum innexuit armis. 425
 Constitit in digitos extemplo arrectus uterque,
 Brachiaque ad superas interritus extulit auras.
 Abduxere retro longe capita ardua ab ictu ;
 Immiscentque manus manibus, pugnamque lacessunt,
 Ille pedum melior motu, fretusque juventa ; 430
 Hic membris et mole valens ; sed tarda trementi
 Genua labant, vastos quatit æger anhelitus artus.

421 triplicem Uratist. deiecit aliquot Pier. et Witt., ab indocto Grammatico, qui primam in reiecit, seu rei pronuntiando, seu geminata tacite j littera, produci ignorabat. 422 artus magnosque lacertos unas Pier. et Dorvill. ac Witt., ab interpolatore, qui hypermetrum versum non ferebat; cui alii sic mederi voluerunt, ut que in fine tollerent; quamquam et casu excidere potuit. magna ora l. codex Pontani, magna arma l. Sprot. Sed ossa la athletico corpore imprimis notabilia erant; quis dubitet? 423 Extulit apud Macrobi. VI, 1, sed Nonius et scripti servant vulgatam, et recurrit istud versu statim sequente. Scilicet exiit artus venuste dictum pro vulgari, exiit vestem (sc. de artubus). 424 Cum pr. Moret., ut sæpe al. 425 interruit Medic. a m. pr.; vitiose hoc idem in priore edit. a typographis fuerat exaratum. Sed est, innexuit: de quo verbo v. Bentl. ad Horat. Epod. 17, 72. nexuit Sprot. 426 arreptus Rom., solito errore. 428 Adduxere tres Heins. Redduxere Victorinus Art. Graem. lib. I apud Heins., non male. Sed Abduxere retro eodem redit. longo Dorvill. 429 pugnasq. aliquot Pier., et hoc decebat poetam. 430 pedum cursu melior Sprot. p. motu m. Rottend. tert. 431 In membris Ven. 432 Genua binis syllabis pronuntiatum esse, nota res est. acer anhelitus Probam olim cum aliis hic maluisse, ex Scholio Servii P. Danielis monet Heinsius. Quantum tamen ipse video, non h. l., sed sub f. libri noni, ita illi legere maluerunt. Eger anhelitus, qui ægre trahitur.

cedo ac renuntio cestibus Erycis, ut bene Cerda. Sic et alias, v. c. inf. XI, 359 Cedat jus proprium regi, patriæque remittat.

421—423. Manifesta imitatio loci nobilissimi Odys. Σ, 65—74. cf. Apollon. II, 30 sqq. Versus 422 ex Ennianis fluxit apud Macrobi. VI, 1 magna ossa lacertique Apparent hominei. duplicem, Homer. διπλὴν, duplicato panno, ut alibi docuere viri docti. In v. 424 iterum convenit cum Apollon. II, 51 sqq.

426 sqq. Comparanda hic impri-

mis loca Homeri, Apollonii et Theocriti, supra ad v. 362 memorata. Adde Val. Fl. VI, 261 sqq. et Silium XVI, 295 sqq., sed, comparare talia, satis expedita res est. Nos Virgiliana saltem illustrabimus. arrectus in digitos, ἐν ἀκροτάτοις ἀρθείς—πόδεσσιν, Apollon. II, 90. 91. pugnam lacessunt pro ineunt, exquisite, proprie lacessere aliquem pugna, ad pugnam, h. l. præcludendo. immiscent manibus manus, conserunt manus (Male Serv.). pedum melior motu: Sunt enim haud dubie etiam pedum par-

Multa viri nequidquam inter se vulnera jactant,
 Multa cavo lateri ingeminant, et pectore vastos
 Dant sonitus; erratque aures et tempora circum 435
 Crebra manus; duro crepitant sub vulnere malæ.
 Stat gravis Entellus, nisuque immotus eodem
 Corpore tela modo atque oculis vigilantibus exit.
 Ille, velut celsam oppugnat qui molibus urbem,
 Aut montana sedet circum castella sub armis, 440
 Nunc hos, nunc illos aditus, omnemque pererrat
 Arte locum; et variis assultibus irritus urguet.
 Ostendit dextram insurgens Entellus, et alte
 Extulit: ille ictum venientem a vertice velox
 Prævidit, celerique elapsus corpore cessit. 445
 Entellus vires in ventum effudit; et ultro,
 Ipse gravis, graviterque, ad terram pondere vasto
 Concidit: ut quondam cava concidit aut Erymantho,
 Aut Ida in magna radicibus eruta pinus.

434 *pectora* alter Hamb., non male, *pectore vasto* ed. P. Danielis. 435 *Dant gemitus* sec. Rottend. *errantque crebra manus* Ven., quod Heinsio placuisse facile suspiceris. 436 *dura* Zulich. a m. sec. 437 *nixuque* Ven. *nixusq.* Rom. 438 *Vulnera, tela, ictus*, o. v. Goth. alter, interpolate. 439 *qui m. arcem* Sprot. 441 *Nunc illos*, nunc hos Rom. nunc hos, nunc altos pr. Hamb. 442 *assultibus* tert. Rottend. 443 *Protendit em.* Wakefield Silv. crit. P. IV p. 141, quod voc. proprium est: potestque adeo et ipsum ferri; non vero substitui exquisitiori. 446 *effundit* aliquot Pier. 449 *in abest* Erf. *radicitus* Rom. et aliquot alii Pieriani, cum parte codd. Heins. et Prisciano. Ornat hoc Heinsius. Sed *radicibus* haud dubie recte. Nec id tam Siliî imitatione

tes in pugilatu, evitandis ictibus. vid. Stat. Theb. VI, 794 sq. 433. *vulnera* pro vulgari, *ictus*; hos v. 434—436 per partes enumerat. cf. Apollon. II, 82 sq. Aures pugilum fractæ ac tumidæ ex hoc ipso, quod aures petuntur ictibus pugilum, notæ sunt ex Winckelmanni observatione super *καταγῶς τὰ ὄρα*.

437. 438. *gravis* ætate et mole corporis; cf. inf. 447. Nam alter contra agilior corpore. *tela exit*, pro vulgari, ictus cavet, declinat, evitat, eludit. Vocabulum in re gladiatoria

proprium, ut multi monuere. Vidd. Cerda et Burm. cf. inf. XI, 750 *vim viribus exit*. Stat. VI Theb. 802 *Ecce iterum immodice venientem eludit et exit Sponte ruens mersusque humeris; effunditur ille In caput*.

In vss. 439—442. splendida comparatio a re multo majore et graviore: oppugnatione urbis vel castelli. *molibus*, machinis.—444. *a vertice*, de super, v. ad II Georg. 310. *elapsus cessit*, elabitur; quod sup. *exit. gravis, graviter*, ut Homericum: *πῶς μεγαλωσσι*. 448. 449. Comparationem

Consurgunt studiis Teuc̄ri et Trinacria pubes ; 450
 It clamor cœlo, primusque accurrit Acestes,
 Æquævumque ab humo miserans attollit amicum.
 At, non tardatus casu neque territus, heros
 Acrior ad pugnam redit, ac vim suscitāt ira ;
 Tum pudor incendit vires, et conscia virtus ; 455
 Præcipitemque Daren ardens agit æquore toto ;
 Nunc dextra ingeminans ictus, nunc ille sinistra.
 Nec mora, nec requies. Quam multa grandine nimbi
 Culminibus crepitant : sic densis ictibus heros
 Creber utraque manu pulsāt versatque Dareta. 460
 Tum pater Æneas procedere longius iras,
 Et sœvire animis Entellum haud passus acerbis,
 Sed finem imposuit pugnæ, fessumque Dareta
 Eripuit, mulcens dictis ; ac talia fatur :
 Infelix, quæ tanta animum dementia cepit ? 465
 Non vires alias, conversaꝑue numina sentis ?

satis obscura lib. VI, 196, quam potius ratione poetica defenderem. *Radicitus* pedestri orationi est frequentatum, *radicibus* non æque. *rad. e. quercus* a pr. m. Oudart. 450 *Teuc̄ri studiis Trinacria* Exc. Barm. 451 *que abest a Medic.*, quod præfert Heinsios. Ejusdem multi cum Oblongo Pierii, Goth. sec. et Erf. occurrit. Witt. *primus con-* currit. 453 *Et duo Hamb.* 454 *ac vim* Heins. cum scriptis. Al. et v. inde s. *iras* Goth. sec. 455 *intendit* Hugen., ex pedestri ratione. Versum hunc *Tum pudor* tanquam importune interjectum in suspicionem adducebat V. C. Jac. Bryant, etiam *vim* et vires non bene sibi succedere. 457 *geminans* Uratisl. nunc deinde Medic. Sprot. cum Colot. nunc atque Bigot. Notam illam elegantiam in repetito ille sperni potuisse mireris. 459 *crepitant* Sprot. *nimbus crepitet* tert. Rottend. *trepidant* pr. Hamb. sic *densis* poeta exquisitius pro tam densis. 461 *Cum* Moret. pr. *producere* fuerunt qui legerent apud Guellium, sed idem alterum illustrat per græca : *προβαίνων παρατρέφω τὰς ἰσχύας*. 463 *imponit* Zulich. 464 *Corripuit, miscens* Sprot. 465 *animi* Parrhas. 466 *Non* Oudart. Num qu. Moret. et Goth. tert. *commissaque* Ger. Vossius e codd. notavit. v. Barm.

satis obviam vel ap. Homerum Iliad. N, 178 sqq. Z, 414 sqq. II, 482 sqq. et alibi (Aliorum poetarum loca v. apud Cerdam.) ornavit nobilium Arcadiæ et Troadis montium nominibus ; quæ et ipsa rebus dignitatem adjiciendi ars est.

450 sqq. Similiter Iliad. Ψ, 694 sq. Sed reliqua, quod Entellus novas vires sumit, de suo Virgilius ad-

didisse videtur ; ductu forte Theocriti Idyll. XXII, 107 sqq. *studiis*, Serv. in studia. Malim esse pro studio, i. e. præ studio ; per studium ac favorem, qualis spectantium in ludis est. 455. *conscia virtus*, in prosa virtutis conscientia.

461 sqq. Æneas idem facit, quod Achilles l. c. Iliad. Ψ, 734. 465. Cf. Iliad. γ, 332 sq. *infelix*, ὁ δειλὸς, vires

Cede deo. Dixitque, et praelia voce diremit.
 Ast illum fidi æquales, genua ægra trahentem,
 Jactantemque utroque caput, crassumque cruorem
 Ore ejectantem, mixtosque in sanguine dentes, 470
 Ducunt ad naves; galeamque ensemque vocati
 Accipiunt: palmam Entello taurumque relinquunt.
 Hic victor, superans animis, tauroque superbus:
 Nate dea, vosque hæc, inquit, cognoscite, Teucris,
 Et mihi quæ fuerint juvenali in corpore vires, 475
 Et qua servetis revocatum a morte Dareta.
 Dixit, et adversi contra stetit ora juveni,
 Qui donum adstabat pugnae; durosque reducta
 Libravit dextra media inter cornua cestus
 Arduus, effractoque illisit in ossa cerebro. 480

467 dixitque et vereor ut fulcrum que ab poeta sit. 469 ultroque Goth. tert. utraque Parrhas. Quassantemq. utroque Macroh. IV Sat. 1, ut Ecl. X, 25 Silvanus Florentes ferulas et grandia lilia quassans; sed diversa in re; et de irato quassanti capite ex Plauto Asin. II, 3, 23 laudat Burm. Nutantemq. utroque caput conj. Heins., cui displicebat in binis verss. Jactantem—ejectantem. 470 Ore ejectantem Heinsius tuetur Macrohii auctoritate, lib. IV, 1, quam pars eodd. firmat. Vulgo rejectantem, quod præferebat Pierius, quo alludit in tribus Burm. nonnullis Pierianis et Goth. sec. rejectantem. Orta hæc scriptura ex syllabæ continuatione, qualis in Mediceo est, Orejactantem, in Rom. Ore jactantem; Parrhas. vero interpolate, Ore reluctantem. mixtoque in s. Medic. a m. pr., quod etiam Heinsio ardebat. 471 ad navem Dorvill. 473 Sic v. pr. Moret. tan- risque superbis Hagen. 474 vos quoque hæc Parrhas. hæc vos inquit Dorvill. 475 fuerant duo Burm. fuerunt Dorvill. juvenali Heins. post Pier. e eodd. et Grammaticis, cf. sup. ad lib. II, 518. Etiam in abest a Witt. 476 Daretam Gud. 477 aversi Gud. adversa Montalb. 478 pugnae adstabat Parrhas. 480 immisit nonnulli Pier. in ejicit Erythr. in revocabat, cum Benedicto in ed. Junt. cf. sup. ad v. 167, et aberrat a

alias, simpl. quam putaveras hujus hominis esse, h. e. tuis majores. *conversa numina* quod frequentius: aversum numen, proprie, fortunam certaminis mutatam.

468 sq. Cf. Iliad. ψ, 695 sq., ubi φῖλοι δ' ἀμφίσταν ἑταῖροι, Οἳ μὲν ἄγον δ' ἄγωνος, ἐφελκομένοισι πόδεσσι, Ἄλμα παχὺ πτύοντα, κάρη βάλλοντες ἐτίρωσε etc. Mox v. 471 *vocati* non vacare putandum. Servius: Bene eorum ostendit pudorem, vel quia erant occupati circa amicum. Saltem prius admittere licet: non sponte, avidos,

acres, accurrere puta, sed verecunde ac timide, nec nisi hortatu facto, ut tollerent. Forte tamen argutum magis hoc, quam verum: Cætu facto a præcone pronuntiatur victor et præmia tribuuntur. Sic sup. 244 sq. Itaque vocati victores præmia ferunt.

473—484. Novum hoc Entelli facinus et præter opinionem, adeoque jucundum cognitu. 476, Quæ mors destinata Daretæ fuerit: ornate; sed multo magis ea quæ sequuntur. 480 illisit cestum, seu manum cestu mu-

Sternitur, exanimisque tremens procumbit humi bos.
 Ille super tales effundit pectore voces :
 Hanc tibi, Eryx, meliorem animam pro morte Daretis
 Persolvo : hic victor cestus artemque repono.

Protenus Æneas celeri certare sagitta 485
 Invitat, qui forte velint, et præmia ponit ;
 Ingentique manu malum de nave Seresti
 Erigit ; et volucrem trajecto in fune columbam,
 Quo tendant ferrum, malo suspendit ab alto.
 Convenere viri, dejectamque ærea sortem 490
 Accepit galea ; et primus clamore secundo
 Hyrtacidæ ante omnes exit locus Hippocoontis ;

codd. Giphani, Ind. Lucret. p. 468. cf. Pier., qui tamen non vidit abesse in etiam a Romano. in ora Parrhas. et Hugen., sed in ossa est exquisitus dictum pro ossibus, vulgari ; ut apud Horat. *fragili quarens illidere dentem*. 482 *effundit* ex codd. ab Heinsio repositum. Vulgo *effudit*. 484 *reponit* Rom. cum aliis ; manifesto mendose. Nam formula consecrationis sollennis multo melius ex Entelli persona effertur. 486 *præmia dicit* Gud., quod copiose adstruit Heinsius. Mihi potius aut casu aut interpolandi studio illatum esse videtur. Variandam esse orationem ratus poeta præmia non hic ante certamen, sed sub finem demum, v. 535 sqq. enumerat ; ab initio tamen dixit : *præmia ponit* ; quæ cum nulla subicerentur, reposuit aliquis, dicit, destinat, constituit. 488 *in*, quod si absit, non desiderem, soli deest Sprot. *trajectum* in Hugen. 489 *tendant* sc. ferrum, aliquot Pier. sed est, quo certantes intendant, dirigant, sagittam : *tendant* alter Menag. *ferrum tendant* Parrhas. 490 *dejectas*—sortes malit Trappius. Non videbat alterum eodem sensu esse magis poeticum. 491 *primum* Rom., vulgari ratione. 492 *Hyrtacidæ* juvenis Bigot. Ἰρτάκιδης, Hyrtaci filius, Asius, ap. Homerum occurbat Iliad, B, 837 sqq., nunc alter, Ἰπποκῶν. Occurrit et ipsum nomen Iliad. K, 518, sed

nitam, ossibus. 483. *meliores a.* aptiores ; nam animale hostiam dat, ait Serv. Sunt enim hostiæ aliæ, quarum extis deorum voluntas exquiritur ; aliæ cæduntur, in quibus sola anima deo sacratur seu honoris, seu expiationis et numinis placandi causa. cf. Macrob. III Sat. 5. Ductum ab hostia succidanea, cf. inf. XII, 296 *hæc melior magnis data victima divis*. Guellius laudat Ovid. VI Fast. 162 *extis puerilibus, inquit, Parcite, pro parvo victima parva cadit ; Cor pro corde, precor, pro fibris sumite fibras ; Hanc animam vobis pro meliore damus*. 484. *hic victor*—repono : a noto more, v. c. Horat. III

Od. 26 *Nunc arma defunctumque bello Barbiton* etc.

485 sqq. Idem certamen ap. Homer. Iliad. Ψ, 850 sq., sed variavit multa Virgilius, quæ facile comparatione facta animadvertere licet. 487. *manu*, h. l. magna multitudine Serv. Nisi placet accipere dictum, ut *magna manu*, de heroibus ac fortibus viris. *Seresti* sup. I, 611, ne de Sergesto cogites ex v. 121 sup. *trajecto in fune*, funis trajicitur, transverse circumplicatur columbæ. 490. ex l. c. Iliad. Ψ, 861, sed ornate. conf. Iliad. Γ, 316 sq. alia apponit Guell. *primus locus* eleganter pro prima sorte ; et acclamatio faventium, *clamor*

Quem modo navali Mnestheus certamine victor
 Consequitur, viridi Mnestheus evinctus oliva.
 Tertius Eurytion, tuus, o clarissime, frater, 495
 Pandare, qui quondam, jussus confundere fœdus,
 In medios telum torsisti primus Achivos.
 Extremus galeaque ima subsidit Acestes;
 Ausus et ipse manu juvenum tentare laborem.
 Tum validis flexos incurvant viribus arcus 500
 Pro se quisque viri, et depromunt tela pharetris.
 Primaque per cœlum nervo stridente sagitta
 Hyrtacidæ juvenis volucris diverberat auras;
 Et venit, adversique infigitur arbore mali.
 Intremuit malus, timuitque exterrita pennis 505

ibi Rhesi Thracis avunculus est. erit Parrhas. Hippocoonti, Hippocoantis, Ignoo, Oppocoonti, librorum fraudes. 493 Postmodo Parrhas. fere ut apud Jul. Pompon. Sab. Urbanus modo pro propemodum exponit. M. c. ductor emendabat Jo. Schrader. in schedis. conf. Not. 495 carissime Montalb. 496 jussus quondam Parrhas. susus male conjecerat vir doctus, (Jortin. Tracts p. 474. Tom. II.) ap. Burm., qui non meminerat Homerica. 498 galea atque ima Parrhas. succedit Wall. subsidit Menag. pr. consedit Exc. Burm. subsidit edd. vulgg. subsidit Burm. tacite reposuit propter communem poetarum usum et vulgarem errorem in hac voce. 500 Cum v. pr. Moret. Tum summis flexos Priscian. et Alcuin. ap. Heins. 501 et abest apud Priscian. p. 1187. 503 deverbatur aliquot apud Burm. alas (sc. columbæ) Donatus legit, et sic ed. Junt., quam Burm. memorat; sc. e. senioribus aliqua: nam Junt. 1520 auras retinet, sed Benedictas alas cum Donato legendum esse contendit; minus suaviter, et sic plane otiosum: Et venit; nisi cum Bigot. legas: Ut venit. 504 adversaque—mali ap. Probum, sub f. lib. I Art. Grammat., sed v. Heins. infigitur Franc. infringitur Dorvill., errore non infelici. 505 Intremuit m. Bigot., nec hoc male. malas tert. Rottend. In timuitq. nulla variatio occurrit. pennis Medic. Gud. cum al., ut alibi.

secundus; et exit sors ἑξήσορε, ἑξήσορε, ut notum ex Homero. 493. victor, secundo loco, v. sup. v. 258. Turbas tamen faciunt intpp. v. Burmann. atqui simili modo tertia palma v. 339, unde hoc idem habet Silius XVI, 462. 503. Quod evinctus comas oliva est Mnestheus, ad eandem victoriam spectat; nec in eo hærebimus, quod oleaginea corona sup. 246 et 269 commemorata non est. 496. Pandare, qui v. Iliad. Δ, 104 sq. confundere fœdus, turbare, vocab. propr. συγχέειν, ut ipse Homer. l. c. v. 269

ἔπει σὺν γ' ὅπκῃ ἐχέουσιν. telum torsisti. Pandarus emissa sagitta Menelaum vulneravit. Male veteres de hasta acceperant telum; v. Pompon. 499. manu, sagitta manu emissa: quandoquidem manus pro ipsa opera et opere manuum dicitur.

500—506. Pro se quisque καὶ ἑαυτὸν ἵκαστος, h. e. εἰς ἑαυτὸν. Sic Iliad. A, 272 καὶ μάχην κατ' ἑαυτὸν. 505. timuit alii, h. e. plausit, trepidavit præ metu: ut Servius: terrorem suum pennis significans. Dictum adeo, ut, increpare verbere, et

Ales, et ingenti sonuerunt omnia plausu.
 Post acer Mnestheus adducto constitit arcu,
 Alta petens, pariterque oculos telumque tetendit.
 Ast ipsam miserandus avem contingere ferro
 Non valuit; nodos et vincula linea rupit, 510
 Quis innexa pedem malo pendebat ab alto:
 Illa notos atque atra volans in nubila fugit.
 Tum rapidus jamdudum arcu contenta parato
 Tela tenens, fratrem Eurytion in vota vocavit,
 Jam vacuo lætam cœlo speculatus; et alis 515
 Plaudentem nigra figit sub nube columbam.
 Decidit exanimis, vitamque reliquit in astris
 Ætheriis, fixamque refert delapsa sagittam.

508 *quis post pariter abest a qu.* Moret. 509 *avim* Exo. Burmann. et 547 *aurim*.
 510 *Qui primus nodos* Priscian., fallente memoria. *linea vincula tres* apud Burmann.
rumpit aliquot Pier. et duo Heins. 511 *pedem nodo* Parrhas. 512 *alta volans*
tert. Rottend. cum aliquot Pier., sed quæ *alta*, eadem *exquisitius atra, nigra, atraque*
volans Ven. 515 *Tum Franc. telo spec.* Menag. pr. *jaculo* Erf. 516 *nigram* Par-
thas. fixit duo Burmann. Sed cum studio variavit tempora. *figit nigra* Gud. 517 *re-*
linquit tres ap. Burm. *finivit* Wall., additō illo. *in astris*: portentose ad nostrum sensum.
 Aliiter tamen veteres, et noster aliquoties: v. c. IX, 76. Schrader. Obs. I, 3 em. in
auris. 518 *Æriis* alii passim v. Pier. et Heins. et sic in Macrob. III, 8.

jurgare brachio, flagris. Tenuius di-
 ctum fuisset, *tremuit pennis*. At vero
timuit pennis, tertio casu, plane foret
 jejunum. 506. totus locus resonuit
ingenti plausu, alarum columbæ de-
 bet intelligi; sup. 215. 216 *plausum-*
que exterrita pennis Dat nido ingen-
 tem. Tenuius esset, si de plausu po-
 puli accipere malles.

507—512. *acer* Cerda ad oculo-
 rum aciem referre mavult. At est
 epitheton ornans a virtute et studio
 omnino petitum. cf. sup. ad lib. I, 14
 et 99. *miserandus*, σχιτλιος. *nodos et*
vine. v. l. c. Iliad. Ψ, 855 sq. 512. 'Ἡ
μὴν ἔπειτα ἦντε πρὸς οὐρανὸν, *fugit in*
notos et nubila, h. e. in nubes ac cœ-
 lum evolavit; mox 517 idem: *in*
astris ætheriis ornatius; etsi in eo ar-

gutantur Macrob. III Sat. 8 et alii.
 Et v. 525 *liquidis in nubibus*, h. e.
 aere. Cerda, *fugit notos*, expl. vola-
 tu anteit notos; quod durum. Sed
fugit in notos est in aerem; sic in ven-
 tos recessit, abiit, et similia, nota
 sunt.

513—519. *rapidus* Hom. l. c. v.
 870 Σπερχόμενος. rapide, confestim.
in vota vocavit v. sup. ad v. 234; fra-
 trem Pandarum *tanquam heroem*, in-
 vocasse puta; quod gravius est,
 quam si ejus recordatione animum
 confirmasset, aut ejus Manes invo-
 casset, ut sibi propitii essent. Quod
 Eurytion hic facit, Merionæ ars est
 ap. Homer. l. c. v. 870 sqq. ubi ta-
 men impeditior sententia est; At in
 Marone Eurytion dudum intenderat

Amissa solus palma superabat Acestes :

Qui tamen aërias telum contendit in auras, 520

Ostentans artemque pater arcumque sonantem.

Hic oculis subitum objicitur magnoque futurum

Augurio monstrum : docuit post exitus ingens ;

520 *aerias* post Pier. hoc loco reduxit Heins. ex vetustiss. vulgo : *atherias. telum contendit* Pierianorum suorumque optimorum auctoritate recepit Heinsius ; vulgo alii *contorsit* : quod et Mediceo superscriptum. 521 *Ostendens* Hugen. *artemque pater arcumque* ex Medic. aliisque præstantioribus reposuit Heinsius, ut jam Pierius ex Romano aliisque suis. Idem Aspri Grammatici auctoritatem memorat, Heinsius vero Marii Victorini. At alii, sive de metro male solliciti, sive librarii errore, vel ut Aldd. : *artem pariter arcumque*, vel ex emend. Egnatii *artem pariterque a.* Inde lapsus alii post alios. Sic ed. Ven. *Ostendens pariter artemque arcumque* ; Bigot. et Franc. *artem paterque* ; Sprot. a m. pr. *artemque patris* ; Goth. tert. *artemque paternam a.* ; Erf. *artemque param.* Ceterum hæc ipsa varietas lectionis, tum versus et verborum structura, dubitationem facere potest, an versus e margine irrepserit, quæras quoque, quæ tanta ars apparere possit in sagitta temere emittenda ? conf. tamen Notam. 522 *Hinc* duo Burmann. *subitum* Heins. maluit ac reposuit consentiente Montalb. tert. Rottend. Scheffer. et Hamb. pr. a m. sec. pro vulgari *subito*.

arcum, eumque ad emittendam sagittam paratum tenet.

519—531. Acestes, cum jam non haberet, in quo cum ceteris contenderet, certamine jam absoluto, ne tamen omnino otiosus esset et arcum semel intentum sagitta emissa laxaret, artem suam in eo declarat, quod longissime in altum evolat sagitta. Hoc Servius quoque voluisse videtur, dum ad v. 521 poetam adversus eos, qui eundem reprehenderent, defendit. *arcumque sonantem*, h. e. arcus tractandi peritiam. *monstrum magno augurio futurum*. Non primo statim obtutu occurrit, quid tandem *monstrum* hoc, mirus hic casus, portendere debuerit ; et *docuit* tamen mox *exitus* ; rem igitur, quæ vere evenit, ante oculos habuit poeta. Sunt in ostento nonnulla (sagitta in altum emissa et flamma ardens), quæ ad lætum, alia (quod sagitta ardens consumitur quodque flamma tractum in cælo facit), quæ ad tristem eventum ducant, unde *terrifici* vates memorati. Plerumque incensas mox Trojanorum naves respicere ostentum

creditur. Male. Spectavit haud dubie poeta ad bella Romanorum cum Siculis. In Sicilia Romani bello a Carthaginiensibus et Siculis, imprimis Syracusanis, fuere petiti ; sed horum opes consumptæ bello acceptis cladibus, ut nunc sagitta igni. Acestes, quippe qui urbem Siciliæ, Segestam, teneret, fata Siciliæ nunc augurio denuntiari recte potest. Conferri meretur imitatio Statii VI Theb. 938 sqq., ubi Adrasti telum, dum redit et ad ejus pedes in terram fertur, infaustum expeditionis eventum bene ominatur, et alia Silli XVI, 586—594. Quod sagitta exardescit, arundinem puta ignem concipere, non ferrum, haud dubie melius ad portentum poeta retulit, quam ex hyperbolica celeritatis designatione repetiit : ut factum est in glande plumbea inf. IX, 588. motus celeritate liquefacta. Portentum autem *ignis ærii* v. 527 sq. simile illi, quod lib. II, 693. 694, ubi v. Not. Popius consillum poetæ in hoc prodigio desiderabat v. eum ad Iliad. XXIII n. 45. Ad *Julium sidus* hæc referre velle,

Seraque terrifici cecinerunt omina vates.
 Namque volans liquidis in nubibus arsit arundo, 525
 Signavitque viam flammis, tenuesque recessit
 Consumta in ventos : cœlo ceu sæpe refixa
 Transcurren crinemque volantia sidera ducunt.
 Attonitis hæserè animis, superosque precati
 Trinacrii Teucrique viri : nec maximus omen 530
 Abnuìt Æneas ; sed lætum amplexus Acesten
 Muneribus cumulat magnis, ac talia fatur :
 Sume, pater : nam te voluit rex magnus Olympi
 Talibus auspiciis exortem ducere honores.
 Ipsius Anchisæ longævi hoc munus habebis, 535
 Cratera impressum signis, quem Thracius olim

524 fatidici Parrhas. omnia et hic corrupte libri. carmina tres apud Barm., sed omina etiam de interpretatione oraculorum et auguriorum. 526 lamnis Medic. a m. pr. 528 Concurrunt alter Hamb. Sed et ap. Aristotelem ἀρτίγων διαρροαί. v. Guell. Locum respicit Seneca I. N. Qu. 2. cineremque v. s. Witt. pro var. lect. 531 et lætum Rom., et hoc præferam. lætus Longob. 532 magnis cumulat Witt. 533 Summe multi, vitiose. v. Barm., qui etiam τὸ sumere illustrat. 534 auspiciis Wall. Mox vulg. honorem. honores Heins. reposuit tanquam concinnus et sonorus. Sic Rom. et Medicus Pierii. At in Mediceo Heinsio inspecto et a Foggino typis exensa honores secunda manus in honorem mutavit, ut adeo hæc Aproniana habenda sit lectio. Gudianus a m. pr. honore seu honorẽ lectionem Apronianam habuit, sed iterum mutata est in honores a m. sec. At Hamburg. alter a m. pr. honores, quod et Montalb. et Goth. sec. habet ; item Palat., teste Benedicto. 535 hoc deest Exe. Barm. 536 Crateram Medic.

hoc est ingeniose ludere ; et intercedit ipse poeta, cum *terrificos* vates apposuit. 524. *Seraque* t. per se incertus et ambiguus est sensus, pro temporis, quo vates cecinere, varietate ; quia tamen antecedit : *docuit mox exitus ingens*, necesse est ad tempora hoc non illa, quibus ostentum oblatum est, sed quibus eventum habuit, spectare. *Cecinerunt* est adeo h. l. interpretati sunt. *sero*, cum res ipsæ evenirent, ut eas jam olim illo ostento monstratas esse dicerent. Est ergo : Etiam vates, etsi serius et jam post eventum, quem res habuit, casum ita interpretati sunt. Nec aliter acceperat Jo. Fr. Gronov. Obs. in Add. p. 272. *Exitus ingens* præclare

de eventu magno ac mirabili. 527. 528. *stellæ cadentes* vulgo dictæ cum noctu tum interdiu occurrere solitæ, ut in Hymno in Apoll. 441. sup. l. c. II, 693 et Ge. I, 365 sq. *refixa*, decidua, nam alias stellæ dicuntur *fixæ* esse. 530. *nec omen Abnuìt Æneas* ; igitur accipit tanquam lætum ? certe quod ille putabat ; nam claritatem nominis, famam et laudem, omnino fortunam insignem, augurabatur ignis in aere exardescens. cf. Serv. ad 524. 530.

531—540. Imitatur Hom. I. c. Iliad. ♡, 616 sqq., ubi Nestor simili modo præmium extra ordinem fert. Ad craterem saltem cf. craterem Sidonium Odys. O, 115. *impressum* si-

Anchisæ genitori in magno munere Cisseus
 Ferre sui dederat monumentum et pignus amoris.
 Sic fatus cingit viridanti tempora lauro,
 Et primum ante omnes victorem appellat Acesten. 540
 Nec bonus Eurytion prælato invidit honori;
 Quamvis solus avem cælo dejecit ab alto.
 Proximus ingreditur donis, qui vincula rupit;
 Extremus, volucris qui fixit arundine malum.

At pater Æneas, nondum certamine misso, 545
 Custodem ad sese comitemque impubis Iuli
 Epytiden vocat, et fidam sic fatur ad aurem :

a m. pr. et Bigot., sed Virgilius eo genere non est usus. v. Burm. *quam* Hugen. a m. pr. 537 Cisseus al., est *Κισσεύς*. in non delendum; est ut sæpe in, in parte, pro munere, muneris loco. 538 *Esse* sui Parrhas. ex v. 572. *δῶκε φίλῳ, δῶκε δ' ἄλλῳ, δῶκε φαίδῳ, ὅπαρτι καμίζῳ*, sæpe Homer. 539 cinxit alter Hamb. *velat* Parrhas. t. *myrto* Wall. et Erf. a m. pr. 540 *At* p. Leid. un. 541 *prælato invidit honori* emend. Marklandus Epist. crit. pag. 106, h. e. Acestæ prælato sibi non invidit honorem seu præmium primo loco datum. Nescio tamen an alterum exquisitius sit dictum, ut transferatur a persona attributum ad ipsum honorem; et si quis est *prælatus*, etiam *honor* ejus dicatur *prælatus*. Sic *cedere alteri in honore*, et *cedere alterius honori*. Sed verum ne sic quidem videram; *præferre* poeta dixit *exquisite* pro *præcipere*. Est *præreptus* honor, *prælatus*, quem ille tulit, abstulit, præ Eurytione. 542 *cælo ab alto*. Mireris ter ita versus clausum, hic et v. 489 et 511. *demisit* ed Ven., vulgari varietate. 546 *Custodemque* ad se c. Witt. *comitem impubentis* ed. Ven. 547 *Epytidem* Rom. et alii libri Pier., *Epytidem*, *Ephitidem* al., vitiose. Est ap. Homer. *Ἐπυτίδης*. cf. Heins. ad *aurem* Gud. in *aurem* aliquot Heinsii libri, quod ipse monet comicis esse familiare; quod tamen si

gnis, anaglyphum, signis expressis in argento vel ære. Laxuriat in eo Statius l. c. Theb. VI, 531—539. *Cisseus*, Thracum rex, cujus filia Hecuba. cf. inf. lib. X, 705, v. Munker. ad Hygin. f. 91. Notæ ad Apollod. A. 223. Locum hunc Virgilii eleganter expressit Ovidius in munere Anii Met. XIII, 681 sqq.

541—544. *prælato honori*, hoc est: honori, quem alter ipsi prætulera, præripuerat. Aliter vulgari usu dicitur alter alteri prælatus. *bonus* cum dilectu h. l. positum ut *ἱσθλός, ἐλγυρώμων*. *Proximus donis* (ut *proximus laude*) *ingreditur* (pro est), h. e. qui proximo loco præmio donatur,

Mnestheus. Hæc mea ratio. At Serv. *donis* h. e. ad dona; et Cerda: *ingreditur donis*, incedit gloriabundus cum donis. Omnino est, quod sup. 268. 269 *omnes donati ibant*. *Extremus* Hyrtacides.

545—547. Vid. Excurs. ad h. l. *certamine misso*, ut *ἀγών*, pro certantium ac spectantium turba dimissa: fere ut jam sup. 286. Sed et pedestri sermone fere sic: ut apud Cic. *ante ludorum missionem* lib. V ad Div. 12. *Custodem comitemque*, infra v. 562 *magistros*, ex suo ævo adscivit Virgilius, quo nobilibus juvenibus addebantur tales magistri vel custodes (Horatio *reges*, ut I Od. 36, 8). Minus bene Servius locum ex Cicerone

Vade age, et, Ascanio, si jam puerile paratum
 Agmen habet secum, cursusque instruxit equorum,
 Ducat avo turmas, et sese ostendat in armis, 550
 Dic, ait. Ipse omnem longo decedere circo
 Infusum populum, et campos jubet esse patentes.
 Incedunt pueri, pariterque ante ora parentum
 Frenatis lucent in equis: quos omnis euntes
 Trinacriæ mirata fremit Trojæque juvenus. 555
 Omnibus in morem tonsa coma pressa corona.
 Cornea bina ferunt præfixo hastilia ferro;

est, epico sermone minus dignum videri debet. Bene etiam Burm. monet, in aurem esse alicujus auri arcani quid insusurrare, ad aurem vero fidam Epytidæ idem esse ac, ad fidum hominem. 549 *cursumque Ven.* 550 *ostendet Serv.* ad XI, 42. 551 *Dic, ait, ex codd. et ratione firmarunt Pier. et Ge. Fabric. Alii Sic. In se omnem Menag. pr. longe duo Burm. et Erf. a m. pr. longo Oudart. descendere, deducere, discedere sollenni modo variatur et hic. discedere catu quatuor ap. Burm. 552 et abest a Franc. 553 que deest Parrhas. 555 Trinacria emirata Montalb., qua lectione, seu vitio potius, Bormannus adversus Bentleii emendationem utitur I Carm. 5, 8 ap. Horat. 557 gerunt duo Heins. præfixa h. ferro Medie. Rom. et quicquid antiquiorum est codicum ap. Pier. et Heins. Sic quoque Erf. et nostri Goth., nisi quod tert. pressa. Tamen præfixo ex vulgg. edd. Hamb. pr. a m. pr. et Hugen. servarunt Heins. ac Bormannus, qui utramque lectionem ait habere, quo se tueatur. Recte quidem, sed præfixa h. f. est magis poeticum, auri vero magis consultur, si præfixo legis.*

(nunc est in Fragmentis) laudat, melius sup. v. 257 et infr. VIII, 515 compares (Multis de iis egit Martorell. *Theca calam.* p. 169 sqq.). *Epytidem* ex Homericis Periphante, Epyti filio, Iliad. P, 323 seq., adumbrasse videtur. Ornatus versus 550 de Ascanio. *avo*, in ludis in Anchisæ honorem habitis. 551. *circo* de spatiis et loco, in quo decursus equester fit, ut sup. 289. de stadio.

554—556. Ornatum verborum vide in *lucent* pro vehuntur, et *mirata fremit* pro miratur, et sic porro in aliis; ut infra: *fulgent, vagantur* etc. 556. *tonsa coma pressa corona*, coronati, et quidem, ut inf. v. 673 intelligitur, ubi Ascanius *galeam ante pedes projecit inanem*, corona super galeam imposita; qualis inf. VII, 751 *Fronde super galeam et felici comtus*

oliva. cf. Cerda. Coma tamen vel sic a *corona* (non a *galea*) *pressa* dici potuit, quatenus hæc caput ambiabat. *tonsa corona*, h. e. ex arbore tonsa, cui frondes decerpit: ut inf. 774 *tonsa oliva*, ubi cf. Not. (Male ad Horat. I Carm. 7, 7 hic locus excutatur). *in morem*, ex more hujus ludicri. Docta quidem, sed importuna nota est Servii ad h. l., qui etiam *coronam* de galea accipere vult, quippe quæ Homero *στέφανος* sit Iliad. H, 12 (scilicet *στέφανον* dicere voluit, quæ et alibi apud Homerum occurrit, et *galeæ* proprie pars est frontem ambiens eminentior, qualis v. c. in Winkelmann. *Monum. inedd.* n. 108). In iisdem Servianis subjectum paullo post: *Sed alii dicunt, potuisse eos galeas habere coronatas.* *Bæbius* tamen *Macer* (ejus mentionem facit Serv.

Pars leves humero pharetras ; it pectore summo
 Flexilis obtorti per collum circulus auri.
 Tres equitum numero turmae, ternique vagantur 560
 Ductores ; pueri bis seni quemque secuti
 Agmine partito fulgent, paribusque magistris.
 Una acies juvenum, ducit quam parvus ovantem
 Nomen avi referens Priamus, tua clara, Polite,
 Progenies, auctura Italos ; quem Thracius albis 565
 Portat equus bicolor maculis, vestigia primi
 Alba pedis frontemque ostentans arduus albam.
 Alter Atys, genus unde Atii duxere Latini ;

558 *Parsque leves* aliquot ap. Burm., non male, sed intrusam *que* librariorum more ; et tuetur alterum codd. auctoritas. *humeris* duo Burm. *pharetras humero* Goth. tert. 558. 559 *Vulgata lectio* h. l. sanior est omnium codicum varietate nata ex depravato *it* in *in* vel *et*, unde *mox it* in sequ. versu insertum vel post *obtorti* vel post *collum* vel *Fl. it torti*. v. Pier. Heins. et Burmann. 560 *Tres, treis, tris* legitur ; hoc cum Mediceo : ut jam inde ab I, 108. *turmae numero* Rom. et Menag. pr., inconcinne. *ternique* Witt. 562 *Agmina* Rottend. pr. a m. sec. 563 *Vana* Menag. alt. *parcos* Rom., ut et 569. 564 *Nomen qui Franc. Polites* Medic. a m. pr. cum tribus aliis Heins. et parte Pierianorum. 565 *auctura* aliquot Burm. 566 *bicolor* Goth. tert. *primis Alba pedes* Medic. a m. pr. 567 *arduos* antiqui et sic apud Pier. 568 *In Atys*, *Ἄττις* aberratur *Atis*, *Attis*, et in Gud. *Atus* ; et in altero *Atii*, variatur, in Rom. Medic. a m. sec. ac Reg.

etiam ad Ecl. IX, 47) *dixit ; a Cæsare Augusto pueris, qui luserunt Trojam, donatas esse galeas et bina hastilia ; ad quod Virgilium constat alludere*. Poetae igitur iudicium in his ad suam aetatem accommodandis declarant hæc Macri verba. conf. Sueton. Octav. 43, unde imprimis *torquem* mox non absque consilio memoratum videas. Nam 558. 559 ornate pro, torquem collo gestabant aureum. cf. inf. X, 137. 138. *aurei obtorti*, *torti* ; ut *σπειρόν*.

560—574. Pueri fuere omnino XXXVI cum trinis ductoribus, in tres turmas descripti : unaquæque turma XII capitum. Ternarium numerum ad tres P. R. tribus a Romulo institutas refert Servius ; saltem Centurias tres equitum respici dicere debebat. cf. Liv. I, 13. Sed orna-

vit poeta locum egregie eorum, qui turmas ducebant, nominibus et equis declarandis. *magistris* vid. sup. v. 546. Forte ad turmas *maiorum puerorum* respexit v. Sueton. Jul. 39, Octav. 33. *Parvus* hic Priamus Polite filius, Priami regis nepos. De Polite cf. Iliad. B, 701 et sup. lib. II, 526 sq. *auctura Italos*. Servius : *Polites—de quo Cato in Originibus dicit, quod ad Italiam venerit, et segregatus ab Aenea condiderit oppidum Politorium a suo nomine*. Paullo post in *equis* v. 565 sq. argutantur Intpp. *albas maculas* mox in aliqua præcipua parte declarari puta, in pedibus, quos poetica ratione, *primi vestigia pedis*, dixit, et in fronte. Sunt qui putent, Homerum Iliad. Ψ, 453 poetæ ante oculos fuisse. 568. Atiam gentem memoravit propter Atiam,

Parvus Atys, pueroque puer dilectus Iulo.
 Extremus, formaque ante omnes pulcer, Iulus 570
 Sidonio est invectus equo, quem candida Dido
 Esse sui dederat monumentum et pignus amoris.
 Cetera Trinacriis pubes senioris Acestæ
 Fertur equis.
 Excipiunt plausu pavidos, gaudentque tuentes 575
 Dardanidæ; veterumque agnoscunt ora parentum.
 Postquam omnem læti consessum oculosque suorum
 Lustravere in equis: signum clamore paratis
 Epytides longe dedit, insonuitque flagello.
 Olli discurrere pares, atque agmina terni 580

Atyi, in al. *Atti*, *Atti*, *Ati*, *Aci*, et in Goth. sec. *Alii*. Pro *Atti* h. e. *Attū*, pugnat Pierius, codicum et marmorum auctoritate: antiquiorem auctoritatem pro *Atia* gente, una consona scripta, attulit Heins. ad h. l. Nota illa gens, ex qua Cæsaris Octaviani mater oriunda fuit, cf. ad Dion. XLV pr. Præferam tamen h. l. ex vetero more *Ati*. *dixere* emendatum in *Medic.*, ut alibi. 569 *puero multum d.* Bigot. *delectus* et hic pr. Rottend. ac *Medic.* 570 *formam* *Medic.* a m. pr. græca forma, quæ placet Heinsio et Burm. *forma ante omnes est* Menag. pr. ante o. *formaque* Exo. Burmann. 571 *Sidonioque* iuv. tres ap. Burm. *Sidoneo* scribunt nonnulli, ut *athereus* pro *atherius*. vid. Pier. 573 *Trinacriæ pubes* plerique Pier. et sic *Medic.* cum al. Heins. ac Burm. Erf. binisque Goth. *Trinacrii* Rom. cum Menag. pr. et pr. Rottend. Sed *equis* deberi epitheton, non est quod dubites. 575 *ruentes* vitium ed. Dan. Heins. v. Burm. 576 *corda p.* tres Burm. 577 *omnes* alter Menag. *concessum, consensum* et hic aberratur. *oculique* alter Hamb. a m. pr. 578 *parentis* *Medic.* a m. pr. 580, 581 *Deductis* scriptum in Rom. *Medic.*, et al., forte doctius pro *ductis* simpliciter. Sed de aberratione satis constat. Vide modo v. 569 *delectus* in eodem *Mediceo*. Porro *ternis* codd. Pier. cum

Augusti matrem, v. Serv. et ad eum Burm. it. Heins. ad h. l. cf. vel Suet. Octav. 4. *Latini* simpl. pro Romanis, ut sæpe al. Heinsius eo refert, quod Atii Aricia erant oriundi. Neque illa temere adjecta: *pueroque puer dilectus Iulo*: ut jam tum concordiae inter Atiam et Juliam gentem tanquam prima semina jacta sint: cf. Eckhel *Doctrina numor.* Vol. V, p. 145 de numis gentis Atiæ. 571. *Sidonium equum* dicere potuit etiam qui ex Africa esset. Nam Phœnicios equos non memini narrari; nec tanti res erat, ut curiosius in eam inquirerem, nec Phœniciæ solum equis alendis idoneum. 572. *esse* e Græ-

cismo abundat: δῶκε ξεινήιον εἶναι.

573. Curiose hæc adjecta sunt; alioqui enim quæri poterat, unde Trojanis classe advectis, imprimis ista ætate, tot equi suppetere potuerint.

575. *pavidos*. Servius: gloriæ cupiditate sollicitos, ut III Georg. 106 *Corda pavor pulsans*. cf. Silius XVI, 431. 514. 479. Nec tamen injucunda res, si puerilis ætatis ingenuam verecundiam exprimi putes. Mox eos cogita longo ordine incedentes campum in orbem obisse.

580 sq. Hunc locum cum subjuncta comparatione e pulcerrimis esse puto vivida ad sensum representatione rei ad eloquium difficilis. Oc-

Diductis solvere choris, rursusque vocati
 Convertere vias, infestaque tela tulere.
 Inde alios ineunt cursus aliosque recursus
 Adversis spatiis, alternisque orbibus orbes
 Impediunt, pugnaeque cient simulacra sub armis; 585
 Et nunc terga fuga nudant; nunc spicula vertunt
 Infensi; facta pariter nunc pace feruntur.
 Ut quondam Creta fertur Labyrinthus in alta
 Parietibus textum caecis iter, ancipitemque
 Mille viis habuisse dolum, qua signa sequendi 590
 Falleret indeprensus et irremeabilis error.

quatuor Heins. et uno Burm. no Goth. sec., quod malebat Pierius. Sed bene monet Heinsius, legendum tunc esse: *agmina ternis Diducti s. choris*; nec vidit Pierius terni etiam exquisitiorem orationem efficere. 582 *instructaque* Medic. Pier. *dedere* Witt. a m. pr. cf. Burm. 583 *cursus ineunt* Ven. a m. pr. *aliosque reversus* Wall. a m. pr. 584 *Aversis* Zulich. *Adversos* Erf. *Adversi* post Pierianos nonnullos Exc. Burm., quod probat vir doctissimus. Enimvero v. Not. *alternisq.* Heins. recepit Pierio, puto, obsecutas et parti codicum, quorum princeps Romanus. At Mediceus cum ceteris *alternosq.*, quo variatur oratio. 586 *fuga* recte secundum rationem et praestantiores codd. Rom. Medic. aliosque praetulit Heins. Vulgo *fugae*, quod non bene relictum Silio in simili loco XVII, 445; non enim *fugae*, τῆς φυγῆς, nudat quis tergum, sed, dum fugit, fugiendo, *fuga*, tergum nudat. *versant* Gud. pro div. lect., et pr. Rottend. *terrunt*, at Rom. *torquent*, cum Goth. sec., tamen lapsa potius, etsi nec infelici, quam consilio. 587 *pariter facta* Parrhas. *fruuntur* tres ap. Burm. cum edd. Ald. Junt. 588 *Crete* Wall. a m. pr. *Crete altae* Serv. apud Burmann. 589 *Abietibus* cod. Thuan. Macrobius V Sat. 14. *textis* Parrhas. *textus* Ven. 590 *Millenis* h. d. Goth. sec., *prave domum* tres ap. Burm. Sed *dolus* eleganter. v. Not. *Mille dolis* h. viam, *quae* s. s. Parrhas. *quo signa* Bigot. 591 *Agnoscas* et hic duplicem codd. sectam: Rom. cum codd., inter quos

cupatus fuit in hoc ludo declarando atque etiam delineando Ge. Henr. Nölden noster (in *Erklärenden Anmerkungen zur Aeneis*: Class. Encyclop. P. V. Vol. I. p. 332 sq.) *pares* loco, ordine eodem, ut sup. v. 114. *terni* tamen, h. e. ternis diversis turmis, quas *choros* appellat, (quarumque duodecim quæque juvenum, quaternis forte catervis, erat) discedunt, aut, terni quique incesserunt, ita ut duodecim essent catervæ, trium unaquæque puerorum. mox iterum coeunt, *vocati*, a ducibus. *infesta tela tulere*, ut alias *ferre signa infesta*, inferre vel tenere, habere, gerere. conf. etiam Burm.; mox v. 584 *Ad-*

versis spatiis, h. e. quibus ipsi adversi h. e. obvii invicem sibi facti iterum deflectunt se et in novos gyros discurrunt. *alternis orbibus orbes Impediunt* praeclare, cum variis flexibus subeunt se invicem saltantium ordines, seque miscent et implicant. v. 585. dictio Lucretiana facile agnoscitur ex ejus Lib. II, 41 et 324 *belli simulacra ciere. sub armis*, ut saepe apud poetam pro, *armati*.

588—591. Non poterat Virgilius superare vel assequi locum Homeri, quem inter pulcherrimos primum excitandum credo, Iliad. Σ, 590 sqq. ad 605 de Dædali choro. Rem itaque sapienter traduxit ad similem

Haud alio Teucrūm nat ivestigia cursu
Impediunt, texuntque fugas et prælia ludo,
Delphinum similes: qui per maria humida nando
Carpathium Libycumque secant, *luduntque per
undas*.

Hunc morem, hos cursus, atque hæc certamina primus
Ascanius, Longam muris quum cingeret Albam,

Goth. alter, parte, *Frangeret*, forte tamen illud primum ex librarii lapsu natum. Etiam Donatus interpretatur: *fregerint flexus*. Sed melius Medic. cum aliis: *Falleret*—quippe, *error*. Servius utramque prodit. *indeprehensus* al., ut solet. 592 *Haud alio elegantius* ex Medic. et pr. Moret. reposuit Heinsius. At alii cum Romano aliter. *nati Teucrum* Gad. 595 Malim aliquem codicem habere: *Libycumve*. Etsi non ignoro, esse qui dubitent de hoc discrimine inter *ve* et *que*; et ista maria, quippe contermina, passim jungi; v. c. Juvenal. XIV, 278, vel permutari, v. c. Georg. IV, 387, et in utroque delphinus vagari. Mox *luduntque per undas* deerat Oblongo Vatie. et aliquot aliis Pier. Mediceo a pr. m. Gad. et aliis Heins. et Goth. tert. cum Erf. Laciniam inepti esse Grammatici per se patet. 596 *Hunc morem cursus* vulgo codd. ap. Pier. Heins. et Barm. et sic tres Goth. et primo loco Romanus. *Hunc m. hos c.* elegantius jam olim a Rob. Stephano inde editum; ut jam legitur in Aldd. prioribus, etiam in Egnatiana recensione. Pro ea lectione codicem suum laudat Ge. Fabric., at Heinsius sec. ac tert. Moretanus cum Mediceo, qui tamen, ut a Foggino editus est, alterum exhibet. 597 *quum conderet* Gad. pro var. lect.

rem, Labyrinthum, quem ea cum arte effluxit, ut inter ejus flexus legendos ipse quasi errore ferri videaris; ita implexa ipsa verba, quæ Plinii animo obversata puto in Labyrintho lib. XXXVI, 12, s. 192, uti ipse Virgilius Catulli memor fuisse videtur n. LXI, 112—115. *Creta in alta*, cf. mox lib. VI, 23 propter Idam et alios montes; quanquam et omnis insula *alta* est, quippe mari altior. *Parietibus cæcis* h. l. qui visum ac prospectum intercipiunt, ut totum iter, qua pateat, aestimare nequeas. Ovid. in loco cum hoc comparando VIII Met. 158 sqq. *cæca tecta* dixit. Cuiacius Obs. I, 30 a Burm. laudatus *cæcos parietes* esse sine fenestris docuit; sed hoc est Jctum interpretari, non poetam. *dolum* h. e. iter dolum, fallens. *signa sequendi*, procedendi, ut poetis *ἵπποβατα*, *sequi*, pro *ire*, h. e. notas viæ et itineris, qua erat incedendum redituro. Ovid. l.

c. Dædalus turbatque notas, et lumina flexum Ducit in errorem variarum errore viarum. cf. inf. VI, 27 sq.

592—595. Parem in modum Trojanæ pueri vestigia impediunt, cursus flexus implicant. 594. *per maria humida* (ὄγρὰ κίλευθα θαλάσσης ap. Homer. huc vocat Servius) *nando Carpathium Libycumve* (conf. V. L.) *secant luduntque per undas*, videtur aliquid otiosi esse in hac verborum copia; etsi bene video marium denominatione rei dignitatem increescere. Ovid. de delphinis III Met. 685 *Inque chori ludunt speciem, lascivæque jactant Corpora, et acceptum patulis mare naribus efflant*; et qui anteivit Apollon. Rh. IV, 933 sqq.

596—603. *Hunc morem*—*Retulit*, innovavit, ut Serv., repelivit. *priscos Latinos* h. l. ut *antiqua Italia*, et sic *Latium antiquum* inf. VII, 38. Alii *prisci Latini* in historicis et geographicis, dum antiquum Latium et

Retulit, et priscos docuit celebrare Latinos,
 Quo puer ipse modo, secum quo Troia pubes.
 Albani docuere suos; hinc maxima porro 600
 Accepit Roma, et patrium servavit honorem;
 Trojaque nunc, pueri Trojanum dicitur agmen.
 Hac celebrata tenus sancto certamina patri.
 Hic primum Fortuna fidem mutata novavit.
 Dum variis tumulto referunt sollennia ludis : 605

598 *Rettulit* vulgg. *retulit* h. l. Bormannus revocavit, non e ratione grammatica, quam vir doctiss. Jo. Schraderus Emendat. praef. p. XLII constitutam esse voluit in *retulit*, *reperit*, *repulit*, verum laudato cod. Gudiano. Desidero omnino constantiam in his ac similibus, v. c. *Jupiter*, quod *Suppiter* exaratur. Si ad morem veterum scribendum est, equidem litteram male geminari puto scriptura; etsi pronuntiatione id fieri necesse est. Si tamen gemines, semper et ubique ista ratio est sequenda. in *priscos* Goth. pr. 599 Versus molestus. *ille* Wall. *secum cum T.* pr. Hamb. Olim distinguebatur:—*Latinos*. Quo puer—pubes, Albani d., ut adeo esset: Quo puer—pubes sc. celebraverant hæc certamina, docuere Albani suos illa celebrari. Melius sic interpungas, ut fecimus: *Retulit et p. docuit celebrare Latinos*, Quo puer ipse modo, s. q. *T. pubes* (sc. celebraverant. Hinc) Albani docuere suos etc. 600 hunc Oudart. a m. sec. Goth. tert. 602 *pueri et Tr.* ed. Ven. dicimus Dorvill. ducitur Leid. 603 *sacro* Bigot. 604 *Hinc multi* Pier. et Heins. ac Borm. *vocavit* Goth. tert. a m. pr.

novum juxta ponitur. 598. *docuit celebrare eo modo, quo* ipse celebraverat. v. V. L. 601. *honorem*, ludum ab origine sua in Anchisæ honorem institutum. 602. Pro vulgari, quod ex Suetonio de puerorum lusibus Servius laudat: *Lusus ipse, quem vulgo Pyrrhicham appellant, Troja vocatur*, poeta dixisse videtur exquisitus: et nunc honor ille, seu ludicrum, *Troja, agmen autem Trojanum* appellantur pueri; Alii sic: *pueri*, Trojanum hoc puerorum agmen, *Troja* appellatur; at alterum lenius.

604 sqq. Novum avertendi Trojanos ab Italia consilium Junonis, incensis navibus; ad ductum historiae etiam hoc, etsi variis modis fuit narratum. v. Excurs. VI ad h. l. Sed poetam decebat hæc ad deæ Trojanis infestæ machinationes referre. Quod Iridis ministerio utitur Juno, Homeri exemplo fit. v. sup.

ad IV, 694. Apud eundem Iliad. ♀, 198 sq. ad Ventos ea mittitur, ut Patrocli rogum illi flamma involvant. Argutatur Servius in causa reperienda, cur Iridis maxime ministerio h. l. poeta utatur, et affert aliena a poeta. Junoni enim ministra Iris data est more sollenni, non Mercurius. Transiit a lætis ad tristia, adeoque delectationem ex rerum varietate, facile unusquisque observet. conf. Trapp. ad h. l.

604—610. *mutata novavit*, pro mutavit, orate. Manil. IV, 580 *Scilicet in piscem sese Cytherea novavit*. Fortunæ autem *perfidia* ac *fides* proprio aliquo modo tribuitur, quatenus fallit spem vel sustentat constantia aut levitate sua. *ventos adspirat evoti*, præclare pro, volentem incitat, properare facit; quod optime fit vento secundo alis immisso. Ad Mercurium Jupiter sup. IV, 223 *Vade ege*,

Irim de cælo misit Saturnia Juno
 Iliacam ad classem, ventosque adspirat eunti,
 Multa movens, necdum antiquum saturata dolorem.
 Illa, viam celerans per mille coloribus arcum,
 Nulli visa, cito decurrit tramite virgo. 610
 Conspicit ingentem concursum, et litora lustrat,
 Desertosque videt portus classemque relictam;
 At procul in sola secretæ Troades acta
 Amissum Anchisen flebant, cunctæque profundum
 Pontum adspectabant flentes. Heu tot vada fessis,
 Et tantum superesse maris! vox omnibus una. 616

607 *inspirat* pr. Hamb. a m. sec. et Sprot. 608 *monens* Montalb. et ed. Junt., solito lapsu: *saturata* codd. Pier. et suorum ac Arusiani Messii auctoritate sonique suavitatem recepit Heins. Vulgo *exsaturata*. 609 *celebrans* Medic. et Zaliich., noto sphalmate. pro Erf. 610 *orto* pro cito Sprot. d. tr. Juno Erf. a m. pr. 611 *concessum* Medic. a m. pr. Moret. sec. *cursum* Franc. et Sprot. *occursum* Wall. Mox nescio an melius legas ut; nam et *litora lustrat* inter reliqua otiosum esse videtur. Igitur conj. *decurrit virgo*; *conspicit ing. concursum*. Ut (ubi) *litora lustrat*: *Desertosque*—*classemque relictam*. 612 *classimque* Sprot. vid. sup. ad III, 5. 613 *Et vel Haud* nonnulli; item *Troades* vel *Troïades*, ac Medic. *secretæ T. actæ*. 615 *Portum* Goth. sec. *spectabant* Medic. *expectabant* Voss. pr. ac Ven., quod Heins. interpretatur: *secunda navigationi tempora*. Alii apud Serv. *flentes heu t. juxtere*.

nate, voca Zephyros et labere pennis. Sunt autem modi volatum declarandi varii apud poetas. modo *fertur aliquis vento*, ut et apud Homer. *πτερο πρὸντοῖσ' ἀνέμω*. modo volat *ἄμα πρὸντοῖσ' ἀνέμω* apud Homerum et Hesiodum, quod redditum erat supra IV, 241: Mercurium talaria sublimem alis, volantem, rapido pariter cum flumine portant, seu ut requet ventum, seu ut volet una cum vento; nam ut sit: volat tam celeriter quam ventus, seu, ut reddunt similiter ac ventus, repugnat usui loquendi *τὸν ἄμα* et *τὸν παρὶter cum*. Mox illius volatus declarabatur: *agit ventos et nubila tranat*, findit aerem, qua pervolat, et agit, movet, ante se. *multa movens*: sup. III, 34 *multa movens animo*, volvens; machinata. X, 890 *Multa movens animo jam tandem erumpit*. Porro nec-

dum antiquum saturata dolorem. E-rant sup. I, 25 sq. expositæ causæ; et hinc I, 4 *memorem Junonis ob iram* erat dictum. Iterum inf. 781 *Junonis gravis ira nec exaturabile pectus*. 610. Laudat Cerda locum Ovidii: *et remeat per quos modo venerat arcus*, Met. XI, 632. *cito tramite*, exquisitius quam cursu, volatu.

611—617. *concursum* vido sup. 106. 107. *desertos portus* vid. sup. 286. 287. Quod ludis non intersunt mulieres, sed solitario in litore desident, ex antiqua decori ratione et moris severitate sit, quam tamen inter Græcos quoque serior usus temperavit. Sed et illæ *Anchisen flebant*, inferiis igitur adhuc operantes. cf. inf. 652. Bene ad miserationem: *Pontum adspectabant flentes*; et quod statim querelas subjungit; *heu tantum*

Urbem orant; tædet pelagi perferre laborem.
 Ergo inter medias sese haud ignara nocendi
 Conjicit, et faciemque deæ vestemque reponit:
 Fit Beroë, Tmarii conjux longæva Dorycli; 620
 Cui genus, et quondam nomen, natique fuissent;
 Ac sic Dardanidum mediam se matribus infert:
 O miseræ, quas non manus, inquit, Achaica bello

617 *pelagi conveya tueri* Ven. ex sup. IV, 451. 618 *medios* Goth. sec. 619 *Miscuit et f. Goth. sec. Conjecit f. duo Burm. vultumque r. Dorvill.* 620 *Fit decor et varii* Wall. a m. pr. *Veroe* passim scribitur. *Ismarii* vulgata lectio ante Heins. e recentioribus (etsi et Servius agnoscere videtur) petita erat libris; *Tmarii* Heinsius restituit, etiam librorum auctoritate, in quibus vel *Tmarii* diserte, ut etiam in Rom. fait, in Medio. a m. pr. *Mari*, a sec. *Tmarii*. In cett. *Marii*, *Tinarii*, *Tinarii*, *Tarii*, *Thiari*. v. Heins. ad h. l. et cf. ad Ecl. VIII. 44, ubi similis error insederat edd.; videtur adeo ex *Marii* ab interpolatore *Ismarii* factum esse. Pompon. Sab. ad h. l. "*Marii* forte *Ismarii* *Dorycli*, Thracii, ab Ismaro monte Thraciæ. Mihi non placet; nam antiqui codices *Marii* habent: et hæc Beroë in Sicilia manebat. In Bucolicis Apronianus ait: Maros mons Thraciæ, ubi Maro vinum dedit Ulyssi, et Probus in commentariolo Georgicorum facit mentionem." Vides vera falsis mixta esse. *Tmaros* in finibus Dodonæ Epiri monserat: *Τόμαρος*. *Τμάρος*. conf. Steph. Byz. Interea velim Heinsium docuisse, quomodo inter Trojanas mulieres esse potuerit uxor *Dorycli* *Tmarii*, a monte Epiri appellati. At *Ismarii* alicujus e Thracia oriundi, cum multa Thracum et Trojanorum memorentur fuisse commercia, uxor interesse facile potuit. Hactenus atque alterum hoc haud dubie verius. Sunt forte, quæ et his reponas. Aneam etiam Dodonam adiisse, a nonnullis fuit traditum. v. Excurs. de Ænæe Errorr.; et ipse poeta noster, qui escensionem ad Bathrotum factam sup. III, 293 sqq. narraverat, sub discessum ab Epiri litore v. 470. 471 inter Heleni munera hospitalia: *Addit equos, additque duces. Remigium supplet, socios simul instruit armis*; quod infra v. 646 eadem Beroë *Rheteia* appellata, nil repugnare; esse doctæ dictum pro *Trojana*. Locus tamen vel sic inter eos referendus, in quibus ratio critica, quatenus in librorum usu versatur, aliam lectionem, aliam rerum ratio et judicii subtilitas defendit. *Ismarium* hominem etiam requirit Beroë auctoritas, quam Troja profecta matrona habere potuit, non ea, quæ in itinere fuit allecta. *Ismarii* etiam defendere video sagacem virum Onweus Noct. Hag. p. 624. *Doryclus* nothus Priami filius memoratur Homero Iliad. A, 489. 621 *Quoi etiam quondam nati nomenque f.* ed. Ven., male. 622 *Dardanum* aliquot Pier. cum Wall. et Goth. tert. manibus Goth. pr. *offert* alter Hamb., at v. Burm. 623 *Achaia* tres Heins. cf. ad II, 622.

viæ sibi Et tantum superesse maris.
 617. *Urbem*, simpl. sedem.

618—622. *vestem*, versicolore, qualis alias Iridi tribuitur. Attamen supra de Venere quoque I, 404 *pedes vestis defluxit ad imos Et vera incessu patuit dea*: ut adeo etiam, tanquam ex deabus una, suam pallam haberet. *Iris fit Beroë*, ut Laodice apud Homer. fit, Iliad. Γ, 121. *Cui* sive ad *Doryclum* sive ad *Beroen* referas, parum interest. Hoc alterum forte melius, siquidem in feminæ auctori-

tate nunc res posita. Vix tamen feminæ nomen tribui potuit. Præstat ergo ad maritum referre. *genus*, nobilitas h. l. v. Burmann., quem indigneris operam et chartam in Harduino refellendo perdere. Georg. II, 240 *Salsa tellus—nec Baccho genus servat. fuissent pro Cui fuerant.*

623—640. Artem agnosce, quod miseratione animis se iusiuat, antequam ad consilium suum proferendum descendit. In vs. 623 seq. sententia fere qualis sup. I, 94 sq. et III,

Traxerit ad letum patriæ sub mœnibus ! o gens
 Infelix ! cui te exitio Fortuna reservat ? 625
 Septima post Trojæ excidium jam vertitur æstas :
 Cum freta, cum terras omnes, tot inhospita saxa
 Sideraque emensæ ferimur ; dum per mare magnum
 Italiam sequimur fugientem, et volvitur undis.
 Hic Erycis fines fraterni, atque hospes Acestes : 630
 Quid prohibet muros jacere, et dare civibus urbem ?
 O patria, et rapti nequidquam ex hoste Penates,
 Nullane jam Trojæ dicentur mœnia ? nusquam
 Hectoreos amnes, Xanthum et Simoënta, videbo ?

624 Traxerat Sprot. *Trojæ* sub Goth. sec. 625 exitium Gud. a m. pr. Witt.
 626 voleitur Menag. pr. 627 jam terras Rottend. tert. terras aberat a Voss., et mox
 erat saxis. Sane quidem saxa parum commode subjiciuntur, imprimis inter terras et si-
 dera. Puta tamen poetam litora commemorare voluisse, et quidem barbararum terrarum.
 628 ferimus nonnulli. Sed vid. Heins. ad III, 268. *tulimus* Rom. et Menag. pr., non
 improbane Burmanno. Sed alteram ex poetica consuetudine. 629 voleimus Dorvill.,
 fraude librariis sollenni. 630 Hic fr. E. fines Parrhas. 631 Quis passim in libris.
 Sed quid e melioribus præferunt Pier. Heins. Adde Romanota. At Medic. Qui et muro ;
 et a m. sec. Quis et muros. In Goth. tert. versus imperfectus erat relictus Quis prohibet
 muros ? 632 et abest a nonnullis. Duo Heins. O patrii. Apparet adeo ab initio O
 excidisse, mox diversimode suppletum ; et verum esse : O patria o rapti. Hoc etiam
 Macrob. VI Sat. 6 laudat. 633 ducentur alter Hamh., quod placet Burmanno. Sci-
 licet si ea communis librorum lectio fuisset, unusque contra dicentur exhibuisset, prætu-
 liasset ille vicissim hoc. dicentur est exquisite dictum pro erit, ut Homericum : οὐκ ἔτι
 κεκλῆσθαι ἀκρίτων. nunquam Rom. 634 H. manes Rom. et Sprot. a. m. sec. et abest a
 Montalb.

321. 626. *Septima post Trojæ exci-
 dium æstas.* Sic et I, 755. cf. Ex-
 curs. II ad lib. III. 628. "*Sidera*
*aut tempestates ait, quæ ortu vel oc-
 casu siderum sæpe nascuntur, aut*
provincias, quæ sideribus subjacent,
ut Ecl. X, 68 Æthiopum versemus
oves sub sidere cancri." Hæc Ser-
 vius. Exemplum quidem parum
 idoneum, sed de acceptione vocis h.
 I. in hunc sensum non dubito ; ut
 terras diversis cœli plagis subjectas
 intellexerit, post *freta, terras, saxa*, h.
 e. litora saxosa. Porro *emensæ feri-*
mur, plenius quam *emensæ sumus*.
 Mox *mare magnum* simpl. vastum,

immensum, nil amplius. *volvitur un-*
dis, graviter pro, navigamus. Non
 adeo dissimilia his versibus sunt inf.
 VI, 58 seq. *magnas obeuntia terras*
Tot maria intravi duce te, penitusque
repostas Massylum gentes, pratenta-
que Syrtibus arva (ut h. I. saxa):
Jam tandem Italiæ fugientis preñdi-
mus oras. 630. v. sup. ad v. 24. *ja-*
ccere muros, exquiste pro ponere,
 ducere ; ut vulgo *fundamenta jaci* di-
 cuntur. 634. *Hectoreos amnes*, exqui-
 sitius quam, Trojanos, ut et alias.
 Ad sensum versus cf. lib. III, 349
 sqq. scilicet, non continget, ut nova
 Troja alicubi nobis condatur? cf.

Quin agite, et mecum infaustas exurite puppes. 635
 Nam mihi Cassandræ per somnum vatis imago
 Ardentes dare visa faces. Hic quærite Trojam;
 Hic domus est, inquit, vobis. Jam tempus, agi res;
 Nec tantis mora prodigiis. En quatuor aræ
 Neptuno. Deus ipse faces animumque ministrat. 640
 Hæc memorans, prima infensum vi corripit ignem,
 Sublataque procul dextra connixa coruscat,
 Et jacit. Arrectæ mentes, stupefactaque corda
 Iliadum. Hic una e multis, quæ maxima natu,
 Pyrgo, tot Priami natorum regia, nutrix: 645
 Non Beroë vobis, non hæc Rhæteia, matres,
 Est Dorycli conjux. Divini signa decoris,
 Ardentesque notate oculos; qui spiritus illi,
 Qui vultus, vocisve sonus, vel gressus eunti.

635 *infaustas et mecum* tert. Rottend. 636 *per somnum Cass.* Goth. tert. et Latinius ad Stat. IV Theb. 133. *noctis imago* Montalb. 638 *nobis tres* Burmann, nunc ante Heins. cum uno Pier. *agit res Rom.* cum aliis Pier. et Statii Schol. *agit rem, prave, tempus agi, est agendæ rei.* Alii distinguunt: *Hic domus est, inquit; vobis jam t.* Dorrill. inquit, ubi tempus agi res. 640 *ipse sacer Parrhas.* flammamque ministrat Ven. a m. sec. et Rom. *animamque m., male, animum est consilium, inventum hoc.* At Pierius de audacia accipit; nec id male. 641 *subito inf.* Dorrill. *infestum* Medic. Pierii cum aliquot Burm. *incensum* Wall. et Witt. 642 *subnixa pr.* Hamb. *connixa* alter a m. sec. *connixa* Goth. sec. 643 *abrectæ, arreptæ* duo Burmann. 645 *Pyrgo, Phirgo* scribitur. Πύργος erat. *nat. maxima nutrix* Goth. tert. 646 *nobis sex* apud Burmann. *nobis Rh.* duo ibidem. *Rhæteia mater* duo alii, vitiose. 648. 649 *Splendentesque* n. Goth. sec. *quis et quis vel qui* et hic multi codd. et edd., ut passim alibi. v. Burm. co-

Excurs. I ad h. lib. 635. Somnium hoc præclarum et consilio accommodatum poetæ commentum. 639. *tantis prodigiis*, rei per somnum tam manifeste monstratæ. *aræ Neptuno.* Forte Anchisæ aras potius expectabas. Sed, ut nunc est, ante ludos funebres commissos sacra debent esse facta Neptuno, unde aris adhuc titiones ardentes suppetebant; dicas, quorum? forte ad placandum deum et secundam navigationem expetendam. Quorsum autem quatuor? Servius: *quatuor, quia singuli duces navium* (v.

sup. 115), *qui certaverant, singulas posuerant*—alii tamen dicunt a *Cloantho* esse positas, qui promiserat se daturum (sup. v. 223 sqq.). Adde Pompon. Sab. Non expedit equidem numeri causam, nec refert.

641—643. Ornata oratio, utpote in re, quæ mirationem facere debet. Est autem ea causâ poetæ cur ornaret, si phantasma aliquod in mentem alte descendere vult. *connixa coruscat et jacit* pro jacit simpl. Fert autem ita res, ut, dum vibras titionem, motu ipso flamma viresumat. 647

Ipsa egomet dudum Beroën digressa reliqui 650
 Ægram, indignantem, tali quod sola careret
 Munere, nec meritos Anchisæ inferret honores.
 Hæc effata.
 At matres primo, ancipites, oculisque malignis
 Ambiguæ, spectare rates, miserum inter amorem 655
 Præsentis terræ, fatisque vocantia regna:
 Quum dea se paribus per cælum sustulit alis,
 Ingentemque fuga secuit sub nubibus arcum.
 Tum vero attonitæ monstris, actæque furore,
 Conclamant, rapiuntque focis penetralibus ignem; 660
 Pars spoliant aras, frondem ac virgulta facesque
 Conjiciunt. Furit immissis Vulcanus habenis

cisque etiam multi cum Medic., item et gressus aliquot (v. Pier.). Copulativæ sane particulae, non disjunctivæ, requiruntur. Nondum tamen exploratum satis, an ipsi poetæ usum varjaverint. ut g. Goth. pr., et major pars euntis. 650 *degressa* tres ap. Burm. 651 quo aliquot Pier. quæ alii, non ineleganter. 652 *ferret* Exc. Burmann., sed *inferre* vocab. proprium. 653 *Est effata* Puget. *Hæc est fata* Dorvill., ut codd. ap. Pier. Totum hemistichium exciderat Goth. tert. Potest sane his verbis bene carere contextum. 654 *primum* Goth. sec. *maligna* Rom. 655 *Ambiguas* Wall. *Ambiguæ* Witt. 656 *terras* Rom. cum aliis Pier. *factisque* alter Hamburg. *vacantia* Zolich. a m. sec. 657 *Tum* Leid. et ed. Ven. cum Medic. Pierii et Erf. 659 *monstrisque* Parrhas. 660 *locis* alter Hamb. *socios* aberrat Goth. pr. 661 *frondesque* Hamb. pr. 662 *invisis* sec. Moret.

sq. cf. sup. Excurs. XIII ad I, 402. Servius ad h. l. *Non est dissuasio, ut quidam putant*, (scil. ne credant feminæ hanc esse Beroen neque ei fidem habeant) *sed magis hortatur persuadendo, numinis auctoritate*. Sed idem spiritum male de odore accipit. Nam ad dignitatem spectat: h. spiritus altus, magnus; sensus, adeoque gestus, et oris species, majestatem habens et numen. 651. *tali munere*, sacrificio et inferiarum cærimoniis tam sollempnibus; ut ipse poeta interpretatur: *nec meritos Anchisæ inferret* (voc. proprio) *honores*, inferias.

654—658. *oculis malignis*, h. l. simpl. torvis, transversis, quales alias maligni animi signum esse solent.

fatis vocantia regna, ut *fata* vocant, *terræ* vocant sup. I, 610; ita nunc exquisitius *regna* vocant *fatis*, oraculis, vel ex factorum ordine. *paribus*, pariter libratiss, *alis* v. sup. IV, 252. conf. Iliad. E, 778. *secuit arcum*, secando aerem fecit arcum, aut, quod malim, ductum ex *τρίμνεν ὀδόν*, *Σάλασσαν*, *ἀίρα*, petitum ab agrorum sulcis; ut sit, *incessit per arcum*. Nam per arcum, tanquam tramitem, evolare debuit. cf. sup. 609. 610.

659—663. *focis penetralibus*, focos penetrales dixit, qui in penetralibus (locis seu sacrariis) sunt; recte Donatus: ex interioribus partibus (domorum proximarum) incendia rapiabant. opp. *aræ* quatuor v. 639. 662.

Transtra per et remos et pictas abiete puppes.
 Nuntius Anchisæ ad tumulum cuneosque theatri
 Incensas perfert naves Eumelus; et ipsi 665
 Respiciunt atram in nimbo volitare favillam.
 Primus et Ascanius, cursus ut lætus equestres
 Ducebat, sic acer equo turbata petivit
 Castra; nec exanimis possunt retinere magistri. 669
 Quis furor iste novus? quo nunc, quo tenditis, inquit,
 Heu miseræ cives? non hostem, inimicaque castra
 Argivum; vestras spes uritis. En, ego vester
 Ascanius: galeam ante pedes projecit inanem,
 Qua ludo indutus belli simulacra ciebat.
 Accelerat simul Æneas, simul agmina Teucrûm. 675
 Ast illæ diversa metu per litora passim
 Diffugiunt; silvasque, et sicubi concava furtim
 Saxa, petunt. Piget incepti, lucisque; suosque
 Mutatæ agnoscunt, excussaque pectore Juno est.

663 *pictas abiete puppes* varie tentabat Jo. Schrader. *factas, textas, et aggere.* 664 *cumulum* alter Hamb. 666 *Perspiciunt* Goth. ult. in nubem Bigot. a m. sec., ex interpretatione. Forte in elegantius absit; sed in talibus nihil novandum: *quandoguidem vix certam aliquam rationem tenes.* 669 *exanimis* Medic. a m. pr. *mutatum* rubro in—es. 671 O m. Ven. *Huc m.* Goth. pr. *miseri* Wall. 672 *spes vestras* Rottend. sec. at v. *spes* Goth. sec. 674 *inductus* duo Burm. cum Goth. tert. *gerebat* Witt. *ciebant* Macrob. VI, 1. 675 *Accelerant* Montalb. et a m. pr. *God. Accidit s.* Franco. pro *Accedit*. Mox *agmine* Medic. a m. pr. 677 *Defugiunt* Sprot. *sicubi concava surgunt* Witt., non infelici errore. 678 *puget* Sprot., ex interpretamento. 679 *Mutatæ* Rom. *Agnoscunt mutatæ* Sprot. est abest a tribus Burm. et Goth. tert.

Præiverat jam Lucret. V, 784. 785 *Arboribusque datum est Crescendi magnum immixtis certamen habentis*; imitatus hoc Silius IV, 682. 683, adde XVII, 96. (ex) *abiete puppes*, (ἐξ ἰλάρης pro νῆες ἰλάριναι), *pictæ*, vel colore inductæ, ut ap. Homer. *μυλτοπάρηοι*, vel propter pictam tutelam in puppi aut parasemon in prora pictum. conf. Cerda et Heins.

664—669, *cuneos theatri*: locum consessus; v. sup. 287 sqq. 667. Ascanius, ut erat, cursum ad navale

convertit. *turbata castra*, classem, v. sup. III, 519. *magistri* 546. 562. Ascanio autem egregie aliquæ partes hac in re tribuuntur, cum ex personæ dignitate tum ex ætatis alacritate. Mox 674 *belli simulacra ciebat* Lucretianum est, ex II, 42. 324.

676—679. *diversa litora*, diversas litoris partes, ut toties alibi. *Piget hec*, ut IV, 451 *tudet cæli convexa tueri* occultant se pudore. *excussa pectore Juno*, præclare, furor a Junone injectus; ut *deus pectore accipit* dicitur.

Sed non idcirco flammæ atque incendia vires 680
 Indomitas posuere : udo sub robore vivit
 Stuppa vomens tardum fumum, lentusque carinas
 Est vapor, et toto descendit corpore pestis ;
 Nec vires heroum infusaque flumina prosunt.
 Tum pius Æneas humeris abscindere vestem, 685
 Auxilioque vocare deos, et tendere palmas :
 Jupiter omnipotens, si nondum exosus ad unum
 Trojanos, si quid pietas antiqua labores
 Respicit humanos, da flammam evadere classi
 Nunc, Pater, et tenues Teucrûm res eripe leto. 690
 Vel tu, quod superest, infesto fulmine morti,
 Si mereor, demitte, tuaque hic obrue dextra.
 Vix hæc ediderat, quum effusis imbris atra

680 *flammam* a m. pr. Medic. et Gud. *impendia* Rom. 681 *udo* sub pectore aliquot Pier. et sic pr. Hamb. *sub cortice* Parrhas. *duro sub robore* vulgg. ap. Macrob. VI, 6, sed et ibi Thuan. vet. *udo*. 682 *Stuppa* Medic. aliqui vetustiores scribant ; et est *στύπη*. *vomens* Hogen. *lentasque* c. duo Burm., male. *lentasque carinis* Hamb. pr. 685 *Tum pater* Sprot. *humerisque* pr. Hamb. *excindere* Medic. *abscidere* Menag. pr. Voss. pr. et Franc. (adde Romanum), ex perpetua variatione. conf. Heins. h. l. et v. sup. IV, 425. 590. Georg. II, 23. 689 *classes* Zulich. et codd. aliquot Pier. *classis* alii duo Burm. cum Goth. tert. *classem* Wall. a m. sec. vid. ad lib. VI, 67, et hæc recte : sed et vulgatum bene. 690 *Jam p.* Parrhas. *Teucrum tenues* Wall. *tenuis nunc res Teucrum* Ven. 692 *Si merui* Rottend. sec. *dimitte* multi, vitiose. *tnaque* h. o. d. *dēerat* hemistichium sec. Hamb. a m. pr. *tua meque obrue dextra* Uratisl. ne subjectam me desit ; numeris tamen paullo impeditis. *Arguteris, si quod superest, suppleas, e rebus Teucrorum, nam non conveniunt reliqua.* 693 e nubibus Goth. sec.

680—684. Ornati versus. *vires indomitas* ex Homericō *ἀκάματον πῦρ*. *udo* sub robore, sub materia desuper aquis injectis irrigata, *vivit* (pulcre pro durat, ignem alit) *stuppa*, qua coassatorum tignorum junctura stipata sunt. *vapor* pro flamma et igne, Lucretii exemplo, ut *ἀέρην* ap. Homer. conf. Guell. 685. *Æneam* reprehendebat vir doctus, quod ad preces otiosas confugit, cum auxilium navibus ferre deberet. Non meminerat v. 684 *Nec vires heroum infusaque flumina prosunt*. Præstruendum nunc erat prodigium et causa ido-

nea apponenda, cur imber effusus incendia extingueret.

688. *pietas* h. l. miseratio, qua miseriae humanas numen respicit. Mox *letum* docte pro excidio et interitu. Burmann. nimis argute : quia debebant verti in nymphas, quæ mori non debebant. Atqui de hoc prodigio Æneas cogitare non poterat. 691. 692. aut me fulmine feri : scil. ne exitium hoc adspiciam. Rebus omnibus amissis, classe amissa, nihil supererat, quam ut moreretur.

693—699. *sine more*, immodice. Satis illustrarunt viri docti v. c.

Tempestas sine more furit, tonitruque tremiscunt
 Ardua terrarum et campi; ruit æthere toto 695
 Turbidus imber aqua densisque nigerrimus austris;
 Implenturque super puppes; semiusta madescent
 Robora. Restinctus donec vapor omnis, et omnes,
 Quatuor amissis, servatæ a peste carinæ.
 At pater Æneas, casu concussus acerbo, 700
 Nunc huc ingentes, nunc illuc pectore curas
 Mutabat versans: Siculisne resideret arvis,
 Oblitus fatorum, Italasne capesseret oras.
 Tum senior Nautes, unum Tritonia Pallas

694 tremescunt fere omnes codd., ut alibi. v. ad III, 648. *fremescunt* Hugen. 695 Mediceus (a m. pr.) cum aliis, etiam binis Goth. et Erf., distinguunt et legunt: *Ardua terrarum, et campis* (Hugen. et campo) *ruit*. Male et jejune. Saltem, si sic distinguas, legendum: *et campi ruit æthere toto Turbidus imber*. In Goth. alt. aere. 696 *T. imber aquis* Hamb. alter. *aquam* Reg., ita erit: *ruit aquam*, at *ruit* active capiat. cf. inf. ad VIII, 63, et hoc Masvic. exhibuit, observante Burm., qui codd. auctoritati obtemperare maluit, qui aqua magno consensu habent. Ita quoque aqua et austris numeram suaviorem efficiunt, quam si aquam vel aquis esset. In Witt. distinctum erat: *terrarum, et campi ruit—imber, aqua densisque n. A.* 697 *Implenturque* Wall. *Implevitque* duo Burm. *semiusta* Heins. et hic prætalit; et sic Medic. alique. vid. sup. ad III, 578. 700 Et Medic. et Reg. 702 *Mutabat* duo Burm. hic ut alibi. v. III, 581. *jactans* tert. Rottend. *dubius* codex Pierian. propius ad vulgarem rationem. *versas* Goth. tert. *Siculis resideret in arvis* ed. Ven. Ceterum distinctionem inter *Mutabat, versans* sustali, ne ad orationem pedestrem res rediret. *Mutabat versans* est pleniore ore pro *versabat*. 730 *Italisme* Reg. *Italasve* Sprot. Sed *Italasne* pro an I. studiosè dixit; ut I, 308 *hominisme ferane. capesseret* aliquot ap. Burmann. *potceret* Ven. 704 *Cum* aliquot et hic ap. Heins. *Nautis* Gud. *vates* Goth. tert.

Drakenb. ad Silium XII, 449. Mihi videtur ita reddidisse poeta obvium illud apud Aratum aliosque: *ὅβ κατὰ κόσμον* h. e. *ἀπέρως*. At Servius: *sine exemplo* interpretatur, quem fere sequuntur alii. Mox *densis austris* pro nimbis, quos austri agunt; hoc imbre *desuper* implentur naves.

701. 702. Versat curas; quæ autem versantur, loco moventur et mutantur; hinc exquisite, *versans mutabat*. Homericum *διάνδιχα μερμήριζε*. Mox *capesseret* de consilio ac conatu.

704—708. Magni poetæ vim et indolem agnosce in hoc, quod rem, quam factam alius nude sine auctoritate et apparatione exposuisset, a

consilio prudentis alienius amici proficisci et ab Anchisæ umbra per somnum obiata Æneæ approbari facit; multo vero magis in eo, quod Nautæ persona utitur, cuius nomen non obscurum inter eos Trojanos fuit, a quibus Romanæ gentes originem repetebant. Fuit enim Nautia gens, apud quam Palladii cura remanserat, ortum ducens a Naute, vel Nautio, qui Minervæ Poliadis sacerdos Palladium secum Troja absportasse narrabatur. Res nota ex Dionys. Halic. VI, 69 (p. 393), et Servio ad h. l., qui Varronis de Familiis Trojanis liberos excitat. Hinc *Pallas* Nauten h. l. docuit, ut sæpe ap. Homerum a

Quem docuit, multaquē insignem reddidit arte, 705
 Hæc responsa dabat, vel quæ portenderet ira
 Magna deūm, vel quæ fatorum posceret ordo.
 Isque his Ænean solatus vocibus infit :
 Nate dea, quo fata trahunt retrahuntque, sequamur.
 Quidquid erit ; superanda omnis fortuna ferendo est.
 Est tibi Dardanius divinæ stirpis Acestes : 711
 Hunc cape consiliis socium, et conjunge volentem ;
 Huic trade, amissis superant qui navibus, et quos
 Pertæsum magni incepti rerumque tuarum est ;
 Longævosque senes, ac fessas æquore matres, 715
 Et quidquid tecum invalidum metuensque pericli est,

706 *Hæc r. dabat.* Salebrosa oratio, sequente imprimis *Isque his Æ.* Malim : *Hic* (Nautes) *responsa dabat*, dare solebat, super iis, quæ vel—vel. *Isque*—ut jungatur : *Tum senior Nautes infit* : sed interjecta alia ratione, *Isque*, *Is* inquam, subjectum est. Ita facile careas interpretum argutiis. Et est hic in qn. Moret. Emendationem nostram in contextum recepit Brück. *portenderet* Sprot. *pratenderet* alter Hamb. *portenderat* Erf. 708 *Atque his* video in vulgg. *Hisque* is Bigot. *Jamque his* pr. Hamb. *Hisque Ænean* Wall. *inquit* duo Burmann. Totus versus deerat Hugen. a m. pr. 710 *ferenda est* Wall. est deest duobus Burm. et binis Goth. Sed talia notare infinita res est. 711 *Est mihi* Goth. tert. 712 *consilii socium* pars codd. Pier. et Burmann. Doctius tamen dictum *socius consilii* videtur. *consilii comitem* Oudart. 714 *est abest* a multis. v. Burm. 716 *est abest* et hic a tribus.

diis artes edocti inducuntur. *unum*, quod plenius effertur : quem unum omnium maxime Pallas docuit. Nec novum hoc, quod Pallas vaticinandi artem impertitur. Habes exemplum in Tiresia ap. Callim. H. in Lav. P. 123 sqq. Igitur hic Nautes *responsa hæc dabat*, quæ mox exponit : *Nate dea*. Respondit autem et interpretando vaticinatus est ea, quæ vel ira deum portenderet vel fatorum ordo posceret, ostento hoc incensarum navium. Aut hæc est Pallas, quæ Naute subjicere solebat ea, quæ is vaticinaretur. Attamen in his aliquid duri esse, ad sensum facile est ; nec Pallas *responsa dare* solet. Itaque de v. 706. 707 cf. Var. Lect.

709—718. Adhibuit h. l. vatem

poeta ex vetustiore more, quo vatum ac prophetarum ipsorumque deorum responsa non ubique futuros eventus prædicunt, verum plerumque monitis, hortatibus, consiliis continentur. Sane bene et sapienter monendo haud raro futuros consiliorum aut contrarios eventus ante oculos ponimus : idque si ἐνθουσιῶν, magno cum spiritu ac motu animi aliquis facit, non mirum si in prædictionem res abiit. *superanda omnis fortuna ferendo* plenius quam *ferenda est omnis fortuna, divina stirpis*, nam Dardanus ex Jove natus et Electra Atlantis f. cf. sup. lib. III Excurs. VI, seu, quod forte præstat, quia mater cum ex Crimiso flumine susceperat. v. sup. 38. 39. 713. *superant qui amissis navibus* sunt qua-

Delige; et his habeant terris, sine, mœnia fessi:
Urbem appellabunt permisso nomine Acestam.

Talibus incensus dictis senioris amici.

Tum vero in curas animum diducitur omnes: 720

Et Nox atra polum bigis subvecta tenebat.

Visa dehinc cœlo facies delapsa parentis

Anchisæ subito tales effundere voces:

Nate, mihi vita quondam, dum vita manebat,

Care magis; nate, Iliacis exercite fati; 725

Imperio Jovis huc venio: qui classibus ignem

Depulit, et cœlo tandem miseratus ab alto est.

Consiliis pare, quæ nunc pulcherrima Nautes

Dat senior: lectos juvenes, fortissima corda,

717 Dilige scribitur in multis etiam hic. Delege Wall. et deest Ven. et his t. habeant sec. Rottend. fessis pr. Hamb. 718 adpellabant Gud. a m. pr. cum binis Goth. promissæ nomine Rom. cum plerisque Pier., sed paucis ex Heinsianis. præmisso tert. Rottend. Sed permissio Medic. cum ceteris, quatenus permissum Acestæ, de suo nomine appellam novam urbem; etsi a Trojanis, qui cum Ænea venerant, habitatam, adeoque ab Ænea conditam; qui invidendus olim in coloniis deducendis habebatur honos. Mox Acestæ nonnulli vel ut Rom. Acestem, minus bene. Acesta, unde Segesta facta, ut sup. v. 52 Mycena occurrebat. 719 accensus aliquot Pier. et duo Heins. incensus Menag. senioris Acestæ Parrhas. Nullus codex subiicit in fine est. Parum vero expolita junctura anaborum versuum, qui se excipiant. 720 animum d. græca ratione post Ge. Fabricium restituit Heins. ex suorum codd. parte, et Probo Grammat. Vulgo animus. Rom. Medic. cum vetustioribus aliis it. Erf. animo. Porro idem Rom. cum plerisque Pier. Heins. et Burm. deducitur, quod hic ferri possit; sed alterum τὸ διὰ διχὰ μετὰ μετὰ melius representat. animum d. omnem Hamburg. alter pro var. lect., quod Heinsio arridet, non mihi. 721 advecta alter Hamb. a m. pr. Male. cf. Burm. 722 facies cælo duo Burmann. et Rom. cum uno Goth. et. Erf. 723 A. et subito Parrhas. voces e. tales aliquot Pier. 724 quondam vita alter Goth. vitæ Rom. 726 hic Mentel. pr. veni pr. Rottend. 727 tandem cælo aliquot Pier. et pr. Hamb. 728 nunc quæ et mox p. Nantes alter Hamb. votes Montalb., quod ferri possit; sed idem librarii lapsus supra notatus v. 704. 729 lectos j. Gud. a m. pr. cum binis aliis, perpetuo lapsus. Dat i. lectis juvenum Wall.

tuor crematarum navium copiae. 718.

Acesta, nota urbs Egesta et Ægesta, vulgo Segesta: quam poeta nunc ab Ænea, comitibus, quos in Sicilia reliquerat, in eam conscriptis, conditam narrat; v. mox v. 755 sq.; nomine tamen non ab Ænea, sed ab Acestæ, imposito. vid. Excurs. I. ad h. lib.

721. De h. v. cf. Excurs. ad lib. II, 8, 9. Poetis Nox iter per cœlum faciens media nocte culmen cœli tenet:

ut sol medio die. 722—730. Quod non nisi Anchisæ auctoritate inclinatur ad Nautæ suasionem amplectendam Æneas, id toti consilio condendæ coloniæ Trojanæ auctoritatem ac dignitatem magnam conciliat. facies est εἰδωλον, simulacrum. cælo delapsa, ad sensum nostrum, de iis, quæ subito apparent; nam ipse Anchises in Elysio degit 733. 4. 726. Διὸς δὲ τοῖ ἀγγέλους εἶμι, Iliad. B, 27.

Defer in Italiam. Gens dura atque aspera cultu 730
 Debellanda tibi Latio est. Ditis tamen ante
 Infernas accede domos, et Averna per alta
 Congressus pete, nate, meos. Non me impia namque
 Tartara habent, tristes umbræ; sed amœna piorum
 Concilia Elysiumque colo. Huc casta Sibylla 735
 Nigrarum multo pecudum te sanguine ducet.
 Tum genus omne tuum, et, quæ dentur mœnia, disces.
 Jamque vale. Torquet medios Nox humida cursus;
 Et me sævus equis Oriens afflavit anhelis.
 Dixerat: et tenues fugit, ceu fumus, in auras. 740

730 *Difer* Franc. *horrida cultu* Parthas. 731 *est abest* a Ven. et Goth. sec. *Dictis* Dorvill. *tamen ante* Ditis alter Hamb. 732 *accende* Medic. a m. pr. 733 *Amplexus* plerique Pier. et duo Heins. *Complexus* un. Goth. sex Heins. unus Barm. Duo alii *Complexus*. 734 *tristes umbræ* bene Heins. cum antiquissimis Pier. et suis. In Medic. a m. sec. *ne insertum*; et sic plures: *tristesve*. Ita *umbræ* de locorum inferiorum altera parte cum Spencio accipienda esset. Volgg. *tristesque*. *sed am. colorum* pr. Hamb. a m. sec., an locorum voluit? 736 *Nigrantum* ed. Junt. *pecudum cum* Ven. 737 *Tu* g. Goth. tert. 738 *currus* Serv. ad Æn. I, 108. 740 *tenuis* dubitat Barm., utrum

Ω, 173. cf. sup. IV, 268. 730. *Gens dura*, vide inf. IX, 603—613. *Aspera cultu*, quæ cultu, habitu, vita aspera, fera, utitur. Ut apud Horatium *feri cultus hominum recentum dicti* sunt: I, 10, 2. ubi cf. Mitscherl.

731—737. Hujus ad inferos aditus prima semina jam lib. III, 441 sqq. in Heleni vaticinio jecerat; nunc paullo majore expectatione lectoris animum erigit. Dicas forte; quid tandem necesse fuit, ut Æneas ad loca infera, ut conveniret patrem, vocaretur, cum pater hoc ipso somnio ac viso monere et exponere ipsi omnia illa in Elysio docenda potuisset. Causa in promptu est: nec in viso nocturno tam amplus rerum ordo recte exponi potuisset, et excidissent tum illa omnia, quibus liber VI de descensu ad inferos inter potiores et diviniore carminis partes haberi me-

ruit. *Averna*, forte stagna, jam ibidem vidimus v. 442 pro lacu Averno; ut *Tartarus* et *Tartara*. conf. Serv. 735. v. inf. VI, 243 seq. 737. y. ibid. 756 sqq. *mœnia* ibid. 782.

738—745. Nox ad altissimum mediumque cœli culmen evecta jam declivi via fertur. cf. v. 721.—739. *Dixerat* jam Georg. I, 250 *Nosque ubi primus equis Oriens afflavit anhelis* ad quæ v. Not. Sentit Umbra orientis solis primos accessus, diluculo subeunte. Re ad sollennem Solis cursum et equos revocata, sentit equos Solis appropinquantes et jamjam sibi imminentes afflare se. Circensis cursus frequens spectaculum, equus equum, cui imminabat, anhelitu et spuma urguens: conf. Iliad. ψ, 380. Georg. III, 111. *sævus*, qui lucis usum eripit Umbris, quas sub ortum diei ad inferos redire fas est. 740. Ut sup. II, 791 *tenuisque recessit in*

Æneas, Quo deinde ruis? quo proripis? inquit,
 Quem fugis? aut quis te nostris complexibus arcet?
 Hæc memorans cinerem et sopitos suscitât ignes;
 Pergameumque Larem, et canæ penetralia Vestæ,
 Farre pio et plena supplex veneratur acerra. 745

Extemplo socios primumque arcessit Acesten,
 Et Jovis imperium et cari præcepta parentis
 Edocet, et quæ nunc animo sententia constet.
 Haud mora consiliis, nec jussa recusât Acestes.
 Transscribunt urbi matres, populumque volentem 750
 Deponunt, animos nil magnæ laudis egentes.

ad fumus an ad auras referendum sit. Melius, auras tenues accipere, tanquam magis poeticum. Sic Georg. IV, 499. ubi res liquida. 741 Ordo est, ait Serv.: *Æneas deinde, quo ruis?* cf. I, 195. III, 609. IV, 561. 742 Quo Parrhas. Quid multi Pier. et Burm. te a nostris duo Burm. et ed. Ven. aut quisnam mihi te c. Parrhas. c. aufert Bigot. 743 cineres tres Burm. excitât Ven. 745 supplex plena Wall. 746 accersit male edd. ante Heins. accessit ed. D. Heins. cum binis Goth. 747 clari Bigot. 748 i. surgat pr. Moret., ut IX, 191. I, 582. sed v. Heins. sup. ad v. 486, ubi poetam in his variandæ orationis studiosum fuisse docet. Alibi est: *quæ sit sententia mentis. Sedet sententia* VII, 611. IX, 220. XI, 551. 749 Nec m. cons. n. jura Wall. 751 nec magnæ Dorvill. agentes Parrhas. probante Heumanno; atqui hoc vulgare satis esset. Neque laus h. l. virtus est; sed gloria ex magna virtute et rebus gestis. cf. Burm. τὸ κέρδος.

auras. In 743 rem exilem ornate efferrî observa: interea ignem accendit. 744. 745. Etiam hæc ornate: Penatibus ac Vestæ mola salsa ac thure supplicat. Larem nonnulli de Anchisæ umbra accipiunt, quandoquidem patrum animæ pro Laribus habitæ sunt; sed hoc argute magis quam vere, et obstat, quod *Pergameum* dixit. Alii ipsam Vestam intelligunt; quod durum est, nec Vestam per Larem declarari aut inter Lares referri vidi. Malim de *Penatibus* accipere, qui pro Lare Trojæ omnino haberi, atque ita poetæ appellari poterant. conf. similem locum sup. III, 148 sq. 176. 177. Adde II, 293 sq. et ibi Excurs. Lares autem et Penates permutari solenne est. *penetralia Vestæ* pro *Vesta* dixit, quæ

intima ædium parte, velata et ab hominum adpectu intacta, servabatur. Æneam itaque cogita ad hoc ædium penetrale conversum sacra fecisse. *cana Vesta*, vel propter antiquam religionem, ut I, 292 *cana Fides*, vel quod e senioribus diis, qui jam ante Jovis pueri regnum cœlum tenuerunt, una est. Res ex theogoniis nota. Quod poeta *thuris* usum heroicis temporibus tribuit, in eo suis magis temporibus quam rei veritati obtemperat. *Iliacis temporibus*, notum est ex Plinio, nec *thure supplicabatur*. De quo conf. Cerda.

750. 751. Ornati versus dilecta verborum. *Transscribere Romani*, ait Servius, *moris verbum est: transcripti enim in colonias ducebantur*. Potius ita dicendum: qui deducendi, ex vetere

Defer in Italiam. Gens dura atque aspera cultu 730
 Debellanda tibi Latio est. Ditis tamen ante
 Infernas accede domos, et Averna per alta
 Congressus pete, nate, meos. Non me impia namque
 Tartara habent, tristes umbræ; sed amœna piorum
 Concilia Elysiumque colo. Huc casta Sibylla 735
 Nigrarum multo pecudum te sanguine ducet.
 Tum genus omne tuum, et, quæ dentur mœnia, disces.
 Jamque vale. Torquet medios Nox humida cursus;
 Et me sævus equis Oriens afflavit anhelis.
 Dixerat: et tenues fugit, ceu fumus, in auras. 740

730 *Difer* Franc. *horrida cultu* Parrhas. 731 *est abest* a Ven. et Goth. sec. *Dictis* Dorvill. *tamen antea* Ditis alter Hamb. 732 *accende* Medic. a m. pr. 733 *Amplexus* plerique Pier. et duo Heins. *Complexus* un. Goth. sex Heins. unus Barm. Duo alii *Complexus*. 734 *tristes umbræ* bene Heins. cum antiquissimis Pier. et suis. In Medic. a m. sec. *re insertum*; et sic plures: *tristesque*. Ita *umbra* de locorum inferiorum altera parte cum Spencio accipienda esset. Vulgg. *tristesque*. sed *am. colorum* pr. Hamb. a m. sec., an locorum voluit? 736 *Nigrantum* ed. Jant. *pecudum cum* Ven. 737 *Tu* Goth. tert. 738 *currus* Serv. ad Æn. I, 108. 740 *tenuis* dubitat Barm., utrum

Ω, 173. cf. sup. IV, 268. 730. *Gens dura*, vide inf. IX, 603—613. *Aspera cultu*, quæ cultu, habitu, vita aspera, fera, utitur. Ut apud Horatium *feri cultus hominum recentum* dieti sunt: I, 10, 2. ubi cf. Mitscherl.

731—737. Hujus ad inferos aditus prima semina jam lib. III, 441 sqq. in Heleni vaticinio jecerat; nunc paullo majore expectatione lectoris animum erigit. Dicas forte: quid tandem necesse fuit, ut Æneas ad loca infera, ut conveniret patrem, vocaretur, cum pater hoc ipso somnio ac viso monere et exponere ipsi omnia illa in Elysio docenda potuisset. Causa in promptu est: nec in viso nocturno tam amplius rerum ordo recte exponi potuisset, et excidissent tum illa omnia, quibus liber VI de descensu ad inferos inter potiores et diviniore carminis partes haberi me-

ruit. *Averna*, forte stagna, jam ibidem vidimus v. 442 pro lacu Averno; ut *Tartarus* et *Tartara*. conf. Serv. 735. v. inf. VI, 243 seq. 737. v. ibid. 756 sqq. *mœnia* ibid. 782.

738—745. Nox ad altissimum mediumque coeli culmen everta jam declivi via fertur. cf. v. 721.—739. Dixerat jam Georg. I, 250 *Nosque ubi primus equis Oriens afflavit anhelis* ad quæ v. Not. Sentit Umbra orientis solis primos accessus, diluculo subeunte. Re ad sollennem Solis cursum et equos revocata, sentit equos Solis appropinquantem et jamjam sibi imminentes afflare se. *Circensis* cursus frequens spectaculum, equus equum, cui imminebat, anhelitu et spuma urgens: conf. Iliad. Ψ, 380. Georg. III, 111. *sævus*, qui lucis usum eripit Umbris, quas sub ortum diei ad inferos redire fas est. 740. Ut sup. II, 791 *tenuisque recessu* in

Jamque dies epulata novem gens omnis, et aris
 Factus honos: placidi straverunt æquora venti,
 Creber et adspirans rursus vocat Auster in altum.
 Exoritur procurva ingens per litora fletus; 765
 Complexi inter se noctemque diemque morantur.
 Ipsæ jam matres, ipsi, quibus aspera quondam
 Visa maris facies, et non tolerabile nomen,

763 *teauerunt* Uratisl. 766 *Complexique* Franc. 767 *Ipsæ j. m. ipsæ, q. quatuor* Burm., et sic ap. Nonium. 768 *nomen*. Adeo fluctuat criticorum opera in melius, ut, quod alter reposuit, alter rejiciat, rejectum alius reducat. Quo ipso apparet, nihil magis improbandum esse quam temerariam lectionis mutationem. Vulgo editum est *numen*. Heins. e Nonio et Medic. a m. pr. reposuerat *nomen*. Revocavit Burmann. *numen*, nulla tamen, quod expectabas, explicatione vel illustratione adjecta. Nec quicquam melius suppeditant membrane. Nam quod in utroque Hamb. adscriptum pro *vix. lect. vel lumen*, perperam factum. Romanus: *non tolerabile cælum*; sic et Parrhas., quod per se bonum sensum habet, modo memineris cælum esse tempestatem, cujus, puto, navigantium plurimum interest. Hoc quidem, si de meo aut sensu aut judicio queritur, præferam; habet enim auctoritatem idoneam; est poetica oratione dignum; notio cæli est accommodata navigationi; *mare et cælum* junctim memorari solenne est; qui mare horret, horret quoque cælum, atris nubibus obductum et ventis turbatum; ejus adspectus adeo esse potest terribilis et intolerabilis; ergo nunc, quibus *mare visum asperum et non tolerabile cælum* omni modo convenire videri potest. Videtur sanè lectio: *numen*, aliquid reconditi habere; sive tamen *numen maris* ad Neptunum ac deos marinos trahi velis, sive *numen* ad fata, vaticiniis et auguriis monstrata, et ad fortunam, statum, conditionem per illa destinatam, referas (uti v. c. III, 363 *cuncti suaserunt numine divi*; jam autem supra fata accusant, tanquam dura et crudelia); neutrum cum loci sententia comparatum satis idoneum esse, aut *numen non tolerabile* bene dici, comperies. *Numen*, *δαίμων*, de fortuna dici, sententia eo ducente, nemo dubitet; at enim *numen intolerabile* offendit per se; tum non convenit cum reliquis: *quibus mare visum asperum et fortuna visa est intolerabilis*. *Mare* et *fortuna* non amice consociari videntur: quod terrere poterat, erat recordatio ærumnarum et discriminum *maris calique* vicissitudinibus provenientium. Cum itaque versemur in voce tot librorum ludibriis obnoxia, *nomen*, *numen*, *lumen*, *cælum*, Heinsium deserere nolui, quem et Brück. recte secutus est, reduxique adeo *nomen*; quod bene sentio ad dignitatem epicam haud assurgere, sensum tamen habet expeditum: *mare adpectu dictuque intolerabile visum*.

lucō sacro constituitur. *tumulo Anchiseo*: qui consecratus pro fano est. τὸ Ἀγχισίου. *lucus* est τὸ τίμιον. De *Idalia Venere* v. ad I, 680 sq.

762—764. Intellige, consecrando Anchisæ sacello per novem dies fuisse sacra facta: *aris factus honos*. Sup. v. 64 et 104 luctu per novem dies continuato, nono die fiebant sacra et ludi. Ita et ap. Romanos *novendiale sacrum* duplici modo dictum esse videtur, aliter in prodigiis procurandis, quod factum per novem dies, aliter in funere nono die. Cete-

rum inferiarum ritum ab Æneæ parentali sacro repeterunt vulgo Romani, ut intelligas ex Ovid. Fast. II, 543 seq.—*creber adspirans auster*. Scilicet *creber* primitiva vi, increscens. *Crebrescunt optatæ auræ* sup. III, 530. Ad totum locum confert Valer. Flac. cum lib. I, 312 sqq. Pomponius. Adde locum hinc expressum Statii in discessu Achivorum lib. IV, 16 sq.

767—769. Egregie ad humanitatem levitatem et inconstantiam! cf. eund. Statium 22 sq. *nomen* ut ne auditu quidem tolerabile esset, vid.

Ire volunt, omnemque fugæ perferre laborem.
 Quos bonus Æneas dictis solatur amicis, 770
 Et consanguineo lacrimans commendat Acestæ.
 Tres Eryci vitulos, et Tempestatibus agnam,
 Cædere deinde iubet, solvique ex ordine funem.
 Ipse, caput tonsæ foliis evinctus olivæ,
 Stans procul in prora pateram tenet, extaque salsos
 Porricit in fluctus, ac vina liquentia fundit. 776
 Prosequitur surgens a puppi ventus euntes.
 Certatim socii feriunt mare, et æquora verrunt.

769 omnesque Ven. proferre Sprot. 770 affatus a. tert. Rottend. a m. sec. 771 lacrimis Menag. pr. Acesti sec. Rottend. 772 agnos Medic. 773 Cadi Parrhas., sed vid. Burm. solvique Bigot. cum Goth. tert. funem bene cum Pier. recepit Heins. ex codd. Vulgo funes, minus docte. 774 tonsat Franc. 775 Trans procul Longobard. Pierii. in proram alii ap. eundem, et Sprot. Tandem codicum pars apud Pier. Heins. Burm. cum pr. Goth. Stans celsa in puppi. Hoc defendas ex Apollonii loco, in notis laudato, ubi κατὰ πρόμακον victima mactatur; et in puppi alias tutela erat; et similiter sacrum diis marinis sit sup. III, 527, ubi Anchises libando—*dicosque vocavit Stans celsa in puppi.* (add. Hymn. in Diosc. (XXXI) 10.) Sed Burmannus ex isto alisque locis (Æn. VIII, 680. X, 261. quæ tamen aliena a re sunt) repetitum id ipsum esse censet; secundum Heinsianam observationem de studio Virgiliano talia variandi: quam vid. ad Ecl. V, 37. et ad V, 486. pateras ed. Ven. 776 Projicit vel Proicit fere codd.; defendit hoc et h. l. Benedictus. cf. ad v. 238. jam vina Wall. liquantia Hamb. sec. 777 Hunc versum sequenti subijciunt Mentel. et Gud. 778 aquore Exc. Burmann. vertunt Rottend. sec. Goth. sec., ut alibi quoque.

Var. Lect. et fuga, ut jam sæpe pro erroribus. Mox lacrimans bene ex persona pii Æneæ. Consanguineus autem est ejusdem gentis, conf. Burm.

772. Eryci tanquam heroi v. sup. 392. 402. 412 sqq. et Excurs. II. Tempestatibus. Nota res vel ex Horat. Epod. 10 extr. conf. Cerda h. l. et sup. III, 120 Nigram Hiemi pecudem, Zephyris felicibus albam mactat. 773. λύσασθαι τὰ πεισμάτα v. c. Orphic. 1239 et al. sup. III, 639 fugite atque ab litore funem Rumpite et ibid. 667 nos—*tacitique incidere funem. ex ordine*, simpliciter pro deinceps, καθεξῆς, ἐπεξῆς. Georg. III, 341 Sæpe diem noctemque et totum ex ordine mensem Pascitur. Sic quoque Georg. IV, 507, et inf. VII, 139, ut priore re cæ-

pedita continuo ad alteram progressi sint. Certe viri docti subtilitate in ἐπισχερῶ interpretando hic nil proferis. Etiam Serviana ratio nimis docta, *Jubet cedere ex ordine, id est, rite peragi sacrificium.*

774—778. Sollemnis sacrificandi mos pro secunda navigatione. loca illustrantia affert Cerda. Præivit Apollon. IV, 1595 sqq. tonsæ olivæ, ut tonsa corona sup. 556, ornat epitheton; nam, dum corona fit, oleæ frondes decerpi, eamque tonderi necesse est. Servius et hic nimia cum subtilitate *comtam, minutis frondibus*, interpretatur. Salmasius diversos vocis usus miscet, ut solet. Cur tamen oleagineam coronam poeta nunc memoret, non exputo aliam rationem,

Jamque dies epulata novem gens omnis, et aris
 Factus honos: placidi straverunt æquora venti,
 Creber et adspirans rursus vocat Auster in altum.
 Exoritur procurva ingens per litora fletus; 765
 Complexi inter se noctemque diemque morantur.
 Ipsæ jam matres, ipsi, quibus aspera quondam
 Visa maris facies, et non tolerabile nomen,

763 *teuerunt Uratisl.* 766 *Complexique Franc.* 767 *Ipsæ j. m. ipsæ, q. quatuor* Burm., et sic ap. Nonium. 768 *nomen.* Adeo fluctuat criticorum opera in multis, ut, quod alter reposuit, alter rejiciat, rejectum alius reducat. Quo ipso apparet, nihil magis improbandum esse quam temerariam lectionis mutationem. Vulgo editum est *numen*. Heins. e Nonio et Medic. a m. pr. reposuerat *nomen*. Revocavit Burmann. *numen*, nulla tamen, quod expectabas, explicatione vel illustratione adjecta. Nec quicquam melius suppeditant membranae. Nam quod in utroque Hamb. adscriptum pro var. lect. vel *lumen*, perperam factum. Romanus: *non tolerabile cælum*; sic et Parrhas., quod per se bonum sensum habet, modo meminere cælum esse tempestatem, cojns, puto, navigantium plurimum interest. Hoc quidem, si de meo aut sensu aut judicio quaeritur, preferam; habet enim auctoritatem idoneam; est poetica oratione dignum; notio *cæli* est accommodata navigationi; *mare et cælum* junctum memorari solenne est; qui mare horret, horret quoque cælum, atris nubibus obductum et ventis turbatum; ejus aspectus adeo esse potest terribilis et intolerabilis; ergo nunc, quibus *mare visum asperum et non tolerabile cælum* omni modo convenire videri potest. Videtur sane lectio: *numen*, aliquid reconditi habere; sive tamen *numen maris* ad Neptunum ac deos marinos trahi velis, sive *numen* ad fata, vaticiniis et auguriis monstrata, et ad fortunam, statum, conditionem per illa destinata, referas (uti v. c. III, 363 *cuncti suaserunt numine divi*; jam autem supra fata accussant, tanquam dura et crudelia); neutrum cum loci sententia comparatum satis idoneum esse, aut *numen non tolerabile* bene dici, comperies. *Numen, ðalæna*, de fortuna dici, sententia eo ducente, nemo dubitet; at enim *numen intolerabile* offendit per se; tum non convenit cum reliquis: quibus *mare visum asperum et fortuna visa est intolerabile*. *Mare et fortuna non avice consociari videntur*: quod terrere poterat, erat recordatio ærumnarum et discriminum *maris cælique* vicissitudinibus provenientium. Cum itaque versemur in voce tot libreriorum ludibriis obnoxia, *nomen, numen, lumen, cælum*, Heinssium deserere nolui, quem et Brünck. recte secutus est, reduxique adeo *nomen*; quod bene sentio ad dignitatem epicam haud assurgere, sensum tamen habet expeditum: *mare adspectu dictumque intolerabile visum*.

lucō sacro constituitur. *tumulo Anchiseo*: qui consecratus pro fano est. τὸ Ἀγχισίων. *lucus* est τὸ τίμιον. De *Idalia Venere* v. ad I, 680 sq.

762—764. Intellige, consecrando Anchisæ sacello per novem dies fuisse sacra facta: *aris factus honos*. Sup. v. 64 et 104 luctu per novem dies continuato, nono die fiebant sacra et ludi. Ita et ap. Romanos *novendiale sacrum* duplici modo dictum esse videtur, aliter in prodigiis procurandis, quod factum per novem dies, aliter in finire nono die. Cete-

rum inferiarum ritum ab *Æneæ* parentali sacro repetierunt vulgo Romani, ut intelligas ex Ovid. Fast. II, 543 sq.—*creber adspirans auster*. Scilicet *creber* primitiva vi, increscens. *Crebrescunt optata aura* sup. III, 530. Ad totum locum confert Valer. Flac. cum lib. I, 312 sqq. Pomponius. Adde locum hinc expressum Statii in discessu Achivorum lib. IV, 16 sq.

767—769. Egregie ad humani animi levitatem et inconstantiam! effund. Statium 22 sq. *nomen* ut ne auditu quidem tolerabile esset, vid.

Ire volunt, omnemque fugæ perferre laborem.
 Quos bonus Æneas dictis solatur amicis, 770
 Et consanguineo lacrimans commendat Acestæ.
 Tres Eryci vitulos, et Tempestatibus agnam,
 Cædere deinde jubet, solvique ex ordine funem.
 Ipse, caput tonsæ foliis evinctus olivæ,
 Stans procul in prora pateram tenet, extaque salsos
 Porricit in fluctus, ac vina liquentia fundit. 776
 Prosequitur surgens a puppi ventus euntes.
 Certatim socii feriunt mare, et æquora verrunt.

769 omnesque Ven. proferre Sprot. 770 affatus a. tert. Rottend. a m. sec. 771 lacrimis Menag. pr. Acesti sec. Rottend. 772 agnos Medic. 773 Cædi Parrhas., sed vid. Burm. solvitque Bigot. cum Goth. tert. funem bene cum Pier. recepit Heins. ex codd. Vulgo funes, minus docte. 774 tonsat Franc. 775 Trans procul Longobard. Pierii. in proram alii ap. eundem, et Sprot. Tandem codicum pars apud Pier. Heins. Burm. cum pr. Goth. Stans celsa in puppi. Hoc defendas ex Apollonii loco, in notis laudato, ubi κατὰ πρόμας; victima mactatur; et in puppi alias tutela erat; et similiter sacrum diis marinis fit sup. III, 527, ubi Anchises libando—*diotisque vocavit Stans celsa in puppi.* (add. Hymn. in Diosc. (XXXI) 10.) Sed Burmannus ex isto aliisque locis (Æn. VIII, 680. X, 261. quæ tamen aliena a re sunt) repetitum id ipsum esse censet; secundum Heinsianam observationem de studio Virgiliano talia variandi: quam vid. ad Ecl. V, 37. et ad V, 486. pateras ed. Ven. 776 Projicit vel Proicit fere codd.; defendit hoc et h. l. Benedictus. cf. ad v. 238. jam vina Wall. liquantia Hamb. sec. 777 Hunc versum sequenti subjiciunt Mentel. et Gud. 778 aquare Exc. Burmann. vertunt Rottend. sec. Goth. sec., ut alibi quoque.

Var. Lect. et fuga, ut jam sæpe pro erroribus. Mox lacrimans bene ex persona pii Æneæ. Consanguineus autem est ejusdem gentis, conf. Burm.

772. Eryci tanquam heroi v. sup. 302. 402. 412 sqq. et Excurs. II. Tempestatibus. Nota res vel ex Horat. Epod. 10 extr. conf. Cerda h. l. et sup. III, 120 Nigram Hiemi pecudem, Zephyris felicibus albam mactat. 773. λίσσασθαι τὰ πλοῦματα v. c. Orphic. 1239 et al. sup. III, 639 fugite atque ab litore funem Rumpite et ibid. 667 nos—tacitque incidere funem. ex ordine, simpliciter pro deinceps, καθ' ἑξῆς, ἑξῆς. Georg. III, 341 Sape diem noctemque et totum ex ordine mensem Pascitur. Sic quoque Georg. IV, 507, et inf. VII, 139, ut priore re ex-

pedita continuo ad alteram progressi sint. Certe viri docti subtilitate in περισχρῶ interpretando hic nil profeceris. Etiam Serviana ratio nimis docta, Jubet cædere ex ordine, id est, rite peragi sacrificium.

774—778. Sollemnis sacrificandi mos pro secunda navigatione. loca illustrantia asserit Cerda. Prævit Apollon. IV, 1595 sqq. tonsæ olivæ, ut tonsa corona sup. 556, ornat epitheton; nam, dum corona fit, olivæ frondes decerpi, eamque tonderi necesse est. Servius et hic nimia cum subtilitate comtam, minutis frondibus, interpretatur. Salmasius diversos vocis usus miscet, ut solet. Cur tamen oleagineam coronam poeta nunc memoret, non exputo aliam rationem,

At Venus interea Neptunum exercita curis
 Alloquitur, talesque effundit pectore questus : 780
 Junonis gravis ira, nec exaturabile pectus,
 Cogunt me, Neptune, preces descendere in omnes :
 Quam nec longa dies, pietas nec mitigat ullā ;
 Nec Jovis imperio fatisve infracta quiescit.
 Non media de gente Phrygum exedissee nefandis 785
 Urbem odiis satis est, nec pœnam traxe per omnem
 Reliquias : Trojæ cineres atque ossa peremtæ

780 *effudit* tres Burm. p. voces Zulich. cum Goth. sec., facili lapsu. 781 *nec exaturabile* Heins. reposuit ex Medic. ceterisque omnibus, etiam Pierianis, qui vel *nec* vel *neque* *ex*, uno Montalb. excepto, exhibent. *nec insaturabile* Ven. vulgg. et *inexaturabile*. Displacet vero *pectus* post *pectore*. Jo. Schrader. conj. *numen*. 782 *ad omnes expressam* in Servio. 784 *fatisque* Rom. Medic. cum aliis, et sic majorem vim inesse Pierius censebat. *fatisque invicta* pr. Mentel. pro var. lect. 785 *excidisse* fragm. Vatic. cum pr. Moret. a m. sec. et pr. Rottend. ac Parrhas.; hoc forte magis placet, quia potentius, idemque usitatus. Alterum tamen librorum auctoritas defendit; habendamque adeo voc. exquisitius, etsi minus gratum. An poeta respexit illud Homericum *ἔκβροτον ἡγλαῖον* sq. de Junonis odiis Iliad. Δ, 34 sq. 786 *nec p. traxe per o.* Hanc ex Rom. et aliquot aliis codd. firmatam a Pierio et a Ge. Fabricio lectionem Heinsius merito retinuit. Vulgo *traxisse*, ut in Mediceo quoque a pr. m. Cumque ita versus laboraret, nec omissum; alii in alium locum adscripserunt; Parrhas. omisit *est*: duo etiam *transisse*, nova corruptela. *nec p. exisse* Sprot. *rexisse* Puget. Celerum scribitur *traxe*, *trasse*, *trasse*; fragm. Vatic. *traxere*, et obducto *re* superser. *isse*. Inter edd., Aldd. pr. *trasse* habebant; cum Egnat. inductum *traxisse* a Naugerio. Porro *per omnes* R. Gud. et Menag. pr. Erf. 787 *peremta* duo Burm. parentum qu. Moret. Torkel Baden ad Senecæ Herc. fur. p. 32 malit interpungere: *nec pœnam traxe per omnem. Reliquias Trojæ, cineres atque ossa, peremta Insequitur.*

quam quod, ut poeta, epitheton pro lubitu apponebat. Quod stat in pro-
 ra (fortè quia sub discessum e portu,
 cum alias in puppi sacra fiant) et totum sacri ritum ex h. l. tenebis: est enim classicus in hoc sacrorum more. *Porricit*, vidimus jam sup. v. 238, e Cloanthi votis: *Extaque salsos porriciam in fluctus*, vocab. sacrum ac proprium.

779 sqq. Quod in historica narratione simpliciter extuleris: secundo vento Cumas deferuntur Trojani: id nunc poeta inde ad f. libri ornat decorum interventibus ac consiliis; quibus tempus hoc tanto magis nunc indigebat, quo minus alias intelligi potuisset, cur Juno nullam novam

nunc moram accessui in Italiam injecerit.

780—784. *effundit pectore questus.* Enniana formula. Ad 781 comparant Callim. in Del. 106, sq. 221, nescio quam bene. Junctura durior seqq. 783. 784. verss., in pedestri oratione vix tolerabilis, epicam gravitatem habet. 783. *pietas* sc. *Æneæ* in illa placanda, v. c. sup. III, 547. *nec illa—infracta quiescit*, ornatè pro, infringitur, flectitur, *fatis*, cum videat, fata a se interverti non posse. cf. XII, 793 sqq. ubi v. 800 est *inflexere*.

785—788. *urbem media de gente Phrygum*, media ex Troade, *exedissee*, confecisse, perdidisse, excidisse; nihil amplius. Cur vero *mediam* gen-

Insequitur. Caussas tanti sciat illa furoris.
 Ipse mihi nuper Libycis tu testis in undis,
 Quam molem subito excierit. Maria omnia cœlo 790
 Miscuit, Æoliis nequidquam freta procellis,
 In regnis hoc ausa tuis.
 Per scelus ecce etiam Trojanis matribus actis
 Exussit fœde puppes; et classe subegit
 Amissa socios ignotæ linquere terræ. 795
 Quod superest; oro, liceat dare tuta per undas
 Vela tibi! liceat Laurentem attingere Thybrim!
 Si concessa peto, si dant ea mœnia Parcæ.
 Tum Saturnius hæc domitor maris edidit alti:

788 ciet Zulich. pro var. lect. sit an Hugen. furores Medic. a m. pr. 789 testis L. tu nuper Ven. 790 Quam subito molem exc. Oblong. Pier. Quam m. exc. subito alii Pier. excierit Rom. excierint subito Ven. 791 nequidquam fragm. Vatic. 792 hæc tres Burmann. cum Goth. sec. hoc caussa alter Menag. Forte, ait Burmann., pro hoc' ausa. Quid tamen sollemnius, quam librariorum tali sonorum geminatione peccare? 793 Per scelus Pier. et Heins. e melioribus. adde fragm. Vatic. et codd. Vatic. laudatum Benedicto. Vulgo: Proh scelus! variatione et alibi obvia. v. Heins. ad Ovid. Ep. X, 6. Sed Per scelus si legitur, junctura fieri potest duplici modo; aut per scelus erusit, scelere, scelesti; quod per se recte fiet; nam est usus is τοῦ per. Sic, Jovem supplex per vota precatus IX, 624 votis. Ita vero videtur duriter dici: matribus actis simpliciter, pro in furorem actis, nisi est simpliciter, adactis, impulsis. Aut jungi potest: Per scelus actis, uti per omne nefas aliquis ruere dicitur. In Goth. sec. In scelus. 794 Excussit aliquot Burm. cum Medic. a m. pr. et Gud. a m. pr. f. naves Sprot. peregit alter Menag. 795 A. hos socios Sprot. a m. sec. ignota l. terra Medic. Gud. a m. pr. et Mentel. pr. cum Rom. et parte Pier. librorum. Minus bene, et ex vulgari ratione. 797 sibi alt. Hamb., nullus tuas: quod quantum malim lectum! Laurentum Wall. tingere, erasa ad, Dorvill., et sic a m. pr. fragm. Vatic. 798 Si c. rogo Erf. a m. pr. dent hæc Ven. dent mihi Hugen. et Zulich. munera Bigot. m. fata Wall. a m. pr. v. Burm. 799 Cum pr. Moret. hoc Witt. addidit Ven. edidit atque alter Hamburg.

tem, vulgus h. l. ac vilem plebem interpretetur Burm., non assequor. Reliquias, Trojanos urbe capta superstitēs, traxe per omnes pœnas, omnibus calamitatibus ac malis versasse, jactasse; ut duci, agi, per ultima, per cuncta supplicia, dicitur. Trojæ cineres atque ossa peremta Insequitur graviter dictum; classis vero conflagrationem maxime respicit. 788. caussas cf. sup. I, 8 sqq. X, 62 sqq. 89 sq. XII, 791 sqq. cf. Excurs. I* ad lib. I et Excurs. II ad lib. XII.

789—792. v. sup. I, 50 sqq. molem h. e. tempestatem, et, miscuit v. ibid. v. 133. 134 Jam cœlum terramque etc. in regnis tuis vid. ibid. 138 sq. 793—795. Per scelus actis matribus Tr. in scelus, pro vulg. ad scelus adactis. v. V. L. ignotæ simpl. in aliena terra respectu Italiae, quo tendebant. Mox Laurens Thybris docte, qui Laurentinos agros, adeoque veteres Laurentes attingit; et 797 dare vela tibi per undas, novum hoc; dantur proprie vela ventis; nunc ea Neptuno quasi

Fas omne est, Cytherea, meis te fidere regnis, 800
 Unde genus ducis. Merui quoque; sæpe furores
 Compressi et rabiem tantam cœlique marisque.
 Nec minor in terris, Xanthum Simoëntaque testor,
 Æneæ mihi cura tui. Quum Troïa Achilles
 Exanimata sequens impingeret agmina muris, 805
 Millia multa daret leto, gementque repleti
 Amnes, nec reperire viam atque evolvere posset
 In mare se Xanthus: Pelidæ tunc ego forti
 Congressum Ænean, nec dis nec viribus æquis,
 Nube cava rapui: cuperem quum vertere ab imo 810
 Structa meis manibus perjuræ mœnia Trojæ.

801 metui Hortens. legebat. vid. Burm. 803 minus Sprot. *Sanctum* fragm. Vatic., at
 mox Xantus. 804 Troica al. et hic. 805 immitteret fragm. Vatic., et aliquot Pier.,
 ex interpret. muro ed. Ven. 806 darent Rom., male. 807 revolvare duo Burm.
 cum Med. Pierii. *viam qua ev. p.* Augustin. de Grammat. ap. Burm. Iliad. φ, 219 Xan-
 thus οὐδέ τί πο δύναμαι προχέειν ἵπον εἰς ἅλα δῖαν Στεινόμενος νεκίσσι. *possit* multi, vitiose.
 passim Ven. 808 In m. jam X. Montalb. 810 rapui lectio est Medic. et alior.
 Heins. et Pier. At eripui Rom. cum altera familia; et ripui superaddita e fragm. Vatic.
 Sed alterum doctius pro poeta, qui communia respuit. c. cum evertere Gud. et Wall.
 cuperem convertere Franc. cuperent cum fragm. Vatic. ab uno Menag. pr. 811 peri-
 tura fragm. Vatic. Medic. a m. pr. et Dorvill., proclivi lapsu. Sed alterum solenne.
 Laudat Burm. not. ad Ovid. XI Met. 215.

creduntur; aut tibi est græco more,
 per te, σοι pro δῖά σε, tua opera, quan-
 tum per te licet.

800—802. Fas omnino est, te con-
 fidere, mare iri placatum ac tranquil-
 lum. Venerem mari ortam, Ποντίαν,
 Ἀναδουμένην, quis nescit? Fabula est
 ex cosmogoniis veterum servata, sed
 a sequioribus miros in modos inter-
 pretatione variata, sæpe. Atqui se-
 mel, inquis, tantum lib. I, 125 sqq.
 Recte, reponit Burm., sæpe hoc fieri,
 a poeta tamen prætermitti potuisse.
 Quid vero? exciditne locus lib. III,
 192 sqq. et V, 10 sqq.?

803—811. Respicit Iliad. γ, pu-
 gnam Achillis cum Ænea v. 79 sqq.
 158 sqq., quem subducit victoris ma-
 nibus Neptunus v. 290 sqq. Mox
 et Hectorē ab Apolline pugnae par-

te ea evocato cædes et fuga Trojano-
 rum fit versus urbem, parte fugien-
 tium in Scamandrum seu Xanthum
 acta; unde pugna Achillis cum ipso
 Scamandro Iliad. φ. *impingeret a. m.*
 forte ex ἐμπλήσσειν. Imitatur locum
 Stat. VII, 28. conf. Iliad. φ, 294. 295.
gementque repleti Amnes etc. v.
 Iliad. φ, 7 sqq. 218 sqq. *amnes*, nam
 Xantho auxilia aquarum tulit Simois
 ibid. v. 307 sqq. *nube cava* v. Iliad.
 γ, 320 sqq. *cuperem cum* etc. cum ta-
 men Trojanos exosus essem; ut fuit
 Neptunus inter infesta Trojæ numi-
 na. v. ibid. 34 et 313 sqq. (cf. Æn. II,
 610 sq.). Caussam iræ enarrat idem
 φ, 446 sqq., unde h. l. *perjuræ*, a per-
 juro Laomedonte, mercedem, ob mu-
 ros extractos ab eo exactam, ne-
 gante.

Nunc quoque mens eadem perstat mihi: pelle timorem.

Tutus, quos optas, portus accedet Averni.

Unus erit tantum, amissum quem gurgite quæret;

Unum pro multis dabitur caput.

815

His ubi læta deæ permulsit pectora dictis:

Jungit equos auro genitor, spumantiaque addit

Frena feris, manibusque omnes effundit habenas.

Cæruleo per summa levis volat æquora curru.

Subsidunt undæ, tumidumque sub axe tonanti

820

812 restat aliquot Pier. cum Erf. *præstat* tres Burm., ut alibi eadem varietas. *mihi persta* Goth. pr. *timorem* invenit Heins. ex Medic. et binis aliis; *accedunt* Franc. recens. et jejapus codex, ed. Ven. et, ut nunc video, fragm. Vatic. At Romanus et ceteri, cum tribus Goth. et edd. vulgg., *timores*, quod mireris loco dejectum. Nolui tamen iterum novare. 813 *Tutos* sec. Rottend. *Tutus equos* Dorvill. *accedit* Rottend. pr. a m. pr.; hoc idem in Medio. extare, Spencius testatur et firmat: Foggin. edidit *accedet*. Ceterum mirum Servii acumen: "*Portus accedet*. Hic distinguendum, ne sit contrarium Veneris petitioni, quæ ait: *liceat Laurentem accedere Tybrim*." Argutatur quoque Spencius, qui Veneris precibus, ut ad Latium accedat (v. 797), non satis convenire queritur accessum ad Cumas. 814 *U. e. tamen*, a. Ven. et ed. Ven. 1472, non male, meo iudicio. Heins. conj. *Unus erit, tanto a. q. g. quæres*, parum feliciter. *quæret* jam dudum ante Pier. et Henricopetri a Venetis, inde a Nangerio, qui sic emendavit, editum est. Vulgo præter Menag. alt. et Ven., quos Burm. laudat, omnes codd. *quæres*, ut non ad Æneam, sed ad Venerem referatur. 817 *auro* omnes scripti Pier. et Heins., nisi quod in Hamburg. pr. vulgatum voc. *curru* pro div. lect. adscriptum, et in Ven. recentissimo legebatur, *J. e. genitor curru*. Laudat quoque *curru* Burm. ex Witt. et nos ex Goth. pr. Sed facile intelligitur *currum* esse interpretamentum *auri*, h. e. *corrus aurei*. *Aurum* pro eo dici, quod ex auro factum est, Heins. copiosius quam velis adstruit; desiderat tamen Burm. exemplum, quo *jungere auro* recte dici probetur. Nihil vidi subtilius; quasi *jugi auro* eum offendere debeat, qui *tegi auro* VII, 279, *nodari in aurum* IV, 138, *armari auro* III, 517, *ἄρματα δ' αὐτῷ ἰδὼν πρὸς ἑσπέρην* et similia probaverit. Idem vir doctiss. *Fingit equos auro* (quod non Latinum est; nam equum fingit magister domando ac docendo), vel *equos auro*, ut *abiete puppes* accipit. Sed et ipse Heinsius, cum a Beda *J. e. auri* laudatum sit, in hoc inclinabat, ut *auris equi* intelligeretur. Nemo nostrum est, qui non interdum in tales tricas incidat, quas sibi ipse induit. 818 *loris* pro *feris* Exc. Burm. que aberat a Reg. perfundit Patribus. 819 *Cæruleum* Medic., sed a m. pr. *æquora* Goth. pr. *curru* Hugen. et Erf. 820 *tumidumque* Menag. pr. *sonanti* quatuor Barin. cum Goth. sec., ut hoc minus poeticum. Nec argotandum in eo, quod in aquis rotarum strepitum nemo exaudiat; est propria ac perpetuum epitheton rotarum, *tonantis* Hugen.

812—815. *portus Averni*, Cumas, lib. VI, 2, adeoque Italian. *Unus*, *Palinurus*; cf. mox v. 833 sq., quod episodium nunc præstruit; idem *unum caput* v. sq. Male Serv. hoc ad Misenum refert; qui nec in navigatione periiit, sed accessu jam ad Cumanum litus facto.

816 sqq. Qui sequitur locus, ex

ornatissimis est, exemplo haud dubie in priore parte Homeri, *Iliad*. N, 123 sqq., qui tamen plus sublimitatis habet, in ceteris alterius Græci poetæ, expressus. Omnino hoc poetis solenne, deos marinos inducere monstris marinis alludentibus circumdatos navigantibus conspectos. *auro* iugo aureo. v. Var. Lect. *feris* pro

Sternitur æquor aquis: fugiunt vasto æthere nimbi.
 Tum variæ comitum facies; immania cete,
 Et senior Glauci chorus, Inousque Palæmon,
 Tritonesque citi, Phorcique exercitus omnis.
 Læva tenent Thetis, et Melite, Panopeaque virgo, 825
 Nesæe, Spioque, Thaliaque Cymodoceque.

Hic patris Æneæ suspensam blanda vicissim
 Gaudia pertentant mentem: jubet ocios omnes
 Attolli malos, intendi brachia velis.

821 equis Sprot. et Medic. a m. pr. Idem a m. sec. *fugiuntque ex æthere n.* 823
Glaucique alter Hamb. Ionius Rom., male. al. *Inoius*. Γλαύκου χορός, Ἰνώς τε Παλαίμων.
 825 *tenet* Medic. cum multis al. At melius *tenent* Roman. *Milite* Rom. et Medic.,
 male; est *μαλίνα*. *Panopeia* v. duo Burm. et hic; at est *Πανόπεια*. cf. sup. 240. 826
Niseeque, *Nisseaeque*, *Niseque*, *Nisie*, *Niseo*, *Nisea*, *Niseis*, *Nissea* *Espioque*, *Nisea* *Espioque*
 —*Tholoque*—*Chimoque*, aberrant. Versus conversus e gr. *Νηραῖν Σπείω τε, Θάλια τε*
Κυμοδόκην τε. Idem jam Ge. IV, 338 lectus. 828 *pretentant* alter Hamb. 829
intendi in b. Medic. a m. pr., quod Heinsius non esse de nihilo putabat: ita enim solere
 in abundare. Laudat: *meditari in prælia, inferri in hostem* etc. Sed, ut hæc locum
 haberent, deberet a poeta scriptum esse: *vela intendi in brachia*. Porro Dorvill. *extendi*
 br. Romanus: br. *remis*, cum Oudart. Sed manifesto librarii errore; forte v. 136.

equis. v. II, 51. ad v. 819 sq. conf.
 sup. I, 147. 154 sqq. 822. *Tum va-*
riæ comitum facies, exquisitius quam
 comites varia facie et adspectu; nam
cete, belluæ marinæ, in comitatu Ne-
 ptuni aliorumque deorum marinorum;
 Proteo quidem pro armentis ea pa-
 scente Odys. I, 448 sqq. Georg. IV,
 430 sq. 823. 824. Deos marinos om-
 nino designat, quorum principes *Glauc-*
us ac *Phorcus* cum *Melicerta*. conf.
 sup. v. 240. et Georg. I, 437. *Glauc-*
ci chorus, ut *Phorci chorus* sup. v.
 240 et ap. Plin. H. N. XXXVI, 4.
 s. 7, (qui hunc locum animo habuisse
 videtur) a Scopā factus marmore in
 æde Neptuni *Neptunus ipse et Thetis*
atque Achilles, Nereides supra delphi-
nos et cete et hippocampos sedentes;
item Tritones chorusque Phorci et pri-
stes, ac multa alia marina; omnia ejus-
dem manus, præclarum opus etiam si
totius vitæ fuisset, senior, ut omnes

omnino dii marini, quod docent the-
 ogoniæ, quibus rerum origo ab aqua
 petebatur. *Inous Palemon*, *Meli-*
certa Inus f. v. Georg. I, 437. *Phor-*
ci exercitus; deos marinos intelligo,
 propter laudatum modo v. 240 hujus
 libri. Alioqui ad phocas et belluas
 marinas referam. v. Val. Fl. III, 727,
 825. 826. conf. Georg. IV, 338 sqq.,
 unde v. 826 huc translatus. *Melite*
 apud Homer. Iliad. 2, 42 et Hesiod.
 Theog. 246 inter Nereides occurrit.
De Panope conf. sup. ad v. 240. For-
 te in hoc deorum marinorum recen-
 su Maronis doctrinam Æschyli Γλαύ-
 κος Πόντιος instruxerat. Ipsum au-
 tem phantasma deorum marinorum
 et monstrorum circa navem luden-
 tium petitiū est ex Apollon. IV,
 930 sqq., ubi navem e Planctis libe-
 rat Thetis cum Nereidibus.

827—839. Potest obscurum esse,
 cum v. 777. 778 jam vento secundo

Una omnes fecere pedem ; pariterque sinistros, 830
Nunc dextros solvere sinus ; una ardua torquent
Cornua, detorquentque. Ferunt sua flamina classem.
Princeps ante omnes densum Palinurus agebat
Agmen : ad hunc alii cursum contendere jussi.
Jamque fere mediam cœli Nox humida metam 835

830 omnis Rom. 831 s. manus Goth. tert. a m. pr. 832 flumina ambo Menag.
cf. mox v. 843. 834 adhuc Goth. pr. et Hamb. pr. a m. sec. ad hunc, ad hujus ex-
emplum, imperium. cursu c. Oudart. et ed. pr. cursum deducere Hugen. et Zulich.

navigaverint, quid nunc novæ rei consecutum sit, imprimis cum Neptuni per mare invectio tranquillum mare et serenum cœlum effecisse sit narrata v. 820, 821. Nihil puto aliud v. 829 sqq. declarari, quam in summa maris cœlique tranquillitate ventum jam ante secundum increbuisse, eoque facto nunc solis velis navigasse Trojanos, remisque otium fecisse. Itaque in omnibus navibus nunc mali attolluntur, vela intenduntur. *intendi brachia velis*, de antennis agi vel ex Val. Flacci imitatione lib. I, 126 constat ; ubi Juno videt *Pallada velifero quarentem brachia malo*, antennas ; et duplicem poetæ esse in his verbis structuram : *vela intendere antennis*, et, *antennas intendere velis*, satis notum est ; ut nolim hic turbas factas. 830. *Una omnes fecere pedem*. Copiosis virorum doctorum ad h. l., imprimis Guellii, et ad Catullum, Lucianum et al. disputationibus agitata dictio. Nunc vulgaris est illa observatio et satis constat, *pedes* et Gr. *πόδας* nautis dictos funes, quibus inferiores veli anguli, forte et ipsi interdum *pedum* nomine declarati, puppim versus adducuntur ; et vento quidem secundo a puppi spirante, ad utrumque latus adducti, vela ad ventum excipiendum expandunt, ut *utroque pede* currere diceretur navis ; sic

et ap. Apollon. II, 932 velum *ἡ πόδας ἀμφοτέρων* intenditur ; sin ventus, etsi secundus, obliquus tamen esset, vel modo a dextra modo a sinistra spiraret, *uno pede* seu fune intento, angulum veli inferiorem modo ab hac modo ab illa parte explicant, v. Catull. IV, 21. Plin. II, 47 s. 48. *Facere autem pedem*, ut *facere vela*, expedire, parare. Fundus rei in Homero Odys. K, 35 *Αἰεὶ γὰρ πόδα νηὸς ἐνόμων* quem de velis accipiendum esse vix dubites, cum Æoli beneficio naviget ; vide ibi v. 25 sqq. Hoc loco ventum variante impetu oblique incidisse, illa declarant, quæ declarandi caussa adjecta : *pariterque*, nunc *sinistros*, nunc *dextros solvere*, et intenderunt, *sinus* velorum ; quod dum faciunt, etiam antennas inflecti necesse est : *una ardua torquent Cornua detorquentque*. Sic venti sui, h. e. secundi, ferunt classem ; donec sub noctem recta a puppi flare incipiunt, sec. v. 844 *Æquata spirant aura*. 833. De *Palinuro* Iasi f. memorat, quippe in fabulis Italicis nobili. v. Exc. VII. nisi hoc foret, pro inutili et otioso Episodio esset habendus. *agmen*, ut poeta, dixit de classe, quam ducit Palinurus. Mox v. 835. Noctem deam curru vectam cogita, eamque et in altum cœli evectam. v. Excurs. II ad lib. II. *meta*, pro sum-

Contigerat; placida laxarant membra quiete
 Sub remis fusi per dura sedilia nautæ:
 Quum levis ætheriis delapsus Somnus ab astris
 Aëra dimovit tenebrosum, et dispulit umbras,
 Te, Palinure, petens, tibi somnia tristia portans 840
 Insoni; puppique deus consedit in alta,
 Phorbanti similis; funditque has ore loquelas:
 Iaside Palinure, ferunt ipsa æquora classem;
 Æquatæ spirant auræ; datur hora quieti:
 Pone caput, fessosque oculos furare labori. 845
 Ipse ego paullisper pro te tua munera inibo.
 Cui vix attollens Palinurus lumina fatur:
 Mene salis placidi vultum fluctusque quietos
 Ignorare jubes? mene huic confidere monstro?

836 *laxarant* Heins. cum melioribus post Pier. retinuit, alii *laxabant*: et sic Ald. pr., at a Nangerio mutatum in *laxarant* ed. 1514. Dorvill. *laxabat*, ed. Ven. *lassarant*, Zallich. *res laxat*. Porro alter Hamb. a m. sec. *placidi l. m. quieti*, et Bigot. *placide—quieti*. 837 *fessi* Dorvill. *dira* Ven. 838 *delapsus* et hio aliquot. *demissus* Wall. 839 *dimovit* Zallich. *dimosuit* Sprot. Mox *d. auras* pr. Hamb. pro var. lect. 840 *tristia somnia* alii cum præstantiss. Mediceo, quod ab Heinsio in *somnia tristia* mutatum nolim, cum et minus suave hoc sit auri, etsi aurium iudicium incertum est, nam video Brunckio et Beckio hunc verborum positam suaviorem videri, et codicis Romani lectio ea sit; Heinsius vero Mediceum exemplar sequi maluerit. 842 *Phorbantis* aliquot Pier. *fundit* Heins. post Pier. cum melioribus. Alii *fudit*. Tum *querelas* Bigot. *voce querelas* Dorvill. et Goth. tert. 843 *f. sua flamina* Colot. et Medic., hio quidem jam correctoris manu notatus. Repetitur ex v. 832. *puppem* Ven. 845 *sopori* Zallich. pro var. lect. 846 *tua munia* Goth. sec. et Erf. 848 *Mene maris* Goth. sec. *placidum vultum* aliquot Pier. *vultus* alter Hamb. et Exc. Barm. 849 Pro *jubes, velis* Zallich. pro div. lect. Hunc et seqq. duo versus Acron Ge. Fabricii ad Horat. I, 5 contraxit in unum, memorie vitio: *Mene huic concedere monstro Æneam toties deceptus (deceptum et ante, confidere, Schol. Cruqu.) fraude sereni*.

ma, celsissima parte, in vertice coeli.

838 sq. Somnus opprimit gubernatorem Palinurum: hoc ut poeta ornavit. vid. Excurs. VIII.

840—846. *tristia somnia*, manifeste pro somno; quod notandum propter alia loca. *Phorbantem* forte ex Iliad. ε, 490 petiit poeta. De ceteris v. Excurs. VIII. 844. 845. *Æquatæ auræ*, opp. *vento obliquo*. v. sup. ad v. 830, et IV, 587. *furari* exquisitius quam subtrahere, subdu-

cere. κλέπτειν.

847—857. Comparant Lucret. II, 556—559. *vix attollens lumina*. Bona Servii nota: “*numinis præsentia prægravatus; nam et sequens ejus oratio turbata est; quod et semiplenæ indicant elocutiones.*” Recte utique. *Mene jubes ignorare* (pro vulgari: nosco illud, satis notum mihi est) mare placidum, h. e. quam facile illud turbetur. *mene huic confidere monstro?* mari, quod, inquit Donatus, decipit mul-

Ænean credam quid enim fallacibus austris, 850
 Et cœli toties deceptus fraude sereni?
 Talia dicta dabat, clavumque affixus et hærens
 Nusquam amittebat, oculosque sub astra tenebat.
 Ecce deus ramum Lethæo rore madentem,
 Vique soporatum Stygia, super utraque quassat 855
 Tempora; cunctantique natantia lumina solvit.

850 Donatus legit: *quid enim fallacius austris Et cœlo?* Debebat saltem distinguere: *Æneam credam (quid enim fallacius?) Austris Et cœlo?* Potest scribi: *Æneam credam, quid enim? fallacibus austris!* At interpositum sic *quid enim?* habet aliam notionem: *quid nî? cur non?* Ut in illo Horatii: *quid enim? concurritur.* Sic quoque *πὶ γὰρ*; Etiam Servius sic interpretatur. Sententia tamen ea aliena est a loco nostro. Pro *austris*, *auris* Roman. Medic. cum aliis Pier. et Heins. ac Burm. Idem et Servius in interpretatione exhibet, et Pompon. Sab. Sed alterum Donatus. Ge. Fabricius hunc locum inter obscurissimos habebat. 851 *Et cœlo* codd. Pier. et Gifan., item Donat. cum Serv. v. ad v. præc. Ita *fraude sereni* iungendum, ut *serenim* pro *serenitate* dictum sit. v. Burm. *sereno* aliquot Pier. et Gud. a m. pr., sed conf. inf. v. 870. 852 *Talia dictabat* Mentel. pr. *clavumque* Medic. a m. pr., dum librarius ad proximum *affixus* referret; sed *clavumque* ad *amittebat* retrahendum. adnizus Wall. et pr. Hamb. *clavumque ac sidera inhaerens* Zulich. adfixus, adhærens Goth. sec. 853 *Numquam* pr. Hamb. a m. sec. *admittebat* alter Hamb. sub a. ferebat Goth. sec. 855 *Utrique* Rom. *quassant* Medic. a m. pr. 856 pro *cunctanti* Burm. conj. *luctanti*, sed quidni et illud bene dictum sit et exquisitè? *Cunctatur*, qui resistit, non vult cedere, reluctatur, v. c. Ge. II, 236 *Spissus ager: glebas cunctantes crassaque terga Expecta.* conf. inf. VI, 211 de eo, qui sensim sensimque inflectitur; invitatus tamen et reluctans: XII, 940. Pro *natantia*, *lactantia* Dorrill. Debebat saltem: *cunctanti luctantius*, vel *nutantia* L. s. *nutantia* Goth. sec. Utrumque cum metri vitio. Hæret iterum Burm. in *solvit*: quid est, *lumina solvere?* et conjicit: *condit vel claudit.* Sed *vigilantis oculi sunt intenti*, imprimis h. l. Palinuri, qui in cœlum sublatis oculos habebat v. 853. Igitur remissi illi, et a somno allabente relaxati *solei* dicantur; ut de somno perpetuum hoc, *membra, corpus, lumina ab eo solvi*: unde etiam *morte solvi oculi dici* poluere: ut accipi poterat illud IV, 244 et *lumina morte resignat.* Etsi idem alio rem contemplandi modo devincire, alligare, corpus, oculos, non minus recte dicitur.

tos, infido ingenio, et repente mobili. Sane hunc vocis usum ita paullo insolentiorē videri non nego. Malim tamen ipsam hanc maris insolitam tranquillitatem, subdolam et insidiosam, per *monstrum* declaratam putare. nam res quævis nova et insolita ad spectu suo sensus feriens est *monstrum*. *quid enim* h. l. est *quomodo vero?* vulgaris ordo esset: *quid enim Æneam credam austris?* 851. *Et cœli toties deceptus*—et quidem, qui toties deceptus sim serenitate cœli! Mox 852 ex Odys. I, 281 translatus est, unde de Phrontide Palinurus adumbratus est.

854—856. Tandem somno oppressus obdormiit. Cf. Exc. VIII. *ramum* proprie accipito. cf. Apollon. IV, 156. Ducta res ab aqua lustrali. Imitatus est locum Silius X, 355 seqq. et poterat in id phantasma facile incidere poetæ ingenium, quia usu loquendi somno natura humida tribuitur, forte ab noctis roscido aëro ducta. conf. sup. ad I, 691. 692. III, 511. Adpersione aquæ Lethææ *solvuntur*, laxantur, oculi somno illabenti obnixi et intenti. *Cunctari* poetis dicitur, qui resistit, reluctatur. *natantia*, nota nunc elegantia de incerto motu. v. Ge. IV, 496.

Vix primos inopina quies laxaverat artus :
 Et super incumbens, cum puppis parte revulsa,
 Cumque gubernaclo, liquidas projecit in undas
 Præcipitem, ac socios nequidquam sæpe vocantem.
 Ipse volans tenues se sustulit ales ad auras. 861
 Currit iter tutum non secius æquore classis,
 Promissisque patris Neptuni interrita fertur.
 Jamque adeo scopulos Sirenum advecta subibat ;
 Difficiles quondam, multorumque ossibus albos ; 865
 Tum rauca assiduo longe sale saxa sonabant :
 Quum pater amisso fluitantem errare magistro
 Sensit, et ipse ratem nocturnis rexit in undis,
 Multa gemens, casuque animum concussus amici.

857 Vitiose e Barm. ed. legebatur et interpungebatur : *Vix—artus Et super incumbens, quum puppis p. r.* Nam Somnus deus incumbit, arguet, premit, h. l. 858 *Vix laxaverat—et projecit* exemplo et auctoritate non caret ; cf. ad III, 9, etsi mollius erat : *Vix laxaverat artus : Ut—projecit.* 860 voce vocantem Colot. Medic. et Moret. sec. ; eadem varietas alibi et supra hoc ipso libro. 861 *ad auras* Heins. cum melioribus. Alii in a. 862 *setius* scribunt Medic. et alii vetustiores. v. Heins. Etiam Benedictus in ed. Junt. 1520 codicum auctoritate et metri lege eam scripturam defendebat. conf. sup. ad Ge. II, 277. *setius* Rom. non *segius* aliquot ap. Barm. cum Goth. tert., perpetua varietate. non *serius* Bigot. *æquora* alter Hamb. cum Witt., non indocte, per *æquora*, a. navis Sprot. 864 *scopulis* bini a m. pr. cum ed. Genev., facili lapsu. *avecta* bini alii Barm. *adducta* Ven. 866 *tonabant* Zulich. a m. pr., sed *sonabant*, Burmann. inquit, requiritur, ut *sibilans litera repetita exhibeat maris stridorem*. Argute satis. Malim hanc causam reddere : *Sonare* est vocab. poetis solenne de fluctibus, etiam si scopulis allisi fragorem edunt gravissimum : quidni igitur poetæ eam vocem et hic relinquamus ; etsi alias non minus recte *mare, fluctus, scopuli* tonare dicuntur. 867 *fluitantem* vett. apud Pier., *fluctantem* Dorvill. 868 *nocturnus* Ven. 869 *commotus* Uratish. *confusus* Hagen. pro var. lect.

857—861. *Vix laxaverat—et projecit*, poetica structura, ab Homero petita, pro cum projecit sc. Somnus Palinurum, et mox 861. avolavit. *Cum puppis parte*, bene Servius : “ pro œconomia, ut triduo natare potuerit.” v. VI, 349 sqq. Mox *interrita*, sine offensione, nullo adverso casu exterriti, navigant.

864—866. Respicitur in *difficiles quondam* Homeri locus Odyss. M, 39 sqq. 166 sq., quem Virgilius ante oculos habuit. Adde Apollon. IV, 891 seqq., et Orph. Arg. 1232 sqq.

Difficilis olim erat navigatio præter hos scopulos propter fabulosas Sirenes ; nunc propter fluctus maris assidue ad scopulos allidentes et navem in eas impingentes. Teneant adolescentæ, non longe a Capreis in Pæstano sinu tres esse Sirenum petras (*νήσους Σειρηνόεσσας*) adversus promontorium Surrentinum, fluctuum allisione olim et naufragiis infames ; antiquissima fama iis insedis Sirenes, ab Homero duas, in una insula ; ab aliis tres ; templum quoque et sacra iis eo in loco constituta narrari

O nimium cœlo et pelago confise sereno, 870
Nudus in ignota, Palinure, jacebis arena!

871 *Nudus* et edd. vulgg. ante Pier. et Goth. pr. in *ignara* pr. Hamb. cf. ad Ecl. VI, 40. Ceterum notabilis ad v. extr. Servii nota: Sciendum sane, "Tuccam et Varium hunc finem quinti esse voluisse: nam a Virgilio duo versus sequentes (lib. VI, 1. 2 *Sic fatur lacrimans classicque immittit habenas Et tandem Euboicis Cumarum allabitur oris*) huic juncti fuerunt: unde in nonnullis antiquis codicibus sexti initium est: *Obvertunt pelago proras.*" Ut appareat, cui debeamus hanc observationem criticam, e Pompon. Sab. locum subjungam: "*Sic fatur lacrimans. Et tandem.* Probus, his duobus versibus, inquit, finitur hic liber in Tuccæ et Cornelianis commentariis" (hos equidem igooro qui sint. Servius quidem ad Æn. IV, 127 Cornelium Balbum Grammaticum memorare videtur) "et Virgilium ita etiam finisse manifestum est, et inchoasse sextum librum: *Obvertunt pelago proras.*" Nescio tamen, cur factum sit, ut Phici* (in marg. forte Ticianus. Non tamen intelligas facile, quomodo vel in Chorographia, vel in Thematibus Virgilii: v. Serv. ad Æn. X, 18: occurrere simile quid potuerit; nisi alia scripsit eaque grammatica. Sic et paulo post Pompon. ad vocab. *habenæ* Ticianus dicit, ex vero locutum, quia vela apud veteres loris ligabantur) "aliter habuerit. Apronianus autem principium esse docet: *Sic fatur lacrimans.*" (Et sane sic expressum in Mediceo.) Ceterum neutra ratio difficultate caret. Omnino vitiosa videri potest hæc libri quinti in media sententia clausula, quæ saltem paullo ante post v. 861 *Ipse volans tenues se sustulit ales ad auras* interponi debuerat: nam novi libri initium commodè tunc fieri poterat: *Currit iter tutum.* Ita res ipsa novum sequenti libro narrandi ordinem suppeditabat, accessu Trojanorum ad litus Italiam. Verum est aliud præterea, idque gravius forte, quod monendum erat: nisi aurium iudicium animique sensus prorsus me fallit, ultimi hi duo versus: *O nimium cælo. Nudus in ignota* a Virgiliana manu profecti non sunt. Nihil dici poterat frigidius et languidius, et grammatico acumine dignius. Nec veritas inest; tantum enim absuit, ut cœli marisque tranquillitati Palinurus nimium confideret, ut potius nimia sedulitate peccaret; eo enim, quod quieti dare se nollet, commisit ut somno oppressus mari mergeretur. Mihi itaque, cum ex ipsa re, tum ex iis, quæ e veteribus Grammaticis paullo ante apposita sunt, ita statuendum esse videtur: Poetam reliquisse ultima hujus libri non satis elaborata, interque hæc eum verba *Æneæ*, de Palinuri fato conquesti, ante *Sic fatur lacrimans*, nondum interposuisse. Varium adeo et Tuccam, cum constituerent *Æneidem*, hæsisse in h. l. et primo initium libri sexti ex suo iudicio, non satis acuto, a verbis *Sic fatur lacrimans* fecisse; repugnantibus aliis, qui a versu *Obvertunt pelago* librum sextum exordiendum censebant; tum, cum post *Multa gemens casuque animum concussus amici* verba *Æneæ* conquerentis aut nulla aut non satis expolita essent, aut ex his aut e suo ingenio duo hos versus interposuisse, ne ante verba: *Sic fatur lacrimans*, oratio hiaret.

in Mirabil. Auditionib. c. 110, ubi cf. not. in ed. Beckmann. Fuit ex iis Parthenope imprimis celebrata urbis nomine. De forma Sirenum v. ad calcem editionis ornamentis instructæ dicta ad Parerga Exc. VII libri III p. 759. 760. imprimis Orphi-

ca v. 1282—1287. volantes sunt in Fragment. Eurip. CLIV.

870. 871. *Æneæ* verba sunt. v. lib. VI, v. 1, et cf. Var. L. *serenum* h. l. etiam de pelago; nisi ex nota forma interpretari velis, ut sit: *cælo sereno pelagoque placido.* conf. Burm.

EXCURSUS I

Super Æneæ accessu ad Siciliam.

His Æneam ad Siciliam accessisse narrat poeta, primum cum litus Italiæ inferioris et Siciliæ orientale prætervectus Drepani portum intrasset, lib. III, 707. add. Dionys. I, 52; et iterum, cum Carthagine et ab Africæ litore evectus, ut Italiam peteret, ventis adversis ad Siciliæ litus occidentale esset rejectus. Tenebat tum illa loca *Acestes*; ut Virgilius scribit, vel *Egestes*, *Egestus*, a quo urbs *Egesta*, *Ægesta* vel *Segesta* appellari cœpit (v. post alios et Burmannum ad Numism. Sic. p. 394, Eckhelium in Doctrina Numor. vet. Vol. I, p. 234); Virgilio *Acesta* V, 718, quod tamen nomen et Stephanus Byz. habet in Ἀκίστη. Ab hoc Aceste Æneas benigne hospitio exceptus socios et naves refecit. Erat enim ille Trojano sanguine oriundus, quippe e Trojana femina, de qua varie traditur, in Siciliam delata et a Crimiso fluvio compressa, susceptus: v. V, 38. 39 *Troia Crimiso conceptum flumine mater Quem genuit*; quæ antiquissima ignotæ stirpis deducendæ ratio est, ut parens edatur fluvius ejus terræ, in qua gens aliqua sedem habuit. Itaque *divinæ stirpis Acestes* appellatur V, 712. Fabulas de Aceste plures, ad quas numi quoque apud Parutam, Dorvillium, Principem Torremuzza, et nunc apud Eckhelium alludunt, vide apud Serv. ad I, 550. V, 30. Alia congessit Cluver. Sicil. ant. II, 2. Sed in summa diversitate consensus fit in hoc, urbis Segestæ conditorem creditum esse Trojanum, et Trojanos colonos veteribus Sicanis in his locis fuisse admixtos. Nota res vel ex Cicer. Verr. IV, 33. (Accessere mox Græci coloni: sed vel sic apud Thucyd. VI, 11 Nicias eos barbaros appellat περὶ Ἑγεσταιῶν ἀνδρῶν βαρβάρων et sic res se habuit in plerisque Siculis civitatibus; quæ res dissensionum civilium perpetua caussa et fons erat, vid. ibid. c. 17). Recte Silius XIV, 45 *Miscuerunt Phrygiam prolem Trojanus Acestes Trojanusque Helymus etc.* Proxime ad poetæ verba Strabo XIII, p. 608 B. οἱ δὲ (φασὶ τὸν Αἰνεΐαν) εἰς Αἰγέστην κατᾶραι τῆς Συκελίας, σὺν Ἑλύμῳ Τρωϊ, καὶ Ἑρκα καὶ Λιλύβαιον κατασχεῖν, καὶ ποταμοὺς περὶ Αἰγέστην προσαγορεῦσαι Σάμανδρον καὶ Σιμέντα. Dionysius vero, tanquam communio-

narrationem, his non dissimilia exponit lib. I, 52, secundum quæ Elymus et Ægestus jam ante Trojæ excidium urbe profugerant et vento secundo usi in Siciliam pervenerant. Hi circa Crimisum fl., de quo non minus multa fabulose narrantur: v. apud Schol. Lycophr. 953. 471, in Sicanorum agro consederunt, parte agri ab his accepta, propter Ægesti cognationem, qui, in Sicilia natus et educatus, cum adolevisset Trojam redierat. Quod quomodo factum sit, mox a Dionysio l. c. narratur. Tum porro: hos suos populares cum in his locis offendisset Æneas, amanter cum iis aliquod tempus exegit, urbesque iis condidit, καὶ κατασκευάζεται αὐτοῖς πόλεις Αἰγέσταν καὶ Ἐλυμα, partemque comitum ibi relinquit. De *Elymis* infra videbimus. Sed *Segestani*, apparet, quam ingeniose poeta arripuerit, ut ab Ænea conditam eam nunc perhiberet, cum trajectus in Italiam fieret, ut adeo ejus comites longi erroris tædio capti, parte etiam navium incendio consumta, in novam coloniam transscriberentur: De his inf. 711 sqq. 749 sqq. Et v. 718 urbem appellabunt permisso nomine *Acestam*. Quo intelligitur, v. 756 hoc *Ilium*, et hæc loca *Trojam* *Esse* jubet, non ad urbis nomen, sed ad originis Trojanæ recordationem et repræsentationem esse referendum. Nescio, an ita Burmannus e. l. acceperit, ubi Ruæum refellit. Potuit tamen poeta aut accepisse hoc aut fingere, fuisse in ipsa urbe loca ab Ænea iis nominibus designata, ut Troja et Ilium essent; siquidem etiam fluvii fuerunt Simois et Scamander in agro urbis. v. Strabo XIII, p. 608 B, quo forte respexit poeta V, 634 *Nullane jam Trojæ dicentur mænia? nusquam Hectoreos amnes Xanthum et Simoënta videbo?* Nec vero ipsos Segestanos alienos fuisse ab ea fama, deberi Æneæ origines suas, colligere licet ex numis Segestanis, in quibus Æneas Anchisen cum Palladio urbe exportans exhibitus est.

Dicat tamen aliquis, et eandem difficultatem movit Cluver. p. 260 Sicil ant., *urbes Acestæ* poeta jam lib. I, 549. 550 memoraverat: *Sunt et Siculis regionibus urbes, Aræque Trojanoque a sanguine clarus Acestes*; adeoque se vehementer obliviosum prodidit, dum hoc demum libro quinto urbem Acestæ extruendam narrat. Enimvero primum historia plures urbes, non unam, ab Ægesta conditas perhibet; tres quidem Lycophron v. 964, quas Scholiastes *Ægestam*, *Entellam*, *Erycem*, recitat. cf. Cluver. eod. cap. Dionysius Αἰγέσταν καὶ Ἐλυμα memorat in Ægesti gratiam ab Ænea conditas. Elyma quidem in Erycem, Ἐρυκα, mutat Cluverius. Quidni tamen, si Elymi, populus, fuerunt, ut infra videbimus Exc. III ad v. 73, vicus vel oppidum esse vel tradi potuerit τὰ Ἐλυμα? etiam si nulla ejus alia memoria occurrat. Mox c. 53 (p.

42) Veneris Erycinæ templum conditum fertur ἐπὶ τῇ κεφαλῇ τοῦ Ἐλύμου, ubi præstat forte cum viris doctis scribere, ἐπὶ τῇ κορυφῇ τοῦ Ἐρυκος. Nam Bocharti argutiis equidem non multum tribuere soleo, qui et hic, ut *Erycem* ab hebraica origine ducere possit, in *Elymum* illud mutat, ut ad *Elim* tandem res deducatur. Ferrem tamen *montem Elymum* ab Elymis habitatoribus dictum. Si historica fide uti nolis, et contendere, nunc demum ab Ænea urbem Acestæ paratam esse, quandoquidem Acestes venatu inter silvas vitam egisse traditur V, 37 occurrit. *Acestes Horridus in jaculis et pelle Libystidos ursæ*, et 301 *Assueti silvis, comites senioris Acestæ*, eoque ducunt alia loca, V, 617. 631. 717: tamen vel sic recte poeta *urbes* jam ante dicere potuit, quæ eodem loco, I, 557 *sedes*, pro quocumque omnino habitationis genere: *At freta Sicaniæ saltem sedesque paratas Unde huc advecti, regemque petamus Acestem*. Atque hoc unum ad expediendas difficultates hujus generis sufficit.

EXCURSUS II

De Eryce.

V, 23. 24. *Nec litora longe Esse reor fraterna Erycis portusque Sicanos*. Adde v. 391. 392. 403. 412 sq. et 759—761 *Tum vicina astris Erycino in vertice sedes Fundatur Veneri Idaliæ, tumuloque sacerdos Ac lucus late sacer additur Anchiseo*.

Mela II, 7 *Montium Eryx maxime memoratur, ob delubrum Veneris ab Ænea conditum*. Ex vulgari opinione nomen ab Eryce ductum, quem adeo poeta docte et ipsum in carmine memoravit, v. 391 sq. *Eryx* hic pugilatu nobilis, Veneris e Buta filius (v. Hygin. f. 260, alios ap. Cluver. Sicil. ant. p. 269 sqq.), etiam in numis Segestanorum obvius. v. Burmann. ad Numism. Sic. p. 396 sqq. In Erycinorum numis apud Parutam et Pelerinum ipse Hercules occurrere videtur. Quod in monte Eryce fuit templum Veneris antiquissimum, ut ad Phœnicum Astartes religionem, non tam male, ut multa alia, a Bocharto referatur (*Canaan*. II, 1), vulgari tamen fama Trojanos conditores habere ferebatur. Hinc nihil suavius versibus 759 sqq., quibus Æneam suum poeta auctorem templi facit, etsi de hoc scriptorum fides omnium non convenit. Potest tamen teneri, quod et Diodorus lib. IV sub f., qui clas-

sicus de Eryce locus est, prodit, novis saltem decoribus templum ab Ænea fuisse ornatum; et inter manifestissima Æneæ in Siciliam adventus indicia a Dionys. I, 53 memoratur τῆς Αἰνείαδος Ἀφροδίτης ὁ βωμὸς, Veneris Æneadis ara in Eryce monte. Quod vero mireris, non defuere, qui Æneam Veneris Erycinæ signum secum asportasse comminiscerentur; si vera sunt, quæ Solinus habet c. 2, pag. 13 E. *agro Laurenti*—ubi, dum simulacrum, quod secum ex Sicilia advexerat, dedicat Veneri matri, quæ Frutis dicitur. Salmasius, quæ Erycis dicitur legit. Male. v. Jos. Scaliger ad Festum in *Frutinal. templum Veneris Frutis*, scil. a *Frus*, unde *fruor*.

Bene etiam Acestæ, hoc est, Segestæ, primordiis hujus templi origo subjungitur; nam mansit in Segestanorum ditone etiam ad seriora tempora hoc templum, ut satis ex Cicer. Verriniis et Tac. Ann. IV, 43 constat.

Quod de *Anchiseo* in Eryce subjungitur, v. 760. 761, habet et ipsum historicam rationem. Hygin. f. 260 *in hoc autem monte dicitur etiam Anchises sepultus*; etsi Ge. Fabricius non male suspicatur ad templum et Flaminem D. Cæsaris poetam respicere.

Tandem, etsi ludi funebres poetæ ingenio et Homeri exemplo debentur (cf. ad pr. lib. V), inferiæ tamen Anchisæ, in Sicilia factæ, et novemdiale sacrum antiquam habuere memoriam. Ovid. Fast. II, 543, ubi de annuis inferiis: *Hunc morem Æneas pietatis idoneus auctor Attulit in terras, juste Latine, tuas. Ille patris Genio sollennia dona ferebat; Hinc populi ritus edidicere pios.* Eo spectant hoc libro versus: 59.60 *atque hæc me sacra quotannis Urbe velut posita templis sibi ferre dicatis.* Fanum Æneæ Segestæ memorat Dionys. I, 53.

EXCURSUS III

De Elymo, Entello aliisque ex antiquitate Siciliæ.

V, 73. *Hoc Helymus facit; hoc ævi maturus Acestes.* Magna poetæ etiam in hoc libro laus est, quod historicæ fidei fabulas suas superstruendo eruditam aliquam voluptatem lectoribus apponit. *Helymi* enim vel *Elymi* clarum nomen in Siciliæ originibus Trojanis. Troja ille jam ante excidium urbis exierat cum Ægesto. v. Dionys. I, 52 et sup. Exc. I ad h. lib., etsi alii apud Strabon. XIII, p. 608 B. eum Æneæ comiti-

bus adscripserunt. Verum etiam Lycophron v. 965 Anchisæ nothum eum perhibet, et ab Ægesto in Siciliam adductum. cf. ib. Schol. et Serv. ad V, 73. Itaque Virgilius docte Elymum Acestæ comitem adjunxit v. 73 et inf. 800. 901. conf. Silium XIV, 45. 46.

Ab hoc Elymo populum Elymos in fisdem circa Erycem et Segestam locis Thucyd. VI, 2 et Dionys. I, 53 ductum esse tradiderunt. Antiquioris tamen illi fuisse originis videntur; ut vel loca docent a Bocharto Can. I, 30, p. 569 sqq. congesta.

Ceterum Virgilius etiam in hoc libro nomina virorum non indiligenter partim ex Homero transtulit, partim ex historiis. Ita v. 298 *Salius* et *Patron* cursu certant. *Salius* autem Arcas cum Æneas in Italiam venisse Polemone auctore apud Festum in *Salios* traditur. *Patron* Thurius in Aluntinis agris consedit. v. Dionys. I, 51. *Euryali* (v. 294 et al.) nomen ex Homero satis notum, inter pugiles in ludis funebribus Patrocli; Ut autem ei pulcritudinis laudem attribueret, suspicor Virgilio in mentem venisse ex eo, quod Ibyci carmine olim fuit celebratissimum nomen Euryali, pueri formosi, ut ex fragmentis intelligitur ap. Athen. XIII, p. 564 F.

Entellum autem v. 387 sqq. inter heroes Siciliæ habitum fuisse, vel ex urbis Entellæ nomine conjectes. Nam mos perpetuus antiquitatis est, ex urbium nominibus conditores fingere. Servius ad V, 389: *Sane sciendum, hunc (Entellum) secundum Hyginum, qui de Familiis Trojanis scripsit, unum Trojanorum fuisse, de quo Virgilius mutat historiam.* A Schol. Lycophr. ad v. 953 urbs Entella inter urbes ab Ægesto conditas memoratur. cf. Cluver. Sicil. ant. p. 377 sqq., qui in Sili versibus XIV, 204. 205 dilucidandis laborat: *Entella Hectoreo dilectum nomen Acestæ.* Sed sequitur Silius nostri poetæ fidem, secundum quam Entellus inter ceteros Acestæ comites ante Æneæ tempora in Siciliam venerat, eique amicitia junctus fuerat. Sæpius jam monuimus, diversitates has fabularum docere, a poetis pluribus eandem fabulam fuisse tractatam, adeoque Virgilio, doctissimo poetæ, non defuisse, unde materiam carminis sumeret.

EXCURSUS IV

Vestis cum raptu Ganymedis intexto.

V, 250—257. Talium vestium, arte imprimis Babyloniorum et Phrygum celebratarum, cum ζώοις ἐνυφασμένοις, intextis figuris ac si-

gnis, usus olim frequens esse debuit. Exemplum sit vestis Sybaritica in Mirabil. Auditionib. c. 99. Poetæ quidem in earum argumentis enarrandis operam ponere amant. Nostro poetæ prævit Apollonius I, 721 sqq. in Jasónis læna, et is, qui nimis copiosus in veste tori conjugalis Thetidis ejusque argumento est, Catull. Epithal. 50 sq. Ex Apollonio et hoc Virgilii loco sua adumbrarunt Valer. Fl. II, 409 sqq. Silius XV, 421 sq. cf. XIV, 657 sqq. (Est quoque in Euripidis Ione locus, qui de veste picta accipitur, in templo Delphico v. 190 sqq. De veste quidem, quibus parietes inducti sint, vix licet accipere. Chorus spectantium stat ante ædem (vid. 223. 238). Saltem de velo obducto in atrio agi dicendum erit; etsi rem nondum satis expeditam esse sentio; alia enim ad picturam in pariete nos revocant. Docte emendavit et illustravit locum nuper Wakefield in Tragœdiar. Dilectu.) Omnibus dux factus est Homerus, in Laodices tela Iliad. Γ, 125 sqq. Ad patere cælaturam Virgilii locum transtulit Statius I Theb. 548 sqq. Virgilium in pictura æmulatus esse fertur Michael Angelus Bonarroti: cujus plura extant apographa ære expressa: quæ hic commemorare nihil attinet; ut nec gemmas ejusdem argumenti, quas nunc in Catalogo eotyporum Tassie memoratas videre licet. At in Virgilio argumentum picturæ quale tandem esse dicemus? Primo aspectu duplex esse videtur: Ganymedes venatu feras prosequens; tum idem ab aquila raptus, dum sublimis in aerem fertur, allatrantibus infra canibus. Forte tamen dicere præstat: priora valere ad ornatum poeticum et verum argumentum esse habendum, quod e venatu, seu inter venantium turmas puer ab aquila raptus in sublime fertur. Firmat judicium Statius Theb. I, 548 sq. *Hinc Phrygius fulvis venator tollitur alis; Gargara desidunt, surgenti et Troja recessit. Stant mæsti comites, frustra que sonantia laxant Ora canes, umbramque petunt, et nubila latrant.* Hac specie ex venatu rapti Ganymedis, allatrante infra cane, statua est apud Hispanos, in regia villa S. Ildephonsi (v. *Caimo Vago Italiano* Tom. II p. 141) et Romæ aliud signum, refectum et sartum a sculptore Pacetti (v. *Guattani Monimenti inediti* 1786 p. 76). Extat quoque signum rapti ab aquila Ganymedis in Atrio Bibliothecæ S. Marci Venetiis (v. *Zanetti delle antiche Statue* etc. Tom. II. l. 7.) ductum forte a *Leocharis* signo apud Plinium XXXIV, 19, 11 *Leochares* (fecit) *aquilam sentientem quid rapiat in Ganymede, et cui ferat, parcentem unguibus, etiam per vestem.* Adumbrata est eadem res simili modo in numis Dardaniorum, Geta imperante: (cujus generis unum videbis expressum in *Cabinet Du duc d' Orleans* inter ornamenta Tom. I, p. 48) et in

alio numo Iliensium: vid. Eckhel *Doctrina numor. vet.* P. I. Vol. II. p. 486. Diversa rei specie est alius Iliensium numus in Museo Arioni (ibid. laudatus p. 484) in quo aquila Ganymedem e capillis prehensum rostro sublimem fert. Sed prior illa, elegantior, ratio merito praelata etiam in mundo muliebri ex auro occurrit apud Com. de Caylus (*Recueil d'Antiquités* Vol. II. pl. XLVII). Alias sollennis est Ganymedis exhibendi ratio, ut ille stet vel sedeat adstante aquila. Ejusmodi signa extant plura; stantis quidem in Museo Pio Clementino Tom. II. tab. 35 præclaro opere et excellenti inter cetera, tab. 36. ibid. in palatio Lancellotio, in palatio Farnesio, apud Cavacepp. Tom. I. tab. 13. in Museo Florent. Tom. III. tab. 5. Est autem fabula ex iis, quæ tenuissima primordia habuere, nata ex antiqua formula declarandi pulcritudinem: amatum esse aliquem a diis, a diis esse raptum. Conf. ad Apollod. pag. 532. 3. Creticæ omnino fabulam esse originis discimus e lib. I de Rep. Platonis pag. 636. Si tamen Homerum audias, Trojanæ originis habenda illa esse videtur Iliad. E, 265 sq. γ, 231—235. Disertior est narratio in Hymno in Ven. 203 sq.

EXCURSUS V

De Ludo Trojæ.

V, 545 sqq. Ex elaboratissimis poetæ locis esse arbitror locum hunc de Ludo Trojæ, quo Romanis suis imprimis probare debuit hunc librum, cum ludicrum hoc, per nobiles pueros (εὐπαρίδας) celebrari solitum, summo haberetur honore, sæpiusque ab Augusto esset exhibitum. conf. Suet. Aug. 43. Dion. XLVIII, 20. XLIX, 43 et viros doctos ad illa aliaque loca. Vidit quoque acute Eckhel memoriam talis ludi in numo Caii Cæsaris servari: *Doctrina numor. vet.* Vol. VI, p. 170. Ductus utique ille ab antiqua saltatione armata, pyrrhiche, ὀρχήσει ἐνόπλῳ, cujus originem ex Creta petere solent scriptores; etsi illa omnino priscae hominum vitæ in Græcia communis fuisse videri potest. Quod si a Trojanis temporibus deductus ludus est, debuit profecto ab initio curulis esse. Equis enim aliter illa ætate uti nesciverunt, ut satis ex Homero liquet. Debuit etiam ex ejus temporis more cum auriga insistere currui παραβάτης, ut per totum Homerum

fieri solet; unde hoc aurigandi genus *Τρωϊκὴν διφρέλαν* appellasse putandus Xenophon Cyrop. VI, p. 322 ed. Lond. Quæcumque tandem rerum morisque vicissitudo fuerit, ad ludum equestrem nobilium puerorum res deflexit, quo primo decursus equester agebatur, tum prælium equestre adumbrabatur. Ut autem poetæ in inveniendō artificium recte assequaris, tenendum est, Virgilium rem sic novasse, et in ludum Trojanum transtulisse decursum armatorum circa tumulum, quem antiquus funeris celebrandi mos et Homeri exemplum, Odyss. Ω, 68 sqq. cf. Iliad. Ψ, 13 sqq. postulabat. cf. inf. XI, 188 sq. Stat. VI Theb. 213 sqq. adde, quæ Vignolius ad Columnam Antonini Pii disputavit c. 9 super anaglypho stylobatæ, quo *militaris decursatio equestris* exhibita est, cujus partem in Edit. Justic. lib. III Æn. translatam video; ad quam v. Saxium. Hunc itaque cursum *ὀπλίτην* sollerti animo ad Ludum Trojæ, novum et intactum ab aliis poetis ludi genus, transtulit. Duravit hoc solenne adhuc Sæc. IV. V. vid. Claudian. VI. Conf. Honorii 622 sq.

EXCURSUS VI

Classis Trojana incensa.

V, 604 sqq. *Hic primum Fortuna fidem mutata novavit.* Sequitur locus de incensa classis Trojanæ parte: quæ res et ipsa historica fide superstructa jucunditatem Romanis lectoribus afferre debuit; quo magis ita *ψεύδεα ἐτίμωσιν ὁμοῖα* sibi apponi videbant. Nam fuisse scriptores, qui traderent (*ὥς λέγουσί τινες*), naves aliquot Trojanas a mulieribus combustas, etiam Dionysius meminit lib. I, 52. Factum id esse in locis circa Menden et Scionen in Thessalia auctore Æthylla, Priami sorore, a Protesilai copiis captiva in Thessaliam abducta, (addiderat sorores Astyoche et Medesicaste Apollodorus) apud Cononem traditum legas Narrat. 13. add. Stephan. Byz. in *Σκίωνα*. Alii scriptores facinus hoc mulierum Trojanarum, dum captivæ ab Achivis ducerentur, in Italia ad Crathin, circa Sybarin, perpetratum tradiderant; Setæam feminam facinoris auctorem edidit Lycophron. 919 sq. add. Stephan. Byz. in *Σηταῖον* quæ narrationis diversitas unde orta sit, facile doceri potest. Scilicet primum rem nonnulli (v. Strabo VI, p. 262

B. adde Schol. Lycophr. ad v. 921) ad Neæthum fl. supra Crotonem transtulerant, quasi ab initio *Nabalos* dictum, etiam propterea, puto, quoniam non longe abest Crimæus fluvius cum altero illo Siciliæ juxta Entellam, nec longe ab Ægesta, confusus. At alii simili lusu in nominis origine *Caietæ* naves incensas tradiderant. Aurel. Vict. O. G. R. 10: *At vero Cæsar et Sempronius aiunt, Caietæ cognomen fuisse* (nutrici Æneæ), *non nomen, ex eo scilicet inditum, quod ejus consilio impulsuque matres Trojanæ tædio longi navigii* (h. e. navigationis) *classem ibidem incenderint; Græca scilicet appellatione, ἀπὸ τοῦ καίειν, quod est incendere.* Tandem fuere multi, qui in Tiberis ostiis naves Trojanas aliqua Roma auctore combustas narrarent, quæ ipsa urbi Romæ nomen dedisset. Ita tradiderat auctor rerum Argivarum secundum sacerdotum, quæ Argis erant, annos, Damastes Sigeensis alique; et, quanquam in ceteris diversus, Aristoteles ap. Dionys. I, 72. Hos scriptores secutus est Plutarchus in Romulo pr. et de Mulierum Virtut. non longe a pr., et inter eosdem fuit Heraclides Lembus. v. Solim. c. 1. Festus in *Romam* pag. 455, ubi conf. Tac. et, quem nunc video disertum in his fuisse, Rutgers. Var. Lect. I, 20.

EXCURSUS VII

Episodium de Palinuro.

V, 833 sqq. Si quæras, quid poeta episodio hoc de Palinuro, quod a rei summa alienum videri potest, spectaverit, a doctrina poetæ tale consilium repetendum esse videtur, quod *Palinuri* memoria in Italiæ Trojanorumque ad eam accessus originibus et historiis non erat obscura; promontorio etiam, ab ejus nomine insignito, ad sinum Veliensem, celebris; rem itaque satis memorabilem omittere noluit; eamque lib. VI, 337 sqq. inseruit, nunc præstruxit. Sed eadem narratione nunc commode poeta usus est ad rerum varietatem, ne extrema navigationis pars et trajetus e Sicilia in Italiam omni casu vacaret. Tandem novam rei suavitatem Homericæ imitatione affudit: nam Odyss. Γ, 278 sqq. Phrontis Menelai gubernator in medio cursu occidit.

EXCURSUS VIII

Somnus Palinurum opprimens.

V, 838 sq. *Cum levis aetheriis delapsus Somnus ab astris Aera dimovit tenebrosam et dispulit umbras, Te Palinure petens, tibi tristia somnia portans.* Operose satis pro, Somnus devolat aere. Antiquior hæc est Somni advocandi ratio, quandoquidem apud Homerum Jupiter de Olympo Somnum mittit Iliad B, 6 sq. Quanquam *ab astris* simpliciter accipi potest etiam de advolante; quo Burm. spectare videtur. Ornatio illa ratio apud Tibullum II, 1 extr., ut in Noctis comitatu ille incedat per cælum: v. ib. Not. At alii poetæ, variandæ rei et majoris delectationis causa, modo in inferis, modo in specu ad litus Oceani occidentalis, modo in Cimmeriis, sedem Somno assignavere, ut ipse Homerus in Lemno eum collocaverat Iliad. E, 230 sq. Similiter mox v. 854—856 Somnus *Lethæa aqua adspersit oculos* Palinuri, ut eum sopiat, nova rei imagine, cujus lineæ in Apollon. IV, 156 sqq. extant. Apud alios poetæ afflatu alarum suarum consopit, quos vult, Somnus; ut jam Orph. Argon. 1009. Callim. in Del. 239, nec hoc insuave; ut nec ratio vulgaris, cum Somnus cornu suo soporem effundit. Potest tamen Somnus nimis opiparo apparatu h. l. inductus videri in re satis tenui et ad summum carminis consilium nullius momenti. Graviiores Somni partes sunt apud Homerum Iliad. E, cum Jupiter esset sopiendus. Igitur ornatum locum hunc esse dicemus, et suavem, sed poetæ magis ingenio, quam epicæ πραγµατεία debitum. Nam tota navigatio versus Italiam eo carere poterat; sed poetæ erat intexenda antiqua fama, de qua paullo ante dictum est Exc. VII.

P. VIRGILII MARONIS
Æ N E I D O S

LIBER SEXTUS

ARGUMENTUM

CUMAS advectus Æneas, antrum Sibyllæ petit, peractoque de more sacrificio, Phœbi oraculum consulit. Ibi et instantia pericula, et futuri belli eventum discit 1—160. Miseni cadaver in litore inventum comburit, reliquiasque sub proximo monte sepelit, qui Miseni nomen ab illo obtinuit—235. Inde columbarum ductu ad aureum ramum pervenit: quo decerpto, mactatisque hostiis deos inferos veneratus, Sibylla duce per Averni fauces ad inferos tendit—336. Palinurum, quod sepulcri honore careret, circa Stygiam paludem oberrantem invenit, eumque una in ulteriorem ripam trahere cupientem Sibylla prohibet, cenotaphiique et exequiarum spe consolatur—383. Post hæc Stygem trajectus Æneas, Cerberoque medicatis ossis sopito, per loca infantium eorumque, qui falso crimine damnati capite supplicium luerant, iter faciens, pervenit ad sedem eorum, qui amoris impatientia manus sibi consciverant—449. Ibi Elisam conspicatus cum ei se purgare vellet, illa indignabunda conspectum ejus effugit—476: inde progressus Deiphobum in sedibus eorum, qui bello aliquando claruerant, multis vulneribus lacerum conspicit, necisque ejus indignum modum ab ipso edocetur—534. Relicto deinde ad lævam Tartaro, sceleratorumque poenas a Sibylla edoctus—627, ad Ditis ipsius mœnia contendit, aureumque ramum in ipso regiae limine defigit—636. Post hæc ad fortunatorum sedes iter instituit, et a Musæo ad patrem suum perducitur—678. Ibi Anchises Æneam filium animarum originem, purgationem, et consummationem edocet, eique Albanorum Romanorumque regum recensum facit, nobiliumque aliquot Romanorum nomina pereurrens, ad Julii Cæsaris et Augusti laudes descendit—860: Marcellumque Octaviæ filium, immatura morte præreptum, miris in cœlum laudibus effert—888. Inde per eburneam portam ad superos egressus, socios revisit, relictisque Cumis Caietam petit.

Etiam hoc episodium libri sexti ab argumenti *Æneidis* summa alienum, paullo longius petitum et in magna suavitate tamen narrationis et, quam illa habet, delectationis cursum sistere, impetum inhibere, Homius censebat. Hoc vero est poetam in ordinem cogere, ad annalium formulam revocare, et omnes ingenii vires infringere. Est enim hoc inter poetæ epici artificia, cum in una actione detexenda carmen epicum coerceatur, ut, variandæ narrationis depellendique subeuntis fastidii caussa, ad alia ornamenta, etiam ad seriores historias, descendat. Maronis autem mos ille est perpetuus, ut, dum miratione rerum novarum et insolitarum animos audientium teneat, vaticinia, somnia, etiam mortuorum responsa, futuræ subolis recensum in subsidium adhibeat. Neque vero tam otiosum est Episodium, quam alterum paullo ante de Palinuro: nam in ipso ad Italiam accessu, de rerum eventu in nova sede capienda Sibyllam consulere, non ineptum erat; cumque illa Anchisen in inferis consulendum esse diceret, necesse erat responso obtemperare. Animadvertendum porro est, primum *Æneæ* ad Italiam aditum hac narratione dignitatis et majestatis religiosæ vim et honorem accipere; nec alienum ab *Æneidis* argumento posteritatis recensum haberi posse; imprimis ex Romano- rum, quibus suam *Æneidem* conde-

bat poeta, animis et judiciis. Videntur utilitatem hujus inventi, avocandi lectores ad res inferas, sensisse alii; nam videmus, Homeri in *Odyssea* exemplo, *Necyias* a multis passim poetis epicis esse frequentatas; conf. inf. Excurs. I; debent enim hæ narrationes habere magnam vim ad animos mirarum rerum specie tenendos. Vidit præterea Virgilius, pro heroibus, quos Homerus commemorat, se Platonicis commentis de animabus, antequam hanc vitam ingressæ sint, in alio loco degentibus, commode uti posse, ut *Æneæ* posteros et res Romanas carmini intexeret. Neque vero nihil, quod ad hunc descensum ad inferos duceret, aut ejus expectationem faceret, antecessit. Annon meminimus ab Anchisæ umbra hunc descensum filio fuisse mandato et monitu injunctum (lib. V, 731 sqq.)? et multo ante jam Heleni monitu lib. III, 441 sqq.? Cum autem totum poema et dignitatis epicæ plurimum et gratiæ ac delectationis ex vaticiniis habeat: quæ, ut alio loco (Disquis. s. VI de rer. in *Æn.* tract. inventionem) est observatum, ab obscurioribus ambagibus progressa mox ad disertiora et clariora effata procedunt: præparatur etiam hoc libro legentis animus ad casus et res, mox in Latio eventum habituras, primum Sibyllæ responso, v. 84—97, tum Anchisæ oratione et recensu animarum, quæ mox progenies *Æneæ* esset futura.

Sic fatur lacrimans, classique immittit habenas,
 Et tandem Euboïcis Cumarum allabitur oris.
 Obvertunt pelago proras; tum dente tenaci
 Ancora fundabat naves, et litora curvæ
 Prætexunt puppes; juvenum manus emicat ardens 5
 Litus in Hesperium; quærit pars semina flammæ
 Abstrusa in venis silicis; pars densa ferarum
 Tecta rapit, silvas; inventaque flumina monstrat.

1. 2 De his vers., quos alii libri superioris finis subjiciunt, v. ad e. l. et hic Serv. 2 Cymarum passim vetustissima exemplaria. vid. Heins. cf. Pier. ad v. 98 ex *Κίρη*. 3 Obtendunt alter Menag. cum d. sec. Hamb. 4 fundebat tres Burm. 5 Prætexunt Zulich. et Exc. Burmann. eminet pr. Moret. 7 Abstrusa aliquot Pier. et Burmann. ex more. Abstrusum ignem Georg. I, 135 vidimus. in abest ab Exc. Burmann. 8 silvas inventaque fl. m. ante Heinsium jungebatur; itaque distinxit ille post silvas. monstrant Gud. a m. sec.

1—8. Ὡς φάτο δακρυχέων Homericum. Novum clavum ei, quem Palinurus in mare præceps secum avellebat (sup. V, 588. 589), substitutum fuisse non dubito; sed hoc non est, *classi immisit habenas*; Verum simpliciter excepto velis expansis vento, cursum urgebat classis et navem regebat Æneas, qui in Palinuri locum successerat. Nota metaphora ab aurigatione: quam sup. V, 662 de flamma vidimus: *furit immissis Vulcanus habenis*.—2. *Euboïcis Cumarum oris*. Liv. VIII, 22 Cumani ab Chalcide Euboica originem trahunt. v. Cluver. Ital. ant. lib. IV, p. 1102 et qui nuper nimis operose rem prosecutus est singulari volumine Martorellus Neap. (*Gli Euboici secondi Abitatori della Città di Napoli*). De conditoribus locus classicus ap. Strabon. V, p. 243. Origines urbis antecedere debuere colonias Ionicas et Æolicas. v. Vellei.

Paterc. I, 4. conf. Wernsdorf. P. M. T. IV, p. 393 sq. Habet res difficultates, quæ tamen ad poetæ lectionem nihil faciunt. Cf. Simsoni Chron. ad A. M. 2954. A seriore certe tempore ad antiquiorem Æneæ ætatem Cumas a Chalcidensibus conditas retraxit Virgilius. cf. Gell. X, 16. 3. *dente tenaci*. sup. I, 169 *unco non alligat ancora morsu*. fundabat exquisitius quam, firmabat, tenebat. v. 6. 7. Similia Æn. I, 174 sqq. *Ac primum silici scintillam excudit Achilles* etc. et Ge. I, 135 *Ut silicis venis abstrusum excuderet ignem*. σπέρμα φλογός apud Homer. notum. *pars densa ferarum Tecta rapit silvas*. Quid est *rapit*? si, corripit, colligit, comportat; aut, diripit; nihil potest jejunius dici grandibus istis et turgidis verbis: *densa ferarum tecta*. Igitur poeta necessario debuit ita accipere: *rapit cursu, rapido cursu perlustrant silvas*,

At pius Æneas arces, quibus altus Apollo
Præsidet, horrendæque procul secreta Sibyllæ, 10
Antrum immane, petit: magnam cui mentem animum-
que

Delius inspirat vates, aperitque futura.

Jam subeunt Triviæ lucos, atque aurea tecta.

Dædalus, ut fama est, fugiens Minoïa regna,
Præpetibus pennis ausus se credere cælo, 15

11 *A. i. subit Parrhas.* 14 *est a multis Pier. aberat. M. tecta Ven., sollenni permutatione. cf. Burm.* 15 *pinnis Medic. Possis jungere: Præpetibus pennis ausus se credere, cælo Insuetum—Languet sic cælo. Et Ovid. Met. II, 377 de cyeno: nec se exloque Jovique Credit—Stagna petit.*

ut vel fontem aquæ investigent, vel ferarum prædam ad epulas exquirant, ut lib. I, 192 seq. Sic *campum rapere* dicitur equus, et *aquora rapere* navis. Ita eadem sententia, quæ infra v. 179: *Itur in antiquam silvam, stabula alta ferarum.*

9—12. Ad templum Apollinis, quod antiquissimum fuit ad Cumas, monti impositum, et inde ad subjacens Sibyllæ antrum tendit Æneas. De utroque v. Excurs. III. Facit autem id ex Heleni (III, 441 sqq.) et umbræ Anchisæ monitu V, 731 sqq. *arces*; erat templum in montium jugis; hinc *Apollo altus* et *præsidet arci*, quatenus templum tuctur et cum eo urbem, *πολιούχος*. Porro *Sibylla horrenda*, epitheto translato; erant *secreta* (h. e. secretum) horrenda. cf. VII, 172. *mentem animumque* Homericō more *κατὰ φρένα καὶ κατὰ θυμόν*, inspirat magnam mentem, seu, indit mentem valde commotam, *ἐνδοσιώσαν*, ut *inspirare amorem, ignem*, Æn. I, 688. sive, afflat ejus mentem, movet, incitat, furore: et hoc melius.

13. Iter ad Apollinis templum (*aurea tecta*) erat per lucum, quo illud ambiebatur; ex more vetere. He-

catæ autem ille lucus cum toto Averno sacer, vel, ut loquuntur alii, Proserpinæ. conf. Excurs. II.

14—19. Fuisse famam antiquam apparet, templum Apollinis Cumanum a Dædalo esse extractum. Videntur Siculi et Itali, quicquid apud se miræ vel præclaræ artis haberent, ad Dædalum retulisse. Colligas hoc vel ex Diodori lib. IV, 78. Habuitque adeo forte horum populorum ars ædificandi et sculpendi originem suam e Creta. Communis narratio est, Dædalum ex Creta profugum in Sicilia a Minoe fuisse oppressum. At poeta, aliam famam secutus, Dædalum ex Sicilia quoque fuga evasisse statuit. Præclare Servius: *Dædalus vero primum Sardiniam, ut dicit Sallustius lib. II Historiarum, post delatus est Cumas: et templo Apollini condito sacratisque ei alis in foribus hæc universa pinxit.* Ceterum totum, qui sequitur, locum copiosius persecutus est Silius XII, 89—103. Ornamenta saltem comparent studiosi. v. 15. Horat. I Od. 3, 34: *Expertus vacuum Dædalus æra Pennis non homini datis.* Verba ex antiquiore sermone poetico servata. Cic. de Divin. I, 47 ex Mario suo: *Hanc ubi præ-*

Insuetum per iter gelidas enavit ad Arctos,
 Chalcidicâque levis tandem super adstitit arce.
 Redditus his primum terris, tibi, Phœbe, sacravit
 Remigium alarum, posuitque immania templa.
 In foribus letum Androgei: tum pendere pœnas 20

16 pariter Franc. erravit Witt. 17 Chalcidicam—arcem Medic. Chalcidicas arces Marius Plotius lib. de metris. Apud Gell. X, 16 scriptura extat vulgata. Quartum casum præfert Heinsius. *Calchidica, Calcidia, Calcidica, Chalcidica*, aberrationes codd. v. ad Ecl. X, 50. Est Χαλκίς, Χαλκιδικός. 18 hic Zulich., non male. v. Burm. 20 Androgei Heins. e codd. consensu recepit. Grammatici veteres, Carisius, Probus, Servius et Priscianus agnoscunt et tœnentur Androgeo (Ἀνδρόγαν), quod in recentioribus tantum codd. occurrit, etiam in binis Goth., expressum tamen erat in edd.

petibus pennis lapsuque volantem *Conspexit.* conf. sup. V, 254. In voc. *præpes* arguantur veteres Grammatici. v. Gell. VI, 6 et Serv. Nihil aliud est quam, celer, velox. 16. ad *Arctos* conf. Ge. I, 245. 246. Sane, sive ex Creta sive ex Sicilia sive ex Sardinia, ut modo e Sallustio traditum vidimus, profugus, Dædalus volatu versus septentrionalem plagam contendit, dum Cumas advolavit. Erit tamen, quod haud neges, hoc valde tumidum a poeta dictum: *gelidas enavit ad Arctos*; nec satis est dicere, prudentia id fecisse Dædalum, ne alæ ceratæ sole liquescerent; aut septentrionis observatione; ut Servius et alii arguantur. Scilicet fuere plures olim de Dædali erroribus per aerem narrationes (ut in ipso Ovid. Met. VIII, 220 seq. non satis assequor quem cursum seu volatum tenuerit), quibus ille etiam remotiorem septentrionalem plagam adiisse ferebatur; unde redux tandem Cumis Apollini templum ex voto posuit. Colligo hoc ex ipso poeta; tum convenit vetus narratio de ejus ad Electridas insulas in ostio Eridani accessu, de quo locus est in libro Mirab. Audit. c. 82 translatus in Steph. Byz. voc. Ἠλεκτρίδες; spectasse narratio videtur ad

fabulas de Phaethonte: conf. inf. ad X, 185. *enavit* (respexit ad hoc Quintil. VIII, 6, 18), usitata illa metaphora inter volatum et navigationem, cf. Ge. IV, 59. Sic mox *remigium alarum*, ut sup. I, 301. cf. Guell. *Chalcidica arce*, Cumis. v. ad v. 2. *levis*, ornat epitheton volantem. *sacravit* tanquam donarium ex voto. Cogita notum morem eorum, qui ex mari erant servati. Etiam *templum* ex voto factum videri potest. Sic Cerdæ visum.

20 sqq. Possunt hæc, si paullo severius agas, a re aliena videri, et videtur poeta argumenti, quod a multis Græcis poetis tractatum fuit, quorum et fuere *Theseides*, dulcedine et copia abreptus esse. Sed observa, quam callide narrationem in sculpturæ argumentum mutaverit, et ad hoc cognoscendum otium fecerit *Æneæ*, præmisso Achate ad arcessendam Sibyllam. Talia autem anaglypha in templorum foribus ex metallo pretiosiore, h. l. ex auro (v. inf. v. 32), antiquitas probare solebat. conf. Ge. III, 26, et Excurs. XV ad *Æn.* I. Imitationem loci vide apud Silium lib. III, 32. Fabulam cognoscant, quibus opus est, ex Ovid. Met. VII, 456 sqq. et VIII, 153 seqq.

Cecropidæ jussi (miserum!) septena quot annis
 Corpora natorum; stat ductis sortibus urna.
 Contra elata mari respondet Gnosia tellus:
 Hic crudelis amor tauri, suppostaque furto
 Pasiphaë, mixtumque genus, prolesque biformis 25
 Minotaurus inest, Veneris monumenta nefandæ;

21 *miseram* pro *miserorum* accipiebat Heins. *miserum jussi* sec. Goth. 22 *dictis* Goth. tert. 23 *Gnosia* Rom., ut al. Burmann. conj. *resplendet*. Sed recte impetum repressit vir doctus. 25 *Phasiphe*, *Pasiphe* in codd. Est Πασίφαις.

aut ex Catulli Epithal. Pelei v. 73 sqq. et nunc ex Apollod. III, 15, 7 et Not. pag. 879 seq. *septena corpora natorum*, pro, nati, elegantius, ut sæpe. Argutantur in numero Interpretes. Cum pueri septem septemque puellæ mitterentur, quidni alterutrum tantum poni potuit? *stat*, adstat, *urna*, graphice hoc ad sortitionem eorum, qui mittendi erant, declarandam. Jam v. 20—22 in unis forium valvis expressas puta Athenas, Androgeo necem et sortitionem puerorum; a v. 23 sqq. autem in alteris valvis Cretam, taurum, Pasiphaen, Minotaurum, Labyrinthum, Ariadnen, Dædalum. Porro diligenter servat poeta morem veterum anaglyphorum, quæ plura argumenta deinceps posita cumulabant; dum de unitate argumenti parum solliciti veteres erant. Sunt tamen h. l. res inter se cognatæ et ad eundem historiarum ordinem spectantes.

23—33. *Gnosia tellus*, ut *Gnosia regna* jam vidimus III, 115. *elata mari*, perpetuum insularum epitheton, *alta*, quod alibi vidimus (cf. sup. V, 588). *respondet*, in alteris valvis ex adversa, opposita, parte expressa est. *crudelis amor*, violentus; eodem modo *sævum* et sic porro dictum accipe pro, magnus, nimius. *supposta furto* pro supposita tauro adultero, *per fur-*

tum, κρυφίους γάμοις μυγῖσα, ex nota Musæi formula. Nolim tamen putare ipsam vaccam ligneam ipsumque flagitium expressum fuisse: sed Pasiphae v. c. demulcens taurum *inest*, tanquam pars argumenti expressa. *Veneris nefandæ*, nefandi amoris. Non aliter. Nota est de Minotauro fabula, in cujus interpretatione arguantur passim veteres, etiam ad h. l. Videtur fabula simpliciter ex symbolo aliquo antiquitus in Creta obvia ducta, quod figuram humanam cum capite tauri exhibebat; erat aliud symbolum in Sicilia et Italiæ numis frequentatum, corpore tauri in caput viri barbati exeunte, quod alii Baccchi seu Ebonis, h. e. solis, alii patrii fluvii, alii arationis et fertilitatis agrorum symbolum esse voluere. Mihi nondum liquet; obscurata, puto, jam dudum fuit vera symboli sententia. conf. ad Apollod. Notæ p. 537. Nam multa de his virorum doctorum disputata passim extant, imprimis inter Italos Mazochii et Ignarræ; multa quoque in numerorum doctrina; imprimis ab Eckhel. post Neumann. 27. Labyrinthus Dædali opus, in Pasiphaes gratiam susceptum, ut Minotaurum in eo absconderet. Sic Ovid. VIII Met. 157. Hygin. f. 40. Diod. IV, 77. Apollod. III, 1, 4, 15, 8. Apud Homerum vero Dædalus in

Hic labor ille domus, et inextricabilis error;
 Magnum reginae sed enim miseratus amorem
 Dædalus, ipse dolos tecti ambagesque resolvit,
 Cæca regens filo vestigia. Tu quoque magnam 30
 Partem opere in tanto, sineret dolor, Icare, haberes.
 Bis conatus erat casus effingere in auro:
 Bis patriæ cecidere manus. Quin protenus omnia
 Perlegerent oculis: ni jam præmissus Achates
 Afforet, atque una Phœbi Triviæque sacerdos, 35
 Deïphobe Glauci; fatur quæ talia regi:
 Non hoc ista sibi tempus spectacula poscit.

27 illa domus Goth. tert. 30 legens Sprot. et Uratisl., sed fila legit Theseus, fila et iter rexit Dædalus. cf. Burmann. 31 operum Goth. pr. in abest ab altero Hamburg. labor Ven. pro var. lect. et ed. Ven. Verba Icare haberes a nonnullis codd., inter quos Romanus est, abesse vidit Pierius. 33 omnia Grammaticorum et optimorum codd., quibus fragm. Vatic. adde, est lectio. v. Pier. et Heins., ut per synizesin scilicet effereendum sit omnia. Librariorum inscitia mutavit in omne, quod ipse Romanus habet, omnem, omnes, omne. In Ald. pr. erat omnem: sed jam ad calcem operis Aldus jussit e codd. legere omnia, quod receptum in altera edit. Ald. e Prisciano firmavit Benedictus in ed. Junt. 34 Pellegerent a Virgilio fuisse exaratum, contendit Terentius Scaurus de Orthographia. Ne vero perlegeret scribendum pates, ut, Achate præmisso, solus Æneas ad templum restiterit, recordandum, Æneam pluribus comitibus exiisse. Mox v. 40 Nec sacra morantur Jussa viri. 36 Deiphobe, Deiphebe aberrant librarii. At est Διφύβη, quæ fatur Menag. pr., totum hemistichium nonnullis deesse notat Cerdæ. Forte sustulerat aliquis, voce regis offensus. Sed idem Æneas rex inf. 55, sup. I, 544 et al. cf. Burm. 37 hæc ista Parrhas. poscunt Rom. et Medicæ, hic a pr. m., nec male:

Ariadnæ gratiam chorum seu saltationem Labyrinthi similem effinxisse narratur Iliad. Σ, 591 seqq. Habita tamen vere illa esse potuit, et annuo sollenni iterari, ad celebrandam scilicet publica hilaritate felicem e labyrintho fugam; expressa postea ab artifice opere anaglypho: quod jam Homeri, saltem poetæ, cui illa carminis pars debetur, ætate extitit. Simile anaglyphum candido marmore, quod saltationem Ariadnes exhibebat, pro Dædali opere a Cnossiiis ostentatum Pausan. IX, 40, p. 793 narrat. Homeri locum respicit Virgilius h. l. et sup. V, 588 sqq.; at idem noster rem hactenus variavit, ut nunc Dædalum narret in regina,

regis Minois filia, Ariadnæ, gratiam Theseo iter per Labyrinthum filo monstravisse, quod inventum alii poetæ simpliciter ad Ariadnæ sollertiam referunt. 27. labor domus declaratur per alterum, inextricabilis error, labor quem ipse labyrinthus facit exitum quærentibus. doli et ambages, flexus viæ et errores Labyrinthi. cf. Cerdæ. hos resolvit, reditu et egressu monstrato. cæca, etiam h. l. sunt obscura, ambigua, δυσνόητα; regit ille glomere iter incertum. Versuum 30—33 de Icaro suavitatem et vim facile sentis ex affectu et ex apostrophe ad Icarum proficisci. Verba Ausonius imitatus est in Mossella v. 300 seq. Quin kai μήν καί

Nunc grege de intacto septem mactare juvencos
Præstiterit, totidem lectas de more bidentes.

Talibus affata Ænean (nec sacra morantur 40
Jussa viri) Teucros vocat alta in templa sacerdos.
Excisum Euboicæ latus ingens rupis in antrum :
Quo lati ducunt aditus centum, ostia centum ;
Unde ruunt totidem voces, responsa Sibyllæ.
Ventum erat ad limen, quum virgo, Poscere fata 45
Tempus, ait : deus, ecce, deus. Cui talia fanti
Ante fores, subito non vultus, non color unus,

potest adeo expositis dictum videri : ista spectacula poscunt sibi non hoc tempus, sed aliud. Eandem lectionem respicit Servii nota, possit Franc. posci etiam legi posse Hein-
sius aiebat. 38 Hunc Franc. grege de niveo edd. Macrobii IV Sat. 2, male ; eum diis
inferis sacra parentur. v. Heins. 39 ex more Ven. Erf. et fragm. Vatic. 40 mora-
tur Goth. pr. sed jussa viri non morantur, confestim expediunt, paranda sacra. 41 in
templa alta pr. Hamburg. 42 excisum pr. Rottend. 43 Qua pr. Moret., perpe-
tus varietate. 45 tum virgo quidam ap. Serv. III Æn. 370. 46 plurima fanti
Schol. Stat. Theb. X, 164.

et vero sane reliqua quoque signa per-
lustrassent. Mox v. 38 grege de in-
tacto, grege bouum jugo intactorum,
Ge. IV, 540 intacta totidem cervice
juvencas, dictæ hostiæ injuges : Ma-
crob. III, 5. p. 424. Deiphobe au-
tem Glanci filia non male editur, quo-
niam ille inter deos fatidicos habeba-
tur ; ut bene Guell. monuit.

40 sqq. Locorum situm et faciem
plane legentis animo eripiant inter-
pretes, dum hic antrum in adyto tem-
pli in Cumani collis latere positum
esse putant. Templum Apollinis
erat monti impositum, qui mox urbi
conditæ pro acropoli fuit. Quod
nunc memoratur antrum Sibyllæ, in
latere ejus montis excisum, non lon-
ge ab eo loco abesse debuit. vid.
Exc. III. Ad hoc nunc ex Apolli-
nis templo abducit Æneam Sibylla.
Fallunt viros doctos alta templa, quæ
nunc non sunt Apollinis aedes, sed
antrum Sibyllæ.

42—44. Euboicæ rupis : montium
Cumanorum (v. ad v. 2), in quibus
est antrum, excisum in latere mon-
tis ; doctius : latus excisum in an-
trum. aditus, puta, subterranei me-
tus, σπήγγες, ut in Ægypto appella-
bantur. hos meatus, statuendum est,
duxisse ad unum aliquod penetrale
cujus est limen vs. 45. et fores vs.
47. et ora vs. 53. et ostia vs. 81. Conf.
de his disputata Excursu III. ad h. l.
ubi de luco Trivia. Quod si itaque
in interiore antro, adyto, Sibylla va-
ticia effaretur, remeabat vox per
infinitos hos canaliculos seu spirami-
na et exitus ; quæ res ad religiosum
horrorem valde accommodata esse
debuit (Paolum desero in his inter-
pretandis, v. Antiqq. Puteol. fol. 29).

45—54. Tempus ad oraculum pre-
cibus poscendum, ut ex v. 51 appa-
ret ; deus, ecce deus : Sentit enim illa
furore divino se corripì sub ipsum
templi aditum. Locus de furore va-

Non comtæ mansere comæ; sed pectus anhelum,
 Et rabie fera corda tument; majorque videri,
 Nec mortale sonans; afflata est numine quando 50
 Jam propiore dei. Cessas in vota precesque,
 Tros, ait, Ænea? cessas? neque enim ante dehiscunt
 Attonitæ magna ora domus. Et talia fata
 Conticuit. Gelidus Teucris per dura cucurrit
 Ossa tremor, funditque preces rex pectore ab imo: 55
 Phœbe, graves Trojæ semper miserate labores,
 Dardana qui Paridis direxti tela manusque

49 Et r. f. c. domat Lutat. ad Stat. VIII Theb. 202. 50 Non Parrhas. afflataque n. Goth. sec. Mox, ut nunc interpungitur, quando est pro quandoquidem, siquidem, uti et Servius interpretatur. Mihi oratio majorem vim habere videtur, si distinxeris: Nec m. sonans. Afflata est n. quando Jam propiore dei: cessas in vota precesque, Tros, ait, Ænea? 51 deo pauci codd. et plerique a m. pr. vel sec. et propiore Dorvill. cessas pr. Menag. 52 Æneas Sprot. et Goth. alt. neque enim Heins. ex scriptis pro nec enim. dehiscunt Leid. un. 53 magna Ven. domos tert. Rottend. Mox Ut t. f. Conticuit, g. conj. Heins. 54 dira præfert Uptonus ad Spencerum Fairy Queen p. 538, ut sint horroris plena. 55 funditque Heins. ex scriptis. Vulgo fuditque; ut pr. Morst. a m. pr. fundensque. 57 direxit Sprot. a m. pr. diresti Parrhas. directi Goth. tert. cum Rom.

tum egregius. Nec comtæ mansere comæ: atqui erant illæ resolutæ, ut in sacris mos erat; igitur nunc non mansere ut erant, in suo positu naturali, sed aut factæ sunt horrentes: cf. Seneca Agam. 712. 713, aut jactatæ, ut Tibull. II, 5, 66, quod malim ex Val. Fl. I, 208. 209 imitatione. majorque videri, μεῖζων εἰδέναι, ut solent majora visu esse, quæ animus sensusque miratione percellunt: Paullo aliter de diis, qui in hominum præsentiam veniunt, sup. in Excurs. XIII ad lib. I. nec mortale sonans, adeoque divinum quid; v. V, 649 de Irade in Beroen mutata, cf. I, 328. Quæ Spencius Polym. Dial. XVI comparat de Fama Æn. IV, 176, de Aleto VII, 448, de Tisiphone Georg. III, 553, paullo diversa sunt. Cessas in vota, ad vota, exquisitius dictum, quam cessas facere vota. 52. enim, ἤ γάρ; ut alias pro,

vero, scil. nisi vota feceris. attonitæ magna ora domus, interioris majoris antri, tanquam adyti, fores. attonitæ: ut rei inanimatæ tribuatur sensus idem, qui est in iis, qui repente revelli fores audiunt. Nec tamen male Serv.: facientis attonitos, stupendæ; ut, mors pallida, tristis senectus. Scilicet debebat esse attonito tibi propter fores, ubi revellentur: transfertur doctius epitheton ad fores. Videtur autem antiqua religio templorum fores nonnunquam ita machinis instruxisse, ut nulla hominum opera aperiri viderentur: imprimis in oraculis. Eo spectabat nota Serviana, cujus fragmentum habemus: Trahit hoc de Matris Deum templo, quod non manu, sed precibus, aperiebatur.

56—62. Semper a Trojanorum partibus stat Apollo in Homero. 57. Fundus Iliad. X, 359; verum copio-

Corpus in Æacidæ; magnas obeuntia terras
 Tot maria intravi, duce te, penitusque repostas
 Massylûm gentes, prætentaque Syrtibus arva; 60
 Jam tandem Italiæ fugientis prendimus oras.
 Hac Trojana tenus fuerit Fortuna secuta.
 Vos quoque Pergamæ jam fas est parcere genti,
 Dique deæque omnes, quibus obstitit Ilium et ingens
 Gloria Dardaniæ. Tuque, o sanctissima vates, 65
 Præscia venturi, da, non indebita posco
 Regna meis fatis, Latio considerare Teucros,
 Errantesque deos, agitataque numina Trojæ.

59 *penisque* r. Rom., quod Pierius explicat: ad Pœnos usque. Sed est librarii lapsus. 60 *Massylium* multi librarii peccant; et et al. Jo. Schrader. conj. *prætestaque*, ut illud: *Germania, quatenus Danubio præteritur* et alia. Verum ita variatur oratio, non emendatur. Apud Silium XVI, 253 est *extenta tellus Syrtibus*. 61 *fugientes* octo codd. ap. Burmann. Sed etiam V, 629 *Italiam sequimur fugientem*. 62 fuerat Montalh. 63 *parcite* aliquot Pier. quod et ipsum placere potest. At nec vulgata habet, quod novare necesse sit. 64 *Ilium* et Dorvill. *Ilium ingens* alii Pierii, lapsu, quem alias quoque vidimus. 65 *Dardanidum* ed. Ven. 66 Bene Burmannus distinxit post *fatis*, ut sit: *da Latio considerare Teucros*. Et sic jam inde ab Aldo interpanxerant. Alii sic: *da* (non i. posco) *Regna m. f.* 67 *considere* Rom. et aliquot codd., quos Ursinus viderat, Goth. sec. cum tribus ap. Burm., perpetua varietate. cf. I, 572. III, 162 et al.

sus Paridis fatum exposuerat Aetivus in Æthiopide; nunc in Quinto Lib. III. pr. Est autem inter memorabilia factum hoc Apollinis, quod sive suo sive Paridis telo Achillem occidit; ejus enim morte fatum Trojæ primo differebatur, tum autem ille multo gravius sæviturus fuisset in Trojanos urbe capta quam mox factum est. Veneris et Apollinis precibus id dedisse Jovem, præclare exponit Horat. Carm. IV, 6. pr. 58—60. omnia in majus aucta; pro Pœnis *Massylos* tanquam vicinos, et *Syrtes*, tanquam Africæ adjacentem oram. conf. Excurs. IV ad lib. I. *penitus repostas gentes*: positas, habitantes, in interiore Africa. Silius III, 325 *Nec non totus adest vesper, populi que reposti*; *Cantaber ante om-*

nes. prætenta ut *Sicanio prætenta sinu insula* III, 692. *Italiæ fugientis* vid. sup. V, 629. *Trojana Fortuna*, adversa sc. Mox *obstitit*; quæ consiliis nostris obsistunt, invisa sunt.

65—68. Vide v. 84 sqq. *Da*, Servius: *dic, utrum possimus considerare*; Male. At recte Burmannus alteram interpretationem tuetur: *da*, fac, effice, ut passim, v. c. XII, 97. Solent autem in vaticiniis notiones hæ inter se permutari, ut, cum diversa sint, *prædicere* et *prædicta efficere*, vates tamen sibi arrogant, aut ut vatibus tribuatur alterum hoc. Itaque a vatibus postulatum legimus, ut meliora ac lætiora prædicant, ac si ipsi rerum eventa disponant. Pro, *fac nos considerare*, quam graviter ista v. 67. 68. *agitata numina penates* qui modo er-

Tum Phœbo et Triviæ solido de marmore templum,
 Institutam festosque dies de nomine Phœbi. 70
 Te quoque magna manent regnis penetralia nostris :
 Hic ego namque tuas sortes, arcanaque fata,
 Dicta meæ genti, ponam, lectosque sacrabo,
 Alma, viros. Foliis tantum ne carmina manda ;
 Ne turbata volent rapidis ludibria ventis. 75
 Ipsa canas oro. Finem dedit ore loquendi.

69 *templa* vulgg. edd. ante Heins. et codd., sed fere recentiores, ut tres Goth. Et poterat illud placere, quoniam de uno templo Dianæ cum Apolline dicato Romæ non constabat. Spanhemius, jam Burmanno laudatus, de usu et præst. Num. T. II, p. 159 ex Varrone LL. VI affert locum, unde Noctiluæ templum in Palatio fuisse, h. e. Dianæ, constat. Enimvero alienum hoc ab h. l. ; nam obscura aliqua sedes non poterat a poeta commemorari ; sed agi necesse est de respecto illo et dedicato ab Augusto (v. Vita Virg. 726) et toties celebrato a poetis templo Apollinis Palatini. Neo refert, *templa in templum* legas : aliter enim, quam de uno illo templo, dictum nec alterum accipies. Erant in hoc templo pensiles lychnuchi ex ære mirandæ artis, quas Alexander captis Thebis Apollini in Cyme (ἡ Κύμη) Æolidia dicaverat, ap. Plin. XXXIV, 3, s. 8, quos perperam Spanhem. l. c. in ædem Noctiluæ transtulit. 70 *Constitutam* Rom. Ursum. et Serv. ad III, 274. Sed poeta exquisitius verbum h. l. sequi maluit : siquidem, ut vulgo fit, interpungas : *templum Institutam*, f. Nunc alia ratione succurrisse me vides. diis Witt. 71 *nostris p. regnis* Hamb. pr. Erf. et Diomedes lib. I. 72 tuis alter Hamburg. *Achaica fata* idem. 73 *imponam Parrhas. ponam genti* Mentel. alter. 74 *tantum foliis* Parrhas. nec c. tres ap. Burm., porro nomina Ald. pr., sed emendavit Nauger. Goth. pr. et Nonius in *ludibria*. conf. sup. III, 445. 76 *finem dedit ore loquendi*. Fuisse videntur jam ante Cerdam, quibus hæc ab aliena manu assuta esse viderentur,

rantes erant ; nam *erroribus agitur*, vexamur.

69—74. Ad templum in Palatio ab Augusto factum respici, ut Æneas ex posteriorum persona vota faciat, jam Servius notavit. cf. Sueton. Octav. 29. Ex Virgilii autem verbis vix aliter sentias, quam, cum Apolline, Dianæ quoque sorori templum Palatinum fuisse consecratum ; ut in ludis sæcularibus aliisque sacris consociatæ fuere utriusque religionis. Apud Propert. II, 31, 15 legimus, signum Apollinis in eo templo inter Latonam et Dianam medium stetisse : *Deinde inter matrem deus ipse interque sororem Pythius in longa carmina veste sonat. festos dies, ludos Apollinæ ab eodem institutos*. 71—73. libros Sibyllinos et

XV viros iis inspiciendis. Servati autem illi libri primum in Capitolio, Ab Augusto vero restituti sub Apollinis Palatini basi conditi ; ut ex Suetonio notum Octav. 31 et Tibullo II, 5, 1 *Phæbe fave, novus ingreditur tui templa sacerdos*, Quindecimvir Messala ; hæc igitur sunt *penetralia*. Neque Ovidius intelligendus aliter, etiam rem ita effert, quasi Sibylla templum et sacra habuerit, Met. XIV, 128 *Templa tibi statuum, tribuum tibi tuis honorem*.

74—76. Exequitur Æneas Heleni præceptum, sup. III, 443. 457. *Ipsa canas*. Nunc igitur more suo relicto non foliis inscribit dicta, sed ore profert. Tota de Sibylla fabula ad antiquissima pertinet tempora ; ex iisdem etiam petita esse puta-

At, Phœbi nondum patiens, immanis in antro
 Bacchatur vates, magnum si pectore possit
 Excussisse deum: tanto magis ille fatigat
 Os rabidum, fera corda domans, fingitque premendo.
 Ostia jamque domus patuere ingentia centum 81
 Sponte sua, vatisque ferunt responsa per auras:
 O tandem magnis pelagi defuncte periclis!
 Sed terra graviora manent. In regna Lavini

offensi forte et illi vocis ore pleonasmō, satis et alibi obvio. v. Burm.; tamen Servius quoque in eo arguitur. Sed bene laudant Intpp. Lucilii versum: *Hæc ubi dicta dedit, pausam facit ore loquendi*, ap. Nonium in pausa. 78 posset Rom. et Hamb. alt. 79 excussisse Dorvill., ut solent recent. librarii. excussura Barthius ex suo codice. 80 rapidum multi ap. Burm. 81 namque alter Hamburg. 82 vatisque ruunt idem. sub auras Sprot. et Goth. sec., ut alibi. 84 Duæ codicum sectæ: altera, duce Romano, terra; et hoc sonantius; altera, Mediceo duce, terræ; quod non, ut humi, terræ, interpretari malim, sed terræ pericula, ut Pierius quoque facit. terris Parrhas. *majora manent Sprot. et regna* nonnulli Pierii, omissa præp. ad, quod Heins. ad II, 781 illustrat. *regna Latini* alios legere narrat post Benedictum in ed. Junt. Pierius, etiam scriptos, sed ex interpolatione. Enimvero *Lavinii regna* ab urbe nova condenda, Lavinio, haud dubie

lia arborum, quibus illo ævo scribebatur, nondum alia meliore materia inventa.

77—80. Ornate omnia; a domandis equis translata verba (cf. v. 100, 101) ad vatem, quæ nollet deum recipere, *ἐξουσιάζειν*, cum divina vis crederetur corpus mortale, tanquam sui non capax, graviter vexare. *bacchatur* pro simplici discurrit, vid. sup. IV, 301. *Fingitur* equus a magistro *premendo*, h. e. pressus frenis, compressus, coercitus. cf. sup. I, 63; ergo *fingit premendo* pro premit. Est etiam brevitas laus in *tanto magis*: Subintell. sed quanto magis illa *bacchatur*, adeoque reluctatur *tanto magis* etc.

81, 82. *Ostia domus*, aditus ad interiores recessus antri: v. sup. 45 aq. ea patere dicuntur, ac si de templo ageretur: cujus fores sponte patere narrantur adventante deo: ut ap. Callim. in Apoll. 3, 6, 7. Putanda autem nunc est Sibylla adytum

ingressa, deo plena, ex adyto hæc vociferari, conf. v. 98, voce per cava antri resonante: ut v. 44. *Æneam* autem ante fores substitisse. cf. v. 98. Quod sequitur vaticinium est inter insigniora poetæ loca, cum sententiarum gravitate, phantasmatum sublimitate et doctrinæ poeticæ copia, tum verborum pondere, dignitate et ornatu; etiam orationis nova inflexione et variatione: ut plerumque loca, quæ vaticinia exponunt, felicissimæ artis in poetis esse solent: quandoquidem poeticum spiritum nihil est, quod æque recipiat, quam futurarum rerum descriptio.

83—89. Dicta hæc secundum Heleni prædictionem sup. III, 458 sqq. conf. præclarum locum Tibulli II, 5, 39 sqq., ubi Sibyllæ oraculum alio tempore ac modo, latius tamen, expositum est. *in regna Lavini*, ad Lavinium; hoc tandem manifestum de aditus ad Italiam loco vaticinium (cf. Disquis. de rer. in *Æn. tract. inven-*

Dardanidæ venient; mitte hanc de pectore curam; 85
 Sed non et venisse volent. Bella, horrida bella,
 Et Thybrim multo spumantem sanguine cerno.
 Non Simois tibi, nec Xanthus, nec Dorica castra
 Defuerint. Alius Latio jam partus Achilles,
 Natus et ipse dea. Nec Teucris addita Juno 90

exquisitius dicta et ad spiritum fatidicum melius sunt attemperata; nec in eo prolepsis nec metrica ratio in priore syllaba correpta quenquam tenere debuit: v. sup. I, 2. *Sunt regna Lavinii*: itaque scripsi, ut debet scriptum esse veterum more, *LavinI*, ut etiam sup. I, 258. 270. Eadem non minus bene *regna Lavinia* dixisset, ut alibi *arva Lavinia*, *litora Lavinia*, IV, 236. I, 2. 85 *pone hanc Uratisl. dimitte hanc p. Leid. et pr. Moret.* 86 In et turbant librarii; et vel omittunt, vel scribunt: *Sed non evenisse, sed non advenisse.* Est: verum etiam volent non venisse. Etiam voluit Mentel. pr. 87 *cernum* Moret. sec., male. 88 *Nec S. Dorvill.* 89 *Defuerunt* alter Hamb., cum glossa, *in labore.* 90 *addita* multi ap. Pier., ex more. *Heumanus olim conj. nec Teucris (addit) Juno*; sed repressus ab Burmanno ad h. l. v. *Notam nostram.*

tione s. VI). Reliqua egregie ad horrorem partim rerum exemplis et verborum ornatu, partim comparatione cum rebus 'Trojanis, quarum quanta vis ad Æneæ animum ipsa recordatione esse debebat! 87. jam Homero frequentata rei imago Iliad. II, 329. *Dorica castra*, sup. II, 27, ubi v. Not. 88 sqq. Eadem calamitatum series renascetur. cf. inf. X, 60, 61, 62. *Alius Achilles*, Turnus Veniliæ f. v. inf. X, 76. Nec hoc sine veterum exemplo. v. c. Eurip. Troad. 614. 615 *φεῦ· φεῦ· ἄλλος τις Αἴας, ὡς ἰοῦκε, δεινέρος Παῖδος πέφνεν σῆς.* conf. Ecl. IV, 36 *alter erit tum Tiphys— atque iterum ad Trojam magnus mittetur Achilles*, etiam in vaticinio. Nec aliter in predictionibus vatum Hebraicorum Davides et alii iterum excitantur tanquam reducees.

90. *Nec Teucris addita Juno Usquam aberit.* Interpretatio loci e veteribus nobis servata est. Macrob. VI Sat. 4 unum ex iis locis esse docet, in quibus vetustum verbum servaverit poeta. *addita, id est, affixa, et per hoc, infesta. Hoc jam dixerat Lucilius lib. XIV his versibus: "Si mihi*

non prætor siet additus atque ageret me, Non mule sic ille, ut dico, me extenderat unus;" Etiam Servius: *addita Juno, inimica. Est autem verbum Lucilii et antiquorum: ut Plautus Aul. III, 6, 16 "Argus, quem quondam Jovi Juno custodem addidit."* Sed alterum hoc Plauti ex iis potius exemplis est, quæ doceant, quomodo voc. *additus* in hunc significatum transire potuerit. Scilicet *custodem dari, addi*, voc. proprium est; v. c. inf. IX, 649 *Tum comitem Ascanio pater addidit*; et Horat. III, 4, 79 *nequitia additus Custos*, vultur, qui Tityi jecur observat. Jam autem qui *custodes additi* sunt, imprimis peccare volentibus, iidem molesti sunt, difficiles, odiosi, infesti. Nota res jam ex virorum doctorum disputationibus. Adi vel Gesneri Thesaur. LL. h. v. Virgilium imitatus est in vocis usu Silius II, 595 *agit addita Erinnyes*. Paulo aliter comparata sunt exempla, in quibus *addi vel additi esse* dicuntur, qui non sine molestia aliqua accedunt ad nos, vel quæ nobis contingunt ingrata. v. c. apud Stat. II Theb. 320 *Et, qua non gra-*

Usquam aberit. Quum tu supplex in rebus egenis
 Quas gentes Italûm, aut quas non oraveris urbes !
 Causa mali tanti conjux iterum, hospita Teucris,
 Externique iterum thalami.

Tu ne cede malis : sed contra audentior ito, 95
 Qua tua te Fortuna sinet. Via prima salutis,
 Quod minime reris, Graia pandetur ab urbe.

Talibus ex adyto dictis Cumæa Sibylla
 Horrendas canit ambages, antroque remigit,

91 *Usque Ven. Nusquam a. tum tu Parrhas. tunc tu pr. Hamb. pro var. lect. ut rebus Leid. unus.* 92 *erraveris Wall.* 93 *Teucris pr. Moret. Ceterum male vulgo distinguebatur, etsi Servii exemplo, Causa mali tanti conjux, iterum h. Teucris; Melius: Causa mali tanti conjux iterum, h. T. Sic et mox iterum thalami.* 94 *Extremique Moret. sec.* 95 *crede Goth. tert. et a pr. m. Medic. audacior alter Hamburg. et bini Goth. audacior Wall. ardentior Leid. et Hugen. a m. pr.* 96 *Vulgatam erat: Quam tua te fortuna sinet. Ut plus audeat, quam fata permittant, vix videtur bonum consilium esse; multo minus Æneæ datum, cujus omnia consilia ad fatum ordinem a poeta temperata sunt. Quam pro quantum ut cum Heinsio et Burmanno accipias, durum esse puto, et vero etiam jejanum: Malis obviam ito, quantum potes. Significantius est: quaecumque via licet id facere. Accedo igitur viris doctis, ut legendum existimem, Qua, ea via, qua; ut sup. II, 387 O socii, qua prima inquit, fortuna salutis Monstrat iter, quaque ostendit se dextra, sequamur. Affine est sup. I, 418. Corripuere viam, qua semita monstrat. nec tamen adeo longe in malis propulsandis progredi fata te sinent, sed paratum est auxilium: Via prima s. Atque fuit hæc lectio etiam in libris plerisque Pierii; forte recentibus. Nam veteres omnes in quam conspirant. Inter editos princeps Ald. qua exhibet, mutatum a Naugerio in altera. In his tamen particulis, imprimis cum comparativus in errorem tam facile inducere debuerit, nolim librariorum fidei tam multum tribuere. Alii legunt Quum, quod vix probes. Toupius Epist. Crit. pag. 171 Lego, ut mihi quidem videtur, certissime: Quo tua te fortuna feret. Hoc est, poetæ dictionem per lusum variare, non, corrupta emendare. sinat Oudart. 98 Cumana Dorvill., sed alterum doctius: v. ad Silium IX, 57.*

vior mortalibus addita cura, *Spes.* Ad hoc genus referenda loca, quæ afferunt Drakenb. ad Silium l. c. Gronov. ad Senec. Herc. fur. 1237 et al., non ad prius. Adde Val. Fl. VI, 181 *Necdum clara, quibus sese Fuga (Φύλα) mentibus addat.* Aliter rem expedire voluisse videtur Burmannus, qui ita ordinat verba: "*nec Juno aberit Teucris, addita scilicet aliis hostibus, Turno et reliquis:*" hoc vero multo durius: etiam si jungere velles: *nec aberit addita, h. e. addetur, accedet se. nova hostis.* Si quis nondum ullo interprete inspecto lo-

cum legat, is haud dubie ita accipiet: *nec deerit in Italia Juno, addita Teucris, quæ semper Trojanis adesse, his instare, eos arguere, persequi, solet.* Eas res infesti animi esse, quis dubitet?

91—97. *quam tu pro vulgari, tum tu. oraveris:* v. lib. VIII scil. Evandrum et Agyllinos Etruscos, in rebus egenis, angustis, periculosos. Noli cum Servio et aliis de fame accipere. *conjux* Lavinia, ut olim Helena. 96. *qua via et ratione, quo modo se res dabunt.* j. v. Var. Lect. *Graia ab urbe,* Pallanteo Evandri. Color si-

Obscuris vera involvens : ea frena furenti 100
 Concutit, et stimulos sub pectore vertit Apollo.
 Ut primum cessit furor, et rabida ora quierunt ;
 Incipit Æneas heros : Non ulla laborum,
 O virgo, nova mi facies inopinave surgit.
 Omnia præcepi, atque animo mecum ante peregi. 105
 Unum oro ; quando hic inferni janua regis
 Dicitur, et tenebrosa palus Acheronte refuso :
 Ire ad conspectum cari genitoris et ora

101 *Incutit* pr. Hamb. pro var. lect. *Quoties frena* proprie de aurigantibus, *venit* aliquot Pier. cum Goth. sec. Sed hoc ad orationem vulgarem propius accederet. 102 *Ut tandem* Parrhas. *rapida* multi et hic. v. sup. 80 et 49. 104 *nova non f.* Exc. Burm. mihi Rom., hic et alibi. Scilicet eodem res redit, si syllabas contractas scriptura quoque, an tantum pronuntiatione, tollas. Sed constantia in his servanda est. *surgit* Zaliich. 105 *percepi* multi scripti et editi. Sed *præcepi* Rom. Medic. et alii vetustiores cum Servio. Et hoc eraditius. cf. inf. X, 277. *ipsos peregi* Seneca Epist. 76 et Ragraph. in Terent. 106 i. j. *Dis* Leid. unus, et Franc. in margine; ex interpret.

milis est apud Apollon. II, 388 "Ενθα γὰρ ἔμμιν ὕνεκαρ ἀδεντικός ἐξ ἄλδς εἰσιν Ἀρήγρον.

100. Eventa rerum obscuris verbis prodit. Imitatur locum Lucanus I, v. 637. 638 *flexa sic omina Tusca Involvens multaque tegens ambage canebat.* Pompon. Sab. "vera, quæ vera futura erant. Probus ait, vera, lucida." Alexander (Grammaticus, unus ex vetustis poetæ interpretibus) "a quo accepit Sergius (leg. Servius), pro, veris obscura miscens," male hæc. Sed *involvere obscuris*, est obscurare; ut *involvere caligine, nocte.* 100. 101. *ea frena f.*, de concitato animi impetu; ut alias de cursu. *ea roia*, tam valida, pro: nam admodum valida *frena.* cf. v. 79. 80. *stimulos sub pectore vertit*, h. e. in pectore figit. Sed plus inest alteri verbo; continuato sc. ictu. *Frena* et *stimulos*, ad furorem declarandum a Tragicis habet poeta; forte ex ὀλορὸς natos. Inter loca, quæ Interpr. laudant, unus est accommodatus Euripidis (Iphig. in

Taur. 935) de furiis: *ηλίστρον δειλὸν ὄσος αἰματηρὰ στῆμι' ἐπιβαλεῖν ἱμῶι.*

104. *facies* est species, genus; *surgit*, exquisite, evenit, occurrit. Scilicet audierat Æneas omnia a patre V, 730. 731 et Heleno III, 458. *præcepi.* Non male Æschylus comparatur Prometh. 101—103. *percegi* pro vulgari, exegi, perpendi.

106—109. *janua regis* h. e. palatii vel regni aditus. *tenebrosa palus Acheronte refuso.* Cum Acherontem mox in inferis locis poni a poeta videamus, Servius, et ex eo Pomponius, pronuntiant: *Avernum significat, quem vult nasci de Acherontis æstuariis:* ut Avernus adeo sit Acherontis emissarium. Fuit tamen in his ipsis locis ad Cumas *palus Acherusia* (cf. Exc. II et IX extr. ad h. libr.): ad quam Virgilius respicere debuit: *tenebrosa palus Acheronte refuso:* etsi in ea designanda usus forte est iis, quæ de Acheronte in inferis narrari solent; cui *æstus* tribuitur inf. v. 296. 297, ita ut ex inferis par-

Contingat; doceas iter, et sacra ostia pandas.
 Illum ego per flammās, et mille sequentia tela, 110
 Eripui his humeris, medioque ex hoste recepi;
 Ille, meum comitatus iter, maria omnia mecum
 Atque omnes pelagique minas cœlique ferebat
 Invalidus, vires ultra sortemque senectæ.
 Quin, ut te supplex peterem, et tua limina adirem, 115
 Idem orans mandata dabat. Gnatique patrisque,
 Alma, precor, miserere; potes namque omnia; nec te

109 *Contingit* aliquot Pier.; at Romanus: *Unum oro*—Ire ad c. c. genitoris, et ora *Contingam*. 111 *revelli* Bigot. In *recepti* argutati sunt veteres Grammatici. v. Serv. et Pompon. Sab. Sed *recipimus* et *recuperamus* non modo amissa, sed ea quoque, quæ ne amitteremus metuendum erat. 113 *cœlique minas pelagique* Medic. et Wall. 114 *Invalidus*. Jo. Schrader. otiosum esse ratus emend. *Impavidus*. Verum Anchises ferebat, etsi invalidus, fortius quam pro virium et ætatis modo et gradu. 115 *et abest a ple-*risque Pier. et Heins., comparet tamen in Medic. et Rom. Sed abesse posse nemo dubitet. *lumina, numina* etiam hic in libris. 116: *Ille o. pr. Hamb. ipse o. Hugen.* Ex Pier. alii *Id me orans*, alii *Id memorans*. Tertius Rottend. *Dememorans. gnati, nati*, et in nonnullis *geniti* legitur ap. Pier.

tibus exundet, supraque crateris sui labra exuberet (*refusa* sit) aqua; ductum id ex Platone; in cuius Phædone p. 112 B. Steph. Tartarus omnes amnes recipit, aqua autem αἰωπαῖται ὅῃ καὶ κυπαῖναι ἀνω etc. Ita passim poetæ. Apud Valer. Fl. IV, 594 *Illic* (juxta Heracleam Paphlagoniæ) *Acheron—vastoque exundat hiatu Fumeus*; et de eodem Apollon. II, 747 κοῖλῃ δὲ φάραγξ κατὰ γυμνῶσιν. Ipse enim Acheron in imis terræ radicibus: Κνάμιον δ' Ἀχίροιν, δὲ ἔχει βυζώματα γαίης Orph. Hymn. XVII, 10. De his ipsis autem locis Ulyssis aditu celebratis agens Lycoph. v. 695 καὶ ἑρπονσίαν Ῥόχθοιαι κυπαίνουσιν οἰδματός χυθόν, et eundem in sensum Silius *eructare* dixit in loco ex Marone expresso X, 425 *specus—eructat acerbam Cocyti laxo suspirans ore paludem*. Est itaque *refusum*, si poeta noster ad æstum illum ebullientis aquæ respexit, paullo

aliter dictum atque ex communi usu, quo simpliciter ad aquam stagnantem illud spectaret: ἀναχυσίς ποταμός' etsi ne sic quidem, post omnia ista, video, quid impediatur in Marone accipere paludem *Acherontis refusi* seu *stagnantis*, respectu *Acherusiæ* ad Cumas, de qua verba sunt Geographi: Ἀχειρονσία λίμνη, ἀνάχυσίς τις τεναγώδης θαλάσσης Strab. V, p. 243 D. Mox *sacra ostia*, ut Homericum θεία, et inf. 573 (non ut Serv.), cuius voc. significatus latissime patet, ut in nostris linguis nihil sit, quod satis respondeat.

116. *mandata dabat* sup. V, 735. Mox *Hecate*: nām sup. v. 35 *Phæbi Triviaque sacerdos*.—119. 120. Aut supplendum alterum membrum: *quidni et mihi adire inferos liceat?* aut *jungenda*: *miserere—si potuit*; siquidem p. (Statii imitationem notarunt Silv. V, 3, 271 sqq.) *fretus*: pro, usus. Homericum πεποιθώς, πῖ-

Nequidquam lucis Hecate præfecit Avernis ;
 Si potuit Manes arcessere conjugis Orpheus,
 Threïcia fretus cithara fidibusque canoris : 120
 Si fratrem Pollux alterna morte redemit,
 Itque reditque viam toties. Quid Thesea, magnum
 Quid memorem Alciden ? Et mi genus ab Jove summo.
 Talibus orabat dictis, arasque tenebat ;
 Quum sic orsa loqui vates : Sate sanguine divûm, 125

119 *accersere male et hic multi.* 121 *Sic f. Schol. Statii. v. Heins. Hygin. f. 80. Tunc deprecatus Pollux, ut liceret ei munus suum cum fratre communicare. Cui permisit ; ideoque dicitur alterna morte redemptus.* 122 *Quid Thesea, magnum Q. Alciden distinxit Heins. ex Mentel. Addit Burmannus Witt. et alios. Librariis equidem tantum non tribuam. Sed jam veteres Grammatici super interpunctione disceptavere. v. Serv. et Pompon. Sab. Male eos habet, quod Thesea dicat magnum, qui sacrilegus fuerit, et qui sedet æternumque sedebit Infelix Theseus inf. 617. 618 ; quasi vero magnum semper philosophicam aliquam virtutem designet. Ratio petenda erat ex elegantia poetica optimorum poetarum usu frequentata, et ad animum et ad auditum jucunda, ut epitheton potius ad posterius, quam ad prius referatur : Quid Thesea, magnum Quid m. Alciden !* 123 *Alcidemque, mihi genus tres ap. Burm. a Jove duo cum binis Goth. et summo est sec. Moret.* 124 *tenebant pr. Moret.* 125 *Cum sic Heins. ex Medio. et aliis ; alii tum et tunc.*

συνος, et in hac ipsa re Orph. Arg. 42 Ἡμετέρῳ πένθος κισάρῳ, simpl. pro, ope citharæ.

121. 122. Ut cum Castore, qui mortali patre, Tyndareo, natus erat, immortalitatem communicaret Pollux Jove patre natus, hoc a diis consecutus est, ut, quoties ipse ad inferos se contulisset, fratri apud deos interim versari liceret. Hinc alternis sedes mutatae. Fabula varie a poetis tractata et ornata. Fundus Odyss. A, 302. 303, at v. Pindar. Nem. X. Etiam Theseus et Hercules memorantur, quatenus inferos adire. v. inf. 392 seqq. Aliter de Theseo fabula tractatur v. 618. Unde reprehensus poeta ab Hygino, ap. Gell. X, 16, quod altero loco Thescum in inferis æternum sedentem, in altero hoc, in quo versamur, inter eos nominasset, qui ad inferos adissent et redissent. Enimvero poeta non Thescum iisse et rediisse narrat,

sed Pollucem ; Thescum autem tantum sic memoravit, ut de solo aditu inferorum ageret. Grammatici impetum accurate retudit Ouwens Noct. Hag. p. 20 sq.

124. *aras tenebat.* Notissimus precantium mos. Sitameneas animo, Æneam in ipso limine templi vel antri substitisse (cf. mox v. 151 ; et is perpetuus veterum mos, si deum consulerent), dum vates penetraret ad adytum, v. 98, ara difficultatem habere potest, quo loco sita fuerit. Scilicet, si ad limen substituerant consulentes deum, de tota ea parte intelligendum, quæ usque ad adytum patebat, adeoque πρόναος et ipse ναός sub limine et aditu intelligendus. Erat autem ara in pronao : nam omnis sacrificii ritus factus passim ante ædem memoratur.

125—132. *Avernus* h. l. simpl. pro locis inferis ; non lacus ; ut inf. 237 seq., sed ut in Ἀχέρων δυσίχορος vel

Tros Anchisiada, facilis descensus Averno;
 Noctes atque dies patet atri janua Ditis;
 Sed revocare gradum, superasque evadere ad auras,
 Hoc opus, hic labor est. Pauci, quos æquus amavit
 Jupiter, aut ardens evexit ad æthera virtus, 130
 Dis geniti potuere. Tenent media omnia silvæ,
 Cocytusque sinu labens circumvenit atro.
 Quod si tantus amor menti, si tanta cupido est,
 Bis Stygios innare lacus, bis nigra videre
 Tartara; et insano juvat indulgere labori: 135

126 Vulgo. *Anchisiade* est, Ἰδ' Ἀγχισιάδην. *Anchisiada* Medic. a m. pr. et tert. Moret., eleganter, Heinsio iudice; quia poetas Latinos alia sic efferre videmus: *O Æacida. Orestes. Æeta*, ut docuit ille ad Ovid. *Ep.* 3, 87. 8, 9 et al. Etiam sup. III, 475 *Anchisa*. A Bormanno admissam lectionem pristinam iterum expulimus: conf. v. 348. IX, 653. Nec tamen hoc adeo perpetuum putandum, quo minus et vulgaris ratio ferri possit. Ita v. c. Val. Fl. II, 427 *Æacide* legitur constanter. Alii *Anchisiadae, Anchisiades. discensus* tres ap. Borm. *Averno* nota elegantia pro *ad Avernum* reposuit Heinsius cum melioribus, nisi quod fere habent: *Averno est*. Vulgo *Averni*, quod vulgare esset. *Averni est* Gud. a m. sec. Scilicet etiam h. l. duas codicum familias agnoscas: Romanus ducit alteram, *Averni*, alteram *Mediceus*, vel *is*, unde exscriptus ille est, *Averno*. Pompon. Sab. "*Averno*, ad *Avernum*. Sic legit Apronianus." 128 gradus sec. Moret., sed vid. Borm. 130 *audens* alter Hamburg. *avexit* Leid. un. *in æthera* aliquot apud Borm. 132 *Cocytos* Medic. et alii. *circumvenit* post Pierium et Gifan. ap. Guell. Heinsius e melioribus omnibus reposuit lateque adstruxit exemplis. Adde Wass. ad Sallust. Jug. 71 et alios. Vulgg. *circumfluit*. Scilicet *circumvenire* exquisita et docta ratione dictum pro, *circumire, circumdare, circumfluere*; quæ vulgaris verba sunt. 133 *Quin si conj.* Heins., et Goth. sec. *Quid*; sed conf. II, 10. t. *anior, menti si duo interpungunt. mentis* alter Hamb. est deest Menag. pr. Goth. sec.

ἀνιζόοις. vid. Ursin. et rel. 127. *patet atri janua Ditis*: accessu libero et expedito. Simili modo, diebus iis, quibus februa et inferiæ diis inferis fiebant, *mundus patere* antiquitus dictus: Macrobi. I, 16 e Varro: *Mundus cum patet, deorum tristium atque inferorum quasi janua patet*. 129. *Pauci* ἥρωες διόγενεις, si fuerint *διοφιλεῖς* et *καλοκράγαδοι*. Sententiam versuum 126 sq. *facilis descensus A.* interpretatur Seneca Herc. fur. 675 sq. *æquus, propitius* h. l.

131. *silvæ* memoratæ tenebrarum et caliginis significandæ causa; ducta imagine ab *Averni* lacus situ: sup. 118 *luci Averni*. v. Excurs. II. *Co-*

cytum, Stygem, Acherontem, promiscue ponit poeta; etsi aliis locis diversos facit amnes; cf. Exc. IX, uti et h. l. *Cocytum* et *Stygem. sinu* præclare, de cursu fluvii, qui ambit locum, sinuoso.

133—135. *Bis*; nata rei perceptio hæc ex Homericis Od. M, 22 ἔχιδναί—*Διοσθενίς* etc. Sed "Pollio admiratur, cum *Æneas* esset futurus deus, cur dicat *bis*. Solvitur hoc, quia ap. Homerum (Odys. M, 600 sq.) *Ulysses* vidit umbram *Herculis* apud *inferos*." Recte hoc; quandoquidem et heroum inter deos receptorum umbræ in locis inferis habentur. Etsi nec hoc necesse. Nam

Accipe, quæ peragenda prius. Latet arbore opaca
 Aureus et foliis et lento vimine ramus,
 Junoni infernæ dictus sacer : hunc tegit omnis
 Lucus, et obscuris claudunt convallibus umbræ.
 Sed non ante datur telluris operta subire, 140
 Auricomos quam quis decerpserit arbore fetus.
 Hoc sibi pulchra suum ferri Proserpina munus
 Instituit. Primo avulso non deficit alter
 Aureus ; et simili frondescit virga metallo.
 Ergo alte vestiga oculis, et rite repertum 145
 Carpe manu. Namque ipse volens facilisque sequetur,
 Si te fata vocant : aliter, non viribus ullis
 Vincere, nec duro poteris convellere ferro.
 Præterea jacet exanimum tibi corpus amici,

136 *opaco* Medic. a m. pr. 139 *plaudunt* Rom. 140 *opaca* Dorvill. a m. pr.
 141 *quam qui* Medic. alter Mentel. et Colot., quod exquisitias putem, pro *quam si quis*.
decerpserit multi ap. Pier. et Barm., male. *decerpit ab arbore* notavi ex Jo. Sarisber. lib.
 VIII, p. 690 ed. Amst. 143 *defuit* Oudart. 144 *similis* Medic. f. *vena m. Me-*
nag. pr., errore haud indocto. 145 *investiga* Dorvill. a m. sec. *oculis, ramumque v.*
Goth. tert. a m. sec. 146 *sequatur* Bigot. 147 *nec v. Rom.* 148 *poteris duro*
pr. Hamb.

Sibylla Æneæ, viventis tum, fata post
 mortem ignorare potuit : et licet poe-
 tæ diversis locis diversam famam se-
 qui. Ceterorum Grammaticorum ar-
 gutias vide ap. Pompon. Sab. et Ser-
 vium. *insanus labor* pro vulgari, ma-
 gnum ausum, coeptum, ardua res.

136—149. Locum respexit Clau-
 dian. de R. Pros. II, 290 sqq. 137.
 ornate, pro, ramus aureus cum foliis
 aureis, et latet in densa silva, ornate
 138, 139. *vimen* est ipsius rami, vir-
 ga. Male alii aliter. Nec tamen ip-
 sam arborem auream credere neces-
 se est ; non magis quam Hesperidum
 arborem mala aurea ferentem. Unde
 autem poeta ramum aureum hunc
 tanquam surculum in suum arbu-
 stum traduxerit, varia conjectare li-
 cet : de quibus v. Excurs. VI ad h.

v., ubi suspicatus sum, a ramo *leeræi-*
ac notionem hanc aurei rami profec-
 tam. *Juno inferna*, Proserpina, alias
 Stygia, ut *Jupiter inferna*, *κατα-*
χθόνιος de Plutone (cf. Fabrett. ad
 Tab. Iliac. p. 372). *Avernæ Juno-*
nem Ovidius dixit hac ipsa in narra-
 tione Met. XIV, 114. 140. *telluris*
operta, simpl. loca infera, quatenus
 sub terra. Male Intpp. cum Mureto
 Var. Lect. XIV, 2 argutantur. 143.
 144. ornate ; in rami avulsi locum
 alias succrescit. Mox *rite carpe* junge,
 et *si te fata vocant*, si fatale tibi est,
 inferos adire.

149—155. Ante oculos Iliad. X,
 386 *Καίται παρ' νήεσσι γέρας ἀειδαν-*
στος, ἄθαρτος Πάροκλος. Observa
 verborum proprietatem. *pendes* pro
 vulgari hæres. *sedes* de sepulcro alii

(Heu nescis) totamque incestat funere classem; 150
 Dum consulta petis, nostroque in limine pendes.
 Sedibus hunc refer ante suis, et conde sepulcro.
 Duc nigras pecudes: ea prima piacula sunt.
 Sic demum lucos Stygios, regna invia vivis,
 Adspicies. Dixit, pressoque obmutuit ore. 155
 Æneas mæsto defixus lumina vultu
 Ingreditur, linquens antrum; cæcosque volutat
 Eventus animo secum. Cui fidus Achates
 It comes, et paribus curis vestigia figit.
 Multa inter sese vario sermone serebant: 160
 Quem socium exanimem vates, quod corpus humanum
 Diceret. Atque illi Misenum in litore sicco,
 Ut venere, vident indigna morte peremtum;

150 totusque i. f. classe pr. Rottend. 151 pendis Witt. pendens Rom. et Oudart.
 152 Sedibus ante suis refer et conde Dorvill. 153 hæc p. Parrhas. sumto, sumpto,
 aberrant. librorum ap. Burmann. 154 lucos Stygiis et r. ita Medic. a m. pr., et
 Romanus, quod mireris, in idem vitium conspirat. Alii ap. Pier. et Heins. Stygis et r.,
 ex quo reliqua nasci potuere, alii Stygios et r., invito metro. Sed Stygios, regna i. v. per
 appositionem bene firmat Heins. 155 immutuit Dorvill. orbe Medic. a m. pr. 156
 mæstoque affixus Gud. a m. pr. 157 Progreditur Medic. in marg. Egredditur multi ap.
 Pier. et Burm., male. Non videbant ingredi esse, incedere. 159 pariter Goth. tert.
 fuit Medic. a m. pr. firmat Dorvill. figit v. curis Parrhas. 160 serebant post Pier.
 defendit Heins. Alii ferebant. 161 exanimem plerique, sed alterum ex Medic. alia-
 que adscivit Heinsius, auri ut consuleret. Mox atque, statim, esse vult Burm., ut
 Georg. I, 203, ubi v. Pato exprimi εἴτα.

alii de terra admodum dure accipi-
 unt. v. Burm. Cur non locum com-
 parant inf. v. 371 Sedibus ut saltem
 placidis in morte quiescam et v. 328
 quam sedibus ossa quierunt. Errant
 Manes insepulti vel circa corpus vel
 circa Stygem. Notissima res. v. Obs.
 ad Tibull. III, 2, 15. at justis acce-
 ptis ad loca infera admissi quietem
 recipiunt. Piaculare autem sacrum
 v. 153 non tam ad purgandam clas-
 sem a contactu insepulti cadaveris
 valere debet, quam ad placandos in-
 feros, quos est accessurus: omnino
 enim ad inferos nonnisi expiati et

placatis Manibus accedunt heroes
 apud ceteros quoque poetas. Hoc
 colliges etiam ex locis apud Cerdam.
 prima v. 153 est pro, prius, ante.

157. Cæcos ignotos, obscuros, even-
 tus animo versantem Æneam cum
 Achate bene ante oculos sistit.

160. 161. Pro vulgari: sermones
 serebant super variis rebus. Cete-
 rum miror, cur non in Palinuri insep-
 ultum corpus incidat Æneæ cogi-
 tatio; qua tamen nulla prior esse
 debebat. Nisi quod Miseni cadaver
 in proximo litore jacet, ejusque ce-
 lebritas fuit magna propter promon-

Misenum Æoliden : quo non præstantior alter
 Ære ciere viros, Martemque accendere cantu. 165
 Hectoris hic magni fuerat comes ; Hectora circum
 Et lituo pugnâ insignis obibat et hasta :
 Postquam illum vita victor spoliavit Achilles,
 Dardanio Æneâ sese fortissimus heros
 Addiderat socium, non inferiora secutus. 170
 Sed tum, forte cava dum personat æquora concha,
 Demens, et cantu vocat in certamina divos,
 Æmulus exceptum Triton (si credere dignum est)
 Inter saxa virum spumosa immerserat unda.
 Ergo omnes magno circum clamore fremebant ; 175
 Præcipue pius Æneas. Tum jussa Sibyllæ,
 Haud mora, festinant flentes, aramque sepulcri

165 de Hemistichio a poeta inter recitandum adjecto fabulam vid. apud Serv. 168 victor vita aliquot ap. Burm. sp. et armis Dorvill. 170 hand i. Parrhas. interiora alter Hamb. 171 Sed dum, cum, tunc aberrant. 172 Veniens et c. Goth. sec. certamine Gud. et Goth. duo. 173 si c. fas est duo Leid. Idem hemistichium III Georg. 391. 174 immergerit Goth. sec. 175 circum magno Montalb. 177 festinent Rom. arasque ed. Ven. sepulcro Gud. a m. pr. Franc. a m. sec.

torium ab eo appellatum. De Miseno tubicine vid. Excurs. VII ad v. 162.

170. non inferiora s. docte et Græcorum more, pro, inferiorem, τὰ ἥττω pro τὸν ἥττω. Æneam Hectori æquiparat, ut inf. XI, 289 et al. cf. Serv. Mox 171. concham paullo durius pro tuba vel lituo posuit. Nam nec in litui (v. 167) proprietate est hærendum. Sic lituum et tubam paucos intra versus memorat Statius VI Theb. 120. 128. Tubicinem Misenum vocat Propert. III, 18, 3. Liti- cinem Stat. IV Silv. 7, 19. cf. Cerda. demens Homericum Νήπιος! Iliad. B, 38 et sæpe al. exceptum (cf. sup. III, 332) ut ἐπιόχεσθαι, insidiis. Puta autem Misenum scopulo promontorii insidentem tuba cecinisse; hoc

poeta tanquam ad provocandum Tritonem factum interpretatur; itaque arrogantiam tubicinis ab hoc vindicatam, dum eum in mare præcipitaret.

177. aram sepulcri exquisitè, quod v. 215 ingentem pyram a formæ similitudine. Sic et Servius; qui tamen addit: Probus tamen et Donatus de hoc loco requirendum adhuc esse dixerunt. In Donati fragmentis interpolatis, quæ habemus, nihil occurrit. At de altero Pompon. Sab.: Dicit aram, quia rogos, id est pyra, non fiebat sine aris, ut ait Probus. Perperam. Ara est omnis basis, et h. l. ipsa pyra, cui imponitur corpus cremandum. Sublegit hoc Virgilio Silius XV, 387 Alta sepulcri Protinus extruitur caloque educitur ara. Etiam

Congerere arboribus, cœloque educere certant.
 Itur in antiquam silvam, stabula alta ferarum :
 Procumbunt piceæ ; sonat ictu securibus ilex ; 180
 Fraxineæque trabes cuneis et fissile robur
 Scinditur ; advolvunt ingentes montibus ornos.
 Necnon Æneas opera inter talia primus
 Hortatur socios, paribusque accingitur armis ;
 Atque hæc ipse suo tristi cum corde volutat, 185
 Adspectans silvam immensam, et sic voce precatur :
 Si nunc se nobis ille aureus arbore ramus
 Ostendat nemore in tanto ! quando omnia vere
 Heu nimium de te vates, Misene, locuta est.

178 adducere Uratist., sed alterum et alibi, Burm. laudat II, 186. 461. XII, 674.
 180 acta Goth. sec. ilir Witt. 182 ac voluunt multi ap. Pier. et Burm., ac dao Goth.
 et voluunt Zalich. avellunt alter Hamb. Supra Georg. III, 378 Advolvere focus ut mos
 ignique dedere. 183 Æneas nec non Witt. operi Parrhas. 184 que abest a tribus
 Burm. 185 hoc Montalb. tristis Witt. cum c. Heins. e libb. Vulgg. tum. 186
 voce, ore, sorte legitur. forte Servius interpretatur ; ut tamen versum inter tibicines (che-
 ville) referat. Et hoc habet Medic. cum al. ore Longob. Pierii et pr. Hamb. ex v. 76.
 voce Romani codicis lectio est, quam et alii codd. exhibent, quamque bene retinuit
 Heins. 187 aureis a. ramis Montalb. 188 numero in tanto in cod. Bæcleri lege-
 batur ; casu puto, non iudicio. in alto alter Hamb. o. vera Ven. et Dorvill., non male ;
 imprimis pro poeta. 189 Heu n. vates de te Montalb. Erf.

sic Val. Fl. V, 10. In seqq. ante
 oculos Od. M, 11 sq. Iliad. Ψ, 114
 sqq. Add. Iliad. H, 417. 428 sq. Ω,
 662 sq. 787 sq. et locum inf. XI,
 182 sqq. Congerere ex νήϊω. Apollo-
 nium (lib. I, 403) Νήϊον αὐτόθι βω-
 μὸν laudat Guellius. Præstat me-
 morare Iliad. Ψ, 139 de rogo : αἰψα
 δὲ οἱ μενοεικία νήϊον ἔλθιν. Iterum
 poeta multum ornatus (expende sin-
 gula) in re tenui cumulavit ; hoc
 quidem jam Ennii exemplo ; Locum
 servavit Macrob. VI, 2. Ad horum
 ductum sequiores poetæ pigmenta
 sua in simili re profuderunt : Silius
 X, 526 sqq. Statius VI, 88 sqq. ;
 hic quidem ea cum copia, quæ fasti-
 dium faciat. cf. Columna ad Ennium
 p. 67. Mox piceæ proprie in rogis

locum habent. cf. Plin. XVI, 10 s.
 18. 182. de montibus int. at v. 184
 accingitur, ἀπλίζεσαι, accingit se. Sa-
 gaciter autem poeta excogitavit op-
 portunitatem reperiendæ arboris mi-
 rabilis, in studio materiæ conquiren-
 dæ ad rogum Miseni.

187—189. Utinam nunc, ut Gr. εἰ,
 et γάρ, v. c. qui locus in manibus est
 Hymn. Homer. in Apollin. 51 Δῆλ',
 εἰ γάρ ε' ἐξίλας ; quem si ita accepe-
 ris, emendatione non egere videbis ;
 nisi ut ἐξίλοις reponas. Æschyl. VII
 ad Theb. 262 αἰτουμενός μοι κούφον εἰ
 δοίης τέλος. ubi plura in nota Schütz.
 se ostendat, appareat etc. ; nec tamen
 dubitandum, etiam alteram vaticinii
 partem hac arbore inventa eventum
 esse habituram, quando etc.

Vix ea fatus erat, geminæ quum forte columbæ 190
 Ipsa sub ora viri cælo venere volantes,
 Et viridi sedere solo. Tum maximus heros
 Maternas agnoscit aves, lætusque precatur:
 'Este duces, o, si qua via est, cursumque per auras
 Dirigite in lucos, ubi pinguem dives opacat 195
 Ramus humum. Tuque, o, dubiis ne defice rebus,
 Diva parens. Sic effatus vestigia pressit;
 Observans quæ signa ferant, quo tendere pergant.
 Pascentes illæ tantum prodire volando,
 Quantum acie possent oculi servare sequentum. 200
 Inde, ubi venere ad fauces graveolentis Averni,
 Tollunt se celeres; liquidumque per aëra lapsæ
 Sedibus optatis geminæ super arbore sidunt:

191 *a cælo* Parrhas. 192 *insedere* Montalb. *s. loco* Exc. Burm. a m. pr. Mirum acumen e vet. servavit Pompon., et ad v. 198 Servius, ut *solum* sit pro aere, et *sedere*, librant sese; forte, quoniam *cursum* sequitur pro volatu dictum, et v. 199 *pascentes*, quod tamen per intervalla fieri putandum. cum m. h. Sprot. 193 *agnoscit* Medic. cum al. *agnovit* alter Goth. *precantur* Gud. a m. pr. 195 *derigite* Gud. et Rom. In *opacat* hærebat Trappius; quid enim an exiguus ramus umbra locum obscurare poterat? Adde forte voluit: et an auri fulgor umbram loco inducere potuit? vide v. 204. Itaque conj. *inaurat*. Sed primum ramus cum frondibus et foliis cogitandus; et quidni huic, etsi ex auro, tribuat poeta id quod commune est omni frondi, ut umbra obducatur eam soli partem, cui respondet suo ad solem posito. Atqui hoc est *opacare humum* sc. *quantam* ejus partem frondis umbra attingit; non totum loci ambitum. Sic *velare caput, frontem*, dixere, sola vitta, fascia, filo. 196 *tuque* in d. Menag. pr. 197 Duplex iterum codd. familia; Rom. cum aliis, *Alma p.*, Medicus cum al. *Diva p.*; hoc recepit Heins. 198 *quo s. ferant* conj. Vossius, sed columbæ ferant signum et ostentum, pergunt pascentes: *illa* multi ap. Burm. 200 *possunt* pr. Rottend. et Ven., non male. *acies* Medic. a m. pr. *spectare* Uratist. *sequendo* qu. Moret. 203 *geminæ* Burm. recepit, ut tamen mallet præterea legi: *geminæque sub arbore sidunt*, "quæ raro columbas videmus arbori insidentes, sed vel in tectis ædiom vel humo." Sed de silvestribus columbis seu palumbis erat cogitandum. *gemma super arbore* Heinsius revocaverat, librorum, puto, auctoritate, inter quos Medic. et Rom., add. Ald. pr. Ita arbor duplilis

190—196. Dignus tali vindice nodus. Ostento vel augurio aliquo res profecto nunc cum maxime erat expedienda. Quale autem aliud accommodatius quam Veneris matris aves? etsi omnino faustum et lætum hoc auspiciū. v. Cerda. Sed poeta haud dubie in animo habuit Apollonium suum lib. III, 540 sqq. cf. 926 sqq.; nec Dodonæum oraculum

ex columbis obscurum est. Hoc augurio conspecto *substitit* et precatur, ex more. Prævit Homerus Iliad. K, 275. 278 sq. 195. *ubi—humum* ornatè, ubi aureus ramus est. 198. *quæ signa*, quale augurium, quid ostendant.

201—204. Arbor stabat in ipsa valle. Vide v. 139. *Sedibus optatis* eleganter, arbore, quam volatu petie-

Discolor unde auri per ramos aura refulsit.
 Quale solet silvis brumali frigore viscum 205
 Fronde virere nova, quod non sua seminat arbos,
 Et croceo fetu teretes circumdare truncos.
 Talis erat species auri frondentis opaca
 Illice; sic leni crepitabat bractea vento.
 Corripit Æneas extemplo, avidusque refringit 210
 Cunctantem, et vatis portat sub tecta Sibyllæ.

trunci in commune coeuntis fastigium est intelligenda; quæ hac ipsa sui specie notabilis, et insignis fieri poterat. Hoc voluisse videtur Cuninghamus, qui ad L. 10 D arbor, furtim cæs. provocat. Si tamen ad aliorum librorum, ut Longob. et nonnullorum ap. Burm.; lectionem *genua* s. a. respicias, manifesta res est, ejus depravationem esse alteram illam, ex librorum sollenni in similibus incuria. *gemma* jam Nauger. prætulit: deseruere iterum alii, etiam Angelius in Junt. et Egnatius 1507. 204 *aura* Rom. et pr. Rotend., male. *aura auri* et res (v. Not.) et Grammatici tuentur apud Burm. 206 *remina arbos* indoctus librarius Goth. pr. 207 *veteres* c. pr. Rotend. a m. sec., male. c. *ramos* aliquot Pier, ex interpretamento. *truncorum* etiam Ovid. Met. XIV, 115 *jussitque suo disicere truncos*, ex hoc ipso loco. 209 *leni* sec. Moret. Goth. sec. *Illice sub leni* Parrhas. *sub leni* Witt. et Ven. *crepitabant* Heins. ex codd. protulit, ut exquisitiore et doctiore ratione dictum sit, dum plures essent bractea. Adstruit idem multis exemplis, quæ tamen plerique diversi generis sunt, elegantiam hanc, cujus scavitatem fateor me satis percipere non posse. Ex altera parte librorum ludibrii plures hujus generis deliciae imputandæ videntur. Etiam h. l. *crepitabat* est in præstantioribus Medio. et Rom., qui diversæ sectæ codices si in eandem lectionem conspirant satis gravem auctoritatem habent. Porro *bractea*, *bratea*, *brathea*, *brachteæ*, scribunt librarii. A tam indoctis hominibus quidni expectes, pro plurali nomine hoc habitum fuisse? 210 *extemplo* Æneas vulgg. ante Heins., nec displicet. *refugit* Goth. tert. 211 *Sectantem* ex Wad. del. Animadv. crit. pag. 22 memorat Burm., inutilem sane emendationem, votis Montalb.

rant. *auri aura*, splendor. *Aura* de luminis reverberatione exquisita. v. V. L. ad Ge. II, 47, ubi *luminis auræ*. cf. h. l. Serv. et Mitscherl. ad Horat. II, 8, 21. Sic *φάος αἶψης* ignis fulminei *aura*, Callim. in Dian. 117 de vapore ignis, qui etiam longius dissita adurit. Proprie in odore locum habet.

205—209. De visco, frutice glutinoso in querno arborum genere, nec minus tamen in aliis arboribus, ramis enasci solito, unde glutinum paratur, ex historia naturali notio petenda. Notæ sunt antiquorum, maxime a Druidis vulgatæ, superstitiones. Ex antiquis v. Plin. XVI, 44 s. 93, et XXIV, 4 s. 6, 206. *quod non sua seminat arbos*, ex vetere

opiniõne, falsa tamen: Plin. l. c. *Omnino autem satum* (viscum) *nullo modo nascitur, nec nisi per alvum avium redditum maxime palumbis ac turdis*. Satis nunc constat plantam esse parasiticam, cujus semina aves appetunt et interdum rostro absorptata in ramis arborum et cortice deponunt. Male habet, quod Heins. et Burm. ad aucupium delabi potuere. *brumali frigore*, tunc enim maturum est. Serv. 207. *croceo fetu*, ex natura visci. Plin. XXIV, 4 s. 6 *Optimum est—extra fulvum, intus porraceum*. 208. talis erat ramus aureus, et specie et motu: quippe, cum lamina esset aurea, vento mota crepitare debuit. 211. *cunctantem* non eo modo, quo 147. 148 dixit

Nec minus interea Misenum in litore Teucro
 Flebant, et cineri ingrato suprema ferebant.
 Principio pinguem tædis et robore secto
 Ingentem struxere pyram: cui frondibus atris 215
 Intexunt latera, et ferales ante cupressos
 Constituunt, decorantque super fulgentibus armis.
 Pars calidos latices et aëna undantia flammis
 Expediunt, corpusque lavant frigentis et unguunt.
 Fit gemitus. Tum membra toro defleta reponunt,
 Purpureasque super vestes, velamina nota, 221
 Conjiciunt; pars ingenti subiere feretro,

213 *suprema* Rom. et Zulich., ex pronuntiatione an ex falso timore, ne metrum rueret. 214 *r. sicco* pr. Hamburg. ex glossa. Distinguit Wakefield: *pinguem tædis*, et *robore secto* *Ingentem*, str. 215 *tum f. a.* aliquot Pier. 216 *cupressus* Schol. Cratich. Horat. ap. Heins. cf. III, 64. 220 *cum m. alter* Hamb. *cum aliquot* Pier. 221 *P. vestesque super alter* Hamb. 222 *ingentes* Gad. a m. pr., vitio calami. At Bernmann. forte *lugentes*. Porro *periere phereto* alter Hamb. Dixit autem docte s. *feretro pro feretrum*, ut supra *subire muris*; et triste ministerium interjectum pro exclamatione,

rat, sed nunc ornat; ut *tenax, lentus*: et erat v. 137 *lento vimine ramus*, quippe ex auro. Sic II Georg. 236 *glebas cunctantes* vidimus.

212—217. *ingrato*, malim ut Servius altero loco ponit, gratiam nec sentienti nec referenti. Est ἀνατοδῆτον σῶμα ut κωφὴ γαῖα Iliad. Ω, 54. 215. conf. Iliad. Ψ, 164 seqq. *frondibus atris* *Intexunt latera* ornatè, faciunt latera ex ramis et lignis arborum nigricantium; ut tristis adspectus esset; et *ferales ante cupressos* *Constituunt*. Volunt arbores ante rogam positas fuisse, et ad Romanorum morem alludi, quo cupressi ante domum funestam statuebantur. Quantum equidem video, parte sui et facie exteriori rogas structus erat truncis cupressinis prominentibus in tropaeorum vel ferulorum morem, quibus affixa essent arma. Habet etiam sic Varronis apud Ser-

vium interpretatio locum: Varro dicit *pyras ideo cupresso circumdari, propter gravem ustrinae odorem*. Imitationes loci notarunt ex Statio IV Theb. 449. 460.

218. cf. Iliad. Σ, 349 sqq. Odys. Ω, 44 sq. *aëna undantia*, aquam effervescentem in ahenis. *expediunt* cf. I, 117. Ad v. 219 Servius laudat verbum Ennianum: *Tarquinii corpus bona femina lavit et unxit*.

220—225. Corpus collocant in lecto, veste tegunt, repositum in feretro ad rogam portant (222), eique impositum cremant: cf. Iliad. Ω, 785 sqq. *Velamina nota*, ex loquendi usu (cf. inf. XI, 195. 196), aliter vix accipias, quam, quibus ipse, dum viveret, usus erat. Etsi ad suorum popularium morem respicere potnit, de quo laudant Intpp. nota loca Cie. de Legg. II, 23. Liu. XXXIV, 7; tamen magis probabile sit, Homerum

Triste ministerium ; et subjectam more parentum
 Aversi tenuere facem. Congesta cremantur
 Turea dona, dapes, fuso crateres olivo. 225
 Postquam collapsi cineres, et flamma quievit :
 Reliquias vino et bibulam lavere favillam ;
 Ossaque lecta cado textit Corynæus aëno.
 Idem ter socios pura circumtulit unda,
 Spargens rore levi et ramo felicis olivæ ; 230
 Lustravitque viros, dixitque novissima verba.

223 et deest binis ap. Barm. *subjecti m. p. Aversam t. f. Parrhas.* 224 *Conjecta*
Bigot. 225 *Aurea d. alter Menag. crateris Ald. et Junt., et sic fragm. Vatic. p. 181.*
 228 *leta Franco. lapsa Zulich. cavo sec. Moret. Corineus, Coryneus, Chorineus, Corneus,*
ex librorum stupore multi. Est Κορινθαῖος a κορίνη. 229 *puram aequam Zulich., ut*
Heins. olim conjecerat. Sed alterum (vid. Not.) doctius, adeoque poeta dignius. Ita-
que nec circumluit amplectendum, quod eodd. Macrobiū habent, quodque conjecerat Ma-
serius. circumvenit Goth. sec. 231 *L. domos Rom. cum pr. Voss. et utroque Ham-*
burg. In Montalb. viros in litara. At Menag. pr. Lustravitque choros, quod impense
placebat Heinsio, copioseque ab ipso illustratum est. Mihi quidem poeta, si ita dixisset,
affectatū et putidū elegantiae crimen vix effugere posse videretur. Chorus poetis non
pro quacumque turba hominum poni potest, sed iis tantum locis, ubi ad chori naturam,
ordinem, vel ritum respectus aliquis subest. In lustratione nihil tale memini. Aliter
rem se habere videbimus VII, 391.

ante oculos fuisse Od. Ω, 50. At
 Iliad. Ω, 796 cinis purpurea veste
 obtegatur. *subjectam tenere*, h. e.
 subiciunt, subdunt; *more parentum*
 Servius: "propinrioribus enim vi-
 rilis sexus hoc dabatur officium."
 Sed dictum puto pro, more patrum,
 majorum. Mox in ignem conjici
 puta tus, oleum; sed quid *dapes*?
 an putabimus, Romanæ plebis su-
 perstitutionem in vitam heroicam a
 poeta esse illatam, cum in rogo, vel
 ad rogam, epulas mortuis appone-
 rent et cremarent? de quo locus est
 Luciani ab Hemsterhusio illustra-
 tus Contempl. 22. Non puto; sed
 verbo sacrificali corpora boum,
 suum, ovium (vid. inf. IX, 197
 seq.) tanquam victimarum, caesa et
 in ignem injecta, significat poeta:
 conf. Iliad. Ψ, 166 seq. Odyss. Ω,
 65 sq.

226 sq. Cf. II, Ψ, 250 sqq. Ω, 792
 sq. Odyss. M, 13 sq. Ω, 71 sq. Verba
 ex Iliad. I, 212: Ἀνδρῶν ἐπεὶ κατὰ πῦρ
 ἐκάνη καὶ φλόξ ἱμαράνθη. 227. rogam
 et cineres conspergunt vino ex more,
 quem nidor et calor suadere debuit.
cadum dixit pro urna; φάλην memo-
 raverat Homerus Iliad. Ψ, 253 et
 λάβρακα Ω, 795. Achillis autem ossa
 in vase, amphora, condita Od. Ω, 73.
Corynæum nominat, quoniam poetæ
 omnia definite etiam per personas
 efferenda sunt. Nota urnam h. l. ex
 are; cujus generis nonnulla super-
 sunt.

229—231. Exquisitius circumferre
 socios unda, quam, undam circa so-
 cios. Lustratio hæc facto funero
 sollennis. *felix oliva*, quia etiam in-
felix oleaster, silvestris arbor, Georg.
 II, 314. *novissima verba*, nota res.
 Vale. Ave.

At pius Æneas ingenti mole sepulcrum
 Imponit, suaque arma viro, remumque, tubamque,
 Monte sub aërio: qui nunc Misenus ab illo
 Dicitur, æternumque tenet per sæcula nomen. 235
 His actis propere exequitur præcepta Sibyllæ.
 Spelunca alta fuit, vastoque immanis hiatu,
 Scrupea, tuta lacu nigro nemorumque tenebris:
 Quam super haud ullæ poterant impune volantes
 Tendere iter pennis: talis sese halitus atris 240
 Faucibus effundens supera ad convexa ferebat:
 Unde locum Graii dixerunt nomine Aornon.

233 *Imponit* Donat. in Terent. Goth. pr. et ed. Jant. ap. Heins. Illa hoc habuit ex Ald. pr., mutavit in *imponit* Nanger. et hinc Flor. Juntæ. 234 *Monte sub excoelo* Goth. sec. ex interpret. 236 *mandata* Leid. unus. 238 *Scropea* duo indocti librarii ap. Barm. Est Homericum: *παιπαλίωσα. magna lacu* Leid. 239 *volucres* Dorvill. et Goth. tert. ex glossa. 241 *infundens* Goth. tert. *connera* vitiose Nonius in *Avernus. ferebant* Gud. a m. pr. 242 Totum versum ab alia manu insertum credere fas est, certe ab epica ratione alienum; ejectus quoque est a viro docto, qui editionem Parmensem curavit. A fragm. Vatic. plane abest, etiam ab aliis, sic a Goth. tert. In Mediceo aliisque præstantioribus a recenti manu adscriptus. Pierius tamen in suis codd. non desideravit versum, nec in Romano videtur ab alia adscriptus, sed a prima statim manu profectus. Satis velus itaque ejus auctoritas, ut forte e Prisciano Dionysii Periegesin v. 1149 iisdem verbis interpretante confictus ille videri possit. v. ap. Heins. lacum duo Heinsiani. Pro *Aornon* alii *Aornum* et *Avernum*, et Voss. *Averna*.

232—235. *Imponit* pro, ponit, facit in illo loco, tumultum terra aggesta, *τύμβον χεύαντες* et *σημα χεύαντες*, apud Homerum, heroico more forte; *ἀμφὶ πυρὴν*, in loco, quo rogi arserat, ut videtur res apud Homerum animo repræsentanda, v. c. Iliad. v, 255. 256. H, 434. Tum *imponit* huic sepulcro, h. e. tumulo, *sua arma, remumque tubamque*, sollenni more a multis illustrato, etiam ex sepulcris. cf. Fabrett. ad Column. Traj. pag. 374. Cum autem hæc arma et instrumenta terræ infixæ acris et temporis injuria mox corrupta interirent, mirum non est, alterum ritum mox esse prælatum, ut ea in ipso sepulcro conderentur, tumulo autem imponerentur e saxo monumenta, columnæ et signa. Στήλην, Cip-

pum impositum videmus jam in Odyss. M, 14, 15 tumulto Elpenoris, et summo tumulo infixum remum: Quæ ante oculos fuerit Maroni. Ex Marone sumsit: *Iliacque jugum memorabile remo*, de Miseno Statius III Silv. 5, 98.

236 sqq. Nunc ad sacrum Manibus faciendum se accingit ex præcepto v. 153. *spelunca*, Averno imminens (hinc *tuta lacu*) et alia quam quæ supra v. 42 memorata est. v. Excurs. III. *volantes*, volucres. Sic III Georg. 147 *Plurimus volitans*. De v. 242 Var. Lect. de ipsa re a pluribus actum: v. laudatos ad Vibium Sequ. p. 244. Sacrum Æneas parat sub ipsum speluncæ ingressum. Vs. 239 convenit cum Apollon. IV, 601 sq.

Quatuor hic primum nigrantes terga juvencos
Constituit, frontique invergit vina sacerdos ;
Et, summas carpens media inter cornua sætas, 245
Ignibus imponit sacris, libamina prima,
Voce vocans Hecaten, Cœloque Ereboque potentem.
Supponunt alii cultros, tepidumque cruorem
Suscipiunt pateris. Ipse atri velleris agnam
Æneas matri Eumenidum magnæque sorori 250
Ense ferit, sterilemque tibi, Proserpina, vaccam.
Tum Stygio regi nocturnas inchoat aras,
Et solida imponit taurorum viscera flammis,

243 *primus* Medic. a pr. m. 244 *immergit* ed. Ven. 245 *summa* Rom. 248 *trepidum* pr. Hamb. 249 *Succipiunt* Servius legerat, cum Gad. et fragm. Vatic. 251 *sterilemque ferit* Zolich. a m. pr. 252 *regni* Rom. incoat Virgilii ætate scriptum esse debuit. 253 *solita* malebat Heins., et Trapp. *corpora* : at v. Notam.

243 sqq. Totus hic sacrificii diis inferis facti apparatus apud plures poetas occurrit, ductus ex Homeri pluribus locis : imprimis Odyss. κ, 517. Α, 25. *invergit*, elegantius, quam, infundit, nihil amplius. *Et summas carpens* ; pertinet ad Homericum : 'Αλλ' ὃ, τ' ἀπαρχόμενος κεφαλῆς τρίχας ἐν πυρὶ βάλλει. Jam inter victimæ consecrationem, quæ fit vino in caput libato, et pilo, tanquam pro ἀπαρχαῖς, evulso et cremato, concipiuntur preces, v. c. Odyss. Γ, 445. 446. Itaque h. l. subjicitur : *Voce vocans Hecaten*. Inde *Supponunt cultros* ex religione in sacris inferis notissima, ut prona et cernua mactaretur victima diis inferis. Mox *suscipiunt* Pompon. Sab. " antiquum verbum est ;" scilicet pro *excipiunt* vulgari. Sic I, 175 *Suscepitque ignem foliis* pro excepit.

249—251. *Mater Eumenidum*, Nox (inf. XII, 846. Æschyl. Eumen. 322), et Noctis soror, Terra, ut Servius notavit ; adeoque ex Chao ;

theogonia ab Hesiodæa et Apollodorea partim diversa partim congrua. Alio modo variant alii. Apud Valer. Fl. I, 796 post Dicen s. Justitiam invocantur *Ultricesque deæ, Fasque et grandæva Furorum Pœna parens* : sunt adeo Furiarum parentes *Fas* et *Pœna*. Ipsi Eumenidibus sacrum facit Scipio loco hinc expresso Silius X, 429 sqq. *sterilem vaccam*, ex religionis præscripto στείραν βοῦν. Odyss. Α, 30.

252—254. *nocturnas aras* simpliciter, quia sacrum noctu fit ; ut diis inferis fieri fas erat, cf. Cerda. *Inchoare*, verbum sacrorum esse Servius tradit. Saltem exquisite positum pro facit. *Aram* autem puta in scrobe excisam, ut in sacris inferis ; v. sup. I, 211. cf. Serv. ; hinc *humiles aras* dixit Valer. Fl. III, 426. Porro 253 *solida viscera*, totam victimam. *Viscera* pro carnibus et crudis partibus etiam alias occurrunt ; mox pro iisdem *exta* ; Diis enim inferis fiunt *holocausta*. Itaque ad flammam

Pingue super oleum infundens ardentibus extis.
 Ecce autem, primi sub lumina solis et ortus, 255
 Sub pedibus mugire solum, et juga cœpta moveri
 Silvarum, visæque canes ululare per umbram,
 Adventante dea. Procul o, procul este, profani,
 Conclamat vates, totoque absistite luco;
 Tuque invade viam, vaginaque eripe ferrum. 260
 Nunc animis opus, Ænea, nunc pectore firmo.

254 *superque* vulgo editum. *que* abest a nonnullis Pier. et Scheffer. Heinsii, trinisque Goth., et bene abesse videtur; itaque cum Bruckio omisi. *infundens* Heins. ex Mediceo intulit. Vulgo *fundens*, etiam in fragm. Vatic. Sed amant poetæ talia jungere: *super injicere*, *super incumbere* et al. vid. Heins. 255 *sub limine* Medice. cum aliis ap. Heins., sed recte Burma. monet, *limen solis* memorari, cum de loco ac regione agitur, unde sol oritur; de tempore vero ortus, lumen. 256 *nigra cæpta* Goth. tert. *juga celsa* ap. Senec. VI N. Qu. 13. 257 *visique* multi apud Pier. et Burma., adversas poetarum morem. *per umbras* duo Heins. 258 *Adveniente* Oudart. 259 *Conclamat* Sprot.

alendam oleum infunditur. conf. Apollon. III, 1030 sq. 1190 sq.

255—258. Tempus a media usque ad extremam noctem intelligendum esse, et res et sacri hujus mos docet. Vide Apollon. III, 1028. 1190 sq. Silium XIII, 405. 413. 419. Serv. et loca ap. Cerdam ad v. 252. conf. inf. ad 535. Quæ autem sequuntur, terræ motus et inferarum canum latratus, alias signa esse solent Hecates adventus in sacris, quæ ad Manes evocandos fiunt. Hic omne hoc rei miraculum non alio pertinere videtur, quam, placatam esse sacro Hecaton, Æneamque adeo ad loca infera admitti; uti apud Orpheum ad solvenda claustra luci, quo aurum vellus servatur, v. 983 sq.; et omnino ad placandam Hecaten apud Apollon. III, l. c. Neque aliter, quam de deorum infernorum venia acceptum esse locum a l'Énelonjo, docet suavissima imitatio in Telemacho lib. XVIII, p. 123. Imitatus quoque locum est Dantes Infern. Cant. III,

130 seq. *adventante dea*, de Hecate esse intelligendum, nihil est quod dubites; si modo cetera de his sacris loca poetarum consulas, v. c. Apollon. III, 1211 sqq. Theocrit. Id. II, 36. 36. 10—13. Quod *canes* nonnunquam de Furiis dictæ sunt, huc non vocandum erat ab Interpp.; sunt canes inferni Hecaten comitantes. Ad *juga silvarum* offendunt Interpp., sed sunt juga montium silvis consita; nihil amplius. Sic *dorsum nemorum* ap. Horat. *silvas jugosas* dixit Ovid. Am. I, 1, 9.

258. *Procul o, p.* An formula hac initiorum satis sollerter hic poeta usus sit, dubito. Nemo enim aderat, qui amoveri posset, præter socios Æneæ. De monstris infernis intelligit Cerda. At quis ea per *profanos* designata credat! Warburtono quidem res erat satis expedita, dum initia Eleusinia hic expressa volebat. Quæ sequuntur, de ense nudato ex Homero mutuata sunt Odyss. A, 48 sq.

Tantum effata, furens antro se immisit aperto :
 Ille ducem haud timidis vadentem passibus æquat.
 Dī, quibus imperium est animarum, Umbræque
 silentes,
 Et Chaos, et Phlegethon, loca nocte tacentia late, 265
 Sit mihi fas audita loqui ; sit, numine vestro,
 Pandere res alta terra et caligine mersas.
 Ibant obscuri sola sub nocte per umbram,
 Perque domos Ditis vacuas, et inania regna.
 Quale per incertam Lunam sub luce maligna 270
 Est iter in silvis : ubi cœlum condidit umbra

262 *Tandem* Leid. 263 *tumidis* Dorvill. Super *vadere* etiam hic observationem suam repetit Barm., poni illud de impetu et præcipitato cursu. Enimvero fit hoc non verbi natura, sed exquisitiore usu, cum pro, impetuose ferri, ponitur simplex, *ire, gradi, vadere*, adjuncta sc. vi, quam rei ratio et contextus adjicit. Ad hoc genus plures virorum doctorum super singulis verbis observationum possunt revocari. 264 *est deest* Goth. tert. et tribus Barm. *silentium* Bigot. 265 *tacentia* revocavit Heins. ex Rom. Medic. et al. Vulgo *silentia*, ex communi usu ; quod et Servius interpretatur. ed. Ven. *loca muta silentia*. 267 *altas* Medic. a m. pr. ed. Ven. cum aliquot Pierianis. et abest a Witt. 268 *obscura soli* Gud. a m. pr., ut quidam ap. Pier. quæ vulgaris esset ratio. *obscura sola* Goth. alter. *per umbram* Heins. e melioribus suis et Pier. Vulgo *per umbras*. 270 *incertam Lunam* et ratio et optimus quisque codd. agnoscit. Alii tamen ap. Pier. et Heins. ac Barm. *inceptam*, quod et Servius agnoscit, et, quod mirum est, non improbat.

265—267. Habet insignem vim ad animos excitandos et horrore quodam sacro imbuendos subita hæc deorum inferorum et Manium appellatio, ut recte ab Interpp. notatum. Sane poeta, quod aliqui reprehensionem habet, nunc ipsum se prodit et audientium animos in se convertit : etsi ejus nulla omnino recordatio in narratione esse debebat, quippe qua error ille gratissimus, quo ipsis rebus, quæ aguntur, interesse volumus, non audire res gestas narratu poetæ, tollitur. Enimvero Homeri quoque judicio et exemplo in memorabili aliquo rerum articulo invocationem facit poeta. Ad sententiam cf. Senec. Herc. fur. 658—661. Ceterum in Servianis ad h. v. "Ex majore autem parte Syronem,

id est, magistrum suum Epicureum, sequitur" (cf. Donat. Vit. Virg. §. 79). Indocte hoc. Nam Epicurei alienissimi ab his fabulis. cf. Lucret. III, 951 sqq. *Chaos* bene invocatur, ex quo Nox nata et Erebus. *Phlegethon* omnino pro locis inferis, sed ad terrorem nominatus præ ceteris. conf. inf. 550 sqq. *Sit numine v. p.* liceat per numen vestrum ; quantum ad vos attinet, h. e. cum venia vestra.

268—272. *obscuri* poetico ornatu translatum epitheton ab umbra vel nocte ; et ornant adjecta : *sub nocte*, in tenebris, et *per umbram*, et *soli* ibant, unde *sola nocte*. *domos* simpl. pro locis. 270. *incertam Lunam*, nubo cœlo, unde *lux maligna*, parca, infirma ac tenuis ; ut contra *benignus* interdum est largus, multus. Sic

Jupiter, et rebus nox abstulit atra colorem.
 Vestibulum ante ipsum primisque in faucibus Orci
 Luctus et ultrices posuere cubilia Curæ;
 Pallentesque habitant Morbi, tristisque Senectus, 275
 Et Metus, et malesuada Fames, ac turpis Egestas;
 Terribiles visu formæ; Letumque, Labosque;
 Tum consanguineus Leti Sopor; et mala mentis

273 *que abest a multis Pier. a Gud. et al., sed agnoscitur a Gell. et Macrob. ap. Burmann.* 276 *mala* duo apud Burmannum. *ac male Ven. ac turpis* reposuit Heins. e libb. pro et t. 277 *Labosque* Heins. e codd. pro *Laborque*. Versum recitat Seneca Ep. 104.

incerti soles sup. III, 203. 204. *ἀίδνῃ σκορίῃ* apud Apollon. IV, 1697. add. Cerda et Burmann.

273—287. Ingeniose in faucibus et aditu locorum inferorum constituta ea, quæ vel mortem arcessunt vel morti sunt vicina vel in morte sunt. conf. Serv. Imitatores loci jam excitavit Cerda Silium (XIII, 579 sqq.), Senecam Herc. fur. (689 sqq.), Claudian. in. Ruf. (I, 29 sqq.), at e recentioribus Spencerum, ubi Mammonæ antrum describit (*Fairy Queen II B. Canto VII. XXI*); et Miltonum (*Paradise Lost B. I, 624*) Spencius. Ingeniosa quoque Fenelonii est ratio, qui Plutonis throno assidentia hæc monstra exhibet. Prævit Hesiodus Theog., ubi de Tartaro: 744, in ejus aditu Νεκρὸς ἐρεμνῆς οἰκία δεινὰ ἔσσηκεν; ante eam domum stat Atlas, Cælum humeris sustinens. Ex ea domo prodeunt Nox et Dies sibi per vices succedunt. Ibidem Νεκρὸς παῖδες ἐρεμνῆς οἰκίᾳ ἔχουσιν, Ὑπνος καὶ Θάνατος. Etiam in aditu Tartari est regia Hadis et Proserpinæ; 776 tandem et Styx. conf. Comment. de Theogonia Hesioidea p. 150. Observetur ex eodem Servio ad h. l., *Orcum*, h. e. Plutonem, ad imitationem τοῦ Ἄδου pro loco poni sic, ut

Jovem pro aere. *Curæ*, conscientiæ, ut bene Serv. laudato noto loco Juvon. XIII, 193 *quos diri conscia facti Mens habet attonitos, et surdo verberare cedit*. Itaque *ultrices*. Tum 276 *malesuada Fames*, quæ suadet rapinas, scelera. v. Cerda. Eurip. Electra 375 ἀλλ' ἔχει νόσον πένια· διδάσκει δ' ἄνδρα τῇ χρεῖα κακόν. Et hujus generis plura apud Euripidem. Silius in l. c. XIII, 585 *Et deforme malum ac* (quod melius abest) *sceleri proclivis Egestas*. Prævit Homerus Odys. P, 286. 287, et Σ, 53. 54. *Turpis Egestas*, deformis, sordida, ut bene olim Heumannus. Imitator loci Seneca Herc. fur. 691 *Famesque tabido rictu*. Comparant Interpp. Lucret. (III, 65 sq.). Nunc 278 *consanguineus Leti Sopor* ex Iliad. ζ, 231 Ὑπνος κασιγνήτος Θανάτου. Etiam Hesiodo Theog. 756 sqq. *Somnus et Mors* Nocte matre editi. *mala mentis Gaudia* adeoque mentis, quæ et ipsa mala, et scelestas, esse debet. Argutatur in epitheto Seneca Ep. 59. Dixerat—*gaudium nisi sapienti non contingere*—Itaque cum dicit Virgilius *noster*; Et mala mentis Gaudia; diserte quidem dicit; sed parum proprie (scil. e Stoicorum disciplina) nullum enim malum gaudium est. Est

Gaudia ; mortiferumque adverso in limine Bellum,
Ferreique Eumenidum thalami, et Discordia demens,
Vipereum crinem vittis innexa cruentis. 281

In medio ramos annosaque brachia pandit
Ulmus opaca, ingens : quam sedem Somnia vulgo
Vana tenere ferunt, foliisque sub omnibus hærent.

279 *monstriferumque* alter Hamb. v. Burm. in deest Hamburg. pr. in I. telum Goth. tert. 280 et abest a binis Burm. 281 *innexa* cf. sup. ad Georg. IV, 482, ad Tib. I, 3, 69. *innixa* Rom. 282 *In medium* alter Menag. *In medios* Montalb. Porro *tendit* Parrhas. *tendens* Proba Faltonia. *pandens* Schol. Statii. v. sup. ad Georg. II, 296. 283 *Pro vulgo* Parrhas. *passim* ex interpr. Mox poetæ non displicuit structura : *quam* —tenere ferunt foliisque—hærent sc. illa.

sane *ἰπυχαιρεκαία*, nec tamen forte eo sensu, quo est, *malis alienis* : sed omnino, cum male factis gaudent facinorosi. *adverso in limine*. Bellum in ipso limine (cum Furiis et Eride), quoniam nulla major mortis est causa, ait Serv., nimis acute ; nam repetit poeta, quod supra posuerat : *primis in faucibus Orci. thalami*, ut ap. Homerum, *θάλαμος*, cubicula, ferreis claustris seu foribus. Ita *Νεκρὸς παῖδες ἱερμνῆς οἱεῖ ἔχουσιν* in foribus Tartari, apud Hesiod. loco modo laud. v. 758. Cogitandum autem de servorum janitorum cellis (Vitruv. VI, 10 *ex una parte equilia, ex altera ostiarii cella*). Nunc pro janitoribus in aditu locorum inferorum cum Bello et Discordia *Eumenides*. Eadem tamen, nempe *Tisiphone cum Sororibus*, inf. v. 570 seq. in aditu Tartari collocatæ memorantur. Non habeo, quod satis commode ad hanc difficultatem respondeam, nisi poetam sui parum memorem fuisse. Nam dicere, eas hic habere suas sedes et per alia loca discursitare, jejenum est. An Eumenides alias esse voluit quam Furias ? id sine exemplo fieret. Expeditior ratio apud Ovidium est IV Met. 452 sq., ubi illæ etiam *ante fores*, sed Tartari sedent.

Tertia aliqua earum sedes occurrit, inf. XII, 849. 850 *in limine regis Jovis* eadem satellitum loco excubare dicuntur, aliorum poetarum more. Scilicet, quod jam alibi monitum, in poeta reprehendendum non est, si diversis in locis diversos mythos sequitur : modo nihil sit, quod præsentem fructum et voluptatem loci, in quo lector versatur, turbet et intercipiat.

282—284. Mirum phantasma, quod *Somniis* sedem assignat in ulmo. Sed diis alatis, levibus, vagis, bene ea convenit ; et subnatum poetæ commentum hoc suspicor ex Homero Iliad. Ζ, 286 sqq., ubi Somnus a Junone adductus in arbore considet, donec Jovem possit opprimere. *Somnia* in Orci aditu collocare, poetis solenne est. Ita Odyss. Ω, 12 *παρ' Ἡλίου πύλας, occidentis Solis*, habitat *ἔημος Ὀνείρων*. Somnus a Somniis separatim memoratus erat 278 *consanguineus Leti Sopor*. Infra tamen 894 *Somni portæ* sunt, per quas *Somnia* emittuntur ad terras superas ; adeo manifestum fit, Maronem hæc variis diversisque poetis Græcis sublegisse. *vulgo*, passim, catervatim, ut bene Serv. Eandem arborem satis commode in taxum et sedem bu-

Multaque præterea variarum monstra ferarum, 285
 Centauri in foribus stabulant, Scyllæque bifformes,
 Et centumgeminus Briareus, ac bellua Lernæ
 Horrendum stridens, flammisque armata Chimæra,
 Gorgones, Harpyiæque, et forma tricornis umbræ.

285 *Monstraque p. v. multa* Sprot. 286 *pabulant* Exc. Burmann. a m. sec. *stabant* cod. Voss. Servii. *Sirenesque bif.* alter Hamb. a m. sec. *Syllæque* Goth. sec. 288 *que abest a binis* Burm. Porro apud Servium dubitari videtur, ad *Excetramne* *Horrendum stridens* an ad *Chimæram* referendum sit. Sed habet hæc epitheton, *flammis armata*, *flammivoma*: etsi *flammæ* strident proprie. Sed et *stridere* de serpente proprie, v. c. Claudian. de R. P. I, 12 *angues Triptolemi stridunt*. conf. Drakeb. ad Silium II, 537. *flammisque animata* corrigebat Wakef. ad Eurip. Ion. pag. 27. nulla de causa. 289 Servius ad h. v. "Sane quidam dicunt, versus alios hos a poeta hoc loco relictos, qui ab ejus emendatoribus sublatis sint: *Gorgonis in medio portentum immane Medusæ. Vipereæ circum ora comæ cui sibila torquent: Infamesque rigent oculi: mentoque sub imo Serpentum extremis nodantur vincula caudis.*" Sed inepti interpolatoris versus esse, facile deprehendas. Γοργῶν κεφαλῆν, ex Orco sibi ne immittatur, veretur quoque Ulysses Odys. A, 633.

bonum, strigum et Harpyiarum, mutavit Silius XIII, 595—600, item Seneca Herc. fur. 690.

285—289. A Somniorum ludibriis facilis fuit poetæ ingenio progressus ad phantasmata et monstra. Sed ea jam antiquiores in his locis collocasse, ex Aristophane colligo in Ranis 143 *Μετὰ ταῦτ' (Charontem narraverat) ὄφεις καὶ ἑπὶ ὄψει μυρία Δεινότατα*. Est locus de Bacchi descensu ad inferos. adde v. 280 sqq. 475 sq. Neque abludit Etrusca et Græca antiquior per Italiam religio, quam monstra talia in locis inferis collocasse ex magno sarcophagorum et vasorum numero constare videtur. cf. Gorius *Mus. Etrusc.* T. II, p. 148. 182. Passer. *Paralip. in Dempst.* p. 10 et al. et nuper pluribus Böttiger. *Vasengemälde I Stück III*, p. 89. *in foribus stabulant*, accommodate ad feras, pro, sunt in primo aditu; *Scyllæ bifformes*, superne puellari specie, quæ in belluam marinam desinit. v. ad Ecl. VI, 74. Ergo h. l. plures Scyllæ ponuntur? recte; plura monstra Scyllæa, ut Statius

eloquitur Silv. V, 3, 280. Nec assumenda est altera, Nisi f. Prævit Lacret. V, 890. 891. IV, 737. Locum videbis expressum a Tasso *Gerusal.* lib. IV, st. 5. *Briareus*; Notiss. locus Iliad. A, 402 sq. Apollodor. I, 1 pr. At *centumgeminus* quo sensu? Serv. "centies duplex." vix vere, sed est dictum ut *trigemini* pro *trinis*, ita pro centumplex, seu centenis capitibus instructus, seu centum manuum respectu, quia *ἑκατόγχιμος*, apud Homerum Iliad. A, 402. Capita L adjicit Apollodorus. Infr. X, 565 *Ægeon, centum cui brachia dicunt, Centenasque manus; quinque-ginta oribus ignem Pectoribusque arsisse*. Aliud monstrum in aditu Or-ci posuit Virgilius infr. VIII, de Herculis descensu ad inferos, 298 *Nec te ullæ facies, non terruit ipse Typhoeus Arduus, arma tenens; non te rationis egentem Lernæus turba capitum circumstetit anguis. Gorgones* in Hade jam Odys. A, 632, ubi Ulysses metuit, ne Gorgo sibi occurrat. Fugit Gorgonem Hercules apud Apollod. II, 5, 12, pag. 121. *forma tric. um-*

Corripit hic subita trepidus formidine ferrum 290
 Æneas, strictamque aciem venientibus offert,
 Et, ni docta comes tenues sine corpore vitas
 Admoneat volitare cava sub imagine formæ,
 Irruat, et frustra ferro diverberet umbras.

Hinc via, Tartarei quæ fert Acherontis ad undas.
 Turbidus hic cæno vastaue voragine gurges 296
 Æstuat, atque omnem Cocyto eructat arenam.
 Portitor has horrendus aquas et flumina servat
 Terribili squalore Charon: cui plurima mento

290 *trepida* Dorvill. 291 *effert* Montalb. cf. Burm. 293 *cava* tres ap. Burm., non male. *cava umbra* sup. II Æn. 360. 294 *et ferro frustra* Goth. alter. Non male. *deverberat* duo ap. Burm. cum Goth. tert. 295 *Hic via* Montalb. *qua fert* Sprot. *ad undam* Non. Marc. in *Ferre*. *ad umbras* Hugon. 297 *Cocytus* multi Pier. et Heins. cum edd. ant. *omnis Cocytus* sec. Moret., sed *Cocytus* bene Serv. explicat, in *Cocytum*. v. Exc. ad h. l. 299 *Terribilis* Montalb., solenni aberratione.

bræ ornate, pro tricorpore Geryone: *τρισώματος* apud Æschylum, Agam. 879. Geryonem cum Tityo junctum etiam Horatius in locis inferis memorat II, 14, 8 Pluto *qui ter amplum Geryonem Tityonque tristi compescit unda*. Imitatorem etiam hoc in loco habuit Virgilius Silium XIII, 587 seq. Harpyiis fugandis Ariostus ad Orci ingressum adduxit Astolphum suum (*Orlando furioso*: Canto XXXIII et XXXIV).

290—294. Ad ductum Homeri I. c. Odyss. K, 535 sq. A, 48 sq. cf. ibid. 218—221. et Apollon. I, 1250. Etiam Hercules in Gorgonem stringit ense, a Mercurio admonitus, vanam esse speciem, apud Apollod. II, 5, 12. Schol. Iliad. Θ, 368. *offert*, exquisite pro *intentat*, et *tenues vitas*, *εἰδωλα*, vita utentia, animas. Non admodum diverse *tenues vitas* dixit in ortu animarum Ge. IV, 224 *sine corpore* vero; habebant tamen corporum speciem, corpora tenuia, umbratica, *εἰδωλα*, hinc mox v. 303 *cor-*

pore; (cf. Burm.) sed non *corpora viva* v. 391. *cava sub imagine formæ*, sub forma corporis cava, h. e. inani, non solida. Sic lib. II, 360 *cava umbra*.

295—297. Noli subtiliter, et ad historici diligentiam, nomina fluviorum inferorum a Virgilio posita expectare; sed poetæ more, variatis nominibus. *Acherontem* appellat, qui fere Styx esse solet; etiam *flumen* mox *lacum* et *paludem*. Porro *Acheron* h. l. in *Cocytum* se immittit, contra quam ap. Homer. Odyss. K, 513 sq. v. Excurs. IX. *cæno*, mox *arena*; non diversa. *æstuat* seu ut sit simpl. fluit; seu quia vorticosus amnis est. cf. sup. ad v. 107. *Cocytus eructat*, in *Cocytum*. vid. eund. Excurs. IX. Servius: "scilicet per Stygem" ex versu nempe 323. Ex h. l. Statius IV. Theb. 522 *liventes Acheron eieciat arenas*.

298—304. Ornate singula et ex h. l. alii Charontem exhibuerunt; ut Seneca Herc. fur. 764—769. *stant*

Canities inculta jacet ; stant lumina flamma ; 300
 Sordidus ex humeris nodo dependet amictus.
 Ipse ratem conto subigit, velisque ministrat,
 Et ferruginea subvectat corpora cymba,
 Jam senior ; sed cruda deo viridisque senectus.
 Huc omnis turba ad ripas effusa ruebat, 305
 Matres atque viri, defunctaque corpora vita
 Magnanimûm heroum, pueri innuptæque puellæ,
 Impositique rogis juvenes ante ora parentum :
 Quam multa in silvis autumnî frigore primo

300 *stant lumina flamma*, post Pierium Heinsius et Bormannus tuentur ; Heinsius etiam illustrat v. c. inf. XII, 417 *Jam pulvere calum Stare vides* ; et Horatianum : *Vides ut alta stet nive candidum Soracte*. Sed, quomodo hæc ita dici possint, forte rogas ? Scilicet, vulgari oratione, *pulvis stat in calo*, erigitur in aere ; hinc ad notam elegantiam revocatum est, ut *calum stet pulvere*. Similiter *flamma* proprie *stat*, est, micat, in oculis (imaginem rei jam Homero frequentata Iliad. T, 365. A, 104. O, 607. 608. Odyss. Δ, 662. cf. inf. XII, 102), hinc *lumina stant flamma* ; h. e. sunt flammeæ. Ceterum major codd. et quidem præstantiorum pars, *flamma*, exhibet, etiam Rom. cum Mediceo ; in hoc tamen ab emendatrice manu refectum, *flamma*. Antiqua aliquot exemplaria Pierii et Zalic. a m. sec. *flammea* exhibebant ; hoc ardebat Heinsio, ut VII, 448, nec mihi displicet. *stat* tres ap. Burm., duoque alii : *stant lumine flamma*. 301 *Horridus Schol. Statii Theb. I, 110. nudo nonnullis legisse Pierius ait.* 303 *subvectit Gud. subnectit Ven. subvertit Zalic. a m. sec.* 304 *viro v. s. sec. Moret.* 305 *emissa Hagen. pro var. lect. tenebat Menag. pr.* 306—308 *Idem versus Georg. IV, 475—478.* 309 *in frigore Montalb.*

lumina f. pro vulgari, *flamma* stat, est, in oculis ; sunt lumina flammea, vid. Var. Lect. 301. Lacerna videtur designari, pallioli genus, *nodo* adstringi solitum. Vestitum naucleri v. 301 ex Plautino loco illustrat Cerda, in Milite Act. IV, Sc. 4, 41 sqq., ubi palliolum ferrugineum—id connexum in humero lævo, expapillato brachio. *Subigit* : Ge. I, 201. 202 *qui adverso vix flumine lembum Remigiis subigit*, agit. *velis ministrat* etiam inf. X, 218 *Ipse sedens clavumque regit velisque ministrat*. h. e. ministerium præstat, operatur, velis ; vela curat. *Ministerium* omnino voc. nauticum, ut notum. Heinsius mavult jungere : *ministrat ratem velis*, ut apud Valer. Fl. III, 38 *ipse ratem vento stellisque ministrat*. Et usu

sane utrumque probatur : cf. ad e. l. Burm. *ferruginea cymba* est *κωρινή*, colore ex aere aquisque contracto. *cruda senectus* frequentatum jam Græcis ὥμδν γῆρας ὥμογέρων.

305—308. Jacunda enumeratio, imprimis v. 308, adumbrata ex Odyss. A, 38—41, in quo suaviore Παρθενικαὶ δ' ἀπαλαί, νεοπενδία θυμὸν ἔχονσαι. Occurrit eadem Ge. IV, 475 sq., sed ornata ibi nova comparatione v. 473. 474 *Quam multa in foliis avium se millia condunt, Vesper ubi aut hibernus agit de montibus imber*.

309—312. Comparatio duplex multis post Virgilium frequentata, veteribus et recentibus (conf. Cerda), fluxit ex Homero, altera Od. I, 51. 52. Iliad. B, 491. 492 et 800. conf.

Lapsa cadunt folia ; aut ad terram gurgite ab alto 310
 Quam multæ glomerantur aves, ubi frigidus annus
 Trans pontum fugat, et terris immittit apricis.
 Stabant orantes primi transmittere cursum,
 Tendebantque manus ripæ ulterioris amore :
 Navita sed tristis nunc hos, nunc accipit illos ; 315
 Ast alios longe summos arcet arena.
 Æneas, miratus enim, motusque tumultu,
 Dic, ait, o virgo, quid vult concursus ad amnem ?
 Quidve petunt animæ ? vel quo discrimine ripas
 Hæ linquunt, illæ remis vada livida verrunt ? 320

310 *Ipsa cadunt idem. folia ad terram Parrhas.* 311 *annus revocatum nunc. annis* debebatur Bormanni elegantie, ex sec. Moret. tribus aliis et Hamb. sec. a m. sec., ut *Strymon* intelligeretur, quo scilicet poetæ frequenter in hac grum memoracione utuntur, v. c. inf. X, 264—266, uti *Nilus*, quoties de cælo agitur, quod volata petunt. Vid. Claudian. de b. Gild. 474—478. add. Lucan. V, 711 sqq. Val. Fl. III, 361. Cæpio, atque etiam hoc bene video, *amnem frigidum* in tali contextu absolute sic satis bene poni posse. Sed an *amnis* dici potest *fugare aves trans pontum* ? Hoc vero facit ex communi lectione *annus*, χυμῶν, quam vocem expressisse videri debet ex Iliad. Γ, 4 Αἶτ' ἐπὶ αἷν χυμῶνα φέρον. Possit Burm. pro se laudare Lucan. III, 199 *Strymon, tepido committere Nilo Bistonias consuetus aves* ; sed hic accommodatiora sunt attributa. *glomerantur* Mentel. pr. Ceteram minus placere potest *frigidus a. post frigore* v. 309. Jo. Schrader. legebat : *Threicius amnis*. ad manum essent alia magis opportuna, si mutatione opus esset. 312 *portum* Leid. un. et *campis* Leid. un. atque *oris* Barthii liber. Alterum, et *campis* malim ; displicet enim trinos intra versus ad terram, et terris. 314 *manu* Goth. pr. 316 *illos* pr. Hamb. *semotos* idem cum Bigot. et aliquot Pier., male. late sec. Moret. 317 *miseratus* Goth. sec. enim : cf. V. L. ad X, 874. 318 *conversus* Zulich. a m. pr. 319 *quo vel Ven. quove* Parrhas. 320 *liquida* Rom. vertunt aliquot Pier. et Parrhas. *linquunt* Rottend. terl.

Apollon. IV, 216. 217, altera ex Iliad. Γ, 3 sqq., et Iliad B, 459 sqq. Supplendum autem apud animum : tanta turba, tam multi, *Quam multa. ad terram* v. 310 de calidiore plaga accipe, quam volata petierant, et de adventu ad eam trans mare, in litore puta Africæ.

313—316. *transmittere cursum* h. e. transire. De hoc nemo dubitet. Sed quomodo dictum hoc ? Figura Græca est, ait Servius. Scilicet vulgari more, *transmittimus* (nos trans) *amnem cursu* h. e. navigatione, πορσις, hinc ipse *amnis* transmittitur *cursu* ; tum vero doctius, ipse *cursus*

transmittitur. Ita πορσμεύειν τὸν πλοῦν. 316. *summos arcet*, in litore plenius pro *summoveat*.

318—324. Ut *Palinuri* mentionem facere posset, sagaciter intertexta sunt hæc de negato parti umbrarum trajectu. 320. *ripas hæ linquunt*, iterum recedunt, non admisæ in cymbam. *remis vada verrunt* : At sup. 302 ipse Charon remigat ? Potuit sane sui oblitus esse poeta. Enimvero necesse non est, ut ipsæ animæ remigent ; quod apud Lucianum faciunt aliquoties animæ Charontis jussu ; nam simpl. dictum esse potest pro, navigant trans fluvium :

Cernit ibi mæstos et mortis honore carentes,
Leucaspim, et Lyciæ ductorem classis Oronten :
Quos simul, a Troja ventosa per æquora vectos, 335
Obruit auster, aqua involvens navemque virosque.

Ecce gubernator sese Palinurus agebat :
Qui Libyco nuper cursu, dum sidera servat,
Exciderat puppi mediis effusus in undis.
Hunc ubi vix multa mæstum cognovit in umbra ; 340
Sic prior alloquitur : Quis te, Palinure, deorum
Eripuit nobis, medioque sub æquore mersit ?
Dic age. Namque mihi, fallax haud ante repertus,
Hoc uno responso animum delusit Apollo :
Qui fore te ponto incolumem, finesque canebat 345
Venturum Ausonios. En hæc promissa fides est ?
Ille autem : Neque te Phœbi cortina fefellit,
Dux Anchisiada, nec me deus æquore mersit.

333 ubi Probus in Grammat. 334 *Leucapsim*, *Leucaspim*, *Orontem* et in Goth. pr. *Orontem* refixi, ut I, 113 erat, ut sibi constaret lectio. honorem aberrant. 335 *ab Troja* pr. Mentel. *vento super æq.* Goth. tert. 338 *servans* alter Hamburg. 339 *puppe* idem. 340 *mæstum multa* Hamb. pr. 341 *te o P.* Montalb. 342 *Excipiunt* Franc. cum altero in marg. 344 *Hoc mihi Exc.* Burm. *dilusit* pr. Rottend. *derisit* duo Heins. 345 *Qui forte p.* Rom. 346 *Ausonius* duo Burmann. *an hæc duo alii. fidesque* aliquot Pier. et pr. Hamb. cum Goth. tert. *fidesque est* Ven., sed v. Burm. 348 *Anchisiada* reposui cum Brunnkio, ut mihi constarem. v. sup. ad v. 126. Vulgo *Anchisiade*, et

ne animo, quasi rei præsago; ipse enim Æneas insepultus jacebit, ut IV, 620 *mediaque inhumatus arena.*" 333—336. De his v. sup. I, 113 sqq.

337 sqq. Palinurus manifeste ex Homericæ Elpenore adumbratus Odys. A, 51 sqq. *Libyco cursu*, navigatione de Carthagine, post discesum tamen ex Sicilia; haud longe a Sirenuensis insulis. v. sup. V, sub f. 340. *in umbra*, quod v. 452 *agnovitque per umbram Obscuram.* 344. Ἀπόλλων ἀφενδής τὸ πρὶν ex Æschylo laudant. 346. Iliad. M, 164 Ζεὺ πάτερ, ἢ ῥά νυ καὶ σὺ φιλοφενδής ἱρίτιζο πάγχυν ῥάξ; *promissa fides*, even-

tus. *Fides* apud poetas de certo eventu oraculorum, quibus deus fidem suam obstrinxit; quæ præstita in veritatem et eventum certum abit, Consentaneum autem hoc Æneidis propriæ indoli, ut et hæc Palinuri sors ab vaticinio repetatur: cf. Disquis. II, s. VI sq. Etsi supra illud non memoraverat poeta: Occurrit tantum V, 814 Neptuni effatum: *Unus erit tantum, amissum quem gurgite quæres.*

346—359. *deus* seu idem Apollo, seu omnino numen, deus aliquis, *me non mersit*, submersit: quin ad Italiæ litus enatarem, ut v. 356 addit.

Namque gubernaculum multa vi forte revulsum,
 Cui datus hærebam custos, cursusque regebam, 350
 Præcipitans traxi mecum. Maria aspera juro,
 Non ullum pro me tantum cepisse timorem,
 Quam tua ne, spoliata armis, excussa magistro,
 Deficeret tantis navis surgentibus undis.
 Tres notus hibernas immensa per æquora noctes 355
 Vexit me violentus aqua : vix lumine quarto
 Prospexi Italiam, summa sublimis ab unda.
 Paullatim annabam terræ ; jam tuta tenebam :
 Ni gens crudelis madida cum veste gravatum,
 Prensantemque uncis manibus capita aspera montis,

ipsum bene. nec me. Hic distinguendum, ait Servius, ne sit contrarium, nam cum Somnus deiecit (v. V, 853). Enimvero Somni ministerium ad poetam, non ad Palinurum, spectat ; et ignorare potuit hoc Palinurus. *deus*, de quo agitur, est Apollo v. 344. Sed sive Apollo, sive, quod malim, deus aliquis omnino (ex 341. 342) intelligatur, respectu tamen versuum 341. 342 explicanda verba sunt: *nec me deus æquore mersit*, ut *neget* se aquis mersum esse ; quin potius ad Italiæ litus enatasse adeoque oraculo Phœbi fidem fecisse. Redit res ad calumniam in oraculis sæpe memoratam. 349 *repulsum* alter Hamburg. 350 *cursumque* duo Burm. cum Goth. sec. *gerebam* Gud. a m. pr. cum Goth. tert., vulgari vitio. 351 *maria omnia* sec. Moret. et Donat. ad Terent. 352 *illum* Medic. a m. pr. Nonnullum tantum pro me Sprot. pro h. l. est *ὅτις ἴπαι*. pro vulgari, *timorem de me*. 353 *tua* ni Rufinian. de schem. Lex. p. 251, quod recepit Brunck. provocans ad locum vitiosum III, 686 *Ni teneant cursum. tunc Rom. a m. pr., et te ne* ed. Junt., ex sollenni vitio. *expoliata* Leid. *magistri* alius Leid. 354 *navis* tantis pars codd. et edd. *urgentibus* Medic., sive ut Fogginius expressit : *navi surgentibus* ; vulgari librariorum lapsu. 355 *T. n. arreptas* Goth. tert., miro vitio. 356 *aqua* abundat post *æquora* : at in epico poeta ea copia ferenda. 357 *in unda* Parrhas. conf. Burm. Sed deterius hoc. 358 *et inserunt multi scripti et editi*, recte ab Heins. sublatam. *terra* Medic., Heinsio teste ; sed Fogginius communem lectionem exhibet, mutata tantum distinctione, quam etiam Servius memorat : *P. adnabam : terra jam tuta tenebam*. 359 *An madida me v.* Sed ne in cum hæreas, cogita, *gravatum* esse et ipsum et vestem aqua hausta. conf. V, 447. 360 *Prensantemque* Leid. *pre-sentemque* Donatus, quem habemus, legit, qui misere totum locum vexat.

v. Var. Lect. De reliquis cf. V, 857 sq. 349. Cogitandum, Palinurum gubernaculo secum revulso in mari insidentem natasse. Suavis autem fidei et amoris affectus in seqq. *Maria aspera juro* etc. 353. *armis* pro gubernaculo h. l. *excussa magistro* exquisitior ratio pro vulgari, *magistro excusso* ; translato verbo ad locum, unde motio fit. 355. Comparo locum de Ulysse Odyss. E, 388 sqq.

summa sublimis ab unda, ibid. 393 *μεγάλον ἀπὸ κύματος ἀρῆεις*. 359 sqq. Palinurus navi excussus ad litus Lucaniæ enataverat ; sed a barbaris occisus promontorio nomen Palinurum dedit. vid. Excurs. IV ad h. lib. *cum veste gravatum*, aut ut ea et ipsa undis haustis gravaretur, aut ut *cum* abundet, uti interdum in poetis solet. 360—371. 360 ab Homericis Ulyse Odyss. E, 428. 434. Quod autem

Ferro invasisset, prædamque ignara putasset. 361
 Nunc me fluctus habet, versantque in litore venti.
 Quod te per cœli jucundum lumen, et auras,
 Per genitorem oro, per spes surgentis Iuli;
 Eripe me his, invicte, malis : aut tu mihi terram 365
 Injice, namque potes, portusque require Velinos ;
 Aut tu, si qua via est, si quam tibi diva creatrix
 Ostendit (neque enim, credo, sine numine divûm
 Flumina tanta paras Stygiamque innare paludem),
 Da dextram misero, et tecum me tolle per undas ; 370
 Sedibus ut saltem placidis in morte quiescam.
 Talia fatus erat, cœpit quum talia vates :

361 *que deest* ed. Junt. *petisset* Oudart., quod valde arridet. Receptam quoque nunc video a Wakefield; et *ignava* e Cod. Coll. Jesu, eleganter per se, quatenus tamen in barbaros h. l. id cadat, non video. *ignara* quidem nec ipsum habet magnam vim, convenit tamen barbaris spoliando corpori inhiantibus, spe opiparæ prædæ falsa. 362 *habent* Medic., quod et h. l. cum ratione exaratum putabat Heins. cf. ad v. 109. Sed manifestum est vitium, quod et Goth. pr., vitiosissime scriptus liber, habet, fraude ex seqq. librario facta. *in litora* aliquot Pier. et duo Heins., elegantius utique. *Etsi* communis lectio eodem redit; et, qui argutiora sectatur, potest ex Hecuba Eurip. verba laudare v. 28 κῆμαι δ' ἰω' ἄκταϊς ἄλλοις ἐν πόντῳ εἶλεν. 363 *At te* Parrhas. *jocundum* edidit Heins., sed *jucundum* ipse Medic. *jocundum per cœli* l. duo Heins. *limen* alter Hamb. 364 *Per spes* ex Macrob. V Sat. 7 et codd. suis ac Pier. reposuit Heins. Vulgo *Per spem*. Sed alteri plus dignitatis et gravitatis inest. Et jam sup. IV, 274 *Ascanium surgentem et spes heredis Iuli respice*. 365 *At tu* duo ap. Burm. *terras* alter Hamb. a m. sec. 366 *relinque* V. Montalb. 367 *Si qua tibi* D. Gud. a m. pr. Rottend. sec. 368 *crede* aliquot Pier. 369 *pares* tres ap. Burm. *intrare* Bigot. 370 *et me* tecum Witt. *umbras* Bigot. 372 *Vix ea fatus e. e. c. t. virgo* Priscian. p. 1186.

hic Lucani faciunt, idem Laestrygonibus circa Formias tribuerat Homerus Odys. K, 118 seqq. 362. *me* corpus esse facile unusquisque videt. Notissimum αὐτοῦς δὲ δλώρια τεῦχε κύνεσσιν. 363 sqq. adumbrati ex Iliad. A, 66 sqq. de Elpenore. 364. *per spes surgentis Iuli*, adolescentis : IV, 274 *Ascanium surgentem et spes heredis Iuli respice*. 365. *Eripe me his malis*, huic calamitati, quod insepultum corpus jacet. Colorem sermonis mutuatur Valer. Fl. II, 490 *Eripe, namque potes*.—*portus Velinos* per prolepsin dictos a Velia in iisdem locis ad Palinurum promi. aliquando con-

denda, (cf. Ouwens I, 2) ubi cadaver jacebat. 367. *Diva creatrix* etiam VIII, 534 mater Ænææ, Venus; ut *creare* pro parere, cf. Burm. *innare* doctius quam ingredi flumen, adire, navigare per flumen. 371. *Sedibus*; de recepta in locis inferis umbra: v. ad v. 152. *saltem*, quia nautæ semper vagantur, ut Servius bene monet. Versus 370 ex Iliad. Ψ, 75 subnatus; καὶ μοι ὅδε τὴν χεῖρ', ὀλοφύρομαι, Patrocli umbra.

372—383. *annem severum* (h. e. tristem, horrendum) *Eumenidum* docte dixit, eodem modo ac si deorum inferorum, Proserpinæ vel Hecataë,

Unde hæc, o Palinure, tibi tam dira cupido ?
 Tu Stygias inhumatus aquas, amnemque severum
 Eumenidum adspicies, ripamve injussus adibis ? 375
 Desine fata deum flecti sperare precando.
 Sed cape dicta memor, duri solatia casus.
 Nam tua finitimi, longe lateque per urbes
 Prodigiiis acti cœlestibus, ossa piabunt ;
 Et statuent tumulum, et tumulo sollennia mittent ;
 Æternumque locus Palinuri nomen habebit. 381
 His dictis curæ emotæ, pulsusque parumper
 Corde dolor tristi : gaudet cognomine terra.

Ergo iter inceptum peragunt, fluvioque propinquant.
 Navita quos jam inde ut Stygia prospexit ab unda 385
 Per tacitum nemus ire, pedemque advertere ripæ ;

374 Tum Franc. 375 ripave malebat Cerda. *invisus* tres ap. Burm., et hoc Pompon. Sab. interpretatur. *adibis* Rom. cum eodd. parte, etiam Erf. a m. pr., quod mihi quidem multo magis probatur. conf. sup. 313. 314, itaque nunc recepi cum Brunckio. Vulgg. tamen *abibis* servant Serv. Medic. cum multis Pier. et Heins. ac Burmann. 378 Recte adversus Marklandum, qui ad Stat. V Silv. 3, 127 absurdum esse aiebat finitimos dici longe lateque habitantes, locum tueretur vir doctus ap. Burm., ordine verborum ita instituto : finitimi acti prodigiis cœlestibus longe lateque per urbes ; itaque interpolationem post per urbes sustuli. per urbem Witt. 380 Instatuent pr. Moret, pro Institutent. solatia Bigot. ex v. 377. 381 Palinurum nomen tert. Mentel. a m. pr. adeoque calami vitio, etsi satis felici. cf. Burm. 382 amotæ aliquot Heins., sollenni varietate. 383 pavor pr. Rottend. pro var. lect. ad dolor. Cerda mavult interpungere : C. dolor : tristi g. e. t., ut in Witt. a prima manu fuit ; non video quam bene. terra multi ap. Pier. et Heins., ut et bini Goth. Sed est, χαλκὸν ἑκατόν τε χόρην. 385 ut deest Medic. et Parrhas. quos postquam St. Bigot. conspexit Medic. ab unda, medio amne : cf. 410. Jo. Schrader. ingenioso lusu conj. ab ulta.

appellares. Servius male : “ circa quem habitant Eumenides ;” quod esset revocandum ad v. 280, ubi Eumenides in aditu Orci. Sed id nimis longe petatum. 377. cape memor, tene memoria. 378. Nam ut γὰρ ab initio orationis, pro δὲ, sane, scilicet, sollennia mittent πρὸς τοὺς χοῶς, ἱερὰ, et similia, inferias ferent. Cum a barbaris, Lucanos edunt, qui serius ea loca incoluerunt, occisus esset Palinurus, postea ii pestilentia laborantes, a deo consulto responsum acce-

perunt, placandos esse Palinuri Manes.

384—416. Charon umbras, non corpora, vehere solitus, ægre, ut Æneam transvehat, adducitur. 392 seq. Servius : “ Lectum est et in Orpheo, quod, quando Hercules ad Inferos descendit, Charon territus eum statim suscepit. Ob quam rem anno integro in compedibus fuit. Ideo ergo non letatus, scilicet propter supplicium sum.” Bona nota. Similitudinem habet aliquam exco-

Sic prior aggreditur dictis, atque increpat ultro:
 Quisquis es, armatus qui nostra ad flumina tendis,
 Fare age, quid venias; jam istinc et comprime gressum.
 Umbrarum hic locus est, Somni Noctisque soporæ;
 Corpora viva nefas Stygia vectare carina. 391
 Nec vero Alciden me sum lætatus euntem
 Accepisse lacu, nec Thesea Pirithoumque:
 Dis quanquam geniti, atque invicti viribus essent.
 Tartareum ille manu custodem in vincla petivit, 395
 Ipsius a solio regis traxitque trementem;
 Hi dominam Ditis thalamo deducere adorti.
 Quæ contra breviter fata est Amphrysia vates:

387 *adloquitur Rom.* 388 *ad limina Sprot. Erf. ad litora pr. Menag. pr. Rottend. tendens Gud. a m. pr.* 389 *istic aliquot ap. Burm. istic jam comprime ed. Ven. gressus Voss. pr. et Witt. Burmannus Sec. in Anthol. Lat. pag. 162 ex corrupta ibi schedarum Salmas. et Cod. Leid. scriptura: jam stingit comprome ressum, effingit: jam stringe et comprime g.* Sed stringit h. e. attingit, urguet, gressum ejus, qui antecedit, is, qui sequitur vel comitatur; Tum vero, quod hinc efficias, est, ut, quam librarius lectionem corruerit, intelligas, non veriorum expeditas. 390 *hic l. et s. Rom. et pr. Mentel., præclare.* 392 *Nec non A. ed. Ven. Æacidem vitiose Donat. ad Ter. nec sum l. aliquot Pier. male.* Ad verbum ita Homerus in A. Iliad. οὐδ' ἄρα τὸ γὰρ ἰδὼν γόησεν Ἀχιλλεύς. Et de Seylla similis oratio Odys. M, 88 οὐδὲ κέ τίς μιν Γόησεν ἰδὼν, οὐδ' εἰ θεὸς ἀντίσσει; at lacu forte parum commodum. acceptus est Hercules cymba, at lacu transvectus. Jo. Schrader. tentabat: Trajecisse lacu; vel: Accepisse alveo vel alveo. Superest tamen, ut jungas: euntem lacu: id quod poeta voluisse factum videri potest: vectum per lacum. 393 *Pieritumque corrupte Rom.* 395 *Post petivit distinxit Heins. cum codd., alii post regis.* 396 *e solio Parrhas. a solo Witt.* 397 *thalamos Goth. tert. adorsi plerique Pier. et quinque Heins. Sæpe de hac variatione egere viri docti. Adi v. c. Drakenb. ad Læv. XXXV, 51, 8.* 398 *quem multi edd. et scripti.*

satio Somni cum subjuncta narratione ap. Homer. Iliad. ε, 249 sqq.

392—397. Profecit ex his Statius lib. VII, 52 et ex v. 398 ibid. lib. VII, 95 sqq. *euntem, ὄντα* pro ἐλθόντα, adeuntem loca infera. *Dis geniti.* Theseus a Neptuno, Pirithous a Jove; etsi Burmannus de hoc dubitabat. Vide v. c. Iliad. ε, 317. 318 et al. 395. 396. Fundus fabulæ Iliad. θ, 367 sqq. Varie autem a poetis tractatus fuit Herculis ad inferos descensus. Conf. v. c. Iliad. E, 395 sqq. Apollod. II, 5, 12 et ibi Not. Thesei descensus ad imitationem Herculis

adumbratus, ut pleraque alia Thesei in Theseide. Scilicet ubique in his imitatorum studium deprehendas, si vel ea, quæ Plutarchus inde narrat, inspicias. De Cerbero v. inf. ad v. 417. 397. *dominam, θεσποίαν*, proprie de Proserpina. Alias dictum esset, ut apud Homerum passim ἀλοχος θεσποίνα.

398. *Amphrysia vates.* Longe petitum epitheton cum Servio vocat Burmannus. Enimvero cur tam longe petunt, ab Amphryso, Thessaliæ fl., ad quem Apollo pavit greges (v. Callim. H. in Ap. 48, et sup. Ge. III,

Nullæ hic insidiæ tales ; absiste moveri ;
 Nec vim tela ferunt ; licet ingens janitor antro 400
 Æternum latrans exangues terreat umbras ;
 Casta licet patrui servet Proserpina limen.
 Troïus Æneas, pietate insignis et armis,
 Ad genitorem imas Erebi descendit ad umbras.
 Si te nulla movet tantæ pietatis imago, 405
 At ramum hunc (aperit ramum qui veste latebat)
 Agnoscas. Tumida ex ira tum corda residunt.
 Nec plura his ; Ille admirans venerabile donum
 Fatalis virgæ, longo post tempore visum,
 Cæruleam advertit puppim, ripæque propinquat. 410
 Inde alias animas, quæ per juga longa sedebant,

399 hinc Ven. et aliquot Pier. Non ullæ hic Parrhas. 400 janitor orci apud Priscian. lib. VII. 402 patrum—limen pr. Hamb., quod affectatæ esset elegantie in epico poeta narrante. patris Rom. 404 Herebo maxima pars librorum Heins. descendit Leid. un. in umbras pr. Menag. in undas Goth. tert. 405 tantarum gloriæ rerum ap. Macrobi. VI Sat. 6, sed ex alio loco, sup. IV, 272, ut Burm. docet. 406 nudat r. Ven. ex gloss. qui in v. Parrhas. 407 agnoscis vet. Cod. ap. Macrobi. VI, 6. cum c. alter Hamb. quiescunt Bigot. Vulgo pro Sibyllæ verbis haberi videntur illa: tumida—residunt. Ita saltem resident esse debebat. Sed sunt poetæ narrantis: placator Charon, nec plura his illa addidit. 410 puppim Medic. et al. 411 per giga pr. Hamb., et Sprot. cum glossa: id est sedilia navis.

2), cum alia esset Amphrysus (v. Steph. Byz. h. v.), vel Ambrysus, in Phocide in Delphorum vicinia, ut adeo idem sit ac, Delphica vates, Cirrhæa vates. Mox

400—402. Nec, ne Cerberus abducatur, aut Proserpina rapiatur, verendum tibi est. *servet limen*. Mira comminiscitur Cerda. *Servat domum, limen, thalamum*, ex veteri vivendi ratione, mulier casta, frugi, quatenus conspectum virorum fugit, intra domum se continet, in publicum non prodit. conf. inf. VII, 52. 53. *licet servet*, noto more poetarum pro vulgari, *licet servare*; per nos, per Æneam licet. vid. Burmann. 405. *pietatis imago*, apud animum, cogitatio.

Cum his Sibyllæ verbis ramum aureum Æneas sub veste tectum nudat: non vero tanquam munus Charonti ferendum: sed Proserpinæ destinatum v. 142.

409. *fatalis*, v. sup. 146. 147. *longo post tempore*: igitur Hercules et Theseus cum ramo aureo venerant. conf. Excurs. VI. 411. *juga longa*, ζυγά, transtra, h. l. vectorum, ἰκθάρων, sedilia. *laxatque foros*, tabulata vacuat; proprie turba et multitudine *artari* locus dicitur, inde nunc *laxari*. Servius. Egregie autem Charontis ferox ac durum ingenium declaratum. *Ingentem Æneam*, quis dubitari posse putet, an ad corporis magnitudinem referendum sit! Ita de

Deturbat, laxatque foros ; simul accipit alveo
 Ingentem Ænean. Gemuit sub pondere cymba
 Sutilis, et multam accepit rimosa paludem.
 Tandem trans fluvium incolumes vatemque virumque
 Informi limo glaucaque exponit in ulva. 416

Cerberus hæc ingens latratu regna trifauci
 Personat, adverso recubans immanis in antro.
 Cui vates, horrere videns jam colla colubris,
 Melle soporatum et medicatis frugibus offam 420
 Objicit. Ille fame rabida tria guttura pandens
 Corripit objectam, atque immania terga resolvit

412 *alvo* tres Barm. 414 *multum* Medic. *futilis* ed. Ven. *sutilis* Dorvill.,
 natum ex *sutilis*, quod Rom. habet. 417 *hic* tres ap. Barm. *trifulci* Goth. tert.
 Sed *trisleum* aliter dictum. vid. Georg. III, 439. Æn. II, 475. 418 *averso*
 dao ap. Barm. *resonans* Witt. 419 *colobris* Mentel. pr. *colla comasque* Lutat. ad Stat.
 II Theb. 27. 420 *soporatum* alter Menag. et pro div. lect. alter Hamb. et olim Tur-
 neb. e Codice, qui cum Alardo illud probabat. v. Heins. et Cerda, qui recte vindicant
 vulgatam lectionem vel ex IV Æn. 486. V, 855. Vide Not. *medicatum* f. *offam* nonnulli
 vet. ap. Pierium. 421 *rapida* multi ap. Barm.

heroibus ubique Homerus et poetæ,
 ut ipsa exempla a Cerda allata satis
 declarant. 414. *cymba sutilis* sive
 ex coriis sive vitilis et juncea. vid.
 Cerda. Si Charontem Ægyptiorum
 animo habuit, de papyracea cymba,
 barin Ægyptii vocant, cogitare po-
 tuist.

417—425. Canis palatio Orci et
 Proserpine additus custos est priscae
 vitæ more jam apud Homerum Iliad.
 θ, 366, ubi ille ex Erebo ab Hercule
 adductus ; et apud Hesiod. θ. 769
 sqq., a quo ille adeuntes adulando
 admittere, exeuntes terrere ac de-
 vorare narratur. Nunc in adeuntem
 Æneam insurgere putandus est, non-
 dum fato defunctum. Nomen ipsum
 Cerberi non nisi post Homerum au-
 ditum est : cf. Pausan. III, 25 ; oc-
 currit tamen apud Hesiod. θ, 311.
 Commenta de eo pleraque Heraclii
 debere videntur, Hercule ad eum ex

inferis raptandum misso. vid. Apol-
 lod. II, 5, 12, et Not. p. 428 sqq.
 Schol. Iliad. θ, 368. Placatur ille
 h. l. eodem fere modo, quo draco
 Colchicus in Argonauticis. Alio mo-
 do Cerberus placatur ap. Statium II
 Theb. 26—31 Mercurii virga. Com-
 parari posse Senecæ Herc. fur. 783
 sqq., jam Cerda monuit, ubi Theseus
 Cerberum ab Hercule oppressum
 narrat. Offam 420 intellige globulum
 ex pulte factum, sed admixto melle et
 papavere aliisque seminibus et succis
 ita temperatum, ut vim soporificam
 haberet; hinc *soporata* ipsa offa, mel-
 le et *frugibus medicatis*; has de papa-
 vere plerumque videas exponi. Sunt
 tamen omnino grana et semina, suc-
 cis herbarum, qui vim aliquam, v. c.
 in magicis rebus, habent, perfusa.
Μελαροῦρα Cerbero objici solita; no-
 ta res. cf. Cerda et sup. ad IV, 486.
 Hinc *resolvitur* somno corpus, ἀνα-

Fusus humi, totoque ingens extenditur antro.
 Occupat Æneas aditum custode sepulto,
 Evaditque celer ripam irremeabilis undæ. 425
 Continuo auditæ voces, vagitus et ingens,
 Infantumque animæ flentes, in limine primo:
 Quos dulcis vitæ exortes, et ab ubere raptos,
 Abstulit atra dies, et funere mersit acerbo.
 Hos juxta falso damnati crimine mortis. 430
 Nec vero hæ sine sorte datæ, sine iudice, sedes.
 Quæsitur Minos urnam movet; ille silentum
 Conciliumque vocat, vitasque et crimina discit.

423 tutoque a m. pr. Erf. *rigens* conj. Burm., sed ipse damnat, et recte. Auger *ingens* mirifice speciem magnitudinis. 424 c. remoto Bigot. et Hugen. pro var. lect. Sup. II, 265 *urbem somno vinoque sepultam*. 427 Wakefield distinguit: *Infantumque anima flentes, in limine primo Quos dulcis vitæ, exortis et ab ubere raptos, Abstulit atra dies*. Valde aridet ingeniosi viri acumen. Nisi quod mox *exortes* otiosum esse sentio. 428 *raptos* aliquot Pier. *ab ubere natos* Dorvill. m. pr. in marg. *raptos ab u. primo* Rot-tend. sec. ex sup. versu. 429 *una dies* aliquot Pier. 430 *false* alter Hamb. *false* d. tempore m. conj. Warburtonus (*Divine Legat. of Moses* T. I, B. 2, S. 4), parum feliciter. 431 *sine sorte* Franc., male. *Nec vero his conj.* Jortinus Diss. VI, pag. 275. 433 *Consilium* Gad. a m. pr. et sic pr. et tert. Goth. *Levis hæc esset auctoritas; sed*

λυεται, ut Apollon., quem in toto loco ante oculos habuit Maro, IV, 150 *δολιχὴν ἀνελύει' ἄκανθαν*; et v. 424 *custode sepulto*, sc. somno. 423. *totoque ingens extenditur antro*. Sic sup. III, 631 *jacuitque per antrum Im-mensus*, de Polyphemo. Tandem 425 *irremeabilem* undam eo referunt interpretes, quod non eadem via erat rediturus Æneas. cf. inf. 899. Argutius hoc quam necesse. Naturam Stygis communem exprimit epitheton.

426 sqq. Hinc ad 540 de prima locorum inferorum regione agitur, de qua v. Excurs. VIII. 426—429 versuum magna dulcedo est.

430—433. Quid in sedibus his assignandis secutus sit poeta, non liquet. Suspicio tamen fuisse Pythagoræ aliquem auctorem, qui, quæ alii summam extulerant, subtilius

persecutus erat. Si Empedoclea superessent, de multis iudicium expeditius foret. Hoc unum inter *infantes* et *iniquo iudicio* aut *sua manu interemptos* commune intercedere videtur, quod mortem fatalem anteverterunt, et *immatura morte* obierunt; adeoque interiora quoque inferorum ingredi prohibentur. Warburtonus multa satis argute super caussis harum sedium datarum comminiscitur. Add. Jortin. (*Six Diss. upon different Subjects* pag. 269. 272.) Sed, ut dixi, si eos haberemus, quos poeta in h. l. secutus est, melius nobis de toto hoc philosophemate constaret. De infantibus nonnulla οὐκ ἀξία μνήμης in mytho suo prætermittere se dicit Plato de Rep. XI sub fin. Hoc graviter subjicitur, iudicia horum insontium damnatorum retractari a Minoe. Si modo versus illi 431. 432. 433, pa-

Proxima deinde tenent mœsti loca, qui sibi letum
 Insontes peperere manu, lucemque perosi 435
 Projecere animas; Quam vellent æthere in alto
 Nunc et pauperiem et duros perferre labores!

Asconius in Argum. in Verr. de Præt. urb. "Ad hanc similitudinem, inquit, poeta Virgilius Minoem, judicem apud inferos, tanquam si prætor sit rerum capitalium, Quæsitorem appellat: dat ibi sortitionem, ubi urnam nominat: dat electionem judicum, cum dicit: Consiliumque vocat; dat cognitionem facinorum, cum dicit: vitasque et crimina discit." Cetera bene; verum in Consilium vocat argutatur Pedianus, nam etiamsi ad editicios iudices, quos certæ causæ admittebant (cf. Sigon. de Judic. II, 12), referre velis, tamen nec poeta in eodem iudicio sortitionem et electionem memorare potuit, et, cum silentum consilium illud sit, iudices intelligendi essent ex umbris lecti; quod vix poetæ in animum venire potuit. Quin potius silentum concilia sunt turba forensis, imprimisque eorum, de quibus cognitio habebitur; unde adjectum: vitasque et crimina discit. Stat. VIII, 22 de Platone: populos poscebat crimina vitæ; et in Calice 274 nec faciles Ditis sine iudice sedes, Iudice, qui vitæ post mortem vindicat acta, que post vitas abest a binis Burm. 435 reperere pr. Moret. et Zulich. a m. sec. Sane sic et alibi. conf. Burm. Sic sup. II, 645 ipse manu mortem inveniam. Verum, si Jo. Schraderi observatio Emendatt. p. 42 præf. vera est, metrum repugnat, cum prima in reperere longa sit. Idem in schedis epitheton insontes alienum arbitratus emendabat Infanda vel Intenta. Cui non accedam. 436 Quas Medic., et quidem, quod notandum, a manu emendatoris Apronian. Et habet id sane acutum quid; quod tamen non sequar.

rum comodo loco interpositi, ad proxime appositum versum *Hos juxta* retrahendi sunt. Videntur enim, per parenthesis potius interjecti, ad totum hoc genus, etiam ad sqq., spectare. *Nec vero hæc sine sorte data, siue iudice, sedes*: h. e. non sine iudice sortito dato; sed iudicium sortito datorum sententiis. Esequentibus enim apparet, sortem non de ipsa sententia accipi posse; *Quasitor*, sen iudex quæstionis, ut Romæ in causa capitali prætor, cui ea quæstio obtigit, vel is, cui ille delegavit quæstionem; assident ei *iudices selecti*, qui *sortitione nominum* e decuriis a iudice quæstionis facta causæ cuique contigerunt. Hinc h. loco *Quasitor movet urnam*, sortitur iudices; tum citat reos ad iudicium, *silentum concilium vocat*, improprie pro iis, qui die dicto in iudicio adesse debent ut de iis cognoscatur; *vitasque et crimina discit*, audita utriusque partis oratione et testibus interrogatis. De ceteris

vid. Excurs. XI ad h. v. Locus haud dubie inter eos numerandus, quibus poeta Homerum (v. Odyss. A, 567) eo vicit, quod suorum temporum morem carmini intulit. Claudiani, Statii et Senecæ Herc. fur. obvæ sunt imitationes et a Cerda notatæ.

434—439. Magnam ad miserationem extulit sortem miserorum, qui sibi ipsi violentas manus intulere, sed *insontes* nullo crimine polluti, sed vitæ tædio; propter ærumnarum molem, qua oppressos se videbant. Gravius illi puniuntur in Dantis Inferno. v. Cant. XIII. *projecere animam*, cum dilectu, quasi rem vilem, ut bene Serv. Ex iis, quæ laudant Cerda et Guellius, unum convenit notum illud Ovidii: *Sanguinis atque animæ prodige Galle tuæ*. At illa: *quam vellent æthere in alto*, ex nota illa et a Luciano exagitata sententia Achilles ducta sunt Odyss. A, 488—490. habet tamen vim nescio quam ad animi affectum, declaratio hæc poeniter-

Fas obstat, tristisque palus inamabilis unda

Alligat, et novies Styx interfusa coërcet.

Nec procul hinc partem fusi monstrantur in omnem 440

438 Quinque voces notatæ sunt rubro in Medic. *Fas obstat tristisque p. inamabilis unda.* Sed videamus de singulis. *Fas obstat* haud dubie bene, h. e. naturæ, inferiorumque, jura. *Fas et jus* ad jura divina et humana referri notum est, et copiose illustrat h. l. Heins. Sic legit Serv. cum Donato: sicque Rom. Gad. a m. pr. Voss. alter, cum binis e Goth., item Benedict. e cod. Palat. et inde ed. Junt. Ceteri *fata obstant*, ex IV Æn. 440. Porro *tristisque palus*, quod Servius improbat, ne duo sint epitheta, exhibet Doryill. et cum Rom. pars codd. Pierii, qui bene monet, accipiendum esse: *tristisque palus, inamabilis unda.* Sic quoque Gad. a m. pr. et pr. Rottend. a m. sec. Alii etiam: *tristisque p. i. unda.* Sic Gad. a m. sec. Tandem *inamabilis* sunt qui legant ap. Pier. item Schol. Horat. et pr. Hamb. pro var. lect. et tres ap. Burm., minus bene, ut Heins. docet. Eadem varietas Georg. IV, 479. 480, ubi hi duo versus occurrunt. Omnino recepta lectio haud dubie elegantior est. 440 hic Rom. et alii Pier. *infusi* alter Menag.

tiæ. 438. *Fas*. jura inferiorum. v. V. L. *Styx novies*, hoc est sæpius, flexibus suis regna infera ambire dicitur; conf. Georg. IV, 480. sup. 295. v. Excurs. IX.

440 sqq. *Campi lugentes*. Ponitur hoc vulgo ab interpretibus, locum hunc *amantes* tantum *feminas* capere. Inde reprehensiones poetæ et difficultates movent alias ex aliis, quas non felicius tollunt quam creant; vide v. c. Jo. Schrader. ad Musæum p. 283 sqq. Certe in feminis, quas in Campis illis collocavit poeta, vix in miserarum amantium numero Eriphyle et Cæneus memorari possunt. Dicas forte in deperditis poetis fuisse de eorum amoribus fabulas, quas nunc ignoramus; verum, quantum intelligo, omnino invito poeta assertum est, non nisi amantes feminas hæc loca tenere; *heroínas* ille, ut mox inde a 477 heroes, memoravit priscis mythis celebratas, quarum nomen insigni aliquo facinore clarum fuit, nullo respectu laudis et virtutis; etsi ex his facinoribus pleraque a misero amore profecta sunt: nefarius erat amor Phædræ in Hippolytum privignum; et Pasiphaes libidinosum amorem nemo ignorat; Procris de mariti, Cephal, fide male sollicita

infelici casu interiit; contra Evadne et Laodamia fide et constantia in maritorum funere clare sunt; Cænis mira sexus in virilem mutatione et factis, quæ sub Cænei nomine edidit, notabilis. Sane vel sic, ad nostrum sensum et judicium, a poeta melior nominum dilectus adhibendus fuisse videri potest; potuisset utique laudare feminas, quarum virtus et fortuna nos jucunda aliqua recordatione delectaret. Verum, quod jam sæpius observatum est, ab hoc dulcissimi affectus, nisi conjugalis ille esset et magnis difficultatibus implicitus, admiratione in muliebri sexu abhorret antiquitas; nec nisi casus tragicos in hoc genere sectatur. Recentiorum sane poetarum optimus quisque ad nostros mores ac sensus locum hunc quanto melius tractasset. Præstant quoque versus Tibulli 1 El. 3, 57 *Sed me quod facilis tenero sum semper Amori* sqq. Ipsum Virgilianum locum disertius exornavit Ausonius in Cupid. crucif., sed desideres, ut alibi, in eo judicii subtilitatem. Conf. quoque Propert. IV, 7, 59 sq. Verum Virgilius ante oculos habuit et expressit locum Od. A, 224 sq., 320 sq. in quo promiscue heroïnæ ex inferis prodeunt ὅσσαι ἀριστήιον ἄλοχοι ἔσαν,

Lugentes campi: sic illos nomine dicunt.
 Hic, quos durus amor crudeli tabe peredit,
 Secreti celant calles, et myrtea circum
 Silva tegit; curæ non ipsa in morte relinquunt.
 His Phædræ Procrinque locis, mæstamque Eriphylen,
 Crudelis nati monstrantem vulnera cernit, 446
 Evadnenque, et Pasiphaën; his Laodamia
 It comes, et juvenis quondam, nunc femina, Cænis,

441 ducunt duo ap. Burm. 442 Hic Heins. e Medic. et al. Vulgo: Hinc. At Hi Rottend. et Witt. quas, quod Heins. probat, quoniam feminas mox memorantur, Zulich. habet, et pronus esse solet in talibus error. Tamen infra Sychæus quoque in iisdem locis occurrit. dirus a. duo apud Burm. peregit Dorvill. peremit nonnulli Pier. et Burmann. cum Goth. tert., sed tabe peredit proprie adjectum. 443 colles Sprot. et Uratisl. cum Goth. sec. At tert. caules. servant colles ed. Ven. Secretæ valles conj. Jo. Schraderus, quia calles vix dici possunt celare aliquem, et laudat Stat. Silv. III, 290 Centaurosque —aversæ celent valles. add. sup. v. 138. 139. Enimvero secreti calles sunt semitæ in locis secretis, et in ipsis myrtetis, per quæ errantes umbræ bene dicuntur celari et ipso loco et semita per eum ducente. Etiam inf. IX, 383 Rara per occultos lucebat semita calles. 444 ipsæ alter Hamburg. in deest binis Burmann. 445 Procin, Procrin, Procrim corruptele; item Eriphylen. 446 funera Parrhas. vidit Goth. tert. 447 Eucha-dem, Euchandem, Heuhadnenq. Pasiphem aberrant., item: Laodamia. 448 Est c. Goth. tert. Cænis vulgo lectum. Dubitari nequit, Cænis a poeta scriptum fuisse: quod et Heinsius coniecit: ἡ Κανίς. cf. Verheyck ad Antonin. Lib. c. 17 p. 114 sq. Firmat id quoque Ausonii imitatio in Cupid. crucif. 20 Irrita dona querens, sexu gavisia virili, Mæ-

ἡ δὲ θυγάρις. Claras mulieres in Ne-cyia sua etiam Polygnotus pinxerat apud Pausan. X, 28, 29, in his Phædræ, Procrin, Eriphylen. Reprehendant tandem poetam in hoc, quod in Campis Lugentibus inter feminas amore misero consumtas Sychæus occurrit v. 473. Verum ipse poeta locum non solis feminis assignaverat, nam versus sic exorditur: Hic quos durus Amor crudeli morte peredit sq. Tum si vel maxime hoc ita se haberet, nolim poetam in ordinem cogere, tanquam si historias rerum gestarum conderet. Late vero patentes campos facit, non, ut Intpp. volunt, multitudinis causa, quam excepturi sunt, sed ut solitudinem in iis, quam quæ-runt, habeant amantes.

445—449. Alias nunc heroínas sub-jungit poeta et diversas a misero

amantibus. Odyss. A, 320 Φαίδρην τε Πρόκριν τε ἴδον, et v. 325 στρυγερὴν τ' Ἐριφύλην, "Ἡ χρυσὸν φίλου ἀνδρός ἰδέ-ξαι το τιμήντα; de his omnibus Apol-lodor. Hygin. Diodor. Sic. Ovidii Metamorph. præter Servium ad h. l. consulendos esse ut moneam, necesse non est. Præter illos tamen appo-nemus loca saltem classica. De Pro-cride v. Met. VII sub f. De Eriphyle v. Odyss. O, 244 seq. Stat. II Theb. 299 sqq. IV, 187 sqq. occisa ab Al-cmæone filio, quia patrem Amphia-raum accepto monili prodiderat: v. Apollod. III, 6, 2. 7, 2 et 5. cf. Not. p. 607; et de Evadne, Capanei uxore, Eurip. Supplic. 990 seqq. Laodamia, Protesilai uxor, vel ex Luciani DD. Mort. et ex Ovid. Ep. XIII nota est; et de Cæneo vid. Met. XII O-vid. v. 171 sqq. 445. mæstam, ut

Rursus et in veterem fato revoluta figuram.

Inter quas Phœnissa recens a vulnere Dido 450
Errabat silva in magna: quam Troïus heros,
Ut primum juxta stetit, agnovitque per umbras
Obscuram, qualem primo qui surgere mense
Aut videt, aut vidisse putat per nubila Lunam,
Demisit lacrimas, dulcique affatus amore est: 455
Infelix Dido, verus mihi nuntius ergo
Venerat extinctam, ferroque extrema secutam;
Funeris heu tibi caussa fui? Per sidera juro,
Per superos, et si qua fides tellure sub ima est:
Invitus, regina, tuo de litore cessi. 460
Sed me jussa deûm, quæ nunc has ire per umbras,
Per loca senta situ cogunt noctemque profundam,
Imperiis egere suis; nec credere quivi
Hunc tantum tibi me discessu ferre dolorem.

ret in antiquam. Cenis revocata figuram; etsi et ibi in multis Cæneus. In nominibus propriis, imprimis ex Græco ductis, rationis grammaticæ major auctoritas quam scriptorum per librariorum stuporem inquinatorum habenda. 449 fati Mentel. pr. revocata Rom. 450 ab vulnere Leid. unus. 451 in deest Exo. Burmann. 452 Ut juxta primum Dorvill. per umbram vulgo lectum, etiam in præstantioribus. per umbras quinque, nec contemnendi, ap. Heins., ita non eleganter Obscuram sc. Didonem acciperes; ut jam Servium fecisse video. Recepit quoque id Wakefield. 453 quis alii et ed. Junt., sed jam Pier. alteram prætulit. qui primo sec. Hamb. 455 Dimisit Medic. cum al. Heins. demit Mentel. pr. lacrimans Rom. est deest utriusque Menag. et Goth. sec. 459 est abest ab pr. Menag. et eodem Goth. sec. 461 qui Franc., et ab alia manu que.

Hom. συγγεγήν, h. e. μισητήν, exprimere voluerit, necesse non est, etsi συγγεγόν eo sensu poni nemo facile dubitet.

450 sqq. Episodium de Didone, merito suo laudatissimum, ad Homeri ductum de Ajace Iliad. A, 542 sqq. effinxit. 452. 453. 454. Suavis comparatio Didonis ægre per umbram visæ cum nova luna; petita ab Apollon. IV, 1479. 1480, ut jam alii notarunt: Visus est Lynceus Herculem procul videre, ὥς τις τὴν νύκτι ἐνὶ ἡματι (noster, primo mense, nova luna)

μήνην ἢ ἰδὲν ἢ ἐνόησεν ἐπαχλύσαντες ἰδίσθαι. 456. nuntius ex flammis lucentibus. sup. V, pr. 459. et si que fides tellure sub ima est; si quid apud inferos aliud, quod fidem facere juranti potest (id enim et ipsum fides dici solet. conf. sup. II, 142. Male aliter Serv. et al.). 460. Ursinus comparat Catulli versum de Coma Berenices: Invita, o regina, tuo de vertice cessi. Conveniunt saltem verba. 462. situs est incultus telluris, nec manuum opera motæ, squalor et horror, quo fit ut obducatur solum

Siste gradum, teque adspectu ne subtrahe nostro. 465
 Quem fugis? extremum fato, quod te alloquor, hoc est.
 Talibus Æneas ardentem et torva tuentem
 Lenibat dictis animum, lacrimasque ciebat.
 Illa solo fixos oculos aversa tenebat;
 Nec magis incepto vultum sermone movetur, 470
 Quam si dura silex aut stet Marpesia cautes.
 Tandem corripuit sese, atque inimica refugit
 In nemus umbriferum: conjux ubi pristinus illi

465 *nec s.* Sprot. *adspectui* codd. ap. Pier. 466 *fator* Menag. pr. *fatum* Exc. Barm. te abest a binis Burmann. et Goth. tert., indocte. 468 *Leniebat* vett. ap. Pier. *lacrimisque* Franc. Ceterum Barm. difficultatem recte percipiebat in eo, quod *torva tuentem animum* in umbra exhibere videtur poeta; Jortin. autem etiam corripiebat *animam*: sine fructu. Nec satis est accipere dictum pro, *animum tuentis*. Nisi, quod valde suspicor, hemistichium male expletum est, cum a Marone relictum esset: *Talibus—tuentem Leniebat dictis*. Illa s. triplex expediendæ rei adest modus: primum ut distinguas post dictis, ut sit: *animum lacrimasque ciebat*, movebat, ut *θυμὸν ὄρεν* toties apud Hom. etiam de miseratione. Altera, ut *ardentem et t. tuentem* quartos casus absolute positos esse jubeas. Tertia tandem, eaque ceteris simplicior et melior, ut *animum* Homérico exemplo accipias pro *κατὰ θυμὸν, φρένας*. Sic pro vulgari forma: *leniebat ejus ardentis et torva, torve, tuentis animum*, non insolens est dicere: *leniebat eam animum, animo*. Alteram *lacrimas ciebat* haud dubie ad Æneam spectat, *lacrimas movebat*,olvebat, fundebat. 469 *adversa* nonnulli ap. Pier. et Barm., etiam *diversa* ap. Petron. c. 132 in codd. et ap. Schol. Craqu. Horatii. 470 in capto Cod. Barthii ap. Barm. Mox multi apud Pier. et Heins. *vultus* vel *vultu*, malo. Et vulgata apud Macrob. IV Sat. 1. *vultus* quoque apud Petron. l. l. legitur, ubi vs. 469. 470 in nequiores sensum detorquet, et pro 471 substituit, *Quam lentæ salices, lassore papavera collo*. 471 *Mopesia, Marpesia*, et in Goth. in *Arpeia*, aberrationes indoctorum librariorum. Steph. Byz. *Μάρπησσα, ὅρεν Πάρον ἀφ' οὗ οἱ λίθοι ἐξαίρονται. ὁ οὐκ ἔστιν Μαρπησσός*. Alia montis pars *Lugdus*. v. Plin. XXXVI, s. 13. Est et urbs *Marpessus* in Troade. vid. Paus. X, 12, pag. 826. 827. 472 *corripuit* Heins. revocavit, quod habet præstantissimos quisque codex. Alii *proripuit*; quod vulgare est adeoque alterius interpretamentum. conf. inf. XI, 462. 473 *postumus* Hugon. a m. pr. Scilicet hæsisse veteres Grammaticos in hac vocis pristinus significatione, ut *prior* sit, e Servio et Pomponio Sab.

sentibus, dumis, filice: aspera itaque loca et horrida (*ἀνχυρηρὰν χώραν*) ex cultu neglecto, adeoque ex situ, qui *εὐρώεσσι*; exprimit enim Homericum *Ἄλδω δόμον εὐρώεντα*. 465. *Siste gradum*. Hoc vero præclare ex Odyss. A, 560 et omni oratione disertius mox silentium ex v. 562, quem jam Longini §. 9 judicium nobilitavit. Ad v. 468 facile in mentem veniat Sophocleum illud: *οἱ δ' ὦ φ.—προσιννέπω Πανίστατον δῆ, κοῦπον' αὖτις ἔσπερον* (Ajac. 871 sq.). 467. *torva tuentem* *ἐπόδρα ἰδοῦσαν*. 468. *Lenibat dictis*

animum, lenire volebat, studebat, eam iratam, et torvis obliquisque oculis adspicientem. Jam pro *lenire* ejus *animum*, dicere poterat lenire eam *animo* et (quoad) *animum* (*κατὰ*) *θυμὸν, φρένας*, ut sæpe Homerus. At *lacrimas ciebat*, ipse fundebat Æneas. In 469 Euripidis Medea v. 27 *οὐτ' ὄρμ' ἐπαίρουσ' οὐτ' ἀπαλλάσσουντα γῆς πρόσωπον* observata Virgillii animo videbatur Valkenariorum ad Hippol. p. 197. 473. *conjux ubi*, an de Ænea narraverit Dido Sychæo, nolim affirmare.

Respondet curis, æquatque Sychæus amorem.

Nec minus Æneas, casu percussus iniquo, 475

Prosequitur lacrimans longe, et miseratur euntem.

Inde datum molitur iter. Jamque arva tenebant

Ultima, quæ bello clari secreta frequentant.

Hic illi occurrit Tydeus, hic inclytus armis

Parthenopæus, et Adrasti pallentis imago. 480

Hic multum fleti ad superos, belloque caduci,

Dardanidæ: quos ille omnes longo ordine cernens

Ingemuit, Glaucumque, Medontaque, Thersilochumque,

(apud quem Probus de hoc vocabulo dubitat) apparet, cum tamen de ea nunc satis constet. vide ap. Barmann. Omnino hæc notissimarum rerum ignoratio vel dubitatio, et in tenuibus subtilitas vel frigus, difficiliorum vero vocum vel locorum omissio, admodum veterum Grammaticorum usum circumscribit; nec inspicendi illi sunt nisi iis, qui ipsi satis magna interpretandi facultate instructi sunt. Ita ut auctoritatem tunc interpretationis melius inde petas quam rationem ac fundum. Nec aliter res se habet in usu eorum critico: Si ei, quod ipse inveneris et perspexeris, consentientem vel faventem deprehenderis grammaticum, bene se habet; sapere ex grammatico raro obtigit. 474 amoris sec. Rottend. 475 Duplex codd. familia: Rom. cum aliis percussus, Medic. cum sua secta concussus, quem h. l. Heins. deseruit. Vulgo percussus, percussus Dorvill. a m. pr. p. acerbo Dorvill. 476 Persequitur Dorvill. longe lacrimans et m. Parrhas. inscite. Memorabilior Rom. lectio: P. lacrimis longe et m. ita et tres Heins. Sed vulgarior hæc est et cum prosaica communis ratio: prosequi aliquem lacrimis. Medic. Pierii: P. lacrimas l. et m. ex lacrimans. miseratur Heins. e Medic. aliisque, item Rom. adstruit, vulgo miseratus. amantem Ven. amantem est Parrhas. est in fine vulg. edd. habebant. 477 tenebat aliquot Heinsiani, et defendit Marklandus ad Stat. p. 264. Possit sane et hoc ferri de solo Ænea, imprimis propter illi in v. 479. Sed quidni et ipsa Sibylla accenseatur, ut toties alibi: ut v. 384. 415. 479 hinc inclytus Medic. inclutus, inclutus et hic codd. 480 pallentis tert. Rottend. bellantis Zulich. 481 Hii Medic. cum al. Hii Witt. 482 ipse pr. Hamb. o. circum Parrhas. 483 Medontaque. Thersilochumque. Thersilochumque, prave codd. Medontaque vitiosum videri, Cerda monet; nam Medontis apud Homerum plurium ex Aëliis nomen esse, nusquam Trojani; in verso autem, quem Virgilius ante oculos habuerit (Iliad. φ, 209), legi: "ΕΞ ΤΑΣ ΘΕΡΣΙΛΟΧΩΝ ΤΕ ΜΕΔΟΝΤΑ ΤΕ. Sed in alienum versum incidit vir optimus. Nam Iliad. φ, 216 Hector appellat ΜΕΔΟΝΤΑ ΤΕ, ΓΛΑΥΚΩΝ ΤΕ, ΜΕΔΟΝΤΑ ΤΕ, ΘΕΡΣΙΛΟΧΩΝ ΤΕ.

477—534. Æneas nunc peragrat Campum priscorum heroum. datum simpl. accipe, qua via patet, ducit. molitur iter, peragit, ait Serv. Scilicet ut apud poetam moliri, movere, et agere, facere, est primum de re magnæ molis, tum de quacunque re. arva ultima, in his locis, quæ citra Plutonis regiam, Elysium et Tartarum sunt. (cf. 540.) 479. 480. Sunt hi ex numero τῶν ἐπὶ ἐνὶ Θήβαις. vid. Apollod. III, 6. pallentis, tan-

quam umbræ: adeoque pro et Adrastus. Nihil amplius. Male de fugiente acciperes in loco hoc. Male etiam cum hoc Adrasto confundunt inertem illum Trojanum Iliad. ζ, 37 sqq.

481. fleti ad superos, apud vivos, inter homines. caduci, pro πτωχός; nescio, an primus novaverit Virgilius; ejus exemplo certe multi. Etiam longo ordine pro vulgari, ingenti multitudine, ut II, 766. Serv. 483. Sunt Trojanorum nomina, de

Tres Antenoridas, Cererique sacrum Polyphæten,
 Idæumque, etiam currus, etiam arma tenentem. 485
 Circumstant animæ dextra lævaque frequentes.
 Nec vidisse semel satis est: juvat usque morari,
 Et conferre gradum, et veniendi discere caussas.
 At Danaûm proceres, Agamemnoniæque phalanges,
 Ut videre virum, fulgentiaque arma per umbras, 490
 Ingenti trepidare metu; pars vertere terga,
 Ceu quondam petierê rates; pars tollere vocem
 Exiguam: inceptus clamor frustratur hiantes.
 Atque hic Priamiden laniatum corpore toto

484 Iliad. A, 59 Τρεῖς δ' Ἀντηνορίδας, Πόλυβον καὶ Ἀγένορα δῖον, Ἡδίστην τ' Ἀλέμαντ' ἐπι-
 αῖκλον ἀθανάτων. Polybaten adversus Homeri auctoritatem receperat Burm. ex Heinsii
 emendatione. Sed Homero ΠολΥΒΩΤΗΣ est insignis inter Achivos principes, non inter
 Trojanos. Antea Polybaten legebatur, et variis corrupteliis Polyboten, Polybetem, Poli-
 batem, Polipoten, Polybuten, Polybotem, et interpolate C. s. que Pobyten, Goth. tert. C.
 s. que Politen, porro Poliphetem, Polipheten. Ultima hæc ad veram lectionem ducunt:
 Polyphæten. Iliad. B, 791 inter Trojanos, καὶ ἀντίστην Πολυφῶτην. Quod Cereri sacrum,
 h. e. Cereris sacerdotem edit, Homerica imitatione facit. Eleusinia initia frustra huc vo-
 cat Warburtonus. 485 Ἰδαῖος, sive Daretis f. v. Iliad. E, 11. 20, sive auriga Priami
 Iliad. Ω, 325, quod verius. que abest a tert. Rottend. et jam—et jam divisim nonnulli
 scribunt. Sed etiam Cleonius demonstrandi vim h. l. habere, Servius autem cum Donato
 per adhuc interpretandum esse monet. Enimvero etiam est pro, etiamnum. currum Rom.
 cum aliis a m. pr. ap. Pier. currus atque Ven. c. jamque Goth. tert. tenentes ap. Serv. ad
 IX, 373. 486 frementes Gud. a m. pr. frequentant Dorvill. a m. sec. 487 satis
 semel est pr. Hamb. 488 poscere Rom. et alii Pier. cum ed. Ven. ex lib. I, 414. di-
 cere ed. Junt. 489 Et D. aliquot cum ed. Junt. Danaï Zalich. v. ad VIII, 161.
 Burmann. 490 umbram alter Hamb. v. sup. 452 et alibi. 493 Incertus Nonius
 in hiare. Similis varietas sup. v. 270. Inceptum Menag. pr. frustravit Goth. pr.; ter-
 tio deest vox ultima. 494 Atque ibi Witt. totum pr. Hamb.

quibus vid. Var. Lect. etiam—etiam
 simpl. pro etiamnum. 487. 488. ad
 animas referenda esse quis dubitet?

489—493. Inter feliciores hujus
 libri locos numerare soleo hunc.
 Opinionem profecto de Æneæ vir-
 tute facit summam. Nec tamen Vir-
 gilius aliter quam Homeri imitatione
 in præclarum hoc φάσμα incidit.
 v. Odyss. A, 604, ubi de Hercule in-
 ter Manes. Ceu quondam v. Iliad. Θ,
 75. O, 320 sqq. exiguum vocem, τρι-
 σπον̄ intellige. vid. Odyss. Ω, 5 sqq.
 Vide vero ne ex nostro rerum sensu
 hæc dijudices, aut phantasma alie-

num de tuo inferas: alioqui adspe-
 ctus hiscentis, nec, cum maxime ve-
 lit, clara voce loqui valentis, si ad
 oculorum sensum revoces, risum mo-
 vere potest; alienum quoque, de Æ-
 nea olim ab Achille victo cogitare,
 Retinendæ et revolvendæ sunt ani-
 mo notiones veterum hominum, quæ
 obversatæ sunt poetæ animo: philo-
 sophico acumine uti non licet in poe-
 ta, quando te res ad sensum morem-
 que revocat.

494. Sequitur episodium de Dei-
 phobo, in quo argumenti dilectum, no-
 stro saltem sensu, desideres, nullam

Deïphobum vidit, lacerum crudeliter ora, 495
 Ora manusque ambas, populataque tempora raptis
 Auribus, et truncas inhonesto vulnere nares.
 Vix adeo agnovit pavitantem, et dira tegentem
 Supplicia; et notis compellat vocibus ultro:
 Deïphobe armipotens, genus alto a sanguine Teucri,
 Quis tam crudeles optavit sumere pœnas? 501
 Cui tantum de te licuit? Mihi fama suprema
 Nocte tulit fessum vasta te cæde Pelasgum
 Procubuisse super confusæ stragis acervum.
 Tunc egomet tumulum Rhœteo in litore inanem 505
 Constitui, et magna Manes ter voce vocavi.
 Nomen et arma locum servant; te, amice, nequivi

495 *videt et Medic.* cum aliis, quo alludunt alii ap. Barm. 496 *manus a.* sine *que* alter Hamb. 498 *et vulnera d. tegentem* laudat Serv. ad I, 157 ex interpretatione. 499 *notis.* Jo. Schrader. malebat *placidis.* 500 *a* deest quatuor Heins., unus *ab. Teu-* *crum* duo Leid. *Teucro* tert. a m. pr. v. I, 18. 501 *optavit* fragm. Vatic. a m. sec. 503 *fusum* Zulich. a m. sec. v. *de cæde* vulgg. ante Pier. *de sede* ed. Ven. *vastata cæde* Leid. 504 *confusæ* Gud. *cædis a.* quatuor ap. Barm. 505 *Hunc* Serv. ap. Barm. *tibimet* Oudart. in deest Rom. fragm. Vatic. et binis Barm. 507 *locus* Longob. Pie-

enim suavitatem habet videre aut cogitare hominem membris mutilatis, λωβητόν, ἡκρωτηριασμένον, αἰκισθέντα, insigniter tamen a poeta ornatum. Sed imitator Homeri Virgilius et hic deprehenditur, si locum de Agamemnonis umbra conferas Odyss. A, 386 sqq. Deïphobum, a quo Helena post Paridis mortem seu abducta, seu (ut ap. Lycophr. vs. 168 sq. Schol. ad Il. Q, 251. traditur) pro ἀπιστίας præmio a Priamo accepta fuerat, in ejus thalamo a Menelao oppressum etiam videas apud Quintum XIII, 354 sq. Adde Dictyn. lib. V, p. 116. Cf. Excurs. XII ad lib. II.

499 sqq. *Supplicia*, int. illum ipsum ἡκρωτηριασμένον, vulnera. *vix agnovit et compellat*, noto narrandi more Homérico, qui ex prisci ævi neglectu orationis ducendus est: pro, cum

compellaret. *notis*, ornans epitheton; quales notorum, familiarium, esse solent; inf. 688 *notas audire et reddere voces*: familiariter confabulari: ut faciunt, qui sibi *noti* sunt. *genus, γένος*, oriundus, ut et supra. 501. *optavit*, ex προέλετο, puto, h. e. statuit, induxit in animum, ausus est. 503. 504. quam ornate, pro, te occubuisse pugnando.

505—508. Sane consentaneum hoc Æneæ pietati. Nec tamen ulterius inquirendum, unde Æneæ tempus et locus suppetere ad hoc cenotaphium potuerit, si lib. II, fin. et III, princ. animo repetas. 507. *Nomen* loco inditum, et *arma* in tumulo constituta et fixa ex more (v. sup. 233). *locum servant*, insigniunt, monumentum faciunt. Aut igitur fingit poeta aut acceperat in Rhœteo locum esse Δηϊφόβου σῆμα dictum. 507. *te* ut

Conspicere, et patria decedens ponere terra.
 Ad quæ Priamides: nihil o tibi, amice, relictum;
 Omnia Deïphobo solvisti et funeris umbris. 510
 Sed me fata mea et scelus exitiale Lacænæ
 His mersere malis; illa hæc monumenta reliquit.
 Namque, ut supremam falsa inter gaudia noctem
 Egerimus, nosti; et nimium meminisse necesse est.
 Quum fatalis equus saltu super ardua venit 515
 Pergama, et armatum peditem gravis attulit alvo:
 Illa, chorum simulans, evantes orgia circum

rii. Sed altera ratio exquisitior. cf. inf. VII, 3. *servet* Rom. 508 *discedens* tres Barm. cum Goth. tert., unus *descendens*. 509 *Ad quæ* hæc P. Heinsius reposuerat ex binis Rottend. altero Mentel. et pr. Menag.: adde binos Burmanni, cum ed. Mediol. At alii: *Ad quæ* P., et hæc concinnior et vera lectio, nam sic et fragm. Vatic. Eodem ducit Rom. *Ad quæ*, et Medic. a m. pr. *Atquæ* antiquo more scribendi. Hoc in aliis corruptum in *atque*. Hinc interpolatum ab emendatoribus in *Atque* hæc, ut vulgo legitur, vel, ut in aliis, *Atque* hic, *Ad quæ*, *Ad quem*, ut in Longob. sec. Moret. Goth. alt. est multi at-
 texunt. 510 et deest Dorvill. et corporis umbris conj. Jo. Schrader. 511 *fata* deum Dorvill., ut toties alibi. 512 *misere* Hugen., male. *mergi* malis sæpius poetæ ex Gr. κατακλυθεῖναι κακῶν. relinquit Franc. 513 ut deest Medic., sed a m. pr., idem falsam. 514 *Degimus* ut nosti ed. Ven. est abest a Menag. pr. 516 *alvus* cod. Ge. Fabricii, minus docte. *alveo* Rom. et Medic. error alter Hamb. a m. sec. 517 *evan-*
 tes in nonnullis lectum, ex Servio colligas. et *evantes* Zulich. *evantis* fragm. Vatic. et Rom. *bacchantes* sec. Moret., indocta interpolatione. *atria* circum, *litora* circum tentabat

sup. 362 de corpore. *ponere*, h. l. hu-
 mare, condere.

509—512. *funeris*, cadaveris (sic inf. IX, 491 *quæ* nunc *finis* *lacerum* *tellus* *habet*?), umbræ, non ipsi cada-
 veri. Viderunt jam alii. Ceterum locum respicit Auson. in noto epita-
 phio n. XIII. *Lacænæ* v. sup. II, 601. De Helenæ in excidio Trojæ fati omnino v. II, 567 sq. et Ex-
 curs. XII ad e. l. Ait illa apud Eu-
 ripidem in Troad. 966. 7. se post Pa-
 ridis mortem a Deïphobo raptam es-
 se. At alii ἀποιρέλας præmium eam
 a Priamo assignatam esse narrave-
 rant: Lycophr. 168 sq. Schol. ad
 Iliad. Q, 251. *monumenta*, δειγµατα,
 indicia, in me, sceleris sui.

513—519. *Namque* ut s. v. sup. II,
 25. 248 sq. 514. 515. *saltu* *venit* *su-*
per, h. e. supergressus est, parte mu-

rorum dejecta, ἐπὶ τοῖσιν, ἐπὶ-
 βαίει; hactenus etiam *scandit* *fatalis*
machina *muros* II, 237, et *gravis* ut
feta *armis*. v. sup. II, 234 sqq. cf.
 Excurs. III ad e. l. et VII. In h. l.
 ante oculos poetæ locus ex Ennio a
 Macrob. VI, 2 servatus: *Nam maxi-*
mo saltu superavit Gravidus armateis
equus, Qui suo partu ardua perdat
Pergama; aut ut scriptum fuisse
 conjectes: *Nam maximo saltu supe-*
rat gravidus armateis Equus, qui suo p.
 (sc. ut *gravidus* *armatis* et *suo* una syl-
 laba eloquaris). Hausit ex eodem lo-
 co Lucretius I, 477. 478 jam ab aliis
 excitatus: *Nec clam durateus Trojanis*
Pergama partu Inflammasset equus
nocturno Grajugenarum. Illa v.
 517 sqq. ingeniosum poetam decent.
 Flamma seu face ex arce ab Helena
 sublata Achivis signum datum. Alio

Ducebat Phrygias ; flammam media ipsa tenebat
 Ingentem, et summa Danaos ex arce vocabat.
 Tum me, confectum curis somnoque gravatum, 520
 Infelix habuit thalamus, pressitque jacentem
 Dulcis et alta quies, placidæque simillima morti.
 Egregia interea conjux arma omnia tectis
 Emovet, et fidum capiti subduxerat ensem ;
 Intra tecta vocat Menelaum, et limina pandit. 525
 Scilicet id magnum sperans fore munus amanti,
 Et famam extinguere veterum sic posse malorum.
 Quid moror ? irrumpunt thalamo ; comes additus una

Jo. Schrader. 519 *Ardentem* Donat., non bene. *medio* Ven. 520 *Cum me* duo Heins. *curis*. Illa nocte Trojani epulis lusibusque vacaverant : II, 265 *Invadunt urbem somno vinoque sepultam* : inter hæc quis locus, dicas, esse potuit *curis* ? Itaque Jo. Schrader. Notis ms. emendat *confectum choreis* ; mallet tamen *thiasis*, ut apud Statium III Silv. I, 41 occurrit : *confectus thiasis*. Ingeniose profecto. Possunt tamen duo moneri. Primo *curæ* spectant ad diem, qui præcesserat, cum de discessu Achivorum nondum certiores essent facti, quemque adeo inter sollicitudines et inter labores belli solitos exegerat Deiphobus ; Tum vero, choreas ducebant feminae : non item viri bellis operati ; quam parum hoc viris principibus dignum memorasset poeta, si Hectorem, Æneam, eisque similes, aut nunc Deiphobum, choros ducentem exhibuisset ! 522 *patriæque* Zulich. pro var. lect. 523—525 Locum hunc pugnare cum vers. 567 sqq. lib. II multi viri docti crediderunt, fuitque hoc inter causas, cur istos versus sublatis esse vellent. Sed fuit Deiphobi domus in ipsa arce (v. Exc. XII f. ad e. lib.) et potuit Helena scelere in maritum commisso tamen latebras quarere, quas altero loco memoravit poeta. 524 *Emovet* Medio. cum duobus Heins. et fragm. Vatic. cf. sup. ad 382. *capitis* Medic. a m. pr., sed *capiti* est pro parte lecti, ubi caput ponimus, ut Burm. annotat. *summo* Ven. 525 *Inter* Parrhas. *tecta* post *tectis* 523 displicent Jo. Schrader, conjicienti *septa* : idem : *Emovet*. *Uti* f. c. *subduxerat*. 527 *veterem* Sprot. Hand dubie elegantius *vetus fama malorum* pro *fama veterum malorum* diceretur ; et *vetus* ac *prius* pro *priori* jam apud poetam vidimus. Sed felix aliquis librarii lapsus lectionem librorum consensu firmatam labefactare nequit, et in talibus lectionibus ornandis otium consumere, ingeniosi lusus laudem habere potest, non studii recte collocati. 528 *intr. thalamos* Rom. cum parte Heins. et Burm. et Goth. sec., quam equidem Virgili

modo narraverant rem alii ; conf. Excurs. VIII ad lib. II. At h. l. quomodo fraus ea fieri potuerit, probabilitas assertur major, institutis in publica lætitia sacris Bacchicis, thiaso bacchantum ducto. Helena igitur circumducebat Trojanas matronas *evantes orgia*, ex orgiorum more, *εὐαζούσας τὰ ὄργια*, evando celebrantes, h. e. *ὀργιαζούσας*, inter faces jactatas. *evantes chori*, quos Ariadne ducit, etiam apud Propert. II, 3, 18 occurrunt, Locus Odyss. Δ, 277 sq.

frustra huc vocatur. De ceteris vid. Excursum XI^a. *summa ex arce*, ad Helenam refer.

520—530. *confectum curis somnoque gravatum*. Comparant Intpp. Odyss. Z, 2 ὕπνῳ καὶ καμάρῳ ἀρημύνογ. Aliis locis καμάρῳ ἀδδεδότατος ἦδὲ καὶ ὕπνῳ Iliad. K, 18. *placidæque simillima morti*. ὕπνος—Nήγπερος, ἡδυστος, θανάτῳ ἀγγίστα τουώς. Mox 524. *Emovet et subduxerat*, etsi non grammaticè, tamen ad sententiam saltem vi pollent æquali. 528. 529.

Hortator scelerum Æolides. Dī, talia Graiis
 Instaure; pio si pœnas ore reposco. 530
 Sed te qui vivum casus, age fare vicissim,
 Attulerint. Pelagine venis erroribus actus,
 An monitu divūm? an, quæ te Fortuna fatigat,
 Ut tristes sine sole domos, loca turbida, adires?
 Hac vice sermonum roseis Aurora quadrigis 535
 Jam medium ætherio cursu trajecerat axem:

scripturam esse censeo. v. sup. IV, 645. XI, 879. conf. Burmann. *thalamo* tamen etiam fragm. Vatic. additus bene Heins. ex suis et Pier. recepit. Alii additur. 529 *Oelides* Medic. cum binis Heins. Sic in Servianis nonnulli legisse memorantur. *Eoliades* fragm. Vatic. *Elides* ap. Pompon. Sab. Sed dictus Ulysses Æolides, quatenus ejus genus a nonnullis a Siapho ductum, Æoli f., a quo Anticlia mater ante nuptias cum Laerta factas oppressa fuerat. *Æolides scelerum hortatur* Goth. tert. *Grais* vett. 530 *pios* Rom. 531 *qui te* Diomedes. 532 *Attulerit* Medic., sed a m. pr. *Attulerunt* duo Heins. cum aliquot Pier. 533 *Admonitu* tert. Rottend. *te abest* a binis Burm. *aut quæ te* pr. Hamb., quod ferri posset. *an quia te* nonnulli libri Donati ad Terent. *quæ*, quod omnes scripti et editi habent, Burmannus ita explicat, *an fortuna* (casu sexto accipe), *quæ te fatigat*. Durum hoc; sed dictum fere ad græcam rationem: quandoquidem plena forma est: *an venis fortuna* (fato), *quæ fortuna te fatigat*. Græce poni solet alterum. 534 *loca lurida* conj. Jo. Schrader., ingeniose. 535 *Ac* Reg. 536 *transegerat* pro div. lect. pr. Hamb.

Suave hoc et Homericum, vel in hac ipsa re (v. Odys. θ, 517. 518), quod nec ab hoc facinore Ulysses abest. *instaure*, docte, retribuite, rependite. *pio ore*, si pœnas justas peto.

531—533. Adumbrati ex Homericæ ratione Odys. Α, 154 sq., ubi Ulyssem mater simili modo alloquitur. Mira autem videri potest appellatio: num errore maritimo ad loca infera delatus sit? Sed cogitandum est de aditu, qualis Æneæ fuit, per Avernum, postquam ad Cumanum litus appulerat. *an quæ te fortuna f.* paullo durius dictum pro: *an fortuna* (sexto casu) *venis, quæ te fatigat*, h. casu adverso; fortuna infecta huc adductus. Minus bene olim acceperam, *an fortuna est, quæ te fatigat. sine sole domos, ἀνελίους δόμους* vel *μυχούς* Euripidis apud Guell. et Cerdam. *loca turbida*. Cogitandum est Chaos ad loca infera referri soli-

tum: et *aer turbidus* pro obscuro.

535 — 539. *Hac vice sermonum* Guellius illustrat per Homericum *Ναῖ μὲν ὧς ἐπέσσειν ἀμειβόμεθα*. add. Apollon. II, 450 *ὧς τῶν ἀλλήλοισι παραβλήδην ἀγόμενον*. Ex altero versu se non expedit Burmannus, neque ego me, neque alius, quem quidem norim. Verum disputationem hanc in Excursum ad h. v. nunc rejeci. De verbis singulis tantum monebo. *Axīs* haud dubie poetis pro coelo omnino dictus, ut et alibi. Facit autem Aurora quadrigis suis ab oriente evecta decursum per cœli convexum versus occidentem eodem modo atque is, qui subsequitur illam, Sol. Auroræ decursum hunc puta fieri intra tempus diluculi et orti Solis. Noctu enim factum erat sacrum; iter autem ingressi erant ad infera loca jam sub diluculi tempus, *primi sub lumina Solis et ortus* v. 255. Igi-

Et fors omne datum traherent per talia tempus ;
 Sed comes admonuit, breviterque affata Sibylla est :
 Nox ruit, Ænea ; nos flendo ducimus horas.
 Hic locus est, partes ubi se via findit in ambas : 540
 Dextera, quæ Ditis magni sub mœnia tendit ;
 Hac iter Elysium nobis ; at læva malorum
 Exercet pœnas, et ad impia Tartara mittit.
 Deïphobus contra : Ne sævi, magna sacerdos ;
 Discedam, explebo numerum, reddarque tenebris. 545
 I decus, i, nostrum ; melioribus utere fatis.
 Tantum effatus, et in verbo vestigia torsit.

537 traheret Franc. 539 non fl. ed. D. Heins. 540 portis vitiose edd. obolares. scindit Ven. fundit tres alii ap. Burmann. ducit a m. pr. Erf. 541 magni ditis Goth. pr. ducit Goth. tert. 542 Hic iter Rom. Hac fragm. Vatic. et l. alter Menag. hac Ven. ac Hugen. et ed. Ven. 543 T. mittet Leid., vel tendit Bigot. Nondum satis expeditus ab hoc loco ad alia pergo. at læva malorum Exercet pœnas, bene intelligo accipiendum esse, pro, læva parte exercentur pœnæ in malos ; sed tum non bene adjicitur : et ad impia Tartara mittit. Nam sic læva primo loco per figuram, altero loco proprie est accipiendum. Ant igitur hemistichium ab alia manu succrevit, id quod admodum probabile sit, aut hoc inter emendanda a poeta sepositum fuit. Friget quoque τὸ nobis v. 542. Burmannus illustrat, quid sit exercere pœnas. Sed de hoc vix quæras. 544 D. que coram ed. Ven. nœ Medic. 545 reddamq. Oudart. 546 Ique decus nostr. ed. Ven. 547 affatus Menag. sec. v. pressit Rom. Medic., gravis profecto auctoritas, ubi conspirant ! it. Gud. pro var. lect. Puget. ed. Ven. Goth. sec., h. e. substituit Deïphobi umbra, Ænea ulterius pergente.

tur Aurora jam cœli partem aliquam, nam, ex vulgari poetarum usu, quo intra fines omnia sunt *media*, id quoque *medium cælum* poetæ dici potest, cursu exegerat, ut nox nunc prorsus depulsa esset ; itaque poeta ait : *Nox ruit, Ænea*. Argutias captat Servius cum aliis. Saniora affert Cerda. De reditus ad superos tempore nil memorat poeta. Itaque nec de eo laborandum. Sed, ex sacrorum Manibus factorum more, orto die, sive hoc sive alio, Æneas infera loca relinquere debuit ; ut vicissim cum ortu Solis Manes ad infera loca redire solent. De ceteris v. Excursum XI**.

540—547. Inter hæc in bivio erant constituti, altera via præter Di-

tis regiam ad Elysium, altera ad Tartarum ducente. conf. Excurs. VIII. *ambas*, simpl. pro, duas. Plutonis regiam intellige per *Ditis mania*. cf. inf. 630 sq. *at læva malorum Exercet pœnas* : locus ponitur pro illis, qui exercent, exequuntur pœnas. Dura tamen ratio. v. V. L. 554. *Ne sævi* pro vulgari : ne irascere. *explebo numerum*. Piget Servianarum nugarum. Haud dubie de reditu ad umbras, a quibus discesserat, est intelligendum ; numerus earum ejus discessu uno capite erat diminutus. *reddar tenebris*, puta eos confabulando processisse via versus Elysium. Caliginosa autem hæc ceteriora loca esse satis vidimus.

Respicit Æneas subito, et sub rupe sinistra
 Mœnia lata videt, triplici circumdata muro :
 Quæ rapidus flammis ambit torrentibus amnis 550
 Tartarëus Phlegethon, torquetque sonantia saxa.
 Porta adversa, ingens, solidoque adamante columnæ :
 Vis ut nulla virûm, non ipsi excindere ferro
 Cœlicolæ valeant. Stat ferrea turris ad auras ;
 Tisiphoneque sedens, palla succincta cruenta, 555
 Vestibulum exomnis servat noctesque diesque.

548 et aberat codd. Pier. sub r. carata pr. Hamb. pro var. lect. ex lib. III, 229. 551 tonantia Rom. conf. sup. ad V, 866. torquetque pro, torquens. Est Homericæ ratio, qua mutatur participium, quod pro epitheto esset, in novam propositionem. 552 solidæq. emendasse Vossium ex Burm. disco; sc. ut in vulgarem orationem deflecteretur poetica vis. que deest alteri Hamb. adversa et columbæ Goth. tert., miro librarii stupore. Et horum hominum barbariem excutere non piget! 553 excindere cum fragm. Vatic. Witt. et ed. Ven., ut plerumque librarii scribunt. excidere Montalb. cf. ad IV, 425. In fine verus iterum duplex codd. familia: Medic. cum al. ferro, quod recte præfertur; Rom. fragm. Vatic. Gud. a m. pr. (nam is ad Apronianum exemplar emendatus est), adde Palatinum Benedicti, cum al. et Goth. sec. bello. 555 sedet sec. Moret. 556 exomnis vel exomnis Medic. cum plerisque Heins. Burm. et Pier., item fragm. Vatic. et ed. Ald. pr. Ergo recte receptum ab Heinsio et illustratum exemplis. Altera lectio in somnis e Rom. fluxit aliisque, sed paucioribus; et sic ed. Mediol. Ald. secunda, Junt. aliæque vett. e somnis ed. Ven.

548 sqq. De Tartaro vid. Excurs. VIII. Omnino ille in toto hoc loco Carceris faciem habet. Cura ejus mandata Rhadamantho v. 566, pro carnifice est Tisiphone 571, pro janitore Hydra 576. sub rupe sinistra: rupem ex Homero traxit, ubi inter Stygem et Cocytum Πύργον τε ξύνεισις τε δύο ποταμῶν ἱριδούπων Odyss. K, 515. Mœnia h. l. de loco, qui includitur muris, ut alias pro urbe. triplicem murum suppeditavit Hesiodus Theog. 726, sed ibi sublimior rei imago, χάλκιον ἔρκος, et ἀμφὶ δὲ μιν νόξ Τριστοιχίᾳ εἴχεται περὶ δειρήν h. e. fauces Tartari. Ex utroque profecit Miltonus Parad. Lost B. II, 642 sqq. 552. columnas de postibus accipio. Imitatur Homericum Iliad. θ, 15 Ἐνθα σιδήρεια τε πύλαι, καὶ χάλκεος οὐδός. stat ad auras, educta est; in auras hic

et v. 561 argutati sunt veteres jam inde a Pollione: vid. apud Serv.; quia alibi nec aernec aeris motus Tartaro tribuitur. Verum h. l. altitudo portæ sollenni forma loquendi redditur: esse eam eductam in auras, in cælum. Poetico sermoni hoc ita proprium putandum, ut illa plane locum non habeat subtilitas, an aura in locis inferis sit. 553. Adeo nullus inde reditus ad superos. Quod turrim appellat, puta esse ædificium ingens, in altum eductum, pro carcere, aut ergastulo, sed illud magis ad rem, habendum: δεσμωτήριον. 555. Tisiphones vestem cruentam ex Homero petiit Iliad. Σ, 538, ubi Κόρη Εἰμα δ' ἔχ' ἀμφ' ὤμοισι δαφνοῖτον αἵματι φωτῶν accommodatius sane in pugna. cf. Stat. I Theb. 109. 110. 556. vestibulum simpl. pro aditu.

Hinc exaudiri gemitus, et sæva sonare
 Verbera : tum stridor ferri, tractæque catenæ.
 Constitit Æneas, strepitumque exterritus hausit.
 Quæ scelerum facies ? o virgo, effare ; quibusve 560
 Urgentur pœnis ? qui tantus plangor ad auras ?
 Tum vates sic orsa loqui : Dux inclyte Teucrûm,
 Nulli fas casto sceleratum insistere limen ;
 Sed me quum lucis Hecate præfecit Avernis,
 Ipsa deûm pœnas docuit, perque omnia duxit. 565
 Gnosius hæc Rhadamanthus habet durissima regna,
 Castigatque auditque dolos ; subigitque fateri,
 Quæ quis apud superos, furto lætatus inani,

557 *sonore* aliquot Pier. 558 *cum* pr. Hamb. *tortæque* ed. Ven. 559 *strepituque e. hæsit* Medic., at in Rom. *strepitumque e. hæsit*, item in Longob. et fragm. Vatio, sed u. superscripto. Videtur tamen alterum *hausit* poeta dignius, quod ubique editum, saltim inde ab Aldo. *que* deest Montalb. 561 *qui* secundum Rom. alioque Pier. tresque suos Heinsius refinxit. Accedunt plures ap. Burmann. Vulgo *quis*, quod tamen h. l. Medicus servat. *clamor* alter Menag. *clangor* Gud. et Leid. cum binis Goth. *qui clangor tantus* Urstis. *ad aures* aliquot. Pier. et Burm. 562 *hinc o. Rom. u. ex-orsa* Montalb. 563 *scelerato* Goth. sec. 564 *Et me* Serv. sup. ad v. 134. *quam* nusquam exhibetur. 565 *Gnosius*, *Cnosius* alii. *Illa d. Oudart. Illa mihi* Ven. *loci pœnas* duo Heins. et duo alii pro div. lect. *loqui pœn.* Voss. sec. *reum p. coniecisse se* testatur Heins. conf. Burmann. et notam. 566 *hic* Ven. 568 *lætatus* Goth. tert.

557. 568. Numerosissimi versus ; sed et mirus dilectus rerum, quæ auditu mentem percellunt, factus est. Miltonum hos versus expressisse lib. VIII, 240 sqq., jam alii notarunt.

562—569. *insistere*, exquisite pro ingredi ; et *limen* pro limini vel in limine. 563. *sceleratum* vid. Ovid. Met. IV, 455, et ad Tibull. I, 3, 67. *Sceleratum* est sceleribus contaminatum, adeoque impurum, incestum ; itaque pii, casti, arcentur ab hoc loco. 564. præest Sibylla luco Averno, ut sacerdos ; nam sacerdotes *præfici, præesse*, ut *sacris*, ita *templo*, dicuntur. 565. *deum pœnas* quas dii nocentibus statuerunt, ut apud Auson. in Cupid. crucif. 58 myrtus *invidiosa deum pœnis*. Hoc ex Ser-

vio tenendum. *me per omnia duxit*, seu narrando et perconsensendo singula ; ut ipsi *percurramus, perlustramus*, singula, ita alii nos ducunt per partes ; seu ut Hecate Sibyllam vere per Tartari recessus duxerit ; et sane 582 *Hic et Aloidæ—vidi—vidi* et *Salmonæ*. et 596 *Cernere erat*. 567. *dolos*, scelera dolo malo commissa. Porro cogit fateri *piacula*, crimina, *commissa apud superos*, in vita, *qua quis distulit*, sc. *fateri*, adeoque occultavit, h. e. effecit, ne in iudicium adduceretur et puniretur (ut *caussa, iudicium, pœna differri* dicitur in vulgari sermone) in *seram mortem*, h. e. non reus factus est, neque adeo pœnam eorum persolvit, dum viveret, *furto lætatus inani*, quod latere deos et im-

Distulit in seram commissa piacula mortem.
 Continuo sontes ultrix accincta flagello 570
 Tisiphone quatit insultans, torvosque sinistra
 Intentans angues, vocat agmina sæva sororum.
 Tum demum horrisono stridentes cardine sacræ
 Panduntur portæ. Cernis, custodia qualis
 Vestibulo sedeat? facies quæ limina servet? 575
 Quinquaginta atris immanis hiatibus Hydra

570 *ultrix a. f.* Heinsium in ora codicis coniecisse narrat Burm., perperam utique, *succincta* Schol. Stat. ap. eund., ex interpretatione: ex v. 555. ne autem putes *accincta* otiosum esse, cogita de carnifice ad tormenta admovenda se accingente, ut expeditiores manus sint. *accita* Goth. tert. 571 *torvasq.* Gud. a m. pr. vid. Heins. ad VIII, 289. *torvosque* facile aliquis malit, et sic Pier. aliquot, ex Heinsianis autem solus Hamb. et Goth. sec. 573 *horrisono* Bigot. cum Goth. sec. ordine Witt. c. *sacræ* Gud. a m. pr. *seræ* P. portæ sec. Rottend. 575 *quæ* et pr. Rottend. et Zallich. a m. pr.

pune sibi abire putabat commissæ; sed temere. Ita puto hæc expedienda esse. Seneca Herc. fur. 729 addidit novum auctarium: *oblitos sui sceleris nocentes debitas pœnas dare*. Propius ad Maronem Statius IV, 531 Minos—*adigitque expromere vitas usque retro et tandem pœnarum lucra fateri*. Rhadamanthus autem h. l. *Triumviri capitalis more supplicia sumit et questionem tormentis admotis habet in reos ad exprimendam scelerum confessionem*, cf. Excurs. XL.

570—572. *Tisiphone*, carnificis seu servi publici loco, reos damnatos ad carcerem raptat. *quatit sontes flagello*, docte. Proprie *quatitur flagellum*, quo sontes percutiuntur. Apud Statium I Theb. 112. 113 *Tisiphone* altera manu hydram, altera titionem quatit. *agmina sororum* de Furiis, ut sup. IV, 469. Inclamat illa sorores, qua decaussa statim videbimus.

573—579. Dum loquitur Sibylla, porta Tartari aperiri vulgo putatur. In hoc jam Servius prævit. Si tamen rerum ac sententiarum ordinem

accuratius consideres, rationem vulgarem non satisfacere senties. Pergit quoque narrare Sibylla de se. Sed alia incedendum est via. *Tisiphone* servat vestibulum, aditum Tartari v. 555. Ea damnatis a Rhadamantho statim manus injicit et ad Tartari portam, quæ semper clausa habetur, eos agit (*ἀγώνει πρὸς Ἐρινύων ἐπ' Ἐπειρὸς καὶ Χάος διὰ Ταυράπων*, sunt verba Socratis in Axiocho), inclamatque sorores. Tum demum (v. 573) aperitur porta. Videamus nunc singula. *Cernis*, pergît Sibylla, *custodia qualis*, quæ custos, scil. *Tisiphone*, *vestibulo*, ad aditum, *sedeat*; *facies quæ limina servet*; Nam intus, intra portam, *savior* facies, Hydra, sedem habet etc. Hæc haud dubio vera ratio. Nunc v. 574 *custodia* quæ sit, satis expeditum est. Servius Megæram, alii Hydram, alii aliter accipiunt. Sed est ipsa illa *Tisiphone*, de qua adhuc egit poeta. 576. At *Hydra*, inquires, in vestibulo orci v. 287 inter cetera monstra fuit recensita. Jam Servius monuit hoc. Expeditur varie. Equidem hy-

Sævior intus habet sedem. Tum Tartarus ipse
 Bis patet in præceps tantum, tenditque sub umbras,
 Quantus ad ætherium cœli suspectus Olympum.
 Hic genus antiquum Terræ, Titania pubes, 580
 Fulmine dejecti, fundo volvuntur in imo.
 Hic et Aloïdas geminos, immania vidi
 Corpora: qui manibus magnum rescindere cœlum
 Aggressi, superisque Jovem detrudere regnis.
 Vidi et crudeles dantem Salmonea pœnas, 585
 Dum flammæ Jovis et sonitus imitatur Olympi.

578 *sub auras* Goth. tert. 579 *cœlum* Fulgent. de Continent. Virgil., mendose, monente Heinsio. Idem P. Petiti Obs. misc. III, 2 emendationem narrat: *Quantus ad ætherium terra suspectus Olympum*, ut *Cœli* rejiciatur infra in v. 580 in locum τῷ Τερρα. Sed. v. Not. Vulgatam adstruit Heins., Nonii, Prisc. et Macrobiî auctoritat. At Tibull. IV, 1, 131 nihil ad rem facit. Burmannus post Ursinum, Lucretium IV, 418. 419 imitatione expressum monet. Saltem similitudo aliqui intercedit: aquæ collectio—*Despectum præbet sub terras impete tanto, A terris quantum cœli patet altus hiatus*. Alia similitudo est Georg. II, 291 *Æsculus—quæ quantum vertice ad auras Ætherias, tantum radice ad Tartara tendit*. 580 *proles* Rom. Ven. Parrhas. Goth. sec. et pro var. lect. in Gud., *sollenni varietate*. 581 *dejectum* ed. Ven. *dejecit* Rom. 586 *flammam* Gud. et Mentel. *tonitrus* aliquot Heins. cum Erf., ex interpret. *tonitus* Goth. tert.

dram non de una illa ab Hercule domita, sed simpliciter pro serpente monstroso dictam accipio. 577. 578. 579. ex Iliad. θ, 16. et Hesiod. θ, 720 sqq. conf. ibid. 740 sqq. notissimis locis; sed in majus aucta re. *cœli suspectus*, h. e. prospectus per aerem (male enim jungunt *cœli Olympum*), a terra *ad Olympum*, *ad cœlum*; nam ex Tartaro prospectus ad cœlum esse nequit; quippe cum infera loca sint sub terra, et subter iis demum Tartarus depressus jaceat. Talis etiam Tartarus sub Hade apud Homer. Iliad. θ, 13 sqq. cf. Jortinus Diss. VI, p. 224 sqq. Tartari igitur, qui sub Hade, isque sub terra est, si eum ingressus fueris, tanta in profundum est altitudo, ut spatium ejus sit bis tantum, quantum inter terram et Olympum, prospectu e terra per aerem facto.

580. 581. v. Hesiod. Theog. 129 sq. Apollod. I, 2, 1. Titanas γηγεναῖς designat. *fundo volvuntur in imo*, præclare, ut ad imum Tartarum detrusos exhiberet.

582—584. De Oto et Ephialte Aloei f. videndus Homer. Odys. A, 304—319. Apollod. I, 7, 4 et Notæ p. 102. Expressus is est h. l. a Marone, nec tamen, ut sublimitate cum Homero contendere vellet. Spectat autem hæc et sequens fabula ad mythos stirpis Æolicæ, quos genus mythorum rudius et antiquius constituere deprehendo. vid. Apollod. I, 7, 3 sqq. et Not. Tom. III, tab. VIII, p. 1005. Manifestum hoc in his ipsis fabulis, quæ h. l. subjiciuntur de Aloïdis, Salmoneo et ceteris.

585—594. De Salmoneo vid. Excurs. ad h. v. *Vidi dantem pœnas, dum imitatur*: pro, dantem pœnas,

Quatuor hic invectus equis, et lampada quassans,
 Per Graiûm populos mediæque per Elidis urbem
 Ibat ovans, divûmque sibi poscebat honorem,
 Demens! qui nimbos et non imitabile fulmen 590
 Ære et cornipedum pulsu simularat equorum.
 At pater omnipotens densa inter nubila telum
 Contorsit; non ille faces, nec fumea tædis
 Lumina; præcipitemque immani turbine adegit.
 Nec non et Tityon, Terræ omniparentis alumnum, 595

588 *mediamq.* Menag. pr. bene, sed alterum doctius. *mediq.* Franc. *urbem* miror a nemine esse sollicitatam: quæ enim illa urbs Elidis? quæ heroicis temporibus nec urbem eo nomine, nec urbes omnino habuit, sed vicos, multo post in Elidem urbem contractos (v. Strabo VIII, p. 336 D.); urbes autem non nisi serius. Si per prolepsin dictum, accipiendum: per mediam urbem Elidem. Verum Elidis urbs *Salmonia* vel *Salmonia* ad Alpheum intelligenda, quam Salmonaeus sive condidit sive inhabitavit. vid. Strabo l. c. p. 356 D. Diodor. IV, 68. *Pise nemora et Elidis agros* suo more memorat imitator loci Valer. Fl. I, 662 sq. *per Hellados urbes* conj. Jo. Schrader. in schedis. 589 *honores* multi codd. et edd. Sed id pedestris quoque oratio frequentat. 590 *et inevitabile* Parrhas. 591 *are cornipedum* duo ap. Barm. *pulsu* Heins. recepit ex Medio. a m. pr. et Gad. præter alios ap. Barm. et majorem partem Pier., inter quos Rom.; adde fragm. Vatic. a m. pr. Haud dubie elegantius. Alii et edd. inde ab Aldo, interpretamentum habent: *cursu*; alii *curru*. Rottend. pr. a m. sec. *cursus. simularet* aliquot Pier. et quinque Barm. cum fragm. Vatic. a m. pr., alii *simulabat*. 592 *omnipotens* Leid. *media* i. n. Goth. sec. 593 *nec f.* aliquot Pier. et Barm.; et sic editum primum ab Eguatio 1507. *fumida* pr. Hamb. pro var. lect. et Goth. sec., idem et, *tectis*. 594 *corpore* Parrhas. *abegit* ed. Ven. 595 *omnipotentis* Arusianus et Nonius, librique nonnulli Pierii a m. sec., inter quos Rom. et Heinsiani aliquot recentiores cum Erf., sed cum iis tamen Medio. a m. pr., it. fragm. Vatic. a m. pr. cum binis Goth. Vincitur hic codd. consensus et auctoritas iudicio elegantiae. Et Παμπότεια expressum videri potest. *omnipotentis* Leid. et Medio. a m. sec.

quod imitatus erat. Scilicet pro deo haberi voluit. *sonitus O.* tonitrua. 588. *mediæque per Elidis urbem*: novam urbem a Salmonio conditam, Salmoniam, ad Alpheum, adeoque in media Elide sitam, intelligere potuit; eadem fulmine conflagrasse fertur apud Apollod. I, 9, 7. Si, quod ex poeticæ orationis usu facere licet, ipsam urbem, Elidem, declaratam esse contendis, ut *Elidis urbs* dicta sit pro Elide, *per eam mediam ibat* etc. tum dicendum, poetam parum accurate per prolepsin urbem serius conditam memorasse. cf. Var. Lect. 590. *Demens*; ex Νήπιος Iliad. B,

38 et al. Σχίριος, θε etc. Iliad. E, 403 de Hercule, qui Plutonem sagitta percusserat. 591. *are et pulsu equorum*: aëreo curru; et forte, quod additum ab aliis, aëreis laminis in solo substratis, quas equorum ungulae pulsarent. 593. *non ille faces* hoc valde suave ad deprimendum Salmonem. Tres erant dicendi formulæ, ex quibus exquisitiorem prælatam vides: *tædas lumine fumeo*: *lumen fumeum tædarum*, et *lumen fumeum tædis. turbine* pro fulmine, ut solent nimbi, turbines, procellæ cum eo esse conjunctæ.

595—600. Etiam in *Tityo*, ut in

Cernere erat : per tota novem cui jugera corpus
 Porrigitur ; rostroque immanis vultur obunco
 Immortale jecur tondens, fecundaque pœnis
 Viscera, rimaturque epulis, habitatque sub alto
 Pectore ; nec fibris requies datur ulla renatis. 600
 Quid memorem Lapithas, Ixiona, Pirithoumque ?

596 cui t. n. per Parrhas. 597 adunco quo auctore in vulgg. edd. irreperit, non vacat inquirere. Ex uno Medic. suo Pier. illud laudat. obunco Heins. revocavit ex Medic. aliisque ; sic et habebant edd. veteres, Aldinæ utique omnes. At Rom. fragm. Vatic. et alii, abunco. cf. inf. XI, 755. *ἀγυμνὸς ἀγυμνοχέλαι* sp. Hesiod. Sc. H. 405 vocem illustrant ; nihil amplius. 598 jecur Gud. tondens bene tuetur Heins. Sic Medic. et alii, omnesque Pieriani, etiam tres Gothi. cum fragm. Vatic. Alii tondens ; et sic edd. Aldd. priores. At in Ald. 1514 Nangerius edidit tondens. Alterum quidem, tundens, tuetur Cerda. Sed exquisitius alterum, etiam Homeri respectu, in quo ἰσπερ—ἵππερ ἵππερ. Et sic sæpe. 599 que deest ed. Ven. epulis Heins. e melioribus elegantius. Vulgo epulas, nec tamen nisi in edd. minus emendatis. Nam omnes Aldd. habent epulis. R. que oculis Nonius in rimari. 600 requies fibris pr. Hamb.

Aloidis, vasti corporis robur, et nata inde insolentia, ὕβρις, declarata a vet. poetis. Omnium, qui usquam facti sunt, versuum pulcerimos esse hos sex, pronuntiat Vir doctus. Sunt sane ornatissimi, sed nec inventi ulla in iis laus (nam prævit Homerus loco nobili, Odys. A, 575—580 et in verbis Lucret. III, 997 sqq. et Attius in Prometheo apud Cic. Tusc. Qu. II, 10, quæ loca comparanda sunt in singulis, sed æquiore et meliore iudicio, quam Scaliger, Cerda et alii in Homero et Virgilio fecerunt), nec res exponitur, quæ aliqua cum suavitate cognosci possit. Non enim horret animus legentis, sed aversatur jecur sanie diffuens. *alumnus* accipiam pro filio, ut Homer. γαίης ἱπικυδῖος υἱόν. Volunt tamen Intpp. poetam alteram narrationem sequi, qua ex Elara susceptus a Tellure utero fuit gestatus. Præter Apollodorum (I, 4, I. Not. p. 43) v. Apollon. I, 761 sqq. per novem jugera, antiquo sermone ad corporis vasti speciem declarandam hoc valere po-

tuit. Tumulum tamen novem plethrorum ad Panopeas Boeotiae (οἱ Πανοπεῖς vel δ Παναπεῖς urbis nomen est) monstratum Pausan. X, 4, p. 806 narrat. vultur : in Homero duo vultures, ad terrorem majorem. In 598—600 laboravit poeta forte, ut Homericum Δίττον ἔσω δύοντες exprimeret. *immortale jecur*, Hesiodi de Prometheo ἦπαρ ἀθάνατον est Theog. 523. *fecunda pœnis viscera*, præclare, jecur, quod renascitur ad novum supplicium, ut iterum erui possit. *epulis*, ad epulas. *rimantur* : de animantibus pabulum e terra eruentibus. Sic cyni rimantur prata Georg. I, 384.

601—607. Duo Homeri loca ante oculos habuit, Od. A, 581 de Tantalo, et 592 de Sisypho ; fabulam tamen affert a vulgari narratione diversam : Ixionem et Pirithoum ex Lapitharum gente oriundos, assidere epulis, saxo supra caput minante ruinam. Verum in Marone occurri et ad unum aliquem alium ac diversum res referri potest interpunctione mutata. v. V. L. Ad Phlegyam Statius

Quos super atra silex jam jam lapsura, cadentique
 Imminet assimilis : lucent genialibus altis
 Aurea fulcra toris, epulæque ante ora paratæ
 Regifico luxu ; Furiarum maxima juxta 605
 Accubat, et manibus prohibet contingere mensas,

602 Quo super Rom. silex Leid. cadente tres ap. Burm. que a multis abest, etiam a Rom. Male ; inest enim vis ad reddendam auribus soni imaginem. Cum hoc, quod sequitur, communi narratione Tantalo tribuatur, nec trinis, qui memorantur, simul tributum alibi sit : potest lectio Romana præferri : quo super, ut interrogatio continetur : quid memorem—Quo super—imminet assimilis? Etsi vel sic, si hoc scribere voluisset Maro, scripturus fuisset : Et, super atra silex quem jam lapsura, cadentique Imminet assimilis? Nunc, cum semel huc devenerim, video nos totum locum male constituisse mala interpunctione ; cum pergendum esset in interrogatione, et referendum ad, quid memorem, id quod sequitur, hoc modo : (Quid porro memorem eos,) quos super atra silex jam jam lapsura cadentique Imminet assimilis? Memorat itaque nunc alios, nec nominat, diverso genere pœnæ castigatos : saxo capiti imminente sedentes ; inde alios, quibus epulæ lautæ appositæ sunt, Furia vetante cibos attingere. 603 Totum locum aliter constituendam esse interpunctione mutata, in nota ad h. v. docui ; scilicet hunc in modum : quid memorem—(et) quos super atra silex jam jam lapsura cadentique Imminet assimilis? Lucent genialibus altis etc. Sunt hæc de alio pœnæ genere accipienda : positis epulis vosci vetat Alecto, ut contabescant æterna fame. 604 pulchra Rom., idem epulæ—paternæ, miro lapsu. 606 mensam aliquot Heins. et Burm. Scilicet id solutæ orationi conveniret.

I Theb. 713 et ad Phlegyam et Theæsa Valer. Fl. II, 192 sqq. hoc idem supplicium transtulere. Tantali capiti imminere saxum, jam alii commenti erant, interque eos Pindarus Ol. A, 88 seqq. et Euripides Or. 6 et 980 sq., ubi conf. Schol., iisque antiquiores, Alcæus et Aleman. v. Schol. Pind. l. c. Add. Cic. Tusc. IV, 16. Lucræ. III, 953 sqq. Promiscue loca alia apposita apud Guell. et Cerd. Homerus cum in lacu sitientem destituerat ; et videtur lacus Tantali ad Sipylum, cui saxum prominens incumberebat, locum fabulæ fecisse : conf. Pausan. VIII, 17. Et enim omnino ea e Phrygia origines habuit. Sed lacum Tantali, in quo stans ille perperam affectabat aquas et poma apud Homerum, eleganter in mensam opiparam mutavit Maro, seu quem ille secutus est poeta. Assidet Furiarum maxima (quæ et apud Val. Fl. I, 817 occurrit, dicta

ut maxima natarum, v. sup. ad I, 521. Est autem alia major natu, alia minor, Eurip. Iphig. in T. 963 πρόσβειρ' ἢ περ ἤν' Ἐρινύων. Ap. Statium Theb. VII, 477 Eumenidum antiquissima. Aliter sup. III, 252 de Harpyiarum una), seu Megæra seu Alecto (nam Famem vix bene huc advocat Servius, laudato loco lib. III, 252), et vetat epulis frui ; hoc plus dignitatis habet, quam fuga pomorum et aquæ in Tantalo. Atrocius rem extulit Æschylus Eumen. 264 sqq. genialibus toris : quoniam genialibus epulis, h. e. opiparis, lautis, quæ ad hilaritatem invitant, habendis positi sunt. vid. ad Georg. I, 302. ubi genialis hiems, lucent fulcra pro sunt : torus aureus est. De fulcris quæritur. Lecti substructi sunt pedibus aut fulcris, h. e. quocumque alio basis genere ; pro lecto aureo poeta fulcra posuit. Quod autem fabulam de Ixione Ge. III, 38, 39.

Exurgitque facem attollens, atque intonat ore.
Hic, quibus invisi fratres, dum vita manebat,
Pulsatusve parens, et fraus innexa clienti;

607 *faces* Zolich. *increpat* Leid. ed. Mediel. cum aliquot Pier. et Goth. tert. 608 *Hi* ed. Ven. 609 *aut f. Nonius in pulsare.* Moret. pr. et Parrhas., ut jam emendavit Markland. ad Statii III Silv. 3, 15, ubi præolare Statium restituit loco hinc adumbrato: *si quis pulsatae conscius umbram* (vulgo unquam) *Matris et inferna rigidum timet E-con urna.* inoeza Goth. sec.

IV, 484 allatam nunc deserit, quod mirantur viri docti (cf. Schrader. ad Musæum pag. 285. Ouwens N. H. p. 23. 35 sq.) id poetæ haud dubie licet facere, quippe qui nullum doctrinæ systema condere velit.

608—614. Hos versus equidem sententiarum et verborum gravitate commendatissimos esse velim. Fuere nonnulli in Platonis locis in Excurs. laudatis, quæ sequi potuit, sed alia sibi ipsi debere videtur; etsi de hoc nihil affirmari potest. A multis enim passim poetis antiquioribus argumentum idem fuisse tractatum videtur. Confer quoque scurram Aristophanem, qui exagitat seu philosophos seu initiatos, in Ran. 145—151. Homerus, etsi Tantalum, Tityum, ac Sisyphum poenas scelerum luere in locis inferis monuit, non tamen aut loca poenarum discreta aut scelera definit, quorum poenæ exigantur, præter unum perjurium, Iliad. Γ, 279. T, 258. 259. conf. Jortin. Diss. VI, p. 230. Scilicet temporum, quibus vivebat, simplicitas erat tanta, ut super moribus ac virtute nondum subtiles initæ essent rationes. De gravioribus sceleribus monere satis tum erat: inque iis habebantur cædes, injuriæ in supplices et hospites, tandem perjurium; ut contra prima humanitatis elementa fuere sanctitas *ἱερῶν* et *ξένων*, τὸ ἄγος, ἀπαί et *Ἐρινύες*, religio sepulturæ, terminorum, et jurisjurandi. Nec

aliter in decalogo a Mose prodito factum videas: atrociora tantum flagitia is attingit, a quibus qui vacet, parum adhuc ad honestatem profecisse nobis videri potest. At Maro ex philosophorum scriptis suum Tartarum constituit (cf. Exc. VIII), idemque scelerum, quibus supplicia in eo constituta sunt, recensum facit paullo ampliorem; commemorat impietatem erga eos, quibus pietatis sensus debetur; avaros duros et inhumanos; adulteros; perduelles. Ex vitæ philosophia profecit Auctor Telemachi lib. XVIII, p. 130 egregio loco! Ingratos ille, mendaces, adulatores nominat. Filium impium (ut v. 609) etiam Polygnotus in sua tabula expresserat v. Pausan. X, 28. *Pulsatusve parens*, h. omnino male habitus, mulcatus. Est *αἰκία γογιῶν*. ante oculos erat Plato de LL. IX sub. f. p. 940 C. ed. Frf. Steph. pag. 881. D. *et fraus innexa clienti*, pro vulgari, illata, uti *fraude* aliquis *illaqueari* dicitur. Comparata jam ab Interpp. Lex XII Tabb. *Patronus si clienti fraudem faxit, sacer esto*, et Horat. II Carm. 18, 23 sqq. *incubuer* Ge. II, 507 *Condit opes alius, defossoque incubat auro*. Argutatus tamen in hoc quoque vetus Grammaticus apud Servium Urbanus: rarum esse hoc inquires, ut patronus clientem fallat, cum magis patronos decipiant frequenter clientes; eadem iudicii iniquitate, qua nostri homines uti

Aut qui divitiis soli incubuere repertis, 610
 Nec partem posuere suis : quæ maxima turba est ;
 Quique ob adulterium cæsi ; quique arma secuti
 Impia, nec veriti dominorum fallere dextas,
 Inclusi pœnam expectant. Ne quære doceri,
 Quam pœnam ; aut quæ forma viros fortunave mersit.
 Saxum ingens volvunt alii, radiisve rotarum 616

610 *paratis* sec. Moret., quod vulgare verbum esset. 611 *est deest* Menag. pr. 613 *dextram* aliquot Pier. 614 *Suspensi pœn. e.* Schol. Statii I Theb. 431. Sed in toto loco Tartarus carceris notionem habet adjunctam. *expendunt* Vir doctus in Miscell. Obs. apud Barm. Sed recte hic subiicit. *expectare* hanc vim habere, ut eos pœnas certo duros esse constet. Scilicet *expectare* h. l. est *metuere*, et vulgaris oratio esset : *his* hic aliquando *inclusis* pœna expectanda est. Jo. Schraderus in schedis locum scabiosum esse ratus varie tentabat : inter cetera : *expendunt*—*Pœnarum quæ forma viros fortunave mersit. nec* Dorvill. 615 *mersit* duo Heins., non male. *mergat* Franc. 616 *radiisve* reposuit pro vulgari *que*. Etsi enim passim contendere viros doctos memini, *que* etiam sic poni, verior tamen est altera ratio et lapsus caussa in promptu.

solent in agricolas et paganos. *repertis* pro *partis*, *paratis*, accipe ; nec *suis*, cognatis et affinibus, *posuere partem*, ex *Deyro*, statuerunt, tribuerunt, nisi *mayis* esse pro, seponere. Ad sententiam præclaros Horatii versus laudat Servius II Serm. 2, 103 ; adde eundem I Serm. I, 75 sqq. 84 sq. Et commendat poetæ iudicium hæc in vita hominum observatio, esse plerumque eos, qui repente magnas divitias consecuti sunt, duos et avaros in suos, h. e. erga cognatos egentes. *ob adulterium cæsi* gravius posuit pro adulteris simpliciter. De Lege Julia (anni 737) cogitare nondum potuit Virgilius. Potuit tamen jam tum, cum vivebat, res consiliis agitari. *arma impia*, haud dubie bellorum civilium ; de iis accipiendum, qui patriæ bellum inferunt, non qui propulsant. Concidunt itaque Servii aliorumque metus, ne in Augustum peccet poeta. *nec veriti dominorum fallere dextas*. Argutantur Interpp. et hic, Servii exemplo. *Domini* non modo servorum sunt ; sed

et de libertorum patronis bene idem dixit poeta. Servorum autem pœnas hic commemorare, indignum esset poetæ epici gravitate, multo magis Romani. Tum qui fidem fallit, is et *suam* et *alterius dextram* fallere dici potest. Itaque necessario accipiendum de libertorum impietate et fraude in patronos suos. An Pompeium Menam, Cn. Pompeii libertum, qui Sextum prodidit, animo designaverit poeta, affirmare quis ausit ? Nec tamen sic in Augustum peccasset, nam et is, ut ceteri homines, proditoris fructum amplecti, proditorem abhorreere, debuit.

614. 615. Ornati versus pro vulgari : hi inclusi variis modis puniuntur. Noli quærere, *quam pœnam* expectandam habeant ; aut *quæ pœnæ forma, fortunave*, quod miseriæ genus, *viros mersit* (v. sup. v. 512), illos excipit, manet. Ductum hoc ex vulgari : *mergi miseriis*.

616. Iterum, tanquam poeta, ad veteres mythos redit. Non necesse est, ut solum Sisyphum et Ixionem

Districti pendent; sedet, æternumque sedebit,
 Infelix Theseus; Phlegyasque miserrimus omnes
 Admonet, et magna testatur voce per umbras: 619

617 *Districti* Medic. cum fragm. Vatic. multisque aliis. Temere, non pendent deligati de rota, sed rotæ illigati adeoque distinentur membris distractis. 618 *Tereus* olim fuit Brodæi emendatio admodum inscita. Male habuit viros doctos, quod Theseus inter impios habitus (sed vid. Not.); et quod idem sup. v. 393 inter eos, qui vivi Orcum ingressi sunt, memoratus erat. Hoc nomine notarunt locum jam vet. Grammatici ap. Gell. X, 16. Sed nec de regressu ibi meminerat poeta, et licuit ei hic aliam fabulam sequi. Cf. l. 1. ab Heins. et Burm. *Phlegeas*, *Flegeas*, *Phleguas*, male librarii.

respexerit; Ixionem quoque jam v. 601 memoraverat: adeoque enallage numeri, quam inferunt viri docti, carere possumus. *radiis rotarum districti pendent*, ornate; rotæ illigatis membris distinentur, *ἐπὶ τροχῶν κατατείνονται*, petitum a tormenti genere, quod ipsum pro supplicio interdum fuit; de quo copiose Cerda, sic tamen, ut plura genera tormentorum confundat; hoc igitur equulei genus ad Ixionis poenam translatum est.

617—625. Multis modis fabula de Theseo fuit tractata et ornata; vide v. c. Ovid. Met. VII, 433 sq.; nec mirum, fuere enim plures, qui non modo attigerant, sed et Theseides condiderant. Actum etiam de Thesei et Pirithoi descensu in Minyade. v. Pausan. X, 28, item in Heracleis. Nam Hercules descensu ad Cerberum adducendum in inferos facto liberavit Theseum. v. Apollod. II, 5, 12, p. 122. Apud Homerum Od. K, 630 sq. Theseus cum Pirithoo in inferis substiterat. Noster poeta hoc sequitur, ut Theseus, ob raptum Proserpinæ, *sedeat*. Hoc habitu poenitentiae et summi mœroris sensum prodi puta. Ita sedebant Theseus et Pirithous in tabula Polygni ap. Pausan. X, 29. Et talem Theseum sedentem in Sarda expressum vides ap. Winckelmann. n. CI. In patera Italica, Etruscam vocant, quæ Ve-

ronæ servatur, Theseus serpente circumdatus retinetur, Hercule adveniente, ap. Passer. Pict. Etrusc. Tom. II, p. 49. Qui narrantur, *στρωτοῖς ἐν λεχέσσει* jacentes, alto sopore sepulti, in Tartaro apud Hesiodum Theog. 797. 798, ad perjuri per Stygem poenam pertinent. Sed miraculum rei additum est in eo, quod Theseus saxo insidet, nec inde levare corpus potest. conf. Schol. Apollonii I, 101. Inter auctores hujus narrationis fuit Panyasis. v. Pausan. l. c. *προσφῶντες δὲ* (scil. *χοῦματι*) *ἀπὸ τοῦ χρωτὸς ἀντὶ δεσµῶν σφίον ἔφη τὴν πέτραν*. Liberatus tamen et reductus ex inferis Theseus ab Hercule; Pirithoo relicto, cum terræ motus Herculem absterruisset: Apollod. II, 5, 12; unde patet, in Heraclea antiqui poetæ hæc exposita fuisse: ubi v. Not. p. 433 sq. Contrarias fabulas sequebatur Virgilius sup. 122, ubi de ea re jam monitum est. *Phlegyas*, de Phlegyarum gente alii acceperant, quæ Minyadem Boeotiae inhabitavit et propter impietatem a deo abolita fuit (v. Pausan. IX, 36. Adde H. in Apoll. 278. 279. Nam Phlegyas Thessaliæ, de quibus Strabo videndus IX, p. 422 B, hæc advocare non licet). Verum non de Phlegyis Maronem, sed de *Phlegyas*, Ixionis et Coronidis, e qua *Æsculapium* Apollo suscepit, patre, qui

“Discite justitiam moniti, et, non temnere divos.”

Vendidit hic auro patriam, dominumque potentem

Imposuit, fixit leges pretio atque refixit.

Hic thalamum invasit natæ vetitosque hymenæos.

Ausi omnes immane nefas, ausoque potiti.

622 pretioque ed. Ven. 623 thalamos natæ invasit alter Goth. et tert. th. i. natæ inconcessosque h. male ex lib. I, 659. 624 ausoque p. Uratisl. et Zulich. a m. sec., forma non inusitata.

Apollinis templum Delphis incendit (v. Serv.), accipiendum esse, jam docuerunt Interpp. ex Statii imitatione Theb. I, 712 sq. et Val. Fl. II, 193 sqq., quæ loca conferenda. Phlegyas igitur deorum contemtor, apud inferos ad justitiam et pietatem colendam exhortatur omnes, nobilissimo illo versu: *Discite justitiam moniti*, qui magnis viris multis in ore habitus fuit, et Munchhusio, immortalis viro, frequenter. Nota quoque fabula de demone interrogato, quis ex omnibus Virgilii versibus esset præstantissimus. Non male autem augurantur viri docti ductum colorem ex Pindari illustri loco Pyth. II, 39 sq. *Θεῶν δ' ἑφημερίσιν Ἰζιονά φαντε ταῦτα βροτοῖς λέγειν, ἐν περὶόντι τροχῷ Παντὰ κυλινδόμενον· Τὸν εὐεργέταν ἀγαναῖς ἀμοιβαῖς Ἐποιομένους τίνισθαι.* *moniti*, h. e. exemplo meo, quod pro monitu est. Nec importunum et inutile monitum putandum hoc inter eos, quibus nullus poenitentiae locus est. Poenæ enim loco haberi potest hæc ipsa admonitio. v. Jortin. p. 288. Ceterum hic versus non inter rhetoricas figuras erat referendus, quibus sane hoc fieri videmus, ut is, ejus exemplo, casu et poena, admonemur, loquens inducatur (exempla v. apud Valkenarium Oratt. p. 327); alienum hoc a poeta, qui ex *ἔραπειας* poeticæ lege, et ex

perpetuo usu eos, de quibus narrat, *agentes et loquentes exhibere* tenetur, non vero quid egerint aut dixerint, *narrare* et, re ita ferente, per figuram loquentes inducere potest. Verbo: vere exclamare putandus est Phlegyas. V. 621. 622 ex L. Vario pæne integros traductos esse, Macrobius VI, 1 testatur: *Vendidit hic Latium populis, agrosque Quiritem Eripuit, fixit leges pretio atque refixit.* Quod adjecit: *dominumque potentem patriæ Imposuit*, eo pertinet, quod tyrannum liberæ civitati induxit. *potentem* ornat. *leges fixit pretio* corruptus, *atque refixit*, recte Servius, quia *incisæ in æreis tabulis leges affigebantur parietibus*. Minus bene Cerda et alii, esse, in æs incidere. Iidem bene laudant legem Venuleii, quæ est l. 8 D. ad L. Juliam peculatus: *qui tabulam æream legis—refixerit*, vel quid inde immutaverit, Lege Julia peculatus tenetur, Sequitur §. 1 *Eadem lege tenetur, qui quid in tabulis publicis deleverit vel induxerit*; quod adeo diversum ab illo esse necesse est. Laudant quoque Intpp. Ciceronis locum, qui est Philipp. XII, 5 f. Ceterum inanis est eorum opera, qui post Servium hæc omnia ad certos homines ex antiquitate referre voluerunt. Forte sagacior aliquis miretur libertatem oris in poeta, si Augusto co-

Non, mihi si linguæ centum sint, oraque centum, 625
 Ferrea vox, omnes scelerum comprehendere formas,
 Omnia pœnarum percurrere nomina possim.

Hæc ubi dicta dedit Phœbi longæva sacerdos :
 Sed jam age, carpe viam, et susceptum perface munus,
 Acceleremus, ait ; Cyclopum educta caminis 630
 Mœnia conspicio, atque adverso fornice portas,
 Hæc ubi nos præcepta jubent deponere dona.
 Dixerat, et pariter, gressi per opaca viarum,
 Corripiunt spatium medium, foribusque propinquant.

627 *possim* ex melioribus et ratione grammatica recte restituit Heinsius. Vulgo *possem*. 629 *Et jam* Medic. *age* abest a Puget. *Eja age c.* conj. Heins. 630 *Hæc c.* aliquot Pier. *Adcel.* iter Ven. Mox *ducta* alii ap. Pier. et Heins., alii *obducta*, et quatuor Wassii ap. Burm. *virecta*, forte pro *erecta* ; Schrader. in ms. conjiciebat *vincta* ; quod et ipsum bene dictum esset. Pro *ducta* etiam laudari possunt Rom. et fragm. Vatic. cum Gud. 631 *respicio* Gud. pro var. lect. *suspicio* Exc. Burm. in f. vulgg. ante Pier. et Heins., qui secundum codd. sustulit. 632 *Hic* aliquot Pier., sed *hæc*—*dona* jungendum, monent d. Ven. 633 *per o.* locorum Gud. pro var. lect.

ram lecta hæc reputet: *vendidit hic auro patriam* dominumque potentem *imposuit* ; talium enim hominum opera Augustus quoque magna ex parte rerum potens factus erat : verum Augustus princeps reip. habebatur, non dominus.

625 sqq. Ex Iliad. B, 488 notissimo loco. conf. Georg. II, 103 sq. Prævisse Maroni in verbis Hostium poetam in lib. II. belli Histrici observat Macrob. VI, 3. p. 591 *non, si mihi linguæ centum atque ora sient totidem vocesque liquata, ferrea vox*, nulla clamoris intentione fracta: ἀνθρώπων.

630—636. Plutonis regiam non intrat Æneas cum comite, sed tantum a limine salutat, aureo ramo in foribus deposito. Quid in his secutus sit poeta, non liquet. Regia ista habet muros æreos vel ferreos. Solent poetæ hac munitionis notione uti, ducta a ferreis et ferratis portis, et

translato fere opere ad Vulcanum vel Cyclopes. Sic Argorum mœnia apud Statium I Theb. 630, quem locum Servius laudat, et Mycenarum apud Senec. Thyest. 406, vid. Wass. ad Thueyd. VIII, 26, et Schol. Eurip. Orest. 964. Multo magis itaque in inferis h. l. sunt *mœnia educta Cyclopum caminis*, h. e. ferro cuso et ferruminato in Cyclopum fabricis (Male Cerda). *adverso fornice portas*, ornate ; porta proprie ipsis erat adversa, et ea quidem in fornice ducta, arcuata. 629. *perface munus*, si poeticus sermo fert ; proprie doni deportatio perficiebatur. Etiam sic mox 637 *perfecto munere divæ*, h. e. muneris dedicatione ; alioqui *munus* generaliori notione pro negotio et hic accipi possit, ut in Æncidis dedicatione : *Si mihi susceptum fuerit decurrere munus*. 632. *hæc dona* int. de eodem munere Proserpinæ dicantur.

Occupat Æneas aditum, corpusque recenti 635

Spargit aqua, ramumque adverso in limine figit.

His demum exactis, perfecto munere divæ,

Devenere locos lætos, et amœna vireta

Fortunatorum nemorum, sedesque beatas.

636 *Sparsit* duo Burm. in deest Rottend. pr., ut sup. v. 631. conf. III, 287. *ponit* pr. Hamb. a m. sec. 637 *perfectis* Goth. tert. numine alter Hamb., sed est hæc perpetua aberratio; et vid. Not. ad v. 629. 638 *Advenere* aliquis ap. Guell., qui ignorabat, præpositum fere poetis omitti, Græcorum exemplo. *virecta* scribant fere librarii hic et alibi.

do. 635. Potest Æneas hoc ipso ramo aureo se adpersisse videri; fit enim adpersio ramo; verba tamen ita statuere nos non cogunt: et repugnat, quod pro dono ramus affertur. conf. Excurs. VI. Adumbrata res haud dubie ex eo ritu, quo, qui templa intrant, se lustrant, *περιψάλλονται*; quod purgationis symbolum fuisse, facile intelligitur. Adeundum autem Æneæ nunc erat Elysium, locus, si quis alius, sanctus et castus. *ramumque adverso in limine figit*. In templorum aditu *περιψάλλονται*, aqua lustralis et rami lustrales, notæ res sunt. Sed quod ramum in pariete seu poste figit, ad dedicationem doni spectat. Ceterum Warburtoni hypothesis si qua alia parte, hac utique, placere potest, cum lustrationem in adeundis majoribus Eleusiniis in hoc loco reperisse sibi visus est.

637 sqq. Traducta sunt ad Elysium sive sub terra, vt hic, sive in Insulis Fortunatis (vt ab Homero et Hesiodo, tum a Pindaro, factum) collocatum, omnia, quæ sub mitiori cœlo amœnitatem loci facere possunt, jam ab Homero Od. Δ, 563 sqq. et ab Hesiodo *Epy.* 170 sqq. Ex hoc ipso, quod omnis felicitas Elysii talis est, qualem heroum vita subicere sensibus poterat, vetustas hujus mythi intelligitur. Apud Pindarum

puleerrimo loco Olymp. II, 109—149 et in fragm. c Threnis apud Plutarch. Consol. ad Apollon. p. 120 C. et de occulte vivendo sub f. p. 1130 (v. nunc Fragm. Pindari a Schneidero collecta pag. 21) ornamenta deprehendes accessisse cum alia tum hæc: lucem nulla nocte interceptam; victum facilem nec ullo labore quæsitus; esse insulam in Oceano, cui Saturnus imperat, (vnde ei regia, *τύρα* tribuitur in illa) auræ odorumque ex floribus omnis generis afflatu jucundissimam; in ea habitare heroes veteres; delectari his odoribus, inter ludos et sacra diis facta. Doctior vita, et philosophicis studiis exulta Græcia, serenæ et placidæ mentis gaudia ex puræ et constantis virtutis conscientia mox adjecit: quo melioris sapientiæ placito egregie usum videas inter alios Gloverum in Leonida X, 156 sqq. *in those happier fields—Where never gloom of trouble shades the mind, Nor gust of passion heaves the quiet breast, Nor dews of grief are sprinkled*, et uno verbo Statius V Silv. 3, 286 in patris Epicedio: *Ite pii Manes—Et monstrate nemus, quo nulla irrupit Erinnyes, In quo falsa dies cœloque simillimus æther*: de quo cf. inf. ad 888. sed philosophicas rationes Maro in alium locum v. 724 sqq. servavit, et

Largior hic campos æther et lumine vestit 640
 Purpureo; solemque suum, sua sidera norunt
 Pars in gramineis exercent membra palæstris;
 Contendunt ludo, et fulva luctantur arena;

640 *campus* (ut sit: *L. h. campus, æther et l. v. P.*) Pieriani aliquot Rom. et Gud. a m. sec. Mentel. pr. a m. pr. et fragm. Vatic. a m. pr., et mutatum videri potest, ex malo metri ruentis metu; sed verisimilius librario hoc deberi, qui ad *Largior* retulerat. *hic æther campos* Goth. sec. et Parrhas. metri caussa; et, *aer campos*, aliquot Pier. *de lumine* Reg. a m. pr. In et neminem hæsisse miror. Scilicet ordo verborum, aut: *Largior hic æther est, et campos l. v. P.*, aut: *Æther largior, et lumine purpureo, vestit campos, h. e. circumdat.* Hoc malim. Sic jam Cicero in *Phænom.* v. 60 *Quem* (*Capricornum*) *cum perpetuo vestivit lumine Titan.* 641 Distinctione sublata, *solemque suum sua sidera norunt*, scribit Wakef., ut sit *sua sidera norunt solem suum.* quæ non satis assequor e mento quidem veterum; Nam ad Popii sensum: *and other planets roll round other suns* si acciperes: maiorem, quam illa habuit, et subtiliorem doctrinam tribueres antiquitati. Multo minus talem sensum expectares in loco Manilii II, 776 ubi silvis cæsis in loco ædificiis extruendis addito; *salutisque vetusti Procumbunt, solemque novum, nova sidera cernunt*, sententiam eandem locum habere: sidera cernere novum solem. 642 *exercent* multi Heins. et Burm.

h. l. imprimis Homerum ante oculos habuit, et Pindarum, locis laudd. Nam *sedes beatæ* ipsi sunt luci amœni, et campi, æther purus et coelum serenum; rivi et ripæ gramineæ; studia ex prisca vita, inque his choreæ ad citharæ cantum, et epulæ. Adde locum de Olympo *Odys.* Z, 42 seqq. Similia quoque sunt in *Axiucho*, qui sub *Æschinis*, antea sub *Platonis*, nomine ferebatur. Communia etiam sunt nonnulla *Elysio* cum aurea hominum ætate. Jam ab his tanquam elementis profectus ad quantam amplitudinem *Paradisum suum* extulit *Miltonus* IV, 182 sqq.

640. *Largior æther*, egregie, patientior, liberior, nullis nubibus, nulla caligine obductus. *Silius* hinc lib. XIII, 550 *laxata lucida nocte Claustra nitent*, dixit de *Elysio*. *Ὅψει τε φῶς κάλλιστον ὥσπερ ἐνθάδε* *Aristoph.* Ran. 155. 457. *lumen purpureum*, pulcrum, vt sup. I, 591. *solemque suum.* in *Pindari* loco altero est *Sol*, qui, in nostro orbe occidens, ad infera loca progreditur, in altero *Sol* perpetuus noctu æque ac die (fere ut apud *Val.*

Fl. I, 844—6 donec silvas et amena piorum Deveniunt, camposque, ubi *Sol, totumque per annum Durat aprica dies, thiasique chorique virorem Carminaque, et quorum populis jam nulla cupido*). Sed poeta suavis *Solem Elysio suum, præstantiorem* puta nostro *Sole*, ut cetera, assignat. Pro commentario haberi potest *Telemachus* lib. XIX. Inter alia: *c'est plutôt une gloire céleste qu'une lumière.* Imitatur *Claudianus* de R. P. lib. II, 282 sqq. conf. *Cerda. norunt*, vident, qui in *Elysiis* sunt, habent. Male aliter viri docti.

642—644. Hæc iterum ad *Pindari* ductum l. l. *καὶ τοὶ μὲν ἱππεῖοις γυμνασίῳ, τοὶ δὲ φορμύγῃσι τέρπονται.* Expressa scilicet *vita antiqua heroum Græciæ*; uti omnino unaquæque gens, si recensum apud animum instituas, sicut aliarum rerum inferarum, ita *Elysiis* beatam sortem ad suos mores descripsit, eaque, quæ beatam vitam suo sensu constituebant, eo transtulit. *pedibus plaudunt choreas*, elegantius quam ducunt, scil. cum pedum plausu; *Odys.* Θ, 264 Πί-

Pars pedibus plaudunt choreas, et carmina dicunt.
 Nec non Threïcius longa cum veste sacerdos 645
 Obloquitur numeris septem discrimina vocum;
 Jamque eadem digitis, jam pectine pulsat eburno.
 Hic genus antiquum Teucri, pulcerrima proles,

644 *fidibus plaudunt* Hugen. pro var. lect. *pedibus claudunt* Medic. a m. pr., ridiculo lapsu. c. ducunt Rottend. pr. a m. pr. et Exc. Burm. a m. sec. dicant Gud. 647 *Jamque fidem* emendatio est Marklandi ad Statium p. 181 elegantissima, quam et ipso a poeta profectam esse malim. Est præterea lapsus ex literarum certæ ætatis ductu facillimus ex *fidem* in *eadem*. Cum tamen vulgata et ipsa bona sit, nolo pessimi exempli auctor esse, ut non librarii errorem sed ipsum poetam emendatum dare velim: idque per totum poetam sequar. 648 Laudat locum, et *Teucri* nomen de Teucris accipit Auctor libelli de Augusti progenie c. 3.

πληγὸν δὲ χορὸν εἶλον ποσίν· quod Maro adeo accepit κατὰ χορὸν, non ut χορὸς pro loco dictum sit, ut alibi apud Homerum occurrit.

645—647. Dandus erat choreis saltantium et cantantium suus αὐδὸς, lyricen, qui seu accineret seu præiret cantu tanquam choragus. Quis vero magis conveniens Orpheo, qui de locis inferis plurima erat fabulatus, h. e. vetere philosophorum more ac sermone per poetica phantasmata exposuerat? *longa cum veste*, citharædorum aliquando, antiquiore autem ævo αὐδῶν, vatum, habitus ποδῆρης palla, ut nota res est. v. Cerda. Adi vel Tibull, III, 4, 35. 36. Nota res e signis priscæ artis Apollinis citharædi, et e numis. v. c. Eckhel Vol. VI. p. 275. *Sacerdos* autem h. l. vates, propter instituta orgia et teletas. Male itaque Barthius contendit sacerdotalem habitum respici; etsi verum est, sacerdotes ut sceptro, ita etiam palla, usos, ut ipsi dii ea veste occurrunt, sed et reges: nam omnino vestis demissa ac fluens ad dignitatem et religionum majestatem facit: ut unumquemque suus sensus docet. Orpheus illis saltantibus et cantantibus obloquitur

(transitive h. l. dictum, facit loqui, φθίγγεσθαι, sonare, pulsat), *numeris*, *numerosæ*, *septem discrimina vocum*, fides, lyram ἐπὶ τὰ χορὸν (Jortinus p. 292 septem sonos musicos Orpheum accinere voce volebat), *eademque* modo digitis modo pectine pulsat; quod ab doctiore jam arte petiisse videtur, dum temperatur cantus modo plectro modo digito. Illa, *nunc nunc*, excludunt interpretationes aliorum. Neque adeo de cantu ipsius Orphei hic quæritur; sed si quærat, nemo facile, qui Homerum legit, dubitet, fueritne alius, qui Orpheo, lyram pulsanti, accinuit. Heroico ævo utrumque facit vates. *Numeris* 646 ad ipsum vatem retuli, εὐρύθμως, melius puto, quam ad saltantes et cantantes v. 644, ut eorum numeris obloquatur, seu respondeat.

648 sqq. Partim Hesiodi ductu *Erg. 159. 167 seqq. *pulcerrima proles*, pulcerrimi, h. l. de corporis dignitate. Sed insederat Virgilio hoc epitheton ex loco Homeri, quem expressit Iliad. γ, 231 sqq. *Ἴλος τ' Ἀσάρακός τε καὶ ἀντίτιος Γανυμήδης, *Ὅς δ' ἡ κάλλιστος γίνετο θνητῶν ἀνδρῶν etc. *nati melioribus anis*, secundum Hesiodum hoc, l. c. et sic ali

Magnanimi heroës, nati melioribus annis,
 Ilusque, Assaracusque, et Trojæ Dardanus auctor. 650
 Arma procul currusque virûm miratur inanes.
 Stant terra defixæ hastæ, passimque soluti
 Per campos pascuntur equi. Quæ gratia curruum
 Armorumque fuit vivis, quæ cura nitentes
 Pascere equos, eadem sequitur tellure repostos. 655
 Conspicit, ecce, alios dextra lævaque per herbam,
 Vescentes, lætumque choro Pæana canentes,

649 *M. proceres* Uratist. 651 *mirantur multi ap.* Heins. et Burm. et edd. ante Pier. cum fragm. Vatic. cf. 477. 678. 652 *terra* Heins. e Codd. post Pierium, non modo ad sonum suavius, sed et exquisitius. Vulgo *terræ*; quod et fragm. Vatic. habet. 653 *campum* aliquot Pier. et Heins. duo Goth. cum fragm. Vatic. Mox sive *curruum* sive *currum* scribas, parum referre puto. In Codd. utrumque occurrit. 654 *quæ causa* Goth. sec., lapsu et alibi obvio, ruentis Goth. tert., temere. 656 *C. ante alios* Gud. pro div. lect. *per herbam* Gud. et Montalb. 657 *Vescentes*, epalantes. Usam vocis non ex plebe esse, videbis inf. VIII, 182. 3. ubi de sacro. Wakefield reposuit e conj. *Vertentis* puto, pro saltantes. Vix erunt multi, qui probent, non magis quam rer-

de heroum atque etiam de aurea ætate. Laudatur Catull. LXI, 22: *O nimis optato sæclorum tempore nati, Heroes, salve te, deum genus.*

651—655. Iterum ad Pindari ductum l. c. Paulo aliter hæc tractata a Platone sub f. lib. X de Rep. Sectantur animæ artes prioris vitæ, communi populorum opinione etiam borealium. Eandem rem in antiquis quoque monumentis occurrere, putant viri docti. Ad sui temporis negotia hæc revocavit Ovid. Met. IV, 444 seqq. Melius Maro heroicam vitam servavit. Describit autem otia castrensia v. c. Iliad. r, 135. Heroibus Homericis magna gratia, adeoque amor, est militiæ curulis. Ad meliorem nostri ævi philosophiam Elysii voluptates accommodatæ sunt in Telemacho lib. XIX. *procul miratur*, pro conspicit: *ἑκείρας* Homericum, *currus inanes*, simplic. quoniam adstant vacui dominis. Vix enim potuit declarare levitatem umbra-

rum, quæ iis insistent. *gratia* nunc est delectatio, voluptas, et proprio voc. *tellure repostos*, ut alibi, conditi, mortui.

656—659. Hoc cum Axiocho l. c. comparandum. *Vescentes*, quis hoc putet satis digne dici posse pro, epulas celebrantes! iidem *ἀειδόντες Παιήονα*, omnino, *carmen*, ut Iliad. x, 391 Achivi, et quidem in grato nemore, per quod, ut amoenitas loci major esset, descendit amnis. Amnes sub terra ferri vidimus jam Ge. 366. 367. *Eridanum* autem quod potissimum appellat, suspicor fabulis poetarum, qui Argonautica scripserunt, deberi, a quibus plura videntur fabulose de Eridano tradita esse, forte etiam hoc, quod ad loca ille infera defertur, cf. Apollon. IV, 627 sq. Nam hoc, quod ad inferum mare tendit, aut, quod non longe a fontibus suis cuniculum subter terram per duo millia subit; poetam adducere vix potuit, ut ad inferos eum relegaret. Sed est is fabu-

Inter odoratum lauri nemus : unde superne
 Plurimus Eridani per silvam volvitur amnis.
 Hic manus, ob patriam pugnando vulnera passi, 660
 Quique sacerdotes casti, dum vita manebat,
 Quique pii vates, et Phœbo digna locuti,
 Inventas aut qui vitam excoluere per artes,

santes, pedestre voc. *choros* conj. Heins., sed *choro* absolute dictum pro, in choro, chorum ducendo. *choro pœnentis* fragm. Vatic. a m. pr. Macrob. III, 2 " *pœnem canentes*, antiquo vocabulo *vitulantes*." 660 *passa* Bigot., ex interpret. 661 *maneret* Nonius bis et Zulich. a m. pr. 662 *et cedro* d. Serv. ad VII, 178. 663 *coluere* sec. Moret.

lous antiquissimorum mythorum amnis, quem ad geographicas rationes certas revocare non magis licet, quam Hyperboreos aut Indos aut Nysam; multo minus ex nominum similitudine, Rhodani, Rheni, ac similibus, veri aliquid peti potest. *Eridanus superne*, h. e. ex editiore loco, *volvitur*, venit, *plurimus*; dictum eleganter ad magnam aquarum copiam designandam. ut I Ge. 187 *cum se nux plurima silvis Induet in florem*. Sic πολλός pro μέγας Apollon. I, 760 et alibi. licet ergo dicere esse *plurimum* idem quod, *magnum*. Sic inf. VII, 53 *Albunea quæ maxima sonat*. Apud Servium sup. ad v. 603 *Tantalus in Eridano Inferorum stare* narratur; quo liquere videtur etiam ab aliis poetis Eridanum simili ratione fuisse in inferis celebratum. An, quod Eridanus alterius hemisphærii sidus est, poetæ ad hanc rei narrationem forte adduxit? At pari jure e mythico Eridani usu nomen ad sidus translatum est, et hoc multo probabilius, quia nomina siderum e fabulis antiquis profecta sunt. an locum figmento fecit hoc, quod Eridanum antiquiores in extremo Europæ occidente fluere credidere. Sin hac subtilitate omnino vis carere, sequen-

dum est, quod inter Serviana occurrat: "Alii Eridanum pro quocumque accipiunt, et dicunt κατ' ἑσχὴν dictum, nam legimus I Ge. 482 *Fluviorum Rex Eridanus*. Et amant poetæ pro appellatione ponere magnæ (et in suo genere præclaræ) rei proprietatem, ut I Ge. 9: *poëla Achæloia*." Etiam Callimachus fragm. pag. 473 e Strab. IX, 608 Eridanum ita dixerat pro flumine omnino. Nobilitatur res vulgaris splendido nomine.

660—665. Locus de piorum turba e nobilioribus, et, quem a generosiore animo vix puto legi posse, quin incalescat et magnæ virtutis studio inflammetur: imitatione expressus a Silio XIII, 533 seqq. et a Valer. Fl. I, 839 seq. Referendus autem est animus in tempora antiquiora heroica, in quibus per *vates* melior vita constituta est responsis ac deorum monitis, ritibus religiosis, legibus institutisque et morum præceptis. Nihil ista ætate actum gestumve est, nisi ab animis divino numine afflatis. Vere tum diceret: nullum magnum virum natum esse sine afflatu divino. Nec vero, quam diu probi et prudentes viri erant, qui deo incalescere credebantur, habueris, quod vulgi opi-

Quique sui memores alios fecere merendo :
 Omnibus his nivea cinguntur tempora vitta. 665
 Quos circumfusus sic est affata Sibylla ;
 Musæum ante omnes ; medium nam plurima turba
 Hunc habet, atque humeris extantem suspicit altis :
 Dicite, felices animæ, tuque, optime vates ;
 Quæ regio Anchisen, quis habet locus ? illius ergo 670
 Venimus, et magnos Erebi tranavimus amnes.
 Atque huic responsum paucis ita reddidit heros :
 Nulli certa domus. Lucis habitamus opacis,

664 alios recte servatum in edd. jam inde ab Aldd. Alii aliquos. Mirum in hanc vitiosam lectionem conspirare vetustissimum et optimum quemque, etiam Rom. Medic. fragm. Vatic., hoc tamen a m. pr. 665 his una Dorvill. 667 Musæum, Musenum, male librarii. medium jam duo Goth. 668 oculis ext. Parrhas., male. auscipit nonnulli ap. Burmann. 669 Discite tres Burmann. ex more, optima Gud. 671 tranavimus Nonius in ergo, et Goth. sec. 672 hic Oudart. 673 Nulli est Menag. pr.

nionem damnes. *Sacerdotes casti*, qui sacra caste, pure ac pie, curant dum viverent. Ita nihil est quod reprehendas. Mox *vates* sintne poetæ an conjectores, dubitari potest. Sed Silius ibid. v. 538 *qui—nec dedignanda parenti carmina fuderunt Phæbo* ; itaque et is de poetis accipit. pii in hoc ipso quod *Phæbo digna* loquuntur, ita ut vere pronuntient se canere dei afflatu impulsos, dum grandia, sublimia, præclara, canunt. At: *quique sui memores alios fecere merendo*, 664, ornate: magnæ illæ et divinæ animæ, quæ bene de genere humano meritæ sunt; sæpe sic, ut nullam gratiam auferrent, interdum odii et invidia oppressi vitam miseram agerent. *merendo*, idem, quod in vulgari sermone, demerendo, promerendo, bene merendo de aliis. Sic Seneca Hippolyt. 632 *et te merebor*, ubi v. Gron. 665. *Omnibus his* Servius: "per quod eos ostendit meruisse divinos honores." Certe declarat hoc insigne, esse eos

viros sacros et sanctos. Nam vitatos fuisse sacerdotes, vates, deos, satis notum est. cf. Val. Fl. lib. I, 836. 840.

666 sqq. Platonis locus de Rep. II, p. 363 ante oculos versari potuit. Quod Musæum potissimum nominat poeta, mirantur Intpp. Homeris sane Æneæ in inferis occurrere non potuit. Turbatæ fuissent temporum rationes. Cum autem de antiquioribus aliquis esset laudandus, Orpheus vero jam sup. 119 memoratus esset, vix alius præter Linum vel Musæum surrogari potuit. Magna autem Musæi auctoritas propter religionem et teletas institutas; et facile nunc ejus commemoratio h. l. opinionem movere potest, poetam de initiis cogitasse, cum ex nobilissimis hierophantis unum commemoret. Ceterum ad Homerum in simili loco rem transtulit præclare Silius XIII, 780 sqq.

667. 668. Bene hoc ex heroum ætate et opinione. Nam ad Plato-

Riparumque toros et prata recentia rivis
Incolimus. Sed vos, si fert ita corde voluntas, 675
Hoc superate jugum; et facili jam tramite sistam.
Dixit, et ante tulit gressum, camposque nitentes
Desuper ostentat; dehinc summa cacumina linquunt.

At pater Anchises penitus convalle virenti
Inclusas animas, superumque ad lumen ituras, 680
Lustrabat studio recolens, omnemque suorum
Forte recensebat numerum, carosque nepotes,

674 *virentia* Parrhas. et in marg. Dorvill. ex interpr. cf. Burmann. r. *silvis* Rom. et Bigot. 675 *voluptas* Franc. et ed. Junt.; ut et Pier. aliquot. 676 *superare* Goth. tert. et Franc. f. *vos t.* aliquot Pier. *ducam* Ven. 677 *gressus* Menag. sec. 678 *Et super* Dorvill. *ostendant* fragm. Vatic. a m. pr. Goth. tert. *ostendit* duo Burm. Goth. sec. et ed. Ven. *linquit* Ven. *linquent* Franc. *linquunt* Gud., unde illatum erat ab Heinsio. 679 *in valle* Parrhas. et Ven. *cum valle* duo alii. *nitenti* pr. Hamb. Male h. l. *Nitere* enim refertur ad cultum locorum. vid. Not. Male etiam Servius jungit *penitus virenti*, cum sit, *penitus in valle*. 680 *Inclusasque* pr. Hamb. *illustres* Parrhas. *ad limen* duo Heins. ac duo Burm. cum trinis Goth., quod ornari possit. Sed conf. inf. 829. 682 *numeros* Excurs. Burm. *clarosque* ed. Dan.

nem cum respexisse, apud Servium levis conjectura est. Ad verba cf. Iliad. I, 226. 227. Mox 674 ornatē, pro ripis; *recentia* sunt *rivis*, h. e. *virentia* propter vicinas aquas; ut Serv. conf. Burm. et v. 676 *sistam*, vos ad eum deducam facili et expedita via, quales in Elysio omnino esse vias credere fas est. Anteit tum Musæus ipse; ubi ex summo collis vertice locum ostendisset, tum Æneas et Sibylla altera parte collis descendunt, discessu scilicet a Musæo facto, *campos nitentes*, pro amœnis nunc dixit. Sup. Georg. I, 153 de cultu dictum erat, *nitentia culta* et sæpe alii.

679 sqq. De occurso matris Ulyssis nonnulla in similem rationem sunt apud Homerum, Odys. A, 151 sqq.; sed locus hic de Anchisa præclare a Virgilio est tractatus. Artificium poetæ egregium in hoc, quod Anchises hoc ipso tempore in recensu ani-

marum in hanc vitam transitarum occupatus ab Ænea deprehenditur. Traduxit enim poeta et convertit in rem suam vetus illud philosophantium placitum, quo animæ jam ante vitæ hujus ingressum existere putantur. Jam iis certus locus erat assignandus, cui inclusæ essent; docendum porro, unde in eum locum essent deductæ. Ita opportunitas data mythis, partim ut locum accuratius declararet, partim ut statueret, animas eas jam antea humana corpora animasse, vitæque functas in ea loca descendisse. Atqui hic rursus nova conjectandi necessitas, quomodo animæ, corporis contagio contaminatæ, vitiis et erroribus liberari possint, aut iisdem in locis, aut antequam ea in loca pervenissent. 680. *inclusas*, collectas in hanc locum. vid. inf. 705 sqq. *Recolimus*, animo proprie præterita, hic v. 681 simpl. recensere, exquirere et addiscere futura

Fataque, fortunasque virum, moresque, manusque.
 Isque ubi tendentem adversum per gramina vidit
 Ænean, alacris palmas utrasque tetendit ; 685
 Effusæque genis lacrimæ ; et vox excidit ore :
 Venisti tandem, tuaque spectata parenti
 Vicit iter durum pietas ? datur ora tueri,
 Nate, tua ; et notas audire et reddere voces ?
 Sic equidem ducebam animo, rebarque futurum, 690
 Tempora dinumerans ; nec me mea cura fefellit.
 Quas ego te terras, et quanta per æquora vectum
 Accipio ! quantis jactatum, nate, periclis !
 Quam metui, ne quid Libyæ tibi regna nocerent !

683 *Factaque Frano. genusque* alios legere Pierius ad marginem notaverat, sed videtur ex emendatione profectum ; quia obscurius est, quid minus sit. 687 *expectata* antiquiorem quemque codicem exhibere, omnes fatentur ; adde Rom. et Vatic. fragm. et, licet recentiores, cum Erf. tres Goth. Nec aliter edd. veteres, et omnes Aldine, et inde propagatæ. Necdum mihi constat, unde vulgata *spectata* venerit. Passeratii codicem pro ea laudat Guellius. Propagata illa est per Dan. Heinsii edd., sed jam ante in edd. Plantiniani Pulmanni occurrit. Tuentur tamen eam viri docti, nec injuria, cum grammaticorum et librorum fraus in similibus locis, ubi de metri ratione solliciti erant, frequens sit. Interpretatur quoque eam Servius : probata, ut VIII, 151 *et rebus spectata juvenis*. Contra ipse quidem Æneas erat *expectatus* ; verum paullo durius *pietas* ejus *expectata* venisse diceretur. At, si *vicit* iter, accommodatius *spectata*. Schraderus in Emendatt. mss. conjiciebat : *tuaque, expectate parenti, Vicit*. Inf. VIII, 37 *O sate gens deum—Expectate solo Laurenti arvisque Latinis*. Et sup. II, 282 *quibus Hector ab oris Expectate venis. exoptata* Ven. *tandemque tuæ expectata p.* Comment. Cruqu. ad Horat. I Od. 23. *parentis Medie*. 690 *animum* Leid. a m. pr. *dicebam animo* conj. Heumanus pro *prædicebam*. Sed v. Burm., qui *ducere* ad calculos et rationes refert. Simpliciter *ducimus animo*, ut *agimus, agitamus, habemus*. 691 *denuerans* pr. Moret. *Temporaque numerans* alter. *annumerans* Menag. pr. *tua cura* Sprot. Sed Serv. *mea cura*, id est, o tu. Immo vero est spes, expectatio, sollicitudo. 692 *Quas e. per t.* Rom. cum aliis Pier., vel *Quas te ego per t.* Sed solenne est pronomen primo loco non poni. v. Benl. ad Horat. III Carm. 25, 2.

facta et res fortiter gestas. 683. *manus* seu virtutem seu facta intellige. Nam jejunum esset, de turba ac numero accipere.

687—694. *vicit iter* : pro : fecisti iter motus pietate, mihi jam probata. Nunc pietas vicit, effocit, ut iter inderetur etiam difficillimum. v. Var. Lect. 699. *Sic equidem ducebam animo*. Æneam vivum ad loca infera descensurum esse, Anchises jam ante prævidisse putandus ; nam idem

nocturnis monitis filii pietatem permoverat, ut ad se videndum descenderet. conf. VI, 115. 692. *Quas ego te terras*. Scilicet Anchises obierat in Sicilia anno sexto errorum ; inde Æneas in Africam dejectus, redux inde Siciliam iterum adierat, unde soluta classe nunc ad Cumas appulerat. cf. Exc. II, ad Æn. III. *Libyæ regna* ; justus de Didonis amoribus metus, ne iis ab Italia retineretur filius.

Ille autem: Tua me, genitor, tua tristis imago, 695
 Sæpius occurrens, hæc limina tendere adegit.
 Stant sale Tyrrheno classes. Da jungere dextram,
 Da, genitor; teque amplexu ne subtrahe nostro.
 Sic memorans largo fletu simul ora rigabat.
 Ter conatus ibi collo dare brachia circum; 700
 Ter frustra comprehensa manus effugit imago,
 Par levibus ventis, volucrique simillima somno.
 Interea videt Æneas in valle reducta
 Seclusum nemus, et virgulta sonantia silvis, 704

696 *adire coegit*, vulgaris ratio, occurrit in Goth. tert. et aliis ap. Pier. Heins. et Burn. cogit *adire* unus Moret. *adire adegit* Franc. 699 *Dic* Franc. *rigabant* aliquot Pier. 700 *dare collo* Montalb. 701 *conata* alter Hamb. a m. pr. *compressa* multi Burn. vid. II, 792, ubi iidem tres versus: cf. Georg. IV, 499. 702 *somnio* conj. Tan. Faber. Male conf. ibid. 703 *Præterea* Witt. *Æneas vidit* pr. Hamb. *vidit* etiam in aliis. v. *recepta* Menag. pr. v. inf. VIII, 609. 704 *Et clusum* Dorvill. *Reclusum* Rom. Mox libris optimis et vetustissimis insidet lectio *silva*, uti Medic. a m. pr. Gud. Rom. et aliis, et sic emendabat Benedictus in Jant. Possis itaque conjectare, lectionem antiquiorem fuisse sive illam, sive *silva*. *silvis* autem advenisse ex altero loco lib. III, 442 *Averna sonantia silvis*. Sed *silvis*, quod Medic. a m. sec. habet, ita ut Aproniana esse videatur lectio, auctoritatem facit Medicæus Pierii et fragm. Vatic.; adde binos e Goth.

696. *Sæpius o. v. c. sup. V, 731* sq. Nam semel memorari satis erat. cf. IV, 351.

701—703. Nota imitatio ex Odys. A, 303 sq. Iliad. Ψ, 100. Conf. Ge. IV, 499, et de Hercule simile quid apud Apollod. II, 5, 12, pag. 121. Adde, si tanti est, Jensii Obs. de Stilo Homer. p. 289.

703 sqq. Hæc jam manifeste ex Platoniciis mythis; quorum fundus in Pythagoreorum opinionibus substructus erat. Etsi enim opinio de reditu animarum in vitam communis antiquitati fuit, non ab una hypothesi, ut putatur, sed a variis illa argumentis et indiciiis docte indocteque petita (v. c. a mutuo interitu ortuque omnium rerum), aut in subsidium assumpta aliis doctrinis fulciendis: Platoni tamen, si non doctrina de subeundis ante transitum in novum

corpus inferis, quam et Ægyptii tenuere, ac de purgatione, quæ initiis ac *τελεταῖς* frequentata fuisse videtur, peculiaris tamen fuisse videtur illa doctrina de bibenda ante reditum Lethe. v. de Rep. X, pag. 765 Erf. p. 621. A. Steph. Ingeniosum utique commentum, cum nova vita, nova infantia, ineunda sit. Anterorem cum inversa facula nonnulli ad hoc ipsum dogma non male traduxerunt, etsi is proprie ad amoris oblivionem spectabat. v. Ovid. A. Remed. 551 sqq.

704. *virgulta sonantia silvis*. Inter plures modos, quibus accipias, probabilior est hic, ut sint diæta pro virgultis silvarum sonantibus, adeoque omnino, silvæ sonantes, vento motæ: ut XII, 522 sunt *virgulta sonantia lauro*. Paullo diverso modo dictum supra III, 442 *Averna sonantia silvis*,

Lethæumque, domos placidas qui prænatat, amnem.
 Hunc circum innumeræ gentes populique volabant ;
 Ac, veluti in pratis, ubi apes æstate serena
 Floribus insidunt variis, et candida circum
 Lilia funduntur, strepit omnis murmure campus.
 Horrescit visu subito, caussasque requirit 710
 Inscius Æneas, quæ sint ea flumina porro,
 Quive viri tanto complerint agmine ripas.
 Tum pater Anchises : Animæ, quibus altera fato

Estque ea doctior lectio : nam *virgulta sonantia silvis* nihil aliud sunt, quam *virgulta silvarum* s. e. adeoque simpliciter, *silvæ sonantes* sc. venti flatu. Minus bene constitutas v. s. *silvis*, h. e. silvarum, arborum strepitu, ut *rivis sonantes silvæ*, resonantes rivi strepitu sint. Ut vero hoc fieri possit, ut *sonent* seu strepant arbores, necesse est, Elysium auras suas et Zephyros habere ; de quo dubitari nequit ; præverat jam Homerus : 'Ἄλλ' αἰὲ Ζεφύρου etc. Od. Δ, 567. 568. Pind. Ol. B, 129 sq. Conf. ad Georg. IV, 484. Ad amnis strepitum referunt alii cum Servio : "*virgulta sonantia silvæ*, quæ est juxta præcepta fluminis." Atqui dices, Lethæ quietus et placidus amnis est. Roote ; nec tamen sive aliorum poetarum exemplo hoc fecisset poeta, qui et ipsi amnibus in locis inferis, palustribus etiam et arundinosis fluentis, strepitus tribuant. In his est Hermesianax, in versu a Ruhnkensio recens Epist. crit. II. p. 286. ubi v. doct. notam. Talis quoque Phlegethon sup. vss. 550. 551. Catrozi emendatio erat : *sonantia ripis*. saltem rivis conjectare debebat. 705 *Lethæum*, male pl. Est Ἀσδαίος v. o. Callim. in Del. 234 et sup. V, 854. Horat. Epod. 14, 3, ubi etiam male Lethæus. *domus* sec. Hamb. 706 *populique frequentes* Goth. tert., sed volabant adhæserat superiori versui. 707 *velut* Gud. et al. 708 *circu* Goth. tert., male. Nam *circumfunduntur*. 710 *visu* alter Hamb. *subito* visu Dorvill. 711 *sunt* aliquot Burm., sed recentiores. 712 *Quidve* aliquot Pieriani, alii *quique viri*, ut et in Hamb. pr. et Dorvill. lectum. *complerint* Pierius in nullo suo invenerat, sed *compleverint*, vel *complerent*. Eadem varietas apud Burm. Sed *complerint* fragm. Vatic. Medic.

h. e. silvæ circa Avernum sonantes. Habet autem Elysium suas auras, suos Zephyros ; v. Var. Lect. Jam porro 705 Lethæ in finibus Elysii, prænatat, præterfluit. Servius : "Eunium secutus est, qui ait : *fluctusque uatantes*." Paullo aliter : *campi natantes*, Ge. III, 198. *gentes* majus sunt : nam in gente populi : v. inf. X, 202. Gronov. ad Liv. V, 34. 35.

707—709. Optimum est statuere, illa : *strepit omnis murmure campus*, apodosin facere, et jungere : *Ac strepit omnis murmure campus* ex animarum discursatione, *veluti in pratis, ubi* &c. Ornata vero et suavis comparatio, ex Apollonio ducta loco cum hoc

omnino comparando lib. I, 879 sqq., etsi et illo adumbrato ex Homericō Iliad. B, 87 sqq. Cf. sup. I, 430 sq. Ge. IV, 188 sqq. 51 seqq. *strepit murmure campus* doctius quam vulgare, apes strepunt per campum. Mox 711. *porro* simpliciter potest jungi : *caussasque requirit porro*, vel *porro*, sc. rogat, quæ sint etc. Sed doctior ratio est : *quæ sint ea flumina porro*, πόρρω, h. e. πόρρω, πόρρωθεν παρὰ πόρον, longo inde cursu prætexentia campum. Minus bene Serv. et Cerda.

713. *altera corpora* : cum sint aliæ animæ, quæ prima vice corpus intrant, aliæ, corpore solutæ, et in loca

Corpora debentur, Lethæi ad fluminis undam
 Securos latices et longa oblivia potant. 715
 Has equidem memorare tibi atque ostendere coram,
 Jampridem hanc prolem cupio enumerare meorum;
 Quo magis Italia mecum lætere reperta.
 O pater, anne aliquas ad cælum hinc ire putandum est
 Sublimes animas, iterumque in tarda reverti 720
 Corpora? quæ lucis miseris tam dira cupido?
 Dicam equidem; nec te suspensum, nate, tenebo;
 Suscipit Anchises, atque ordine singula pandit.

Principio cælum ac terras, camposque liquentes,

714 *Lethæique* Zolich. v. ad 705. 715 *portant* Rom. 717 *prolem* hanc sec. Rottend. et Erf. *cupio prolem* hanc Goth. tert. *memorare* prior. *numerare* Menag. pr. *tuorum* Ven. et pro Var. Lect. pr. Rottend. Ceterum *juncturae* asperitas aliqua in v. 716. 717 inesse videtur. Puto a poeta scriptum fuisse: *Has—ostendere coram Jampridem*, ac *prolem cupio enumerare tuorum*. 718 *meum* omnes; olim tamen vulgatum erat *tandem*; Zolich. *nec non lætere*. Sane *lætere* potiore librorum habet auctoritatem, Medicei quoque a pr. m. cum aliis Pier. et Burm.; Romanus autem: *Quo magis Italiam mecum lætere repertam*. Erat is forte audiendus; sed retinere potest impetum fragm. Vatic. *Italiam mecum lætere reperta*, a pr. m. mox emendatum: *Italia et lætere*. 719 aliquos Rottend. a m. pr. hinc ad cælum Menag. pr. est abest a binis Burmann. 720 in tarda retraxit Burmannus ratione et Pier. libb. auctoritate. Valgo ad t., quod Vatic. cum fragm. Vatic. et Medic. tumentur. 721 *miseræ* Menag. pr. *quæ miseris lucis* Witt. est addunt in fine nonnulli Pier. et Burm. et fragm. Vatic. a m. pr. 722 *suspectum* Goth. tert. 723 *suscepit* multi vitiose, ex more; etiam Ald. pr., sed emendatum in Ald. 1505, et a Benedicto in Junt. Est *ἐπολαύσαντι*. 724 ac deest binis Burmann. et Goth. tert. terram Rom. et God. cum Goth. sec. et fragm. Vatic. a m. pr., at cf. Georg. IV, 221 *Terrasque tractusque maris. terras cælumque profundum* Donat. ad Terent., *memoriter*. v. Burm.

infera deductæ, quæ posthæc purgatæ in novum corpus intrare coguntur: nunc de altero hoc genere est cogitandum. 714. *ad undam*: latices potant, ad amnem, in litore, constitutæ, procumbentes. Dictum *ἰναγυῖαν*, quam simpl. bibunt Lethen. 715. *securus*, ab effectu, ut *morbos pallidos* dicunt. Serv. nam ex oblivione malorum tranquillitas oritur; cujus comes securitas. 716. conf. sup. V, 737 *Tum genus omne tuum* etc. *Italia reperta* h. e. accessu ad Italiam; post longos sc. errores.

719 sqq. Inest nescio quæ vis et *δυσωρε* eximia in hac Æneæ ora-

tione cum indignatione aliqua rogantis; suavitas autem tanto major, si Homericæ Achillis (Odys. A, 487) indignum vitæ amorem memineras. Vides in hoc quoque progressum philosophiæ factum inde ab Homericæ ætate. *ire sublimes*, redire, *ad cælum*, h. e. ad vitam. Sic jam supra; *ad auras superas*, et alibi.

724 sqq. De toto hoc illustri loco, in quo fere Interpretum subtilitatem desideres, Servius vero neoplatonicas argutias affert, partim et grammaticas iungas, v. Excurs. XII. Hic verba interpretanda sunt. *Spiritus et mens*; ut *ψυχὴ* et *νοῦς*, h. e. anima mundi,

Lucentemque globum Lunæ, Titaniaque astra, 725
 Spiritus intus alit, totamque infusa per artus
 Mens agitat molem, et magno se corpore miscet.
 Inde hominum pecudumque genus, vitæque volantum,
 Et quæ marmoreo fert monstra sub æquore pontus.
 Igneus est ollis vigor et cœlestis origo 730

725 *Ingentemque g.* Medic. a m. pr. et Colot. *Tithonia* Goth. tert. Aut Solem in Titanis astris latere aut *Titanaque et astra* legendum, contendit Trappius, sed v. Not. 726 *tutamque in fuca* fragm. Vatio. a m. pr. *effusa* Leid. an. *infusa* partus Goth. tert. 727 *miscet se corpore* nihil aliud est quam forma loquendi doctior pro vulgari, *miscet se corpori*. 728 *Hinc* ap. Serv. *volucrum* Goth. sec. cum Rom. 730 *ollis* ed. Commelin. *illis* duo apud Burmann. cum ed. Ven. c. *imago* Goth. sec.

quæ omnia permeat; cumque universum semel sub corporis specie representasset, recte pro partibus artus posuit; Sic de Terra Ge. II, 325—327. Commentarii loco esse possunt Ciceronis versus ex Consulatu, lib. II, in de Div. I, 11. Comparant alii Iliad. 2, 483—485. *cælum* pro aere dictum vix dubites; et *campos liquentes*, pro mari, ut, æquor aquarum. In quarto tamen elemento extendendo laborarunt Grammatici. Docta ex vet. comment. servata nota est apud Pomponium, ubi inter alia: "Ridiculum est intelligere cælum pro duplici elemento, id est aere et æthere. Æmilius Asper cum hunc locum annotaret, sic ait: "Membra naturæ sic solet jungere Virgilius, ut in tria dividat, nam et alibi: *maria ac terras cælumque profundum*; Ennium secutus, qui ait: Qui tuo lumine mare, terram, cælum, continet." *Titania astra*. Ex iis, quæ apud Diodorum exponuntur (altero loco V, 66 fabula Cretica, altero III, 57 Libyca), nihil facile huc revocari potest; nec, sidera ad Titanes referri, scriptorum usu est cognitum. Igitur Servius sequendus, qui altero loco Solem interpretatur. Dictum scilicet poetico more pro, *astrum Titanium*,

h. e. Titan, Hyperion seu Sol, ut IV, 119. Titania Luna vel Diana sæpius occurrit, Apollonii exemplo: *Τιτανίς* lib. IV, 54, ubi v. Schol. 727. *magno se corpore miscet* dictum doctius quam corpori miscetur, inditur: per totum mundum didita est anima mundi.

728 sq. Inde ex hac Mente Mundi omnia, homines, pecudes, alites, aquatilia, sunt, h. e. animam et vitam habent. conf. Ge. IV, 218—226 *His quidam signis* etc. *Deum namque ire per omnes Terrasque tractusque maris cælumque profundum, Hinc—Quemque sibi tenues nascentem arcessere vitas*. Novus usus vocis est *æquor marmoreum*, resplendens a sole ex Homero *ἄλα μαρμαρήν* Iliad. 2, 273. Unde et *marmor* pro mari ut Ge. I, 254. Verum in hoc præverant jam Lucret. et Catull. *marmoream cervicem* dixerat Ge. IV, 523 ubi v. notam.

730—734. *Illis seminibus*, h. e. his animabus ex anima mundi, tanquam ex igni scintillæ, petitis, et in humanum corpus tractis, inest ignea vis (qualis ætheris est) et ætherea natura. Verba etiam Stoica disciplina frequentata. Nam Zenoni *Νοῦς κόσμου πνεῦνός*, et Posidonio *πνεῦμα νοῦ*

Seminibus, quantum non noxia corpora tardant,
 Terrenique hebetant artus, moribundaque membra.
 Hinc metuunt, cupiuntque; dolent, gaudentque;
 neque auras

Dispiciunt clausæ tenebris et carcere cæco.

Quin et, supremo quum lumine vita reliquit, 735

731 corpora noxia plurimi Burmann. tardent qu. Moret. 732 Terrenique fragm. Vatic. 733 Hinc m. cupiunt gaudentque dolentque Macrob. in So. Sc. 8 et sec. Rottend. neque Heins. e codd. Vulgo nec, quod tamen Rom. tuetur. neque miras Medic. a m. pr. 734 Dispiciunt præclare Heins. restituit e Gud. a m. pr. Voss. binisque Rottend. (vid. sup. ad II Georg. 187. Alius dixisset, Prospiciunt.) Eodem ducunt Medic. cum aliis Heins., Romanus cum aliis Pier.; adde fragm. Vatic. et binos Goth., qui omnes Dispiciunt exhibent. Respiciunt ceteri cum edd. antiquioribus, ut Aldd. Cômme. Suspiciunt ed. Mediol. Mox clusæ fragm. Vatic., quod aliis locis Heinsius secutus est. 735 supremum cum lumen Montalb. et tert. Rottend., non male, limine pr. Hamb. pro Var. L., item Servius. relinquit aliquot Burmann. et fragm. Vatic. a m. pr.

πὸν καὶ πυρῶδες, cuius scintillæ et ἀποσπάσματα ac σπέρματα sunt animæ. Res ipsa jam Pythagoreorum placitis continebatur. cf. Bruckeri *Hist. crit. Philos.* T. I, p. 948 sq. (et qui nunc post illum superioribus annis maiore subtilitate eadem persecuti sunt, Meiners et Tiedemann). Ornatus valde locus. noxia corpora, præclare, quandoquidem vim divinæ flammæ obtundit terrestris natura corporis. moribunda, pro vulgari, mortalia. Hinc metuunt cupiuntque, a corporis contagio animorum perturbationes et cupiditates proficiscuntur, ex bonis malisque opinatis. conf. Serv. Porro corporis tanquam carcere inclusæ lucem non dispiciunt, prospiciunt, ornate pro, carcere includuntur. Nam corpus vinculis animi tenebrisque assimilatur, quibus ille offuscatur, et a libera rerum contemplatione retrahitur. Cic. So. Scip. sub f. *Sunt optimæ curæ de salute patriæ; quibus agitata et exercitatus animus velocius in hanc sedem et domum suam pervolabit, idque ocus faciet, si jam tum, cum erit inclusus in corpore, eminebit foras, et ea, quæ extra erunt, contemplans,*

quam maxime se a corpore abstrahet. Observa quod ad clausæ 734 subjectum paullo longius repetendum est ex 720 animæ: cum intervenissent jam semina 730. 1.

735—739. Adeo materiæ, terrestris corporis, sordes inolescunt animabus, ut iis ne dissolutis quidem a corpore elui illæ facile possint. Itaque purgationes fiunt operosæ aqua, aere, igni, in locis inferis. Ornato autem omnia. Contagium corporis dictum, malum, corporeæ pestes, vetera mala, scelus; intelligendæ autem perturbationes et cupiditates (v. 733), iræ, metus, tristitiæ et sic porro. Secundum semel institutam rei adumbrationem iidem animorum dicuntur esse morbi, seu labes, sordes, maculæ, κηλίδες, ulcera, cicatrices, μώλωπες, οὐλαί, στίγματα; hinc suavis ille mythus seu involutum fabulosa narratione philosophema apud Platon. Gorg. extr. p. 356. 357 de animabus coram Rhadamantho nudandis; quo Plutarch. de his, qui sero a num. pun. T. II, p. 564. 565 et Lucianus aliquoties felicissime usus est, Noster autem poeta cum semel per

Non tamen omne malum miseris, nec funditus omnes
 Corporeæ excedunt pestes; penitusque necesse est
 Multa diu concreta modis inolescere miris.
 Ergo exercentur pœnis, veterumque malorum
 Supplicia expendunt. Aliæ panduntur inanes 740
 Suspensæ ad ventos; aliis sub gurgite vasto
 Infectum eluitur scelus, aut exuritur igni;
 Quisque suos, patimur, Manes; exinde per amplum

736 *Nec tamen Menag. pr.* 737 *excidunt Ald. pr., at corr. in sec. est deest Sprot.* 738 *diu conjuncta Oudart. inolescere. Fea Saggio di nuove Illustraz. p. 127. em. abolere: cum nec ipse doctrinam poetæ satis assequeretur. Idem e Cod. biblioth. Casinensis landat, mollescere.* 740 *penduntur Dorvill.* 742 *Infectum Serv. ad II Georg. 789.* 743 *patitur et mittitur tres ap. Barm. patitur etiam Erf. Ut nunc versus se ordine excipiant, aut nova in Elysio fit aut inchoata ante animarum purgatio in Elysio absolvitur; quod omnino novum est et insolens. Nam, si vss. 743. 744 jam peracta purgatione in Elysium missæ sunt animæ, quomodo iterum v. 745 sequi potest: Donec longa dies etc. hoc est, donec purgati fuerint? Itaque suspicari licet versus esse transpositos; et retrahendos vss. 745—747 ante 743, ut a Virgilio versus hoc ordine perfecti sint: aut exuritur igni: Donec longa dies perfecto temporis orbe Concretam exemit labem, purumque reliquit Ætherium sensum atque aurai simplicis ignem. Quisque suos patimur Manes. Transpositionem quoque admisit et recepit Editor Parmensis. Difficultatem in oratione poetæ vidit quoque doctissimus Jortinus; sed vix expedisse videri potest pag. 266 sqq. In ipsam autem transponendi rationem incidisse quoque Trappium nunc deprehendo; ut tamen nec efficiat, in quo conficiendo laborat. Enimvero, quo curatius hunc locum inspicio, eo manifestius mihi fit, versus esse seu a poeta nondum expolitos nec in suum numerum et ordinem redactos, seu, quod multo magis probabile, supposititios et e margine illatos 743. 744 Quisque suos patimur Manes: exinde per amplum*

sordes et maculas animorum vitia et cupiditates animales designasset, commendationem earum per *purgationis* genus bene exhibuit, cui jam in sacris et initiis assueti erant veterum hominum animi. Eadem purgatio mox designatur per *pœnas, supplicia*, vel Platonis auctoritate in Gorgia I. c. quod non observatum misere vexavit Intpp. At v. 738 inversa est oratio. Debebat sequi: *nec excedunt, sed penitus inoluerunt, concreverunt*; unde 746 *concreta labes*, quæ eluitur et exuritur 742. Hoc ita extulit: nec mirum est, seu, *necesse est, multa, multum vitii, diu*, per tam longum vitæ tempus, *concreta inolescere penitus modis miris*.

740—743. A sollennibus purga-

tionum et lustrationum ritibus. Fiebat enim lustratio aere, aqua, igni. Nec aliter sermone humano efferri animarum purgatio poterat, ne a philosophis quidem subtilioribus, si fuerunt forte, qui animo corpusculum suum detractum esse aut cum sine corpore superstitem cogitatione assequi vellent; quod dubito. Purgationem animarum in sole et sideribus fieri, statuisse Ægyptios, viri docti passim aiunt; vide Moshem, ad Cudworth. pag. 366. Sed ex loco Porphyrii de abst. IV, 10, testis per se parum idonei; nisi talem opinionem jam animo attuleris, id non facile elicias.

743. 744. *Quisque suos patimur Manes*. Vexatus locus. Simplicissi-

Mittimur Elysium, et pauci læta arva tenemus :

Mittimur Elysium et pauci læta arva tenemus. Nam primo sententiam interpellant et jurgulant; tum sensum idoneum non habent; tertio a poetæ mente sunt alieni: si jam ante purgati erant, purgati que mittantur in Elysium, quorsum in hoc Elysio tempus longum exigunt animæ, ut purgentur? De loco purgationis in inferis nihil poeta monuit; nec tamen inde in Elysium, sed ad Lethen animas mitti ipse profitetur v. 748. Nec attigit poeta alterum illud philosophema, quo migrationi animarum finis tandem ita statuitur, ut eæ, quæ post plures migrationes et purgationes perfectam puritatem consecutæ fuerint, aut Elysio aut Olympo assignentur in perpetuum. Antiquum tamen emblemata esse, Ausonii testatur locus, quo h. l. amulatur.

ma tamen est ratio: patimur supplicia hæc omnes, non quidem quales nunc sumus, animæ corpori inclusæ, sed quoad (κατά) suos quisque Manes; pro vulgari: nostrum omnium Manes patiuntur; omnibus Manibus ista patienda sunt. Nam purgatio ista subeunda est omnibus. Soli ad inferos perveniunt Manes; hi sunt, qui purgantur; qui patiuntur, h. e. subeunt, pro sua cujusque parte, purgationes illas tormentorum similes. Firmat quoque hanc rationem, id quod non viderint, qui eundem locum laudant, Apuleius Florid. lib. II, pag. 231 Colu. de Pythagora: *Brachmanæ autem pleraque philosophiæ ejus contulerunt: quæ mentium documenta corporumque exercitamenta, quot partes animi, quot vices vitæ; quæ diis Manibus pro merito suo cuique tormenta vel præmia.* Quo loco nihil ad rem disertius esse potest. Manes pro suppliciis ac poenis vulgo accipiunt: qua ratione aut analogia, non video; si vel maxime dixerò: Manes dici pro conditione, qua sunt Manes; etsi sic Ausonius (quanquam mihi non satis exploratum hoc) videri potest et ipse interpretatus esse, imitatus versum hunc in Ephemer. 57: *si ponit, atque sensus Formido exerceat, tormenta que sera gehennæ Anticipat, patiturque suos mens saucia Manes.* Etiam Statii versum, ubi Pluto ad Amphiarum VIII, 84 *At tibi quos, inquit, Manes? qui limite præceps Non*

licito per inane ruis, ita interpretantur cum Lutatio, ut sint poenæ. At potest aliis quoque modis suppleri: quos Manes adire animus fuit tibi? Et statim v. 90. 91 *sanctis Manibus* vulgari sensu iterum dictum. Sancti interpretatio in Minerva pag. 825. 826, ut, quemadmodum mali patiuntur Lemures et Larvas eorum, quos læserunt vel necarunt, sic boni patiantur proprios Manes, contorta est. Cerda *pati Manes* dictum vult, ut, *pati Furias.* Sed hoc nihil expedit, nec si deos inferos omnino esse h. l. dixeris Manes, ut Ge. IV, 489 et alibi. *Pati aliquem,* pati deos, Manes; vix Latine dicitur; puella patitur virum longe alio modo. Ad duos Genios, qui homini adsunt, referebat altero loco Servius; sed alienum id ab h. l. Melius Ruæus daemonas huc vocat ex Platone (v. c. in Phædone p. 80 B. Frf.); sed nusquam ab hoc memorari video, cruciatum animabus inferri ab ullo dæmone. Valer. Fl. III, 389, qui hunc locum ante oculos habuit, interpretationem in neutram partem inflectit; nam aliam plane ille rationem iniit: Animæ violenta morte vita expulsæ ap. Plutonium de injuria conqueruntur; tum illæ una Furiarum comite addita redeunt, ut a sontibus poenas expetant: *Quisque suos sontes inimicaque pectora penis Implicat; et varia meritis formidine pulsant.* 744. *per Elysium,* h. e. ad. Alii, et sic jam Cerda, distinguunt

Donec longa dies, perfecto temporis orbe, 745
 Concretam exemit labem, purumque reliquit
 Ætherium sensum, atque aurai simplicis ignem.
 Has omnes, ubi mille rotam volvere per annos,
 Lethæum ad fluvium deus evocat agmine magno :
 Scilicet immemores supera ut convexa revisant, 750
 Rursus et incipiant in corpora velle reverti.

746 *tabem* Rom., nec hoc male *relinquit* fragm. Vatic. Medic. cum aliis. 747 *aure* omnes fere codd. Heins. et Pier. et fragm. Vatic. Sed Valer. Probus inter quatuor locos refert, in quibus antiqua illa forma Virgilio placuerit. *ignes* Goth. tert. 748 *rotas* Metag. pr. *rotam* *evolvere* Parrhas. Jo. Schrader. conj. *rotæ*, ut sint tormenta, v. Not. 749 *Lethæum* Rom., vid. sup. ad v. 705. *flumen* duo Barm. 750 *superum* ed. Ven. et Dorvill., eo alludunt aliquot Pier. *supera* in c. Interpungit Wakefield : *deus evocat agmine magno Scilicet* ; Et mox ut *convexa revisant Rursus*, et i. In altero hoc assentior. 751 *incipiunt* ed. Ven. *incipient* Lutat. ad Stat. VII Theb. 92.

lata arva ab *Elysio* ; sed perpetuo usu loquendi de eodem loco hæc dicta inveniuntur. Itaque nec Jortino accedere possum p. 262 sq.

745—747. Igitur aut nova in Elysio fit aut inchoata ante purgatio animarum in Elysio absolvitur ; sed v. Var. Lect. ad 743. *perfecto temporis orbe*, definitum post tempus, h. e. mille annos. *purum ætherium sensum*, mentem illam (*sensus* pro perceptione et iudicio animi et hinc pro animo) ex æthere deductam, cumque idem æther sit ignis purissimus, explicative subjicit : *atque aurai simplicis ignem*. De igni *auram* proprie dici, ut de luce, supra vidimus. Itaque anima tandem ad pristinam puritatem ætheream restituitur.

748—751. *ubi mille rotam volvere per annos*. De sensu constat ex v. 745 *perfecto temporis orbe*. Verba ex vulgari ratione sic constituerentur : *ubi mille annorum rota voluta*, h. e. circumactus orbis est. *Rotam* dixit absolute pro orbis, κύκλος. Annorum volubilitatem interpretatur Servius, et Ennianum esse monet. *volvere rotam*, est, exegerunt animæ tempus in or-

bem rediens. Non minus ornate in similem modum Cic. in So. Scip. 2 cum *atas tua septenos octies solis anfractus reditusque converterit*. Mille annos a Platone sumsit de Rep. X, p. 761 Ed. Frf., p. 615 A. ed. Steph. ubi *ποπύλα χυδαίτης* animarum iniustarum subter terram, quasi in poenam decupli ; it. in Phædro p. 1223 D. In *lustra* annos mutavit Silius XIII, 558 *Hac* (decima *porta*) *anima cælum repetunt, ac mille peractis, Oblitæ Ditem, redeunt in corpora lustris*. Omnino *multa sæcula* memoravit Cic. in So. Scip. sub f. loco jam a Cerda excitato. Pindarus *novem annos* finierat in præclaro fragm. ap. Platonem Menon. p. 415 B. Frf. Animam ait non interire, sed tantum mori ac reviviscere ; sancte itaque esse vivendum : οἷσι γὰρ ἂν (h. e. ἀφ' ὧν) φερσέφονα ποινὰν παλαιῶν πένθειος (h. e. κακοῦ, idem est *vetus malum* Maronis, *corporea pestis* seu, morbus) ὀϊζεῖται, εἰς τὸν ὑπερθεὶν ἄλιον (ad *superas auras*, ad *cælum*, h. e. in vitam) κείνων ἐνθάτῳ ἔτεϊ ἀνδιδέοι ψυχὰν πάλιν—ἴκ τῶν βασιλῆες ἀγανοὶ καὶ σθένει κραιπνοὶ σοφία τε μέγιστοι ἄνδρες αὖθις γαίᾳ, ἐξ εἰ

Dixerat Anchises; natumque unaque Sibyllam
 Conventus trahit in medios, turbamque sonantem;
 Et tumultum capit, unde omnes longo ordine possit
 Adversos legere, et venientum discere vultus. 755

Nunc age, Dardaniam prolem quæ deinde sequatur
 Gloria, qui maneant Itala de gente nepotes,
 Illustres animas, nostrumque in nomen ituras,
 Expediam dictis, et te tua fata docebo.

754 posset multi Pier. etiam Rom. et Heins. cum Medic., sed fragm. Vatic. possit. Apud Nonium possent. Parrhas. posset ordine circum. 755 Adversus Montalb., dum interpolator animas cogitabat, adversus fragm. Vatic. poscere v. ed. Ven., male. discere est cognoscere, vultum Zulich. 758 et nostrum nomen sec. Moret. ituros alter Hamb.

τὸν λοιπὸν χρόνον ἥρωες ἄγνοι πρὸς ἀνθρώπων καλεῦνται. Idem in Olymp. II, 123 eos, qui vitam ter exegissent sic, ut justitiam colerent, ad Beatam insulam deferri narraverat. Ter mille annis circuitum animarum fieri per animalium corpora, statuerant Ægyptii ex Herodoti fide lib. II, 123, quod tamen dogma tantum ad animas spectare potuit, sceleribus ac vitiis inquinatas et contaminatas. Nec sane potuit in mythis his ulla esse constantia: e re nata fingeat unusquisque consentanea. Ceterum inter hæc meminisse juvat, quam bene in Messiadæ animarum jamjam in vitam proditurarum sors, sedes, facta, dicta ad puriorem de anima humana sapientiam attemperata sint sub fin. lib. I et al., ut VIII. *deus evocat*, non hic de Mercurio agitur; quod putant Intpp., sed est ὁ δαίμων, indefinite. vid. Plato de Rep. X, p. 765 E.

752 sqq. De invento hujus animarum, quæ in nova corpora transituræ sunt, recensens ad futurarum ætatum res exponendas vid. Excurs. ad h. l. num illæ sint prima vice corpora subituræ an jam ante vixerint, nuncque in corpora redituræ sint, non

diserto pronuntiat; verum ex hoc altero eas genere esse, ex ante dictis ab eo colligitur. 752—755. Ornate singula. *conventus in medios* in mediam turbam. *sonantem*, de strepitu, ex Od. Ω, 5 *ταὶ δὲ τριζούσαι ἔποντο*, cf. Horat. I Serm. 8, 41, et sup. v. 707 sq. *adversos* ornat epitheton. Scilicet ex adverso incedentes animas *legit*, recenset, cognoscit.

756—759. Enarrabo clara facta et fata posterorum tuorum. *nepotes—animas*—enarrabo. *qui maneant*, expectandi sint, *nepotes Itala de gente*, de nova stirpe in Latio ex Lavinia suscipienda. *nostrum in nomen ituras*, pro vulgari, futuras ex nostra gente. Sic *irē* sæpe et *ἐρχομαι*. Quod autem Anchises hæc exponere et futuras res prædicere potest, ad divinandum munus pertinet, quod ille a Venere acceperat. vid. sup. ad lib. II Excurs. XVII, ubi de Anchise agitur. Ceterum ex Serviana nota hæc apponemus: "*Cetera, quæ hic intermixta sunt, in ἀσπίδοποιῶν commemorat.*" (lib. VIII, 628 seqq., et hac de causa multa utique poetæ in hoc recensu prætermittenda fuere, ne his eadem afferret). unde etiam in antiquis inve-

Ille, vides, pura juvenis qui nititur hasta, 760
 Proxima sorte tenet lucis loca; primus ad auras
 Ætherias Italo commixtus sanguine surget
 Silvius, Albanum nomen, tua postuma proles:
 Quem tibi longævo serum Lavinia conjux
 Educet silvis regem, regumque parentem: 765
 Unde genus Longa nostrum dominabitur Alba.
 Proximus ille Procas, Trojanæ gloria gentis,

760 *Ille, vides*. Potest quoque scribi: *Ille, vides? p. juvenis pura* Dorvill. 761
luci Heins. malebat; ut sit, vitæ mox ipsi reddendæ; non video quid intersit. 762
Italo mixtus de s. antiqui codd. ap. Pier. surgit Medic. 763 *postuma* male scriptum
 et hic in Gothais. *postumia* Franc., inepte. Piget in his morari. 764 *serum* Rom.
 765 *Educit* Medio. *Educet* in s. alter Hamb. et Goth. tert., idem cum pr. *parentum*.
 766 *nostrum longa* tres Heins. 767 *Procas* aliquot apud Burmann., indocte. Etiam
Proca legitur.

nimus, opus hoc appellatum esse non
Æneidem; sed Gesta populi Roma-
ni; quod ideo mutatum est, quia no-
men non a parte, sed a toto debet dari.
 Fuere adeo in secta eorum, qui in
 honorem nominis Romani carmen
 scriptum narrabant, nonnulli epicæ
 poetices tam ignari, ut historiæ Roma-
 næ corpus aliquod in eo quærerent.

760—766. Gens Julia ab Ascanio
 seu Iulo ducta, qui patri successit et
 Albam Longam condidit. cf. sup.
Æn. I. 267 sq., sed reges Albani a
 Silvio, qui ex Lavinia postumus Æ-
 neæ natus erat. Hæc est fama, quam
 h. l. poeta sequitur. Alii Ascanii fi-
 lium et successorem Silvium faciunt.
 Alii aliter tradunt. v. Liv. I. 3. Vi-
 ctor O. G. R. 16. 17. Dionys. Halic.
 I. 70. Ovid. IV Fast. 40, et Serv. ad
 h. l. conf. Exc. III ad lib. XII *Æn.*
 Fabulæ de Silvio in silvis educto lo-
 cum fecisse videtur nomen ipsum, uti
 fabulis de Romulo et Remo ficus Ru-
 minalis et similitudo vocis *ruminis*,
 hoc est, mammæ. *hastam puram*, ἡ δὲ
 ἀσπίς, idem quod antiquioribus
 sceptrum, regum et heroum insigne

vel ex Homero notum. cf. Cerda.
Albanum nomen, h. e. Albarius, Al-
 bæ Longæ rex. Nec male tamen
 sic accipias: nomine inter Albanos
 domestico appellatus Silvius. Quo
 ducere potest Livius ibid. *mansit Sil-*
vius postea omnibus cognomen, qui Al-
bæ regnarunt. Argutias vet. Gram-
 maticorum super *postuma proles* vid.
 apud Gell. II, 16 et Cerdam. Alia
 est subtilitas Servii et ceterorum in
longævo, quia Æneas annis fatalibus
 nondum expletis perit, esse debere
 dictum pro *deo*, cujus ævum, h. e.
 æternitas, proprium sit. Enimvero
 potest aliquis senex esse et jam se-
 nex factus liberos suscipere, et senex
 violenta morte perire.

767—772. Nec omnes Albanorum
 reges, nec ordine suo recitat. v. Auctt.
 laud. plures tamen, quam recte fieri
 putes, quippe obscuræ plerosque aut
 nullius famæ; cum properare debe-
 ret ad claros viros seniorum reipu-
 blicæ temporum. At vide poetæ judi-
 cium qui ipsa antiquitate nominum
 se carmini dignitatem et gravitatem
 parare bene intelligebat; altius in

Et Capys, et Numitor, et qui te nomine reddet
 Silvius Æneas, pariter pietate vel armis
 Egregius, si unquam regnandam acceperit Albam. 770
 Qui juvenes quantas ostendant, adspice, vires!
 At, qui umbrata gerunt civili tempora, quercu,
 Hi tibi Nomentum, et Gabios, urbemque Fidenam,

768 reddat Rom. pr. Moret. et pr. Hamb. 769 Versus in altero Mentelii a pr. m. aberat: et cum supra v. 403 idem fere occurrat: *Troius Æneas pietate insignis et armis*, suspicari aliquem posse ait Burm., an hic versus h. l. ab aliena manu accesserit; et salvo sensu eum abesse posse. Mihi abesse non posse videtur; quorsum enim *Egregius* referatur? vel h. l. conjunctivum est, ut et alibi, et ne fraus fiat lectori, pariter additum. ut *armis* Goth. sec., sed ex *vel* sæpe ut factum. 771 juvenis Medic. ostendent Ven. ostendant Priscianus et Zulich. a m. pr. Interpungit Wakefield: *Qui juvenes! quantas—vires!* 772 Legebatur *Atque umbrata gerunt civili tempora quercu.* Hi tibi N. Ita hoc versu nihil potest esse jejunius. Atqui Aldd. pr., mutatum in tertia a Naugerio in *Atque.* Atqui inter codd. Reg., et sic legendum monet Fabric. *At qui divulsis syllabis* vet. edd., quas Pier. et Cerda sequuntur cum D. Heins., ut jungatur versus cum seqq. *At qui gerunt—quercu, Hi tibi.* Præferam id saltem vulgatæ rationi. v. Nota. Omnes tamen Codd. Pier. et Heins. *Atque*, quod pari modo jejune positum offendeat nos supra IV, 261: Porro *gerit* a pr. m. Medic. *gerant* Moret. sec. et Parrhas. *tegunt.* Bigot. 773 *Numentum* duo apud Burm., unus *Numantum.* Porro primam in *Fidenam*, quam exquisitè dixit pro *Fidenis* ex Gr. *Φιδην*, a Virgilio corripit, quæ ab Horatio aliis-que producatur, notatum a Grammaticis est.

animum descendunt et potentius movent ea, quæ antiquiora sunt. Ad poeticam vim magis opportunum nomen est in nostris carminibus. Arminii, quam ullius fortis viri sequiorum temporum; nisi quod inter sequiora recentissima quæque animos validissime feriant, *proximus* ergo, qui adstat. Meminit Capys, quod Capys Assaraci f. Æneæ fuerat avus. Itaque Anchises reficit in hoc gratam patris sui memoriam. *Procas Trojana gloria g.*, ut Homero *πῦρ κῆδος Ἀχαιῶν*. 770. *si unquam.* Servavit illustrationem ex antiquioribus Servius: *Recepit autem a tutore, qui ejus invasit imperium: quod ei vix anno quinquagesimo tertio restituit. Et rem plenam historię per transitum tetigit.* 771. *ostendant vires*, sunt viri fortes, forti et valido corpore animi virtutem proidentes. 772. Qui memorati adhuc

fuerant, erant rebus bello-gestis clari: qui sequuntur, artibus pacis: quæ declarantur per colonias deductas et novas urbes conditas. Itaque coronis civicis illi insignes prodeunt. Coronam civicam, hoc est, querceam, gestant, scil. ob cives servatos, et de rep. bene meriti. *umbrata*; præiverat Lucret. II, 628 *ninguntque rosarum Floribus*, umbrantes *Matrem comitumque catervas.*

773—777. Ab Alba Longa XXX colonias in Latio et extra Latium deductas esse ex Dionysio novimus lib. III, 31, p. 172, plerasque saltem novis colonis frequentatas, ut Ryckium quoque monuisse video in Diss. de pr. Ital. col. p. 455, quemvide. Liv. I, 3 *Ab eo* (Latino Silvio) *coloniæ aliquot deductæ, Prisci Latini appellati.* Et Victor O. G. R. c. 17 *Igitur regnante Latino Silvio coloniæ deductæ sunt Præneste, Tibur, Gabii, Tuscu-*

Hi Collatinas imponent montibus arces,

Laude pudicitiae celebres, addentque superbos 775

Pometios, Castrumque Inui, Bolamque, Coramque.

Hæc tum nomina erunt, nunc sunt sine nomine terræ.

Quin et avo comitem sese Mavortius addet

Romulus; Assaraci quem sanguinis Ilia mater

774 Hinc Erf. mentibus Goth. tert. manibus Rottend. tert. et Exc. Barm. imponunt pr. Morel. 775 Cur hic versus non ejectus sit ab Heinsio, mirari licet. Occurrit in nullo codice nec in edd. vet., et illatus esse dicitur a D. L. Fabricio Lampugnano I. C. V. Mediolanensi. Nunc, ne versuum numerus deminutus turbas faciat, minore cum incommodo in sede maneto, sed notatus. 776 Pometios correxerunt jam Pier. et Fabric. Vulgo vitiose Pomerios. In Goth. tert. Pometicos. Mox aberratur varie: castrumque Nini. Borumque. Volamq. Bulamq. Coramq. Corasq. 777 nec sunt alter Menag., male. s. n. gentes Medio. a m. pr., et sic Colot., quod probat Heius., equidem improbandum censeo vel maxime. Nam, primum terræ docte poetis ponantur, ubi vulgaris oratio gentes postulat; tum ne gentes quidem recte h. l. dicentur; non enim populi sed urbes enarratæ fuerunt; et his bene respondet terræ, quibus aliquando imponentur. 778 Mavertius Witt. sese addet, ut nunc legitur, erit: una cum ipso in vitam prodibit, suo scilicet tempore. Sed melius puto legi: addit; una cum patre incedebat anima Romuli. cf. 754. 755 et inf. 864. Et est ed. Ven., quæ hoc exhibeat. Transpositi porro versus 778 et 777 in Goth. pr. et tert.

lum, Cora, Pometia, Locri (vitiosum, f. Corioli, v. Dionys. V, 61. Plin. III, 5 s. 9), Crustumium, Cameria, Bovilla, ceteraque oppida circumquaque. Nomentum quidem, et Fidena cum Crustumio tres fratres conditores habuere. Dionys. II, 53, p. 116, idque multis annis ante Romam conditam; ibid. lib. II, 36 (p. 104) Gabii inter Latinos, ibid. V, 61 et Albæ Longæ colonia IV, 53. Collatia in iis collibus sita, qui inter viam Prænestinam et lævam Anienis ripam visuntur, v. Cluver. Ital. ant. pag. 663. Pometii, s. Pomentini, eorumque urbs Suessa Pometia, communi scriptorum consensu Volscorum, non Latinorum nomini accensentur. Itaque Cluverius pag. 1018. p. 1024 lib. III, 1 et 8 aliique Virgilium poetica licentia in hoc usum esse omninoque vetus Latium finibus latioribus ad Circeios usque ex sequiore ævo definiisse. Livio sane lib. II, 16 duæ coloniae Latinae (jure Latii Roma de-

ductæ) Pometia et Cora. Enimvero, etsi Volscorum facta est urbs Suessa una cum Cora, tamen urbes inter Latinas eam aliquando fuisse dubitari nequit. vid. Plin. III, 5 s. 9. Latet inter nomina populorum foederi adscriptorum apud Dionys. V, 61 Βοιωβερτάνων sunt Πωπερτίων, Κόρρων pro Κοπάων. Castrum Inui, qui antiquis Italis inter Faunos et Panes erat, etsi in Rutulis situm, tamen Latinorum fuit colonia vel Virgilio teste; ut etiam Bola, Æquorum oppidum. Sunt Bolani etiam foederi Latinorum modo memorato adscripti ap. Dionys. l. c. Adde locum Victoris supra laudatum. Male Castrum Inui ad Castrum novum, non longe a Centum cellis ad mare, revocavit Servius et viri docti ad Rutil. I, 227 sq.

778—781. avo comitem sese addet; secundum Servium: avito sese iungit imperio, h. e. una cum avo regnabit, donec Romam condet. Sed vix hoc loquendi usus fert: Socius

Educet. Viden' ut geminæ stant vertice cristæ, 780
 Et pater ipse suo superûm jam signat honore?
 En, hujus, nate, auspiciis illa incluta Roma
 Imperium terris, animos æquabit Olympo,
 Septemque una sibi muro circumdabit arces,

780. 781 *stent* multi codd. et edd., quod recte deseruit Pier. et mox *signet*. Scilicet ut consecratio temporum servetur. At vid. Var. Lect. lib. I, 706 *honorem* Menag. pr. *insignat* Rom. 782 *nata* sc. Roma, a Romulo condita, malit Barmannus; scilicet at vulgari orationi propior sit poeta? Etsi verum est, non aliter verba accipi posse. Non enim Romuli auspiciis Roma æquavit imperium terris—sed Roma quæ erat auspiciis ejus condita. Ergo hujus auspiciis non dictum est, ut, si alicujus auspiciis bellum geri dicitur; sed *auspicia* h. l. sunt exordia urbis, initia: per hæc prima initia urbis et fundamenta a Romulo jacta. Eadem, quam memorabamus, varietas in versu Enniano: *his nata auspiciis illa incluta Roma*, quod alijs *En hujus ante ausp.* apud Serv. ad VII, 678, ubi v. Burm. 783 *annos* conj. Heumannus; nempe quia æterna Roma dicta. Sed parum suave est illud: *annos æquare Olympo*, ut ne nisi cum ipso cælo pereant, famamque melius Jo. Schrader. At *animos celso* et diis virtute pares habere, qua ad cælum educant nomen, generosa res est. *animosque* Witt. *æquabit* Mentel. a m. pr. In Servii nota subiungitur ad hunc versum: *De hoc autem loco et Trogus et Probus quarunt*. Quid illud fuerit, quod quærerent, non assequor. Trogus autem esse videtur Pompeius historicarum Philippicarum conditor, quem in Virgilium, cujus fere æqualis fuisse debet, commentatum esse, nulla aliunde est suspicio. Laudatur quidem Trogus a Servio ad Æn. III, 408. IV, 37, sed ex historiis. Forte leg. Hyginus. 784 *circumdedit* alter Hamb.

saltem dixisset. vid. Var. Lect. 778. quem Rhea Silvia Trojana stirpe oriunda partu edet. *Assuraci* v. sup. I, 284. *educet*, ut modo v. 765, cum deberet esse: *pariet*. 780. En bellicosum viri ingenium: quod jam nunc militaris viri habitus (galea duplici crista, *διφάλοι* vel *διδοφο* diceres) declarat. *stent*, sint, ut alibi quoque. 781. Quis ex variis ordinis verborum ac sensus faciendi modis verus sit, vix definias. Servius accepit: eum *superum*, deum, ut Mars pater sit Romuli. Possit etiam *suo superum honore*, h. e. divino, eum signare pater Mars. Sed probabilius est, quod et Cerda sequitur, *Et pater superum*, Jupiter, ipse cum jam signat honore suo; nunc tamen iterum ambiguum est, sitne honor Jovis an Romuli? sitne immortalitas, an viri dignitas et virtus corporis? Simplicissimum videtur sic accipere: videsne,

ut animam aliquando in corpus prodituram Jupiter jam hinc divina corporis majestate conspicuum reddit? scilicet ut, in immortalium numerum eam aliquando receptum iri, jam nunc manifestum sit. An duplex crista in galea Martis aliquod peculiare insigne sit, dubito, nec ex Val. Max. I, 8, 6 doceri posse puto. Ornant una binæ, triinæ, quaternæ cristæ. At ipsa galea perpetuum, quantum memini, Romuli insigne.

782—788. Versus ornatissimi. Primus 782 ex Ennio translatus apud Isidor. XVIII, 1. 783. quam magnifice pro, condetur Roma! Imperium ad terrarum fines proferet, virtute et magnanimitate superabit omnes mortales. Obvium hoc, et similia Romæ præconia apud veteres congestit multa Cerda; etiam de septem collibus (Docta Pomponii Sab. ad v. 784 nota ex Dionys. Ha-

Felix prole virum: qualis Berecynthia mater 785
 Invehitur curru Phrygias turrita per urbes,
 Læta deum partu, centum complexa nepotes,
 Omnes cœlicolas, omnes supera alta tenentes.
 Huc geminas nunc flecte acies; hanc adspice gentem,
 Romanosque tuos. Hic Cæsar, et omnis Iuli 790
 Progenies, magnum cœli ventura sub axem.
 Hic vir, hic est, tibi quem promitti sæpius audis,
 Augustus Cæsar, Divi genus: aurea condet
 Sæcula qui rursus Latio, regnata per arva
 Saturno quondam; super et Garamantas et Indos 795

786 *Phr. itura* Zolich. 789 *huc flecte* Ge. Fabricius malebat et Cerda, ut repetitione excitetur animus. Sed constantem librorum lectionem revocavit Heinsius; nisi quod modo fl. qu. Moret. Mox respice Hugen. 792 ibi Menag. pr. quem promitti tibi sec. Moret. 793 *Divi g.* ex librorum consensu, ex numis et marmoribus copiose firmarunt Ge. Fabric. Pier. et Heins. Quid sollennius illo: *Cæsar Augustus Divi f.* Nonnulli vulgg. edd. et codd. *Divum genus. condit* duo ap. Bern. 794 *quæ ap.* ciant. I, 13. r. per annos Rom. regnataque Parvo Goth. tert., utrumque lapsu, qui lusum habet. 795 *Garamentes* male scribitur. *Garamantidas Indos* pr. Hamb., item male.

lie., Plutarcho in Romulo et Festo in *Roma* descripta est). 785—788. Augusta imago Cybeles per Phrygiam invecatæ (ex ritu sacrorum), quæ est *deum Mater*. Assimulatur Roma, quæ tot magnos ac divinos viros tulit. Nam de divinis honoribus in Cæsares delatis non agitur. *supera alta tenentes*, Homericum: *ὑπέρτατα δόματ' ἔχοντες*.

789—791. Etiam ordinem rerum facit admirabilem: quod primo loco gentem Juliam memorat, cum in Marcello oratio summi affectus plena substituta sit. *Huc converte oculos* etc. omnia cum verborum dignitate extulit. *ventura sub axem*, sub cœlum, in vitam, ut jam toties vidimus in hoc libro.

792 sqq. In Augusto vero repræsentando se ipsum superavit poeta. Pacem terrarum orbi redditam, prolatos imperii fines, vaticinia, quibus

terris promissus fuit, expeditiones in terras longinquas, et itinera ad constituendas provincias in iis ipsis annis, quibus hæc scripsit Maro (U. C. 732 sqq. v. Vita Virgilii h. a.), suscepit; quam gravia hæc omnia laudum argumenta, et quam splendide verbis et rerum phantasmatibus declarata!

794 *Latio*, debebat sequi per appositum: *arvis*, sed variavit: *per arva regnata quondam Saturno*; quæ sunt ipsum Latium. v. inf. VIII, 319 sqq.

795—798. Fines imperii in Africa et Asia dilatatos intellige; etsi rebus in majus auctis. *super* (ultra) *Garamantas*, victi hi sunt a L. Cornelio Balbo, cujus triumphum Fasti Capitolini VI Kal. April. a. 735 memorant. cf. Plin. V, 5. Solin. c. 31. In extrema igitur vitæ Virgilii et hæc incidunt. *super Indos*, spectat partim ad signa a Phraate reddita U.

Proferet imperium ; jacet extra sidera tellus,
 Extra anni Solisque vias, ubi cœlifer Atlas
 Axem humero torquet stellis ardentibus aptum.
 Hujus in adventum jam nunc et Caspia regna
 Responsis horrent divûm, et Mæotia tellus, 800

796 *Proferet* alter Hamb. a m. pr. *Perferet* duo Barm. 797 *extra annos* Franc., non male. *Lucifer* Montalb. a m. pr. *Altans* Rom. 798 *humeris* pr. Hamb. 799 *in adventum* ex Rom. et aliis jam Pierius approbavit lectori, et secundum eum Heins. e Medic. et aliis; vulgg. *in adventu*. *Cujus in adventu* ed. Ven. 800 *Mæotia* bene Heins. post Pier. ex castigatioribus. Vulgo *Mæotica*.

C. 734, partim ad Indorum legationem ad Augustum missam, cum in Syria versaretur, v. Strabo XV, p. 719 C. D. adde Dion. LIV, 9, sup. Vit. Virg. ad a. 734. Loci imitationem jam intpp. notarunt in Silio VIII, 409 sqq. de Ciceronis laude. Jam debebat sequi: *proferet imperium—et super eam terram, quæ jacet extra s.* Sed inversio facta enthusiasmum adjuvat. In sqq. australes Africæ plagas designari manifestum est; sed res ad *ῥεπαρῶδες* deflexa. *Solis viæ* proprie sunt intra Tropicos Cancrî et Capricornî per eclipticam. Sic apud Aratum *ἡελίου κίλευθοι* et *ἀλησις*, Phænom. 319. 321. Servius laudat Lucani locum III, 253 sq., in quo Æthiopes extra Zodiacum positi esse dicuntur. Jam Romani quidem vix ad Tropicum Cancrî pervenerunt, multo minus arma ultra æquatorem protulerunt et alterum tropicum; sed poetæ licuit hæc amplificare et *loca ultra tropicos* memorare, adeoque *ultra sidera*, hoc est, Zodiacum, *ultra Solis vias et anni*, qui illo solis decursu conficitur, ad eas Africæ plagas designandas, quæ ultra notas terras usque ad Atlantem, et lineam ab hoc per Africam ductam, procurentes, versus austrum tum erant repertæ. Similiter altera ex parte versus arcticum polum na-

vigantes *diem post terga solemque reliquisse* dicti sunt ab Albinovano in fragm. de navigatione a Germanico in Oceano tentata ex Amisiæ ostio. Respici autem a Marone Candacen victam et Æthiopiam supra Ægyptum a C. Petronio copiis peragratam probabile fit; qua de re v. Strabo XVII, p. 820 sq. et Vita Virgiliti ad a. 732. ubi *Atlas axem, cœlum, humero torquet*, sustinet torquentem se et vertentem, *stellis ardentibus aptum*, ex quo axe seu cœlo stellæ aptæ sunt, in eo fixæ. Sed vid. sup. IV, 481. 482 (Ex Gronovio ad Senec. Med. 10 frustra interpretationem loci expectes). Similem sententiam sine ornatu enuntiavit auctor carminis in Messalam (in Tibull. ed.) 148 sq. *Oceanus ponto qua continet orbem, Nulla tibi adversis regio sese offeret armis. Te manet invictus Romano Marte Britannus; Teque interjecto mundi pærs altera sole.*

799—801. Splendide et hoc enuntiavit, quod futura Augusti magnitudo multis signis ac præsagiis fuit ostensa; quodque in remotissimis quoque terris ejusmodi signa animadversa fuerunt; nimirum populi circa mare Caspium, imprimis Hyrcani et Bactriani sub Parthis degentes, Scythæ ad paludem Mæotidem et Ægyptii, *turbant*, trepidant; nam et

Et septemgeminī turbant trepida ostia Nili.
 Nec vero Alcides tantum telluris obivit;
 Fixerit æripedem cervam licet, aut Erymanthi
 Pacarit nemora, et Lernam tremefecerit arcu;
 Nec, qui pampineis victor juga flectit habenis, 805

801 *tumida* legerunt nonnulli apud Cerdam: *perperam*. 802 *obibat* duo Heins. *ob-*
ibit Rom. 803 *Fixerat* Rom. et alii Pier. etiam Carisius. Item Goth. tert., male.
*anipede*s præferebat Heins. ad Ovid. Ep. 6, 32. 12, 93. atque E. emendabat Marklandus
 ad Statii Silv. pag. 261, haud dubie et hoc bene, nec tamen necesse: Nam mira est in
 his poetarum variatio, si quis longiore usu ad hæc attenderit; et rationem illa habet, pos-
 sunt enim ejusmodi enumerationes pluribus modis constitui: sequendum autem poetam
 est illud, quod a vulgari more recedit. Jam autem vulgare esset atque—et. At alte-
 rum, quod idem vir doctus proponit, ut, si aut retineatur, mox etiam aut Lernam scri-
 bendum sit, multo minus sequar. 804 *Pacarit*, quod res exigebat, e libris Pier. et
 suis reposuit Heins., quem vide. Vulgo placarit. ed. Ven. placaret. Rom. pacaret. Mox
tremefecerat aliquot Pier. cum Rom.

ipsi turbas faciunt, qui perturbantur,
 ut sæpe alibi. Fundum rei videbis
 apud Sueton. Octav. 94, ubi ex Julio
 quoque Maratho fabula affertur de
 prodigio ante paucos, quam Augu-
 stus nasceretur, menses Romæ facto,
 quo denunciabatur, regem populi Ro-
 mani Naturam parturire. Scilicet
 stultissima superstitione laborabat
 Augustus. v. Sueton. c. 92. Ubi au-
 tem sunt, qui tali superstitione du-
 cantur, ibi nec desunt, qui fraudem
 levitati faciant, et modo rebus suo jam
 eventu manifestis, modo animis in in-
 cepto fluctuantibus, prædictiones e-
 gregie inventas in medium proferant.
 Quod nunquam frequentius quam
 a bellis inde civilibus factum. v. ar-
 gum. Ecl. IV. Adulationis genus
 isto tempore non obscurum erat, ven-
 ditare imperatoribus vaticinia ac
 præsentia, quibus ipsis jam olim im-
 perium aut insignis aliqua felici-
 tas fuisset ostensa. Ipse Josephus
 Vespasiani voluntatem tali commen-
 to captabat. Si quod aliud melioris
 philosophiæ bonum nostra ætas vi-
 det, hoc imprimis memorandum esse
 arbitror, quod divinationum vanitate

liberati sunt hominum animi.

802—806. Tandem expeditiones
 et itinera Augusti commemorat. vid.
 sup. ad v. 792, comparatione facta
 cum *vago* (ap. Horat. III Ode. 3, 9.
 et 14, pr.) Hercule et Baccho. In
 Hercule paullo iniquior esse vide-
 tur poeta, quod ex ejus erroribus tan-
 tum laudat eos, qui per Arcadiam
 facti sunt; Augusti comparati magni-
 tudo eo ipso attenuata esse videtur.
 Hoc idem video Schraderum obser-
 vasse ad Musæum p. 315. *Cerynitis*
cerva etiam Græcis χαλκόποιν, qua
 voce pedum robur et velocitatem
 prisca homines declarabant; sed me-
 lius poetæ rei miraculum retinuerunt.
 Ad Arcadiam illa spectat, uti etiam
 Erymanthius aper et Hydra Lernea.
Fixerit haud dubie ad telum perti-
 net; atqui debuit cervam vivam captam
 esse. vid. Apollodor. II, 5, 3; aut
 igitur alium auctorem secutus aut
 locutus est parum accurate: *figere*
 pro capere. 805. 806. De Bacchi
 ex India triumpho agit, in ea Nysa
 urbs cum monte Mero, qui et ipse
 Nysa dictus. Infinitæ de his fabulæ,
 collectæ a Nonno in Dionys. Præter

Liber, agens celso Nysæ de vertice tigres.

Et dubitamus adhuc virtutem extendere factis?

807 *dubitamus* Goth. tert. In altero hemistichio magna lectionis varietas. Receptam tuetur Medic. Sed quæritur, quid sit, *virtutem extendere factis*, *vitam*, *avum*, *extendere*, et nomen, *memoriam*, *famam*, *extendere*, solennes loquendi modi sunt; sed non *virtutem*. In Rom. legitur: *virtute extendere vires*; item in tribus Moret. pr. Rottend. Montalb. altero Mentel. a m. pr. Erf. et in edit. Junt. Etiam Pierius plerosque alios codd. id a m. pr. exhibuisse observavit, sed erasa scriptura fere superscriptum *virtutem* et *factis*. Ex Heinsianis pr. Mentel. *virtute e. factis*. Gadianus: *virtutem e. vires*, vel *factis*. tert. Rottend. *virtutem e. factis* vel *viribus*. alter Hamb. *factis e. vires*. Heinsio inter hæc omnia se ea lectio probabat: *virtute extendere vires*. Nec tamen insolentem, et meo sensu exilem, loquendi modum (esset: omnes vires exerere fortiter agendo) illustrare satis potuit. Meo qualicumque iudicio *vires* ex glossemate vocis *virtutem* subnatæ sunt, easque equidem omnino respuam. Alio loco inf. X, 461 occurrit: *sed famam extendere factis*, Hoc virtutis opus, unde facilis suspicio, ut et h. l. *virtute extendere famam* fuisse conjicias; et sic jam conjecerat Burmannus, vel *vitam*; ut *vitam extendere* alii dixerent. Silius IX, 375 *brevis hoc avi quodcumque relictum est* Extendamus, ait: probat prius *famam* etiam. Jo. Schrader. Bona hæc sententia et sollenni mori loquendi accommodata. Enimvero eadem ex vulgari lectione non minus exit: *virtutem*, adeoque gloriam, *virtute partam*, *extendere factis*. Superest alia lectio, *virtutem extendere factis*, ex Goth. sec. Sprot. Dorvill. Ven. et Reg. a m. sec., ut sit *virtutem extendere*, ad ea, quæ restant, discrimina et labores, *factis*, ad fata explenda, ut sit tertius casus, in cuius gratiam. Habet et hæc, quo se fieri possit. Est tamen forte nimis arguta; et auctoritas major codicum adest vulgata.

Diodor. II, 38, cf. Strab. XV, p. 687. *qui flectit juga*, bijuges tigres, ex v. seq. *pampineis habentis*, pampino circumvolutis et implexis.

807. 808. Quid tu igitur, o fili, cunctaris magnam virtutem exerere per plurima strenue gesta? aut cur sollicitus es de adeunda Italia novis sedibus destinata? cum tantarum rerum fata et tanta posteritas te ibi exceptura sit? Bona Servii nota: *dubitamus pro dubitas*. *Miscuit personam suam*. Est autem sensus: *cum tibi tanta sit præparata posteritas, dubitas virtutem factis extendere? id est gloriam*. In sententiam itaque poeta mutavit, quod ad solum Æneam spectat: cuius objurgatio est tacita et increpatio: cum tam clara tibi, o fili, subnascitura sit posteritas, quin tu fortiter labores toleras, et ad occupandam Italiam strenue pergis. Eodem iterum redit inf. 889 *Quæ postquam Anchises natum per singula duxit, Incenditque animum famæ venientis amore: Exin bella viro memo-*

rat etc. De sententia itaque dubitare non licet. Sed in verbis est obscuritas et ambiguitas: quæ duplici modo expediri potest. Scilicet *virtus* dicta esse potest pro gloria virtute parta, ut contra *κλῆς* pro virtute dicitur; ita pro simplici, strenue res gerere, poeta ornate dixit, *virtutem*, nominis gloriam, famam, *κλῆς*, *extendere factis*. Si vero *virtutem* proprie dictam malis, tum *extendere* exquisitiore modo dictum accipe, aut ut sit virtutem intendere, cum contentione, in futuros casus, *factis*, vel in facta vel per facta clara et fortia; aut ut sit *virtutem extendere* dictum pro vulgari, exerere, exercere, ea uti, adeoque *per facta*. *Extendere* enim modo ad numerum, modo ad *temporis intervallum*, modo ad *res* refertur. Amant itaque poetæ hanc vocem, ut ornent notionem simplicem. Sic pro *exigere vitam*, *etatem*, malunt *extendere*. Sic *vitam bona spe extendere*, *exigere*. Æschyl. Prom. 537 Ἠδὲ τι, Σαρπηδίας τὸν μακρὸν

Aut metus Ausonia prohibet consistere terra?
 Quis procul ille autem ramis insignis olivæ
 Sacra ferens? nosco crines incanaque menta 810
 Regis Romani; primus qui legibus urbem
 Fundabit, Curibus parvis et paupere terra
 Missus in imperium magnum. Cui deinde subibit,
 Otia qui rumpet patriæ, residesque movebit
 Tullus in arma viros, et jam desueta triumphis 815
 Agmina. Quem juxta sequitur jactantior Ancus,

808 *terras* Goth. sec. 811 *Romani Regis* alii ap. Pier. *primam* qui Rom. Medic. et potiores reliqui Pier. et Heins., itaque Heinsius receperat; sententia tamen vix idonea. Pierius videtur accipere, ut sit *primam*, nuper conditam, recentem; sed hoc latinum non est; Heinsius vero sic, ut sit positum eleganter pro, primum; ita vero *primis* dicendum erat, et cum *legibus* jungendum. *Primum*, id est, in principio, Medic. Pierii; at Serv. ed. Mediol. et aliae vet. inde ab Aldd. *primus*, quod recte revocavit Burmannus. Sic quoque Goth. pr. 812 *Coribus* Gud. *pravis* Sprot. p. regno apud Priscian. lib. VII. 813 *quod libri* Pier. qui Medic. 814 *rumpit* Meusg. pr. 815 *desueta* duo apud Burm. cum ed. Ven. *devicta* Hugon. At Romanus: et magnum deinde triumphum, aut, ut a Bottario exhibitum: virum magnis deinde triumphis.

τέλειον βίον ἑλπίειν, pro bonam inter spem vitam exigere. Quid? quod adeo in Plauto occurrit Bacch. III, 3, 26 *Ibi* (in palæstra) *suam ætatem extendebant*, exigebant. Convenit cum hoc more loquendi nota forma: *noctem proferre, producere*, vino, sermonibus; et ipsum *tendere*; Horat. I, Ep. 5, 11 *impune licebit Æstivam sermone benigno tendere lucem*: exigere, quam longa illa est. Cum poetam nostrum, ut epicum, doctius locutum esse probabile sit, postrema hæc ratio ut sit, virtutem per facta exerere ut multa strenue facta edas, verior esse videtur; expeditior est prima. Bene porro v. 808 firmatur Æneæ animus ad sedem in Latio figendam.

809—813. Numa Rex, pacis tutela religionumque cura insignis. *Quis procul*. Servius: "mira autem utitur phantasia; ut quasi ostendat, se non agnoscere eum, qui de gente Romana

non fuerat;" nescio an nimis subtiliter. Anchises et hanc et reliquas animas prospectabat e longinquo 754. *sacra ferens*, proprie de sacerdotibus v. ad Ge. II, 476, h. l. bene de sacerorum et religionum conditore. *crines incanaque menta*. Talis ejus imago, ut fama sic acceptam esse appareat, in numis gentis Calpurniæ, Marcia, et Pomponiæ occurrit. cf. Dionys. II, 58: ἀξιώσει μορφῆς βασιλικῆς fuisse narrat. venit in imperium magnum, certe fatorem decreto tale futurum aliquando.

813—815. Liv. I, 22 Tullus Hostilius: *Hic non solum proximo regi dissimilis, sed ferocior etiam Romulo fuit. desueta triumphis*, ornatus, quam, bellis.

816. 817. De Anco Marcio, quasi is favorem populi captaverit, adeoque superbior in patres fuerit, alios auctores habuisse Maronem necesse est, quam quos Livius et Dionysius cete-

Nunc quoque jam nimium gaudens popularibus auris.
 Vis et Tarquinius reges, animamque superbam
 Ultoris Bruti, fascesque videre receptos ?
 Consulis imperium hic primus sævasque secures 820
 Accipiet ; natosque pater, nova bella moventes,
 Ad pœnam pulcra pro libertate vocabit,
 Infelix ! Utcumque ferent ea facta minores ;
 Vincet amor patriæ, laudumque immensa cupido.
 Quin Decios, Drusosque procul, sævumque securi 825

817 *Hunc q. Franc. gaudet Hamburg. pr. arvis Medic. a m. pr. armis sec. Moret. Servium Tullium desiderat Burmann., nec bene omitti potuisse censet : itaque Franciani, levissimi codicis, lectionem probat : Hunc quoque sc. sequitur jam nimium gaudens popularibus auris ; ut designetur Serv. Tullius, quem populo studuisse traditum utique est a parte scriptorum : v. Dionys. IV, 8. At enim durum hoc est, ut nomen ita subintelligendum sit ; tum vox jactantior superiore versu satis arguit versum hunc nec minus ad Ancam spectare : Servium omittere licebat poetæ : possit quoque caussa, si necesse sit, satis speciosa afferri, quod is alienigena et in servitute natus erat, nec adeo ad Anchisæ posteritatem referendus. Pompon. Sab. inter Tarquinius bene numerari potuisse Servium putabat. 818 Vin' Dorvill. Tarquinos male legi observat Pier. et Dorvillias ap. Burm. animam superbam Servius ad Tarquinium refert ; hoc quoque male. 820 primum tres apud Burm. 821 gnatosq. plerique Pier. patri Uratist. b. gerentes Zallich. a m. pr. 823 ferant Goth. sec. ea fata erat vulgata lectio, quam Pierius præ oculis habebat : sed in facta omnes ejus et Heinsii libri consentiant, binis exceptis, cum Dorvill. et ed. Ven. nepotes Goth. sec., et sic Macrob. IV, 6, ubi et facta legantur. Porro versus hoc ad superiora retracto aliquis sententiam absolutam habere possit : Infelix, utcumque ferent ea f. minores ; sc. quantumvis posteris id facinus laudibus summis prædicent (ut ferre simpliciter sit, laudibus efferre). Verum vincet amor p. Et in hunc sensum interpretari videtur locum Augustinus de C. D. III a Pierio in medium productus. Sed præstat vulgaris ratio : ut disjungantur a superioribus postrema : Utcumque—minores : Vincet a. 824 Vincit Witt. laudumque immensa cupido ; malis hoc abesse, quippe quod pulcherrimam laudem corrumpit : saltem ad nostrum sensum. An vero ad Romanorum quoque judicium ? Etiam Jo. Schraderus expunctum hemistichium esse malebat. 825 Quin Decios Brutosque Rom.*

rique sequuntur, qui ad nos pervenerunt. conf. Var. Lect. Ex Servio servatum videtur, quod Pomponius Sabinus adscripsit : Ancus Martius—*vivente Tullo agre ferebat, cum e stirpe regia se jactaret* (erat Numæ nepos ex filia), *prælatum sibi Tullum. Itaque statuerat, favore populari, Tullum regem cum tota familia occidere.*

818, 819. *Ultor Brutus*, qui Tarquinii superbiam et Sexti libidinem ultus est. *fasces receptos*, regiam dignitatem et imperium a Regibus in Cons. translatum.

820—824. Vid. Liv. II, 3—5. Bruti factum qui reprehenderent, jam Virgilii tempore fuisse credendum est ; itaque ab Anchise adjectum : in quacumque partem hoc factum interpretaturi sint posteris, ipse in summo a filiis supplicio sequetur id, quod patriæ amor et gloriæ cupiditas suadebunt.

825. 826. *Decii*, pater et filius, qui se pro patria devoverunt, alter bello Latino, alter Gallico. *Drusi*, Livie caussa laudati ; ex iis M. Livius Salinator b. Punico II clarus, et M.

Adspice Torquatum, et referentem signa Camillum.
 Illæ autem, paribus quas fulgere cernis in armis,
 Concordes animæ nunc, et dum nocte prementur,
 Heu quantum inter se bellum, si lumina vitæ
 Attigerint, quantas acies stragemque ciebunt ! 830
 Aggeribus socer Alpinis atque arce Monæci
 Descendens ; gener adversis instructus Eois.
 Ne, pueri, ne tanta animis assuescite bella ;

826 et deest Hamb. pr. et Goth. sec. 827 Illi quos sec. Moret. fulgere v. Seneca N. Q. II, 56. in auris pr. Hamb. 828 et nunc dum ed. Ven. prementur e Pier. et binis suis Heinsius recepit. Accedit Zulich. Vulgo premuntur, quod bene poterat locum tueri. 829 lumina sec. Rottend. Witt. Erf., perpetua varietate. vid. h. l. Heins. et Burm. ac Cerda. Sed h. l. lumina unico vera ; nam et plus dignitatis epicæ inest, et præcesserat : nocte de statu animæ ante vitæ ingressum. Neo vero Pompeius et Cæsar bellum civile moverunt statim sub vitæ ingressum, quod inferrent ista : si lumina vitæ attigerint. 830 Attigerunt Goth. tert. quantis tert. Rottend. stragesque quinque Burm. 831 Menæci, Menæti, Moneti, Moneci, Minæci, Monete, aberrant. codd. At est Monæci λμῆν. 832 Discedens Puget. aversis Medic. a m. pr. et Leid., in quo mireris Heinsium otium perdere, 833 adnectite Puget.

Livius Drusus Trib. pl. At Drusum Liviae f. ejusque victorias de Germanis male in tempora Virgilii advocant Inttp. De T. Manlio Torquato Imperioso v. Liv. VIII, 7. *referentem signa Camillum* ; retulit, recepit signa a Gallis capta in pugna Alliensis. conf. Liv. V, 37 et 49.

827—836. De Cæsare et Pompeio. *paribus armis*, utpote uterque Romanus, ut Georg. I, 488 *paribus concurrere telis* Romanos viderunt Philippi. Et Lucan. I, 7 *infestisque obvia signis Signa, pares aquilas et pilaminantia pilis. nocte*, ante ingressum vitæ, quæ supra lux erat v. 761, et mox v. 829 *lumina vitæ*. 831. Julius Cæsar in Pompeium arma movebat e Galliis. Etsi vero Ravennæ tum subsistebat eum una legione, tamen, cum ceteræ legiones ex hibernis (v. de B. Civ. I, 7), adeoque major copiarum pars ex Gallia Transalpina esset arcessenda, angusta rerum specie ab Alpibus descendere eum narrat. Alpes decla-

rat per *aggeres Alpinos* et *arcem Monæci*, h. e. promontorium cum templo et portu Herculis Monæci, sub Alpibus maritimis non longe a Nicæa sitis, qui nunc *Monaco* est. Alienum itaque est non magis ab historiæ veritate, quam a poetæ consilio, aut cogitare, Cæsarem ipsum per hæc loca in Italiam descendisse, aut ad reditum Cæsaris ex Hispania hæc referre. Nec melius rem expedit Burmannus. Videas tamen audacter hæc in descriptionibus et historiis Italiæ repeti (v. c. *Obs. sur l'Italie* T. III, p. 282), et monstrari turrim super monte Turbia, qua transitu facto Cæsar iter in Italiam clausurit; quam Tropæorum Augusti ruinas alii esse pronuntiant, ut ex Holdswortho didici. Pompeium copias ex Oriente contraxisse quis nescit ? 833. *ne assuescite bella*, pro vulgari : assuescere bellis. Ante oculos fuisse credunt Iliad. H, 279 de Hectore et Ajace singulari certamine pugnantibus :

Neu patriæ validas in viscera vertite vires.
 Tuque prior, tu parce, genus qui ducis Olympo; 835
 Projice tela manu, sanguis meus.
 Ille triumphata Capitolia ad alta Corintho
 Victor aget currum, cæsis insignis Achivis.

834 *Heu Goth. pr., et invalidas idem. vertere Montalb.* 836 *sanguis pius ex Ru-*
finiano de Schem. Dian. p. 36 (ed. Rubik. p. 267) jam Ge. Fabricius laudavit; nec da-
bito vi ac potestate sententiæ esse præferendum; etsi Rufinianus in interpretatione ar-
gutias captat, quasi poeta tecte Cæsarem vituperare voluerit, cum dicere manifeste pa-
rum tutum esset: Nam simul causam belli civilis ostendit in Cæsare fuisse, dum dicit, pri-
orem illum debere parcere; simul dolorem confessa (an re confessa? nam sensus: ut ipsi
Cæsari talis confessio exprimitur) et in judicio suo quaerit, tanquam ideo parcere prior
debeat, quia sit Anchisæ pius sanguis et ab Olympo genus ducat. Fatendum tamen, alte-
rum sanguis meus affectus plus habere et ad naturæ veritatem melius esse comparatum.
 838 *currus multi ap. Heins. et Burm., minus bene. currum Medic. quoque agnoscit, nec*
non Rom. cum Arusiano Messo.

Μηκέτι, παῖδε φίλω, πολεμίζετε, μηδὲ μά-
 χεσθον. 834. Imitatio Lucani est I,
 pr. *populumque potentem In sua vietri-*
ci conversum viscera ferro. 835. Sta-
 tius hinc petiit Theb. III, 239 *vos, o*
superi, meus ordine sanguis, Ne pu-
gnate odiis. Notata loca a Cerda. Ver-
 sus 835, 836 ad clementiam Cæsaris
 referuntur. Cur Cæsarem potissimum
 appellet, caussa allata est in hoc
 ipso: *genus qui ducis Olympo*, sc. per
 Iulum seu Ascanium.

837—841. Duo versus 837. 838 ad
L. Mummius Achaicum pertinere,
 dubitari nequit; neque probari posse
 puto Harduini ad Plinium T. II, p.
 647 sententiam, qui totum locum v.
 837—841 ad Cæsarem retrahebat.
Repugnat ille, ille, et triumphata Co-
rinthus, et reliqua. Poetam ordinem
 temporum historicum studio certo
 haud sequi, jam multis exemplis vi-
 dimus. Liberius, prouti adstant ani-
 mæ, eas excitat. Mummius autem
 potissimum commemorat non tam
 insigniore aliquo inter ceteros ma-
 gnos viros merito, quam quod *Achi-*
vos, Græcos, bello Achaico confecto,
 profligavit, re ad hominis Trojani

sensum grata. At qui vs. sequun-
 tur, ad quem ex Romanis ducibus
 referendi sint, obscurum videtur. Ad
 eundem Mummius ne referas, vel
 τὸ *Ille* intercedit, quod diversum ali-
 quem designat. Veteres Pyrrhum
 Epiri R. respici crediderunt, a Curio
 et Fabricio victum, qui in noto En-
 nii versu *Æacides* dictus, nam genus
 ille ab Achille et Æaco ducebat; sed
 reliqua in his verss. memorata in eum
 non cadunt; unde vana Virgilio re-
 prehensio nata apud Gell. X, 16,
Iniquior est Grammaticorum strictu-
ra apud Pompon. Sab. Hoc carmen
putant e textu delendum esse: nam
Virgilius procul dubio si correxisset,
fuisset exempturus; nisi aliquid adspe-
xerit nobis incognitum. Minimæ diffi-
 cultates sunt, si cum viris doctis
 apud Cerdam et ad Gell. I. c. *L. Æ-*
milius Paullus Persei victorem Æ-
 neæ ab Anchisæ ostendi putes. Co-
 gitandum autem, nos in vaticinio
 versari; neque adeo, quod in sacris
 Judæorum vatibus fere interpretes
 male faciunt, ad proprietatem oratio-
 nis et historiæ subtiliter omnia esse
 revocanda. Quin poeta vaticinio-

Eruet ille Argos, Agamemnoniasque Mycenae,
 Ipsumque Æaciden, genus armipotentis Achilli; 840
 Ultus avos Trojæ, templa et temerata Minervæ.

rum ambiguitatem et obscuritatem studio affectasse videri debet. Græciæ opes jam ante Corinthum excisam fractas, Macedonia devicta, indicaturus, *Argos* ac *Mycenae* nominat, in veterum historiarum memoriam jucundam simul et augustam: ut jam lib. I, 283—285 factum vidimus; quem locum cf., item Ovid. Fast. VI, 47, ubi Juno: *Pœniteat Sparten Argosque measque Mycenae Et veterem Latio supposuisse Samon*: h. e. subjugasse. Quantopere autem victoria de Macedonum Rege Perseo affligerit Græciam, ex Livio intelligas XLV, 31 seq. Ad tempora belli Trojani a poeta accommodata sunt reliqua, præclare utique, si hæc Æneæ representata memineris: itaque Perseum victum appellavit *Æaciden*, ab Achille oriundum; quid enim ad Trojanorum sensum lætius cogitari poterat, quam Achillis posteris aliquando Trojanis esse poenas daturus calamitatis Trojanis illatæ et eversæ urbis adeoque templorum Trojæ violatorum et direptorum; sed ingeniose unum aliquod facinus, ut poeta, et imprimis Ajacis impietatem in Cassandram memorat, tanquam nefandum imprimis scelus, quo Achivi deorum iræ et vindictæ sese obstrinxerant. cf. sup. I, 39 sqq. Augustior adeo rerum species redditur etiam hic religione illata. Quod autem Persei genus ad Achillem referri sit solitum, ex Propertio illustratum est IV extr. 39: *Et testor eum, Qui Persen, proavi simulantem pectus Achillis, Et tumidas proavo* (hoc nunc emendatius legitur meliore Santenii judicio) *fregit, Achille,*

domos, (sic conjunge: h. e. Paullum testor, qui Persen vicit et Macedoniam subegit, pro qua memorat gentem regiam ab Achille origines petentem) et ex Silio XV, 291. 292 de Philippo Persei patre: *Hic gente egregius, veterisque ab origine regni Æacidum sceptris proavoque tenebat Achille*. Quomodo Macedonum reges ab Achille genus ducere potuerint, qui Heraclidæ erant, in tanta commentariorum in utrumque locum mole neminem vidi docere. Videtur ad maternam stirpem ab Olympiade esse redeundum, quæ erat Neoptolemi, Epiri R., filia. vid. Justin. VII, 6. Hac ratione universe servata, de Perse tamen, an ad eum v. 840 referendus sit, adhuc quæri potest. Cum enim multo magis obvium sit, Ennii exemplo, *Æacidem* de Pyrrho Epiri R. aut ejus progenie accipere, quid si Regem pro regno, adeoque pro Epiro, dictum aut *Æaciden* pro, *Æacidas*, Epirotas, dictos habeas: *Eruet ille*, Paullus *Emilius, Argos, Mycenae, ipsamque Epirum*; ut Paulli incredibilis immanitas respiciatur, qua una die tota Epirus direpta et LXX oppidorum muri fuerunt diruti. vid. Liv. XLV, 35. Strabo VII, pag. 496. Plutarch. in Paulo pag. 271. Videtur sic, tanquam ad excusationem, subjectas esse v. 841 *Ultus avos Trojæ, templa et temerata Minervæ*. Inest his argutum aliquid, quod placere possit. Minus bene per *Æaciden* Thessaliam, tanquam Græciæ, jam per *Argos* et *Mycenae* designatæ, partem tertiam, intelligas, cujus fortuna cum Macedoniæ calamitate fuit satis con-

Quis te, magne Cato, tacitum, aut te, Cosse, relin-
quat?

Quis Gracchi genus, aut geminos, duo fulmina belli,
Scipiadas, cladem Libyæ, parvoque potentem

Fabricium, vel te sulco, Serrane, serentem? 845

Quo fessum rapitis, Fabii? tu Maximus ille es,

Unus qui nobis cunctando restituis rem.

842 aut deest Medie. a m. pr. *Conse* Rom. *Quosse* Zolich. *Colse* Goth. tert. *Quam* lectionem hujus versus Ge. Fabricius in Donato invenerit, non-assequi licet. 843 *bello* Gud. a m. pr. 844 *parvoque nepotem* Goth. tert., ridiculo stupore. 845 *et te* Zolich. *nec te* Schol. Pers. *sulcos* emendabat Turnebus, sed *sulco* plus poetice rationis habet pro, *sulcis*. *Serrane* Mentel. Franc. Witt. Sed nuni et marmora *Sarannus* vel *Serranus*. vid. Heins. et Perizon. Animadv. p. 24. 846 *Quo gressum* r. Rom. *capitis* Urat. *es* abest a Franc. 847 duplex Codd. familia: *restituis* Medic. cum al. *restitues* Rom. cum ceteris; non video cur hoc præferam. Poetam decet, futura ut præsentia ante oculos ponere. *restituet* Leid. et ed. Ven.

juncta; etsi in ea erat *Phthia*, Achil-
lis patrin, qua cum Mycenis et Argis
junctim memorata Græciam decla-
rari jam lib. I, 284. 285 vidimus in
simili loco: *Quum domus Assaraci*
Phthiam *clarasque Mycenæ* *Servitio*
premet ac victis dominabitur Argis.
Sufficit per solitas vaticinii ambages
vss. 839—841 hoc unum declarari:
Ille alter, Paullus Æmilius, Græciæ
opes jam ante priorem illum, Mum-
mum, franget. Si tamen, qui *Æa-*
cides sit, definiendum est: simplicis-
simum est de Persco cogitare. In eo,
quod post *Eruet Argos*, *Mycenæ*,
adjectum est, *Ipsam Æaciden*, hæ-
rendum non est: fit enim communi
usu, uno verbo accommodato ad plu-
ra subjecta: adeoque nunc eruet pro,
prosternet, vincet *Æaciden*.

842—845. Notissimi in rebus Ro-
manis viri. *Cato* est major, M. Por-
cius, qui et ab aliis inter magnos vi-
ros memoratus est: Uticensis non
bene inter Cossum et Gracchos lo-
cum haberet; etsi in Augusti gratiam
hunc omisisse videri non debet. v.
Horat. I Carm. 12, 35 et inf. VIII,

670. De A. Cornelio *Cosso* spoliis opi-
mis claro v. Liv. IV, 19. 20. *Gracchi*
genus; respicit maxime Ti. Sempro-
nium Gracchum, b. Punico II cla-
rum. *Scipiadas*, int. Africanum ma-
jorem et minorem; nam adjectum:
eludes Libyæ, Carthagini alter vi-
ctor: alter eversor. *fulmen belli* de
Scipionibus proprio aliquo modo di-
ctum fuisse, ex locis apparet a Cer-
da aliisque laudatis. Prævit Lucret.
III, 1047 *Scipiades belli fulmen*, *Car-*
thaginis horror, *Ossa dedit terræ pro-*
inde ac famul' infimus esset. Spen-
cius bene comparat locum de Cæsare
apud Lucan. I, 157 sqq. Ad ver-
sum hunc referri debet Sili locus
XIII, 499. Fulmini assimilavit bel-
latorem jam Homerus Iliad. N, 242
ἀστροπὴ ἰκελός, atque inde Pindarus
et alii. At illud tragicum, quod ipse
heros *ἀστροπὴ πολέμου* dictus. *parvo*
potentem Fabricium, in parva re do-
mestica divitem; uti *contentus parvo*
aliquis dicitur. De C. Atilio Serrano
v. Plin. XVIII, 3, s. 4. Perizon.
Animadv. Hist. c. 1.

846. 847. *fessum*, me longa ora-

Excudent alii spirantia mollius æra,
 Credo equidem, vivos ducent de marmore vultus ;
 Orabunt caussas melius, cœlique meatus 850
 Describent radio, et surgentia sidera dicent :
 Tu regere imperio populos, Romane, memento ;
 Hæ tibi erunt artes ; pacisque imponere morem,

848 *molibus* Witt. 849 *cedo* emendavit Markland. ad Stat. p. 5 sine idonea causa, cf. Burmann. et vivos aliquot apud Burm., haud dubie mollius. vivos alicent Menag. pr., librarii stupore. 850 *Orabant* Gud. *Solisque* l. *Phœbique* meatus em. Jo. Schrader., sed *cœli m.* sunt siderum meatus. 851 *Describunt* sec. Moret. *radios* Goth. tert. *lumina* Menag. pr. *ducent* Parrhas. cum Goth. tert., perpetuo lapsu. 853 *Hæc* tres Burmann. *pacisque* multi scripti et editi inde ab Aldd. cum Rom. et Medic. Sed bene Burm. prætulit *pacisque* ex codicum parte Pier. Heins. et suorum non contemnenda ; nam est, *morem pacis imponere*, h. e. leges pacis ponere, ferre, ut lib. I. 264 ; verba tamen vir doctissimus minus bene interpretatur. *pacisque i. amorem* Zulich. *pacique i. curam* pr. Hamb. *morem* Dorvill.

tionem, cum de Fabiis tot dicenda restent. De Fabio Maximo Cunctatore versus debetur Ennio.

848—854. Locus haud dubie e nobilissimis, quo Romanorum ingenia et laudes cum Græcis, nam ad hos potissimum respicere videri debet, comparantur. Græci præstabant artium elegantia ; ex iis poeta æris fundendi marmorisque sculpendi artem memorat ; felix idem est in verborum dilectu : *æra spirantia* statuæ ; quæ vivos viros reddere videntur ; et *mollius*, nam proprium in signis hoc. v. Quinetil. XII, 10, 7. Scilicet partim ad veritatem naturæ, corpore et carne tanquam ad tactum molliter ære vel marmore reddita, partim extremitate formæ caste et molliter circumducta et circumlita. Non male autem Ursinus præclarum Pindari de Rhodiis locum comparat Olymp. VII, 91—99. Græci porro præstabant eloquentia, et quidem forensi, *Orabunt caussas melius*, et philosophicis mathematicisque studiis ; at enim, id quod poetam decebat, ex iis unum genus posuit Maro, astrorum scientiam : *cœli mea-*

tus, h. e. siderum cursus, *describent*, definient in sphaera cœlesti, *radio*, virga, petilum a geometricis figuris, quæ in pulvere ducebantur, ut Ecl. III, 41 *Descripsit radio totum qui gentibus orbem*. At Romanis proprias artes esse contendit, ut impèrent terrarum orbi, et aut in fœderum æquas leges recipiant, qui se ad eorum amicitiam applicant, aut eos, qui arma sumant, debellant. Tantum verba subjiciunt ; *pacis morem imponere*, h. e. legem, fœderum leges et condiciones ; *parcere subjectis* ; nam volebant Romani videri clementes et moderati erga victos, et erga socios benigni et liberales ; scilicet si nihil ab iis metuerent et ab opibus eorum auctis utilitatem sibi ipsis promittere possent. Ad Augustum transtulit Horat. C. S. 51 *bellante prior, jacentem Lenis in hostem*. At viri docti in his verss. scientiam civilem, seu politicam, legum ferendarum et militarem, expressam a poeta, verbo, studia pacis et belli Romanis tributa tanquam propria, volunt ; satis argute, si modo vere. Saltem sic pacis

Parcere subjectis, et debellare superbos.

Sic pater Anchises, atque hæc mirantibus addit :

Adspice, ut insignis spoliis Marcellus opimis 856

Ingreditur, victorque viros supereminet omnes !

Hic rem Romanam, magno turbante tumultu,

Sistet, eques sternet Pænos, Gallumque rebellem,

Tertiaque arma patri suspendet capta Quirino. 860

855 hoc Ven. his alter Hamb. 857 viris alter Hamb. 859 Alii distinguunt post Sistet eques ; nil refert. equis Rom., quod male probat Pierius ; est enim vulgare pro alto-ro poetico. 860 Tristia Rom. patris fragm. Vatic. a m. pr. suspendent Franc. rapta malebat Markland. ad Stat. p. 277, ut jam Passeratius apud Guellium ; sic Ge. III, 32. Sed nec minus alterum bene dictum.

imponere morem erit leges ponere, scribere, per pacem, in pace: fere ut Æn. I, 264 *populosque feroces Contundet moresque vires et mania ponet.*

855 sqq. Sequitur locus summa cum arte et ingenii venustate elaboratus de C. Marcello, Octaviæ f., ad quem ut deduceretur oratio, M. Claudium Marcellum bello Punico II clarum induxit. Narrationem de loco hoc coram Octavia lecto vide in Vita Virgilii §. 47 et Serv. ad v. 862. Respiciunt narrationem Senecæ verba in Consolat. ad Marciam 2. ubi de pertinacia doloris Octaviæ: *carmina celebranda Marcelli memorie composita aliosque studiorum honores rejecit.* Videri potest totus locus reliquo jam carmine absoluto insertus esse; nec tamen video, unde viri docti hoc tanquam exploratum satis tradere possint.

856—860. *Spoliis opimis*, occiso Insubrium Gallorum duce Virdomaro. Liv. Epit. XX. vid. Perizon. Animadv. c. VII. Eadem sunt v. 860 *tertia arma capta*, h. e. tertia spolia opima post Romulum et Cossum, *suspendet Quirino*, h. e. Romulo. Atqui ex Romuli instituto Jovi Feretrio ferebantur spolia opima. vid.

Liv. I, 10. Sed potuit serioris ævi religio Romulum Jovi adjungere ; potest quoque dictum esse, quia conditori urbis omnia præclata posterorum facta in laudem cedunt. Rem tamen alio modo expedit Servius: *Possumus et, quod est melius, secundum legem Numæ hunc locum accipere, qui præcepit, prima opima spolia Jovi Feretrio debere suspendi, quod jam Romulus fecerat ; secunda Marti, quod Cossus fecit ; tertia Quirino, quod fecit Marcellus.* Nec perperam hæc tradita esse, intelliges, si Plutarchum evolveris in Marcello p. 302 C. et locum Festi apud Perizon. l. c. pag. 255 sq., unde constat vulgarem eam Romanorum opinionem fuisse et interpretationem Legis Numæ, quæ de tribus diversis spoliolum generibus erat lata. Poetam autem sequi vulgarem opinionem fas est. Post hæc omnia tamen manet hoc, spolia opima in eodem Jovis Feretrii templo fuisse reposita. Propert. III, 10 f. *Nunc spolia in templo tria condita.* Nobilitata quoque est memoria Marcelli denario gentis Claudie, in quo templum quatuor columnis in fronte ornatum ipse ingreditur tropæum gestans, tumultu

Atque hic Æneas; una namque ire videbat
 Egregium forma juvenem et fulgentibus armis,
 Sed frons læta parum, et dejecto lumina vultu:
 Quis, pater, ille, virum qui sic comitatur euntem?
 Filius, ane aliquis magna de stirpe nepotum? 865
 Qui strepitus circa comitum! quantum instar in ipso est!
 Sed Nox atra caput tristi circumvolat umbra.

862 *Egregiam formam fragm.* Vatic., felici lapsu, et deest binis Burm. 863 *frons* fragm. Vatic. a pr. m. d. *lumine vultus* sec. Moret. *lumine vultu* tert. Rottend. 865 an ed. Junt. 866 *Qui* Heins. recepit tanquam elegantius ex Gud. a m. pr., nonnullisque aliis. In fragm. Vatic. *Quistrepidus, est* abest a Medic. Rom. et plerisque vetust.; itaque Heins. expunxerat. 867 *Seu* Goth. tert. *volat tristi circum caput umbra* Bigot.

potest proprie dictum videri, imminente bello Gallico in Italia. vid. Cic. Phil. VIII, 1. Serv. inf. ad VIII, 4. *equus* v. 859 ex postico sermone ad majorem dignitatem pro, bellator, dux. Occurrit et alibi.

861—867. Imitationem vide apud Silium XIII, 778 seqq., ubi de Homeri umbra. Comparari quoque potest recensensus similis apud Eurip. Phoeniss. 120 sqq. 147 sq. Summa populi R. de M. Marcelli, Augusto ex sorore nepotis, virtutibus suscepta erat expectatio. vid. Dio Cass. L. III, 30 et Vita Virgilii ad a. 731. Est idem, de quo Horatius: *Crescit occulto velut arbor ævo Fama Marcelli*. Elogia alia Interpp. notarunt ex Velleio II, 93 et Seneca Consol. ad Marciam c. 2. *frons læta parum*, omen mortis immature. Volebant tamen viri docti frontem Marcelli tristem agnoscere in gemma artificis Epitynchani nomine per fraudem, quod suspicor, inscripta apud Ursin. Imagg. n. 87, ubi v. Jo. Fabri Comment., ad cujus similitudinem plures gemmas passim in idem nomen interpretati sunt: tres apud Lippert. Dactyl. et Capita Augusti et Marcelli jugata et velata Ficorinius edi-

dit (*Vestigi di Roma antica* ad pag. 145). Auctoritatem tamen idoneam ubique desidero. Deprehendere quoque Marcellum sibi visi sunt viri docti in Achate Tiberiana et in numo Seguini, etiam a Spanhemio repetito de Usu Numism. Tom. II, p. 316, in quo tamen caput juvenile nullo cum argumento ad Marcellum trahi dudum docuere viri docti, et nuper monuit Eckhel. Catal. Mus. Cæs. Viindob. P. II, p. 47. et nunc duo numos Marcelli caput præferre dictos palam damnavit in Notit. Numor. vet. Vol. VI, p. 162. *quantum instar in ipso est*: verisimile fit, si id cogites, quod sententiæ vis postulare videtur, nove h. l. *instar* positum esse pro exemplo magnæ dignitatis, specie augusta corporis. Nam, etsi non ignorem, quæ disputata sint a viris doctis, nuper repetita a Dorvillio ad Charit. p. 333, non tamen satis acquiescit legentis animus, si nihil aliud assumas quam: quanta similitudo ejus est sc. cum patre; imprimis circa præcesserit: *Qui strepitus circa comitum!* quod sine dubio ad popularem favorem referendum; expectas nunc aliquid, quod dignitatem oris et maiestatem corporis commendet. Vs. 867.

Tum pater Anchises, lacrimis ingressus obortis :
 O nate, ingentem luctum ne quære tuorum ;
 Ostendent terris hunc tantum fata, neque ultra 870
 Esse sinent. Nimium vobis Romana propago
 Visa potens, superi, propria hæc si dona fuissent.
 Quantos ille virûm magnam Mavortis ad urbem
 Campus aget gemitus ! vel quæ, Tiberine, videbis
 Funera, quum tumulum præterlabere recentem ! 875
 Nec puer Iliaca quisquam de gente Latinos
 In tantum spe tollet avos ; nec Romula quondam

868 abortis et hic esse lectum e Pierio apparet. 869 O gnate Medice, et al. suorum Oudart. pro Var. Lect. 870 Ostendunt et sinunt Schol. Statii, Theb. I, 586, prius etiam Gud. a m. pr. et Leid., et arridebat Heinsio. hunc natum Goth. sec., sed perperam : nam ad virilem ætatem pervenerat, ut vel ex disputationibus virorum doctorum ad Propertium notum. neque revocavit Barmann., Heinsius secundum potiores : nec. 871 nobis unus e. Exe. Barm. 872 Superis Rom. et Dorvill. a m. pr. hac abest ab Oudart. 874 vel quot T. videres ed. Ven. 875 Funera post gemitus et tumulum improbat acutus iudex Schrader. in Ms. et conj. munera : ut 885—887. Conf. Not. præterlabare Medice. a m. pr. cum aliquot aliis Heins. 877 in tantam spem ed. Ven. in tanta spe Witt. in tantum spes Rom.

Sed Nox haud dubie pulcerrimi phantasmatis. Graviter dictum erat ab Homero Od. Y, 351 Ἄ δαῖτοί τι κακὸν ἔδδ' ἐπ' αἶσχε; νεκρὶ μὲν ἑμίων Ἑλλάδας κεφαλὰί τε, πρόσωπά τε νεκρὶ τε γούνα. At ornatius Nox (pro Morte) circumvolat caput. Nocti, Somno, Morti, alas tribui, nunc nota res est. cf. Gueff. Cerda, et ad Tibull. II, 1, 89.

868—887. Quantopere omnia hæc ad affectum accommodata et dicta sint, monere necesse non est. Sed fatendum est, felicissime hæc a Vol-tario translata esse ad Burgundiæ Ducem in Henriade Cant. VII *Quel est ce jeune Prince, en qui la majesté* etc. *propria*, perpetua ; ut jam alibi vidimus. cf. Cerda. 868. *ingressus*, infit. 870. *Ostendent terris hunc tantum fata*. Hinc ductum illud Taciti in Agricola 13, *monstratus*

fatis Vespasianus. ubi *fatis* est tertius casus, ad fata secutura ; ad imperium fato ipsi destinatum.—872. 3. *Campus aget gemitus virorum*, noto more pro, in campo agitur, erit gemitus (ut ἀγισθαι pro ἐχισθαι, ἰλναι) in funere Marcelli. Sed *funus* seorsum memoravit, et præclare ad Tiberim retulit : quanto cum luctu funus factum videbis, cum ille tumulabitur ! De publico hoc in Marcelli funere luctu v. Dio l. c. et Serv. ad v. 862 ; funus autem in Campo Martio factum est ingenti cum apparatu. v. ibid. 875. *tumulum recentem*, Mausoleum Augusti in Campo Martio ad ripam Tiberis, quod sexto suo Consulatu (U. C. 726) extruxerat. Sueton. c. 100. cf. Strabo V, p. 236. Nunc 876. 877 pro vulgari : in tantam spem tollet eos ; tantam de se spem faciet. ut et

Ullo se tantum tellus jactabit alumno.
 Heu pietas, heu prisca fides, invictaque bello
 Dexterâ! non illi se quisquam impune tulisset 880
 Obvius armato, seu quum pedes iret in hostem,
 Seu spumantis equi foderet calcaribus armos.
 Heu, miserande puer! si qua fata aspera rumpas,
 Tu Marcellus eris. Manibus date lilia plenis:
 Purpureos spargam flores, animamque nepotis 885
 His saltem accumulem donis, et fungar inani
 Munere. Sic tota passim regione vagantur
 Aëris in campis latis, atque omnia lustrant.
 Quæ postquam Anchises natum per singula duxit,

880 *quisquam se alii*; et sic ante Heins. lectum. 886 *Hic salt. alii.* Sed Heins. e codd. *His* reposuit, aut potius revocavit; sic enim jam inde ab Aldo editum. *donis ef-fungar* Mentel. pr. *inani* Medic. et fragm. Vatic., uterque a m. pr. 887 *Munera* Menag. sec. 888 *Aëris* Rom. et Mentel. duo, alter etiam sine in. *Aëris* Regius. Vulgatam etiam ap. Schol. Lucani legi notat Burm. Malim Virum doctum docuisse, quo-modo *Aëris* campi accipiendi sint; ne moneam, in inferis *atherem* memorari solere, non, *aerem*. 889 *Quem* Montalb.

Gr. ἄριστον ἱπταίειν. 879. 880. egre-gia inversio, dum post illa, neminem Romanorum cum ipso posse compari, pergendum erat: *non jactabit se tantum ullo alio alumno Roma* nec pietate, nec fide, nec virtute. 881. 882. Comparari solet Odyss. I, 49. 50, sed ornatior Virgilius. 883. *Si qua* via ac ratione, *fata rumpas*, fato-rum ordinem dissolvere, tam durum fatum effugere tibi liceat, tu ad M. Marcelli, b. Punico II clari, nomen ac gloriam es perventurus. Nomen autem non nisi in fine demum me-moratum, pleno jam erumpente ani-mi affectu. Illa 884—886. *Manibus date lilia* etc. molliora forte sunt, quam pro Anchisæ herois persona et temporibus; Virgiliani potius ævi habenda talis luctus testandi elegan-tia. Sunt tamen per se pulcherrima. 885. *animam accumulem donis* nota

elegantia pro vulgari, dona, flores, in animam cumulem. *inani munere*, eo sensu, quo lib. XI, 51. 52. Duxit hinc versum pulcherrimum Statius Epiced. Patris V. Silv. 3, 285 *Ite* (Venite) *pui Manes, Graiumque exa-mina vatum, Illustremque animam Le-thæis spargite sertis.*

887—893. *Aëris in campis.* Etsi aerem in Elysio spirare non dubito: conf. sup. Var. Lect. ad v. 704; cum tamen *aëris campi* insolente modo di-cantur, spretis Grammaticorum apud Servium et Cerdam argutiis putare malebam græce dictum, pro locis ca-liginosis h. e. inferis. Sic ἀήρ, ἀήρας sæpe. et sup. 828 *noctem* de his locis haud refugerat. Sentio tamen et hoc molestiam habere: cum a campis Elysiis caligo abesse debeat; et sup. 640 lectum esset: *Largior hic cam-pos æther et lumine vestit Purpureos,*

Incenditque animum famæ venientis amore : 890

Exin bella viro memorat quæ deinde gerenda,

Laurentesque docet populos, urbemque Latini;

Et quo quemque modo fugiatque feratque laborem.

Sunt geminæ Somni portæ : quarum altera fertur

Cornea; qua veris facilis datur exitus Umbris : 895

Altera candenti perfecta nitens elephanto;

Sed falsa ad cælum mittunt insomnia Manes.

890 *famæ melioris* Medic. ex Colot., quod ex aliis locis translatus esse bene monet Heins. 891 *Exine* multi hic, ut et alibi solent. *Bella exinde* Franc. 893 *quo-*
cunque ed. Ven. et Goth. pr. 894 *Somni* pro *Somni* dictum esse cum aliis contendit
Burm., quasi non elegantius poeta Somnum substituat Somniis, ut toties alibi. *gemi-*
Goth. pr. 895 *Cornua* Rom. et Dorvill. *datus* alter Hamb. Totus versus Goth.
tertio deerat. *veras umbras* de animabus in nova corpora processuris ea porta, accipit
Beattie in *Transact.* of the R. Acad. at Edinburg. To. II. 11 p. 53. Opponuntur tamen
falsa insomnia. 897 *Insolens* videtur Trappio voc. *Sed*, et conj. *Quæ*. Scilicet: al-
tera meliore materia quidem et candenti perfecta n. e. Sed falsa etc.

solemque suum, sua sidera norunt. Scilicet ereptum iis est *cælum* no-
strum; nam in inferis sunt; at ha-
bent *aerem* suum: ætherem illum pu-
rum et apertum. Dicamus ergo *Cam-*
pos aeris esse dictos locorum, qui tali
aere, pro cælo, fruuntur. Pro inter-
pretatione esse potest locus Statii
sup. ad v. 637 adscriptus: *nemus—*
in quo falsa dies cæloque simillimus
æther. Dicta eodem modo *loca lu-*
cis, fere ut 761. viro pro, ei. *Lauren-*
tesque docet populos, nota inversam
orationem, pro, quæ bella gerenda
cum Laurentibus h. e. Latinis ad
Latini urbem. Ad vaticinia igitur
revocat poeta etiam ea, quæ ab Æ-
nea in Italia gerenda sunt. cf. Dis-
quis. II, s. 6.

894—902. Cum emittendus esset
Æneas e locis inferis alia porta, quam
qua ingressus erat; incidit Maro in
duplices Somni portas, quibus vete-
res Somnia prodire luserant. vid.
Excurs. XV. Fundus Odys. T, 562
scqq. Somnia sedem habere in Orci

vestibulo, supra vidimus v. 274. 282
sq. *veris Umbris*, vs. 895 pro Somniis;
vi oppositi; scilicet somniorum ge-
nus est, quo mortuorum Umbræ som-
niantibus offerunt se, interdum ut
Furiarum loco poenas expetant. v.
ad Propert. IV, 7, 87 et al. Altera
porta meliore quidem est materia,
scilicet eburna, sed ex ea non ipsæ
Umbræ, sed earum phantasmata seu
Larvæ, procedunt: Horatii *vana*
imago, quæ porta fugit eburna, som-
nium ducens: III, 27, 41. *nitens, or-*
nat; perfecta, τετυγμένη, vel ut Hom.
αὶ δ' ἐλπίαντι τετυγχαται. *Manes*, h. e.
inferi mittunt; ex inferis ad homines
(namque id est, *ad cælum*) procedunt
hac altera porta Larvæ; hæc, vi op-
positi, esse debent *falsa insomnia*;
ut sup. ad 888 e Statio memorabam
falsum diem de Elysio: *In quo falsa*
dies: non verus, sed similis huic no-
stro diei, nostro cælo, assimilatus;
Non autem *falsa insomnia* sunt fal-
lentia, somnia, quæ falsa rerum spe-
cie illudunt. Interpretatur locum

His ubi tum natum Anchises unaque Sibyllam
 Prosequitur dictis, portaque emittit eburna :
 Ille viam secat ad naves, sociosque revisit ; 900
 Tum se ad Caietæ recto fert limite portum.
 Ancora de prora jacitur ; stant litore puppes.

898 ibi irrepsisse videtur in Burn. edit. Nam Heins. prætulit ubi cum Medic. et al.
 901 *recto limite* Ven. Montalb. pro Var. Lect. Bigot. et Witt., h. e. *recta via*, quod cur
 Heins. et Burn. non receperint miror, cum alibi minus gravi auctoritate vulgatam meta-
 verint. Lapsus librarii in promptu est, in vulgata, *litore*.

Statius l. c. 288 Epicedii in patrem : *renda sunt, quæ hic, mythici tantum*
 precatur, ut se patris umbra per *ornatus caussa, de somniis s. umbris*
 somnum invisat : *Inde tamen* (ex *veris ac falsis, adjecit : ac si falsis ac*
 Elysio) *venias, melior qua porta ma- fictis accenseri velit ipse ea, quæ ad-*
 lignum *Cornea vincit ebur* (vult ergo *huc narraverat. viam secat, ripuiv*
 patrem ipsum, veram ejus umbram *ὁδὸν*, nota res ; quasi sulco pedum
 se per somnum invisero) *somnique in ducto, recto limite*, ut *recta via. v.*
image monstra, Quæ solitus (sc. eras *Var. Lect. Tandem Pomponius Sab.*
monstrare, dum vivebas). Nec vero *" Sic finit Homerus lib. XI (Odys.*
 ad poetæ consilium ullo modo refe- *A) et Silius XIV."*

EXCURSUS I

Necyia in poetarum carminibus frequentata.

CONSENTIUNT in hoc, quos vidimus, omnes, rerum argumentis ornamentisque nullum facile alium *Aeneidis* librum tantopere tenere legentis animum, quam hunc sextum. Quanto magis ille delectare debuit aut omnino veterum, qui ex poetarum lectione et puerili institutione his mythis innutriti erant, aut Romanorum animos, qui extrema libri parte annales quodammodo suæ gentis conditos, clarissimorumque virorum recensum factum, agnoscerent? Iidem porro loca circa Cumas frequentabant, et iisdem religionibus, quæ hic expositæ sunt, imbutos habebant animos. Sane quidem cum Homerus Necyomantiam suam in his ipsis locis Italiæ exponeret, quandoquidem illa tum Græciæ inter ignotas, saltem parum cognitæ, terras erat, major utique rerum narratarum novitas et insolentia, majorque ad Græcorum animos admiratione movendos vis esse debuit; habet etiam majorem auctoritatem narratio ex Ulyssis persona instituta; Virgilius tamen non minimum auxilii et præsidii ad suavitatem et delectationem hac ipsa recodatione, amplificatione et exornatione veterum fabularum, ex Homero aliisque notarum habuisse videri debet (*Odyss.* A). Non enim uno loco seu superstitio illa seu fraus ludificata est hominum animos antiquioribus ætatibus, ut Manium evocationem fieri posse crederent; quod etiamnum inter feros et barbaros populos passim hominibus persuasum esse narrant qui eos adierunt. Proclivis enim esse solet uadium hominum animus, ut animas post mortem superstites esse easque iterum in vitam redire opinetur, quia interdum mortuorum species sibi per somnum objectas viderat. Possunt etiam mentes fanaticorum aut morbo aut errore ita de statu dejici, ut videre et audire ea, quæ non sunt, sibi videantur; adeo ante subtiliorem doctrinam de animarum immortalitate dudum similis aliqua persuasio hominum indoctorum animos tenuit. Facile itaque existere potuit, qui inter alia divinationum genera etiam hoc uteretur, ut mortuos consuleret et ab iis responsa ferre videretur; contra, in hac, animæ nostræ natura quæ sit, ignorantione, difficile esse debuit, ista persuasione et fraude animum liberare.

Obtinuit ea jam olim in Oriente, ut e sacris vatibus constat, tum in Græcia, Italia, aliis locis. Hinc poetarum ingenia materiam et ornatum carminum inde petierunt. Nec Homeri modo mythica sollertia in his se exercuerat; sed, *Νεκύιας* condere, res videtur fuisse veteribus poetis pluribus frequentata; uti plura etiam per Græciam fuere Necromantia, antiquiore certe ævo; nam talem superstitionem melior vitæ cultura statim tollere debuit. In Minyade et in *Νόστοις* res inferas Orcique terrores fuisse tractatos, testatur Pausanias X, 28, et inter Hesiodea Thesei fuit cum Pirithoo ad inferos descensus, ibid. IX, 31, alius Hercules in Heracliis: quo factum, ut hic ipse Hercules descensus variis modis narraretur: conf. Apollod. II, 5, 12 et Notas pag. 428 sqq. Platonis de inferis mythi, quos e teletis repetunt nonnulli, non aliunde forte erant petiti, quam ex poetis antiquioribus. Nec improbabile est, a Tragicis Græcis Romanisque in fabulis, quæ de Hercule Theseoque agerent, passim de rebus inferis intextas fuisse narrationes, cum descensum ad inferos exponerent. Ita a veterum imitatore, Seneca, factam vides in Hercule furente. Plura ejus generis occurrere videntur in Theseo Euripidis, si compares Schol. Aristoph. ad Ran. 476 et al., qua ipsa in fabula Bacchi ad inferos descensus exhibetur. Rerum inferarum frequens quoque mentio in evocationibus umbrarum, uti Tiresiæ, et in Manium apparitionibus, ut in Euripidis Hecuba; unde latine conversum ab Ennio de Acheronte locum servavit Cicero Tusc. Qu. I, 16 in Ennii fragm. Column. p. 242 *Adsum atque advenio Acheruntē vix via alta atque ardua, Per speluncas saxeis structas aspercis pendentibus Maxumeis; ubi rigida constat crassa caligo inferum; Unde animæ excitantur obscura umbra, aperto ostio Alti Acheruntis, falso sanguine mortuorum imagines.* Quid? quod etiam pictura attigit illa: est descriptio tabulæ a Polygnoto factæ Delphis in Ieschæ pariete, in qua Necyia exhibita: Paus. X, 28, ubi verus Ulyssis ad inferos descensus fit. Alia Niciæ tabula apud Plinium XXXV, 11 s. 28. Fertur tandem in teletis aliquando rerum inferarum adumbratio dramatica facta esse. Inter hæc observatione dignum illud, a quam parvis initiis commenta hæc et figmenta de conditione animarum post mortem profecta sint: condonanda utique illa cupiditati mentis humanæ, et mira aliqua jucunditate se commendantia, nec indigna, quibus immoretur ingenium erectius. Apud Homerum est *Tartarus* Titanum sedes et carcer; neque aliter apud Hesiodum res se habet, nisi quod Uranidæ in iisdem collocantur: conf. inf. Excurs. VIII. Alius apud Homerum locus est *Elysium*, heroibus destinatus; alius *Hades*, s.

Orcus, h. e. omnino loca infera : in quibus promiscue habitant animæ cum piorum tum impiorum : conf. Not. ad v. 608 hujus libri. Exornavit Elysium Hesiodus, inde Pindarus Ol. II, 123 seqq. : de quibus alio loco dictum (Opusc. Tom. I, pag. 397 seqq. 400). At in Orco novis fabulis exornando imprimis hominum ingenia se exercuere, cum in carminibus, tum in picturis, ut paullo ante dictum est.

Non igitur rem novam et inauditam commentus videri debet poeta, cum descensum Æneæ ad inferos carmini intexeret. Enimvero ingenii sui divini felicitatem declaravit in hoc, quod, cum eo ævo viveret, quo Græciæ doctrina et sapientia satis jam vulgata erat, non in fabulis Homericæ ætatis acquievit, sed novum suæ Necyïæ ornatum, eumque eximium, paravit ex philosophiæ imprimis Platoniciæ placitis; ex quibus, etsi omnino inter magnorum poetarum inventa etiam hoc est, ut vulgares et indoctas opiniones ad philosophicam aliquam doctrinam accommodent : hoc tamen imprimis consecutus est, ut non modo, Homeri exemplo, eos, qui jam ante Æneam obiissent, verum posteritatem quoque in Æneidem inferre, reique novitate tantorumque virorum nominibus, auctoritatem carmini et suavitatem comparare posset. Secuti idem inventum sunt recentiores poetæ epici; de quibus infra suo loco (Excurs. XIII) videbimus. Intellectu itaque facile est, varia et multa eruditione hunc librum esse refertum. Bene Servius ad v. 1 *Totus quidem Virgilius scientia plenus est, in qua hic liber possidet principatum, cujus ex Homero pars major sumta est. Et dicuntur aliqua simpliciter, multa de historia, multa per altam scientiam Philosophorum Theologicorum Ægyptiorum, adeo ut plerique de his singulis hujus libri integras scripserint παρατηρίαις.* Forte ex his nonnulla inter grammaticas quisquilias Servii sunt servata, etsi ex iis pleraque poetæ et sententiam et elegantiam offuscant potius, quam illustrant. Ad poetæ artem et ingenium referendum mihi videtur et hoc, quod, cum a vaticiniorum et prædictionum ambagibus maximum sibi epicæ narrationis, quæ animos rerum mirarum expectatione detineret, præsidium petisset, nunc quoque primum Trojanorum ad Italiam accessum sacrorum et oraculorum religione quasi consecravit, reique adeo summæ miram dignitatem, et fati ad exitum jam spectantibus novam tamen ex novis Sibyllæ responsis expectationem paravit.

EXCURSUS II

Locorum circa Avernum descriptio, seu topographia agri Cumani.

Libri hujus vix satis magna esse potest suavitas, nisi locorum descriptionem oculis animoque subjectam habeas. Quam cum multi desiderint, nuper tamen diligentius ea literis cœloque expressa est a Paulo (Ant. Paoli *Puteolanis Antiqq.*) et coloribus vivide reddita ab Ill. Equ. de Hamilton in *Campis Phlegræis* Tom. I, tab. XVII sqq. et nuper Nic. Carletti in *Storia della regione abbruciata in Campagna felice* (Neapoli 1787. 4.) et Breislak in *Campanie* To. II p. 148 sq. Nam illam chorographiam, quæ in Mazzella et hinc apud alios conspicitur, nonnulla parum accurate delineata habere usu facile deprehenditur. Procurrit inter Puteolos et Cumas angustus ager in promontorium Misenum desinens. Puteolano s. Baiano sinui imminet lacus Avernus, adeoque Cumis ille a tergo situs. Facies lacus nunc quidem talis est, ut circumcirca colle leviter acclivi et, præter eam partem, qua ad mare (sinus Baiani) prospectus patet, fere perpetuo ambiente in orbem ille rotundetur. Stadiorum quinque ambitum jam olim Diodorus edidit lib. IV, c. 22. Altitudine est ad CCXXXVIII et CCLIII passus (secundum Mazzellam l. c. c. 15), aucta olim in immensum: vid. Diodor, l. c. add. Aristot. *Mirab. Audit.* c. 108. pag. 727 E. ed. du Vall. decrescere tamen et temporum vicissitudinibus imminui illa potuit. Colles, qui ambiunt, silva olim inaccessa consiti erant ad convalles decurrente, et hi sunt *luci Averni* (VI, 118. 138. 201), in quibus aureæ frondis arbor (v. 138 sqq. 186). Silvam immensam, Ὀμβριμοῦς ἄλσος οὐδαίας Κόρης, Lycophron 698 quoque memorat, et multo disertius Homerus: ἐνδ' αἰτῇ τε λάχεια καὶ ἄλστα Περσεφονείης, Μακραί τ' αἰγίροι καὶ ἰτέαι ὠλεσίκαρποι. Cupressos altissimas etiamnum lacum Avernum cingentes tristissimam loco faciem adjicere narrari video a Flachato (*Observations sur le Commerce et sur les Arts* T. I, p. 111), etsi ab Italis nihil tale prodi memini. Ita tamen Petronius naturæ veritatem expressisse videri debet, qui saxa *feræ circumtumulata cupressu* narrat. Sacer autem lucus ille Hecatæ (v. 13) seu Proserpinæ, ut Homerus ait: Promiscue enim in rebus inferis Hecate, Proserpina, Diana, Luna nominari solet. Proserpinæ sacram paludem Avernam videas apud Diodor. IV, 22, et templi Hecatæ

quæ vulgo Apollinis aiunt, ad Avernum lacum, non
 Paulus fol. XXVIII. Sed silvæ istæ inclusum aeris
 infecerant: etsi ipsi antro exhalationem tribuit Vir-
 (217—241) et imitator loci Petronius; quod et ipsum acce-
 ad alterum, cum eandem naturam sulphurariæ aliæque in
 habereant. Contagium tetri aeris fama olim in mira-
 uisarat, ut aves adeo supervolitantes fœtore enectas decidere
 rent. vid. Strabo V, p. 244 B. quod nunc aliter se habere docent
 et alii. Colles, quos diximus, variis perfossi specubus vias
 subterranæas, caliginosas et tetras hospitibusque impervias,
 quam binæ, sed et hæ fere obstructæ, supersunt, de quibus infra vi-
 debimus. Locus igitur apprime idoneus ad hominum animos religio-
 num terroribus sollicitandos.

Specus olim fuisse in his locis plures, modo diximus, etsi terræ mo-
 tibus ipsaque ætate multi corruerunt, ut adiri nequeant. Habet etiam
 litus circa Misenum cautes passim excavatas, quas a Lycophrone vss.
 1278—1280 *ῶσπηρίον τε κλιτὸν* etc. innui puto. Admodum itaque
 probabile est, et opinioni fidem facit apud Strabonem lib. V, p. 244
 D. Ephorus, cujus magna hac in re auctoritas est, cum ipse Cumanus
 diligensque scriptor fuerit, prisca ætate eas cavernas hominibus pro
 domibus fuisse (Trogloodytis itaque illi accensendi), donec ad meliorem
 vitæ cultum procederent, natamque hinc esse de *Cimmeriis* fabulam
 Odys. A, 13 sqq.; etsi tenebris illis perpetuis silvæ quoque continuæ,
 quibus convalles montium obsitæ erant, majorem horrorem addere
 debuerunt.

Succedentibus temporibus locorum naturam superstitio suis usibus
 accommodavit, et *necyomantion* ibi institutum est, ut Manes evocati
 sciscitantibus fata prædicere crederentur, idque Homeri adhuc ætate
 auctoritatem habuit qui Ulyssem ea loca adiisse narrat. Erant sacer-
 dotes, qui sacra monstrarent, quibus Manes essent placandi (v. Strabo
 V, p. 244 C. ubi *εἰσέπλεον* parum accurate ex sua ætate dixisse vide-
 tur, ut Maximum Tyr. Diss. XIV aliosque omittam). Ex majorum
 vita servaverant sacerdotes morem, ut religioni ducerent solem videre,
 nec nisi noctu speluncis prodirent, ut Ephorus apud Strabonem l. c. D.
 auctor est. *Κερβέριον ὑπὸ χθονὶ μαντεῖον* in his locis etiam Scymnus
 memoravit v. 248.

Tandem Manium sedes et ipsi inferi, quibus evocandis sacra in his
 locis fiebant, hic esse vel crediti sunt vel a poetis narrati. Conf. Stra-
 bon. l. c. et Eustath. ad Odys. K pr., qui eum excripit. Habebat

autem locorum situs et natura multa, quæ ad fabulam hanc seu fidem accommodari possent, quæ unum in locum congesta videbis ap. Lycophr. 695 sqq. Silium XII, 120 sqq., sicut omnino vetustiorum fabularum magna pars ad insolita aliqua naturæ phænomena, ad motus imprimis hiatusque terræ, ignesque montium continuos, aliaque naturæ miracula spectant. Cogitandum porro, loca hæc antiquiore ævo a paucis Græcorum fuisse adita, rerumque adeo miracula navigantium sermonibus insigniter fuisse aucta. Quis ferat adhuc in Lycophrone l. c. ad Acherontem montis jugum memorari, unde omnes Italiæ fluvii prodeant? Fuit autem totus hic tractus ignibus subterraneis, passim erumpentibus, aliquando infestus: cujus rei vestigia sunt manifesta plurima: specus, colliculi, crateres, lacus, alia: v. Hamilton. in *Campis Phlegræis* cum aliis, qui de focus Vulcaniis scripsere. Scatet totus ager inter Cumas et Baias bitumine, sulphure et calidis aquis (v. Strabo l. c. p. 245 C. quod bene Silius expressit vers. suis lib. X, 194 sqq.). Super Puteolos campus est sulphure abundans, collibus inclusus, quibus passim soli spiraculis fumus et calor prodit. Notum est nomen inter veteres *forum* et *olla Vulcani*, nunc *Solfatara* seu *Sulphuraria*. Vide vel Mazzellam *Antichità di Pozzuolo* c. 7. Itaque mirum non est, modo Cyclopas modo Gigantas fulminibus percussos passim ad hæc loca referri, imprimisque campos Phlegræos, Gigantumque in iis pugnam. His ignis subterranei vestigiis accensendus ipse lacus Avernus, olim crater Vulcani (Hamilt. l. c. pl. XXIX). Non longe a Cumis palus est *Acherusia* (Plin. III, 6 *Acherusia palus Cumis vicina*), quam Silius X, 126—129 et XIII, 397 aditum ad inferos esse prodidit, aquas habens ferrugineas, in solo sterili populis passim consito. Omnino loca *feta palustribus ulvis*, *Litora Cumarum* pronuntiat Ovidius Met. XIV, 103. Phlegethontis et Cocyti notionem animis attulere calidi passim fontes. cf. Strabo l. c. p. 244 C. qui Stygis quoque aquam, ad quam oraculum conditum erat (καὶ τὸ παντὶον ἐνταῦθά ποῦ ἵδρυται), ibi fuisse ex Ephoro tradit. cf. Odyss. K, 513. 514. 515. Accedebat specus ab Averno per collem demissus, quem qui emensus erat, in vallem prodibat, in qua lacus erat, Acheron dictus*; ex hoc iter ducebat ad *Campos Elysios*, amœnissimum locum, sepulcris passim consitum.

Tota loci facies nunc quidem quam maxime est mutata (cf. *Addison's Remarks* p. 167). Nam primum cum Agrippa portum Julium efficere

* *Acherontem* alii eum esse volunt, qui nunc *Laco di Fusaro* est. Alii ad *Mars mortuum* nomen transferunt.

vellet, ut Avernum Lucrino lacui jungeret, silvam excidere jussit. cf. Strab. V. p. 245 A. Tum anno a C. N. MDXXXVIII mota terræ, medio fere inter Lucrinum et Avernum spatio, extitit *novus mons cineritius*, de quo v. Capacc. *Antich. di Pozzuolo* c. 20. Olim, ut ex Strabone cognoscitur lib. V, p. 244 A, ora maritima ita his lacubus erat intercepta, ut Misenum in peninsulæ formam esset redactum. Plures tum cavernæ sunt oppletæ; aliæ ulterius ductæ, inter quas nobilissima a Cocceio. v. ibidem. cf. Hamilton. *Campi Phlegræi* T. II pl. 28, 29, idemque in *Philos. Transact.* Vol. LXI, 1, p. 15 sqq.

EXCURSUS III

Eadem topographia ad mentem Maronis.

Videamus nunc locorum situm, qualis a poeta proditus et exhibitus est, in quo ab Interpp. passim multæ magnæque turbæ fiunt.

Infra Cumas, sub promontorium Misenum appellant Trojani. Eo enim ducunt omnia, ut non in Baiano, quod vulgo creditur, quodque alias narratum ex Aurelio Victor. O. G. R. c. 9 intelligitur, sed in *Cumano litore* Trojanorum classis stationem habuerit. Nec aliter Ovidius Met. XIV, 107 sq. tradit, ubi Virgilii vestigiis insistit. Proccedit inde Æneas ad *Apollinis templum et Sibyllæ antrum*.

Templum in monte esse debuit (v. 9 ARCES, quibus ALTUS Apollo præsidet); nec longe a Cumis; itaque falsa est vulgaris opinio, dum ruinas templi Apollinis ad lacum Avernum ostendant hospitibus loci accolæ. Sed, si in monte Cumano fuit templum, iterum dubitari potest, an Cumarum colli impositum fuerit, et in ipsa urbe, quod Servius putavit. Sili quidem auctoritas parum me movet, lib. XII, 86, ubi Annibal Cumas oppugnans, adeoque urbe nondum receptus, dum perlustrat aditus, *fulgentia cernit Arcis templa jugo*; nam nihil impedit, quo minus templum in summo arcis vertice positum etiam extra mœnia conspici potuerit. At graviolem dubitationem facit, quod in urbe media lucus et secreta religio Sibyllæ, quæ contigua erat templo, vix esse potuit, et quod, si id ponas, ceterorum locorum, imprimisque speluncarum, situs non satis convenit. Itaque Paolus, Vir doctissimus, in *Puteol. Antiq.* fol. XXIX templi locum in montium jugo ad Cumas quærendum arbitratus, ejus ruinas *arcum felicem*, quem vocant, esse

contendit. Ita *lucus Triviæ*, per quem via ad eum erat, in silvis, quarum reliquias ille locus habet, et speluncæ in propinquo sunt. Ex his tamen locis, in quibus de Apollinis Cumani templo agitur, in arce seu acropoli Cumarum illud fuisse manifestum fit. Scilicet cogitandum erat, Æneæ ætate urbem Cumarum nondum fuisse, nec extitisse tum nisi templum in monte; viam adeo per loca parum habitata et per lucum ad illud duxisse, et in latere montis horridos specus occurrisse.

Fuit autem hoc Apollinis templum ex antiquissimis, Dædali illud opus habitum (v. 14 sqq.) statuaque dei colossea nobilitatum. Servius ad v. 2 h. libri: *Cælius* enim (L. Cælius Antipater, qui belli Punici II historiam scripsit) de Cumano Apolline ait: *Est in fano signum Apollinis ligneum, altum non minus pedes XV, cujus meminisse putatur Virgilius* (v. 9 *altus Apollo*; sed hoc a situ templi petitur. Altitudinem tamen non vulgarem habuisse templum necesse est, cum in eo signum tantæ magnitudinis collocatum esse potuerit, et cum v. 19 *immania templa* appellentur). De eo Cic. de Div. I, 43 *quid? cum Cumis Apollo sudavit?* et Obsequens c. 114 *Cumis in arce Apollinis simulacrum sudavit* sub a. 662, ergo tum adhuc supererat. Alia de eo Apolline prodigia narrant Liv. XLIII, 15, Augustin. C. D. III, 11. Celebrata autem Apollinis religio erat jam in Cume seu Cyme Æolidis: ubi ejus templum clarissimum, cum oraculo in quo Alexander quoque dedicaverat lychnuchum præclari operis: v. Plinium XXXIV, 3, s. 8.

In ascensu ad templum *lucus Triviæ* fuit (v. 13), in quo ipso templum illud Apollinis videtur fuisse conditum. Dum Æneas argumentum in foribus templi sculptum contemplatur, arcessita ab Achate Deiphobe, Phœbi Triviæque sacerdos (v. 35), Teucros vocat *alta in templa*, v. 40. Hæc de Apollinis templo si accipias, totus rerum ordo turbatur; sed Sibyllæ antrum, *μυρτῆϊον*, intelligendum esse, manifestum fit; et subjicitur statim: *Excisum Euboicæ latus ingens rupis* (h. e. montis, cui templum impositum erat) *in antrum*. cf. v. 9. 10 et sup. III, 443. Abest autem palmis CCXX ab *Arcu felici*, quas Apollinis templi ruinas esse diximus, crypta, communi opinione pro Sibyllæ antro habita. v. Mazzella de Situ Puteol. et Cum. c. 29. In interiore antri parte adytum, in quo Deiphobe dei afflatum excipiebat; ipse Æneas ad ingressum antri substiterat: vide v. 45 *Ventum erat ad limen* et 81 *Ostia jamque domus patuere*—et 98 *Talibus ex adyto dictis*—Difficile tamen est ad assequendum, quæ loci species hac in parte poetæ animo obversata sit. Vide enim: narrat vs. 42 in rupis Cumanæ latere *antrum, quo lati ducunt aditus centum, ostia centum, unde ruunt totidem voces, responsa Si-*

byllæ. Secundum hæc censeas antri aditus et ostia plura, magno numero, fuisse. Attamen subjungit: *ventum erat ad limen*: quod sane non potuit esse centum ostiorum, sed tantum *unius*: stant quoque vs. 47 *ante fores*, easque clausas. Nam v. 52. 53 *neque enim ante dehiscunt attonitæ magna ora domus*. Fores mox aperiuntur et Sibylla in adytum irruit, nam v. 98 *talibus ex adyto dictis*. enimvero nunc vs. 81 poeta *centum ostia* memorat: *Ostia jamque domus patuere ingentia centum sponte sua vatisque ferunt responsa per auras*. Equidem antri ad aspectum animo conceperam hunc: ut plures aditus, seu meatus, subterranei, ad penetrabile aliquod sacrum in intimo recessu ducerent, clausum illud: quo aperto Sibyllæ intus vaticinantis vox, per fores patentes audita, per centum, seu per omnes meatus, et ostia, ferebatur. Hæc secutus sum ad vs. 42. 43.

Jam, si Strabonis locum ex Ephoro, lib. V, p. 244 C, conferas, non uno loco olim τὸ μαντεῖον fuisse intelligas. Erat primum non longe a Styge situm, et διὰ τινων ὀρυγμάτων—τοὺς ξένους εἰς τὸ μαντεῖον δέχασθαι narrat sacerdotes, πολλὸν ὑπὸ γῆς ἰδρυμένον. Mox a rege aliquo interfectos sacerdotes, τὸ δὲ μαντεῖον ἔτι (Ephori tempore, qui Philippi Macedonis tempore vixit) συμμένειν μεθεστηκὸς εἰς ἕτερον τόπον. Poeta noster itaque ad antiquius illud oraculum respicere putandus.

Edoctus a Sibylla Æneas, aureo ramo opus esse, si loca infera ingredi velit, reversus ad litus, et Miseni corpore conspecto, ut illud cremaret lignis convectis, silvam versus Avernum pererrat, inventoque ramo apportatoque ad Sibyllam, illa duce ad *speluncam* accedit, *diversam a priore illa*; etenim circa Avernum aditus ad eam v. 238. In hujus speluncæ aditu sacrum faciunt v. 242 sqq., a media nocte iter per eam ad inferos instituunt, 255. 262. Postrema hæc ad unam eandemque speluncam spectare videntur, quæ est *Baiana*, quam nunc appellant quoniam versus Baias spectat. Nec probo Paolum, qui descendum quidem per hanc, sacra autem ad tertiam speluncam, *Cumanam*, facta esse (v. 237) contendit. Baiana illa superiore adhuc sæculo multo profundius et latius iter præbuisse videtur, si Mazzella (l. c. c. 15) et Mormile (*Antich. di Pozzuolo* c. 17) vera narrant.

EXCURSUS IV

De Æneæ accessu ad Italiam.

Æneas ex Sicilia per Tyrrhenum mare profectus, primo ad Italiam appulsu portum Palinurum subiit, qui a quodam Æneæ gubernatore ibi defuncto nomen accepisse fertur. Hæc Dionysius ex communi scriptorum narratione tradit lib. I, 53. Virgilius nec hanc famæ veteris fidem prætermisit; ne tamen frequentiore appulsus commemoratione molestus esset lectori, alterum ad Cumas accessum attigit, Palinurum vero navi excussum ad litus Lucaniæ enatasse, sed a barbaris occisum piaculo finitimos obligasse narrat. *Mox vero Lucanis pestilentia laborantibus* (verba Servii sunt ad VI, 378) *respondit oraculum, Manes Palinuri esse placandos: ob quam rem non longe a Velia et lucum et cenotaphium ei dederunt.* Vide ipsum poetam v. 378—381, qui etiam oraculi fidem de Palinuri accessu ad Italiam olim editi in fabulam assumsit. Veliam (Ἐλέαν illo tempore nondum fuisse, bene observat Servius ad v. 359 *portusque Velinos*; nam condita ea fuit a Phocæensibus sub Cyro profugis, ut ex Strabone lib. VI pr. satis constat, nec tamen prolepsis talis tam insolens erat, ut viri docti post grammaticos apud Gellium l. c. X, 16 in defendendo vel accusando poeta tantum operæ ponere deberent. Operosus quoque in refellendo Ouwens Noct. Hag. lib. I, c. 2. Sufficit tenere, ipsam necessitatem has prolepses tueri, quoties narratio versatur in iis temporibus, in quibus nulla locorum appellatio est, aut ubi molestus foret poeta, obsoleta et a carminis suavitate aliena ac barbara nomina excitando. Quis dubitet, hanc defensionem esse satis justam! Verum ne *Lucani* quidem, quod Servius ait, illo tempore in his locis fuisse videntur. Fuerunt enim Lucani a Samnitibus, qui Sabinorum progenies erant, oriundi, neque in hæc loca venerunt, nisi postquam Græcorum coloniæ Italiam inferiorem occupare cœperant, id quod post Trojana demum tempora contigit; temporibus vero Trojanis *Chonas* et *Ænotros*, h. e. Pelasgos, e Græcia cum Ausonibus priscis Italiæ colonis permixtos coluisse, ex iis manifestum est, quæ Strabo lib. VI pr. exponit. Circa has enim partes a Lao inde fl. primo accessu *Ænotros* habitasse, hancque primam Italiam fuisse appellatam, alio loco vidimus. (Excurs. XXI ad lib. I. Excurs. IV ad lib. VII.)

Pergit Dionysius l. c. in vulgari, quam proponere volebat, narratione: *Trojanos, a Palinuro proVectos, ad insulam appulisse, cui a quadam Æneæ consobrina, quæ ibi obierat, Leucasie, seu, ut fere scribi solet, Leucosie nomen impositum sit.* Communior fama ab una Sirenum, Leucosia, nomen repetit. Sed famam navigationis Trojanorum in mari Tyrrheno sequi maluerunt alii. Itaque etiam fuere, qui Trojanos ad Sardiniam adhæsisse traderent. vid. Pausan. X, 17.

Hinc evecti Trojani (Dionys. ib.) in pulcrum ac profundum portum in Opicis (qui Ausonum in his locis populus erat) delati sunt; extinctoque ibi Miseno, nobili quodam viro, portum ab eo Misenum denominarunt.

De Miseno fabulam Virgilius magna cum arte intexuit carmini suo: sed ornatam et variatam, lib. VI, 149 sqq.—235. Discessit ab aliorum, inter quos Cæsar fuit Pontificalium primo apud Victor. O. G. R. 9, fide etiam in hoc, quod non in sinu Baiano sed ultra Misenum versus Cumas classem appulsam esse voluit. Gubernatorem fuisse Æneæ Misenum tradidisse videntur nonnulli apud Victorem, falsa remi tumulo infixi interpretatione, qui tamen nautæ tantum significationem haberet. Monumentum autem vetus tumuli, infixio remo cum tuba, ad istud promontorium esse debuit; etsi video hoc quoque a nonnullis tradi, ipsum promontorium navigantibus in alto speciem sepulcri præbere.

Cum Æneas ad loca hæc semel adductus esset a poeta, ingenii ad convertendas in rem suam veterum poetarum fabulas præclari, *Necyie* ille *Homericæ* in his ipsis locis tractatæ memor, ut narrationem tamen variaret, non Manium evocationem sed ad eos descensum Æneæ comminisci maluit; *Homericæ* tamen *exemplo* prælucente quodam modo etiam in his *Odyss. Ω*. Atque hic commode in *Platonicam doctrinam* incidit; de quo alio *Excursu* expositum est.

Quod autem ad *Sibyllam* spectat, hanc poeta ex antiquioribus, quæ tum vigeant, fabulis petiit, non primus excogitavit. En locum ex Victore de O. G. R. c. 10 *Addunt præterea quidam Æneam in litore (Baiano) Euxini cujusdam comitis matrem ultimo ætatis affectam, circa stagnum, quod est inter Misenon Avernumque, extulisse, atque inde loco nomen inditum, qui etiam nunc Euxinus sinus dicitur* (nomen hoc a quopiam alio memorari nondum vidi; forte ab aliquo auctore proditum, qui Cimmerios, quorum sedem in his locis traditam viderat, a Bosporo et mari Euxino huc vocaverat): *cumque comperisset, ibidem Sibyllam mortalibus futura præcinere in oppido, quod vocatur Cimbarionis (Cumarum non male emendat Arnzenius; an latet Cimmerion? Ita apud Tibull. IV, 1, 64 multi: Cimmerion etiam obscuras accessit ad arces) venisse eo.*

sciscitatum de statu fortunarum suarum: auditisque fati, velutum, ne is cognitam (ultimas duas voces, *is cognitam*, aut ex *incognitam* natas, aut aliunde irrepsisse puto, cum *cognitione conjunctam* interpretatus esset aliquis *cognatam*) *in Italia sepeliret Prochyta, cognatione sibi conjunctam, quam incolumem reliquerat; et, postquam ad classem rediit, reperitque mortuam, in insula proxima sepelisse, quæ nunc quoque eodem est nomine; ut scribunt Vulcatius et Acilius Piso.* Sed episodium hoc de Sibylla, ut reliqua, ex priscis fabulis sumtum esse, multo magis declarat narratio apud Dionys. I, 55 de Sibylla Erythris ab Ænea conventa, et Sibyllæ vaticinium ad Æneam a Troja solventem apud Tibull. II, 5, 19. conf. Disquis. II, s. VII.

Quod modo de *Prochyta* contra Misenum insula ex Victore memoravimus, etiam a Dionysio Halic. I, 53 in medium prolatum est. *A Miseno, inquit, ulterius navigantes ad insulam Prochyta et ad promontorium* (recte enim emendata sunt Græca a Casaubono) *Caietam appulerunt iisque locis simili modo ac superioribus nomina imposuerunt, quod mulierum defunctarum servari per ea vellent memoriam. Harum vero alteram Æneæ cognatam fuisse ferunt, alteram nutricem. Et Prochyta de cognata Æneæ nomen accepisse etiam Nævius in primo belli Punici dixerat: Serv. ad IX, 715. A Plinio Prochyta non ab Æneæ nutrice, sed quia profusa ab Ænaria erat, dictam lib. III, 13 recte moneri putamus. Adde Strab. I, p. 60 A. et alia loca apud Cluver. Ital. ant. IV, 4, sed hic tantum de fama quærimus, quæ de Æneæ erroribus in his locis fuerit; materia tam copiosa, ut etiam omittere nonnulla poetæ necesse fuerit, uti hoc de *Prochyta*; nam alterum de *Caieta* sub f. lib. VI et pr. VII meminit. De qua quæ varie a veteribus tradita erant, diligenter congesta video a Cluver, III, 10, p. 1065.*

EXCURSUS V

Deiphobe Sibylla et sacerdos.

VI, 35. 36. *Phæbi Triviæque sacerdos Deiphobe Glauci.* Sibyllam ab hac sacerdote diversam esse habendam, monent Holdsworthus et Spencius; nam usque ad v. 55 de Deiphobe sacerdote agi; tum Sibyllam, esse enim hanc *Phæbi vatem* v. 77, vaticinari v. 82—155, hinc iterum succedere sacerdotem v. 244, eamque excipi a Sibylla a v. 258 sqq. ad f.

Ad tam incommodam rationem deducti esse videntur viri docti inter alia maxime v. 258 *adventante dea*, quod de Sibylla acceperant. Quod si nonnulla satis commode in istam virorum doctorum sententiam accipi possunt, tamen alia in multo duriorem, quam vulgaris est, rationem deflectuntur, ut vix ita videatur poeta obscuritatis reprehensione liberari posse. Nam v. 45 seqq. satis manifestum fit, ipsam sacerdotem a deo afflari et agitari: *cum virgo,—cui talia fanti Ante fores subito non vultus non color idem*. Continuatur de ea narratio; necesseque adeo est v. 77 nullam aliam intelligi posse quam illam ipsam a deo furore percitam Deiphoben. Quis itaque dubitet ejus esse vaticinium v. 83 sqq., neque aliam et diversam ab ipsa Sibyllam Cumanam esse v. 98! Nec in seqq. quicquam occurrit, quod nostris rationibus adversetur v. 102 sqq. 115 sqq. 125. Editur a sacerdote Sibylla responsum ut Delphis a Pythia furore correpta, postquam adytum ingressa est. Etiam apud Ovidium Met. XIV, 104. 106 sqq., qui locum hunc Virgilii expressit, ad unam feminam omnia referuntur. Quod autem inter Sibyllas ex Varronis recensu apud Lactant. Inst. Div. I, 6 Deiphobes nomen non legitur, nolim adversus poetam urgere, qui alios auctores, quam quos Varro legerat, habere potuit, quos sequeretur; ut sæpe factum vidimus in aliis, dum reconditam aliquam expromeret doctrinam Maro. Summa quoque omnino in nominibus Sibyllarum recitandis inter veteres est diversitas, ut ex iis ipsis, quæ ab Holdswortho congesta sunt, et jam olim a Salmasio Exercit. Plin. p. 52 et ab aliis, satis apparet; et in Sibylla Cumana parum sibi veterum historiarum fides constat. Vulgari errore illa *Cumis* Æolidis oriunda dicebatur; at Æolidis *Cume* est, *Κύμη*, non *Cumæ*: cum contra Italiæ *Cumæ* hæc etiam *Cyme*, *Cume*, poetis dicantur. Erythris eam *Cumas* Italiæ venisse, unde etiam *Erythræa* est appellata, in libro de admir. §. 90. (c. 97) traditum est. Apud Tibull. II, 5, 19 ea *Æneæ*, *ante quam a litore Trojano solveret*, vaticinatur. Quod si cum iis, qui in coloniam exierant, ad Italiam accessit, multo utique prior illa Trojanis est temporibus; ut recte Livius I, 7 dixerit *fatiloquam Carmen* *tum ante Sibyllæ in Italiam adventum*. Itaque Erythræa seriorem Cumanam fecere alii, Demo vero nomine dictam apud Paus. X, 12, p. 828. Poetæ tamen omnia hæc, temporibus adeo remota, in unum cohere licuit; ut etiam, relicta omnino defunctorum evocatione, ad Delphici oraculi exemplum Sibyllam templi sacerdotem et vatem constitueret. Quid? quod præterea tertia aliqua muneris parte eam imperiit, dum *luco circa Avernum*, quem *Triviæ* dixerat, tum *ipsi Averno* et

aditui ad loca infera eam *præfecit*, ita ut pro duce descensus ad ea loca esse posset Æneæ v. 109. 117. 118 et 564 *sed, me quum lucis Hecate præfecit Avernis, Ipsa deum pænas docuit perque omnia duxit.* Constans saltem erat in Italia vetere narratio de Sibylla Cumana, et Σάλαμος *καράγειος* ejus Cumis monstrabatur, h. e. antrum, quod pro domo fuerat, apud Auct. de mirab. Audit. l. c., ubi et nomen ejus editum ab aliis Melachræna f. *μελάγχλαινα*. Hydriam, s. urnam, in qua ejus ossa condita essent, servatam Cumis in Apollinis templo, memorat l. c. Pausanias.

EXCURSUS VI

Ramus aureus.

VI, 136 sqq. Rami hujus aurei caussas varias, mysticas quoque, veteres et recentiores excogitarunt. v. Servianam notam ad h. l. Metallum mutandi rationes hic quæsiere nonnulli, Borrichius et alii, inter quos Wedelius a Burmanno laudatur. Χρυσού ὄζος—ἀδάμας, qui in Timæo Platonis (pag. 1066 B. ed. Frf.) memoratur, poetæ ad talem rei imaginem nihil prodesse potuit: ex aqua condensata metalla et primo loco aurum, tum adamantem, porro æs, tum cetera genera enasci narrat philosophus. A Dianæ Aricinæ sacris res repetitur apud Servium, ante cujus templum fuisse arbor narratur, unde si fugitivus potuisset ramum decerpere, sacerdoti cum homine pugnare necesse esset. Ritus pugne notissimus, vel ex Ovidii Fast. III, 263 sqq. At de arbore solum Servium tradere memini. Nec tamen id quicquam commune cum Avernibus locis et ramo aureo Proserpinæ habere videtur. Latere aliquid occultæ religionis ex initiis Eleusiniis, si cum Warburtono conjectare velis, saltem ad sacrum ramum, quem mysta præfert, aut ad ramum lustralem, non ad myrteam coronam referri res debet; nam, ubi ad Proserpinæ domum accessit, Æneas *corpus recenti Spargit aqua ramumque adverso in limine figit* v. 635. 636, ut suspicari liceat, ad lustrationem in sacris deorum inferorum et Manium faciendam eum respexisse. Enimvero ramo eodem aureo aquam sparsam et lustrationem factam, poeta non narrat; narrat tantum hoc: *ramum in limine figi, et eum Proserpinæ munus ferri ex arbore ipsi sacra:* v. 137. 142. 408. Qui poma aurea in Junonis nuptiis cum Jove memorata (v. Not. ad Apollod. p. 410) meminerit, intercedere in his seu cognationem seu

similitudinem aliquam intelliget, ut Proserpinæ, tanquam Junoni inferæ, pro dono ramus aureus feratur, ut Junoni malum aureum. In Heracliis hoc ipsum malum forte eduxerat arborem Hesperidum, unde poma aurea decerpenda et ad Eurystheum, Junonis jussu, ab Hercule erant afferenda. Altera ex parte in Proserpinæ fabulis est comestio mali Punici, qua illa commisit, ut in Plutonis contubernio sibi manendum esset: v. c. Ovid. Met. V, 535 sqq. Hymn. in Cer. 371. Ceterum, nisi poeta noster ipse doni Proserpinæ ferendi mentionem expressam fecisset, alia esset eaque expeditior ratio, si *ramum ikerείας* sollemne insigne ad animum revoces (vide v. c. inf. XI, 101), ut adeo *aureum ramum* præferens Æneas ad Proserpinam supplex accedat; aut, si Mercurii caduceum, *virgam auream*, memineris, qua alii poetæ ad inferos animas deduci narrant, v. c. Od. Ω, 3 ἔχε δὲ ῥάβδον μετὰ χερσὶν Καλῆν, χρυσεῖην; cum Mercurium adhibere hujus descensus ducem non posset, auream virgam Æneæ assignare maluit. Ita facile intelligas, quomodo poeta ad hanc rei *φαντασίαν* devenerit. Ut *aureum ramum* in silvis inventum esse proderet, in mentem venire potuit ex Apollonii Rhodii lectione de vellere aureo in silva media lib. IV, 122 sqq.; nam et is sacer Hecates lucus erat. Deorum autem omnia sunt aurea, etiam in Delo χρύσειον-γενέθλιον ἔρνος ἑλαιῆς. Callim. in Del. 262. Ex vetustiore tamen seu Heracleæ seu Theseidis carmine ramum aureum petitus esse ex illo versu suspicor: 409, quo Charon miratur: *donum fatalis virgæ longo post tempore visum*. Igitur jam Hercules seu Theseus ramum aureum prætulerant manibus, cum ad Inferos descenderent. Ceterum hoc invento bene usus est Claudianus ad arborem auream in inferis locis florescentem, quæ inter alia inferorum bona Proserpinæ a Plutone ostenditur de R. Pros. II, 290. Exornavit hoc arboris aureæ, quæ Proserpinæ sacra est, phantasma Spencerus *Fairy Queen* B. II Cant. VII. LIII sqq.

EXCURSUS VII

De Miseno.

VI, 162 sqq. De *Miseno* narrationem intexuit propter fabulæ apud Italos auctoritatem. v. Excurs. IV ad h. lib., et habuit etiam Elpenoris exemplum, quod sequeretur, apud Hom. Odyss. Α, 51 sqq. Mole-

stum tamen hoc, quod duo commemorandi erant, qui eodem fato perierant. Quod eum *tubicinem* nobilem fuisse tradit, cf. III, 239, in hoc Homeri sui auctoritatem deserit; cum Trojanis temporibus nec tubam nec lituum inventum fuisse satis constet. Maluit itaque et hic tragicos sequi, v. c. Æschylum Eumen. v. 570, Sophocl. Aj. 17 et al. Mox v. 172 Tritonem cantu provocat Misenus. Hoc elegantissimo poetæ ingenio deberi videtur, adumbratum ex similibus narrationibus apud veteres poetas, imprimis Homerum; cum in vulgari quoque priscorum hominum sermone, ut quisque in arte sua excelleret, ita modo artem a diis accepisse, modo ea arte cum diis contendere diceretur. Sic Thamyris cum Musis Iliad. B, 595 sqq., sic Pierides, sic Sirenes cum Musis, Marsyas cum Apolline, Eurytus arcu cum eodem Odys. Θ, 224 sqq. certarunt. Passim hoc monitum ad Apollodorum. *Æoliden* appellat Misenum, Æoli filium, tanquam ejusdem Æoli Trojani, quem in pugna cum Latinis occubuisse narrat XII, 542 sq.

EXCURSUS VIII

Chorographia locorum inferorum ex poetæ mente.

Non injucundum esse potest, uno loco propositam habere animo totam locorum inferorum descriptionem, qualis illa a Virgilio hoc libro est exposita. Quæ alii seu imitando seu nova fingendo variarint, ut Seneca Herc. fur. 658 sqq., Valer. Fl. lib. I sub f. 827 sq. nunc non curamus. Tentavit jam idem Spencius et Jortinus Diss. VI, p. 258 præter alios Intpp. Nonnulla iterum tractavit Wernsdorf. Poet. min. Tom. II Excurs. XVIII. Res cum per se non inutilis esse potest ad poetæ interpretationem, tum vero etiam iis grata esse debet, qui Dantis Infernum, partim ex Marone, quo is duce utitur, expressum, tum etiam aliorum poetarum loca comparare volunt. Ita Silius XIII, 526 sqq. totam inferorum descriptionem variavit, decem portis, et septis, puto, in iis constitutis; ut Platonis circuli ante oculos fuisse videantur; unde etiam Servius ad v. 426 suos novem circulos duxisse videtur, etsi alieno a Virgilio mente commento. Certe novem Dantis anfractus ad Platonis Virgiliique ductum junctim adumbrati sunt. Nam Silium ab eo lectum esse dubito.

Via quidem prima per speluncam, mox immensas per silvas, caliginoso cœlo, ducebat ad amnem.

In primo Orci aditu (*προάστειον* dixeris, poetæ vestibulum est), citraque Acherontem, *Luctus*, *Curæ*, *Morbi*, *Senectus*, *Metus*, *Fames*, *Egestas*, *Letum*, *Labor*, *Sopor*, *mala Gaudia*, *Bellum*, *Eumenides*, *Discordia* sedem habere dicuntur v. 273—281 elegante mytho: quis enim non intelligat esse hæc mala, quibus Mors arcessitur, quæque illam vel antecedunt vel comitantur!

In medio *Somnia* in ulmo nidulantia, ad Homeri ductum. v. Not. ad 282—284. Quæ cum nocte conjuncta sunt, eadem cum locis inferis, uti cum ipsa morte, conjuncta sunt. Cum autem Hades *Ἅϊδης*, proprie, qui cerni nequit, locum faciat iis, quæ mentis vana fingendi vi excogitari possunt: monstra antiquissimorum vatum hic collocantur. Itaque hinc inde hæc loca tenent *Centauri*, *Scyllæ*, *Briareus*, *Hydra*, *Chimæra*, *Gorgones*, *Harpyiæ*, *Geryon*, v. 282—289, ubi v. Not. ad 285. Omnino hoc proclive fuit, poetarum seu sapientum animos in hoc phantasma incurrere, ut in aditu ad Umbrarum loca phantasmata ista et monstra collocarent.

Perventum est ad amnem: quem 384 *Stygem*, 295 *Acherontem* vocat. De hoc mox sigillatim dispiciemus, Excurs. IX. Petium est phantasma hoc a regnis ac provinciis, quarum fines per magna flumina reguntur. Ex priscorum poetarum opinione Oceanus terrarum orbem more amnis ambiens in occidentali parte, Solis occidentis, Noctis, Somni, ædes, tum Elysium, tandem aditum ad loca infera continebat (cf. Opusc. T. I, p. 397 sqq.): Flumine autem circa Orcum ducto, aditus non erat nisi navi trajiceret; ad hanc regendam inventus portitor. Prætermitimus de Charonte monere nondum ab Homero memorato, cf. sup. ad v. 417, et de insepultorum umbris ab amnis trajectu prohibitis. conf. ad v. 325.

Trans amnem, adverso litore *Cerberi antrum* est 415 sqq., quod prætergressus Æneas ad prima loca devenit. Inhabitant hæc loca *infantes* v. 426—429 et qui *insontes* aut *mortem illatam acceperere* aut *sibi ipsi intulere* 430—439. Quid in his secutus sit poeta, v. Not. ad v. 430.

Non procul hinc *Campi Lugentes*, seu lugentium sedes: quas tenent illi, qui *luctuosa morte interiire*: 439—476. Ex his imprimis memorantur *heroinæ et feminæ claræ veteris ævi*, interque eas etiam *misere amantes*. Vulgo quidem ab Intpp. *misere amantium* sedes esse traduntur *Lugentes Campi*. Enimvero sic magna difficultas oritur, quomodo *Eriphyle* et *Cænïs* inter *misere amantes* referri possint. Sed iniqui in

poetam videntur esse viri docti: v. Notam ad v. 440 sqq. Ita scilicet dispescenda est oratio v. 439 sqq. *Hic—Lugentes Campi—: Hic primum, quos durus amor etc.* Tum *his Phædram Procrinque locis etc.*

Contigua illis et, si recte intelligo, in extrema Camporum, quos Lugentes tenent, parte sita est sedes *virorum bello clarorum* et inter pugnandum cæsorum: *Arva ultima* v. 477—539. Ita excipiunt se loca eorum, qui morte haud matura interiere, infantum, heroinarum, heroum: Commune omnibus hoc, quod debitum vitæ tempus non exegerunt.

Itaque trina illa loca citeriora omnino eorum animas continent, qui immatura morte obierunt; etsi poeta non satis subtiliter hæc tractavit, nec adjecit, sintne illi aliquando, expletis fatalibus annis, quos anteverterunt, ad Elysium perventuri; sed in hoc tantum laboravit, ut, quæ passim apud Græcos poetas de locis inferis memorata videbat, in hæc loca conferret, imprimisque Homeri exemplo heroum heroinarumque clara nomina intexeret. Hactenus igitur Haden vidimus mythicum ac poeticum. Ad statum aliquem medium inter pœnas et præmia hæc redigere allaborat Trappius cum aliis; nec tamen rem ad Virgillii quidem mentem expediunt.

Hinc *duæ viæ* (natæ forte ex *ῥηόδοις* Platonis in Gorgia pag. 357 A. Frf. Steph. p. 524 A.), altera ad *Plutonis regiam*, eamque prætergressos ad *Elysium*, ducit, sinistra vero ad *Tartarum* 540—543.

Dum ad Plutonis regiam procedunt, (non autem intrant: cf. ad v. 573.) a sinistra *Tartarum* ostendit et describit Deiphobe, 548—627. non autem intrat: v. ad v. 573. In hunc transtulit omnia poeta, quæ veteres de Tartaro, in quem Titanes fuerant detrusi, fabulati erant; v. Hesiod. Theog. 720 sqq. cf. Iliad. Θ, 14 sqq.: porro nonnulla ex Platonica Tartari descriptione, in Phæd. p. 83, atque etiam ex sulphureis circa Cumas, quas latius ornavit Petron. c. 67. v. 120. Fatendum tamen, multo inferiora esse hæc omnia terroribus Tartari, quem Miltonus descripsit lib. I et II, et Teutonum Miltonus, Messiadis conditor, lib. II, varietate autem rerum ac specie haud dubie Dantes admirabilis in Inferno suo, Cant. III sqq. In vestibulo Tartari Tisiphone sedet. v. ad 573—579. Subjecit hæc Miltoni ingenio præclarum phantasma de custodibus Orci, Peccato ac Morte, lib. II, 650 sqq.

Ceterum quod Tartarum suppliciorum locum prodidit poeta, hoc philosophis, imprimis Platoni, debuit. Nam apud Hesiodum et Homerum Tartarus est carcer Titanum et Centimanorum cum Cyclopibus, qui Uranidis accensentur. cf. Apollod. pr. At loca infera, Hades,

Erebus, continent animas piorum et impiorum promiscue: ut ex Necyia Homeri constat: in qua iisdem locis heroes habentur et simul Orion, Tityus, Tantalus, Sisyphus, et cum iis Hercules. Multo magis mirum in modum miscuit ea, quæ in Orco collocaverat, Polygnotus in tabula Delphica ap. Pausan. X, 28 sq. Idem v. c. Eurynomum Genium apposuerat, qui mortuorum carnes ad ossa usque arroderet: ut adeo ex ejus opinione non umbræ sed carne vestitæ animæ ad inferos descenderent. Etiam Ocnum cum asino ille iisdem in locis pinxerat. Tam parum subtilioris judicii antiquiores in fingendis rebus hisce adhibuerunt, quibus satis erat, monstrorum terrores cumulare. Mireris ipsum Horatium, ubi loca infera omnino nominanda erant, ad quæ omnibus migrandum est, memorare Cocytum, Danaides, Sisyphum, et paullo ante Geryonem cum Tityo: Carm. II, 14. in quorum consortium venire nemo optet. Nunc diversa loca videmus esse Elysium et Tartarum. Etiam in scelerum recensu disertior est poeta, quam antiquiores: quæ de re vid. Not. ad VI, 608. Omnino, quo magis expoliti philosophia fuere animi, eo melius dispescuere narrata de rebus inferis. Accommodari enim hæc solent ac debent populorum, ætatum et singulorum hominum ingeniis.

Jam ad *Plutonis regiam* perventum est. Sapienter hanc omnino prætermisit poeta, nec in illam sive ornatus sive narrationis quicquam consumsit præter paucos versus v. 630 sq. Nam rem a consilio alienam tractasset et in summas angustias sese immisisset poeta, si Jovem inferum exhibere voluisset; nec majestatem dei quomodo satis tuetur, in promptu habuisset. Integrum itaque reliquit hoc argumentum Claudiano, Tasso, Miltoño Messiadisque auctori. Intrat tamen Æneas *vestibulum regis*, lustrat se et ramum aureum in foribus figit v. 634—636, ubi cf. Not.

Præter regiam Plutonis via ad *Elysium* ducit. Apud Aristophanem Ran. 162. 163 de initiatis: Οὗτοι γὰρ ἐγγύτατα παρ' αὐτὴν τὴν ὁδὸν Ἐπὶ ταῖσι τοῦ Πλούτωνος οἰκοῦσιν ἑβραῖς. Sunt autem initiatorum sedes nullæ aliæ quam Elysium. Hoc itaque non longe a Plutonis regia abesse traditum forte in Eleusiniis, ut colligere licet ex scurrili Aristophanis insectatione initiorum. Hesiodus Plutonis regiam in vicinia Tartari collocaverat. Nam ante Tartarum Atlas stat cælum sustentans; ibidem Diei et Noctis ædes, circa quam Noctis liberi habitant, Somnus et Mors. Ἐνθα, pergit, θεοῦ χθονίου πρόσθεν δόμοι ἡχήμεναι Ἰφθίμου τ' Αἰδέω καὶ ἑπαινῆς Περσεφονείης Ἑστᾶσιν, ante has Plutonis

et Proserpinæ ædes excubat Cerberus. Nec procul hinc antrum incolit Styx. Theogon. 767 sqq.

De *Elysio* satis dictum est ad ipsum poetam v. 637 sqq. In ejus convalle *Lethe* est, ad quam convocantur animæ novum corpus ingressuræ v. 675. 679 sqq.

Secundum ea, quæ poeta v. 739 sqq. de purgatione animarum narrat, locum aliquem in inferis requiras, quo illa purgatio instituat. Sed de hoc nihil commemoravit Maro.

Aditum ad inferos supra vidimus. Exitum per Somni portas monstrat Æneæ Sibylla sub f. lib., ubi de eo vide.

EXCURSUS IX

De fluminibus inferorum.

VI, 296. 298. *Hinc via Tartarei quæ fert Acherontis ad undas ; Turbidus hic ceno vasta que voragine gurges Æstuat atque omnem Cocyto cruciat arenam.* Mox in eadem re 323 *Cocytus stagna alta vides Stygiamque paludem.* Et unda *Stygia* 385. 391. Et sup. v. 107 quando hic *inferni janua regis Dicitur et tenebrosa palus Acheronte refuso.* 132 *Tenent media omnia silvæ, Cocytusque sinu labens circumvenit atro. Quod si tantus amor, si tanta cupido est, Bis Stygios innare lacus.* Mire seu turbant seu variant in fluminibus inferis poetæ. Etsi non facile aliquis ad historicam veritatem hæc, quæ ingenii poetici commenta et narrationis ornamenta sunt, exigat ; de Virgilio tamen videndum, temerene ille fluminum nomina posuerit ; an certam rationem secutus sit. Jam Cerdæ aliqua hanc in rem nota est non indocta, ad v. 295 ; sed in pleisque argutias captat.

Duo omnino duces hoc in loco habuit Virgilius, Homerum et Platonem : qui *trajecto Oceano* Haden adiri narrant ; cum aliis *descensus per specum profundum ad loca infera* narretur, ita ut in primo e specu egressu amnis objectus sit. Alter Odyss. K, 513—515 *Phlegethonem cum Cocyto*, quorum hunc quidem *Stygis* facit partem, in *Acherontem* deferri narrat, et esse petram eo loco, quo duo fluvii committantur. Platoni autem in Phædone vetustiorum Theologorum exemplo (vid. Hesiod. Theog. 740 sqq. 807 sqq.) *Tartarus* vorago est, in quam om-

nia flumina aquarum confluunt et inde rursus effluunt. Sed tamen quatuor imprimis orbem terrarum circumfluunt, *Oceanus* unus in extrema parte; huic ex adverso *Acheron*, qui in paludem Acherusiam deferitur, interque duo illos interfuit *Pyriphlegethon*, qui paludem igneam emensus post multos flexus, ubi Acherusiam paludem et ipse ambiit, infra Tartarum demittitur; et alter, huic ex adverso fluens, *Cocytus*, qui primum in Stygiam paludem ingressus, mox, ubi post multos flexus ad Acherusiam paludem pervenit, hanc et ipse ambit et in Tartarum se præcipitat. Ita *Acherusia palus*, quam Acheron facit, in medio est, in quam impii deferuntur, et sic porro. Notionem me non satis claram talis locorum situs habere, lubens fateor. Commentum, a Socrate expositum, ab antiquioribus haud dubie acceptum erat; nam in initiis simile dogma seu mythus frequentatus esse debuit. Nempe quod eorum, qui initiati non essent, animæ *ἐν βορβόρῃ κείσθαι* apud Platonem et alios (conf. Menag. ad Diog. Laert. VI, 39) dicuntur, ad hanc ipsam paludem, cui innatant animæ, erat referendum a Moshemio ad Cudworth. p. 1039. Ex Platonicis autem istis fluminum anfractibus natum videtur, ut loca infera, in regni et provinciæ formam redacta, fluviiis ambita et inclusa esse vellent poetæ pluribus; etsi Homerus id non habet. In altero Socratico dialogo, Axiocho, qui Æschini tribui solet, sub f. Plutonis regnum adeunti primo loco obijcitur fluvius *Acheron*, tum *Cocytus*, quibus trajectis ad Minoem et Rhadamanthum via ducit.

Ad hoc itaque aut simile exemplum poeta, etsi alias nomina ab eo temere poni non negem, hac tamen in narratione, in qua descriptionem locorum edit, primo loco videtur *Acherontem* ponere adeundum, vorticosum fluvium, qui ex imo fundo erutam æstu suo *arenam omnem Cocyto eructat*, ita ut in Cocytum egeratur illa, *Acheronte in Cocytum se exonerante*. Verba Virgilii imitatur Silius XIII, 571. 572 *Tristior his Acheron sanie nigroque veneno Æstuat et gelidam eructans cum murmure arenam Descendit*; sed in summa rei a Virgilio discedens. Alter igitur fluvius *Cocytus* est, qui et ipse ambit regna infera; unde sup. 132 de aditu ad infera loca: *tenent media* (inter illa et has superas oras) *omnia silvæ, Cocytusque sinu labens circumvenit atro*; tertia et interior *Styx* est, tarda et paludi similis; unde passim *palus, lacus*. vide VI, 134. 369, item 416; etsi omnes illi amnes, quatenus multos errores faciunt, et in orbem regna infera circumfluunt, etiam hactenus stagna et lacus facere videri possunt. *Styx* autem *novies* h. e. sæpius flexus suos repetere dicitur VI, 438. 439. Georg. IV, 478—480, ubi *Cocytus* cum *Styge* memoratur.

Ternos hos fluviorum anfractus trajectu opus, antequam ad ulteriora pervenias; etsi, ubi de Charontis transvectione agitur, non facile poetæ de triplici amni terras inferas ambiente cogitant, et melius unum tantum fluvium nominant: plerumque Stygem aut Acherontem. Nec aliter ipse Maro VI, 107 et al. 374. 391. Sic et unus in Polygnoti tabula Acheron apud Pausan. X, 28. Vectorem autem Charontem, etsi post Homerum, facile commenta est antiquitas, cum semel hoc probasset, ut flumina trajicienda essent adeuntibus loca infera. Neque adeo ex Ægyptia religione et lacu Mœride illum adumbratum esse necesse est; quin potius Græculi seriores Ægyptiam priscam religionem in hanc partem interpretati esse videntur.

Ceterum in Acheronte ad loca circa Cumas respexisse poeta recte existimatur et spelunca Cumana duxisse fertur ad *paludem Acherusiam* sub Miseni promontorii extrema ora. Ejus paludis vulgo vestigia habere creditur *Lacus Coluccius*, sed probabilior est Paoli sententia, qui ad *Mare mortuum* refert *paludem Acherusiam* fol. 28. Alii poetæ Virgilium auctorem in his inferorum amnibus deseruerunt. Conf. v. c. Senecam Herc. fur. 680. 686. 709 sqq. Silium X, 116—121, qui Cocytum in Lucrino et Stygem in Averno quærit, viam autem ad inferos per Acherusiam paludem. De fluviis inferorum locus etiam præclarus est Miltoni lib. II, 574 sqq., dignus qui comparetur; at de etymologia nominum, quæ his amnibus indita sunt, v. loc. Apollodori apud Stobæum: in Fragmentis Apollod. pag. 1047 sqq., ubi p. 1050 locus Sophoclis e Polyxena sic videtur constituendus, ut pro ὁ τὰς legatur Ἀκτὰς et altero versu λιποῦσα λίμνης ἤλθον ἡχοῦσης γόους Ἀχέροντος ὀδυπλήγας ἄρσενας χάας. p. 1051 ἡπὸ τοῦ γοργῶς φαίνεσθαι leg. γοργὰ φ., et pag. 1053 l. 3. στερεμνῶδη, et l. 5. καμόντων; ultima e Cod. Stobæi Escur. suppeditavit doctiss. Tychsen.

EXCURSUS X

Descensus ad inferos an ex initiis Eleusiniis sit adumbratus.

Dum in loco hoc nobilissimo de descensu Æneæ ad inferos versamur, etsi, unde poeta materiam ejus ornatumque petierit, satis declaratum esse videtur; tamen Warburtoni, Viri Summi, Glevi seu Gloucestræ Episcopi, sententia prætermittenda a nobis non est, quæ in Com-

mentariis *de Mosis divina legatione* (Tom. I, lib. II, S. 4) olim exposita, præfixa quoque est Tom. III Virgilii Wartoniani. Redit autem illa huc, nihil ut aliud hoc ad inferos descensu representari a poeta contendat, quam *initia Æneæ et descriptionem pompæ* (ἑῶν) *Eleusiniæ* eorum, qui initiarentur, oculis exhiberi solitæ. Placere poterat doctrina hæc vel novitate sua, vel ingeniosa viri doctissimi exornatione, vel ipsa veri fiducia, cum qua ab eo exposita est. Neque id negari velim, nihil omnino narrationi Virgilianæ cum Eleusiniis initiis esse commune. Illud enim ex multis passim veterum locis, maxime ex Aristophanis *Ranis*, loco, quo Bacchi ad inferos descensus exhibitus est, Claudiano de *R. Proserp.* lib. I, 619, Pausania lib. X, p. 876, Luciano in *Cataplo*, Themistio apud Jo. Stobæum et al. satis constare videtur, iis, qui initiarentur, symbolica aliqua representatione piorum impiorumque præmia ac pœnas post hanc vitam fuisse propositas, resque inferas, Tartarum cum Elysio, monstratas, eadem fere specie, qua in sexto Æneidis libro exhibentur. Etsi vero hoc manifestum est, cum tamen representatio illa Eleusinia, ut ex iisdem locis intelligas, ad vulgares fabulas, philosophorum vetustiorum doctrina primum in Græciam illatas, attemperata fuerit; non minus demonstrari posse velis quoque hoc, Virgilium non aliunde suam inferorum locorum descriptionem petiisse, eumque Eleusiniæ ceremonias vulgare aut voluisse aut potuisse, cum nec ipsum iisdem sacris initiatum esse constet, nec, si hoc constaret, talis impietas in castissimum poetam cadat, ut arcana, quod nefas erat, ad profanos efferre voluerit. Sed ne in ingeniosa hac Summi Viri hypothesi retexenda immorandum sit, otium fecit vir doctus,* qui eam in singulari libello (*Critical Observations on the Sixth Book of the Æneid*, Lond. 1770.) paullo acrius quam velis, perstrinxit. Hoc equidem inter cetera doctissimum Præsulem posuisse nolim, quandoquidem id alienissimum est ab Æneidis, omnisque carminis epici, natura et consilio, poetam, Platonis ac Ciceronis exemplo, rempublicam carmine epico condere, Æneamque legumlatoris perfecti exemplar proponere voluisse;

* Fuit is, clarissimus historiæ Romanæ seniorum temporum conditor, Ed. Gibbon, quod ipse professus est, cum memoracione hujus censuræ nostræ. v. *Miscellaneous Works* of Ed. Gibbon, 1796. Vol. II. Nuper ingeniosus vir, Erasmus Darwin, in notis ad *Carmen didacticum, the botanic Garden*, nobile vas Portlandium ex Virgilio ita interpretatus est, ut anaglyphum ad mysteria Eleusinia referret. Ita sane res se habet: multa passim in operibus priscae artis, in cælatis maxime et sculptis, occurrere, symbolica et mystica, quæ ad vitam animarum in inferis probabiliter referri possint; etsi difficile est, in his satis sibi cavere, ne ingenii lusui indulgeamus.

quoque modo Homerus ethicum, ac Miltonus religiosum ediderint, ita a Virgilio civile seu politicum epos conditum esse. Nec minus leve et infirmum est, quod altero loco posuit, nullum legibus ferendis idoneum virum olim fuisse, quin arcanis sacris initiatus esset. Quotus enim quisque inter Minoes, Charondas, Zaleucos est, quem Eleusiniis initiis imbutum esse quisquam tradiderit? Quæ omnia cum sine auctore prodita sint, tum Eleusinia initia ab Æneæ temporibus et ætate aliquantum sunt remota, ad Avernum autem Necyomantium quidem aliquando inclaruisset narratum est, initia autem ulla in his locis fuisse, nec traditur, nec probabile fit. Perit tandem omnis epica vis et poetica suavitas, si res a poeta narrata ad allegoriam revocetur.

EXCURSUS XI

De iudiciis apud inferos.

VI, 431—433. *Nec vero hæc sine sorte data, sine iudice, sedes. Quæstor Minos urnam movet: ille silentum Conciliumque vocat vitasque et crimina discit.* Minos itaque, e Maronis mente, in primo statim ad inferos aditu, cognoscit de advenientium animarum caussa, sorte ac sede assignanda: fere ut apud Platonem in Gorgia est is, qui ceterorum iudicia inspicit ac regit: v. paullo post dicenda. In iudiciis seu quæstoribus locorum inferorum poeta peculiarem rationem sequitur, quod non omnes in uno loco constituit, sed singulos in diversis partibus: in primo septo Minoem v. 432, at Rhadamanthum in Tartaro v. 566. Mythus hic omnino aliter post Homerum tractari cœpit, aliter ab ipso Homero. Nam is Minoem obiter inter ceteras ab inferis excitatas animas nominat; *Θεμυστεύοντα* tamen *νεκύεσσιν ἡμενον*, adeoque iudicem; eo scilicet, ut id agat apud inferos, quod in hac vita persequi erat solitus; ut alii heroes alia: dum equos agitant, armis certant et sic porro. At Rhadamanthus in Elysio versatur, tanquam pius heros, Odyss. Δ, 564. Apud Pindarum autem idem est *Κρόνον πάρεδρος* Olymp. II, 137 sq., et quidem, ut ex loco apparet, assessor juris dicundi caussa; scilicet heroico ævo ipsi reges jus dicebant. Itaque Homerus in locis inferis unum Plutonium exhibuit, cum Proserpina, ut Jovem et Junonem e superis æmuleretur. Pœnas infligunt regis jussu Erinnyes, v. c. Iliad. I, 565—567. Fabula adeo de trinis iudiciis inferorum post Home-

rum, forte et post Pindarum inventa est; eo ævo adoptata, cum reges non amplius ipsi jus dicerent, sed darent iudices; aut cum in civitatibus Græciæ iudices selecti constituerentur. Si Minoem et Rhadamanthum Creta esse oriundos reputes, a Cretensibus vel a poeta aliquo, qui Creticas fabulas sectatus erat, primum eos in Plutonis regno iudices constitutos esse suspicari licet. Æacus vero ultimus accessit, forte ab Homérico aliquo poeta surrogatus, in Achillis honorem, cujus avus erat Æacus. In Axiocho duo tantum in Campo Veritatis sedent iudices, Minos et Rhadamanthus; at in Gorgia (p. 357 A. Frf. Steph. p. 524 D.) tres: Asianos quidem iudicat Rhadamanthus, Europæos Æacus, Minos autem ἐπιδικῶντες, recognoscit et regit iudicia istorum; et in Apolog. Socr. sub f. cum tribus illis Triptolemus et alii heroes, qui juste vixerunt, iudicia inter animas exercent.

Post hos omnes nova ratione Virgilius iudicium hoc ex Romano iudiciorum more ordinat. In causa capitali *iudex quæstionis* sedet seu prætor, quæsitō, cui ea quæstio sorte obtigit (nam de quæstione extra ordinem mandata hic non agitur), sive is, cui ille delegavit quæstionem. Assident ei *iudices selecti*, qui, sortitione nominum ex decuriis a iudice quæstionis facta, causæ cuique contigerunt. Fit *iudicium* et de causa cognoscitur. Audit Quæsitōr dicentes causam, interrogantur testes (*vitasque et crimina discit*; nam *docere, discere, nosse causas*, vocabula juris propria sunt); mittuntur iudices in consilium, feruntque sententiam.

Ad hunc itaque modum poeta faciem iudicii constituit. Videamus de singulis. *Nec vero hæ sine sorte data, sine iudice, sedes*, sed potius iudicium sortito datorum sententiis. Hinc Quæsitōr Minos urnam movet, sortitur iudices. Male hoc ad caussarum sortitionem referunt Servius, Pompon. Sab. et alii. Poterat vel Senecæ imitatio errantes revocare Here. fur. 731 *Non unus alta sede quæsitōr sedens* Iudicia trepidis sera sortitur reis. Aditur illo Gnossius Minos foro, Rhadamanthus illo, Thetidis hoc audit socer. Ad sortitionem caussarum, quo ordine inducendæ sint, respicit idem Agam. 24 quos—Quæsitōr urna Gnossius versat reos. Idem alio loco: 578 *et qui fronte nimis crimina tetrica Quærunt ac veteres excutiunt reos, Flentes Eurydicen iuridici sedent*. Sic quoque apud Propertium Æacus sedet quæsitōr et sortitur iudices: IV, 11, 19 *Det pater hic umbræ mollia jura mea* (Pluto mitem de me sententiam ferat): *Aut si quis posita juxta sedet Æacus urna, In mea sortita vindicet ossa pila* (h. aut quæsitōr ab eo extra ordinem datus cognoscat de me: *pila sortita* de sortitione iudicium facta, pilis in urnam coniectis. *Vindicare in ossa insolenter dictum*, ut alia a Propertio). *Assideant fratres*; juxta

Minoia sella; et Eumenidum intento turba severa foro. (Sint assessores fratres Rhadamanthus et Minos: f. fuit. *Assideat frater, juxta et Minoia sella*, sc. sit, stet, pro ipso Minoe.) Porro Quæstor Minos, sortitione judicum facta, *silentum Concilium vocat*, die dicto citat reos ad judicium (conf. Var. Lect.), *vitasque et crimina discit*, audita utriusque partis oratione.

Jam *Rhadamanthus* longe alio loco ac modo constitutus est in Tartaro; non tam judex aut magistratus, qui quæstionem exercet, et causas capitales persequitur: ut Minos; sed qui Triumvirorum capitalium more sententias judicum exequitur, supplicium sumit, et idem de inferioris ordinis hominibus, furti, grassationis, sacrilegii, reis cognoscit; itaque item tormenta adhibet, scelerum convictos quæstione adnota fateri cogit occulto perpetrata: v. 566 *Gnossius hæc Rhadamanthus habet durissima regna, Castigatque auditque dolos, subigitque fateri, Quæ quis apud superos, furto latatus inani, Distulit in seram commissa piacula mortem.*

Iisdem iudicibus apud inferos alii aliter usi sunt; nemo liberius Luciano in Cataplo et alibi. Proxime ad Maronem, ut tamen *Principis Romani cognitionem* adumbret, Statius Theb. VIII, 21 sq. *Forte sedens media regni infelicitis in arce Dux Erebi populos poscebat crimina vitæ.—Stant Furie circum variaeque ex ordine Mortes, Sævaeque multisonas exercet Pæna catenas* (tanquam apparitores, carnifices, servi publici). *Fata ferunt animas et eodem pollice damnant* (Parcæ s. Μοῖραι accusant et rapiunt animas ad tribunal Plutonis, et accusatione sua movent judicem, ut reos condemnet: pollex referendus ad gestum dicentis. Notus, *infestus pollex*). *Vincit opus* (incredibilis est caussarum multitudo). *Juxta Minos cum fratre verendo Jura bonus meliora monet* (tanquam Jureconsultus aliquis, qui Principi cognoscenti adest seu assidet in-consilio) *regemque cruentum Temperat.*

EXCURSUS XI*

Orgia Bacchica poetarum usibus inservientia.

VI, 517—519. *Illa, (Helena) chorum simulans, evantes orgia circum Ducebat Phrygiæ; flammam media ipsa tenebat Ingentem, et summa Danaos ex arce vocabat.* Commendavi in Nota hoc, seu antiquioris seu

nostri poetæ, inventum, quod probabilem aliquam rationem apponit, quomodo fieri potuerit, ut Helena face ex arce sublata Achivis signum daret urbis capiendæ. Inter orgia enim noctu habita facibus accensis inter discursitationes bacchantium facile latere potuit perfida mulier facem exitiosam tollens. Nec male Bacchicus thiasus convenit nocti inter tripudia et cantus exactæ, cum obsidionem solutam esse crederent Trojani. v. Quint. lib. XIII pr. cum omnino solenne sit poetis, gaudia et choreas in lætitia publica cum thiasis Bacchi aut comparare aut confundere; arripiuntque illi hæc tanto cupidius, quia nec in poesi nec in cælatura quicquam est, quod plura magisque variata ornamenta suppeditet. Poetam ad phantasma hoc adducere potuit, vel unus Euripidis locus in Troad. 542 ad 554. Enimvero est alia observatio, quam adjungam ad inventum Maronis tanto melius perspiciendum. Tragicorum mos fuit, tum etiam aliorum poetarum, utendi orgiis Bacchicis ad exequendas res occulta fraude peragendas. Sic apud Euripidem in Antiope Dirce, discursitatione per silvas inter orgia, potita erat Antiopa (qua de re disputata vide ad signum Tauri Farnesii quod vocant (*Antiquar. Aufsätze* II St. p. 206 seqq.)). Sic in Ino Euripidis Athamas, superinducta altera uxore Themistene, resciscit Inonem in Parnasso bacchationi interesse, et ea sic deprehenditur: cf. Hygin. f. 4. Etiam in Athamante et Phrixo Sophoclis orgia Bacchi ad furorem injiciendum fuisse adhibita intelligitur ex iis quæ apud Hygin. et alios leguntur. Fuit quoque Helena a Paride inter orgia Bacchica rapta apud Lycophr. 106, ubi v. Schol. ad 93. Etiam in fabulis, quæ Ἀθηναίων inscriptæ erant, qualis Sophoclis fuit, Thoantem patrem Hypsipyle inter orgia Bacchi incolumem abduxerat: narrat rem ornate Valer. Fl. I, 264 sqq. Et in insula Scyro Achilles inter feminas latitans deprehenditur ab Ulysse tripudiis inter orgia: v. Statius Achill. I, 593. 608. II, 152. Ne Prætidum sanationem per orgia institutam a Melampode commemorare apud Apollodor. II, 2. extr. Manifestum fit, e Tragicis profecisse poetam in loco præclaro inf. VII, de Amata, quæ Laviniam filiam Turno promissam nuptiis cum Ænea subducere volens: 385 *Quin etiam in silvas simulato numine Bacchi—Evolat, et natam frondosis montibus abdit, Quo thalamum eripiat Teucris tædasque moretur, Ecce Bacche! fremens; solum te virgine dignum Vociferans etc.*

EXCURSUS XI**

Tempora descensus Æneæ ad Elysium.

VI, 535—539. *Hac vice sermonum roseis Aurora quadrigis Jam medium ætherio cursu trajecerat axem: Et fors omne datum traherent per talia tempus; Sed comes admonuit, breuiterque affata Sibylla est; Nox ruit, Æneæ; nos flendo ducimus horas.* Obscura est in his temporis notatio; multoque magis, si superiora et totum rerum narratarum ordinem expendere. Scilicet difficultatem facit hoc, quod tempora descensus ac reditus ex inferis a poeta non diserte satis constituta sunt. Sumere licet duo: alterum, una eademque nocte hæc geri, alterum noctibus diversis; atqui, utrumcumque ponas, sunt, quæ parum convenient. Ex notionibus veterum satis constat, quidquid ad deos inferos, ad Manes, ad sacra magica, spectaret, *ad noctem* referri; die orto omnia hujus generis finire solent. Cum ortu solis Manes ad loca infera redeunt, v. c. sup. lib. V, 738. 739. 537. cf. ad VI, 255. Homericos versus compara Odyss. II, 220. Φ, 226. Ad communes itaque notiones etiam interpretatio est moderanda.

Ipse poeta temporum notas dedit has, sacrum fieri *noctu*: 253 *nocturnas inchoat aras*. Tum litatur, sacrum fit ratum, preces exaudiuntur, aditus ad loca infera patet: *primi sub lumina solis et ortus* 255—et confestim viam ingrediuntur Æneas et Sibylla *ante diem ortum*. Peragrata sunt loca inde a primo ingressu ad Plutonis regiam quæ prospicitur, et a læva Tartarus: tum interponitur 536 *Hac vice sermonum* (inter Æneam et Deiphobum) *roseis Aurora quadrigis Jam medium ætherio cursu trajecerat axem*. Itaque Sibylla affatur eos: *Nox ruit, Æneæ; nos flendo ducimus horas*.

Si verba poetæ interpretando sequeris, non nisi de *eadem illa nocte* accipi hæc possunt, *qua sacra, cum ipso descensu, facta sunt*. Exigunt hoc rationes grammaticæ. Aurora facit decursum suum quadrigis ab oriente evecta non alio modo quam Sol, qui eam subsequitur. Ergo ea *quadrigis roseis cursu ætherio trajicit cælum*. Nunc ea *trajecerat jam axem medium*: esse *axem* cælum, dubitari nequit; *medium axem* Romano more non præcise ad mediam cœli partem revocari, sed omnia dici

media, quæ sunt intra extremos fines, multis virorum doctorum notis ad multos auctores monitum est; intelligenda adeo poetæ verba erunt de die orto post diluculum jam depulsum. Et si subjungitur: *Nox ruit, Ænea*, hoc ex ipsa re, quod bona interpretatio postulat, erit accipiendum; verbis non severe exactis. *Nox abiit*, dies jam exortus est; etsi sensus facile unumquemque doceat, duriter hoc dictum esse. Ita sane grammaticæ expedita sunt omnia. Enimvero ita ad miraculum adducta res est, si, cum iter ingressi essent jam sub diluculi tempus: *primi sub lumina solis et ortus* v. 255, nunc *Aurora jam in cælum altius evecta*, intra tam breve temporis intervallum, inter diluculum et diei ortum certum et clarum, tantum viæ spatium fuit peractum.

Videamus nunc alteram rationem, ut non eadem nocte peracta esse omnia dicantur. Est ea a Cerda proposita, e qua alii petiere; peragi iter intra XXIV horas, sacrificium noctu inchoatum; statim inde sub ortum Solis iter initum, consumtum in eo *diem posterum cum nocte insequente usque ad alteram Auroram*. Verum nunc in versibus 535 sq. aut ad eosdem scopulos adhærescimus, ut iter, sub ortum solis initum, sole orto per tot loca jam continuatum sit; aut dicendum est, iter per totum diem insequentem jam continuatum esse usque ad alteram noctem: *Nox ruit, Ænea*. Habet hæc interpretatio primo eam statim difficultatem, quod communi veterum mori et opinioni repugnat, qua, quæ ad sacra magica et res inferas spectant, referuntur omnia ad noctem. Condonemus tamen hæc. *Aurora jam medium axem cursu trajecerat*, esto Aurora ipse dies, *Hæc*, eritque, jam *dies medius*: satis magnum nunc quidem itineri per loca infera datum est tempus *Æneæ*; verum nunc statim post diem medium *Nox ruit, Ænea*: h. e. advesperascit. Sane quidem *nox* quoque *ruere* dici potest: de quo nemo dubitet; sic sup. II, 250 *Vertitur interea cælum et ruit oceano nox*. VIII, 369 *Nox ruit, et fuscis tellurem amplectitur alis*. Ita etiam *dies oriens ruit* inf. X, 256. Verum *Sol* quoque *occidens ruit* (lib. III, 508) *et montes umbrantur opaci*; et de vere jam exacto Georg. I, 313 *cum ruit imbriferum ver, Spicea jam campis cum messis inhorruit* etc. *Ruunt* enim et ea, quæ imminet, et ea, quæ in exitu sunt. Itaque in versu Basilii (Anthol. Lat. Tom. II. p. 306) *noxque peracta fuit* viri docti ex Virgilio emendant *ruit*. Non male itaque Servius: "si per diem sacra celebrabantur, *ruit* est, imminet; si per noctem, finitur." In voce *Nox ruit* adeo non laboramus: constituendus est sensus e ceteris. Enimvero quam bene die medio *nox ruere* dicatur, videant alii.

Hac igitur via non magis expeditum vides iter, quam altera. Re-

stat itaque, ut fateamur, aut nos non satis commodam interpretandi poetæ rationem tenere, aut poetam sibi ipsi haud constare, aut poetam omnino temporum rationes haud curasse. Et ultimum hoc præstare ceteris videri dixi, nec certas temporum notas eum apponere voluisse. Ita nec infra in reditu ad superos certas temporis notas adjecit. Itaque de eo nec esse laborandum dixi; aut saltem licebit cuivis statuere pro sensu et ingenio suo.

EXCURSUS XII

De Salmoneo.

VI. 585—594. De Salmoneo consulendi Apollodorus et Hyginus. Etiam hæc fabula, dum a multis tractata est, a tenuibus initiis latiora deinceps incrementa accepit. Homerus quidem Odyss. A, 235 Salmoneum ἀμύμονα, *clarum*, simpliciter memorat, tanquam heroem. Celebratus ille fuit propter opes et natam inde magnificentiam et arrogantiam: uti Aloidæ vasti corporis robore ferocientes. Nunc ille ap. Hesiodum fuit: Σαλμωνεύς ἄδικος in fragm. ap. Schol. Pindari P. IV, 252. Nunc ille secundum nonnullos superbia elatus *quadrigis*, tanquam deus aliquis, *invectus* per Elidem honores divinos affectabat. Pro ferro prisca homines ære utebantur; itaque *currum* ejus *æreum* exhibuisse debet antiquus poeta. Solum ex ære factum subjecere alii. Equi χαλκόποδες, *æripedes*, vulgari poetarum usu frequentantur; iidem χαλκόκροτοι. Facile hæc poetas ad mythum deducere potuere; sapienter tamen substituit *æs et pulsum equorum*, ut prius ad currum referri possit. Cum æris strepitu *fulminis et tonitruum* imitationem affinxerunt alii; quod secutus et Virgilius. Aliter rem tractarunt alii. v. Apollodor. I, 9, 7. ubi *pelles induratas, βύρσας ἐξηραμμένας*, cum *lebetibus* ex curru suspensas per solum tractat. Pontem addidit Manilius V, 92 Salmoneus—*qui cælum imitatus in orbe, Pontibus impositis, missisque per æra quadrigis, Expressisse sonum mundi sibi visus, et ipsum Admovisse Jovem terris, male fulmina fingi Sensit, et immissos ignes super ipse secutus morte Jovem didicit.* Facit in his verss. molestiam: *in orbe*, quod dictum esse debet pro *in orbe terrarum*, *in terris*. Nec magis placet, *in urbe nova Salmonea*. Forte *orbem* dixit de machina ærea, quam Apollodorus memorat, *in orbis modum facta*, qua per æreum pontem tracta

fragor cœli reddebatur. Ita forte esset orbe pontibus imposito. Faces ardentes etiam Hygin. l. c. memorat, quas in populum mitteret, et cives. An excidit: et cives terreret? Jacobs in Animadverss. p. 203 conj. in cœlum, et nunc in Comment. in Antholog. Vol. II. P. II. p. 311. in populum: ad Tullii Gemini epigramma in Salmonei imaginem pictam fulmine percussam. Agnoscis luxurians poetarum veteres fabulas ornantium ingenium. Aliter ornatur fabula apud Servium ad h. l. Adde Diodor. in Exc. Virt. p. 546. Accessit tandem et illud, urbem Salmoneam ab eo conditam fulmine conflagrasse ap. Apollod. l. c. et Not. p. 146. Notabile tamen hoc, quod Virgilius maluit Salmoneum laudare, quam Remulum, Albanorum regem, similis impietatis reum. v. Victor O. G. R. 18 et ibi Not. Dionys. I, 71. Scilicet obscurioris hic erat nominis; et poeta fabulas melius laudat e Græca antiquitate, quam ex Romana: quippe quæ nec parem auctoritatem nec gratiam aut venustatem habent.

Ceterum divinis honoribus, quos imperatoribus adulandi studium detulit, obtrectare his versibus poetam *sine dubio* pronuntiat Jos. Wartonus. Infinitum esset, si similes Interpretum argutias enumerare vellem omnes; itaque prætermittere plerumque soleo. Sed, si semel ad hæc descendere velis, non tam hoc, quod a Maronis ætate adhuc alienum erat, quam potius illud monendum erat: vel ex hoc loco satis patere, divini honoris conferendi morem nihil commune habuisse cum opinionibus de divina natura, deorumque numine: quod vulgo putant. Civilis seu politica erat institutio, cum summis aliquem honoribus afficere vellent, quandoquidem ille summo inter mortales erat loco adeoque nihil, quod quidem humanum esset, addi poterat, nisi ut honorem modo ab heroum ordine modo a deorum loco et nomine ei peterent; nihil amplius ea re quæsitum. De hujus igitur honoris, qui nobis adeo insolens videtur esse, vi et significato nemo facile dubitare aut philosophicas et theologicas notiones cum eo honore conjungere potuit. Idem illi, qui honores divinos magnis viris vel potentibus deferebant, agnoverunt impietatem in eo, qui Jovi se assimilare vellet, ut in hac ipsa de Salmoneo fabula patet. Nec tamen inficiandum est, vulgus id passim credidisse, ratum viros magnos sublato in cœlum ad deos abiisse. Ita de Cæsare Sueton. Jul. 88 in deorum numerum relatus est non ore (vel honore) modo decernentium, sed et persuasione vulgi. Adde de Romulo Dionys. II, 56. Aliter censuit Agesilaus apud Plutarch. Apophthegm. Lac. p. 210 D.

EXCURSUS XIII

Animarum origines et fata.

VI, 724—751. Hic jam manifeste poeta veterum philosophorum, imprimis Pythagoreorum et Platoniorum doctrinam (Indoctum enim est commentum, quod ex Servio afferunt, ab Epicuro hæc esse petita. cf. Not. ad v. 265), sed suo ingenio et ad poetices naturam accommodata, exponit. Sed ne Maroni inferamus aliena, ante omnia ejus mentem exquiramus, quamquam id interpretatione maxime factum jam est.*

In vss. 724—727 *animam mundi* omnia permeantem describit; quam æthereæ et igneæ naturæ credidisse videtur (certe τὸ νοητὸν æthereo corpore tanquam vehiculo indutum alienum a Maronis mente est) cum Stoicorum parte; nam v. 730 subjicit: *Ignæus est illis vigor et cælestis origo* (Eadem opinio exposita in So. Scip. ap. Cicer. c. 3 *hisque animas datus est ex illis sempiternis ignibus, quæ sidera et stellas vocatis—quæ divinis animata mentibus etc.*). *Ductæ ex hac mundi anima vitæ animantium hominumque* v. 728. 729 (tanquam particulæ decerptæ: *divinæ particula auræ*; ut adeo per hanc ipsam ex divina natura emanasse videri debeant). *Ab hac origine animæ vitales* (multoque adeo magis animæ hominum ratione præditæ; quibus purioris ætheris pars inesse debet) *habent naturam ætheream* (conf. Ge. IV, 218 sqq., ubi idem dogma, sed aliter deflexum in illam sententiam, ut animæ corpore sejunctæ heroum, puta sapientum et bonorum virorum, tanquam ex hujus vitæ sanctitate jam satis puræ, in sidera ac cælum recipiantur; quæ jam Ægyptiorum fuit doctrina de puris animabus, secundum sollennia verba ex Euphanto apud Porphy. de Abstin. IV, 10; ea enim in hanc sententiam accipi debere probabiliter Jablonskium docuisse video Panth. p. 32 sqq.), *sed corporis contubernio æthereæ vis obtunditur ac debilitatur* v. 720. 722, *unde animorum perturbationes et cupiditates* v. 733. 734. *Vitiæ vero hæc a corporis contagio contracta animæ sese tam alte insinuant,*

* Disputatam est de his a Wyttenbach. in Diss. quæ fuerit veterum philosophorum doctrina de vita et statu animarum post mortem. 1787.

ut ne tum quidem, cum a corpore morte sejuncta est (et hoc genuinum Platonis dogma. v. Phædon p. 61 C. D.), ex anima excedant (nam illud poeta non attingit, quod jam in hac vita purgatio expleri, saltem inchoari, potest, cum per philosophiam tum per teletas) v. 735—738; *Itaque in inferis locis purgatione opus est, qua vitia ista* (animorum cupiditates et perturbationes, curæ, iræ, libidines) *eluantur et eximantur* 739. 740 (neque enim parti rationali plenam et perfectam felicitatem contingere posse videbant, nisi ab istis morbis ac vitiis liberatæ: cf. Brucker. T. I, p. 713—719). *Fit purgatio aere, aqua, igni* v. 740. 741. 742 et ibi v. Not. (nec definit poeta, qua in inferorum parte. Scilicet is Hades est, Ægyptiis jam olim *Amenthes*, v. Plutarch. de Is. et Osir. p. 362 D.; ubi interpretatio, esse eum τὸν λαβόντα καὶ ἐκδόντα, referenda videtur ad descensum animarum et reditum in nova corpora). *Purgatio porro subeunda est omnibus* v. 743. Nam, de heroum, philosophorum, et bonorum animabus quæ Plato addit, poeta tacet; nec adjicit, quid de iis fiat, quibus tam alte labe ista insidet, ut elui nequeat, qui tamen plures numero esse debent; scilicet hi jam ante in Tartarum erant detrusi. Hoc vero, si modo a poeta est, addit: a crassioribus sordibus liberati, ad Elysium mittuntur, sed *pauci*, ii scilicet, quibus inusta vitia elui possunt, *eo perveniunt*. 743. 744. *Absolvitur hic*, si poetæ versus hi sunt, *purgatio, animæque in pristinam puritatem æthereæ naturæ restituntur*. 745. 746. 747. *Post mille annos* (non definitur, purgationisne, an, ea peracta, mille annis inter Elysii delicias exactis) *animabus his omnibus* (748) *nova corpora sunt ingredienda; quod antequam fiat, Lethe bibenda est*, 748—751. qui amnis Elysii fines præterlabitur (705). Illud igitur non declarat poeta, si, post reditum hunc in corpora, iterum in inferna loca descenderint, iterumque purgatæ fuerint, semperne idem rerum orbis, eædem vices subeundæ sint, an, quod commune fuit Platoni (v. impr. Timæum; tum in Phædro p. 1222. Phædon. p. 84 D. de Rep. p. 761 D. E.) cum Ægyptiis et Pythagoreis placitum, etsi variis modis passim illustratum, animæ illæ post satis multas migrationes in corpora, et repetitas purgationes, tandem ita omni labe abstersa niteant, ut divinæ naturæ iterum assimulentur, in hanc revolvantur, dii seu dæmones fiant, saltem in eorum commercium admittantur; aut, ut alii exprimunt, in solem, in sidera, in cælum, in beatam sedem traducantur, h. e. ad animam mundi cognatam, tanquam ad fontem suum, redeant. Hoc idem Pindarus dixit Olymp. II, 123 sqq., post trinas migrationes eum, qui juste vixerit, in Elysium pervenire; aut, ut in fragmento ap. Plat. in Menone T. II, p. 81 Opp. est, inter heroes re-

ferri; quod idem Empedocles secutus erat, ut ex ejus fragmento intelligitur ap. Clement. Alex. Strom. IV, p. 633 Oxon.

Totum hunc locum non tam ex philosophis quam ex vulgaribus opinionibus esse concinnatum, contendebat Moshemius ad Cudworth. p. 1043 §. 9. Illud quidem satis liquere puto, ex vulgari vetustiorum theologia, ab Ægyptiis, ut probabile fit, primo petita, et symbolice, ut prisco ævo fieri necesse erat, expressa, Pythagoricorum Platoniorumque non minus quam mysteriorum Eleusiniorum placita de inferis esse ducta; nec tamen intelligo, quomodo *mille anni* et *Lethe pota* inter vulgi mythos referri possint, quæ quidem manifeste sunt Platonica commenta. Sed omnino vir ille summus, in subtilibus quæstionibus solvendis sagacissimus, poetarum interpretes erat parum idoneus, ut ex tota illa disputatione Homerica satis intelligas; item in quæstione de stigmatibus animorum (v. Not. ad v. 735—739). Hoc sibi omnino persuasum habeant, necesse est, vetustiores philosophiæ interpretes, fieri plane non posse, ut quicquam proficiant in antiquissimorum et eorum, qui eos sequuntur, philosophorum dogmatibus intelligendis et eruendis, nisi vim et rationem poeticam antiquissimam, mythica et symbolica eorum, quæ excogitaverant, ad sensum expositione et repræsentatione omnia enuntiantem, familiarem sibi reddiderint. Cum ea ætate sermonis nondum esset subtilitas ea, ut proprie efferre possent res intelligibiles, utque adeo ne cogitarent quidem sine symbolica aliqua repræsentatione, fieri aliter non poterat, quam ut mythicis involucris, non *arcana doctrinæ studio*, quod vanum est credere, sed necessitate coacti, philosophemata sua obscurarent. Habuit profecto ea res plurimum molestiæ et incommodi; accurate satis, subtiliter, et definite potuit vix tradi quicquam; verum, si ad intelligentiæ subtilitatem parum accommodata fuit illa ratio, tanto potentior et efficacior ea credenda est fuisse ad animos movendos, ad phantasmata præclara mentibus objicienda, ad voluntates tenendas et inclinandas, adeoque ad imbuenda religionis et pietatis sensu pectora. Ita enim attemperatæ sunt ab æterna et summa Mente res, ut in omni ætate et generis humani conditione, sive rudis ætas sit, seu magis magisque expolita, præsidia in promptu sint ad recte feliciterque agendum, modo a solo corporis animique sensu, modo ab intelligendi acriore et subtiliore vi, a rerum multarum cognitione, ab artibus et scientiis, profecta; utque cum his ipsis bonorum malorumque nova genera succedant, quibus animi et corpora exerceantur. Illa tamen antiquiora philosophemata accipere velle proprie et subtiliter et ad sequioris Græciæ usum, forte adeo ad nostri sermonis

genium; id vero est, Pythagoræ, Empedoclis, Heracliti, Platonis Manibus injuriam facere*.

Sæpe ad hanc cogitationem deductus est animus, cum in hoc libro interpretando Cudworthum, cum doctiss. commentatore, Bruckerumque inspicerem. Ita Cudworthus, qui, præter crassius, aliud tenuius corpus animæ indui a Platoniciis viderat, hoc interius aerium et spirituale corpus in Virgilium inferebat, ut crassius illud integumentum esset id, quod admissorum scelerum pœnas post mortem luat, purgata vero anima defluat, ut anima nunc corpus æthereum illud et αἰγιόειδὲς ostendet. Subtilitatem hanc recte retudit Moshemius, pag. 1031. 1045. At idem alia non minus subtiliter super εἰδῶλφ in inferis locis argutatur ad v. 292 h. l., dum corpus illud subtile et tenue, quod animæ manet implicitum, etiam a corpore sejunctæ, per *animum sentientem* interpretatur. Atqui apud poetas, multo magis apud Homerum, ultra corpus tenue, ex vetere et poetica ratione nihil est cogitandum, quoties εἰδῶλον, *umbram*, audias. Multo melius hæc Jortinus exposuit (*Sir Dissertations upon different Subjects* pag. 216 sqq.), qui nihil ipse ab initio statim ponit, sed annumeratis locis Homericis, quid inde efficiatur, docet. Animum incorporeum aut corpus, quod animis pro vehiculo sit, cogitare, eorum temporum hominumque inventum est, qui de animorum naturis jam ab aliquo inde tempore subtilius disputare, et ad majorem verborum subtilitatem orationem acuire didicerant. At veteres isti contenti erant, res ad sensum revocare, sensui oculorum et animorum subjicere, mythis pro dogmatibus uti. Multo minus, per sermonis, quo utebantur, rationem et naturam, in illam doctrinam incidere potuit vetere ævo quisquam, ut animum incorporeum cogitatione conciperet. Expeditior et facilius fuit via post ideas Platonicas illatas. Quandoquidem autem ii, qui post principes illos sapientes philosophati sunt, etiam cum subtiliore et sermone et cogitatione uterentur, tamen vel secundum antiquos illos vel adversus eos disputabant, mirum non est in Socratis sermone, in Platoniciis et reliquis libris philosophicis tot superesse poetici alicujus sermonis aut mythicæ vel allegoricæ narrationis pro demonstratione vel illustratione vestigia ac fragmenta†. Quod multo magis in loco de rebus inferis accidere debuit, cum a se-

* Meliorem viam ingressi sunt, qui post ista seculi LXX anno scripta veterem philosophiam subtilias exposuere, imprimis VV. CC. Meiners et Tiedeman.

† Ab hoc principio ubi profecta fuerit oratio, tum illa deduci tandem potest ad ea quoque, quæ Garnerius executus est (*Mémoires de Littérat.* Tom. XXXI, p. 164), cum ostendere vellet, quo consilio Plato fabula usus sit.

quioribus philosophis de sede, sorte ac conditione animorum post mortem, nihil subtilius, exploratius, ac disertius afferri posset. Rerum enim in alio orbe et vita futurarum speciem et conditionem nemo mortalium aliter constituere potuit aut potest, quam ex vitæ suæ notionibus rerumque conditione. Nec aliter a vatibus Hebræis de iis rebus actum est; nec aliter unquam agi poterit.

Exemplum hujus rei esse poterat ipse Plato in hoc de inferis rebus loco. Ter vel quater hunc sermonem instituit, diversis quidem modis, at ubique *mythum* se afferre profitetur. Mirationem sane hæc res facere poterat ac debebat. Non modo hoc ita fit in notissimo Phædonis loco p. 80 seqq. de mundo æthereo, bonorum sede, et, terræ voragine, Tartaro; ubi sub f. adjicit: "hæc ita se habere, nemo sanus asserat, tamen ut vel sic vel alio modo res se habitura sit cum nostris animis eorumque sedibus, cum illi immortales sint, hoc dignum et consentaneum est, ita sentire." Verum hoc idem præ se ferre videas philosophum, ut *mythos ac veteres fabulas* apponat, de Rep. X, sub f., ubi de animarum accessu ac discessu, ascensu ac descensu, præmiis ac pœnis decuplis, Eris Armenii fabulam afferre se fatetur; et in Gorgia sub fin. de tribus judicibus a Jove constitutis, deque animis nudis inspiciendis, veterem fabulam se memorare velle monet. Quo etiam mythus de animorum alis pertinet in Phædro p. 1123 Frf. Sic et in Axiocho sub f. ex Hyperboreorum tabulis in Delo servatis petita dicitur afferri narratio.

Etsi vero Virgilii animo Platonica placita insedissee supra haud negaverim, non tamen ille putandus est Platonis philosophiam nobis tanquam trutina appendisse aut annumerasse, ut adeo ad illam omnia revocari possint; verum miscuit ille Pythagorea Platoniciis, tum tenendum est, philosophemata illum cum dilectu et poetica lege tractasse, et ad vulgares opiniones et popularem philosophiam deflexisse, tum alia ex superstitione vulgari, cum qua convenisse videntur nonnulla in teletis, immiscuisse, quod poetam epicum facere fas erat. Eo purificationum modos, quos supplicia appellat, refero, v. 739—742, ubi v. Not. Eosdem in vasis pictis, Etrusca vulgò vocabant, expressos esse suspicio erat Gorii Mus. Etrusc. T. II, p. 148. 132 sqq. et Passerii Paralip. p. 139 Vas. Etrusc. T. I, p. 50. Aliter de his suppliciis disputatum a Platone in Gorgia p. 357 E., qui sedes doctrinæ est. Alia, admodum variata, occurrunt in scriptoribus post Virgilii tempora, quæ ad nos non spectant. In his est Plutarchus aliquot locis; imprimis in libello de sera num. vind. T. II, 564. ubi Thespesius aliquis Solensis,

qui jam mortuus in vitam redierat, somnia fabulose narrat: ad quem locum seniorum philosophorum commenta docte exposuit Wytttenbach. De millenario annorum numero v. Not. ad v. 748.

EXCURSUS XIV

Futurarum rerum prædictiones in epico carmine.

VI, 752 sqq. Ita fere hominum ingenium fert, ut futurarum rerum obscuritate multo magis moveantur, quam præsentis status perspicacitate et evidentia; uti ea, quæ præter naturæ morem fiunt, vulgus hominum multo magis percellunt, quam quæ ex præclaro naturæ ordine procedunt, qui tamen animis nostris multo clariores ac potentiores admirandæ et adorandæ divinæ naturæ ac providentiæ causas suppeditare poterat ac debebat. Sed cæcutire malumus in incertis quam in certis perspiciendis acquiescere. Itaque poetæ, qui humanæ naturæ morem et indolem in suos usus trahunt, rem viderunt esse accommodatissimam ad animos tenendos et delectandos, ut ex rerum gestarum memoria ea, quæ argumenti epici tempore essent seriora, per vaticinii modum intexerent; quo artificio ipsi tragici copias dramaticas amplificare non dedignati sunt. Ut enim taceam umbras evocatas, vatunque effata, vel oracula, quæ passim in tragicis occurrunt, Æschyli Prometheus vinctus Ius fata diserto et ornato vaticinio exponit; fata vero Trojæ resque post Trojam expugnatam doctissimo dramate Lycophronis Cassandra; majore utique cum vi, quam si eadem res jam gestæ et ad eventum perductæ narratæ essent. Sed epicæ narrationi variandæ et locupletandæ talis vaticinii expositio imprimis accommodata sit necesse est, cum ex futurarum rerum prædictione tantum voluptatis cum admiratione capiant mortales. Quo magis tale episodum optandum fuit Virgilio, cujus tota Æneis ex oraculis, somniis, et vaticiniis pendet.

Prædicendi autem res futuras modi non adeo multi sunt; nec enim, nisi a vatibus, aut a viso seu vigilantibus seu somniantibus, modo a demonibus seu geniiis, modo magicis hominum artibus, objecto, aut ab ipsa divina natura, proficisci posse videtur ulla futurarum rerum prædictio. Nullum ex his genus est, quod intactum a poetis relictum sit. Omnium primus Homerus evocandis Tiresiæ Manibus Ulyssis reditum et fata declaravit. Phinei vaticinio rerum successum Argonauticorum scri-

ptores exponunt omnes. Quam insigne *Maronis* inventum sit, recensu animarum in corpora transitarum substituto, mox videbimus. *Homericam* Manium evocationem retinere maluit *Silius* XIII, 400 sqq., qui tamen idem Jovem Veneri futuram Romanorum fortunam interpretantem inducit lib. III, 570 sqq. (Virgili fere exemplo *Æn.* I, 257 sqq.). Manibus *Tiresiæ* evocatis utitur *Statius* in *Theb.* IV, 406 sqq. *Lucanus* sagæ *Thessalæ* veneficio, in membra revocato spiritu cadaver animat et pugnæ *Pharsalicæ* eventum prænuntiat lib. VI, 750 sqq.

Nihil in his occurrit, quod magnopere mireris. In uno vel altero genere substituerunt veteres omnes. At recentiores poetæ epici, quorum incredibilis est numerus, varietati et novitati primo loco studendum esse arbitrati sunt. Itaque omnes rationes ac vias circumspeperunt, quibus futuræ res possent prædici, iisque exponendis carmina suavi episodio ornari. Cum vero rationes illæ ac modi sint pauci admodum numero, novique adeo inventi laus non omnibus esset parata, plerisque in ornamentis et pigmentis opera fuit consumenda. Itaque in varietate quamvis magna, si plures contuleris, tædium tamen facit idem ubique revertens rerum ordo, eadem phantasmatum species, et in rerum parum probabilium et absurdarum operosa conquisitione confessa ingeniorum infecunditas.

Ea quidem carmina, quibus ex prisca *re equestri* petatum est argumentum, qualia *Itolorum* imprimis sunt et *Britannorum*, communes fere inter se futurarum rerum exponendarum habent rationes; nam, dum *magorum* et *dæmonum* partes in iis tam præcipuæ sunt, facile per eorum ministeria etiam hæc carminis pars expeditur. Eadem argumenti indoles magnam comminiscendi licentiam affert, ut adeo insolentia etiam et absurda rerum miracula tamen, quomodo improbes, non habeas: nam in isto rerum genere ea probabilitate sua non destituuntur. Simplicissima et *Spenceri* (*Fairy Queen* Cant. III, VI, XXV sqq.) ratio; exponitur *Britomarti* puellæ a *Merlino* mago ac vate non modo amoris successus, verum etiam domus et posteritatis fortuna; et *Ariosti* (*Orlando furioso* Canto III); nam casu ad *Merlini* sepulcrum et sarcophagum delata *Bradamantis* partim ex *Merlini* ore, partim *Melissæ* magæ arte evocatis umbris, stirpis *Atestinæ* ex se et *Rogero* originis seriem cognoscit. Apud *Tassum* (*Gierusal. liber.* Cant. XVII, LXVI sqq.) *Rinaldo* progenies fortunaque domus *Atestinæ* clipeo insculpta ab eremita exhibetur; quæ adumbrata forte sunt ex *Æneæ* clipeo lib. VIII *Æn.* Nec multum abludit *Ariosti* alio in loco (*Orlando furioso* Cant. XXXIII) ratio, nam bella a Gallis in Italia gerenda in

pariete Merlini arte magica depicta Bradamantis heroina adspicit; ejusdem Merlini arte in Fontis marmorei sculptura (Canto XXVI, XXX) Francisci I, Galliarum Regis, in Italiam expeditio efficta est; et alio loco (sub f. Cant. XXXIV, et Cant. XXXV), dum Parcarum manibus tractata vellera in Lethen sparguntur, de Hippolyto Atestino prædictio satis ingeniose subjungitur. *Trissinus* (*Italia liberata da Goti*) etiam binis locis historias sequentium temporum intexuit carmini; primum (lib. IX) Belisarius eremitam in Monte Casinensi adit, a quo speluncæ inclusus novo visi genere in collem rapi sibi videtur, in quo utrimque speculum sole majus, a læva res præteritas, a dextra futuras, oculis subjicit; Angêlo Herminio ac patris umbra interpretibus. Exornata sunt omnia per *personas symbolicas*; quarum studium summum erat sæculis superioribus, imprimis inter Italos, Platonicæ philosophiæ amore et Dantis exemplo. Itaque sub vitæ futuræ ingressum Error, Ignorantia, Veritas, Ratio, aliæque multæ Virtutes et Vitia, Bona et Mala, excubant. Ad res præteritas aditum faciunt tres portæ, quarum unam Cadmi filii tenent cum Poesi et Historia, alteram Fabula, tertiam Sculptura et Pictura. Ad res futuras autem patent portæ sex, quas custodiunt Prophetia, Somnium, Mania, Astrologia, Necromantia et Sortes. Alio loco (ib. XXIV) Narses dum Nursiæ moratur, quæ in Sabinis fuit, nunc Ducatus Spoletani urbs est, Sibyllam adit. Est vero in vicinis urbis locis inter Montis Victoris juga Lacus Sibyllæ dictus cum specu. Viam, quæ ad Sibyllam ducit, ornavit poeta symbolica vitæ humanæ repræsentatione secundum planetarum circulos et signorum coelestium XII rationem. Habitat Sibylla sub Capricorno et Aquario; in ejus palatio plures sunt æci seu cœnacula satis spatiosa; quorum parietes depictas exhibent res futuras per periodum nongentorum et sexaginta annorum certis rationibus astrologicis exactam; succedentibus novis figuris prioribus, quæ jam eventum rerum habuerant.

Cum Itatorum vetustiorum inventis figmenta, quæ in epicis poetis Hispanis et Lusitanis occurrunt, admodum conspirare, ex Cervante (in *Don Quixote*) suspicari licuit, et vero etiam a Diezio, viro doctissimo et amicissimo, accepi. Inter alios nobilissimi e recentioribus Lusitanis poetæ, *Comitis de Ericeira*, in *Henriqueide*, qua Regni Lusitani per Henricum primum Comitem Lusitaniæ exordia exponuntur, episodium meo rogatu interpretatus est, quod lib. I et II continetur: Henricus ingressus antrum fatidicum, cujus aditum obsident monstra ad visum et auditum horrenda, prospicit vestibulum templi seu pa-

latii, cujus porta variis hieroglyphis et emblematis exculpta est, quorum argumentum faciunt res futuræ. Interiora ædis exornant primum statuæ ex ære XXIV regum, qui in Lusitanis regnaturi sunt, usque ad Joannem quintum, subjecto cuique titulo et carmine, tum aliarum statuarum magnus numerus, tabulæ pictæ aliaque multa, quibus regum Lusitanorum futura soboles, viri illustres, et facta præclara representantur. Sub egressum ex spelunca in Sibyllam incidit Henricus, quæ, ubi preces eum facere jussit, tripodi aureo insidens, tribus voluminibus, quæ scilicet ex novem Tarquinio olim oblati supererant, explicitis, lyraque triangulari tacta, suos casus narrat, tum res exponit deinceps a Lusitanis gerendas, Indiam imprimis utramque navigatione patefaciendam. Sub discessum tria talenta a Tarquinio olim pro libris accepta Henrico in manus tradit, ut inde B. Virgini sacram ædem extruat.

Nec minus mirum et a solita rerum natura recedens est *Camoësi* inventum. Nam Vasco da Gama (*Cant. X*) a Thetide in altum montem evectus omnia terrarum regna, imprimis Indiæ, in globo descripta prospicit, et Lusitanorum fata a dea monitus addiscit. Idem paullo ante (*Cant. V*) ex Adamastore, genio Promontorium Bonæ Spei obsidente calamitates navigationis audierat, et Cantu II ad Virgilii exemplum *Æn. I*, 223 seqq. Jupiter Veneri Lusitanorum res secundas prædixerat.

Quod primo loco e *Camoësi* narravi, commentum comparari aliquo modo potest cum *Milioni* notissimo episodio (lib. XI), etsi hoc ad probabiliorē rationem attemperatum est. Deductus in clivum a Michaelē Adamus prospectum habet orbis terrarum et a comite rerum futurarum expositionem discit. Vestigiis ejus satis obsequiose institit *Noachidis* auctor.

A magicis præstigiis et incantamentis retraxit et ad veterum vestigia legenda revocavit alios ipsa argumenti, in quo versabantur, interdum temporum quoque et hominum, inter quos vivebant, natura. Hi fere ad *visa* ac *somnia* delapsi sunt, quibus futuros casus prædictos exhiberent; aut *Palatium Fatorum* commenti sunt, rem ad exornandum satis obviam. Intra idem commune multorum inventum substitit auctor *Henriadis*. Nam emota a S. Ludovico mente Henricus abreptus peragrat cælum ac sidera, regiam dei, Tartarum et Elysium, tandem, ubi ad Fatorum palatium pervenit, eorum, qui nascentur, simulacra et *εἰδωλα* dispicit; omnia tractata sunt arte satis vulgari, et argutius multo repetita in Aurelianensi puella; nisi quod præclarus locus sequitur,

ubi Henrici posteritatem enarrare orditur. Inventi novitatem ut in reliquis carminis partibus ita et in hac desideres in Columbiade (*Colombiade de Mme de Boccage* Chant IX). Zamæ anima ad Columbium de cælo delapsa non modo futuros Columbi casus sed totius Europæ fata satis ab argumento aliena exponit. Puella *Aurelianensis Capellani* non minus laborat in eo episodio (Lib. VIII), quo in antro Marculphi eremitæ, per visum precibus et novendiali sacro efflagitatum, Regi Carolo cum sociis futura fata angeli voce enarrantur. Miris modis Veritatis seu Fatorum verius Templum descripsit explosus a plerisque poeta Gallus (*Desmarts Clovis* Chant IV). Clotildis a S. Virgine eo deducta in crystallinis parietibus futura diserte satis cognoscit. Necromantia uti bonus *Ronsardus* (in *Franciade* Liv. IV) non refugit; et ad Siliî fere exemplum Alarico, dum per ea loca copias ducit, antrum Cumanum ingresso Sibylla in conspectum prodiens futura fata aperit (*Alaric ou Rome vaincue* Liv. X).

Est *Melita*, carmen epicum, auctore Gallo (*Privat de Fontanilles, Malthe, ou L' Isle-Adam* etc. Par. 1749), qui sibi egregie in eo placet, quod in Pandæmonio aliquo Equitum Rhodiorum fata a Satana aperiantur, qui Insuladamum se arbitrum orationis habere ignorat. Neminem tamen vidi inter Gallos ingenio magis luxuriante, quam, quem nunc commemorabo (*Le Moine, S. Louis, ou la Ste Couronne reconquise*). Apud hunc primo (lib. IV) Necromantes Ægyptius Manes evocat, ut Sultano prædicant belli exitum; quod vero in eo novitate sua placet, est, quod circa Memphim ad Pyramides et inter Regum sepulcra ista sacra parantur, tum (lib. VIII) S. Ludovico visum objicitur, quo in cælum abreptus munitiones cœlestes, non male versibus aliquot descriptas, intrat, per plures sphæras ac cælum crystallinum tandem ad sedem beatam pervenit, cujus (secundum Dantis exemplum) diversa septa sunt; primo infantes, altero viri sancti, tertio heroes belli pacisque artibus et generosiore aliqua virtute insignes versantur. Subter dei throno vox exit, quæ Ludovici fata præmonet; alia ejus fata throno insculpta sunt, qui eum aliquando in cælo excepturus est; tandem posteritatis series ac fortuna in lumine, intra caliginem explicito, elucet.

An poeta aliquis Platonis *idéav* et exemplar rerum æternum ad futura adumbranda adhibuerit, ignoro; nec hoc nunc succurrit, num præter Messiadis auctorem alius poeta propheticas et mysticas futuræ vitæ repræsentationes in suum carmen intulerit, aut æones et alia in certis Christianorum libris ac sectis ad hanc rem obvia ad poeticum

ornatum abhibuerit; nam ita aberrare nolim quenquam, ut pro doctrinarum placitis hæc aut similia nobis impertiat; quid? quod nec memini, cuiquam in mentem venire conatum, ut Apocalypsin Joannis carmine latino, aut alio, redderet. Brachmanum quoque et Indorum somnia, etsi vana et absurda, multa tamen habent, quibus magnus aliquis poeta egregie uti possit.

Sed video me paullo longius processisse. Revocanda igitur disputatio in viam. Scilicet si commenta hæc omnia cum Virgiliana ratione compares, hanc facile omnium felicissimam esse deprehendas. Transmigratione animarum in nova corpora semel posita, quid opportunius, quam earum ante ingressum in vitam novam recens; sed recens hic sub Lethen jamjam potandam, vel inter potandam; et posteritatis tam claræ; et factus a progenitore stirpis; et expositus filio ac stirpis ejusdem auctori; et vulgari de Julia gente opinioni consentaneus Augustoque adeo populoque Romano tam commendabilis; descensu quoque ad inferos facto in loco tam accommodato ex vulgari opinione de Averno; omnia tam præclare conspirant ad probabilem aliquam rerum rationem, ut, quid in ceteris poetis cum hoc comparandum esse putem, habeam nihil. Virgilio sane omnino major laus inventa aliorum ornandi quam nova excogitandi convenit; inventis tamen alienis tam solerter interdum usus est, ut æqualem cum primo inventore laudem mereatur. Inter hæc ponemus descensum Æneæ ad inferos. Homerum haud dubie ante oculos habuit; at ab Homericâ Necyia quantus artis et ingenii progressus ad Æneidis librum sextum!

EXCURSUS XV

Portæ Somni.

VI, 894. *Sunt geminæ Somni portæ* etc. Cum non facile eadem via, qua ad inferos deduxerat, reducere Æneam poeta posset, ingeniose satis exitum reperit per *portas Somni*, hoc est, *Somniorum* in noto loco Homeri Odyss. T, 562 sqq. Penelope ibi somnia admodum diversæ naturæ esse pronuntiat, alia vera exire per *portam corneam*, alia falsa per *eburneam*: Δοιαὶ γάρ τε πύλαι ἀμενηνῶν (levium) εἰσιν ὀνείρων. Αἱ μὲν γὰρ κεράεσσι τετεύχεται, αἱ δ' ἐλέφαντι. Τῶν οἱ μὲν κ' ἔλθωσι διὰ πριστοῦ ἐλέφαντος (per fores ex sectili ebore factas), οἱ δ' ἐλεφαίρονται

ἔπε' (*res*; male reddunt *verba*, ut innumeris Homeri locis) ἀκράαντα φέροντες (ita declaratur, quid sint *falsa somnia*): Οἱ δὲ διὰ ξεστῶν κερῶν (h. e. fores ex sectili cornu factas) ἔλθωσι θύραζε, Οἱ ῥ' ἔτυμα κραινονσι (h. e. ferunt, nuntiant *res*, quæ vere eventum erunt habituræ) βροτῶν ὅτε κέν τις ἴδῃται. Phantasma hoc *forium eburnearum* et *cornearum* ductum haud dubie ex prisca vita et hominum sermone per rerum adumbrationes explicato, quò etiam sapientibus erat utendum, ut symbolicis rerum assimulationibus animorum sensa exponerent, rerum similitudine aliqua vel animadversa vel excogitata. In eadem illa prisca vita eboris et cornu usus erat celebrior quam sequentibus temporibus; itaque fores quoque ebore vel cornu induebant. De ratione ejusdem eboris et cornu ad portas Somni translati varia sunt veterum et recentiorum interpretum ad Homericum et Virgilianum locum somnia. Verisimilior ex iis forte interpretatio est hæc, (apposita quoque a Macrobio ad So. Sc. I, 3.) *quod ebur, etsi candore suo lucem promittit, tamen non transmittit visum adeoque fallit, cornu contra pellucidum est.* Nolo enim suspicioni locum dare, in quam, fateor, incidi, totum hoc commentum peti- tum esse a lusu verborum: sunt Ὀνειροί, quorum est τὸ ἐλεφαίρεσθαι, itaque veniunt διὰ ἐλέφαντος; alii sunt, qui κραινοῦσι, iique veniunt διὰ κερῶν.

Usus est his *Somniorum portis* Virgilius ad dimittendum ex inferis heroem suum, quatenus Somniis in iisdem inferis locis sedes sua assignata est. vid. Not. ad h. v. et supra ad 282. Quod inventum, si ex animi sententia dicendum est, omnino parum felix et idoneum esse videtur, cum ne ad mythicam quidem veri probabilitatem quidquam in eo sit, ut Æneas cum Sibylla eadem via exeat ex inferis, qua Somnia evolant. Felicius Ovidius Met. XIV, 120, ubi h. l. expressit, Æneam aversa porta redeuntem prodidit: *Inde ferens lassos averso cardine gressus.* Ferrem tamen, si satis habuisset, per Somni portas emittere. Enimvero, dum exornavit commentum suum, ea adjecit, quibus sua vineta ipse cecidisse dicendus est. Postquam enim eburnea porta falsa exire somnia dixit, subjicit: Æneam cum Sibylla ab Anchise eadem porta eburnea esse emissum; quo necessario in eam sententiam adducere debet lectorem, quam jam a Servio expositam videas: *velle eum intelligi, falsa esse omnia quæ dixit.* Neque aliter accepisse videtur Ausonius, quantum ex imitatione intelligo *Cupid. cruci aff.* 99 sqq. Quæ si poetæ mens fuit, nihil unquam a quopiam poeta magis sinistram profectum esse arbitror, cum omnis ex præstantissimo episodio percepta voluptas hoc uno versu perimatur et juguletur. Nec quicquam excogitari po-

terat absurdius. Quorsum enim pertinere potest, nos moneri, hæc, quæ adhuc tam egregie fuerant exposita, popularibus opinionibus ad philosophicas rationes attemperatis, omnia ea esse inania somnia, quibus lectoris hiantis animo illudere voluerit?

Nec tamen defuere, qui, cum consilium hoc poetæ propositum fuisse putarent, eum non modo defenderent et interpretarentur, inter quos nemo ingeniosior Aurato in elegis ad Guellium, verum adeo laudarent et egregie commendarent, quippe qui tam perspicacis animi fuerit, ut Manes et Orcum fabulas esse videret. Alii vulgarem de poetæ studio philosophiæ Epicuræ opinionem in partes vocarunt, ut post alios vir alioqui sagacissimus, Jortinus Diss. VI, p. 305 sqq. Nolo in refellendis aliis otium consumere; sed tota ista opinio Grammaticorum commentum est inane et fundamento idoneo destituitur. vid. Argument. Ecl. VI. Si poeta Ge. II, 490 sq. versus ex Lucretio adumbravit, non propterea Epicuri sectæ adscriptus haberi potest. Exordium autem Ciris v. 3 nullam habet probandi vim et auctoritatem.

Warburtonus, Vir ingeniosissimus, in Diss. supra laudata ex hypothesi sua de mysteriis Eleusiniis a poeta expressis rem non male expedire videri poterat, cum initiatos, post ista rerum inferarum mythica spectacula, porta emissos esse asseveraret affabre efficta adeoque *eburna*; sed unde istud probari possit, monere insuper habuit.

Multis aliorum auctorum locis hæ eadem Somni portæ memorantur; quippe quæ in proverbii tandem formam abierunt, præeunte Platone in Charmide pag. 475 E; nec tamen in iis locis quicquam animadvertere potui, quod ad poetam illustrandum lucis aliquid afferret. vid. congesta ad Propert. IV, 7, 87, ubi *pia portæ*, h. e. quæ *pia* somnia veniunt, nullæ aliæ sunt quam corneæ. Ausonius in Cupid. crucif. sub f., loco jam laudato, et in Ephemer. sub f. vulgatam interpretationem secutus videri potest. Nec Statius quicquam juvat lib. V Silv. 3, 289, ubi, ut Umbra patris ex inferis redeat, precatur: *Inde tamen venias, melior qua porta malignum Vincit ebur, somnique in imagine monstra, Quæ solitus.* Coluth. 311 Nox—*ῥοιὰς δὲ πύλας ὤϊξεν ὀνείρων*, Τὴν μὲν ἀληθείης, κεράων δ' ἀπελάμπετο κόσμῳ. "Ἐνθεν ἀναδρώσκουσι θεῶν νημερτέες ὀμφαί. Τὴν δ' ἐλεφαντίνην, κενεῶν θρέπτειραν ὀνείρων" quæ ex Homericis expressa sunt. At ipse Homerus alio loco etiam obscurasse rem videri potest, ubi Odyss. Δ, 809 Penelope dormire narratur in *Somniorum portis*: ἡδὲ μάλα κνώσσουσ' ἐν ὀνειρείησι πύλῃσι. Forte ita hoc expedias: porta *Somniorum* dicta pro domo, sede, *Somniorum*; in qua quis *versari* dici potest, qui somniat. Dormire igitur illa in media So-

mniorum domo dicta, ut nos aliquem in Somni regiam abreptum diceremus.

Nolim equidem poetæ causam defendendam suscipere; hoc tamen mihi sic satis intelligere videor, acumen illud, quod Virgilio nimis liberaliter de suo tribuunt viri docti, ut callide monere voluerit, ista omnia de inferis narrata pro somniis et fabulis se habere, ab eo esse alienissimum. Nec in verbis quicquam est, quod eo nos adducat, nec in sententiis nec in poetæ consilio. Sed ipsa res deduxit eum in talem locum, unde pedem referre non tam facile erat. Educendus erat Æneas ex locis inferis per aliam portam, quam qua subierat. Incidit poeta in portas Somni. Jam eæ duplices sunt, altera, per quam *veris umbris* exitus datur; per hanc Æneas et Sibylla, quæ non erant *veræ umbræ*, emitti nequibant; restabat itaque, ut per alteram portam dimitterentur. Atque hoc poeta posuit, aut parum memor, quid inde sequeretur, si eadem illi porta cum Somniis vanis et falsis educerentur, aut fuit hoc inter ea, quæ Maro emendaturus erat, si licuisset,* aut, quod ponere malim, poetam tenuisse Aristoteleam *λύσιν τοῦ προβλήματος* (de Poetica c. 25) esse hoc inter *ἀμαρτίας κατὰ συμβεβηκός*, h. e. non ad artem poetæ et carminis œconomiam hoc spectare; sed reprehensionem peti a re et cōgitatione, et cum aliis rebus comparatione, quæ *extra carminis argumentum* posita sit.


Non quidem aliquis in numero habere potest ea, quæ Maronis, dum hæc scriberet, animo sunt obversata; hoc tamen summis nonnunquam ingeniis evenire solet, ut, cum semel se laqueis certis induerint, et caliginem sibi offundi passi sint, ita cæcutiant (interdum *ὄλας κολοκύντας λημῶν* dixeris cum Comico), ut etiam id, quod aliis minus acutis aut ingeniosis in oculos incurrat, animadvertere nequeant: qua quidem re vanitati horum hominum tanquam alæ addi solent, quibus illi evolantes summa ingenia infra se posita et humi repentina despectui habeant. Quidni enim poeta Æneam educebat *eadem porta, qua puræ animæ in corpora nova sunt exituræ*? Cujus portæ omnino nulla facta est mentio. Atqui Plato ea in re figmentis suis præire poterat. Aut si duas portas commemorasse opus erat, quidni illas *piorum vel impiorum* Manium exitui destinabat; fere ut *pia et impia somnia*, h. e. umbras, memorat Propert. IV, 7, 87 sqq. Ita quoque Valer. Fl. I, 833 sq. duas portas Orci facit, quarum una vulgus animarum, altera pii, ad inferos


* Hoc aut simile quid obversatum esse video animo elegantissimi Britanni, qui nuper Warburtoni sententiam excussit (*Critical Obs. on the Sixth Book of the Æneid*, p. 55).

descendunt. Homeri quoque duæ portæ in Nympharum antro *Odyss.* N, 109 sqq., altera ad boream versa, et hominibus frequentata, altera ad austrum, et diis tantum adeunda, novas rerum imagines subjicere potuisse videntur. Sed satis de his, ne et ipsi ὅναρ δι' Ἀλέφαντος ἐλα-
λυθὸς narrare videamur.*

* Paulo licentius me mihi in Excursibus hujus libri induluisse et nonnulla luxuriantias persecutum esse, lubens agnosco ejusque rei veniam ab æquo lectore postulo. Mirifice me, et quem non alium? inde a puero detinere disputationes illæ veterum de rebus inferis, et opiniones de iis, quæ post mortem obventura sunt.











625 DEC 6

THE UNIVERSITY OF MICHIGAN

DATE DUE

~~JUL 28 1982~~
~~AUG 21 1982~~

AUG 3 1982

~~SEP 13 1985~~
~~AUG 08 1986~~



16 1925

UNIV. OF MICH.
LIBRARY

3 9015 00878 8583



**DO NOT REMOVE
OR
MUTILATE CARD**

